




BLIOTHEEK GENT



183553

Google



141F'6

(11.1)

J. Van Der Meulen

HOMO APOSTOLICUS

INSTRUCTUS

IN SUA VOCATIONE AD AUDIENDAS CONFESSIONES

SIVE

PRAXIS ET INSTRUCTIO CONFESSARIORUM

auctore

S. ALPHONSO M. DE LIGORIO

CUM NOTABILIORIBUS DOCTRINIS

SUPER OMNIBUS TRACTATIBUS THEOLOGIAE MORALIS

ERUTIS ET IN COMPENDIUM REDACTIS EX ALIO OPERE EIUSDEM AUCTORIS

IN QUO UBERIORI CALAMO QAESTIONES MORALES FUSIUS EXPOSITAE

INVENIUNTUR

ADSUNT IN FINE OPERIS APPENDICES PERUTILES

NEC NON INDEX ALPHABETICUS

RERUM NOTABILIUM TOTIUS OPERIS NON PARUM LOCUPLETATUS


ET IN MELIOREM ORDINEM REDACTUS ETC.

Editio emendatissima

AUGUSTAE TAURINORUM
EX TYPIS HYACINTHI MARIETTI

1870

Cavenda est Conscientia nimis larga, et nimis stricta; nam prima generat praesumptionem, secunda desperationem. Prima saepe salvat damnandum; secunda contra damnat salvandum. *S. Bonaventura Comm. Theol. verit. lib. 2. cap. 32. num. 1.*



FINIS AUCTORIS

OMNINO LEGENDUS PRO OPERIS INTELLIGENTIA

Iuvat hic praemittere notitiam quamdam finis, et summae huiusce Operis. •Iam ego Neapolitanis typis edideram aliud grandius opus Theologiae Moralis, quod postea Venetiis typis remondinianis tribus tomis in folio cum aliquibus meis additamentis saepe est recusum, et nuper etiam novis accessionibus meis locupletatum iterum prodiit, quodque in multis Europae partibus non sine plausu est exceptum. In eo Opere conficiendū quindecim annorum labores perpassus sum percurrendo, et ponderandū doctrinas plurimorum quos lustravi; quorum aliquos plus iusto benignos inveni, quippe qui falso ducti zelo expediendae salutis animarum, nimium libertati indulserunt, non sine divinarum ecclesiasticarumque legum praeiudicio; alios vero inveni qui tantam condescendentiam abominantes, inciderunt in aliud extremum excessivi cuiusdam rigoris. Hic meus maximus labor fuit, seligere scilicet ex tantarum opinionum congerie sententias illas, quae ex parte una debitum Divinis et Ecclesiae praeceptis obsequium servarent, et ex alia non adderent onera quae a Deo non sunt imposita, obstringendo unumquemque ad perfectionem illam, quae secundum humanam imbecillitatem communi fidelium est moraliter impossibilis. Hinc ego, theologorum partim lectione edoctus, quos passione quacumque spoliatus legere studui; partim experientia triginta annorum confessionum, et missionum; praefatum Opus composui ad instructionem iuvenum nostrae congregationis. Sed quia opus illud utpote voluminosius atque diffusius non ita facile legi, aut a multis poterat comparari; ideo cogitavi (addito mihi insuper stimulo complurium id desiderantium) in lucem edere praesens Opusculum. In hoc praecipuus meus finis fuit, publici iuris facere instructionem quamdam practicam ad bene Poenitentiae Sacramentum administrandum: et quia in praxi numquam rite confessiones excipi possunt, neque, ut par est, animarum directio teneri, nisi habeatur notitia principiorum, doctrinarum, et quaestionum principaliorum rei moralis; ideo operam dedi, ut brevi et facili stylo exponerem hic omne id

quod pertinet ad sufficientem non minus quam necessariam instructionem cuiusvis confessarii; adnotando in suis peculiaribus locis canonum, bullarum pontificiarum, atque etiam Ss. Congregationum definitiones, quarum modica nimis et otitia ex aliis libris habetur. Opus in compendium redegit, ut minori sumtu posset comparari, et ut facilius legeretur. Quoad ordinem (*), in primo tomo agitur de Praeceptis Decalogi, et Ecclesiae. In secundo de Sacramentis, et Censuris. In tertio de Privilegiis, et in ipsis de facultatibus quas habent episcopi et praelati regulares quoad absolutionem a casibus et censuris reservatis. Inde agitur quomodo practice gerere se debeat confessarius cum peccatoribus in occasione proxima existentibus, vel cum habituais et recidivis; et quomodo cum diversis personarum generibus, scilicet rudibus pueris, surdis, mutis, ad mortem damnatis, obsessis, puellis, aliisque mulieribus. Tandem quatuor additae sunt Appendices. In *Prima* adest instructio ad dirigendas Animas devotas ad perfectionem cum exercitio meditationis, et mortificationum, frequentiae Sacramentorum, et praecipue Communionis. Ibi etiam sermo erit de Oratione supernaturali, et peculiariter de singulis gradibus contemplationis; et de modo dirigendi animas, quas Deus evehit ad huiusmodi gratias extraordinarias secundum varios in quibus inveniuntur status. In *Secunda* Appendice adest Praxis assistendi Morientibus, cum advertentiis opportunis ad Sacerdotes assistentes quoad remedia contra tentationes, circa ultima Sacramenta, et circa affectus qui suggerendi sunt Morientibus tempore infirmitatis, et agoniae, cum notitia signorum proximae mortis. In *Tertia* Appendice adest Examen Ordinandorum, in quo instruitur Ordinandus circa Sacramenta in genere, et praecipue circa Sacramentum Ordinis in genere et in specie cuiuscumque Ordinis. Ibidem agitur de Voto Castitatis, de horis Canonicis, et de Censuris in genere, et in specie, quantum necesse est pro Ordinandis; et tandem de Sacrificio Missae, et de Potestate, et Officio Sacerdotis. In *Quarta* demum Appendice sunt quaedam valde utilia monita pro Confessariis et Parochis cum instructione practica Orationis Mentalis. In hoc opusculo non solum adest (licet breviter) omne id quod in praefata Theologia continetur: sed insuper addita sunt plura alia, quae in opere prius edito non inveniuntur. Omne ad gloriam Iesu et Mariae.

(*) Hic auctor loquitur de ordine editionis a se adornatae. In nostra haec omnia hoc uno volumine continentur.

HOMO APOSTOLICUS

INTRODUCTIO

Non mediocri profecto in coelis donabuntur praemio, et certam sibi aeternam suam operabuntur salutem confessarii partes suas bene gerentes, qui operam ad peccatorum salutem impendunt. Nos Iacobus apostolus his perspicuis verbis certos facit: *Qui converti fecerit peccatorem ab errore viae suae, salvabit animam eius* (nempe suam ipsius convertentis, ut loquitur textus graecus) *a morte, et operiet multitudinem peccatorum.* Ep. cap. 5. v. 20. Sed ingemiscit Mater Ecclesia tot filiorum suorum perditionem malorum confessariorum culpa; in eorum enim bona aut mala agendi ratione potissimum populorum salus aut perniciēs sita sunt. *Dentur idonei confessarii* (aiebat s. Pius V.), *ecce omnium christianorum plena reformatio.* Pro certo igitur habendum est, quod si in omnibus confessariis ea scientia, et ea morum integritas reperiretur, quam tantum ministerium exposcit, non esset tot peccatorum sordibus mundus ita contaminatus, nec infernus adeo in dies animabus repleretur. Pro bonitate autem non hic expostulatur illa habitualis tantum, quae simpliciter homo in statu gratiae constituitur, sed positiva, nempe quae per virtutum exercitium comparatur, sicut poenitentiae ministrum decet; qui duplicis alimentum opus habet: uno, ut vitam suam sustentet, altero, ut prolem nutriet. Etenim confessarius aliorum conscientias dirigere debet, quin aut nimia indulgentia, aut im-

moderato rigore erret: tot vulnera sibi attractanda sunt, quin se inquinet: cum mulieribus et adolescentulis versandum sibi erit, lapsus eorum in confessionibus maxime pudendos auscultando, quin nec minimum capiat sibi detrimenti: fortitudine cum hominibus praeclaris utendum erit, quin cuiusvis respectu moveatur. Denique totus caritatem, mansuetudinem, et prudentiam redolere debet. Itaque, ut has omnes adimpleat partes, non vulgari opus est probitate, ad quam nemo attinget, si, quotidiana meditatione coadiuvante, in oratione versatus non sit: aliter carebit luce et gratiis huic muneri rite exercendo necessariis, quod (ut dici solet) humeris angelicis etiam formidandum esset.

Praeter morum probitatem, confessarius, cum ipse sit conscientiarum index, tenetur etiam, ut supra attigimus, scientia ad recte iudicandum esse praeditus. Propterea non tantum ea ad meram praxim spectantia, sed etiam animadversiones notabiliores, et scitu magis necessarias super praecipuis Moralis tractatibus, in hoc brevi opere colligenda duxi; definitiones, principia, textus tum civiles, tum canonicos, item sanctiones pontificum, et sacr. congreg. declarationes, ac insuper doctrinas magis necessarias magisque acceptas, adnotando; materias enim, quae diligentiori indigent disceptatione, ad opus morale, quod in duobus tomis distinctum in lucem edidi, recurram, ubi eas suis

rationibus, et cum citatione locorum auctorum, qui de illis tractant, fuse discussas reperiet. Hic solummodo breviter eos delibabimus, quantum satis erit, ut lectoris diligentia excitetur ad eas librandas. Nonnullae sententiae, quas hic secuti sumus, alicui forsitan aut nimis rigidae, aut nimis benignae videbuntur; sed obtester hunc, ut antequam hac nota eas damnet, praefatum Opus in tribus tomis distributum grandioris mo-

lis (quod semel Neapoli, et pluries Venetiis (*) typis datum est) revolvat, cuius loci frequenter hic citantur, quia fuse rationes, et doctorum, qui eas defendunt, auctoritates ibi legendo, minime alienas, nec rationi temere innixas sibi visum iri, pro certo spero.

Quoties in praesenti opere, adspiciuntur citationes, nullo allato auctore, ex nostra Theologia Morali lector sciat esse desumptas.

TRACTATUS I.

DE CONSCIENTIA

1. *Regula remota et proxima bene agendi.*

2. *Variae conscientiarum distinctiones.*

1. Prima regula bene agendi est lex divina, cui postea debet se uniformare conscientia: sed quia bonitas aut malitia actionis talis nobis apparet, qualem eam conscientia apprehendit; hinc fit, quod regula remota, sive materialis, nostrarum operationum, est lex divina; proxima vero et formalis est conscientia, ut docet s. Thomas (1) sic loquens: *Ratio humana est regula voluntatis humanae, ex qua eius bonitas mensuratur. Et apertius alibi (2): Actus humanus iudicatur virtuosus, vel viliosus, secundum bonum apprehensum, in quod voluntas fertur, et non secundum materiale obiectum actus.* Qua de re in hoc primo tractatu agemus de conscientia, in sequenti vero de lege.

2. Sermonem faciens de conscientia oportet plura distinguere. Oportet 1. distinguere conscientiam a synderesi. Synderesis est *notio principiorum universalium*, nempe, Deus est honorandus; malum est fugiendum; quod tibi non vis, alteri ne feceris, etc. Conscientia vero est iudicium pra-

cticum, quod ab huiusmodi principiis formatur circa praesentes operationes, quae hic et nunc agenda sunt, aut vitandae, secundum praesentes circumstantias; quapropter definitur conscientia *Dictamen rationis, quo iudicamus aliquid hic et nunc agendum, vel fugiendum*. 2. Distinguenda sunt varia conscientiarum genera, quae possunt accidere, nimirum conscientia *recta, erronea, perplexa, scrupulosa, dubia, et probabilis*. De singulis hic cum distinctione nobis erit loquendum.

CAP. I. *De conscientia recta, erronea, perplexa, et scrupulosa.*

3. *De conscientia recta.*

4. *Erronea.*

5. *Si detur ignorantia praeceptorum naturalium.*

6. *Si quis aestimat desiderium pravum non esse peccatum.*

7. *De conscientia perplexa.*

8. *ad 11. De conscientia scrupulosa.*

3. Conscientia *recta* est quae dictat rei veritatem, contra quam qui operatur, certe peccat.

4. *Erronea* est quae dictat falsitatem. Haec dividitur in invincibilem et vincibilem, sive culpabilem. *Invincibilis* et ascetica voluminibus LVIII. in 12.º

(1) 1. 2. q. 19. a. 4.

(2) Quodlib. 3. a. 27.

(*) Nunc autem typis meis illud edidi in quatuor tomis in 4.º distributum, imo omnia s. Auctoris opera dogmatica, mo-

cibilis est cum nulla erroris dubitatio in mentem occurrit, et iuxta istam nos tenemur tunc ad operandum; cum enim haec sit regula proxima (sicut superius dictum est) nostrarum operationum, iuxta illius dictamen nobis operandum est. *Vincibilis* est cum in mentem occurrit erroris dubitatio, et obligatio errorem vincendi, ac insuper negligitur ordinaria (non autem maxima) quae debet adhiberi diligentia ad veritatem inquirendam. Qui cum huiusmodi conscientia operatur, semper peccat, sive iuxta, sive contra conscientiam operetur.

5. Quaeritur hic, an possit dari ignorantia invincibilis circa praecepta naturalia. Cum ignorantia est invincibilis, est etiam inculpabilis, sicut constat ex propos. 2. Michaelis Baii proscripta ab Alexandro VIII.: *Tametsi detur ignorantia invincibilis iuris naturae, haec in statu naturae lapsae non excusat a peccato formalis*. Idem quoque dixit M. Nicolius (in *diss. de prob. ad fin. epist. 5. Montaltii* apud Cont. Tournely tom. 1. pag. 12. in fin.) sub nomine Wentrochii dicens, talem ignorantiam esse poenam peccati originalis. Sed hoc iam contra Baium proscriptum est. Restat igitur videndum, an detur ignorantia invincibilis circa praecepta naturalia. Respondemus cum communi (contra Sinnichium, et alios pauciores), quam tuerentur s. Antoninus, Sotus, Maldonatus, Suarez, Azorius, Sanchez, Gammachaeus, Du Vallius, Wigandt, Gonet (qui merito vocat contrariam singularem, et improbabilem), et multi alii, inter quos numeratur doctissimus cardin. Gotti (1), adhibendam esse distinctionem inter prima principia, et conclusiones immediatas a conclusionibus mediatis. Hoc posito, dicimus cum allata sententia circa prima principia, seu circa praecepta principaliora legis natu-

ralis, quae sunt ex se nota, et a synderesi dictata, ut superius diximus, *Deus est colendus: quod tibi non vis etc.*, non potest dari ignorantia invincibilis. Circa vero conclusiones immediatas, seu proxime deductas a principiis, qualia sunt praecepta Decalogi, nec datur ignorantia invincibilis, nisi in rudibus, et ad breve tempus, vel nisi addita aliqua circumstantia apparenter cohonestante. Circa autem conclusiones mediatas, sive remotas, discursu a praeceptis Decalogi deductas, ut sunt praecepta de non faciendis usuris, de scandalis vitandis, et alia id genus, circa has dicimus posse dari ignorantiam invincibilem, et inculpabilem, tunc cum adhibita communi, quam debet (ut diximus), diligentia, non potest dubium vincere. Vide in nostra Morali (2), ubi hoc multis auctoritatibus d. Thomae comprobatum est: et p. La-Croix (3) confirmat hoc idem auctoritatibus s. Bonaventurae et Alberti Magni. Idque confirmatur ex eadem allata prop. 2. ex Baianis proscriptis, ubi animadvertitur, Ecclesiam aut sentire, aut valde probabile esse tenere, quod detur ignorantia invincibilis etiam circa legem naturalem; nam si teneret contrarium, non declarasset ignorantiam invincibilem excusare hominem a peccato, quia damnasset propositionem de impossibili eventu.

6. Non desunt inter dd. qui excusant a mortali eum, qui putaret, opera tantum esse peccatum, non autem peccandi desiderium; sed huic opinioni numquam potui acquiescere, cum intelligere non valeam, quomodo evenire possit, ut qui iam scit, aliquam actionem, v. g., fornicationem esse peccatum, possit non peccare deliberate desiderando illam deliberate exequi: impossibile mihi videtur, quod quis credat non peccare, cum opin. Vincent. Baron. in post. p. ad mor. theol. d. 4. q. 5. §. ult.

(2) Lib. 1. n. 170.

(3) Num. 720.

(1) To. 2. tr. 3. q. 1. dub. 4. n. 17. ex d. Th. 1. 2. q. 19. a. 6. Adde Tourn. mor. tom. 1. pag. 14., qui citat d. Thom. et d. Aug. Adde Mercorum lib. de praxi

deliberate vult opere complere quod iam advertit esse Dei offensam (1).

7. Conscientia *perplexa* est, cum quis inter duo praecepta constituitur, v. g., servandi proximi vitam, et non peierandi, et ipse nescit, quid deberet. Quid tunc ei faciendum erit?

1. Sapientes consulere debet, si potest. 2. Si non potest, minus malum eligendum erit, evitando potius transgressionem praecepti naturalis, quam humani, aut divini positivi. 3. Si facile sibi non erit ad librandum quodnam eorum sit minus malum, tunc ad quodcumque se determinet, non peccat, quia tunc deest ei libertas necessaria ad peccatum.

8. Conscientia *scrupulosa* est ea, quae ex levi formidine dubitat de alicuius actionis honestate, adeoque saepe formidat peccatum esse ubi non est. Multas dd. assignant regulas pro scrupulosis; sed revera post orationem nullum his remedium efficacius (imo unicum, ut bene ait p. Segneri) restabit, nisi obedientiam omnimodam directori praestare. Hinc ante omnia confessarius suadeat huiusmodi poenitenti hoc duplex principium principale. Primum, quod coram Deo tuto incedit, si patri spirituali obtemperat, ubi evidenter peccatum non apparet: tunc enim non homini obedit, sed ipsimet Deo, qui dixit: *Qui vos audit, me audit*. Ita docent omnes doctores, et magistri spirituum cum s. Bernardo, s. Antonino, s. Francisco Salesio, s. Philippo Nerio, s. Theresia, b. Dionysio Carthusiano, b. Umberto, v. p. magistro Avila, magno Gersono, etc. Secundum, quod maior scrupulus, qui debet eum angere, erit inobedientia, propter quam non tantum amittendi animi pacem, devotionem, et in virtutes progressum, sed etiam desipiendi, sanitatem consumendi, et quod deterius est, etiam animae faciendi iacturam, magno se exponit periculo: possent enim eo devecire scrupuli, ut vel ad tantum

eum redigerent desperationem, qua sibiimet mortem inferret; sicuti non paucis accidit; vel ut praecipitem se ad omne vitiorum genus deduceret. Item confessarius insinuet poenitenti scrupulosus, ut bene ait doctus Auctor *Instructionum confessoriorum tyronum* (2). cum Deo non sunt calamo, ut dici solet, rationes colligendae: Deus enim, boni nostri causa, vult, nos incertos vivere de nostra salute. Qua de re moralem diligentiam adhibendo, ne eum offendamus, in eius misericordiam nostra cura iactanda est, et nostram non posse facere salutem sine eius gratiae adiutorio confitentes, haec cum perseverantia, fiducia, et pace exposulanda nobis erit. *Optimum est*, aiebat s. Franciscus, *caeco ductu incedere sub divina providentia inter huius vitae tenebras et perplexitates. Expedit quiescere, dum a patre spirituali intelligit, se bene progredi, quin eius rei causam perquirat. Numquam perit obediens*. S. Philippus Neri (3) asserebat, quod qui confessario obsequabatur, se certum faciebat, Deo non redditurum de suis operibus rationem. Contra vero, aiebat s. Ioannes de Cruce (4): Non satisfieri de eo quod dicit confessarius, esse superbiam, et in fidem peccatum.

9. Deinde curet confessarius. 1. ut percrebros cum huiusmodi poenitente habeat sermones de nimia fiducia in Iesu Christo collocauda, qui pro nobis mortuus est: et in sanctissima eius Matre, quae maxima potentia a Deo donata est in eos, qui ad se confugiunt: quare hortetur, ut vivat securus, semper ac Iesu et Mariae se committit patrocinio, qui proculdubio exaudiunt se invocantes. 2. Prohibeat, quominus libros, quibus scrupuli excitantur, legat et cum scrupulosis versetur; et illi, qui valde his vexatur, interdicat ne ad conciones terrore plenas adeat, nec conscientiam examinet in iis rebus, ubi

(1) Lib. 1. n. 9.

(2) P. c. a. 76.

(3) In Vita lib. 1. cap. 20.

(4) Tract. de spinis Coll. 4. §. 1. u. 8.

scrupulos, sed immeritos, apprehendit. 3. Si consistit scrupulus in timore pravis cogitationibus (v. g. contra fidem, puritatem, aut caritatem) assentiendi, confessarius sit promptus atque intrepidus ad eos negligendos, et ad sincere ei affirmandum, huiusmodi cogitationes, potius poenas, quam consensus, et peccatum sibi esse. Et in hoc praecipue confessarius prae oculis habeat illam regulam, quam dd. (1) tradunt, eum, qui timoratae est conscientiae, nisi plusquam certus est de peccato mortali, immunem a peccato in eo iudicandum esse; nam tale monstrum (prout aiebat p. Alvarez) impossibile est in animam ab eo abhorrentem ingredi, quin aperte dignoscatur. Hac de re iuvat pariter imponere scrupulosis, ut de huiusmodi cogitationibus nihil penitus se accusent, nisi certo sciant, et iurare possint, consensisse. Et hic adverti debet, quod cum scrupulosis, non per regulas peculiare, sed generales, procedendum erit: per particulares enim scrupulosi numquam erunt ad deliberandum idonei, dubitantes semper, num illa regula apta sit pro praesenti casu; qui semper ei videbitur differre a casu, quem a confessario audivit.

10. Sit 4. pro illis, qui habent scrupulum circa praeteritas confessiones, sive quia putant, non omnes circumstantias explanasse, sive ob defectum doloris. Confessarius cum advertit, eos aut confessionem generalem iam peregrisse, aut per aliquod notabile tempus confessiones praeteritas repetisse, istis imponat, ne ex proposito ad eas animum adiciant, nec amplius verbum faciant de peccatis praeteritis, nisi cum iurare possunt, ea certe fuisse mortalia, et certo item de eis, numquam fuisse confessos. Dum dd. docent (2), scrupulosos, quamvis per inadvertentiam aliquod

grave omiserint peccatum, non teneri (saltem, cum certi non sunt) cum tanto incommodo et periculo ad integritatem confessionis, a qua etiam hoc minus incommodum excusare potest (3). In hoc confessarius sit fortis, ut sibi obediri faciat; et si poenitens non obedit, eum obiurgat, privet communione, et quantum potest eius retundet duritiem. Humaniter cum scrupulosis agendum est; sed cum obedientia delinquant, maximo cum rigore tractandi sunt: si enim hac obedientiae anchora illi destituuntur, pereunt utique; nam aut in phraenesim labuntur, aut in morum se dant depravationem.

11. Quinto loco veniunt illi scrupulosi, qui peccare formidant in omni opere; istis imponat, ut libere agant, et, ut scrupulos vincant, imo vincere tenentur semper ac non vident, illam actionem evidenter esse peccatum. Ita cum p. Segneri docent dd. (4). (p. Segneri *Poenit. Instr. c. ult.*). Et nihil refert, quod cum actuali timore operentur (non deposito dubio, quod pene desperandum a scrupulosis). Is enim timor non est verum conscientiae dictamen, quod alio nomine conscientia formata dicitur, uti bene distinguit Gerson (5); nec est verum dubium practicum, nec tollit iudicium antea factum, (quod virtualiter perseverat, licet ad illud propter timoris vehementiam tunc non advertatur) nempe, se non peccare in eo, quod non cognoscunt evidenter esse malum; siquidem tunc, non contra conscientiam agunt, sed contra illum inanem timorem (6). Imponat igitur confessarius huiusmodi poenitentibus in virtute obedientiae, ut parvipendant et superent scrupulum, libere operando id, in quo scrupulus eis est impedimento: item eis iniungat, ut deinde amplius de illo non confiteantur.

(1) Lib. 6. n. 476.

(2) Lib. 1. n. 16.

(3) Lib. 6. num. 476.

(4) Lib. 1. num. 17.

(5) Loc. cit.

(6) Lib. 1. n. 18 et 19.

CAP. II. De conscientia dubia.

12. *Dubium negativum et positivum.*
13. et 14. *Speculativum et practicum.*
15. et 16. *Si lex est dubia.*
17. *Si votum est dubium.*
18. *Si superior iubet fieri rem dubiam de peccato.*
19. *In dubio quid fieri debeat in ieiunio, aut communione.*
20. *De impedimento, et debito dubio.*

12. Conscientia dubia est, quae indeliberata manens, pro utraque parte assensum suspendit. Hic tamen distinguendum est dubium negativum a positivo. *Negativum* est, quando ex neutra parte apparent rationes, quibus possit intellectus assentiri alteri parti, et hoc debet in rigore appellari dubium, quod definitur *Suspensio assensus circa aliquod obiectum*. *Positivum* vero est quando pro utraque parte, aut saltem pro altera, adest grave motivum assentiendi, licet cum formidine de opposito; proinde dubium positivum idem est, ac opinio probabilis, de qua in sequenti puncto agemus.

13. Distinguendum 1. dubium speculativum a practico: *speculativum* est, quando dubitatur de rei veritate, ut si bellum sit iustum, necne; si pingere die festo sit opus servile; si valeat baptismus cum aqua distillata etc.: *practicum* vero est, quando dubitatur de rei honestate, si v. g. licet in praxi depingere die festo; praeliari in bello dubie iusto. Itaque semper distinguendum erit verum a licito. Etenim dubium speculativum respicit verum, practicum vero licitum. Hoc posito, dicimus cum dubio practico non licere operari, quia homo in operando debet esse moraliter certus de rei honestate; aliter, quia se periculo peccandi exponit, peccat, iuxta illud Eccl. 3. 27. *Qui amat periculum peribit in illo*. Et illa peccati noxa, cuius dubium habet, reus erit; quare, si dubitat esse furtum, furti peccat; si dubitat esse mortale, mortale committit. Qui autem est certus, in tali actione pec-

catum inesse, sed incertus est, si sit mortale, an veniale; alii eum de mortali damnant; sed probabilius dicunt Navarr., Valent., Granado, et La-Croix, tantum peccare venialiter; modo ad graviter peccandi periculum, neque ad actionis expendendae obligationem non advertat; et dummodo actio illa de se non sit certe peccatum mortale, et illius malitia saltem in confuso non apprehendatur (1).

14. Contra vero cum dubio speculativo operari licet, cum operans aliis ductus rationibus practice iudicat esse licitam eam actionem: nam aliae sunt rationes, ut iudicetur de rei veritate, v. g. quod bellum sit iustum, quod pingere in festo sit opus servile; aliae sunt rationes, ut iudicetur actio esse honesta, nimirum licitum esse praeliari in bello dubie iusto, pingere in festo, ex alio principio certo (ut est illud: *Melior est conditio possidentis*. aut aliud simile) dubium deponens. Qua de re in dubiis videndum est, cuius sit possessio, praecepti, an libertatis. Et ut hoc dignoscatur, videndum, pro quo stet praesumptio. Cum pro indubitato habeatur stare praesumptionem pro ea parte, quae alteri onus probandi factum transfert; factum enim non praesumitur, nisi probetur, ut habetur l. 2. de probation., et ex l. In bello, de captivis.

15. Ex quo inferitur primo, quod si possidet libertas, debet probari certo adesse praeceptum obligans, alias praeceptum dubium non potest onus certum imponere, et ligare libertatem, qua certo a Deo homo donatus est, ut quod sibi placuerit faciat, praeter ea quae sibi manifeste prohibita, aut imposita sunt, ut Ecclesiastici 15. 14. expressum habemus: *Deus ab initio constituit hominem, et reliquit illum in manu consilii sui. Adiecit mandata et praecepta sua. Si volueris mandata servare, conservabunt te*. Contra vero,

(1) Lib. 1. n. 22. et 23

si lex certe condita et promulgata est, et dubium oritur, sit ne abrogata, aut revocata, aut ubi observatur an sit dispensata, quia tunc lex manet in possessione.

16. Et idem dicendum, si dubitatur de legis acceptione; cum enim illa iusta sit, praesumi debet, acceptatam esse, inspecto illo alio principio: *Ordinarie praesumitur factum, quod de iure faciendum erat.* Cui respondet illa alia moralis regula communiter a dd. recepta, quod cum dubitatur, sit necne positus actus, ille non praesumitur fuisse positus, nisi probetur, ut supra dictum est; cum autem certe actus positus est, et dumtaxat dubitatur de eius validitate (v. g. illius matrimonii, confessionis, voti etc.) *semper standum pro valore actus, l. Quoties, ff. de rebus dubiis*; ubi habetur, quod leges dubiae actus validitati favent. Huius generis est etiam illud axioma; *Nemo praesumitur malus, nisi probetur* (1).

17. Inferitur 2., quod quidquid de lege dictum est, idem de voto erit dicendum, quod est quaedam particularis lex, quam sibi homo imponit. Quapropter, si quis dubitat, et non est certus de voto emisso, non tenetur ad votum, ut cum communi Cabassutius, Suarez, Rebello, Prado, Sanchez, Castropal., Anaclet., Salmant. et alii (2). Idemque dicitur, cum dubitatur, an in voto emisso, aut in lege promulgata, comprehendatur nec ne aliqua res; tunc enim pro ea parte, de qua dubitatur, votum, aut lex non possidet. Et hoc perspicue apparet ex *cap. Ex parte* 18. *de censibus*; ubi cum aliqui vovissent, et dubitarent, an tenerentur ad maius, an vero ad minus, iuxta factam promissionem, fuit responsum, teneri tantum ad minus. Contra si votum fuisset certum, et dubitatur de satisfactione, debet persolvi, cum possessio tunc sit pro voto. Nihilominus communissime dicunt Lugo, Roncaglia,

(1) Lib. 1. n. 26. et 27.

Laym., Salm., Carden., La-Croix, et alii, quod, si quis probabiliter iudicat, votum persolvisse (sive poenitentiam confessionis, aut officium divinum) non teneri ad aliud, quia Deus contentus est de probabili suae legis satisfactione (3). Nec obstare, aiunt, quod voti obligatio sit in possessione; nam respondent quod possessio obligationis, posita probabili voti satisfactione, devenit dubia, et ideo vovens in sua libertate remanet. Sed haec ratio minime mihi probatur; casu enim quo dubitatur de emissionem voti, pro certo habeo obligationem non adesse illud implendi, quia tunc possidet libertas; sed casu quo votum est certe emissum, intelligere nequeo, quomodo per probabilem voti satisfactionem vovens solvatur a voti obligatione, quae adhuc in sua possessione manet; sicut enim tunc certum est votum, ita pariter certa eius impletio etiam esse debet. Eo solo casu opinio praefata admitti posset, quo probabilitas illa talis esset, quod moralem certitudinem satisfactionis voti peractae fundare valeret. Et idem dicendum de obligatione recitandi Horas canonicas, et adimplendi poenitentiam sacramentalem. Si autem quis votum emisisset, et deinde immemor voti operam promissam impleret, dicimus tunc non teneri iterum satisfacere, semper ac pro certo iudicare potest, quod factus memor voti pro illo operam impletam applicasset, prout cum sententia communi dicitur *Tract. X. n. 120. in fin. vers.* Idem autem, etc.

18. Inferitur 3., quod cum superior iubet, subditus tenetur obedire, quoties res praecepta non est certe illicita; cum enim dubitatur tantum de rei inhonestate, possidet superioris auctoritas, quam habet praecipiendi, qua non potest expoliari in dubio. Ita communiter s. Bonav., s. Antonin., Caiet., Sylvius, Cabass., Tournely, Azor., Sanch., Palaus, Salmant., etc. Et probatur ex *cap. Quid culpatur*

(2) Nam. 28.

(3) Ibid.

dist. 23. q. 1., ubi s. Augustinus dicit, subditum recte obedire principi militare praeipienti, si bellum non sit certe iniustum. Limitationem hanc habet haec doctrina obediendi praeceptis dubie iniustis, quoties periculum gravis damni spiritualis, aut temporalis, secum coniungeret; aut si res praecepta esset etiam probabiliter illicita, et una simul esset valde molesta et difficilis, ita Lessius, Sotus, Tournely, Prado, Sanch., Holzmann, Busemb., Castropal., Salmant., et alii plures (1).

19. Infertur 4., quod dubitans, an iam compleverit annum 21., non tenetur ad ieiunium; si dubitat vero, an pervenerit ad annum 60., in qua aetate probabiliter deobligatur a ieiunio ecclesiastico, ut dicemus Tractatu XII., tunc tenetur ad ieiunium, quia possidet ieiunandi praeceptum. Idem dicendum, si quis dubitat de aetate pro ordine sacro, aut pro beneficio requisita, quia tunc possidet praeceptum Ecclesiae (2). Pariter si erit feria V., et dubitatur an iam transierit media nox, potest facta diligentia vesci carnibus (3). Qui autem dubitat, an deglutiverit aliquid post mediam noctem, possit nec ne communicare, alii negant, sed alii plures, ut Laym., Sa. Busemb., La-Croix, Sporer etc., probabiliter affirmant, dicentes, legem ieiunii esse prohibitivam potius, nempe, ne quis non ieiunus communicet, ut colligitur ex canonibus relatis in opere (4). Propterea semper ac non sit factus casus, quo vigeat legis prohibitio, certae nimirum, ieiunii fractionis, homo est in possessione communicandi.

20. Infertur 5., quod superveniente dubio de matrimonii impedimento, bona fide contracti, post factam diligentiam, dubio perseverante, potest coniux tum reddere, tum petere debitum coniugale (5). Infertur 6., quod

certus de debito, at dubius de solutione, tenetur solvere. Contra vero dubius de debito, si est possessor bonae fidei, ad nihil tenetur, dum possessio (modo sit legitima) dat certum ius retinendi, quod possidet, adversus quod non potest praevalere, nisi ius certum proximi. Hinc s. August. (*can. Si virgo 34. q. 1.*), ait: *Possessor rectissime dicitur, quamdiu se possidere ignorat alienum.* Ita Castropal., Laym., Lugo, Roncag., Carden., Molin., Sanch., card. Sfondratus, Sporer, et alii plures (6). Secus autem dicendum, si possessio sit infirma, nempe dubia, aut dubia fide incepta: quia tunc debet fieri restitutio pro rata dubii (7). Et non secus faciendum puto (quidquid dicant alii) casu, quo possessor, superveniente dubio, tempore debito, neglexerit diligentiam facere, quia proximum defraudavit, saltem spe, quam habebat, fore ut verus creditor inveniri posset, et pro huius spei rata tenetur restituere.

CAP. III. De conscientia probabilis.

21. De conscientia probabilis.

22. In materia fidei.

23. Medicinae.

24. Iustitiae.

25. ad 27. Sacramentorum.

28. In damno alterius.

29. Gradus probabilitatis.

30. De tenui probabilis, et de probabilissima.

31. ad 79. De probabilis, et probabiliori.

21. Conscientia probabilis est illa, quae propter aliquam probabilem opinionem dicitur licitam esse aliquam actionem. Opinio probabilis est illa, quae gravi aliquo inaititur fundamento apto ad hominis prudentis assensum inclinandum. Sed in hoc primum omnium oportet scire, non licere operari cum opinione probabilis cum periculo de facto damni proxi-

(1) Lib. 1. n. 31. et fusius l. 4. n. 47. v. Limitant.

(2) Lib. 1. n. 32.

(3) Ibid. (4) N. 38.

(5) N. 33. et fusius l. 6. n. 903. et 904.

(6) Lib. 1. n. 34. et 35.

(7) Num. 36. v. Praefatae, et l. 3 n. 625.

mi, cum proximus est in sui iuris possessione; cum distinguendum sit cum p. Suarez, alium esse casum cum agitur de simplici iure, nempe utrum possimus licite aliquid agere; alium esse cum agitur de facto, et de rei veritate; si enim talis opinio vera non sit, proximus certe damnum patietur, adeoque tunc opinione probabili uti fas non erit. Ponamus exemplum: si ego dubito, utrum ille sit homo an fera, non licebit eum ferire, nisi certus factus sum esse feram; licet probabilius, nedum probabiliter existimem, feram esse: nam si revera est homo, eum vulnerando ex mea opinione licet probabiliori, illius damnum non vito.

22. Hinc infertur 1., quod in materia fidei et salutis aeternae non solum est illicitum sequi opinionem minus probabilem, ut dicebat proposit. 4. damnata ab Innoc. XI.; sed probabiliorum etiam, atque probabilissimarum; et teneri ad amplectendam tutam et consequenter religionem, quae tutos homines efficit; prout est catholica; nam ceterae religiones, cum falsae sint, quamvis istarum aliqua forsitan videretur probabilior alicui, ille tamen destitutus sacramentis, et aliis mediis necessariis ad consequendam salutem aeternam, non aufugeret utique suae beatitudinis iacturam.

23. Infertur 2., quod medicus tenetur adhibere remedia tutiora pro infirmi salute, neque illi fas est uti aliqua medicina, quam nescit, utrum ei profutura, an nocitura sit, ut periculum de illa faciat. Dubitant tantummodo dd. si infirmi salus iam sit desperata, an medico liceat ei dubium pharmacum praebere, ex quo potest infirmus convalescere, vel mors eius accelerari. Alii id negant; sed plures alii, inter quos Sanch., Valent., Laym., Bonac., Busemb., Filliuc. etc., id non improbabiliiter affirmant, dum etiam ipsa natura videtur dicere, vitae medico periculo se ex-

ponere spe perfectae valetudinis, prudentis esse viri (1).

24. Infertur 3., quod iudex debet iudicare secundum probabiliorum sententiam, cum lege divina et humana teneatur unicuique ius suum tribuere pro causae meritis. Quare iure merito proscripta fuit ab Innoc. XI. haec 2. propositio. *Probabiliter existimo, iudices posse iudicare iuxta opiniones etiam minus probabiles.* In quo nihilominus validiori innixi fundamento notant Cardenas, Filguera, La-Croix, et alii, reum, qui in legitima est rei controversae possessione, non posse a iudice expoliari, nisi actor eas afferat rationes, quae nedum sint probabiliores, verum etiam convincentes: dum, ut dictum est num. 20., legitima rei possessio ius certum confert cuicumque possidenti (donec non constet de alterius iure) rem retinendi. Idque multis argumentis atque dd. auctoritatibus, ac etiam perspicuis textibus, probat Carden. (2).

25. Infertur 4., quod in sacramentorum collatione non potest minister uti opinione probabili, aut probabiliori, de sacramenti valore, sed tutiores sequendae sunt, aut moraliter certae. Propterea fuit proscripta haec 1. propositio ab Innoc. XI.: *Non est illicitum in sacramentis conferendis uti opinione probabili de valore sacramenti, relicta tutiore; nisi id vetet lex, conventio, aut periculum gravis damni incurrendi. Hinc sententia probabiliter tantum utendum non est in collatione baptismi, ordinis sacerdotalis, aut episcopalis.* Sit tamen notandum, quod in duobus dumtaxat casibus licet uti opinione probabili, etiam circa sacramentorum valorem, videlicet:

26. Primus casus est, cum versatur in extrema necessitate; tunc enim licitum est uti quacumque opinione probabili, etiam tenui, ut dicunt multi dd. (3). Semper tamen tunc adhibenda est conditio, si valet: quia conditio in illarum rerum angu-

(1) L. 1. n. 46. (2) L. 4. n. 210. v. q. 44.

(3) Lib. 6. n. 103. ad III. et 482. in fin.

stis removet iniuriam a sacramentis, si forte invalide conficiatur; et necessitas contra iustam praebet causam sacramentum conditionatum ministrandi.

27. Secundus est casus, cum praesumitur Ecclesia aliunde supplere, ut sacramentum validum reddatur: prout accidit cum contrahitur matrimonium probabiliter validum, quia tunc praesumitur, Ecclesiam impedimentum, si unquam foret, abstulisse, ut redderet matrimonium certe validum, iuxta communem dd. cum Suar., Less., Coninch., Cardenas, Sporer, et aliis cum Lugo, qui testatur, hanc esse totius Ecclesiae praxim (1). Idem fit in sacramento poenitentiae, cum agitur de confessarii iurisdictione; etenim cum adest opinio vere probabilis de iurisdictione, Ecclesia etiam supplet eam conferendo, si forte confessarius ea caret, et hoc ex universalis confessariorum consuetudine absolventi cum probabilis iurisdictione, et communiter testantur Suarez, Lugo, Carden., Sanch., Bonac., Less., Coninch., Maldero, Castropal., Salmant., La-Croix etc. Hanc tamen sententiam non admitto, nisi adsit gravis necessitas, aut saltem magna utilitas, ut bene limitant Wigandt, Holzmann, Marchant., Sporer, Elbel, etc. cum ipso Suarez; alias non debet praesumi Ecclesia sacerdotum libertati favere velle.

28. Itaque, ut dictum est n. 21., non licet uti opinione probabilis cum alterius damno. Hoc tamen (ut supra annuimus) valet, cum proximus certe possidet suum ius; si secus esset, opinio poterit esse practice probabilis *de iure*, sive probabilis proxima, ut dicunt dd., v. g., opinio asserens, quod quoties aliquis alicubi est iam infamia notatus, nulla ei gravis iniuria infertur, si quis eius crimen, licet occultum, alibi promulgaret. Vide alia huius generis exempla in opere (2). Ratio, quia in

(1) Lib. 1. n. 50. et l. 6. n. 901.

omnibus istis casibus proximus consideratur non habere ius certum, autsaltem certam possessionem illius.

29. Quod hic dictum est locum habet cum agitur de puro facto; secus autem erit cum agitur de mero iure, et de sola rei honestate: tunc enim non licet operari cum opinione probabilis. Sed hic videndum, quatenam, et qualis esse oporteat opinio, ut censeatur probabilis, et licite ea uti possimus. Igitur distinguendae sunt opinio tenuiter probabilis, probabilis, probabilior, probabilissima, et moraliter certa. *Opinio tenuiter probabilis* est quae innititur fundamento quod non valet ad se viri prudentis assensum pertrahere. *Probabilis* est quae innititur fundamento gravi, tam intrinseco rationis quam extrinseco, nempe auctoritatis DD., ita ut capax sit flectere assensum viri prudentis, licet cum formidine de opposito. *Probabilior* est, quae innititur fundamento graviori, sed etiam cum prudenti formidine de opposito, dum opinio contraria potest aliquando esse vera, quamvis minus verisimilis appareat. *Probabilissima* innititur fundamento adeo gravi, sive gravissimo, ut opinio opposita non appareat graviter probabilis; sed quoniam probabilissima non excedit fines probabilitatis, licet principem locum teneat inter probabiles, ideo non excludit omnem prudentem formidinem, quod veritas etiam pro opposita possit stare. *Opinio* denique, vel, ut melius dicam, *sententia moraliter certa* ita excludit omnem prudentem formidinem, ut opposita censeatur omnino improbabilis.

30. His positis dicemus 1. cum opinione tenuiter probabilis non licere operari, ut compertum est ex prop. 3. ex proscriptis ab Innoc. XI., quae sic dicebat: *Generatim dum probabilitate sive intrinseca, sive extrinseca, quantumvis tenui, modo a probabilitatis finibus non exeat, confisi aliquid agimus, semper prudenter a*

(2) Lib. 1. n. 53. et seq.

gimus. Et ratio est, quia tenuis probabilitas non potest dici vera probabilitas, sicuti tenuis fortitudo et tenuis peritia, non possunt dici vera fortitudo et vera peritia, sed potius dicendae sunt debilitas et imperitia. Dicimus 2. pro indubitato licere operari cum opinione probabilissima, ut habetur ex propos. 3. ex proscriptis ab Alexandro VIII., quae dicebat: *Non licet sequi vel inter probabiles probabilissimam.*

31. Utrum autem liceat cum opinione probabili operari, tres adsunt sententiae; prima quarum est, ut possit quis licite sequi opinionem etiam minus probabilem pro libertate, licet opinio pro lege sit certe probabilior. Hanc sententiam elapsi saeculi auctores quasi communiter tenuere; sed nos dicimus eam esse laxam, et licite amplecti non posse. Ratio est, quia quando opinio pro lege est certe probabilior, tunc lex non est amplius dubiostricto dubia, uti accidit (quemadmodum postea explicamus) cum opiniones tam pro lege, quam pro libertate sunt aequae probabiles; sed est moraliter certa, quum habeat pro se fundamentum certum quod vera sit; ubi e contrario opinio minus probabilis, quae favet libertati, tale habet fundamentum ut vera non sit, ut remaneat tenuiter, sive saltem dubie probabilis prae opinione tutiore; ideoque non est prudentia, sed imprudentia eam velle sequi. Quum enim intellectui certe appareat, quod veritas stet magis pro lege quam pro libertate, tunc voluntas nequit prudenter et sine culpa partem minus tutam sequi; tunc enim non operaretur ex proprio iudicio seu propria credulitate, sed quodam ex conatu quem sua voluntate faciet intellectui, removendo illum ab ea parte, quae ei verior videtur, eumque deflectendo ad illam partem, quae non solum videtur ei non vera, sed ne demonstrat quidem certum habere fundamentum quod possit esse vera. Est et alia ratio, quod nos observare de-

bemus praeceptum illud, quod sufficienter fuisse nobis propositum possumus iudicare, et prudenter credendum est sufficienter fuisse propositum, quum prae legis existentia argumenta adsint graviora: ad rem facit quod dicit Apostolus: *Omne autem, quod non est ex fide, peccatum est, Rom. 14, 23.* ex quo deducitur, quod nos, ut recte operemur, debemus esse de actionis honestate moraliter certi. Hinc falsum illud probabilistarum principium, *Qui probabiliter agit, prudenter agit*, penitus reprobamus: ut enim bene operemur, sola non sufficit probabilitas, sed certitudo moralis requiritur, quod actio nostra honesta sit.

32. Secunda sententia, quam hodie nunc quidam moderni tenent scriptores, vult ut tunc aliquam quandam opinionem, quae libertati favet, sequi possimus, quum ipsa sit moraliter certa. Sententiam hanc existimamus nimis rigidam, et quae illaqueat conscientias, tale illis onus imponendo, ut nullas alias opiniones sequi possint, nisi quae moraliter certae sint, et in hoc opusculo demonstrabimus usum opinionum aequae probabilitum procul dubio licere. Lectorem meum rogo, ne propositionem hanc meam contemnat priusquam legat totum id, quod pro hac sententia afferam in medium. Contemnere quod quilibet auctor dicit, quin quod dicit intelligatur, non est neque charitas neque prudentia. Legatur; et postea contemnatur.

33. Tertia igitur, quae nostra est sententia, dicit, quod quum opinio, quae libertati favet, est aequae probabilis, atque opinio illa quae legi favet, sine dubio, et licite sequi potest, excipe in materia fidei, in qua tutiorem sequi debemus, uti habetur ex propositione 4. proscripta ab Innocentio XI., uti quoque in materia valoris Sacramentorum, uti habetur ex propositione I. ab eodem Innocentio proscripta. Idem locum habet in materia medicinae, in qua medicus

tutiora remedia adhibere tenetur (prout communiter docent Doctores). Ita pariter non possumus uti opinione probabili cum periculo spirituali aut temporali damni proximi, semper ac (intelligitur) proximus est in certa sui iuris possessione. Ratio quia inter duas opiniones aequae probabiles non tenemur sequi tutam, quia lex dubia nequit certam inducere obligationem, quippe quia lex dubia non est sufficienter promulgata, ita ut possit ad suam observantiam nos obligare, quemadmodum demonstrabimus sexcentis auctoritatibus d. Thomae omniumque Theologorum. Auctores illi qui tenent non licere sequi ne opinionem quidem probabilissimam vocantur tutioristae rigidi; auctores autem probabilioristae moderni qui existimant licitum usum probabilissimae favore libertatis, et non requirunt quod opinio pro libertate omnino certa esse debeat, uti volunt rigidi tutioristae, ita ut opinio contraria pro lege sit penitus improbabilis, vocantur quoque tutioristae; sed tutioristae mites; dicunt enim quod, ut quis licite opinione minus tuta uti possit, moraliter certa esse debeat, sed large, ita ut contraria magis tuta probabilis non sit. Ego tamen §. II. num. 66. evidenter demonstrabo sententiam hanc, quae probabilissimam tantum pro libertate permittit, difficulter a praedictis auctoribus in praxi adhiberi posse, quin in rigorismum labantur. Ardua isthaec videtur assertio, et forsitan aliquis credit, ne ad extremum usque vellem rem protrahere, ut vanam eorum sententiam reddam; lectorem tamen meum rogo, ut totum hoc opusculum legat, quia agnoscet quod loquendo secundum horum mitium tutioristarum effata, negari haud poterit quod dicam.

34. P. Eusebius Amort, vir undequaquam perspectus pro variis et doctis operibus quae his temporibus in lucem edidit, in sua theologia moralis et scholastica typis commissa an-

no 1733. Bononiae, postquam eam emendare fecerat auctor Romae a Benedicto XIV., quemadmodum eum rogaverat, uti in eius praefatione legitur, scribit, quod si opinio quae legi favet, notabiliter probabilior non apparet (advertendum, quod, cum opinio est non dubie, sed certe probabilior, tunc quoque est notabiliter probabilior), moraliter certum est, quod huiusmodi lex non obligat, dicens, quod Deus iuxta suam divinam providentiam, quando vult, ut aliqua sua lex obliget, tenetur eam notabiliter reddere probabilior: *Quandocumque existentia legis non redditur credibilior non ipsa, moraliter certum est non dari legem: quia ex natura providentiae divinae Deus, sicut tenetur suam religionem reddere evidenter credibilior non ipsa, ita etiam tenetur suam legem reddere notabiliter credibilior non ipsa.* Theolog. tom. 1. disp. 2. §. 4. qu. 10. Illud, non ipsa, intelligitur, quod Deus, ut nos obliget ad legis observantiam, debet facere nobis cognoscere legem illam probabilior non ex ea ipsa, sed ex aliis argumentis. Unde idem auctor ibid. loc. cit. et fusius in qu. disp. quaest. 5. scribit, quod quando adsunt duae opiniones aequae probabiles, si in hoc casu non datur lex directe prohibens, quia in hoc casu non datur sufficiens promulgatio legis, quae est character inseparabilis, et essentialis legis; siquidem sola legis promulgatio est illa, qua lex fit credibilior non ipsa. Promulgatio itaque illa est, quae reddit legem credibilior. Et subdit in hunc modum sensisse patres, qui in dubio stricto, an adsit vel ne lex, hominem ad sequendam opinionem magis tutam non obligavere.

35. Et revera S. Gregorius Nazianzenus (orat. 39.) loquendo de quodam Novatiano dicit: *Anne iuvenibus quidem viduis propter aetatis lubricum ineundi matrimonii potestatem facies? At Paulus hoc facere minime dubitavit cuius te scilicet magistrum*

propteris. At haec minime post baptismum, inquis. Quo argumento id confirmas? aut rem ita se habere proba, aut si id nequis, ne condemnes. Quod si res dubia est (nota), vincat humanitas tua. Scribit amplius S. Leo (ep. 9. ad Rustic. Narbon. in praefat. 12. c. Sicut quaedam, fin. dist. 14.): Sicut quaedam sunt, quae nulla possunt ratione convelli, ita multa sunt, quae aut pro consideratione temporum, aut pro consideratione aetatum oporteat temperari: illa consideratione semper servata, ut in iis, quae vel dubia fuerint, aut obscura, id noverimus sequendum, quod nec praeceptis evangelicis contrarium, nec decretis SS. Patrum inveniatur adversum. Dicit sequendum, quia Superiores debent rigorem temperare, et non obligare subditos ad rigidiores opiniones sequendas, quando opiniones benignae non sunt contrariae praeceptis Evangelii, aut decretis SS. Patrum. Ad rem quoque facit quod dicit D. Augustinus: Quod enim neque contra Fidem, neque contra bonos mores esse convincitur, indifferenter esse habendum. Dicit convincitur, quapropter non est prohibenda quaecumque actio, nisi certi simus, quod illa sit contra Fidem aut contra bonos mores. Non aliter scripsit D. Bernardus: Sane ibi unusquisque in suo sensu securus abundat, ubi aut certae rationi, aut non contemnendae auctoritati quod sentitur, non obviat. Epist. ad Hugon. de S. Victor. cap. 5. n. 18. vol. 1. Oper. ex edit. Maurin. Paris. col. 634.

36. Ioannes Gerson scripsit, *necesse est dari manifestationem ordinationis, et voluntatis Dei; nam per solam ordinationem, aut per solam suam voluntatem non potest Deus absolute creaturae imponere obligationem. De Vit. spir. lect. 2. col. 176. Idem scripsit Ioseph Rocasull praepositus Valentiae: Casu quo, facta diligentia, non constat, an lex sit imposita, sed res dubia manet, non*

obligat, sive sit lex, vel praeceptum naturale. Lib. 1. de leg. in comm. c. 4. n. 65. Idem scripsit Melchior Canus contra Scholasticum obligantem peccatores ad contritionis actum singulis diebus festis: Ius humanum nullum est, aut evangelicum, quo hoc praeceptum asseratur; proferant et tacebimus. Relect. de poenit. p. 4. post resolut. quaest. concl. 3 et postea in fine vers. ad ultimum subiungit: Quoniam ignoro, unde ad hanc opinionem doctores illi venerint, libere possum, quod non satis explore praeceptum est, negare. Canus itaque sentiebat nos non teneri ad illa, quae non satis explore praecepta sunt. Hinc scripsit Dominicus Sotus: Quando sunt opiniones probabiles inter graves doctores, utramque sequaris, in tuto habes conscientiam. De iust. et iure lib. 6. quaest. 1. art. 6. circa fin. Amplius D. Antoninus aperte scribit quod inter duas aequae probabiles opiniones, licite possumus sequi benigniorem: Secundum Cancellarium non plus nocet homini errare in articulo Fidei, qui non est declaratus ab Ecclesia, quod sit articulus de necessitate credendus; quam nocere posset actus moralis contra aliquid agibile perpetratus, qui actus non dicitur certus ex Scriptura, aut determinatione Ecclesiae, quod sit illicitus. Sed constat quod in materia Fidei licitum est ante determinationem Ecclesiae, tenere unam vel alteram partem sine periculo peccati, etc. Ergo a simili licet unam opinionem in moralibus tenere iuxta limitata superius, ubi saltem magis sapiens non sentit contrarium. (Idem sentit Du-Hamel auctor modernus) Theol. spec. et pract. tom. IV. tr. de act. human. lib. 11. dissert. IV. cap. 3. n. IV. in fine vers. Hoc argumentum scribens: Hoc argumentum (scilicet de usu opinionis probabilis) magna prudentia temperatum nuper tractavit P. Gisbertus, primo enim postulat, ut opinio ex utraque parte veram habeat probabilitatem non su-

catam: secundo ne altera pene certa, aut multo sit probabilior cum mitiore comparata; tunc enim mentem multo probabiliori rationi cedere necesse est. Et idem dicunt innumera- biles alii docti auctores, prout Episcopus Abelly, Episc. Tapia, Episc. Alvarez, Episc. Ledesma, Episc. Angles, Episc. Zerola, Episc. Maldero, Episc. Tudesco, Archiepiscopus Pa- normi, Episc. Medina, et antistes Bar- bosa, Ampliss. Cardinalis Sfrondrati, Card. Toledo, Card. de Lugo. Prae- terea Christianus Lupus, et plures doctores citati in meo opere de usu moderato opinionis probabilis in mul- tis locis, uti potest videri in dicto opere pag. 265.

37. Praefata igitur nostrae senten- tiae ratio non est quaedam simplex ratio, sed certum quoddam princi- pium, quod receperunt, et docuerunt theologi omnes, et praecipue d. Tho- mas (uti videbimus), scilicet quod lex dubia vim obligandi non habet, quia non sufficienter promulgata. Tunc enim promulgatum erit tantummodo dubium sive quaestio, non vero lex; quae, ut sit sufficienter promulgata, opus est, ut sit proposita et manife- stata ut certa, quemadmodum supe- rius diximus, et quemadmodum dicit S. Thomas cum omnibus theologis, prout videbimus.

38. Evidentes tandem asseramus probationes, quas a D. Thomae do- ctrina depromamus. Docet D. Tho- mas, quod *lex quaedam regula est, et mensura actuum, secundum quam in- ducitur aliquis ad agendum, vel ab agendo retrahitur. Dicitur enim lex a ligando, quia obligat ad agendum.* I. 2. qu. 90. art. 1. Docet inde s. Doctor regulam hanc sive legis men- suram, ut eam observare teneamur, debere nobis promulgatione mani- festari: ideoque eadem ipsa qu. 90. art. 4. proponit dubium: *Utrum promulgatio sit de ratione legis? et respondet: Lex imponitur aliis per modum regulae et mensurae: regula autem et mensura imponitur per hoc,*

*quod applicatur his, quae regulan- tur et mensurantur. Unde ad hoc quod lex virtutem obligandi obti- neat, quod est proprium legis, o- portet quiddam applicetur hominibus, qui secundum eam regulari debent. Talis autem applicatio fit per hoc, quod in notitiam eorum deducitur ex ipsa pro- mulgatione. Unde promulgatio ipsa necessaria est ad hoc, quod lex habeat suam virtutem. Lex itaque, antequam promulgatione manifestetur, vim ob- ligandi non habet. Hinc a D. Tho- ma definitur: Quaedam rationis ordi- natio ad bonum commune promul- gata. I. 2. qu. 90. art. 4. Ergo pro- mulgatio est adeo legi essentialis, ut virtutem obligandi habeat, ut ipsa deficiente, lex non erit obligans, quemadmodum scribit doctus P. Pe- trus Collet continuator Tournely, et rationem affert: *Lex enim, ut obli- get, debet dari ut regula, ac proinde innotescere: atqui lex non inno- tescit nisi per promulgationem, cum per eam solam eo intimetur modo, qui obediendi necessitatem inducit, etc.* Et consequenter dicit, legem in legislatoris mente existentem virtu- tem obligandi habere tantum in actu primo, scilicet pro tempore quo fue- rit promulgata, sed, ut actu obliget, opus est ut applicetur et manifestetur subditis (debet innotescere) ut ipsi possint se illa regulare.*

39. Promulgatio isthaec necessa- ria est tam in humanis, quam in naturalibus et divinis legibus, quemad- modum docet idem sanctus doctor, qui eodem art. ad I. sibi obiicit: *Sed lex naturalis non indiget pro- mulgatione: ergo non est de ratione legis quod promulgetur: et respon- det: Dicendum quod promulgatio le- gis naturalis est ex hoc ipso, quod Deus eam mentibus hominum inse- ruit naturaliter cognoscendam. Dicit naturalis legis promulgationem non fieri humano modo, signis externis v. g. per edicta, aut per praeconis vocem: sed naturali lumine, quod Deus hominum mentibus inserit.*

Quod clarius explicat Sylvius scribens, quod *actualiter tunc* (lex naturalis) *unicuique promulgatur, quando cognitionem a Deo accipit dictantem, quid iuxta rectam rationem sit amplectendum, quid fugiendum, in l. 2. q. 9. art. 4. in fin.* Idem scribit Cardinalis Gotti (*Theolog. tom. 2. tract. de leg. q. I. dub. 3. §. 3. n. 18.*) et n. 21. ibidem scribit: *ad hoc ut lex in actu secundo obliget, requiritur quidem indispensabiliter, ut subditis promulgatione proponatur. Immediate subdens, quod sicut mensura in actu secundo non mensurat nisi mensurabili applicetur: quemadmodum mensura nequit actu mensurare, nisi rei quae mensuranda est applicetur, ita lex non potest esse mensura, et regula hominis, nisi ei promulgatione proponatur.* Idem scribit Dominicus Sotus: *Nulla lex ulum habet vigorem legis ante promulgationem, sed tum instituuntur, cum promulgantur:* et asserit: *itaque nullam exceptionem conclusio haec permittit.* Quod confirmat P. Gonet in *Clyp. theol. tom. 3, disp. l. art. 3. n. 57.* ubi probare volens dari posse ignorantiam invincibilem praeceptorum naturalium, quae a primis principiis mediate deducuntur, hoc facit argumentum. *Lex enim vim obligandi non habet, nisi applicetur hominibus per promulgationem; sed lex naturalis promulgatur omnibus hominibus quantum ad omnia praecepta quae sunt remotissima a primis principiis; ergo non obligat omnes quantum ad illa praecepta. Subindeque potest dari de illis ignorantia invincibilis, et excusans a peccato.*

40. Esto igitur, quod quando duae aequae probabiles adsunt opiniones, lex est dubia, et uti dubia nequit obligare. quia tunc lex sufficienter promulgata non est, sed promulgatum tantum sufficienter est dubium, sive quaestio, an vel ne lex adsit, ecce principium certum non directum, sed reflexum, in quo senten-

tiae nostrae fautores collocant certitudinem moralem, prae qua licite opinionem aequae probabilem sequi possumus.

41. Quod autem certa securitate agitur, quum iudicium certo licet reflexo principio adhaereat, constat ex Canonibus, et ex communi theologorum consensu. In *cap. Dominus 2. de secund. nupt.* dicitur, quod si secundus vir dubitet de morte primi viri suae uxoris, coniugale debitum petere non potest, sed requisitus tenetur illum reddere uxori bona fide petenti: *Debitum non denegat postulanti; quod a se tamen noverit nullatenus exigendum,* verba sunt textus. Qua tamen ratione potest vir coniugalem actum adhibere de primi viri morte dubitans, et consequenter an illa sit vel ne sua uxor? Potest, respondetur, ob principium certum reflexum, quia quum et uxor sit in bona fide de secundi matrimonii valore, ipsa possidet, et ius certum petendi debitum habet, cuius iuris privari non potest prae viri dubio. Probatur praeterea ex *Can. 4. Quid culpatur caus. 23. qu. l.* ubi D. Augustinus ita docet: *Vir iustus, si forte sub rege homine etiam sacrilego militet, recte potest illo iubente bellare, si vice (alias civicae) pacis ordinem servans, quod sibi iubetur, vel non esse contra Dei praeceptum certum est, vel utrum sit, certum non est; ita ut fortasse reum faciat regem iniquitas imperandi, innocentem autem militem ostendat ordo serviendi.* In dubio igitur an bellum iustum sit, licite subditus princeps iubente bellare potest, et quomodo? iudicio innixio principio certo reflexo, quod in dubio princeps ius, ut sibi pareatur, habet: ideoque subditus, quotiescumque certus non est quod bellum sit iniustum, obedire debet: *vel utrum sit (contra Dei praeceptum) certum non est,* verba sunt textus.

42. De hoc non dubitant ne ipsi quidem nostri adversarii. P. Ioan-

nes Laurentius Berti asserit non licere sequi opinionem aequae probabilem minus tutam. Videamus tamen quomodo id probet. Probat duo principia probabilistarum, quae et ego pro falsis habui, confutando. Dicunt probabilistae quidem quod ob duo principia potest quis licite probabilem opinionem minus tutam sequi, et quod ob illa iudicium speculativum dubium redditur in praxi certum. Primum eorum principium hoc est: *Qui probabiliter agit, prudenter agit.* Hoc tamen principium, dicit P. Berti, et nos quoque dicimus, non potest probabilis opinionis usum licitum reddere, quia quum opinio contraria tutior sit aequae probabilis, tunc nos in dubio remanemus, et moralem honestatis certitudinem necessariam ad bene operandum non habemus: unde operans tunc haud operatur prudenter, sed imprudentissime, quum principio nihil certo utatur. Secundum principium est, quod quum opiniones sunt ambae probabiles, tunc homo potest iudicium cohibere ab opinione rigidior, et uti opinione benigniore, illius probabilitati inhaerens. Hoc tamen, quemadmodum sapienter dicit Berti, ne nos quidem certos moraliter reddere potest de actionis honestate; talis enim voluntaria cohibitio iudicii cum ignorantia invincibili imo affectata vincitur, quia homo practica dubium non deponeret, sed affectate in eodemmet dubio de actionis honestate remaneret. Recte igitur concludit Berti, quod quotiescunque nullum aliud de probabilitate opinionis minus tuta suppetit fundamentum, illa uti non possumus; et ego dico, horum duorum principiorum falsitas a probabilistis adoptatorum, plures modernos scriptores induxit ut sententiam nostram reprobarent, et plurimos acquirerent sequaces, penitus non animadvertendo, quod nos praefata falsa principia refellimus, atque indubitato principio, quod lex dubia obligare

non potest, utimur. Secus esset, uti subiungit Berti, quum praeter opinionis probabilitatem aliquod certum adesset reflexum principium, quod in praxi nos de actionis honestate certos redderet; quia tunc iudicium nostrum prae principii reflexi certitudine, cui inniteretur, redderetur certum. Adducit exemplum religiosi, qui in dubio an vel ne possit ieiunium frangere ut studio vacet, licite potest illud frangere praecepto Superioris, quo certus redditur posse vesci cibis sine peccato. Adducit et exemplum possessoris, qui in dubio an iuste fundum aliquem possideat, licite potest in illius possessione perseverare, quando vir doctus ei praestabit, quod aliquam rationem illum possidendi habet; possessor enim (iuxta D. Augustini auctoritatem, quam idem Berti refert) non tenetur expoliare se re legitime possessa, nisi illam suam non esse certo sciat; hoc enim ius dat legitima possessio. Hinc P. Berti generaliter concludit his verbis: *Proculdubio potest hoc pacto ex reflexione mentis antea perplexae fieri iudicium practicum moraliter certum.* Non dubitat itaque Berti quod in praxi recte efformari potest ultimum dictamen moraliter certum in opinionibus dubiis non solum prae principiis directis, sed etiam prae indirectis et reflexis. Quod certam reddit sententiam nostram, quae principio evidenter certo innitur, uti probavimus, et uti magis magisque demonstrabimus, legem nempe dubiam, quia non sufficienter promulgata, obligationem certam inducere non posse.

§3. Idem effatum quod tenuit Berti, sequuntur domini Ballerini in libro in scripto *Moral. action. regulae, etc. seu, Quaestio de opinion. prob.* qui quamvis moderati sint rigidae sententiae sectatores, laudatam tamen doctrinam confirmant dicentes: *Quod in praxi ex directis principiis minime certis incertum est,*

ex certo reflexo principio fit omnino certum; et probant peculiariter exemplo quod nos adduximus n. 41. in cap. Dominus, uxoris bona fide debitum petentis: et sequentia verba subnectunt: In his omnibus exemplis observandum est, reflexa principia particularem quaestionem non solvere, sed incertam relinquere, sola praxis certa est, eo quod principia reflexa praxis in eo dubio dirigendae, certam regulam figant. Et idem scribit P. Gonet pro certo; Manual. tom. 3. tract. 3. c. r6. circa fin.

44. Videamus tandem quid aliud docet D. Thomas qui nostrae sententiae fidem accrescit. Ipse in *opuscul. de veritate, q. 17. art. 3.* docet, quod nullus ligatur per praeceptum, nisi mediante scientia illius praecepti. Scitur quod scientia importat certam alicuius rei cognitionem. Et ut intelligatur quod D. Thomas nomine scientiae certam intelligit cognitionem, animadvertere oportet quaesitum quod eodem in loco proponit: *Utrum conscientia liget?* et hoc modo ratiocinatur: *Ita se habet imperium gubernantis ad ligandum in rebus voluntariis illo modo ligationis, qui voluntati accidere potest, sicut se habet actio corporalis ad ligandum res corporales. Actio autem corporalis agentis nunquam inducit necessitatem in rem aliam, nisi per contactum coactionis ipsius ad rem in qua agit. Unde nec ex imperio alicuius domini ligatur aliquis, nisi imperium attingat ipsum, cui imperatur. Attingit autem ipsum per scientiam. Unde nullus ligatur per praeceptum aliquod, nisi mediante scientia illius praecepti: sicut antea in corporalibus agens corporale non agit nisi per contactum; ita in spiritualibus, nisi per scientiam. Similitudo haec D. Thomae non potest esse neque clarior, neque convincentior, ut principium nostrum, quod lex incerta certam nequit inducere obligationem, comprobetur. Dicit Sanctus, quod scientia prae-*

Homo Apostolicus

cepti est ad instar cuiusdam funis, quae voluntatem ligat; et quemadmodum ut res materialis ligetur, oportet ut actu ei applicetur funis, quae eam liget, et cogat, ita ut voluntas hominis ligetur ut illam faciat actionem, aut ab ea actione absteineat, oportet, ut praecepti scientiam habeat, alias homo liber remanet. Itaque quando homo remanet in dubio utrum adsit vel ne praeceptum, uti evenit, quum adsunt duae opiniones aequae probabiles, tunc utique non habet scientiam praecepti; ideoque illam, quam mavult, opinionem sequi potest.

45. Idem alibi declarat D. Thomas, scilicet *I. 2. q. 19. art. 10.* ubi quaerit: *Utrum necessarium sit voluntatem humanam conformari voluntati divinae in volito, ad hoc ut sit bona?* Inde eodem articulo 10. ad I. sibi obiicit: *Videtur quod voluntas hominis non debeat semper conformari divinae voluntati in volito; non enim possumus velle quod ignoramus ... Sed quid Deus velit ignoramus in pluribus: ergo non potest humana voluntas divinae voluntati conformari in volito. Et respondet: Ad primum dicendum, quod volitum divinum secundum rationem communem, quale sit, scire possimus; sci-mus enim quod Deus quidquid vult, vult ob rationem boni. Et ideo quicumque vult aliquid sub quacunque ratione boni, habet voluntatem conformem voluntati divinae quantum ad rationem voliti. Itaque homo quotiescumque vult aliquid sub aliqua ratione boni conformat se divinae voluntati. Subdit postea D. Thomas id quod pro nobis maxime facit: *Sed in particulari nescimus quid Deus velit; et in quantum ad hoc non tenemur conformare voluntatem divinae voluntati. Ergo non tenemur conformare nos voluntati divinae in particulari, et peculiariter quoad praecepta, quotiescumque isthaec divina voluntas nobis non innotescit, quemadmodum distinctius declara-**

tur a P. Gonet in haec verba: *Homo non tenetur conformari voluntati divinae in volito materiali, nisi quando voluntas divina nobis praecepto, vel prohibitione manifestatur. Gonet in Clys. t. 3. tr. 3. D. 6. art. 2. n. 37. in fin.* In dubio itaque alicuius praecepti, quo Deus nobis praecepiat, aut prohibeat aliquam actionem in particulari, non tenemur divinae voluntati conformari, nisi postquam voluntas divina nobis sit manifestata, alias, ut dicit Gerson, quando Deus nobis suam non manifestat voluntatem, non potest nos obligare. *Necesse est dari manifestationem ordinationis, ac voluntatis Dei, nam per solam suam voluntatem nondum potest Deus absolute creaturae imponere obligationem. Gerson de vit. spir. animae, tom. III. lect. 2.*

46. Idem docet D. Thomas 2. 2. q. 104. art. 4. ubi quaerit: *Utrum in omnibus Deo sit obediendum?* Respondet affirmative, sed ad 3. sibi obicit: *Quicumque obedit Deo, uniformat voluntatem suam voluntati divinae etiam in volito; sed non quantum ad omnia tenemur conformare voluntatem nostram voluntati divinae ut supra habitum est (1. 2. q. 19. art. 10. qui locus ille est quem adduximus superius), ergo non in omnibus tenetur homo Deo obedire.* Et respondet: *Ad tertium (qu. 104. supra cit.) dicendum, quod etsi non semper teneatur homo velle quod Deus vult; semper tamen tenetur velle quod Deus vult eum velle, et hoc homini praecepit innotescit per praecepta divina.* Homo itaque tenetur obedire Deo, et conformare se divinae voluntati circa praecepta, non in omnibus quae Deus vult, sed tantum in illis, quae Deus vult nos velle. Quo tamen pacto sciemus quod Deus non solum vult, verum etiam vult nos velle? *Sciimus, inquit D. Thomas, quando nobis innotescit per praecepta divina.* Non satis est igitur dubia praecepti notitia, ut obli-

get nos ad observandum illud tamquam voluntatem Dei, sed necessaria est cognitio certa et manifesta, quod procul dubio significat verbum illud *innotescit*.

47. Hinc perspicitur quod Sanctus Thomas semper fuit uniformis docendo legem debere esse certam, ut ad suam nos obliget observantiam. Dixit promulgationem legis naturalis tunc fieri, quando *Deus eam mentibus hominum inseruit naturaliter cognoscendam. S. Thom. 1. 2. qu. 90. art. 4. ad 1. dixit cognoscendam*; ergo homo tunc tenetur legi obedire, cum eam lumine cognoscit naturali, non vero cum de illa dubitat. Praeterea dixit, hanc legis cognitionem (quam vocavit *mensuram*, quia cum illa debet homo suas actiones mensurare) debere esse certissimam, ut hominem ad legis obliget observantiam: *Mensura debet esse certissima 1. 2. q. 19. art. 4. ad 3.* Dixit amplius quod quemadmodum funis non ligat nisi contactu applicetur, ita *nullus ligatur per praecepta, nisi mediante scientia illius praecepti. O. pusc. de verit. qu. 17. art. 3.* Dixit hominem tunc tantum teneri obedire voluntati divinae, cum haec divina voluntas ei per praecepta manifestatur: *Et homini (quod Deus vult) praecepit innotescit per praecepta divina, 2. 2. q. 104. a. 4. ad 3.* Significationes istae itaque D. Thomae, scilicet quod lex ut obliget debet esse cognita, quod nullus ligatur per praeceptum, nisi mediante scientia illius praecepti; quod lex debet esse certissima ut obliget, quod non tenemur conformare nos voluntati divinae, nisi quando illa nobis per praecepta innotescit: nil aliud denotare possunt, quam quod lex non obligat nisi quando cognoscitur, nisi quando est certissima, nisi quando habetur scientia illius, et nisi quando promulgatur.

Hoc quod docet D. Thomas comprobatur a pluribus Sanctis et doctoribus. D. Isidorus dicit: *Erit autem*

lex manifesta. In Can. Erit autem dist. 4. S. Raymundus scripsit: *Non sis pronus iudicare mortalia peccata, ubi non tibi constat per certam scripturam, lib. 3. de poenit. §. 21.* D. Antoninus asserit: *Quaestio in qua agitur utrum sit peccatum mortale, nisi ad hoc habetur auctoritas expressa Scripturae, aut Canonis Ecclesiae, vel evidens ratio, periculossime determinatur. S. Ant. p. 2. tit. 1. cap. 11. D. 28.* Et rationem adducit dicens, quod qui in dubio determinat esse mortalem quamdam actionem, de qua prudenter dubitatur, an sit mortalis, aedificat ad gehennam, scilicet exponit periculo damnationis illum qui eam faceret actionem. Idem scripsit Ioannes Nyder citando quoque Bernardum de Claramonte. *Ex quo enim opiniones sunt inter magistros, et Ecclesia non determinavit alteram partem, teneat quam voluerit. Nyder in Consol. Av. par. 3. cap. 20.* Sic quoque scripsit Gabriel Briel anno 1480. dicens: *Nihil debet damnari tamquam mortale peccatum, de quo non habetur evidens ratio, vel manifesta auctoritas Scripturae. In 4. sent. D. 16. qu. 4. concl. 3.* scripsit Lactantius: *Stultissimi hominis est praeceptis eorum velle parere, quum utrum vera aut falsa sint dubitatur. Lib. 5. instit. cap. 21. In cap. 13. Cum iure de offic. et pot. iud. de legib. dicitur: Nisi de mandato certus extiteris, exequi non cogeris quod mandatur. Dominicus Sotus loquens de lege, dicit, quod ut ipsa obliget, quum debet esse regula nostrarum actionum, necesse est, ut homo intueatur eam, scilicet ut clare eam cognoscat; Qui regula utitur, eam intueri necesse est. De iust. lib. 1. qu. 1. art. 4.* Ita demum scripsit Benedictus XIV., in suis notificationibus (notif. 13.): *Non debent imponi vincula, cum non adest manifesta lex, quae illa imponat.*

§. II. Respondetur ad obiecta adversariorum, et ex responsionibus magis sententia nostra elucebit.

49. Nolo quaedam non diluere obiecta adversariorum: immo diluere lubet; ex responsionibus enim sententiae nostrae certitudo magis magisque elucebit. Incipientes ab oppositione illa quae responsionem requirit prolixiorum.

50. Obiiciunt 1. minime dubium esse etiam leges divinas ac naturales opus habere promulgatione ut obligent; dicunt tamen naturales leges fuisse ab aeterno promulgatas, et usque ab aeterno vim perfectam obtinuisse obligandi hominem, vel antequam existeret, quippe quia lex naturalis participatio quaedam est legis aeternae, quod quidam auctor deducere autumat a quibusdam D. Thomae verbis, quibus ipse D. Thomas pro nobis respondet, uti postea videbimus. Angelicus (1. 2. qu. 91. a. 1. ad 2.) dicit, quod lex aeterna aeternam habet promulgationem ex parte Dei promulgantis. Ego tamen quaero: Quenam promulgatio divinae legis illa est, quae obligat homines, promulgatio ex parte Dei, an promulgatio ex parte creaturae? D. Thomas, uti superius diximus §. 1. n. 39. docet, quod lex non habet vim obligandi, nisi promulgatione hominibus applicetur: *Ad hoc quod lex virtutem obligandi obtineat, oportet quod applicetur hominibus, qui secundum eam regulari debent; talis autem applicatio fit per hoc, quod in notitiam eorum deducitur ex ipsa promulgatione S. Thom. 1. 2. q. 90. art. 4.* Et oppositioni (ad primum) dicit, quod lex quoque naturalis opus habet promulgatione, haecque fit cognitione legis, quam Deus mentibus hominum inserit lumine naturali: *Dicendum quod promulgatio legis naturae est ex hoc ipso, quod Deus eam mentibus hominum inseruit naturaliter cognoscendam.* Et idem docet S. Doctor in loco ante citato ab adversario, ubi

postquam dixit, quod lex aeterna aeternam habet promulgationem ex parte Dei promulgantis, immediate subdit: sed ex parte creaturae audientis aut inspicientis non potest esse promulgatio aeterna. *Cit. a. 1. ad 2.* Promulgatio itaque quae obligat, fit quando creatura cognoscit praeceptum lumine rationis, aut illud audit ab Ecclesia, vel a sapientibus, qui eam docent.

51. Id clarius explicat D. Thomas in alio loco (1. 2. qu. 91 a. 2.) ubi dicit: *Lex, cum sit regula et mensura, dupliciter potest esse in aliquo: uno modo sicut in regulante et mensurante, alio modo sicut in regulato, et mensurato: quia in quantum participat aliquid de regula sic regulatur... Et talis participatio legis aeternae in rationali creatura lex naturalis dicitur.* Angelicus igitur asserit quod quum lex quaedam regula sit, qua debet se homo regulare, alio modo consideratur in legislatore regulante, alio in homine regulato. Itaque dicit D. Thomas, quod quemadmodum aliquid homo participat de lege naturali, quae est unica eius regula, ita actiones suas regulare debet. Antequam igitur hoc lumen prae lege naturali recipiat, ad nihilum obligari potest, quia nondum recepit regulam, qua se regulare possit. Itaque lex aeterna regula est pro Deo regulante, sed pro homine qui regulandus est, regula est lex naturalis, lumen scilicet illud, quod naturali ratione ei manifestatur.

52. Hinc theologi communiter, et iure dicunt, legem aeternam non esse proprie legem, sed esse instar legis, et, ut ita dicam, est lex et regula pro ipso Deo, et si vult vocari promulgata, est quaedam lex a Deo sibi ipsi promulgata. Hoc modo loquitur Du-Vallius, qui scribit, legem aeternam tunc proprie habere rationem legis, cum hominibus manifestatur; inde subdit: *Si tamen ab aeterno spectetur, dicendum est eam non esse vere et proprie legem, sed tantum aliquid*

quod se habeat instar legis: tum quia de ratione legis est, ut promulgetur subditis: nulli autem fuerunt subditi ab aeterno; tum quia lex essentialiter est regula quaedam practica, hanc autem regulam non potuit imponi Verbo et Spiritui Sancto, quia ipsimet sunt regula et rectitudo ipsa. Du-Vall. in 1. 2. S. Thom. de leg. q. 2. p. 293. Et ita quoque dicunt Montesinus, et Iodochus Lorichius doctor Lovanii. Montesinus dicit legem aeternam non esse legem nec regulam pro nobis, sed tantum pro Deo ipso sibi promulgatam: *Respondeo huiusmodi legem aeternam promulgatam esse ab aeterno ipsimet Deo, Deus sibi lex et regula: et ita intelligimus Deum sibi promulgare legem. Montesin. D. 20. de leg. q. 4. n. 83. Lorichius Theol. novus utr. Th. verb. lex, n. 6. de eadem aeterna lege edisserens scribit: Hac lege Deus omnia ordinat ad se ipsum, et est promulgata apud ipsum ab aeterno; hominibus autem promulgata, quando eis innotescit.*

53. Quando igitur quaeritur, an obliget homines lex ista? Respondet Du-Vallius, quod tunc obligat, cum homo ad discretionis annos pervenit, quia tunc lumine naturali lex illi promulgatur: *tunc autem sufficienter (legem) promulgari, quando quisque annos discretionis incipit 1. 2. de leg. q. 3. a. 3.* Et pag. 296, subdit, quod lex aeterna nobis manifestatur per legem naturalem, quae est illius participatio: *Dico eam per alias leges nobis innotescere, cum leges illae sint illius participationes.* Non secus scribit praelaudatus Montesinus *disp. 20. de leg. q. 4. n. 83. Lex naturalis promulgatur in unoquoque, dum primo venit ad usum rationis; et quamvis pro tunc solum promulgetur ista lex quantum ad principia communissima iuris naturae, tamen postea paulatim per discursum promulgatur eadem lex quantum ad alia.* Non dissentit Petrus de Lorca Cisterciensis, immo subiungit, cognitionem legis essentialem esse atque intrinsecam

tam legibus humanis, quam naturalibus. *Lorca in 1. 2. S. Thomae D. 6 de leg.* Idem scripsit Ioannes Maior: *Cum primum aliquis habet rationem, legem naturalem habet. In 3. dist. 27. q. 2.* Ita quoque scripsit Conradus Koellin e divi Dominici familia. *Cum venerit (homo) ad usum rationis, tenetur ad ea, quae sunt legis naturae. In 1. 2 q. 90. art. 4.* Idem scripsit P. Manstrios *theol. moral. D. 2. de leg. q. 2. a. 2. n. 34.* Hoc autem ius (naturae) hominibus intimatur, et obligare incipit ab eo tempore, quo rationis usum accipiunt; et per talem legem sibi intimatam inter bonum et malum discernere incipiunt; hic enim rationis usus est veluti ipsius legis naturalis notificatio et manifestatio. Et hoc intendit Paulus (*Rom. 7. 9.*) illis verbis, *Ego autem vivebam sine lege aliquando, sed cum venisset mandatum, peccatum revixit.* Sic quoque sensit Ioannes Granado (ignoscat qui legit si tot theologorum textus idem dicentium in medium afferro, hoc enim mihi est perquam necessarium, ut adversarii mei atque alii sibi persuadeant, theologos omnes uniformiter locutos fuisse contra id quod mihi mei obiecerant adversarii); scribit Granado: *Dicendum est legem naturae consistere in illo dictamine rationis;... Nec deest promulgatio, eo enim ipso quod homo perveniat ad usum rationis, potens est discernere honestum et malum. Contr. 6. de leg. trac. 2. D. 4. n. 7.* Idem scripsit Blasius de Benjumea: *Cum lex naturae debeat voluntati proponi, ad hoc ut habeat vim obligandi, et rationis dictamine possit praecognizative promulgari; ipsa praecognizatio intellectus notificat obligationem faciendi sive omitendi aliquam actionem, etc. De leg. q. 2. art. 2. n. 220.*

54. Hinc concludunt reliqui omnes theologi legem aeternam, licet in actu primo habuit virtutem obligandi, nihilominus neminem obligasse antequam promulgata fuit atque appli-

cata. Ad rem facit quod scribit Cardinalis Gotti: *Sequitur, quod lex aeterna ab aeterno in actu secundo neminem obligaret.* Et subiungit, quod quamvis illam virtutem obligandi habeat, attamen nondum ligat, quia nondum applicata et promulgata. *Theol. tr. de legibus q. 2. dub. 1. n. 13.* Hanc nimis claram rationem adducens, quod mensura in actu secundo non mensurat, nisi mensurabili applicetur. Idem scribit Franciscus de Aravio: *Cum lex aeterna non obliget creaturas, nisi mediante lege naturali, vel positiva divina, ad istarum promulgationem illa quoque sufficienter promulgatur. In 1. 2. q. 96. D. 1. sect. 5. pag. 525.* Ita quoque tenet Honoratus Tournely, dicens: *Quia tamen lex ante creaturarum existentiam vere obligans non fuit, cum nihil esset ad extra, quod ea obligaretur, palam est rationem completam legis tunc tantum ei competere potuisse, cum extiterint creaturae, quibus fuit lex promulgata. Praelect. theol. tr. de leg. c. 2. concl. 5.* Eodem modo scripsit P. Collet: *Quia tamen lex aeterna ante creaturarum existentiam obligans non fuit, palam est rationem plenam legis tunc tantum ei competere potuisse, cum extiterint creaturae, quibus intimata fuit. Thom. 2. de leg. c. 2. pag. 17.* Hinc scripsit Ioseph Rocaful. praepositus Valentiae: *Quamdiu (lex aeterna) non promulgatur per modum legis, semper se habet per modum propositi ferendi legem, non autem per modum legis latae. Praxis, etc. l. 2. c. 1. P.* Berti scripsit legem aeternam non fuisse legem obligantem, sed paratam obligare in tempore, quo hominibus promulgaretur: *Nos per promulgationem nihil aliud intelligimus, nisi parata iam legis promulgatione, aeternam legem institutam dicimus ante tempora saecularia promulgatam vero in temporum conditione.* Quod explicavit verbis illis dicens, quod *lex aeterna fuit ab aeterno solum vim habitura in rerum creatu-*

rum conditione; ita ut tunc vim obligandi habere deberet, cum fuisset creaturis promulgata.

55. Denique theologi omnes sentiunt, legem aeternam non fuisse legem obligantem, nisi postquam fuit promulgata: ut scribit Franc. Sylvius: *Lex aeterna fuit ab aeterno lex materialiter, non formaliter, seu sub ratione legis actualiter obligantis, quia tunc non fuit actualis et perfecta promulgatio. In 1. 2. q. 91. a. 1. ad 2. Convenit quoque P. Gonet: Legem aeternam defectu promulgationis non potuisse obligare creaturas ab aeterno. In Clyp. tom. 3. tract 6. de leg. D. 2. art. 2. n. 19. Facit quod scribit Lorichius: Hominibus autem (lex aeterna) promulgatur, quando eis innotescit. Thesaur. Verb. lex. n. 6. et lubet hic repetere quod scripsit Dominicus Sotus: Nulla lex ullum habet vigorem legis ante promulgationem; nullam exceptionem conclusio haec permittit. Dicit enim legem, quum sit nostrarum actionum regula, regulam nobis esse nequire, nisi nobis applicetur et manifestetur: Applicari autem nequit (lex) nisi per eius notitiam, nam qui regula utitur, eam intueri necesse habet. Sotus de iust. lib. 1. q. 1. a. 4. q. 3. a. 2. Colligamus ergo. Theologi omnes, ductore D. Thoma, sentiunt, legem aeternam, quamvis in actu primo vim in se habuerit homines obligandi, actualiter tamen in actu secundo obligare non potuisse, nisi postquam hominibus lumine rationis naturalis fuerit promulgata. Hinc repetere opus est doctrinam Ioannis Gerson dicentis, *Necesse est dari manifestationem ordinationis, ac voluntatis Dei, nam per solam suam ordinationem, aut per solam suam voluntatem nondum potest Deus absolute creaturae imponere obligationem. De vita spir. tom. III. lect. 2. Et Franciscus Henno scribit legem naturalem non distinguere a lege aeterna, sibi ipsi tamen obicit: Promulgatio est essentialis legi, sed lex naturalis fuit tantum in**

tempore promulgata, ergo solum in tempore incepit esse proprie lex, et consequenter ab aeterna lego distinguitur: respondet vero: *Fuit ab aeterno lex naturae potens obligare, licet non obligaverit antequam promulgaretur in tempore per dictamen rationis. Et idem est de lege aeterna; unde sicut non fuit lex aeterna obligans ab aeterno, sed in tempore (scilicet quando fuit manifestata); ita et lex naturae. Henno de lege; sed sermone progrediamur.*

56. Obiicitur 2. Ergo homo nascitur liber? non subditus et dependens a Deo? Non equidem. Homo nascitur subditus et dependens, et devinctus parere praeceptis omnibus, quae ei Deus imponit: ut vero huiusmodi praecepta cum ligent, debent ei applicari actuali praecepti promulgatione, quae fit cum ei praeceptum rationis lumine manifestatur; usque dum vero praeceptum ei non manifestatur, homo possidet libertatem ei a Deo datam, quae quum certa sit, non remanet, nisi a certo praecepto, ligata.

57. Si unquam homo nasceretur legi aeternae devinctus (quemadmodum quidam mens adversarius credit) antequam ei illa manifestaretur, ita ut nullas alias actiones facere posset, nisi illas, quas ei lex aeterna permetteret, necessarium non fuisset, quod Deus homini praecepta sua denunciasset impressione luminis naturalis et lege scripta: sed ei declarare debuisset tantum illa, quae ei permittebat. Poterat, haud inficior, Dominus iubere, quod homo nil aliud facere posset, nisi illud, quod ei expresse permisisset; sed non ita fecit: *Deus ab initio constituit hominem, et reliquit illum in manu consilii sui; adiecit mandata et praecepta sua: si volueris mandata servare, conservabunt te. Eccli. 15. 14. et seqq.* Ergo antea Deus creavit hominem liberum, donando ei libertatem iuxta id, quod scripsit Apostolus ... *potestatem habens suae voluntatis. 1. Cor. 7. 37.*

Postea adiecit mandata quae observare debet, et ex observantia huiusmodi praeceptorum Dominus salutem hominis constituit. Ut vero quis ab huiusmodi ligetur praeceptis, dicit D. Thomas, quemadmodum superius innuimus, quod debet habere scientiam, idest, certam eorum cognitionem: *Nullus ligatur per praecepta, nisi mediante scientia illius praecepti. De verit. qu. 17. art. 3.* Quum enim lex sit quaedam mensura, quae homo regulare debet, dicit s. Doctor, eam debere esse certissimam; *Mensura debet esse certissima, 1. 2. q. 19. a. 4. ad 3.* secus si mensura esset dubia, nemo bene se regulare posset. Quod pluribus aliis in locis D. Thomas comprobavit dicens, illud, cui divina voluntas non innotescit, non teneri eam sequi: *Sed in particulari nescimus quid Deus velit: et quantum ad hoc non tenemur conformare voluntatem divinae voluntati. 1. 2. q. 19. art. 10. ad 1.* Et loquens praecise Sanctus de obedientia quam divinis debemus praeceptis, dicit, quod nos non tenemur eis parere, nisi postquam nobis manifesta fuere, prout demonstratum est *n. 47.*

58. Obiicitur 3. hominem non posse licite exponere se periculo legem violandi: cum adsunt duae aequae probabiles opiniones, tunc iam dubitatur an lex adsit. Quapropter si tunc homo opinionem minus tutam sequitur, iam se coniecit in periculum legis violandae. Respondetur, distinguendum esse inter casum, in quo lex certa est, et casum, in quo lex est dubia; haud inficior peccare illum qui se exponit periculo legem violandi; id vero intelligitur cum lex est certa, et tunc locum habet textus ille: *Qui amat periculum, in illo peribit. Eccli. 3. 27.* Tali enim casu lex non solum ad suam observantiam obligat, verum etiam ne nos probabili periculo eam violandi exponamus. Secus est quando periculum est tantum violandi legem dubiam, quia tunc, etiamsi ante Deum lex existe-

ret, violaretur lex non obligans; et lex non obligans non potest vocari lex; nam dicit D. Thomas (1. 2. q. 90. a. 4.) quemadmodum diximus §. 1. n. 39. quod lex ut mensura actionum hominis, debet ei promulgatione applicari, et postea subdit: *Unde ad hoc quod lex virtutem obligandi obtineat, quod est proprium legis, oportet quod (promulgatione) applicetur.* Notetur illud, quod est proprium legis. Ergo lex quae virtutem obligandi non habet, neque est, neque dici potest proprie lex: et ideo qui violat legem aliquam nondum manifestatam, uti evenit in casu duarum aequae probabilium opinionum, numquam dici potest illum peccare, quia quamvis lex adesset, contra legem operatur non obligantem, ideoque non potest ei id ad culpam imputari.

59. Obiicitur 4. quaedam s. Thomae doctrina dicentis, ignorantia illius qui potest et debet scire legem, quum sit voluntaria, non excusatur a culpa: *Dicitur ignorantia voluntaria eius, quod quis potest scire et debet s. Thom. 1. 2. q. 6. a. 8.* Hinc deducunt adversarii, quod quotiescumque homo potest et debet scire praeceptum, quomodo nunquam, ne in confuso quidem, praeceptum consideraverit, eius ignorantia est vincibilis et culpabilis; in hunc modum loquitur anonymus modernus libri inscripti *Regula bonorum morum.* Sed quomodo, ego sciscitor, potest scire praeceptum ille, cui nunquam venit in mentem huiusmodi praeceptum existere posse? Quid hoc? dicunt adversarii; homo enim, quotiescumque est cum mente non infirma, nisi moralem, physicam saltem potentiam habet ut possit praecepta considerare, ideoque semper est in culpa. Non tamen ita alloquitur d. Thomas, qui una cum d. Augustino et theologis omnibus probabilistis atque antiprobabilistis docet, quod quotiescumque ignorantia est involuntaria, a peccato excusatur. Sanctus doctor sexcentis in locis hoc probat. Dicit pri-

mo bifariam ignorantiam involuntariam esse posse et culpabilem, vel directe, sicut cum aliquis studiose vult nescire aliqua, ut liberius peccet: vel indirecte, cum aliquis negligit addiscere id per quod a peccato retraheretur: talis enim negligentia facit ignorantiam esse voluntariam, et peccatum. Et immediate subdit: Si vero ignorantia sit involuntaria, sive quia est invincibilis, sive quia est eius quod quis scire non tenetur, talis ignorantia omnino excusatur a peccato. s. Thom. 1. 2. q. 76. art. 3. Dicende igitur Sanctus (oportet eadem verba repetere), Si vero ignorantia sit involuntaria, sive quia est invincibilis, sive quia est eius quod quis scire non tenetur, talis ignorantia omnino excusatur a peccato. Sat superque declarat, ignorantiam, licet illarum rerum quas scire tenemur, quando est invincibilis, ita ut nullum veniat dubium in mentem, penitus excusare a peccato. Idem Angelicus clarius hoc docet Quodlib. 8. art. 15. scribens; Error autem conscientiae quandoque habet vim excusandi, quando scilicet procedit ex ignorantia eius, quod quis scire non potest, vel scire non tenetur; et tali casu dicit, quod quamvis factum sit de se mortale, tamen intendens peccare venialiter, peccaret venialiter; et consequenter si intenderet penitus non peccare, certe non peccabit. Adnotetur illud: Scire non potest; vel scire non tenetur. Ergo etiam in casu quo quis praeceptum scire tenetur; si illud scire nequit, ignorantia eius erit invincibilis, eumque excusabit a peccato. Et hic sapienter P. Ioannes de s. Thoma Dominicanus inter priscos theologos celeberrimus animadvertit quod illud potest scire intelligitur non iam remote sed proxime et expedite, ita ut omissio diligentiae debitae in veritate quaerenda sit proprie voluntaria. Illud axioma: Qui potest et tenetur et non facit, peccat: intellige de eo qui potest proxime, et expedite, non remote tantum et impedit, quia (ut

supra diximus) omissio, ut sit voluntaria, debet procedere ab ipsa voluntate, etc. Sanctus Thomas 1. 2. quaest. 5. disput. 3. dist. 1.

60. Hinc scripsit D. Antoninus (p. 2. tit. 1. c. 11. §. 28.) recte dari ignorantiam invincibilem iuris naturae in illis, quae per multa media, et non clare probantur esse contra praecepta. Sic quoque sentiunt Habert Theol. tom. 3. de act. hum. c. 1. n. 3. circa fin. Jo. Bapt. Duhamel Th. tom. IV. tr. de act. hum. l. 2. dissert. 3. c. 5. n. V. vers. ad legem P. Ioannes Laurentius Berti de Theol. disc. t. 2. l. 21. c. 10. ubi scribit, quod huiusmodi opinionem tenent omnes fere Aegidiani, ac Thomistae, et Sylvius, Herminier, aliique communiter. Quod probat e. D. Thoma (1. 2. q. 100. a. 1.) dicente: Quaedam vero sunt, quae subtiliori consideratione indigeant disciplinae. Idem tenet P. Gonet (Clyp. Theol. t. 3. D. 1. a. 4. §. 1. n. 55. et alibi (tract. de probabil. circa fin.) dicit, quod opinio contraria est singularis paucorum, et improbabilis. Idem quoque tenet P. Collet (Comp. mor. tom. 1. cap. 1. art. 1. sect. 2. concl. 4. pag. 25.) et P. Antoine (Theol. mor. part. 1. tr. de pecc. cap. 4. q. 6. resp. 2. in fine.), qui refert Romae anno 1685. die 8. aug. proscriptum fuisse hunc articulum: Nullam admittimus ignorantiam invincibilem iuris naturae in ullo homine, dum hic et nunc contra ius naturale agit. Sexcenta alia libenter omitto, quia fusius de hoc edisserui c. II. libri quem edidi, Usus moderati opinionis probabilis.

61. Ad alios D. Thomae textus transeamus, in quibus docet ignorantiam, quando est invincibilis excusare a peccato. In uno loco dicit: Ignorantia, quae est omnino involuntaria, non est peccatum. Et hoc est quod Augustinus dicit: Non tibi imputatur ad culpam, si invitus ignoras, sed si scire neglexeris (tom. 1. lib. 3. de lib. arbitr. c. 19. n.

53.). Per hoc autem quod ait, *sed si scire neglexeris*, dat intelligere, quod ignorantia habet quod sit peccatum ex negligentia praecedenti, quae nihil est aliud, quam non applicare animum (intelligitur voluntarie) ad sciendum ea quae quis scire debet. S. Thom. de verit. q. 3. ad 7. Et idem repetit paulo post (ad 8.) dicens, peccare tantummodo illum, qui, ne impediatur a peccato, quod diligit, scientiam recusat; et sic ignorantia est a voluntate quodammodo imperata. Idem Angelicus 1. 2. q. 19. a. 6. dicit: Si igitur ratio, vel conscientia erret errore voluntario, vel directe, vel propter negligentiam, quia est error circa id, quod quis scire tenetur, tunc talis error non excusat. Itaque e contrario, quando error non est volitus neque directe, neque indirecte per negligentiam, excusat procul dubio a peccato. Ergo semper requiritur negligentia, ut error voluntarius reddatur. Amplius idem s. Doctor O. pusc. de verit. qu. 17. art. 3. postquam dixit: *Nec aliquis ignorans praeceptum Dei tenetur ad praeceptum faciendum, nisi quatenus tenetur scire praeceptum*, explicat quomodo intelligendum sit illud, *nisi quatenus tenetur scire praeceptum*, dicens (ib. ad 4.): *Tunc conscientia erronea non sufficit ad absolvendum, quando in ipso errore peccat. Quid sibi vult illud, in ipso errore peccat? nisi quod tunc peccet cum error est culpabilis, nempe cum homo animadvertit saltem obligationem sciendi praeceptum, et illud scire negligit. Idem Sanctus repetit Quodlib. 8. n. 15. quandoque vero error conscientiae non habet vim excusandi, quando scilicet ipse peccatum est.* Quando igitur error non est culpabilis, quia involuntarius, excusat a peccato, remanet enim tunc actio tantum materialiter mala, quae ante Deum peccatum non est, quemadmodum scribit P. Collet: *Porro peccatum, quod ex ignorantia invinci-*

bili committitur, non est peccatum, nisi materialiter; nec impedit quominus aeterna salus obtineri possit.

62. Imo scribit P. Concina in sua theol. morali tom. 2. lib. 2. de consc. diss. 1. cap. 5. n. 36. *Potest enim quis, dum exercet opus materialiter malum, habere intentionem bonam Deo placendi, hos bonos actus et meritorios dicimus, etc. Opus materialiter malum, cum non sit voluntarium, refundere in istos actus malitiam non valet.* Quod autem dixit s. Ioannes Chrysostomus his verbis: *Ex proposito bono, etiam quod videtur malum, bonum est, quia propositum bonum excusat malum opus.* Est commune axioma apud omnes: *Cuique facere libet, nisi id a iure prohibeatur, uti legitur in textu Instit. de iure person. §. 1. et uti etiam docet pro indubitato principio Angelicus etiam circa res legis naturae, dicens: Illud dicitur licitum, quod nulla lege prohibetur s. Thom. in 4. sent. D. 15. q. 2. art. 4. ad 2.*

63. Obiicitur 5. ignorantiam tunc solum esse invincibilem, quando nos nullam habemus rationem de actionis honestate dubitandi: quomodo tamen huiusmodi ignorantia invincibilis dici potest, quando, quum adsit opinio aequae probabilis legi favens, iam adsunt graves rationes dubitandi, quod actio illa sit illicita? Respondetur tamen, et perspicue Nos non dicimus, operantem cum opinione benigna aequae probabilis ac est rigida non peccare, quia legem invincibiliter ignorat, sed quia tali casu ignorat invincibiliter certitudinem legis existentiae; et posito pro certo principio, uti superius evidenter demonstravimus, legem debere esse certam et manifestam ut obliget, quotiescumque nec certa nec manifesta est, licite agit qui agit benigna utens opinione. En quam ad rem respondet P. Gonet ad tutioristam Fagnanum: *Eum, qui facta sufficienti diligentia ad inquirendam veritatem, agit ex opinione proba-*

bili, quando alia probabilior ei non occurrit, non agere ex conscientia practice dubia, subindeque nulli peccandi periculo se exponere: quia tunc certificatur moraliter per iudicium reflexum quod habet, dicens: Qui facit totum quod in se est ad inquirendam veritatem, et illam consequi non valet, excusatur ratione ignorantiae invincibilis. Quod principium est omnino certum, et unanimi fere theologorum omnium consensu firmatum. Gonet, Manual. tom. 3. tr. 3. cap. 16. circa fin. Itaque P. Gonet huiusmodi verbis ponit pro principio certo, et communi inter theologos, quod cum certa legis existentia ignoratur, quum violandi eam periculum adsit, recto possumus opinione minus tuta uti, quia huiusmodi dubia lex non obligat.

64. In hoc igitur cardo rei vertitur, an principium, quod lex dubia obligare nequit, sit vel ne certum. Esto enim quod sit certum, prout superius evidenter demonstravimus, et probavimus auctoritate D. Thomae quem communiter secuti sunt theologi; et esto quod adsit ignorantia invincibilis certitudinis legis, procul dubio agens non peccat. At inquit: D. Thomas scribit: *Qui aliquid committit aut omittit, in quo dubitat esse peccatum mortale, discrimini se committit; ideoque mortaliter peccat. In 4. sent. dist. 21. q. 2. a. 3. ad 3.* Ergo, respondens tunc dicit D. Thomas, hominem peccare mortaliter, cum committit aut omittit aliquid cum dubio practico peccandi, in quo dubitat esse peccatum. Sed hoc locum non habet, cum quis agit adversus legem dubiam quae non obligat, quemadmodum docet idem doctor Angelicus: *Nul- lus ligatur per praeceptum, nisi mediante scientia illius praecepti*, quia tunc agit cum dictamine certo licite operandi.

65. Obiicitur 6. nos non posse uti opinione benigna, nisi sit probabilissima, et moraliter certa (large lo-

quendo); nam secus (inquiunt moderni nostri probabilioristae) honestatis actionis certitudo haberi nequit. Respondeo: Qui opinione aequae probabili pro libertate utitur in-nixus principio quod lex dubia non obligat, certitudinem non habebit directam; habebit tamen indirectam et reflexam, quod actio sit honesta, et hoc modo licite operatur. Quod autem licite quis operatur cum principio certo reflexo, non est dubitan-dum, uti demonstrabimus *seq. n. 70.* Istis tamen modernis probabilioristis obii-cio, quod ipsi cum opinione proba-bilissima (iuxta eorum effatum) nequeunt, aut difficulter possunt tuta conscientia uti opinione benigna, sed semper debent opinionem sequi tutiorem; aut sententiam stricte certam, prout stricti tutioristae volebant: et hoc facio argumentum. Moderni nostri probabilioristae dicunt, quemadmodum superius innuimus, quod nos non possumus nosmetipsos conii-cere in periculum violandi legem: opus est tamen intelligere, quod opinio probabilissima, quia inter fines probabilitatis est, non excludit om-nem prudentem formidinem quod sit falsa, quemadmodum omnem pruden-tem formidinem excludit senten-tia moraliter absolute certa, quam tenent rigoristae, qui probabilissi-mam quoque excludunt: sed isthaec eorum propositio proscripta fuit ab Alexandro VIII. *Non licet sequi opinionem vel inter probabiles proba-bilissimam.* Si opinio igitur proba-bilissima omnem prudentem non ex-cludit formidinem, opinio contraria probabilissimae non est iam tenuiter probabilis; quia tenuis probabilitas non est vera probabilitas, sed est tan-tum quaedam falsa, seu vana proba-bilitatis species, quae nequit prod-ncere aliquem prudentem timorem, sed tantum timorem aliquem impru-dentem. Et timor imprudens non est timor, qui possit secum ferre aliquod peccati periculum. Iidem rigidiores tutioristae communiter dicunt sper-

nendos esse huiusmodi imprudentes timores: nimis magna dementia esset cogitare, quod Deus nobis iubeat, ut nos imprudentes omnes vanosque vitemus timores. Itaque nisi velimus opinionem probabilissimam cum opinione absolute certa confundere, opus est dicere, quod opinio contraria probabilissimae non est tenuiter probabilis, sed dubie probabilis, quam nemo sequi potest: sed si ea non est probabilis, habet tantum prudentem aliquam rationem quod vera sit, uti probabilissimo (prout diximus) aliquam prudentem formidinem habet quod sit falsa. His positis dico: Esto quod opinio quae legi favet, contraria probabilissimae quae favet libertati, est dubie probabilis, et aliquam prudentem rationem, licet non omnino stabilem, habet, quod sit probabilis: quo modo sciscitor, qui tenet non licere coniicere se in periculum violandi legem, probabilissimam pro libertate sequi volens, possit in praxi suum inducere in animum tuta conscientia, ut firmiter credat opinionem pro lege vere probabilem non esse, et uti posse probabilissima, quin timeat exponere se in discrimen legem violandi? Ubi inveniet talem libram, qua tutus efficiatur, quod opinio illa, quae legi favet, certe non habeat tot probabilitatis notas, uti ad veram perveniat probabilitatem? et hoc modo possit tute operari, et sine periculo legem violandi? Ideo repetito quod a principio dixi, quod crederetur non posse sequi quamcumque minus tutam opinionem, nisi sit probabilissima; quum sit iam in dubio, an opinio legi favens sit vel ne probabilis, non sine magna difficultate poterit tuta conscientia operari, nisi strictum amplectatur tutiorismum, qui tantummodo a quocumque timore, et praesertim a periculo legem violandi est immunis.

66. Obiicitur 7. Unusquisque scit, quod si in nemore aliquod adest obiectum, quod probabiliter iudicetur

homo, qui illud in hoc dubio sagitta ferit, procul dubio peccat: itaque si peccat, qui exponit ad periculum vitam corporis proximi sui, quo modo excusabitur a peccato, qui in periculum exponit vitam animae suae, coniiciendo se in probabile peccandi periculum? Respondemus: sed antea dicimus mirum esse quod ab adversariis semper trivialis isthaec obiectio repetatur, vel postquam toties nostri ad illam responderunt. Iterum tamen respondemus, quod si vibretur sagitta in probabili dubio an obiectum illud sit homo, vel fera, non agitur contra legem dubiam; sed contra certam: tali enim casu certa lex est, ne in probabile coniiciatur periculum vita proximi, qui certum ius habet ne laedatur. In casu tamen nostro non solum nulla certa lex adest ne exponamus nosmetipsos in periculum violandi legem, sed quoque certum est (quemadmodum innuimus) quod, quam lex sit dubia, et consequenter nec promulgata, nec manifestata, virtutem obligandi non habet; ideoque si illa unquam ante Deum existeret, qui illam violat, non peccat, quia legem violat non obligantem.

67. Obiicitur 8. Ut dicatur quod lex quaedam dubia sit, dubitandum esset, an vel ne huiusmodi lex existeret: sed hoc (dicunt) accidere nequit, quia leges tam divinae, quam humanae, quas observare debemus, omnes certe existunt, et promulgatae sunt. Dubium igitur (inquiunt) non est de legis existentia, sed de casibus particularibus, id est, an casus ille peculiaris comprehendatur in illa lege universalis: unde in concursu duarum aequae probabilitum opinionum, dicere non possumus, quod lex est dubia, sed quod certa lex ad casum illum non extenditur; quis tamen hoc asserere audebit, quum quoque opinio pro lege sit probabilis? Ita scribit P. Daniel Concina in sua theologia christiana.

68. Responderemus, imo pro nobis

respondet illud quod ipsemet P. Con-
cina scripsit in compendio dictae
theologiae (tom. 2. de legib. cap. 2.
n. 10.) ubi dixit, quod quamvis lex
certa sit, circumstantiae tamen quae
occurrunt diversae efficiunt, quod
lex modo obliget, modo non; prae-
cepta divina sunt immutabilia, sed
quandoque aliqua data circumstantia
non obligant. Hinc (nos concludi-
mus) frustra dicitur, quod leges om-
nes certae sunt, quia mutatis casuum
circumstantiis, in huiusmodi casibus
leges illae locum non habent, aut
redduntur dubiae et tamquam dubiae
non obligant. Ergo, repetit praelau-
datus auctor, iuxta vestrum princi-
pium, quod lex dubia non obligat,
concluditis, quod in dubio an lex
extendatur vel ne ad illum casum,
certe non extenditur? Respondemus
nos non dicere, quod lex in illo
dubio certe non extenditur, sed quod
cum duae adsunt aequae probabiles
opiniones, tunc, quum certum non
sit quod lex ad casum illum exten-
datur, respectu illius casus lex erit
dubia, et uti dubia non obligabit.
Exemplum pro faciliiori ponamus in-
telligentia. Lex prohibet usuram, sed
cum utrinque aequalis adest proba-
bilitas quod quidam contractus sit
et non sit usurarius, tunc nulla est
lex certa, quae illum prohibeat;
ideoque circa huiusmodi contractum
dubia lex remanet: quoad usuram
certa est lex quae illam prohibet,
quoad tamen contractum illum du-
bia est lex. Esto igitur vere proba-
bile esse, casum illum particularem
in lege non comprehendendi, idem est
dicere dubium esse an ad casum il-
lum lex extendatur, quam dicere
quod respectu casus illius lex est
dubia: et si lex est dubia quoad il-
lum casum, consequenter respectu
illius non obligat.

99. Obiicitur 9. Effatum seu re-
gula Canonum: *In dubiis tutior pars
eligenda est.* Quod est adversariorum
fundamentum; responsum tamen est
meridiana luce clarius. Respondemus

itaque prae fatam regulam habere lo-
cum in solis dubiis practicis, quae
remanent in conscientia, quin deponi
possint, non vero in dubiis specula-
tivis, quae ibique mediante princi-
pio certo deponuntur, quia tunc a-
gens non remanet in dubio, sed exit
a dubio, et certitudinem habet mo-
ralem. Ideo dicunt communiter do-
ctores cum d. Antonino, Nyder, Ta-
biena, Isamberto, p. Ioanne Idel-
phonso, Vasquez (quamvis hic contra
nos laudetur), Tannero, Navarro
(doctrinae quorum habentur in ci-
tato libro *Usus moder.*, etc. pag. 227.
n. 7. et seq.) Soto, Medina, Sa, Va-
lenza, Enriquez, Lorca, Vidal, An-
gles, Bardi, Salas, p. Ioanne a s.
Thoma, Merolla, aliisque innumeris,
prae fatam regulam locum tantum
habere in casibus dubiis practicis,
quemadmodum deducitur ab iisdem
textibus, in quibus eadem regula
praescribitur, et quemadmodum ego
omnes et singulos dictos casus ad
trutinam revocavi in prae laudato li-
bro *Usus moderati*, etc. pag. 254. a
n. 11. Quoad vero ad speculativa
dubia dicta regula consilii est, non
praecepti. En quam opportune oc-
currit d. Antoninus, qui de quodam
contractu loquens, qui erat proba-
biliter licitus, probabiliterque illicitus
prae contrariis sapientum opi-
nionibus, scribit: *Inducunt illud: In
dubiis tutior via eligenda est. Res-
pondetur hoc esse verum de hone-
state, et meriti maioriata, et non de
salutis necessitate quoad omnia du-
bia: brevitalis gratia praeter eo hic
totum id quod super hoc puncto scri-
psi in libro Usus moder. cap. 5. n.
2. p. 221. et rem ipsam aggredior.*
Dicit igitur d. Antoninus, quod in
dubiis speculativis, quae occurrunt
in casu duarum aequae probabilitum
opinionum, prae fata regula est con-
silii, non praecepti: *Hoc esse verum
de meriti maioriata, non de salutis
necessitate quoad omnia dubia.* O-
pinio itaque dicentis, prae laudatam
regulam locum habere in dubiis om-

nibusetiam speculativis, mihi videtur, iuxta id quod superius ostendi, omnino esse improbabilis atque insubsistens; ea enim adversatur rationi, et communi theologorum sententiae.

70. Ut tamen extremam manum huic controversiae imponamus, illud proferamus responsum quod omnibus os claudit. Sciscitor, quid dicit praefata Canonum regula? Dicit: *In dubiis tutior pars eligenda est*; ergo quotiescumque conscientia est in dubio (*in dubiis*) non potest operari sine stimulo et sine peccato. Quid vero obstat dicta Canonum regula, quando homo aliquo cum principio certo reflexo dictamen practicum moraliter certum sibi efformat? Tunc foras a dubietate prodit, et a terminis de quibus loquitur textus, et amplius dici nequit quod sit *in dubiis*.

71. Verissima et iustissima est Canonum regula, sed non illa est, quam moderni volunt tutioristae, ut eam iure vel iniuria trahunt; at dico quod illi volunt, quod iuxta suos terminos regula ipsa non dicit. Repetit tamen quidam meus adversarius, quod hocce meum argumentum subsisteret, si a me adoptatum principium esset certum, sed quia est falsum, non subsistit. Ergo, ego repeto, si non demonstrant mei adversarii principium a me adoptatum evidenterque demonstratum esse falsum, scilicet quod lex dubia certam non potest inducere obligationem, quia ei deficit sufficiens seu certa promulgatio. quemadmodum dicunt d. Thomas, et theologi omnes, singulae eorum oppositiones evanescent. Mihi tamen moraliter impossibile videtur, quod ipsi unquam refellere poterunt hoc meum principium adeo perspicue probatum, et assero quod nunquam huiusmodi principium refellent, nisi d. Thomae doctrinas a me relatas confutent. Dixi *nisi confutent*, quia velle pro libitu illas interpretari, et ad alium sensum detorqueere, uti faciunt, idem est ac solis lucem obfuscare.

72. Obiiciunt demum Decretum S. C. Inquisitionis romanae habitum anno 1761, ex quo contendunt quemlibet probabilis usum fuisse proscriptum. Sed scire opus est anno 1760. quemdam parochum terrae Avisa dioecesis Tridenti edidisse folium plures continens propositiones, quae omnes probabilismo favebant, quarum quaedam erant quae iustos excesserant fines. Huiusmodi folium cum omnibus eius propositionibus transcripsi in dicto meo libro *Usus moder.* etc., cap. 5. pag. 282. Proscriptum utique fuit folium, sed non proscriptae fuere omnes propositiones eiusdem, earum enim aliquae iustae erant et innocentes: ideoque in Decreto dictum fuit S. C. folium praedictum, et theses in illo expositas damnat, *tanquam continentia propositiones, quarum aliquae sunt respective falsae, temerariae, et piarum aurium offensivae, etc.* Itaque damnatae non fuerunt propositiones omnes in particulari, et divisim una ab aliis; dictum enim fuit: *Quarum aliquae sunt respective falsae, etc.* Et revera quum de hoc scripserim duobus primariis consultoribus eiusdem S. C., nempe reverendissimo P. magistro Thomae Augustino Richino sacri palatii magistro, et reverendissimo P. magistro Pio Thomae Schiara a Secretis S. C. Indicis, mihi rescripserunt, a S. C. damnatum fuisse praedictum folium et theses, non vero propositionem aliquam particularem in dictis thesibus contentam, ideoque damnatum non fuisse probabilismum, neque quoad aequae probabilem, neque quoad minus probabilem libertati faventem. Scripsi amplius eminentissimo domino Cardinali Galli tunc poenitentiario maiori, eumque rogavi, ut meo nomine responsum requireret a proprio Summi Pontificis ore. Dictus eminentissimus Dominus, postquam fuit Pontificem allocutus, respondit mihi, non fuisse damnatas omnes folii propositiones, sed aliquas tau-

tum in illo contentas, et non damnatam fuisse aliquam propositionem illarum, quae disceptantur in scholis catholicis, et a multis catholice propugnantur. Praefatae epistolae tam consultorum, quam Cardinalis Galli leguntur in dicto meo libro *Usus moder.* pag. 233. His positis, non credo aliud opus esse responsum ad hanc ultimam oppositionem Decreti romanae Inquisitionis.

73. Ut denique opusculum hocce meum concludam, habet hic transcribere id quod hisce nostris temporibus scripsit Episcopus S. Pontii doctus antistes Galliae in quodam suo libro dicens, quod hodie nunc adeo exclamatur adversus theologiam moralem relaxatam, quando potius exclamandum esset contra rigorismum excessivum, et pag. 61. subdit haec memoranda verba: *Ecclesia consolata fuit videndo impositum fuisse finem regno relaxationis in theologia morali, sed postea doluit videndo successisse in eius locum immoderatum rigorismum. Hic secundus error ille est qui hodie circumfertur.* Et revera transacto saeculo plurimi abusi fuerunt in opinando ad probandas pro probabilibus multas laxas opiniones; ideoque plures Ecclesia proscripsit opiniones, quia immerito vocabantur probabiles, quemadmodum sunt propositiones 27. et 40. proscriptae ab Alexandro VII. et 1. 3. 6. 35. 44. et 57. proscriptae ab Innocentio XI. Hae omnes damnatae fuere, quia in ipsis dicebatur, *probabile est, etc.*

74. Hodie tamen, prout scribit praefatus antistes, haec opinandi relaxatio terminavit, unde idem antistes subdit: *Desiere magistri theologiae moralis relaxatae, sed eis succedere novi magistri, quorum effata sunt intolerabiliora, homines ad desperationem adducentia. Nihil aliud efficere poterunt, quam morum corruptelam introducere. Longe plures sunt qui pravae mores suos nimio excusant rigore, qui hodie nunc cir-*

cumfertur, et moralem evertit, quam qui relaxatae moralis subterfugio se excusare contendunt.

75. Unusquisque tamen scit, et cognoscere potest ex eo quod scripsi in meo postremo libro theologiae moralis, quantum relaxatam moralem reprobavi. Quod meum systema aequae probabilis opinionis, evidenter demonstrasse mihi suadeo, quemadmodum credunt plures antistes, Abbates, religionum Superiores et alii doctissimi viri, qui mihi scripserunt, sententiae quam certos intra fines propugnavi, neminem adversari posse; principium enim, super quo praefata est mea sententia stabilita, nempe quod lex dubia non obligat, quia non sufficienter promulgata, dicunt esse evidens, atque certum. Et rogo lectorem meum, ut legat epistolas huiusmodi virorum, quae sunt in fine mei libri *Usus moderati, etc.*

76. Scio multos ut dictum meum librum legerunt rigidam deseruisse sententiam. Inter alios Abbas d. Prosperus de Aquila congregationis Montis Virginis, qui multa erudita opera edidit, in hunc modum mihi scripsit: -- « Libellum tuum de opinionis probabilis usu moderato legi, et adeo mihi placuit, ut eum relegi. Tam prudenter Dominatio Tua illustrissima argumenti demonstrationem tractavit, ut ego cum omnibus aliis, qui idem tractant argumentum, praeposui, et nescirem quid amplius in eo possit desiderari. Principia super quibus tuam stabilisti sententiam, certa sunt, et tam a probabilistis, quam a probabilioristis omnibus admissa. Cum lex certa non est, non potest certam inducere obligationem. Quod tam recte prae auctoritate Canonum, Patrum, et primi ordinis theologorum demonstrasti, ut nil melius demonstratum fuit. Quum igitur de dubiis aequae probabilibus opinionibus agatur, vel ego in sententiam tuam descendo, quod quis licite illam sequi possit, quae libertati fa-

vet, licet minus tutam. Nullum finem facio tibi gratias agendi de eiusmodi dono, ac de notionibus, quas e tui libri lectione acquisivi, quem debitis extollam laudibus in probabilis opinionis articulo, quem prae manibus habeo in 3. tomo Dictionarii theologici, ubi tuae dissertationis lectionem unice proponam. -- ». Et revera in folio dicti Dictionarii impresso, verbo *probabile* (quod postea in lucem non prodiit, revisor enim pro rigido systemate informatus, noluit quod in lucem prodiret) propriis oculis haec sequentia verba impressa legi: -- « Doctam dissertationem Episcopi s. Agathae Gothorum D. Alphonsi de Ligorio de usu moderato opinionis probabilis legendam propono. Duo ille perpendit. Primum, an liceat sequi opinionem minus probabilem. Secundum, an, quum duae contrariae opiniones sint aequae aut quasi aequae probabiles, minus tutam sequi liceat. Primo casu negat, secundo affirmat: quod omnibus argumentorum generibus confirmat, atque demonstrat hanc esse sententiam magis probatam tam a priscis quam a modernis Doctoribus. Usque a principii suis revocat quaestionem adeo clamorosa in scholis, et postquam eam suo splendore restituit prae auctoritate Patrum honoratiorum nostrae Ecclesiae, doctiorum theologorum decisione confirmat. Mirus huius dissertationis est ordo doctrinae, ex quo se aperit perspicuitas: et variis cabalis atque moralistarum caliditatibus non obstantibus, propter quas quaestio videtur intricata, eam nihilominus tanta nitiditate tractat, ut nihil unquam clarius in hac materia legerim, eiusque decisio definitiva mihi videtur. Ita alloqui existimavi, quia id mihi maxime cordi est, quod omnes homines ea utantur dissertatione, quum mihi caput operae videatur in hoc genere, in quo alii theologi tam magna, et tam multa scripsere volumina, ut quilibet illa accurate legere exauimetur. » --

Et sciendum quod praefatus Abbas, uti in pluribus aliis operibus ego legi, erat omnino rigidae sententiae sectator.

77. Hic opus est ut ego quid circa meum systema moneam, quod est omnino monendum, et est, quod cum dubitatur an opinio legi favens sit aequae probabilis, aut parum probabilior, tunc locum habet idem principium, quod lex dubia non obligat, tali enim casu ipsa lex non desinit esse stricte dubia: nam tunc quamvis aliqua pro lege maior adesset probabilitas, cum dubitatur an haec maior probabilitas, adsit vel ne, praeponderantia erit tam levis et minima, ut nihili facienda sit prae illo effato communiter ab ipsis adversariis admissio, quod *parum pro nihilo reputatur*. Secus autem esset, quando excessus esset evidens atque certus, quia tunc opinio legi favens erit certe et multum probabilior; et statuatur quod cum opinio legi favens est certe probabilior, tunc est quoque multum probabilior; ideoque tunc, uti a principio dictum fuit, lex est iam moraliter promulgata, ideoque obligat, et est procul dubio observanda.

78. Quoad tamen ad peculiare sententias meas, verum est, in primis meae theologiae moralis impressionibus plurium auctorum auctoritate ductus pro probabilibus multas non satis firmas opiniones admisi; melius tamen re perpensa, eas revocavi, aut reformavi, quemadmodum patet ex indice huiusmodi opinionum impresso in principio meae theologiae moralis nuper typis consignatae; in quo quilibet observare potest quot propositiones et Busembaum, et aliorum probabilistarum reprobavi; quae de re quamplurimi existimaverunt molius rigidarum, quam benignarum sententiarum esse fautorem.

79. Caeterum non minus mihi religionis fuit sufficienter probabiles opiniones adprobare ex eo quod dicit d. Antoninus, quod illi qui obli-

gant alios opiniones plus nimio rigidas sequi *aedificant ad gehennam*, id est, sunt causa quod multae animae damnentur, quae huiusmodi opiniones sequi debere sibi persuadent, quas postea non sequendo miserandum in modum damnantur. Finem huic opusculo impono. Ego pluribus abhinc mensibus detineor lecto quadam prae infirmitate, quae verisimiliter me brevi luce privabit. Communiter aiunt, quod omnes homines alio modo loquuntur in vita, alio in morte, quia in morte sentiuntur illi conscientiae stimuli, qui non perci-

piuntur, seu, ut melius dicam, non volunt percipi in vita. Ego tamen nullis prorsus conscientiae stimulis exagitor prae meo, quod propugnavi circa probabile, systemate; immo religioni mihi esset contrariam tenere sententiam quoad aliorum instructionem rigidum amplectendo systema quorundam modernorum auctorum. Dixi *quoad aliorum instructionem* iuxta consilium s. Ioannis Chrysostomi: *Circa vitam tuam esto austerus, circa alienam benignus. In Can. Alligant, 26. qu. 7.*

TRACTATUS II.

DE LEGIBUS

CAP. I. De natura legis.

1. 2. *Divisio legis.*
3. *Conditiones.*
4. ad 8. *Promulgatio.*
9. 10. *Acceptatio.*
11. *Si lex per decennium non esset acceptata.*
12. et 13. *Simaior pars non acceptet, etc.*

1. **Definitur lex:** recta agendorum ratio. **Lex** non differt a **praecepto**, nisi in eo quod lex datur communitati, **praeceptum** particularibus. **Dividitur** lex in aeternam, naturalem, et positivam. **Lex aeterna** est ratio divinae sapientiae, quae praescribit hominibus regulas operandi ad illius observantiam. **Naturalis** est eadem ac aeterna: dicitur enim aeterna, in quantum tradita est a Deo; in quantum vero consideratur ut hominibus manifestata lumine naturae, naturalis appellatur, ad quam pertinent omnia decalogi praecepta. **Lex positiva** est illa, quae non dictatur a natura, sed legi naturae est conformis, et in hoc praesertim ab illa discrepat, quod prohibita a naturali, ideo prohibita, quia mala; prohibita vero a positiva, ideo mala, quia prohibita.

Positiva praeterea dividitur in divinam et humanam. Ad positivam divinam pertinent omnia veteris testamenti praecepta caeremonialia et iudicialia, quae postea morte Iesu Christi cessarunt, remanentibus firmis tantummodo moralibus, quae praecepta decalogi nominantur. Ad eam quoque pertinent omnia praecepta novi testamenti circa sacramenta. Positiva autem humana subdividitur in legem gentium (quae ius gentium nuncupatur) in ecclesiasticam, et civilem.

2. **Lex gentium** est illa, quae cum consensu omnium gentium condita et recepta est, ut sunt, v. g., lex ut bellum sit iustum, lex ut bona directum dominum non habentia sint primi occupantis, et his similes. **Lex ecclesiastica** est illa, quae ordinata est ab Ecclesia propter gubernationem spirituales reipublicae christianae, et illa complexa est in decretalibus et sexto decretalium, in clementinis, et extravagantibus, et in omnibus aliis bullis pontificiis, quae obligant absolute omnes fideles. **Canones** vero in Gratiani decreto collecti aliam obligationem non inducunt, quam quae ipsismet insita est. **Lex civilis** deni-

que, quae a principibus sancita est ob bonam populi temporalem gubernationem, et haec diversa est pro diversitate locorum. Lex civilis complectitur digesta, instituta, codicem, authenticam, sive novellas.

3. Condiciones legis, ut obliget, hae sunt: 1. ut sit *honestas*, nempe ut sit religioni conformis; 2. *iusta*, ut non laedat subditorum iura; 5. *possibilis moraliter*, nempe ut non sit nimis observatu difficilis, locorum et temporum ratione inspecta; 4. *utilis* bono publico, et ut bonum sit notabile; 5. *necessaria* ad prospiciendum malo, quod frequenter accidit; 6. *manifesta*, nempe clara, ut habetur *cap. Abbate, de verb. signif., ne per obscuritatem captionem contineat*, et ut loquitur s. Isidorus *can. 2. dist. 4.* Secus cum lex esset obscura, posset dissimiliter exponi, et cum possit erroris esse causa, potius officeret, quam prodesset.

4. Demum ut lex obliget debet esse *promulgata*, ut communiter omnes dd. cum s. Thoma (1), et Scoto (2), ex *can. In istis, distinct. 4.*, ubi legitur; *Leges tunc constitui, cum promulgantur*. Propterea iure merito Doctor Angelicus dicit loco cit., quod lex nihil aliud sit, quam *ordinatio promulgata*. Ratio est, quod cum lex sit regula communis secundum quam toti communitati vivendum est, non potest illa communiter observari, nisi saltem in maioris communitatis partis venientiam (3).

5. Hinc est quod leges caesareae, et principum (saltem in aliquibus imperatori subiectorum) licet supremorum, debent promulgari in qualibet provincia, seu civitate metropolitana. Et hae leges non obligant, nisi post duos menses a promulga-

tione, ut habetur in *authentica, Ut factae novae. Coll. 5.*

6. Dubitatur hic 1. An leges pontificiae, et aliorum principum ab imperatore independentium, ut obligent, debeant in qualibet provincia promulgari. *Prima sententia* affirmat, et hanc tenent plures auctores graves, ut Becanus, Natalis Alexander, P. Collet, Continuator Tournely, Cabassutius; et eam probabilem vocant Sylvius, Anacletus, Roncaglia, et alii cum Angelo, et Medina. Citatur pro hac sententia quoque Caietanus, sed Caietanus aliud non dicit, quam leges canonicas non obstringere ignorantes. Citatur etiam Lessius, sed Lessius loquitur de legibus contractus irritantibus. Citatur etiam Sotus, sed Sotus loquitur potius de legibus inhabilitantibus, aut revocatoriis privilegiorum (4). Auctores huius primae sententiae, praecipue fundantur super *authentica* mox supra allatam, *Ut factae novae*, dicentes quod ubi specialis dispositio legis canonicae non adest, servanda est civilis, prout deducitur ex *cap. 2. de nov. op. nunc.* in quo sic habetur: *Sacrorum statuta Canonum principum constitutionibus adiuvantur*. Dicunt praeterea nimis durum esse, obligare toties christiani orbis fideles ad leges tantum Romae publicatas. Sed adhuc iuxta hanc primam sententiam excipiendae sunt Bullae insertae in Bullario, istae enim sunt in corpore legum et in hoc omnes conveniunt, prout testatur Cardinalis *Petra* (5). *Secunda* vero sententia valde communior, et probabilior negat, docetque leges pontificias, et principum imperatori non subiacentium, obligare per solam promulgationem, quae solet fieri Romae, vel in principis metropoli; ita Suarez, Bonac. Layman, Azorius, Ca-

(1) 1. 2. q. 90. a. 4.

(2) Scoto dist. 3. q. 4. a. 2.

(3) Vide l. 1. n. 96.

(4) Becan. de leg. qu. 5. n. 5. Natal. Alex. theol. l. 4. a. 3. reg. 25. Collet. t. 2. de leg. sect. 4. p. 14. Cabass. Theor.

in 1. 1. c. 4. n. 4. Sylv. t. 2. in 1. 2. qu. 96. ar. 4. quaer. 11. concl. 3. Less. l. 2. c. 22. n. 98. Sot. de iust. l. 2. q. 1. a. 4. et vide l. 1. n. 96. v. 11. Not.

(5) Card. Petra in proemia §. 4. n. 50 et 54

stropal. Cardenas, Ferraris, et Salmanticenses, Valentia, Navar. Menoch. Vasqu. Pontius, Salas, etc. (1). Ratio, quam adducunt, haec est: Non dubitatur quin lex ut vim habeat obligandi debeat esse promulgata, ut per promulgationem possit ad notitiam subditorum pervenire: sed circa modum promulgationis, hic modus ab arbitrio, et attentione legislatoris pendet. Hinc observavi quod inter omnes doctores, etiam oppositae sententiae, nullus est qui neget (prout testantur pro certo Salmanticenses) non esse opus de sua natura, quod lex, ut obliget in qualibet provincia publicetur, sed satis est, quod in legislatoris curia promulgetur; et in effectu scribunt Salmanticenses, quod in Hispaniarum regnis regiae leges, eo quod tenetur rex leges caesareae servare, tantum Matrili promulgantur. Sicque similiter plurimae Bullae pontificiae, iuxta receptum usum, tantum Romae locis ibi destinatis promulgantur, atque iuxta huiusmodi constitutiones deinde omnes ecclesiasticae causae indicantur. Contra vero apostolica Sedes, casu quo nolit aliquam legem obligare, nisi post publicationem in provinciis peractam, id expresse declarat, prout declaravit in interdicto ab Ecclesia imposito a Concilio Lateranensi IV. adversus medicos, qui infirmis assistant, priusquam illi Sacramentum Poenitentiae susceperint, ut habetur in *cap. Cum infirmitas, de poenit. et remiss.* Et sic pariter id expressum fuit in Concilio Tridentino Sess. 24. *cap. I.* circa matrimonii clandestini invaliditatem.

Hoc posito, cum Papa determinat Bullas tantum Romae promulgari, minime verisimile est, quod ipse non intelligat alias provincias, sed solam romanam obligare; cum enim Pontifex solos Romanos obstringere vult, condere particularia solet edicta (et

haec italico idiomate conficit); sed generalia condens statuta pro tota Ecclesia, etaque solemniter promulgans clausulis obligatoriis, procul dubio praesumendum est velle omnes obligare fideles, statim ac ipsis Bullarum pervenerit notitia; quae facile est, ut e Roma ad alia regna perveniat; nam omnes fere nationes Romae conveniunt, omnesque Praelati (praesertim remotiores) ibi suos agentes habent, qui ordinario de constitutionibus recenter promulgatis eos certiores faciunt. Praeterea, quod leges pontificiae obligant statim ac solemniter promulgantur, id clare eruitur ex *cap. I. Ad haec, de postul. praelat.* ubi dicitur: *Non sit necessarium, cum constitutio solemniter editur, aut publice promulgatur, ipsius notitiam singulorum auribus per speciale mandatum inculcare; sed solum sufficit, ut ad eius observantiam teneatur, qui noverit eam solemniter editam, aut publice promulgatam.* Notentur verba, *solemniter editam, aut publice promulgatam.* Qui igitur certam habet notitiam alicuius Bullae iam solemniter Romae promulgatae, illam equidem observare tenetur. Idem deducitur ex *cap. Quia cunctis I. §. Nec obstarat, de concess. praebend. in 6.* ubi habetur: *Lex seu constitutio, vel mandatum nullos adstringunt, nisi postquam ad notitiam pervenerint eorumdem, aut nisi post tempus, infra quod ignorare minime debuissent.* Quisque ergo illas servare debet leges, quorum notitiam habuit, cum promulgatae iam fuerint, modo quo legislator eas promulgare valet. Certumque est posse Papam ad suas Bullas observandas omnes fideles adstringere per solam promulgationem Romae factam, prout quivis princeps (iuxta id quod supra vidimus ab omnibus admitti) per solam publi-

(1) Suar. de leg. l. 3. c. 16. n. 8 Bonac. de leg. D. 1. qu. 1. p. 4. n. 16. vers. Concedo, etc. Laym. l. 1. tr. 4. c. 3. n. 4. Azor. p. 1. l. 5. c. 3. vers. In hac quaest.

Castrop. de leg. tr. 3. D. 1. p. 11. n. 4. Carden. in 1. Crisi D. 9. c. 20. ar. 12. Ferrar. Bibl. tom. 4. verb. Lex, ar. 2. n. 5. Salm. tr. 11. de leg. c. 1. ex n. 85.

cationem in sua curia peractam cuncta sua regna ad ipsius leges obligare potest.

7. Illud vero quod magis nostram sententiam confirmat, sunt duae clausulae, quae apponi solent in his Bullis, quae Romae promulgantur, et locis consuetis affiguntur. Una ex clausulis ita dicit: *Ut autem praesentes litterae ad omnium notitiam facilius deveniant, et nemo illarum ignorantiam allegare valeat; volumus illas ad valvas, etc. affigi et publicari, sicque publicatas omnes et singulos, quos illae concernunt; perinde arcitare, et efficere ac si unicuique eorum personaliter intimatae fuissent.* Altera clausula dicit: *Volumus autem, ut praesentium litterarum transumptis, etiam impressis, manu alicuius notarii publici subscriptis, et sigillo personae in dignitate ecclesiastica constitutae munitis, eadem prorsus tam in iudicio, quam extra illud, ubique adhibeatur observantia, ac si unicuique forent exhibitae, vel ostensae.* Hae autem clausulae ostendunt quidem pro certo mentem Pontificis esse, velle omnes fideles adstringere ad huiusmodi statuta servanda, independenter ab eorum publicatione in particularibus provinciis. Et Sylvius, ac Roncaglia locis supra citatis, etsi primam sententiam ut probabilem admittunt, attamen habent pro certo, omnes Bullas Romae cum praedictis clausulis publicatas obligare per se sine alia publicatione. Ceterum recte ait Roncaglia, quod ex relatis verbis talium clausularum firmum argumentum adduci potest pro primae sententiae probabilitate respectu ad Bullas, in quibus praefatae clausulae desunt; nihil etenim in legibus frustra appositum supponi debet; illae autem clausulae prorsus superfluae essent, si omnes Bullae Romae publicatae etiam sine praedictis clausulis ante quamcumque publicationem in provinciis obligarent; dummodo (excipit)

in aliquo loco non adesset consuetudo recipiendi indifferenter Bullas Romae quocunque modo publicatas. Quaerit autem Sylvius, loco supra citato *litt. d. vers. Petes*, an Episcopi teneantur promulgare, aut operam dare ut omnes leges pontificiae observentur, quae iam Romae promulgatae fuerint? Et sic respondet: *Teneri curare, ut observentur, quando Pontifex significat se velle, quod sua lex ubique obliget etiam absque alia promulgatione ibi facta.* Non tenentur tamen curare, ut promulgentur, nisi vel mandatum pontificium ad eos dirigatur, vel rationabiliter iudicent promulgationem in suis dioecibus esse necessariam. Nihilominus qui legis notitiam habent, ad eam obligari videntur, nisi illa recepta non fuerit, vel per non usum eius obligatio desierit. Caeterum si Pontifex non significet, non esse opus alia promulgatione, necque mandatum dirigat ad Ordinarios, probabile est quod ipsi non tenentur legem promulgare, vel curare ut observetur, nisi fructum notabilem ex talis legis promulgatione in suis dioecibus expectent. Possunt enim tunc interpretari mentem Pontificis esse, quod lex in diversis provinciis tunc observari, vel promulgari curetur, quando Ordinarii existimaverint illa esse pro suis locis expediens et utile.

Praeterea probabiliter censent Suarez, et Layman (1) cum Molina, et Soto, quod leges pontificiae, quae aliquem infirmant contractum de sua natura validum, sicut fuit Bulla s. Pii V. circa contractus censuales, aut quae auferunt iurisdictionem, v. gr. in Sacramento poenitentiae; circa has potest benigne interpretari, mens Pontificis esse, nolle eas effectum habere, nisi postquam in dioecibus promulgatae fuerint; alioquin ipsae in damnum redundarent plurimorum, qui illas invincibiliter ignorarent. Oppositum autem tenendum est quoad poenas inflictas contra cle-

(1) Suar. de leg. l. 5. c. 33. n. 8. Laym.

cod. tit. c. 2. n. 7. cum Molina et Soto.

ricos male ordinatos, et Episcopos male ordinantes, prout Sixtus IV. declaravit. Sic etiam oppositum tenendum quoad leges irritantes aliquem actum ex defectu solemnitatis; quia leges postquam vim obligandi habuerunt, valent etiam respectu ignorantium, ut inquit Sanchez, et Layman cum Navarr. et aliis (1).

8. Dubitatur 2. An tempus duorum mensium requisitum ut leges caesareae post earum promulgationem obligent (sicut supra dictum est num. 5.) etiam quoad leges pontificias, et aliorum principum requiratur. Alii negant; sed probabilissime affirmant alii plures graves dd., ut Sotus, Valentia, Sa, Silvester Bonac., Tapia, Menoch., Reginald., Granado cum Salmant. et aliis. Ratio est, quia iam requiritur, ut ad communitatis notitiam leges perveniant, ut exprimitur in *cap. 1. de concess. praeb. in 6.*, ubi haec leguntur. *Lex et mandatum nullos adstringunt . . . nisi post tempus intra quod ignorari minime debuissent.* Quare, cum in lege non praefigitur tempus, taxandum est prudentum determinatione, quae est iam facta in praefata authentica, *Ut factae novae*, ne quis dictum tempus temere pro arbitrio suo protrahat (2).

9. Dubitatur 3. An ut lex obliget, debeat esse a populo acceptata. Nulli dubium est quin peccent illi, qui non acceptant leges tam ecclesiasticas, quam civiles, si sunt iustae, ut habetur ex 28. ex proscriptionis ab Alexandro VII. *Populus non peccat, etiamsi absque ulla causa non recipiat legem a principe promulgatam.* Sed dubium fit, an obliget lex nondum acceptata. In hoc discernendae sunt leges civiles ab ecclesiasticis. Quoad civiles, dicunt nonnulli, illas non obligare, nisi sint acceptatae, quia principes a populo pote-

statem leges condendi recipiunt; ita Valentia, Becan., Navarr., Azor., Bonac., et hanc probabilem vocant Salmant (3), et Croix (4); sed oppositum probabilius defendunt plures alii, ut Suarez, Pontius, Laym., Sylv., Dian. et alii (5), dicentes, legem superioris, si iusta est, ex semetipsa obligare. Quoad vero leges ecclesiasticas nemo est qui dubitet, quin pontifex possit obligare fideles independentiter ab eorum acceptatione, cum certum sit, papam legislativam potestatem non a populo accepisse, sed a Iesu Christo, qui ei dixit in persona s. Petri: *Pasce oves meas etc.* Quodcumque ligaveris super terram etc.; idem procedit pro legibus quas statuunt episcopi in suis dioecesibus, qui etiam a Iesu Christo vel mediate, vel immediate (ut dicitur n. 33. circa finem), talem receperunt potestatem.

10. Hoc non obstante dicunt dd., ut Valent., Filliuc., Covar., Bonac. et alii, cum Cabass. spectare ad suave regimen ecclesiae, ut non obligent fideles eae leges quae ab ipsis non sunt receptae; sed nos libentius adhaeremus oppositae sententiae Suar., Laym., Castrop., Salmant. etc., ratione superius tradita, nempe quod subditi obedire tenentur, cum praeceptum est iustum; nec tunc praeceptum debet superior, ne populus perturbetur, velle eum a praecepti obligatione eximere.

11. Nihilominus praedicta sententia limitatur 1., si lex per decennium non fuerit acceptata, ut dicunt dd. communiter, imo etiamsi aliquando fuerit acceptata, deinde vero per decennium continuum in desuetudinem abierit, probabile est amplius eam non obligare, ut tradunt Lessius, Azor., Nav., Castrop., Sa etc., et non improbabilem eam vocat Bened. XIV. *de syn. l. 13. c. 5. n. 4.*

(1) Sanch. de matr. l. 3. D. 17. n. 9. D. 42. n. 2. Laym. loco mox supra cit.

(2) Ibid. v. Quaest. 2. et Salm. tr. 11 de leg. c. 1. n. 91 et 92.

(3) Salm. de leg. c. 1. n. 101.

(4) Lib. 1. n. 591.

(5) Ap. Salm. de leg. c. 1. n. 102.

(contra alios, qui volunt desuetudinem per 40. annos). Nam ita de legibus civilibus iam dispositum est, nec pro ecclesiasticis contraria invenitur dispositio; et canones, qui contra afferuntur, requirentes praescriptionem 40. annorum, loquuntur de bonis immobilibus, et de iuribus realibus ecclesiae, sed non iam de legibus. *Secus quippe* (ait cit. Bened. pro sententia Suarez) *lex lata a romano pontifice non posset abrogari, nisi per consuetudinem 100. annorum; tantum enim temporis requiritur ad praescribendum contra bona et iura ecclesiae romanae: ita ratiocinantur Less.... Lugo, Panorm., alique ab his citati.*

12. Limitant 2. Suar., Lessius, Castrop., Tapia, Salmant., Busemb. etc., si maior et sana pars populi non receperit legem, quia tunc licet desuetudo non adhuc sit praescripta, et primi legem non acceptando peccaverint, nihilominus alii non tenentur ad legem observandam, praesumendo, principem non instando pro observantia, nec transgressores puniendo, nolle obligare quemlibet ad observandum praeceptum, quod a maiori parte non observatur (1). Dictum est alii; quia quamdiu lex non est praescripta, non ita iudicatur de illis, qui contra legem usum introduxerunt, ut bene advertit Castrop. (2).

13. Limitant 3. Salas, Castrop., et Suarez (contra alios), si lex sit contraria consuetudini quae viget, vel sit difficilis observantiae. Sed Salmanticenses rationabiliter admittunt dictam opinionem in solo casu quo essent eae circumstantiae, quae si a principe praecognitae essent, legem non tulisset (3). Si vero populus supplicasset pro revocatione, et princeps non instaret pro observantia, probabiliter praesumitur, non velle tunc legem obligare, ut dicunt plures auctores (4).

(1) Vide lib. 1. n. 139. v. Lim. 3.

(2) Tract. 3. D. 3. p. 2. §. 1. in fin.

(3) Lib. 1. n. 139. v. Limitant.

CAP. II.

De obligatione quam inducit lex.

14. 15. et 16. *Obligatio legum praeceptivarum.*
17. *An lex possit praecipere actus internos.*
18. *An cum gravi incommodo.*
19. *An lex possit naturalem obligationem tollere.*
20. et 21. *An teneamur removere impedimenta.*
22. et 23. *Dubia circa leges.*
24. et 25. *De legibus poenalibus, spiritualibus, privativis, et inhabilitantibus.*
26. *De fundatis in falsa praesumptione.*
27. *De conventionalibus.*
28. *An necessaria charitas.*
29. *An intentio.*
30. et 31. *An satisfieri possit pluribus praeceptis pluribus actibus, v. l. unico actu.*
32. *An possint esse plura praecepta super eadem materia.*

14. Oportet socernere *leges praeceptivas a poenalibus*. *Poenales* sunt illae, quae non obligant ad culpam, sed solum ad poenam iniunctam. *Praeceptivae* autem obligant ad culpam, et in conscientia, sive illae sint ecclesiasticae, sive civiles, modo istae non fuerint correptae a iure canonico, ut in opere probatum est (5). *Leges mixtae* autem sunt illae quae obligant tam ad culpam, quam ad poenam, sed istae enumerantur inter praeceptivas; quare hic loquemur, 1. de praeceptivis; 2. de poenalibus; 3. de modo quo observandae sunt leges. Et 1., loquendo de lege praeceptiva, illa obligat ratione materiae gravis, aut levis. Potest nihilominus legislator, secundum sententiam probabiliorum, etiam in materia gravi sub levi obligare (6); sed non potest in materia levi sub gravi obligare, nisi gravis esset finis intentus, aut transgressio ob scandalum, aut ob commune damnum, aut ob contemptum redderetur gravis. Contemptus au-

(4) N. 139. v. Quær. hic.

(5) L. 1. n. 106. v. Quæritur 3.

(6) Lib. 1. n. 143.

tem, ut sit gravis, debet esse formalis; qui tunc est, cum aliquis ideo transgreditur legem, in quantum illi non vult se subicere, non autem cum eam violaret ob incuriam, iram, aut aliam animi affectionem, *etiamsi frequenter peccatum iteret, ut docet s. Th. 2. 2. q. 186. art. 9. ad 3.*

15. Signa, quibus discerni potest, an lex obliget sub gravi, sunt: 1. Si materia est gravis in seipsa. 2. Si consuetudo ita interpretata est. 3. Si ita verba significant; v. gr. praecipimus sub gravi, aut in virtute sanctae obedientiae, omnino, inviolabiliter, et similia. Ceterum, verba simpliciter imperativa, *volumus, praecipimus, facite, abstinete*, et alia id genus, sunt ambigua; propterea ex circumstantiis arguendum erit, an sint praeceptiva, an hortatoria. 4. Si praecepto addatur poena gravis, v. g. exilii perpetui, excommunicationis, irregularitatis, interdicti ad omnem usum, suspensionis totalis, aut ab officio, et beneficio ad tempus notabile. Hoc tamen intelligitur si censurae sunt *latae sententiae*; socus si *ferendae*, iuxta opinionem probabilem (1).

16. Dubitatur 1. An in casu, quo lex assignat poenam, et una simul praecipit, obliget ad culpam. Nonnulli id negant, si non exprimitur. Ita dicunt Caiet., Gomez, et alii cum Navarr. (2); qui ait: *Leges humanae etiam praecipientes, quae poenam temporalem constituunt, in dubio ad aeternam non obligant, quatenus sunt leges eius, qui poenam statuit.* Idque putant satis probabile Valent., Bonac., Tapia, et alii cum p. Mazzotta, qui citat etiam pro hoc Filliucium. Ratio, quam adducunt, prima, quia non praesumitur, quod princeps velit ad culpam obligare, cum sufficiens sit poena ad fraenum subditis imponendum; secunda, quia dicunt, sic a consuetudine has leges mixtas interpretari. Sed alii probabilius affirmant, quia in hoc differt (ut dictum iam est)

lex pure poenalis a mixta, quia illa obligat ad solam poenam, haec ad utrumque, alias legislator frustra poenae adiecerit praeceptum. Ita Valent., Bon., Tap., Diana, Salm. etc. (3). Observa dicenda tract. X. n. 81.

17. Dubitatur 2. An leges humanae possint praecipere actus internos? Directe non possunt, quia solus Deus potest iudicare de internis. Possunt tamen indirecte, cum actus internus necessariam habet connexionem cum externo; v. g. ecclesia, praecipiendo annualem confessionem, praecipit quoque dolorem et propositum, sine quibus non consistit confessio: praecipiendo fieri matrimonium, praecipit consensum: conferendo parochiam clerico, praecipit, ut eam ipse acceptet animo infra annum ascendendi ad sacerdotium. Quoad autem actus externos, licet occultos, nulli dubium est, quin lex possit eos universaliter praecipere, aut prohibere, prout imposuit excommunicationem haeresi occultae externatae et homicidio occulto irregularitatem (4).

18. Dubitatur 3. An cum gravi damno aut incommodo teneatur quis ad observandam legem humanam. Communiter dd. negant, praeter duos casus. 1. Si legis observatio sit moraliter necessaria bono publico quod semper bono temporali privato praeferrendum est. 2. Si transgressio legis redundaret in fidei aut ecclesiae contemptum. Ita communiter dd.

19. Dubitatur 4. An lex humana possit tollere naturalem obligationem, ut est lex irritans testamenta, aut contractus initos sine solemnitatibus; aut lex deobligans filium familias a solvendo mutuo. Et affirmamus cum probabiliori Sanch., Castrop., Salmant. etc., quia lex humana ob coramune bonum a Deo obtinuit potestatem rerum dominium transferendi; licet contraria etiam sit probabilis (5).

20. Quaeritur 5. An teneamur

(1) L. 1. n. 144.

(2) Navar. Man. c. 23. n. 55. et 60.

(3) L. 1. n. 147. (4) L. 1. n. 100.

(5) Lih. 3. n. 711. 757. et 927.

auferre impedimenta proxima, quae obstant legis executioni. Hic sermo est de lege humana (aliter procedit de lege naturali), et distinguendum est. Apponere aliquam causam, qua quis subtrahitur a legis obligatione, est licitum: quare si hodie est festum, licite potes alio peragere, ubi dies festus non agitur, et ab audiendo sacro te eximere. Apponere autem causam non extrahentem, sed tantum deobligantem aliquem a lege, non licet. Hinc qui sine iusta causa aliquem laborem assumit, quo impotens fit ad ieiunandum, peccat, et quidem non solum si ideo laborat ut eximatur a ieiunio, sed etiam si laborat praevidendo exemptionem: quia omnis lex exposcit, ne sine iusta causa impedimentum suae observantiae ponatur. Haec est sententia s. Thomae (1), quam nos cum Laym., Sanch., Mazzotta, et Castropalao (qui eam communem appellat), contra Salmant. et alios, sequimur (2).

21. An autem excommunicati et in carcere detenti teneantur curare, ut absolvantur, aut e vinculis liberentur, quo possint adesse sacro: communiter negant, quia huiusmodi impedimenta sunt remota. Sed isti etiam peccant, si ideo non curant liberari, ne teneantur sacrificio adesse. Imo probabiliter dicunt Bonac. et Trullench., quod si ipsi facile possunt liberari, nec excusarentur, quia cum levi incommodo tenemur impedimentum remove, ut praecepto gravi, etiamsi humano, satisficiamus (3). Proculdubio autem supradicti tenentur procurare ut liberentur, ut praeceptum paschale, quod quidem divinum est, adimpleant (4).

22. Dubitatur 6. An sit obligatio observandi legem, si haec, aut eius obligatio dubia est. Respondetur negative. 1. Quando dubitatur, adsit

nec ne lex, et facta diligentia, dubium perseverat (ut dictum est de conscientia *tract. I. n. 15. et 35.*). 2. Quando dubitatur, an aliquid comprehendatur nec ne in lege, aut si inceperit nec ne eius obligatio, ut dicunt Suar., Sanch., Castrop., et Salmant. cum Tapia, Villalob. (5). Et idem dicunt dd. citati, cum dubitatur, an lex promulgata sit nec ne (6).

23. Contra vero debet observari lex, 1. cum dubitatur an recepta sit, quia cum constet de lege, pro ea stat possessio, cum etiam pro lege stet praesumptio, quod sit, ut debebat, acceptata; haec est sententia probabilior cum Sanchez, Castrop., et Salmant., contra alios (7). 2. Cum dubitatur, an legislator sit legitimus superior, qui tamen est in possessione suae iurisdictionis. Excipiunt Sotus, Sanch., Tapia, Salas, Lopez etc., casum, quo esset nociva aut valde molesta res praecepta (8). Cum dubitatur, an lex sit iniusta, quia in dubio superior est in possessione iuris praecipendi (9). Sed id pariter communiter limitant dd., si praeceptum esset subditis damno, aut gravi oneri (10). In dubio autem, an lex contineat praeceptum aut monitionem, aut an liget ad poenam, an etiam ad culpam, an ad culpam gravem vel ad levem, in his dubiis pro mitiori parte standum est (11). Secus vero in dubio, an res praecepta sit, vel ne, licita, certe tunc parendum superiori, ut dictum est *tract. I. n. 18.*

24. Deveniamus II. ad leges pure poenales. quae obligant (ut diximus) non ad culpam, sed ad solam poenam, prout sunt leges prohibentes, ne arbores incendantur, ne annona abstrahatur, et aliae id genus. In hoc notandum est, quod poenae spirituales sub poena censurae, irre-

(1) 1. 2. q. 71. a. 5.

(2) Vid. lib. 3. n. 1045. et 1046.

(3) L. 3. n. 325. v. Excommunicatus.

(4) Vid. lib. 7. n. 161.

(5) Salm. de leg. c. 2. n. 110.

(6) Vide Op. morale I. 1. n. 99.

(7) Ib. in fine

(8) N. 98.

(9) N. 99.

(10) Vid. lib. 4. n. 47. v. Limitant.

(11) Vide Salm. de lege c. 2. n. 12

gularitatis, inhabilitatis, impedimenti matrimonii, etc. cum sunt latae sententiae, et non exigunt externam executionem, statim atque patratum est delictum, incurruntur in conscientia, ante omnem iudicis sententiam, ut constat ex *cap. Non dubium, de sent. excom.* et *cap. Significasti, de hom.* Idem procedit de poenis inhabilitantibus, ac de poenis privativis aliquo iure acquirendo; dummodo reus non teneretur ad poenam exequendam cum sua infamia (1).

25. Aliud est autem si poena privativa est alicuius acquisiti iuris, v. g. beneficii, electionis, etc., quia tunc semper requiritur sententia, saltem *criminis declaratoria*, licet in lege dicatur quod *ipso facto* incurratur, ut deducitur ex *cap. Secundum de Haeret. in 6.* Et hoc tanto magis procedit si poena est positiva, nimirum reipsa restituendi, aut renuntiandi, aut aliud patiendi iuxta leges, quae (v. g. ob simoniam, aut alienationem bonorum beneficii) privant personas etiam beneficiis antea obtentis: nimis enim durum est, quod quis teneatur contra seipsum poenas exequi. Excipitur solum, si poena sit inhabilitans, sive conditionalis *sine qua non*, ut est poena a Tridentino parochis, et canonicis non residentibus suos non faciendi fructus; vel ut est poena imposita beneficiatis simplicibus Horas canonicas non persolventibus de non lucrando redditus (2). Huius generis est poena, ut privatus existat beneficio curato, qui intra annum sacerdotio initiari negligit, ut habetur, *cap. Licet de elect. in 6.*

26. Quaeritur hic 1. An leges poenales fundatae in falsa praesumptione obligent in conscientia? Oportet distinguere praesumptionem dictam *praesuppositionis*, quae est praesuppositum facti, a praesumptione *definitionis*, quae est praesumptio iuris,

quod iudicet secundum praesuppositum factum. Igitur si facti praesuppositio est falsa, lex non obligat; v. g. si in iudicio false probatum fuerit tuum animal intulisse damnum, tunc non teneris solvere poenam, et lata sententia, ut solvas, licet externe, ut vitetur scandalum, tenearis solvere, tamen potes occulte tibi compensationem facere. Idem valet pro haeredibus, qui ob neglectum inventarium, debita defuncti solvendo mulctantur ultra bona haereditaria, cum reapse credita excedunt haereditatem. Secus vero dicendum, si falsa praesumptio solum esset falsa *iuris*: v. g. si tuum animal certe fuerit causa damni; sed falsa est praesumptio quod id acciderit tua culpa; quia tunc teneris solvere poenam (hoc intelligitur post sententiam), quia legis finis non solum est ut puniat, sed et ut reddat homines diligentiores ad evitanda damna aliorum (3).

27. Quaeritur an poenae conventionales appositae in contractibus debeant solvi ante sententiam? Alii affirmant: alii negant, ut Nav. Lessius, Sanchez, Castrop. Vasq., etc. et Salm. vocant hanc sententiam aequae probabilem, ex eo quia quicumque se obligat, intendit se obligare iuxta legum dispositiones, quae non obligant ad poenas nisi post sententiam (4).

28. Veniamus III. ad modum quo observandae sunt leges. In quo notandum 1. quod licet necesse sit, hominem esse in gratia, ut eius opera sint meritoria, nihilominus necesse non est habere charitatem, ut satisfaciatur praecepto v. gr. ieiunii, Horarum canonicarum, Sacri, etc. quemadmodum pro adimplendo voto, poenitentia sacramentali: etenim ut docet s. Thomas (5), cum aliis communiter, finis praecepti non cadit sub praecepto: *Non enim* (sunt verba Angelici) *idem est finis praecepti, et id de quo praeceptum datur.* Quare

(1) Lib. 1. n. 148. et 149.

(2) L. 3. n. 663. et l. 4. n. 126.

(3) L. 1. n. 100. in fin. v. Quaero.

(4) N. 150. (5) 1. 2. q. 100. a. 9. et. 10.

potest quis satisfacere praecepto ieiunii, etiam ductus fine non recto, puta avaritiae, aut inanis gloriae (1).

29. Notandum 2., ad praecepti satisfactionem esse quidem necessariam intentionem rem praeceptam ponendi: ideo qui adest sacro sine animo assistendi, non satisfacit (2); sed dum opus praeceptum ponitur, opus non est, ut velit satisfacere praecepto. Itaque si quis in die festo adest sacro, satisfacit quidem, licet ignoraret, esse festum (3); imo, etiamsi sciret esse festum, et non intenderet satisfacere, aut satisfaceret solo timore a patre vel a domino incusso; ipse enim quamvis peccaret ob suum pravam animum, satisfaceret tamen praecepto, illud reipsa adimplendo, dum talis satisfactio non pendet a propria, sed a superioris voluntate: quapropter dum satisfacit, non potest nolle satisfacere, et sibi debitum imponere, cui iam persolvit, uti sapienter dicunt Suarez, Lessius, Tournely, Pontius, Sanch., Castrop., Coninch., Busemb., Salmant., et La-Croix communissime cum aliis (4). Aliud contra esset, si quis habens votum, aut iuramentum, aut poenitentiam adimplendam, opus exequens, non intenderet satisfacere suo debito. Hoc tamen intelligitur quoties conscius voti etc., opus suum alteri fini destinasset, alias etiam satisfaceret: nam quilibet ex generali intentione prius intendit debito satisfacere, quam iis quae sibi libera voluntate imposuit: ita Suarez, Azor., Less., Laym., Busemb., Roncaglia etc. (5).

30. Notandum 3., bene quidem posse satisfieri eodem tempore pluribus praeceptis diversis actibus compossibilibus: et sic in audiendo sacro de praecepto, potest recitare horas canonicas, aut alias orationes,

quibus tenetur ex voto aut poenitentia (6).

31. Notandum 4. unico solo actu posse satisfieri pluribus praeceptis in eandem materiam ob eundem finem cadentibus (modo non sit in materia iustitiae). Quare in festis, diebus dominicis occurrentibus, satis est semel sacro adesse. Sic etiam subdiaconus beneficiatus unica horarum recitatione satisfacit oneri beneficii et ordinis (7). Et tunc qui duo praecepta violat, unicum committit peccatum. Secus vero, si praecepta habent diversa motiva; quare qui tenetur ieiunare ex voto, aut ex poenitentia a confessario iniuncta, non satisfacit ieiunando in vigilia (8), nisi poenitentia statuta esset per mensem, in quo incidit vigilia (9).

32. Notandum 5., transgredientem unico actu diversa praecepta a diversis legislatoribus edita super eadem materia, unum solum peccatum committere, si legislatores idem habuerunt motivum; qui committeret homicidium sub excommunicationis poena prohibitum etiam ab episcopo, unum peccatum committeret, quia tam Deus, quam episcopus habuerunt unum tantum motivum iustitiae; sic pariter sacerdos beneficiatus omissens officium (quoties vellet restituere fructus), unum peccatum committeret contra religionem; secus vero si motiva sunt diversa: hinc frangens ieiunium in vigilia promissum etiam voto, duplex peccatum committit; ita etiam qui occiderit clericum peccat dupliciter contra iustitiam ex praecepto divino, et contra religionem ex praecepto ecclesiae, quae ex religionis motivo prohibuit quominus in suos ministros iniuria inferretur ob reverentiam eis debitam (10); cum regula generalis sit,

(1) Lib. 1. n. 162. et l. 3. n. 264.

(2) Lib. 1. n. 165. et l. 3. n. 264.

(3) Lib. 1. n. 163.

(4) N. 164. et fusius l. 4. n. 176.

(5) L. 1. n. 163. et l. 3. n. 172. v. Quær. 11. adde Salm. de leg. c. 2. n. 139.

(6) L. 1. n. 166. et l. 4. n. 176. v. Circa

in fin. (7) L. 1. n. 166. cum Sal. c. 2. n. 109

(8) L. 1. n. 167. ad 2. cum Salm. de leg. c. 2. n. 151.

(9) Vide Salm. loc. cit.

(10) L. 1. n. 167. et fusius l. 5. n. 33.

quod cum Ecclesia aliquid statuit, sub illius virtutis specie collocat, ob cuius motivum rem præcipit (1).

CAP. III.

De iis qui possunt leges ferre.

33. *Quis possit ferre leges civiles, et quis ecclesiasticas.*

34. *et 35. De decretalibus, sive responsis pontificiis, et de declarationibus SS. Congregationum, ac decisionibus Rotæ romanæ.*

33. Leges civiles tantum possunt fieri ab illis qui habent dominium supremum, ut sunt reges, respublicæ, et ceteri principes superiorem non cognoscentes. Reliquæ universitates subditæ possunt dumtaxat statuta conficere, quibus se obligant civēs ex contractu: sed etiam aliqua præcepta ad tempus revocabilia a principe. Hæc leges civiles, quæ bonos mores respiciunt (ut diximus), iam obligant in conscientia, ut ostensum est in opere morali, quoties non correptæ sunt expresse a iure canonico, quod vult ut observentur, c. 1. de nov. op. et c. Super, de privil. (2). Vide dicta n. 16. circa leges mixtas. Leges autem ecclesiasticæ possunt fieri 1. a papa pro orbe; 2. a s. conciliis generalibus, modo congregata iussu pontificis, ipsiusque auctoritate confirmata sint (in nostro opere morali prolixam dissertationem lucubravi-mus, quæ ostendimus, omnes definitiones a papa ex cathedra loquente, sive Ecclesia circa fidem et mores docente, esse infallibiles; et eius potestatem esse supra concilia, quæ totam vim et infallibilitatem non aliunde nisi ab eius confirmatione desumunt; vide lib. 1. ex n. 110); 3. a conciliis nationalibus, aut provincialibus, nimirum constantibus ex episcopis cum suis archiepiscopis, aut

ex synodis episcopi cum suis parochis; 4. ab episcopis pro sua cuiusque dioecesi; cap. 2. de maior. etc., et c. 2. de constitut. in 6.; sed accedente concilio suæ dioecesis, ut ex cap. Quanto, de iis quæ fiunt a prael. A quo autem episcopi habeant immediate huiusmodi facultatem; alii dicunt a papa; alii a Deo cum subordinatione ad papam (3). Plures alii, ut Sotus, Panorm., Abulens., Cabassut., Sanch., Pontius, Covarr., Hurt., Perez, Henriq. etc. tenent, episcopos tanta frui potestate in sua dioecesi, quanta pontifex in tota Ecclesia, modo non sint de iis, quæ spectant ad Ecclesiam universalem, ut sunt definitiones circa fidem, aut res magni momenti, v. g. impedimenta matrimonii, et his similia (4). Capitula autem cathedralium nequeunt ferre leges (nisi circa propria capitula) vivente episcopo; possunt vero sede vacante (5).

34. Dubitatur hic I. An epistolæ pontificiæ, responsa sive declarationes non insertæ in corpore iuris, habeant vim obligandi. Respondetur affirmative, semper ac authenticæ sint, prout declaratum habetur ex can. Si Romanorum, 1. dist. 19., dummodo sufficienter sint promulgatæ, ut dicit Bonacina (6) inquires, interpretationem legis factam auctoritative non habere vim legis, nisi promulgetur; quia de ratione legis promulgatio est; citatque Salas, et alios; ac deinde n. 12. sic subdit: *Ex quo licet inferre, epistolas pontificias non habere vim legis, nisi publicentur eo modo, quo publicari solent leges.* Idem ait Castropal. (7), dicens: *Debet autem hæc declaratio (pontificia) publicari ea solemnitate qua lex, alias non erit authentica, quæ legis obligationem non habebit, sed solum erit declaratio*

(1) Lib. 5. n. 33. v. Ad agnosc.

(2) Lib. 1. n. 106. v. Dicendum 3.

(3) Lib. 1. n. 104.

(4) Lib. 6. n. 980. v. Sed dubit. 1.

(5) L. 1. n. 104. v. Capitula.

(6) Bon. t. 2. de leg. D. 1. q. 1. p. 4 n. 11. et 12.

(7) Castrop. tr. 3. de leg. D. 4. p. 3. §. 1. n. 2

doctrinalis. Idem docet p. Suarez; nam, licet prius in opere *de legibus* (1) dicat: *Ordinarie epistolae, sive responsa pontificia sunt potius, non constitutiva, sed declarativa; et habent vim legis obligantis ad illam interpretationem tenendam, vel ad servandum antiquum ius secundum illam interpretationem*: deinde tamen (2) sic addit: *Ut authentica sit interpretatio oportet, ut habeat legis conditiones, ut sit iusta, (nota) sufficienter promulgata etc. Unde consequenter fit, ut haec lex interpretativa alterius exposita sit dubiis, ita ut aliae interpretationes necessariae sint*. Idque satis confirmatur (nempe has declarationes pontificias sive responsa) indigere promulgatione, ut obligent ex eodem citato *can. Si Romanorum*, ubi refertur et confirmatur decretum s. Leonis papae, et sic dicitur: *Ne quid vero sit, ut quid a nobis praetermissum forte credatur, omniadecretalia constituta tam beatae recordationis Innocentii, quam omnium praedecessorum nostrorum, quae de ecclesiasticis ordinibus, et canonum, promulgata sunt disciplinis, ita a vestra dilectione custodiri mandamus*. Nota illud, *quae promulgata sunt*. Verumtamen hic bene advertit Roncaglia (3), quod non solum constitutiones pontificiae, quae solemniter promulgatae sunt, obligationem legis inducunt, sed etiam omnes aliae quae ex usu et consensu ecclesiae universalis iam a pluribus seculis habentur pro sufficienter promulgatis et authenticis. Dubitatur II. An declarationes sacrarum congregationum habeant vim legis. Prius ut certum habendum, quod decreta s. congregationis rituum putanda sunt ut oracula pontificis, ut ex bulla 74 Sixti V., qui voluit, etiam capellam pontificiam subiici mandatis huius congregationis: eius vero declarationes, ait Turrinus apud Merati (4), licet

habendae sint tantum ut responsa sapientissimorum virorum, attamen praeferendas esse aliorum dd. opinionibus. Et merito, quia cum ex Tridentino non possint induci novi ritus nisi approbati ab Ecclesia, utique sententia eorum praeferenda est, qui maxime sunt versati circa ritus, et in quorum potestate est antiquos interpretari, mutare, et novos constituere, iis qui nec ullam potestatem circa hos habent, nec tanta peritia pollent. Quoad declarationes aliarum congregationum non est dubium quin in casibus particularibus, pro quibus fiunt, obligent uti leges. In similibus autem, multi dd. probabiliter affirmant, modo sint munitae sigillo et subscriptione cardinalis praefecti, et consulto pontifice, ut praescripsit Sixtus V. in bulla 74. Multi alii tamen etiam probabiliter dicunt: declarationes, licet sint maximae auctoritatis, nihilominus non obligant, nisi sint emanatae de mandato pontificis, et editae sint pro tota Ecclesia, ita ut papa declaret, velle observandas esse ab omnibus fidelibus; ita Sanch., Tournely, Bonnac., Vasq., Cardenas, Terillo, Vega, Villalob., Tapia, Lezana, Salmant., et Mazzotta. Ratio est (ut dicemus de interpretatione n. 73. et 74.), quoties sunt factae declarationes ab aliis quam a proprio legislatore, sunt novae leges, quae indigent nova et solemniter promulgatione, iuxta id quod dictum est *tract. II. n. 5.*, quae promulgatio non advenit declarationibus ss. congregationum (5).

35. Decisiones rotae romanae tanto minore robore sunt donatae, ut leges universales habeantur. Si vero regulae cancellariae ubique obligent, negant Lessius, Valerius, Diana, et alii, eadem ratione, quia non sunt publicatae; unde dicunt, valere tantum ad directionem curiae romanae. Sed La-Croix, Gomez, Azorius, et alii affirmant propter contrariam praxim, sal-

(1) Suar. de leg. l. 4. c. 14. n. 6.

(2) Suar. de leg. l. 6. c. 1. n. 3.

(3) Ronc. de leg. qu. 2 c. 24 resp. 2.

(4) Mer. t. 1 p. 3. tit. 11 ad 3v. huius

(5) Lib. 1. n. 106. v. Secunda.

tem quoad illas regulas, quarum materia est communis, aut non addicta soli curiae romanae (1).

CAP. IV.

De iis qui tenentur legibus.

36. *Quis tenetur legibus.*

37. *An pueri.*

38. *An legislatores.*

39. *et 40. An peregrini.*

41. *Si peregrini morentur per breve tempus.*

42. *An Episcopus possit dispensare cum peregrinis in votis, ieiuniis, etc.*

36. Advertendum, quod alii non tenentur legibus humanis, de quibus hic est sermo, et isti sunt infideles, pueri, et mente capti. Alii vero sunt excusati a legibus, ut sunt ebrii, dormientes et ignorantes. Qua de re non licet secundos inducere ad legem transgrediendam, primos bene quidem. Sed semper peccatum est inducere quemquam ad violandam legem naturalem (2).

37. Dicunt s. Antoninus, et alii, pueros non statim post usum rationis teneri legibus ecclesiasticis, sed saltem post decennium. Haec opinio iure merito ab aliis reiicitur. Imo si quis parvulus in aliquo casu raro, etiam ante septennium, perfecto rationis usu polletet, iste quoque valde probabiliter teneretur, ut multi censent, licet contrariam opinionem non puto improbabilem, ex eo quod dicit s. Thomas (3), quod leges non respiciunt casus raros, sed communiter contingentes: *Legislator attendit ad id quod communiter et in pluribus accidit*. Praecepto tamen annuae confessionis huiusmodi parvulus, si mortaliter peccasset, procul dubio teneretur; quia in *cap. Omnis viriusque sexus, de poenit. et rem.*, expresse obligat quemlibet, qui ad annos discretionis pervenerit. In dubio vero an quis parvulus ad usum rationis perfectum pervenerit, nec ne, ante se-

ptennium non praesumitur pervenisse, post illud praesumitur utique (4).

38. Legislatores etiam tenentur ad leges, saltem sub levi, ob exemplum cui debent esse subditi. Et sub gravi si res agitur de taxatione pretii, aut de valore contractus (5).

39. Quoad peregrinos plura notanda sunt: 1. Peregrinus tenetur quidem legi communi pro quolibet loco, modo illa regio sit catholicorum, et ibi non adsit contraria consuetudo (6); sed non legibus localibus suae patriae, quamdiu ab ea abest, quamvis eo animo discederet, ut ab illis eximeretur. Hoc idem efficeret, si in locum exemptum, etsi ipsiusmet dioecesis, se conferret. Et hac ratione probabiliter sunt ab episcopi iurisdictione exempta monasteria, et ecclesiae regularium, ubi competens numerus manet, ut dicunt Sayrus, Avila, Henriquez, et Salmant. cum Candido, et Diana, Nav., Conc. Trid. *sess. 14. cap. 5. de ref. in fine*, vocat exemptas tam personas, quam loca regularium (7).

40. Nota 2., quod peregrinus tenetur legibus loci, ubi moratur, licet ibi contraxisset tantum quasi domicilium, iuxta communem sententiam, quidquid dicant nonnulli auctores, qui requirunt verum domicilium. Hic advertendum, quod ille dicitur contrahere verum domicilium, qui habet animum perpetuo permanendi alicubi, et hic animus praesumitur cum ille eo maiorem partem suorum bonorum transfert, aut ibi construit, aut emit domum: aut expresse declarat, hunc animum habere: aut ibi moratus est decem annos, nullum praebens indicium, quod velit illinc amplius discedere. Quasi domicilium contrahitur cum maiorem anni partem aut per notabile tempus anni incolit aliquod oppidum (8).

41. Dubitatur I. inter dd., an teneatur legibus loci peregrinus, qui breve tempus ibi moratur. Prima sen-

(1) Vid. La-Croix l. 1. n. 575.

(2) Lib. 1. n. 153.

(3) 2 2 q. 147. a. 4.

(4) Vide lib. 3. n. 270.

(5) L. 1. n. 154. (6) L. 1. n. 156.

(7) N. 157. (8) Cit. n. 156.

tentia affirmat cum Pontio, Covar., Salas, Tapia, et vocant eam probabilem Sanch. et Salmant.; quia (iuxta quod ipsi dicunt) expedit publicae paci, et ad vitanda scandala, ut omnes observent leges loci ubi reperiuntur. Sed plures dd. dicunt, non sufficere simplicem illac transitum, ut quis teneatur legibus illius loci. Alii dicunt sufficere unum diem morae, alii requirunt maiorem partem diei. Sed magis probe disserit pater Suarez, qui sic distinguit. Si peregrinus ille illuc advenit tamquam in terminum itineris sui, tunc tenetur ille ad omnes leges illius loci; si vero illac tantum proficiscitur, non obligatur praeceptis positivis, v. gr. ieiunii, et missae, quia praecepta positiva tantum obligant incolas, non vero illac transeuntes; sed tenetur ad praecepta negativa, quae obligant *pro semper*, cum habeant tractum successivum per illum totum diem. Haec prima sententia est satis probabilis; sed communius et probabilius est, non teneri legibus loci peregrinum, qui ibi quasi domicilium non contraxit, per moram (ut diximus) maioris aut notabilis partis anni, quia lex non obligat nisi subditos, quales non iudicantur, qui parum temporis alicubi morantur. Dummodo (limitatur) non sit lex de iure communi, aut versaretur circa validitatem contractuum (1).

42. Dubitatur II. an episcopus loci possit dispensare cum peregrinis vota, iuramenta, ieiunia, et festa circa opera servilia. Affirmat prima sententia cum Pontio, Tannero, de Ianuarii (et probabilem vocat Castropal.), ratione qua supra, nempe quod peregrinus pro qualibet mansionem etiam brevi alicubi facta (modo eo adveniat tamquam ad terminum sui itineris) fit subditus episcopi loci, et si est probabilis haec ratio, ut diximus, probabilis quoque est sententia haec. Sed iuxta id quod dictum est,

(1) Lib. 3. n. 332. v. An autem. et l. 1. n. 156. dubit. 2.

communior ac probabilior est sententia negans posse episcopum dispensare vota, nisi cum iis peregrinis, qui quasi domicilium contraxerunt (2).

CAP. V. Quae causae excusent a praecepti transgressionem.

43. Excusat ignorantia

44. Timor.

45. Impotentia.

43. Excusat 1. Ignorantia, si est invincibilis etiam in materia praeceptorum naturalium, quoad conclusiones tamen solas mediatas, ut explicatum est superius de conscientia, tract. 1. n. 5. Secus vero si est vincibilis, nempe quando homo potest et debet scire veritatem et praeterea advertit ad obligationem dubium superandi, et negligit eam; ita communiter s. Antonin., Saar., Sylvius, Gerson, Nav., Sanch., Castropal., etc. ex s. Thom. de verit. qu. 15. a. 4. ad 10. et 1. 2. q. 76. a. 3. (3).

44. Excusat 2. Timor; sed distinguenda sunt praecepta positiva a naturalibus. A positivis etiam divinis excusat timor gravis mali, si praecepti observantia non esset necessaria ad evitandum commune scandalum, aut ad conservandum erga Ecclesiam obsequium: puta si quis cogeretur ad violandum ieiunium in religionis catholicae contemptum; quia tunc tenemur praecepto obtemperare, etiam cum vitae iactura. Praecepta vero naturalia si sunt affirmativa, non semper tenemur ea observare: quare cum vitae dispendio non tenemur depositum reddere, nec votum persolvere, etc. At a negativis, puta a non fornicando, a non peierando, nullus timor unquam excusat, et si ab aliquo praecepto negativo, puta a non occidendo, non furando, excusat aliquando timor (cum liceat occidere iniustum aggressorem pro tuenda vita, et alterius bona surripere, si alia via non patet, qua liberari possit ab aliqua gravi infamia) tunc dici-

(2) L. 1. n. 158.

(3) N. 7. ad 11. et n. 168.

mus, quod cessat in tali casu praeceptum. Et idem melius dicendum de praeceptis affirmativis, quin fiat illa distinctio, quam nonnulli assignant, nempe quod praecepta naturalia et affirmativa obligant *semper*, sed non ad *semper*, negativa vero *semper*, et ad *semper* (1).

45. Excusat 3. Impotentia. An autem cum non possit observari totum praeceptum debeat observari pars possibilis. Hac distinctione utendum: si praeceptum commode divisionem patiatur ita, ut in qualibet eius parte etiam salvetur finis praecepti, tunc, licet non possit servari totum praeceptum, debet adimpleri pro parte possibili; v. g. si non potes recitare omnes horas canonicas, debes recitare partem quam potes, et opposita propositio iam proscripta fuit ab Innoc. XI., et est 54. Ita etiam tempore ieiuniorum si dispensatus es ad carnes, teneris tamen servare unicam comestionem, ut declaravit Bened. XIV. in constitutione, *Ambigimus* (2). Secus procedit, si in parte non salvatur ratio praecepti; quare si ex voto teneris Romam proficisci, et illuc non potes pervenire, non est obligatio partem itineris aggredi (3). Excusant etiam a lege dispensatio, epikeia, et consuetudo contraria; sed de his seorsim in sequentibus capitulis.

CAP. VI. De dispensatione.

46. An ad dispensationem requiratur *semper* causa iusta.

47. Si est obreptitia, etc.

48. Potest expostulari etiam a tertio.

49. Dispensatio tacita.

50. Causa dispensationis.

51. In dubio an indigeatur dispensatione

52. An Superior teneatur dispensare.

53. Dispensatio concessa cum bona, aut mala fide, sed sine causa.

54. Concessa ob timorem.

46. Dispensatio legislatoris, aut illius qui ei similem habet potestatem, pariter excusat a lege dummodo iu-

(1) L. 1. n. 175. (2) Vide l. 3. n. 1013.

(3) Lib. 1. n. 177.

sta adsit causa; alias peccat qui dispensat; sed nonnisi venialiter (si ipse est primarius superior), ut probabiliter dicunt Sanch., Castropal., Laym., Salmant., Pontius, etc. Et in dubio an causa sit iusta nec ne, ab omni culpa est immunis, ut recte dicunt Sanch. et Salmant. cum Granado et Diana (quidquid dicat Bonac.): Qui vero huiusmodi dispensationem, nempe sine causa, a superiore impetrat, probabiliter non peccat, dum ipsa utitur, Suar., Salmant., Castropal., Pontius etc.

47. Notandum 1., quod cum illud quod exponitur pro dispensatione est subreptitium, vel obreptitium (nempe cum falsum exponitur, vel veritas tacetur), dispensatio est nulla quoties tacetur quod de *stylo curiae* erat exprimendum: seu cum causa finalis, sive motiva (non autem impulsiva), quae exponitur, est falsa. In dubio vero an causa falsa allegata sit finalis, aut impulsiva, dicunt Sanch., Pontius, Castrop., Salmant., etc., dispensationem esse validam; etenim leges in dubio favent actus validitati. *L. Quoties ff. de reb. dub.* Et idem dicunt dd. citati, si nullae causae fuerint expositae, quarum aliae verae, aliae falsae, sed quaelibet earum erat causa sufficiens ad dispensationem impetrandam. (4).

48. Notandum 2., quod dispensatio pro uno, licet inscio, atque invito, potest impetrari ab aliis. Advertendum tamen est, quod quae a s. poenitentiaria impetrantur, debent expostulari vel a poenitente, vel a confessario, aut saltem a consanguineis usque ad 4. gradum. *Cap. De motu, de praebend. in 6.* Semper tamen dispensatio debet acceptari a principali ut habeat suum effectum (5).

49. Notandum 3., quod potest aliquis uti dispensatione tacita, modo possit iuste praesumi consensus de praesenti superioris. Hinc fit, quod si superior videt legem negligi, et

(4) Lib. 1. n. 185. v. Quacritur.

(5) Lib. 1. n. 186. ad 10.

tacet, cum posset faciliter, et sine incommodo corrigere, iuste praesumitur, quod velit tunc dispensare; Suar., Sanch., Castrop., Salm. etc. (1). Dictum est de *praesenti*, quia a dd. dumtaxat admittitur licentia praesumpta, non autem dispensatio; etsi, hoc non obstante, dicit Elbel citans Suarez, Silvestrum, Filliuc. etc., quod urgente necessitate, in qua non possit adiri superior pro dispensatione, bene potest operari cum dispensatione praesumpta (2).

50. Notandum 4., alias esse causas quae ex se excusant a praecepto, et his stantibus non requiritur dispensatio, quoties sunt saltem probabiliter iustae: alias esse sufficientes ad dispensationem, sed ea opus habent: huiusmodi sunt aut dignitas postulantis, aut superioris, v. g., ut habeatur benignus, utilitas communis, et etiam privata, et aliae id genus (3).

51. Notandum 5., quod in dubio sive negativo, sive positivo, an casus indigeat nec ne dispensatione, potest subditus uti sua libertate; licet satius esset adire superiorem, ut delectet, aut dispense; cum in casibus dubiis praelatus, etiamsi inferior, possit dispensare, licet nihil specialiter circa hoc sibi commissum fuerit a superiore, ut dicunt Laym., Castropal., Sa, Diana, et Salm. (4). Excipiuntur tamen dispensationes matrimoniales, in his enim non solum agitur de valore contractus, sed etiam sacramenti, ideoque non possumus operari cum dubio, imo nec cum opinione probabilis circa factum (si tamen circa factum potest dari opinio probabilis), quia in dubiis de facto non praesumitur Ecclesia dispensare circa impedimenta, ut praesumitur in Probabilibus de iure, nec sponsi possunt exponi periculo nuptias celebrandi sine gratia sacramentali, nec huius auxilii possunt cedere. Pro-

pterea in casibus dubiis debent recurrere ad episcopum, qui bene potest dispensare in impedimentis dubiis, ut communiter dicunt Merbesius, Cabassut., Cont. Tournely, Sa, Pichler, Castrop., Salm., Roncaglia, Holzmann, etc. (5).

52. Quaeritur 1. An iusta existente causa superior teneatur dispensare. Distinguendum: si causa ea est, ut tantum reddat convenientem dispensationem, non tenetur: contra vero, si reddit necessariam ad evitandum aliquod grave damnum, aut ad procurandum aliquod magnum commune bonum, imo etiam privatum, ut dicunt Coninch., Sanch., Salmant., etc., cum s. Thoma (6). Sed cum dispensatio negatur, licet iniuste negetur, subditus nihilominus legi obligatus remanet, nisi causa esset talis, ut omnino cum a lege subtraheret, ut si urgeret necessitas contrahendi matrimonium, omissis denunciationibus, et episcopus iniuste negaret dispensationem, ut dicunt Sotus, Sanch., Coninch., Salmant., Castrop., et alii (7).

53. Quaeritur 2. An valeat dispensatio, cum superior eam concedit in mala fide, putans, causam non adesse, quae vera adest. Resp. si dispensat legislator utique valet. Si autem dispensat praelatus inferior; alii dicunt nullam fore; inferiori enim data est facultas dispensandi tantum ex causa; sed opposita sententia est communior, et probabilior, quia valor dispensationis non ex causae cognitione, sed ab existentia pendet; prout valet electio capacis ad beneficium, licet ab electore indicetur incapax, ut ex *Cap. Nihil de elect.* (8). Secus dicendum cum Castrop., Pontio, Suarez, Laym., Salas, Soto, et Navar. (contra Sanchez, Busemb., Salm. etc.), si dispensatio obtenta fuerit bona fide, sed sine causa, quia, hac cessante, inferior nullam habet facultatem

(1) Lib. 1. n. 187. (2) N. 195. v. Notandum. (3) Elb. de 3. praecepto 414.

(4) Lib. 1. n. 192.

(5) Lib. 6. n. 902. Quaer. 2. et 3.

(6) 1. 2. qu. 97. a. 4. (7) L. 1. n. 179.

(8) Num. 181.

dispensandi in lege superioris. Hoc tamen intelligitur, cum patet, causam certe sufficientem non fuisse. Ceterum in dubio possessio stat pro dispensationis valore, ut advertunt iidem auctores (1).

54. Quaeritur 3. An valeat dispensatio timore incusso obtenta. Resp. Semper ac iusta adsit causa dispensandi, modo non constet (dum non satis est dubium), superiorem non habuisse animum dispensandi, valida est dispensatio, quia timor non aufert voluntarium. Et est etiam licitum huiusmodi dispensationem timore incusso obtinere, modo timor iuste fuerit incussus, v. gr. superiorem aduocandi, si inferior eam denegat (2).

Punctum I.

De iis qui possunt dispensare.

55. et 56. *De potestate ordinaria in quo possit dispensare Papa.*

57. et 58. *In quo Episcopi.*

59. *Parochi.*

60. *Praelatus regularis.*

61. *De potestate delegata, quicumque eam habet ab Ordinario. Si delegatus moritur.*

62. *Clausula, donec dispensetur.*

63. *Subdelegatus.*

64. *Cum seipso.*

55. Secernenda est in hoc potestas ordinaria a delegata. De potestate ordinaria potest papa dispensare in omnibus legibus canonicis, etiam ab apostolis emanatis, uti praesulibus particularibus ecclesiarum. Cuiusmodi sunt ieiunium quadragesimale, observatio festorum in dominicis, irregularitas bigamiae, etc., iuxta quod docet s. Thomas (3), posse papam dispensare in omnibus iis quae spectant ad *determinationem divini cultus*, non autem in legibus quas apostoli tradiderunt uti receptas a Iesu Christo, prout sunt leges circa materias et formas sacramentorum, et circa oblationem sacrificii.

56. An autem papa etiam possit

(1) N. 182. et fusi. l. 3. n. 251.

(2) Lib. 1. n. 184.

(3) Quolib. 4 a. 13

dispensare in aliquibus praeceptis divinis. Resp., quod in iis, in quibus ius divinum oritur a voluntate humana, uti sunt vota, et iuramenta, certum est apud omnes (iusta modo existente causa), posse dispensare. Nam tunc papa non tollit ius divinum, sed aufert fundamentum talis obligationis. seu, ut ait s. Thomas (4), *Determinat quid sit Deo acceptum*. Dubium igitur versatur, an possit dispensare in iis quae absolute a Dei voluntate pendent. Tres adsunt sententiae. *Prima* est Abbatis cum paucioribus, affirmativa universaliter. *Secunda*, quae est Navarri, Cani, Sanchez etc., affirmat, tantum in casibus particularibus, prout in matrimonio rato, in residentia episcoporum, in dando facultatem simplici sacerdoti conferendi ordines minores, et sacramentum confirmationis, et in similibus; sed negat in aliis rebus, in quarum quolibet casu debet evitari indecentia, uti in praecepto de non fornicando, de non mutandis materiis sacramentorum (saltem quoad substantiam) et aliis id genus. *Tertia* communior et probabilior, est Suar., Sylvest., Castropal., Covar., cum s. Thoma (5), negat universaliter, quia inferior nihil potest in lege superioris. Nihilominus valde probabiliter dicunt Sotus, Suar., Navar., Coninch., Durandus, etc., quod papa in aliquo casu particulari bene potest non iam dispensare, sed declarare, legem divinam in illo casu particulari non obligare: nam talis potestas in papa videtur necessaria adesse pro bono communi Ecclesiae, propter tot varias circumstantias, quae contingere possunt (6).

57. Episcopi etiam de potestate ordinaria possunt dispensare in omnibus statutis episcopalibus et synodalibus suae diocesis. Eademque potestate gaudet capitulum, sede vacante, non autem vicarius episcopi, ut dicunt Salmant., et Sanch., cum

(4) 2. 2. q. 88 a. 12.

(5) 1. 2. q. 97. a. 4.

(6) Lib. 6. n. 1119.

aliis communiter (1), quia in generali commissione non includitur facultas dispensandi, nisi specialiter committatur. Possunt quoque episcopi dispensare cum suis subditis in statutis concilii provincialis non reservatis (2). Item in legibus pontificiis communibus, ut sunt irregularitates, impedimenta matrimonii, vota reservata, et his similia; quoties tamen imminens est periculum, et non patet facilis accessus ad papam, ut dicitur *Tr. XX. de privilegiis*. n. 29. et seq. Item in iis legibus pontificiis, quaelatae sunt praecipue pro illa dioecesi (3). Item in iis casibus, in quibus iustum dubium versatur utrum indigeant dispensatione, necne (4). Item in omnibus iis, quae regulariter accidunt, ut in votis (modo reservata non sunt), in ieiuniis, in observantia festorum, in abstinence a carnibus, et similibus. Et in his omnibus possunt delegare dispensationem etiam aliis; talis enim facultas competit episcopis de iure ordinario, cum sit perpetuo connexa suae dignitati (5).

58. Possunt etiam episcopi dispensare in omnibus canonicis statutis, in quibus adesset clausula, *Donec dispensetur*, propter quam intelligitur facultas data (6). An autem episcopi possint dispensare in omnibus legibus canonicis, ubi reservata non est dispensatio expresse. Multi dd. hoc admittunt, prout Sotus, Covar., Sporer, s. Antonin. (qui hanc vocat communem), et Elbel (qui vocat communissimam, et pro ea adducit s. Bonav. et Scotum), et Castropal. appellant probabilem cum Glossa in *cap. Nuper de sent. excomm.*, ubi Pontifex sic fassus fuit: *Quia tamen conditor canonis absolutionem sibi specialiter non retinuit, eo ipso concessisse videtur aliis facultatem relaxandi*. Et

Glossa subdit: *Est hic argumentum, episcopos posse dispensare ubi specialiter dispensatio non est inhibita, ex l. Nec non ff. Ex quibus caus.* Contra vero negant Suar., Bon., Salmant. etc. *ex cap. Dilectus, de temp. ord.*, ubi quidam episcopus, cum contulisset uni plures ordines eodem die, suspensus fuit ob hanc rationem: *Cum illi huiusmodi dispensatio a Canone minime sit permessa*. Et respondent ad textum primo allatum, quod illa dispensatio fuit facta tantum pro absolutione a censuris. Sed hoc non obstante prima sententia est satis probabilis, quia possumus uti eadem responsione pro textu secundo, quod valet tantum in materia ordinationis. Tanto magis quod in primo textu videntur verba generaliter loqui, in secundo autem specialiter de ordinatione, cum adhibeatur verbum illud *huiusmodi*. Ad id quod opponitur, quod inferior nihil potest in lege Superioris, responderi potest id procedere de inferiore, qui totam suam potestatem habet a principe, non autem de Episcopis, qui probabiliter suam potestatem immediate habent a Deo (licet Papae subordinatam) uti tenent Sotus, Vasq., Victor. Tournely, Natal. ab Alexand., etc. Hinc dicunt multi dd. quod Episcopus potest in dioecesi id, quod potest Papa in tota Ecclesia, praeter ea, quae sibi Papa reservavit, aut pertinent ad universalem statum Ecclesiae, ut dictum est n. 33. circa finem (7).

59. Parochi similiter de iure ordinario propter consuetudinem videntur posse dispensare cum suis parochianis, etiam praesente Episcopo, in necessitatibus frequentibus; sed solum in iis in quibus adest usus dispensandi, utpote in ieiunio,

in his.

(6) Salmant. de leg. c. 6. n. 37. cum Suar. Caict. Bonac. Castrop., etc.

(7) Lib. 1. n. 191. et l. 3. n. 397, in fin. v. Quod ad.

(1) Salm. de leg. c. 5. n. 32. et Sanch. de Matr. l. 2. D. 40. n. 12.

(2) Lib. 1. n. 190.

(3) Ibid. v. Item in legibus.

(4) N. 192. et l. 6 n. 902 v. Ceterum.

(5) L. 1. n. 190. v. Possunt, et v. Et

et in abstinencia a labore in diebus festivis; ita Suarez, Silvester, Sanchez, Salmanticenses, Viva, et alii communiter (1).

60. Praelati regulares etiam de potestate ordinaria sibi a iure concessa, possunt dispensare in regulis particularibus, dummodo hoc eis non sit expresse vetitum in aliqua materia. Et ex privilegio etiam Praelati inferiores possunt dispensare in omnibus parvi momenti rebus, aut propriis pro illo conventu, aut frequenter contingentibus; Peirin. Castropal. et alii (2).

61. Quoad autem potestatem delegatam dispensandi, notanda sunt:

1. Quod quicumque ordinariam habet potestatem, potest eam aliis delegare, ut communiter Suarez, Castropal. Pontius, Salmant. et alii (3). Potestas ordinaria ea est, quae officio, sive dignitati annexa est, ut dicitur *Tract. 20. dum agetur de privilegiis n. 34.* An autem exspiraret nec ne morte delegantis; affirmatur si facta sit per modum commissionis in casu particulari, et cum res etiam integra est; et tunc dispensatio stricte est interpretanda, quia tunc uti odiosa habetur, ex *cap. 1. §. 1. De filiis presbyt.* dummodo non sit concessa ex motu proprio Superioris, aut in corpore iuris non inserta sit, ut in Decretali, etc. aut dummodo non concedatur ob commune bonum, aut in favorem aliquis communitatis. Si autem dispensatio concessa sit per modum gratiae, tunc non expirat morte delegantis; et tunc large interpretanda est (4): tunc igitur in dubio an adsit causa sufficiens, an non pro dispensatione, bene potest delegatus dispensare, ut dicunt Caietanus, Silvester, Sanchez, Salmant. Tapia, Granado, etc. (5).

62. Notandum 2., quod in iis legi-

(1) Lib. 1. n. 190. v. Item potest, et lib. 3. n. 288. (2) L. 1. n. 194.

(3) n. 190. v. Et in his, et 193.

(4) n. 193.

(5) n. 192.

bus, ubi apposita est clausula, *Donce dispensetur*, possunt praelati inferiores semper dispensare, ut dicunt Caietanus, Suar., Bonac., Salmant., Castropal. etc. (6).

63. Notandum 3., quod delegatus non potest subdelegare, nisi cum expresse sibi concessum est, aut sit delegatus a principe, aut a pontifice, *cap. fin. §. 1. De offic. et potest. deleg.*, aut cum est delegatus ab ordinario praelato ad universitatem causarum. L. 1. §. *An ab eo, ff. Quis et a quo* (7).

64. Notandum 4., quod habens facultatem universalem dispensandi cum aliis, potest dispensare etiam cum seipso; ita communiter Caietanus, Laym., Castrop., Salmant., Bonacin. etc., cum s. Thom. 2. 2. q. 185. a. 8. in fine (8).

PUNCTUM II.

Quot modis potest cessare dispensatio

65. et 66. *Cessat I. Causae cessatione.*

67. *II. Revocatione.*

68. *III. Renuntiatione.*

65. Dispensatio tribus modis cessat. I. Causae cessatione. II. Revocatione dispensantis. III. Renuntiatione dispensati.

66. Et I. cessat dispensatio *cessatione causae*. Hoc tamen intelligitur 1., si cessat causa motiva, seu finalis, si cessat totaliter; si enim cessat sola causa impulsiva, aut si motiva non cessat omnimode, etiam durat dispensatio. Intelligitur 2., dummodo dispensatio non sit sortita effectum suum, et dummodo dispensationi non sit addita aliqua commutatio gravaminis. In dubio autem an cessaverit omnimode, valet dispensatio, quia in possessione reperitur (9). Intelligitur 3. Si dispensatio concessa sit sub conditione, saltem subintellecta, si perseverat causa: prout praesumitur ita concessa quoties causa non esset perpetua. Etenim si dispensatio est

(6) n. 190 v. Notand. (7) L. 1. n. 193.

(8) Vide lib. 3. n. 249. v. Ultimo, et n. 256. in fin.

(9) Lib. 1. n. 195. v. Quac. et n. 196.

data absolute cum conceditur ex causa pro perpetua habita (v. g. propter morum honestatem, ob ministrorum paucitatem, propter parentum paupertatem, etc.). tunc probabile est, quod etiam cessante causa finali non cesset dispensatio, quia semel per dispensationem sublata legis obligatione, haec non redit, nisi iterum a superiore imponatur: ita Suarez, Pontius, Castropal., Sa, Salmant., Laym., Perez, etc. contra Bonac., Trullench. etc. (1). Et quoties dispensatio absolute concessa est, illa ne cessat quidem, quia semel iam ea quis usus fuerit, v. g. qui dispensatus fuit a voto castitatis ad contrahendum matrimonium, mortua coniuge etiam durat dispensatio, ut ad secundas nuptias transeat, modo illa non data sit pro illo solo casu (2).

67. Cessat II. dispensatio *revocatione dispensantis*, qui (nota hic) peccaret si eam non revocaret, cum iam cessaverit totaliter causa finalis. Contra etiam peccaret (licet tantum venialiter), si eam sine causa revocaret; sed valida esset revocatio (3). Hic quaeritur, an cesset dispensatio morte dispensantis? Respondetur: si dispensatio absolute concessa est, aut cum clausula, *donec revocetur, aut ad arbitrium sedis apostolicae, vel episcopi*, tunc non cessat. Cessat contra, si apposita est clausula, *donec nobis placuerit, aut ad nostrum arbitrium*, dummodo res executioni non incoeperit mandari (4).

68. Cessat III. *Renunciatione dispensati*, dummodo sit acceptata a superiore, alias subditus semper poterit ea uti, licet numquam ea usus fuerit (5).

CAP. VII. De legis cessatione, interpretatione, et epikeia.

69. *An cessat finis legis.*

70. *De libris prohibitis.*

71. *De legibus municipalibus.*

- (1) Lib. 1 n. 196. (2) Ibid. v. ult.
 (3) N. 197. (4) Ib. v. Notand.
 (5) n. 198. (6) 1. 2. q. 103.

72. *De interpretatione.*

73. et 74. *An declarationes indigeant promulgatione.*

75. *De interpretatione doctrinali.*

76. *Regulae interpretationis.*

77. *De epikeia.*

78. *Quando lex extenditur a casu ad casum.*

69. Circa cessationem legis magna exagitur quaestio; an, cessante fine legis adaequato (nempe totali) in particulari, cesset lex. Certum est, quod si cesset in communi finis totalis, cessat lex; cum enim haec inutilis reddita sit, amplius non obligat. Ita s. Thomas (6). Et tunc sufficit cuicumque, si sciat probabiliter, quod lex in communi cessaverit (7). Si autem cessat finis adaequatus tantum in casu particulari, tunc oportet distinguere: si cesset *contrarie*, nimirum si lex redderetur nociva in eo casu, aut saltem valde difficilis, tunc etiam communis est sententia, eam non obligare. Dubium igitur restat ad videndum, an cessante fine adaequato in particulari, et privative, nempe si lex pro illo casu particulari, aut pro illa persona esset inutilis. Sententia communior est, quod etiam obliget; quia quamvis cesset damnum particularis, non cessat tamen periculum in communi hallucinationis, quae quisque in casu proprio decipi potest. Ita s. Thomas (8). Sed oppositum tenent plures graves dd., nimirum Caiet., Sylvester, Panorm., Angel., Valent., Sa, Cardenas, Ledesm., Granaado, Henriquez, Hurtad., et Tamb. cum Nav., Abb., et Comit., et Salm. ac Viva vocant etiam satis probabilem, dicentes, quod sicuti cessante fine in communi cessat lex pro omnibus; ita cessante fine in particulari, cessat lex in particulari, cum aequae in ambobus casibus lex reddatur inutilis. Et quemadmodum cessante fine in uno tempore, cessat lex pro illo, licet non cesset pro alio

a. 4. ad 3. cum aliis communiter.

(7) Vide Salm. de leg. c. 4. n. 4.

(8) 2. 2. q. 154. a. 2.

tempore; ita cessante fine in uno casu, cessat lex pro eo, licet non pro aliis. Et ideo dicunt communiter admitti, legem fraternae correctionis non obligare ubi non speratur fructus. Et ut haec sententia locum habeat, semper sic intelligenda est, dummodo certe in illo casu nullum subsit periculum hallucinationis, quod quidem semper inest in casu allato a s. Thoma, fornicationis nempe, de qua dumtaxat loquitur loco citato.

70. An possint legi libri prohibiti, cessante privative fine legis in particulari, et praeciso scandalo. Nonnulli admittunt, sed penitus dico negandum cum Suar., Castr., Sanch., etc., quia in hoc numquam cessat adaequata finis legis, ne in particulari quidem; cum finis prohibitionis sit non solum ut vitetur damnum quod a lectione timetur, sed praestetur Ecclesiae obedientia in rebus tam perniciosis. Ad haec accedit praecipuus finis, ne detur causa petulanti ac pravo ingenio scriptoribus obnoxias doctrinas et novitates disseminandi (1).

71. Denique notandum, quod leges peculiares alicuius loci non cessant propter legem generalem, nisi in ista expresse eis derogetur, vel saltem per clausulam, *Non obstante quacumque lege particulari*.

72. II. Quoad interpretationem sciendum est, aliam dici authenticam, aliam doctrinalem, aliam usua-lem. Authentica fieri potest vel ab ipso legislatore, aut ab eius successore, aut a superiore. Doctrinalis est, quae mens legislatoris manifestatur, et potest fieri a quocumque doctore. Usualis est illa quam usus recepit.

73. Hic dubitatur, an declaratio, quae fit a papa circa aliquam legem, indigeat promulgatione, ut obliget. In hoc distinguendum. Declaratio altera est *pure talis*, altera *non pure talis*, et potius dicenda est interpretatio. Declaratio *pure talis* est ea, cuius sensus a principio est imbibitus clare

in lege, v. g. si dubitatur an sub nomine filii veniat filius naturalis tantum, an etiam adoptivus, et legislator declarat intelligi tantum naturalem, tunc declaratio est de sensu clare imbibito in lege. Declaratio *non pure talis*, seu interpretatio, est illa, cuius sensus non est imbibitus clare in lege, sed circa illum plures adsunt opiniones, et solum percipitur ex argumentis: v. gr., an sub nomine *patris* comprehendatur avus, et an sub nomine *mortis* intelligenda sit mors civilis, perpetuus carcer, etc., cum recurratur ad impropriam significationem.

74. Hoc posito, dicimus cum Suarez, Castropal., Vasq., Salas, Salm., Holz., La-Croix, Suppletor., Sporer, declarationem *pure talem* non opus habere promulgatione, sed obligare omnes ad quos illius pervenerit notitia, cum non sit lex nova. Declaratio non pure talis indiget promulgatione, ut obliget, quemadmodum quaelibet alia lex, quia haec habetur tamquam nova lex, sicut dictum est n. 4. huius Tract. Hinc infert Suarez, et Palaus (qui citat Roncag., Salas, et Lorca) (2), quod si declaratio quae fit a legislatore sit de sensu clare imbibito in lege (iuxta exemplum allatum de filio naturali, et adoptivo), non indiget promulgatione. Contra vero declaratio sensus obscure imbibiti in lege (iuxta exemplum de avo, si veniat nomine patris), indiget promulgatione, ut obliget, quia illa statuit aliquod novi, quod de se non erat imbibitum in lege. Et idem dicunt Suar. et Palaus (3) de declaratione, quae fit non ab eodem legislatore, sed a successore, quia mens primi legislatoris non potest esse clare illi conscia, prout ipsimet legem ferrenti; quapropter ad illam declarandam (licet sit de sensu in lege imbibito) debet recurrere ad argumenta et interpretationes, quae uti leges novae putantur, ac proinde opus habent promulgatione, alias declaratio eodem tit. dist. 5. p. 3. §. 1. n. 5.

(1) Lib. 1. n. 199. v. ult.

(2) Suar. de leg. 1. 6. c. 1. n. 3. Palaus

(3) Suar. loc. cit. et Palaus ibid. n. 2.

non habebitur uti authentica, sed solum uti doctrinalis (1).

75. Interpretari autem leges cuiusque permissum est, modo fiat iuxta regulas et sensum a dd. magis receptum; cum enim occurrunt dubia, et non possit commode adiri legislator, necesse fuit, hanc sapientibus tribuere potestatem leges interpretandi, ut habetur ex c. 2. *De privileg. in 6.* Id commune est (2). An autem liceat legem interpretari, cum in illa prohibetur quaelibet interpretatio: Castrop. (3), cum Salas et Sa, putat, talem prohibitionem valere tunc, si interpretatio fuerit frivola et inutilis; sed merito contradicunt Salmanticenses (4), quia futilis et frivola interpretationes ex seipsis sunt refellendae, atque prohibita: quare tunc omnes interpretationes doctrinales sunt illicitae, prout prohibita sunt a Pio IV. interpretationes saepe Tridentinum: ac propterea cum (ut refert Bened. XIV. *de synodo l. 13. c. 24. n. 2.*) sub Clemente VIII. compilatus esset septimus decretalium, ideo vulgatus non fuit, quia cum in eo inserta fuissent multa decreta Tridentini, aditus daretur violandi constitutionem Pii IV., qua vetantur privati homines (sunt verba Bened. XIV. *loc. cit.*) *S. Concilium Tridentinum commentari, atque interpretari, cum id s. cardinalium c. eiusdem concilii privative sit reservatum*; ea concilii decreta interpretando, quod impediri non posset, si liber ille in lucem emissus fuisset; siquidem sicut caeterae decretales sunt canonistarum interpretationes arbitrio expositae, ita Tridentini decretis tunc evenisset. Dicunt tamen complures doctores, hac prohibitionem Pii IV. non esse vetitas omnes interpretationes incidenter factas, aut oretenus, aut manuscriptis, sed tantum ex professo per glossas,

scholia, et commentaria typis data: sic enim usus talem prohibitionem interpretatus est. Et concordet in hoc sunt Castropal. cum Salas, et Barbosa, et Salmant. cum Rodriquez, Reginaldo, et Henriquez (5). Huiusmodi sunt etiam quae statuta fuerunt ab Innoc. XIII. in bulla *Apostolici ministerii*, pro reformatione cleri hispanici edita, et confirmata a Bened. XIII. in bulla *In supremo* pro toto orbe terrarum; nam praefatae bullae, eiusque decretorum privative commisit interpretationem, explanationem, et declarationem, *quatenus dubietas aliqua aut difficultas emergerit*, praefatae cong. conc.

76. In interpretandis legibus sequentes traduntur regulae. 1. Attendenda est mens, et finis legislatoris, et ratio legis. 2. In dubio interpretari debet pro valore actus. 3. Lex stricto interpretanda in odiosis, largo in favorabilibus. 4. Verba legis accipienda sunt in sensu proprio, nisi aliquod absurdum, vel iniquitas in legislatore sequeretur. Sensus proprius est ille, quem naturaliter ex communi hominum acceptione et usu verba praeseferunt. Analoga (quae plura significant) accipienda sunt pro principali analogato, ut advertunt Palaus, et La-Croix (6). Ita pariter in legibus poenalibus, et praeceptivis: sed in favorabilibus solet attendi etiam proprietates civilis verborum, v. g. sub nomine *legitimi* veniunt etiam legitimated, et huiusmodi alia. Ad dignoscendum an lex sit odiosa, an favorabilis, attendendum est motivum propter quod lex lata est (7).

77. III. Quoad epikeiam (quae est praesumptio saltem probabilis, quod legislator in aliqua rerum circumstantia noluerit obligare), illa locum habet, quoties lex redderetur nociva,

(1) Vide opus nostrum l. 3. n. 1027. v. Hic notandum, ubi agitur, An in cocnula liceat sumere parum casci.

(2) Lib. 1. n. 200. et Palaus *loc. cit.* §. 2. n. 1. (3) *Loc. cit.* n. 6.

(4) De leg. c. 4. n. 23.

(5) Palaus *ib.* n. 2. Salm. *dict.* n. 23.

(6) Palaus *tr.* 3. d. 5 p. 3. §. 1. n. 7. et La Croix l. 1. n. 82.

(7) *Pal. l. c.* § per tot. 3.

aut valde onerosa, et observatu difficilis (1)

78. Restat demum ad inquirendum an lex debeat extendi a casu ad casum, ubi eadem currit ratio. Divisa est in duas partes sententia, quao inter se quidem discrepare videntur, sed revera unum dicunt: si quidem ambae conveniunt in hoc, quod licet lex se extendat de casu ad casum, in quo eadem ratio ita adest, ut si illa non extenderetur, posset culpari legislator aut iniustitiae, aut imprudentiae, et in eo casu locum habet illud axioma: *Ubi eadem est ratio adaequata, ibi eadem currit legis dispositio*. Et hoc evenit I. in *correlativis*, v. g. sicut sponsa potest ab obligatione sponsalium liberari, si sponsus longe proficiscatur, *Cap. De illis, de spons.* ita etiam potest sponsus. II. In *aequipuratis*, ut sunt electio, et praesentatio ad beneficium. III. In *connexis*, ut sunt diaconus, et subdiaconus. IV. In *contentis*: v. g. cui conceditur testari, conceditur posse codicillos conficere: cui prohibentur ova, prohibentur etiam lactinia. In praemissis igitur casibus currit extensio; et currit etiam si lex esset poenalis, aut correctoria, quia reg. 49. *de Reg. iur.* in 6. *Olia restringi, favores conveniunt ampliari*. Sapienter Suarez, Bonac. et alii dicunt, regulam illam valere, quoties legis dispositio extenditur ex interpretatione congruentiae, non autem cum debet sic interpretari ex *necessitate*; tunc enim potius dici debet casum illum comprehendum esse in lege, quam legem extendi ad casum. Caeterum (regulariter loquendo) leges poenales non extenduntur praeter casum expressum v. g. excommunicatio lata in cogen-tes mulieres ingredi monasteria, non procedit in eos qui cogunt viros, et idem dicendum in casibus in quibus

non currit eadem adaequata ratio, prout superius dictum est (2).

CAP. VIII. De consuetudine.

79. *Conditiones ad consuetudinem requisitae.*

80. *Ad desuetudinem.*

81. *An lex reprobet omnem consuetudinem futuram.*

82. *Usus est legis interpret.*

83. *An lex revocet omnem consuetudinem factam.*

79. Oportet secernere consuetudinem quae legem inducit, a consuetudine quae legem abrogat, quae potius desuetudo dicenda est. Sed de prima hic prius loquendo dicimus: ad hoc, ut vim legis habeat consuetudo, tria exposcit; introductionem nempe a communitate factam, tacitum principis consensum, et legitimam praescriptionem. I. Igitur oportet, ut consuetudo non sit a particularibus, sed saltem a maiori parte alicuius communitatis legem statuere potentis, licet actu talem potestatem non habentis, sit introducta; quia tunc consuetudo vim legis ex tacito principis consensu suscipit, ut docent Salmant. cum s. Thoma (3). II. Requiritur tacitus consensus principis, qui adesse praesumitur, quoties ille cum posset eam vetare, diu eam tolerat; ita Angelicus (4). III. Ut adsit debita praescriptio; pro qua requiruntur 1. tempus *diuturnum*, saltem (ut dictum est num. 11.) decem annorum: 2. tempus *continuum*, quia si intra tempus praescriptionis interrumpatur consuetudo a maiori parte communitatis, aut si princeps animadverterit in eos, qui eam introduxerunt, tunc etiam interrumpitur consuetudo: 3. requiruntur actus multoties repetiti, ac libere, non ex timore, nec ex ignorantia, puta si populus falso crederet adesse legem, quae revera non adesset: dum ait Laym. (5) cum Suar. Abbat. et Mo-

(1) L. 1. n. 201. et vide Salm. c. 4. n. 44. et Pal. lib. c. §. 2. n. 3. qui cum Suarez vocat commune.

(2) Vide l. 1. n. 200. v. Quaeritur hic.

(3) Vide Salm. de leg. c. 6. n. 6.

(4) l. 2. q. 97. a. 3. ad 3.

(5) l. 1. tr. 4. de leg. c. 24. n. 2. ad 4.

lin. non posse populum adstrictum esse novae obligationi, nisi certe intendat illam voluisse sibi imponere. Quare in dubio utrum consuetudo introducta sit ex obligatione, an ex devotione, et an sub gravi, vel sub levi, hoc inferri licet ex circumstantiis: v. g. si consuetudo onus grave afferat, et per tempus diuturnum fuerit constanter observata; tunc praesumendum est introductam, et continuatam animo se illi sub gravi voluisse obligare (1). Et ita dicimus tenendam esse consuetudinem abstinendi a lacticiis diebus vigiliarum (2); et consuetudinem Regularium, et monialium recitandi divinum officium (3).

80. Haec dicta sunt de consuetudine, sed ad desuetudinem legem abrogantem, duae requiruntur conditiones: 1. ut sit rationabilis, nimirum ut non sit contra ius divinum; 2. ut sit legitime praescripta, uti habetur ex *cap. Licet, de consuet.* (4). Sed in hoc notandum 1. quod ut desuetudo legi derogat, non sufficit intentio legem transgrediendi, sed expresse intentio requiritur legem delendi; itaque etiam cum mala fide lex praescribitur, ut dicunt Castrop. Bonac. Laym. Salmant., etc. (5). In quo advertit Layman eos, qui introducunt consuetudinem adversus legem, semper peccare usque dum lex non sit perfecte praescripta; reliquos autem interim non peccare, si introducta consuetudine utantur, ita Layman (6). Notandum 2. quod quamvis ut aliqua positiva prohibitio (ut dictum est) et novum ius introducatur, requiritur intentio abrogandi legem, nihilominus, si lex diu bona fide, nempe ex legis ignorantia, non observetur: ait Laym. (7) cum Sua-

rez, Azor, Glossa, etc. decennio etiam praescribitur, etiam ignorante principe; praesumitur enim princeps tacite approbare quamlibet consuetudinem, quae legitime praescripta est (8). Hoc tamen intelligendum, nisi princeps positive resistat cuilibet consuetudini legem adversanti (9).

81. Effectus igitur desuetudinis est legi derogare, etiamsi in lege appositae clausula, *non obstante quacumque consuetudine*; etenim talis clausula praeteritis respicit consuetudines, non autem futuras. Imo probabile est, ut dicunt Suarez, Pontius, Bonac., Salmant., etc. consuetudinem abrogare etiam leges futuram consuetudinem contra ipsas reprobantes (10). Si tamen in lege reproberetur quaelibet futura consuetudo, tunc distinguendum. Si reprobat uti contraria legi naturali, aut divinae positivae, tunc consuetudo nunquam valere potest. Secus autem si reprobat uti irrationabilis respectu temporis, in quo lex humana constituitur, quia tunc suboriente aliqua nova causa potest consuetudo fieri rationabilis, et valere, uti docent DD. communiter (11).

82. Consuetudo potest etiam legem interpretari; et propterea huiusmodi consuetudo dicitur *usualis*, ut superius dictum est *num. 72*. Et huiusmodi satis est minus temporis spatium, quam praescriptioni. Et regulariter loquendo, omnes leges debent interpretari secundum loci consuetudinem (12).

83. Denique advertendum hic, per leges generales nunquam derogari particularibus loci consuetudinibus iam praescriptis, nisi de ipsis specialis mentio fiat; aut nisi in illis expresse revocetur quaelibet consuetu-

et communiter. (9) V. Opus nostrum l. 1. n. 107. ad V. 107. ad V. (10) L. 1. n. 108. v. Sed quilibet. (11) Sanch. de matr. l. 7. d. 4. n. 14. Roncaglia de leg. p. 58. q. III. v. secundo, et Salm. eod. tit. c. 6. cum Suar. Pont. Tapia, etc. (12) L. 1. n. 108. v. Potest.

(1) V. Opus nostrum l. 1. n. 107. ad IV.

(2) Lib. 3. n. 1009. v. Dubit. III.

(3) Lib. 4. n. 141. (4) Laym. c. 24. de leg. num. 4. (5) L. 1. n. 107. ad IV.

(6) Loc. cit. n. 4. (7) Dict. c. 24. n. 11.

(8) Laym. loc. cit. n. 11. et Salm. de l. g. c. 6. n. 16. cum Suar. Sanch. Bonac.

do, uti habetur ex *cap. 1. de Consuet. in 6.* Hoc tamen non procedit in legibus, quae sancuntur ab Episcopis; praesumuntur enim Episcopi omnium consuetudinum contrariarum

habere notitiam (1). Item advertendum consuetudinem immemorabilem non putari revocatam, nisi fuerit nominatim revocata a lege, prout pluries declaravit S. C. (2).

TRACTATUS III.

DE ACTIBUS HUMANIS, ET PECCATIS

CAP. I. De actibus humanis.

1. et 2. *Actus hominis, et actus humani.*
3. *De voluntario, et eius conditionibus.*
4. *ad 6. Quotuplex est voluntarium.*
7. *ad 11. De libero, et eius speciebus.*
12. *Impedimenta actus humani.*
13. *I. De ignorantia.*
14. *II. De violentia.*
15. *III. De concupiscentia.*
16. 17. et 18. *IV. De timore, et quotuplex sit.*
19. *Unde desumant bonitatem et malitiam actus humani.*
20. *An actus externus addat malitiam actui interno.*
21. *An dentur actus indifferentes.*

1. Actum est in prioribus tractatibus de duabus regulis actuum humanorum, de consuetudine nempe, et de lege: nunc de ipsismet actibus humanis agemus, prius in genere, deinde in specie, de peccatis nimirum.

2. S. Thomas (3) docet, quod actus qui ab homine procedunt, bifariam considerari possunt; in genere naturae, et in genere morum. Primo modo considerati *actus hominis* appellantur, huiusmodi sunt omnes actus quocumque modo fiunt ab hominibus. Secundo modo dicuntur *actus humani*, et sunt illi qui procedunt ex libera humanae voluntatis electione. Hinc omnes actus qui praeveniunt rationis usum, sunt actus hominis, sed non humani. Duo requiruntur ad constituendum actum humanum, ut capax sit boni, aut mali meriti, ut nempe sit voluntarius, et liber.

(1) N. 109. v. Sed quaeritur 1.

(2) ibid. Quaer. 2.

3. Et prius agendo de voluntario, dicimus quod sit *illud, quod procedit a principio intrinseco* (nempe non a vi extrinseca) *cum cognitione finis*, ex cuius deficientia homicidium non esset voluntarium illi, qui putans esse feram hominem occidit.

4. Multiplex est voluntarium: 1. Formale, virtuale, habituale, et interpretativum. 2. Elicitum et imperatum. 3. Directum et indirectum. Et 1. *Formale* est illud quod exercite elicitur aut imperatur a voluntate. *Virtuale* est quod procedit, et in effectum prodit ex voluntate praehabita. *Habituale* est actus voluntatis semel habitus, et nunquam retractatus. *Interpretativum* dicitur actus ille, qui fit sine advertentia, sed etiam fieret a voluntate, si agens in talibus circumstantiis posuit sibi deliberandum esset.

5. Item 2. Voluntarium *elicatum* est omnis actus voluntatis proxime a voluntate productus, ut amare, vel odio habere, eligere aut refellere aliquid, cupere, etc. *Imperatum* est omnis actus, qui ex voluntatis imperio exercetur ab aliis potentiis sive externis, sive internis, ut meditari, ambulare, videre, etc. Hic advertendum cum s. Thoma (4) quod quilibet actus sive elicitus, sive imperatus a voluntate specificatur a fine propter quem exercetur; quare illi actus qui eundem finem habent, quamvis materialiter sint diversi, tamen eandem induunt speciem, v. g. si quis ieiunat, orat, concionatur ob Deigloriam,

(3) 1. 2. q. 1. a. 1.

(4) 1. 2. q. 1. a. 3.

omnes isti sunt actus charitatis. Contra si unus idemque sit materialis actus, si a voluntate eundem ob diversos fines, iose diversas induit specie.

6. Item 3. Voluntarium directum est quod est volitum, et intentum ex se ipso: *Indirectum* est volitum in causa voluntarie posita, iam praevisto effectu, licet non intento. Ut igitur voluntarium indirectum imputetur ad culpam, primo requiritur, ut praevideatur effectus: secundo, ut agens teneatur impedire talem effectum; nam cum non tenetur impedire illum et non intenditur, non peccat causam honestam apponendo, licet praevideat effectum de se illicitum, ut pluribus casibus progressu Operis explicabitur.

7. Praeterea (ut dictum est) actus humanus, ut sit capax boni, aut mali meriti, necesse habet, ut sit *liber*. De fide est, contra Calvinum, adesse in homine etiam post Adae peccatum, liberum arbitrium, ut definitum est a Tridentino *sess. 6. can. 5*. Hic distinguendae sunt plures species libertatis: 1. libertas a *coactione* et a *necessitate*. 2. Libertas *contradictionis* et *contrarietatis*.

8. Et primo alia est libertas a *coactione*, quae dicitur *spontaneitatis*, alia est a *necessitate*, quae dicitur *indifferentiae*. Prima importat, ut actus sit spontaneus, id est violentiae expers, quamvis sit necessarius, ut est amor Beatorum, qui necessario amant Deum, sed sponte, quin vim patiantur, etenim docet s. Thomas (1) cum s. Augustino, nos erga ultimum finem habere quidem libertatem voluntatis, quae non repugnat cum necessitate naturalis inclinationis: sed non habere libertatem arbitrii, sive contradictionis, quae importat velle, et nolle, ut mox explicabitur. Libertas a *necessitate*, seu indifferentiae, importat non solum immunitatem a vi, sed etiam a necessitate: ita ut homo possit non ponere actum, qui dicitur *contradictio-*

nis, aut ponere actum contrarium, quae dicitur libertas *contrarietatis*, ut paulo post subiungetur.

9. Secundo sciendum est aliam esse libertatem *contradictionis*, quae dicitur *exercitii*, nempe posse operari, et non operari: aliam esse libertatem *contrarietatis*, etiam *specificacionis* dictam, nimirum duos contrarios actus ponendi, ut amandi, aut odio habendi.

10. His positis, dicimus, ut hominis voluntas possit cum bono, aut malo merito operari, debet esse libera libertate *indifferentiae*, quae sola verum libertatis nomen meretur, nempe non solum ut a vi, sed etiam a necessitate sit immunis. Hoc probatur ex Tridentino *sess. 6. can. 4*. ubi dicitur liberum esse homini gratiae assentiri, aut dissentiri. Item probatur ex propositionibus Baii, et Iansenii proscriptis; Baius prop. 39. ex damnatis a S. Pio V. et aliis Pontificibus, dixit: *Quod voluntarie fit, etiamsi necessitate fiat, libere tamen fit*. Prop. 66. *Sola violentia repugnat libertati hominis naturali*. Et prop. 67. *Homo peccat etiam damnabiliter in eo quod necessario facit*. Et cum dixit Baius *damnabiliter*, loqui intendebat de actibus deliberatis, etiamsi necessariis, dum ipse iam admittebat (uti legitur in prop. 75.) actus indeliberatos, nempe sine voluntatis consensu, non reputatos peccata. Iansenius in prop. 5. ex 5. damnatis ab Innoc. XI. dixit: *Ad merendum, et demerendum in statu naturae lapsae, non requiritur in homine libertas a necessitate, sed sufficit immunitas a coactione*.

11. Notandum hic quod radix libertatis *indifferentiae* oritur ab *indifferentia iudicii*, quae nihil aliud est quam deliberatio boni, aut mali quod in actione consideratur. Haec iudicii indifferentia non iam constituit libertatem, sed ut dictum est, est radix libertatis, ut postea possit libere et indifferenter voluntas eli-

(1) Quaest. de verb. a. 1.

gere quod sibi placuerit.

12. Obstacles autem quae impediunt actum humanum, seu quominus actus sit voluntarius, sunt ignorantia, vis, concupiscentia, et timor, qui alioquin non aufert, sed minuit voluntarium. De singulis sigillatim agemus.

13. I. Circa ignorantiam plura sunt distinguenda: 1. Ignorantia alia est *negativa*, quae est carentia scientiae in subiecto non apto; alia est *privativa*, quae est privatio scientiae in subiecto apto; alia est *positiva*, quae est deceptio seu error voluntarius. 2. Ignorantia alia est *iuris*, seu praeepti; alia est *facti*, seu rei praeeptae. 3. Ignorantia alia est *antecedens*, seu *invincibilis*, quae praecedat omnem rationis advertentiam; alia *consequens*, seu *vincibilis*, quae saltem virtualiter aut in confuso est cognita; alia est *concomitans*, quae concomitatur actum, sed non est illius causa, nec in illum influit; actus enim etiam poneretur eodem modo, etiamsi non adesset ignorantia: huiusmodi est ignorantia illius qui occidit inimicum, putans esse feram, sed ita est dispositus, ut si cognovisset esse inimicum etiam occidisset. 4. Ignorantia consequens, seu vincibilis dividitur in crassam seu stupinam, et affectatam. *Crassa* est quando homo negligit scire quod potest, et tenetur scire: *affectata* est quando negligit veritatem inquirere, ut liberior peccet. Hinc concluditur, quod ignorantia *antecedens* (quae dicitur invincibilis) impedit et penitus aufert voluntarium. *Consequens* (quae dicitur vincibilis) non aufert, sed minuit voluntarium. *Concomitans* nec aufert, nec minuit voluntarium, nam ut superius dictum est, nihil influit in voluntarium.

14. II. *Vis* quoque penitus impedit actum humanum, unde quae fiunt vi, nihil nec boni, nec mali merentur. Violentum tamen differt a ne-

(1) Vide hb. 5. De actibus humanis. n. 23. ad 25

cessario, quia hoc potest esse voluntarium, ut est amor beatificus, et differt etiam ab involuntario, quod potest causari ab ignorantia.

15. III. *Concupiscentia* (quae est motus appetitus sensitivi) quando est antecedens impedit actum humanum, seu voluntarium in partem, et quandoque in totum, si omnino rationem praeveniat; unde fit quod motus sensuales, si omnis absit voluntatis consensus, ad peccata nobis non imputantur nec mortalia, nec venialia (1). Cum vero concupiscentia est consequens, et est illa quae excitatur aut imperatur a voluntate, tunc nihil impedit actum humanum, imo auget voluntarium et culpam.

16. IV. *Timor*, vel est levis, vel gravis, qui etiam dicitur *cadens in virum constantem*. Ut sit gravis requiritur, ut malum comminatum sit 1. probabiliter imminens; 2. ut non possit vitari; 3. ut sit magni momenti saltem respective ad personas, uti ad foeminas, filios familias, pupillos, subditos, etc. in quibus datur etiam timor *reverentialis*; sed hic advertendum, timorem reverentialem tunc esse gravem, cum praeter pudorem, quo afficitur filius, pupillus, subditus in patri, aut tutori, aut domino adversando, timet amplius aliquam diuturnam indignationem, aut vexationem (2).

17. Oportet 2. distinguere metum *ab intrinseco* qui provenit ab ipsis facti circumstantiis: puta timor mortis quo mercator in procella proicit merces in mare, et timor *ab extrinseco* qui provenit a causa libera extrinseca, nempe ab homine. Et timor ab extrinseco potest esse *iustus*, et *iniustus*: quod dignoscitur a considerando an timorem incutiens habeat necne ius ad illum incutiendum. Item hic timor potest esse incussus ad extorquendum certum aliquem actum, aut alio fine, praeter actum timoris causa positum.

(2) Lib. 3. n. 317. v. Idem autem.

18. Hoc posito; timor dicitur non impedire actum humanum, illum nempe absolute voluntarium, sed solum *secundum quid*, quod idem valet, quod minuit voluntarium. Quando autem metus excuset, vel non, a lege, iam dictum est *Tract. II. n. 44*. Et quando metus invalidet vel non actum, id, dum loquimur de voto, de contractibus et de matrimonio, agetur.

19. Quaeritur 1. Unde actus humani desumant suam bonitatem et malitiam? Respondemus (quicquid dicant alii) quoad materiale desumunt ab objectis, et ab eorum circumstantiis. Quoad formale, sive quoad moralem bonitatem, aut malitiam a virtutibus, quibus conformantur, aut adversantur. Et hactenus de eo, quod spectat ad speculativam quaestionem, nam quod ad praxim spectat, agemus in sequenti capite, *punct. III. n. 55*, agendo de distinctione specifica peccatorum.

20. Quaeritur 2. An actus externus addat distinctam bonitatem, aut malitiam actui interno quoad praemium aut poenam essentialem, (nam quoad accidentalem certum est apud omnes). In hac quaestione Thomistae cum communiori tenent negativam sententiam, Scotistae affirmant. Sed quicquid sit de speculativa quaestione, in praxi etiam Thomistae (ut declarat Estius) dicunt, quod cum voluntas operis mali executione vehementius adhaeret objecto concupito, aut magis oblectatur illo, tunc sine dubio opus externum addit aliquam malitiam voluntati. Et regulariter sic accidit: ideoque bene ait Habert, quod ille, qui externe operatur peccatum, semper dicendus est maius malum committere, quam qui tantum illud concupiscit (1).

21. Quaeritur 3. An detur actus humanus indifferens in individuo? Concordes sunt Thomistae Scotistis dari actum indifferentem in specie,

(1) Lib. 5. De actibus humanis. n. 40.

(2) 1. 2. q. 71. a. 6.

sive ex *obiecto*, ut est deambulare, campum respicere, etc. Quaestio est an detur in individuo? Scotistae affirmant; sed probabilius negant Thomistae, quia cum homo sit rationalis, tenetur quicquid operator ordinare alicui fini honesto; quod omitendo, culpae ei verti hoc debet, et actus non est amplius indifferens, nisi forte posset esse, quod ex ignorantia aliquando sine advertentia operetur. Haec satis de his tribus celeberrimis quaestionibus, quae magis pertinent ad scholasticam, quam ad moralem. Progrediamur ad loquendum de peccatis, quae sunt actus humani in specie.

CAP. II. De peccatis.

PUNCTUM I. De peccatis in genere.

22. et 23. De peccato mortali, et veniali.

24. ad 39. De advertentia.

40 ad 45. De consensu.

46. De peccato philosophico.

22. Peccatum definitur a s. Augustino, et a s. Thoma (2) *Dictum, factum, vel concupitum contra legem aeternam*. Dicitur *contra legem aeternam*; quia in hoc consistit tota formalis malitia peccati; ideoque haec definitio comprehendit tum peccata commissionis, tum omissionis; etenim omnia divinam legem offendunt; et comprehendit etiam transgressionem legis humanae; cui etiam ipsa lex divina iubet, ut obediatur, *Qui resistit potestati, Dei ordinationi resistit. Rom. 15. 2.*

23. Quodlibet peccatum grave est Dei offensa non effective, quia ut loquitur Angelicus (3), Deus incapax est nocuenti; sed affective, et est vera iniuria, et contemptus in divinam Maiestatem, quae postponitur creaturae. An autem peccatum veniale debeat etiam dici divinae legis transgressio, affirmamus cum Estio, Soto, Azorio, et aliis, quia licet s. Thomas (4) dicat, quod veniale non est contra, sed praeter legem, ni-

(3) 1. 2. q. 73. a. 8. ad 2.

(4) 1. 2. q. 88. a. 1. ad 1.

hilominus hoc est intelligendum in quantum sit tantum contra ordinem, non contra finem legis, qui est charitas. Sed hic ordo legis observandae est etiam praeceptum: *Noli velle mentiri, Eccli. 7. 14. Non iurare omnino, Matth. 5. 34.* Igitur veniale etiam est contra legem, cum sit expresse a lege vetitum.

24. Pro certo habendum, ut dictum est n. 2., peccatum, ut sit imputabile, debere esse voluntarium, et ut voluntarium sit peccatum mortale debet esse pleno consensu patratum. Itaque 1. requiritur plena et perfecta advertentia ad malitiam obiecti, ideoque motus concupiscentiae *primo primi* dicti, qui penitus rationem praeveniunt, carent culpa. Motus *secundo primi*, qui cum semiadvertentia fiunt a semidormientibus, aut alio distractis, ad summum possunt esse venialia. Motus vero deliberati, quorum plene, aut saltem in confuso intellectus advertit malitiam, et voluntas eis consentit, hi sunt mortalia, ita communiter theologi cum s. Thoma (1), qui dicit quod peccatum mortale ex suo obiecto potest evadere veniale ob imperfectionem actus moralis, cum non sit deliberatus, sed subitus (2). Unde alio loco sic ait: *Si quis subito ex aliqua passione in verba imaginata prorumpat, quorum significationem non considerat, et tunc est peccatum veniale, et non habet propriam rationem blasphemiae* (3). Praeterea alibi dicit: *Qui ex lapsu linguae iurat, siquidem advertat se iurare, et falsum esse quod iurat, non excusatur a mortali. Si autem*

hoc non advertat, a crimine perituri excusatur (4). Hinc concluditur, cum sententia communi, ad peccatum mortale non sufficere semplenam advertentiam, sed requiri plenam et perfectam. *Et ratio est* (recte inquit cardinalis Gotti), *quia peccatum mortale debet esse plene voluntarium et liberum, et consequenter cum plena advertentia committi* (5).

25. Sed magna quaestio est; an ad peccatum mortale requiratur advertentia actualis et expressa malitiae actus, vel sufficiat virtualis, et interpretativa? Prima sententia, quam olim tenuero Caietanus, (6) ac Medina, Lopez, Serra, Prado, et alii apud Salm. (7), atque enixe tuentur Concina, Continuator Tournely, Angelus Franzoia, Antoine, et alii recentiores (8), dicit minime requiri advertentiam actualem: sed satis esse virtualem et interpretativam, quae in hoc consistit, quod homo teneatur, et possit malitiam actionis cognoscere, quamvis actualiter non advertat: alias (ut aiunt) reputandi essent immunes a culpa omnes scelesti homines, qui a suis passionibus, aut pravis consuetudinibus obcaecati plura mala patrant ad nihil advertentes.

26. Secunda vero sententia communior affirmat requiri actualem advertentiam malitiae, aut periculi illius, aut saltem obligationis illam advertendi. Et hanc tenent Sylvius, Suarez, Tapia, Sanchez, Sayrus, Palaus, Salas, Bonac. Salmant. tam scholastici, quam morales, Gamachaeus, Isambert, Du-Val, item Vasquez cum Lyrano, Tostato, Adriano VI. Cariel, Victoria, Corduba, et aliis (9). Item s.

(1) Q. 7. de malo a. 6. per tot. et 1. 2. q. 88. a. 6. (2) S. Th. 1. 2. q. 88. a. 6.

(3) id. 2. 2. q. 13. a. 2. ad 3.

(4) Idem 2. 2. q. 98. a. 3. ad 2.

(5) Gotti tr. de vitiiis q. 1. dub. 4. § 3. n. 10. (6) Cai. 2. 2. q. 88. a. 1. dub. 3.

(7) Salm. tr. 20. c. 13. n. 5.

(8) Conc. in Comp. theol. 1. 8. D. 3. c. 2. n. 14. Cont. Tourn. tr. de pec. c. 4. a. 1. Franzoia in Busemb. 1. 5. c. 3. de peccat. Anim. P. Antoine.

(9) Sylvius in 1. 2. q. 76. a. 3. q. 3. concl. 2. Suar. tom. 5. in 3. p. D. 4. sect. 8. ex n. 14. Tapia 1. 3. q. 9. a. 5. et 11. Sanch. De praec. Dec. 1. 1. c. 16. n. 21. Sayr. Thes. 1. 2. c. 9. n. 11. Pal. tr. 2. D. 1. p. 15. n. 5. Salas tr. 13. D. 8. sect. 11. n. 87. Bon. de censur. in communi. D. 1. q. 2. punct. 1. Salm. Schol. tr. 13. D. 13. dub. 1. et Mor. tr. 20. c. 14. n. 8. Gam. t. 2. p. 194. Isam. p. 233. Vasq. 1. 2. q. 123. c. 2. n. 6. Du-Val D. 1. 178.

Antoninus, Wigandt, Sainte Beuve, et card. Gotti, quorum loca et verba infra afferentur. Hi dicunt ad omne peccatum mortale requiri aliqualem advertentiam, sive suspicionem malitiae actus, vel in se, vel in sua causa, saltem in confuso. Ratio eorum est, quia nihil volitum, nisi praecognitum; unde nequit ignorantia imputari ad culpam, nisi de malitia obiecti habeatur saltem aliqua confusa apprehensio; ille enim qui nullo modo advertit malitiam suae actionis, vel obligationem advertendi, nullo modo peccat adversus illam agendo.

27. His positis, meum proferam sensum, et dico quod sistendo intra limites iusti, praefatae sententiae facile conciliari possunt. Nam si dicatur ad omnia peccata mortalia necessario exposci actualem et expressam advertentiam, hoc utique falsum est, quia multipliciter evenire potest, quod plura mala, quamvis actualiter et expresse non advertantur, bene tamen imputantur ad culpam ea patrantibus, si ipsorum ignorantia sit aliquo modo voluntaria, vel ob negligentiam, vel ob passionem, aut pravam habitum, vel ob voluntariam inconsiderationem in operando.

28. Primo igitur modo ignorantia fit voluntaria ob negligentiam, ut docet s. Thomas (1. 2. q. 76. a. 3.) qui regulam ibi praemittit dicens: *Ignorantia quae est causa actus, quia causat involuntarium, de se habet quod excuset a peccato, eo quod voluntarium est de ratione peccati*. Deinde subdit ignorantiam posse esse voluntariam duobus modis, *vel directe, sicut cum aliquis studiose vult nescire, ut liberius peccet, vel indirecte, sicut cum aliquis propter laborem, vel alias occupationes negligit addiscere id per quod a peccato retraheretur*. *Talis enim negligentia facit ignorantiam ipsam esse voluntariam, et peccatum, dummodo sit eorum, quae quis scire tenetur et potest. Et ideo talis ignorantia non*

totaliter excusat a peccato. Si vero sit talis ignorantia, quae omnino sit involuntaria, sive quia est invincibilis, sive quia est eius quod quis scire non tenetur, talis ignorantia omnino excusat a peccato. Nota, talis enim negligentia facit ignorantiam ipsam esse voluntariam. Praeterea nota hic Angelicum ultimis verbis relatis non dubitare, quod bene possit dari invincibilis ignorantia etiam eorum, quae quis scire tenetur. Idem scribit alibi (*de malo q. 3. a. 7. ad 7.*): *Ignorantia, quae est omnino involuntaria, non est peccatum. Et hoc est quod Augustinus dicit: Non tibi imputatur ad culpam, si invitus ignoras, sed si scire neglexeris. Per hoc autem quod addit, sed si scire neglexeris, dat intelligere, quod ignorantia habet quod sit peccatum ex negligentia praecedente, quae nihil est aliud, quam non applicare animum ad sciendum ea, quae quis debet scire*. Eodemque loco addit s. Thomas, quod tum ignorantia reputatur voluntaria, cum homo propter laborem addiscendi, vel ne impediatur a peccato quod diligit, scientiam recusat; et sic ignorantia est a voluntate quodammodo imperata. Hisce igitur locis s. Doctor minime quippe culpabilem reputat ignorantiam eius, qui non advertit, sed eius qui negligit, sive recusat actu quodammodo a voluntate imperato animum applicare ad ea addiscenda, quae scire tenetur circa praeceptum quod urget, ut expressius declarat in corpore praedicti articuli 3. inquit: *Causa ignorantiae est animum ad sciendum non applicare, et hoc ipsum non applicare animum ad sciendum id quod quis debet scire, est peccatum omissionis*.

29. Secundo modo ignorantia fit voluntaria ob passionem, quam quis vult deliberare sequi; illi enim, qui secundum suam passionem operatur, bene imputabitur omnis pravus effectus tali passioni connexus, licet in particulari non agnoscatur, quia

cum homo passionem aliquam amplexatur, consequenter ipse amplectitur omnes effectus communiter ex illa passione provenientes, qui etsi in particulari non praevidentur, praevidentur saltem in confuso; volens enim aliquam explere passionem, puta vindictam, admittit consequenter saltem in confuso quaecumque perversa media, quae ad explendam passionem illam conducunt. Unde effectus provenientes, quamvis non sint voluntarii in se, sunt tamen voluntarii in sua causa, nimirum in adhaerendo in passionem. Ita etiam docet s. Thomas (1. 2. q. 6. a. 8.) ubi ignorantiam huius operantis per passionem vocat *ignorantiam malae electionis*, dicens: *Alio modo dicitur ignorantia voluntaria eius, quod quis potest scire et debet; sic enim non agere, et non velle, voluntarium dicitur. Hoc igitur modo dicitur ignorantia, sive cum aliquis actu non considerat, quod considerare potest et debet, quae est ignorantia malae electionis, sive ex passione vel ex habitu proveniens.* Idem repetit in *Opusc. de malo* q. 3. a. 10. ubi ait: *Ligatio rationis per passionem non imputatur ad culpam, nisi forte quoad principium talis passionis; quod fuit voluntarium, poterat enim voluntas a principio impedire ne passio in tantum procederet.* Praeterea alibi (1. 2. q. 77. a. 7.) dicit: *Quandoque vero passio non est tanta, quod totaliter intercipiat usum rationis, et tunc ratio potest passionem excludere, divertendo ad alias cogitationes, vel impedire ne suum consequatur effectum.*

30. Tertio modo ignorantia fit voluntaria ratione pravi habitus, ut etiam habetur ex s. Thoma loco supra citato (1. 2. q. 6. a. 8.); et tunc actus mali qui ex malo habitu proveniunt, sunt pariter voluntarii, vel in sua causa, scilicet cum in principio prava consuetudo voluntarie contrahitur, vel potius quia, ut sen-

(1) Tanper. t. 2. d. 4. q. 5. lup 5. n. 103.

tio cum Antoine, et auctore libri cui titulus, *Instrux. de novelli confessori*, huiusmodi peccatores male habituali, quamvis habeant cognitionem minus expeditam quam alii, semper tamen habent cognitionem aliquam actualem suorum criminum sufficientem ad reddendos actus deliberatos et mortales; cum enim ipsi parvipendant peccatum, non fit in eorum animis illa sensibilis et memorabilis impressio, quae fit in alio habente conscientiam minus depravatam; et hinc evenit, quod in eorum memoria non remanet vestigium actualis illius cognitionis, quam satis habuerunt antea de peccato, aut vestigium est adeo leve, ut interrogati de facili respondeant, quod non advertierint; sed cautus confessarius non debet ipsis fidem praestare. Et idem videtur dici etiam posse de operantibus secundum suas pravas passiones, quibus non iam defuit omnis cognitio materiae suarum culparum, sed cognitio est in eis tam obscura, ut vix discerni possit.

31. Quarto demum modo ignorantia fit voluntaria et culpabilis, ut dicunt Tannerus et Antoine (1) cum s. Antonino, si homo in agendo advertenter negligit adhibere considerationem, quam res agenda meretur; illi enim qui iam advertit (ut recte ait Antoine) aliquid amplius considerandum, et tamen vult praecipitanter operari, merito imputantur omnes errores, quos committit.

32. Contra vero mihi omnino tenendum videtur, si ignorantia nullo ex praedictis modis fuerit voluntaria, et homo nullam habuerit actualem advertentiam malitiae, vel periculi, nec directe, nec iudirecte, neque in se, neque in sua causa, tunc nullo modo imputantur ei errores quos non advertit. Ratio, quia ut imputentur alicui effectus cuiusdam causae, debet necessario praecedere (saltem in principio) advertentia actualis et expressa malitiae obiecti; ad Antoine p. 1. tr. de pecc. c. 4. q. 7. in fin.

vertentia enim interpretativa, ut recte loquuntur Salmanticenses (1), fundatur super aliquam advertentiam expressam, sicut voluntarium indirectum fundatur super directum. Praeterquam quod advertentia interpretativa supponit obligationem, et potentiam advertendi; sed deficiente omniadvertentia expressa, non est potentia adversandi, et ideo nec obligatio, cum nulla obligatio liget, nisi prius quodammodo agnoscatur.

33. Dices: Omnis ignorantia in eo, qui tenetur et potest suam obligationem advertere, est vincibilis, et propterea culpabilis. Sed recte respondent Sylvius et Suarez, quod ille qui omnino ignorat malitiam obiecti, et adhuc obligationem advertendi, habet quidem potentiam remotam, sive physicam ad advertendum, sed caret potentia proxima et expedita, quae homini necessaria est ad cognoscendam deformitatem suarum actionum. *Quis nesciat non esse in hominis potestate, quod sciat?* ait s. Augustinus, lib. de spir. et lit. c. 35. n. 63. in fin. Unde nequit ipse naturaliter, ac humano modo suam vincere ignorantiam. Agnoscat quidem suam actionem qua actio est, sed ignorabit eam qua mala est; sola enim cognitio obiecti in esse physico non est sufficiens principium ad discernendum, nec ad inquirendum obiectum in esse morali, quod equidem prorsus differt a physico. Quando nulla (sapienter ait p. Suarez) talis cogitatio in mentem subit, qua possit voluntas excitari ad quaerendam scientiam, non est in potestate hominis se ad illam movere, et consequenter non potest talis ignorantia homini imputari (2). Et hoc est quod docet s. Thomas (1. 2. q. 76. a. 2.) dicens: *Unde propter negligentiam ignorantia eorum, quae aliquis scire tenetur, est peccatum. Non autem imputatur homini ad negligentiam,*

si nesciat ea quae scire non potest: unde horum ignorantia invincibilis dicitur, quia studio superari non potest. Studium autem hoc sive diligentia adhibenda ad expellendam ignorantiam, ut recte advertit Sylvius cum Medina, et Richardo (3), non debet esse summa, sed sufficit si sit moralis, et talis quam prudentes communiter adhibere solent in re gravi; superveniente enim dubio indoctus debet consulere peritos: doctus vero consulere libros, vel cum aliis doctis rem conferre.

34. Hanc denique sententiam observo communiter teneri ab auctoribus, non solum probabilistis (qui eam non iam ut probabilem, sed tanquam certissimam apud omnes agnoscunt, sicut scribit Suarez), at etiam antiprobabilistis; etenim de Sainte Beuve doctor sorbonicus sic ait: *Si advertatur tantum in actum materialiter sive physice consideratum et non formaliter seu moraliter, erit tantum volitus actus, ut est quid physicum, et non ut est quid morale, ergo non ut malum; et in hoc non erit malitia* (4). Cardinalis Gotti scribit: *Dico secundo, ad peccatum mortale sufficere advertentiam implicitam seu virtuale malitiae actionis vel eius periculi. Etenim eo ipso quo quis dubitat aut suspicatur de malitia suae actionis, vel malitiae periculo, et tamen rei veritatem inquire negligens actionem ponit, censetur interpretative et ipsam malitiam velle* (5). P. Wigandt pariter inquit: *Dico 1. Deliberatio, seu advertentia est duplex: una est plena et perfecta, quae adest quando homo advertit, non solum ad operationem quoad entitatem naturalem eius, v. g. ad esum carni, sed etiam ad eius malitiam, aut periculum transgressionis legis: alia est imperfecta, etc. Dico 2. Ut aliquid in individuo*

(1) Salm. tr. 20. c. 13. n. 7.

(2) Suar. in 3. p. to. 5. D. 4. sect. 8. n. 18

(3) Sylvius in 1. 2. q. 76. a. 3. concl. 1.

et deinde q. 3. concl. 1. (4) Sainte Beuve de pecc. D. 5. sect. 1. a. 3. (5) Gotti tr. de vitiis q. 1. dub. 4. §. 3. n. 11.

imputetur ad culpam mortalem, debet adfuisse plena et perfecta deliberatio (1). Consentit his s. Antoninus, qui ad peccandum mortaliter in delectatione morosa requirit, non solum deliberationem, sed etiam animadversionem periculi, his verbis: *Aut ergo manet talis complacentia post sufficientem deliberationem, et animadversionem periculi, et tunc est mortale* (2). Alio loco inquit: *Defectus recti iudicii ad considerationis vitium pertinet, prout scilicet aliquis in recte iudicando deficit, ex eo quod contemnit vel negligit attendere ea ex quibus rectum iudicium procedit* (3). Consentit etiam continuator Tourneley, qui sic concludit: *Itaque, ut intra veri limitis gradum sistamus, existimamus eum, qui ita non advertit ad peccati malitiam, ut vel naturali raptus distractione, vel ob similem causam advertere non possit, peccato non teneri. Sic excusabitur poenitens, qui iniunctam poenitentiam prae oblivione non implet. Verum aliter dicendum de actionibus, quas eliciunt aut omittunt viri terrenis rebus absorpti, passionibus suis servientes, assueti ut nequidem cogitent se non cogitare* (4). Sed idem iam nos admisimus supra n. 28. ad 31. Consentit etiam Antoine, qui agens de ignorantia dicit, inadvertentiam sive inconsiderationem esse culpabilem in eo, qui debitam diligentiam omittit, vel qui praecipitanter agit iam advertens rem indigere maiore consideratione, vel qui actu positivo vult sequi passionem quae advertentiam impediat. *E contra* (dicit) *si inadvertentia sit invincibilis in homine habente cognitionem habituales debitas, est prorsus inculpabilis, et excusat a peccato ea quae ex illa fiunt contra legem; quia malitia actus tunc nullatenus ne interpretative quidem est voluntaria; nam sine potestate cognoscendi non potest esse volitio* (5).

(1) Wig. tr. 4. Ex. 2. de pecc. n. 50.

(2) S. Ant. p. 2. tit. 5. c. 5. in fin.

(3) Idem ibid. c. 11. sub init.

35. Hinc concludendum, quod opinio eorum (si forte adsunt) qui dicunt operanti adversus legem imputandos esse omnes errores quos committit, etiamsi nulla unquam intercesserit actualis advertentia, nec directa, nec indirecta, in se, vel in causa, saltem in confuso, sed tantum adfuerit advertentia interpretativa, in hoc dumtaxat consistens, quod ipse debuit et potuit sola potentia physica et remota malitiam advertere: haec opinio nullo modo sustineri potest; alias sequeretur quod plurimi homines multis mortalibus culpis gravatos se invenirent, quin circa illas ullam cognitionem unquam habuerint. Dicent quod homines illi in poenam aliarum culparum, puta ob cupiditates suas non repressas, obligationes proprii status non impletas, ceterasque negligentias merentur subtractionem lucis, qua alioquin bene advertissent operationum suarum malitiam, et ideo omnes sui errores imputantur ad culpam. Sed ut illatio haec valere posset, prius probanda esset supposita propositio, quae nobis minime probatur: nam ratione aliorum defectuum Deus privabit aliquem sua ulteriore luce, qua tentationibus et passionibus propriis restitisset, nisi defecisset in aliis, itaque subtractio illa efficiet quod talis homo incidat in culpas, quas satis advertit ut culpas; sed non efficiet quod ei imputentur errores, quos nullo modo, neque expresse, neque in confuso ut culpas agnoscit; quia ubi non est cognitio, non est libertas; et ubi non est libertas, non est peccatum. Instabunt. Sed s. Thomas (*Lect. 7. in cap. 1. epist. ad Rom.*) dicit: *Si ignorantia causatur a culpa, non potest subsequentem culpam excusare*. At hoc dicimus sane intelligendum de ignorantia voluntaria aliquo ex modis, ut supra ab eodem Angelico explicatis. Præterquam

(4) Cont. Tour. tr. de pecc. c. 4. a. 1. part. 1. (5) Antoine part. 1. tr. de peccat. cap. 4. q. 7. v. Quare.

quod s. Doctor loquitur ibi de infidelibus, quibus errantibus in fide, ob eorum certe culpabilem ignorantiam, merito imputantur ad culpam omnia mala quae patrant.

36. Praeterea si absque ulla advertentia imputantur homini omnes sui errores, quamvis ipse, debita diligentia iam adhibita, recte operari iudicet, sequeretur quod ad honeste operandum non sufficeret sequi sententias (si sint minus tutae) nec probabiliores, nec probabilissimas, nec etiam moraliter certas. Sed hoc dici nequit, cum ab Alexandro VIII. damnata sit prop. 3. quae dicebat: *Non licet sequi opinionem vel interprobabiles probabilissimam.*

37. Remanet obiectionibus prolixis adversariorum satisfacere, sed nos brevi expediemur. Opponent 1. illud in *reg. 13. iuris in 6.* ubi dicitur: *Ignorantia facti, non iuris excusat* Sed huic bene respondet Sylvius (1) id intelligi de statutis forensibus, uti iam explicat Glossa ibidem; in foro enim iudiciali post legis promulgationem ignorantia transgressorum ordinarie praesumitur vincibilis; nisi adsit aliqua ratio, quae contrarium praesumere faciat, ut habetur in *cap. In tua tit. Qui matrim. accus., etc.*

38. Opponent II. quod si ad omnia peccata requireretur actualis advertentia, inculpabiles reputandi essent Iudaei crucifigentes Dominum, Pagani occidentes martyres, et Haeretici innumera crimina perpetrantes. Sed uno verbo his omnibus respondetur, nempe quod horum omnium ignorantia fuit et est omnino crassa. Loquens enim Christus Dominus de Iudaeis, dixit: *Si opera non fecissem in eis, quae nemo alius fecit, peccatum non haberent. Ioan. 15. 24.* Idem quippe dicendum de Infidelibus, et Haeticis, quibus ob suam malitiam vel supinam negligentiam omnes sui errores iuste imputantur ad culpam.

(1) Sylvius 1. 2. q. 76. a. 3. q. 1. concl. 7.

Homo Apostolicus

39. Opponent III. quod sententia requirens aliquam advertentiam actuale non differt ab ea, quae peccatum philosophicum tuebatur a culpa theologica immune. Sed respondetur, quod ideo praefata opinio proscripta fuit ab Alexandro VIII., quia ille qui operatur contra rectam rationem, ut supponitur in peccato philosophico, etiamsi non reputet laedere Deum, reipsa iam laedit, offendendo enim naturam rationabilem, offendit simul ipsius naturae Auctorem. Sed in tali peccato semper requiritur, ut homo advertat suam actionem rectae rationi adversari. Quid ergo commune est inter peccatum philosophicum, et actionem illam, qua quis nullo modo, ne in confuso quidem advertit esse malam, et forte aliquando bonam reputat?

40. Praeterea ad hoc, ut peccatum sit mortale, requiritur plenus consensus voluntatis, ut communiter omnes dd. catholici docent, Contensonius, Tournely, Gonet, Wigandt, Gotti, Concina, Sanch. Salmant. Cardenas, etc. ex s. Thom. 1. 2. q. 88. a. 6. Ratio est. quia ad peccatum consummatum requiritur perfectum voluntarium, quod idem est, ac plenus consensus (2). Potest tamen voluntas assentiri gravi culpa cum consensu indirecto, nempe cum vult causam praevidens effectum, ut superius dictum est; sed hoc intelligitur cum adest obligatio impediendi effectum, nam si in aliquo casu non adest talis obligatio, excusabitur quidem (causam ponendo) a malitia effectus, cum positive non vult, licet illum praevideat (3).

41. Notandum I. post intellectus advertentiam, tribus modis posse voluntatem ferri circa obiectum peccaminosum sibi propositum, 1. positive in illo consentiendo, 2. positive resistendo, 3. negative se habendo, nec consentiendo, nec resistendo. Hinc fit quaestio, an graviter peccet, qui negative se habet, et

(2) Lib. 5. n. 5. (3) Ib. v. Praenot. II.

positive non resistit appetitus sensitivi motibus circa obiectum graviter malum? Generaliter loquendo iuxta sententiam veriore[m] Gerson., Sanch., Castrop., Salmant. cum s. Thoma et aliis, iste leviter peccat, non vero graviter; nam periculum consensus, quod potest esse in non resistendo, non est proximum, sed tantum remotum (1).

42. Sed seus procedit in delectatione carnali, cui (iuxta sententiam communem DD.) tenemur sub gravi positive resistere, quia istae, cum sunt vehementes, de facili possunt sibi trahere voluntatis consensum, si ipsa positive non resistit (2).

43. Quomodo autem huiusmodi carnis tentationibus resistendum sit, auctor quidam modernus quoad frangendam externam et sensualem commotionem dicit, multum prodesse, vestibus tegere, et comprimere partes commotas. Quoad praeservandam animam a consensu, iuvant devotae cogitationes super Iesu Christi morte, super inferno, aut morte: et valde quoque proderit animo revolvere conscientiae remorsus, quos anima, patrato peccato, sensitura erit cum advertet Deum amisisse. Sed maxime quoque iuvat, imo necesse est in huiusmodi tentationibus ad orationem confugere; nam (teste Sapiente) castitas obtineri non potest, nisi a Deo, et per orationem: *Et ut scivi, quod aliter non possem esse continens, nisi Deus det, adi Dominum, et deprecatus sum.* Sap. 8. 21. Invigilet confessarius ad insinuandas poenitentibus praecipue recidivis, istas considerationes, ne eorum sequatur exemplum, quibus satis est ab ore poenitentis audivisse, se amplius nolle peccare, et nullo alio interposito sermone, eos absolvunt. Prae caeteris eos moneat, ut in turpibus tentationibus, ne cum eis mente sermocinentur, sed propositum renouent se mori potius esse paratos, quam as-

sentiri Dei offensae, et ut inde statim invocent pluries cum fiducia SS. Nomina Iesu, et Mariae, hac invocatione intendentes eorum auxilium exposcere. Dixi, *ne mente cum tentationibus sermocinentur*; omnes enim spiritus magistri advertunt quod in huiusmodi sensus tentationibus, sicut etiam in illis contra fidem, satius esset mentem alio divertere, quam manu cum eis (ut dici solet) conflictari; contrariis voluntatis actibus obstando, et rationes exquirendo, quibus sibi suadeat, cur consentire non debeat. Cum vero motus sunt leves, melius erit, quin resistat, si eos condemnat (3).

44. Et insuper advertatur non esse obligationem resistendi tentationibus, et motibus carnalibus, cum adest iusta causa positive non resistendi, puta si quis expertus esset, resistendo magis augeri motus, et contra contemnendo cessari: aut si motus proveniant ex aliqua necessaria, aut utili actione, sicut est ab audiendis confessionibus, aut a legendis libris, ut discatur disciplina moralis, aut medica, aut a tactibus necessariis in medendo, et similibus. Nam tunc (ut docent DD.) non tenemur opus omittere propter huiusmodi involuntarios motus, nec resistere positive, si illi motus durarent, et magnae esset molestiae debere semper eos positive repellere. Satis tunc erit dare operam, ne consentiat: dum haec ipsa diligentia erit sibi sufficiens reluctatio. Ita Tolet. Caiet. Laym. Tournely, Azor, Sanch. La-Croix, etc. (4).

45. Notandum II. peccata omissionis requirere actum positivum, et deliberatum voluntatis in consentiendo omissioni operis praecepti, ut bene docent Gonet, Filliuc. et Salm. quidquid dicant alii (5). Insuper advertendum omissiones, quae proveniunt a causa prius posita, non imputari ad peccatum tunc, cum omititur praeceptum, sed cum ponitur

(1) Lib. 5. n. 6.

(2) n. 7.

(3) Vide lib. 5. n. 8. (4) Lib. 5. n. 9.

(5) Vide Salm. tr. 20. c. 10. n. 11.

causa, ut recte dicunt *Sanch. Becan. Filliuc.* contra alios. Hinc qui causam ponit praevidens effectum, exemp. gr. qui ebriatur praevidens se omissurum Sacrum, etsi accideret, ut postea Sacro adesset, etiam ei confitendum esset peccatum omissionis, quia praestitit consensum, cum causam posuit, nempe ebrietatem (1). Nihilominus si peccato consummato annexa sit censura, et quis, antequam effectus sequatur, se retractaret, tunc esset reus effectus praecogniti, sed non incurreret censuram; quia censura requirit contumaciam eodem temporis momento, quo peccatum consummatur (2). Si quis omitteret Sacrum, ut iret venatum, aut ut ludo vacaret, sat erit si tantum confiteatur Missae omissionem; quia ideo ludus, et venatio sunt illi peccatum mortale, quia sunt causa omissionis Sacri (3).

46. Notandum III. propositionem, quae dicebat non esse mortale, nec mereri poenam aeternam peccatum philosophicum, nempe illam culpam, quae dignoscitur esse contra rationem, sed non contra legem divinam, quae his verbis adnotatur: *Quod in eo, qui vel Deum ignorat, vel de Deo actu non cogitat, sit grave peccatum, sed non offensae Dei, neque peccatum mortale dissolvens amicitiam Dei; neque aeterna poena dignum*, merito fuisse damnatam ab Alexandro VIII., quia qui advertit opus suum esse naturae rationabili adversum, advertit saltem in confuso iniuriam quae irrogatur naturae auctori, qui est ipse Deus.

PUNCTUM II. De peccatis in particulari, de desiderio, complacentia, et delectatione morosa.

47. *Desiderium, gaudium, et delectatio.*
 48. *An in delectatione explicanda sit species.*
 49. *Delectatio de opere malo, et de mala cogitatione.*
 50. *Desiderium mali, si esset licitum.*

(1) Lib. 5. n. 10. v. Notandum III.

(2) lb. in fin. (3) n. 9. v. Hic demum.

51. *Delectatio et desiderium inter spon-
 sos etc. et inter coniuges.*

52. *Delectatio de causa mala ob bonum effectum.*

53. *De damno alterius ob bonum finem.*

54. *De rebus prohibitis lege positiva.*

47. Inter cogitationes peccaminosas distinguenda sunt inter se desiderium, gaudium, (sive complacentia), et delectatio morosa. *Desiderium* respicit tempus futurum, et est cum homo deliberate cupit opus malum opere complere. Hoc desiderium dicitur efficax, cum quis proponit illud exequi, inefficax cum consentit in voluntate exequendi, si posset: v. g. si diceret, vellem surripere thesaurum ab ecclesia, si possem. *Gaudium* respicit tempus praeteritum; et est quando homo complacet sibi de malo patrato. *Delectatio morosa* denique respicit tempus praesens, et est cum quis praesentem sibi imaginatur actum peccati, et de illo oblectatur, ac si tunc illum exequeretur. Et dicitur *morosa*, non quia opus sit longa mora, ut fiat peccatum; quia illa potest momento compleri; sed ob moram deliberatam, quam voluntas facit (4).

48. Hoc posito, notandum 1. tam desiderium, quam complacentiam comprehendere totam malitiam, et omnes species, quibus obiectum induitur; unde si quis v. g. cupit cum aliqua coire, vel sibi complaceat de copula habita cum illa, debet explicare qualitatē mulieris, an sit coniugata, an habeat votum castitatis. Ideoque bene docent Salm. (5) cum Lugo, Castrop., etc. quod si quis se iactat de peccato patrato, debet explicare in confessione omnes species illius, quia in se iactando regulariter adiungitur ad iactantiae malitiam etiam complacentia de peccato commisso (6). An autem idem dicendum de delectatione morosa, quaestio est. Alii affirmant, ut Caiet. Less. Sanch., etc.; alii negant, ut Azor. Lugo, Bo-

(4) Vide Opus nostrum l. 5. n. 15.

(5) Tr. 20. c. 3. n. 66. et 67. (6) L. 5. n. 26.

nac. Laym. Coninch. Castropal., etc. qui dicunt, quod si quis delectatur de copula coniugatae, non ut coniugatae, sed tantum ut pulchrae, non committit adulterium, siquidem adulterii circumstantia non intrat in delectationem, prout intrat in desiderium, et in complacentiam, quae (ut dictum est) totum obiectum, ut in se est, exhaustiunt, nec possunt praescindere ab illius circumstantia. Haec opinio speculative loquendo est valde probabilis, sed in praxi dico cum *Holzman*, sine dubio esse explicandas in delectatione omnes obiecti circumstantias, quia in illa adest periculum proximum desiderii pravi peccandi cum huiusmodi persona (1).

49. Notandum 2. aliam esse delectationem de malo, cum opus malum est obiectum delectationis: et haec delectatio sine dubio est graviter peccaminosa, si opus est culpa gravis. Aliam esse delectationem de cogitatione operis mali, cum non delectatur de opere malo, sed tantum de cogitatione illius: v. g. aliquis legit materias turpes, et non delectatur de illis, sed tantum de illarum lectione. Haec delectatio etiam potest esse gravis, cum adest proximum periculum consensus: sed cum non adest tale periculum, erit tantum venialiter mala; imo omni culpa carebit, cum iustam habet causam legendi, aut cogitandi de huiusmodi materiis, causa v. g. studendi, medendi, aut confessiones auscultandi, etc. Ita s. Thom. 1. 2. q. 74. a. 8. et s. Anton. Sanch. Less. Bonac. Salm. alique communiter (2).

50. Quaeritur 1. An peccet graviter, qui concupiscit obiectum graviter malum, sed sub conditione si esset licitum? in rebus prohibitis lege positiva, certo negandum. Dubium restat in prohibitis lege naturali. Et tunc ita distinguendum: si conditio abstrahit totam malitiam peccati, v. g. si quis diceret, si Deus mihi permetteret, vellem equum Titii mihi

(1) Lib. 5. n. 15. in fine. (2) n. 17.

accipere, hic non peccaret, vel saltem non graviter: secus autem si conditio non auferat malitiam, v. g. peccarem si non adesset infernus; occiderem si non essem sacerdos, et huiusmodi alia. Et idem rationabiliter dicunt Sanch. Laym. Azor. de eo, qui diceret: si non esset peccatum ulciscerer, blasphemarem, etc. nam cum haec sint intrinsece mala, nunquam abstrahi possunt a sua malitia. Quamvis probabiliter dicant Sanch. Bonac. Castropal. Vasq. Sa, Valent. et Salm. cum Caiet. et aliis, quod cum quis cupit aliquid malum sub conditione si non esset malum, nunquam concupiscit malum revera, sed tantum ostendit inclinationem ad illud, quod ad mortalem non attingit. Qui vero optaret absolute, ne esset prohibitum, quod est intrinsece malum, non potest excusari a mortali, dum ex se malum est velle invertere ordinem et legem naturae, ut recte dicunt Salm. (3).

51. Quaeritur 2. An sponsus possit delectari de congressu cum sponsa sub conditione, si esset sibi uxor, aut cogitando ad tempus, quo erit uxor? Alii absolute admittunt: alii admittunt, modo delectatio sit de solo appetitu rationabili, praeciso periculo appetitus sensitivi, nimirum sine spirituum commotione. Sed nos cum Sanchez, Suar. Layman, Azor. Salmant. Holzman, Roncaglia, Croix, etc. dicimus, neutrum esse admitendum, quia delectatio facit obiectum sibi praesens, et cum sit tunc praesens obiectum a conditione dishonestante praecisum, tunc obiectum certe est malum, et quamvis consensus sit conditionatus erga obiectum, est tamen absolutus erga delectationem (4). Aliud est autem, ait Roncaglia, si sponsus desiderat simpliciter copulam futuram cum sponsa, quando sibi erit uxor: quia tunc optat rem ad tempus, quo revera illi sibi licita erit. Sed hoc non obstante ego subiungo, quod per huiusmodi (3) L. 5. n. 13. v. Quær. (4) n. 14. et 24.

desideria, cum quis moratur in iis cogitationibus, magnum subest periculum delectationis praesentis: ideoque debet confessarius omnino prohibere ne sponsi in huiusmodi desideriis morentur. Contra valde probabile est, per se non esse mortale se delectare de copula habita, vel habenda cum sua uxore absente (quid quid dicant Salmant. et Roncaglia, qui affirmant, si delectatio habeatur cum commotione spirituum), dum semper ac periculum pollutionis abest, matrimonium ipsum licitos reddit tactus impudicos inter coniuges (qui sine dubio nequeant esse sine commotione aut saltem sine proximo periculo commotionis, et tamen eos ipsi Salmanticenses et Roncaglia non damnant de mortali), ita reddit per se licitam ipsam delectationem copulae; huius sententiae sunt s. Anton. Caiet. Coninch. Vasq. et Croix cum Suar. Gers. Laym. etc. (1), et expresse eam docet etiam s. Thomas (2).

52. Quaeritur 3. An liceat oblectari de aliquo opere intrinsece malo quod accidit ob bonum effectum inde secutum? Distinguendum: si opus est formaliter malum, nempe cum peccato patratum, pro certo est apud omnes non licere delectari de illo. Si autem accidit sine peccato, non desunt qui admittunt posse delectari de illo, uti de causa boni effectus; nos vero cum Sanchez, Laym. Croix, Salmant. Roncaglia, etc. dicimus talem delectationem semper esse illicitam: quia licet opus non fuerit peccaminosum, nihilominus semper fuit obiective malum. Et hoc videtur non posse amplius revocari in dubium post proposit. 15. damnatam ab Innoc. XI. quae dicebat: *Licetum est filio gaudere de parricidio parentis a se in ebrietate perpetrato, propter ingentes divitias inde ex haereditate consecutas*. Nec obstat quod dicit s. Thomas (3): *Si autem placet (nempe nocturna pollutio) ut naturae exo-*

neratio peccatum non creditur. Dum hoc intelligendum de pollutione pure naturali, quae provenit a natura se exonerante, ideoque cum non sit obiective mala, licet delectari de exoneratione ob eam obtentam. Contra (per se loquendo) licet delectari non de causa peccaminosa, sed de effectu inde secuto ut de exoneratione ob pollutionem habita aut de acquisitione haereditatis orta ex homicidio. Dictum est *per se loquendo*, quia etiam delectatio solius effectus, ut dicunt Salm. et Ronc., non caret aliquo periculo (4).

53. Quaeritur 4. An licitum sit delectari, aut optare damnum proximo propter aliquem bonum finem? Praenotandae hic sunt duae propositiones damnatae ab Innoc. XI. nempe 13. quae dicebat: *Si cum debita moderatione facias, potes absque peccato mortali de vita alicuius tristari, et de illius morte naturali gaudere, illam inefficaci affectu petere et desiderare: non quidem ex displicentia personae, sed ob aliquod temporale emolumentum*. Et prop. 14. *Licetum est absoluto desiderio cupere mortem patris, non quidem ut malum patris, sed ut bonum cupientis, quia nimirum ei obventura est pinguis haereditas*. Hae fuerunt merito damnatae, quia secundum ordinem charitatis vita proximi praeferenda est cuicumque nostro temporali emolumento bonorum, aut honorum. Contra licet gaudere, et cupere damnum temporale proximi, ob bonum commune aut innocentis, aut proximi; ita docent Toletus, Nav. Bonac. Salm. Ronc., etc. cum s. Thoma (5), qui sic loquitur. *Potest aliquis, salva charitate, optare malum temporale alicui, et gaudere, in quantum est impedimentum malorum alterius, vel communis, vel Ecclesiae*. Item scribit s. Gregorius: *Evenire plerumque potest, ut non amissa charitate, et inimici nostri ruina laetifcet, et rursus eius gloria*

q. 1. ad 5. (4) Lib. 5. n. 20. (5) In 3. Sent. dist. 30. q. 1. a. 1. ad 4.

(1) Lib. 5. n. 25. (2) qu. 15. de malo a. 2. ad 17. (3) In 4. dist. 9. q. 4. 4.

sine invidiae culpa contristet; cum et, ruente eo, quosdam bene erigi credimus, et proficiente illo, plerosque iniuste opprimi formidamus. *Mor. lib. 22. c. 22.* Quare licet (semper tamen servato ordine charitatis) optare aut sibi complacere de infirmitate aut morte impii, ad exemplum aliorum, et ut cesset ille a praebeendis scandalis, aut ruinae esse alio modo animabus. Ita etiam gaudere licet de damno temporali privati ad vitandum damnum commune. Ita etiam dicunt Salmanticenses, et Roncaglia, posse patrem cupere mortem filio, si iuste timet ne ille dedecori futurus esset familiae (1). Ita etiam Sotus, Castrop. Trullench. Granad. Viva, Felix Postestas (contra Nav. Salmant., etc.) permittunt sibi posse mortem optare, si minus duram putaret esse sibi mortem quam vitam adeo molestam ob infirmitatem, paupertatem, aut aliam molestiam, qua afficitur. Et hoc mihi non videtur inrobabile; ut contra videtur improbabilis mihi cum Roncaglia, et Salmant. opinio Azorii, et Bonac. licitum esse matri mortem filiae optare, quia eam in matrimonium collocare nequit ob eius deformitatem aut paupertatem familiae, aut quia ipsa mater vexatur a viro illius causa (2).

54. Oblectari autem de rebus solum a lege positiva vetitis, uti est in diebus ieiunii oblectari de carnibus, etc. hoc semper licitum est, aut saltem non est culpa gravis. Sed contra, ei qui ex inadvertentia in die ieiunii carnem comedit, non licet de hoc delectari (3).

PUNCTUM III. De peccatorum distinctione. 1. Quoad speciem, 2. quoad numerum.

55. et 56. De distinctione specifica.

57. De numerica, et de 1. radice a multiplicitate actuum.

58. ad 61. Circa actus internos.

62. et 63. Circa actus externos.

64. et 65. De 11. radice a diversitate obiectorum totalium.

55. Et I. Quoad speciem quaeritur primo a doctoribus a quibus radicibus desumenda sit distinctio specifica peccatorum? s. Thomas docet desumendam ab obiectis vitiosis specie diversis: Scotus contra ab oppositione ad diversas virtutes, quibus opponuntur peccata. Utraque sententia est probabilis: secunda tamen, ut fatetur etiam Tapia Thomista, est facilius ad distinguendas species peccatorum. Quare dicimus distinctionem specierum desumi a duabus radicibus, prima ab oppositione ad diversas virtutes, ut dictum est. Sed quia aliqua peccata opponuntur eadem virtuti, ut blasphemia et perjurium, ambo opponuntur religioni, ideo dicimus secundam radicem desumendam a diversa deformitate eadem virtuti opposita. Hoc tamen valet, ut distinguantur peccata commissionis; peccata enim omissionis quoad speciem distinguuntur tantummodo ab obiectis, quae omittuntur, v. g. omisio Sacri et ieiunii ambo adversantur Ecclesiae obedientiae, et in tantum sunt diversae speciei, in quantum Sacrum et ieiunium sunt obiecta diversae speciei (4).

56. Quaeritur secundo, an peccatum ex obiecto leve possit propter aliquam circumstantiam devenire ad gravitatem speciei superioris? Vasq. et Durandus negant; sed affirmat sententia communis quam tenent Suar. Castrop. Salmant. et alii cum s. Thoma (5), cum non accadat physice, sed moraliter. Quare aits. Doctor (6) esse graviolem bestialitatem periurio (7). Et ideo regula praedicta metiendi gravitatem peccati ex oppositione ad superiorem virtutem currit tantum, quando peccata sunt maxima adversus aliquam virtutem, non autem cum comparatur maximum peccatum adversans uni virtuti cum minimo adversante alii virtuti (8).

(1) L. 5. n. 21. v. Licitum. (2) n. 22.

(3) n. 27. (4) Lib. 5. n. 30. 31. et 32.

(5) 2. 2. q. 10. a. 3. ad 1. (6) 2. 2. q. 1. a. 12.

(7) Lib. 5. n. 34. (8) Lib. 5. n. 34.

57. II Quoad numericam distinctionem, dicimus pariter ex duabus radicibus desumendam, 1. *Ex multiplicitate actuum moraliter interruptorum*. 2. *Ex diversitate obiectorum totalium* (De hac secunda dubitant DD., sed nos iuxta nostram sententiam, de qua in fine huius puncti num. 64. agemus). Et loquendo de prima radice, ut dignoscatur quando actus voluntatis moraliter interrumpantur, plures oportet facere distinctiones.

58. Primo oportet distinguere actus internos ab externis. Et quoad internos, distinguendum, cum hi possint esse aut circa peccata interna (*cordis dicta*) quae interips consummantur, ut sunt odium, haeresis, prava desideria, delectatio morosa, et huiusmodi: aut circa peccata externa (*oris et operis dicta*) quae externe perficiuntur, ut sunt blasphemiae, furta, etc. Hoc posito dicimus actus internos circa peccata *cordis*, odia, desideria, etc. statim ac multiplicantur, interrumpuntur; itaque tot sunt peccata, quot sunt actus consensus voluntatis: ut communiter Suar. Azor. Vasq. Castrop. Bonac. Salm. Tourn. Conc.; et alii contra Canum, et Lugo, qui tenent per somnum, aut per distractiones non interrumpi, sed solum per contrariam voluntatem. Sed haec opinio non est mihi satis probabilis; unde dico teneri poenitentem ad explicandum, si potest, numerum actuum interiorum, quibus praestitit consensum; si non potest, saltem tempus in quo in tali pravo animo perseveravit, explicando saltem in genere, si eae interruptiones (praeter ordinarias somni, etc.) fuerint rarae, an frequentes. Si enim praedicti actus procederent ab uno, et eodem impetu passionis, dicunt Lugo, Viva et Tamb. (et id videtur probabile) tunc eos, quamvis intercederet aliquod intervallum, sed breve, constituere unum peccatum (1).

59. Quoad actus internos circa pec-

(1) Vide lib. 5. n. 37.

cata externa *oris et operis*, ut atractionis, homicidii, etc. haec bifariam moraliter interrumpuntur: 1. voluntatis retractione; 2. voluntaria cessatione, nempe si voluntarie a pravo proposito cessat; nam si post cessationem voluntariam a proposito iterum illud reassumit, tunc novum committit peccatum (2).

60. Certum igitur est apud omnes tam per retractionem, quam per voluntariam cessationem interrumpi actus internos circa peccata externa. Sed quaestio est, an per ordinarias interruptiones interrumpatur pravam propositum circa peccata externa. Alii affirmant, ut Vasq., Henno et Diana, et haec opinio est satis probabilis. Sed probabilior est altera Salmanticensium, Vivae, Roncag. et Concinae; quod si perseveret propositum per breve tempus, actus replicati non interrumpantur; interrumpuntur autem, si tempus est diuturnum; et opinio aliorum, quod quantumlibet temporis pravam propositum duret, actus non interrumpuntur, est contra communem sententiam, quare id mihi non videtur probabile. Quodnam autem tempus iudicandum sit longum in hac materia, p. Concina putat unum diem: Roncaglia duos, alii quatuor, aut quinque; ego autem sentio posse idem pravam propositum duos, aut tres dies perdurare, sed non amplius; dum existimo concupiscentiae sive passionis vehementiam (regulariter loquendo) difficulter ultra duos, aut tres dies posse persistere. Quare dico, quod si pravam propositum praecedat actum duobus aut tribus diebus, potest accipi pro uno peccato una cum actu externo consummato. Sed si quis perseverat diutius tribus diebus, illic debet explicare tempus: et tunc confessarius accipit in confuso numerum actuum eo tempore interruptorum per quamlibet morulam somni, coenae, distractionum, etc. prout sunt coram Deo, tunc utendo prima opinione Vasq. etc. nempe actus internos per quam-

(2) Lib. 5. n. 38.

cumque morulam semper interrompi (1).

61. Advertendum nihilominus, hoc non procedere cum actus voluntatis, qui proficiscuntur a primo pravo proposito, perdurant in aliquo effectu, qui conducit ad perficiendum unum dumtaxat peccatum externum; quia tunc quantumcumque temporis perduret prava voluntas, illi actus unum constituunt peccatum. Hinc qui proponit occidere inimicum suum, et ideo parat arma, insidias struit, et postea eum occidit: licet tunc plures et plures dies reiteret actus suae pravae voluntatis, unum peccatum committit: ita omnes dd. cum s. Thoma (2). Ita etiam fur unum peccatum committit, si ipse semper perseverat (licet diutius) in sibi proposita a principio voluntate furandi, vel non restituendi; quia in illa voluntaria et nunquam retractata retentione virtualiter durat in effectu prima voluntas, ut valde probabiliter docent Nav., Lugo, Sairus, Trull., p. Nav., Roncaglia, Diana, Malder. et Salmant. (contra Suar. Bonac., etc.). Recte tamen advertit Diana, quod si fur aliquando sit impotens restituendo, et postea iterum fieret potens et non restitueret; tunc novum committeret peccatum; tunc enim tempore impotentiae non perseveravit in effectu voluntas non restituendi (3).

62. Hoc quoad actus internos peccatorum, quae externe perficiuntur. Quoad autem ipsos actus externos, isti tunc moraliter interrompuntur, cum non respiciunt aliquem actum completum, v. gr. si quis pluries percutit inimicum, non habens animum eum occidendi, tunc omnes illae percussiones sunt distincta peccata, quia quilibet actus habet suam distinctam malitiam. Idem dicendum de tactibus turpibus, sine intentione coeundi adhibitis. Contra advertendum, quod bifariam actus externi ununtur, et unum constituunt peccatum: 1. si procedunt

ab ipso impetu, cum quis eodem iracundiae tempore pluries blasphemat, iniuriis aliquem afficit, percutit, aut detrahit, sive eadem concupiscentiae vehementia pluries turpiter tangit; ita communiter Nav., Less., Castropal., Bonac., Concina, Viva, Salmant. etc. 2. Si actus externi moraliter ordinentur ad idem peccatum consummandum, prout qui accipit arma, inquit inimicum, et postea eum occidit. Item si quis ad copulam consummandam praemittit verba, oscula, etc. Itaque tunc sufficit tantum explicare commississe homicidium, aut copulam. An autem explicandi sint tactus statim copulam subsequentes? Respondetur probabiliter negative; semper ac tactus (et idem est de complacentia, quae habetur de copula) statim post copulam habeantur, et non dirigantur ad novam copulam; quia tunc verosimiliter tactus illi adhibentur ad primae copulae complementum (4). Sed hic notandum cum p. Viva, et communi (ut ipse asserit) omnia media externa adhibita ad exequendum peccatum, prout sunt tactus et verba obscena, ac etiam iter susceptum, ascensus in domum meretricis, parare arma ad vindictam, et huiusmodi, omnia haec explicanda sunt in confessione tamquam peccata distincta numero, quando peccatum intentum executioni non mandatur; quia illae actiones iam externatae omnes informantur a malitia pravi finis (5).

63. Quaeritur, si quis habens animum suscipiendi 100. aureos, centum vicibus susciperet, quot peccata committit? La-Croix putat centum peccata committere, quodlibet enim furtum suam propriam habet malitiam. Sed probabiliter Holzman sentit, satis esse confiteri furtum 100. aureorum, tamquam unum peccatum, dum caeteri actus tendunt ad complendum furtum intentum. Si autem non est intentum ad centum, certe distincte explicanda sunt omnia furtiva gravia (6).

(1) n. 39. (2) In 2. dist. 42. q. 1. art. 1.

(3) Lib. 5. n. 40. (4) Lib. 5. n. 41.

(5) n. 42. (6) n. 44

64. Hactenus de prima radice: loquamur de secunda, nempe de diversitate obiectorum totalium. Quaestio est tamen inter dd. an per hanc radicem multiplicentur peccata, v. gr. si quis unico ictu sclopeti plures occidit, an committat plura peccata? Alii negant, ut Suar. Lugo Laym. Anacl. Viva, etc. sed nos cum Azor. Tournely Concina Salmant. Diana Croix, etc. et communi affirmamus, quia idem actus, sicuti potest continere plures malitias specie distinctas, ita pariter potest habere plures distinctas numero: et hoc etiam contra eandem virtutem; puta si coniugatus committit adulterium cum coniugata. Hinc dicimus plura committere peccata 1. Qui uno ictu sclopeti plures occidit homines; aut unica distractione multos unius familiae infamat: aut unico sermone pluribus est scandalo. 2. Qui unica vice furatur a pluribus, sed hoc non intelligitur, si furaretur bona monasterii, aut capituli, quia ea bona pertinent ad communitatem, non vero ad particulares. 3. Qui unico actu voluntatis proponit plures dies omittere officium, aut ieiunium; aut malum optat pluribus, vel cupit ad plures foeminas accedere, aut pluries ad eandem, fortius si pluries successive cum aliqua rem habet (1).

65. Si autem aliquis negat plures Fidei articulos, unum committit peccatum; nam, cum unum sit obiectum Fidei, nempe veritas Dei revelantis; aequae infidelis est, qui unum articulum negat, ac qui omnes. Ita pariter qui coram pluribus alicui detrahit, probabile est cum Azorio Molina Lugo, etc. (contra La-Croix) unum peccatum committere dum unicuique est apud omnes ius ad famam. Item qui plura mala exoptat inimico, v. gr. infamiam, mortem, etc. sed sub una mali ratione ea apprehendit, nempe ut media ad illius perniciem, probabiliter cum Caiet. Lugo Valent.

(1) Lib. 5. n. 46. (2) Lib. 2. n. 30. v. 1. In confess. et l. 5. n. 50. v. Quær. 5.

Bonac. Croix, etc. committit unum tantum peccatum, et ei satis est confiteri: *Exoptavi grave malum proximo*: sed qui efficaciter optasset in suum inimicum diversa mala inferre, aut optasset specificè et in particulari ut praedicta mala illi acciderent, tunc debet omnia illa distincte confiteri, quia illa sunt diversa peccata (2). Dicunt Salmant. Viva et Lugo cum aliis confessarium, qui est in peccato mortali, plures successive absolventem, unum committere sacrilegium. Sed nos dicimus cum Bonac. Escobar. Concina Tournely Croix, etc. tot sacrilegia, quot sunt personae, quas absolvit, quia quaelibet absolutio est distinctum Sacramentum. Secus autem et non improbabiler dicunt Filliuc Viva Busemb. et alii de sacerdote in peccato existente, qui pluribus ministrat Eucharistiam, cum una sit tunc administratio, et unum convivium (3). Quot autem peccata committat, qui celebrat Missam in peccato, vide *append.* 3. n. 11.

PUNCTUM IV.

De peccato mortali et veniali

66. *Effectus mortalis et venialis.*
 67. *Quot modis mortale fit veniale.*
 68. *Quot modis veniale fit mortale.*
 69. *Quid si in periculum probabile de mortali quis se exponat.*

66. Peccatum mortale est illud, quod privat hominem divina gratia, quae est animae vita, et ideo dicitur mortale. Veniale est, quod non privat gratia, sed minuit charitatem, non quidem Dei erga nos, sed nostram erga Deum. Admonet confessarios s. Antoninus, ne damnent aliquem peccati mortalis, nisi habeatur auctoritas expressa sacrae Scripturae, aut canonis, aut determinationis Ecclesiae, vel evidens ratio. Quare ait Sanctus ex d. Thoma, in grave periculum peccandi se coniiciunt, qui sine certitudine facilius actiones damnant de peccato mortali in talem conscientiam ponendo poenitentes (4).

(3) Lib. 5. n. 50. v. Quær. 6. (4) Lib. 5. n. 52. circa fin. v. Bene hic.

67. Quaeritur 1. quot modis peccatum, ex genere suo mortale, fieri potest veniale? Tria requiruntur ad peccatum mortale: gravitas materiae, plena advertentia intellectus, et perfectus consensus voluntatis; et ob aliquem horum defectum mortale fieri potest veniale. Et 1. quoad materiam, eius gravitas consideranda est non solum in se, sed etiam ex circumstantiis ex toto, et ex fine intento. Quapropter non datur parvitas materiae, ubi parvitas non minuit offensam, uti accidit in infidelitate, simonia, periurio, vitio turpi, etc. Praeterea advertendum, materias parvas reiteratas tunc constituere materiam gravem, cum ex se, aut saltem moraliter in se coalescunt; ut sunt furtula, parvae omissiones in officio, in missa, aut comestiones modicae in ieiunio eodem die repetitae. 2. Quoad advertentiam, potest excusari a mortali semidormiens, aut semidistractus, aut qui subita et vehementi turbatione ita corripitur, ut nesciat quid agat. 3. Quoad consensum, notetur quod hic non est supponendus perfectus ad peccatum mortale in iis, qui spiritualem agunt vitam, et meticulousae sunt conscientiae, semper ac certi non sint de consensu (1).

68. Quaeritur 2. quot modis contra veniale possit transire in mortale? Respondetur quinque: 1. Ratione *finis adiuncti*, qui ex se sit mortalis, v. gr. si quis dicat verbum leviter inhonestum, sed fine proximum trahendi ad culpam gravem. 2. Ratione *finis ultimi*, et est, cum quis agit aliquid ex se non mortale, sed ea animi adhaesione, ut potius sit paratus ad praeceptum grave transgrediendum, quam illud omittere: v. g. si quis die festivo sit paratus potius ad omittendum Sacrum, quam ludum. Sat tamen tunc erit, si confiteatur tantum voluntatem omittendi Sacrum.

(1) Lib. 6. n. 476. v. Item, et l. 5. n. 53. ad 58.

(2) 2. 2. q. 186. a. 9. ad 3.

3. Ratione *contemptus formalis* legis, aut legislatoris, ut docet Thomas (2), cum aliquis ex proposito legem (etiamsi humanam) transgreditur, quia non vult ei se subiicere: aut ideo superiori non obedit, quia illi non vult subiici; si autem nollet superiori obsequi, aut ex passione, aut quia res est parvi momenti, tunc ait s. Doctor non peccat ex contemptu, etiamsi peccatum reiteret. 4. Ratione *scandali* respectu pusillorum, ut in *Tractatu sequenti* n. 28. 5. Ratione *periculi proximi* in culpam gravem labendi (3).

69. Nonnulli AA. dicunt, quod si quis se exponit periculo tantum probabili labendi in mortale non peccat graviter semper ac sit etiam probabile quod non cadat. Sed haec opinio reicitur a Carden., Busemb., Croix, etc. quia si nobis nefas est uti opinione probabili cum periculo facti de damno alterius, ut dictum est *Tract.* 1. n. 21. quanto minus possumus ea uti cum periculo propriae animae? Tunc lapsus licet sit incertus, certum tamen est periculum. Hoc intelligitur quod peccet graviter, qui se exponit periculo sine iusta causa; hoc enim non currit iuxta communem Nav., Roncag., Hortad., Salmant., Elbel, etc. de eo qui ex necessitate se exponit (ut dicetur de chirurgo et parrocho *Tract.* 9. n. 34. de sexto praecepto); quandoquidem tunc periculum ex proximo fit remotum, tum propter necessitatem, tum propter media praeservativa quae debet adhibere in huiusmodi occasionibus: nam licet nemo excusetur, etiamsi velit eadem media adhibere, qui praecisa necessitate se exponit periculo, attamen bene excusabitur, qui illi ex iusta causa se exponit, dum huic, non autem illi in occasione auxiliaturus erit Deus, qui indigentibus, non temere agentibus opitulatur (4).

(3) Lib. 5. n. 59. ad 63

(4) Lib. 5. n. 63. Quær. hic.

TRACTATUS IV.

DE PRIMO PRAECEPTO DECALOGI

CAP. I. *De virtutibus theologalibus.*1. *ad 5. De Fide.*6. *ad 8. De Spe.*9. *ad 12. De Charitate.*13. *Actus exercendi circa virtutes theologales.*

1. Ad primum praeceptum primo spectant virtutes theologales, quae sunt Fides, Spes, et Charitas. De singulis seorsim. Et I. Fides definitur: *Est virtus theologica a Deo infusa, inclinans nos ad firmiter assentiendum ob divinam veracitatem omnibus, quae Deus revelavit, et per Ecclesiam nobis credenda proposuit.* Dicitur 1. *Virtus theologica*, id est, Deum respiciens, quia Fides, sicut etiam Spes et Charitas directe respiciunt Deum ad differentiam virtutum moralium, quae illum indirecte respiciunt. 2. *A Deo infusa*, quia Fides est donum Dei supernaturale. 3. *Inclinans nos ad firmiter credendum*, nam assensus Fidei non potest esse cum formidine, ut volebat prop. 4. ex damnatis ab Innoc. XI, sed debet esse firmus. 4. *Ob divinam veracitatem*, cum infallibilis veritas (quae est ipse Deus) sit obiectum formale Fidei. 5. *Omnibus, quae Deus revelavit*, cum omnia a Deo revelata sint obiectum materiale Fidei. 6. *Et per Ecclesiam nobis credenda proposuit*, quia divina revelatio nobis non manifestatur, nisi per Ecclesiam, quae eam proponit; est enim evidens per signa credibilitatis (quae sunt prophetiae, miracula, martyrum constantia, etc.) Ecclesiam non posse falli, nec fallere. Quare aiebat s. Augustinus: *Evangelio non crederem nisi me Ecclesiae catholicae commoveret auctoritas.*

2. Itaque obiectum materiale Fidei (nimirum id quod credere debemus) praecipuum est Deus, et inde caetera omnia a Deo revelata, ut dicitur Tho-

mas: *Fides quae hominem divinae cognitioni coniungit per assensum, ipsum Deum habet sicut principale obiectum, alia vero sicut consequenter adiuncta.* Obiectum autem formale (sive motivum quo debemus credere) est Dei veritas. Quaestio tamen est inter scholasticos, an revelatio etiam sit obiectum formale Fidei? Iuvenin, et alii dicunt Dei veracitatem esse obiectum formale quod, sive rationem praecipuam, in qua fundatur Fides. Revelationem autem esse obiectum formale quo, nempe medium, quo nos credimus. Sed communior sententia, quam tenent Habert, Gotti et Holzman cum Scoto, etc. vult obiectum formale Fidei esse veracitatem Dei, et revelationem esse tantum conditionem, qua nobis applicetur notitia eorum, quae credimus.

3. Sed deveniamus ad ea, quae nostri instituti laboris intersunt. Altera sunt praecepta explicite credenda *de necessitate medii*, altera *de necessitate praecepti*. Nulli dubium est, quin explicite *de necessitate medii* credenda sint, Deum esse, et remuneratorem esse boni, et iustum vindicem mali. Quoad autem mysteria sanctissimae Trinitatis, et Incarnationis, et mortis Iesu Christi, licet adsit sententia probabilis pro utraque parte, an debeant credi ex necessitate medii, an praecepti; attamen certum est ex propos. 64. ex damnatis ab Innoc. XI. non esse absolutionis capacem, qui ignorat ea mysteria, aut quia agitur de valore Sacramenti, aut quia agitur de mysteriis longe maximis, et momenti valde gravis, ut credantur, ad salutem aeternam consequendam, ac edoctu ita facilibus, ut sine magna difficultate ea addiscere possit poenitens, antequam absolutione sacramentali donetur. Sed ratio potior est, quia poenitens Sacramentum Poe-

nitentiae recipiendo, quod est meritum Salvatoris communicatio, tenetur illis explicite credere, sive tenetur exercere fidem circa illa mysteria SS. Trinitatis et Incarnationis. Explicite vero *de necessitate praecepti* debent sciri et credi, saltem in substantia, ut docet s. Carolus Borromeus in sua *Instructione ad confessarios* 1. Symbolum apostolorum. 2. Oratio dominicalis et salutatio angelica. 3. Praecepta Decalogi et Ecclesiae. 4. Sacramenta, quae cuilibet sunt necessaria, ut Baptismus, Eucharistia, et Poenitentia; caeterorum enim sufficit habere fidem implicitam, cum explicita sit tantum necessaria illis, qui ea suscipiunt.

4. Peccata, quae Fidei adversantur, sunt infidelitas, et haeresis: infidelitas quae triplex est: *Negativa*, eorum nempe, qui nihil audierunt de Fide. *Positiva*, eorum est, qui sua culpa ignorant veritatem Fidei. *Contraria*, est eorum, qui Fidei sufficienter eis propositae repugnant, aut eam contemnunt. In hac infidelitate contraria, sunt paganismus, iudaismus, et haeresis (1).

5. Ad haeresim duo requiruntur, iudicium erroneum intellectus, et pertinacia voluntatis. Quare non est haereticus, qui tantum externe detestatur Fidem, aut qui tantum negative dubitat de ea, credulitatem suspendendo circa aliquem articulum, quia iste non format iudicium: contra vero est haereticus, qui affirmative iudicat aliquod dogma esse dubium: aut qui ideo suspendit iudicium, in quantum virtualiter iudicat dubium esse illud dogma, licet sciat Ecclesiam illud docere. Nec est haereticus qui est dispositus se iudicio Ecclesiae submittere, quia tunc deest pertinacia (2). Ad haeresim deducitur apostasia, quae est error Fidei ex toto contrarius, ab ea nempe discedendo.

6. II. Spes definitur: *Est virtus, per quam certa cum fiducia futuram*

(1) Lib. 2. n. 17. (2) N. 19. (3) Tract. de Decal. c. 1. p. 2. de spe concl. 2.

beatitudinem, et media illius assequendae expectamus per Dei auxilium. Obiectum materiale primum Spei, illud nempe quod sperare debemus, est beatitudo aeterna, quae est Deus ipse fruendus; secundarium sunt divina gratia et bona nostra opera Dei auxilio exequenda. Obiectum vero formale, seu motivum, quo nos sperare debemus, alii dicunt esse Dei misericordiam; alii divinam omnipotentiam, ut communiter Thomistae; alii divinam promissionem, ut tenet Iuvenin; alii denique volunt esse divinam bonitatem, illam intellige bonitatem, qua nobis auxilia ad consequendam salutem communicat, quae eadem est ac misericordia; quod si quis vellet obiectum formale spei esse bonitatem Dei, in quantum est res spectata, bene ait Continuator Tournely (3), erraret utique.

7. Hinc puto concludendum omnia illa tria prima motiva, quae innuimus, obiectum formale Spei constituere, nimirum Dei misericordiam et omnipotentiam, qua nobis Deus opitulatur ad vincendos inimicos salutis: haec duo motiva expresse docentur a s. Thoma (4), qui sic ait: *Ita obiectum formale Spei est auxilium divinae pietatis, et potestatis, propter quod tendit motus Spei in bona sperata, quae sunt materiale obiectum Spei.* Et puto his duobus debere addi tertium, quod est divina promissio, ut ait Iuvenin, sive sit fidelitas Dei in promissis, quibus pollicitus est se ob merita Christi ad gloriam nos adducturum; nam, hac promissione praecisa, nos certa fiducia non possemus nostram salutem sperare.

8. Vitia Spei opposita sunt desperatio et praesumptio: peccat praesumptionis ille, qui meritis ipsius solius innixus, aut solius Iesu Christi meritis, ipso non cooperante, confisus, sperat salutem consequi. Praesumptionis pariter peccat, qui reiterat peccata, sperans Deum aequae duo

(4) In quaest. disp. q. unic. de spe.

peccata quam unum esse remissurum; aut qui ex facilitate remissionis. quam sperat, inducitur ad peccandum: non autem qui ex passione peccaret, sperans eodem tempore sibi parcendum fore. Qui autem vellet diutius in peccatis perseverare, sperans postea fore ut resipisceret, hic non peccaret quidem contra spem, sed contra charitatem erga seipsum, aeternae damnationis periculo se exponendo (1).

9. III. Charitas definitur: *Est virtus, qua diligimus Deum propter seipsum, ac nos et proximum propter Deum.* Itaque obiectum materiale primum charitatis (nempe id quod amare tenemur) est Deus quem super omnia diligere tenemur, tanquam nostrum ultimum finem. Secundarium sumus nos ipsi, et proximus, quem sicut nosmetipsos diligere debemus, quia hoc nobis praecipit Deus. Obiectum autem formale charitatis (nempe motivum, quo tenemur diligere Deum) est quia ipse est bonitas infinita, fons et aggregatio omnium perfectionum.

10. Dubitatur 1. An desiderium fruendi Deo sit obiectum charitatis? Et respondemus affirmative: Charitas enim (ut diximus) tendit ad Deum, ut ad ultimum finem, ideoque desiderium eo fruendi; qui est ultimus finis noster, est actus proprius charitatis, imo perfectissimus, quia fruitio est charitas consummata: quare Apostoli desiderium moriendi, et esse cum Iesu Christo, fuit actus perfectus charitatis. Et hoc expresse dicit s. Augustinus: *Charitatem voco motum animi ad fruendum Deum propter seipsum.* Nec obstat dicere, quod obiectum Charitatis esset idem cum obiecto Spei, quod est etiam frui Deo cupito; nam recte respondet Habert (2) dicens, Spem tendere ad Dei fruitionem, uti nostrum bonum; charitatem vero ad ipsius fruitionem ob gloriam ipsius Dei; dum (ut ait s. Bernardus) cum homo Deo fruitur, sui ipsius obli-

viscitur, et totis viribus eum diligit

11. Dubitatur 2. An sit actus charitatis diligere bonitatem divinam, ut nobis convenientem, cum hic actus videatur potius amor concupiscentiae quam amicitiae? Respondetur cum Habert, Gotti, et Iuvenin, quod si in hoc respicimus nostrum bonum, ut terminum dilectionis, utique ille est amor concupiscentiae ad spem spectans; si vero respicimus gloriam Dei, uti terminum, eius bonitatem diligentes tanquam nobis convenientem, quia nos adiuvat ad eius voluntatem exequendam, et ad ultimum finem, qui est eum diligere, et ob quem nos creavit, assequendum, hic est verus actus charitatis. Quare s. Augustinus aiebat: *Sic amare debes, ut ipsum (Deum) pro mercede desiderare non desinas qui solum te satiet.* In Ps. 134. n. 11.

12. Deum vero diligere propter beneficia quae in nos contulit, est actus gratitudinis, sed non charitatis, ut dicit Habert et La-Croix (3) Sed bene ait Habert, quod si quis divina beneficia respiceret tanquam Dei bonitatis communicationem, verum eliceret actum charitatis, in illis diligens non iam bonum ipsius recipientis, sed bonitatem Dei dispensantis.

13. Tenemur autem tam circa charitatem erga Deum, quam circa fidem et spem, actus elicere, uti constat ex propositionibus proscriptis 1. et 7. ex illis Alexandri VII. et 6. 16. et 17. Innoc. XI.; nam sublati actibus, illas virtutes exercere non possumus. Igitur hi actus aliquando obligant ex se, aliquando per accidens. Obligant *per accidens*, cum urget necessitas eos eliciendi ad superandum aliquam tentationem, aut ad alicuius praecepti adimpletionem, v. gr. confessionis, communionis, etc. Obligant *per se* (uti docent dd.) in pluribus vitae temporibus: nimirum cum pervenitur ad rationis usum; in exitu vitae; et pluries in vita, saltem semel quolibet anno;

(1) Lib. 2. n. 20. et 21. v. Hinc recte.

(2) Tom. 3. de Spec. c. 2. q. 2.

(3) La-Croix 1. 2. n. 147. Habert t. 3. de Charit. c. 2. q. 4.

ut dicunt AA.; sed circa actum charitatis magis mihi arridet sententia eorum, qui eum requirunt semel in mense, dum difficiliter observare poterit legem divinam, qui frequenter suum erga Deum amorem actibus positivis non exercet. Attamen opus non est, ut hi actus reflexe et explicite fiant cum intentione praecepto satisfaciendi: sed satis est, si exercite fiant, nempe ut actu fiant, licet ex alio fine, nempe ad abiiciendam tentationem, ad eliciendam contritionem, si confiteri velit. Ita etiam actus charitatis sunt omnes uniformitatis actus divinae voluntati, et omnes virtutes exercitae ad Dei complacentiam. Ita pariter sunt actus fidei orare, Crucifixum adorare, signare se signo crucis, etc. quare bene ait Card. de Lugo, quod ille, qui semel amplexus est fidem christianam (aut vixerit, ego addo, christiane, saltem praecepto paschali satisfaciendo) non debet dubitari, quin satisfecerit praecepto fidei; et idem intelligendum de praecepto spei (1).

CAP. II. De charitate erga proximum.

14. *Ordo charitatis.*
15. *Ordo personarum, quae praeferrí debent.*
16. *Punct. I. Signa communia adhibenda cum inimicis.*
17. *Remissio iniuriae.*
18. et 19. *Punct. II. Obligatio eleemosynae.*
20. *Punct. III. De correctione fraterna.*
21. *Quando quis excusatur.*
22. *Superiorum in hoc obligatio.*
23. et 24. *Punct. IV. De scandalo, et quot modis detur.*
25. *An scandalum sit peccatum tam contra caritatem, quam contra virtutem quae laeditur.*
26. et 27. *Quid si proximus sit iam paratus ad peccandum.*
28. *An ne simus alicui scandalo teneamur relinquere nostra bona, ac etiam omittere praecepta positiva.*
29. *De scandalo, quod praebent mulieres; et de comediis.*

(1) Lib. 2. n. 6. ad 8. (2) Lib. 2. n. 27.

30. *An possit suaderi minus malum.*
 31. et 32. *Punct. V. Quando erit licita cooperatio materialis.*

14. Charitas est ordinata; unde fit quod tenemur praeferre omnibus Deum, et eius gratiam; contra vero non tenemur praeferre bonum proximi nostro bono, nisi quoties proximi bonum sit ordinis superioris. Ordo bonorum hic est. Prae omnibus est vita spiritualis, post hanc vita temporalis, inde fama, et postremo sunt bona. Itaque vita proximi temporalis non est nostrae praeferenda, bene vero spiritualis. Hoc tamen intelligendum, quoties proximus est in extrema illius necessitate; et etiam in gravi respectu episcoporum et parochorum iuxta communem sententiam (2). Cum autem necessitas proximi est extrema, tunc tenemur succurrere ei, licet adsit aliquod probabile periculum labendi in aliquod peccatum, modo lapsus non sit moraliter certus, dum in illo casu debemus iure merito sperare Deum fore nobis auxiliaturum; ita d. Thom., Suar., Sot., Sylv., Tourn., Pal., Salm., etc. (3). Hoc tamen intelligendum, quoties aequalis afforet spes adiuvandi, et nemo alius esset qui opitaretur: et praeterea proximus certe esset damnandus, hoc enim importat extrema necessitas. Sed tempore pestis, merito ait Laym., quod in aliorum defectu sacerdotes tenentur infirmis assistere, quia in tanta multitudine moraliter certum est multos adesse, qui in peccatis versantes, suae salutis aeternae prospicere non poterunt, ob ignorantiam eliciendi actum contritionis perfectae (4).

15. Ordo autem personarum, quas praeferre debemus in officiis charitatis, hic est: In extrema necessitate vitae, omnibus praeferendi sunt parentes, cum enim ab ipsis nos vitam acceperimus, iustum est, ut caeteris nos eos praeferamus. Sed in gravi necessitate 1. succurrendum est coniungi, 2. filiis, 3. parentibus, sed pa-

(3) L. 6. n. 453. (4) L. 2. n. 27 v. An autem.

tri prae matre, 4. fratribus et sororibus, 5. consanguineis, 6. domesticis (1).

PUNCTUM I. De dilectione inimicorum.

16. Certum est nos teneri inimicos diligere tam actu interno, quam actu externo eis ostendendo saltem signa communia consueta ostendi aliis amicis, aut consanguineis: v. gr. eos salutando, aut resalutando, litteris respondendo, eorum consortium non evitando, communibus eleemosynis non privando, etc. Diximus saltem *resalutando*, sed si inimicus esset Superior aut contra adesset scandalum, aut si absque gravi incommodo posset suum inimicum salutare, et hoc modo eum liberare a peccato gravi odii, quo ipse ab illo habetur; tunc (ut recte ait Tournely) tenetur salutationem praevenire. Nonnulli autem auctores excusant a peccato gravi offensum, si nec resalutaret inimicum, si de recenti ab eo iniuria esset affectus, ita Roncaglia, Tamb., Mazzot. (2).

17. Hic memorare iuvat illud dubium quod fit a dd. an teneatur offensum iniuriam remittere offensori? *Salm.* (3) dicunt teneri quidem iniuriam remittere, sed non publicam poenam, quia haec refertur ad bonum reipublicae. Speculative loquendo sententia vera est, sed in praxi ego numquam ausus sum absolvere aliquem istorum, qui dicebant se inimicis pepercisse, sed voluisse ut iustitia suum haberet locum, animadvertendo in scelestos; nam numquam mihi suadere potui, quod huiusmodi, qui aliquando veniunt peccatis onerati, ita bonum commune et iustitiam diligant (non quidem in alios delinquentes; sed dumtaxat in suum offensorem), ut omnis vindictae tabe sint defaecati; unde in ipsis dicunt dd. (4) facillimum est, ut eorum erga iustitiam amor sit coloratus praetextus ad tegendam propriae vindictae cupi-

ditatem. Nihilominus iudico bene posse absolvi offensum, 1. si iam vellet remittere, sed iusto praetenderet prius sibi satisfieri de damnis passis, modo offensor non esset adeo pauper ut nullo modo par esset satisfaciendo. 2. Si condonaret iniuriam sub conditione, ut offensor in longinquam regionem proficisceretur, aut quia habet fratres, aut filios, qui facile iracundia abripiuntur, aut quia offensor est ita discipulus, et ad rixas proclivus, ut iuste timeret suam expertus imbecillitatem, ne perlaturus esset eius insolentias.

PUNCTUM II. De eleemosyna.

18. Ut videamus quando urgeat obligatio eleemosynae, oportet 1. distinguere necessitatem extremam a gravi et communi. *Extrema* est cum proximus est in periculo vitae. *Gravis* est cum imminet periculum gravis mali, ut infamiae, dedecoris, aut a proprio statu iuste acquisito decidendi. *Communis* denique est illa quam patiuntur mendici. Oportet 2. distinguere bona superflua vitae, a bonis superfluis statui.

19. In gravi necessitate proximi tenemur ei subvenire ex bonis superfluis statui; sed in extrema etiam ex bonis superfluis vitae; imo in extrema possumus succurrere pauperi etiam de bonis alienis, cum nostris caremus (5). In communi autem dicimus cum s. Thoma, Tournely, Sanch. etc. (contra alios) divites teneri sub gravi mendicis eleemosynas dare de superfluis statui, stante praecepto Evangelii: *Quod superest, date eleemosynam*, *Luc.* 11. 41. Non tamen adest obligatio praestandi totum superfluum, sed sufficit, si detur quinquagesima pars annuorum proventuum, qui supersunt, seu duo in centena, ut probabiliter dicunt multi dd. ita Roncaglia, Viva, Tambur., Mazzotta, etc. et si reditus sunt pinguiores, admittunt minus quinquaginta

(1) L. 2. n. 27. ad res. 1. (2) L. 2. n. 28. (3) Tr. 21. c. 6. n. 18.

(4) Lib. 2. n. 29. v. Licet. (5) n. 33.

gesima parte. Imo Layman permittit diviti, quod pauperibus huiusmodi elargiendum esset, posse totum in aliquem pium usum impendi (1). Hoc tamen non potest intelligi de beneficiatis, isti enim tenentur totum superfluum pauperibus, aut piis locis distribuere, ut dicitur *Tract. X. n. 7.*

PUNCTUM III. De fraterna correctione.

20. Materia correctionis est quodlibet peccatum mortale, in quod proximus aut lapsurus est, aut iam incidit, et non adhuc emendatus est, ut recte dicunt Suar., Less., Salm., Tourn. etc. Advertendum, quod sub gravi adest obligatio proximum corripiendi, licet ille ex ignorantia inculpabili legem transgrediatur, modo speretur fructus; et hoc ex probabiliori sententia Castrop., Coninch., Sanch., Croix et Tournely, non solum currit cum peccatur contra legem naturalem, sed etiam contra positivam; nam posita lege talem actionem prohibente, iam illa actio redditur intrinsece mala (2).

21. Multis tamen de causis potest quis ab ea correctione facienda excusari: 1. Si peccatum proximi non est certum, dum in dubio non est obligatio correctionis, nisi in casu damni communis et gravissimi, ut homicidii, et similia. 2. Si non effulgeat spes fructus, ut correctio magis nocitura quam profutura sit; tunc enim omittenda est, modo delinquens non versetur in mortis periculo, aut iam sit in mala fide, aut modo alii non sint in periculo perversionis (3). 3. Si non desit alius aequè idoneus, qui eum correpturus sit. 4. Si iudicatur prudenter quod reus ex se resipiscat (4). 5. Si occasio, et tempus id non ferat, propterea dicunt dd. quandoque posse expectari delicti reiterationem, ut correctio fru-

ctuosior sit (5). 6. Si correctio non potest fieri, nisi cum gravi incommodo, cum haec obligatio sit charitatis. Item docet s. Thomas (6) tantum venialiter peccare eum, qui ex aliquo timore, aut cupiditate omitteret correctionem, dummodo non putaret sua correctione certo proximum a peccato aversum iri; tunc enim eam omittendo non excusaretur a mortali (7).

22. Hoc praecepto ligantur omnes, etiam subditi: sed strictius Superiores, ut Episcopi, Praelati, parochi, confessarii, parentes, viri, curatores, domini, et magistri, quia isti tenentur suos subditos corrumpere, non tantum ex charitate, sed etiam ex sui officii munere. Et tenentur etiam ad inquirenda eorum crimina, cum probabilia subsunt indicia. Et Praelati regulares aliquando sub gravi tenentur non solum ad arguenda peccata gravia, sed etiam venialia suorum subditorum, cum huiusmodi sunt ut gravi sint damno communi observantiae; ita Laym., Busemb., Tourn., etc. (8). An autem praefati Superiores ad correctionem teneantur etiam cum periculo vitae, negatur. Excipiuntur tamen pastores, isti enim non solum vi officii, sed etiam ex iustitia (ratione stipendii quod percipiunt) tenentur ad correctionem, et suis subditis in bonis spiritualibus consulere; et non solum in extrema necessitate, sed etiam in gravi, ut communiter dd. (9). Et hic notetur etiam quod concionatores vi sui muneris debent emendare peccata publica, etiamsi nulla effulgeat spes emendationis. Et tenentur ad hanc publicam correctionem etiam cum periculo proprii damni, prout aiunt Salmanticenses. Sed hoc currit semper ac ex reprehensione speratur fructus, nec timeatur damnum commune fore maius (10).

(1) Lib. 2. n. 32. v. Dicunt autem.

(2) n. 34. et 36. (3) Cont. Tourn. tr. de Decal. c. 1. part. 3. de char. art. 6. s. 3. ex concl. 2. cum Hab. et Antoine.

(4) Tourn. loc. cit. cum iisd. et s. Th.

(5) L. 2. n. 38. et 39. (6) 2. 2. q. 33. a. 2.

(7) Lib. 2. n. 37. (8) n. 35. et l. 4. n. 13.

(9) L. 2. n. 40. v. Strictius et ex S. Th. 2. 2. q. 185. a. 5. (10) Ibid.

PUNCTUM IV. *De scandalo.*

23. Dividitur scandalum in activum et passivum: *activum* definitur: *Est dictum, vel factum minus rectum, praebens alteri occasionem ruinae.*

Hoc autem scandalum activum potest esse directum et indirectum: *Directum* dicitur, cum directe inducitur proximus ad peccandum; *Indirectum* cum profertur aliquod verbum, aut aliquid mali fit, quod sit aptum ad inducendum alium in peccatum. Adest etiam scandalum *daemoniacum*, quod committitur cum non solum inducitur proximus ad peccandum, sed etiam ideo inducitur, ut ille animam perdat, quod proprium daemonis est.

24. *Passivum* est ipsa ruina, sive peccatum, in quod proximus labitur. Et hoc dividitur in scandalum *datum*, quod dicitur pusillorum, eorum nempe, qui propria imbecillitate cadunt; et in *acceptum*, quod *pharisaicum* dicitur, eorum nempe, qui propria malitia labuntur.

25. Hic quaeritur 1. An scandalum sit peccatum contra charitatem, et contra virtutem, adversus quam inducitur proximus ad peccandum. Tres adsunt sententiae. *Prima* dicit quod, cum directe intenditur ruina spiritualis proximi (quod proprie est scandalum daemoniacum supra explicatum), tunc peccatur contra charitatem, alias tantummodo peccatur adversus illam virtutem, quae laeditur a proximo in scandalum inducto. *Secunda* sententia ait, quod, quando peccatur cum scandalo directo, id est, cum inducitur positive proximus ad peccandum, tunc peccatur tum contra charitatem, tum contra virtutem; sed si peccatur tantum scandalo indirecto, praevidendo tantum proximi peccatum, quin ad peccatum inducatur, tunc peccatur tantum contra charitatem. *Tertia* sententia, quam nos tuemur cum Suar., Sot., Lugo, Salmant., Roncag., Tamb., et aliis, quamque expresse tenet s. Tho-

mas (1), dicit quod tam scandalo directo, quam indirecto peccatur tam contra charitatem, quam contra eam virtutem. Contra charitatem quidem, quia si nos ex charitate tenemur, cum possimus, impedire proximi peccatum, multo magis tenemur non esse proximo occasionem illud patrandi. Contra virtutem vero, quia quaelibet virtus cuivis prohibet, ne sit causa, aut occasio aliis eam laedendi (2).

26. Quaeritur 2. An peccet scandalum, qui a proximo rem pravam exquirat, ad quam tamen proximus est iam paratus (v. g. si quis petat copulam a meretrice)? Nos contra aliorum sententiam affirmamus cum Sanch. Caiet. Nav. Bonac. Ronc. Tamb. Sporer etc. Ratio est, quia (ut dictum est *Tr. III. n. 20.*) etiamsi certa sit sententia quod actus externus speculative loquendo nihil malitiae addat actui interno, tamen in praxi semper actu externe consummato augetur malitia voluntatis, ob maiorem complacentiam, quae regulariter actum externum concomitatur, aut ob maiorem diuturnitatem illius complacentiae: quare qui externe peccat, maiorem suae animae affert perniciem. Ideoque qui in hoc cooperatur, semper peccat graviter contra charitatem. Unde probabiliter infertur cum cardinale de Lugo, et aliis, non opus esse in peccatis, quae habent complicem, explicare quisnam fuerit primus ad tentandum; quia tam inducens, quam consentiens in peccato operis semper graviter peccat contra charitatem: itaque inductio nihil aliud est, quam circumstantia aggravans in eadem specie, quam iuxta probabiliorem sententiam cum s. Thoma non teneris explicare in confessione, ut dicemus de Sacramento Poenitentiae (3).

27. Hoc procedit cum expetitur res intrinsece mala: sed si res petita esset indifferens, ut a proximo sine peccato praestari possit, ut esset petere mutuum ab usurario, aut alii.

(1) 2. 2. q. 43. a. 3. (2) L. 2. n. 45.

quod Sacramentum a sacerdote in peccato existente, tunc dicimus quod, cum adest causa necessitatis, aut notabilis utilitatis, licet illam petere; praecisa autem hac causa, postulans etiam peccat graviter, tam contra charitatem, quam contra virtutem; ita Sanch., Molin., Busemb., Roncag., Tambur., Salmant. etc. (1).

28. Aliquando cum grave incommodum non adest, tenemur delinquere nostra bona temporalia, et etiam spiritualia, modo ad salutem non sint necessaria, ut evitemus grave scandalum pusillorum. Sed hic bene advertit s. Thomas (2) quod, admonito proximo, eius scandalum evadit pharisaicum, ita ut non teneamur amplius illud evitare (3). An autem, ut evitetur scandalum pusillorum, adsit obligatio omittendi praecepta positiva, ut auditionem Missae, ieiunium, etc. Dicimus probabilius affirmandum; quia praeceptum naturale impediendi scandalum, nempe alterius peccatum (advertendum tamen aliud esse impedire peccatum, aliud impedire admirationem), praefendum est praecepto positivo. Hoc tamen non intelligitur quoad semper (etiamsi actio non esset de praecepto, sed ex simplici devotione, aut indifferens), sed tantum semel atque iterum: alias esset illi gravi incommodo, ad quod non obligat charitas; ita Caiet., Nav., Sanch., Azor., Less., Salm., etc. (4).

29. Peccant graviter scandali mulieres, quae pectore immoderate denudato se ostendant, aut saltem usum, ubi non adest, introducunt, licet ea denudatio non sit immoderata; ita s. Antonin., Nav., Less., Laym., et alii communiter (5). Etiam graviter peccant scandali illi, qui elucubrant, aut agunt comoedias notabiliter obscenas. Et idem dicendum de pictoribus, qui pingunt, aut in publico exponunt imagines positive turpes (6).

(1) n. 47. v. Si autem res. (2) 2. 2. q. 43. a. 7. (3) Lib. 2. n. 50. et 52. (4) Lib. 2. n. 51. et 53. v. Si ergo.

30. Dicimus contra cum Sanch., Soto, Navar., Molin., Caietan., Silvest., Salmantic., etc. confirmati s. Augustini auctoritate (contra alios) licere minus malum suadere, ut maius evitetur, quod proximus paratus est exequi; quia tunc qui suadet, non procurat malum, sed bonum, suadens minus malum, licet alterius sit speciei (7). Ita etiam licet domino, aut parenti non auferre occasionem furandi servis, aut filiis, qui iam parati sunt ad furandum, ut in delicto comprehensi, melius emendari possint. Ob id permittunt dd. multi posse etiam offerri occasiones furandi, permittendo ut furentur, ut evitentur delicta futura (8), duce s. Thoma, qui sic ait: *Inducere ad peccandum nullo modo licet: uti tamen peccato alterius ad bonum licitum est* (9).

PUNCTUM V. De cooperatione materiali

31. Cooperatio materialis communiter admittitur uti licita a dd. cum iusta adest causa. Sciatur hic quod alia est cooperatio *formalis*, quae evenit cum directe cooperatur ad peccatum (ut est in eo, qui fornicatur): aut cum influit in pravam voluntatem proximi volentis peccare, ut esset servare terga latroni, aut sicario, ut securius furetur, aut occidat: scribere litteras amatorias vice concubinariii aut afferre dona concubinae: accipere dona ab eo, qui tuas honestati insidiatur. Hae et huiusmodi cooperationes sunt intrinsece malae, quia ipsis datur ansa proximo ad peccatum exequendum, aut saltem istius prava voluntas fovetur, ideoque nulla ex causa, ne mortis quidem, excusari possunt a mortali. Alia vero est cooperatio *materialis*, quae est cum actio est indifferens, et proximus potest ea uti sine peccato, sed ille sua malitia ea abutitur ad peccandum, ut esset mutuari pecuniam ab aliquo, qui eam non vult dare sine fœnore:

(5) n. 55. v. Quær. (6) n. 56. (7) n. 57. (8) n. 58. (9) 2. 2. q. 78. a. 4.

ministrare vinum ei, qui eo abutitur ad ebrietatem; dare claves illi, qui eis utitur ad furandum.

32. Itaque hae materiales cooperationes possunt esse licitae, si tres conditiones concurrunt: 1. Ut actus tuae cooperationis (ut iam dictum est) sit ex se indifferens. 2. Ut ex officio non tenearis impedire alterius peccatum. 3. Ut causam iustam et proportionatam habeas sic operandi; nam tunc proximi peccatum non provenit ex tua cooperatione, sed ex malitia illius, qui abutitur tuo opere ad peccandum: itaque tunc non est actio tua, quae coniungitur pravae voluntati proximi, sed ille coniungit suam pravam voluntatem tuae actioni; unde fit, quod actio tua non est causa illius peccati; sed est tantum occasio, quam tu non teneris auferre, quando habes iustam causam eam ponendi; et sic licitum est cauponi dare vinum ebriaturo semper ac alias grave metueret damnum; ita Sanch. Tourn. Bonac. Busemb. et alii commun. Dictum est, *causam iustam et proportionatam*, quia quanto proximior est tua actio proximi peccato, eo maior debet esse causa, quae te excuset. Ad iudicandum, quando causa sit iusta et proportionata, ante omnia pro regula sit observare quod dicunt dd., quia cum hoc pendeat a prudentum aestimatione, sententia in hac materia communior erit etiam probabilior, ut dicemus etiam loquendo de gravi materia furti, *Tract. X. n. 22*. Praeterea cum agitur de praeiudicio proximi, tenenda est haec regula, quod non possumus cooperari damno alterius, nisi quando damnum quod timemus bonis nostris, sit ordinis superioris, v. g. cum aliquis tibi minatur mortem, nisi tu coopereris morti sui inimici, praebendo v. g. ense: tu non potes eum illi dare, quia non potes positive concurrere morti alterius, ut liberes te a morte. Ita etiam cum fur minatur tibi auferre bona tua; nisi coopereris, ut

ille surripiat bona alterius, nec potes quidem cooperari. Secus esset, nisi coopereris, ut ille surripiat illa bona, tu subiturus esses vitae, aut famae dispendium, quia tunc cum in extrema sis constitutus necessitate, tenetur proximus ad permittendam tibi illam cooperationem in suorum bonorum iacturam, ne tu vita, aut fama pericliteris (1). Observa etiam super hoc quod dicitur *Tract. X. num. 56*.

CAP. III.

De religione, et vitiis ei oppositis.

33. *De religione.*

34. *Punct. I. De superstitione, et praecipue de astrologia, somniis, ensalmis, et sortibus.*

35. *De virga divinatoria.*

36. *De vana observantia.*

37. *De pulvere sympathico.*

38. *Punct. II De tentatione.*

39. *De sacrilegio.*

40. *ad 49. De simonia, et eius divisione.*

50. *ad 53. De poenis simoniae et absolutiōne.*

33. Virtus religionis princeps est inter virtutes morales et definitur: *Est virtus debitum cultum Deo exhibens*. Duo vitia huic virtuti adversantur. Superstitio nempe per excessum, et irreligiositas per defectum. *Superstitio* tres continet species, *idololatriam, divinationem, et vanam observantiam*. Irreligiositas quatuor alias continet species, *tentationem Dei, sacrilegium, simoniam, et periurium*.

PUNCTUM I. *De superstitione.*

34. Superstitio definitur: *Est vana, seu falsa religio, indebitum Deo cultum exhibens*. Propterea superstitio duplex est, *cultus indebiti, et rei cultae*. *Cultus indebiti* est cum Deo exhibemus cultum falsum, ut si laicus vellet Missam celebrare, aut si exponerentur reliquiae falsae, aut si fingerentur falsae visiones, revelationes, aut miracula, aut alia adinventae, ut augeretur devotio: quae omnia ex

(1) Lib. 2. n. 59. et l. 3. n. 571.

genere suo sunt peccata mortalia. Aut cum Deo cultum supervacaneum exhibemus, ut esset audire Missam a sacerdote talis nominis, aut vultu converso ad Orientem (1). Superstitio autem rei cultae est, cum cultum, qui Deo debetur, exhibemus creaturis. Hinc prohibita est *idololatria*, qualis est illa gentium, qui pro diis homines venerantur, pecudes, herbas, statuas, etc. *Divinatio*, quae est praedictio eventuum futurorum, ope daemonis facta cum pacto expresso, aut tacito: unde illicita est 1. *astrologia iudiciaria*, quae praedicit futura a libera hominum voluntate dependentia. Ad differentiam *naturalis*, quae ex motu planetarum auguratur pluvias, aut sterilitates, aut ex momento nativitatis auspicatur inclinationes, aut temperamenta personae, haec caeteroquin licita est, sed saepe saepius est vana et inutilis (2). 2. Ita etiam est graviter illicitum constanter credere *somniis*, ut quis proprias actiones dirigat, ut futuros eventus praedicat, nisi moralis certitudo habeatur quod talia somnia sint a Deo (3). 3. Ita etiam est illicitus *ensalmus constitutivus*, qui est quaedam oratio certis et determinatis verbis constans, ad morbos sanandos ordinata. Et hoc est peccatum mortale, cum effectus creditur infallibilis, praecipue si verba sint vana, aut falsa, aut scripta certo peculiari modo. Contra est licitus *ensalmus invocativus*, quo a Deo postulatur sanitas, quin credatur effectus infallibilis (4). 4. Illicitum quoque est *sortilegium*, seu *sors divinatoria*, nempe cum exposcitur a daemone expresso, aut tacite revelatio occurrentium aut futurorum, sorte aliquem numerum, aut signum accipiendo. Contra vero est licita *sors divisoria*, quae adhibetur ad bonorum divisionem, aut ad lites praecedendas, aut ad distribuenda officia

(1) Lib. 3. n. 1. et seqq.

(2) n. 10. v. Quaer. inde. (3) n. 9.

(4) n. 21. (5) n. 11. (6) Cont. Tour-

saecularia, inter aequaliter dignos. Sed non licet ea uti in beneficiis, aut officiis ecclesiasticis (5).

35. Hic adverte omnino illicitum esse usum virgae bidentis, quam vocant *virgam divinatoriam*, ex cuius declinatione inveniuntur thesauri absconditi, metalla, aquarum venae, aut praediorum termini translati. Nonnulli admiserunt hoc, ut effectum naturalem; sed quomodo (nos inquirimus) haec virga potest naturaliter moveri ad intentionem caudentis, quandoquidem si aquam quaerit, virga inveniens thesaurum non movetur? praeterquam quod observatum est, quod si quis praemiserit protestationem non consentiendi concursui diabolico, etsi res conquisita ibi esset, virga immota stetit (6).

36. *Vana observantia* est usus alicuius medii improporionati ad obtinendum aliquem effectum, ut est uti inspectione certarum figurarum, aut caeremoniarum, aut signorum, aut certarum orationum tali situ recitarum, aut cum verbis sacris, aut vanis mixtarum, aut cum fiducia certa prolatarum, ut aliquam scientiam acquirat sine studio, aut ut liberetur ab aliqua infirmitate, aut vulnere. Omnes istae sunt vanae observantiae, quae sunt graviter illicitae. Et de istis praecipue interrogandi sunt milites, nutrices, veterinarii, seu iumentorum medici, pastores, et rustici (7).

37. Advertatur nihilominus hoc, quod dicit s. Thomas (8), quod ubi non adsunt manifesta indicia malitiae alicuius effectus, in dubio praesumi debet, quod proveniat ex causa naturali; unde est valde probabile licere usum pulveris *sympathici* ad moti super sanguinem effluxum, ut hunc inhibeat amplius ex vulnere profluere, modo statim, et in distantia proportionata applicetur. Ita nec videtur esse prohibitus usus coral-

nely tr. de rel. p. 3. c. 2. cum aliis.

(7) Lib. 3. n. 14.

(8) 2. 2. q. 60. a. 4.

lorum, et quorundam animalium ungularum, ut naturalis effascinatio evitetur certorum, qui ea noxia qualitate scatent, ut aspectu suo aliis nocere soleant. Ceterum in huiusmodi remediorum genere, quae innoxia videntur, satis erit, ut omnis scrupulus auferatur, si protestatio praecedat cuilibet diabolico operi nolle consentire (1).

PUNCTUM II. De irreligiositate.

38. Irreligiositas tendit contra reverentiam Deo debitam. Prima species huius vitii est *tentatio Dei*: haec potest esse vel formalis, vel interpretativa. *Formalis* est quando aliquis expresse dubitat de aliqua divina perfectione, et de ea vult periculum facere. Haec est peccatum mortale; et quando accedit dubitatio positiva, est etiam haeresis. *Interpretativa* est, quando aliquis omittit media naturalia, et vult quod Deus per miraculum eum liberet ab omni malo; v. gr. si cupit spretis medicinis ab infirmitate curari a Deo, aut si velit, dum ipse in aliquod vitae discrimen se coniicit, ut Deus ab omni damno eum liberet. Et haec per se etiam est mortale, nisi quis excusaretur, aut quia aliquo divino impulsu, aut ab ignorantia ductus illud faceret, aut materiae levitate, puta si neglectis remediis a levi infirmitate sanitatem a Deo expectaret (2).

39. Secunda species est *sacrilegium*, quod triplex est, personale, locale, et reale. *Personale*, cum percutitur clericus, aut monachus, aut turpiter agitur cum persona voto castitatis obstricta. *Locale*, cum aliquid committitur, per quod polluitur ecclesia, nimirum si in ipsa effunditur semen humanum, aut sanguis in aliqua copia. Dubitatur autem an per occultam seminis effusionem polluat ecclesia? Alii negant, et non improbabilius; sed alii probabilius af-

firmant (3). Et idem dicimus de usu matrimonii, ideoque omnes hae actiones sunt sacrilegia. Ita etiam probabilius sacrilegia sunt omnes tactus, aspectus, sermones impudici in ecclesia habiti (4); observetur quod dicitur super hoc puncto in *Tract. IX. n. 22. et 23.* Hic obiter advertatur nemini quacumque praedito dignitate, modo non regali, licere indicare, ut sibi ad ecclesiam deferatur stratus, secus statim cessandum a Divinis, et ministri ecclesiae ipso facto excommunicationem incurrunt, et ecclesia tamquam interdicta habenda est. Hoc decretum fuit a S. C. Caerem. quae ait: «Proposito in S. C. Caerem. quodam abusu inter alios, qui de recenti in Urbe irrepsērunt, eadem S. C. ad eum omnino tollendum die 30. augusti 1701. decrevit: «Non licere quicumque, etc. (*personis regalibus tantum exceptis*) ad ecclesias strata sibi deferri facere, secus cessandum immediate a Divinis: quod nisi servetur, rectores, caeterosque ministros ipso facto excommunicationem incurrere, eamque ecclesiam esse pro interdicta (ita adnotatum reperitur in Bullario Clementis XI. part. 3. Decr. 1. Caer.). Deinde subiungitur: *Et facta relatione Sanctitatis suae* (i. e. praefatus Clemens) *Decretum approbavit, nec non promulgari, atque executioni tradi, et in omnibus Urbis sacrariis affigi mandavit die 3. octob. 1701.*» Hoc omne refertur a Ferraris in sua *Bibliotheca* (5), qui etiam refert (*ibid.*) velari pluribus ex Decretis S. R. C. dare intra Missam laicis (etsi praesidibus) Evangelium osculandum, uti etiam dare illis usum baldachini, et illos admittere ut assistant in presbyterio. Ad nostra autem redeunt dicimus furtum rei ecclesiae commodatae, aut in eis repositae, ut custodiatur, procul dubio esse sacrilegium. Probabile autem est furtum cuiuslibet rei profanae, quae

(1) L. 3. n. 20. et 22. (2) L. 3. n. 29 et 30. (3) n. 36. et 458. (4) n. 458 459 461.

(5) Ferrar. biblioth. tom. 3. verbo Ecclesia, art. V. n. 28. et 29.

ad ecclesiam non pertinet, non esse sacrilegium, sed nobis probabilius videtur esse quidem (1). *Pro loco sacro* intelligitur quilibet locus ab Episcopo ad divina officia, aut mortuos tumulandos destinatus a tecto ad solum (2). Sacrilegium *reale* est illicita administratio, aut receptio Sacramenti, aut reliquiarum, aut imaginum, aut vasium aut vestium sacrerarum, aut alterius rei, quae consecratur, aut benedicitur, profanatio. Sacrilegium quoque est sacrae Scripturae verborum abusus, ad turpia, aut detractones ea detorquendo. Sacrilegium pariter est reliquiarum Sanctorum surreptio, cum dominus est graviter invitus (3).

40. Tertia species est *simonia*, quae definitur: *Studiosa voluntas emendi pretio temporali aliquid spirituale vel spirituali annexum*. Et ut clarius explicetur, est malitiosa voluntas, qua intenditur pretio emi aliquid spirituale, aut spirituali annexum, ut sunt redditus beneficiorum, vestes sacrae, et etiam labor intrinsecus in administratione Sacramentorum (4). Simonia quadruplex est, mentalis, conventionalis, realis, et confidentialis. *Mentalis* est, cum aliquis dat temporale animo obligandi aliquem ad reddendum spirituale, aut contra, sine ulla conventionem. *Conventionalis* est, cum intercedit pactum, sed a neutra parte executioni mandatum. *Realis* est, cum pactum effectu completum est (5). *Confidentialis* denique est, cum aliquis renuntiat alteri beneficium cum pacto, ut in posterum sibi ipsi, aut alteri illud cedat, aut renuntiet, aut cum onere, ut sibi partem proveniunt reddat (6).

41. Dona, quae habent rationem pretii in emendo spirituale, nuncupantur *munus a manu*, *munus ab obsequio*, et *munus a lingua*. *Munus a manu* comprehendit quodlibet tem-

porale pretio aestimabile, ut pactio vendendi, aut mutuandi, etc. debiti remissio, aut solutio (7). *Munus ab obsequio* est quodlibet servitutem prae se ferens. *Munus a lingua* est quaelibet intercessio, etiamsi sit mediata, quae pretio digna est. Daro autem aliquid mediatori ob laborem, aut damnum subeundum, non est ex se illicitum, est tamen periculosum (8).

42. Simonia altera est iuris divini, iuris humani altera. *Iuris divini* est Sacramentorum ceterarumque rerum sacrarum venditio. *Iuris humani* est venditio officiorum ad res sacras institutorum, ut sunt officia sacristae, oeconomi, thesaurarii, praefecti domus, vicedomini, et advocati ecclesiae. Et hic notandum posse dari simoniam iuris humani, quin sit iuris divini (9).

43. Est etiam simonia iuris divini admissio alicuius in religionem ob bona temporalia: nisi dentur dumtaxat ad conciliandam benevolentiam, aut quia monasterium esset pauper, aut postulans esset senex, aut infirmus, ita ut ille esset oneri monasterio. Et propterea dicimus, quod si monasterium esset opulentum, non licet his praecisus rationibus aliquid accipi ab ingredi volentibus, ob sui sustentationem, exceptis monasteriis Monialium, quae semper possunt acceptare dotes prout declaravit Clemens VIII. (10).

44. Dubitatur 1. An semper sit simonia dare temporale pro spirituali? Iuxta communioem et veriorum sententiam negatur, quando temporale datur non iam ad obligandum, sed ad conciliandam benevolentiam. Nihilominus advertendum est, ut habetur ex propos. 46. ab Innoc. XI. proscripta, certe esse simoniam dare temporale (praecipue cum datur in aliqua notabili quantitate) ob principalem finem obtinendi spirituale (11).

(1) Lib. 3. n. 39. (2) n. 40.

(3) n. 40. (4) n. 49.

(5) n. 62. (6) n. 85.

(7) n. 56. et 57.

(8) n. 64. et 65.

(9) n. 68. et 69.

(10) n. 91. et 92.

(11) n. 51.

Communissime autem dicunt Salm. cum Caiet. Suar. Less. Laym. Tolet., etc. contra Azor. et alios paucos, quod liceat dare aliquid temporale, v. gr. Episcopo, primario ad captiandam suam benevolentiam, seculario ad obtinendum beneficium. Ceterum recte advertunt Ronc. et ipsi Salmant. cum Sanch. et Bonac. quod cum datur temporale solo intuitu rei spiritualis, vel contra, tunc facile praesumenda est intentio saltem virtualiter simoniaca, ut eruitur ex *cap. Tua nos, de simon.* Excepto, ut aiunt, nisi constet de opposito, vel aliter colligatur ex circumstantiis, nempe ex parvitate muneris, vel ex pietate, aut opulencia dantis (1).

45. Dubitatur 2. An liceat aliquid recipi ob Sacramentorum administrationem? Nulli dubium est non licere accipere tanquam pretium rei sacrae, aut laboris intrinseci ipsiusmet administrationis; secus vero extrinseci, v. gr. si sacerdos celebratum iturus esset in locum longinquum, aut in hora, aut tempore incommodo. Et quamvis non esset labor extrinsecus, licet accipere temporale, non tanquam pretium, sed tanquam stipendium sustentationis ministri, qui occupatur in alterius gratiam, quamvis minister non esset pauper. Id est commune cum s. Thoma (2). An autem sit lethale administrare Sacramenta, concionari, assistere in choro principaliter ob temporale emolumentum. Alii affirmant; sed alii, ut Sotus, Suar. Silvest. Sanch. Salmant., etc. communius et probabilius negant, eadem ratione superius allata, quia stipendium non recipitur, uti pretium rei sacrae, sed tanquam stipendium debitum personae, quae in proximi gratiam occupatur. Ceterum videtur non posse excusari saltem a veniali, qui spiritualia munia ad bonorum temporalium acquisitionem ordinat (3).

46. Dubitatur 5. An beneficiorum

(1) Lib. 3. n. 51. v. Caeterum. (2) n. 55.

(3) Lib. 3. n. 55. v. Quaec. VI.

venditio sit prohibita etiam de iure divino? Probabilius s. Thomas et alii affirmant. Nihilominus Papa potest a spirituali beneficii separare temporale, uti sunt fructus, et ita ex suo assensu potest efficere, ut aliquis, soluto aliquo pretio temporali, possit assequi beneficium (4).

47. Dubitatur 4. An sit licitum permutare res sacras? Si ambae sunt mere spirituales, puta Missam cum rosario, etc., utique licitum est eas permutare. Si sunt mixtae, oportet distinguere cum s. Thoma, et comuni. Si temporale subsequitur spirituale, ut fructus subsequuntur beneficium, tunc illicita est permutatio sine Pontificis permissu, aut saltem Episcopi, ut aliqui asserunt. Secus vero si temporale sit annexum antecedenter spirituali, ut argentum vasis sacris, pannus vestibus sacris, et alia huiusmodi. Haec bene possunt vendi, et permutari, modo habeatur ratio tantum pretii intrinseci rei (5).

48. Dubitatur 5. An sit simonia dare aliquid, ut alter omitat rem spirituaalem? Distinguendum, et affirmandum, si omissio est de re directe a potestate spirituali, et adesi obligatio eam ponendi, uti esset omissio absolvendi, dispensandi, eligendi etc., ita ex *cap. Presbyter, de simon.*, ubi prohibetur negare propter aliquod lucrum temporale absolutionem poenitentibus, modo illa non esset iniusta, aut sacrilega. Negandum vero esse simoniam, si omissio esset alicuius actus spiritualis pendens a libertate, ut esset omissio orandi, celebrandi, largiendi elemosynam; dummodo omittens non teneatur ex iustitia ad id praestandum (6).

49. Dubitatur 6. An liceat dare aliquid, ut se redimat a vexatione, ut beneficium, aut aliquid aliud spirituale assequatur? Duas affert Doctor angelicus regulas. *Prima* est, quod si acquisiverit ius *in re*, et ius

(4) n. 50. (5) n. 72. (6) n. 97.

est certum, bene potest redimi vexatio dando aliquid temporale (non tamen spirituale) (1). Et hoc procedit etiam de vexatione circa possessionem beneficii pro eo, qui iam acquisiverit ius; nam actio possessionis est mere temporalis (2). *Secunda regula* est, quod si ius est *ad rem*, vexatio nullo potest redimi pretio etiamsi elector iniuste negaret suum suffragium, ut communiter dd. et habetur ex *cap. Muithaeus, de simon.* Nihilominus excipitur cum Suar. Castrop. Anacl. et Elbel, si tu pecuniam tradidisses alicui, qui tantum posset obesse, et non prodesse, ut absterneat tibi nocere, etiamsi ille nullis malis artibus hoc faceret, sed precibus, aut donis ob livorem in te conceptum impedire vellet electores, quominus tibi beneficium conferrent, ut recte dicunt Suar. Anacl. et Salm., etc. quia cum sit temporalis talis iniqua vexatio, bene potes eam redimere pretio temporali. Et propterea paucis abhinc annis, cum delatus fuisset ad summum Pontificem Benedict. XIV. casus, quo cum quidam sacerdos dioecesis Nusci nominatus fuisset ad canonicatum in una insigni illius dioecesis collegiata insurrexit quidam laicus, qui potentia valebat in curia episcopali, et poscebat a praefato sacerdote certam summam non immodicam, alias multa crimina ei affigeret, quibus pro canonicatus honore decorando, reus in curia sisteret. Sacerdos hoc timore incussus, cum omnium eorum, quae ab illo opponi sibi intendebantur, culpa vacaret, promisit se daturum quicquid ille turpiter postulabat, et praestitit; et ita a canonicatus consecutione non impeditus fuit. Post multos annos re Romam ab Episcopo successore delata, Pontifex dixit, si forsitan indigeret talis provisio convalidatione, se convalidare eam, et decrevit talem canonicum permansurum in eodem gradu;

(1) L. 3. n. 98. (2) n. 99. (3) n. 100. et 102. (4) n. 103. (5) *ibid.*

unde apparet quod Papa non habuit pro certe invalida illam collationem, sed voluit ad securitatem sic agere, quia sic fuit postulatus, ut ageret. Secus tamen dicendum cum Suar. Anacl. Salmant., etc. si ipse esset elector, qui non solum posset obesse, sed etiam prodesse (quidquid dicat Castropal. qui tenet posse dari pecuniam tantum ad removendum illius pravum animum); quia illa pecunia de facto semper efficeret, ut deflecteretur erga te illius animas, et consequenter gratiam illius sollicitat ad beneficii consecutionem. Casu autem, quo elector fraudibus, et vimoliretur alios electores subornare, ut ei suum suffragium negarent, tunc communiter dicunt Less. Soto, Suar. Fill. Sanch. Salm. Croix, Bus., etc. posse pecunia redimi talem iniustam vexationem. Et hoc mihi videtur satis probabile, cum (ut ait p. Mazzotta) daretur ei pecunia cum expressa protestatione, quod nihil ab ipso petitur, nisi ut a vexatione desistat (3). Illicitum est autem pecuniam dare competitori, ne concurrat, si ille iuste potest concurrere (4). Contra licet pecuniam dare, ne eligatur indignus, aut minus dignus (5). Et ita pariter licitum est pecuniam illi offerre, qui iniuste renuit Sacramenta ministrare, accedente tamen causa gravi ea suscipiendi, nam hoc etiam est redimi ab iniusta vexatione (6). Gerson, Caiet. Suar. Less. et Sporcum s. Bonav. Vasq. Pont. et aliis communiter.

5o. Poenae vero a sacris Canonibus in simoniacos inflictæ, sunt sequentes: 1. Propter simoniam pro ingressu in religionem, communitas incurrit suspensionem, et particulares *id praesumentes*, ut loquitur textus (7), excommunicationem papalem. Sed haec probabiliter tantum incurritur in professione; imo multi dd. dicunt illam in desuetudinem abiisse (8). Et hic advertatur, quod om-

(6) L. 3. n. 103. v. Quaer. 5. (7) C. 1. Extr. de simon (8) l. 3. n. 108. v. Certum.

res electiones simoniacae ad generalatum, rectoratum, et ad quodlibet officium spirituale in religione sunt irritae, ut habetur ex textu (1).

51. II. Propter simoniam in collatione Ordinum (non tamen primae tonsurae) Episcopus ordinans, et mediatores incurrunt excommunicationem, et suspensionem Papae reservatas, ac interdictum ab ecclesiae ingressu. Ordinati vero praeter excommunicationem, et suspensionem Ordinum (sed probabiliter eorum tantum simoniace susceptorum) prohibitum est eis ascendere ad superiores Ordines. Hoc tamen non procedit, cum simonia ab aliis, ordinato inscio, commissae est (2).

52. III. Propter simoniam realem in beneficiis irritae sunt omnes praesentationes, electiones, etc. Quare simoniacus nequit retinere beneficium, neque fructus ab illo perceptos (3). Et hoc etiamsi beneficiatus invincibiliter praedictam poenam, et simoniam commissam ignoraret, si v. g. patrata fuerit a quodam tertio, ut habetur ex *cap. Nobis, de simon.* Excipiuntur tamen, 1. Si beneficiatus contradixerit, et postea simoniam ignorando acceptaverit beneficium. 2. Si ille tertius commiserit simoniam hoc dolo, ut illum redderet inhabilem ad beneficium. 3. Si pacifice tres annos in beneficii possessione fuisset, ut communiter dd. Exceptis dictis casibus, recipiens simoniace beneficium, praeter excommunicationem papalem per Bullam s. Pii V. Cum primum an. 1566. qui beneficium ecclesiasticum simoniace adeptus fuerit, perpetuo sit inhabilis ad ea, et ad quaecumque alia (ita ut etiam per *Extrav. Pii IV. In sublimi*, si nolle omittere beneficium, non posset absolvi); et praeterea privatus existit etiam illis beneficiis, quae antea obtinuisset. Attamen iuxta communioem et probabiliorem

sententiam, quam tenent Navar., Suarez, Less., Sanch., Laym., Anacl., Ronc., Croix, etc. dictae poenae non incurruntur, nisi simonia sit ab utraque parte completa; et hic est stilus curiae, ut testantur Nav. et alii (4), excepta tamen confidentiali, in qua sufficit, ut tantum temporale sit praestitum iuxta Bullam s. Pii V. (5). Et quamvis simonia sit completa, illae duae poenae privationis et inhabilitatis non incurruntur, nisi post sententiam condemnatoriam, ut communissime Bonac., Castropal., Sanch., Laym., Filliuc., etc. (6). Nec obstat Bulla Pii V. quia (ut dicunt praefati dd.) illa intelligitur valere pro foro externo, cum ibi dicatur *Quicumque convictus fuerit*; saltem in eo sensu recepta est.

53. IV. Propter simoniam confidentialem, praeter poenas impositas adversus realem, incurritur etiam privatio aliorum beneficiorum etiam antea obtentorum; sed probabiliter non quidem ante sententiam delicti declaratoriam. Advertatur tamen quod per Tridentinum *Sess. 24. c. 18.* cum statutum sit, examinatores synodales qui ratione examinis aliquid accipiunt ab eis qui ad beneficia curata concurrunt, tam examinatores accipientes, quam dantes fieri inhabiles ad beneficia obtinenda, ac non posse absolvi a simonia, nisi *dimissis beneficiis*, deducitur quod praefati ipso facto, et quidem ante omnem sententiam, omnibus beneficiis, quae etiam ante collationem simoniacam obtinuissent, privati existunt.

Denique notandum hic 1. quod praefatae poenae incurruntur tantum propter simoniam in materiis descriptis, nempe in materia religionis ingressus Ordinum, et beneficiorum, non vero in venditione rerum sacrarum, aut ecclesiasticae iurisdictionis, aut capellaniarum non collatarum (7). Notandum 2. quod pre-

(1) *Extrav. 2. de simon.* (2) *Lib. 3. n. 109 et 110.*

(3) *Extr. 2. de simon.*

(4) *Lib. 3. n. 106.* (5) *Ibid. v. Not. 3.*

(6) *n. 112. v. Quacr. 3. et Quoad autem.*

(7) *Lib. 3. n. 112.*

tium acceptum pro simoniaca collatione beneficiorum, aut Ordinum, aut Sacramentorum, si excedit quod poterat a ministro exigi (loquendo de Sacramentorum administratione, ut dictum est *praecc. n. 45.*) pro sua sustentatione, restituendum est illi, qui illud tradidit ante traditionem rei spiritualis; si autem postea traditum fuisset, tunc, licet probabile sit posse restitui eidem, nihilominus probabilius est cum s. Thoma restituendum esse Ecclesiae, aut pauperibus. Quoad autem fructus beneficii simoniace acquisiti, isti restituendi sunt Ecclesiae, et probabile est posse dari pauperibus, aut successori in beneficium, et potest etiam obtineri compositio a Papa. Quod autem acceptum est pro admissione in religionem, non est restituendum, nisi post sententiam, et interim potest retineri pro alimentacione communitatis (1). Notandum 5. quod ab excommunicatione et suspensione ob collationem Ordinum, vel beneficiorum, aut ob admissionem in religionem incursis, si publicae sint, solus Papa potest absolvere; sed si occultae, possunt etiam Episcopi iuxta communem sententiam per *Trident. cap. Liceat. 6. sess. 24.* Et Salmant. cum Less., Sa, et Castropal. dicunt posse etiam mendicantes, addentes quod Bulla Pii V. quae quoad hoc revocavit omnia privilegia Regularium, non est recepta; sed hic nequeo intelligere, quomodo revoca-

tio privilegiorum opus habeat acceptatione, cum in tantum Regulares prius poterat. 1. quia Pontificibus sic placuit; ergo si eis ablata fuit ab eodem iurisdicchio, qua potestate possunt sibi talem iurisdictionem vindicare? Vide dicenda *Tractatu 20. num. 17. circa fin.* Sed quicquid sit de hoc, certum est per Clementem VIII. ablatam fuisse Regularibus extra Urbem, et intra Italiam facultatem absolventi seculares a simonia reali, et confidentiali. Vide *Tract. 20. de privilegiis num. 99.* Quoad inhabilitatem ad alia beneficia Episcopus potest dispensare, dummodo crimen simoniae non sit deductum ad forum contentiosum, et modo non sit confidentialis (2). An autem possit Episcopus dispensare cum simoniaco ad obtinendum idem beneficium? Respondetur quod si beneficium (sive sit curatum, sive simplex) scienter fuerit receptum simoniace, non potest Episcopus dispensare: si autem simonia commissa fuerit a tertio, et beneficiatus receperit beneficium inscius simoniae, tunc potest Episcopus dispensare, sed non tamen ante renuntiationem beneficii; Navar., Sanch., Salmant., etc. Si autem beneficium est curatum, non potest Episcopus dispensare in illa vacatione, potest vero in alia, Panorm., Pal., Salm., etc. (3). De *periurio* autem, quod est quarta species irreligiositatis, fiet sermo in *Tract. seq. Capit. 2.*

TRACTATUS V.

DE SECUNDO PRAECEPTO DECALOGI

CAP. I. De blasphemia.

1. Quando committitur blasphemia.
2. De maledictione creaturarum.
3. ad 11. De maledicentia in mortuos.

1. Blasphemia committitur aut attribuendo creaturae aliquod attrib-

(1) n. 114. ad 116. (2) L. 3. n. 117.

tum divinum, ut si vocaretur daemon sanctus, etc. aut aliquid concivium in Deum, vel Sanctos, vel in res sanctas, aut in dies sanctos proferendo, ut si quis malediceret alicui Sancto, dicendo: *Male habeat sanctus N. Male eveniat Ecclesiae.*

(3) n. 118

Maledictum sit Pascha, sabbatum sanctum, etc. quam quidem execrationem vulgo rudes exprimunt per verbum, *Mannaggia*. Etiam Blasphemia est dicere: *Deo invito hoc fiet; O sanguis Christi!* (ira excandescens in Dominum): *Deus non iuste operatur*. Et hoc postremum esset etiam blasphemia haereticalis; itaque si serio prolata esset, qui eam audiret, infra mensem teneretur ad denunciandum. Blasphematur etiam facto v. gr. spuendo versus coelum, conculcando imagines, coronas, etc.

2. Dicere autem *Atta* sancti N. non est blasphemia, nec etiam *Potta*; nam hoc verbum tantum significat in nostro idiomate interiectionem indignantis. Nec esset blasphemia dicere *Mannaggia santagata*. *Male habeat Santagata Sanctusermus, Sanctumenna*, etc. quando intelligitur locus, et non Sanctus. Nec item erit blasphemia maledicere creaturis, nimirum igni, vento, pluviae, etc. nisi addatur verbum *Dei*, aut nisi essent eae creaturae, quae speciali relatione referuntur ad Deum, aut in quibus peculiari modo relucet divina potentia, prout sunt anima, coelum, etc. Item dicendum puto de maledictione mundi, modo non intelligatur mundus pravus, quomodo accipiebatur a Iesu Christo, cum dixit: *Si odit vos mundus: Ego vici mundum*, etc.

3. Maledicere *fidei* alicuius, ex se non est blasphemia, nisi exprimeretur *Fides Christi*, aut *Fides sancta*: quia caeterum nomine fidei potest etiam accipi fides humana. Nec est blasphemia maledicere *mortuis*, nisi mens specificiter ferretur ad animas purgatorii, aut nisi malediceret mortuis sanctis aut Christi. De hoc puncto iam egi in opere morali (1): sed quoniam de hoc puncto usque adhuc ab aliis auctoribus minime actum est, lubet hic maiore qua possum claritate de hoc tractare, praecipue ut satisfaciam cuidam auctori

anonymo, qui quadam sua epistola nonnulla obiecit.

4. Itaque affirmo maledicere mortuis natura sua non esse blasphemiam neque ex se, neque relative ad eos, qui ea verba effutunt. Primo non est blasphemia ex se, dum hoc verbum *mortui* proprie est terminus privativus, qui significat homines vita privatos, qui amplius non existunt in praesenti, et in hac suppositione vox *mortui* non denotat nec animam, nec corpus. Qua de re philosophico rigore loquendo qui maledicit mortuis, nemini iniuriam irrogat, dum maledicit illi qui existentiam non habet.

5. Dicit aliquis: Sed hic vox *mortui* accipitur non tanquam terminus privativus, sed tanquam *analogus*, nempe quod possit referri tam ad corpus, quam ad animam defuncti. Respondeo primo quod qui sic loquitur, iam loquitur de relatione, quae mea ad aliquod fertur; sed ego loquor de eo, quod importat ex se vox *mortui*. Sed dato quod accipienda sit talis vox tanquam terminus analogus, respondeo secundo, quod sub hac voce *mortui* principaliter, et in recto, ut aiunt philosophi, venit solius corpus; quod dumtaxat potest dici mortuum, non autem anima, quae non moritur. Anima enim potest tantum in obliquo intelligi, dicendo v. g. anima mortui, ex eo quia aliquando fuit forma corporis illius, cui dedit vitam. Sed supposito quod vox *mortuus* principaliter respiciat corpus, et minus principaliter, et ut melius dicam, improprie denotet animam; cum aliquis nominat *mortuos*, ex se loquendo non intelliguntur animae illorum, sed corpora. Ut intelligantur animae, opus est, ut ipso aut mente intendat de animabus loqui, aut animas denotent cetera verba sermonis, ut est illud, quod scriptum habetur in libro 2. Machabaeorum 12. 46.: *Sancta, et salubris est cogitatio pro defunctis exorare*. Hoc

(1) Lib. 3 n. 130.

loco verbum *exorare* iam significat sermonem ad animas dirigi.

6. Igitur ex se loquendo maledictio mortuorum non est blasphemia; quia non refertur ad animam. Videamus nunc, an sit blasphemia saltem ex relatione mentali eorum, qui eam proferunt. Et hoc etiam negamus; quia illi, qui maledicunt mortuis, ordinarie a consideratione animarum ipsorum praescindunt. Hic autem auctor epistolae conviciis me onerat ac improperat quod nesciam terminum *abstractum* a *concreto* discernere. *Abstractus*, sic ille me instruit, est qui formam significat a subiecto praecisam, prout est pulchritudo, albedo, etc. *Concretus* vero significat subiectum cum forma coniunctum, v. g. homo pulcher, charta alba, etc. Hinc dicit vocem *mortuos* significare hominem, qui olim anima et corpore constabat, sed nunc importare corpus, et animam disiunctas. Et ex hoc concludit quod *mortuis* maledicens non tantum eorum corporibus, sed animabus etiam maledicit.

7. Respondeo: Ego non dico quod, qui *mortuis* maledicit, eos tanquam abstracta considerat, nempe uti formam sine subiecto: sed dico quod praescindit a considerando in mortuo animam quam olim habuit. Aliud est abstrahere, quod est considerare formam sine subiecto: aliud est praescindere, quod est considerare subiectum praecisum ab aliqua eius qualitate aut circumstantia, cum qua potest illud conspici. Certum est quod homines mortui in praesenti non sunt illi ipsi qui prius existebant in vita. Tunc erant tot personae quae anima et corpore coniunctis constabant sed nunc quidem existunt eorum animae et corpora, sed sunt substantiae separatae. Adeo ut maledicendo in praesenti hominibus mortuis, non proinde necessario maledicuntur eorum animabus, nisi cum illae specialiter exprimuntur, aut subintelliguntur.

(1) De rest. c. 4. n. 27. et 28.

8. Sed esto concedatur auctori epistolae, quod ipse sustinere contendit, nempe quod maledicere *mortuis*, idem sit ac maledicere vivis. Quaero ab ipso: ergo qui viventi maledicit, semper peccat mortaliter? Omnes dd. Caietanus, Sotus, Molina, Prado, Azor. de Lugo, et alii apud Salmanticensis (1) cum sancto Thoma (2) dicunt tunc maledictionem in proximum esse peccatum mortale, cum illa est formalis, nempe (ut explicat Caietan.) cum quis animo pravo proximo optat malum (et grave quidem), quod illi imprecatur. Secus vero cum maledictio est materialis tantum, nempe sine pravo animo prolata; et tamen in vivente certo adsunt anima et corpus. Et cur non est mortale? quia qui maledicit non semper intendit maledicere proximi animae, et iniuriam inferre illi substantiae, in qua Dei imago elucet, sed praescindit a respicienda anima, et ita non peccat lethaliter. Qui maledicit creaturis rationis expertibus (docet idem s. Thomas in loco citato a 2. et omnes alii), si eas respicit ut Dei creaturas, graviter peccat, et veram blasphemiam committit, secus vero si praescindit a considerando eas uti tales, et eis maledicit dumtaxat uti creaturis in se consideratis, et tamen omnes illae sunt creaturae Dei. En vide quod s. Thomas iam admittit hanc praecisionem. Ita pariter qui maledicit *mortuis*, si ipsis maledicit respiciendo eorum animas, peccat mortaliter: secus autem si praescindit, ipsis maledicendo, quin specialem ad eorum animas habeat respectum.

9. Dicere autem quod omnes qui mortuis maledicunt, intendunt etiam in animas invehere, ego et tot alii confessarii experientia docti poenitentes de hoc interrogando oppositum experti sumus. Tanto magis quod qui mortuis maledicunt, eis animus non est mortuos laedere, sed viventes, quibus eas maledictiones diri-

(2) 2. 2. q. 76. a. 3.

gunt ad iniuriarum modum. Sed haec est materia facti; confessarius de hoc potest se certum facere, et a dubio se liberare, sedulo interrogando poenitentes.

10. Dicere autem quod, licet quis intelligat maledicere solis corporibus mortuorum, nec potest excusari a mortali, propter respectum quem Ecclesia erga defunctorum corpora adhibet, ea thure suffiando, aqua benedicta aspergendo, ac in sacra sepultura tumulando. Nescio utrum hac ratione possit aliquis sibi persuadere, quod maledicere mortuis sit mortale. Brevibus respondeo, et dico quod praefatae functiones non sunt cultus religiosi honor erga cadavera defunctorum, sed sunt quaedam caeremoniae quas Ecclesia etiam erga viventes adhibet. Igitur si honor, qui defunctis praestatur, praestantior non est eo qui vivis exhibetur, nec iniuria erit maior. Sed cur (subiungit auctor epistolae) leges severius puniunt in cadavera saevientes? Respondeo: puniunt non ratione iniuriae maioris, sed animi pravi, qui in eo actu manifestatur, quod quidem crimen punitur etiam in necantibus infideles, et haereticos. Secus, si id esset ex se in defunctorum corpora contumelia gravis, eiusdem criminis rei essent qui ea incidunt, et frustatim dividunt ad medicas observationes. Ceterum quod ego concludo est, quod maledictio in mortuos non est blasphemia, nec peccatum mortale. Et tres auctores (in opere allati) qui tantummodo de hac re scripserunt, idem senserunt. Addo quod ego, ut cautius agerem, scripsi Neapolim ad plures viros doctos, ubi flos extat doctorum, et ad tres congregationes missionariorum, nempe ad illam p. Pavone, archiepiscopatus, et s. Georgii, et omnes uno exemplo mihi rescripserunt, meae sententiae assentientes. Accedit; pater Sabbatinus (tunc pius operarius, nunc

digniss. Aquilae praelatus) mihi respondit, cunctos pios operarios, tam praesentes, quam antiquos, idem uniformiter sensisse. Insuper tamquam certum accepi, quod nuntius Neapolis, postquam typis editae fuissent, tam mea epistola circa hanc rem, quam epistola mei adversarii, utramque ad Pontificem Bened. XIV. transmisit, qui R. D. Thomae Sergio pio operario, consultori s. Officii qui iam suum obiit diem controversiam discutiendam demandavit, et quod ipse Pontifici suam sententiam significavit hanc esse, nempe maledictionem in mortuos non esse veram blasphemiam. Et ab alio pio operario, qui nunc Romae degit, mihi affirmatum deinde fuit, quod Papa cognita p. Sergii sententia, et perpenso difficultatis puncto, ostendit se etiam idipsum sentire.

11. Itaque hoc posito, intelligere nequeo, quomodo fieri potest, ut quidam possint non dubitare saltem, et pro certo habere, et etiam ex pergamis sine scrupulo praedicare, mortuis maledicere generaliter loquendo ex se esse mortale, atque veram blasphemiam, quando omnes dd. et etiam illi qui rigidiores profitentur sententiam, ut p. Concina, et alii docent non esse damnandum de peccato mortali, quod aliquis perspicuus textus Scripturae, aut evidens non suadeat ratio. S. Raymundus scripsit (1): *Unum tamen consulo, quod non sis pronus iudicare mortalia peccata, ubi tibi non constat per certam Scripturam.* Et s. Antoninus (2) dixit: *Nisi habeatur auctoritas expressa sacrae Scripturae, aut Canonis, seu determinationis Ecclesiae, vel evidens ratio, non nisi periculose determinatur; nam si determinatur quod sit ibi mortale, et non sit, mortaliter peccabit contra faciens, quia omne quod est contra conscientiam, aedificat ad gehennam, etc.*

(1) lib. 3. tit. de poenit. §. 21.

(2) Part. 2. t. 1. c. 11. §. 28.

EPISTOLA RESPONSIVA

ADVERSUS EPISTOLAM APOLOGETICAM
SCRIPTAM IN PROPUGNATIONEM DIS-
SERTATIONIS, QUAE SUPER ABUSU MOR-
TUIS MALEDICENDI PRODIIT

Prae omnibus indicandum esse duxi, quod cum adversus ea quae super hoc puncto scripseram, quaedam dissertatio, cui brevibus respondi, prius prodiiisset, pollicitus fui, cum semel atque iterum iis quae mihi opponebantur satisfecerim, non amplius circa hoc verbum me fore facturum; tum ne in infinitum daretur progressus, tum ne eadem, quae iam a me scripta erant, repeterem; sed dixi quod dumtaxat respondere volebam (prout feci) ad duas s. Thomae doctrinas, quas mihi de novo obiiciebat. Et una simul significavi in animo mihi statutum esse deinceps nihil amplius super hac controversia scripturum (quia mihi satis in propatulo res collocata esse videbatur) nisi cum ab adversario meo de veritate prorsus fuisset persuasus: tunc enim nihil mihi difficultatis esset a sententia desciscere et id in omnibus per publicam scripturam significare non erubescerem, prout animus meus ab hoc faciendo non abhorruit in aliquibus aliis meis opinionibus, quas ubi eas rationi non consentaneas cognovi, libenter revocavi.

Nihilominus post responsionem a me datam, vulgata est altera epistola apologetica in propugnationem praefatae dissertationis, in qua contendebat auctor probare mortuis maledicere per se esse mortale: cui epistolae, non obstante consilio, quod de non amplius respondendo ceperam, alia epistola nunc respondere sum coactus. Et hanc dumtaxat hic subiungo, in qua summam continetur tum responsio quam ad dissertationem dederam, tum responsio ad dissertationis propugnationem.

Reverendissimo Abbati
D. Bartholomaeo de Marco Basiliano.

*Reverendissime pater,
et domine colendissime.*

Cum dissertatio quaedam super mortuorum maledictione, ac cum adversus eam brevis responsio mea prodiiissent, novissime typis edita est altera epistola apologetica pluribus scripta in praefatae dissertationis propugnationem. Ubi ad manus meas illa epistola pervenit, et accurate illa a me lecta, diu animi pependi, rescriberem nec ne. Ex una enim parte consilium de non amplius respondendo susceptum, sartum tectum habere voluissem, ne in infinitum progredierer. Ex alia parte expediens videretur nunc denuo respondero sicut amici mei ad id faciendum me adigunt; tum quia in priori responsione error quidam, a quo me retractare intendo, fortuito excidit, licet ille ad rem nostram nihil referat, sicut ex hac altera responsione animadvertes. Tum quia in laudata epistola apologetica adversarius alias novas exponit animadversiones, quibus ut ambiguitates aliae de medio tollantur, altera responsione satisfacere opus esse duxi. Quapropter ad te hanc alteram responsionem afferendam curavi, et abs te duo haec peto: primum, ut omni qua potes animi attentione eam perlegas, detrahendo, addendo, corrigendo quicquid tibi visum fuerit: secundum, ut mihi consilium tuum candido aperias, utrum expedire tibi videatur ut hanc typis excudendam curem, dum ex una parte mihi contendere displicet cum viro et aliis eius sociis ordinis, quem ego maxime facio, atque mirum in modum veneror (tametsi mihi compertum est non deesse aliquos inter illius ordinis, forte eis minime indociiores, qui meae adhaerent sententiae). Ex altera parte a fidelium cordibus hanc deducere opinionem, nimirum quod praefata maledictio sit mortale, cum

tale non sit, ad gloriam Dei, qui sibi animarum salutem gloriae habet, non parum conferre censeo.

Parcas mihi, quaeso, si non pauca, quae in priori responsione iam notata erant, hic repetita observas. Hoc non aliter faciendum esse censui, ut lectoris ante oculos omnia simul exponantur, dum legit illas animadversiones, quas mihi adversarius de novo obiicit. In dissertatione probare aggressus est maledictionem in mortuos esse peccatum lethale, et veram blasphemiam duabus ex rationibus:

1. Quia corpora fidelium defunctorum sunt sacra: 2. quia praefata maledictio praescindere non potest, quin ad animas referatur. In responsione ad dissertationem data, dixi quod iam illis obiectionibus bis responderam, propterea ne eadem semper canerem, nolui ad omnia quae opponerentur respondere. Nihilominus duabus s. Thomae auctoritatibus, quae de novo afferebantur, dixi me facere non posse quin responderem. Primus textus desumptus est ex 3. p. qu. 8. art. 2. ubi S. doctor dicit Christum in fidelium corpora influere ius resurgendi propter Spiritus sancti inhabitationem. Et hoc idem ius auctor dissertationis probare intendit aliunde, nempe ex ratione sacramentalis communionis, qua fideles, dum vivunt, reficiuntur; hincque ex hisce duabus rationibus infert mortuorum corpora inter sacra annumeranda esse, adeo ut sacro cultu ex religionis virtute emanato, veneranda sint. Ast si hae rationes (respondeo ego) probarent quod corpora quorumlibet defunctorum pro sacris habenda sunt, probarent etiam quod necessario corpora fidelium damnatorum inter sacra annumeranda essent: in iis enim etiam aliquando habitavit Spiritus sanctus, et cum Iesu Christo per Eucharistiam concorporata fuerunt. Dicit quod illae qualitates per peccatum postea amittuntur. Igitur subsumo, quoties Ecclesiae authentico testimonio mihi non

constat, animam illius gloria aeterna frui, ac etiam quoties Ecclesia honorem qui ei debetur ad cultus sacri rationem non elevat, ut infra explicabimus, mihi fas non est illud corpus pro sacro habere. Praeterquam quod, si corpora defunctorum sacra sunt propter Eucharistiam quam receperunt, et propter Spiritus sancti inhabitationem, necessario dicendum erit etiam corpora viventium fidelium tamquam sacra colenda esse, ita ut quaelibet iniuria, aut maledictio in fidelis viventis corpus irrogata, peccatum grave religioni adversans dicendum sit. Sed hoc est contra expressam s. Thomae doctrinam, ut mox videbimus. Dicere autem sacra corpora defunctorum propter ritus, quibus erga illa utitur Ecclesia, quia nempe sacrae sepulturae beneficio donat, processionibus et benedictionibus ea decorat, thure suffit, et etiam ob antiquum ritum (ut adversarius dicit) dudum adhiberi consuetum sacram Eucharistiam super defunctorum pectore collocandi: nescio cur hi ritus actus sacri cultus dici debeant; cum compertum sit, saeculis superioribus etiam tempore quo ab infidelium persecutionibus pace Ecclesia fruebatur, defunctorum fidelium corpora sepeliri in campis, et viis, prout testatur Thomassinus, et Calmet: imo plura Concilia prohibuerunt quominus in ecclesia cadavera sepulturae darentur. Quod si posterioribus temporibus usus inventus est ut in loco sacro sepelirentur (hoc affirmante sancto Gregorio), inde processit, ut proximi ex sepulchrorum conspectu recordarentur defunctorum animas saepius suis precibus coadiuvare: *Hoc prodesse mortuis* (sunt verba Sancti), *si in ecclesia sepeliantur, quod eorum proximi, ipso tumulorum conspectu admoniti, pro illis frequentius exorent; lib. 3. Dial. cap. 50. 52. et 53.* Et idem dicit sanctus Augustinus lib. de cura pro mortuis. Benedictiones autem cum aqua lustrali, dicunt Ga-

vantus, et Durandus, erga cadavera ideo adhiberi, ut a daemonum infestatione illa liberentur. Et hac eadem de causa illa thurificantur; ut scribit *Innoc. III. lib. 2. de myst. Missae. c. 17.* et ob id idem SS. Eucharistia in defuncti pectore apponebatur, ut idem s. Gregorius asserit *lib. 2. Dial. c. 24.* Quamvis hoc denique reprobatum fuerit a conciliis in 4. 6. et 7. saeculo, ut refert p. Vestrini in suis litteris theologicis *Tr. 3. epist. 53.* sicut etiam vetitum fuit sacram Eucharistiam in ecclesiarum fundamentalibus lapidibus collocare, aut ad energumenos, aut ad infirmorum vulnera admovere, sicut pariter sanguine consecrato frontem, oculos, etc. linire, qui apud antiquos fideles mos receptus habebatur, referentibus s. Cyrillo, et s. Ioanne Chrysost. Haec perspicuum dilucidumque faciunt hos pios actus (qui a simplicitate potius quam a religione derivarunt) non indicare sacra esse ea, circa quae illi adhibebantur, sed quod solum ad bonos assequendos effectus, quos ex eorum usu sperabant fideles, adhibebantur.

Sed loquendo de ritibus, quibus hodie utitur Ecclesia communiter in tumulandis cadaveribus, haec sunt quae scribit Spondanus (*lib. 1. p. 2. cap. 15. sect. 8. De sacr. cormet.*): *Quanta namque sit vis crucis qua signantur et ornantur, et aquae benedictae qua asperguntur, et thuris quo suffiuntur, tum ad alia plura arcenda mala, tum maxime ad fugandos daemones, eorundemque ac magorum praestigia dissolvenda, primum mihi esset quamplurimis Patrum testimoniis et exemplis testatissimum reddere. Et in cap. 2. Sect. 1. Fit suffitus ad corpora fidelium defunctorum, quoniam, qui pie moriuntur sunt Christi bonus odor; et ut insuper significetur, defunctos reliquisse odorem bonorum operum, etc. Per incensum ut iudicetur eosdem cr didisse se per mortem ire ad immortalitatem. Insuper Stephanus Du-*

raldus (lib. 1. cap. 9. n. 9.): Porro thurificatio fit ad reverentiam loci, et divini officii, etc. Item Ioannes Beleto (in explicat. divin. offic. cap. 161.): Cadaver ponitur in sepulchrum, et aqua apponitur benedicta, ac prunae cum thure. Aqua benedicta, ne ad corpus daemones accedant. Thus propter corporis factorem removendum. Prunae ad designandum, quod terra illa in usus communes redigi nequeat. Praeterea Guillelmus Durandus (in rationali lib. 7. cap. 35.): Aqua benedicta ponitur, ne daemones ad corpus accedant. Thus propter factorem removendum, seu ut defunctus Creatori suo acceptabilem bonorum operum odorem indicetur obtulisse, seu ad ostendendum quod defunctis prosit auxilium orationis. Ex quo patet omnes praefatos ritus quos erga defunctos adhibet Ecclesia, non esse cultum sacrum quo honorare intendit cadavera, sed mysticas caeremonias. Nota praeterea quod eos denegat Ecclesia iis, qui excommunicationis aut interdicti vinculo ligati ex hac vita decesserunt, quamvis antequam animam efflarent certa poenitentiae ac suae salutis signa dedissent. Igitur non ideo cum defunctis eos ritus adhibet Ecclesia, quia supponit eos esse templa Spiritus sancti, sed quia communionem inter viventes et defunctos cupit conservari.

Alter locus s. Thomae qui mihi obicitur excerptus est ex eadem 3. p. q. 25. art. 6. ubi dicit Angelicus quod Sanctorum reliquiae venerandae sunt, quia fuerunt templum et organa Spiritus sancti, qui in ipsis inhabitavit et operatus est: et etiam quia aliquando illa per gloriosam Resurrectionem Iesu Christi configuranda sunt corpori. Ex hoc infert adversarius maledictionem in defunctorum corpora veram esse blasphemiam, ex eo quia illa iam dudum etiam templa et organa fuerunt Spiritus sancti. Sed si haec ratio valeat pro defunctis (iterum pariter dico) tanto magis valere debet pro

vivis; imo quam longe fortius: viventes enim sunt actu (si in charitate vivunt, prout pie praesumendum est) templa viva et organa Spiritus sancti. Sed s. Thomas 2. 2. q. 76. a. 3. cum communi theologorum, qui eum sequuntur, Caiet. Sot. Azor. Prad. Serra, Mol. Lugo, Laym. Trullen. et omnes dicunt quod maledictio sive imprecatio in homines prolata, veniale non excedit, quoties maledictio non est formalis, sed tantum materialis, nempe sine pravo affectu. Referamus integrum textum Angelici, ne mihi imponatur quod truncum retulerim: *Maledictio est, per quam pronuntiatur malum contra aliquem (nota) vel imperando, vel optando. Velle autem, vel imperio movere ad malum alterius, secundum se repugnat charitati, qua diligimus proximum volentes bonum ipsius. Et ita secundum suum genus est peccatum mortale, et tanto gravius, quanto personam, cui maledicimus, magis amare et revereri tenemur. Unde dicitur (Lev. 20. 9.). Qui maledixerit Patri suo, aut Matri, morte moriatur. Contingit tamen verbum maledictionis prolatum, esse veniale vel propter parvitatem mali quod quis alteri maledicendo, imprecatur, vel etiam propter affectum proferentis, dum ex levi motu, vel ex ludo, aut ex subreptione aliqua talia verba profert; quia peccata verborum maxime ex affectu pensantur. Hinc in me adversarius invehendo, et verba Angelici cum emphasi mihi repetendo, secundum genus suum est peccatum mortale, sic me alloquens excandescit: Intende, o non intende! Ego tamen mihi videor haec intelligere, et quidem ita, ut nemo aliter, quam ego intelligo, textum s. Thomae intelligere debeat, nimirum quod hominibus maledicere tunc est peccatum mortale, cum maledictio est formalis, quae tunc dicitur esse talis, cum quis animo pravo optat, ut illis eveniat malum quod imprecatur, aut cum alios inducit ad illis malum fe-*

rendum, sicut se explicat Angelicus in loc. cit. a. 1. exemplo iudicis, qui ministros iustitiae ad poenam iniustam exequendam in reum iniuste movet. Et hoc dicit Sanctus ex se esse peccatum mortale, quia hoc secundum se (ut ipse loquitur) repugnat charitati, qua diligimus proximum, volentes bonum ipsius. Nam sicut charitas nobis imponit, ut proximi bonum velimus, ita vetat ne illi malum optemus, et ne alios ad illi malum inferendum inducamus. Loquendo vero s. Thomas de maledictione verbali (de qua dumtaxat nos in praesenti casu loquimur) dicit illam non excedere veniale, aut cum malum quod quis imprecatur est leve, aut deest pravius affectus (quae materialis maledictio nuncupatur) proferendo nempe maledictionem aut ioco, aut sine plena deliberatione. Et hoc denique hac ratione confirmat: *Quia peccata verborum maxime ex affectu pensantur. Hoc idem docet Caietanus super cit. q. 76. a. 1. dicens: Nota ex 1. art. quid sit proprie maledictio, scilicet dicere malum, in quantum malum, alicui ex intentione. Et ex hoc oritur quod maledictio distinguitur in maledictionem formaliter, et materialiter; et quod quandoque est peccatum mortale, quandoque veniale; nam maledictio formaliter est ex suo genere mortale, ut patet, materialiter autem si fiat optative, non est mortale; si vero fieret imperative, posset esse mortale. Et ratio diversitatis est, quia praeter intentionem optative maledicens neminem laedit; quia nec ex intentione nec ex opere ministri obsequantis, quamvis non ex propria intentione. Dixi autem ex suo genere, quia propter imperfectionem actus, sive ex parte obiecti, ut si parvum malum optet vel imperet, sive ex parte operantis, ut si ex ira (vel ex ludo, addit s. Th.) maledicat, quamvis affectu tendat in malum, quia non ex consensu rationis in malum tendit, deficit a perfecta ratione peccati, et per hoc non est*

Homo Apostolicus.

7

*mortale. In sequela igitur doctrinae s. Thomae Caietanus ex una parte ait quod maledictio formalis, nempe ex intentione, est de genere suo mortalis, et sit venialis vel propter imperfectionem actus, scilicet consensus rationis, vel propter parvitatem mali quod optatur; ex alia dicit, esse nonnisi venialem maledictionem materialem, nimirum praeter intentionem pronuntiatam optative, id est modo optativo, sive per verba desiderium exprimentia, sumendo illud optative adverbialiter, ad differentiam *Tò imperative*; scilicet imperativo modo. Et idem quippe, etsi diverso modo, docet d. Thom. loco citato: ibi enim distinguit maledictionem formalem a materiali; nam primo loco loquitur de formali, nempe cum intentione volendi malum, quod pronuntiat, dum ait: *Velle autem, vel imperio movere ad malum alterius secundum se repugnat charitati, quia diligimus proximum volentes bonum ipsius. Et ita secundum suum genus est peccatum mortale.* Illud igitur quod S. doctor repugnare intelligit charitati, et esse mortale secundum suum genus, non est simpliciter pronuntiare maledictionem; sed illud *velle, vel imperio movere ad malum alterius.* Ergo s. Thomas tantum in volendo malum quod pronuntiat, vel in movendo alios ad malum inferendum, gravitatem culpae recognoscit. Deinde ad explicandam procedit maledictionem materialem dicendo illam esse venialem si ex levi motu, vel ex ludo profertur, rationem tradens: *Quia peccata verborum maxime ex affectu pensantur, ut supra dictum est q. 76. a. 3. et in q. 72. a. 2. sic prius dixerat: Verba, in quantum sunt soni quidam, non sunt in nocumentum aliorum, sed in quantum significant aliquid; quae quidem significatio ex interiori affectu procedit; et ideo in peccatis verborum maxime considerandum est ex quo affectu aliquis verba proferat. Aliud itaque est maledicere optative, ut lo-**

quitur Caietanus; aliud maledicere optando, ut loquitur s. Thomas; *optative* enim denotat maledicere per verba optativa praeter intentionem: optando autem intelligit s. doctor maledicere ex vera intentione, sicut perspicue deinde se explicat, dicendo: *Velle autem, etc., secundum se repugnat charitati, etc.* Et hoc quidem est maledictio formalis, ac ideo graviter culpabilis; et tantum evadit venialis, ut subdit Angelicus vel ob parvitatem mali quod optatur, vel ob surreptionem, sive levi motu, quo maledictio profertur.

Caeterum quaestio haec me inter et meum contradictiorem de mero nomine est, nam dato quod s. Thomas generaliter diceret quaecumque maledictionem de genere suo esse mortalem, attamen s. doctor pro certo equidem habet, quod maledicere homini sine pravo affectu, non est nisi veniale. Et non aliud quam hoc ipse probare quaero. Itaque tam d. Thomas, quam Caietanus, et omnes alii doctores, cum s. Augustino apud eundem Angelicum (1), non reputant esse blasphemiam maledicere homini, ex eo quod homo sit templum Spiritus Sancti; nam si hoc tenerent, nequirent dicere maledictionem sine pravo animo esse venialem; maledicere enim Sanctis aut rebus sacris, licet absit malus animus, semper est mortale. Ex hoc evidenter inferitur quod iuxta Angelicum, et communem dd. sententiam recte considerari potest fidelis persona praecise ab eo quod sit templum Spiritus Sancti. Et deducitur praeterea (adversus id quod etiam innuit meus adversarius) quod sicuti non est culpa gravis contra charitatem, et pietatem, maledicere corpori fidelis viventis, si abest pravus affectus, ita non est gravis contra charitatem, et pietatem, sine pravo animo corpori fidelis defuncti maledicere; quandoquidem iuxta ipsum s. Thomam, charitas qua mortui, qui

(1) 2. 2. q. 76. art. 4. obiect. 1.

in gratia decesserunt, prosequendi sunt, non est aliud quam extensio charitatis quam vivis praestare debemus: *Charitas* (ait Sanctus) *quae est vinculum Ecclesiae membra uniens, non solum ad vivos se extendit, sed etiam ad mortuos qui in charitate decedunt.*

Sed adversarius meus dicit, quod maximum est discrimen inter vivorum, et defunctorum maledictionem, quia in vivo regnat fomes, ac proinde ipse in peccandi periculo versatur, a quo qui decessit in gratia immunis est: unde fit (ait) quod maledictio in vivos potest esse venialis: cum enim sit peccatum contra charitatem, remoto pravo affectu, potest esse non grave; sed maledictio in defunctos, cum sit peccatum contra religionem, etiam remoto pravo affectu semper est grave peccatum, ratione iniuriae. quae religioni irrogatur. cum corpori sacro maledicatur. Sed ut respondeam iterum, principium eius perquiramus, unde ille fidelium defunctorum corpora sacra esse autumat. Ipse dixit iuxta s. Thomae doctrinam mortuis maledicere esse grave, quia eorum corpora fuerunt organa Spiritus sancti. et quia Communionem sacramentalem receperunt. Respondeo igitur: quoad illud quod defuncti corpus propter Communionem, et quia templum fuit Spiritus sancti, pro sacro habendum sit, iam superius dixi, quod haec ratio probat tam defuncti quam vivi corpora pro sacris habenda esse, quia etiam vivus est templum Spiritus sancti: *Membra vestra templum sunt Spiritus sancti.* 1. Cor. 6. 19. Sed in vivos (replicabit) quod fomes adest, qui hominem redigit sub potestatem peccandi. Respondeo: Ergo corpus Adae ante peccatum erat sacrum? Praeterea, potentia ad peccandum non efficit, ut mutetur species sanctitatis corporis. Item nec fomes nec periculum peccandi efficiunt, ut *hic et nunc* vivens non sit templum Spiritus sancti: tanto magis

quod fomes iste nullum reatum aut maculam in animam inducit, nam gratia Redemptoris baptizatis omnes peccati maculas extergit, et cumulatissime omnia eius damna reparat.. *Copiosa apud eum redemptio.* Ps. 129. 7. *Ubi autem abundavit delictum, superabundavit gratia.* Rom. 5. 20. *Ego veni, ut vitam habeant, et abundantius habeant:* Ioan. 10. 10. Unde definitivè Trident. (*Sess. 5. in decr. de pecc. orig. can. 5.*). per Baptismum animas immaculatas reddi, et fomitem nihil nocere, imo prodesse ad maiorem mercedem recipiendam non consentienti: *In renatis enim nihil odit Deus . . . innocentes, immaculati, pari ac Deo dilecti effecti sunt, etc. Manere autem in baptizatis concupiscentiam, vel fomitem haec sancto Synodus fatetur et sentit: quae cum vi agnitionem relicto sit, nocere non consentientibus non valet, quinimo, qui legitime certaverit, coronabitur.* Itaque ratio, quod sent Spiritus sancti organa, non efficit. ut corpus fidelis vivi vel defuncti sacrum habeatur; alias vivis, etiam sine pravo animo, maledicere, semper esset peccatum grave: et oppositum certum est, ut ipse adversarius admitat. Unde ad aliam rationem (si forte adversarius eam reperiatur) confugere opus est, ut probet defunctorum corpora sacra esse. Nec valet dicere quod maledicendo vivum potest praesciendi, eum non considerando ut templum Spiritus sancti, sed mentem ad alia motiva peculiariter applicando, v. g. ad iniurias quibus ab eo affectus est. Et ego subsumo: et cur haec praecisio effici non potest etiam respectu defunctorum, iis maledicendo ratione habita alicuius molestiae, qua ab eo affectus sit, sed sine pravo animo? Praeterquam quod (ut scripsimus in prima epistola) plerumque hae maledictiones potius in vivorum contumeliam, quam in defunctorum effutuntur. Sed (dicit) hoc nentiquam effici potest, quia defunctorum cor-

pōra sunt sacra; sed hic redit quaestio, quia hoc est quod controvertitur; nos enim dicimus nullum defunctorum corpus pro sacro habendum esse, nisi cum Ecclesia sanctum illud esse declarat, atque praecipit illud uti sacrum venerandum esse, elevando venerationem ab ordine humano ad supernaturalem et divinum, ut mox cum s. Thomae auctoritate videbimus.

Sed replicabit auctor, quod iuxta eundem s. Thom. 2. 2. q. 26. a. 6 reliquiae Sanctorum veneratione dignae sunt, quia huiusmodi corporum animae Deo actu fruuntur; et quod propterea defunctorum corpora (ait), licet cultu duliae venerari nequeant, non possunt tamen sperni, cum sint sacra: pie enim credendum est eorum animas salvas esse. Igitur, respondeo, defunctorum corpora, cum sint sacra, eis sacer cultus exhibendus est? Sed vellem scire quinam sacrorum cultuum eis exhibendus sit? Adversarius fatetur non deberi cultum duliae, sed ego nullum alium reperio qui ab Ecclesia aut a dd. assignetur, nec capere possum quod alia cultus sacri species assignari possit, praeter latria, hyperdulia, et dulia. Sed (insurgit) ad quem cultum reducitur altarium, vestium, et vasorum veneratio? Respondeo quod reducitur ad cultum latria, nam hae res per se nullum cultum merentur: dum cum execrantur, non amplius sacro cultu venerantur, sed *relative* sive *reductive*; unde eorum cultus reducitur ad cultum latria ratione sacrificii ad quod ordinantur. Ideoque dico quod cum defunctorum corpora cultu latria, vel alio sacro venerari non possint, inter sacra numerari non debent. *P. Suar. (opusc. defens. fid. cath. adv. Ang. sect. errores, lib. 2. c. 10. n. 14. circa fin.)* loquendo de veneratione debita Sanctorum, et caeterorum defunctorum reliquiis, dicit: *Imo insuper addo, hanc ipsam consuetudinem (nempe venerandi uti sacras reliquias San-*

ctorum) ostendere, longe altiori modo Ecclesiam de Sanctorum reliquiis sentire, quam vulgare hominum mortua corpora soleant reputari. Occurrit mihi quod etiam s. Gregorius Nyssenus, loquendo de corporibus Sanctorum et caeterorum fidelium vulgari morte defunctorum, dicit nullam paritatem esse inter honorem qui illis exhibendus est, et illum, qui aliis; nam subiungit quod corpora aliorum defunctorum omnes horrent, ei ab illis fugiunt; sed ad corpora Sanctorum quia sacra sunt quilibet se appropinquare optat, et tactu se credit sanctificari. Afferamus eius verba, quae de corpore sancti Theodori afert (in *orat. des. Theod.*): *Corpus s. Theodori ad alia corpora quae communi et vulgari morte dissoluta sunt, nec comparandum quidem est . . . nam caeterae quidem reliquiae abominabiles plerisque sunt, ac nemo lubenter sepulchrum praeterit, aut si ex inopinato apertum offendit, praetercurrit. At si venerit in aliquem locum similem huic, ubi hodie noster conventus habetur, ubi memoria iusti, sanctaeque reliquiae sunt, primum quidem earum rerum quas videt magnificentia oblectatur. . . cupit deinceps ipsi conditorio appropinquare, sanctificationem ac benedictionem contrectationem eius esse credens.* Hinc notandum quam alia sit veneratio quam Ecclesia, et fideles Sanctorum corporibus exhibent, et alia qua aliorum defunctorum corpora honorantur.

Quoad venerationem autem debitam corporibus quorum animae Deo fruuntur; respondemus quod ratio s. Thomae non potest valere, nisi pro solis Sanctis ab Ecclesia declaratis, de quibus tantum Angelicus loquitur: S. enim Thomas ex ratione quod animae Sanctorum Deo fruuntur, procedit ad demonstrandum quod eorum corpora veneranda sunt. Ad percipiendum igitur quid sanctus Doctor sentiat, et quae sit rei veritas, distinguendae sunt duae species cogni-

tionis, qua nos scimus, et credimus animam alicuius Deo frui; humana una, superhumana, et divina altera ex Ecclesiae declaratione. Nunc certum est venerationem illam corporibus Sanctorum, de quibus loquitur sanctus Thomas, debitam non posse applicari nisi ad illa corpora, quorum animas beatas esse scimus cognitione revelata nobis per Ecclesiam, quae elevat honorem qui eis debetur ex ordine humano ad superhumanum.

Hinc fit non sufficere nobis pro sacro habere aliquem defunctum, etiam morali certitudine, ut debeat a t possit eius corpus sacro cultu venerari, sed requiritur ut Ecclesia authentice nos certos faciat certitudine ipsi divino lumine communicata, animam illius defuncti iam cum Deo in coelis regnare. Audiamus verba s. Thomae *Quodlib. 9. art. 16. ad 1.* Ibi ad objectionem quam praemittit quod non possint venerari Sancti, quia de ipsorum beatitudine moralis certitudo haberi non potest, Sanctus (*ad primum*) ita respondet: *Dicendum quod Pontifex, cuius est Sanctos canonizare, potest certificari de statu alicuius per inquisitionem vitae, et attestationem miraculorum; et praecipue (nota) per instinctum Spiritus sancti, qui omnia scrutatur profunda Dei.* Itaque propter quamcumque moralem certitudinem, sed humanam, et naturalem, nos non debemus nec possumus pro sacris habere fidelium defunctorum corpora, nec eis exhibere cultum sacrum, nisi post eorum canonizationem; tunc enim Ecclesia ex illa notitia supernaturali, quam ex Spiritu sancti instinctu habet, sicut dicit Angelicus, transfert venerationem erga illud corpus ab ordine humano ad ordinem superhumanum, et divinum. Idem apparere expressum in Decretis Urbani VIII. spectantibus ad cultum servorum Dei, non adhuc canonizatorum aut beatificatorum (vide apud *Benedictum XIV. de canoniz. ss. lib.*

2. cap. XI.); in quibus praecipue statutum fuit ut in scribendis vitis, aut gestis Italium Dei servorum sequens protestatio auctoris praemitteretur: *Profitetur me haud alio sensu, quidquid in hoc libro refero, accipere, aut accipi ab ullo selle, quam quo ea solent quae humana dumtaxat auctoritate, non autem divina catholicae romanae Ecclesiae, aut sanctae Sedis apostolicae nituntur: notentur haec verba, quae humana auctoritate, non divina Ecclesiae, etc.* Itaque servorum Dei gesta aliam non habent fidem, et venerationem, quam humanam: sed cum eos Ecclesia sanctos declarat, tunc veneratione ex humana ad divinam extollitur propter Ecclesiae divinam auctoritatem. Hinc est quod ut alicui defuncto cultus aliquis praestetur sacer, qui superhumanus sit, necesse est, ut principium aliquod, et cognitio superhumana habeatur de sanctitate obiecti, media illustratione divina nobis per Ecclesiam communicata. Et propterea cum sancti iam ab Ecclesia declarati sunt, sacra evadunt non tantum eorum ossa, sed etiam vestes, litterae, et caetera quibus ii usi sunt; et irreverentia gravis, et sacrilegium esset iis praecisa necessitate ad profana uti. Quod quidem contra de rebus mortuorum non adhuc canonizatorum, licet qualemcumque de eorum coelesti beatitudine haberemus notitiam, id efficere veritum non est.

Quamquam concedimus quod cum veneratione possumus reliquias alicuius defuncti cum sanctitatis opinionione apud nos habere, eum invocare, effigiem depingendam curare, et alia id genus efficere, quia haec cultus sacri rationem non habent, sed sunt dumtaxat religionis actus (non autem civiles) qui, ut dicit p. Ioan. a s. Thoma, auctoritatem cuius mihi adversarius obiicit, et ut etiam docet Bellarminus (*Contr. 4. l. 1. c. 10. n. 4. et 7.*) et Bened. XIV. de canon. ss. l. 2. c. 7. n. 4.

et 7. adhiberi possunt aequae erga defunctos, ac erga vivos. Imo ex hoc infert Bellarminus licitum esse eos actus erga defunctos adhibere, quia vivis licite praestari possunt: *Si licet* (sic ille concludit) *honorare vivos, quos credimus sanctos, cur non mortuos?* Et cum nonnulli hanc Bellarmini doctrinam carpsissent, nempe quod venerari concedebat sanctos non canonizatos, sic eam vindicavit dicendo, quod ipse alium non concedebat non canonizatis cultum, nisi illum qui vivis exhiberi solebat, apud Bened. loc. cit. cap. 9. n. 1. Dixi actus religionis, quia alius est actus religionis, alius est cultus sacer: deosculari manus servo Dei, se eius precibus commendare, pedes ei lavare, et caetera, hi sunt quidem religionis actus, quia a religione manant; non sunt autem cultus sacri, cum erga res sacras non exerceantur. Et ita pariter mortuos in loco sacro sepelire. thure suffire, pedes deosculari, reliquias eorum venerari, sunt quidem caeremoniae sacrae ac religionis actus, non sunt autem cultus sacer.

Profecto caeremoniae sacrae dicuntur, et vero sunt, quia illae seipsas respiciunt, quae sacrae sunt prout ab Ecclesia praeceptae; sed cultus sacer dici nequeunt, quia cultus obiectum erga quod adhibentur respicit; ideoque nunquam dici potest cultus sacer cum obiectum sacrum esse non constat. Praeterea sunt utique actus religionis; et hic fateor quod in mea prima responsione (nescio quomodo) error excidit; nam cum dicere deberem thurificationes, et benedictiones, et alias caeremonias, quas erga defunctos adhibere solemus, non esse cultum sacrum, dixi non esse actus religionis. Affirmo quidem, nec dubito quin actus religionis sint; sed non proinde sunt cultus sacri, et per consequens non est quod propter praefatos actus, qui adhibentur erga defunctos, corpora eorum tamquam sacra habenda

sint, atque ideo possint ea cultu sacro venerari. Propterea Alexander III. cap. 1. de reliq. et ss. venerat. absolute prohibuit venerari pro Sancto aliquom nisi Ecclesiae auctoritas accedat: *Cum etiam si per eum miracula fierent, non liceret vobis ipsum pro Sancto absque auctoritate Ecclesiae romanae venerari.* Et quamvis olim pro Sanctis sine Ecclesiae declaratione, sed populorum consuetudine aliqui venerabantur; nihilominus respondet Bellarm. loco cit. (cap. 8. in fin.) quod hoc ex tacita Papae approbatione licebat: *Sicut consuetudines aliae vim habent legis ex tacito consensu principis; ita Sancti alicuius cultus ex consuetudine introductus, vim habet ex approbatione tacita, vel expressa Pontificis.*

Repono igitur: ego non dubito quin ritus quos adhibet Ecclesia erga defunctos sint caeremoniae sacrae, et religionis actus, non autem cultus sacer; prout revera Rituale romanum, loquendo de exequiis, ritus qui adhibentur in sepelitione mortuorum, non iam vocat cultum sacrum, sed tantum *mysteria religionis, et signa christianae pietatis*, sic dicens: *Sacras caeremonias ac ritus quibus Mater Ecclesia in filiorum suorum exequiis uti solet, tamquam vera religionis mysteria, christianaeque pietatis signa, et fidelium mortuorum saluberrima suffragia, parochi summo studio servare debent.* Addo duas alias animadversiones, ex quibus hoc fit clarius. Primo si talis cultus esset sacer, etiam esset cultus publicus, siquidem ille a publico ministro Ecclesiae adhibetur; et hoc certum est quod fieri non potest, dum ipsa Ecclesia prohibet ne cultus publicus cuivis ab ea pro Sancto aut Beato non declarato exhibeatur. Praeterea, dicit s. Franciscus Salesius, quod cultus sacer defunctis non praestatur nisi in protestationem eorum virtutis excellentis; et cognitio huius excellentiae certa esse debet. Quomodo autem dici poterit quod ritus,

qui erga defunctos exercentur, sint cultus sacer, cum de defunctis (communiter loquendo) non habetur haec eorum excellentis virtutis cognitio? Imo pro comperto habetur, quod inter fideles defunctos non pauci sunt, qui aeterno igne cremantur, et interim hi ritus indifferenter erga omnes practicantur. Igitur dicendum est Ecclesiam tales ritus pro sacro cultu non habere.

Argumentum quoddam praevenio, quod mihi obiici posset; si ergo conceditur quod mortuos venerari sit actus religionis, eis maledicere procul dubio erit religioni actus oppositus. Respondetur prius per instantiam: si hoc argumentum valeret pro defunctis, valeret etiam pro vivis, nam venerari servos Dei viventes actibus superius descriptis, ut ostendimus, etiam est actus religionis sive cultus religiosus, unde maledicere huic tali servo Dei, etiam praeciso animo pravo, esset pariter grave sacrilegium; sed nemo hoc dicit. Sed responsio directa affertur. Distinguendum atque videndum est ex quo motivo talis actus religionis proveniat; si provenit ex motivo ipsius obiecti, quia obiectum sacrum est, contumelia in illud tunc est peccatum religioni adversans, et est sacrilegium; sed si actus honoris procedit a pietate religiosa fidelis, tunc utique erit actus religiosus, quia a motivo religionis procedit; sed maledictio in obiectum non erit actus contra religionem, quia non est actus, qui ad obiectum sacrum refertur.

Adversarius in dissertatione admiratur, et imprudentes (ne dicam temerarios) sincera fronte appellat eos, qui in confessionario aut in suggestu dicunt non esse ex se grave mortuis maledicere. Sed ego, et alii mecum admirantur eos qui sibi scrupulum non faciunt absolute praedicare hanc maledictionem esse peccatum mortale, atque blasphemiam. Ad hoc ut dicatur quod actio aliqua non sit peccatum grave, sufficit ut vera proba-

bilitas habeatur, quod tale non sit, quemadmodum omnes fatentur, intelligo illam, quae fundamento non tenui innititur, sed tali, ut tuto (iuxta sententiam communem, seposita quaestione de probabiliiori, et minus probabili) possit teneri et doceri. Et parvi aut nihili faciunt ad nostram rem duae illae doctrinae, quas mihi adversarius opponit, s. Augustini unam: *Graviter peccaret in rebus ad salutem animae pertinentibus, vel eo solo quod certis incerta praeponeret. Lib. 1. de Bapt. cap. 3. n. 4. in fine, et cap. 5. n. 6. Si incertum est esse peccatum, quis dubitat certum esse peccatum?* Nam ibi s. doctor loquitur de eo, qui operatur in dubio circa res ad salutis aeternae necessitatem spectantes, in qua re quilibet tenetur certum sequi. Praeterquam quod ibi Sanctus sermonem habet de quodam Donatista, qui cum certus esset in catholica Ecclesia rite et recte Baptismum conferri; contra dubius erat an recte in sua secta eum reciperet; integrum textum exhibebo (dicto c. 5.): *Si dubium haberet non illic recte accipi quod in Ecclesia catholica recte accipi certum haberet, graviter peccaret in rebus ad salutem animae pertinentibus, vel eo solo quod certis incerta praeponeret.* Et deinde (dict. c. 5.) *Accipere itaque in parte Donati, si incertum est esse peccatum, quis dubitat certum esse peccatum, non ibi potius accipere, ubi certum est non esse peccatum?* Quis dubitat quin iste Donatista certo peccaret? Sed non dicebat s. Augustinus; quod qui ex vera et solida probabilitate operatur, cum dubium non versatur circa ea quae ad salutis necessitatem pertinent, prout est Baptismus, et cum actio non est certo illicita: lex enim dubia non imponit certam obligationem, iuxta id quod docet Angelicus *Quodlib. 14. de verit. art. 3. Nullus ligatur per praeceptum aliquod nisi mediante scientia illius praecepti.* Et idem probatur ex cap. *Cum iure 31. de offic. et pot. iudicis deleg. Nisi de*

mandato certus extiteris, exequi non cogeris quod mandatur. Idem in can. Sicut quaedam, distinct. 13. ubi s. Leo haec scribit: In his, quae vel dubia fuerint, vel obscura, id noverimus sequendum, quod nec praeceptis evangelicis contrarium, nec decretis ss. Patrum inveniatur adversum. Hoc locum habet in quantum asseri potest, quod aliqua actio non sit graviter illicita. Sed ut affirmetur absolute aliquam actionem esse peccatum mortale, non sufficit opinio probabilis, nec etiam probabilior: nam probabilior non excludit rationabilem timorem errandi: unde non efficit quod lex non remaneat dubia, et quod opinio opposita non possit esse vera, si vere probabilis est: quapropter cum agatur de Sacramentis, non est licitum sequi probabiliorum cum opposita est probabilis, licet minus probabilis. Ad hoc igitur ut actio aliqua sit graviter illicita, requiritur certitudo, prout docent omnes cum s. Raymundo, qui (lib. 3. de poenit. § 21. scripsit: Non sis nimis pronus iudicare mortalia peccata, ubi tibi non constat per certam scripturam. Itaque Sanctus monet ne iudicetur aliqua actio esse peccatum mortale ubi non constat tale esse; et cum dicat Sanctus ubi non constat, semper reprobare intelligit tamquam excessum asserere aliquod esse peccatum grave, quoties de illius gravitate non constat. S. Antoninus pariter dixit (P. 2. tit. 1. cap. 11. § 28.): Quod sine periculo peccandi determinari non possit aliquam actionem esse peccatum grave, nisi aperta scriptura, aut Ecclesiae determinatio, aut ratio evidens non habeatur: Quaestio in qua agitur (sunt verba Sancti) de aliquo actu, utrum sit peccatum mortale vel non, nisi ad hoc habeatur auctoritas expressa Scripturae aut Canonis Ecclesiae, vel evidens ratio, periculosissime determinatur. Quia (ut subiungit) qui determinat sine aliquo expredictis momentis aedificat ad gehennam, conicit animas in periculum damnationis. Hinc

sapientissime Bened. XIV. in suo opere de Synodo, in plerisque capitibus nihil aliud Episcopos monet, quam ne unquam peccati gravis eas dampnent opiniones, quae uti probabiles dd. utriusque partis defendunt.

Adversarius meus caeteroquin usque eo progressus est, ut conclusionem theologicam suam opinionem appellet. Ego nolo me ingerere ad decidendum, utram eius opinio pondere, et quo pondere probabilitatis fulciatur, sed nescio an *conclusio theologica* dici possit, cum nullus Scripturae textus pro illa habeatur, nec Ecclesiae definitio extet, nec ratio evidens, nec dd. communis auctoritas, imo nec unus, qui iuxta eius opinionem scripserit, reperiat. Adducit ille textum s. Isidori Pelusiot. (lib. 5. Epistolarum, epist. 491): *Vivi incessunt etiam mortuos; et hostes foedus ineunt! Cur igitur et naturae leges, et inimicitarum superas terminos, vita functos maledicens? Videris enim in cinerem ac favillam linguam acuire; sed primo violas sanctimoniam, cui omnes mortales studeant oportet. Deinde immortalem habet animam, cuius vindex est oculus Dei pervigil.* Sed in libro, qui apud me est, typis edito Romae anno 1629. reperio non ita, sed aliis verbis textum praefatum esso conceptum (pag. 370.); sic enim ibi legitur: *Vivi solent calumniis incessi, cum iam defunctis etiam hostes conciliantur, et foedus ineunt. Cur igitur ipse, et naturae et inimicitarum terminos transgredieris, dum vita iam functum calumniaris, et laccassis? nam putas quidem te solum adversus cinerem, et pulverem linguam stringere, sed heus! primum ipsum sacrosanctum sepulturae ius violas, quod tamen nemo non ambit, et habere studet: deinde habet is animam immortalem, cuius oculus ille pervigil, et semper excubans vindex est. Iudicent nunc alii, si haec auctoritas quid momenti opinioni conferat adversarii mei, qui defunctorum fidelium corpora omnia tamquam sacra veneranda esse con-*

tendit. S. Isidorus sacrum appellat ius sepulchri, non autem corpus defuncti. Sed praeterea adversarius sibi assentatur omnia sibi favere. Scripturas, Ecclesiae definitiones, dd. communem auctoritatem, et evidentes rationes. Scripturae sunt... *Neque maledicti regnum Dei possidebunt.* 1. Cor. 6. 10. (*maledicti*, explicat Calmet, qui convicium in faciem proferunt, vel de absente obtrectant). Ecclesiae definitionem dicit esse disciplinam qua ipsa utitur in sepeliendis fidelibus. Pro se etiam habet communem dd. auctoritatem, dicendo quod moralistae ideo de hac sententia non dissenserunt, quia iuxta eorum regulas apud ipsos pro certa habita est. Tandem habet pro se rationes evidentes quae illae utique sunt quas ipse in sua dissertatione exposuit. An haec suadeant, nolo meo iudicio quaestionem decidere, sed sapientes omnem controversiam exhauriant.

Caeterum loquendo de mea sententia, ut superioribus paginis retuli, praeter tres auctores ibi citatos, qui de hac re scripserunt, curavi rem hanc a multis examinandam, et praesertim ab omnibus congregationibus missionariorum civitatis Neapolis, in quibus, quia missionariorum theologiam moralem praecipue omnes profitentur, et ibi (ut omnibus comperitum est) selectiores cleri Neapolitani coadunantur viri. Hic adversarius meus Socratis quemdam textum in medio afferens, innuit quod non omnes ea sunt solertia praediti, ut sint magistri idonei ad similes enucleandas quaestiones. Concedo quod non omnes sunt magistri; sed cum mihi praefatae congregationes totius corporis nomine responsum dedissent, supponendum est, resolutiones non a minus sapientibus, sed a sapientioribus datas fuisse. Praefata quaestio, ut iam prius scripsi, fuit etiam Romae ex mandato Benedicti XIV. discussa, et iuxta mentem ipsius Pontificis (quam caeteroquin numquam animo intendi hanc fuisse definitio-

nem ex cathedra) quaestio resoluta fuit, quod peccati mortalis reatu careret. Sed ille scribit quod non tenetur fidem praestare, nec huic examini adhibito, nec resolutioni Romae datae. Nec eo unquam meus appulit animus, ut cogerem eum ad id credendum: sed id ego scripsi, quia vehementia mihi adsunt momenta, ne in dubium id revocem; dum mihi testatus est tamquam testis ex propria scientia, et de visu (ille enim propriis oculis aspexit Pontificis schedulam) quidam sacerdos religiosus, doctus, et in hac controversia minime affectus; proptereaque existimavi alios qui ad utramque sententiae partem indifferentes sunt, prudenter et non abs ratione id credere etiam posse. Caeteroquin, quantum ad me, tanto certius hoc mihi visum est, ut non dubitaverim hoc idem in eodem opere morali a me congesto, quod eidem pontifici dedicavi et praesentandum curavi scribere, et rem uti mihi ille testatus fuit exponere. Quod reliquum est, si meus adversarius bono fine deductus id scripsit, ego etiam pro certo habeo non inductum fuisse ad id scribendum aliqua animi adhaesione, aut contendendi lubentia (esset quidem optimum, ut postquam ex saeculi laqueis me expedissem, ut in aeternae salutis tuto animam meam collocarem, id aggredi contenderem, quod ad damnationem meam obduceret, et cur? ut inanem gloriam, melius dicam, ut perpetuum dedecus in defendenda opinione falsa acciperem!) sed fine recto et bono, ut ex loco peccati liberarem tam multos, qui habitum contraxerunt ad mortuis maledicendum, et qui, non obstante quod credant (erronee, meo iudicio) esse peccatum grave, prout eis assertum erat, prosequerentur effluviis ad eas maledictiones effluendas. Quod autem meus adversarius voluerit me appellare *obstinatum et falso zelo impulsam*; hoc omissum facio, sciens quoniam *qui iudicat me, Dominus est.* 1. Corinth. 4. 4.

Ad haec subiungo epistolam responsivam ad me rescriptam a reverendiss. abbate d. Bartholomaeo de Marco Basiliano (cui hanc epistolam meam perpendendam misi), viro quidem maximi pro eius doctrina habito, tum apud ipsius religionem, quae praestantissimis muneribus eum decoravit, tum etiam quoquoersum Neapoli et Romae etc. magistro in sacra theologia, quam ipse per plures annos cum omnium plausu docuit, et 30. aut 40. annos in excipiendis confessionibus exercitato. Ego animi pendebar utrum huc afferre deberem nec ne sequentem illius epistolam; sed mihi consilium datum est, ut duobus ex motivis id efficerem, 1. ut omnibus notum fiat me, ut cautius agerem, et ne proprii sensus adhaesione deciperer, prout iam me deceptum autumat meus adversarius, semper solitum fuisse aliorum doctorum consilium exposcere: 2. ut patefaciam quam tum de mea, tum de opposita sententia, caeteri praestantes viri existimationem habeant. Epistola est sequens:

Reverendiss. Padre, Sig. e Pad. Col.

Da molto tempo fa ebbi la consolazione di leggere la sua erudita dissertazione sopra l'imprecazione dei morti, sostenendo che non sia colpa grave il maledirli, siccome tal è il sentimento mio e dello persone più saggie, colle quali su di ciò ne ho tenuto spesso discorso. Ora per sua bontà mi manda la risposta fatta ad un suo contraddittore, nella quale ho ammirata la sua dottrina, o aggiungendo ragioni a ragioni l'ha resa quasi dimostrativa, nè saprei con qual fondamento il suo contraddittore difenda che sia colpa grave, sembrandomi i motivi addotti da lui di non momento, conforme li lessi in un libretto mandato dal medesimo alle stampe, e che V S Reverendiss. gli ha sodamente confutati, e presentemente li confuta. Certamente io non comprendo come possa esser peccato

mortale il maledire i morti. Lodo poi la sua moderattezza in chiamar probabile questa sentenza, che dice non esser colpa grave la bestemmia de' morti; dovea più tosto chiamarla moralmente certa, e per conseguenza l'opposta, che si difende dal suo contraddittore, moralmente falsa, e di debole e tenue probabilità.

Io dunque non ho avuto nè che togliere, nè che aggiungere, nè che mutare della sua dotta scrittura: o prego il Signore, che illumini la mente del suo contraddittore, e di alcuni pochi compagni, che fan pompa di trovar la colpa in ogni piccola azione. V. S. Reverendiss. intanto non si arretri di mandar alla luce l'accennata apologetica risposta, che ne sarà applaudita, come ne fu in tutte l'altre sue opere. Mi raccomando alle sue orazioni, e facendole riverenza con ogni rispetto le bacio le mani.

Di V. S. Reverendissima

Mater Domini 14. giugno 1758.

Umiliss. servitore, obligat. e divotiss.

Bartolomeo di Marco Abbate.

Subiungo haec pauca. Praefatus Abbas reverendissimus, ut scribit, videtur supponere a me opinionem meam duntaxat uti probabilem haberi. Hoc a me dictum non est: dixi tantum quod ad hoc ut affirmari possit, culpa gravi actionem aliquam carere, sufficiens esse quod probabile sit non esse gravem. Caeterum nolui indicium ferre, utrum mea sententia sit nec ne moraliter certa; cum hoc sapientium iudicio committam; sed caeteroquin ego illam plus quam probabilem esse duxi et duco.

Nuper alia prodiiit epistola adversarii, cui respondere opus esse minime censemus; sufficiunt quae iam respondimus. Si autem forte putat adversarius in controversiis eos remanere victores, qui ultimo loco scribunt, huiusmodi victoriam valde libenter illi concedimus.

CAP. II. De iuramento.

12. Quid est iuramentum, et quanam sint formulæ iurandi.
13. Quotuplex est iuramentum.
14. Conditiones iuramenti liciti.
15. et 16. An liceat iurare cum aequivocatione.
17. Qui iurat sine animo iurandi.
18. Iuramentum non obligat ad illicita.
19. Quot modis tollitur obligatio iuramenti.
20. De adiuratione et exorcismis.

12. Iuramentum definitur: *Invocatio nominis divini in veritatis testimonium*. Iurat igitur qui dicit: *Per Deum; per Sanctos; per res sacras; per creaturas*, in quibus modo speciali relucet bonitas, aut potentia Dei, nimirum *per Ecclesiam, Crucem, Sacramentum, Evangelium, animam, coelum, terram, etc.* Sed iuramentum non facit qui iurat per conscientiam, per fidem suam (non intelligendo fidem divinam), aut qui dicit: *Vivit Deus; Deus hoc videt; Est verum tanquam Evangelium*. Sed hoc de verbis illis *vivit Deus, Deus hoc videt*, intelligendum est, si verba tantum enunciative proferantur, ut aiunt Caiet., Ledesma, etc. apud Salmant. *Tract. 17. cap. 2. num. 25.* Alioquin, si dicantur invocative, sunt vera iuramenta; notantque ibi Salmant. cum Azor., Facund., Soto, et Trullench. huiusmodi effata ex communi usu accipi ut invocative dicta, ideoque vera iuramenta censerent. Si quis autem diceret: *Iuro hoc ita esse*, non reputatur verum iuramentum, nisi ille qui exposcit iuramentum, petat expresse iurari per Deum, Evangelium, Sanctos, rem sacram aut per animam; et alter post huiusmodi exquisiitionem sibi factam iurat ita esse.

13. Iusiurandum quadruplex est: *Assertorium*, cum asseritur aliquid: *promissorium*, cum aliquid iuramento promittitur: *execratorium*, sive *imprecatorium*, cum v. g. dicitur: *Deus in me animadvertat, nisi hoc faciam*:

(1) Lib. 3. n. 172.

(2) Salm. tr. 17. c. 2. n. 53. et 54.

comminatorium, cum v. g. dicitur: *Nisi mihi obedias, per Deum efficiam ut te poeniteat; dabis mihi poenas*, etc. Hinc advertatur, quod in iuramento *assertorio* graviter peccat qui asserit falsum. Peccat etiam graviter, qui in *promissorio* iurat sine animo standi promissis. Dico *sine animo*; quia si habet animum servandi promissa, sed postea non servat, et res est parvi momenti; tunc valde probabile est cum Soto, Suarez, Azor., Sanch., Salm., non peccare mortaliter (1); quia in iuramento invocatur Deus ut testis voluntatis presentis, non autem futurae executionis promissae. Sed hic dubium fit: Certum est, quod si promissio est gravis materiae, gravis etiam est culpa eam non implere propter iuramentum emissum; cur autem ratione eiusdem iuramenti non committatur gravis culpa, si non impleatur promissio materiae levis, quandoquidem in periurio parvitas materiae non admittitur? Sed recte respondetur a Salm. (2) cum Soto, Suar., Castropal., etc., quod, cum quis promissionem iuramento firmatam non implet, non iam committit periurium, sed peccat ob infidelitatem, quam erga Deum operatur, despiciendo in materia gravi divinam auctoritatem, quæ adducta est ad promissionem firmandam; at cum promissio est levis materiae, non reputatur gravis defectio fidelitatis, et contemptus qui fit divinae auctoritatis. Id firmatur doctrina s. Thomae, qui sic docet: *Qui aliquid promittit, si habet animum faciendi, non mentitur; si vero non faciat, tunc videtur infideliter agere* (3). Si quis autem iuramento promitteret, sed sine animo iurandi, aut se obligandi, graviter peccaret. Nihilominus probabiliter non teneretur promissis, saltem non sub gravi; Sanch., Castropal., Ronc., s. Anton., Salmant., etc. (4). Iuramentum vero *execratorium*, cum in eo non invocatus est Deus, probabile est

(3) S. Th. 2. 2. q. 110. art. 3. ad 5.

(4) Lib. 3. n. 172. v. An autem.

non obligare sub gravi. Et idem dicendum de comminatorio, imo si poena comminata fuerit iniusta, iuramentum nullo modo obligabit (1). Ideoque iuramenta parentum puniendi filios, saepe saepius non obligant; quia fiunt aut ob res inutiles, aut calore iracundiae (2).

14. Iuramentum ut sit licitum, tres requiruntur conditiones, nempe iudicium, iustitia et veritas. *Iudicium* significat, ne ex vanitate iuretur, sed ex rationabili causa. Defectus autem iudicii non excedit culpam venialem. *Iustitia*, ut res iurata sit iusta: quare graviter peccat qui iurat facere rem iniustam, licet sit leviter iniusta. *Veritas*, ut res, quae iuramento asseritur, sit moraliter certa, saltem aliquo modo (3).

15. Hic quaeritur an liceat iurare cum aequivocatione? Aliud est mendacium, aliud est aequivocum. *Aequivocum* potest esse pluribus modis, aut cum sermo, aut verbum habet unum sensum litteralem, et alterum spirituale, aut mysticum. Aequivocum dicitur etiam restrictio *non pure mentalis*, quia pure mentalis est omnino prohibita, uti habetur ex propos. 26. damnata ab Innoc. XI. in qua generaliter dicebatur licere negare *se fecisse aliquid quod revera fecit*, dummodo negans intra se intelligat *aliquid aliud quod revera non fecit*. *Pure mentalis* est cum nullo modo proximus potest animadvertere aequivocum. *Non pure mentalis* est cum ex circumstantiis potest proximus arguere quod tu loqueris, intelligens intus aliud, quam propositum ex se significat; v. g. si aliquid sub sigillo scias, potes dicere: *Nescio*; nimirum nescio eo modo, quo possim illud detegere: prout dixit Iesus Christus, nescire

tempus novissimi iudicii: *De die autem illo vel hora nemo scit ... neque Filius. Marc. 13. 32.* intelligendo, quod nesciebat uti homo; aut, ut melius dicunt Gotti, Tourn. (4), quod nesciebat, ut revelaret. Sic etiam sentit s. Thomas (5): *Dicitur nescire diem, quia non facit scire*. Idem est ac si dixisset, nescio ad manifestandum aliis. Et idem sentiunt s. Ioan. Chrysost., s. August., s. Hieron., s. Ambros., s. Athanas., s. Basil., s. Hilar., etc. ut testatur Suarez (6). Pariter illud Christi: ... *Non ascendo ad diem festum, Ioan. 7. 8.* intelligendo *manifeste*, dum ipse iam occulte se contulit ad templum. Cum ergo iusta adest causa, bene possumus licite respondere, imo iurare cum aequivocatione, sive restrictione non pure mentali, ut communiter dicunt Soto, Gonet., Palud., Wig., Laim., Carden., Holzman., Salmant., Tournely, Croix, Viva, etc. (7). Adde Adrianum, Caiet., Riccard., Armil., Tabien., Silvest., Soto, et Navarr. (8); quia tunc non intenditur decipere proximum (quod semper est illicitum), sed permittere ut ipse decipiatur, cum nec semper teneamur respondere ad mentem interrogantis. Nihilominus hoc non licet in iudicio, quia quisquis a iudice interrogatus legitime tenetur veritatem dicere; quare qui iurat cum aequivocatione, peccat contra iustitiam legalem (9).

16. Sed extra iudicium dicunt dd. multi, quod si quis iam confessus sit peccatum uni confessario, interrogatus postea ab alio potest dicere se illud peccatum non admisisse, intelligendo non admisisse, ita ut denuo teneatur illud confiteri. Advertatur tamen hic quod quilibet tenetur patefacere peccandi consuetu-

(1) L. 3. n. 134. ad 6. et 143. (2) n. 186 v. Parentes. et 187. (3) L. 3. n. 144. ad 150. (4) Tourn. de incarn. quaest. 11. art. 2. v. Quo autem. (5) S. Th. 3. p. q. 10. a. 2. ad 1. (6) Suarez t. 1. in 3. p. q. 10. a. 2. (7) L. 3. ex n. 151. (8) Adrian. 4. Sent. q. de sig. conf. Caiet. Opusc. 16. resp.

q. 5. Riccard. in 4. Dist. 18 Armil. v. Iuramentum n. 16. Tabien. v. Iurare §. 13. n. 14. Silvest. v. Mendacium q. 6. §. 4. et v. Iuramentum qu. 3. §. Licet. Soto de iust. l. 5. q. 6. a. 2. Navar. Man. c. 12. ex n. 8. et c. 18. n. 61. et c. 25. a. 94. (9) Lib. 3. n. 155.

dinem, cum interrogatur a confessario, ut constat ex propos. 58. damnata ab Innoc. XI. Ita etiam si quis pauper habet unum panem, requisitus ad mutuandum panem, potest dicere se non habere (1), quia ex circumstantia paupertatis bene possunt alii arguere, quod ille loquitur in alio sensu, nempe quod non habeat tantum ut possit alii dare. In his et similibus tutius erit respondere: *Utinam et haberem!* aut *Et quis hoc habet?* Et ubi reperitur panis? (2).

17. Si quis iurat sine animo iurandi, et sine animo standi promissis, procul dubio peccat graviter. Si contra iurat cum animo standi promissis, sed sine animo iurandi, probabile est quod tantum venialiter peccat, quia tunc nulla alia adest culpa, quam in vanum Deum nominare. Et idem est, si iurat sine animo se obligandi, quia talis promissio non est verum iuramentum promissorium, nec vera promissio, sed potius iurat se nunc habere voluntatem dandi. Si autem iurat sine animo adimplendi, sed vero animo iurandi, tunc peccat graviter, et tenetur ad promissa, licet non habuisset animum se obligandi, quia tunc obligatio oritur ex ipso iuramento, quod ob divini nominis reverentiam obligat ad verificandum quod iuratur, modo ille sciat obligationem iuramenti, quod revera non obligat praeter intentionem iurantis, ut dicit s. Thomas (3).

18. Iuramentum nunquam potest obligare ad faciendum illicitum; et ita nec ad implendum inutile, aut quod impedit maius bonum, ut si res esset contra consilia evangelica. Advertendum tamen quod, cum iuramentum est factum in favore tertii, tunc adimplendum est semper ac potest sine peccato. Hinc qui iurat solvere usuras, aut dare bona sua latroni, tenetur ea praestare, licet po-

stea possit compensationem facere (4). Et est probabile etiam cum Sanch. et La-Croix, quod tunc potest iurari se daturum fore, subaudita conditione, nisi obtineat a praelato relaxationem iuramenti; itaque ea obtenta, non amplius tenetur (5). Quod si promissio irrita facta fuisset a iure ob bonum commune, ut esset promissio facta concubinae a clerico, aut renunciatio fori ecclesiastici, aut iuramentum timore extortum pro religiosa professione, aut pro matrimonio, aut sponsalibus; tunc plane iuramentum est nullum (6). Caeterum omne iuramentum intelligitur factum sub sequentibus conditionibus: 1. Si ille cui promissio facta est, eam acceptet, aut non eam remittat. 2. Nisi status rerum notabiliter mutetur; aut nisi adsit aliqua circumstantia, quae si praevisa fuisset, iuramentum praestitum non esset. 3. Si non cessat causa finalis, ob quam promissio facta est. 4. Si altera pars observat, quod pollicita est. 5. Nisi Superiores prohibeant quominus promissio executioni detur (7). 6. Si promissio adimpleri potest sine gravi damno (8). Hinc si promittis secretum, non teneris ad illud non aperiendum cum gravi tuo damno. Si autem promitteres secretum servare etiam cum periculo vitae, probabile est te non teneri (9). Item etiamsi promittis te secretum non proditurum in medendis morbis, non teneris illud celare cum caeteroquin aliquis esset in gravi periculo mortis (10).

19. Quomodo tollitur obligatio iuramenti? 1. *Irritatione*, quae potest fieri a quolibet, cui est potestas dominativa, ut est pater, Praelatus, Abbatissa, tutor, etc. et hoc etiam, licet sit in praeiudicium tertii, in illis contractibus qui ab ipsis Superioribus irriti fieri possunt (11). 2. *Dispensatione*, aut *commutatione*, quae potest concedi ab illis in quibus resi-

(1) n. 163. (2) n. 153. et seq.

(3) Vid. lib. 3. n. 172. v. Quaeritur.

(4) n. 177. (5) n. 172. in fin.

(6) n. 177. v. Aliter. (7) Lib. 3. n. 180. 187. et 188. (8) n. 183. (9) n. 971. v. Hoc quoad (10) n. 183. v. Iuramenta (11) n. 189.

det talis potestas dispensandi aut commutandi vota (1). 3. *Relaxatione*, quae potest fieri a Praelatis ecclesiasticis cum suis subditis, et etiam a delegatis, qui possunt dispensare vota (2). Hic notetur 1. quod iusiurandum datum in tertii beneficium potest relaxari ab eodem tertio, ut docet s. Thomas (3) cum communi. Et hoc (ut dicunt multi dd.) etiamsi iusiurandum sit exhibitum in honorem Dei, cum tota promissio vergitur in tertii utilitatem, v. g. monasterii, ecclesiae, aut pauperis (4). Notetur 2. quod ad irritationem nulla requiritur causa, bene vero pro dispensatione, commutatione, et relaxatione (5). Notetur 3. quod cum promissio iureiurando firmata est, et a tertio acceptata, non potest ab alio relaxari, nisi ab eodem tertio, cum intercedit contractus. Unde fit quod iusiurandum, sive votum perseverantiae, quod praestatur in aliquibus congregationibus, ut in venerabili congregatione patrum missionis s. Vincentii a Paula, in nostra minima SS. Redemptoris, non potest ab aliis relaxari, nisi a Papa, aut Superiore maiore congregationis; tale enim iusiurandum (sive votum) assumit naturam contractus, qui intercedit inter subiectum, et congregationem, dum congregatio se obligat ad sustentandum, et ad instruendum illum, et contra subiectum se obligat ad inserviendum congregationi: et ita declaravit N. SS. Pontifex Benedictus XIV. in Bulla *Convocatis*. §. 32. sub die 25 novembris 1748. et idem confirmavit in alia Bulla *Inter praeteritos*, §. 5. n. 66. die 3. decembris 1749. (6) Denique notetur quod promissio iurata, etiamsi sit acceptata a tertio, potest relaxari a Superiore, cum illa esset in praeiudicium sui iuris, aut in damnum commune, aut cum iusiurandum timore extortum esset (7).

20. Hic etiam theologi loquuntur

(1) n. 190. (2) n. 192. (3) 2. 2. q. 89. 1. 9. ad 2. (4) n. 193. (5) n. 192.

de *adiuratione*, quae fit, cum aliquis adiuratur sive obsecratur Dei nomine, ut respondeat; aut eius nomine imperatur, ut sit in exorcismis cum energumenis, sive a daemone vexatis, qui exorcismi bene possunt in privato fieri a quolibet, sed solemniter dumtaxat ab Ecclesiae ministris ex licentia Ordinarii. Et qui unquam tali fungitur officio, caveat ne exquirat vana et curiosa, sed utatur praefatis exorcismis tantum ad evitanda damna, et ad liberandum energumenum a daemonis vexatione (8).

CAP. III. De voto.

21. 22. et 23. *De animo se obligandi.*
24. *De materia possibili, et meliori*
25. *De voto emisso ob pravam suam.*
26. *De voto non impetrandi dispensationem.*
27. *Nubendi.*
28. *De non vovendo.*
29. *Nonnulla digna notatu.*
30. *De voto conditionato.*
31. *De voto disunctivo; et de eo qui inmemor voti satisfacit.*
32. *Si tempus elabitur.*
33. *De culpa in differendo.*
34. *De voto religionis.*
35. *De materiae mutatione.*
36. et 37. *De irritatione.*
38. *De commutatione.*
39. et 40. *De dispensatione, et eius causis.*
41. *Si votum fuerit emissum in tertii utilitatem.*
42. ad 44. *Quinam dispensare possunt.*
45. ad 49. *De votis reservatis.*
50. *An Papa possit dispensare in votis solemnibus.*

21. *Votum definitur: Promissio facta Deo deliberata de bono possibili et meliori.* Explicatur definitio. Dicitur 1. *promissio*: intelligitur promissio facta cum animo se obligandi, et quidem obligatione gravi, ad differendum meri propositi, quod ex se loquendo ne obligat quidem sub levi. Quare votum emissum sine animo promittendi, nec se obligandi est omnino nullum. Contra tenetur quidem ad votum qui vult promittere (6) L. 3. n. 255. v. Notandum. (7) n. 192. (8) post n. 193. Append. de Adiurat.

et se obligare, licet nolit illud adimplere, aut vult promittere et satisfacere, conscius voti obligationis quamvis reflexe ad eam non advertat: nam qui vult antecedens, vult etiam consequens (1). Si quis autem vellet promittere, et non se obligare, dicimus istum peccare, sed iuxta probabiliorem non teneretur ad votum, licet conscius esset voti obligationis, quia cum debitum oritur a propria voluntate, nemo ligatur, nisi habeat voluntatem se ligandi. Et tale peccatum (subiungimus) regulariter loquendo non esset nisi veniale; nisi hoc contingeret in profitendo religionem aut susceptione Ordinum sacrorum: nam tunc utique esset mortale; Less. Sanch. Suar. Salm., etc. (2). Imo si quis ordinaretur sine animo se obligandi ad castitatem, iste remaneret ad illam obligatus, saltem ex praecepto Ecclesiae (3). In dubio enim de voluntate se obligandi praesumitur ordinarie illam adfuisse in quolibet voto quod emittitur. Et idem procedit si dubitatur an adverterit ad obligationem voti, ex regula generali quod *quilibet actus praesumitur rite factus*. In dubio vero, an promissio fuerit votum, an propositum, dicimus quod tunc praesumitur fuisse votum, quando ille recordatur credidisse se peccaturum, nisi adimpleret quod promisit (4).

22. Dicitur 2. *Deliberata*, dum ad voti obligationem primo requiritur perfectus usus rationis. Quare votum pueri, si illud fuerit emissum ante septennium, non obligat, nisi constet de usu rationis: sed si emissum fuit post septennium, in dubio obligat, quia tunc bene praesumitur adfuisse perfectus usus rationis, iuxta id quod communiter contingit. Et idem dicendum in dubio an votum fuerit emissum ante, an vero post septennium, ex regula mox tradita, *quod omnis actus praesumitur rite factus* (5).

(1) L. 3. n. 201. (2) n. 201. Quær. II.

(3) Lib. 6. n. 809. Dubit. 2. (4) L. 3. n. 201. Quær. III. (5) n. 196. (6) L. 3.

23. Item requiritur plena et libera deliberatio, qua velit se obligare voto; ideoque votum emissum ex metu iniuste ab aliis incusso ad votum e-torquendum, illud est nullum, et non solum si votum est solemne (quod certum est) sed etiam si est simplex, iuxta probabiliorem (6). Ita etiam nullum est votum, si emissum est ex errore (licet supino), cum error fuit circa substantiam, aut circa aliquam circumstantiam substantialem. Imo probabiliter dicunt Suar. et Sanch. cum s. Thoma (7), quod quilibet error circa circumstantias accidentales liberat a voto, semper ac votum emissum non esset, si a principio cognitus esset error: *Id liberare* (sunt verba Angelici) *a voti vel iuramenti obligatione, quod si a principio notum fuisset, ea fieri impediret* (8).

24. Dicitur 3. de bono possibili et meliori. Dicitur *possibili*, quia alias non tonet votum. Si autem esset possibile tantum in parte, et materia esset divisibilis, esset validum tantum quoad partem possibilem. Et ita etiam deberet adimpleri principale votum, si accessorio non potest satisfieri, sed contra, si principale non est possibile, non est obligatio adimplendi accessorium (9). Item dicitur de bono *meliori*, dum etiam nullum est votum, cum materia est de bono inferiori, aut indifferenti; nisi accideret quod ex circumstantiis redderetur melius (10).

25. Quaeritur hic 1. An sit irritum votum ob malum finem emissum? Distinguaui: Si finis est pravius ex parte voventis, v. gr. si quis voveret ieiunare, ut ex ipso actu voti humanam laudem assequeretur, tunc est validum. Nullum vero erit, si finis est pravius ex parte rei votae, ut si quis promitteret ieiunium, ut laudaretur in ieiunando, aut ut ieiunando expensis parceret. Si autem iste voveret, ut a Deo aliquid tem-

n. 197. (7) In 4. sent. dist. 38. q. 1. a. 3. ad 1. (8) L. 3. n. 198. et 226. (9) n. 203. (10) n. 204.

porale obtineret, aut si finis est positus sub conditione (v. gr. si occideret inimicum), votum est certe validum (1). Item notetur, quod si quis voveret peccatum, licet venialiter, graviter peccaret; quia vellet ut in Dei honorem converteretur quod est illi contumeliae (2). Et idem dicunt de iureiurando aliquod peccatum committendi; ita Marchant. Turrian. et Elbel. (3); licet persaepe ignorantia excuset rusticos.

26. Quaeritur 2. An valeat votum non impetrandi dispensationem? Respondetur affirmative, dummodo non observetur quod dispensatio sit utilior profectui spirituali voventis (4).

27. An valeat votum uxorem ducendi? Ordinarie non valet, licet votum esset ducendi mulierem pauperem, vel meretricem, nisi matrimonium iniretur ad tollendum scandalum, aut ut occurratur honori ablato; aut esto quod homo vellet ducere uxorem aut nollet adhibere alia remedia, ut continens fiat, postquam expertus fuerit suam incontinentiam (5).

28. Quaeritur 4. An valeat votum non amplius vovendi? Valet si quis est nimis pronus ad vovendum cum periculo vota postea non observandi. Unde si postea ipse emittit aliquod votum, peccat, sed votum postea emissum remanet firmum: modo intentionem non habuerit ut omnia futura vota sint invalida, et hanc intentionem non revocaverit, prout revocata iudicaretur, si ipse memor primi voti emisit secundum (6). Si quis autem emisit plura vota impossibilia, teneretur ad dignius; et si essent aequalia, ad anterius iuxta communioem (7).

29. Deveniendi ad voti obligationem, plura advertenda sunt, et I. Si materia est gravis, votum obligat sub gravi; sed si quis vellet ad illud se

obligare sub levi, probabilius est remanere obligatum sub levi (8). Si vero materia est levis, nemo, licet velit, se potest obligare ad illam voto sub gravi. Quod si quis voveret quolibet die unius anni aliquid leve opus ponere, eo casu, cum votum est emissum *per modum unius, ad sollicitandam obligationem* (ut existimatur regulariter in votis realibus), tunc omittendo opus pro tempore, aut in materia notabili, graviter peccaret. Contra si votum sit emissum in *honorem diei ad finiendam obligationem* (prout existimantur vota personalia, v. g. recitandi *salutationem Angelicam* quotidie) tunc omissiones sunt tantum venialia (9). II. Haeres ex iustitia satisfacere tenetur omnibus votis realibus sui testatoris; et haec sunt solvenda prius quam legata, sed post debita iustitiae (10). III. Licitum est patrifamilias emittere vota realia, licet aliqua ex parte (moderate tamen) laedatur legitima filiorum. Hoc tamen nequit facere in morte, quia tunc debet disponere de bonis iuxta legum dispositiones (11). IV. non potest pater obligare filios ad vota emissae eorum nomine; neque communitas potest obligare subiectos futuros (12). V. Vota personalia debent satisfieri ab ipsomet qui ea emisit; sed realia possunt satisfieri etiam ab aliis (13).

30. VI. Circa conditiones votorum advertendum, quod si sola conditio est turpis aut impossibilis, votum non tenet (14). Si filius voveret, v. gr. ieiunare sub conditione consensus patris, ille non peccat, si exorat eum ne consentiat. Peccaret contra, si dolo obtineret eius dissensum; sed tunc probabilius liber remaneret a voto, quia iam non adimpleretur conditio apposita (15). VII. Qui vovet castitatem sub hac conditione, v. gr. si Deus per annum eum liberat a culpa gravi, et interim labitur: si scienter

(1) n. 206. (2) n. 205. (3) Lib. 3. n. 146. v. 5. Venialiter. (4) num. 208.

(5) n. 209. (6) n. 210. v. Quaeritur hic.

(7) Ibid. v. Notandum. (8) num. 213.

(9) n. 212. (10) L. 3. n. 214. (11) n. 215.

(12) n. 216. (13) n. 217. (14) n. 219.

(15) n. 219.

labitur ut liberetur a voto, peccat iste etiam contra votum, secus si peccat ex fragilitate (1). VIII. Qui vovet, si ludat, se aliquam poenam subiturum, sufficit ut prima vice se illi subiiciat; sed si voveat non ludere sub tali poena, tunc quoties ludit, toties dabit poenam: excipe tamen si ludendo penitus sit immemor voti (2).

31. IX. Qui facit votum disiunctivum, et postea eligit satisfactionem alterutrius partis, ad illam tenetur, licet post electionem altera pars redderetur impossibilis. Secus si altera pars redderetur impossibilis ante electionem; nam tunc ad nihil tenetur, dummodo illi mora non eligendi non fuisset culpabilis. Facit nihilominus electione, probabile est quod semper possit eligere partem quam malit (3). X. Qui vovet audire Missam quotidie, probabiliter die festivo non tenetur audire duas. Qui vovet recitare rosarium, sufficit ut recitet tertiam partem: et utique satisfacit si cum socio recitet. Qui vovet ieiunare quolibet sabbato, probabiliter non tenetur si eo die accadat Natalis Domini; modo expresse hoc etiam non promiserit (4). XI. Si quis satisfacit operibus voti, quin voti recorderetur, non tenetur ad aliud; quia quilibet habet voluntatem generaliter prius satisfaciendi operibus debitis, et postea illis ex devotione: ita communissime Lessius, Sanch., Laym., etc. (5). Et generaliter loquendo qui habet rationes probabiles satisfecisse voto, non tenetur ad aliud, ut dicunt Lugo Laym. Ronc. Bossius, Viva et Salm. Card. Bardi. etc. (6). Sed dicet: ille est certe ligatus voto, et dubie solutus. At hic distinguendum dubium facti a dubio iuris. Si quis emisit votum, et deinde dubitat an facto illud impleverit, tenetur equidem implere; sicut certus de debito et dubius de solutione, teneturolvere, quia dubia solutio non aequi-

valet debito certe contracto. Sed hic sermo est de iure circa factum, nam sicut constat votum fuisse emisum, sic etiam constat iam impletum fuisse opus promissum. Restat igitur dubium iuris, an opere impleto de facto, et extante probabili satisfactione de iure, adsit obligatio satisfaciendi voto? Et hic dicimus, quod facta probabili satisfactione, obligatio iuris evasit dubia, et consequenter dubia etiam possessio illius; obligatio autem dubia, quae adhuc dubio possidet, nequit inducere onus praestandi rem certam.

32. Quaeritur 1. Si quis vovens ieiunare in aliquo die determinato, transacto eo die, an postea teneatur ad votum? Non tenetur si dies est appositus *ad finiendam obligationem*, quod praesumitur ita esse in votis personalibus, ut supra dictum est. Aliter dicendum si dies est appositus *ad sollicitandam obligationem*, ut praesumitur in votis realibus (7).

33. Quaeritur 2. Quanta temporis dilatio requiritur ut differens voti satisfactionem peccet lethaliter? Si votum est perpetuum, ut est votum religionis, peccat graviter (ut dicunt dd.) si differt sine causa ultra sex menses; nam si adolescentulus est, potest ex aliqua iusta causa licite differre etiam ad tres, aut quatuor menses. Si vero votum sit ad tempus, ut sunt vota peregrinationis, rosariorum, etc. dicunt Castrop, Salm, Trull., Garcia et Croix, peccare graviter, si differt ad duos, aut tres annos (8). Votum indeterminatum (v. g. quotidie recitandi rosarium) intelligitur etiam perpetuum (9). In dubio autem an votum fuerit ad annum, an ad mensem, sufficit satisfacere minus ut ex cap. *Ex parte de censibus* (10).

34. Quaeritur 3. Ad quid tenetur qui vovet religionem? Si simpliciter voveat religionem, tenetur eam in-

(1) Ib. v. At, si. (2) N. 223. (3) N. 224. Not. 3. (4) Lib. 3. n. 224. v. Qui hic. (5) N. 224. in fin. v. Si quis. (6) N.

224 in fine et l. i. n. 76. (7) N. 220. (8) N. 221. (9) Lib. 3. n. 221. v. Votum. (10) Ibid.

gredi, et ad permanendum etiam in ea; aliter si egrediatur sine iusta causa, graviter peccaret: nisi intellexisset tantum de ea periculum facere. Ceterum esset iusta causa egrediendi, si ibi inveniret talem vivendi modum, cui suae vires pares non essent; aut ibi gravem et longum moerorem experiretur. Si vero etiam vovisset profiteri, tenetur etiam cum gravi suo incommodo id exequi; modo status religionis illi penitus intolerabilis non succedat. Advertatur etiam hic, quod qui vovisset religionem, si admissus non fuerit in monasteria provinciae, non tenetur extra eam proficisci. Et si est mulier, non tenetur egredi patria, si in ea adsint Monialium monasteria (1).

35. *Voti obligatio primo tollitur ex se, ob materiae mutationem*, prout si evenierit aliqua nova, aut non praevisa circumstantia, quae si praecognita fuisset, votum non fuisset emissum (vide n. 23.); aut si materia redderetur inutilis, aut impossibilis. Quod si votum potest adimpleri ex parte et commode, debet illi satisfieri (2). Secundo tollitur *Superiorum auctoritate*, irritatione nimirum, commutatione, aut dispensatione.

36. *Irritatio* potest fieri ab omnibus qui habent potestatem dominativam, ut sunt parentes, tutores, praelati, mariti, et alii, ut dictum est n. 19.; et hoc etiamsi vota essent futura, nempe nondum emissa a filio, pupillo etc., et licet non adesset causa sufficiens irritationis, saltem talis irritatio sine causa non est culpa gravis (3). Itaque pater, et avus paternus in patris deficientia, et etiam mater (modo non contradicat pater) possunt irritare omnia vota, tam impuberum (etiam in dubio an votum sit emissum ante vel post pubertatem), quam puberum, cum votum est reale, et si puber sit in ae-

tate minori, modo tunc aetatis non habeat bona propria; quod si votum esset personale, etiam possunt illud irritare, cum illud esset in praeiudicium domesticæ gubernationis. Idem dicitur de tutore, et curatore (4). Notandum quod, quando votum est emissum tempore impubertatis, potest pater illud irritare, licet filius sit factus puber, modo filius non ratificaverit, sciens votum fuisse infirmum (5). Imo praelati religionum etiamsi locales, dummodo a praelato superiore approbatum non fuerit votum, possunt irritare omnia vota (praeter votum transeundi ad religionem strictiorem) suorum subditorum professorum; vota enim novitiorum possunt solummodo suspendi. Hoc etiam conceditur Abbatissis (sed non dispensatio) a multis dd. uti sunt Suar., Bon., Fill., Salm., etc. (6). Advertendum tamen quod vota emissa ante professionem, omnia per illam extinguuntur (7). Item viri possunt irritare omnia vota uxorum, licet incommodo non essent familiae, aut matrimonio, ut valde probabiliter dicunt Sot., Sanch., Prado, Salm., etc. et etiam vota exequenda post mortem virorum, v. g. religionis, aut castitatis, ut dicunt Sanch., Soto, Salm. contra Nav. et Caiet. (8). Vota tamen facta ante matrimonium, non possunt irritari a viro; sed tantum suspendi in quantum illi essent incommodo (9). Vota autem virorum non possunt irritari ab uxoribus, nisi in quantum illi afferrent nocumentum, ut esset votum longae peregrinationis, et etiam votum non petendi debitum, quod ceteroquin respectu viri est irritum ex se, uti de materia inepta (10).

37. Notandum hic 1. quod vota subditorum probabilius cum s. Thoma non sunt irrita ex se, sed valida, donec fiant irrita a Superioribus; quia subditi, licet debeant habere voluntatem Superioribus subiectam, (7) L. 3. n. 236. v. Non potest. (8) N. 234. (9) N. 236. (10) N. 235

(1) L. 4. ex n. 72. (2) L. 3. n. 225. (3) N. 227. (4) Lib. 3. n. 229. et 230. (5) N. 238. (6) N. 233. et lib. 4. n. 54.

non tamen sunt illa privati (1). Notandum 2. Superiorem (ut pater, praelatus, aut maritus) posse valide irritare vota subditi, licet aliquando ea approbassent; etenim ille non potest, licet vellet, a se abdicare potestatem quam sibi concedit lex etiam naturalis. Dictum est *valide*, quia irritando illa sine causa iusta, non excusaretur saltem a culpa veniali; sed non peccaret graviter: uti dicunt Soto, Suar., Bonac., Valent., Sporer, Peyrin. et alii (2).

38. *Commutatio autem votorum* potest fieri Ecclesiae auctoritate saltem cum commutatio fit in opus aliquanto minus, aut dubie aequale; quia si esset evidenter aequale dicunt plures aa. ut Less., Bonacina, Sa, Salm., etc. probabile esse, quod possit fieri commutatio ab eadem persona, quae votum emisit. Sed multo magis mihi arridet opposita sententia negativa, quam tenent Caietan., Sanch., Soto, Suarez, Azorius, Laym. et alii cum s. Thoma, qui ait: *Quia commutatio est quidam contractus, qui perfici nequit absque consensu eius, qui vicem Dei gerit in terra, scilicet praelati*. Praeterea quia, posita promissione, magis gratum censetur esse Deo, ut vovens fidelis sit ei praestando rem promissam, quam aliam aequalem. Contra vero communiter admittunt dd. licite posse fieri commutationem ab eadem persona, si fiat in melius quia minus in meliori continetur (3). Et notandum hic 1. quod si commutatio fiat in opus melius, non requiritur causa, secus vero si in aequale. Ceterum pro iusta causa sufficit minoratio periculi transgressionis, et etiam sufficit maior propensio subiecti; et si opus est dubie aequale, sufficit notabilis molestia in eo adimplendo. Si autem opus commutatur in minus, est probabile cum Sanch., Tamb., Candido, etc. quod valide et licite adimpletur

(1) N. 231. (2) n. 239. (3) Lib. 3. n. 244. (4) lb. et n. 245. (5) N. 247. (6) lb.

minus, si postea suppletur per aliud opus adiunctum (4). Notandum 2. quod qui habet facultatem commutandi vota, non potest commutare, nisi in aequale, ita ut non appareat, excessus notabilis et manifestus, iuxta communem sententiam (5). Probabilius est vota realia posse commutari in personalia, et personalia in realia, ut dicunt Suar. Less. Laym. Castropal. Salm., etc. (6). Notandum 3. quod, facta commutatione voti, semper licet reassumere primum opus, licet commutatio sit facta in melius, dummodo secundum votum non acceptetur tamquam novum, ut recte dicunt Castrop. Prado, etc. (7). Sed si unquam opus commutatum redderetur impossibile, quaeritur an debeat reassumi primum votum? Affirmandum: si commutatio fuerit facta propria electione; secus si auctoritate Ecclesiae: et id etiam si opus evasit impossibile propria culpa (8). Notandum 4. quod qui habet facultatem commutandi pro aliis (idem dicendum de dispensatione) habet etiam pro seipso, ut docent Suar. Azor. Sanch. Salmant. Prado, et alii ex s. Thoma, qui (9) expresse docet Praelatum posse secum dispensare in voto emissio (10).

39. *Pro dispensatione* requiritur maior causa quam pro commutatione. Causae sufficientes dispensationis sunt 1. Bonum communitatis, aut Ecclesiae aut familiae, aut ipsius subiecti, exemp. g. si dispensatio iudicaretur esse illi maiori profectui, ut habetur ex *cap. Magnae, de voto*; aut si ille esset in periculo gravi votum transgrediendi, aut si scrupulis vexaretur. 2. Difficultas notabilis pro adimplendo voto. 3. Imperfecta libertas et deliberatio, v. g. si quis vovisset cum erat impuber, aut impulsu iracundiae, aut timore intrinseco incussus, puta incendii, naufragii, etc. aut timore extrinseco, sed levi. 4. Si cessat causa impulsiva. Not. hic. (7) N. 248. (8) N. 249. (9) 2. a. q. 185. a. 8. (10) L. 3. n. 249. v. ult.

siva voti (1).

40. Notandum 1. quod si revera adfuit causa iusta, sed Praelatus dispensavit mala fide credendo eam iniustam, dispensatio probabiliter est valida, etiamsi concessa sit a delegato, ut dicunt Suar. Pontius. Sanch., etc. (2). Contra si Praelatus dispensavit bona fide, sed causa certe non erat sufficiens, dispensatio est nulla iuxta veriorum sententiam; observa quod dictum est *Tract. II. n. 53*. Dictum est certe, nam in dubio possessio stat pro valore dispensationis (3). Si autem causa non esset sufficiens pro dispensatione, potest illa concedi, adiuncta aliqua commutatione (4).

41. Notandum 2. quod si votum fuerit emissum in tertii utilitatem, et iste tertius est determinatus, nempe talis pauper, talis ecclesia, votum non potest dispensari, quoties a paupere, aut a rectore illius ecclesiae acceptatum est. Sed si votum emissum est pro paupere indeterminato, potest dispensari, licet ab aliquo paupere iam acceptatum fuisset. Et idem dicunt probabiliter multi dd. ut Caiet. Nav. Viva, Trullench. Henriq. etc. (contra Suar. Sanch. etc.) de voto facto principaliter in Dei honorem, et secundario in tertii beneficium, habita particulari ratione, v. g. ipsius paupertatis, bonitatis etc., quia tunc pauper non acquirit verum ius ad rem promissam; aut si acquirit, illud acquirit dependenter a Dei voluntate, cui praecipue promissio facta est (5). Sed advertendum quod hoc intelligitur de promissis omnino gratuitis, non autem de mutuis, ut advenit in votis, et iureiurando perseverantiae, quae fiunt in aliquibus congregationibus; nam illa tunc assumunt rationem contractus, sicut superius dictum est *n. 19* cum auctoritate Pontificis (6) Benedicti XIV.

(1) N. 252. et 253. (2) Lib. 1. n. 181. (3) L. 3. n. 251. (4) N. 254. (5) L. 3. n. 255. (6) lb. v. Notandum. (7) N. 237.

42. Notandum 3. facultatem dispensandi vota residere apud omnes Praelatos habentes iurisdictionem ordinariam in foro externo, ut sunt 1. Papa respectu omnium fidelium. 2. Episcopi respectu subditorum: sed non vicarii eorum, nec parochi, nec poenitentarii. 3. Praelati regulares tam quoad professos, quam quoad novitios; licet votum emissum esset in saeculo (uti dicunt Lessius, Sanch. et Busemb.), saltem possunt suspendere illa, quatenus praeiudicant novo vitae statui (7). 4. Confessarii mendicantes, qui ex licentia suorum Superiorum possunt dispensare vota cum saecularibus etiam extra confessionem, iuxta communem Lessii, Nav. Pal. Salm., etc. (8) possunt etiam ipsi votum ad strictiorem religionem transeundi dispensare; quod concessum est etiam Episcopis, qui cum subditis qui habent votum ingrediendi in aliquam religionem, in qua viget observantia, possunt dispensare, ut ad aliam minoris observantiae se recipiant; Soto, Less. Sanch. Ledesm. Salm., etc. (9).

43. Omnes Superiores qui ordinaria potestate gaudent, possunt certe eam delegare cuilibet clerico, qui saltem sit prima tonsura initiatus. Et qui possunt dispensare cum aliis, possunt etiam eo modo cum seipsis; Suar. Sanch. Less. Bonac. Laym. Cai. Pontas, Castropal., etc. cum s. Thoma 2. 2. qu. 185. a 8. in fine (10). Quaeritur autem hic, an qui delegatam facultatem habet dispensandi in votis, possit dispensare in iuramentis? Prima sententia negat quia vinculum voti differt a vinculo iuramenti; et ideo ex stylo Curiae facultas quoad iuramenta specialiter conceditur; ita Lessius et Salmant. cum Azor. Sanch. Bonac. et Ledesma (11). Secunda vero sententia affirmat, quia iuramenta, licet sint vin-

v. Quaeritur in fine, et 256. (8) N. 257. v. lmo. (9) N. 257. (10) N. 256. v. Quær. (11) Lessius l. 2. c. 42. n. 60. Salm. de iuram. c. 3. n. 3.

cula diversa a votis, in ordine tamen ad dispensationem, ut vota reputantur, argumento *L. tantum ff. de servo corrupto*, ubi: *Dispositum in uno aequiparatorum censetur dispositum in altero*. Illa autem specialis concessio ex stylo Curiae fit ad maiorem cautelam. Ita Caietanus, Suarez, Pontius, Castr. Prado, Aragon. Trullench., etc. apud Salmant. *cap. 3. n. 4.* Quamvis autem haec secunda sententia sit satis probabilis, tamen omnino prima est tenenda, quae est aequae probabilis; namque, cum obligatio iuramenti iam contracta sit certa, et possideat, auferri non valet per dispensationem tantum probabiliter validam.

44. An autem possit Episcopus dispensare vota peregrinorum, qui brevi morantur in dioecesi, probabilior sententia est quod non possit, nisi per maiorem anni partem illic moram faciat. Sed contraria non est improbabilis, ut dicunt Suar. Pontius, Castropal. Sanch. Salas, Salmant., etc. quia (ut dicunt) peregrini etiam brevi alibi morando, subditi fiunt Episcopi loci, ita ut teneantur legibus illius loci, ubi reperiuntur. Vide quod dictum est *Tract. 2 n. 41 et 42.*

45. Notandum 4. dispensationem quinque votorum, nempe religionis, castitatis perpetuae, trium peregrinationum ad terram sanctam, Romam ad limina apostolorum ss. Petri et Pauli, et Compostellam ad s. Iacobi templum, esse Papae reservatam. In casu tamen urgentis necessitatis, et quando non est facilis recursus ad Papam, si in mora sit periculum gravis damni, vel spiritualis, v. g. violationis voti, scandalii, rixarum, vel alterius peccati; vel damni temporalis proprii, aut alieni nimirum gravis infamiae mulieris, etc. tunc cum ipsis possunt dispensare iuxta communem, etiam Praelati inferiores praeaudati (1).

(1) *L. 3. n. 258. v. Notand. 1. et 2.*

(2) *L. 3. n. 258. Notand. 3. (3) N. 224.*

46. In pluribus vero casibus praefata vota non sunt reservata, et 1. Si sunt facta sub levi. 2. Si facta sunt ex timore extrinseco, licet levi, quia tunc iam non cum plena libertate sunt emissa. 3. Si votum non est perfectum iuxta materiam reservatam, ut in voto castitatis, esset votum non nubendi, non fornicandi, non petendi debitum coniugale; et etiam votum servandi virginitatem, quando vovens non intendit promittere ab continentiam ab actu venereo, sed solum virginitatis praestantiam servare. Ita nec etiam est reservatum votum castitatis ad tempus, nec votum castitatem aut religionem vovendi, nec votum suscipiendi Ordines sacros, quia hoc non est votum castitatis iam emissum, sed emittendum. Ita nec votum proficiscendi Romam, nisi sit emissum causa devotionis, et praecipue ad visitanda ss. Apostolorum limina. Neque sunt reservatae voti circumstantiae, ut iter facere pedestre, vel mendicando, aut intra mensem (2). Nec est reservatum votum disiunctivum, v. g. aut religionis, aut ieiunandi, et hoc etiamsi sit electa pars reservata, uti probabiliter dicunt *Salm.* cum multis aliis, quia etiam post factam electionem semper integrum est vovendi iterum eligere alteram voti partem (3). In voto autem castitatis post contractum matrimonium, possunt utique dispensare tam Episcopi, quam Mendicantes, licet votum sit emissum ante matrimonium (4).

47. Dubitatur 1. An sicut est reservatum votum, ita etiam sit reservatum iuramentum castitatis? Alii dd. affirmant, quia promissio iurata includit votum, quod nihil aliud est quam promissio. Sed ab aliis melius respondetur, quod, cum quis intendit se duobus vinculis obstringi, nempe voto et iuramento, utique remanet ligatus voto reservato; secus vero dicendum si quis voluerit se v. Quaes. (4) *L. 6. n. 1128.*

tantum vinculo iuramenti obligare, volens ut suum propositum, seu promissio non obligatoria, per iuramentum fieret irrevocabilis, non quidem voti obligatione, sed iuramenti; quod ceteroquin inducit minorem obligationem quam votum, ut dicit s. Thom. (1); ita Sanch. Valent. et Lopez. Et in dubio an iste voluerit se obligare necne ambobus vinculis voti et iuramenti, non intelligitur voto adstrictus, ex regula communiter accepta a dd. quod votum dubium non obligat (2).

48. Dubitatur 2. An cum commutetur votum reservatum, remaneat reservata etiam materia commutata? Alii affirmant; sed est communis sententia opposita, quia licet materia commutata secum afferat eandem obligationem primi voti, nihilominus cum non sit ipsa ex se reservata, neque inducit reservationem, quae est addicta dumtaxat primae materiae (3).

49. Dubitatur 3. An votum poenale, aut conditionatum in futurum castitatis, religionis, aut trium peregrinationum sit reservatum? Respondetur cum sententia probabiliori To-

let. Castropal. Prad. Salmant. Sanc., etc. negative, quia huiusmodi vota non procedunt ab affectu absoluto erga virtutem. Secus tamen dicendum, si votum fuerit factum ob merum affectum ad virtutem, et conditio tantum apponitur, ut votum valeat eo tempore, quo iudicatur sublatum fuisse impedimentum, quominus possit observari, v. g. cum aliquis voveret religionem sub conditione *si mater obierit*: nam ille tunc revera movetur iam ad vovendum a desiderio perfectionis; sed quia non potest illud exequi, ne matrem derelinquat, ideo apponit conditionem, quae in rigore non est coniunctio conditionalis, sed potius adverbium temporis significans *quando* (4).

50. Dubitatur 4. An Papa possit dispensare in votis clericorum in Sacris, et Religiosorum? Quoad clericos probabilius est cum s. Thoma, et communiori, quod possit; modo adsit causa urgentissima (5). Dictum est clericorum, sed non iam sacerdotum, ut vult communis sententia (6). Et sicut potest cum clericis, ita etiam probabilius est posse cum Religiosis (7).

TRACTATUS VI.

DE TERTIO PRAECEPTO DECALOGI

CAPUT I. DE OBLIGATIONE

TERTII PRAECEPTI MEMENTO ETC.

1. *An hoc praeceptum hodie sit ecclesiasticum, an divinum, et an obliget infideles.*
2. *Qui peccat die festo, etc.*
3. *Quis potest instituere festa.*
4. *Obligatio concionem auscultandi.*
5. *Obligatio concionandi.*
6. *Quinam pueri, etc.*

1. Antequam progrediamur ad vindicandas obligationes particulares, quas hoc tertium praeceptum inducit, plura

(1) 2. 2. q. 89. a. 8. (2) L. 3. n. 259.
v. In dubio. (3) L. 3. n. 260. (4) N. 261.
(5) L. 6. n. 1059. (6) *Ibid.* (7) L. 3.

praenotanda sunt. Et 1. quod tertium praeceptum, quoad debitum honorandi Deum in aliquo vitae tempore per aliquem cultum, illud erat, et est divinum, et naturale. Sed quoad tempus praescriptum die sabbati in veteri Lege, et dominica in nova, erat caeremoniale, et nunc est ecclesiasticum, iuxta communem s. Antonini, Navar. Azor. Suar. Caiet. Sanchez, Salmant. Carden. et aliorum cum s. Thoma (8), et Catechis. rom. (9). Stante hoc infertur, quod
n. 256. v. Quaeritur. (8) 2. 2. q. 122.
a. 4. ad 1. et 4. (9) 3. p. in 3. praecept.
dec. n. 4. 6 et 13.

quamvis Ecclesia non possit generaliter dispensare huic obligationi exhibendi Deo aliquem cultum, potest nihilominus mutare, et etiam dispensare observantiam dominicae, et aliorum festorum assignatorum, ut patet ex cap. *Licet de feriis* (1). Ex hoc inferitur etiam probabile esse, vetitum non esse imponere opera servilia infidelibus, qui sunt extra, ideoque non subditi Ecclesiae.

2. Notandum 2. Quod iuxta sententiam etiam communem s. Thomae (2), s. Antonini, Soti, Coninch., Sanch., Salmant., Covar., Bonac., Fillic., etc. in hoc tertio praecepto desideratur, sed non imponitur cultus internus per actus charitatis et contritionis, ut volunt aliqui. Tantummodo praecipitur cultus externus audiendi Missam, et abstinendi ab opere servili in diebus festis; etenim licet sanctificatio animae sit finis praecepti, attamen finis praecepti non cadit sub praecepto, ut docet communis sententia cum s. Thoma (3), qui ait: *Non enim idem est finis praecepti, et id de quo praeceptum datur*. Et id confirmat Catechismus rom. (4) dicens: *Hoc legis praecepto externus ille cultus, qui Deo a nobis debetur, praescribitur*. Et hac ratione cum laudato s. Thoma (5) et communi Nav., Soto, Sylvest., Caiet., Suar., dicimus verum non esse (uti volunt aliqui) die festo peccantem duplex committere peccatum (6).

3. Notandum 3. Episcopos posse festos in honorem alicuius Sancti (non vero Beati) statuere, ut habetur ex cap. *Conquestus de fer.*; modo sint consentientes clerus et populus (7).

4. Notandum 4. In diebus festis (ex se loquendo) non adesse obligationem concionii interesse, nam in cap. *Sacerdotes, dist. 1. de consecr.* aliud non praecipitur, nisi ut episcopi et paro-

chi in dominicis et solemnioribus testis sermocinentur per se, vel per alios idoneos, et ut in quadragesima saltem ter in hebdomada habeant concionem, cum ibi subiungitur: si ita oportere duxerint. Dictum est, *ex se loquendo*, caeterum rudes, qui Mysteriorum principalia, aut res necessarias salutis ignorant, utique ipsi tenentur concioni interesse, aut potius catechismo (8).

5. Hic advertere iuvat a Tridentino sess. 5. c. 2. de ref. imponi episcopis, ut concionentur diebus dominicis et solemnioribus per se, vel per alios, si ipsi impediti fuerint. Hanc ipsam obligationem (quae procul dubio est gravis, pariter imponi parochis legimus his verbis: *Ut plebes sibi commissas pro sua et earum capacitate pascant salutaribus verbis, docendo ea, quae scire omnibus necessarium est ad salutem, annuntiandoque cum brevitate, et facilitate sermonis vitia quae eos declinare, et virtutes quas sectari oporteat*. Ex quo rationabiliter dicunt Barbosa, Salmant. et Ronc. graviter peccare parochum, qui per integrum mensem, aut per tres interruptos omittit concionari (9). Hoc tamen procedit de parochis, non autem de episcopis, qui ex consuetudine communi legis interprete, non tenentur tam frequenter praedicare, ob tot negotiorum genera quae expedire debent, et aliis facile committere nequeunt, ut committi potest munus concionandi: cui iam episcopis posse per alios, si ipsi impediti fuerint, a Concilio permittitur satisfieri (10).

6. Notandum 5. Huic tertio praecepto teneri omnes fideles usu rationis pollentes, qui quidem ordinario septennio adipiscitur. An autem pueri, qui ante septennium pervenerint ad discretionis aetatem, teneantur? Vido quidquid dictum est *Tr. 2. n. 37.*

(1) L. 3. n. 263 et 265. (2) a. 2. q. 122. a. 4. (3) 1. 2. qu. 100. a. 9. ad 2. (4) Part. 3. de tertio praecepto n. 1. (5) In 3. sent.

dist. 37. q. 1. a. 5. q. 2. ad 1. (6) L. 3. n. 273. (7) N. 266. (8) N. 303. (9) n. 269. (10) L. 4. n. 127. dubit. 3. v. Hinc.

**CAPUT II. DE ABSTINENTIA
AB OPERIBUS SERVILIBUS.**

**PUNCTUM I. De operibus prohibitis
in die festo.**

7. *Opera servilia, liberalia, et communia.*
8. *Liberalia facta ob lucrum.*
9. *Transcribere.*
10. *Pingere.*
11. *Venatum et piscatum ire.*
12. *Opera forensia.*
13. *Nundinae, venditiones et contractus*

7. Tria genera operum ab auctoribus distinguuntur. Opera *corporis*, quae a corpore exercentur, et ad corporis utilitatem ordinantur, ut sunt fodere, suere, et similia; et haec dicuntur servilia, quia a servis dumtaxat exercentur. Opera *animae*, quae ab anima principaliter procedunt, et ad mentis culturam spectant, ut legere, studere, sonare, etc. et haec *liberalia* dicuntur, quia a liberis solent fieri. Denique opera *communis*, seu media sunt, quae promiscue tum a servis, tum a liberis exercentur, ut iter facere, venari, etc. Itaque festis tantum opera servilia sunt prohibita, non vero liberalia et communia (1).

8. Quare permissum est studere, docere, scribere, canere, sonare. et huiusmodi et hoc etiam luci causa, ut dicunt Soto, Navar., Suar., Salmant. (contra alios) ex s. Thoma (2) qui sic docet: *Nullius spiritualis actus exercitium est contra observantiam sabbati, puta si quis doceat verbo, vel scripto.* Nam intentio agentis non potest operis naturam ex liberali in servile mutare (3).

9. Ita pariter probabilius permissum est transcribere scripturas Suar., Bonac., Salm., Sa, Castropal., etc. communissime, quia tam scribere, quam transcribere ordinatur ad mentis instructionem. Ideoque plures dd. admittunt etiam notas musicales, et computationes exscribere, et etiam characteres typographicos ordinare, non autem folia imprimere (4).

(1) L. 3. n. 272. (2) a. 2. q. 122. a. 4. ad 3. (3) L. 3. n. 278. v. Quodam. a.

10. Pingere communius volunt dd. esse opus servile, hoc enim requirit actionem materiale. Sed opposita sententia non est improbabilis, uti dicunt Laym., Sa, Castrop., Ronc., Anacl., Holzman, etc. dum pingere (modo non sit labor notabilis in praeparandis coloribus et tabulis edolandis) videtur etiam potius opus liberale quam servile, cum magis in eo mens operetur, quam manus. Saltem est dubium sitne liberale an servile; et si non est liberale, saltem est opus commune, cum id exercitium tam a liberis quam a servis factitetur. Sculpturae autem nemo dubitavit quin sit ars servilis (5).

11. Venari autem sclopeto, vel reti, alii tenent esse servilia; sed communior et probabilior sententia negat, licet lucri gratia id ageretur. Servile potius videtur piscari, cum magna defatigatio adesset; alias non opus fuisset Pontificis dispensatione in hac um piscatione: ut habetur *cap. 3. de feriis*. Piscatio autem, si moderato labore fiat, probabilius excusatur ex consuetudine, ut dicunt Castrop., Filliuc., Sanch., Holzman, etc. (6).

12. Praeter opera servilia in festis sunt prohibita etiam forensia; sub horum nomine intelliguntur primo omnes actus, qui ad forum spectant circa causarum decisiones, ut sunt citatio partium, compilatio processus, examen testium, sententiam proferre, aut eam executioni mandare. Huiusmodi igitur opera prohibentur in festis; modo necessitas aut pietas aliter non expostulet, ut praescribitur *cap. ult. de feriis*. At vero non est prohibitum excommunicare, dispensare, aut aliud iurisdictionis exercitium, quod iudiciali strepitu non indiget (7).

13. Sub nomine forensium intelliguntur 2. prohibita nundinae modo non fiant de rebus necessariis usui quotidiano, ut sunt cibi, et potationes; et etiam candela, calceamenta, et similia, quorum pretium est de-

(4) N. 279. (5) N. 280. (6) N. 283. (7) L. 3. n. 284. et 287.

terminatum. Caeterum hodie ex consuetudine permittuntur nundinae universales (et alicubi etiam particulares), et ita etiam aliarum rerum venditiones, exceptis iis quae in publicis officinis venduntur, ut dicunt Nav., Sanch., Castrop., Salmant., La-Croix, etc., nam hae tantum prohibita sunt a lege canonica ratione scandalii (1). Item permittuntur etiam mercatoribus vendere aliquid clausis ianuis, cum emptores pro tunc iis valde indigerent (2). Ita etiam ex consuetudine pluribus in locis permittuntur (saltem ex licentia generali Ordinarii) contractus locationum, permutationum, negotiationum et huiusmodi, quae strepitum iudiciale non requirunt (3).

PUNCTUM II. De casibus quibus permittuntur opera servilia die festo.

14. I. *Excusant dispensatio Papae, aut Episcopi, aut parochi.*

15. II. *consuetudo.*

16. 17. III. *Pietas.*

IV. *Charitas.*

18. ad 21. V. *Necessitas.*

22. *An propter magnum lucrum, etc.*

23. *Ut evitetur etium.*

24. VI. *Utilitas.*

25. VII. *Parvitas materiae.*

26. *Qui imponit opus decem servis, etc.*

14. Hae causae sunt I. *Dispensatio* Papae pro tota Ecclesia aut Episcopi pro sua dioecesi, aut vicarii capitularis, sede vacante (non autem vicarii Episcopi): modo adsit iusta causa, loquendo de festis communibus; aut praelati regularis respectu suorum religiosorum, aut domesticorum. Parochi possunt etiam dispensare (etiam praesente Episcopo) in casu particulari, sed tantum ad tempus, et in iis in quibus consuetudo permittit eis dispensare, nempe in ieiunio et laborando die festo, ut communiter testantur Suar., Sanch., Viva, Salm., Spör., etc. (4).

15. II. *Consuetudo.* Propterea ex-

(1) N. 285. et 286. (2) N. 303. v. 14
(3) N. 286. v. An autem. (4) L. 3. n. 288
(5) N. 275. (6) N. 276. (7) N. 290. (8) N.

cusantur qui vehuntur sella gestatoria ab hominibus conducti (5). Ducere vehicula, vel animalia rebus onusta, Roncagl., Viva, Salm., Mazzotta (6). Irrigare olera, vertere aut separare segetes (7). Ita etiam ex consuetudine permissum est die festo animalia occidere, et ea excoriare, cum die praecedenti id fieri nequit, ut accidit in frequentioribus civitatibus, non autem in oppidis, nisi esset tempore aestivo, aut plura festa concurrerent. Ita etiam ex consuetudine permittitur molere frumentum (8). Et ita pariter licitum est cibos parare, et coquere, licet superflui sint: Azor., Castrop., Viva et Mazzotta, etc. (9). Ita etiam calceamentis novis aliquem calceare, et barbam tondere; ita circa barbam tondendam aliqui dicunt adesse consuetudinem ubique; alii dubitant. Caeterum probabiliter dicunt alii universaliter permitti rusticis tonderi in festo; quia hic dies tantum illis, ut tonderi possint, vacat; et dicunt etiam posse excusari tonsores, si eis renuentibus tondere diebus festivis, notabilis lucri iactura facienda esset (10). Plures auctores dicunt dubiam consuetudinem non posse excusare, bene vero probabilem, prout si attestaretur ab aliquo doctore eximio: ita Salm., Salas, Granada, Viva, Mazzotta, etc. (11). His positis mihi lubet hic afferre quid s. Carolus Borromaeus in 1. et 3. conciliis mediolanensibus pro venditoribus rerum victui necessaryum, et pontifex Bened. XIV. cum esset Archiepiscopus Bononien. (12) tam pro dictis venditoribus, quam barbitonsoribus statuerint, ut praescriberetur hora, qua claudendae essent huiusmodi tabernae, propterea praefatus Pontifex iussit affigi tabellam horarum, quibus pro temporum varietate ad signum campanae maioris statim illae claudi deberent. O utinam hoc ubique ab Episcopis fieret! utique non videntur homines penitus suae salutis tam

277. (9) N. 298. (10) N. 290. (11) Ibid. v. Notandum. (12) Notificat. 43.

immemores, ut vix semel in anno, et quasi invitati ad Sacramenta accedant, numquam verbo Dei, quod est Christi ovium alimentum, ab eis audito.

16. III. *Pietas*. Qua de re permittuntur opera quae proximo spectant ad cultum divinum, ut campanarum pulsatio, statuarum delatio in processionibus, et etiam (saltem ex consuetudine) altaria, et ecclesias ornare, hostias coquere, templa verrere, molem funerariam, vel ad sanctissimi Sacramenti expositionem erigere. Conficere autem tabulata ad invisendas processiones non licet in festo, nisi quando nullum aliud tempus suppetet (1).

17. Hic dubitatur an liceat laborare in festo ad solam pietatem, ut pauperum vestes suere, ecclesiae agros colere, aut eas aedificare, aut lapides pro illius aedificio adferre. Alii hoc permittunt, quia in *cap. Conquestus de fer.* iam permittuntur opera forensia, si necessitas, vel pietas suadeat; propterea idem putant posse dici de operibus servilibus, in equiparatis enim, *ubi currit eadem ratio, eadem est legis dispositio*. Alii tamen probabilius id negant, nisi adsit actualis et gravis necessitas, aut nisi adsit licentia Episcopi: quia opera praedicta tantum remote concurrunt ad cultum divinum. Caeterum dicunt Salmantic. cum Suar., Soto, Caiet., Castropal., Sanch., Bonac., Trullench., etc. quod nostra hac tempestate cum loca pia quasi omnia egeant, bene posse exerceri praedicta opera, ut eis succurratur (2). IV. *Charitas*; ideoque permittuntur agi causae pauperum, eis opitulari, etc. (3).

18. V. *Necessitas* propria vel aliena animae vel corporis: si nimirum sine gravi incommodo aut detrimento aliquid omitti non possit. Ideoque possunt excusari servi et famuli etc. si coacti a dominis laborare metu gravis incommodi, v. gr. ne dimittantur, sine spe faciliter et brevi inveniendi

cui serviant. Idem dic de uxoribus, et filiis coactis a patre ad laborandum. Suar., Azor., Palud., Salmantic., etc. (4). Ita etiam excusantur pauperes, quibus die festo laborandum est pro seipsis ad sui et familiae alimentationem, ac pariter ut resarciant vestes proprias aut consanguineorum (5).

19. Ratione etiam necessitatis permittitur laborare pharmacopolis, vitri, et ferri conflatoribus, laterum et calcis coctoribus, et quibuscumque quorum opus semel coeptum non potest interrumpi sine damno (6). Ideoque etiam permittitur equos calceare itinerantium, reficere vomeres eorum quibus aliter die sequenti cessandum esset a labore, reficere vias et pontes, fontes etc. (7). Ita pariter licitum est sartoribus (si aliud non suppetat tempus) vestes suere pro nuptiis aut funeribus, et similibus; puta si exterus indigeret vestibus iuxta loci ubi reperitur decentiam, aut si alii expectarent vestes promissas, quas si non exhiberent, ipsi magnum detrimentum subituri essent. Idem valet pro calceamentariis (8).

20. Permittitur etiam pistoribus publicis panem conficere diebus festis, tam ob consuetudinem, quam ob populi necessitatem; dum semper adest periculum, ne ob quamlibet panis penuriam populus commoveatur. An consuetudo permittat omnibus indiscriminatim hisce diebus panem conficere, merito Tamburinus dubitat, nisi accideret concursus plurium festorum, et panis antea coctus edendo minus aptus redderetur; aut si panis esset necessarius pro illo die. Et idem dicimus de *pastillis*, sive artolaganis (9).

21. Ita pariter, ut evitetur damnum, permittitur colligere fruges, aut foenum, et (saltem ex consuetudine) etiam fructus, quamvis non necessarios usui illius diei, ut melius serventur, praecipue si est periculum pluviae imminuentis, ideoque in multis regio-

(1) L. 3. n. 291. et 292. (2) N. 293. (3) N. 294. (4) N. 296. (5) N. 297. (6) L.

3. n. 300. (7) Ibid. (8) N. 303. (9) N. 296.

nihil assolent colligi quibuscumque diebus olivae, castaneae, aut alii fructus silvestres. Communiter licent quae libet opera, quae sunt necessaria usui quotidiano familiae, ut verrere domum, lectos sternere, utensilia culinaria lavare, etc. (1).

22. Dubitatur 1. An iactura magni lucri possit excusare laborantem die festo? Multi negant, ut Salmanticens., Roncaglia, etc., quia dicunt aliud esse damnum pati, aliud lucrum non facere. Sed multi alii dd. etiam graves, ut Suar., Castrop., Caiet., Sanch., Navar., Armilla, Holz., Bonac., Viva, Elbel, Mazzotta, etc. probabiliter excusant, quia ex *L. un. c. de Sentent.* lucrum non facere magnum aequiparatur gravi damno. Saltem hac in circumstantia dici potest praeceptum festorum, quod est humanum, cum tanto incommodo haud obligare (2). Eademque ratione multi dd. excusant etiam a Sacro; ita Suar., Castrop., Mazzotta, etc. Contra tamen nescio approbare opinionem nonnullorum dicentium, posse sabbato proficisci aliquo venatum. licet praevideat Dominica omissurum Missam. Aliter tamen dicunt multi aa. de eo qui proficisceretur die foveis: et aliter de iis qui ex officio iter agunt, aut merces vehunt (3).

23. Dubitatur 2. An liceat laborare in festo ad evitandum otium? Alii dd. id negant; alii affirmant, ut Laym., Silv., Sa, Mazzotta, etc. quando quis alias esset in periculo peccandi; nam (dicunt) si excusat necessitas, quae corporis commodum respicit, tanto magis debet excusare necessitas, quae animae bono conducit. Hanc sententiam puto probabilem in solo casu quo tentatio non possit alio modo superari, nisi se labori applicando; sed hic casus nescio an moraliter possit accidere, saltem erit rarissimus (4).

(1) N. 298. v. Permittunt. (2) L. 3. n. 301. cum Castrop. tr. 3. de leg. d. 5. p. 3. §. 2. n. 3. et Suar. eod. tit. l. 6. c.

24. VI. Excusat *utilitas* publicae laetitiae, aut splendoris; quapropter licet in victoriis, natalitiis, vel adventibus principum theatra constituere, vestes conficere, ignes accendere, etc. modo haec praeveniri non possuissent; dum consuetudo permittit huiusmodi res, cum sint signa laetitiae moraliter necessaria ad populi pacem (5).

25. VII. *Parvitas materiae* excusat saltem a mortali. Sed hic quaeritur 1. quatenus in hoc sit gravitas materiae, alii ponunt tres horas, sed haec opinio est nimis laxa. Alii unam horam, et haec est nimis rigida, alii communius duas horas, et multi alii aliquid amplius, nempe duas cum dimidia, ut Valentia, Granado, Henricq. Bas. La-Croix, etc. cum Viva, qui asserit hanc esse communiorum; imo Viva et Mazzotta dicunt excusare etiam longius hoc temporis spatium, si intercedat aliqua necessitas, quae alioquin non sufficeret ad excusandum (6).

26. Qu. 2. An peccet graviter dominus qui imponit decem servis laborem mediae horae? Si labor impositus eodem tempore exercetur, ex communi sententia non peccat graviter. Dubium restat an si successive? Alii volunt peccare mortaliter; nihilominus communior est opposita cum Sanch., Bonac., Salmant., Roncag., Trullench., Viva, etc. quod non excedit veniale, et est satis probabilis, nam huiusmodi dominus non potest amplius peccare quam ipsi servi, quorum nemo pro eo labore peccat graviter. Secus esset si dominus eidem servo praeciperet pluries intra eundem diem laborare, quia illae plures vices coalescunt ad constituendam materiam gravem (7). Advertatur hic denique quod in operibus forensibus gravitas materiae non tam desumitur a quantitate temporis quam a quantitate operis.

7. ex n. 9. (3) L. 3. n. 301. v. Ob eandem. (4) N. 302. (5) N. 304. (6) N. 305. (7) Lib. 3. n. 306.

CAPUT III.

DE OBLIGATIONE AUDIENDI SACRUM

PUNCTUM I. *Quomodo huic obligationi satisfaciendum est.*

27. *De intentione.*
28. *De attentione.*
29. *Qui, dum audit Missam recitat officium, etc.*
30. *Qui celebrat.*
31. *Qui confitetur.*
32. *Qui dormitat, aut colligit eleemosynas.*
33. *De materiae parvitate.*
34. *Qui audit duas dimidias Missas.*
35. *De loco unde audiri potest Missa.*
36. et 37. *De oratoriis, et ubi potest Episcopus celebrare.*
38. *Utrum Episcopus possit dispensare ad celebrandum in domibus privatis.*

27. Hoc praeceptum audiendi Missam omnibus festis habetur ex *can. Omnes fideles*, et *can. Missas, de consec. dist. 1.*; et obligat omnes fideles usu rationis utentes. Ad satisfactionem huius praecepti duo requiruntur: *intentio* et *attentio*. Requiritur 1. *intentio*, nempe ut quis intendat Missam audire; nam non satisfaceret praecepto, qui assisteret solo fine ecclesiam visendi, amico praestolandi, etc. aut vi detineretur; dico *vi*, quia si quis interesset Sacro timore a patre, vel magistro in eum incusso, iam satisfaceret debito suo, quamvis peccaret ob pravam voluntatem Missam omittendi si posset. Praeterea sufficit intentio adimplendi opus praeceptum, et nihil refert quod non habeatur intentio satisfaciendi praecepto; quare qui iam adfuisset Sacro, utique praecepto satisfecit, licet fuisset immemor diei festivi (et idem dicitur de voto, iureiurando, poenitentia sacramentali; modo opus promissum in voto, aut impositum pro poenitentia non applicetur ad alium finem) (1). Imo satisfacit, licet habuisset expressam intentionem non adimplendi praeceptum iuxta communissimam et pro-

(1) Lib. 1. n. 163.

habiliorem Suar. Lessii Sanchez Castropal. Tournely Pontas Valentiae Vasq. La-Croix Salmant. (2). Ratio, quia qui voluntarie iam exequitur opus praeceptum, necessario etiam satisfacit praecepto. Nec obstat paritas quae a contrariis adducitur, nempe quod sicut qui debet alteri centum, et conscius debiti centum illi donat, non remanet liber a debito; ita non remanet liber a praecepto, qui praecepto satisfacere non vult. Nam responsio patet: in debito pecuniae (idem de debito voti) obligatio dependet a propria voluntate, quare bene potest aliquis, non obstante solutione, velle ligatum remanere; sed in casu nostro obligatio audiendi Sacrum dependet ab Ecclesiae voluntate, unde non potest homo ex se illam sibi imponere, adeoque dum adimplet praeceptum, non potest non adimplere.

28. Requiritur 2. *Attentio* (saltem virtualiter et in confuso) nimirum ut advertat et attendat ad assistendum, ut debet, Sacrificio quod peragitur. Quare non satisfacit certe, qui assistit dormiendo, aut sensibus abreptus, aut nesciens quod fit. Quaestio est inter dd. an in assistendo Sacro requiratur attentio interna? Multi aa. negant, uti Suar., Less., Lugo, Coninch., Silvest., Medina, Hurtado, Henr., Renzi, Croix, et plures alii, dum dicunt quod, ut Missae praecepto satisfiat, non sit necesse orare, sed sufficit praesentia morali adesse, intendens illa Deo cultum exhibere. Sed communior sententia cum s. Thoma, Laym., Bonac., Sporer, Salmant. et aliis pluribus vult esse necessariam attentionem internam, attendendo aut ad Deum (nimirum eius bonitatem, amorem, etc.) aut ad Sacrificii mysteria, aut ad verba et actionem celebrantis; sufficiens caeteroquin (ut dicunt communiter) ut in principio habeat intentionem interne attendendi, et eam non revocet voluntarie, et advertenter se distrahendo: dico *advertenter*, quia si quis voluntarie se

(2) N. 164. et fusius l. 4. n. 176

distrahit non advertens quod distrahitur a Missa (idem valet de Horis canonicis), etiam satisfacit; quia iste, licet voluntarie distrabatur, non tamen voluntarie distrahitur a Missa. Haec secundam opinionem puto esse probabiliorē et quidem consulendam, contrariam vero non iudico improbabilem; saltem stante auctoritate tot dd. qui eam tuentur, redditur res valde dubia, an adsit haec Ecclesiae lex obligans fideles ad Missae assistentiam etiam cum interna attentione (1).

29. Ceterum communiter admittunt, quod satisfacit Missae qui conscientiam examinat ut confiteatur, aut aliquem librum spirituales legit (non autem historiarum licet spiritualium) (2); aut recitat Horas canonicas, vel poenitentiam persolvit, aut aliam orationem debitam facit; quia eodem tempore potest duobus praeceptis satisfieri, quando res praeceptae non sunt ad invicem incompatibiles, ut communissime Suar., Bonac., Castropal., Sanch., Filliuc., Sa., Bus., Salmant., etc. contra pauciores (3). Ita etiam satisfaciunt, qui Missae inservientes se parant, ut res altari necessarias afferant, puta vinum, hostias, thus etc. cum eadem res ad idem Sacrificium pertineant; sed hoc intelligitur modo ab ecclesia non egrediendum erit, aut saltem per multum tempus (4).

30. Probabile etiam est, celebrantem posso aliam Missam audire, quae una simul celebratur, quia, dum ipse celebrat, iam orat. Sic etiam probabiliter satisfacit qui, dum Missae assistit, extasim patitur, quae a sensibus eum abalienat, quia anima tunc ad Deum attendit.

31. An satisfaciat qui audiendo Sacro confitetur? Multi dd. affirmant, modo poenitens tunc attendat Missae: ita Castropal., Reginal., Molfes., Hurtad., La-Croix, Elbel, Picler, etc. dicentes quod per confessionem ho-

(1) L. 3. n. 313. (2) N. 314. (3) N. 309. (4) Ibid. v. Satisfaciunt. (5) L. 3.

noratur Deus; et idem dicunt de confessario audiente confessiones. Sed nos contrarium sentimus cum Lugo, Tambur., Bonac., Esc., Salmant. ratione quia qui confitetur tamquam reus sistit, non autem ut offerens Sacrificium cum sacerdote. Nihilominus dicunt Lessius et La-Croix absolute bene satisfacere servum aut famulum, cui nullum aliud tempus vacaret ad confitendum, nam pro isto praesumitur Ecclesiae conniventia.

32. Satisfacit etiam, aut saltem in materia gravi non delinquit qui in audiendo Sacro (aut in Horis canonicis recitandis) dormitat, modo advertat ad id quod fit (5). Probabiliter etiam satisfacit qui circumiens ecclesiam colligit eleemosynas, modo ad Missam attendat. Qui vero confabulatur per partem notabilem Missae (quicquid dicat Busemb.) cum communi dicimus quod non satisfacit, quia confabulatio destruit attentionem etiam externam, quod impedit praecepti satisfactionem (6).

33. Quaeritur 1. Quae sit parva materia in praecepto audiendi Sacrum? Alii putant esse parvam materiam omittere usque ad Evangelium exclusive; multi inclusive, prout Azor. Lugo Suar. Laym. Castrop. Sa. Holzman Elbel Salmant., etc. etiamsi omitteretur credo, ut dicit Lugo cum aliis. Prima sententia est communior et probabilior, sed secundam non puto improbabilem, quia Missa iuxta s. Isidorum ab offertorio olim incipiebat. Commune vero est cum Suar. et aliis non esse grave omittere ea quae praecedunt epistolam, et quae post communionem subsequuntur, etiamsi utrumque omitatur. Commune contra pariter est esse gravem omissionem a consecratione ad *Pater noster*, etiam exclusive; aut omittere consecrationem, et sumptionem. An autem sit grave omittere consecrationem vel sumptionem? Alii communius affirmant, imo dicunt esse grave, licet omittatur n. 316. (6) N. 317.

consecratio unius speciei. Multi alii nihilominus cum Lugo Suar. Hurt. Fagund. Escob. Tamb. Elbel, etc. negant; nam, uti dicunt, non constat essentiam Sacrificii consistere in consecratione (sicut communius volunt), aut in sumptione (uti vult Ledesma, Pignatelli, et alii cum Alberto Magno; attamen nos probabiliorum putamus primam sententiam, tanquam probabilius habentes essentiam Sacrificii in utraque simul consistere, nempe in consecratione, et in sumptione (1). Dicunt autem aliqui auctores quod, cum sit probabile essentiam Sacrificii Missae in sola consecratione consistere, ideo etiam probabile sit, quod si aliquis veniret post consecrationem ultimae Missae, reliqua audire non teneatur. Sed dicimus oppositum tenendum cum Continuatore Tournely, et p. Zaccaria in La-Croix (2); ratio, quia cum sit satis etiam probabile quod essentia Sacrificii in sumptione consistat, dicimus illum bene obligari ad reliquam Missae partem audiendam: qui enim implere nequit praeceptum impositum certe, tenetur saltem, si potest implere probabiliter, nam huiusmodi onus satisfaciendi praecepto probabiliter, cum non possit satisfieri certe, inclusum est in praecepto certe satisfaciendi; cum enim praeceptum stet in possessione, debet ipsum impleri, ut melius impleri potest.

34. Quaeritur 2. An satisfaciat qui duas medias Missas audit a duobus celebrantibus? Qui eodem tempore has partes audit, utique non satisfacit, uti patet ex propos. 53. damnata ab Innoc. XI.; sed si successive, multi admittunt satisfieri, ut Navarr. Laym. Soto, Bonac. Sa, Castrop., etc. quia talis assistentia, non iam physice, sed moraliter iam terminatur ad unam Missam integram: itaque illae duae medietates sufficiunt ad unitatem obsequii ab Eccle-

(1) N. 310. (2) Cont. Tourn. tract. de 3. praec. Dec. c. 3. et P. Zacchar. ap.

sia praecepti. Hanc non negamus esse probabilem, saltem extrinsece; sed longe probabiliorum putamus contrariam cum Suar. Lugo, Azor. Coninch. Tamb. Sporer, etc. si audiat pars usque ad consecrationem inclusive ab uno sacerdote, reliquam vero ab alio; quia hae duae partes nequeunt constituere unum integrum Sacrificium. Secus dicimus si assisteret tam consecrationi quam sumptioni eiusdem sacerdotis (3).

35. Quaeritur 3. In quo loco satisficit praecepto de audiendo Sacro? Respondetur in qualibet ecclesia publica, etiamsi non sit parochialis, prout hodie certum est ex communi consuetudine. Et iam satisfacit qui audit Missam in choro post altare, aut per aliquam fenestram quae prospectat ecclesiam, etsi sacerdos non videatur, dummodo saltem per alios advertatur quod fit; et licet adsit post parietem, aut columnam ecclesiae, et etiam extra ecclesiam, modo uniatur cum populo, qui est intra ecclesiam. Admittunt alii (et non improbabilius) cum Lugo, Escob. Mazzott. Spor. Elbel, Dicast. et Gob. et non dissentit Tourn., posse satisfieri huic praecepto ex aliqua fenestra domus, licet via intermediet, modo prospectat altare, et distantia sit parva, quia sic etiam moraliter assistitur. Admittunt Lugo, et Escob. distantiam 30. passuum, sed haec merito non admittitur a Tamb. et Gob. (4).

36. Dictum est *ecclesia publica*, nam in oratoriis privatis non satisfaciunt praecepto omnes ii qui ibi adsunt Missae, nisi sint domini, aut illorum coniuncti, qui habitant eandem domum, et vivunt illorum expensis (etsi aliqui dd. admittunt satisfacere fratres, et uxores eorum, etiamsi habeant mensam particularem, et separatam), aut servi qui ab iisdem dominis aluntur, quamquam isti degant extra domum, ut admittunt Pelliz. Quarti, Diana, La-Croix, La-Croix l. 3. p. 1. n. 608. (3) L. 3. n. 311. (4) L. 3. n. 312.

Castrop. Tamb. et Mazzotta (contra Barbos. Lez., etc.). Sed non satisfaciunt familiares qui non sunt necessarii, uti loquitur indultum (1), et tanto minus extranei, ut sanxit Clemens XI. adversus quorundam opinionem (2).

37. Circa oratoria privata plura hic advertenda. Et 1. non posse in iis celebrari in quibusdam festis principalibus, et haec sunt *Pascha, Pentecostes, Natalis Domini, Epiphania, Feria V. in Coena Domini, Ascensio, Annuntiatio, et Assumptio B. Mariae Virg.*, *festas ss. Petri et Pauli, et omnium Sanctorum*. Ita ex Decret. S. C. Sed haec limitatio non intelligitur pro oratorii concessis infirmitatis causa (3). 2. Pontificem Benedict. XIV. in Bulla *Cum duo nobiles*, anno 1740. declarasse non posse celebrari Missam in oratoriis privatis, nisi actu assistat saltem unus illorum, quibus directe concessum est indultum (4). 3. Per eundem Pontificem in Bulla *Magno*, sub die 2. Iunii 1751. declaratum esse, attenta formula Indultorum, in praedictis oratoriis privatis non posse celebrari nisi unam tantum Missam, cum iam explicatum sit, verbum *una Missa* idem sonare ac *unica* (5). 4. Non licere ministrare Sacramentum Poenitentiae in oratoriis privatis sine licentia Episcopi, et praecisa iusta causa, expressum est in citata Bulla *Magno* §. 20. An autem requiratur licentia Episcopi pro ministranda Eucharistia? Alii negant; sed communius affirmant, et reperi quod praefatus Pontifex Benedictus XIV. in Epistola encyclica ad Episcopos Poloniae, data eodem die 2. Iunii 1751., prohibuit Communionem ministrari in oratoriis privatis sine licentia Episcopi. 5. Hoc procedere de oratoriis privatis concessis a Papa privilegio aliquas personas donare volente, non autem de illis auctoritate E-

piscopi erectis et designatis ad saeros usus in seminariis, conservatoriis, hospitalibus, et etiam in domibus privatis, modo in istis ingressus pateat a via publica; nam in huiusmodi oratoriis seu capellis quilibet potest celebrare, et Missae praecepto satisfacere in quibuslibet anni diebus, quia haec sunt vere ecclesiae publicae. Et idem currit pro oratoriis Religiosorum, et pro iis qui in domibus Episcoporum, aut Cardinalium eriguntur (6). Episcopi autem possunt celebrare, et celebrare facere se praesentibus in omnibus domibus (etiam extra dioecesim) ubi reperiuntur causa visitationis, aut itineris, aut morae extra dioecesim a iure, vel a s. Sede ob aliquam peculiarem causam permissae; ita habetur ex Bulla *Apostolici ministerii* Innoc. XIII. confirmata a Benedicto XIII. et extat in appendice Conc. Rom. (7).

38. An autem Episcopi possint dispensare, ut aliquando celebretur in domibus privatis? Respondetur quod licet hodie per Trident. *Sess. 22. in Decr. de celebr. Miss.* et luculentius in Decr. Clementis XI. ablata sit Episcopis potestas, quam primitus per *Can. Missarum*, 11 *de consecrat. dist. 1.* habebant celebrandi, et celebrare faciendi etiam in domibus laicorum, nihilominus valde probabilis, et communissima est sententia cum Nav. Suarez Lugo Castrop. Vasq. Coninch. Salm. Croix, etc. quod hoc intelligitur de licentia perpetua per modum habitus, non autem de licentia ad tempus per modum actus, intercedente aliqua iusta causa particulari, et transitoria infirmitatis, aut alterius rei. Nonnulli dd. admittunt hoc tantum pro aliquibus vicibus in anno; sed alii, ut Holzm. Elbel, et Pasqual. concedunt quoties occurrit aliqua causa specialis, dicentes, solum vetitum esse Episcopis per modum habitus, et quoties dispensato

(1) N. 319. (2) Videl. 6. n. 359. Not. 3. (3) Ibid. v. Ex quo, et ex alio Decr. quod affert P. Zaccharia ap. Croix l. 6.

p. 2 ad n. 271. (4) L. 6. n. 359. (5) Ibid. v. Dices. (6) L. 6. n. 357. (7) N. 358.

lubet ea licentia uti, et hoc etiam approbatur a Gallemart in citat. loco Trid. et non irrationabiliter (1).

APPENDIX De oratorii privatis.

Operae pretium est hic adnotare formam Brevium pontificiorum, quibus concedi solent oratoria privata; haec igitur est: — « Clemens XIII. tibi N. N. dioecesis Neapolitanae, qui (ut asseris) ex nobili genere procreatus existis, ut in privato domus tuae solitae habitationis oratorio in civitate N. existentis, ad hoc decenter (muro extructo) ornato, ab omnibus domesticis usibus libero, per Ordinarium loci prius visitando, et approbando, ac de ipsius Ordinarii licentia, eius arbitrio duratura, unam Missam pro unoquoque die, dummodo in eadem domo celebrandi licentia, quae adhuc duret alteri concessa non fuerit per quemcumque sacerdotem ab eodem Ordinario approbatum secularem, seu de Superiorum suorum licentia regularem, sine tamen quorumcumque iurium parochialium praeiudicio, ac Paschatis resurrectionis, Pentecostes, Nativitatis D. N. Iesu Christi, nec non aliis solemnioribus festis diebus exceptis in tua, et familiae tuae, nec non hospitum tuorum nobilium praesentia celebrare facere valeas. Non obstantibus, etc. Volumus autem quod familiares servitio tuo tempore dictae Missae actu non necessarii ibidem Missae huiusmodi interessentes, ab obligatione audiendi Missam in ecclesia diebus festis de praecepto minime liberi censeantur ». — *Datum Romae*, etc.

Nunc examinemus sigillatim dictas elausulas, quarum I. *Tibi dioecesis Neapolitanae*. Hic quaeritur an qui habuit privilegium, cum transferat domicilium in aliam dioecesim pos-

sit ibi uti privilegio? Multi affirmant, ut Barbosa Pasqual. La-Croix cum aliis (2); nam dicunt hoc privilegium non loco sed personae concessum ob suam nobilitatem; adeoque stante eadem causa in alia dioecesi, adhuc et privilegium perseverat. Addunt postea tibi *dioecesis Neapolitanae* non taxative apponi, sed demonstrative, i. e. *Tibi qui es dioecesis Neapolitanae*; et hoc eo fine ne ab alio, qui forsitan sit eodem nomine appellatus, privilegium usurpari queat. Hoc tamen non obstante, contrarium tenendum cum p. Fortunato a Brixia (3), qui secundum se multos auctores adducit. Ratio, quia nunc temporis in exemplaribus Brevium huiusmodi privilegii, secus ac fiebat antiquitus nomen civitatis respicit non personam tantum, sed etiam eadem oratoria, cum dicatur: *In privato domus tuae solitae habitationis oratorio in civitate N. existentis*; et quandoque apponitur etiam nomen dioecesis. Sicuti ergo privilegium quoad personam, sic etiam ad locum limitatur. Praeterea, ut bene ait p. Brixienensis (4) mox laudatus (et asserit hanc esse comm. sententiam), quamquam hoc dubium esset, stricte tamen interpretandum est; etenim generaliter loquendo, privilegia favorabilia sunt late interpretanda; non autem illa derogantia iuri communi uti est privilegium de oratorio privato; contra Tambur. sententiam (5). Vide quod dicemus de privilegiis Tract. 20. n. 7.

Clausula II. *Qui (ut asseris) de nobili genere procreatus existis*. Igitur animadvertendum cum non verificatur conditio nobilitatis, privilegium utique nullum esse, dum illa est apposita uti causa finalis (6). An autem sufficiat nobilitas habita ex privilegio, vel dignitate, seu gradu acquisito? Quidam admittunt (7); sed

(1) Lib. 6. n. 359. (2) Barb. de iur. eccl. l. 2. c. 8. n. 16. Pasq. de Sac. Miss. q. 629. La-Croix l. 6. p. 2. n. 269. cum Sylv. Bonac. et aliis. (3) A Brixia de orat. domest. p. 62. (4) Brix. loc. cit.

c. 3. annot. 1. p. 91. (5) Tamb. Meth. cel. Miss. l. 1. c. 6. §. 4. n. 31 (6) Vid. Tambur. loc. cit. §. 4. n. 5. (7) Pasq. et Cleric. cum Pignat. t. 6. cons. 98. n. 100.

negatur a p. Fortunato a Brixia asserente requiri proprie dictam nobilitatem habitam ex nativitate. De reliquo semper in hoc locus a loco est distinguendus.

Clausula III. *Ut in privato domus tuae solitae habitationis oratorio in civitate N. existentis ad hoc decenter (muro extracto) ornato, ab omnibus domesticis usibus libero.* Hic quaeritur an privilegio donatus illo uti possit, cum per parum temporis domi suae ruri extractae immoratur? Affirmant Pignat. et Pasq., sed merito id negat Ronc. (1) attentis verbis: *In privato domus tuae solitae habitationis.*

Notetur hic 1. Per verba *muro extracto*, uti probabiliter dicunt quidam aa. (2) non signari opus esse ut quatuor adsint parietes, sed sufficere tres, et pro quarto ut apponatur tapes, aut tela quae claudatur, aperiaturve cum opus erit. Iuxta usum autem Neapoli receptum, scio pro huiusmodi privatis oratoriis ab Archiepiscopo approbari armaria lignea; attamen sentio semper observandum Decr. S. R. congr. die 3. Decemb. emanatum 1661. ubi dicitur: *Habens indultum erigendi oratorium in propria domo, si voluerit ibi aedificare altare ligneum, non indiget facultate apostolica, dummodo altare cum sacro lapide parieti colligatum amovibile non sit, et altaris portatilis imaginem non prae se ferat.* Notandum 2. quoad verbum *ornato*, quod locus oratorii ita aptari debet, ut omnes fatentur, ut distinguatur ab aliis profanis usibus destinatis. Imo bene ait Pasqual. in huiusmodi oratoriis ornamenta splendidiora ante alia quae in ecclesiis adsunt, esse apponenda, quia ecclesiae ex se exi-

gunt venerationem. Notandum 3. quoad verba, *ab omnibus domesticis, etc.* id quod dicunt dd., nimirum quod sicut in ecclesia quis dormire potest, comedere, et similia, tanto magis haec permittuntur in oratorio (3); et uti haec agendo in ecclesia absque necessitate venialem culpam non excedit, modo non fiant per modum habitus, ut inquit Suar. cum aliis (4); idem a fortiori dicendum est de oratorio privato. Casu tamen quo per modum habitus oratorium tamquam locus profanus haberetur, voluit dd. (5) locum illum ineptum fieri, et privilegium cessare; saltem, ut aiunt alii, (6) novae eget Ordinarii approbationis. An autem super oratorii tecto dormire non liceat, aut aliae actiones profanae, negant aa. fere communiter (7), dicentes id omittit esse solum convenientiae, non vero praecepti; dum qui dormit super tecto ecclesiae extra ecclesiam dormit. Verum tamen est in sua dioecesi s. Carolum Borromaeum vetuisse. Ceterum, inquit p. Gatticus (8), hoc permitti posse in aliqua domo, ubi aliter ex angustia provideri non potest.

Clausula IV. *Per Ordinarium loci prius visitando, et approbando, ac de ipsius Ordinarii licentia, eius arbitrio duratura.* Notetur hic Ordinarium, cum semel approbaverit oratorium, non posse impedire quominus ibi celebretur, ut decisum legitur apud Barb. (9). Hoc tamen intelligitur, cum desit iusta causa, nam cum adest, bene potest celebrationem suspendere vi verborum, *eius arbitrio duratura.*

Clausula V. *Unam Missam pro unoquoque die, dummodo in eadem domo celebrandi licentia, quae adhuc dureret, alteri concessa non fuerit.* Iam superius dictum est n. 37. per verba,

Primo, cum Pignat. et Croix l. 6. p. 2. n. 266. cum Quarti, et Tamb. n. 9. v. Illud, ex Sanch. et Glossa in c. un. de Cons. eccl. in 6. (3) Gattic. de orat. dom. c. 33. n. 6. (9) Barb. in Trident. Sess. 22. Decr. de observ. in cel. n. 19.

unam missam, intelligi unicam, ut declaravit Benedictus XIV. in Bulla Magno. Per verba autem dummodo in eadem domo, etc. advertatur quod, etsi unus ex dominis oratorium obtinisset in suis diaetis, sed eiusdem domi, invalide alter dominus privilegium impetraret.

Clausula VI. *Per quemcumque sacerdotem ab eodem Ordinario approbatum secularem, seu de Superiorum suorum licentia regularem.* Notandum hic non opus esse approbatione speciali ad celebrandum in oratoriis privatis, hodie enim ordinarie solent ibi Sacrum facere sacerdotes vi cuiusdam approbationis, quae ex consuetudine (1) adest.

Clausula VII. *Sine tamen quorumcumque iurium parochialium praeiudicio.* Ob hanc clausulam nequeunt in oratoriis privatis denunciari matrimonia, et similia. An autem possint ministrari Sacramenta Poenitentiae, et Eucharistiae, vide quod dictum est n. 37. ad 4.

Clausula VIII. *Paschatis resurrectionis, Pentecostes, et Nativitatis D. N. I. C. nec non aliis solemnioribus festis diebus exceptis.* Advertendum cum Gavanto (2) sub Paschatis et Pentecostes nomine primum tantum diem comprehendere. Quinam alii dies comprehendantur in verbis, *solemnioribus festis diebus*, dictum est n. 37. iterum iterumque citato.

Clausula IX. *In tua, et familiae tuae, nec non hospitum tuorum nobilium praesentia celebrare facere valeas.* Superius etiam notatum est (n. 37.) per verba, *in tua et familiae tuae praesentia*, intelligi quod celebrari non potest, quin adsit aliqua ex illis personis quibus principaliter est concessum Indultum, ut declaravit Bened. XIV. Sub verbo

autem familiae veniunt omnes consanguinei, saltem usque ad quartum gradum, modo eandem incolant domum, et vivant privilegio donati expensis, ut volunt doctores communiter (3).

Clausula X. *Volumus autem quod familiares servitio tuo tempore dictae Missae actu non necessarij Missae huiusmodi interessentes, ab obligatione audiendi Missam in ecclesia diebus festis de praecepto minime liberi censeantur.* Ut igitur servi gaudeant privilegio requiritur 1. ut non modo vivant expensis domini, sed etiam ut actu serviant, ut habetur ex *cap. Sicut nobis, de verb. sign. in 6. 2.* Non sufficit quod continue serviant domino, sed requiritur actualis eorum necessitas tempore Sacri. Tenet Pign. (4) servos utiles etiam posse quodammodo necessarios reputari, saltem, ait p. Gatticus, si sunt necessarii ad decus domino competens: sed Brix. negat utrumque ex principio superius dato, privilegium nempe hoc stricte esse interpretandum, tanquam derogans iuri communi; antum admittit cum Gattico unum servum, qui moraliter necessarius reputatur ad ea, quae occurrere possunt tempore Missae.

Quaeritur an gaudeant privilegio servi qui vivunt de salario domini, sed habitant extra illius domum? alii negant; sed communius alii (5) affirmant: et non improbabilius: modo continue serviant in domo heri, et actu, ut dictum est, sint necessarii tempore Missae.

PUNCTUM II.

Quae excusant ab auditione Sacri.

39 *Excusat impotentia, qualis est infirmorum, excommunicatorum, vinculis detentorum, custodum, etc.*

(1) Tamb. l. c. n. 23. (2) Gav. p. 1. tit. 10. §. sciendum. (3) Pignat. tom. 6. cons. 93. n. 91 et seqq. Pasq. qu. 669. Ronc. de Sacr. Mis. c. 5. q. 3. v. Sexto. Croix l. 3. p. 1. n. 627. P. a Brixia p. 8. contra Peliz. et Tambur. (4) Pignat.

loc. cit. n. 107. (5) Peliz. Manual. tract. 8. c. 2. sect. 2. qu. 22. Mazzotta, Gattic. Castrop. Quarti, et alii apud La-Croix l. 6. p. 2. n. 272. contra Bon. Barb. Lez. etc. ap. La-Croix.

40. *De servis, filiis, et uxoribus coactis, etc.*

41. *Excusat grave incommodum.*

42. *Excusat usus.*

43. *An propter scandalum, etc. an propter grande lucrum, aut ut confiteatur possit omitti Sacrum.*

39. Excusat a praecepto audiendi Sacrum quaevis impotentia sive realis, sive moralis, quae grave afferret damnum, aut incommodum spirituale. vel temporale propriae personae, aut proximo. Quare 1. excusantur infirmi quia, si domo egrediantur, grave nocumentum, aut dolor, aut valetudinis procrastinatio timetur. In dubio potest infirmus iudicio medici, aut Superioris, aut viri prudentis acquiescere, et etiam proprio, si iam potest ipse prudenter iudicare, et quando agitur de gravi damno, etiam perseverante dubio, infirmus probabiliter excusatur; nam in tali dubio praevalet ius naturale conservandi salutem (1). 2. Excusantur excommunicati, et carceribus detenti, qui non tenentur absolutionem, vel libertatem procurare, ut Sacro adsint, ut volunt multi dd. Sed ego non excusarem, ut melius dicunt alii, si de facili sine gravi incommodo possent absolutionem, aut libertatem obtinere; aut si ipsi ideo eam obtinere non curent, ne tali praecepto se obstrictos reddant (2). 3. Excusantur qui custodiant castra, urbem, gregem, domum, infantes, vel pueros, quos domi relinquere sine periculo, et secum conducere sine templi perturbatione nequeunt. Item illi qui probabiliter timent, ne in carcerem detrudantur, si ad ecclesiam pergant, et illi qui necessario debent assistere infirmis, ut medicinas, et cibum tempore opportuno illis ministrent, aut eos nequeunt derelinquere, quin molestia magna afficiant (3).

40. Excusantur 4. servi, si necessaria foret eorum opera, ut domi-

(1) L. 3. n. 325. (2) Ibid. v. Excommunicatus. (3) Lib. 3. n. 326. (4) L. 3.

norum grave incommodum evitetur. Debent nihilominus huiusmodi servi procurare (si possunt) ut adsint Sacro cum suo incommodo levi, etc., v. g. auferendo aliquid a somno, citius foras egrediendo, etc. Si autem eorum opera non esset necessaria eo tempore, quo audiendum sit Sacrum, non excusantur, nisi in casu, in quo gravem indignationem, aut grave incommodum timeant, v. g. ne dimittantur, ac de facili et statim alium dominum non possent invenire. Idem dicendum de filiis a parentibus, et de uxoribus a viris coactis ad omitendum Sacrum, aut ad laborandum in festo; ipsi enim excusantur, si timeatur gravis indignatio (4).

41. Excusantur 5. navigantes, et itinerantes, si ex auditione Sacri grave damnum passuri sint (5). Excusat notabilis distantia ab ecclesia. In hoc pensandae sunt circumstantiae personae, temporis, et loci, sed regulariter putant Suar. Castr. Filiuc. Salm. Trull. Croix, Mazz. et alii excusare distantiam trium miliarium, aut iter pedestre unius horae cum quadrante; et minus si plueret, aut ningeret, aut adesset alia causa excusans (6).

42. Excusat 6 usus iuxta locorum consuetudinem domo non egrediendi sex hebdomadas post partum, vel mensem tempore luctus ob mortem viri, et etiam sororis, aut filiae, ut dicunt Suarez, et Mazzotta. Sed illae personae, quae iam domo exeunt, ob has causas non excusantur a Sacro. Nulla autem ratione potest licita reputari illa consuetudo (ut melius dicam abusus) qua puellae, ne in publicum exeant, ab auditione Sacri se abstinant. 7. Excusantur tamen mulieres, quae vestibis, aut servis, aut sociis se decentibus carent: sed istae tenentur, si possunt, valde modo mane, aut in aliqua ecclesia, ubi populus non frequens Sacro adest. Idem dicitur de puella inhoneste praegnanante. Aliqui dd. excusant puell. n. 327. (5) N. 328. (6) N. 329.

lam, si tantum una Missa celebranda esset, et inter eam proclamationes illius nuptiarum faciendae essent sed hoc non potest admitti, nisi in iis locis, ubi talis esset usus, aut puella magno rubore suffundenda esset; quod quidem raro accidit (1).

43. Potest 8. excusari mulier, si sciat quod turpiter concupiscatur. Sed dicimus quod illa non teneretur ideo abstinere a Sacro, nisi semel aut bis (2). Denique potest probabiliter excusare iactura magni lucri, ut in simili dictum est n. 22. Et ita etiam possunt excusari muliones, rhedarii, molitores, qui, ut Sacro adessent, magnum damnum, aut iacturam lucri extraordinarii subituri essent (3). Ita etiam potest excusari, qui omitteret Sacrum ut impediret aliquid grave peccatum, aut damnum: aut ut confiteatur, qui secus esset diutius permansurus in peccato mortali. Sed non licet Missam

omittere, ut faciat aliquod opus non praeceptum, licet altioris meriti (4). An autem peregrinus teneatur ad audiendum Sacram in festo, in loco ubi est de praecepto, licet ibi tantum diem moretur, vide quid dictum est de legibus *Tract. 2. n. 41.*

Hic obiter notandum Benedictum XIV, in Brevis *Cum sicut*, dato 22 Decemb. 1748. in regnis Neapolis, et Siciliarum permisisse opera servilia in festis, exceptis *Dominica paschali, et Pentecostes, et omnibus aliis dominicis*; item *diebus circumcisionis, Epiphaniae, Ascensionis, Corporis Christi, et eius Nativitatis, item Purificationis, Annuntiationis, Assumptionis, Nativitatis, et Conceptionis B. V. Mariae immaculatae*: item *diebus ss. Petri et Pauli, omnium Sanctorum, et patroni principalis cuiusque civitatis aut loci dioecesis*. In aliis autem festis indulget fidelibus teneri tantum ad Sacrum audiendum.

TRACTATUS VII.

DE QUARTO PRAECEPTO DECALOGI

CAPUT I.

DE FILIORUM OBLIGATIONE

1. *De amore erga parentes.*
2. *De reverentia.*
3. *De obedientia.*

1. Filii tenentur erga parentes (ita etiam subditi erga Superiores) amorem, reverentiam, et obedientiam praestare. Quare peccant graviter I. contra amorem, et quidem pluribus modis: 1. Si ab eis abhorrent, aut illis malum grave optant (in quo dupliciter peccant, contra pietatem, et contra iustitiam). 2. Si iniustus modis eos impediunt, ne testamentum conficiant. 3. Si eos sine iusta causa gravi molestia afficiunt. 4. Si non subveniant in gravi necessitate temporali, aut spirituali,

(1) N. 330. (2) L. 3. n. 331. (3) N. 332. (4) Ibid. v. Non excusatur. (5) L.

praecipue si negligunt ut illi in articulo mortis Sacramenta suscipiant (5).

2. II. Peccant graviter contra reverentiam, 1. Si percutiant eos etiam leviter, aut ostendant velle eos percutere. 2. Si gestus eorum, contumeliose exprimendo derisui eos habeant. 3. Si maledicta, aut convicia in eos coram effutiant, appellando illos *amentes, ebrios, bestias, latrones, veneficos, scelestos*. Vocare autem eos *senes, ignaros, stupidos*, etc. non debet absolute damnari de peccato mortali, nisi tunc cum illi graviter contristarentur (6). Dictum est coram, quia si filius parenti illuderet, aut mala imprecaretur, sine pravo animo, et clanculum, nescirem eum damnare de peccato mortali (7).

3. n. 333. (6) N. 334. (7) Ibid. v. Absolute.

3. III. Peccant graviter contra obedientiam, 1. Si ipsis invititis ducunt uxores indignas cum familiae dedecore (observetur quod dicitur de sponsalibus *Tractatu* 18. num. 10). 2. Si furentur in materia gravi bona domus; quocirca observetur quod dicitur loquendo de furto *Tract.* 10. num. 32. Peccant 3. Si non obediant parentibus in rebus gravibus et iustis, ac per ipsos iussis (praecepto expresso et serio, ut dicunt *Roncaglia*, *Holzmann*, et *Sporer*) v. g. ne ludant ludis perniciosius, ne domo exeant nocte, ne cum mulieribus, aut cum malis sociis versentur, etc. (1). Dictum est in rebus iustis, quia circa status electionem filii non tenentur parentibus obedire, ut docet s. Thomas (2). *Non tenentur nec servi dominis, nec filii parentibus obedire de matrimonio contrahendo vel virginitate servanda.* Quare parentes (ut dicemus capite sequenti) si impediunt filios, quominus statum eligant, aut cogunt eos ad suscipiendum aliquem statum invitos, peccant graviter.

CAPUT II.

AD QUID TENENTUR PARENTES
ET FRATRES.

4. *De alimentis, Legitima, et dote; decisio quatuor Rotarum.*
5. *De educatione; si pater impedit vocationem, aut cogit ad aliquem statum, aut ingredi monasterium.*
6. *Ad quid tenentur fratres.*

4. Parentes ad duo potissimum tenentur, ad procurandam filiis conservationem, et educationem. Circa conservationem ipsi peccant 1. Si bona sua dilapident, ita ut impotentes redantur ad ministranda filiis. (licet essent spurii) alimenta necessaria, aut si negligant eis modo quo possunt illa procurare. 2. Si iniuste privent eos in morte Legitima, aut in vita recusent constituere patrimonium filiis, qui ad Ordines sacros

promoveri cupiunt, aut negent dotem filiabus, licet ipsis invititis illae nupserint, cum iam annum 25. excesserint. Si autem ante illam aetatem nupserint, diversae adsunt opinioniones; sed probabilior mihi videtur illa Sanch. Molin. Salm. Trullench., etc. qui dicunt patrem saltem teneri ministrare alimenta, licet se indignis nupserint (3). Respectu autem patris, ait Sanch. Boss. cum Glossa in cap. *Admonere* 33. q. 4. et cum Surdo illum teneri alimenta non filio modo, sed etiam eius uxori, etsi ipsam duxerit absque dote, et contra voluntatem patris (4). Praeterea aiunt Azor. et Merenda (5) cum Baldo et Iasone, patri alendum esse filium, etiamsi iste consumpsisset in vitiis partem sibi prius datam. Hic adnotetur decisio 4. Rotarum s. Conc. Neapol. quod pater non potest domo filios expellere, licet foris vellet eis ministrare alimenta, et contra quod filii nihil possint praetendere a patre si velint extra domum habitare, nisi hoc facerent causa virtutis (6). Quando autem pater possit, vel non, filios exhaereditare, vide quod dicemus *Tract.* 10. n. 238. cum loquemur de contractibus.

5. Circa educationem 1. peccant parentes, si negligunt filios in rebus Fidei, et salutis instruere vel per se, vel per alios. 2. Si eis scandalum afferant, blasphemias, vel verba obscena proferendo, etc. et praecipue si secum in lecto decumbere faciant, aut permittant pueros et puellas simul dormire. 3. Si de excessibus eos non corripuerint, et praecipue si aliquid furati sint. 4. Si non curent, ut filii Sacramenta suscipiant, et festa, ieiunia, etc. observent. 5. Si permittant ut illi cum scandalosis versentur, et praecipue si non impediunt quominus sponsi suarum filiarum ad domum accedant. 6. Si impediunt filios quominus aliquem

(1) Lib. 3. n. 335. (2) 2. 2. q. 104. a. 5. (3) Lib. 3. n. 336 v. 3. Pater. (4) Sanch. l. 4. de matr. D. 26. n. 21.

Boss. de effect. matr. p. 2. n. 95. etc. (5) Azor. p. 2. l. 2. c. 4. q. 12. Merenda contr. l. 4. c. 34. n. 6. (6) L. 3. n. 338.

vitae decentem statum assumant, v. g. matrimonium sibi competens (1); observetur circa hoc quod dicitur *Tractatu* 18. num. 17. cum sermo fiet de sponsalibus. Tanto magis peccant, si filios a statu religioso sine causa avertunt (2); observetur quid dicitur *Tract.* 13. n. 25. 7. Peccant contra si cogant filios ad nuptias ineundas cum certis personis: modo non adsit aliqua gravissima causa, puta si aliquod matrimonium multum conferret ad aliquam grandem inimicitiam sedandam, aut ad solandos parentes gravi necessitate oppressos; ita dicunt Bellarm. Laym. Sanch. Petrocor. Tolet. et alii communiter cum s. Thoma; sed hoc intelligitur semper ac filius statueret ducere uxorem (3). Ita etiam peccant, si adigant filios ad ecclesiasticum statum, vel religiosum, aut filias ad monasteria ingredienda. Et hic advertatur quod iuxta Trident. *Sess.* 25. cap. 18. de reg. et mon. incurrit excommunicationem quicumque adigit puellam ad profitendum in aliquo monasterio, ad suscipiendum habitum, et etiam ad illuc ingrediendum, licet solo fine educationis, uti tenemus cum Suar. Nav. Bonac., etc. contra Sanch. sic intelligendum Concilium citato loco (4). Contra dicimus non incurrere censuram illos parentes, qui simpliciter suaderent suis filiabus monasterium ingredi, ut ait Barbosa cum Rodriq. et alii contra P. De Alexandro *de monialibus*, qui non recte supponit hoc esse quamdam coactionem metu reverentialem; nam revera aliud est ingredi timore incusso a patre, aliud est ex voluntate patris, etiamsi adiungeret preces, modo istae non sint nimis instantes, adeo ut probabilis timor incuteretur ne pater secum indigeretur (5). Cum autem Concilium exceperit casus in iure expressos, probabiliter Suar. Bonac. et Filiuc.

(1) L. 6. n. 849. circa fin. v. Conveniunt. (2) L. 3. n. 335. v. Praeterea. et l. 4. n. 77. (3) L. 6. n. 850. (4) L. 7.

permittunt posse cogi puellas ad ingrediendum monasterium in poenam alicuius delicti, vel ne cadant in aliquam impudicitiam, uti deducitur ex cap. *Significavit*, et cap. *Gaudemus de convers. coniug.* (6). Imo ego nescirem id culpa damnare, cum, si domi detineretur puella, esset in periculo dandi, aut recipiendi scandalum; tunc enim videtur finis legis Concilii cessare non solum negative, sed etiam contrarie, iuxta id quod dictum est de legibus *Tract.* 2. n. 69 (observa quae fusius dicuntur super hanc excommunicationem *Tractatu* 19. num. 29). Praeterea hic advertatur cum eodem de Alexandro quod excommunicantur etiam qui sine iusta causa impediunt puellas professionem emittere, aut habitum suscipere in aliqua religione; et etiamsi impediant ingressum in monasterium, uti probabiliter tenent Suar. Bonac. et Filiuc. adversus Sanchez, et Castropal. (7).

6. Quoad fratres, etiam isti tenentur (cum possint) alimenta suis fratribus, et dotes sororibus ministrare, et non tantum in necessitate extrema, sed etiam gravi, ut communissime docent Azor. Barbosa, et Salmant. cum Trollech. Fagnan. Menoch., etc. Dicunt tamen hi aa. quod fratribus, et sororibus uterinis non ad aliud tenentur quam ad alimenta (8).

CAPUT III. AD QUID TENENTUR DOMINI SERVI ET CONIUGES.

7. *Obligatio dominorum, praesertim circa salarium.*
8. *Obligatio servorum. Si permittant furari. Si discedant contra pactum.*
9. *Salarium praescriptio.*
10. et 11. *Compensatio.*
12. *Viri obligatio.*
13. *Mulieris obligatio, praesertim de sequendo viro.*

7. I. Quoad dominos, peccant hi. 1. Si in causa sunt cur servi non satisfaciant praecepto festorum, et ann. 212 v. Quoad. (5) Ib. Dubit. 2 (6) Ib. v. Quoad in fine. (7) Ibid. Dubit. 3. v. Insuper. (8) L. 3. n. 340 v. Notandum.

qualium Sacramentorum. 2. Si eis denegent, aut differant salarium. 3. Si eos non corrigan, cum blasphemant, aut scandalum praebent. 4. Si eos sine iusta causa ante tempus conventum eiiciant, et tunc tenentur integrum salarium promissum eis solvere, ex L. *Qui operas* 38. et L. 16. ff. *Locati*. Sed hoc intelligitur post sententiam: nam si servus ex expulsiōe nihil damni passus fuisset, tunc non debet dominus obligari ad integrum salarium, sed ad medieta-tem, et aliquid amplius (1). Si autem servus infirmetur per sex menses, ad nihil tenetur dominus iuxta communio-rem Lugonis, Molinae, Laym. Croix, etc. (quicquid dicat Antoino); dummodo illic non adsit contraria consuetudo. Et ne tenetur quidem ad expensas infirmitatis, ut probabili-ter tenet Lugo contra alios; modo servus non esset in gravi necessi-tate (2).

8. II. Quoad servos dicimus, quod peccant isti, 1. Si famulatu desunt, aut si domino, ut debent, non obei-unt. 2. Si permittunt dominos damnum pati cum impedire possent, et damnum provenit ab extraneis, ad restitutionem tenentur; si vero fieret a domesticis, iuxta communio-rem, et probabiliorem Lessii, Lugo-nis, Azorii, Molin. Holzman, Salmant. (contra Pontium, et alios) pec-carent contra charitatem, cum com-mode possent impedire damnum; non autem contra iustitiam, dum-modo illorum bonorum cura non sit illis praecipue commissa (3). 3. Pec-cat servus, si ante statutum tempus discedat sine causa. Sed eo casu non potest dominus illi negare to-tum salarium quod ei debetur pro rata famulatus praestiti; satis tamen erit, si ei solvet dimidium, aut paulo minus, ita dicunt Azor. Filliuc. Sil-vest. Salmant. Trullench. Faguand., etc. (4). Si vero discessit ob infirmi-tatem, aut aliam iustam causam, po-

(1) N. 342. (2) Ibid. v. 3. Herus, et n. 864. (3) L. 3. n. 343. et 344. (4) n. 345.

test totum stipendium tempori cor-respondens famulatu exhibito exi-gere, et tunc nec supplere tenetur opera a quibus tunc cessavit (5).

9. Notandum hic 1. Servo post duos annos, quam discessit (iuxta Bullam sancti Pii V. apud *Salmant. de 4. praecepto num.* 154.), imo post duos menses (iuxta Decretum S. Concilii Neapolitani) non posse amplius dari actionem in salarium; sed hoc intelligitur in iudicio, quia in conscientia bene potest illud prae-tendere, imo compensare, modo pro domino non stet praescriptio trien-nalis legitime facta cum titulo, et bona fide (6), iuxta id quod dicitur *Tract.* 10. n. 10. et 11. cum de prae-scriptione erit sermo.

10. Notandum 2. Quod si servus famulatus fuisset sine salario deter-minato, et dominus nolle ei satis-facere, bene potest sibi compensare, saltem quoad infimum pretium, sem-per ac dominus solitus fuisset sol-vere illud aliis, aut si iam aliis so-luturus esset. Aliud vero est de illis pueris, pro quibus rogantur nobiles, ut eos inter suos familiares adscri-bant, vel cooptent, quibus ex con-suetudine solent dari tantum ali-menta (7).

11. Notandum 3. Quod non potest servus operas suas sibi compensare, si ipse eas maiori pretio dignas exi-stimet, quam est quod accipit, cum proscripta sit haec propositio 37. ab Innoc. XI. quae dicebat: *Famuli domestici possunt occulte heris suis surripere ad compensandam operam suam, quam maiorem iudicant sala-rio, quod recipiunt.* Nihilominus re-cte dicunt Viva, et Salm. Less. et Molina (quicquid dicat La-Croix) hoc non procedere, cum servus ne-cessitate coactus convenisset de sala-rio notabiliter minore iusto; quia tunc, sicut dominus teneretur sol-vere iustum, ita servus potest sibi compensare (sed non ultra infimum); dummodo (ego subiungo) herus pro (5) N. 346. (6) N. 347. (7) N. 348.

eodem pretio minore iusto non invenisset sine iustitiae laesione qui ei famulatus fuisset. Praeterea dicunt Sotus, Navar. La-Croix, Corella Filguerra, etc. quod tunc servus non potest maius salarium exigere, quando proprio libito augeret operas debitas, non autem quando eas augeret ex voluntate expressa, vel tacita domini. Tunc tamen dicunt Viva, Croix, et Cardenas, quod non potest servus ex se facere compensationem sine consilio peritorum, aut alicuius theologi valde docti. Contra tenent Salm. quod si compensatio esset evidenter iusta, et abesset periculum allucinationis, quia res de se patens esset, tunc potest servus iuxta infimum pretium compensationem sibi facere. Et dicunt quod praefata propositio ideo damnata fuit, quia nimis generaliter loquebatur (1).

12. III. Circa coniuges peccat vir, 1. Si male habeat uxorem verberibus, aut contumeliis sine iusta causa; potest autem caeteroquin in eam animadvertere, iusta accedente causa (ut esset praesertim causa honoris), dummodo animadversio esset competens statui, et conditioni uxoris, ut dicunt Basemb. Elbel, et Gob.; alias dupliciter peccaret. 2. Si uxori est impedimento, quominus satisfaciat praeceptis: si vero tantum ei impediret ea, quae sunt consilii, nimirum frequentiam Sacramentorum, dicunt Bonac. Sayr. Busemb. Filiuc., etc. quod si impediret sine causa, tantum venialiter peccaret, non autem graviter, nisi sibi constaret, quod ex ipsis uberiorem fructum illa perciperet (2). 3. Si negat, aut negligit ei procurare alimenta, intelligitur iniuste: nam iuste potest ea negare, si mulier discedit ab illo sine causa, aut si illa adulterasset, ut dicunt Sanch. et La-Croix, cum Castropal. (3). Quoad dotem tamen propter adulterium non potest

vir sibi abdicare illam ante iudicis sententiam: licet ut dicit Croix cum Castrop. contra Sanchez, possit uxori repetenti dotem opponere exceptionem adulterii (4).

13. Peccat vero uxor, 1. Si non obedit viro in eo, quod iustum est (praesertim in non reddendo debito coniugali), et si domesticam gubernationem sibi assumit, modo vir ad eam habilis sit, aut non sit profusus in prodigendis rebus suis. 2. Si de rebus communibus impenderet plus quam solent sui ordinis aliae uxores. Observa quod dicetur *Tract. 10. num. 33. de furto*. 3. Si ad secundas nuptias transiens non servat filiis prioris coniugii bona, quae a primo viro accepit, quorum tantum usus sibi competit, ut habetur ex Authentica, *Ex testamento*, et Authent. *In donatione, cap. de secundis nupt.* 4. Si iniuste renuit sequi virum, qui mutat domicilium, licet sine sufficienti causa, et etiam si in longinquas partes proficiscatur, ubi diutius ei morandum sit, quia si brevi redeundum esset, nec mulier tenetur ire, nec vir eam conducere, sicut etiam nec vir tenetur, si magna impensa opus esset, ad secum illam conducendam; ita Sanch. Tolet. Filiuc. Salmant. et alii communiter (5). Contra non tenetur mulier sequi virum: 1. Si talis esset conventio inita in sponsalibus, et nulla accedisset nova et gravis causa, tunc non animadversa, ut dicunt Castrop. Navar. Sanch. Salmant., etc. (6). 2. Si vir vellet eam conducere ad malum finem. 3. Si illa in itinere deberet se exponere gravi periculo mortis, aut alterius gravis damni. 4. Si vir vellet peregre proficisci, ut dicunt Nav. et alii communiter (7). An autem uxor teneatur sequi virum exultantem? alii negant, sed probabilius affirmant Sanch. Bossius, et alii (8).

(1) L. 3. n. 522. et seqq. (2) N. 356. (3) Sanch. de matrim. l. 10. disp. 8. n. 25. et La-Croix l. 3. p. 1. n. 714. (4) lb.

(5) Lib. 6. n. 977. (6) Lib. 3. n. 353. (7) L. 6. n. 977. v. Regulariter. (8) L. 3. n. 356.

CAPUT IV.

AD QUID TENENTUR PASTORES ANIMARUM

PUNCTUM I.

De parochorum obligationibus.

14. *I. De residentia. Dispositiones Concilii.*
15. *Si residet inutiliter.*
16. *Bona fides non excusat a restitutione.*
17. *De licentia requirenda ab Episcopo.*
18. *Ubi residendum sit Papae, Cardinalibus, Episcopis, et parochis.*
19. *Excusant caritas, necessitas, obedientia, et utilitas.*
20. *An sufficiat licentia ore tenus, an tacita, an praesumpta.*
21. *Si addatur causa pro absentia, sed desit licentia.*
22. *An omnes fructus restituendi sint.*
23. *Et cui.*
24. *ad 27. II. De Sacramentorum administratione.*
28. *An tempore pestis, etc.*
29. *III. De celebratione Missae.*
30. *ad 32. IV. De correctione.*
33. *Debet impedire quominus clericalem habitum suscipiant, et denegare fidem indignis.*
34. *Debet inquirere, etc. et praecipue schedulas Communionis, matrimonii impedimenta.*
35. *et 36. V. De concione, et doctrina christiana.*
37. *ad 44. Quae gravioris momenti, ut annuntientur.*
45. *Aliae obligationes parochi, nempe 1. Exemplum 2. assistere moribundis 3. elemosyna 4. examinare obstetrices, etc. circa Baptismum. De pulsanda campana hora 3. post meridiem, etc.*
46. *A parochis pendent boni mores, et salus populorum.*

14. Parochi multis oneribus devinciuntur, sed quinque praecipue: I. Tenentur ad residentiam. II. Ad Sacramentorum administrationem. III. Ad celebrandam Missam pro populo. IV. Ad corrigendum. V. Ad praedicandum, et instruendum. De omnibus sigillatim. Et I. quoad residentiam ante omnia advertendum quod fuit declaratum, et dispositum a Tridentino Sess. 23. de reform. c. 1. super hoc. Itaque Concilium 1. suffi-

cienter declarat (ut communi dd. sententia intellectum est) omnes Episcopos, et praesertim caeteros omnes curatos teneri de iure divino ad residendum in loco, ubi cura exercenda est, dum ibi pastores dicuntur de iure divino teneri pascere oves non solum Sacramentis, et verbi divini praedicatione, sed etiam exemplo, cui non potest satisfieri, nisi per residentiam, qua praesentes se ostendunt. 2. Statuit quoad Episcopos (quod procedit etiam de parochis) ne a dioecesi discedant, nisi una ex sequentibus causis ita postulet, nempe caritas christiana, vel necessitas urgens, vel debita obedientia, vel evidens Ecclesiae, aut reipublicae utilitas, approbata tamen a Papa, vel a metropolitano, etc. (Benedictus XIV. tamen eam approbationem in Bulla Grave soli Papae reservat), providendo tamen, quantum fieri poterit, ne sua absentia oves aliquid patiantur detrimenti. Conceduntur caeteroquin Episcopis tres menses, quibus possunt abesse, sed ex aequa causa, et sine gregis detrimento, de quo eorum conscientiae onerentur: hortantur tamen residere in suis cathedralibus temporibus adventus, quadragesimae, Nativitatis Domini, Paschae, et Pentecostes. Quoad parochos dicitur, quod ipsi nequeunt ecclesias derelinquere ultra menses duos modo non adsit gravis causa procul morandi, sed tunc non nisi ex licentia in scriptis ab Episcopo obtinenda. Imo etiam illis duobus mensibus non possunt parochi discedere, nisi Episcopus approbaverit causam, et idoneitatem vicarii, quem semper tenetur substituere parochus cum discedit. 3. Declarat, et statuit omnes pastores non residentes praeter peccati mortalis reatum, pro rata absentiae non facere fructus suos ex cura provenientes, et teneri, alia etiam declaratione non secuta, ad illos restituendos vel fabricae ecclesiae, vel loci pauperibus, quacunque compositione remota.

15. Hoc supposito, dicimus I. cum P. Viva eandem culpam, et restitutionis obligationem incurri a pastoribus absentibus, ac ab inutiliter in ecclesiis residentibus; et hoc tum ex lege naturali: fructus enim dantur pastoribus ratione utilis residentiae, non autem personalis tantum; tum quia Concilium expresse eos obstringit ad talem utilem residentiam, dum dixit, *ubi iniuncto sibi officio defungi teneantur*; et novissime luculenter hoc declaravit laudatus Pontifex Benedict. XIV. in praefata Bulla *Grave*, dicens, residentiam non esse veram, nisi sit formalis, nempe cum debito officio satisfiat. Et notant Barbosa, et Salmant. cum Vasq. et Garcia asserentes declarationem S. C. non reputari residere illum parochum, qui duos menses per se non exercet munera principaliora, nempe concionem et Sacramentorum administrationem (1).

16. Dicimus II. parochum (aut Episcopum) non residendo, quamvis bona fide credat habere iustam causam, etiam teneri ad restitutionem (quicquid dicant Viva et Garcia); et eadem ratione superius assignata, dum pastor tenetur residere, non solum lege positiva, sed etiam naturali, ratione contractus inter pastorem, et Ecclesiam initi, propter quem illi dantur fructus; unde non potest hos sibi retinere, semper ac (licet sine mala fide) muneris sui partes non adimplet. Tanto magis quod Benedict. XIV. in Bulla *Ad universae* 3. Sept. an. 1746 declaravit expresse Episcopos absentes ultra tres menses ab ecclesiis sine legitima causa, et expressa licentia Papae, transgressorum poenas incurrrere, inter quas, ut dictum est, praecipua est poena, ut non faciant fructus suos (2).

17. Dicimus III. licet a Concilio requiratur licentia Episcopi tantum pro absentia parochi ultra duos menses, nihilominus parochum non posse

(1) L. 4. n. 127. Dubit. 3. (2) ibid. Dubit. 2. (3) N. 123. Dubit. 2. (4). Lib.

derelinquere parochiam, neque per illos duos menses, tametsi iustam habeat causam, nisi Episcopus eam approbet, et nisi etiam (quod magis interest) approbet substitutum sufficiens (3). Caeterum si unquam accideret aliqua necessitas discedendi, quae moram non pateretur, tunc bene permittitur parochi discedere, modo sit pro brevi tempore, et vicarium idoneum pro se substituat. Ita dd. communiter cum Decr. S. C. Debet tamen tunc parochus certiores facere saltem Episcopum de hac sua absentia, ut saltem licentiam obtineat pro alio tempore, quo abesse deberet, modo brevi reversurus non esset. Praeterea huiusmodi absentia admittit materiae parvitatem, ut communiter dicunt Castropal. Anacl. Roncag. Barb. Holzman, etc. Alii dicunt esse parvitatem materiae moram unius hebdomadae, multi alii etiam duarum, ut Tournel. Cabassut. Sanchez Ronc. etc. (semper intelligitur, si substituat alium). Sed in Concilio romano sub Benedicto XIII (*tit. 25 cap. 6.*) prohibitum fuit parochis abesse a cura sua ultra biduum sine licentia Episcopi, aut ipsius vicarii: rumor tamen communis est etiam a doctis viris divulgatus, quod talis Synodus non fuerit in nostro regno acceptata. La-Croix excusat a culpa gravi parochum, qui abesset duos menses sine licentia, sed cum causa, et sine gravi damno gregis, dicens quod talis absentia non reputatur a Concilio gravis, et pro se citat Barbosam, Nav. Bonac. et alios. Sed huic opinioni nescio acquiescere, dum Concilium (ut dictum est) statuit ut Episcopus in tali absentia non solum approbet causam, sed etiam vicarii idoneitatem ob periculum quod contingere potest, quod non idoneus substitutus possit magno damno esse gregi duos menses ei praesidentem (4).

18. Quaeritur I. Ubi debent resi-
4. n. 123. v. Caeterum,

dere pastores? Papa et Cardinales Romae. Episcopo, ut dicunt Fagn., Salm., etc. residendum in cathedrali: nos vero cum Cabass., Bonac., Holzman, quod possit residere in quolibet loco dioecesis, et hoc non potest hodie revocari in dubium post Bullam Benedicti XIV. quae incipit *Ubi primum* anno 1740. in qua sic declaratum est: *Personalem in ecclesia vestra vel dioecesi servetis residentiam*. Confirmando caeteroquin quod prius expresserat Trident. his verbis: *Obligari ad personalem in sua ecclesia, vel dioecesi residentiam*. Parochus autem debet manere domi ecclesiae suae, si adest; sin minus, in alia domo in restrictu parochiae existente, saltem moraliter; unde ipse commodè ecclesiae servitio praesto esse possit, et quo sui parochiani facile accedere possint, ut Sacramenta suscipiant. Ideo dicunt Bonac. et Salm. non iudicari residere illum parochum, qui longe a parochia habitaret tribus miliaribus, nec duobus, ut rationabiliter dicit La-Croix. Imo non sine ratione addit idem auctor cum 4. aliis, non sufficienter residere parochum, qui inter limites parochiae habitaret, tamen non facile oves ad eum accedere possunt (1).

19. Quaeritur 2. Quo sensu accipiendae erunt quatuor causae superius descriptae a Tridentino? Et 1. pro *charitate* christiana intelligitur, quando pastori alio proficiscendum est ad lites componendas, et praesertim inter potentes, aut ad liberandam aliam ecclesiam ab haeresi, aut ab aliis enormibus sceleribus. 2. Pro *necessitate* urgenti intelligitur, si pastori illic imminet mortis peculiare periculum; et praecipue pro parochis decrevit S. C. quod ob talem causam potest parochus per sex menses abesse, relicto ibi vicario ex licentia *Episcopi*, quae potest prorogari ad aliud temporis spatium, sed elapso anno debet induci ad renunciandam parochiam. Loquendo autem de su-

(1) N. 124. (2) Lib. 4. n. 125. v. Sic

pradicto periculo, non intelligendum periculum commune, ut esset pestis (ut dd. communiter sentiunt, et S. C. declaravit), inimicorum invasiones, et huiusmodi; sed intelligitur periculum particulare respectu parochi ipsiusmet (aut Episcopi) v. g. quia ab inimicis vexatur, aut quia suae valetudini aer nocivus est, modo infirmitas non sit perpetua, et absentia non gravi detrimento futura sit gregi, alioquin aut pastori residendum est in loco curae, aut abdicanda est cura; observetur quod super hoc praecipue de Episcopis sancitum est a Benedicto XIV. in Bulla *Ad universae* edita 3. Sept. anni 1746 (2). 3. Pro *obedientia* debita intelligitur, si parochus aut Episcopus abesset, ut Papae aut Ordinarii mandatis obsequeretur propter bonum Ecclesiae aut reipublicae, aut quamcumque aliam causam gravem, ut dicit Tournely, dummodo absentia sit brevis; si enim diuturna est, requiritur necessitas boni communis. Et hic adverte quod Episcopus non potest sibi assumere parochum in vicarium, aut visitatorem, etc. et apud se retinere, ut declaravit S. C. Sed hoc limitant Castrop. Barbosa, Azor. et Vasq. si nullus alius inveniretur (quod rarissime accidit) qui supplere posset. 4. Pro *utilitate* evidenti Ecclesiae, aut reipublicae intelligitur, quando contingit pastorem abesse, vel ut Synodo assistat, vel se, aut suos, aut Ecclesiam in negotio gravi apud regium tribunal defendat, ut dicunt Soto, Bonac., Vasq., Ronc. et Salm. cum decisione Rot. rom. Hoc tamen intelligitur semper ex licentia, et modo adsit alius, qui assistere possit. Et Benedictus XIV. dicit in citata Bulla, quod, si agatur de lite propriae familiae, non concedendam Episcopis aliam licentiam praeter menses conciliares (3).

20. Quaeritur 3. An licentia, quam obtinere debet parochus valeat si data sit oretenus tantum? Affirmant Lessius et alii, dicentes scripturam pariter. (3) N. 125.

tantum requiri quoad forum, non autem quoad validitatem. Contra id negant Sanch. et Castropal. qui dicunt a Concilio requiri licentiam in *scriptis pro forma*, uti loquuntur, alias nullius esset roboris. Sed cum hoc non constet, putant Viva et Croix probabilem esse Lessii opinionem. Imo Coninch. et Reginald. admittunt etiam licentiam tacitam Episcopi cum consensu de *praesenti*. Addit Mazzotta sufficere etiam licentiam praesumptam de *futuro*, seu interpretativam; sed La-Croix dicit hanc a nemine admitti. Et S. C. declaravit praefatam licentiam debere esse expressam (1).

21. Quaeritur 4. An parochus (aut Episcopus) teneatur ad restitutionem fructuum, foris morando sine licentia, sed ex causa certe iusta? P. Viva ait (2) parochum tunc peccare contra ius positivum, sed non contra naturale, ex quo infert non teneri nisi post sententiam ad fructuum restitutionem. Sed huic opinioni nescio acquiescere, dum Concilium vult respectu parochorum pro tempore absentiae (ut superius dictum est) non solum probandam causam, sed etiam substitutum qui sufficitur. Et quoad Episcopos declaravit Benedictus XIV. (ut dictum est n. 16.) comprehendi sub nomine transgressorum eos, qui derelinquunt dioeceses ultra *tres menses absque legitima causa, et expressa Pontificis licentia*. Et animadvertendum quod transgressores, iuxta Concilium et Bullam Benedicti, in poenam non solum damnati sunt ad fructuum restitutionem, sed etiam ad eos non acquirendos, dum ibi dicitur: *non facere fructus suos*. Hinc etiam ex lege positiva mihi videntur teneri ad restitutionem fructuum, quos perceperunt non suos; cum enim delinquant in ecclesia derelinquenda sine licentia, fructus acquirere non possunt (3). Saltem (dico ego) est dubium an in tali casu possit pastor suos facere

(1) L. 4. n. 123. v. Hic autem. (2) Opusc. 3. q. 3. a. 3. ad 7. (3) L. 4. n.

fructus praedictos, et in dubio iusti tituli nemo potest iuste rerum acquirere dominium, ut dicitur *Tr. 10. n. 8. et seqq. et 144. cum agemus de dominio* (4). Caeterum nescirem condemnare parochum illum, qui ex causa evidenter iusta discederet, et oeconomum idoneum alias iam approbatum ab Episcopo, et qui actu iam reperiretur in parochiae servitio, relinqueret.

22. Quaeritur 5. An parochus delinquendo in residentia teneatur ad omnium fructuum temporis absentiae correspondentium restitutionem? Affirmat Navar. ex eo quia Concilium indefinite obligat ad restitutionem. Nihilominus probabiliter dicunt Barb. Bonac. et Viva cum Vasq. et communiter, ut asserit, teneri tantum ad eam partem, quae residentiae oneribus respondet, dum fructus non tantum ad hoc dantur, ut haec onera sustineantur, sed etiam ob alia, nempe ob Horas canonicas, Missas, etc. Quare cum Concilium non expresse contrarium, praesupponitur in hoc se remisisse naturali rationi, quae dicit neminem privandum tota mercede, qui iam parti onerum assumptorum satisfecit (5).

23. Quaeritur 6. Cuinam restituendi sunt fructus a pastoribus non residentibus? Caeteri beneficiati si omitunt recitare Horas canonicas, possunt restituere pauperibus cuivisvis loci (aut fabricae ecclesiae, aut domus beneficii); sed pastores non residentes, uti praecepit Trid. *Sess. 23. c. 1. debent eos applicare omnino fabricae ecclesiae, vel pauperibus loci*. Nec sufficit eos applicare animabus purgatorii illius regionis, Missas, aut alias preces offerendo; nam revera animae defunctorum nequeunt amplius dici illius regionis. Dicit tamen p. Viva cum Lessio, quod bene possit parochus sibi illos applicare, si vere pauper sit; dummodo id non efficeret in fraudem, nempe si deesset residentiae (127. (4) Cit. n. 127. (5) L. 4. n. 127 Dubit. 4.

animo sibi applicandi restitutionem faciendam; *fraus enim nulli patrocinari debet*. Praeterea posset parochus fructus sibi retinere, si pauperes ei illos donarent, sed postquam ad eorum manus illi pervenerint; antea enim pauperes non possunt illos remittere, cum ipsi non acquirant dominium illorum fructuum, nisi post traditionem sibi factam (1).

24. II. Parochi, aut alii curati per se ipsos tenentur ad Sacramentorum administrationem. Quod ad Sacramentum Poenitentiae attinet, parochus tenetur illud administrare non solum tempore praecepti et in casibus gravis necessitatis, sed toties quoties (ut communiter Lugo, Azor., Busemb., Salm., Holzman, etc. contra Silvest. et pauciores) poenitentes confiteri etiam ex devotione petunt; nisi (ut recte excipit Aversa) illi intempestive et nimis frequenter vellent audiri: aut nisi essent alii confessarii, et ipse esset legitime impeditus (2). Unde dicunt La-Croix, Gobat. Concina et Salm. peccare illum parochum, qui redditur morosus et difficilis ad audiendas confessiones, praesertim si fuerit accitus ab infirmis, quibus ut praecepit s. Carolus Borromaeus, statim et qualibet hora accurrere debet. Si tamen curatus semel atque iterum extra necessitatem renueret alicuius confessionem audire, probabiliter dicunt Suarez, et La-Croix, cum Arriaga (contra Bonac.) non peccare graviter, dummodo non adesset aliqua urgens necessitas, v. gr. iubilaei, festivitatis solemnis, ut limitat Aversa (3). Si autem parochus haberet oeconomum ab Episcopo approbatum, non tenetur cum tanto rigore confessionibus audiendis vacare; sed ei animadvertendum est quod certus debet fieri oeconomum idoneum esse tam quoad scientiam, quam quoad mores, alias rationem Deo ipse redditurus est de omnibus damnis, quae ob eius ignorantiam, et pravos mores evenient. Semper expediens erit (obiter hic

(1) N. 128. (2) L. 6. n. 58. et n. 623.

notamus) ut parochus interdum accessat confessarios externos propter animas verecundas, praesertim si eo concionator quadragesimalis non solet accedere ad audiendas confessiones.

25. Quoad Communionem pariter communiter dicunt dd. teneri parochum ad eam subministrandam quoties rationabiliter et opportune de ea expostulatur, dum pastor non solum debet prospicere ut eius oves praecepta adimpleant, sed etiam ut iis auxiliis praemuniantur, quae eorum profectui conferre possunt. Hinc sancitum fuit ex decreto S. C. an. 1679. approbato ab Innoc. XI. pastores (Episcopos nempe aut parochos) licet ex iustis causis possint Communionem taxari alicui subdito in particulari, non posse tamen praescribere dies Communionis pro omnibus generatim, sed debere in hoc remitti iudicio confessariorum (4). Circa Vaticum quando possit et debeat dari, observa quod dicetur in *App. II.* de assistentia moribundorum § 4. n. 2.

26. Tenentur quoque parochi curare, ut pueri Communionem paschalem suscipiant, cum illius capaces sunt, nempe (regulariter loquendo) cum pervenerint ad decimum usque ad duodecimum annum, ut dicunt Lugo, Castrop., Salmant., Dicastil. etc., aut saltem usque ad quartumdecimum, uti dicunt Suar., Laym., Wig., Antoine et La-Croix. Sed s. Carolus Borromaeus in nona Synodo dioecessana praecepit suis parochis, ut habiles redderent Communioni omnes pueros decennes; et quidem parochi postea difficiles se praebent ad Communionem dandam pueris duodecim annos natis; sed cur? Ne sibi assumant onus eos instruendi. Proh! quot parochi hanc suam obligationem negligunt, quae utique levis minime dicenda est!

27. Quoad Extremam-Uctionem sub gravi tenentur parochi ad eam ministrandam iis, qui exposcunt. Et (3) N. 623. (4) N. 253. et 254.

animadvertant quod docet Catechismus rom. (part. 2. de Extrem. Unct. n. 18.): *Gravissime peccant qui illud tempus aegrotos ungendi observare solent, cum, omni salutis spe amissa, vita et sensibus carere incipiunt.*

28. An autem parochi tempore pestis teneantur residere, et Sacramenta ministrare cum periculo vitae? Quod ad residentiam spectat, communiter docent dd. ad eam tenericums. Thoma, qui ait (1): *Ubi subditorum salus exigit personae pastoris praesentiam, non debet pastor personaliter suum gregem deserere ... propter aliquod personale periculum imminens.* Excipit tamen s. doctor casum, quo pastor possit sufficienter per alios providere, sed non loquitur de tempore pestis. Ceterum habemus apud Fagnanum (2), Gregorium XIII. declarasse tempore pestis omnino teneri parochos residere; et alio decreto (ut refert Fagnanus ibidem) declaravit teneri etiam Episcopos residere, cum potestate tamen (ut dixit) residendi in aliquo loco tutiori dioecesis, et illius prospicere necessitatibus. Quoad Sacramentorum administrationem approbando decretum S. C. Concilii an. 1576. ita declaravit: *Parochum suis parochianis peste laborantibus teneri ministrare dumtaxat Sacramenta ad salutem necessaria, nempe Baptismum et Poenitentiam.* Cum igitur dixerit *dumtaxat*, declaravit parochos liberos esse ab obligatione ministrandi Communionem et Extremam-Unionem peste laborantibus. Imo subiunxit, quod possint ipsa Sacramenta Baptismi et Poenitentiae per alios idoneos ministrare, se ipsos servando ad audiendas confessiones bene valentium, qui alias ab ipsis abhorrent, si viderent eos accedere ad morbo decumbentes (3). Advertunt tamen Suarez, Holzm., Concina, Castropal., Sporer et alii communiter, quod si peste laborans (modo sensu careat) multo abhinc tempore non sit confessus, et pro-

(1) 2. 2. q. 185. a. 5. (2) In 1. partem. 3. Decretal. cap. Clericus de cleric. non

babilius parochus putaret illum esse in peccato mortali, tunc tenetur etiam cum periculo vitae eum Extrema-Unionem munire (4).

29. III. Parochi, aut alii curati seculares, aut regulares (et eo magis Episcopi) tenentur orare et celebrare Missam, non solum ut populus ei intersit, sed etiam applicare fructum pro iho singulis dominicis et festis, ut novissime statuit Benedictus XIV. in Bulla *Cum semper*, 19. aug. an. 1744. declarans hoc valere, etiamsi curatus congruam non haberet (*licet*, verba Bullae, *congruis redditibus destituatur*), et quamvis alicubi adsit consuetudo immemorabilis in contrarium. Et si parochia vacaret, facultatem dedit Episcopo assignandi oeconomum congruam portionem fructuum, ut ipse pariter in festis possit celebrare pro populo. Tribuit pariter facultatem Episcopis dispensandi cum aliquo parochio, qui aliter non posset vivere, ut possit applicare in festis pro dantibus sibi elemosynam, cum onere supplendi diebus ferialibus pro populo. Hic autem dubium fit, de quo apud nullum auctorem invenio mentionem fieri, an parochus infirmus, cum nequeat Missam per se ipsum celebrare pro populo, teneatur per alium? Plures doctos in hoc consului; alii negarunt, dicendo hanc obligationem includi in generali onere, quod omnes pastores habent orandi pro suis gregibus; et cum obligatio orandi sit mere personalis, sicut parochus impeditus orare, non tenetur orare per alium, ita impeditus celebrare, non tenetur celebrare per alium. Sed ego cum aliis censeo oppositum tenendum, quia parochus non solum tenetur celebrare pro populo, sed etiam Missam populo applicare, ut declaravit Benedictus XIV. an 1744. in sua Bulla supra citata *Cum semper*. Id est, iuxta effata s. Pauli (*Hebr. 5. 1.*): *Omnis namque Pontifex ex hominibus assumptus pro hominibus constituitur* resid. n. 38. et seq. et 45. et seqq. (3) L. 6. n. 233. (4) N. 729.

in iis quæ sunt ad Deum, ut offerat dona et sacrificia pro peccatis. Et denique idem confirmat vers. 3. dicens: *Et propterea debet, quemadmodum pro populo, ita etiam et pro semetipso offerre pro peccatis.* Obligatio autem pastoris orandi pro populo est equidem personalis, sed obligatio applicandi populo fructum Missæ est simul personalis (quia si potest celebrare per seipsum, nequit celebrare per alium) et etiam realis, cum sit una ex obligationibus muneri pastoris annexis, prout dictum fuit in Concilio Tridentino sess. 23. de reform. cap. 14. ubi mandatum fuit sacerdotibus curam habentibus animarum Missas celebrare tam frequenter, ut suo muneri satisfaciant. Onus autem hoc offerendi Missas pro populo est ex præcepto divino, ut expressit idem Concilium cit. sess. 23. cap. 1. ubi dicitur: *Cum præcepto divino mandatum sit omnibus, quibus animarum cura commissa est, oves suas agnoscere, pro his sacrificium offerre, verbique divini prædicatione* etc. Illud autem præceptum divinum habetur apud Ioan. (21. 17.): *Pasce oves meas.* Sicut igitur tenetur pastor oves suas pascere prædicatione, Sacramentorum administratione, correptione, etc., sic etiam tenetur pascere applicando eis fructum Sacrificii: quapropter, sicut pastor impeditus prædicare, vel Sacramenta administrare, tenetur prædicare, et administrare Sacramenta per alium: ita impeditus applicare per seipsum populo Missam, tenetur per alium applicare Sacrificii fructum, qui est pascuum utilius, quo populum iuvare potest.

Si autem parochi, et omnes quibus cura animarum commissa est, tenentur in dominicis et iestis præceptis Missam celebrare et applicare pro populo, tanto magis ad id tenentur Episcopi, uti principales pastores animarum. Non autem ad hoc tenentur quotidie; nec obstat textus

(1) Vide l. 6. n. 325. et 326. et l. 3. n. 350. (2) N. 360. v. Parochi.

in cap. *Quoniam, ult. de privil.* ibi enim dicitur, quoad Episcopos quotidiana celebratio Missæ, vel auditio esse tantum de decentia, non vero de obligatione; hæc sunt verba textus: *Quoniam Episcopi eorumque superiores, se habent diversis ex causis a suis ecclesiis et dioecesibus absentare frequenter, nec semper possunt commode ad ecclesias accedere pro Missa celebranda, vel audienda in ipsis, sine qua eos transire non decet (nota non decet) absque causa rationabili ullum diem: præsentis Constitutione indulgemus eisdem ut altare possint habere viaticum, et in eo celebrare, ac facere celebrare ubicumque absque interdicti transgressione, illis permittit celebrare, vel audire Divina.*

Notandum demum hic obiter, quod Benedictus XIV. in Bulla supra relata, *Cum semper*, declaravit insuper, Missam Conventualem, quæ a clero ecclesiarum quotidie cantatur, non posse applicari pro populo, sed omnino applicandam esse pro benefactoribus in genere cuiusque ecclesiae, quacumque consuetudine non obstante (1).

50. IV. Parochi, et tanto magis Episcopi tenentur etiam cum periculo vitæ ad corripiendos subditos, qui in peccato mortali existunt, aut in proximo periculo labendi in illud, et non solum in eorum extrema necessitate, sed etiam in gravi, semper ac fulget emendationis spes, ut communiter docent Suar., Bonac., Valent., Coninc., Salm. etc. cum S. Thom. 2. 2. q. 185. a. 5. (2). Addimus cum Caiet., Sanch., Castrop., Diana, Ronc., Holzm. et aliis communissime (contra paucos) ad id teneri pastores non solum ex charitate, sed etiam ex iustitia, propterea enim a communitate stipendium recipiunt, ut ipsi pro viribus curent impedire vitia cuiuslibet suæ ovis, ideoque, cum deliquerint graviter in eo debito iustitiæ, remanent etiam obligati ad fructuum restitutionem (3).

(3) Ibid. v. Sed dubit. 1.

31. Et cum ab aliquo potente reperitur aliquod scandalum dari, cui parochus non posset occurrere, debet ille Episcopum certiores facere, ut de remedio occurrat. Et si forsitan Episcopus in hoc negligens esset, debet parochus ad secularem potestatem recurrere, si subditus laicus esset, aut alia remedia opportuna tentare, et non debet hoc negligere ob quemcumque humanum respectum, aut timorem. In summa hoc est, quod Evangelium clamat, quod *bonus pastor animam suam dat pro ovibus suis*. Cum in regione reperiuntur notabiles morum dissolutiones, quibus nullum occurrit remedium, parochus tenetur curare, ut Missio eo adveniat (ille parochus, qui Missionem non curat, suspicionem ingerit suorum morum; boni enim parochi non praetermittunt quarto aut quinto quoque anno Missionem accessere). Denique ubi nihil intentatum reliquit, ut consuleret malo, etsi generaliter loquendo non esset praecisa obligatio faciendi correctionem, cum nulla subest spes profectus, non debet ideo parochus eam omittere; et etiam eam identidem repetat peccatoribus obstinatis, saltem in casu, quo periculum non subesset aliquod grave damnum subeundi; inserviet saltem illa correctio ad hoc, ne parochus ab aliis subditis male audiat, cum videant scandalum durare, et pastorem obdormiscere, praeter quam quod correctio inserviet ne alii in exemplum inducantur in peccatis sordescere, cum vident neminem adesse qui eos corripiat aut exprobet.

32. Et pastor non solum tenetur peccata et scandala iam incoepa auferre, sed etiam illa quae facile postmodum excitari possunt, impedire. Prae ceteris praecipue debet impedire, quominus sponsi accedant ad domum sponsarum: nam quamvis initio non accedant cum pravo fine, nihilominus experientia docet, quod in huiusmodi occasione quasi omnes sponsi postea in peccata labuntur, et

secum in illa trahunt etiam parentes, qui permittunt eos versari cum sponsis. Quare debet parochus omnibus modis curare, ut impediatur haec spiritalis ruina duarum familiarum ex hac causa proveniens, quae ruina perseverabit usque dum matrimonium contrahetur, praesertim si sponsalia iam sunt inita. Ideoque cuilibet parochus elaborandum esset, ne verba sponsorum acciperet, nisi paulo ante matrimonium contrahendum; cum experientia observemus, initis sponsalibus, totum illud temporis spatium inter nuptias intercedens esse tempus peccatorum.

33. Ad haec debet parochus apud Episcopum impedire, ne habitus clericalis conferatur adolescentulis, aut pueris, qui suis moribus non sunt aliis exemplo, aut saltem indolem ecclesiasticam non prae se ferunt; nam si ipsi tacent, et sinunt eos induere habitum clericalem, illi postea adolescerent in otio, et exui habitum erubescerent, per fas et nefas, quam viliis onusti niterentur ordinari, et religioni magnae essent perniciet, cui in principio facile parochus potuisset occurrere; post vero desperabitur remedium. Et ideo clericos, qui iam initiati reperiuntur, curet saltem instruere, et per semitas vitae devotae dirigere, ut boni ecclesiastici evadant. Igitur quam rationem redditori sunt Deo illi parochi, qui fidem faciunt, illos ordinandos Sacramenta frequentare, et bonis esse moribus, quos sciunt nec esse assiduos in Sacramentorum susceptione, nec aliis bono exemplo, sed potius scandalo fuisse! Quid miserius esse potest, quam cernere clericos, qui vix bis aut ter in anno confessi sunt et communicaverunt, parochi fides audacter praesentare qualibet hebdomada aut bis in mense fuisse confessos et communicasse! De huiusmodi parochis, qui has fides praestant, dicendum est defecisse a Fide, nam certe de omnibus flagitiis quae committunt isti sic sine Dei vocatione promoti, et

de omnibus iis, quorum ipsi aliis causa sunt. parochus sibi Deum vindicem facit, cum Episcopi in hoc parochis omnem fidem committunt. Sed Episcopi diligentiores non quiescant in parochorum attestationibus in hac materia tanti momenti, unde salus populi pendet, nec parochus coram Deo excusabitur, si fidem facit ex aliorum attestatione, nisi de eo, quod testatur circa Sacramentorum frequentiam, et bonos mores, plus quam certus fiat.

34. Non tantum tenentur parochi ad correctionem faciendam, et ad impedienda peccata et scandala, quae vident, sed etiam ad diligentius inquirendum, an in regione adsit aliquis subditus, qui in aliquo peccato versetur, et suo muneri non satisfaciatur; parochus enim commissus est salus uniuscuiusque ovis. Ita communiter docent dd. Caietanus, Laym., Soto, Salmant. et alii cum s. Thoma (1) qui ait: *Qui habet specialem curam alterius, debet eum quaerere ad hoc, ut corrigat de peccato* (2). Praesertim invigilare debet ut subditi omnes praecepto paschali satisficiant, sine personarum acceptione; proptereaque cavere debet ne schedulas Communionis committat alicui clerico. Elapso iam tempore paschali, diligenter debet inquirere de iis, qui forte non adimpleverint praeceptum (3): et debet eos monere, qui si non resipuerint, deferat ad Episcopum, ut excommunicatione, aut interdicto saltem in illos animadvertat. Hoc quidem aliqui parochi efficiunt cum personis popularibus, convivent autem et sopore torpentur cum aliis maioris existimationis. Quot istorum in Missionibus reperiuntur, qui per multos annos omiserunt praecepto satisfacere; quin de hoc parochus verbum quidem admonitionis cum eis impenderit! Praeterea cum aliquod matrimonium contrahendum erit, debet inquirere si aliquod sub-

sit impedimentum, et si probabiliter putat subesse, tenetur suam eis negare assistantiam, et nuptias suspendere, donec saltem certior fiat Episcopus, ut ipse quid faciendum decidat, ut communiter Sanchez, La-Croix, Ledesma, Vega, et alii cum Lugo, qui cum Coninch. addit, quod si Ordinarius sciat aliquod impedimentum occultum, debet matrimonium prohibere, licet hoc privata scientia noscat, et nequeat probare (4).

35. V. Parochi tenentur instructiones, et conciones facere. Quoad instructionem debent instruere et docere plebem Mysteriorum Fidei, quae sciri et credi debent, et quae necessaria sunt ad salutem, prout sunt 1. Quatuor Mysteriorum principalia, nimirum esse unum Deum, et hunc esse omnipotentem, sapientissimum, Creatorem et Dominum universi, misericordem et amabilem super omnia, praecipue vero esse iustum remuneratorem bonis et malis; item Mysteriorum SS. Trinitatis et Incarnationis, ac mortis Iesu Christi. 2. Sacramenta necessaria, quae sunt Baptismus, Eucharistia et Poenitentia; cetera saltem cum suscipienda sunt; et dispositiones necessarias, ut haec suscipiantur. 3. Articulos symboli Fidei, et hos inter praesertim Virginitatem sanctissimae Mariae: Sessionem Iesu Christi ad dexteram Patris, nimirum ipsum in coelo esse in aequali gloria cum Patre: Resurrectionem mortuorum in finali iudicio a Iesu Christo faciendam: Unitatem Ecclesiae romanae, in qua tantum reperitur salus; et tandem aeternitatem paradisi, et inferni. Quae omnia quilibet fidelis tenetur scire sub gravi 4. Praecepta Decalogi et Ecclesiae. 5. *Pater noster* et *Ave Maria*, et actus Fidei, Spei, Amoris et contritionis. Itaque sicut graviter peccat, qui negligit haec scire (et quidem non tantum quoad voces, sed etiam quoad sensum), ita etiam graviter peccat parochus, ut c. 2. n. 7. et Segneri paroch. instruct. cap. 23. (4) Lib. 6. n. 54. v. Certum

(1) 2. q. 33. a. 2. ad 4. (2) L. 3. n. 360. Dubit. 2. (3) Barb. de offic. par.

communiter dd. si per se, vel per alios idoneos (ipso legitime impedito, ut loquitur Conc. Trid. sess. 5. c. 2.) non curat ea docere saltem quoad substantiam suos subditos, pueros et adultos, qui ea ignorant. Hinc cum animadvertit, parentes, aut dominos non curare ut filii, aut famuli intersint doctrinae christianae, tenetur cum Episcopo de opportuno remedio consilium capere, qui ut habetur in Trid. sess. 24. c. 4. *de ref.* potest etiam per censuras ecclesiasticas ad id parentes cogere. Boni pastores adnotatos tenent pueros, ut sciant quis eorum desit suas in hoc adimplere partes. Imo ait La-Croix l. 2. n. 174. et l. 3. p. 1. n. 767. si adessent alii rudes, qui adire ecclesiam nequeant, quia custodiunt domum, aut greges, cum in gravi necessitate spirituali reperiuntur, debere parochum eo proficisci, ad eos instruendos *cum quantocumque suo incommodo*, ut loquitur praefatus auctor. Saltem nos dicimus, cum hoc ei maximae molestiae futurum foret ob horum rudium multipliciter, curet saltem eos instruere tempore praeccepti paschalis, aut cum accedunt ad suscipiendum Sacramentum Confirmationis, aut ad contrahendum matrimonium. Expedi etiam, ut exploret magistros, et magistras, an possint recte docere pueros et puellas doctrinam christianam, et media conducentia ad in timore Dei vivendum.

36. Quoad concionem, parochus tenetur ad concionandum omnibus dominicis, ut praecipit Trident. sess. 5. c. 2. *de ref.* (circa quod vide Tract. VI n. 5.). Sed hic advertendum per Tridentinum non solum impositum esse parochis pascere greges verbo divino; sed etiam eos pascere pro captu eorum, facilitate sermonis, ut percipiant quod praedicatur. Cum enim verum sit quod Fides sicut diffunditur, ita conservatur praedicatione, *Fides ex auditu*; parum aut nihil proderunt populis conciones illae, quae non sunt conformes modo,

quem tenuit Iesus Christus, et apostoli secuti sunt, qui praedicarunt non *in persuasibilibus humanae sapientiae verbis, sed in ostentatione spiritus et veritatis*, ut fatetur s. Paulus. Ideoque merito v. p. m. Avila non Christi ministros, sed proditores vocabat eos concionatores, qui ex vanitate praedicant, ut laudes assequantur; et p. Gasp. Santius dicebat quod isti sunt, qui magis Ecclesiam persequuntur, dum sic praedicando causa sunt, cur multae animae pereant, quae per conciones ad apostolorum normam salvarentur. Vana verba, periodi contorti, et sonantes, descriptiones inutiles, dicebat s. Franciscus Sales., sunt pestis concionis; cuius unicus finis esse debet voluntatem auditorum ad bonum movere, non autem inutiliter intellectum pascere; sicuti experientia docemur, huiusmodi exornato stylo concionandi animas vitam non mutare, quia Deus cum vanitate non concurrit. Et hoc dictum sit de omnibus concionatoribus, qui cum vanitate praedicant, sed praecipue de parochis, quibus Tridentinum loco citato haec praescribit: *Archipresbyteri quoque, plebani, et quicumque parochiales vel alias curam animarum obtinent per se vel per alios idoneos, si legitime impediti fuerint, diebus saltem dominicis et festis solemnibus plebes sibi commissas pro sua et earum capacitate pascant salutaribus verbis*. Notentur verba illa, *pro earum capacitate*. Quare certe transgrediuntur Concilii praecceptum illi pastores qui stylo sublimi ultra populi captum praedicant.

37. Hic etiam iuvat advertere nonnulla, quae valde expedit ut parochus in concionibus populo saepe saepius inculcet. Et 1. quod ad emendationem non sufficit peccatum fugere, sed etiam oportet fugere occasionem peccati. Et loquendo de sponsis, qui versantur in domibus sponsarum, dicat tam ipsos, quam illarum parentes, qui hoc permittunt, non posse absolvi, nisi removeant

praedictam occasionem. 2. Adurgeat homines ne tabernas adeant, eis patefaciendo innumera peccata, quae illic, praeter ebrietates, committi solent, nempe blasphemiae, rixae, scandala, obscoenitates, domesticae discordiae, subtractiones victus a familia, etc. 3. Saepe declamet in vitium (quod est generale, praecipue in villis) loquendi inhoneste in campis et in officinis, tanto magis si loquatur coram pueris et puellis, et aliis diversi sexus. Propter hos prava sermones quot iuvenes depereunt! Et hortetur de hoc parentes, dominos, et magistros officinarum, ut invigilent ad corrigendos, et ad puniendos suos filios, aut famulos, qui ita obloquuntur, praesertim tempore vindemiae. 4. Instet ad demonstrandam sacrilegii enormitatem, qui coufitentur, et communicant, omisso aliquo peccato in confessione ob ruborem, et ut horror concipiatur, curet saepe saepius narrare aliquod terribile exemplum eorum qui sacrilege confessi sunt ob ruborem, et postea infelici exitu perierunt, et poterit propterea ad manus habere libellum p. Vegae, cui titulus: *Casi della confessione*. etc.

38. Insinuet 5. necessitatem doloris, et propositi pro confessione, etiam si illa sit de solis venialibus, hortando ne quis accedat ad absolutionem, nisi vere doleat saltem de aliquo peccato veniali eorum, de quibus se accusat, aut nisi materiam certam vitae anteactae exponat, cuius se vere poenitet, ut valida fiat confessio. At quoniam rudes parum capiunt quomodo debeat esse hic dolor, saepe explicet, quod quisque poenitens, ut valide confiteatur (sive dolor sit contritionis, sive attritionis) debet ita poenitere sui peccati, ut illud odio habeat, et detestetur super omnia mala.

39. Hortetur 6. ut in irae motibus, pro blasphemando, et imprecando, assuescant dicere; *Male habet peccatum meum; male vertat daemo-*

ni; aut Domina mea adiuvam me; Domina mea concede mihi patientiam. 7. In horrorem ponat superstitiones sive vanas observantias, quae solent adhiberi ad curandos morbos, aut ad cognoscendos fures, etc. 8. Inculcet parentibus, ut in filios animadvertant, praesertim dum sunt pueri, cum blasphemant, aut furantur, etc. Insuper invigilet ad observandum, et sciscitandum cum quibus illi versantur, et interdicit ne cum malis sociis comitentur, aut personis diversi sexus familiariter utantur. Praeterea ne in proprio lecto filios cubare faciant, vel nimis parvos ne suffocentur, aut aetate provectos (puta si 6. annos exceesserint) ne illi scandalum patiantur, et tanto minus permittant mares, et femellas in eodem lecto dormire.

40. Hortetur 9. persaepe suos auditores, ut tentationes internas (praecipue impuritatis) arceant invocando SS. Nomina Iesu et Mariae. Hoc est maximum remedium adversus tentationes. 10. Instet iugiter ad hortandum, ut, cum quis in mortale prolapsus est, statim contritionis eliciat actum quo gratiam amissam recuperare possit, cum proposito quanticus confitendi; et ab eis deducat hanc daemonis fraudem, nempe quod tam Deus parcat duobus quam uni peccato; cum contingere possit quod Deus expectet post primum, et post secundum suo auxilio eos destituat.

41. 11. Doceat actus quos quilibet facere debet cum a cubitu surgit, nempe gratiarum actionum, oblationis, et supplicationis, ter Ave recitando in honorem SS. Mariae et proponendo vitare omne peccatum, et illud praesertim in quod saepius labi solitus est, divinam Matrem supplicando ut ab illo eum liberet; et hortetur omnes matres, ut hoc practitari faciant quolibet mane a suis filiis. In concionibus significet parentibus teneri ad curandum ut filii Sacramenta frequentent; ea enim non frequentando facile a Dei gratia ex-

cident, et huic tanto damno parentes consulere debent. Dicaat etiam quod ipsi peccant si sine iusta causa filios a matrimonio aut a religione avertunt, aut eos ad matrimonium invitos cogunt, sicut contra peccant filii qui matrimonio coniunguntur, parentibus iuste dissentientibus: vide quod dicemus de sponsalibus *Tr.* 18. n. 10.

42. 12. Cum verum sit, ut supra diximus, quod parochus non solum tenetur impedire malum, sed etiam ad promovendum bonum, hortetur populum ad visitationem SS. Sacramenti, et beatiss. Virginis. Hanc visitationem potest ipse in communi cum populo obire, ut moris est in pluribus regionibus. Et dicat quod, qui ad ecclesiam convenire nequeunt, saltem e domo hanc faciant. Maxime insinuet ut congregationem homines frequentent, et omnes Communionem, praevia praeparatione, et subsequenter gratiarum actionibus per actum fidei, amoris, oblationis, et petitionis, docendo eos modum practicum, quo fieri debent.

43. 13. Curet saepe ut populus singulari studio SS. Mariae devotionem prosequatur, insinuando quanta sit eius potentia et misericordia erga suos devotos. Idcirco insinuet ut recitent rosarium in communi quotidie una cum familia, ut ieiunent sabbato, et celebrent Novenas septem festivitatum, quas ex altari annuntiet populo, quoties aliqua Novena accidit. Expediet propterea, ut sabbato ille conciunculam faciat, narrando aliquod exemplum beatiss. Virginis, et semel in anno celebret aliquam Novenam solemniorem cum sermone, et expositione Venerabilis, et propterea uti poterit inter caeteros libro, quem typis edidi, cui titulus: *Glorie di Maria*, ubi collectam reperiet materiam et exempla. Felix ille parochus, qui suas oves ferventes tenet erga devotionem SS. Mariae, nam illae, Virgine opitulante, recte vivant, et advocatam in vitae exitu potentem experientur.

44. Tandem potissimum insinuet usum petitionis, nempe ut saepe se Deo commendent, ab eo praesertim sanctam perseverantiam postulando propter Iesu et Mariae amorem: saepius explicando quod divina gratia, et praecipue donum perseverantiae non obtinentur, nisi petantur: *Petite et accipietis*. Et publicet saepe illam magnam Iesu Christi promissionem, quod quicquid Patrem petierimus in eius nomine, Pater dabit nobis: *Amen amen dico vobis: si quid petieritis Patrem in nomine meo, dabit vobis. Ioan.* 16. 23. Insinuet etiam instanter usum orationis mentalis, et curet faciendam in ecclesia una cum populo quolibet die, aut saltem quolibet die festo: docendo etiam modum quo fieri potest domi. Modus practicus orationem mentalem faciendi ponetur in *Appendice Prima, De directione animarum spiritualium*, n. 2. ad 5. et *Append.* 4 §. 3. Sed hic mihi concedatur conceptum animi dolorem foras aperire. Proh magnam infelicitatem! Quam pauci sunt illi parochi et confessarii, qui curam hanc sibi suscipiunt insinuandi suis poenitentibus hoc tam magni momenti exercitium orationis mentalis, sive meditationis, sine quo valde difficile est animam posse perseverare in Dei amicitia, et impossibile est in viam perfectionis se immittere. Si aliqua attentio in hac re adhiberetur, quot animae viderentur in Dei amorem accendi! Sed hoc quis non operatur, ne sibi aliquid incommodi suscipiat: alius ne stimulus suae exprobrantis conscientiae sentiat in suadendo aliis bonum, quod ipse negligit. Summa haec est, quod curae hoc non est, quia parum diligitur Iesus Christus. O si parochi, et confessarii multum diligerent Iesum Christum, a quot efficerent ut amaretur, et eos ab inferno liberarent! Igitur exorandus Dominus est ut, si velit amari ab animabus, faciat se amari a sacerdotibus.

45. Praeter descriptas obligationes,

quae sunt principales, supersunt aliae parochi, quae etiam non sunt minores. 1. Tenetur ipse caeteris esse bono exemplo. Pastor enim est illa *ucerna lucens et ardens*, quae in Evangelio describitur, ardens zelo sancto in interno, et lucens bono exemplo in externo. Secus ipse praedicet, et moneat alios pro viribus, quantum velit ad incedendum per virtutum semitas, nisi ipse praecedat exemplo, subditi ne fidem quidem praestabunt iis, quae ipse dicit: nam homines *magis oculis, quam auribus credunt*, ut loquitur Concil. Brecellense (*Tract. 3. de offic. cler.*). 2. Debet sedulo assistere moribundis et praesertim peccatoribus habitualis, qui peculiari assistentia magis agnoscere indigent. Verum est quod parochus potest hanc assistentiam committere aliis sacerdotibus, sed non debet fidere cuilibet sacerdoti; nam in hac occasione assistendi moribundis possunt accidere scandala non mediocris damni. 3. Tenetur succurrere pauperibus ex parochiae redditibus, qui supersunt, deducto tamen suo, et etiam suorum (si ipsi vere sunt pauperes) alimento. Observetur in hoc quod dicitur *Tract. 13. cap. 1. punct. 2. de beneficiatis, a n. 45. ad 49.* 4. Tenetur diligenter examinare obstetrices, si ipsae sciunt quod ipsas oportet scire ad conferendum Baptismum infantibus in casu necessitatis, ut habetur in Rituali rom. *le bapt. pueris*; nam talis casus saepe potestis accidere, ideoque sub gravi ipsae tenentur scire administrare Baptismum, ut dicunt s. Antoninus, Reginald. Aversa, etc. (1). Praeterea parochus debet observare circa Baptismum quod praescribit parochis Rituale rom., nimirum 1. Ut notent in libro distincto nomina baptizatorum, parentum, et patrinorum. 2. Ut admoneant patrilos de cognatione, et de eorum obligatione contracta. 3. Ut admoneant matres, et nutrices, ne secum accumbere faciant

(1) Lib. 6. n. 117. v. quoad-

pueros. Nihilominus adnotant Barbosa Anac. et Tournely, et alii communiter, talem obligationem cessare, si omne periculum cessaret, v. g. si lectum fuisset spatiosum, et puer caeteroquin ob frigus quiescere non posset, et mulier soleret suum situm dormiendo retinere (2).

Notandum ultimo quod Benedictus XIV. in Const. 9. edita die 23. Decemb. 1740. incipiente, *Ad Passionis, etc.* Bullar. tom. 1. mandat in virtute s. obedientiae omnibus parochis, sive rectoribus, etc. ut singulis feriis sextis hora tertia post meridiem in omnibus ecclesiis cathedralibus, et parochialibus campanam pulsare faciant, ut fideles lucrari possint indulgentiam centum annorum, recitando flexis genibus quinque *Pater et Ave*, et orando iuxta intentionem Pontificis.

46. Tandem a bonis parochis pendunt boni mores, et salus populorum. Si in regione bonus parochus adest, ibi videbitur florere devotio, Sacramentorum frequentia, oratio mentalis, et bonum exemplum; sin autem parochus erit pravus, tota regio vitiiis et scandalis redundabit.

PUNCTUM II. De Episcopi muneribus.

47. 1. De Ordinatione.

48. ad 51. Ordinandi debent probari in spiritu.

52. Et in doctrina.

53. De seminario ad id instituto.

54. II. De parochorum delectu.

55. Quae istis Episcopus insinuare debet. *Hic sermo fit de puellarum congregatione.*

56. De confessoriorum electione, sermo fit de academiis.

57. De congregationibus particularibus ecclesiasticorum.

58. Debet invigilare super Missarum celebratione.

59. et 60. III. De visitatione.

61. IV. De cura Monialium.

62. V. De residentia.

63. VI. De correctione.

64. VII. De eleemosyna.

65. et 66. De Missa, de aditu patefacien-

(2) Lib. 6. n. 190.

ad seconcurrentibus, et de exemplo praecipue circa mansuetudinem, paupertatem, orationem, etc.

47. Pluribus aliis oneribus prae parochis Episcopus tenetur. Prae caeteris i. circa Ordinationes clericorum tenetur eligere in altaris ministros, dignos dumtaxat, et excludere indignos: s. Franciscus Salesius contremiscebatur, dum hanc obligationem perpendebat, ideoque Sanctus neminem ad Ordines admittebat, quem bona vita non comitabatur, nulla in hoc habita ratione commendationum, nobilitatis, nec doctrinae subiecti; dum doctrina, quae malam vitam sociam habet, maiori detrimento est, quia vitio auctoritatem adducit. Unde fiebat quod paucos promovebat, prout hodie facit boni Episcopi; cum pauci sunt, ut veritatem fatear, qui sacerdotio initientur ex vera vocatione, et ut gloriam Deo praesent, et hinc fit quod pauci sacerdotes sunt, qui boni evadant, et utiles animabus. Dicebat ipsemet Sanctus non esse Ecclesiae necessarios multos sacerdotes, sed bonos.

48. Duo debet Episcopus examinare in iis, qui ad Ordines anhelant, spiritum et doctrinam. Circa spiritum et mores parum tutus est ille Episcopus, qui attestationibus parochorum confidit. Hae plerumque fiunt ob humanos respectus. Nec Episcopus potest tantum acquiescere soli bonitati negativae Ordinandi, ut dicit s. Thomas, nempe quod nihil sciatur mali de illo, sed oportet ut eius bonitatem positivam cognoscat, tales notitias habendo, ut sufficientia praesent indicia, quod ille vero spiritu Ecclesiae sit donatus. Dicit s. Paulus (1. ad Tim. 3. 6.) oportere sacerdotem (qui etiam sub nomine Episcopi comprehenditur a ss. Patribus, ut a s. Ambrosio, s. Ioanne Chrysostomo, s. Thoma, et aliis) non esse neophytum, nimirum, ut explicat Angelicus, *non solum aetate, sed etiam perfectione*. Quare ait Trident. Sess. 23. c. 12. eos tantum debere

assumi ad Ordines sacros, quorum probata vita senectus sit, significans eos bono habitu debere esse dotatos, et debere esse senes in virtute, iuxta illud Sapientiae 4. 9: *Actas senectutis vita immaculata*. Propterea Episcopi zelantes non firmare solent supplices libellos, nisi prius secreto certi facti fuerint de eorum morum probitate a pluribus personis fide dignis, quae noscunt subiectum. Advertatur hoc attente, quia hoc est medium valde efficax, imo necessarium Episcopo, ut tutam faciat suam conscientiam in Ordinationibus, quas habet. Ex his enim secretis cognitionibus Episcopus potest certus fieri non solum si clericus ludis, insolentiis, pravis consuetudinibus sit aliis scandalo, sed etiam si positive vitam spiritualem agit; ecclesias, orationem, Sacramenta frequentando, si solitarie vivit, aut saltem cum bonis sociis comitetur, si studio operam, si modesto habitu, et sermone incedit, et huiusmodi. Et si forsitan notitiam habeat de scandalo positivo alicuius, tunc non debet sibi satis esse ordinariam probationem exigere, sed multorum annorum reipsam observare debet: cum suspicio rationalis tunc suboritur, quod omne ab eo simulatione fiat, ut Ordines assequatur.

49. Iuxta primaeam Ecclesiae disciplinam ei, qui in unum mortale lapsus fuisset, aditus ad Ordines penitus praecludetur, ut testantur s. Hieronymus, s. Isidorus, et alii. Deinde aliquibus post saeculis excluderentur perpetuo ab Ordinibus saltem illi, qui ob aliquod grave facinus diffamati fuissent. Concedimus hac nostra tempestate tantum rigorem non ubique praticari; nihilominus certum est (ut supra vidimus) nullum posse admitti ad Ordines, qui prius in virtutibus probatus non sit, et praecipue in diuturna continentia, quam ordinati in Sacris profiteri debebunt. Habemus in cap. Nullus dist. 25 ex s. Gregorio. Nullus de-

bet ad ministerium altaris accedere, nisi cuius castitas ante susceptum ministerium fuerit approbata, lib. 1. epist. 42. Et requirit s. Pontifex, ut huiusmodi probatio habeatur a multis annis, dicens: *Ne umquam ii, qui ordinati sunt, pereant, prius aspiciatur si vitae eorum continens ab annis plurimis fuit.* Hanc eandem probationem requirit Trident. Sess. 23. c. 13. de ref. dum praescribit Ordines sacros non conferri nisi iis, qui in minoribus Ordinibus probati sunt, nimirum quorum bonae vitae experientia habeatur.

50. Summa igitur haec est, quod non potest dubitari, quin Episcopus graviter peccet admittendo ad Ordines sacros indignum; indignus autem est quicumque sufficientem probationem non dedit de sua positiva bonitate. Rationem affert s. Thomas dicens (1): *Ad Ordinem sacrum requiri maiorem sanctitatem, quam ad statum religiosum, quia per sacrum Ordinem deputatur ad dignissima ministeria.* Et alibi (2): *Sicut illi, qui Ordinem suscipiunt, super plebem constituuntur gradu Ordinis, ita et superiores sint merito sanctitatis.* Itaque iuxta s. Thomam sicut clerici per Ordinem sacrum, quem suscipiunt, elevantur ad gradum superiorem super populum christianum, ita debent reperiri superiores merito sanctitatis. Ideoque asserit quod opus habent eo gratiae gradu acquisito (intelligitur certe de gratia non gratis data, scilicet de illa, quae nos gratos Deo facit, quia hoc solum meritum sanctitatis producit) quae eos dignos reddat, ut inter Iesu Christi ministros annumerentur: *Et ideo praeexigitur gratia, quae sufficiat ad hoc quod digne connumerentur in plebem Christi.* Deinde concludit Sanctus quod non sufficit Episcopo ordinanti, ut aliquem ad Ordinem sacrum promoveat, si nihil mali sciat, sed etiam debet esse certus de probitate Ordinandi: *Sed exigitur amplius (sunt Angelici verba) ut secundum mensuram Ordinis vel*

officii iniungendi diligentior cura apponatur, ut habeatur certitudo de qualitate promovendorum. Et ad hanc rem adducit auctoritatem s. Dionysii, qui dicit neminem in ministrum Divinorum (sicut est sacerdos) audere assumi, nisi per diuturnum habitum se Deo conformem cognoscat: *In Divino omni non est audendum aliis ducem feri, nisi secundum omnem habitum suum factus sit deformissimus, et Deo simillimus.*

51. Praeterea, sicut peccaret Ordinandus, si prohibita positiva carens, nempe habitu bonae vitae iam acquisito, vellet in sacris Ordinibus initiari, saltem ob periculum, cui se exponit non sustinendi onus, quod suscipit ferendum, et praecipue coelibus, sine Dei vocatione, quam certe tunc non est praesumendum habere; ita tanto magis peccaret Episcopus, qui eum ordinaret, si suae emendationis non praecederet diuturna probatio. Ait s. Thomas (3): *Ordines sacri praeexigunt sanctitatem, unde pondus Ordinum imponendum parietibus iam per sanctitatem desiccatis.* Adducit s. doctor similitudinem fabricae, dicere volens quod, quemadmodum parietes recenter elevati pondus grave sustinere nequeunt; ita iis, qui paulo ante mores mutarunt, et adhuc ab humore vitiorum purgati non sunt, non est imponendus sacer Ordo, qui secum affert debitum perpetuae continentiae, et vitae exemplaris, quam ministrum altaris decet. Itaque Episcopus sacrum Ordinem indigno conferens, duplici titulo peccat: peccat quia suo muneri deest, et peccat quia cooperatur omnibus peccatis, quae ille committet, et causa erit ut alii etiam peccent. Hoc idem innuit s. Paulus (1. *Timoth. 5. 22.*) cum dixit: *Manus cito nemini imposueris, neque communicaveris peccatis alienis.* Super quem textum postea dixit s. Leo: *Quid est communicare peccatis alienis, nisi talem effici ordinantem, qualis ille est, qui*

(1) 2. 2. q. 184. a. 8. (2) Supp. q. 35

a. 1. ad 3. (3) 2. 2. q. 189. a. 1. ad 3.

non meruit ordinari?

52. Hactenus circa spiritum, transcamus nunc ad doctrinam, quae requiritur in eo, qui sacris Ordinibus initiari postulat. Ignorantia in ecclesiasticis non solum sibi, sed etiam aliis nocet; et quod peius est, ignorantia in sacerdotibus est malum, cui nulum remedium invenitur, ut dicebat s. Franciscus Salesius, aut quia semper incapaces persistent, aut quia, accepto sacerdotio, difficulter cogi poterunt ad studendum. Debet ideo Episcopus maxime curare ut inspicat an qui postulat promoveri, sit bene edoctus, et an sit studii cupidus: dum qui studii non est amator, nunquam idoneus erit Ecclesiae, imo necessario erit pravus, nam (ut dici solet) otium est pater vitiorum. Propterea Praelatus non sibi satis habeat examen quod plerumque solet fieri circa requisita ad Ordines, et super alias res consuetas, quas Ordinandi discunt in aliquo liberculo, sed, postquam ordinati sunt, remanent indocti, uti erant antea. D. Fabricius de Capua fel. rec. Archiepiscopus Salernitanus in suis Ordinationibus, et praesertim sacerdotum, suos Ordinandos examinari faciebat super tota morali. Scio etiam alium Praelatum (Episcopum vigilantem), qui etiam a clericis circa moralem examen exigebat, unicuique Ordini assignando tractatus, quos scire debebant; itaque ad sacerdotium ascendentibus tota morali ita callebant, ut ad confessiones audiendas quisque idoneus reperiretur. O utinam et omnes Episcopi has semitas tenerent, non audirentur utique tot conquestus, uti plerumque audiuntur, quod non invenitur cui confessarii officium committatur! Sed dicet aliquis Concilium Tridentinum non exigere tantam scientiam ab Ordinandis. Sed respondeo quod non prohibet e contrario Concilium, quominus Episcopus id exigit a suis Ordinandis (ut loquuntur pp.), cum videt talem esse suae dioecesis necessitatem. Tum et-

iam Concilium tantam statuit quod, si talis scientia desit, ad Ordines nemo promoveatur, non autem praecipit ut, qui tali scientia praeditus esset, ab Ordine repelli non possit. Sed loquendo etiam iuxta Tridentinum Concilium *Sess. 23. c. 14.* dicit quod promovendi ad sacerdotium *ad populum docendum... ac ad ministranda Sacramenta diligenti examine comprobentur.* Quibus Innoc. XIII. in Bulla *Apostolici ministerii* pro Hispania lata, et a Benedicto XIII. pro toto orbe distensa, aliam benignam interpretationem (ut testatur Lambertini postea Benedictus XIV. *Notif. 7. n. 16. et 36.* datus non potuit, quam ut Ordinandi saltem morali theologia callerent.

53. Quapropter Episcopo incumbendum est, ut seminarium optimi directione constitutum habeat, ab hoc enim (statuendo ut nemo Ordines ambiat, qui saltem tres aut quatuor annos ibi commoratus non sit) postea seliguntur parochi confessarii, et caeteri sacerdotes; et ita poterit dioecesim suam cultam reddere. Dixi *seminarium optima directione constitutum*, alioquin seminarium esset maiori perniciiei inventuti, et dioecesi. Iuvenes qui seminarium ingrediuntur (quantavis diligentia adhibeatur) non omnes erunt angeli: multi non afferunt eo spiritum; sed ibi acquirere debent illum. Igitur si seminarium erit male directum, eveniet quod etiam illi, qui tamquam angeli ingrediuntur, paulo post tempore daemones evadent, et ipsi suae vitae contagione contaminabunt totas suas regiones. Quare Episcopus si ob relictum tenuitatem, aut ob aliquem alium defectum non posset suum seminarium de bonis ministris providere, tenetur penitus illud extinguere, nisi velit Deo tot criminum et scandalorum rationem reddere. Oportet igitur, ut seminarium optima disciplina floreat tam in spiritu, quam in literis. Quod ad spiritum attinet, 1. In regulis constitutum sit ut nun-

quam desit meditatio, ut Missae quotidie intersint, ut adsit lectio spiritualis, visitatio Sacramenti, conscientiae examen, silentium extra tempus solatii: et hoc omne servetur quotidie. Item qualibet hebdomada confiteantur, et communicent, aut saltem bis in mense, arcessendo bonos et plures confessarios, et etiam alios extraordinarios pluries in anno. Item quolibet mense sit unus dies solitudinis spiritualis, in quo aliquis pater bono spiritu dotatus faciat sermonem; ac fiant quolibet anno exercitia spiritualia: oporteret etiam statuere, ne tempore feriarum seminaristae domos adirent: nam tunc (praecipue tempore vindemiarum) isti intermittunt omnia exercitia spiritualia, et illo mense, aut bimestri cum foris vivunt, quantum boni acquisiverunt, amittunt, et regrediuntur in seminarium vitiis et peccatis onusti. 2. Debet Episcopus procurare bonum pastorem, qui sit zelo plenus, et experientia exercitatus, qui sit sagax ad suspicandum de unoquoque, et de qualibet actione, et vigilans ad discurrendum per classes, et defectus indagandos, saepe praefectos interrogando, et etiam aliquem fideliorum seminaristam, qui praeventus sit in qualibet classe, ut sibi referat defectus, quos animadverterit. 3. Debet procurare praefectos moribus probatos, qui nunquam a suis classibus absint, nec familiaritatem peculiarem permittant seminaristis inter se habere, et animo forti sint in corripiendo, et fideles sint in referendo apud rectorem qualibet hebdomada delinquentes. 4. Expediit ut Episcopus persaepe adeat seminarium, et semel, aut bis in anno particulare scrutinium faciat, interrogando quemvis seminaristam, an adsit aliquod inconveniens. 5. Prae caeteris debet invigilare Episcopus super pueros, qui in seminarium recipiuntur, operam dando ne ingrediat aliquis, qui dudum exemplo bono non fuerit, secretas informationes de illorum moribus inquirendo.

Satis est habere paucos et bonos, quam multos et imperfectos, qui suae vitae turpitudine etiam bonos contaminent. Deinde utendum est stricto rigore, miseratione omni postposita, cum incorrigibilibus, et cum aliquo, qui scandalum positivum praeberit, v. gr. impuritatis, tumultuationis, furti, etc. Huiusmodi seminarista vix prima vice tolerandus esset post diuturnam, et exemplarem animadversionem; sed tutius consilium est eum statim e seminario expellere, quia talis ovis contagione inquinata potens est totum seminarium corrumpere. In hac re charitatem adhibere non est charitas, sed tyrannus, et iniustitia, quia Episcopus ex iniustitia tenetur damnum commune evitare. Quod ad scientias attinet, maxime interest ut Episcopus curet sedulo instruendos iuvenes in lingua latina, aliter in caeteris scientiis parum proficient, et parum intelligentibus latinitatem parum gratum erit studere. Curet etiam ut addiscant philosophiam (et praecipue logicam, sed meliorem) et theologiam scholasticam et dogmaticam. Sed prae caeteris in dioecesium non numerosis necesse est, ut seminaristae omni sedulitate incumbant morali, ut habiles fiant ad audiendas confessiones, et Episcopus possit eorum opera uti, cum oportebit. Alias cum e seminario perfecti sunt, non amplius student, et inutiles Ecclesiae remanebunt. Expediit etiam ut exerceantur seminaristae nunc unus in docendis pueris doctrinam christianam qualibet hebdomada, nunc alius in aliqua concinacula, colloquiis, etc. Ita ipsi et alii erga exercitia apostolica pro tempore, cum egressi fuerint e seminario, amore inflammarentur. Ideoque utilissimum est instruere seminaristas circa talia exercitia. Qui vellet alia circa bonum regimen seminariorum, potest observare meum parvum libellum, quem ad hoc typis dedi.

54. Tenetur II. Episcopus ad eligendos bonos parochos et bonos con-

fessarios. Quoad parochos, iam conpertum est praefereandos esse digniores. Etiam in beneficiis simplicibus probabilior sententia cum s. Thoma et aliis (1) requirit praefereandos esse digniores, quia hoc exposcit utile commune Ecclesiae. Sed quoad parochialia certum est ex Trident. Episcopum teneri ad eligendum digniorem spectata qualitate concurrentium, nempe consideratis prudentia, aetate, meritis, sed maxime scientia, et vitae probitate. Quoad scientiam potest bene Episcopus se conformare examinatorum iudicio; sed sua praecipua diligentia sit, ut ipse cognoscat de vitae probitate, inquirendo notitiam a diversis. In dubium revocanda non est maxima s. Francisci Salesii, quod in curis animarum praeferendi sunt sufficienter docti doctioribus, qui spiritu sunt inferiores. Et S. C. de parochorum electione (*ap. Piasec. pag. 528. n. 19.*) sic decrevit: *Praeferendus est minus doctus (modo idoneus) quando eius mores sunt approbati, doctiori, cuius vita ignoratur.* Pro certo habendum parochum probum uno mense utiliore esse populo, quam parochus doctior, sed minus probus toto anno.

55. Tenetur etiam Episcopus se informare ab aliis an parochi dent operam docendo pueros doctrinam christianam, an praedicent, et an praedicent ad Tridentini praescriptum. De hoc debet Praelatus saepe admonere parochos, ut parvulis frangat panem verbi divini, hortando etiam eos, ut in concionibus conentur insinuare res, quae ad usum conducunt v. gr. quomodo repellendae sint tentationes, quid dicendum, cum occurrant res adversae, aut cum iniuriis quis afficitur, et huiusmodi. Item perquirant Episcopi, qua diligentia parochi, et confessarii incumbant in audiendas confessiones. In aliquibus locis parochi, et confessarii assistunt etiam choro; sed quid accidit? Accidit quod, dum populus est magis frequens in ecclesia, illi

pergunt in chorum, et populus per plures menses differt confiteri: ad hoc Episcoporum est remedium afferre. Item perquirant an parochi sint diligentes, ut pueri capaces decem annos circiter nati communiceant, ut supra dictum est. Item, an seduli sint ad colligendas schedulas Communionis paschalis, ut videant an omnes praeecepto satisfecerint: a. orationis mentalis exercitium perseveret, an visitatio sanctissimi Sacramenti, et Beatae Virginis fiat in communi in ecclesia, ut in multis regionibus in usu est. Et magni refert ut curet Episcopus introduci hunc usum, ubi non est, et restaurari, ubi intermissus est; et confirmari, atque augeri, ubi reperitur. Commendet quoque assistentiam moribus, et congregationibus secularium. In pluribus locis nostris Missionibus introduximus congregationes puellarum. Hae ita disponuntur; congregentur in aliqua ecclesia omnes puellae sexdecim annos et infra natae, quolibet die dominico vesperi: ibi sacerdos nota probitate ad hoc designatus, praeter doctrinam christianam, exhibeat brevem et simplicem sermonem, aut instructionem supra orationem mentalem, aut circa modum suscipiendi Sacramenta, aut circa aliquam virtutem illi aetati convenientem, et postremo assignet devotiones, quae practicari debent ab illis in illa hebdomada, et praeter regulas, quae praescribuntur, sacerdos saepe in memoriam reducat earum, ut non omittant recitare quotidie rosarium, visitare sanctissimum Sacramentum, saltem ex propria domo, conscientiam examinare, Sacramenta frequentare saltem semel in hebdomada, ut modesto ornatu ostendantur, et huiusmodi. Hae congregationes, sive collectiones puellarum, causant postea bonum summum, quia si ipsae postea nubent, faciliter docebunt filios ea, quae ipsae factitarunt, et familiae integrae sanctificabuntur.

(1) Lib. 4. n. 93.

56. Praeterea maxima debet esse Episcopi diligentia in seligendis confessariis. A confessariis pendet directio conscientiarum omnium subditorum, et unus confessarius, qui sit ignarus, aut moribus pravis, potest totam regionem perditam facere. Non debet igitur Episcopus aliquem probare, quin prius certus fiat de eius probitate, et doctrina, examinando eum super morali. Nonnulli Episcopi facultatem audiendi confessiones praebent indistincte omnibus concionatoribus quadragesimalibus, et omnibus aliis qui in aliis dioecesium iam probati fuere. Sed alii Episcopi scrupulum sibi faciunt de hoc, et merito, cum postea observantur tot mala, quae oriuntur ab huiusmodi confessariis caeco ductu approbatis. Si praelatus cupit habere confessarios, quorum opera uti possit sine scrupulo, praeter congregationes casuum moralium, quae solent fieri in multis dioecesium, curet statuendas in qualibet regione academias moralis bis aut ter in hebdomada, notum faciendo, ab eo nullum admissum iri ad audiendas confessiones, qui saltem per annum non interfuerit huiusmodi academiis, quae maxime utiles (ne dicam necessariae) sunt illi, qui vult in hac scientia esse versatus, dum ita melius dubia disceptantur, et doctrinae magis in memoria figuntur.

57. Optimum consilium esset etiam, si Episcopus curaret in locis grandioribus suae dioecesis congregationes particulares statui sacerdotum, et clericorum magis vitae spirituali addictorum, ubi se exercerent qualibet hebdomada in praxi audiendarum confessionum, aut moribundis assistendi, aut celebrandi Missam et aliquando se exercent in aliqua orationcula (vulgo *Sentimento*) facienda colloquio, sermone, aut instructione. Hi congregati vero habebant suas peculiare regulas, v. gr. veste talaris semper vestiendi, aleis non ludendi, etc. ut populus de eis veno-

rationem concipiat. Nihil refert hos paucos esse, imo expedit multos non esse, ut cautiore et magis addicti in operibus charitatis se servant. Et Episcopi diligentia erit semper eos ad id inflammare, ac etiam de eis bene mereri, saltem dando eis conciones quadragesimales, aut alias conciones, etiam mittendo eos ad aliquam Missionem, aut exercitia spiritualia facienda; hortando eos semper, ut stylo simplici et populari concionentur, si cupiunt fructum ex concionibus asferre.

58. Item, ut bene advertit Roncaglia cum Quarti et Pasqual., Episcopus sub gravi tenetur invigilare, ut sui sacerdotes Missam celebrent debita attentione et gravitate a tanto Sacrificio requisita sine verborum, et caeremoniarum conculcatione, ut impie cum communi scandalo saecularium a nonnullis, ne dicam plebisque, sacerdotibus facitatur, quae quidem conculcatio, cum est notabilis (ut necessario evenit), certe est peccatum mortale, ut dicetur loquendo de Sacrificio Missae *Tract. 15. cap. 4. n. 84.* ubi considerabitur ex proposito hoc punctum. Sed quod ad Episcopos attinet, declaratum est in Trident. *Sess. 22. Decr. de observ. in celebr. Miss.* eos teneri (et quia materia est gravis, certe gravis est obligatio) prohibere in suis dioecesium quominus tali irreverentia Missae celebrentur: *Decernit s. Synodus* (sunt verba Concilii), *ut Ordinarii locorum Episcopi ea omnia prohibere sedulo curent, ac teneantur, quae irreverentia (quae ab impetate vix seiuncta esse potest) induxit.*

59. III. Maxima etiam esse debet cura Episcoporum in non negligenda visitatione oppidorum, quam Tridentinum districte praecipit Episcopis in *Sess. 24. c. 3. de ref.* ubi dicitur: *Episcopi propriam dioecesim per se ipsos, aut si legitime impediti fuerint, per suum generalem vicarium, aut visitatorem, si quotannis totam propter eius latitudinem*

visitare non poterunt, saltem maiorem eius partem, ita tamen ut tota biennio per se, vel per visitatores suos compleatur, visitare non praetermittant. Et subiungitur: *Student quam celerrime cum debita tamen diligentia visitationem persolvere.* O quot perturbationibus occurritur a Praelato, circumeundo, et propriis oculis res inspiciendo! Impossibile est tam bene dioecesim gubernare per alios, quam per proprium pastorem. S. Carolus Borromaeus licet bonis ministris provisos fuisset, non omittebat ipse personaliter adire, et gravi incommodo visitare etiam regiones remotiores suae dioecesis. Ipse ut aliquoties adiret aliquod oppidum cum visitatione, reptans per lutulenta et nivosa loca iter fecit, et percurratur eius vita, ut observetur quantum ille operatus sit, et quantum suis visitationibus profecerit. De s. Francisco Salesio narratur etiam, ut aliqua loca visitaret necesse sibi fuisse per semitas adeo difficiles et asperas progredi, ut plantas pedum decorticas haberet, adeo ut per plures dies pedibus insistere nequiret. Aliquando contigit ei super foliis dormire, et se roganti, ne vitam suam periculo exponeret, Sanctus respondebat: *Me vivere non est necesse; sed est necesse, ut muneri meo satisfaciam.*

60. In istis autem visitationibus debet Episcopus efficere ut suae oves pastoris vocem audiant. O quam, plus quam aliorum, proprii pastoris vox movet! s. Carolus in visitatione solebat bis, aut ter inde concionari. Item debet examinare pueros, ut videat quomodo instructi sint; et ita potest consulere parochorum negligentiae, eos corripiendo, et etiam substituendo aliquem oeconomum ad docendos pueros doctrinam parochi impensis, saltem ad aliorum exemplum; item incumbat, praesertim in oppidis, in examinandos sacerdotes in caeremoniis Missae, et suspendat a celebratione sine ulla misericordia

eos, qui uti debent, eas non callent. Potest etiam Episcopus ad examen revocare confessarios approbatos, et ex iusta causa etiam parochos; vide *Tract. 16. n. 75.* Inprimis debet scrutinium personale adhibere de omnibus sacerdotibus regionis, unumquemque secreto interrogando, primo de suis muneribus, ut ei insinuet quod oportebit, et deinde de aliorum defectibus, et praesertim parochi, et confessariorum, verbi gratia, quomodo suo muneri dant operam, cum quibus versantur, etc. Nonnulli Episcopi vigilantes apud se habent libellum memorialem, ubi qualitates bonas aut malas uniuscuiusque ecclesiastici adnotant. Haec monumenta possunt inservire sexcentis rebus bonis, et praecipue ut parochorum electionem, confessariorum, aliorumque ministrorum sibi certam faciant. Et postremo interroget de abusibus, scandalis et discordiis, quae in regionibus serpunt. In istis visitationibus curet ad fervorem erigere congregationes saecularium, ac eas de auxiliis opportunis providere assignando concionatorem ac confessarium, si istis carent. Et tunc potest etiam particulares congregationes sacerdotum Missionariorum superius adnotatas instituere. Expediret etiam ut in istis visitationibus Episcopus in confessionali sederet, sin ut confessiones exciperet, saltem ut auscultaret aliquam personam, quae illum in secreto alloqui vellet. Denique non praetermittat in visitatione Confirmationis Sacramentum administrare. Et compertum est apud omnes, graviter peccare illum Episcopum, qui diutius differt huius Sacramenti administrationem, quia privat suas oves tanto bono. Quare dicunt Castropal. Salm. et Croix non excusari a mortali, si per 8. aut 10. annos saltem non circumit (et suis expensis si consuetudo aliud non ferret) regiones saltem principales dioecesis tale Sacramentum administraturus, modo hoc sibi non es-

set moraliter impossibile.

61. VI. Episcopo curae esse debent monasteria Monialium; quocirca 1. invigilare debet sedulo, ut puellarum profiteri cupientium voluntatem exploret, quandoquidem maior harum pars religionem ingrediuntur non Dei vocatione, sed parentum impulsione; et hinc fit postea, ut vitam ibi ducant inquietam, et introducant laxitates in communitatem cum damno communi. 2. Tempore visitationis, quae quolibet anno fieri debet in monasteriis sibi subiectis iuxta Clem. *Attendentes de statu Mon.* (circa autem visitationem monasteriorum exemptorum quoad clausuram vide *Tract. 20 de privilegiis n. 80.*) debet ille particulare scrutinium adhibere, secreto sigillatim Moniales audire, ut cognoscat si in monasterio adsit aliquod scandalum, aut morum dissolutio. Sit nihilominus cautus, ne partialis videatur alicui factionum, quae forsant vigent in monasterio. Audiat omnes, et postea de opportunis provisionibus prospiciat. 3. Non sit facilis ad extraneis veniam colloquendi cum Monialibus dandam. Suadeat sibi affectiones multoties non in principio contrahi sed temporis progressu, et diuturna consuetudine; et unica animorum cum exteris adhaesio potest esse scandalo, et ruinae toti monasterio. Et si monasterium extra suam residentiam esset, Episcopus admoneat vicarium, cui hoc curae est, ut nimis sit parvus et circumspectus in dandis huiusmodi licentiis. 4. Curet pariter pluries in anno in dandis confessariis extraordinariis, saltem ut remedium afferatur confessionibus nullis, aut sacrilegis, quas nonnullae Moniales apud ordinarios faciunt; nec credat hos casus esse valde raros; nec in hoc attendat Monialium postulationem, quia quae magis indigent sunt magis difficiles ad requirendum extraordinarium. Et cum eum assignet, unamquamque obliget ad illum adeundum, si non

ad confitendum, saltem ad colloquendum, uti statuit Benedict. XIV. in sua Bulla, *Pastoralis curae*, qui explicando verba Tridentini *sess. 25 c. 10. Qui (confessarius extraordinarius) omnium confessiones audire debet*, sic ait: *Extraordinario confessario singulae se sistant, ad sacramentalem confessionem apud ipsum peragendam, sive ad salutaria monita accipienda.... ne aliae censerentur necessarias habuisse causas, ob quas ad extraordinarii opem confugere coactae essent, aliae vero ab huiusmodi necessitatibus immunes iudicarentur.* Convenit etiam ut Episcopus sine praecisa necessitate non inducatur ad confirmandos ultra triennium confessarios ordinarios. Postremo curet ut singulis annis dentur exercitia spiritualia ab aliquo sacerdote exemplari, et perito communitatum disciplinae: dico hoc, quia secus potest accidere quod potius damnum, quam utile percipiat.

62. V. Episcopus (ut supra dictum est) tenetur ad residentiam, sed strictius parochus, ille enim est illius gregis principalis pastor. Episcopo in eius ordinatione consignatur annulus, ut illum gerendo consideret non esse amplius sui iuris, sed Ecclesiae suae sponsae, ut perpetuo, dum vivit, ei assistat. Conceditur tamen a Concilio Episcopis posse abesse tres menses ex causa a dioecesi, sed notetur quod Benedict. XIV. 3. Dec. 1746. in Bulla *Ad universae*, declarans hanc causam (quae a Tridentino nominatur *acqua*) dicit eam non debere esse futilem, nec ob vanum solatium: **Animi levitas oblectationum cupiditas, aliaeque futiles causae excluduntur, sunt verba Pontificis. s. Carolus cum extra suam dioecesim esse cogeatur, catenis (ut legitur in eius vita) obstrictus esse videbatur ob vehementes desiderium, in quo erat citius redeundi. Cardinalis Bellarminus, licet a Papa coactus Romae morari, et extra ecclesiam suam Capuanam,*

sed ob bonum Ecclesiae universalis, sibi non videbatur ipse tutus in conscientia, ideoque se Episcopatu abdicavit.

63. VI. Episcopus tenetur ad corripiendum, et ad scandalis occurrendum strictius quam parochi, tum quia ipse est principalis pastor, tum quia maiore auctoritate sua potest malis consulere, invocando etiam, si opus est, auxilium principis secularis; uti fit a multis bonis Episcopis, et quidem voti sui sunt compotes. Hoc est illud grave onus, quod Episcopi etiam sancti mirum in modum formidant. Episcopus Neriti Sanfelix fel. mem. dicebat: *Quomodo somnum capere possum, cum scio aliquam ex ovibus meis Dei gratia carere?* Verum est tale officium odio esse non paucis, et Episcopo, ut bene eo fungatur, conciliandae sunt sibi maledictiones, aversiones et etiam vitae pericula; *sed bonus pastor animam suam dat pro ovibus suis.* Dicebat idem Episcopus Sanfelix: *Episcopum in acceptando episcopatu praeparare se debere, aut ad esse inquisitum, aut venenatum, aut damnatum.* Ut recte occurratur scandalis, opus est ut Episcopus attendat assidue ad inquirendum, et non tantum a parochis, vel a vicariis foraneis, qui multoties ob humanos respectus, aut ne videantur negligentes, tacent; sed etiam perquirat ab aliis sacerdotibus zelantibus, quos ubique locorum dioecesis ad id destinatos habeat, ut ab ipsis certior fiat de omni quod sciunt. Et cum ad se adeunt parochi et vicarii, curet statim coram se admittendos, et cito expediendos, ut postea sint faciles ad redeundum, et ne excusationem afferant, se non posse tamdiu expectare.

64. VII. Episcopus tenetur ad largiendas eleemosynas. Ecclesia redditibus episcopatum non instruit ut suo libitu profundat Episcopus, sed ut pauperibus succurrat; patrimonium pauperum est mensa episcopa-

lis. Sanctus Gregorius ait, eleemosynam esse primum opus misericordiae, quod pastor suo gregi praestare debet. O quot malis potest Episcopus eleemosynis prospicere! Quot sponsi vivunt in peccato, quia eis non suppetit modus matrimonium perficiendi! Quot pueri ob pauperatatem dormiunt una cum parentibus, aut mares cum puellis in eodem lecto cum tanta animarum pernicie! Ideoque boni Episcopi curant perquirere a parochis de necessitatibus, quae adsunt, et eis imponunt ut se certiores faciant, quoties aliquod occurrit. Scio equidem doctores (1) dicere, posse beneficiatum servare fructus superfluos suae sustentationi (intelligitur semper ac pauperes in gravi necessitate constituti non sunt) ut eos impendat in emendis rebus pro Ecclesia, aut ut in posterum aliis maioribus necessitatibus provideat; scio etiam Episcopos sanctos non legare nummos, aut praedia empta, sed aes alienum. Dedit Episcopum, dicebat s. Carolus, ut fama audiat, quod ipse nummos in arca retineat. Et sanctus Thom. de Villanova dicebat quod si moriendo nummos reliquisset, se pro damnato habiturus esset.

65. Omitto denique sermonem facere de aliis Episcopi muneribus, v. g. de Missa quam ipse, etiam plus quam parochus, tenetur in festis pro suis ovibus applicare. De accessu quem ad se patentem assidue tenere debet subditis, etc. et praecipue parochis et vicariis foraneis, quos statim ad sui praesentiam admittere tenetur; nec non rationem exquirere a vicario capitulari de omnibus quae fecit, ut praecipit Trident. *Sess. 24. c. 16. de reform.* Sed omittere non possum, quin aliquid dicam de bono exemplo, quod ipse cunctis exhibere debet. Si pastor cupit, ut oves ad montem ascendant, opus est ut praeeat ipse. Episcopus est illa lucerna a Deo super candelabro posita, ut

(1) Lib 3. n. 491. Quaer. 4.

lueat omnibus, qui sunt in domo Domini. Igitur oportet, ut dixit s. Paulus Tito, Praelatum omnium virtutum, quas in suo grege videre cupit, se exemplum ostendere. Sit exemplo *mansuetudinis*; beneficia cum potest ingratis et inimicis, a quibus vexatur, rependendo. Perspicua exempla. habemus, quae nobis reliquerunt s. Carolus, s. Franciscus Salesius, et nuperrime *Emilius Cavaliere* Episcopus Troiae, de quo erat proverbium: *Qui ab Episcopo Cavaliere vult beneficiis affici, oportet ut de ipso male mereatur*. Sit exemplo *paupertatis*; verum est quod Episcopus quin iustitiam laedat, potest impendere quantum suam decentem sustentationem decet, sed in cunctis deberet efficere ut sancta paupertas splendeat. Paupertas in habenda familia moderata: tot tantum sibi famulentur, quot suae mere necessitati satisfacere sufficient. Paupertas in vestitu, et in modesta ac simplici domus suppellectili; Episcopus enim, qui palatium sumptuosa suppellectili, quae laici oblectantur, ornatum habet, non utique aedificationem prae se fert populo. Sanctus Carolus e domo sua omnia aulaea tapetia, paramenta et curiosas imagines penitus dimovit. Paupertas in mensa frugali, et pro comperto habeatur, quod nihil aliud poterit magis Ecclesiastici apud vulgus existimationem conciliare, quam frugalitas in victu: *Vivere autem de*

altari, non lucrari concessum est. Can. I. dist. 44. Et Trident. iubet, quod *modesta suppellectili, et mensa, ac frugali victu contenti sint*. Sess. 25. c. 1. *de ref.* Ita pariter exemplo sit *orationis*: Cardinalis de Aretio consulto descendebat in ecclesiam oraturus ante ss. Sacramentum, ut alios exemplo suo moveret. *Mortificationis*: abstinendo a quibusdam solatiis Praelatum non decentibus. *Solitudinis*; ad saecularium consuetudines nisi ex necessitate non accedendo. *Modestiae*; mulierum commercia aufugiendo, et cum necesse sit, maxima cautela cum eis agendo. *Zelo*; operam dando, ut in omni privato sermone de Deo eloquia immisceat, uti s. Carolo moris erat, dum sibi cum quibuscumque agendum erat.

66. Dixi, loquendo de parochis a bonis parochis pendere subditorum salutem. Nunc dico a bonis Episcopis pendere salutem totius dioecesis; nam Episcopus promovet bonos clericos, bonos sacerdotes, eligit bonos confessarios, et bonos parochos: suo bono exemplo, et vigilantia multum confert, ut in prolietate sua illi perseverent, et ita universe in dioecesi pietas vigere videatur. Propterea in hac materia de pastorum debito fusius egi, quam in aliis, quia in hac agitur de bono, vel damno communi, quod omne in pastorum bono vel malo ductu positum est.

TRACTATUS VIII.

DE QUINTO PRAECEPTO DECALOGI

CAPUT I. DE OCCISIONE SUI IPSIUS

1. et 2. Quando licet vitam periculo exponere.
3. De puerorum eviratione.
4. De ebrietate
5. An liceat inebriari pro medicina.
6. An ut evitet occisionem.
7. An liceat inducere proximum ad se inebriandum, ut impediatur eum a maiori malo.

8. Quae culpa imputantur ebrio, et de peccatis in causa.

1. Nemini directe, et ex proposito sine auctoritate, aut inspiratione divina (qua nonnulli martyres mortem sibi ipsi sine culpa intulerunt) seipsum interficere permittitur. Ita pariter non licet positive gravi vitae periculo se exponere: quare peccant funambuli (qui super fune ex locis

altis ludos repraesentant) et alii, qui venena sorbent, aut a viperis se mordere faciunt cum mortis periculo (1). Dictum est *directe*, quia indirecte aliquando ex iusta causa licet exponi periculo, ut communiter docent Doctores (2). Hinc dicunt posse, immo debere militem perseverare in suo loco, licet praevideat mortem passurum, et hoc est commune. Dicunt 2. licere cibum amico cedere in penuria, aut tabulam in naufragio, etiamsi iam eam apprehendisset: ita Toletus Less. Silv. Lugo Salm. Prad. Busemb. Victoria, et alii communius, contra Soto et Laym. et est valde probabile; quia aliud est sibi mortem inferre, et aliud est omittere vitam tueri, quod est licitum ex iusta causa, et hoc expresse docet s. Thomas (3) dicens: *Tradere se ipsum morti propter amicum est perfectus actus virtutis, unde hunc actum magis appetit virtuosus, quam vitam corporalem* (4). Dicunt 3. licere in casu incendii se praecipitem dare ex fenestra semper ac apparet spes mortem imminuentem evadendi; ita Laym. Less. Lug. Fill. Bus. Salm. Spor. et Elbel, qui hoc permittit etiam reo morti, aut carceri perpetuo damnato (5). Dicunt 4. Bonac. Lugo Less. Salm. Trullench., etc. licere navi ignem applicare etiam cum periculo vitae evidenti, ne cum damno communi in manus inimicorum veniat (6). Dicunt 5. Laym. Busemb. et Mazzotta, quod licet aliqua virgo non possit se ipsam occidere, possit tamen se exponere mortis periculo, ne violetur; et hoc non videtur improbabile tum ob amorem, qui castitati debetur, tum ob periculum peccati, quod semper adest in tali occasione (7).

2. Licet 6. reo non fugere, cum possit, et etiam se iudici praesentare, ut puniatur, quamvis morte multan-

das sit. Imo dicunt Vasquez, Bonac. et alii, quod posset reus etiam se occidere, si iudex eum carnificem sui ipsius constitueret; sed hoc communius negant Suarez cum s. Thoma, etc. dicendo occisionem sui ipsius esse intrinsece malam. Caeterum communiter permittitur reo scalam ascendere, collum securi aptare, cum tales actiones sint remotae ad mortem (8). 7. Licitum est, imo laudabile, Carthusianis a carnibus abstinere etiam cum periculo vitae, ut probabilius dicunt Sanchez, Busemb. Salm., etc. Sed si comederent in tali periculo (modo saltem probabili) non peccarent, ut dicunt Azor. Med. et Vict. Imo si nullum alium cibum haberent quam carnem, ea vesci tenentur (9). Dicunt 8. licere poenitentiis, et ieiuniis virtutis amore se mortificare; licet vita per multos annos imminuenda foret, modo poenitentiae non sint immoderatae (10). 9. Licet paulo ante mortem ob humilitatem se humi collocandum facere, ut moris est apud Monachos Trapenses, Busemb. cum Vasq. Insuper dicunt communiter Sotus, Bonac. Salm., etc. neminem teneri vitam servare (nisi necessaria esset bono communi) mediis extraordinariis et valde doloriferis, v. gr. tibiam sibi incidendam, lapidem e vesica extrahendum permittere. Ita etiam dicunt Less. Sanch. Escob. Turrian. Salm. Busemb., etc. non teneri virginem aegrotantem manus chirurgi in vendendis subire, ut suae infirmitati occurratur: potest tamen id sinere. Tenetur autem permittere ut curetur ab alia foemina (11).

3. Contra vero, sicut non licet se occidere ita nec sibi membrum mutilare, nisi ad servandam vitam. An autem sit permissum pueros evirare ad servandam eis vocem; negant Laym. Lugo, Bus. Salmant. cum communiori: sed alii affirmant cum

(1) Lib. 3. n. 369. v. Notand. (2) L. 3. n. 367. (3) 3. Sent. dist. 29. q. 1. a. 4. ad 3. (4) L. 3. n. 366. (5) N. 367.

(6) Ibid. quaer. 2. (7) Ibid. cit. quaer. 2. (8) Lib. 3. n. 369. (9) L. 3. n. 370. (10) N. 371. (11) N. 372.

Trullench Salonio, Elbel, Mazzotta, Pasqual. et Tamburin., dummodo puer consentiat, et praeciso vitae periculo, tum quia, ut dicunt, vocis conservatio in iis, qui sunt pauperes, videtur esse bonum magni momenti, quod fortunam, et statum praestantiora offert; tum etiam quia eunuchi videntur esse utiles bono communi, cum illi suo cantu conferant, ut populi cum devotione in ecclesiis detineantur; tum denique quia id quotidianae fit, et toleratur a Praelatis (1).

4. Ad hoc quintum praeceptum spectat ebrietatis prohibitio, quae est culpa gravis cum perfecta erit; imo omnia mala probabiliter praevisa ab ipso, quae committuntur, suae culpa imputantur: sed advertendum est ebrietatem, ut docent s. Thom., et s. Antoninus, tunc dici perfectam, et graviter culpabilem, cum quis advertenter, et voluntarie omni usu rationis se vino privat, dum in hoc consistit malitia ebrietatis (iuxta s. Thomam) ut homo volens, et sciens privet se usu rationis (2). Ex quo inferitur 1. non peccare graviter, qui eo non pervenit, ut careat ratione totaliter, sed remanet potens (licet caput vacillet) ad bonum, et malum discernendum: ita Caiet. Laym. Tolet. Wigandt, Holzm. Salm. Elbel et alii communiter (3). Inferitur 2. cum s. Thoma, et aliis communiter, non peccare graviter qui bibendo non iudicat illa portione, licet immoderata, posse inebriari; dicit s. Doctor loco cit. non esse mortale ebrietatem, cum accidit quod aliquis percipiat potum esse immoderatum, non tamen aestimet potum esse inebriare potentem. Nihilominus in hoc debet adverti cum eodem s. Thoma, et aliis, quod si quis frequenter expertus sit se inebriari eandem quantitatem bibendo, tunc non excusatur a mortali: sicut etiam (addo) non excusatur, si tantam quantitatem sumit, quam advertit iam potentem esse ad inebriandum. etiamsi postea ad somnum capiendum se re-

cipiat, quia iam actionem intrinsece malam ponit.

5. Quaeritur 1. An liceat se inebriare, cum hoc esset necessarium, ut ab aliquo morbo mortali se liberet? Multi id permittunt, ut Lessius, Castr. Laym. Tolet. Ronc. et Salm. cum Sylvio, Caiet. Silv., etc. dicentes comedere, et bibere tunc esse grave, cum haec sunt immoderata, sed immoderatum dici non posse id quod est necessarium ad vitam conservandam. Alii vero negant, ut Tourn. Petrocor. Felix Pot. et Holzm. dicentes voluntariam usus rationis privationem esse intrinsece malam. Nos autem sic dicimus: bibere vinum directe ad finem se inebriandi est intrinsece malum, et non potest permitti; ideoque esset illicitum inebriari ad sensus sopiendos, ne dolorem ob aliquam incisionem, aut carnis adustionem sentiat: non autem cum vinum sumeretur tamquam remedium ad expellendos, aut corrigendos humores melancholicos, sicut licet matri (ut dicemus seqq. n. 25. et 26.) medicinam sumere, ut occurrat morbo, licet per accidens foetus animati expulsio eveniat (4).

6. Quaeritur 2. An liceat alicui inebriari ad evitandam mortem, quam alii sibi minantur, nisi ebrietur? Multi affirmant, Less. Bonac. Castr. Laym. Bus., etc. dicentes quod in tali casu rationis privatio non intenditur, sed permittitur, ut dictum est in casu antecedenti. Sed probabilius negant Azor. Wigandt, Tourn. Holzm. Salm., etc. qui recte dicunt quod in casu antecedenti ideo licet ebrietatem permittere, in quantum periculum est intrinsecum, qualis est morbus, qui expelli desideratur; sed non licet, quando periculum est extrinsecum: sicut non est permisum matri foetum expellere, ne occidatur a parentibus, cum hoc sit intrinsece malum, prout habemus ex propositione 34. ex proscriptis ab Innoc. XI. Et ita docet sanctus Augustinus serm. 232. de temp. ubi loquendo de

(1) Lib. 3. n. 374. (2) 2.2. q. 150. art. 2.

(3) Lib. 5. n. 75. (4) n. 76.

eo, qui ab aliis cogeretur ad inebriandum dicit: *Etiamsi tibi dicere-tur, aut bibas, aut morieris, melius erat, ut caro tua moreretur, quam per ebrietatem anima moreretur* (1).

7. Quaeritur 3. An liceat inducere proximum ad se inebriandum, ut impediatur quominus maius malum committat, v. g. sacrilegium, homicidium? Alii negant, sed non videtur improbabilis sententia Lessii, Medinae, Gob. et aliorum, qui permittunt ob id quod dictum est *Tract.*

4. n. 30. ubi dictum est cum Soto, Sanch. Cai. Mol. Nav. Cast. Bonac. licitum esse suadere alicui peccatum minus (licet alterius speciei) ut liberet eum a peccato maiore, quod committere est determinatus (2).

8. Quaeritur 4. An imputentur ebrius ad culpam omnia mala, quae in ebrietate committit? Resp. si ebrietas non est voluntaria, quippe nec etiam peccata erunt mala quae ex illa sequuntur. Si vero est voluntaria, certe erunt peccata omnia mala praevisa, et etiam quae moraliter praevideri debuerant. Hinc praevisa reputantur mala, quae ebrii ordinarie committere solent, vel quae aliquis antea ex aliis ebrietatibus novit committere, et etiam omnia peccata ad quae se noverit propensum, cum enim in ebrietate, amisso rationis usu, natura necessario operetur, facile ipsa prorumpet in ea vitia ad quae propendet. Contra vero non reputantur praevisa alia mala, quae casu eveniunt: ita Cai. Azor. Less. et Salm. cum aliis (3). Recte autem advertunt Lessius, et Salm. (4) cum aliis, quod gravitas peccatorum, quae in ebrietate committuntur, accipi debet iuxta mensuram advertentiae, et voluntarietatis illorum in causa, scilicet in ebrietate. Quod autem sentiunt Salmanticenses cum Soto n. 30. et 31. ubi distinguunt et dicunt mala operis, ut occisio, forni-

catio, etc. haec imputari, non autem mala oris, ut contumeliae, blasphemiae, et periuria: quia, ut dicunt, ea verba prolata ab usu rationis experte, sunt pure materialia, tamquam prolata a pisticco, unde non habent malitiam formalem. Huic opinioni accedo circa contumelias erga homines, quia revera cum illae prolatae sunt ab ebrio, non habentur de decori, modo ille non patefaceret ali-quod infame delictum; non vero circa periuria, et blasphemias, quia hae, licet materialiter prolatae, semper sunt Deo iniuriosae; et si illae non sunt voluntariae in actu, sunt voluntariae in causa.

CAPUT II. DE OCCISIONE PROXIMI

9. et 10. *De occisione ex publica auctoritate.*
11. *Ob propriam defensionem.*
12. *Consultatur super hoc puncto opinio cuiusdam neoterici.*
13. *De occisione tyrannorum, an una, quam liceat?*
14. *De honoris invasore*
15. *Bonorum.*
16. *Pudicitiae.*
17. et 18. *Ob proximi defensionem.*
19. *An liceat praevenire aggressorem?*
20. *De adultero, etc.*
21. *De innocentis occisione.*
22. *De abortu.*
23. *An incurrant excommunicationem praegnantem, etc.*
24. *De dubia foetus animatione?*
25. et 26. *An mater possit sumere phar-macum cum periculo abortus?*

9. Nemini licet hominem occidere, nisi auctoritate publica; vel ob defensionem propriam. *Auctoritate publica* possunt certe occidi rei condemnati, et etiam proscripti (vulgo *fuorgiudicati*), modo inveniantur in loco principis proscribentis. Caeterum ne satellitis quidem licet son-tem occidere profugum, aut obstautem, licet sit iam mortis damnatus, nisi de hoc habeatur speciale principis mandatum. Hoc mandatum caeteroquin potest dare princeps, quae-

25. de V. praeccept. cap. 2. ex n. 26.
- (4) Less. loc. cit. et Salm. n. 33.

(1) L. 5. n. 76. Qu. II. (2) n. 77. v. Qu. (3) Caiet. 2. 2. q. 150. a. 4. Azor. l. 7. c. 6. Less. l. 4. c. 3. n. 25. Salm. tr.

do reus iam esset condemnatus, aut convictus, aut sufficienter diffamatus de aliquo capitali delicto, et si fugere permitteretur, timeri possent ab eo mala peiora, ut dicunt Layman, La-Croix, Elbel, et alii (1): Contra non potest princeps praecipere occisionem rei in carcere detenti, et non adhuc morti damnati, quamvis scientia privata constaret eum morte dignum esse; dummodo (limitant Salmant.) eius delictum non esset notorium, aut periculum esset seditionis, si moraretur eum supplicio necare, aut principi esset dedecori, si ille iuridice damnetur (2).

10. Hic duo notanda sunt. *Primum* est, quod non possunt clerici, licet potestate laicali gaudeant, damnare aliquem morti, nisi expressam Papae dispensationem obtineant. Caeteroquin Episcopi qui dominio temporali dominantur in aliqua regione in causis sanguinis bene possunt suam potestatem laicis committere; ita Bonac. Trull. et Salm. cum s. Thoma (3). *Secundum* est, quod iudex sub gravi tenetur concedere damnato tempus confitendi, et etiam communicandi (modo non timeatur aliter grave damnum); nam tunc urget praeceptum divinum, cum revera reus sit in articulo mortis itaque ille potest communicare etiam non ieiunus, ut dicunt Suarez, Lugo, Navarrus, Salmant., etc. Si autem reus animo obfirmatus nollet confiteri, facta ei monitione, potest executioni sententia mandari, Bonac. Trullench, Salm., etc. (4).

11. Insuper ob propriam defensionem licet iniustum aggressorem interficere, modo fiat cum modamine inculptae tutelae, nempe si non inferatur proximo damnum maius illo, quod necesse est ad vitandum proprium. Hoc omni lege humana, et divina permissum est, ut dicunt s. Thomas (5), Catechism. Roman. (6), et dd. omnes, et habe-

(1) Lib. 3. n. 376. et 380 v. Decius.

(2) n. 377. (3) n. 378. (4) n. 379.

tur expresse in *cap. Si vero*, 3. de *sentent. excom.* ubi dicitur: *Cum vim vi repellere omnes leges omniaque iura permittant.* Quidam auctor rigorismi amicus asserit, s. Augustinum, et s. Thomam tenuisse non licere hominem occidere, neque ob defensionem propriae vitae; sed prorsus errat, nam s. Thomas *loco citato* pluries expresse docet id esse licitum, dummodo (ait) non intendatur homicidium; sed tantum propria defensio; et sic *cit. art. 7. ad 1.* explicat intelligendum esse s. Augustinum. Nec obstat dicere quod praeferenda sit vita spiritualis proximi vitae temporalis propriae; quia hic ordo charitatis (ut respondent Petrocor. Lessius, et alii dd. communiter) tunc locum habet, cum vita propria est absolute necessaria salutis spirituali proximi, qui in extrema necessitate manet (v. g. si puer manet in periculo proximo sine Baptismo moriendi, tunc adest obligatio vitam fundendi, ut ille baptizetur), non autem cum aggressor voluntarie seipsum conicit in periculum damnationis; tunc enim eius prava voluntas non potest aliis auferre ius quod habent propriam vitam tuendi (7).

12. Sed quidam *neotericus, Eusebius Eraniste* in sua defensione doctrinae s. Thomae circa tyrannorum occisionem *Epist. 1. pag. 54. num.*

111. occasione huius materiae progreditur ad discutiendum, an liceat viro privato iniustum aggressorem interficere, conaturque probare ex eodem s. Thoma illicitum esse privatis aggressores interficere etiam ad propriam vitam servandam. Oportet igitur Angelici sententiam perpendere. S. Doctor 2. 2. q. 64. a. 7. scribit, aliquem actum plures effectus habere posse, unum in intentione, alium praeter intentionem. Ex actu autem propriae defensionis duo possunt effectus sequi, conservatio

(5) 2. 2. q. 64 a. 7. (6) P. 3. de V. praec. n. 8. (7) Lib. 3. n. 380.

propriae vitae, et occisio aggressoris: hinc autem s. Thomas dicit quod actus, qui fit ad vitam servandam, licitus quidem est; sed potest illicitus reddi, si improporcionatus sit ad finem tuendae vitae, prout esset, si quis pro sua defensione maiorem vim adhiberet, quam opus esset. En Angelici verba: *Potest tamen aliquis actus ex bona intentione proveniens illicitus reddi, si non sit proportionatus fini. Et ideo si aliquis ad defendendum propriam vitam utatur maiori violentia, quam oportet, erit illicitum. Si vero moderate violentiam repellat, erit licita defensio. Nam secundum iura vim vi repellere licet cum moderamine inculpatae tutelae. Nec est necessarium ad salutem, ut homo actum moderatae tutelae praetermittat ad evitandam occisionem alterius, quia plus tenetur homo vitae suae providere, quam vitae alienae. Sed quia occidere hominem non licet, nisi publica auctoritate propter bonum commune, ut ex supradictis patet; illicitum est quod homo intendat occidere hominem, ut seipsum defendat, nisi ei qui habet publicam auctoritatem. Ex his postremis verbis, illicitum est quod homo intendat occidere hominem, ut seipsum defendat, infert praefatus Eusebius Eraniste, s. Thomam docere quod homo ita se continere debet intra limites iustae defensionis, ut nullam ipse nec minimam voluntatem habeat interficiendi aggressorem, quamvis ad propriam vitam servandam id oporteret. Unde concludit quod, ut tale homicidium sit inculpabile ex parte petiti, illud contingere deberet per merum accidens, ita ut invasor maneret occisus, quin ulla voluntas petiti in occisionem illam partem haberet. Et sic ait intelligendum esse illud s. Thomae, *Illicitum est quod homo intendat occidere hominem*. Fere eodem modo se explicat Iuveninus, dicens tunc defensorem esse a culpa immunem in tali homicidio, cum id contingit*

ex ipso aggressore, qui irruit in defensoris ensem; ita ut aggressor decedat non iam ex vulnere inflicto a defensore, sed ex vulnere illo quod ipsemet aggressor a seipso sibi infligit, petitum aggreddiendo, sive ut alius auctor eiusdem opinionis exprimit: Si ex seipso aggressor se transfigit ense defensoris.

Sed hoc, dico, non esset quidem vim vi repellere, sed esset velle repellere vim sine vi. *Vim vi repellere* importat, quod petitas talem opponat vim, quae correspondeat, ac sit proportionata ad repellendam vim aggressoris. Idque satis innuit s. Thomas inquires, tum illicitum esse actum defensionis, cum non est proportionatus ad finem: *Potest tamen actus illicitus reddi, si non sit proportionatus fini*. Deinde subdit: *Et ideo si aliquis ad defendendam propriam vitam utatur maiori violentia, quam oportet, erit illicitum*. Adverte verba, si utatur maiori violentia, quam oportet; tunc igitur petitus immoderate et culpabiliter se defenderet, si uteretur maiori violentia, quam opus esset. At, inquit, si aggressor ensem iam impugnat ad feriendum, quomodo posset dici licitum esse petito vim vi repellere, si ille aliud non posset agere, quam manus adhibere, vel ense uti tantum ad repellendos ictus aggressoris quin eum laedere posset? Haec defensio quippe est valde improporcionata ad vim invasoris repellendam. Quis non dicet quod defensio haec coniuncta esset cum periculo moraliter certo subeundae mortis? Valde enim difficile est, imo moraliter impossibile, quod defensor, si fugere, aut abscondi non valeat, mortem hoc modo evadere possit. Adde quod s. Thomas, ut legitur sub initio citati articuli 7., referens legem Exodi absolute admittit licitum esse aggressorem interimere pro vitae propriae defensione; sic enim ait: *Sed contra est quod Exod. 22. 2. dicitur: Si effringens fur domum, sive suffodiens inventus*

fuert, et accepto vulnere mortuus fuerit, percussor non erit reus sanguinis. *Sed multo magis licitum est defendere propriam vitam, quam propriam domum. Ergo etiamsi aliquis occidit aliquem pro defensione vitae suae, non erit reus homicidii.* Notentur verba Exodi, et s. Thomae, percussor, occidit; ergo tam Scriptura, quam s. Doctor admittunt esse licitum *percutere et occidere inimicum pro tutela vitae: at si petitus nullo modo laedat invasorem, et homicidium per merum accidens evenit, eo quod invasor ipsemet sibi mortem infert, se impellens in enssem defensoris, tunc nequit dici occisor, aut percussor.* Sed s. Thomas inquit: *Ergo etiamsi aliquis occidit aliquem pro defensione vitae suae, non erit reus homicidii.* Ergo s. Thomas pro tuenda vita absolute permittit occidere aggressorem, adhuc eum vulnerando, occidere enim importat positive hominem ferire: enssem tantum agere ad ictus hostis repellendos, cum solo periculo quod ipse invasor se transfigat ense petiti, non est occidere, neque ferire, sed tantum permittere, vel occasionem praebere, quod inimicus ex seipso se feriat et occidat; at s. Thomas dicit: *Si occidit, non est reus homicidii.*

Remanet autem explicare, quomodo intelligatur illud s. Thomae: *Illicitum est quod homo intendat occidere hominem, ut seipsum defendat.* Caietanus illud *non intendat* sic interpretatur, nempe quod occisio non sumatur pro medio propriae defensionis, sed tantum pro defensionis effectu. Sed haec interpretatio nimis subtilis videtur Dominico Soto, unde ait *lib. 5. qu. 1. art. 8.* quod semper ac finis est licitus, licitum etiam est eligere medium necessarium ad talem finem obtinendum. *Qui iuste (ait) vult finem, iuste velle potest et medium cum eodem fine necessario conexum.* Idcirco addit quod, cum defensor suum invaso-

rem interficit, alio medio carens ad mortem evitandam, tum eum occidendo non censetur quod illius mortem intendat, sed tantum sui defensionem: *Caeterum, cum quis invaditur, quocumque modo occidat invasorem, quia nulla alia via potest illius manus evadere, non censetur intendere hominis occisionem, sed tantum sui defensionem.* Eodem quasi modo Sylvius s. Thomam explicat dicens: *Si aliud spectes, quam te defendere, malumque evadere, vindicta est, non mera defensio.* Huicque explicationi adhaerent du-Hamel, et p. Concina *loc. cit. n. 8.*

Sed instat Eusebius Eraniste dicens: s. Thomas docet, *illicitum esse quod homo intendat occidere hominem, ut seipsum defendat, nisi ei qui habet publicam auctoritatem.* Ergo eis, qui publica auctoritate carent, semper illicitum est hominem necare. Attamen advertendum quod s. Thomas non dicit illicitum esse viro privato hominem occidere sed quod *intendat occidere.* Quapropter respondemus quod illi, qui publicam auctoritatem habent, non solum hominem occidere possunt, sed etiam illius occisionem intendere. Privatis autem nunquam licitum est intendere occisionem aggressoris, sed tantum eis permissum est aggressorem occidere in necessitate propriae vitae servandae, quo casu non mortem hostis, sed tantum suam defensionem intendunt. Caeterum angelicus Doctor Canonum venerator maxime fuit; Canones autem, ut vidimus, nimis aperte declarant licitum esse aggressorem interimere ad propriam mortem evitandam: explicandus igitur est s. Thomas, ne dicatur ipse sacris Canonibus adversari, et ideo auctores superius laudati quaerunt textum s. Doctoris explicare, et apte explicant, quomodo eius verba intelligi debent.

Nulli dubium quod potius velle mortem sufferre, quam occidere aggressorem, ne ille occisione pereat

in aeternum, est actus sublimischaritatis et perfectionis, estque conformis Evangelii consilio; modo (aiunt Sotus, Concina et alii) defensor non inveniatur, cum invaditur, gravatus mortali peccato: *Consilio*, sed non praecepto; opinio enim quod illicitum sit aggressorem necare etiam in necessitate evadendi mortem, non solum est contra sententiam communem (ut vidimus) theologorum; sed eam Salenius vocat etiam *temerariam*, et Dominicus Soto (loco citato) appellat *errorem* manifestum; atque p. Concina n. 7. ait rationabiliter sic loqui Sotum, quoniam talis opinio destruit ius ab ipsa natura in hominibus insitum propriam tuendi vitam: *Quippe opinio haec* (sunt verba Concinae) *quamquam proferre videatur charitatis evangelicae imaginem, tamen iura omnia pervertit; et certe ius illud ipsi naturae insitum conservandi propriam vitam omnino convellit*. Praeterea, addit Concina, quod per illam opinionem ordo providentiae pervertitur; en eius verba: *Providentiae item ordinem* (haec opinio) *perturbat, quia permittitur, ut iniquorum temeritas hominibus vitam eripiat. Accedit opinionem hanc ministrare arma perversorum malitiae ad bonorum caedem, adque flagitiorum quorumvis executionem: quae omnia ut de medio tollantur, nihili facienda est sceleratorum vita*. Idem prius scripsit Comitolus, *Lib. 4. q. 10. n. 10. brevioribus verbis: Opinio* (contraria) *arma certa ministrat iniustitiae, caedi bonorum, rerum publicarum eversioni, tyrannidi vitiorum*.

Obiicitur ab adversariis illud s. Augustini in epistola 47. *alias 154. n. 5. ad Publicolam*, ubi dicitur: *De occidendis hominibus, ne ab eis quisquam occidatur, non mihi placet consilium nisi forte sit miles, aut publica functione teneatur, ut non pro se hoc faciat, sed pro aliis, accepta legitima potestate, si eius congruat personae...* Dictum est: Non resistamus malo, ne nos dicta delectet,

quae alieno malo animum pascit. At sapienter huic respondet Du-Hamel (tom. 5. tr. de 5. praecept. lib. 2. diss. unic. c. 2. n. 9. v. Resp. Aug.) dicens: *Augustinus non de eo loquitur, qui se defendere coactus hos necat, ubi non est alia ratio expediendae salutis, sed de homine qui hominem improbum occidit, ne ab illo ipse et alii occidantur*. Inquit, ne ipse et alii occidantur, ergo s. doctor non loquitur de iniusto aggressore, sed de homine impio, a quo occisor suam aliorumque mortem formidabat.

Praeterea obiiciunt, id esse contra ordinem charitatis, qua tenemur spirituales vitam proximi praeferre nostrae temporali vitae, iuxta dicta lib. 2. num. 27. *Sed haec charitatis lex* (recte respondet p. Concina) *tunc solum obligat, cum nostra temporalis vita medium necessarium fuerit ad spirituales proximi salutem*. Porro qui me impetit, sua culpa id facit, atque adeo mea vita haud est necessaria illius saluti, cum ipse desistere possit ab iniqua aggressionem. Ita p. Concina, et ita expresse docet etiam s. Thomas 2. 2. qu. 25. art. 8. ac praesertim id sufficienter declaravit in citata qu. 64. art. 7. ubi dixit, prout iam notavimus: *Nec est necessarium ad salutem, ut homo actum moderatae tutelae praetermittat ad evitandam occisionem alterius, plus tenetur homo vitae suae providere, quam vitae alienae*.

Prudenter autem addit P. Concina, quod si petitus sit valde timoratae conscientiae, in eo sperari potest, quod talis defensio cum occisione aggressoris sit immunis a culpa; contra vero, si vir ille sit non magnae virtutis, difficulter innoxia erit; nam in praxi difficulter invasorem, a quo impetitur, sine spiritu vindictae interimet, intendens tantum propriae vitae defensionem, non autem mortem adversarii, idcirco s. Augustinus sapienter monebat: *Non resistamus malo, ne nos vindicta delectet*. Sed aliud est dicere quod in praxi viri

modicae virtutis, occidendo aggressores suos, raro a peccato immunes erunt, aliud dicere, numquam esse licitum iniustos invasores velle occidere, quamvis id esset necessarium ad propriam vitam tuendam, nam huiusmodi nimis rigida et irrationabilis opinio illaquearet conscientias, non solum iniquorum qui saltem speculative loquendo non peccant, putantes licite posse suos aggressores perimere ad propriam mortem vitandam, sed etiam plurimum timoratorum, si credere tenentur non posse aggressores laedere; etiamsi iniuste illi aggrederentur, nec alia via pateret ad vitam servandam.

13. Hic autem videndum, an liceat unquam principem tyrannum interficere? Praemitendum quod duplici modo princeps potest esse tyrannus, in titulo et in regimine. Tyrannus in titulo est ille, qui sine ullo iure per vim occupat statum aliquem expoliando de eo legitimum dominum: aut is qui, iniuste occupato alieno statu, deinde pacifice illum possidet. Tyrannus vero in regimine est ille, qui iusto titulo regnum possidet, sed iniuste illud regit, plures iniustitias et immanitates exercendo. His expositis, aliqui auctores, sed pauci parvaeque auctoritatis, insipienter dixerunt, licitum esse interimere tam tyrannum in titulo, quam tyrannum in regimine. Alii vero negant occidi posse tyrannum in regimine, quantumcumque regnum tyrannice gubernet; ac etiam tyrannum in titulo, cum ille, etsi iniuste regnum occupasset, postea tamen illud pacifice possidet. Contra autem dicunt licitum esse interficere principem, qui iniuste per vim regnum occupavit, et per vim prosequitur illud possidere, repugnantibus regnicolis, qui tantum timore affecti aegre ei subduntur. Sed nos dicimus privatis hominibus semper esse illicitum interficere tyrannum tam primae, quam secundae speciei. Ratio, quia subditi ex divino praeccepto venerari et obedire tenentur

suis dominantibus, quamvis iniustus et perversus, prout docet s. Petrus: *Servi subditi estote in omni timore dominis, non tantum bonis et modestis, sed etiam dyscolis.* 1. Petr. 2. 18. Unde d. Aug. scripsit, *Dominum dare regnum terrenum piis, et impiis, sicut ei placet.* Semper igitur ac princeps est in possessione regni, obligantur subditi tenere eum tamquam proprium dominum; ait enim s. Thomas, quod, licet aliquis iniuste usurpatus fuisset alterius statum, si postea subditi ipsum ut dominum recognoscerent, aut antiquus dominus vel alius princeps amborum superior ei dominium regni ultro concederet, tunc legitimus dominus illius evaderet: *Qui per violentiam dominium subripit, non efficitur dominus; et item, cum facultas adest, potest aliquis tale dominium repellere; nisi postmodum dominus verus effectus sit vel per consensum subditorum, vel per auctoritatem superioris.* S. Thom. 2. sent. dist. 44. q. 2. art. 2. Quamobrem cum usurpator multipliciter possit iustus regni dominus fieri, ideo subditi semper parere debent suis actualibus dominantibus, ad ipsos enim minime pertinet iudicare, an illi legitime aut illegitime statum possideant.

Et subditi huiusmodi dominantibus obedientiam negare nequeunt, tanto minus eos vita et possessione regni privare possunt. Subditorum est obedire, non iudicare de principe, qui Deo solummodo subiacet circa res sui domini, nec ab alia terrena potestate dependet. Si subditi de titulo, aut possessione principis iudicium ferre possent, numquam deesset eis, qui pravo animo affecti sunt, praetextum invenire ad se concitandos adversus principem. Scripsit Azorius: *Haec sententia de licita occisione tyranni in titulo, quamvis tot auctorum testimonio comprobetur, mihi tamen dubia est. Quamvis enim evidenter patrati sceleris probationem non postulat, requirit tamen sententiam. Insu-*

per quamvis huiusmodi tyrannus ius et titulum non habeat in regno, facto tamen habet possessionem a qua deiici non potest, nisi prius audiat et iudicetur. Optimae sunt rationes, quas hic auctor profert ad opinionem reprobandam, quod tyrannum in titulo tollere a vita liceat; nemo enim, nec princeps, nec privatus potest vita rebusque suis expoliari quin prius audiat, aut saltem a suo legitimo iudice damnetur. Subditi autem nunquam ius habere queunt ferendi iudicium in ipsorum actuale dominum. Sed minus recte fassus est dicendo: *Haec sententia dubia mihi est; dicere debebat, improbabilis, falsa, falsissima mihi est, iuxta id, quod prius scripserat p. Alphonsus Salmeronus tom. 13. p. 14. in epist. apost. diss. 5. ubi sic dixit: Cum mandatum sit nobis indistincte obedire principibus etiam dyscolis, iis parendum est; in his tamen quae non sunt contra Dominum. Atque insuper, quod etiamsi princeps iniuste regnum usurpatus fuisset, cum ut dominum existimare debemus ob eandem quippe rationem, quia ad privatos minime pertinet de iuribus principis iudicare; cum non sit ergo privati iudicare de principibus, etsi illi regnum non iuste occupaverint, et regnent ex parte sua, iuste tamen sub eius tyrannide plectitur populus.*

Sed alia adest ratio magis urgens et ampla, propter quam numquam licet principem vita privare, tametsi iniuste regnum occupasset, et iniuste possideret. Obiiciunt auctores contrarii: Sed qui regnum alienum sine aliquo titulo occupat, et sine ratione aliqua possidet, non est illius neque dominus, neque princeps, sed fur et usurpator. Sit utique (respondeo) fur, usurpator, et non princeps, nec dominus, postulo. estne ille homo ut alii? et si est homo, nequit ipse privari vita, aut bonis ab iis qui ius non habent eum vita aut bonis exspoliare. Communis est ss. Patrum doctrina, quod nulli privatae personae licet

unquam occidere hominem, quamvis privatum, et quantumcumque iniquus ille sit, nisi publicam habeat auctoritatem, aut nisi id necessarium sit ad propriam vitam tuendam, ut diximus in praeterita quaestione; sed loquendo de publica auctoritate, certum est axioma illud a s. Augustino traditum: *Qui sine aliqua publica administratione maleficum occiderit, velut homicida iudicabitur. Lib. 1. de civ. Dei, cap. 26. in med. S. Thomas autem de hoc rationem reddit dicens: Occidere malefactorem licitum est, in quantum ordinatur ad salutem totius communitatis. 2. 2. q. 64. a. 3.* Deinde subdit quod occidere malefactores solis permittitur principibus, qui publicam auctoritatem habent, quibusque cura communis boni commissae est: *Cura autem communis boni commissae est principibus habentibus publicam auctoritatem, et ideo eis solum licet malefactores occidere et non privatis personis.*

Si ergo illicitum est subditis interficere tyrannum in titulo, quamvis ipse absque ullo iure regnum occupasset, licetque illud iniuste possideret: tanto magis erit illicitum mortem machinari principi existimato tyranno in regimine, qui iusto titulo possidet regnum. Item si privatis, eo quod publica auctoritate carent, vetitum est perimere hominem quantumcumque impium, quanto minus proprium principem interficere licebit? Falsum autem omnino est, in communitate subditorum quamdam adesse auctoritatem superiorem, et a principe independentem, ita ut casu quo princeps perverse regnum gubernet, tota communitas eum regno et vita expoliare possit. Nimis periculosum in hac re fuit principium Ioannis Gersonis, qui ausus est asserere, quod monarcha potest legitime a tota natione iudicari, si regnum iniuste regat; dicebat enim quod, cum natio sit totum regni respectu ad principem, qui est tantum pars, apud ipsam necessario debet suprema au-

cloritas existere. Principium (inquo), non tantum falsum, sed perniciosissimum; nam hoc modo duae in regno essent supremae potestates, unde enormissima evenirent schismata, renique desolatio. S. Thomas aliam non recognoscit auctoritatem supremam, nisi illam, quam habent principes, quibus cura communis boni tribuitur: *Cura communis boni commissa est principibus habentibus publicam auctoritatem. Quapropter etsi princeps perversus, ac populus gravatus esset, tenetur tamen populus obsequium obedientiamque illi praestare, cum subditi nunquam ius habere possint de rebus gestis principis iudicare, et tanto minus eum damnare ad vitam, aut regnum amittendum.*

Praeterea perpendi debet, quod si huiusmodi casus accideret, quod princeps a suis subditis trucidaretur causa mali regiminis, quodnam malum esset maius, illud nempe quod princeps patrabat, aut illud quod eius mors inferret, quae tali modo eveniret? Postquam subditi sic temere contra eorum principem concitati fuissent, atque impie manus suas in eius sanguine inquinassent, quot rixae, schismata et civilia bella statim insurgere inter eos ipsos inspicerentur? insuper quot rapinae, quot sacrilegia, quotque strages? sublato enim a populo subiectionis fraeno et reverentiae erga regem, omnes illi, qui pravo animo sunt affecti, quibusnam flagitiis seipsum non traderent, abscisso iam timore publicae iustitiae? idque dicere voluit s. Thomas (*Opusc. 20. de regim. princ. l. 1. c. 6.*) ubi scripsit: *Esse hoc multitudini periculosum et eius rectoribus, si privata praesumptione aliqui attentarent praesidentium necem etiam tyrannorum.*

Hinc est, quod licet imperatores gentiles impii, et Ecclesiae persecutores fuissent, attamen quia ipsi imperium possidebant, Deus praecepit, ut in omnibus rebus licitis obedientia ipsis praestaretur. Unde scripsit Les-

sus (*de iust. et iure l. 2. c. 9. dub. 4. n. 11.*): *Princeps etsi tyrannice regat, tamen manet superior, unde Scriptura iubet, nos in rebus licitis parere principibus ethnicis tanquam superioribus, etsi maximi essent tyranni, utpote qui Ecclesiam persequerentur et ad impietatem cogerent; ergo non potest a subdito interfici.* Idem scripsit Molina (*de iust. etc. tom. 4. tr. 3. D. 6.*): *Aliquis est tyrannus, qui licet sit vere dominus reipublicae, in qua tyrannidem exercet, inique tamen eam administrat: tyrannum hoc modo nefas est privatis interficere.* Idem scripsit Gregorius Valentia (*tom. 3. disp. v. q. 8. p. 3.*): *Tyrannum perpravam, et communitatiziosum, legitimae alioquin auctoritatis usum in gubernando, nulli particulari licet occidere.* Idem scripsit cardinalis Toletus (*Instruct. l. 5. c. 6. n. 16.*): *Tyrannum administratione, qui habet quidem verum titulum, sed tyrannice tractat subditos, non licet occidere; et asserere contrarium damnatur ut haeticum in Concilio Constantiensi.* Idem scripserunt Caietanus 2. 2. qu. 64. art. 3. Soto l. 5. qu. 1. art. 3. Prado cap. 20. qu. 1. §. 3. n. 21. Tapia lib. 5. q. 7. art. 3. num. 2. Bonac. D. 2. q. ult. sect. 2. p. 3. n. 2. cum Silvestro, Bannez et Serra in loco cit. d. Thomae. Idem scripsit Suarez in defens. Fidei l. 6. c. 4. dixitque hanc sententiam non solum communem, sed certam esse: *Diximus principem propter tyrannicum regnum, vel propter quaevis crimina non posse ab aliquo privata auctoritate iuste interfici.* Assertio est communis et certa: conformis est praeceptis Petri (*Epist. 1. cap. 2. 18.*): *Subditi estote omni creaturae propter Deum etc. Magis vero in specie definita est et contraria ut haeretica damnata in Concilio Constantiensi, sess. 15. En propositio quae tanquam haeretica in praefato Concilio proscripta fuit: Quilibet tyrannus potest et debet licite et meritorie occidi per quemcumque*

vassallum suum, vel subditum, etiam per clanculares insidias et subtiles blanditias, vel adulationes, non obstante quocumque praestito iuramento seu confederatione facta cum eo, non expectata sententia vel mandato iudicis cuiuscumque. At quale remedium adest, si regimen principis esset excessive tyrannicum? remedium quod suppetit, ait s. Thomas, est ad Deum recurrere, ut auxilium praebeat. *Quod si omnino contra tyrannum auxilium humanum haberi non potest, recurrendum ad regem omnium Deum, qui est adiutor in opportunitatibus.*

Praeterea scribit doctissimus dom. Soto (l. 5. qu. 1. art. 8.): *Si is qui adoritur sit rex, princeps, vel alia persona valde utilis reipublicae, et persona quae invaditur sit abiecta et vilis, cuius nihil intersit reipublicae, tunc subeunda est mors personae invasae, omittendaque defensio;* intelligo cum nece principis. Haec sententia non placet p. Danieli Concinae, dicenti unumquemque de iure naturae et charitatis magis amare propriam quam alienam vitam. Sed hoc non obstante sententia Soti placet mihi, et probabilissima videtur; ratio est, quia quisque privatus commune bonum omni suo bono temporali praeferre tenetur, omneque temporale pati detrimentum ad damnum gravissimum communitatis vitandum, atque hoc gravissimum damnum profecto communitas sufferret, ut supra consideravimus, si princeps a propriis subditis interficeretur. Licitum quidem est necare iniustum aggressorem privatum cum moderamine inculpatae tutelae, si nullum patet effugium evadendi mortem. Sed quod procedit respectu vitae privatorum, locum non habet respectu vitae regnantium. Valde enim diversa ratio habenda est inter privatorum et principum vitas, reges sunt *uncti Domini*, ideoque ipsorum personae sacrae eorumque vitae pretiosae ac nimis necessariae sunt

(1) S. Antonin. 3. p. t. 4. c. 3. Sylvest.

ad pacem populorum bonumque publicum servandum. Si occiditur iniustus aggressor, damnum ipsi soli evenit, non autem reipublicae, imo eius mors bono communi proderit, ut insolentia temerariorum reprimatur; at si princeps per manus suorum subditorum vita privetur, malum (ut supra perpendimus) commune evadit et immensum, propter innumera flagitia, deordinationes et schismata quae propterea deinde sequuntur.

14. Et hac ratione dicunt etiam Navar. Azor. Molin. Less. Vasq. Layman, Lugo, Ronc. Tapia, Carden. Filliuc. et alii plurimi cum s. Antonino et Silvestro (1) contra paucos, licere nobili laico occidere, non in vindictam, sed tantum ad defendendum se ab eo qui graviter offendere vellet eum in honore, et non iam solis verbis (quia verbis potest verbis occurrere, v. g. respondendo illum mentiri etc.), sed etiam factis, v. g. calcibus, colaphis aut similibus iniuriis gravibus; quibus tamen semel illatis non potest amplius compensari, repercutiendo, quod quidem non licet, uti habetur ex propos. 3o. ex damnatis ab Innocentio XI. quia tunc non esset defensio sed vindicta. Quare post illatam iniuriam non est amplius licitum ferire percutientem, nisi ad impediendas novas percussiones, quae praeter contumeliam graviter corpus laederent, et nullus alius occurreret modus, quo ab illis se defendat. Dicunt vero *nobili laico*, quia non licet hoc plebeis, nec clericis, aut religiosis, cum illos fuga non deceat: ideoque tenentur fugere, semper ac sine vitae periculo possunt (2). Caeterum etiam respectu secularium haec sententia quoad praxim parum aut nihil deserviet, quia in praxi, ut sapienter censet Sylvius, impossibilis aut valde rarus erit casus, quo ea licebit uti. *Etiamsi* (ait Sylvius) *honor sit bonum praestantius quam divitiae, aut nullum, aut rarissimum*

v. Bellum. n. 4. (2) Lib. 3. n. 381.

arbitramur esse casum, quo pro defensione solius honoris licet aggressorem interficere (1).

15. Eadem ratione communiter affirmant s. Anton. Suar. Soto, Caiet. Less. Bonac. Lugo, Ronc. Salm. et alii, licere etiam occidere furem rei magni momenti, semper ac admonitus fur ne rapiat vel ut relinquat illam nisi occidi vellet, ille obstinate recusaret. Huius sententiae certe est s. Thom. (2) qui, ut probaret licere vitam cum occisione aggressoris tueri, affert textum *Exod. 22. 2.:* *Si effringens fur domum, seu suffodiens inventus fuerit, et accepto vulnere mortuus fuerit, percussor non erit reus sanguinis.* Et postea subiungit Sanctus: *Sed multo magis licitum est defendere propriam vitam, quam propriam domum.* Et probatur etiam ex *cap. Dilecto, de sent. excomm. in 6.* ubi declaratur licere defendere bona gladio tam temporalibus, quam spiritalibus (3). Dictum est tamen rei magni momenti, quia non sufficit valor non solum unius aurei (nempe ducati), ut dicebat prop. 31. ex damnatis ab Innoc. XI. sed nec etiam octo aut decem aureorum. Dicunt Molina, Vasq. et Salm. esse eam magnam summam, cuius amissio est ei notabili damno. Cardenas dicit summam 40. ducatorum esse magnam respectu uniuscuiusque. Sed Viva et Elbel putant illam esse magnam summam hoc casu, qua sola ablata, deesset alicui sustentatio pro se et suis. Nec opinioni nonnullorum dd. assentio, posse nobilem se defendere armis a fure, qui sibi vellet vi auferre aliquid etiam minimum ob respectum iniuriarum, quia haec in tali occasione non videtur adeo gravis, ut possit dari fur morti, ut bene dicunt Diana et Salm. (4). Contra, iuxta sententiam probabiliorum Less. Lug. Vasq. Busemb. Tanner. Malder. (contra Salm. Bonac. etc.) licite potest do-

minus occidere furem, qui vult impedire eum, quominus rem ablatam reaccepiat (sed valoris supra iam descripti), cum alius modus eam recuperandi non occurrat; nam tunc fur est vere aggressor (5), et hoc quod permittitur laicis ad suorum bonorum defensionem, licere etiam clericis et religiosis, dicunt communissime Lugo, Becan. Lessius, Tanner. Salm. Elb. Busemb. etc. et probatur ex citato textu *cap. Dilecto* (6). Nec isti tunc incurrunt irregularitatem (7). Et illam defensionem, qua potest dominus se tueri per seipsum, potest etiam adhibere per suos servos; Nav. Lugo, Laym. Sporer, Salm. Elbel, etc. (8).

16. Si autem licet occidere bonorum aggressorem, tanto magis licet se defendere a pudicitiae aggressore, cum nullum aliud medium subest, ut dicunt dd. communiter. Et quamvis, postquam patratum est, non liceat aggressoris ulcisci; nihilominus recte advertit Lugo, licere (et ego addo etiam expedire) ut mulier oppressa (dummodo hoc faciat immediate post iniuriam acceptam, non tamen ob vindictam) procuret insultare eum, qui iniuriam sibi intulit, pugnis, alapis (et etiam, ut dicunt alii, aliquo vulnere, non tamen gravi nec periculo- so), ut cognoscatur quae sit sua constantia et molestia concepta, et ita ille iterum non audebit eam vexare (9).

17. Quemadmodum licet vitam propriam defendere, sic etiam vitam proximi innocentis etiam morte iniusti aggressoris, ut docet s. Thomas (10) et alii communiter. Nec obstat dicere quod proximus potest cedere defensioni vitae suae; quia licet possit ille cedere iuri se defendendi, non potest tamen cedere vitae suae, cuius dominus non est. Magistratus et etiam satellites ad id stipendio conducti ex iustitia tenentur innocentium vitam defendere, et etiam cum pe-

(1) Sylvius in 2. a. q. 64. d. 7. q. 9.

(2) 2. 2. q. 64. a. 7. (3) Lib. 3. n. 383.

(4) Ibid. Quaer. 2. (5) lb. Quaer. 3.

(6) n. 384.

(7) L. 7. n. 389

(8) L. 3. n. 385.

(9) L. 3. n. 386.

(10) 2. 2. q. 60. a. 6. ad 2.

riculo vitae propriae, cum agitur de bone communi, ut esset publicos latrones interficere; ita Less. et Salm. Dicunt autem Salm. cum Navar. Bonac. etc. etiam privatos teneri innocentis aggressorem occidere, si possunt, sine gravi incommodo: sed probabilius id negant Lessius et Lugo, quia in praxi hominem occidere non potest esse sine magno horrore, quale est manus sanguine humano foedare. Excipiunt tamen dd. si aggressus esset necessarius bono publico, aut esset suus pater, filius, aut frater (1).

18. Ita etiam dicunt communissime Lessius, Filliuc. Bonac. Lugo, Salm. Trull. etc. licere occidere aggressorem pudicitiae aut honoris proximi, si ille factis velit eum offendere, ut dictum est n. 14. Sed quoad pudicitiam hoc non intelligitur, quando mulier expresse aut tacite assentitur; excepto tamen, si illa esset tibi coniuncta, et tu non posses tuo dedecori consulere, nisi aggressorem vulnerando (2). Ita etiam dicunt s. Antoninus, Less. Navar. Bonac. Lugo, Molina et Salm. licere innocentis bona magni valoris tueri morte aggressoris, cum aliud medium non extat; nam in omnibus istis casibus ratio in principio adducta semper valet, nempe quod ordo charitatis in praefenda vita proximi bonis temporalibus locum habet quando proximus in extrema necessitate positus est, non autem quando ille voluntarie subiicere vult se periculo suae mortis (3). Advertantur hic propositiones damnatae 18. ab Alexandro VII. et 30. 31. 32. et 33. ab Innoc. XI.

19. Quaestio 1. est, an liceat aliquando aggressorem vitae occidendo praevenire? Duplex est sententia, sed istae Soto, Azor. Covarr. Ronc. Busemb. Salm. etc. conciliantur, dum dicunt, quod si quis moraliter sit certus inimicum determinatum esse ad se occidendum, v. g. pro certo habet iam ad hoc arma parasse, aut commisisse sicario sui occisionem,

(1) L. 3. n. 390. (2) n. 391 (3) n. 392.

tunc bene potest praevenire, si alio modo insidias et mortis periculum aufugere nequit; secus autem si de hoc tantum aliqua suspicio aut dubium sibi subortum esset; dum iustum non est inimicum vita orbare ob simplicem dubium timorem (4). Ceterum quod ad praxim spectat, difficillimus erit casus, et fere moraliter impossibilis, quo licitum esse possit aggressorem praevenire, difficillime enim ille, qui aggressionem timet, poterit habere certitudinem futurae aggressionis, nisi praeveniat necando aggressorem.

20. Quaestio 2. an liceat adultero, ut defendat vitam suam, occidere virum qui in se invadit? Adulter tenetur certe fugere, si potest, nam in tali casu etiam nobili non est dedecus fugere; saltem non est dedecus grave. Sed si sine vitae periculo fugere non posset, alii dd. reum homicidii, si occidit, faciunt; alii non. Nos distinguimus cum Suarez, Layman, Castrop. Coninch. Salm. Ronc. Sporer etc. ita: Si ille praevidit proximum periculum aggressionis viri, et audenter velit suam pravam intentionem exequi, tunc non potest ab homicidio et irregularitate excusari, quia tunc adulterium est proximum periculum homicidii, ut dicemus de censuris *Tractatu* 19. n. 8.; secus autem si periculum esset remotum, ut si adulter cum cautela procederet (5).

21. Quaestio 3. an aliquando liceat innocentem occidere? Directe nunquam licet; sed in certis casibus licet indirecte: 1. Si tyrannus minatur civitatis excidium, nisi innocens occidatur, non licet iam eum occidere, sed permissum est eum tyranno tradere, si ipse se praesentare renuit, ut probabilius dicunt Molina Less. Layman Lugo Filliuc. Busemb. contra Sotum etc. quia tunc ille ut evitet commune damnum, tenetur se praesentare; qua de re, cum id recusat, fit reus, et tanquam reum pot-

(4) L. 3. n. 387. (5) n. 393.

est respublica eum tradere (1). 2. Si quisequosedens fugiendo nequit mortem evadere ab inimico persequente, nisi morte pueri qui in angusto calle reperit, potest ille quidem occidere, modo puer sit baptizatus; Sanch. Less. Lugo Fill. Salm. Prado et alii communiter (2). 3. Licet in bello tormenta bellica versus inimicorum stationes dirigere, licet innocentes mortem passuri essent; Less. Busemb. etc. (3).

22. Quaestio 4. an liceat esse causam abortus? Abortum ex proposito procurare, certe est semper illicitum, licet foetus esset inanimatus; quia si nullius vitae nocetur, saltem nocetur naturae generationis. Et hic advertendum est Sixtum V. in Bulla *Esfraenatam* praeter poenas privationis privilegiorum clericalium et beneficiorum et inhabilitatis ad ea recipienda, imposuisse excommunicationem papalem *ipso facto*, et irregularitatem omnibus iis scienter abortum foetus (animati vel inanimati) procurantibus cooperatione, consilio, aut labore. Sed postea Gregorius XIV. Bulla *Sedes apostolica* 1591. restrinxit praefatam excommunicationem et irregularitatem dumtaxat ad abortum foetus animati (4), et facultatem dedit Episcopis et aliis ab ipsis ad id deputatis specialiter, absolvendi ab hac excommunicatione; id tamen non excludit quin ab ea possint absolvere etiam alii, quibus Episcopus generalem facultatem concedit absolvendi ab omnibus casibus a Papa sibi reservatis, ut dicunt valde probabiliter Bonacina Elbel Sporer (5). An ab ea possint absolvere regulares, vide *Tractat.* 20. num. 100. Sed hic notandum 1. quod cum in Bulla Sixti V. dicatur *scienter*, non incurrunt excommunicationem et irregularitatem illi qui ex ignorantia crassa sunt causa abortus, ut communiter dd. (6); vide de censuris. Notandum 2. va-

rias esse opiniones circa tempus quo foetus iudicandus sit animatus (7), sed communissima vult fieri animationem post dies 40. a conceptione, si proles est mas, post 80. si est foemina; ita Silv. Azor. Elbel Busemb. et Salm. cum s. Thoma (8) (qui extendit usque ad 90. dies pro foeminis); et hanc sententiam, ait Continuator Tournely (9) esse fere omnium theologorum, et addit cum Navarro et Silvio hanc teneri a sacra Poenitentia cum agitur de poenis et irregularitatibus.

23. Sed hic dubitatur 1. an incurrant excommunicationem mulieres praegnantes, quae sibi abortum procurant? Multi affirmant cum Bonac. Viva Spor. etc. ex eo quod in Bulla Sixti V. (§. 5.) dicitur: *ac mulieres ipsas quae pocula scienter sumpserint*. Sed est valde probabilis et ratione intrinseca probabilior sententia negans cum de Lugo Avila Lezana de Leone Salmant. etc. quia praedicta verba Bullae intelliguntur tantum de poenis temporalibus non vero spiritualibus; et hoc deducitur ex verbis sequentibus (§. 7.) ubi dicitur: *Insuper ut huius delicti gravitati non solum temporalibus, sed etiam spiritualibus poenis prospiciamus, omnes qui, vel quae, uti principales, vel ut socii, ad tale facinus, opem, consilium, favorem dederint etc.* Et istis solum cooperatoribus videtur imposita fuisse excommunicatio, non autem praegnantibus, dum illae hic non exprimuntur, sicut antecedenter in aliis poenis expressae sunt. Nec excommunicatio hic imponitur omnibus abortum procurantibus, sed dumtaxat principalibus sive sociis praebentibus auxilium, consilium aut favorem: quod intelligi non potest de muliere, de qua dici non potest quod ipsa sibi met praebat auxilium aut consilium etc. (10).

24. Fit dubium 2. an incurrat irregularitatem qui abortum procurat. 2. (9) tr. de dec. c. 2. de 5. praecc. art. 3. d. 1. (10) L. 3. n. 395. Quaes. 5.

(1) L. 3. n. 393. (2) Ibid. (3) ib. ad 4.

(4) n. 395. (5) n. 397. (6) n. 395.

(7) n. 394. Qu. III. (8) in 3. d. 3. q. 5.

vit in dubio, fuerit nec ne animatus? Affirmant Salm. Viva, ex *cap. Ad audientiam, de homic.* et aliis textibus similibus ubi dicitur: in dubio an in homicidium concurrerit vel ne, habendus esse pro irregulari. Sed sententia huic adversa, quam tenent Praepos. Giball. Maia Pelliz. Marchant. Verde Tambur. Elbel Diana Sporer, et alii cum docto auctore *Instruct. pro confessariis nov.* mihi videtur certa. Et ratio videtur esse convincens, quia ex una parte habemus in *cap. Is qui, de sent. excom.* irregularitatem non incurri, nisi in lege expressa sit. Ex altera, in nostro casu nullibi expressum est quod haec irregularitas incurratur; nam quamvis in allegatis textibus irregulares declarati fuerunt aliqui de quibus dubitabatur an fuerint vel ne causa homicidii, tamen certum erat quod homicidium patratum fuerat; sed in nostro casu, cum sit dubia foetus animatio, dubium est etiam homicidium. Itaque nos sumus in casu, cui non reperitur expresse ab aliqua lege imposita irregularitas. Secus contra est dicendum de iis, de quibus dubitatur an sua opera concurrerint nec ne in abortum (1). Si autem dubitaretur de concursu tantum verbali, mandato aut consilio patrato, observa quod dicitur de irregularitate *Tract. 19. n. 7.*; et quod hic dicitur de irregularitate, erit dicendum de excommunicatione; sed quoad irregularitatem, dispensatio a nemine nisi a Papa obtinenda est. An autem Episcopus possit dispensare cum iis qui abortum procurarunt, circa inhabilitatem ad obtinenda beneficia; affirmant Elbel Sporer et Roncagl. contra Anaclet. (2). Vide quod dictum est *Tract. 2. n. 58.*

25. Dubitatur 3. (redeundo ad quaesitum propositae quaestionis IV.) an liceat matri medicinam sumere directe ad expellendum foetum inanimem? In hoc ex una parte certum est ex se loquendo, non licere (ut

(1) L. 3. n. 396. (2) n. 396

principio dictum est) directe foetus etiam inanimis expulsionem procurare (modo iam non esset certe corruptus) quacunque ex causa, quamvis mater caeteroquin esset in mortis periculo, aut propter parentes ex sua praegnatione iniuria affectos, ut irrationabiliter permittebat propositio 34. damnata ab Innoc. XI. aut propter periculum quod mater in aliis partibus experta sit, ut dicunt cum communi sententia Sanch. Azor. et Petrocoren. Ex alia parte certum est apud omnes licere remedium praestare matri, directe ad medendum eius morbo, licet cum periculo abortus, cum morbus est mortalis. Hoc posito, multi dd. dicunt in eo casu licere foetum expellere, qui certe non sit animatus, etiam directe, quia tunc (ut dicunt) habetur foetus tanquam vitae matris aggressor. Alii dd. contra communis hoc negant. Sed recte hic ait Busemb.: Quid refert opinione opposita uti de directa expulsionem, cum iuxta omnes potest sine culpa foetus indirecte expelli (3)?

26. Dubitatur 4. an liceat matri praegnantem de foetu animato medicinam sumere directe, ut convalescat, sed cum prolis periculo? Cum moraliter certum iudicetur quod, moriente matre, moriatur etiam proles, nulli dubium est hoc licere. Difficultas versatur cum aliqua spes affulget quod, moriente matre, possit proles supervivere et baptizari. Hoc permittunt etiam in tali casu Holzm. Prado et Salm. dicendo quod obligatio vitam temporalem fundendi ut vita aeterna proximi procuretur, tunc adest, cum proximi salus spiritualis est certa, non vero cum est dubia. Sed huic opinioni ego nescio acquiescere, quia aliud est debere se exponere morti ad proximi salutem obtinendam, et hic regulae adversariorum (nempe quod salus proximi debet esse certa) locus datur; aliud est ob defendendam propriam vitam positive proximum aeternae mortis pe-

(3) n. 394. v. Quacr. igit. I.

riculo exponere; cum enim aequale est periculum tam matris quam prolis moriendae sine baptismo, certum mihi videtur quod, ordine charitatis spectato, magis evitandum est periculum prolis, quam matris: quare puto omnino tenendum cum Petrocorense Elbel et Tournely, (qui citans Sylvium Comitolum et Habert vocat communem hanc sententiam) praeberere medicinam matri cum periculo foetus animati licere in eo solo casu, quo nulla spes appareat rationabilis de prolis vita, ut possit baptizari post matris mortem; nam tunc tantum videtur non obligare charitas matrem (in extrema necessitate positam), ut abstineat a medicina, ob solam remotissimam spem quae haberetur de vita prolis. Quapropter Salmanticenses dicunt medicos non debere adeo scrupulosos esse in prae-hendis medicinis mulieribus praegnantibus, quia rarissimus est casus, imo moraliter impossibilis, ut sentiunt Sanch. Lugo et Ronc. quod si mater moriatur, proles supervivat. Et idem confirmarunt plures medici docti, quos ego consului de hac re; cum enim mater aliquo morbo mortali laborat, humores corrumpuntur, et alimentum prolis contaminant, adeoque proles moritur probabilissime, dum (et forsitan antecedenter) mater moritur (1). Nihilominus est qui mihi testatur non semel accidisse, quod ob peritiam chirurgorum statim ac mater spiritum exhalaverit, inciso matris utero, proles viva extracta fuerit, et baptizata. Non autem licebit matrem incidere cum periculo probabilis mortis, ut baptizetur proles, etiamsi adesset eius assensus. Si tamen periculum matris esset remotum ob peritiam chirurgi, tunc posset incidi, et ipsa teneretur incisionem perferre. An autem ex tali incisione possit infans ad baptismum pervenire, sine periculo gravi matris, videant experientiam callentes; mihi enim hoc difficile videtur (2).

(1) Lib. 3. n. 394. v. Quaer. II.

CAPUT III. DE DUELLO ET BELLO

27. *Punct. I. De duello. Propositiones damnatae a Benedicto XIV. circa duellum.*
28. *Quando duellum erit licitum; poenae in duellantes.*
29. *Punct. II. de bello. An liceat bellum movere cum opinione probabili.*
30. *An liceat inimicos fidei in auxilium vocare.*
31. *An miles possit bellare in dubio iustitiae.*
32. *Quae actiones in bello liceant.*

PUNCTUM I. De Duello.

27. Duellum est pugna inter duos aut plures ex condito praecedenti de loco, die et armis. Duellum non est licitum nec ad veritatem indagandam, nec ad lites finiendas, nec ad obiecti criminis purgationem, et tanto minus ad timiditatis notam (ut permittebat propos. 2. damnata ab Alex. 7.), aut ignominiae vitandam, licet tantum apparenter fieret; ita tenendum cum communi contra alios. Et advertendae hic sunt 5. propositiones novissime damnatae a Benedicto XIV. 10. nov. anni 1752. in Bulla *Detestabilem*, et sunt sequentes: I. *Vir militaris qui nisi offerat et acceptet duellum tanquam formidolosus, timidus, abiectus, et ad officia militaria ineptus haberetur, indeque officio quo se suosque sustentat privaretur, vel promotionis alias sibi debitae ac promeritae spe perpetuo carere deberet, culpa et poena vacaret, sive offerat, sive acceptet duellum.* II. *Excusari possunt etiam honoris tuendi vel humanae vilipensionis vitandae gratia, duellum acceptantes, vel ad illud provocantes, quando certo sciunt pugnam non esse sequuturam, utpote ab aliis impediendam.* III. *Non incurrit ecclesiasticas poenas contra duellantes latas dux vel officialis militiae acceptans duellum ex gravi metu amissionis summae, vel officii.* IV. *Licitum est in statu hominis naturali acceptare et offerre duellum ad servandas cum honore fortunas, quan-*

(2) Lib. 6. n. 106. v. Omnino.

do alio remedio eorum iactura propulsari nequit. V. Asserta licentia pro statu naturali applicari etiam potest statui civitatis male ordinatae, in qua nimirum vel negligentia, vel malitia magistratus, iustitia aperte denegatur.

28. In duobus casibus tantum duellum erit licitum. I. Ad finiendum bellum commune, et iustum cum minori damno, aut, ut aliqui dicunt, ad servandum honorem exercitus ab inimicis oppressi. II. Si inimicus determinatus est ad te occidendum, et ex sua petulantia tibi arma concedit ad te defendendum; nam tunc pugnatio tua est vera defensio, modo pugnatio aufugere non valeas⁽¹⁾. Tres vero sunt poenae quas Trident. (Sess. 25. c. 19. de ref.) imposuit duellatoribus: 1. Infamia cum bonorum confiscatione. 2. Privatio sepulturae ecclesiasticae quoad eos qui in conflictu decedunt, licet Sacramentis ante mortem praemuniti fuerint, ut ex cit. Bulla *Detestabilem*. 3. Excommunicatione papalis ipso facto incurrendam ab ipsis duellatoribus, quam a patrinis, consilium dantibus (modo consilium fuerit efficax, ut notat Elbel), et insuper a praebentibus favorem aut locum, et etiam a spectatōribus, non quidem ab illis qui per transitum ibi reperiuntur, sed ab iis qui data opera assistunt, ut explicavit Gregorius XIII. in Bulla *Ad tollendum*, sic dicens, *ex composito spectantes*; imo addunt communiter Tourn. Salmant. Elbel, et alii, comprehendendi proprie solos socios duellatorum, aut eos qui sua praesentia illos ad pugnam accunt⁽²⁾. Quocirca advertenda sunt 1. praedictas poenas, et excommunicationem non incurri, nisi ob duellum stricte acceptum, nempe praemeditatum (ut dictum est) cum designatione loci, temporis, et armorum (licet caeteroquin sine patrinis conficeretur, ut declaravit Gregorius XIII. in cit. Bulla); secus vero si pugna ex inopinato ac-

(1) L. 3. n. 400. (2) n. 401. (3) Ibid.

cideret, licet gladiatores ex rixae impetu ad locum magis aptum se reciperent, uti communiter dd. (3) 2. Quamquam ex verbis Concilii videatur requiri, ut duellum sit secutum, tamen ex Bulla Clementis VIII. *Illius vice*, etiamsi duellum non sequitur, tam principales quam omnes alii cooperantes excommunicationem incurrere (4). Notandum 3. si duellum non est notorium nec ad forum deductum, Episcopos posse absolvere a praefata excommunicatione ex cap. 6. *Licet*, Trident. sess. 24.; sed non iam Regulares, nisi Romae, et extra Italiam (5).

PUNCTUM II. De Bello.

29. Tres condiciones requiruntur, ut bellum sit iustum; auctoritas principis supremi; intentio recta de bono communi; et causa iusta et gravis. Quaeritur 1. an liceat inferre bellum cum sola probabili opinione? Tres adsunt sententiae. *Prima* affirmat cum Azor. Sanch. Filliuc., etc. dicens quod, sicut permittitur privatis litem movere cum sola probabili opinione, ita et principibus bellum movere concedendum est; saltem ad obtinendam partem regui quod contenditur, cum nullus adsit iudex supremus qui haec litem decidere potest. *Secunda* cum Bannez Prado et Ledesma, requirit saltem probabiliorem, eo quia, prout eo casu iudex debet rem privato adiudicare, licet non sit in rei possessione, ita princeps, cum nullus adsit iudex competens, potest bello potiri eo quod praetendit. *Tertia* sententia docet non posse bellum inferri, si non constat certe de iure quod ad illud habet, dum pro regula generali acceptum est (ut dictum est *Tract. 1. n. 18.*) possessorem bonae fidei non posse re expoliari, nisi constet quod iniuste retineat; ita de bello loquendo dicunt Castr. Laym. Holzm. Vasq. Sal. Montesin. Villal. Salmant. qui pro certa habent hanc sententiam; et Tambur. qui ut im-

(4) L. 7. n. 220. (5) Ibid. Not. 5.

probabilem habet contrariam. Haec tertia sententia, spectata intrinseca ratione, mihi videtur longe probabilior. Caeterum aiunt Roncagl. et Salmant. quod, cum bellum regulariter tot damnorum religionis, et tot scelerum causa est, saltem in praxi valde difficulter potest videri iustum esse bellum inferre sine certo iure ad regnum, quod ab alio principe possidetur (1).

30. Quaeritur 2. an liceat principi catholico in bello iusto infideles, aut haereticos, ut sibi auxilientur, advocare? Alii absolute negant; alii vero absolute affirmant; alii denique cum communi, ut s. Antonin. Suar. Sylv. Bonac. Castropal. Coninch. Busemb., etc. dicunt probablem esse secundam sententiam semper ac nulla damna religioni futura sint; sed quia in praxi inevitabilia sunt, ideo dicimus cum Mol. Sporer Salmant. Diana, etc. in praxi omnino primam esse sequendam (2).

31. Quaeritur 3. an miles possit bellare in dubio de belli iustitia? Distinguendum: si ipse est subditus, bene potest, imo tenetur, ut dicunt communiter dd. ex celebri illo textu s. August. allato in can. *Quid culpatur*, dist. 23. qu. 1. ubi dicitur posse miles iuste pugnare usquedum non est certus bellum esse iniustum. *Si utrum sit* (contra praeceptum Dei) *certum non est*, sunt verba s. Patris. Ratio est quia subditus tenetur obedire ubi peccatum certum non est, ut diximus *Tract. 1. n. 18*. Qui vero non est subditus, non potest in militiam descendere, nisi sit certus de

eius iustitia; quia nemo potest cooperari ad spoliandum aliquem rem quam possidet, nisi sit certus quod iniuste ille eam possideat. Et idem dicendum de militibus salario conductis, modo ante belli illationem conducti reperirentur (3). Notandum hic peccare milites qui ab exercitu, cum adhuc spes victoriae erepta non sit, aut a castris sine iusta causa decedunt (4).

32. Quaeritur 4. quatenam actiones sint licitae in bello iusto? 1. Licet occidere inimicos, et eorum bona arripere. Innocentes tamen non licet directe occidere, bene tamen eos exspoliare bonis, si ipsi sunt partes reipublicae inimicae, et alio modo haberi victoria non potest, ut dicunt Mol. Bellarm. Laym., etc. verum bona ecclesiastica deberent restitui, si adhuc extant (5). 2. Licet ecclesias demoliri si inimici pro defensione iis utantur. 3. Licet uti insidiis et stratagematibus: non autem puteos veneno inficere, aut aliud efficere quod prudenter caveri non possit. 4. In aliquo casu, sed raro, ex urgentissima causa potest a duce iuberi civitatem dari diripiendam, ut dicunt Laym. Fill. Sa, etc. 5. Licet captis in bello fugere semper ac possunt. 6. Licet bona inimici damnificare (quod dicuntur repressaliae), modo adsit principis praeceptum, et constet de iniuria a civibus reipublicae inimicae illata, et non excedatur iusta compensatio (6). De bonis in bello arreptis immobilia ad principem spectant, mobilia vero ad arripientes, nisi consuetudo sit contraria (7).

(1) Lib. 3. n. 404. (2) Ibid. n. 406.

(3) n. 408. v. Quaer. (4) n. 410.

(5) n. 409.

(6) L. 3. n. 410.

(7) n. 411.

TRACTATUS IX.

DE SEXTO PRAECEPTO DECALOGI

PUNCTUM I. *De tactibus, aspectibus, et verbis turpibus.*

1. *et 2. An detur parvitas materiae in delectatione carnali, aut sensibili.*
3. *De tactibus.*
4. *De choreis.*
5. *De muliere permittente se tangi.*
6. *An puella oppressa teneatur clamare.*
7. *An possit unquam permittere sui violationem.*
8. *De aspectibus.*
9. *De verbis.*
10. *De audientibus verba turpia.*

1. Peccatum contra hoc praeceptum est materia maxime ordinaria in confessionibus, et est vitium quod replet infernum animabus; quare plura de hoc praecepto sigillatim disseremus. Monemus autem ne haec, nisi a confessoribus, legantur, aut ab iis sacerdotibus, qui ad audiendas confessiones se capaces efficere cupiunt; imo rogamus istos ne legant in hoc, aut alio libro de hac materia (quae sola lectione sua mentem inficit) nisi post omnes alios tractatus, et cum iam ad administrandum SS. Poenitentiae Sacramentum proximi sunt.

2. Ante omnia advertendum, quod in materia luxuriae (quidquid aliqui dicant de levi attractione manus foeminae, vel de intorsione digiti) non datur parvitas materiae; ita ut omnis delectatio carnalis, cum plena advertentia et consensu capta, mortale peccatum sit. Hinc damnata fuit ab Alexandro VII. propos. 40. quae dicebat *non esse mortale osculum habitum ob delectationem carnalem et sensibilem, quae ex osculo oritur.* Et sic etiam reprobanda est opinio admittentium parvitatem materiae in delectatione sensibili, nempe si vir delectetur de contactu manus foeminae, tamquam de contactu pauni se-

(1) Lib. 3. n. 415. et 416.

fici; quia in hoc saltem adest proximum periculum incidendi in delectationem carnalem (1). Bene tamen advertit Continuator Tournely (2) aliud esse agere propter delectationem, aliud cum aliqua delectatione naturali, quae de se consurgit ex qualitatibus corpori annexis, quia in ea potest quidem dari parvitas materiae, puta in medico qui ex necessitate mulierem tangit; modo (addendum) curet ille non sistere in tali delectatione; eamque tangendo delestetur; alias iam ageret propter delectationem, quae licet naturalis sit, tamen (ut diximus) non est seiuncta a proximo periculo transeundi in carnalem, si ex proposito quaeratur. His positis, procedamus ad loquendum de singulis luxuriae speciebus. 1. De non consummatis; 2. de naturalibus consummatis; 3. de consummatis contra naturam.

3. Et I. *de tactibus.* Extra matrimonium mortales sunt omnes tactus, oscula et amplexus ob delectationem carnalem exerciti, omnes enim eisdem sunt naturae quam actus consummatus; unde explicandum in confessione, an habiti sint cum eodem, an cum diverso sexu, et an cum persona coniugata, aut sacra. Et sic pariter mortalis est tactus propriorum genitalium, et maxime cum commotione spirituum, nisi fiat ex necessitate; si autem ex curiositate vel levitate fiat, poterit esse tantum veniale, modo tamen sit obiter, ac sine mora, absque commotione spirituum, aut scandalo, aut periculo delectationis. Tactus autem verendorum alterius corporis, maxime si sint nudi, et fortius si diversi sexus, etiam secluso affectu venereo habiti, vix unquam excusantur a mortali. Excipe tantum nisi fiant ob necessitatem,

(2) Tr. de Dec. c. 3. de 6. praec. art. 8.

puta a chirurgo, dummodo ipse in delectationem non consentiat. Tangere autem genitalia brutorum, per se non est lethale, sed tactum huiusmodi usque ad pollutionem, merito Bonac. Holzman Croix, etc. contra aliquos, non excusant a mortali, cum sit actio valde incitans ad venerem (1).

4. Choreae si fiant a laicis, et modo honesto, sine inhonestis gesticulationibus aut periculis, non sunt per se illicitae, ut loquitur d. Antoninus cum aliis (2).

5. Mulier, aut adolescens non peccat, si permittat se pudice iuxta morem tangi nisi (excipe) ei constet de pravo affectu tangentis, possitque tunc resistere sine sua intamia, aut scandalo aliorum, ut docent Caiet. Azor. Sa Bonac. Busemb., etc. Peccat vero si non obsistat tactibus impudicis, aut oculis morosis, vel furtivis (3).

6. Hic dubitatur 1. an puella oppressa teneatur clamare si oporteat ad se liberandam a turpitudine? Alii ut Navar. Soto Bonac.: etc. si ipsa resistit omni modo quo potest. et si clamando periculum ei imminet infamiae, eam excusant, nisi sit in periculo consentiendi; nec obstande dicunt illud Deuteronomii 22. 24. ubi damnatur puella, *quia non clamavit*. eo quod (ut aiunt) tale praeceptum pertinebat ad externum iudicium, in quo praesumebatur puella non clamans consensisse. Alii vero ut Caiet. et Salm. cum aliis, affirmant, et haec quidem sententia ut tutior consulenda est (licet opposita non sit damnanda) maxime si proximum non adsit periculum consensus (4).

7. Dubitatur 1. an mulier teneatur potius mortem pati vi repellendo invasorem, quam sui violationem permittere? Negant Tolet. Scotus Navar. Holzm., etc. modo voluntate resistat, absitque periculum consensus. Sed haec opinio in praxi non videtur probabilis, quia mulier quiescendo in

tali congressu, nimis difficulter poterit se eximere a periculo consentiendi in illum (5). An autem et quomodo liceat tactus inter coniuges, aut sponsos? Vide quae dicuntur de matrimonio *Tr.* 18. n. 42.

8. II. De *aspectibus*. Aspicere verenda personae diversi sexus, difficulter excusatur unquam a mortali, nisi forte aspectus fiat e loco valde longinquo, et ita obiter ut nullum periculum delectationis adsit. Et etiam loquendo de verendis personae eiusdem sexus, non excusare a mortali virum morose, et delectabiliter aspicientem pulchrum adolescentem nudum. Censeo tamen cum La Croix (quicquid dicant Salmant.) simplicem aspectum turpem, sine desiderio tactuum, nunquam induere speciem personae quae aspicitur, nimirum consanguineae, sacrae, aut coniugatae; species enim incestus, sacrilegii, vel adulterii non contrahitur, nisi per tactum quo pietas, vel ius coniugii violatur (6). Aspicere concubitu humanum sine dubio est lethale; brutorum vero, valde periculosum, unde nulli permitendum nisi tantum illis quibus incumbit animalia coniungere ad generationem: modo absit in ipsis periculum consentiendi in turpia (7). Aspicere autem partes minus honestas mulieris, sed non turpes, nempe brachia, crura, aut pectus, non semper est per se mortale, sed si aspectus sit deliberatus et diuturnus, aut si aspiciens sit ad venerem proclivis, difficillime a mortali excusabitur; et idem sentio de eo qui vultum mulieris pulchrae morose inspicit, saltem si inordinato affectu eam diligit (8). Aspicere picturas obscenas ex mera curiositate, dicunt aa. non esse mortale, si absit periculum turpis delectationis, sed vir morose aspiciens pudenda muliebria depicta nuda, vel levi velo tecta, nescio quomodo a mortali excusari possit (9).

(1) Lib. 3. n. 417. ad 422. (2) n. 429.

(3) n. 430. (4) lb. v. Utrum. (5) n. 368.

(6) Lib. 3. n. 421. (7) n. 419.

(8) n. 422. et 423. (9) n. 424.

Qui autem pingunt vel exponunt huiusmodi imagines, gravissimo peccato scandalum delinquant, cum ipsae valde adolescentes ad libidinem provocent (1). Et idem puto dicendum de iis qui eas domi retinent expositas omnium aspectui.

9. III. De verbis. Verba obscena non sunt mortalia, si proferantur ex ira aut ioco, prout solent messorum, vindemiarum et mulionum. Secus si verba sint nimis lasciva, aut si proferantur cum ipsarum rerum turpium delectatione, vel cum audientium scandalo, quod ut plurimum adest, si huiusmodi verba dicuntur coram puellis aut pueris, et maxime si quis se iactat de aliquo peccato turpi, in quo se iactans tripliciter ordinarie peccat, 1. quia gloriatur de re mala, 2. quia magnum praebet scandalum, 3. quia de facili se complacet de peccato patrato (2). Insuper hic sedulo notandum cum Salmant. et Roncagl. ex d. Thoma, non esse sine gravi periculo diuturnum colloquium cum puella inordinate dilecta (3).

10. Audientes autem verba turpia, aut turpes comoedias tantum ob curiositatem, aut ob vanum solatium, possunt aliquando excusari a mortali; nisi adsit delectatio turpis, vel illius periculum, quod facile fere semper aderit in adolescentibus, vel aliis parum timoratae conscientiae (4); aut nisi adsit scandalum: et ideo merito docet Bened. XIV. (5) clericos, et Religiosos non posse comoediis turpibus interesse sine scandalo gravi. Et etiam merito Holzman et La-Croix propter scandalum aliorum damnant de mortali eos qui pecunia aut plausu cooperantur ad huiusmodi comoedias notabiliter turpes; eosque qui eas impedire tenentur, aut commode possunt, et non impediunt; ac fortius qui illas repraesentant (6). Gravissime quoque peccant qui libros componunt incitantes ad turpia, vel

(1) N. 429. v. Exhibentes. (2) L. 3. n. 426. (3) N. 422. in fin. (4) n. 426. et 427. (5) De Synodo l. 11. c. 10.

ad inhonestos amores (7). Haec tenus de actibus luxuriae non consummatiss, nunc videamus de speciebus turpibus consummatiss.

PUNCTUM II.

De actibus turpibus consummatiss naturalibus

11. De fornicatione.
12. An permittendae meretrices.
13. An fornicatio sponsum sit diversae speciei.
14. De stupro.
15. De raptu.
16. De adulterio.
17. et 18. De incestu.
19. Si dispensati coeant, etc.
20. ad 23. De sacrilegio.

11. I. De fornicatione. Fornicatio est coitus inter solutos ex mutuo consensu. Concubinatus autem non est aliud quam continuata fornicatio habita uxorio modo in eadem, vel alia domo. Quando vero concubinaarii possint vel ne absolvi, vide quae dicuntur infra de iis qui sunt in occasione proxima *Tract. ult. Punct. 1. per totum*. De poenis autem concubinariorum, et praesertim clericorum vide (8).

12. Dubitatur hic 1. an permittendae sint meretrices? Alii affirmant ex d. Thoma, quia plura graviora crimina alioquin evenirent. Sed probabilius negant Navar. Roncagl. Gutierrez et alii, quia permittendo meretrices innumera peccata iam patrantur, et contra, mala graviora non evitantur. Caeterum sedulo omnino advertendum, quod esto in magnis urbibus meretrices permitti possent, nunquam tamen permittendae in opidis aut civitatibus parvis (9).

13. Dubitatur 2. an fornicatio sponsum diversam induat speciem peccati? Alii id affirmant de utroque sponso; alii tantum de sponsa alii vero satis probabiliter de utroque negant, ut Pontius Sanchez Laym. Lugo Salm. Trullench. Covarr. Ledesma Elbel etc. quia uterque spon-

(6) L. 3. n. 427. et 428. (7) Ibid.

(8) L. 3. n. 442. (9) n. 434.

ius licet se obliget ad matrimonium ineundum, neuter tamen aliquod ius tradit alteri in corpus suum, ita ut nequeat illo ad suum arbitrium uti sine alterius iniuria (1).

14. II. De *stupro*. Stuprum est defloratio virginis ipsa invita, et ideo praeter fornicationis malitiam habet etiam iniustitiae. An autem virgine consentiente sit speciale peccatum? Affirmant Navarr. Azor. etc. sed communius negant Less. Sanch. Bonac. Busemb. Salmant. Barbosa etc. Potest tamen aliunde esse specie diversum, nimirum ratione decoris familiae, moeroris parentum, aut rixarum (2). Ad quid vero teneatur stuprator, vide dicenda de 7. *praec. Tract.* 10. n. 91. et *seqq.*

15. III. De *raptu*. Raptus committitur, cum abducitur foemina aut masculus libidinis causa, illata vi personae illius, vel iis quibus ipsa subest, nempe parentibus, aut tutoribus (3). Ad quid autem teneatur raptor, vide de matrimonio *Tract.* 18, num. 76.

16. IV. De *adulterio*. Adulterium est copula habita cum persona coniugata, estque speciale peccatum iniustitiae, etiamsi adsit consensus mariti, ut constat ex propos. 50. damnata ab Innoc. XI., quia per adulterium irrogatur iniuria non solum ipsi, sed etiam proli, et generationi humanae. Hinc sentiunt Lugo, et Lessius (4) quod in adulterio, dissentiente marito, duplex adest iniustitia, sed Viva (5) cum Caiet. et Turriano tenet unicam tantum adesse iniustitiam contra bonum generationis, eo quod per adulterium inferatur iniuria marito non ut personae privatae, sed ut marito; ac ideo ad ipsum spectat consulere proli bono, cui nequit ipse cedere, sicut nequit quis consentire, ut membrum ei ab altero mutiletur. Qui sodomitice cognoscit uxorem, ex communi sen-

tentia committit adulterium, et debet explicare, peccasse nefande cum propria uxore (6). Ad quid autem teneantur adulteri, si proles ex adulterio nascitur; vide de rest. *Tract.* 10. n. 101.

17. V. De *incestu*. Incestus est congressus cum consanguinea vel affine, ex copula licita usque ad quartum gradum; ex illicita usque ad secundum. Hic dubitatur 1. an incestus cum consanguinea differat specie ab incestu cum affine? Affirmant probabiliter Less. Salm. Ronc. Croix, etc. quia in consanguinitate vinculum est abidentitate sanguinis, in affinitate autem est a copula, unde diversa videtur diffinitas. Alii vero, ut Sotus Caiet. Sanchez Lugo etc. probabilius negant, quia uterque incestus ex eodem motivo pietatis vetatur; et consentit d. Thomas (7) dicens: *Eiusdem rationis inconvenientiam facit consanguinitas, et affinitas*. Omnes autem incestus inter affines ex communi sententia sunt eiusdem speciei, excepto incestu inter privignum, et novercam, interque socerum, et nurum (8).

18. Dubitatur 2. an omnes incestus cum consanguineis sint eiusdem speciei? Tres sunt sententiae omnes probabiles. Prima cum Caiet. Pontio Soto Navar. Castrop. etc. affirmat, excepto primo gradu in linea recta; quia (ut dicunt) commixtio coniugalis inter alios consanguineos tantum ab Ecclesia est vetita, non vero a naturali iure, per quod specifica diversitas solummodo constituitur. Secunda sententia cum Suarez Vasq. Laym. etc. tenet omnes gradus usque ad quartum speciem diversam incestus constituturo, quia maior debetur reverentia proximiori gradui quam remotiori. Tertia demum cum Lessio Lugo Sanch. Roncagl. etc. dicit tantum primum gradum, tam in linea recta, quam in

(1) n. 447 et l. 6 n. 847. (2) l. 3 n. 443 (3) n. 444. (4) Lugo de Poenit. d. 16. a. 218. et Less. l. 2. c. 7. dub. 3. (5) In

propos. 50. damn. ab Innoc. XI. n. 10. (6) L. 3. n. 446. (7) 2. 2. q. 154 a. 9 ad 2. (8) Lib. 6. n. 469.

transversali constituere diversam speciem; quia sentiunt commixtionem inter fratres et sorores ab ipsa natura esse vetitam (1) Certum autem est quod incestus inter cognatos spirituales, et legales (ratione scilicet adoptionis) sunt diversae speciei, quam inter consanguineos et affines (2).

19. Dubitatur 3. an cognati, obtentia, et executi dispensatione ad matrimonium ineundum, committant incestum si ante coniugium fornicentur? Adest duplex probabilis sententia. Alii communius negant, ut Sanch. Lugo Caiet. Armilla et Vega; quia, sublata prohibitione matrimonii, cessat ratio incestus. Alii vero, ut Maior et Gallego affirmant, quia impedimentum propinquitatis ablatum est tantum ad nuptias contrahendas, non autem ad fornicandum (3).

20. VI. De sacrilegio. Sacrilegium est, cum violantur Sacra per actum venerum. Potest igitur sacrilegium committi circa personam, locum et rem. Et I. circa personam fit, si quis peccat habens votum castitatis, vel cum habente illud. Hinc sacerdos peccans cum alia persona sacrata duplex committit sacrilegium. Contra vero Religiosus qui est etiam sacerdos, castitatem laedendo probabilius unum sacrilegium committit, tum quia sacerdos probabilius tantum ratione voti Ordini sacro annexi tenetur ad castitatem (ut dicemus in *exam. Ord. n. 59.*); tum quia talis, etiamsi teneretur ad castitatem ex solo praecepto Ecclesiae, tamen adhuc contra religionem peccaret, cum Ecclesia tantum ex motivo religionis castitatem praecipit (4). Sacerdos autem inducens suo consilio laicum ad fornicandum, committit sacrilegium si ex affectu ad libidinem inducit; secus si ex alio pravo fine (5).

21. II. Circa locum, committit sa-

(1) L. 6. n. 470. (2) l. 3. n. 450.
(3) n. 452. (4) n. 454. ad 456. (5) n. 457.

crilegium qui fornicatur in loco sacro. nempe intra ecclesiam, aut caemeterium, non autem in atrio ecclesiae, monasterio, aut oratorio privato non benedicto ab Episcopo (6). Dubitatur hic I. an copula maritalis, aut occulta habita in ecclesia sit sacrilegium? Adest triplex probabilis sententia. Alii negant de maritali, ut Alensis Pontius Sa etc.; alii negant de occulta, ut idem Pontius Tolet. Vasq. Azor. etc.; alii vero communius et probabilius de utraque affirmant, quia per utramque irreverentia irrogatur ecclesiae, et ecclesia polluitur; tametsi, cum crimen sit occultum, non est obligatio a divinis officiis abstinere; ita Suar. Sanch. Less. Holzman Croix Bonac. Salm. etc. Attamen iidem aa. merito excusant coniuges copulantes in ecclesia, si ipsi sint in morali necessitate coeundi, puta si sint in periculo incontinentiae, vel si diu in ecclesia permanere debeant. Quomodo autem intelligendum illud diu; alii putant decem dies; alii vero probabilius mensem aut saltem 20 dies. At si coniuges iudicent se per mensem esse in ecclesia mansuros, advertunt Sanchez Salmant. et alii, eos ab initio copulari posse (7).

22. Dubitatur II an omnes actus externi impudici habiti in ecclesia, nempe tactus, aspectus, aut verba sint sacrilegia? Negant Caiet. Navarr. Bonac., etc. eo quod tantum per seminis effusionem ecclesia polluitur. Sed probabilius affirmant Suarez Sanchez Molina Salmant. etc. quia his actibus, licet non violeetur ecclesia, tamen iam illi irrogatur irreverentia. Actus vero interni sive cogitationes non sunt sacrilegia, nisi sint de peccando externe in ecclesia (8).

23. III. Circa rem demum committit sacrilegium, qui abutitur rebus sacris ad turpia. Idem dicendum de sacerdote qui turpiter peccat indutus ad Missam, aut gestando Euchari-

(6) n. 460. (7) L. 3. n. 458. (8) n. 459. ad 462.

tiam, aut statim post Communionem, i. g. infra mediam horam (1). Egi-
mus de speciebus turpibus naturali-
bus, nunc de iis quae sunt contra
naturam.

PUNCTUM III.

*De actibus turpibus consummatis
contra naturam*

- 14. 25. et 26. *De sodomia.*
- 17. *De bestialitate.*
- 28. *De coitu cum daemone.*
- 29. *De pollutione.*
- 30. *De distillatione.*
- 31. *An liceat expellere semen corru-
ptum*
- 32. *An teneamur impedire pollutionem
de se evenientem.*
- 33. *An vitare omnes pollutionis causas.*
- 34. *Quid si actiones ponantur ex iustu
causa.*

24. Et I. de sodomia. Sodomia habet quidem specialem deformitatem. Dubitatur autem inter dd. in quo ipsa consistat. Alii sentiunt consistere in concubitu ad indebitum vas; alii vero communis et probabilius cum D. Thoma, in concubitu ad indebitum sexum. Hinc inferitur 1. quod coitus foeminae cum foemina, et masculi cum masculo, perfecta est sodomia, in quacumque parte corporis fiat congressus, quia ordinarie semper adest tunc affectus ad indebitum sexum; ideo non est opus explicare in confessione, an pollutio fuerit intra vel extra vas praeposterum, quamvis ad incurrendum casum reservatum requiratur seminatio intra vas, ut ait P. Mazzotta (2). Censeo vero in sodomia omnino explicandum in confessione (quicquid dicant Salm.), an quis fuerit agens vel patiens, quia patiens non facile semper polluitur et agens, prout non bene Salm. supponunt (3). Imo explicandum si sodomia habita sit per vim, vel cum coniugata, aut habente votum castitatis (4).

25. Inferitur 2. coitum viri in vase praepostero mulieris esse sodomiam

(1) n. 463. (2) Mazzot. t. 3. p. 519. de
res. (3) Vide opus nostrum l. 3. n.

imperfectam, specie distinctam a perfecta. Si quis autem se pollueret inter crura aut brachia mulieris, duo peccata diversa committeret, unum fornicationis inchoatae, alterum contra naturam. An pollutio in ore sit diversae speciei? Affirmant aliqui, vocantque hoc peccatum *irrumationem*, dicentes quod semper ac sit pollutio in alio vase quam naturali, speciem mutat. Sed probabilius sentiunt Caiet. Filliuc. Holzm. Graffius, etc. quod si pollutio viri fit in ore maris, est sodomia; si in ore foeminae, est fornicatio inchoata, et insuper peccatum contra naturam, ut mox diximus. Coitus autem cum foemina mortua non est bestialitas, ut quidam aiunt, sed est pollutio, et insuper est fornicatio affectiva (5). Praeterea pollutio habita tangendo puerum vel mulierem dormientem, absque tamen concubitu sive coniunctione corporum, non habet nisi simplicis pollutionis malitiam ut probabilius dicunt Salm. Caiet. Azor. Bonac. etc. Item qui polluitur tactibus alienis, iam dupliciter peccat cooperando peccato alterius; non tenetur vero explicare an tactibus maris, vel foeminae, nisi illa habeat virum, aut votum castitatis (6). Item probabilius est cum Lugo Silvest. Salm. Roncaglia Croix etc. contra aliquos, quod tam sodomia, quam omnes tactus impudici inter consanguineos aut affines, vel cognatos spirituales, aut legales induunt malitiam etiam incestus, cum eandem habeant deformitatem quam actus consummatus (7).

26. Quoad poenas sodomitarum, si sint laici, damnantur morte et combustionem. Clerici vero et Religiosi per Bullam 27. s. Pii V. editam die 30. Aug. 1568. *Horrendum*, privantur omni officio, beneficio, et privilegio clericali; dummodo (ut docent dd.) sodomia 1. sit cum alio viro, non foemina, aut bruto; 2. sit perfecta cum pollutione intra vas; 3. sit frequenter (4) n. 469. in fin. (5) L. 3. n. 466 (6) n. 467. (7) n. 469

quentata, dum dicitur in Bulla, *sodomiam exercentes*. Probabilis est has poenas incurrere etiam patientes, ut dicunt Bonac. Salm. Diana et Barbosa, contra alios, dum patientes sunt veres sodomitae. Contra vero probabilius et communius docent Suar. Navarr. Bonac. Barbosa Less. Fill. Trullench. Salmant. etc. (adversus Azor. Dicast. etc.) has poenas non incurrere nisi post sententiam, quamvis dicatur in Bulla: *Praesentis Canonis auctoritate privamus*; quia ut diximus in *Tract. 2. n. 25*, nulla poena privans iure acquisito incurritur, nisi post sententiam, saltem declaratoriam (1).

27. II. De *bestialitate*. Bestialitas est coitus cum bestia; ipsaque detestabilior est quam sodomia. Non oportet autem explicare an bestia fuerit mas vel femella, ut communiter docent dd. contra paucos, quia tota huius criminis deformitas est in accessu ad speciem diversam (2).

28. Coitus cum daemone succubo vel incubo, uti communissime sentiunt Azor. Caiet. Bonac. Fill. Salmant. Busemb. etc. reducitur ad peccatum bestialitatis, addita tamen malitia culpa contra religionem, et etiam fornicationis, aut sodomiae affectivae, si daemon appareat in forma pueri aut mulieris; et etiam adulterii, aut incestus, si quis delectetur de coitu cum daemone tamquam cum nupta vel coniuncta, iuxta quae diximus de delectatione morosa *Tr. 3. n. 48*. (3).

29. III. De *pollutione*. Pollutio est seminis effusio sine congressu cum alio; ipsaque est vetita de iure naturali, ut patet ex propos. 49. damnata ab Innoc. XI. Unde per se est peccatum gravius quam fornicatio, cum sit contra naturam. Pollutioni autem additur malitia sacrilegii, si sit ab habente votum castitatis; adulterii, si a coniugato; item fornicationis, si quis se polluendo delectatur tamquam de coitu cum foemina, vel sodomiae, si cogitet coire

(1) N. 470. ad 473. (2) L. 3. n. 474.

cum puero (4).

30. Dubitatur 1. an distillatio voluntaria, nempe illa quae est fluxus humoris inter urinam et semen, sit culpa mortalis? Resp. Si est cum aliqua delectatione venerea, vel cum commotione spirituum, erit quidem mortalis, si non vitetur, sicut vitanda est pollutio. Si vero evenit absque sensu et commotione, poterit ea permitti tanquam emissio alterius excrementi, ut comunissime docent Cai. Bonac. Sayr. Busemb. Holzm. Salm. Sporer. Elbel. etc. Diximus *permitti*, sed nunquam potest data opera procurari, ut recte advertunt Sanch. et Bonac. (5).

31. Dubitatur 2. an liceat expellere semen corruptum medicinis (nunquam enim licet tactibus)? Negant Salm. et Roncaglia; sed communius affirmant Laym. Sanch. Bonac. Anacleto. Sporer Croix etc. modo expulsio possit fieri sine sensu venereo; et modo semen sit certe corruptum, nec aliter expelli valeat (6).

32. Dubitatur 3. an sit obligatio impediendi pollutionem de se evenientem, puta si incoeperit in somno, et in vigilia consummetur? Communiter negant aa. modo absit consensus in delectationem, vel eius proximum periculum ex praeterita experientia; ita Sanch. Concina Navar. Azor. Salmant. Holzm. Spor. Trull. etc. tum quia difficillimum est illam cohibere, cum iam incoepa sit; tum quia non tenetur homo eam impedire cum periculo morbi ex corruptione seminis: tunc enim ipsam non vult, sed patitur. Caeterum sapienter monet Gerson semper expedire, ut tunc homo conetur impedire quantum potest; saltem (iuxta Sanchez) omnino curare debet, ut eo tempore se muniat signo crucis, avertatque mentem ab illa delectatione, invocando ss. nomina Iesu et Mariae, ut adiuvent ne ipse in culpam ruat. Notandum autem quod si persona existit tunc in semiplena vigilia, et (3) n. 475. (4) n. 476. (5) n. 477. (6) n. 478

delectetur de pollutione incoepa, minime damnanda est de mortali cum ad mortale omnino requirantur et plena advertentia, et perfectus consensus (iuxta dicta *Tract. 3. n. 24. ad 39.*), quibus certe caret qui est semidormiens, et ideo non habet usum rationis perfecte liberum et expeditum (1).

33. Dubitatur 4. an sit obligatio vitandi omnes causas in pollutionem influentes? Resp. Si causae sint graviter influentes, prout certe sunt illae, quae sunt graviter culpabiles in materia luxuriae, nempe tactus, vel aspectus impudici, delectationes morosae, et similes, sine dubio tenetur homo eas evitare; alioquin pollutio, saltem in confuso praevisa, licet non intenta, illi ad culpam imputatur. Et idem dicendum de pollutione causata ob colloquium diuturnum cum puella inordinate dilecta, vel orta ex actione, quae, esto per se non sit mortalis, esset tamen talis respectu alicuius, qui pollutionibus huiusmodi habitus fuit solitus consentire (2).

34. Advertendum tamen quod, si praefatae actiones graviter influentes ponantur ex causa necessaria vel utili, absitque periculum consensus, tunc pollutio ex eis orta non imputatur ad peccatum, ut omnes docent. Hinc etiam praevisa pollutione (intellige semper involuntaria), I. licet confessariis excipere confessiones, et tractatus legere de rebus turpibus: item chirurgis aspicere et tangere partes foeminae aegrotantis, ac studere rebus medicis: ita communiter d. Antonin. Navar. Caiet. Petrocorens. Sanchez Bonac. Anac. Spor. Salm. Holzman et alii plures cum d. Thoma (3). Idque admittunt Navarr. Hurtad. Roncag. Salmant. Elbel Spor. etc. etiamsi aliquis chirurgus ex officio medens, vel parochus excipiendi confessiones aliquoties in pollutionem consenserit, modo proponat in futurum convenientibus mediis se praecavere ad

(1) Lib. 3. n. 479. (2) n. 482. (3) p. 3. quaest. 80. art. 7. (4) lib. 3. n. 483.

peccatum vitandum; secus vero dicunt de simplici confessario; hic enim tenetur eo casu abstinere ab audiendis confessionibus, si possit sine gravi suo damno. Imo si parochus vel chirurgus in iis occasionibus semper vel fere semper lapsus fuerit, et non appareat nova probabilis spes emendationis hic omnino tenetur etiam cum iactura vitae officium deserere (4). Sic etiam II. dicunt quam plurimi, ut Caiet. Bonac. Laym. Sanch. Navarr. Fill. Salmant. Spor. Croix Busemb. Villal. Ledesma Marchant. Trull. etc. licere iis, qui magnum patiuntur pruritum in verendis, tactu illum abigere, etiamsi pollutio sequatur. Recte vero id prohibet Roncaglia, si pruritus non sit valde molestus, quamvis permittat eum abigere cum aliqua tantum commotione. Nihilominus non facile credatur quibusdam puellis quae tactibus se polluerent solent, praetextu huiusmodi ardoris: nam si diligenter examinentur, cognoscetur ille pruritus multoties potius excitatus fuisse vel a pravis cogitationibus praehabitis, vel ab habitu pravo contracto se tangendi. III. Dicunt etiam Castropal. Laym. Sanch. Armil. Lessius Azor. Navar. Vas. Bonac. Anac. Salmantic. etc. licere equitare causa utilitatis, et etiam recreationis, ut subdunt Sanch. Laym. Castrop. Dicunt quoque Sanch. Laym. Castrop. Holzm. Sporer etc. ex communi, unicuique licere decumbere in aliquo situ ad commodius quiescendum. IV. Demum dicunt s. Antonin. Less. Tolet. Pichler. Salmant. Holz. Spor. etc. etiam communiter licere cibos aut potus calidos moderate sumere et honestas choreas ducere (5).

Si vero causae leviter influant in pollutionem, alii dicunt omnes esse vitandas sub gravi, praevisa pollutione, etiamsi sint leviter culpabiles. Alii id admittunt, si sint mortales, quamvis in alia materia quam luxuriae. et l. 5. n. 63. v. quær. hic. (5) Lib. 3. num. 483.

Sed communiter, et probabilius docent. Antonin. Suar. Abulens. Sanch. Silvest. Sa Roncaglia Bonac. Anacl. Salmant. Holzman Elbel etc. non esse obligationem gravem vitandi causas, nisi graviter culpabiles in eadem materia luxuriae. Diximus *gravem*; nam erit obligatio levis nisi adsit aliqua rationabilis causa ut probabilius tenent Sanch. Less. Roncaglia Bonac. Salm. etc. contra Holzman, Croix etc. Imo valde probabiliter Ronc. et Salm. dicunt non excusari a mortali qui frequenter pollutiones expertus fuerit ex causis culpabilibus (licet per se non graviter) in materia turpi, puta ex lectione turpium curiosa, aspectu picturae inhonestae, vel coitu animalium, et similibus quia respectu talis personae causae praedictae non leviter sed graviter influunt. Secus autem aiunt iidem Salm. et Sanch. de causis quae sunt omnino leves, quas universas vitare esset moraliter impossibile (1). Pollutio habita in somno non est peccatum, nisi fuerit antea intenta, vel

nisi postea quis se complacere de delectatione habita; si vero gaudeat de exoneratione, vide dicta *Tr. 3. n. 52.*

Denique sedulo hic advertendum, quod in hac materia sexti praecepti oportet, quantum possibile est, omnem adhibere severitatem, cum in re tam labili nulla cautela unquam nimia existimari debeat, et plures opiniones, quae speculative loquendo sunt probabiles in praxi improbabilis evadunt. Hinc confessarius ubi periculum poenitentium inspicit, licet actionem, quam illi vellent perpetrare, de certo peccato mortali damnare non valeat, tamen nullo modo permittat. Hoc medici animarum est praesertim respectu eorum qui in vitio turpi habitum in praeterito habuerunt: his enim non solum proximas occasiones vitare, sed etiam remotas opus erit; alias ob fragilitatem contractam semper in idem recident, cum in hac materia, ad quam homines naturaliter sunt proni, de facili a minoribus ad ulteriora mala ipsi progrediuntur.

TRACTATUS X.

DE SEPTIMO PRAECEPTO DECALOGI

CAPUT I.

DE IUSTITIA IURE ET DOMINIO

1. *Divisio iustitiae, iuris, et dominii.*
2. *Peculium filii familias: de castrensi, et quasi-castrensi.*
3. *De profectione, et patrimoniali, aut acquisito a filiis in negotiatione.*
4. *De adventitio.*
5. *De bonis uxoris.*
6. *Bona clericorum, I. patrimonialia, II. industrialia, III. ecclesiastica, IV. parsonialia.*
7. *An beneficiatus habeat dominium absolutum fructuum.*
8. *Qui hos fructus recipit a beneficiato.*
9. *Quot modis acquiritur dominium, etc.*
10. *ad 13. De praescriptione.*

1. Iustitia dividitur in legalem, distributivam, et commutativam. *Legalis* respicit iura, et poenas iuxta leges;

distributiva respicit personarum merita circa praemia, et honores; *commutativa* bonorum valorem, ut unicuique reddatur quod suum est. *Ius* autem dividitur in *ius in re*, et in *ius ad rem*. *Ius ad rem* dicitur illud quod praebet actionem ad praetendendum aliquod non adhuc obligatum. *Ius in re* dicitur illud quod actionem praebet super re iam obligata, ut est *ius* quod acquirit emptor super re empta, aut clericus super beneficio ipsi collato. Insuper *ius in re* dividitur in dominium, et usumfructum. *Dominium* aliud est iurisdictionis in subditos, aliud proprietatis in bona. Praeterea aliud est *directum* quod habet princeps in suo feudo, et dominus in fundo in em-

(1) L. 3 n. 484.

phyteusi dato; aliud est *utile* quod habet feudatarius, et emphyteuta. *Usufructus* autem est ius percipiendi ac etiam alienandi fructus alicuius fundi: ad differentiam *usus*, propter quem, qui eum habet, potest quidem uti fructibus, quibus ipse et eius familia indigent, non tamen potest aliis alienare (1).

2. Hinc videndum super quibus bonis habeant dominium filii familias, uxores, et clerici. Et I. quoad filios familias notandum est quadri-fariam posse esse eorum peculium: castrense, quasi-castrense, profectitium et adventitium. I. *Castrense* sunt illa bona quae filius acquirit in militia, aut propter militiam. II. *Quasi-castrense* sunt bona acquisita in officiis publicis, iudicis nimirum, advocati, lectoris, medici, et etiam notarii, ut docent Nav. Mol. et Lugo; et Sanch. addit officium architecti principis vel civitatis. Istorum peculiorum filius plenum dominium habet in proprietate, et usufructu. Et idem dicitur de eo quod acquirit filius familias qui est clericus, tam ob officium clericale (iuxta id quod habetur in *Authent. I. c. de Episc. et Cler.*) quam ob quemlibet alium titulum, iuxta communem sententiam Mol. Lug. Sanch. etc. (2). Excepto titulo beneficii; de quo quaestio est an clericus acquirat plenum dominium fructuum, ut videbimus *seq. num. 7.*

3. III. *Profectitium* vero sunt bona quae filius negotiando patris pecuniam lucratus est, aut filio donata fuerunt, sed tantum patris intuitu. Hoc peculium est solum patris quoad proprietatem et usumfructum. Notandum tamen 1. in dubio an bona sint filio donata intuitu eius, an patris, tunc filius integre potest ea retinere tantum, si bona fide incepisset ea possidere. Notandum 2. bona a patre in patrimonium filio data, ut ordinetur in *Sacris*, non esse amplius profectitia; sed haec tamen debent confer-

ri cum fratribus, cum clericus haereditatis paternae portionem exquireret. Not. 3. si filius negotiatus est bona paternae nomine patris, lucrum fore peculium profectitium; si vero nomine proprio, fore adventitium, ut docent Lugo et Mol. Et in dubio an lucrum provenierit ex bonis patris aut alterius, tunc tantum habetur profectitium, cum filius habuit bonorum patris administrationem, Lugo cum Gomez Bartol. etc. Nota 4. si filius negotiatur bona patris, extra domum paternam morans, et nihil a patre recipiens pro alimentis, tunc lucrum est adventitium; sed si negotiatur in domo patris, et alimenta ab eo recipit, lucrum est profectitium. Sed si servitus, quam filius praestat, sit excedens, tunc potest praetendere stipendium (3); circa hoc vide infra *num. 228.*

4. IV. Denique peculium *adventitium* sunt bona quae proveniunt filio aliunde quam a paternis, aut sunt donata filio intuitu suo proprio. Haec, si sunt consumptibilia usu, pater disponere potest, cum obligatione tamen ea restituendi filio post suam mortem; si vero sunt stabilia, filius habet solam proprietatem et pater usumfructum, etiamsi sint bona maioratus, ut dicit de Lugo. Sed in quibusdam casibus ad filium spectat etiam usufructus, puta 1. si usufructus etiam donatus fuisset praecise filio, aut si donatio facta fuisset contradicente patre. 2. Si filius simul cum patre succedat in fratris haereditatem. 3. Si filius recipiat dotem sine patris fideiussione. Ceterum extra hos casus filius non potest de bonis adventitiis sine patris consensu disponere; et etiam cum consensu patris non potest testari, nisi ad causas pias, ut ex *c. Licet, de sepult. in 6.* Usufructus vero est patris usque dum hic vivit, licet filius ex patria potestate exiverit, dummodo ad Episcopatum non sit promotus, aut ad aliam magnam dignitatem; Salm. et Holzm. Et si

(1) lib. 3. n. 486. 487. (2) n. 483.

(3) L. 3. n. 488. v. 3. Peculium

pater filium emancipat sponte, dicit de Lugo, medietatem ususfructus ad patrem, et alteram medietatem ad filium spectare; sed hoc non procedit si emancipat matrimonii causa. Insuper dicit quod si pater permittit filium extra domum incolere, non ideo iudicare illum remittere usumfructum praedictum, nisi quando eum dimittit, ut sibi aliunde victum comparet, aut quando filius hunc usumfructum consumit patre tacente (1).

5. II. Quoad uxores, bona earum altera sunt *dotalia*, altera *paraphernalia*, quorum ipsae plenum habent dominium. Bonorum autem dotalium ususfructus et administratio pertinent ad virum, proprietates vero ad uxorem, adeoque mortuo viro ipsa omnibus creditoribus ipsis personalibus praefertur. Et etiam in vita potest repetere dotem, si vir periclitaretur fieri impotens ad illam restituendam. Si vero dos consisteret in pecunia aut in aliis usu consumptibilibus, vir plenum acquirit dominium, cum obligatione postea restituendi uxori tantundem. Et idem currit pro bonis stabilibus, quae viro aestimata dantur, et animo venditionis, adeoque si pereunt, sibi pereunt (2).

6. III. Clericorum denique bona quadruplicia sunt. I. *Patrimonialia*, quae ipsi obveniunt ex quacumque causa profana. II. *Industrialia* seu quasi *patrimonialia* sunt ea quae clerici acquirunt ex ecclesiasticis functionibus sine beneficio, ut ex concionibus, ex Missis, etc. III. *Ecclesiastica* quae acquiruntur ex beneficiis. IV. *Parsimonialia* quae clericus ex redditibus ecclesiasticis subtrahit de sua sustentatione, vivendo parcius quam honeste vivere potuisset. Et I. quoad bona patrimonialia non dubitatur quin de iis plenum dominium habeat. II. Idem procedit de bonis industrialibus iuxta comm. sententiam Lessii Sanch. Castrop. Lugo Anac. Salm. etc.; et idem dicunt probabi-

liter Silvest. Azorius Angel. Bonac. Lugo Salmant. Less. etc. de distributionibus quotidianis quae dantur canonicis (contra Navarr. et Sanch.); quia istae non dantur immediate ob titulum beneficii, sed ob servitium tamquam personae stipendium (3). III. Idem procedit de *parsimonialibus*, de quibus potest clericus pro suo libitu disponere, ut dicunt etiam communiter Navarr. Cabas. Sot. Less. Anacl. Covar. contra Petrocor. et alios paucos (4). Et idem docet expresse s. Thomas (5), ubi sic dicit: *De his autem quae sunt specialiter suo usui* (nempe clerici) *deputata, videtur esse eadem ratio quae est de propriis bonis*. Ratio est quia huiusmodi fructus dantur clerico tanquam stipendium laborum, quos ille exhibet servitio Ecclesiae, iuxta id quod declaravit Concilium Agathense in Canone 36. (6).

7. IV. Maior difficultas restat circa bona ecclesiastica quae supersunt propriae sustentationi, si clericus male impendat ea, an teneatur ad restitutionem. Non dubitandum quin beneficiatus mortaliter peccet, si male impendat fructus superfluos, et si non distribuit pauperibus aut in aliis piis causis, ut dicunt dd. communiter (7). Dubium itaque est an praeterea teneatur ad restitutionem? Prima sententia affirmat cum Layman Concina Habert Roncagl. Petrocor. etc. quia, ut dicunt, nulla ratione probatur beneficiatus adipisci dominium fructuum beneficii; et si forte adipiscitur, saltem (sicut aiunt Laym. Bonac. Roncagl. etc.) acquirit quoddam dominium limitatum, iuxta mentem ecclesiae, ad quam supremum dominium ecclesiasticorum bonorum spectat, nempe dominium cum onere annexo superfluum pauperibus dispensandi. Credunt auctores contrarii hoc dominium probare propter divisionem factam olim a Simplicio Papa, qui praecepit bonorum ecclesiasticorum quartam

(1) L. 3. n. 488. v. 4. Peculium. (2) n. 489. (3) n. 490. et 491. (4) cit. n.

491. v. 3. Idem. (5) 2. 2. q. 185. a. 7. (6) L. 3. n. 491. (7) ibid. v. 4. Maior.

partem tradi Ecclesiae; quartam Episcopo, quartam pauperibus, quartam clericis. Sed respondet Habert ignorari, an haec divisio unquam effectum habuisset; unde, inquit, donec probetur illam certe factam fuisse, retinent pauperes ius suum super omnia bona ecclesiastica superantia clericorum sustentationem (1). Hoc tamen non obstante, negari non potest oppositam sententiam, quam tenent Lessius Lugo Azor. Cabass. Salmant. Holzman etc. satis esse probabilem, praesertim ob auctoritatem s. Thomae (2), qui expresse docet, quod de bonis beneficiorum eadem habetur ratio, quam de bonis patrimonialibus; hinc dicit in alio loco (3) quod si clericus abutitur fructibus suae praebendae, *non tenetur ad restitutionem, sed solum ad poenitentiam peragendam*. Atque loco antea citato supponit s. Doctor asseritque pro certo divisionem praefatam bonorum vere effectum habuisse; imo notandum, non quidem Simplicium Papam introduxisse praedictam divisionem, sed invenisse introductam, et ipsum tantum de illa executionem praecepisse, ut apparet ex eadem eius epistola, ubi iussit Episcopum Gaudentium restituere tres portiones ecclesiasticorum reddituum, quos per triennium sibi appropriaverat, retinendo solam quartam partem quae ad eum pertinebat: *Sed sola ei ex his quarta portio remittatur, tres illas portiones, quas per triennium dicitur sibi tantummodo vindicasse, restituat* (4). Ex quo deducunt secundae sententiae auctores, quod fructus beneficiorum clericis deputati in eorum dominium transeunt. Idque videtur confirmari a Concilio Trident. *Sess. 24. cap. 12. de ref. illis verbis: Fructuum, quos ratione etiam praebendae ac residentiae fecit suos*. Atque a Concilio Lateranensi V. *Sess. 9. §. Statuimus*, ubi dictum fuit quod

beneficiarius, si omittit officium recitare post sex menses a die possessionis, *fructus suos non faciat*; ergo si non omittit, bene fructus facit suos.

8. Hinc quaeritur an qui recipit dono a beneficiato haec bona superflua graviter peccet, et teneatur pauperibus restituere? Distinctione utendum est: si tali donatione factus non est beneficiatus impotens satisfaciendo suae obligationi, et donatarius bona fide recepit dictos fructus, ad nihil tenetur, nam recepit a clerico qui, probabiliter (ut supra dictum est) erat dominus, saltem cum dominio limitato. Si autem clericus redderetur impotens, et donatarius reciperet fructus praedictos cum mala aut dubia fide, dicimus eum debere maiorem partem restituere pauperibus, iuxta id quod dicitur in simili casu num. 150. Dico maiorem, quia cum iam sit aequae probabilis cum s. Thoma prima sententia, nempe quod beneficiarius sit dominus absolutus fructuum, non potest ad totum teneri donatarius, sed tenetur tamen ad maiorem partem, quia cum sola opinione probabilis non potest quis accipere possessionem alicuius rei, ut dicitur in simili casu (5). Circa administrationem fructuum beneficii observentur quae dicemus *Tract. 13. ex n. 45*. loquendo de obligationibus beneficiorum.

9. Videamus denique quot modis acquiratur dominium. Tribus modis acquiritur, nempe voluntate domini, propter ius naturale gentium, et propter ius positivum. Et I. acquiritur dominium privata domini voluntate, et de hoc erit sermo agendo de contractibus. II. Iure naturali gentium, nimirum 1. *Occupatione*, nam res quae dominum non habent primo occupanti conceduntur; §. *Ferae, instit. de rer. divis.* (de Thesauris, et rebus casu inventis loquenter num. 69. et 70.).

(1) L. 3. n. 492. (2) S. Thom. 2. 2. q. 185. a. 7. (3) Idem s. Thom. Quodlib. 6. a. 12. ad 3. (4) Epist. s. Simplicii

ad Florent. ap. Harduin. in collect. concil. tom. 2. pag. 380. (5) L. 3. n. 492. v. Quaer. 8.

2. *Nativitate*, propter quam foetus animalium spectant ad dominum stabulorum; §. *Item ea*, eod. tit. 3. *Alluvione*, propter quam si insensibiliter fundo alterius aliquid adiicitur, illi acquiritur; secus si patenter; §. *Praeterea*, eod. tit. 4. *Accessione*, v. g. si ad tuam vestem consuitur ornamentum aliquod (quod difficiliter separari potest, ut est opus acu pictum), illud fit tuum; §. *Sic tamen*. 5. *Specificatione*, cum datur ab aliquo forma materiae alienae, illi acquiritur, soluto pretio domino rei; §. *Cum ex aliena* (1). 6. *Confusione*, v. g. olei cum oleo; aut *commixtione*, v. g. pecuniae cum pecunia, frumenti cum frumento, tunc res fit possidentis (dummodo res sua sit maior), cum obligatione tamen restituendi domino minoris partis pretium; ut habetur ex *L. Si alieni nummi*. ff. de solut. Et hoc quod de pecunia valet etiam pro aliis similibus, ut dicunt Less. Lugo Vasq. Silvestr. etc. Caeterum dominus minoris partis semper potest ex cumulo accipere suum, ut dicunt probabiliter Less. Castrop. Salm. et Trullench. (2). 7. *Aedificatione*, si aliquis aedificat in suo fundo ex materia aliena, acquirit dominium materiae cum obligatione restituendi duplo maius; si quis autem materia propria aedificat in fundo alieno, totum perdit; §. *Cum in suo*, inst. de rer. div. quia praesumitur velle donare, secus vero si constet noluisse donare (*L. 1. c. de rei vind.*). 8. *Plantatione*, ut si quis arborem alienam in suo solo plantat. Planta tamen si iuxta fines alieni soli consita sit, et radices in illud iecerit, fit communis, §. 51. *Eodem*, etc. Si vero arbor secus alienum fundum posita ramos tendit in proprium fundum, non licet incidere ramos illos, nisi quando proximus admonitus incidere renuit (3). 9. *Perceptione* fructuum bona fide facta, §. *Si quis eod. loc.* 10. *Traditione* rei, qua dominus vult dominium in alium transferre,

(1) *L.* 3. n. 493 ad 497. (2) n. 498. et 499. (3) n. 500. ad 503.

§. *Per traditionem eod. instit.*

10. III. Denique dominium acquiritur iure positivo praescriptionis. Sed ad praescriptionem quatuor conditiones requiruntur: 1. *Bona fides*, qua possessor rei certo credit rem esse suam. 2. *Titulus iustus* emptionis, donationis, etc. saltem probabiliter praesumptus, aut coloratus, ut dicit La-Croix cum communi (4). 3. *Possessio continuata*. 4. Ut res non sit vitiosa, sed apta praescribi. Quoad tertiam autem conditionem animadvertendum quod possessio debet esse continuata per tres annos pro mobilibus, ut ex §. 1. *Inst. de usucap.* sive inter praesentes, sive inter absentes, ut dicunt Less. Anacl. et Verde cum comm. contra Bonac. qui vult quatuor annos inter absentes. Nihilominus Bus. cum Trullench. etc. requirit pro fructibus perceptis duos annos inter praesentes et quatuor inter absentes. Bona autem immobilia praescribuntur spatio decem annorum inter praesentes, et viginti inter absentes, qui in diversis provinciis morantur, ut vult de Lugo Si vero aliquis partim est praesens et partim absens, anni absentiae sunt duplicandi, v. g. si fuerit praesens octo annos et duos absens, hi duo duplicandi sunt, et 12. anni requiruntur ad praescriptionem. Si autem deesset titulus, tam pro stabilibus, quam pro mobilibus, requiruntur 30. anni. Pro bonis immobilibus Ecclesiae requiruntur 40. anni, c. 1. de *Inst. restit.* et Ecclesiae romanae 100. An autem pro mobilibus Ecclesiae requiratur idem tempus 40. annorum? Affirmant Anacl. Hostiensis Panorm. etc. dicentes, quod in praefato textu nulla fit distinctio: sed Bonac. Less. Laym. Mol. Castrop. et Lug. volunt sufficere triennium. Utraque sententia est probabilis (5). Notandum hic possidentem beneficium tres annos aut illius fructus, iam praescribere iuxta regulam Cancellariae relata

(4) n. 504. et 505.

(5) lib. 3. n. 506. ad 511.

a Croix (1), etiamsi titulus fuisset nullus; dummodo non intercesserit intrusio, aut simoniacus ingressus.

11. Dictum est *possessio continuata*; nam possessio potest interrumpi aut naturaliter per illius cessationem; aut civiliter, ut cum mota est aliqua iusta super bona, aut si prosequitur in possessione cum ignorantia legis manifestae, prout tenuimus cum sententia probabiliori Mol. Dicast. Croix etc. (contra Lugo Less. Castrop. etc.) quia tunc deficiente fide civiliter bona, leges (vi quarum acquiritur dominium) negant praescriptionem. Si vero cum iam coepta est possessio cum bona fide, supervenerit dubium, et facta diligentia veritas non reperitur, dicunt Anacl. La-Croix et Lugo cum Molin. Less. et communi, ut asserit, praescriptionem non interrumpi (2).

12. Notandum 1. successorem particularem (ut est emptor, legatarius, etc.) possessoris malae fidei bona posse praescribere, nunquam vero haeredem, ut dicunt Molin. La-Croix, et alii communiter; et Neapoli iam sic decisum est a quatuor Rotis S. C. 1738. Et hoc procedit etiamsi esset haeres haeredis, ut probabilius tenent Lug. La-Croix, etc. contra Less. Notandum 2. bona fide posse praescribi etiam liberationem a solvendo aliquod debitum, si debitor invincibiliter ignoret, ut dicunt Lugo et Croix. Item hic advertatur quod in praefata decisione admissa fuit praescriptio 50. annorum in beneficium tertii possessoris, cum bona fides praesumatur usquedum contrarium ab actore evidenter non probetur. Insuper statutum fuit advocatos, et procuratores elapsis duobus annis stipendium suorum laborum non posse contendere. Idem statutum fuit circa notarios quoad scripturas factas, si adhuc copiam non exhibuerint, quia, copia exhibita, eis agendi actio amplius denegatur. Idem pro pharmacopolis respectu de-

bitorum principalium, quia respectu suorum haeredum agere nequeunt post duos menses; artifices post annum; famuli similiter post duos menses. Sed advertatur tales praescriptiones (ut ibi dictum fuit) non habere locum, si actor pro se scripturam publicam sive privatam produxerit. Insuper dictum fuit illas habere locum *non ope praescriptionis, sed vi praesumptae solutionis*: adeo ut in conscientia debitor obligatus remaneat, qui revera sciret debitum non solvisse (3). Notandum 3. certis personis privilegiatis, nimirum minoribus, locis piis, et uxoribus pro dotibus conceditur restitutio in integrum per quatuor annos post praescriptionem completam ad bona praescripta recuperanda (4). Notandum 4. ad praescriptionem requiri ut res sit apta praescribi; unde res furtivae, aut vi possessae nunquam praescribuntur. Illae res tamen, quas tertius possessor recipit bona fide a fure, possunt praescribi, sed requiruntur 30 anni inter praesentes, et 40. inter absentes, alioquin non possunt praescribi. Ad praescribenda vero bona fisci requiruntur 40. anni (5).

13. Denique adnotare oportet communem esse sententiam apud theologos, et iurisperitos etiam in foro conscientiae praescriptione acquiri dominium (ait Caiet. Less. Lug. Silvest. Covarr. La-Croix, et alii). Et probatur ex *cap. fin. de praescript.* ubi tantum reprobat praescriptio malae fidei; dum bene potest lex humana transferre dominium bonorum ex uno in alium propter commune bonum, ut tot lites evitentur. Et advertendum quod lex communis de praescriptione in nostro regno neapolitano, licet in foro externo non admittatur propter difficultatem probandi bonam fidem, nihilominus non reperitur iam ex ulla alia lege abrogata, ut dicunt Staib. Gallup Prato Ver. et Amato; quare etiam in nostro regno, ut dicunt praefati aa. con-

(1) La-Croix l. 4. n. 689. (2) L. 3. n. 511. v. Si vero. (3) Lib. 3. n. 516.

(4) n. 514. (5) n. 515.

tra Ursill. et Rovit. (et ut etiam mē docuit doctissimus Episcopus d. Iulius Torni) licite uti possumus praescriptione legitime facta.

CAPUT II. DE FURTO

PUNCTUM I. De essentia furti.

14. *Quid sit furtum.*
15. *De paupere in extrema aut quasi extrema necessitate.*
16. *De redemptione Christianorum.*
17. *An pauper teneatur ad petendum, etc.*
18. *An possit accipere rem magni valoris.*
19. *De fure qui consumit furtum in extrema necessitate.*
20. *An dives, non succurrendo pauperi, teneatur ad restitutionem.*
21. *De compensatione.*

14. Furtum definitur: *Est occulta et iniusta rei alienae ablatio invito rationabiliter domino.* Dicitur 1. *occulta*, ut distinguatur furtum a rapina, quae fit vi, et novam culpam iniustitiae addit ratione iniuriae. Quod si res est sacra addit sacrilegium. Dicitur 2. *iniusta*, quia secus non est furtum, nec peccatum, unde fit quod non peccat, v. g. uxor quae aufert nummos a viro, ne cum familiae damno eos dilapidet, aut vinum ne ebrietur (1). Dicitur 3. *invito rationabiliter domino*; nam in duobus casibus potest quis alterius rem accipere, etiam invito domino, nempe in extrema necessitate, et cum iusta compensatio intercedit.

15. Et 1. quoad necessitatem, si quis alienum surriperet sibi, aut alii existenti in extrema necessitate, quantum est mere necessarium, non peccat, intellige, si non habet de proprio, prout dictum est *Tract. 4. n. 19.* quia in tali casu bona sunt communia, iuxta quod docent omnes cum s. Thoma (2). Et idem currit pro necessitate quasi extrema, ut dicunt communiter Lugo Less. Sot. Caiet. Azor. Silvest. Carden. Salmant., etc. Ea necessitas esset, cum quis in pro-

(1) L. 3. n. 518. et 519. (2) 2. q. 66. a. 7. (3) 1. 3. n. 520. (4) lib. 1. n.

babili vitae periculo esset, ut dicunt Navarr. Vasq. Roncagl. et aut amittendi aliquod membrum principale, ut Castropal. Dicastill. et Tambur. aut in periculo fieri captivus, aut ad triremes damnari, aut gravissimum, vel perpetuum morbum, aut infamiam incurrendi, ut Lug. Ronc. Elbel et Sporer, ex s. Thoma. Idem dicit p. Mazz. cum Suar., etc. de periculo prostituendi filiam; sed hoc ultimum probabilius negant Salm. Contra mihi videtur probabilius cum Less. Castr. Bann. Ronc. Viva, etc. posse nobilem sibi providere de re aliena, si esset in extrema necessitate, et ita erubesceret mendicare, ut potius mori contentus esset (3).

16. Sed hic plura dubia cadunt. Et 1. an divites teneantur redimere Christianos a Turcis? Alii communius affirmant cum Azor. Caiet. Maior. et Filliuc.; alii negant, ut Sporer cum Hurt. Sed si Sporer non dubitat concedere alicui alienum surripere, cum reperiretur in periculo fieri captivus, quomodo postea potest eximere divites saltem a contribuendo aliquod mediocre subsidium, ut redimantur ii qui sunt facti captivi? p. Concina sic scribit, et valde probabiliter: Si dives certo scit aliquem captivorum in periculo esse a fide deficiendi, aut vitam amittendi, tunc gravior erit eius obligatio. Caeterum, subiungit, si redemptio magnam summam importaret, ipse non auderet tale onus diviti imponere, quia hoc posset incitare Turcas ad magis vendendos Christianos captivos, et ad maiores incursiones faciendas, quae postea in commune fidelium damnum redundarent (4).

17. Quaeritur 2. an peccet extreme pauper alienum accipiendo, quin prius petat a domino? Coninchius damnat de peccato mortali, sed alii communius, ut Less. Laym. et Concina, tantum de veniali. Nos distinguimus cum Cardin. de Lugo ita: si illa res particularis non est abso-

520. v. Sed hic

lute necessaria pauperi, ille accipiendo graviter peccat, si eam non petat, quia alias omnes pauperes possent alienum surripere, quin petant. Si autem illa res est sibi absolute necessaria, omnino non peccat, ut dicit s. Thom. (1), quia tunc habet ius sibi eam vindicandi (2). Dictum est *extreme pauper*, quia in gravi necessitate nemini licet alienum accipere, ut habetur ex propos. 36. damnata ab Innoc. XI.

18. Quaeritur 3. an in dicto casu quo illa res est absolute necessaria pauperi ad sibi vitam servandam, possit ille eam accipere cum res esset magni valoris? Negant La-Croix et Concina; sed rectius affirmant de Lugo Sporer et Croix vocat probabile, quia in extrema necessitate pauper ius habet in bona alterius cuiuscunque valoris illa sint. Nec obstat dicere quod in isto casu dives non tenetur (prout caeteroquin vult sententia communior et probabilior) ad succurrendum pauperi tanto dispendio, v. g. erogando ter aut quatuor mille aureorum; ut dicunt Lugo. Castropal. Coninch., etc. modo pauper non esset suus pater aut filius; nam charitas non obligat cum tanto incommodo. Dum respondetur cum eodem Cardinali de Lugo, quod sicut in mundi principio, ante bonorum divisionem, utique quilibet poterat sibi de necessario providere, nullus autem contra ex iustitia tenebatur proximo providere; ita in casu extremae necessitatis (in qua bona fiunt communia) potest bene pauper accipere bona divitis, sed non tenetur dives ex iustitia ei providere: teneatur tantum ex charitate: sed charitas (ut dictum est) non obligat cum tanto dispendio. Si tamen in eo casu positive eum impediret, ille peccaret contra iustitiam (quicquid dicat Sporer); quia pauper tunc, cum habeat ius posse uti illa re, habet ius etiam ne impediatur quominus eam accipiat (3).

(1) 2. 2. q. 66. a. 7. (2) L. 3. n. 520.

Homo Apostolicus

19. Quaeritur 4. an fur teneatur ad restitutionem ablati, postquam, cum in extremam necessitatem ceciderit, eam consumpsit? Affirmant probabiliter et communius Less. Azor. Conc. et alii, dicentes necessitatem supervenientem non extinguere obligationem restitutionis iam contractam. Sed hoc non obstant sententiam contrariam Castr. Nav. Con. Sporer., etc. (probabilem nuncupatam ab ipso Less.) ego non audeo reprobare ut improbabilem, quia in tali casu fur habet idem ius in eam rem, quam habet quilibet pauper suam faciendi. Nihilominus hoc intelligitur 1. quoties pauper eget ea re in particulari, ut diximus in 3. quaesito. Intelligitur 2. si pauper tunc temporis non solum sit pauper re, sed etiam spe (4); nam sub tali distinctione dicimus etiam cum Castrop. Lugo. Valent. Holzm. La-Croix Sporer Salm. et aliis, quod si quis etiam est pauper spe, tunc sicut dives tenetur ei absolute in eleemosynam dare id quo eget, nec satisfaceret si mutuo ei daret, ita pauper, si casu fieret potens restituendo, non tenetur; teneatur quidem, si ipse alibi haberet alia bona, aut saltem spem probabilem illa habendi.

20. Quaeritur 5. an si dives negligeret succurrere pauperi in extrema necessitate, ea elapsa, teneatur ad restitutionem. Affirmant Laym. Concina, dicentes quod pauper tunc iam habebat ius accipiendi bona divitis; sed communissime, et recte negant Less. Lugo Suar. Vasq. Coninch. Sanch. Holzman Salmant., etc. quia cum talis obligatio sit charitatis, ut superius vidimus, cessata necessitate, ad nullam restitutionem obligat; et licet pauper habuisset ius ad bona divitis, nihilominus illorum non acquisivit ius (5).

21. II. Potest etiam res aliena sine ipsius consensu accipi, cum intercedit iusta compensatio. Ad licitam Quaer. 2. (3) l. 3. n. 520. Quaer. 3. (4) Ibid. Quaer. 4. et 5. (5) ibid quaer. 6.

compensationem occultam tresrequiruntur conditiones; 1. Ut non fiat cum damno debitoris; 2. ut creditum sit certum et liquidum, 3. ut satisfactio alio modo obtineri non possit, quare creditor debet prius in iudicio postulare: quamquam si hoc negligitur non erit peccatum grave, imo nec leve, si via iudiciaria sumptus, odia, aut alia damna subeunda essent, ideoque regulariter non peccat servus, si occulte sibi compensat, cum a domino salarium conventum ei non satisficit, aut si inique a domino inductus fuit servire pro salario iniusto; sed advertendum quod tunc non potest accipere ultra pretium infimum (1). An autem servi possint sibi compensare de labore extraordinario, vide dicta in *Tract. 7. n. 11.*

PUNCTUM II. *De quantitate furti ut sit materia gravis.*

22. *De materiae gravitate respectu diversorum generum personarum.*
23. et 24. *De furtis vinearum*
25. *Et lignorum.*
26. *De furtis minutis.*
27. *Reliquiarum.*
28. et 29. *De furtis minutis, quae fiunt multis, et praecipue tabernariorum.*
30. *De furtis minutis factis eodem tempore a multis.*
31. *Qui accipit parum post furtum grave*
32. *De furtis filiorum.*
33. *Uxorum.*
34. *Servorum.*

22. Ad iudicium ferendum quando furti quantitas perveniat ad mortale, debet considerari quantitas non solum in seipsa, sed etiam respectu personarum, temporis et loci; v. gr. auferre acum sartori potest esse materia gravis, si ipse non posset ibi habere aliam. qua possit sibi victum comparare. Et ita etiam potest esse grave (saltem contra charitatem) furari rem tenuis pretii, si dominus magnam poenam subiturus esset ob illius amissionem (2). Sed loquendo de furti quantitate in seipsa, haec diversimode mensuratur iuxta diversas dominorum qualitates. Et quia

talis commensuratio pendet a sapientum existimatione, ideoque recte dicunt Salmanticenses opiniones in hoc communiores fieri etiam intrinsece probabiliores. I. Respectu pauperum qui mendicant, assignant communius dd. regalem (qui nuncupatur etiam *iulius* aut *argenteus*, qui importat *carolenum* de nostra moneta) et etiam dimidium in casu raro magnae paupertatis et indigentiae. II. Respectu pauperum qui laborant, duos regales: licet diverse loquantur dd. de fossoribus, quam de artificibus, unde dicimus pro fossoribus esse materiam gravem duos regales, sed pro artificibus saltem requiri duos regales cum dimidio, si lucrum eorum diurnum tantum sit aut maius. III. Respectu eorum, qui propriis redditibus vivunt, Concina et Bonac. assignant pro materia gravi tres iulios; communius vero alii assignant quatuor, et alii usque ad quinque. Nihilominus in hoc puto distinguendum: nam nonnulli, licet vivant redditibus suis, attamen vitam ducunt angustam: et pro istis erunt materia gravis tres regales, et forsitan minus si valde misere vivunt. Contra pro persona valde opulenta Cardinalis de Lugo requirit sex aut septem regales. IV. Respectu mercatorum nimis divitum multi dd. requirunt tres florenos (florenus aequivalet tribus regalibus); sed haec summa videtur mihi nimis excedens; libentius adhaereo Croix, qui quoad istos requirit octo regales; pro aliis mercatoribus vero mediocris fortunae dd. requirunt quatuor regales; sed ego puto pro iis, qui tenui sunt patrimonio, sufficere pro materia gravi etiam duos regales cum dimidio. V. Respectu magnatum communius requirunt aureum (nempe ducatum sive scutum); licet alii quid maius velint. Et idem dicunt Sanch. et Card. respectu communitatis valde opulenta. VI. Respectu denique regum dicunt non esse materiam gravem summam excedentem duos au-

(1) lib. 3. n. 521. (2) n. 526.

reos; ita Sotus Silvester Wigandt Laym. p. Nav. Bann., etc. (1).

23. Notandum tamen 1. quod in furtis rerum expositarum, ut sunt fructus iuxta vias, et ligna in silvis, ut furtum sit grave requiritur materia maior (2).

24. Sed hic dubitatur 1. an liceat vesci ovis in vinea aliena? Admittunt Covar. Valer. Ripa, etc. adducentes textum Deuteronomii: *Ingressus vineam proximi tui, comede uvas quantum tibi placuerit, foras autem ne efferas tecum* 23 24. Et idem dicit Abulensis de pomis et aliis fructibus. Contra hoc negant de Lugo et Holzman, dicentes hoc intelligi pro solis Hebraeis; imo pro solis vindemiatoribus, qui in eadem vinea laborant. Hae duae assertiones attamen non probantur, dum Ioseph Hebraeus, et multi alii auctores apud Calmet sentiunt textum non solum loqui pro Hebraeis. sed pro omnibus aliis; et quod intelligatur non solum de vindemiatoribus, sed de omnibus praetereuntibus, videntur probare eadem verba textus, *Ingressus vineam, etc.*, quae verba potius denotant itinerantes, quam alios, qui iam existunt in vinea laborantes. Quare primam sententiam non puto improbabilem. Caeterum de Lugo concedit quemlibet posse accipere unum vel alterum pomum, aut duas uvas de vinea per quam transit (3).

25. Dubitatur 2. an liceat lignari in silva aliena? In hoc oportet distinguere ligna communitalis ab iis quae sunt privatorum. Si silva est communitalis, licet possit communitalis sub aliqua poena prohibere, ne ligna exportentur (modo adsit alius locus unde commode possit quisque sibi providere), nihilominus dicunt communiter dd. cum silva est totius communitalis, incolas qui contra prohibitionem incidunt, non peccare mortaliter (imo volunt Sotus Sanch. Salmant. Angel. Cordub. non peccare

ne venialiter quidem), neque teneri ad aliquam restitutionem, sed ad solam poenam post iudicis sententiam. nam talis prohibitio reputatur ut lex mere poenalis, quae non obligat ad culpam. Et idem dicit de Lugo Mol. Bonac. Filliuc., etc. de eo qui incidit ligna de silva communitalis vicinae quia tunc praesumitur contenta esse illa communitas de solis poenis, quas exigit, semper ac non exposcit restitutionem. Hoc nihilominus intelligitur, modo incisores magnam non facerent stragem arborum cum magno communitalis damno; unde Sanch. cum Henriq. excusant qui incideret unam tantum sarcinam in die pro usu proprio, aut duas in hebdomada, ut vendat et ex percepto familiam alat. Idem tanto magis valet, ut dicunt Sotus Mol. Sanch. Bonac., etc. cum adsunt duo oppida vicina, quorum incolae solent ad invicem incidere ligna in suis silvis. Hoc valet pro silvis communitalis; sed si essent silvae privatorum (quicquid dicant alii) dicimus cum Soto Molina Bonac. et aliis multis, eos, qui incidunt ligna, teneri ad restitutionem; quia domini absolutum habent dominium super suis silvis, ita ut suo arbitrio possint vendere aliis ligna. Et idem recte dicit Croix de privatis qui ab ipsis communitalibus emerunt, aut conduxerunt omnia ligna; quia tunc communitas totum suum ius, quod habet super silvis, transfert illis. Quod vero dictum est de silvis, dicitur etiam de pascuis (4).

26. Notandum 2. maiorem materiam requiri ad constituendam culpam gravem in furtis minutis, quia licet sit proscripta haec propositio 38. ab Innoc. XI. *Non tenetur quis sub poena peccati mortalis restituere quod ablatum est per pauca furti, quantumcumque sit magna summa totalis*; unde bene potest fieri materia gravis, etsi furti omnia facta sint in materia parva, et etiamsi fa-

(1) Lib. 3 n. 527. et 528. (2) n. 529. v. 3. Plus. (3) L. 3. n. 529. Quacr. 2.

(4) L. 3. n. 529. quacr. 1.

cta sint diversis dominis; ut dicemus *num. sequenti*. Nihilominus volunt commuiter dd. in furtis minutis requiri maiorem materiam; et hac maiorem si facta sint diversis dominis, et amplius maiorem si in diversis temporibus. Dicunt Less. Trullench. et Villalob. indistincte pro furtis variis vicibus factis requiri duplo maiorem materiam ut sit grave: v. g. si pro una vice requiruntur quatuor iulii, pro pluribus vicibus requiruntur octo. Sed mihi videtur aequa sententia aliorum, qui maiori distinctione loquuntur et dicunt quod, si furta facta sint pluribus vicibus, et diversis eodem tempore, requiritur dimidio plus, nempe sex iulii. Si autem diversis personis, et diversis temporibus, duplo maius, id est octo. Sed hoc intelligitur, modo fur a principio non haberet animum accipiendi materiam gravem, quia tunc currit eadem regula quae currit in alio furto una vice facto. Contra non intelligitur quando inter unum et aliud furtum intercederet magnum intervallum; nam tunc furtula non coalescunt in materiam gravem. Dubitatur autem inter dd. quodnam intervallum indicetur ita magnum, ut excuset a restitutione sub culpa gravi? Laym. dicit unum annum; Tolet. Nav. Filliuc. Vivald. dicunt unum mensem et etiam quindecim dies, sed ego assentio Ronc. et Viva, qui refellunt hanc opinionem, tantum admittit Viva, si materia esset valde tenuis; et Ronc. videtur idem sentire, dicens requiri intervallum saltem duorum mensium, quando materia cuiuslibet furti accederet quasi ad gravem (1). Itaque iuxta hanc opinionem intervallum duorum mensium excusat a gravi obligatione restituendi furtula inter duos menses facta, quae materia gravem non attingunt.

27. Notandum 3. quod sicut non peccat graviter qui differt restitutionem per breve tempus, ut docent communiter Sanch. Rebell. Vasq. Sayr.

(1) L. 3. n. 530. (2) n. 531. (3) n. 532.

Lugo et La-Croix; nec culpam esse mortalem surripere summam gravem alterius cum animo cito restituendi (2) Et hic obiter notandum quod qui furatur aliquam minimam partem sacrarum reliquiarum in romano districtu incurrit excommunicationem latam a Clem. VIII. Contra probabiliter excusant a culpa gravi Sanch. Castropal. Croix Bonac. et alii eos, qui alibi surriperent aliquam portunculam reliquiarum, quin eas deformerent, modo non esset aliqua reliquia insignis aut rara, ut s. Crucis, aut vestis Christi, aut capillorum SS. Virginis (3).

28. Notandum 4. circa furta minuta aliquos, ut Angelus p. Navarr. et Med. dixisse, huiusmodi furta cum diversis dominis sunt facta, non importare gravem restitutionem. Nihilominus haec opinio est contra communem, et debet omnino reici, ut recte dicunt Lugo Sanch. Salmant., etc., unde semper ac huiusmodi furta minuta simul unita deveniunt ad materiam gravem (iuxta dicta *num. 22.*) sub gravi debet restitui. Ratio, quia praeceptum non furandi obligat non solum ne damnum grave inferatur proximo, sed etiam ne quis re aliena ditiescat (4); quando tamen sunt facta diversis, semper requiritur materia maior, ut dictum est n. 26. Sed hic fit dubium, cuinam in tali casu restitutio facienda sit? Si domini sunt incerti, non dubitatur quin tunc facienda sit pauperibus aut locis piis, ut dicitur fusius n. 67. Si autem domini sunt certi, iuxta regulam generalem videtur quod ipsis facienda sit restitutio, licet sit parva uniuscuiusque portio; nihilominus puto cum aliis doctis (quos super hoc puncto consului) non peccare graviter qui restitueret pauperibus loci: nam fur huiusmodi non iam intulit in tali casu grave damnum dominis, sed reipublicae, quae quia tunc ad ipsam pertinet ius principale bonorum ablatorum, ideo praesumitur illa non

(4) N. 534. v. Hic quaer. 1.

esse graviter invita, si restitutio fiat pauperibus, aut locis piis, qui sunt partes magis indigentes. Hinc concludimus quod fur, restituendo pauperibus, aut locis piis loci, excusabitur a mortali; et etiam a veniali si adest aliqua causa, qua non posset sine gravi incommodo aut infamiae periculo fieri restitutio dominis, aut si adessent pauperes nimis indigentes quibus praesumerentur ipsi domini assentire restitutionem fieri (1). Et idem dicimus de restitutione quae facienda esset a tabernariis pro furtis minutis v. g. olei, vini, etc. in tali enim casu dicimus cum sententia communissima quod (per se loquendo) restitutio non potest fieri pauperibus, ut dicunt aliqui, sed civibus qui ordinario prosequuntur in iisdem tabernis haec rerum genera emere; sed qui restituisset pauperibus, propter rationem supra allatam excusaretur a peccato gravi, et etiam levi, si non posset fieri restitutio civibus sine periculo, aut sine notabili incommodo (2).

29. Notandum 5. quamvis pro gravi obligatione restitutionis requiratur culpa gravis theologica, ut dicemus n. 39. nihilominus in furtis minutis cum quis devenit ad materiam gravem, eum obligatum esse sub gravi ad restitutionem; licet in ultimo furto, quod complevit materiam gravem, non animadvertit peccatum mortale; nam tunc tenetur non iam pro iniusta acceptione, sed pro iniusta retentione rei alienae: ita communiter Lugo Card. Viva Tamb. La-Croix, etc. contra paucos. Advertendum tamen quod tunc, ut iste liberetur a culpa gravi, satis erit restituere illam solam materiam parvam, quae complevit gravem, uti dicunt Less. Sanchez Bonac. Vasq. Elbel. et La-Croix contra alios (3).

30. Notandum 6. si accideret quod multi furarentur parvam materiam, modo communi consilio id non fa-

(1) L. 3. n. 534. quaer. 2. (2) n. 595. (3) n. 553. (4) n. 557. et l. 2. n. 45.

cerent, neminem eorum peccare mortaliter, quamvis quisque advertisset furtum alterius, et grave damnum quod domino causaretur, ita communiter Habert Lugo Less. Sanch. Salmant., etc. et hoc procedit licet furarentur eodem tempore, ut dicunt Less. Sot. et Sanch. (contra Lugo), quia tunc nemo revera est per se causa damni domini, cui damnum per accidens grave redditur. Et licet alter moveatur alterius malo exemplo, est communis sententia Moli. Bonac. Less. Sanch. Lugo Salmant. et aliorum, quemlibet eorum qui surripiunt parvam materiam cum gravi damno domini peccare graviter contra charitatem ratione scandali, quod vicissim sibi praebent, sed non contra iustitiam; nam exemplum non est causa, quae positive influit in damnum alienum (4).

31. Notandum 7. quod si quis, completa iam materia gravi, facit alia furtiva minuta, volunt Lugo La-Croix, etc. semper eum novum grave peccatum committere; sed probabilius dicunt Less. Bonac. Tapia et Salm. reliqua furtiva subsequenter non esse mortalia, nisi deveniant ad novam gravem materiam (5).

32. Notandum 8. furta domesticorum, ut filiorum, uxorum et famulorum, ut sint gravia, requirere maiorem materiam; dum domini respectu horum sunt minus inviti, aut saltem minus rationabiliter inviti, quam respectu extraneorum: et saepe sunt inviti magis quoad modum (quod clam accipiantur), quam quoad substantiam. Et loquendo sigillatim r. circa furta filiorum, dicunt Less. Navar. et Filliuc., etc. non peccare graviter filium qui patri diviti furatur duo, aut tria scuta; imo dicit Ban. quod a patre valde opulento non est mortale furtum, nisi ascendat ad 50. scuta; sed hoc rationabiliter respuunt de Lugo et La-Croix nisi esset filius principis. Et idem dicit Holzm., qui contra admittit non esse grave ac-

(5) n. 538.

cipere decem scuta a patre nimis divite; Sanch. admittit usque ad sex. Si vero pater mitteret filio, qui alibi stunderet, centum scuta, dicunt probabiliter Sot. Navar. Laym. etc. filium posse impendere quinque eorum in honestas recreationes (1). Advertit tamen Less. quod licet filius peccasset graviter furando patri, non est obligatus restitutioni quando furtum est iam consumptum, et praesumitur pater nolle ad tantum eum obligare (2). An autem filius negotiando in domo paterna possit sibi compensare de salario suorum laborum, observetur quid dicemus infra punct. 10. num. 228. loquendo de societate.

33. 2. Circa furtum uxorum etiam requiritur maior materia. Potest ceteroquin uxor accipere aliquid pro expensis necessariis familiae, si vir parum curat de eis, ut dicunt Bonac. Trullench. et Bus. (3). Praeterea si uxor habet parentes, aut filios alterius matrimonii pauperes, potest accipere aliquid ex bonis communibus, et etiam viri, quantum sufficit illis, ut iuxta eorum statum vivant, licet vir repugnet, quia eius repugnantia est irrationabilis; ita Navar. Castrop. Less. Busemb., etc. imo Lugo Mol. Sanch. Less. et Trull. admittunt hoc etiam pro fratribus pauperibus. Advertendum tamen quod, si uxor dat bona viri aut communia filiis egenis primi matrimonii, tenetur post suam mortem recompensare filiis secundarum nuptiarum (4). Insuper bene potest impendere in elemosynas et dona, iuxta sibi aequalium morem, ut communiter dicunt dd. Dicit Mol. cum nonnullis aliis posse uxorem impendere in hoc vigesimam partem annuorum reddituum sui viri, nempe quina in centena, sed haec summa merito iudicatur excedens a Lugo Sporer, etc. saltem universaliter loquendo (5).

34. 3. Circa furtum servorum communiter dicunt dd. ut Less. Caiet.

(1) l. 3. n. 543. (2) n. 544. (3) n. 541

Navarr. Sanch. Sporer Busemb., etc. quod furtum minuta, quae sunt a servis de cibis, qui non solent caute servari, nunquam deveniunt ad culpam gravem; modo illos non vendant, aut foras extrahant: et modo non accipiant in extraordinaria quantitate; aut (addendum) si non essent res pretii extraordinarii (6).

CAPUT III. DE RESTITUTIONE.

PUNCTUM I. Unde oritur restitutio, et ob quam culpam illa debetur.

35. et 36. Quando adsit obligatio restituendi.

37. De radicibus restitutionis.

38. et 39. De culpa theologica, et iuridica.

40. An culpa venialis obliget ad restitutionem.

41. An in contractibus et officiis sola culpa iuridica obliget.

35. Praesens materia restitutionis sedula consideratione indiget, tum quia scatet quaestionibus implicatissimis, tum quia confessarius aequo scrupulo sibi facere debet, si non obligat ad restitutionem poenitentes qui restituere tenentur, ac si obliget qui non tenentur. Et praecipue si obliget eos qui sunt possessores bonae fidei, qui etiam ex sententia auctorum qui rigorem profitentur (ut Habert Natalis de Alexand. Wigandt, Henno, etc.), non debent cogi, ut se privent suis bonis, nisi constet eos iniuste possidere alienum. Ideoque tam in hac materia restitutionis, quam in ea capitis sequentis de contractibus, in opere maioris molis theologiae moralis curavi operam et diligentiam extraordinariam impendere. Idecirco opus est etiam, ut in hac praxi fusius solito sermonem proferam in notando dd. varietatem opinionum circa multas quaestiones, et eorum rationum momenta, saltem strictim cursimque, quam potui.

36. Restitutio definitur: *Est actus iustitiae commutativae, quo reparatur damnum proximo illatum per in-* v. 5. (4) n. 542. (5) n. 540. (6) n. 545.

iuriam. Dicitur 1. *actus iustitiae*, quia non omnis laesio, quae proximo inferitur (ut si esset contra charitatem aut aliam virtutem) inducit restitutionis obligationem, sed dumtaxat illa qua laeditur ius quod proximus habet *in re vel ad rem* super aliqua re. Dicitur 2. *iustitiae commutativae*, quia laesio iustitiae legalis, quae respicit legum observantiam et distributivam quae respicit personarum merita circa praemia, aut poenas non inducit restitutionis obligationem. Dicitur 3. *quo reparatur damnum proximo illatum per iniuriam*; quia restitutionis obligatio non oritur tantum ex furto, sed etiam ex damno quod fit proximo cum eius iniuria (1).

37. Radices sive rationes restitutionis, quae communiter a moralistis assignantur, duae sunt: 1. *Ex iniusta acceptione*, cui coniungitur radix *ex iniusta damnificatione*. 2. *Ex iniusta retentione*, cui coniungitur altera radix *ex obligatione contractus* (2).

38. Praeterea advertendum est alteram esse culpam theologica quae afficit conscientiam, et proprie est peccatum. Alteram esse iuridicam quae respicit leges; et haec dividitur in *latam* quae est cum omittitur diligentia, quam ordinarie adhibent omnes: in *levem* cum omittitur diligentia, quae adhibetur a viris diligentibus: et *levissimam*, cum omittitur diligentia, qua utuntur diligentissimi. Et loquendo de hac culpa iuridica, dicunt dd. si contractus est in commodum recipientis rem, ut sunt precarium, et commodatum, commodatarius teneri ad restitutionem ob culpam levissimam: si contractus est in commodum habentis rem, ut est depositum, depositarius teneri tantum ob culpam latam; si vero contractus est in commodum utriusque partis, tunc recipientem teneri ob culpam levem (3).

39. Hoc posito, dicunt communi-

(1) L. 3. n. 547.

(2) N. 548.

ter dd. ob solam culpam iuridicam neminem teneri in conscientia ad restitutionem sub culpa gravi, nisi adsit etiam culpa theologica gravis; ita Nav. Sotus Azor. Less. Cabass. Lugo Laym. Salm. Ronc. et ceteri omnes. Ratio est quia, ut conscientia obligata remaneat, opus est ut in conscientia sit patratum delictum; et quia obligatio est gravis, oportet ut gravis fuerit culpa. Hinc qui non intendit, nec praevidit damnum proximi (saltem in confuso), etiamsi det operam rei illicitae, ad nihil tenetur: prout ad nihil tenetur fur qui furtum pergens, furtum non fecit, attamen sua profectione fuit causa (sed omnino casualiter) incendii segetum; ita Less. Rebell. Bonac. Salm. et alii communiter (4).

40. Quaeritur 1. an culpa venialis obliget ad restitutionem? Oportet distinguere: si culpa est venialis ratione parvitatit materiae, utique obligat ad restitutionem, sed non amplius quam sub levi. Si autem culpa est venialis ratione imperfectae advertentiae, aut non pleni consensus (ambae conditiones necessariae ad peccatum mortale, ut dictum est Tr. 3. num. 24. et 26.), tunc alii dicunt, ut Layman Mol. La-Croix, etc. inducere obligationem restituendi tantum materiam levem, pro modo cul-pae. Sed sententia communior, et probabilior Lessii Lugo Sanch. Azor. Sa p. Navar. Filliuc. Ronc. Viva et aliorum multorum, tenet inducere nullam obligationem restitutionis, nec sub culpa gravi, nec levi. Ratio est: non sub culpa gravi, quia talis obligatio proportionem non habet cum culpa levi: non sub levi, quia levis obligatio proportionem non habet cum materia gravi (sic ratiocinatur sapientissimus Cardinalis de Lugo, qui in decidendis dubiis investigare bene scivit rationes intrinsecas, quin aliquis sibi ducatum praeberet); tanto magis quod culpa quae perfecte non est deliberata, non potest inducere

(3) N. 549.

(4) N. 550 et 551.

perfectam obligationem (1).

41. Quaeritur 2. an in contractibus sufficiat culpa iuridica, ut obligetur quis ad restituendum, vel solvendum? Afferunt probabiliter Laym. Navarr. Mol. Vasq., etc. quia ad id obligat lex contractuum cui contrahentes se subiiciunt; sed non improbabilius negant Sotus Tolet. Less. Lugo Filic. Sa Croix Ronc. Salm., etc. qui dicunt aequum non esse obligare aliquem in conscientia ad gravem poenam sine gravi sua culpa, quoties non constat eum voluisse se subiicere soli culpa iuridicae. Et idem probabiliter dicunt Sotus Less. Lugo Vasq. Salm., etc. de culpis commissis in officiorum administratione (2).

PUNCTUM II.

De iis qui restituere tenentur.

42. et 43. *De cooperantibus et I. de mandante.*
44. *II. De consilium dante.*
45. *In dubio an consilium, etc.*
46. *Si executor iam determinatus erat.*
47. *Si consilium dedit de minori damno.*
48. *Si revocat consilium.*
49. *Qui ex ignorantia dat consilium.*
50. *III. De praebente iniquum suffragium.*
51. *IV. De palpone.*
52. *V. De receptatore.*
53. *Qui emit a fure, an possit ei rem reddere.*
54. *VI. De participante.*
55. *Si multi domum incendunt.*
56. et 57. *Qui ex timore proprii damni cooperatur.*
58. *Qui impedit volentem damnum impendere.*
59. *VII. De causis negativis.*
60. *Quis cooperantium prius teneatur; et si creditor remisit uni suam partem, etc.*
61. *Qui impedit proximum a iusto bono, etc.*
62. *Qui impedit fiscum ne interceptum capiat.*
63. *Qui impedit odio, sed sine malis artibus.*

42. Praeter principales qui furantur, aut damnificant rem alienam,

(1) L. 3. n. 552. et 553. (2) N. 554. et 555. (3) n. 557. et 558.

ad restitutionem tenentur omnes cooperatores, qui sunt causa influens et efficax damni proximi, aut qui ex iustitia tenentur damnum impedire, et non impediunt. Hi comprehenduntur sequentibus versibus:

1. *Iussio*, 2. *consilium*, 3. *consensus*, 4. *palpo*, 5. *recursus*,

6. *Participans*, 7. *mutus*, non obstants, non manifestans.

43. Et incipiendo a 1. *iussio*. Tenetur restituere mandans qui expresse aut tacite iussit aliquod damnum fieri; non autem ille qui tantum approbavit aliquam damnificationem factam; aut antequam mandatum executioni daretur, illud revocavit, mandatorio revocationem significando (3).

44. II. *Consilium*. Tenetur etiam restituere qui damni consilium dedit: prout etiam qui alium inducit ad inferendum damnum, contra propos. 39. damnatam ab Innoc. XI. quae eum excusabat. Notandum hic 1. licet consilium dans non teneatur ad restitutionem, cum graviter non peccavit in dando malo consilio; tamen postea tenetur ex iustitia facere quantum potest sine suo gravi incommodo, ut impediat damnum, prout tenetur etiam ex iustitia ignem extinguere, qui sine culpa sua gravi domum alienam incendit; Sanch. Less. Viva, etc. communiter (4). Notandum 2. si executor erat iam determinatus ad damnum ferendum, tunc ad nihil teneri consilium dantem, ut dicunt communiter Les. Mol. Vasquez, Busemb. Viva, et alii ex s. Thoma (5), qui docet iniuriam sine damno ad restitutionem non obligare: *Si aliquis passus sit iniuriam* (sunt verba s. Doct.), *et non damnum, illi non facienda de iure restitutio realis*. Secus autem esset si executor motus sit etiam ex consilio, quia tunc consilium dans est iam causa efficax damni (6).

45. Sed dubitatur 1. an teneatur ad restitutionem consilium dans in

(4) lib. 3. n. 564. in fin. (5) Opusc. 3. c. 20. (6) L. 3. n. 561.

dubio ansum consilium fuerit necne causa damni? Negant Silvest. p. Navar. Rebell. Henriq. Salm. Busemb. Elbel, Dicast., etc.; et huius opinionis videtur esse etiam s. Thomas (1), qui dicit tunc tantum teneri consilium dantem aut palponem, *cum probabiliter aestimari potest quod ex huiusmodi causis fuerit iniusta acceptio subsequuta*; et illud *probabiliter* facile intelligi potest de probabilitate pro una sola parte, ita ut constituat persuasionem moraliter certam. Ratio horum dd. est, quia nemini potest imponi obligatio certa restitutionis, nisi est certus se causam damni fuisse. Contra affirmant Habert, Lugo, Sanch. La-Croix, Ronc. etc., et dicunt in tali dubio possidere delictum, et praesumptionem quod ipse consilium dans fuerit causa damni. Hoc non obstante non puto improbabilem primam sententiam, quia non semper, ut dicit ipse Angelicus loco citato, consilium in effectum operatur. P. Concina tenet consilium dantem in tali casu teneri pro rata dubii; sed nos replicamus quod nemo potest certa obligatione onerari, cum non fuit certa causa damni. Si tamen consilium dans iam fuit damni causa, ille tenetur restituere, licet non defuisset qui idem consilium fuisset daturus (2). Hoc vero quod dictum est circa consilium dantem, dicitur de quolibet alio cooperatore in dubio suae cooperationis (3).

46. Dubitatur 2. cum aliquis iam est paratus ad damnum inferendum, et tu tantum suades modum, aut tempus, v. g. veneno, et non gladio, aut hodie, non cras, etc. an tenearis ad restitutionem? Affirmant Caiet. Molin. Viva, etc. quia (ut dicunt) executio damni sine tuo consilio fuisset incerta, cum potuisset ille a voluntate desciscere. Sed communiter negant Less. Laym. Lugo, Holzman. et Sporer; et dicunt probabile esse Salm. cum s. Antonino, Navar., etc. quia in tali casu consilium dans non est

causa efficax quoad damni substantiam: et rationi oppositae respondent, quod tunc non possidet iam consilium, sed prava determinatio iam facta ab executore. Ego attamen dico, quoties dubium est an executor voluntatem mutasset, aut si damnum non eodem modo accidisset, teneri consilium dantem ad restitutionem; nam possidet pravam consilium quod iam suum certum effectum assecutum est (4). Secus vero si esset moraliter certus quod damnum sine suo consilio etiam evenisset.

47. Dubitatur 3. an illi, qui paratus est damnum maius inferre, possit suaderi minus? Respondemus affirmando cum Sanch. Bonac. Busemb. Viva, etc. modo damnum sit circa eandem personam; dum nequit suaderi damnum (licet minus) alteri particulari inferendum, et neque (ut ego sentio cum Sporer contra Vivam) in genere aliis, quia tunc consilium etiam fit causa damni alterius (5).

48. Dubitatur 4. an consilium dans deobligetur, cum revocat consilium ante damni eventum? Prima sententia communissima cum Less. Lugo, Habert, Croix, Holzman. et Sporer distinguit: si simplex consilium dedit, sufficiet ut revocet illud; non autem si etiam modum, aut motivum damni exequendi insinuavit. Ratio est valida, quia tunc, licet revocetur consilium, motivum et modus data semper pergunt movere; prout qui ignem domui applicat, licet conetur extinguere illum, etiam tenetur ad damnum. Secunda sententia contra cum Concina, Merbes. s. Ant. Azor. Navar. Salmant., etc. (et eam vocant probabilem Less. Laym. Bonac. Roncag., etc.) excusat consilium dantem, semper ac ille modo, quo meliori potest, conetur damnum dissuadere: saltem adducendo rationem aeternae salutis, quae cuicumque rationi humanae praevalere debet. Nec obstat (ut dicunt) paritas ignis, quia ignis operatur necessario; sed cum consi-

(1) 2. 2. q. 62. a. 7. (2) l. 3. n. 562.

(3) n. 575. (4) n. 563. (5) n. 565.

lium est revocatum, damnum non amplius accidit causa sua, sed malitia executoris. Non possum negare hanc sententiam esse probabilem, saltem auctoritate dd. qua fulcitur; sed utique prima mihi videtur probabilior. Sed in tali casu (ut advertunt Salm. Sporer, etc.) tenetur ex iustitia consilium dans partem admonere, ut caveat sibi a damno (1).

49. Dubitatur 5. an teneatur ad restitutionem qui ex ignorantia (sed culpabili) alicui suadet aliquod in illius damnum? Respondetur cum Less. Laym. Holzman, et Viva, quod si qui consilium praebeat indicatur in suo officio, v. g. confessarii, advocati, etc. peritus, tunc tenetur; secus vero si pro ignaro habetur, quia tunc damni eventus potius imprudentiae illius, qui consilium exequitur ignari, imputatur: intelligitur, modo consilium non sit datum dolo, sive animo pravo nocendi, quia tunc semper consiliator malus tenetur (2).

50. III. *Consensus*: intelligitur illius qui iniuste suffragium dat sive votum, et suum votum est causa damni; quia illi qui non sunt causa, prout sunt ultimi ad votum dandum, peccant quidem, sed non tenentur ad restitutionem, modo ex communi consensu in conclusionem iniustam non convenerint. Sed quaeritur quid dicendum cum quilibet suffragium ferentium non est certus, an suum votum fuerit causa damni? Alii dicunt omnes teneri *in solidum*; alii contra neminem ad aliquid teneri. Sed vera sententia cum Lug. Molin. et Sporer, est quod quilibet tenetur tunc pro sua rata ad damnum reparandum; et si alii non restituunt, teneri ad totum. Nec obstat quod superius n. 45. dictum est quod cooperans non tenetur, quando nescit se fuisse certam damni causam; quia in nostro casu quilibet suffragium ferentium, saltem ius, quod habebat damnum patiens ad recuperandum ab aliis suffragatoribus damnum ac-

ceptum, deterius fecit, et ideo quilibet tenetur ad totum damnum, si alii non restituunt (3).

51. IV. *Palpo*: intelligitur adulator qui inducit aut animum addit alicui ad damnum alteri ferendum, eum laudando, aut eius animi abiectionem exprobrando (4).

52. V. *Rekursus*: intelligitur ille qui furem, aut res ablatas in tutum locum recipit. Hic tenetur ad restituendum semper ac est causa furti facti aut faciendi; et sic tenetur caupones qui accipiunt furta servorum, aut filiorum familias. Sed non tenetur caupo, qui post patratum furtum coadiuvat furem ad fugiendum; aut hospitaliter furem et furta in tutum recipit ex suo officio aut amicitia, ut dicunt communiter Conc. et Salmant. cum aliis. Hoc tamen intelligitur, ut bene advertunt Croix, Busemb. et Concina, modo caupo propter hoc non esset causa furtorum faciendorum (5).

53. Hic autem incidit sermonem facere de illa difficillima quaestione, utrum emptor bonae fidei rei furtivae possit eam restituere furi, ad recuperandum suum pretium? Prima sententia (quae est communissima) id permittit, cum nullus alius modus occurrit recuperandi pretium solutum. Ita s. Anton. Lugo, Navarr. Less. Silv. Rebell. Soto, Holzm. Salmant., etc. qui dicunt quod emptor ex hoc non infert iniuriam domino, quia rem in eodem statu in quo erat reponit. Secunda sententia negat cum Laym. Caiet. Mol. Croix, Concina, etc. qui volunt rem restituendam esse domino, quia cum e furis manibus liberata sit, iam in statu meliori existit; unde restituendo eam furi, non iam in pristinum statum remittit, sed in deteriore. Haec sententia est valde probabilis, sed non minus est probabilis prima; etenim respondet Card. de Lugo rationi oppositae: 1. Quod emptor non tenetur servare rem domino cum proprio da-

(1) L. 3. n. 559. (2) N. 564.

(3) n. 566. (4) n. 567. (5) n. 563.

mno: si quis (dicit) sumeret vestem alterius quam reperit, et postea animadverteret retentionem illius fore sibi damno, bene in eumdem locum conicere potest, licet praevideat alios fore eam sumpturos. 2. Emptor (et haec est ratio potior) cum habeat ius ad rescindendum contractum, non potest ei denegari actio reddendi rem furi; nam talis actio absolute necessaria est ut rescindat contractum, et ut pretium suum recuperet, licet per accidens eveniat domini damnum (1). Et, ut dicunt Tolet. Prad. Silvest. Alens. Holzm. et alii (et probabile dicunt Less. Lugo, et Busemb.), hoc procedit etiamsi emptor mala fide emisset, quia tam emptor malae, quam bonae fidei habet idem ius pretium suum contractus rescissione recuperandi. Et licet ille malae fidei peccaverit in recipiendo rem a fure, nihilominus neque pro illa rei acceptione, neque pro redditione furi, est causa domini damni, cum iam habeat ius eam illi reddendi (2). Sola enim iniuria proximo illata non obligat ad restitutionem, cum illa non est damni causa, ut dictum est *prae*c. n. 44. cum s. Thoma (3).

54. VI. *Participans*: participans bifariam intelligi potest: aut ille qui participat de furto, et hic tenetur ad illam partem solam quam recipit, quoties ille non fuit causa damni ab aliis illati, quia tunc tenetur ad totum: aut ille est particeps actionis furti; et super hoc plures quaestiones occurrunt. Quaeritur 1. an quilibet participantium, qui ad furtum concurrunt, teneatur restituere *in solidum*, nempe totum damnum? Distinguendum: si res est divisibilis ut vinea, frumenti acervus, etc. tunc motor principalis tenetur ad totum: reliqui ad solam suam partem, ut dicunt Lugo, Less. Navarr. Bonac. Salm., etc. licet ex communi consilio furentur; modo (excipiendum) alter non moveat, aut animum ex-

citet alterius ad furandum; et idem esset si quolibet non concurrente furtum non fieret, nam tunc omnes tenentur *in solidum*. Quamvis quoad praxim rudes cum difficultate sibi suadere possunt teneri ad restituendum quod fuit acceptum ab aliis, et contra in eo casu praesumuntur ipsi domini fore contenti de sola uniuscuiusque parte, ob timorem ne nihil recipiant, si cogerentur illi ad restituendum totum. Hinc est quod confessarius quemlibet istorum (praecipue, si est conscientiae parum meticulosae) hortetur ut restituat quod debet, quin quantitatem explicet, se remittens dictamini illius conscientiae (4).

55. Sed maius dubium urget quando res est individua, v. gr. cum multi incendunt aliquam domum, navim, etc., an omnes teneantur restituere *in solidum*? Multi probabiliter affirmant, ut Sotus, Sanchez, Caiet. Rone. Salmant., etc., quia tunc quilibet est causa moralis totius damni. Sed probabiliter etiam negant Silvest. Nav. Lugo, Spor. et alii qui dicunt quemlibet istorum teneri tantum ad suam partem; quia sicut qui concurrat ad partem damni dividui, licet cum aliis concurreret ad totum damnum, non tenetur nisi ad solam suam partem, ratione habita portionis rei circa damnum illatum; ita etiam qui ex parte concurrat ad aliquod damnum individuum, ad eam tantum partem tenetur ob causalitatem partialem, sive influxum partiarium, quem ille in ea re immittit. Sed hoc debet intelligi, quoties sine suo concursu etiam evenisset; quia si deficiente uno cooperantium, damnum non evenisset, tunc, ut dictum est, quilibet tenetur ad totum (5).

56. Dubitatur 2. an qui timore gravis damni inductus cooperatur in alterius damnum, excusetur a peccato, et a restitutione? In hac quaestione dd. locuti sunt valde confuse nec pro mea imbecillitate mihi vi-

(1) L. 3. n. 669.

(2) n. 570.

(3) Ibid. in fine.

(4) n. 579.

(5) n. 579. v. Quaeritur

dentur punctum attigisse mediis propriis principiis. Nonnulli universaliter excusant huiusmodi cooperantem, ut Sanchez, Less. et Busemb. Alii vero eum damnant, si eius actio proxime in damnum concurrat, ut esset arcam infringere, res o *demo* extrahere, et huiusmodi; excusant autem si actio est remota, ut scalam tenere furi, claves tradere, transvehere furtiva; ita Bonac. Spor. Holzman, et Salm. licet Salmanticenses alibi dicant etiam has actiones remotas esse intrinsece malas, quia omnes (ut dicunt) cooperantur in actionem iniustam furis, unde etiam ob istas cooperationes damnant cooperantem de peccato, et restitutionis. Ego in opere meae moralis alio modo hoc punctum distinxī, dicendo diversimode esse considerandam cooperantis actionem quoad domini damnum et diversimode quoad furis peccatum. Quoad damnum, dixi neminem posse cooperari ad damnum alterius, ut liberetur a suo, quando damnum est eiusdem ordinis. Qua de re fit, ut etiam cum periculo mortis teneam denegare gladium volenti occidere inimicum; quia non possum, ut me caveam a morte, cooperari positive in mortem proximi (1). Secus vero si damnum meum esset altioris ordinis, dum ut effugiam mortem aut infamiam, bene quidem cooperari possum in damnum alterius bonorum; quia tunc ego existens in extrema necessitate, dominus eorum esset irrationabiliter invitus, si repugnaret meae cooperationi (2).

57. Quoad peccatum furis, dixi cum auctoribus primae sententiae quod ob evitandum meae vitae aut famae damnum, tuto possum ponere actiones tam secundi quam primi generis, superius commemoratas, quia revera sunt pure materiales, et ex se omnes indifferentes, quia omnes sine peccato exerceri possunt; et licet furis ad malum finem abutatur, ego tamen non pecco; et tanto minus ad

(1) L. 3. n. 697. v. Teneris. (2) n. 571. v. Secunda. (3) n. 571. v. Participantes.

restitutionem teneor, cum ex iusta causa eas exerceam, ut dictum est *Tract. 4. n. 31. et 32.* loquendo de cooperatione materiali, et ita mecum sentit etiam p. Molina, qui dicit posse licite captivos timore mortis christianorum bona accipere, *quoniam* (en rationem quam adducit) *sunt in necessitate eorum bonorum ad vitam conservandam.* Ita etiam sentit Con- tin. Tournely qui dicit: *Non teneor subire grave detrimentum, ut alterius peccatum avertam.* Ita pariter doctus p. Milante qui dicit: *Innoxie cooperatur, qui ex metu ad ea* (loquendo de bonorum damnis) *concurrit.* Si unquam (ego subiungo) esset intrinsece malum furi claves tradere, eo quia tunc cooperor illius peccato, ne possem quidem ei tradere claves domus meae, ut me liberem a morte? sed quis hoc unquam cogitare potest? quare illas actiones tantum dico esse intrinsece malas quae augent, aut confirmant pravam furis voluntatem: ut esset servare ei humeros, eum certiores facere de hora, aut modo magis commodo ad furtum exequendum, quia tales actiones sunt formaliter influentes in furis voluntatem, ideoque nunquam quocumque timore sunt licitae. Ita ego distinxī, punctum suis principiis discutiendo, et puto aliter dicendum non esse; caeterum sapientioribus haec submitto. Observetur locus citatus (3).

58. Dubitatur 3. an teneatur ad restitutionem qui impedit alium, qui vellet avertere proximi damnum? Affirmant generaliter Navar. et Medina: sed nos distinguimus cum Lugo, Less. Mol. et Croix, ita: si impedit vi aut fraude, tenetur; secus vero si solo consilio, aut precibus, quia tunc peccat contra charitatem, non autem contra iustitiam. Hoc tamen intelligitur, modo ille alius non teneatur ex iustitia illud damnum impedire (4).

59. VII. *Mutus, non obstant, manifestans:* intelliguntur causae negativae, nimirum illi qui, cum pos-

(4) n. 572.

sint impedire alterius damnum, loquendo, aut reum manifestando, et cum hoc debeant facere ex pacto, aut officio, id negligunt. Cuiusmodi sunt principes, magistratus, exercituum duces, tutores, ecclesiae administratores, custodes, satellites, et servi (1); sed servi dumtaxat quoad damnum exterorum, ut diximus *Tr.* 7. n. 8. An autem teneatur ad restitutionem confessarius, qui poenitentem non obligat ad restituendum, ut debet, vide quod dicitur *Trac.* 16. de Sacramento *Poenitentiae*, n. 122.

60. Hic notandum 1. quod inter praefatos cooperantes tenetur restituere I. loco, qui retinet rem; II. mandans, si res non existit; III. executor; IV. caeterae causae positivae, ut consiliator, participans, etc.; V. causae omnes negativae (2). Notandum 2. quod si creditor remittit restitutionem damnificanti principali, censetur remittere etiam minus principalibus. Praeterea si creditor promittat alicui ex aequo principalibus eum non molestare, censetur remississe totam illius portionem; secus si creditor vellet exigere totum debitum ab aliis, promissio tunc esset vana, quia alii cogerent illum ad contribuendam illam partem, quam creditori debebat (3).

61. Praeter praefatos cooperantes, tenentur ad restitutionem illi qui impediunt proximum ab alicuius iusti boni consecutione. Sed in hoc distinguendum: si res erat ei debita ex iustitia, quocumque modo eam impedis, teneris ad restitutionem. Si autem non debebatur ex iustitia, tunc teneris, si vi aut fraude ab illius rei consecutione eum impedis; nam etsi proximus non habebat ius ad illam rem, nihilominus quisque habet ius ne malis artibus impediatur, ne aliquid bonum, quo non est positive indignus, consequatur. Et idem di-

cunt Salmant. si precibus importunis, aut metu reverentiali eum impedis (4); et tunc restitutio debet fieri pro modo spei, quam proximus habebat in illud bonum (5).

62. Sed hic quaeritur 1. an teneatur ad restitutionem qui malis artibus impedit, quominus res interceptae fisco applicentur? Respondeo cum Less. Sanch. Lugo, Azor. Salmant. et aliis communissime, teneri post sententiam, sed non prius; dum fiscus non acquirit ius ad poenam, nisi post sententiam. Saltem, ut dicit Lugo, hoc ius fisci ad poenas ita communiter receptum fuisse concipitur (6).

63. Quaeritur 2. an teneatur ad restitutionem qui odio, sed sine malis artibus, impedit proximum a consecutione alicuius boni, quod caeteroquin ei iuste non erat debitum? Alii affirmant, ut Lug. Cai. Salm. etc., dicunt enim tunc animum iniustum reddere etiam iniustam actionem. Sed alii probabilius, et communissime negant cum Less. Petrocor. Castrop. Navar. Vasq. Sot. Laym. Mol. Bon. Sanch. Ronc. Holzm. et aliis plurimis. Ratio est, quia ad restitutionis obligationem prava voluntas non sufficit, sed requiritur amplius actio externa graviter iniusta, quae de se externe ius proximi laedat, et influat in eius damnum; aliter malevolus peccabit adversus charitatem, non autem adversus iustitiam (7). Hinc infertur non teneri ad restitutionem, qui odio in suum inimicum dehortaretur (sed sine dolo aut vi) testatorem a relinquendo ei haereditatem, aut Episcopum a beneficii collatione: intelligitur de beneficio simplici, quia aliter dicendum est de curato; quia (iuxta sententiam probabiliorum) Episcopus ex iustitia tenetur illud digniori conferre, postquam concursus adhibitus est (8). Observetur quid dicemus *Tract.* 13. n. 37.

(1) L. 3. n. 573. (2) n. 580.

(3) n. 581. (4) n. 582.

(5) n. 587.

(6) n. 583.

(7) n. 584. (8) n. 585. et l. 4. n. 108.

PUNCTUM III.

Cui facienda est restitutio.

64. *et 65. Si bona sunt certa, et dominus longe abest.*
 66. *Si dominus vindicat rem e manibus tui emptoris.*
 67. *Si bona sunt incerta.*
 68. *De compositione.*
 69. *De bonis inventis.*
 70. *De thesauris.*
 71. *De feris in venatione captis.*
 72. *Quae venatio sit prohibita clericis et Religiosis.*

64. Distinguenda sunt bona certa a bonis incertis: dicuntur *bona incerta*, quae incertum habent dominum. Si igitur dominus est certus, ipsi proculdubio res restituenda est; dummodo illa accepta non sit e manibus tertii iusti possessoris, v. g. a conductore, custode, etc. nam tunc ipsis, non domino, fieri debet restitutio: nisi esset, quod isti probabiliter ea re abusuri essent cum domini iniuria (1).

65. Dubitatur 1. si dominus longe absit, cuius sumptibus res in eius manus pervenienda sit? Si res bona fide accepta est, expensa a domino fieri debet; si autem mala fide, a fure. Sed quaeritur ad quantam expensam tenetur fur? alii eum obligant quibuscumque expensis; alii ad illam tantum quae aequivalet furti valori; sed sententia mihi probabilior cum Mol. Sporer, et Tambur. est, furem teneri efficere ut res in domini manus perveniat, licet expensa superaret debitum; et ut dicit de Lugo etiam si futura esset duplo maior. Si autem esset hoc excedentior, tunc sententia communis eum obligat tantum, ut restituat pauperibus: hoc intellige eum desperatur posse alio tempore restitui res aut pretium domino, quia aliter expectandum est, et etiam probabiliter (ut dicunt Lugo, Less. Bonac., etc.) differre potest restitutionem quam cum gravi suo damno facturum esset; dummodo dominus ex restitutionis dilatione simile

(1) L. 3. n. 596. (2) n. 597. et 598.

detrimentum passurus non sit, ut dicunt Less. Navar. Tambur. Lugo, etc. communiter; quandoquidem damnum quod ob furtum dominus patitur, semper fur tenetur reficere (2).

66. Dubitatur 2. si tu bona fide emis aliquid ab aliquo, et bona fide alteri vendas, et inde verus dominus compareat, ad quid teneris? Distinguendum: si dominus vindicat sibi rem suam e manibus tui emptoris, tunc recte dicunt Lessius, Sotus, Bonac. Castrop. Busemb., etc. te esse obligatum ad restituendum emptori pretium receptum, licet cum eo convenisses quod non teneris ad evictionem, ut expressum est *L. Emptorem, §. Autem, ff. Act. empt.*, quia aequum non est ut venditor lucrum faciat cum damno emptoris. In tribus tamen casibus emptor nequit repetere pretium: 1. Si expresse convenisses de non restituendo nec pretium quidem; 2. si factus non esses ditior ex ea venditione, v. gr. si consumpsisses bona fide pretium in donationes largiendas, etc.; 3. si emptor emisset mala fide a te, sciens illam rem esse alienam; quia tunc in poenam sui delicti (quoties tu expresse eum non cavisses de evictione) non potest suum pretium praetendere, ut habetur ex *L. Si fundum, cod. de evict.* Sed ut advertit Castropal. tunc ne retinere quidem potes pretium, quia in conscientia ante sententiam teneris emptori restituere, et fisco post sententiam. Si vero res non est evicta a domino, sed in manibus emptoris remanet, ad nihil tu teneris, ut dicunt Less. et Salmant. quia tunc non es iam causa, ut dominus privetur sua re; nec contra teneris an res in bona, vel mala fide accepta sit. Si res accepta est mala fide, oportet rursus distinguere. Si

67. Hoc procedit si dominus rei est certus. Si autem est incertus, etiam tunc oportet distinguere, et observare an res in bona, vel mala fide accepta sit. Si res accepta est mala fide, oportet rursus distinguere. Si (3) n. 601. et n. 800.

dominus bonorum incertorum est ignotus tantum in particulari, prout cum scitur res spectare ad aliquam trium, vel quatuor personarum cuiusdam loci, tunc nequit fieri restitutio pauperibus, sed res dividenda est inter eas, inter quas persona defraudata existit; ita Sylvius, Lessius, Castropal. cum p. Navar. Caiet. Molin. et Rebell. (1). Si autem dominus est ignotus etiam in generali, ita ut nulla possit fieri separatio personarum illius loci, inter quas adsint illae ad quas pertinet res, tunc restitutio bene potest distribui pauperibus, ut praescriptum est *cap. Cum tu, de usur.* Et tunc sufficit illam erogari in pauperes cuiuscumque loci, aut in quaecumque opera pia. Intelligitur tamen id procedere, cum peracta est iam diligentia debita ad proprios dominos inveniendos, alioquin, si restituatur res pauperibus ante diligentiam, et deinde appareant domini, semper debetur eis resectio damni (2). Praeterea intelligitur id, semper ac illi, qui damnum passi sunt, pauci fuerint, nimirum tres vel quatuor, ita ut, distributione facta in eo loco, verisimiliter res ad proprios dominos non est perventura, prout communiter docent Silvester, Bonac. Navarr. Castrop. Salmant. (3) cum Soto, Tapia et Rebell. Et quamvis Sylvius *loc. cit. concl. 4.* dicat magis convenire, quod eo casu restitutio fiat pauperibus loci, ubi res fuit ablata, attamen ipsemet subdit cum Silvestro id non esse necessarium. Si autem damnum illatum fuisset pluribus et diversis dominis incertis alicuius universitatis, tunc omnino facienda est restitutio eiusdem universitatis incolis, ut mox postea hic dicetur, atque distinctius dictum est *num. 28.*

(1) Sylvius to. 3. in 2. 2. q. 62. art. 5. q. 1. concl. 2. Less. l. 2. de iust. c. 14. n. 32. Castr. part. 5 tr. 32. d. 1. p. 18. §. 8 n. 5 cum p. Nav. Caiet. Molin. et Rebell. (2) Vide opus nostrum l. 3. n. 589. et 596. ad 5.

68. Notandum hic quod super iis debitis incertis potest fieri compositio; sed haec non potest fieri cum Episcopo, sed cum Papa (aut Poenitentiaria), ut bene dicunt Lugo, Moll. Turr., etc. contra aliquos; et intelligitur quoties adest iusta causa (4), et cum dominus est omnino incertus; unde recte dicunt Soto et Henric. non permitti compositionem, cum fit restitutio pauperibus ob domini absentiam, ut dictum est *num. 66.* (5); sicut nec permittitur, cum restitutio minorum furtorum facienda est ab illis, qui vendunt vinum, oleum, etc., nam illa necessario facienda est pauperibus ipsius loci; imo iuxta sententiam communiorum Laym. Conc. Salmant. Diana, Spor. Croix, etc., non sufficit eam pauperibus loci facere, ut admittunt Vasq. Anacl. Escob. cum s. Thoma; sed fieri debet ipsis civibus, qui ad tabernam confluere solent; licet, ut diximus n. 28., si pauperibus fiat, graviter non peccetur (6). Sed hic dubitatur an debitor remaneat liber ab omni obligatione, licet compareat dominus, facta iam compositione? Alii negant, dicendo teneri ad id in quo factus est ditor: sed communius affirmant Lugo, Salmant. Trullench. Tap., etc. quia in eo casu Pontifex, ut administrator bonorum temporalium quatenus spectat ad bonum spirituale, utique potest transferre dominium, et omnem tollere obligationem (7).

69. Hoc procedit cum res accepta est mala fide; sed si bona fide, v. g. si quis casu invenit anulum in via, aut ex errore inculpabili recepit maius debito, et nesciat dominum, cui restitutus esset, quaeritur an possit sibi ea retinere? Affirmant Sotus, Sa, Navarr., etc. modo praemittat di-

(3) Silvest. verb. Restitutio 8. q. 3. Bonac. t. 2. de rest. in gen. d. 1. q. 3 p. 4. n. 10. Castrop. loc. cit. n. 2. cum p. Navarr. Salmant. tr. 13. de rest. c. 1. n. 215. cum Soto, Tapia, et Rebellio.

(4) L. 3. n. 591.

(5) n. 594.

(6) n. 595.

(7) n. 592.

ligentiam; nam, ut dicunt, res derelictae fiunt primi occupantis. Sed negant Less. Laym. Castropal., etc. dicendo quod res illa aut eius pretium applicari debet piis usibus, cum praesumatur ea esse domini voluntas. Nos cum Lugo, Croix, et Holzm. distinguimus: ita: Si dominus omnino non potest amplius inveniri, tunc retineri potest; quia tunc res pro derelicta habetur, et a primo occupante acquiritur dominium illius. Secus autem, si etiam post diligentiam aliqua appareat spes inveniendi dominum; tunc enim ei res conservanda est, aut eius pretium: et si neutrum servari potest, debet distribui pauperibus, quia usque dum talis spes durat, dominium est penes dominum⁽¹⁾. Et hanc sententiam tenet s. Thomas⁽²⁾, dicens: *Si (res) pro derelictis habeantur, et hoc credit inventor, licet sibi eas retineat, non committit furtum*. Et idem dicendum est de paupere cui fur dedit furtum, cum dominus inventus non sit; nam si spes non erat illum inveniendi, iam in pauperem dominium translatum est, ita ut non teneatur rem domino reddere, licet hic postea compareat⁽³⁾.

70. Praeterea quaeritur ad quem spectant thesauri inventi? Dico I. lege communi cum inventor eum invenit in proprio praedio, thesaurus suus erit. II. Cum reperitur in fundo alieno, tunc si casu invenitur, dividendus est inter loci dominum, et inventorem, qui in conscientia tenetur dimidium dare domino, ut dicunt communiter Lugo, Less. Castropal. Laym. Salmant., etc.: sed si ex industria reperitur, totus restituendus erit domino, ut dicitur in *L. unic. c. de thesaur.* III. Si vero thesaurus invenitur in loco publico aut sacro, dividendus inter inventorem, et fiscum, aut Episcopum. IV. Si denique inveniretur arte magica, totus spectabit ad fiscum, sed non ante iudicis sententiam. Ita lege communi;

(1) L. 3. n. 603. (2) 2. 2. q. 66. a. 5. ad 2. (3) L. 3. n. 590. (4) n. 602.

sed lege nostri regni, si in loco publico invenitur non arte propria, totus fisco debetur, si in privato, et casu, tertia pars erit fisci, tertia inventoris, et tertia domini fundi (4).

71. Insuper quaeritur cuius erunt ferae, quae in venatione capiuntur? Si fera ab uno vulnerata est, et ab alio capta, spectat ad capientem semper ac illa fugisset; in dubio vero dividenda est. Quae tamen in retibus capiuntur sunt illius qui eas tendit (5). Si autem aliquis in silva reservata (quae a principe, aut eius privilegiato reservari potest) feram capit, dicit Less. quod peccat mortaliter, et tenetur illius pretium restituere principi, pro spe quam princeps habere poterat efficiendi suam; sed Soto, Mol., etc. hoc admittunt solo casu, quo locus sit conclusus, et Less. penitus negat, cum praeter prohibitionem illic venandi, est imposita poena (6).

72. Advertendum hic, non omnes venationes esse clericis inhibitas, sed solam clamorosam, id est cum strepitu, adhibitibus canibus aut avibus rapacibus. Et dicunt Less. Castrop. et Rebell. ne clamorosam quidem interdictam esse sub gravi, nisi fuerit frequens, aut cum scandalo, aut cum magnis impensis. Addunt alii (ut Mol. Caiet. Sa, Spor., etc.) nunquam esse damnandum culpa gravi, praeciso scandalo, clericum ob solam venationem; nam in textu *cap. 1. de cler. venant.* illa non vetatur, nisi sub suspensione ferendae sententiae, imo Laym. Less. Valent. et Sa sentiunt esse licitam, si sit rara, et moderata, et si sit causa necessitatis, aut exercitii. Hinc doctus auctor libri cui titulus (*Istruzioni per li nov. confess.*) concludit venationem non clamorosam esse omnino recreationis causa licitam; et clamorosam non esse mortale, nisi adsit contemptus et contumacia. Religiosis vero clamorosa strictius vetita est ex Clem. 1. §. *Porro, de statu Mon.* Sed Castrop. dicit (5) n. 604. (6) n. 605.

ne mortale quidem esse, nisi adsit scandalum; saltem (dicunt Salmant.) si ter, aut quater sine gravi strepitu cam exercent in anno (1).

PUNCTUM IV. *Quid restituendum est a possessore bonae fidei, et quid a possessore malae fidei.*

- 73. *De possessore bonae fidei.*
- 74. *De fructibus naturalibus, civilibus, mixtis, et industrialibus.*
- 75. *Qui recipit a fure rem ablatam mixtam cum re illius.*
- 76. *Qui infert damnum existimatum minoris quo valet.*
- 77. *De possessore malae fidei.*
- 78. *Quid si res crescit, aut crevisset pretio, et de expensis utilibus a fure factis, et de eo qui se simulat pauperem.*
- 79. *Si res etiam periisset apud dominum.*
- 80. *Qui emit cum dubio.*
- 81. *Qui defraudat gabellas.*

73. Loquendo de possessore bonae fidei, nempe de eo qui domino iniuriam tantum materiale intulit (iniuria materialis dicitur quae caret culpa, formalis cum culpa), ille tenetur restituere rem tantum si existit, aut si cum sua confudit, tantum id in quo factus est ditior: itaque si vestem alienam consumpsit, tenetur ad id quo in pensurus erat in propriam sibi conticiendam (2). Sed in dubio sit vel ne factus ditior, ad nihil tenetur, ut dicunt Sanch. Croix, et alii, quia in dubio nemo tenetur re sua privari (3). Dicunt nonnulli dd. quod qui bona fide recipit pecuniam a fure, non tenetur restituere eam domino, licet illa existat; sed haec opinio non mihi videtur probabilis, quia dominium pecuniae in specie spectat ad dominum, sicut et caeterorum omnium (4). Ad quid autem teneatur possessor bonae fidei, superveniente dubio quod non potest dilucidari? Vide quod dictum est *Tr.* 1. num. 20.

74. Insuper possessor non tantum

- (1) L. 3. n. 606. (2) N. 607. et 608.
- (3) N. 706 (4) Cit. n. 608. v. Dicunt.

Homo Apostolicus

debet restituere rem, sed etiam fructus ab illa perceptos. Sed hic oportet distinguere fructus naturales a civilibus, a mixtis, et ab industrialibus. *Naturales* sunt illi qui a sola natura producantur, ut sunt pascua, animalium foetus et huiusmodi. *Civiles* sunt illi qui percipiuntur a domorum, aut pecudum locatione; et etiam librorum, vestium etc. ut tenendum est cum communi contra Laym. Mixti sunt illi qui partim a natura et partim ab industria habentur, ut sunt oleum, vinum, caseus etc. *Industriales* denique sunt illi qui sola industria acquiruntur, ut est lucrum quod percipitur a pecunia, quae negotiationi exponitur, aut a melioramentis rei factis. Fructus autem *naturales* et *civiles* debent integre (ablati expensis) restitui, tum a possessore bonae, tum malae fidei, hac differentia, quod possessor bonae fidei ad nihil tenetur, si nihil percipit, aut si in bona fide eos consumpsit, et in nihilo sit factus ditior, aut si eos praescripsit possessione triennalis spatii cum titulo, aut 30 sine titulo, ut iam dictum est n. 10. Sed possessor malae fidei semper integre debet fructus praedictos restituere, quamvis eos non perceperit, si dominus iam percepturus esset, si res apud se fuisset: et licet dominus exacturus non fuisset, etiam tenetur restituere, quando iam ipse percepit, quia res semper domino fructificat. Fructus *mixti* denique debent restitui eadem regula, nempe bonae vel malae fidei; sed hic advertendum quod iam non debent restitui praedicti fructus (ut dicunt aliqui) sublati expensis, et laboris valore, sed ut melius dicunt Mol. Dicast. et Croix cum aliis (5), quoad solum valorem correspondentem naturae, quia valor correspondentis industriae possessoris totus ei debetur (6).

75. Quaeritur I. an tenearis restituere domino pecuniam, frumentum, aut similia quae recepisti a fure, post-

- (5) L. 3. n. 825. v. Bene. (6) n. 610.

quam ille commiscuit cum suis? Non teneris, si fur remanet potens restitutioni, dum id quod tu accepisti (licet mala fide) erat iam factum proprium furis: secus autem si fur redditur impotens, quia tunc illa acceptatione tu fuisti causa damni domini: et ita omnino tenendum cum Sanch. Tamb. et aliis communiter, quicquid dicant aliqui (1).

76. Quaeritur 2. ad quid teneatur proiciens in mare gemmam alienam aestimatam 10. si valebat 100? Alii cum Lugo obligant ad centum, dicentes eum, qui iniuste proximo damnum infert cum culpa gravi, teneri ad totum damnum licet ignoratum. Alii tamen communius cum Pontio Exparsa Holzm. Croix, Dicas. Dian. Mazz. et probabilius dicunt teneri tantum ad decem. Ratio, quia obligatio restitutionis correspondet culpae et culpa correspondet iniuriae, quae intenditur inferri proximo. Hinc sicut cum levis est culpa, nulla adest obligatio gravis restituendi (ut ipse Lugo fatetur); ita cum culpa est minor, minor etiam debet esse restitutionis obligatio. Rationi oppositae respondetur, quod damnificans tunc tenetur ad totum damnum culpabiliter illatum, cum saltem in confuso (ut ceteroquin regulariter apprehenditur) damnum quod inferitur apprehenditur; sed neutiquam cum omnino invincibiliter ignoratur, ut bene advertunt Salmant Holzm. Mazzot. et alii communiter (2).

77. Loquendo autem de possessore malae fidei, hic tenetur non solum ad restituendam rem existentem, et totum id in quo factus est ditior, sed etiam ad totum detrimentum illatum domino ob damnum emergens, aut lucrum cessans, saltem in confuso praevisum; ut paulo ante diximus. Hoc nihilominus intelligitur quando dominus habebat plenum ius in re, nam si habebat ius tantum ad rem, tunc debet ei satisfieri solum

pro valore spei, quam habebat efficiendi suam (3).

78. Hic notandum 1. quod si res ablata crescit pretio, tempore quo iniuste retinetur, crescit domino: et hoc currit etiamsi dominus eam consumpturus fuisset ante incrementum, nisi illi ablata fuisset; quare si dominus vendidisset agnum cum valebat quinque et fur comsumpsit cum valebat decem, decem debent restitui, non vero quinque, ut dicendum cum Lugo Castrop. Conc. Salm. etc. adversus alios; quia res semper fructificat domino. Dicit attamen Concina quod si agnus crescit valore decem, et postea decrescit ad valorem quinque, tantum quinque debent restitui, quia tunc damnum est tantum quinque; et huic opinioni adhaesi in opere morali (4); sed nunc illa mihi videtur omnino improbabilis, quia cum nunc creverit valor ad decem in domini beneficium, et cum fur non restituerit tunc agnum, damnum non fuit quinque, sed decem, et mora culpabilis furis fuit causa detrimenti. Valde probabile contra, imo probabilius mihi videtur quod dicunt Less. Molin. Croix etc. communissime (contra Sotum et alios) nempe quod si quis occidit agnum alterius cum valebat quinque, satis est ut restituat domino tantum quinque, licet agnus postea cretus fuisset pretio, et dominus iam illum servaturus fuisset, quoties dominus, illis quinque sibi redditus, sine incommodo emere posset alterum similem agnum (5). Notandum 2. quod possessori malae fidei ex L. Adeo, § 7. Ex diverso ff. de acquis. domin. negatur actio contendendi expensas utiles in re factas; unde ait Sanch. (et Lugo vocat sententiam tutam) posse idcirco dominum licite eas retinere. Sed merito Less. Castrop. Navar. et idem Lugo oppositam appellant probabiliorē, nam praeiata lex (ut poenalis) non obligat nisi post iudicis sententiam (6). Notandum 3. quod qui se simulat pauperem, te-

(1) L. 3. n. 612.

(2) n. 613.

(3) n. 614

(4) n. 621.

(5) Cit. n. 621. v. Quid, si. (6) n. 618.

netur ad restituendam eleemosynam (modo non esset modica) aut domino, ut ait Molin. aut aliis pauperibus, ut dicit Castrop. (1).

79. Quaeritur 1. an fur teneatur restituere pretium rei deperditae, cum illa aequae perisset apud dominum? Distinguendum: si res periit sine furis culpa, et eodem tempore et periculo (v. g. in eodem incendio) in quo periisset iam apud dominum, tunc certum est, ut dicunt omnes, quod ad nihil tenetur, quia tunc furtum non est causa damni, et sola iniuria (ut dictum est n. 44.) non inducit restitutionis obligationem. Contra, si res periit ob solam furis, aut alterius culpam ante commune periculum, certum est quod fur tenetur eam restituere, quia periculum quod supervenit, non eximit eum ab iam contracta obligatione. Quamvis si ille eodem tempore quo imminentem ruinam praevideret, rem consumeret, probabiliter eum excusant Less. Lugo Vasq. Sporer et Laym. Sed maius dubium restat, quid, si elapso periculo communi, res in alio periculo perit: dicunt Castrop. Less. et Salmant. tunc possessorem teneri ad restitutionem, ratione habita culpabilis suae morae in restituendo. Sed quoties secundum periculum fuerit pariter commune, ita ut res aequae apud dominum periisset, probabiliter eum excusat Croix: cum non mora tunc, sed periculum fuit causa damni (2). Utrum vero fur restituere teneatur, cum rem consumat, postquam in extremam necessitatem deciderit, vide dicta n. 19.

80. Quaeritur 2. ad quid teneatur qui emit rem a venditore cum dubio an sit eius, et deinde adhibita diligentia veritatem detegere nequit? Aliqui dicunt teneri eam illum restituere, aut ei cuius dubitat rem esse, aut pauperibus; sed communius et probabilius dicunt Castrop. Lugo Less. et Salm. pro rata dubii dividendam

(1) L. 3 n. 622. (2) n. 620. v. Pro maiori. (3) n. 625. (4) n. 616. quaer.

esse; nam ex una parte non potest tota retineri dum nihil sibi prodest possessio dubia fide incepta; contra aequum non est obligare eum ad restituendum totum, cum dubium sit an illa res sit aliena, an sua (3).

81. Hic quaeritur 3. an fraudans gabellas teneatur ad restitutionem? Sententia communissima, cui adhaesi in opere morali, affirmat; quia sicut rex tenetur populorum saluti prospicere, ita populi tenentur ei sustentationem ministrare, ita Mol. Suar. Sauch. Croix et alii multi. Et probatur ex textu Apostoli: *Reddite omnibus debita: cui tributum tributum: cui vectigal vectigal. Rom. 13. 7.* Alii autem negant, cum adiungitur poena, ita Navar. Beia Sa Duard. Malder etc. dicendo, quod licet subditi teneantur principi suo congruum subsidium ministrare, et licet princeps possit ad hoc etiam sub culpa obligare eos, non praesumitur tamen velle obligare ad culpam, quoties in sui lucrum magnam superaddit poenam, et illi se subiiciunt subditi. Praeterea adhuc iuxta sententiam, quod lex mixta obliget ad culpam et poenam, dicunt quod, posita lege quae poenam iniungit, dici potest tunc peccare fraudantem, cum adhuc post confiscationem bonorum nolle poenam solvere, aut sibi eam compensare vellet; tunc enim lex videtur disiunctiva, nempe quod solvatur aut gabella, aut poena, prout ait Sanchez cum Salon. Cordub. Angles et alii. Saltem aiunt dubium esse, an lex haec ad utrumque obstringat, et in dubio nequit adesse obligatio certa. Hoc tamen non obstante, ego non omitto primam sententiam suadere (4). Caeterum Sanch. cum s. Anton. Gabriel etc. excusant eos qui vehunt res proprio usui, aut familiae, dummodo etiam super illis expresse non sit imposita gabella, ut deducitur ex *L. Universi c. de vectig.*, aut quia solutio etiam pro rebus usui proprio 3. ubi alia dubia in hac materia discutuntur.

destinatis non sit introducta iam ex consuetudine. Praeterea Silvest. Lugo Less. etc. excusant pauperes, si eorum paupertas sit tanta ut, solvendo pro gabellis, nequirent se et suos sustentare (1).

PUNCTUM V.

Quid restituendum pro homicidio

82. *Quid restituere debet homicida.*
83. *Si ob offensionem vitae, famae, etc.*
84. *Qui occidit unum pro alio, an teneatur restituere.*
85. *Et an incurrat excommunicacionem, vel irregularitatem.*
86. *Qui obtinuit remissionem ab occiso, an teneatur restituere filiis.*
87. *Quid restitui debet haeredibus defuncti; et quid si intendatur eorum, aut creditoris damnum.*
88. *Si homicidium imputatur tertio.*
89. *Qui occidit excedendo iustam defensionem.*
90. *An haeres supplicio affecti teneatur ad damna.*

82. Homicida tenetur restituere omnia damna in bona occisi illata, tum ob expensas curationis (non autem funeralium), tum propter lucrum cessans pro spe quam offensus habere poterat illud acquirendi. Neque ex hoc quod in eorum animadversum sit, praefata damna remissa fuisse intelliguntur, etsi remissa praesumuntur si in eo casu non exiguntur (2). Nonnulli dicunt a restitutione lucri cessantis deducendum esse pretium laboris quem offensus insumpturus erat. Alii tamen hoc negant. Melius dicit Bonac. tantum detrahendum fore quod offensus verisimiliter daturus fuisset, ut a tali labore eximeretur (3).

83. Dubitatur 1. an praeter praefata damna teneatur offensus pecunia satisfacere pro offensa illata in vitam vel famam proximi? Affirmant Sotus Caiet. Silvest. etc. dicentes quod, qui nequit restituere totum, tenetur saltem ad partem; et innituntur doctrinae s. Thomae (4) qui dicit: *Cum aliquis alicui abstulit membrum, de-*

bet ei recompensare, vel in pecunia vel in aliquo honore. Nihilominus probabilior et communior est sententia opposita, quam tenent Less. Lugo Bonacin. Laym. Sanch. Salm. et multi alii, et P. Concina vocat probabilem (quod in sensu illius idem sonat ac moraliter certum, aut saltem probabilissimum, adeo ut oppositum non sit satis probabile). Ratio, quia iustitia commutativa obligat ad restituendum pro aequalitate damni illati, sed ubi damnum est ordinis diversi a satisfactione, non potest dari aequalitas aliqua, nec compensatio, nec in totum nec in partem; ideoque non adest obligatio bonis vitae aut famae, quae sunt ordinis superioris bona, compensandi laesionem. Et hoc probatur ex Scriptura, ubi sic habetur: *Percussor erit innocens, ita tamen ut operas eius et impensas in medicos restituat*: itaque satisfactis damnis, percussor innocens remanet: id est (ut bene dicit Lugo), remanet liber ab omni alio onere. Probatur etiam ex L. *fn ff. de his qui effud.*, etc., unde dicitur: *Cicatricum autem, aut deformitatis nulla fit aestimatio, quia liberum corpus nullam recipit aestimationem* (5).

84. Dubitatur 2. an ad restitutionem teneatur qui volens interficere inimicum, ex errore interficit amicum? Haec quaestio similis est illi, an teneatur restituere damnum qui volens domum inimici incendere, illam amici incendit? Alii affirmant, ut Bonac. Busemb. etc. dicendo, omnem actionem contra iustitiam obligare ad restitutionem; errorem vero domini domus esse circa qualitatem, non circa substantiam, ideoque non excusare a restitutione. Alii tamen dd. ut Lugo Mol. Spor. Croix Leand. etc. (cum doctissimo quondam illustrissimo Torni meo magistro) negant, semper ac ille sine ulla dubitatione intendit incendere domum inimici, non autem amici; nam pro re

(1) N. cit. v. An autem pauperes.

(2) L. 3. n. 631. ad 10. (3) n. 639.

(4) 2. 2. q. 62. a. 2. ad 1.

(5) Lib. 3. n. 527.

stitutione damni illati non sufficit actio materialiter iniusta aut iniuriosa, sed requiritur formaliter, id est voluntarie iniuriosa in offensum. Hinc si ego omnino involuntarie laedo amicum, ego nullam iniuriam formalem infero, ideoque error est circa substantiam, non circa qualitatem, cum tota damnum restituendi obligatio oritur ex iniuria. Et eadem ratio currit pro errore in homicidio, ut dicunt Filliuc. Tamb. et Leand. Idem dicunt de furto Mol. Lugo et Sporer, v. g. si quis accipit rem putans auferre eam suo inimico; sed revera auferit amico, et eam consumit, hic (ut volunt) non tenetur ad restitutionem; sed quoad furtum recte contradicit Sanch., quia haec est differentia inter furtum, et damnificationem: in furto principaliter intenditur lucrum iniustum, et accessorie domini iniuria; sed in damnificatione principaliter intenditur domini iniuria, et accessorie damnum illius: qua de re in damnificatione error personae est circa substantiam, in furto autem est circa qualitatem⁽¹⁾.

85. Quaer. 3. an incurratur excommunicatio Canonis ab eo, qui volens percutere unum clericum percutit alium? Negant Concina Diana Suar. ex eo quia iniuria respectu alterius est involuntaria. Sed mihi videtur absolute probabilior sententia communissima Mol. Sanch. Bon. Viva etc. qui affirmant; quia excommunicatio incurritur non ob personae, sed status laesionem, qui status in eo casu iam laeditur, licet in persona erretur. Igitur percussor excusabitur tamen a restitutione damni illati in personam, ut in praecedenti dubio dictum est, quia non adfuit iniuria voluntaria in personam; non autem ab excommunicatione⁽²⁾. Et tanto minus excusabitur ab irregularitate, ut recte dicunt Sanch. Covarr. Led. Veg. contra Filliuc. Sporer Tambur. etc. quia irregularitas imposita est delicto cuiuscumque homicidii, et qui

(1) I. 3. n. 629. (2) n. 628. quaer. 1.
(3) n. 628. quaer. 1. (4) n. 630.

occidit unum pro alio, licet erret in persona, non errat tamen in delicto, cum iam hominem occidat. Alius autem esset casus, si quis mandasset, ut occideretur inimicus et mandatarius occideret alium, ut fertur declarasse S. C., nam tunc homicidium respectu alterius est omnino involuntarium, tam quoad personam, quam quoad delictum illud in individuo; dum illud homicidium accidit non ob mandatum, sed ob errorem mandatarii⁽³⁾.

86. Dubitatur 4. an interfector, cum a vulnerato, antequam moreretur, remissionem damnorum obtinuerit, hoc non obstante teneatur restituere filiis illius? Affirmant Lugo et La-Croix dicendo quod pater non potest praeiudicium inferre filiis in ius quod ipsi habent super eius bona. Sed communiter hoc negant Sotus Sanch. Bonacina Salm. Busemb. etc. quia filiis non fit iniuria nisi in quantum ipsis praeiudicatur in bonis patris contra eius voluntatem; quare sicut propter patrem acquirunt ius, ita propter illum amittunt illud. Licet non bene efficeret pater in remittendo ea damna in filiorum praeiudicium⁽⁴⁾.

87. Quaeritur 5. quid homicida restituere debeat haeredibus defuncti? Haeredibus non necessariis restituere debet omne debitum cum defuncto iam contractum ante eius mortem, id est (ut dictum est in principio) omnes expensas in curatione factas, et lucrum cessans tempore infirmitatis. Sed haeredibus necessariis, ut sunt filii parentes et uxor, tenetur amplius restituere lucrum (iuxta valorem spei) quod verisimiliter defunctus lucraturus fuisset; ita communiter Sotus Sanch. Navar. cum s. Thoma, etc. Dicit nihilominus recte La-Croix hoc non procedere si haeredes necessarii in posterum reciperent ab aliis aequaliter alimenta, nam tunc nullum adest damnum⁽⁵⁾. Praeterea hoc non procedit pro fratribus et sororibus, quibus defunctus prosecu-

(5) N. 631. v. quaer. 1.

turus fuisset alimenta praestare, si vixisset, etiamsi homicida iam hoc illorum damnum animadvertisset; ut dicunt probabiliter Less. Concina Sot. Lug. Bonac. Salm. etc. contra Sanchez Azorium etc. Nec obstat dicere, quod qui vi impedit aliquem a consecutione iusti boni peccat contra iustitiam, atque ideo tenetur ad restitutionem, ut dictum est n. 61. Quia hoc currit, cum directe intenditur damnum proximi, non autem quando damnum ei per accidens contingit. Ideoque contra, iuxta hanc rationem, dicimus cum Tamb. Conc. Less. Viva Croix Elbel (adversus Sot. Bonacina etc.) quod si homicida directe intendit nocere dictis consanguineis (aut cuicumque alteri), tunc tenetur damna compensare; quia quisque habet ius ne directe impediatur vi a consecutione iusti boni (1). Et idem dicendum cum Less. Becano Salm. Conc. Viva Tambur. etc. contra alios, respectu creditorum defuncti, nimirum quod tunc tantum debet occisor compensare damna quae eis oveniunt, cum haec directe ab illo fuerunt intenta (2).

88. Quaeritur 6. an teneatur homicida ad restituendum damnum quod tertio evenit, cui homicidium imputatur? Dicimus non teneri, licet homicida animadvertat damnum praefatum, et quamvis etiam intendat; quia intentio prava, ut dictum est n. 63. sine actione externa graviter iniusta in damnum patientem, non obligat ad restitutionem: ita Sot. Less. Sanch. Tamb. et Croix contra paucos. Hoc tamen intelligitur, modo homicidium non fiat cum talibus circumstantiis, ut moraliter inducant imputationem praedictam, ut si homicidium committeret indutus vestibus tertii, aut in illius agro, etc. quia tunc iam adest actio externa, et iniusta (3).

89. Quaeritur 7. an teneatur ad restitutionem qui invasus ab inimico, occidit eum, sed excedendo iustam

defensionem? Nonnulli excusant, dicendo tunc inimicum cedere suo iuri; nos autem non excusamus, cum Lugo Sanch. Nav. Croix, et aliis communiter, quia excedendo iam gravem infert iniuriam suo inimico, qui non amittit ius quod habet ad vitam suam ob suam iniquam aggressionem. Probabiliter tamen Lugo, cum Vasq. et aliis (contra Suar.) excusat a restitutione qui inimicum provocat ad pugnam, et eum occidit; nam tunc non pugnat contra iustitiam, dum ille iam cedit suo iuri, pugnam acceptando (4).

90. Quaeritur 8. an haeredes interfectoris teneantur restituere damna cum ipse iam sit supplicio affectus? Negant Sotus, etc. sed affirmandum cum Sporer Croix, et aliis communiter. Excipiunt tamen probabiliter Sotus Less. Filliuc. Busemb. et Croix, si haeredes occisi praefatam restitutionem non petant, quia tunc praesumuntur eam remittere; modo (intelligitur) res non existat, aut modo illa non sit magni pretii (5).

PUNCTUM VI. Quid restituendum ob stuprum.

91. *Ad quid tenetur corruptor, si mulier consentit.*
92. *Ad quid si defloravit vi, aut minis.*
93. *Si adest promissio vera aut ficta, tenetur ad matrimonium.*
94. *Limitatur I. si mulier poterat advertere fictionem.*
95. *II. Si timeatur malus exitus III. Si mulier remittit. IV. Si adest familiae dedecus. V. Si vir adhibeat tantum tactus.*
96. *VI. Si inveniat puellam corruptam VII. Si mulier renuit nuptias.*
97. *Si corruptor ligatus est voto castitatis, an, etc.*
98. *Si est consanguineus, etc.*

91. In hoc oportet distinguere ad quid teneatur deflorator, cum non intervenit promissio matrimonii, et ad quid cum illa intercedit. Cum ille matrimonium non promisit, et puella sponte consentit suae violationi, ad

(3) n. 636. (4) n. 637 et 638. (5) n. 631

v. 10

nihil tenetur respectu illius. Et idem dicunt Lugo Sanch. Suar. et Less. respectu parentum, cum illa sit corporis sui domina; sed s. Antonin. Navarr. Salm., etc. obligant eam ad reparandam eius famam aliqua honoris significatione, aut veniae expositione, dummodo illi hoc non recuset (1). Ceterum communissime dicunt Sot. Suar. Sanch. Vasq. Mol. Ronc. Laym. Less. Lugo Salmant., etc. quod non tenetur vir reficere patri damnum bonorum ratione maioris dotis, qua indiget pro filia collocanda. Excipe tamen 1. si ille manifestaret delictum. 2. Si puella esset pauper, et vir valde dives, ut dicunt Salm. Bann. Tap., etc. (contra Dicast. et Rebell.), nam tunc praesumitur sub tali conditione consensisse. 3. Si iudex virum in poenam sui delicti mulctaret ad dandam illi aliquam summam; ceterum leges (*cap. 1. et 2. de adulter. et leg. un. ff. de rapt.*) damnant deflorem aut ad eam ducendam, aut dotandam, quia leges praesumunt deceptionem, aut vim, quoties oppositum non probatur. Sed in conscientia recte dicunt Salm. virum ad hoc non teneri, si mulier revera sponte consensit (2), sicut dictum est *Tract. 2. n. 26*.

92. Si autem vir virginem deflorasset vi, fraudibus, aut minis, tunc tenetur reficere tam ei quam patri damna, quae eis intulit in honorem et in bona, dotando eam, aut dotem augendo. Et quamvis ducere eam non teneatur, ut dicunt communiter Lugo Less. Salmantic., etc. nihilominus bene potest iudex ad nuptias in poenam sui delicti eum obligare iuxta textum *cap. 1. de adult. et Exod. cap. 22. (3)*. Imo quando deflorator non potest alio modo damnum restaurare, ex se tenetur ducere, ut communiter dicunt Less. Lug. Salm. Bann. Dicast., etc. (4). Contra ad nihil tenetur, 1. si mulier iam corrupta erat prius,

modo ob iniuriam qua postea affecta est, infamia non remaneret notata.

2. Si illa aequo nuberet ac si esset virgo, quia tunc in effectu nullum damnum adest; verumtamen advertunt quod si mulier a viro male haberetur ob cognitum defectum, debet deflorator aliquo modo reficere damnum quod patitur (5). Ad quid autem teneatur si precibus aut donis eam induxisset? Dicunt communiter Sanch. Less. Lugo Sot. Vasq. Salmant., etc. ad nihil teneri, modo non intercessissent minae aut timor gravis damni; et tunc dicunt ne teneri quidem ad totum damnum (6).

93. Hoc procedit cum non adest promissio matrimonii; sed cum promissio inest, deflorator tenetur puellam ducere, non solum cum promissio est vera, sed etiam cum est ficta, ut tenendum est cum s. Thoma (7), quem communiter sequuntur s. Antonin. Sanch. Lugo Less. Tamb. Salmant. Croix Viva, etc. (contra pauciores, qui obligant ad reparandum solum damnum). Ratio 1. est quia tale damnum nullo alio modo adaequate reparari potest, nisi matrimonio. Ratio 2. (et haec est potior, et in posteram valebit ad decidendos multos casus) quia in contractibus non nominatis, *do, ut des*, et huiusmodi, cum alter praestat suam partem, alter, licet fecte promiserit, pariter tenetur ex iustitia praestare suam non secus ac si vero ex animo promississet, dum hoc necesse est, ut a contractibus fraudes, quae cum damno communi impedirent commercium humanum, removerentur (8). Et idem dicendum cum Lugo et Salmant. contra Sanch. si quis ficta matrimonii promissione viduam bonae famae cognosceret (9). Hoc procedit quoad conscientiam; sed quoad forum externum, hic obiter notamus, quod advertit Continuator Tournely (10), valde utile esse ad impedienda

(1) 1. 3. n. 641. § 1. (2) Ibid. n. 641. § 1. v. Dubium. 2. (3) ibid. v. Haec de viro (4) n. 649. in fin. v. Illi autem.

(5) n. 642. Dub. 1. (6) ibid. Dub. 2. (7) Suppl. q. 46. a. 2 ad 4. (8) n. 642. § 2. (9) n. 646. in fin. (10) tr. de dec.

haec tam frequentia facinora, si Episcopi et magistratus irritas omnino declararent omnes istas matrimonii promissiones etiam iuramento firmatas, nisi plane testimoniis et scripturis validis hae constarent.

94. Limitatur tamen sententia praefata circa obligationem defloratoris ficta promissione. 1. Si mulier ex verbis aut aliis circumstantiis de facili animadvertere poterat deceptionem: ut esset, sicut dicunt communissime Lugo s. Antonin. Navarr. Silvest. Salm. Busemb. cum s. Thoma (1), si vir esset longe nobilior aut ditior, quia tunc (ut dicit Angelicus) merito praesumi potest quod mulier finxit aut voluit decipi, sed revera non decepta est. Quanta autem haec disparitas debet esse, Lessius exemplificat hoc modo: Si vir esset filius magnatis, et mulier filia fabri; sed Sanch. Navar. et s. Antoninus dicunt sufficere minorem inaequalitatem: v. gr. si nobilis (sed non magnates) ducturus esset filiam agricolae aut artificis. Et idem dicunt praefati auctores cum aliis, et cum eodem Less. si vir esset notabiliter opulentior (2). Item dicunt probabiliter Sanch. Lugo Less. Sal. Viv. et alii hoc procedere, etiamsi puella disparitatem ignoraverit: quia si adesset praecisa obligatio matrimonii, tunc vir teneretur reddere aliquid excedens aequalitati debitae iniuriarum illatae; unde tunc sufficere, ut curet reficiendum damnum eam dotando (3). Contra si mulier poterat percipere disparitatem, ut supra dictum est, probabilius est cum Less. s. Anton. Lugo, Sanch. Sylv., etc. (adversus alios) non teneri tunc ne damnum quidem reparare, sicut etiam expresse docet s. Thomas *loc. cit.* sic dicens: *Et etiam quoad hoc (nempe ad damni reparationem) non tenetur, quia praesumi probabiliter potest, quod sponsa non fuerit decepta, sed decipi se fin-*

c. 3. de 6. prae. art. 2. concl. 2. v. Quaerens ad.

(1) Suppl. q. 46. a. 2. ad 4.

xit (4).

95. Limitatur II. si ex matrimonio pessimus timeretur exitus, ut dicunt Lugo Sanch. Busemb. Henriq., etc. (5). Limitatur III. si mulier remitteret defloratori obligationem se ducendi, cum talis remissio valida sit, licet dissentiret familia, ut probabiliter dicunt Lugo Less. Ronc. et Laym., dum ius ad matrimonium praecipue ad eam spectat, ideoque libere illa cedere potest (6). Limitatur IV. si matrimonium non posset perfici a viro sine familiae dedecore; nam tunc non tenetur ad matrimonium, licet promissio esset vera, cum tunc sit invalida, sicut de re illicita, prout dicunt communiter Laym. Navar. Sanch. Ronc. Sporer, etc. (7). Sed utique teneretur, si promissio finisset vera et disparitas tantum esset in divitiis, ut dicitur *Tract. 18. n. 16.* loquendo de sponsalibus. Limitatur V. si vir adhibet tantum tactus cum virgine, ut dicunt Sanch. Navarr. Lugo et Croix, quia soli tactus non sunt tantae iniuriarum, ut inducant obligationem ineundi matrimonium fide promissum, nec tanti ponderis, ut non ingerant mulieri suspicionem fictionis: modo (excipitur) mulier non esset nobilis, aut honesta; aut modo vir non requisisset, nisi solos tactus, cum nuptiarum promissione, et propter illos (iam patefactos, aut saltem familiaritate divulgata) puella remaneret infamia notata (8).

96. Limitatur VI. si vir puellam censebat virginem, sed corruptam inveniret; ita communiter Laym. Sanch. Salm., Ronc. Holzman Sporer, etc. Et eo casu dicitur iuxta sententiam probabiliorum Lessii Coninch. et Roncagl. quod vir non tenetur aliquid dare ratione copulae traditae, nisi adesset pactio expressa, aut nisi ex tali facto mulier remaneret infamia notata: sed dicit probabiliter Elbel quod si ipsamet suam ignominiam

(2) L. 3. n. 643. v. sed hic Dub. 1. (3) ib. Dubit. 2. (4) n. 643. Dub. 3. (5) n. 644.

(6) ibid. (7) ibid. et l. 6. n. 851. (8) n. 645.

divulgaret, vir ne ad aliquid quidem teneretur (1). Limitatur VII. si ipsa met puella exhibito consensu suae violationi propter fictam matrimonii promissionem repugnaret nuptias contrahere, quia vir non tenetur tunc ad aliud; nisi esset, ut recte excipit de Lugo, quod ille simulasset se melioris conditionis, aut illi conditionis aequalis et esset deterioris; quia tunc, licet mulier nuptias respueret, tamen ille tenetur compensare damnum maioris dotis, qua indigeret, ut nuberet. Eidem compensationi dicimus cum Navarr. Vasq. Sylv. et Henr. (contra Sanch. et Lugo) teneri virum, si puella matrimonium non recusaret, sed sui parentes: nam promissio ficta praecipue intelligitur facta ad compensandum damnum. Idem dicimus cum Less. Azor. Bonac. Lugo Croix (adversus Mol., etc.), si mulier violationem invita passa fuisset, et nollet postea nubere ei a quo iniuria affecta est. Desflorator contra, ut recte dicunt Lugo Less. et alii, non tenetur ad eam ducendam cum nulla intercessit promissio, nec vera, nec ficta; modo alia via subesset, qua damnum repararetur, et inaequalitas non esset nimia (2).

97. Dubitatur 1. an habens votum castitatis virginem desflorando teneatur eam ducere. Negant Laym. Salmant. et Conc.; sed recte affirmant Lugo Sanch. Vasq. Tamb. Spor. et Croix, nec agnosco utrum opposita sententia probabilis iudicanda sit, quia (ut dictum est num. 93.) ut servetur bona fides in contractibus, fide promittens tenetur praestare partem suam, ac si vere promississet, cum alter contrahentium partem suam adimplevit. Obiiciunt promissionem irritam esse ratione praecedentis voti. Sed respondetur 1. quod debita onerosa semper praefenda sunt gratuitis, qualia sunt vota. 2. Quod desflorator, si promittere nequibat matrimonium, poterat saltem promittere impetrationem absolutionis a voto; et

ad hoc iam se obligavit promittendo matrimonium, dum qui ad finem tenetur, tenetur etiam ad ponenda media, nempe ad impetrandam dispensationem. Et casu quo eam obtinere non posset, tenetur saltem ad compensandum damnum, ut dicunt recte Lugo et Spor. (5).

98. Dubitatur 2. ad quid teneatur violans virginem sibi coniunctam sub matrimonii promissione? Si promissio fuit vera et intercessit pactum impetrandi dispensationem, communis est sententia cum Lugo Laym. Sanch. Salmant., etc. promissionem esse validam, et obligare prius ad dispensationis impetrationem, et deinde ad matrimonium, quoties huiusmodi dispensationes solent concedi. Itaque idem dicimus cum Lugo et Tambur., si promissio fuerit ficta, nec mulier potuisset fictionem animadvertere; nam promittens tenetur efficere omne id (ut superius dictum est) quod facturus fuisset si promissio fuisset vera. Si tamen ille inculpabiliter non advertisset ad impedimentum cognationis quod aderat, et pro dispensatione opus esset magno incommodo, aut sumptu, ad tantum non tenetur; tenetur autem ad damni refectionem, sicut quilibet alius iniustus desflorator (4).

PUNCTUM VII.

Quid restitui debet ob adulterium.

99. *Ad quid tenetur adultera; et an teneatur se prodere apud spurium filium.*

100. *An filius teneatur credere ei.*

101. *Ad quid tenetur adulter; et licet non induxerit matrem ad supponendam prolem.*

102. *In dubio si proles est viri aut alterius adulteri.*

103. *Si proles mittatur ad hospitalia etc.*

99. Distinguenda est obligatio adulterae ab illa adulteri. Adultera cum reparare nequit mariti, et filiorum legitimorum damnum ob prolem spuriam, quae nata est, tenetur saltem illud compensare suis bonis pro-

(1) L. 3. n. 646.

(2) n. 648.

(3) n. 649.

(4) n. 650.

priis, aut se privando illis quae praetendere potest, suis industriis, aut inducendo filium, ut religionem ingrediatur, si sit ad hoc idoneus (1). Dubium restat utrum teneatur prodere delictum suum? Respondemus non teneri, cum prudenter timeret mortem, aut infamiam, et tale suum damnum valde praeponderaret damno viri, et filiorum legitimorum; sed cum damnum respective esset aequale, aut parum excedens, illa non potest suum celare crimen; ita dicunt communiter Lugo Sot. Less. Tol. Croix Roncag. Dian. Tambur. Spor. (contra aliquos). Hinc fit quod adultera debet suum crimen manifestare: 1. Si illa iam sit malae famae apud vulgum; aut ut dicunt Less. et Lugo, si foemina esset adeo vilis conditionis, ut eius fama non esset tanti, quanti alterius damnum. 2. Si secus timeretur damnum commune, v. gr. si spurius sit perditis moribus, et succedere deberet in principatum. 3. Si illa posset sine multo damno se prodere viro suo: sed recte hic dicunt Lugo et Sporer, difficulter adulteram posse ad id teneri, quia difficulter poterit magnam vexationem evitare, ut inferitur ex *cap. 9. de poenit.* ubi dicitur: *Mulier quae de adulterio prolem suscipit, quamvis id viro suo timeat confiteri, non est poenitentia deneganda.* Sed contra dicunt communiter Lug. Less. Ronc. Spor. Croix Tamb., etc., quod mater tenetur se prodere filio spurio, si probabiliter sperare posset illum sibi crediturum, et bonis cessurum. Nec obstat dicere quod amissio famae praeponderat bonorum amissioni; quia ex una parte non est certum quod delicti prolatio apud unum vel alterum probum sit gravis infamiae; imo non videtur improbabile oppositum, ut dicitur *Tract. 11. num. 11.* Ex alia parte mater certe tenetur ad damnum rescindendum, unde quoties certa non est, quod suum damnum sit multo maius damno aliorum filiorum, illa tenetur

(1) L. 3. n. 652. (2) n. 653. (3) *ibid.*

ad illius reparationem (2).

100. Sed punctum sistit, quod filius non tenetur matri in hoc praestare fidem, ut docent communiter Azor. Filiuc. Lugo Less. Laym. Ronc. Salm. Holzm., etc.: nam nemo tenetur credere testimonio unius, etiam probatissimi, ut habetur ex *cap. Relatum, de testam.* et ex *c. Licet, de test.* ubi dicitur: *Nulla est causa quae unius testimonio, quamvis legitimo, terminetur.* Cum hoc expediat bono communi, ut vitentur fraudes, quae secus possent de facili committi. Ideoque dicunt Elbel et alii, quod raro potest accidere quod mater teneatur se prodere apud filium, quia raro contingere potest, quod filius teneatur credere matri. Sed si unquam ea indicia illegitimitatis filii adessent, ut nota fuissent, filius iure in foro externo damnaretur, v. g. si mater perspicue demonstraret viri absentiam, aut impotentiam tempore conceptionis, tunc filius teneretur credere matri, et mater se prodere apud filium (3).

101. Hactenus de adultera. Quoad adulterum, ille tenetur restituere filiis legitimis tam haereditatem suae proli relictam, quam alimenta illi exhibita a tertio anno, quia usque ad tertium annum tenetur eam lactare mater si potest; si autem non posset, etiam tenetur ad hoc adulter (4). Dicunt nonnulli aa. quod si adulter non induxisset matrem ad prolem supponendam inter legitimos, sed in hoc se negative habuisset, tunc non tenetur ad alimenta, aut saltem non ad haereditatem. Sed nos dicimus cum Less. Mol. Caietan. Conc. Salmant. Croix, etc. communiter ad utrumque obligari; quia ille semper est causa moralis proxima damnorum praefatorum, coniiciendo adulteram in moralem necessitatem prolem supponendi (5).

102. Quaeritur 1. ad quid teneatur adulter in dubio an proles sit propria, an viri? Dicit Laym. teneri in *fine*, n. 654. (4) n. 655. (5) n. 659.

ad damnum pro rata dubii. Sed communiter docent Sot. Nav. Lugo Less. Sanch. Castropal. Tourn. Conc., etc. ad nihil teneri, quoties nescit certe prolem esse suam; nam secus possidet matrimonium, et possidet etiam adulter exemptionem a satisfaciendo damno (1). Et idem procedit (ut recte dicunt Sot. Sanch. Salm. Trull. etc.) si dubitatur inter duos adulteros, cuius sit proles; eadem ratione, quia non potest imponi onus certum pro dubia obligatione. Debet dumtaxat excipi, cum Elbel et aliis, casus, quando secundus adulter advertisset, quod suo peccato sit causa ipse incertitudinis, ne dignoscatur cuius sit proles: qua incertitudine posita, non potest postea exigere damnum a primo adultero: ideoque hic secundus remanet obligatus ad totum damnum: iuxta id quod dictum fuit n. 43. (2).

103. Quaeritur 2. an si adulteri essent opulenti, et mitterent prolem ad hospitale, teneantur ad refectio-nem expensarum? Affirmant Spor. Elbel Salm., etc. quia (ut dicunt) huiusmodi opera instituta sunt tantum pro pauperibus. Sed probabiliter negant Henr. Dicast. Rodriq. et Renzi, et probabile dicunt etiam auctores primaesententiae, quia hospitalianon sunt erecta solum ob parentum pauperum levamen, sed etiam et forte potius ad cautionem filiorum ex illegitimo consortio natorum, ob periculum, quod eis subest mortis temporalis et aeternae, si parentes deberent suis impensis eos alere (3).

PUNCTUM VIII.

De tempore et modo restitutionis.

104. *Obligatio statim restituendi, et damnum reparandi.*

105. *Non debet absolvi poenitens antequam restituat.*

106. *Potest restitui per alium; sed quid si iste non restituit, etc. Et si confessarius faciat celebrare Missas, cum dominus est certus, etc.*

104. Quoad tempus, fur (cum possit) tenetur quam primum restituere,

(1) lib. 3. n. 657. (2) n. 658

alioquin peccat graviter, et toties (iuxta opinionem Bonac. et aliorum) quoties ei offeruntur occasiones restituendi; sed iuxta id quod dicunt Lugo Nav. Salm., etc. probabiliter committit unum continuatum peccatum: observetur quod dictum fuit *Tract. 3. num. 61*. Non est autem capax absolutionis qui vellet restituere in morte, cum possit in vita, aut vellet restituere partem, cum possit totum. Caeterum potest aliquando debitor differre restitutionem cum adest iusta causa, ut esset ad evitandum scandalum, aut propriam infamiam, aut ob alias rationes, quae puncto sequenti examinabuntur. Sed advertendum cum sententia communiori Lugonis Less. Mol. Tambur., etc. (quicquid dicant alii) quod, cum debitum provenit ex delicto, non obstante causa iusta differendi restitutionem, semper tenetur fur ad totum damnum, quod creditor patitur, reficiendum; quia huiusmodi damni semper causa est furtum antea factum (4); secus autem, si debitum proveniat ex ratione contractus (5).

105. Praeterea, potest differri restitutio cum dilatio esset modica (nempe 20. dierum, ut putat Castropal.) et creditor nullum damnum patere-tur: caeterum, cum poenitens potest statim restituere, regulariter loquendo dicimus cum Conc. quod confessarius non potest absolvere debitorem, nisi prius restituat, ut dicemus pariter *Tract. ult. punct. 1*. loquendo de iis, qui sunt in occasione proxima. Ratio est, quia cum restitutio sit res valde difficilis ad exequendum, si poenitens absolveretur antequam satisfaciatur, communi experientia quae habetur, relinquitur in eodem non restituendi periculo. Quare recte ait s. Thomas de Villanova: *Prius restituat, et tunc ad confessarium redeat, ut absolvatur*. Dictum est regulariter, quia (ut dicit idem p. Concina) si restitutio non potest fieri tam cito, et poenitens dignoscatur vere

(3) n. 656. (4) n. 679 ad 682. (5) n. 678

paratus satisfaciendo, potest absolvi primavice; et probabiliter (ut dicunt Lugo et Salm.) etiam secunda et tertia vice, si eae concurrant circumstantiae, ut confessarius debeat illi dilationem concedere (1). Si autem admonitio de restitutione non esset profutura, vide quod dicitur *Tract.* 16. n. 115. loquendo de Poenitentiae Sacramento.

106. Quoad autem modum restituendi, qui non posset sine sua infamia per se restituere, debet saltem secreto per confessarium, aut per alium fidelem restituere. Sed hic dubium fit: cum accideret quod confessarius sibi retineret pecuniam sibi traditam, ut restituatur, an poenitens teneatur iterum ad eam solvendam? Negant Sotus Castr., etc. dicentes quod, cum non teneatur debitor ad palam restituendum, tenetur esse contentus creditor de restitutione manu alterius. Sed nos absolute affirmamus cum Lugo, (qui vocat contrariam tene probabiliter) Less. Nav. Silv. Spor. Salm. Croix, etc. 1. quia licet fur non teneatur ad manifestandum suum delictum, nihilominus semper tenetur ad reddendum dominum indemnem; 2. quia fur tenetur ad omnia damna quae eveniunt domino causa furti; et nunquam praesumitur dominus esse contentus, usquedum non recuperet quod sibi ablatum est (2). Si vero dominus esset certus, et confessarius imprudenter Missas celebrare fecisset; ait Tamb. quod si prima opinio opposita superius allata Soti, etc. est probabilis in primo casu, probabilis est etiam in hoc quod debitor ad nihil tenetur. Sed nec huic acquiescere valeo, quia semper creditor petit suum, et de illo, arbitrio suo, non aliorum, vult disponere (3). Jam dictum est num. 65. quod fur tenetur curare, ut suis sumptibus res perveniat in manus creditoris. Adverte tamen, quod commodatarius, si rem commodatam mittit domino

(1) lib. 3. n. 679. et 682. (2) n. 705.

(3) ibid. v. Quid si. (4) n. 634 et 635.

per virum qui communiter existimatur fidelis, et res deperditur, adhuc ob culpam emissarii ad nihil tenetur, ita statutum per *L. Argentum 20. ff. de commodat.*

PUNCTUM IX. De ordine personarum quibus restitutio prius facienda est.

107. *Si res existit, debet domino tradi, sed si alienata est, etc.*

108. *debent praeferrri creditores onerosi*

109. *Si omnes sunt onerosi.*

110. *An debita ex delicto, an ex contractu, etc.*

111. *An debita certa incertis.*

112. *An hypothecaria anteriora; et an anteriora personalia.*

113. *An debitor possit praeferre quem maluerit.*

114. *Quid si creditor exigit, etc.*

115. *Si servus recipit salarium a domino aere alieno gravato.*

107. Cum debitor potest omnibus satisfacere, nullus ordo observandus est. Sed cum non potest omnibus, sequentes regulae observandae sunt: 1. Si res existit, debet utique domino illa restitui, aut, eo deficiente, pauperibus, ut dicit Busemb. Idem currit pro restitutione rei emptae, cum pretium non est solutum, quia tunc dominium penes venditorem restat, ut habetur ex §. *Vendita., instit. de rer. div.* Secus autem si venditor pro pretio pignus, aut cautionem accepisset; tunc enim dominium iam in emptorem translatum est, et venditor iam pro suo pretio in tuto est: et idem dicimus cum Lugo Mol. Laym. Castrop. Vasq. Azor., etc. (contra Bonac. et Salm.) si fidem pretii percepit, quia etiam tunc rei dominium est emptoris, ut in *capite sequenti de contract. num.* 167. Quare tunc nihil aliud venditori competit quam actio personalis in emptorem (4). Si tamen esset pecunia furtiva confusa cum propria, recte dicunt Castropal. Ronc. et Croix, illam restitui debere suo domino, dum in tali casu totus cumulus eidem remanet obligatus (5).

108. 2. Debita onerosa satisfacienda (5) n. 686

da sunt ante gratuita, quia horum promissio semper includit tacitam conditionem *deducto aere alieno* (satisfactis debitis) ut dicunt communiter Lugo, Silv. Molin. Navar. Less., etc. ex *L. Inter*, §. 15. *ff. de re iudic.* (1).

109. 3. Si debita autem sunt omnia onerosa, 1. debet satisfieri debitis, quibus obligata sunt bona debitoris cum expressa hypotheca. 2. Debitis cum hypotheca tacita, et haec inter praeferendae sunt uxorum dotes. 3. Depositis in manu debitoris deperditis. 4. Debitis privilegiatorum, nempe, pupillorum, locorum piorum, etc. 5. Caeteris debitis personalibus. Sed omnibus istis creditoribus, licet expressam haberent hypothecam, debet semper praeferi qui pecuniam dedit ad rem emendam, aut ad domum reparandam, aut ad campum colendum, et custodiendum, aut ad colligendas fruges, ut est expressum in *L. 3. ff. Qui potiores*, etc. (2).

110. Dubitatur 1. quae debita prius satisfacienda sunt, an quae ex delicto, an quae sunt ex contractu? Tres sunt sententiae: Prima praefert quae sunt ex delicto; ita Medin. Rebell., etc. cum s. Thoma (3), quia retinere res ablatas est maior iniuria, quam non solvere pro debito promisso ex contractu. Secunda praefert debita ex contractu, non iam gratuito, sed oneroso; ita Caiet. Nav. etc., quia secus (dicunt isti) fieret restitutio pro furto ex eo quod ad alios spectat; sed Lugo hanc rationem uti firmam non habet. Tertia communior Lugo Less. Castr. Bonac. Laym., etc. et mihi probabilior, dicit praefatis debitis *pro rata* satisfaciendum esse, modo non existat in specie res domini, aut modo non sit alicui creditorum hypotheca, secus, nullum habetur fundamentum ex lege aliqua, quod inter creditores ex delicto aut ex contractu praelatio facienda est (4).

111. Dubitatur 2. an debita certa

(1) *L. 3. n. 649. v. Secunda et n. 689*
(2) *n. 689. et 690. (3) Opusc. 73. c. 18.*

(nimirum quorum domini certi) praeferenda sint incertis? Probabiliter affirmant Less. Bonac. Busemb. Salmant. etc., quia debita certa lege naturae debentur creditoribus, incerta vero tantum ex lege positiva debentur pauperibus. Nihilominus est satis probabilis sententia Mol. Bann. Tap. Rebell., etc. a Lugo nuncupata probabilissima, restitutionem faciendam esse *pro rata*; dum est valde probabile, ut aliunde dicunt Caiet. Covarr. Arag., etc. quod restitutio pauperibus debeatur etiam ex lege naturali; nam talis praesumitur esse creditorum ignotorum voluntas, quia cum ad ipsos nequeat pervenire restitutio; saltem fiat pauperibus pro suis animabus (5).

112. Dubitatur 3. an semper praeferendi sint creditores anteriores? Loquendo de creditoribus hypothecariis cum expressa hypotheca, certum est semper inter ipsos praefereandos esse anteriores. Et idem dicunt Lugo Vasq. Mol. cum aliis communis de creditore cum hypotheca tacita, quod debet iste praeferi illis qui habent expressam. Inter creditores vero personales non negatur probabilis esse sententia Castr. Less. Holzm., etc. quod istis debeat *pro rata* creditorum satisfieri, dum istis non sunt obligata bona, sed persona debitoris quae aequae est obligata omnibus. Sed communior et probabilior est sententia de Lugo sancti Antonini Suar. Nav. Bonac. Conc. Croix Tol. et Salmant. qui citant sanctum Thomam et alios, praefereandos esse personales anteriores, quia regula: *Qui prior est in tempore, potior est in iure*, licet a lege civili pro solis hypothecariis assignata sit, tamen a iure canonico (*reg. 45. iur. in 6.*) illa assignatur pro omnibus; et talis regula est fundata in lege naturae, dum licet creditor personalis directe habeat devictam solam debitoris personam, indirecte tamen sibi habet bona illius obligata (6).

113. Dubitatur 4. an debitor possit

(4) *n. 688. (5) n. 687. (6) n. 690.*

inter creditores personales pauperiorum praeferre? Probabiliter id asserunt Molin. Sa Less. Laym. (Med., etc. cum s. Thoma (1), quia pauper maius damnum suffert. Sed probabilius id negant Lug. Castrop. Azor. Vasq. Less., etc., quia talis praelatio nullibi legum indicata reperitur. Excipit Less. si pauper esset in gravi necessitate; sed hoc dico debere intelligi tantum quando alii creditores tenerentur in particulari ad succurrendum tali pauperi, ex obligatione praecisa eleemosynae (2),

114. Dubitatur 5. an creditor qui integrum suum debitum exegit, possit illud sibi retinere, quin aliis personalibus creditoribus impertiatur? Negat Lugo, si ille non est anterior, et si extraudicialiter exegit. Sed est communissima sententia opposita, Less. Navar. Cabas. Salmant., etc., quia leges favent vigilantibus exactoribus; et non distinguunt in iudicio, an extra, ut observatur in *leg. Pupillus*, ff. *Quae in fraud. et L. Si non*, in 6. §. 1. ff. *de bon. auct. iud.*, etc. Hinc dicit Busemb. cum Silv. Navar. et Bonac. quod, cum quis creditorum personalium aequalium suum creditum efflagitat, debitor tenetur ei satisfacere (3). Si nullus vero creditorum exigit, non potest debitor (qui est impotens satisfaciendo omnibus suis creditoribus) arbitrio suo uni integre satisfacere. Et in tali casu dicimus cum Castrop. Tourn. Conc. Salm. Bon. Azor., etc. (contra Less. et alios) non posse creditorem integram solutionem sibi factam retinere. Nec obstat dicere quod praefata lex, *Pupillus*, non revocat quod solutum est, quia leges tantum intendunt remunerari creditores diligentiam, non autem dare alicui ius retinendi quod debitor ei iniuste solvit; nec in hoc iuvare potest acceptio in bona fide (4).

115. Dubitatur 6. an possit servus qui non est praecise necessarius recipere stipendium a domino aere a-

lienogravato? Respondetur quod potest retinere illud, si in bona fide recepit. Si autem ille adverit dominum in posterum futurum fore aliis creditoribus satisfaciendo iniuste (sine necessitate) impotentem ex tali solutione, dicimus cum Navar. Ang., etc. eum teneri ab illo discedere, nec posse prosequi ad exigendum; nam alias ille fit causa creditorum damni, ut diximus in simili casu n. 75. (5). Contra uxores, et filii licite recipiunt alimenta a patre quantovis aere alieno gravato, ut dicunt Sanchez Laym. et Croix (dummodo non habeant unde aliunde vivant), cum talis debitor teneatur ex iustitia eos alere. Imo quantum ad uxorem dicunt Mol. Navarr. Vasq. et Laym. illam, licet haberet unde viveret, etiam posse a viro usurario ad restituendum impotente alimenta recipere; quia vir non minus tenetur ad mulierem alendam, quam ad pro debitis solvendum. Addit Laym. quod mercedes operariorum pro debitoris necessariis usibus debent etiam creditis hypothecariis praeferri (6).

PUNCTUM X.

Quae causae excusant a restitutione.

116. *Causae excusantes ex parte creditoris sunt: 1. Si restituitur eius creditori; 2. si praesumitur eius consensus; 3. si praevidetur eius abusus.*

117. *Ex parte debitoris: 1. Si derest culpa; 2. si obtinetur compositio; 3. si damnum suum est multo maius; 4. si adest animae periculum; 5. vel vitae, vel famae; 6. si cedit bonis.*

118. *Excusat necessitas.*

119. *et 120. Quid si creditor etiam esset in necessitate.*

116. Nonnullae causae excusant ex parte creditoris, aliae ex parte debitoris. Ex parte creditoris excusat 1. si solvis creditori creditoris tui, quia tunc acquirendo cessionem crediti illius, iam potes iuste compensare. 2. Si prudenter praesumere potes (3) n. 692. (4) n. 693. (5) n. 694. (6) n. 695.

(1) Opusc. 73. c. 18. (2) L. 3. n. 691.

dominum consentire, ut tu illam rem tibi sumas, aut acceptam tibi retineas, ut communiter admittunt Silv. Navarr. Lug. Less. Sanch. Sa Sayr. Holz. Croix, etc. (1) et expresse hoc docet s. Anton. (2) qui dicit: *Invito domino dicitur, quia si credit dominum permissurum, et subest iusta causa credendi, (restituere) non tenetur. Et habetur ex L. 46. §. 7. ff. de furtis, ubi sic dicitur: Recte dictum est, qui putavit domini voluntate rem attingere, non esse furem; quid enim dolo fecit qui putat dominum consensurum fuisse? Ratio est, quia tota furti malitia consistit in eo quod contra domini voluntatem alienum accipit; unde supposito domini consensu, non est amplius furtum. Confirmatur hoc ex s. Th. (3) qui permittit Religioso donare sub spe rathabitionis praelati, nempe si putat licentiam habiturum fuisse, si ab eo illam petiisset. 3. Debitor ad restitutionem non tenetur, si dominus rei restituendae hac abusus fuisset ad peccandum, ut dicunt Less. Lugo Sot. Mol. Navarr. Croix, etc. contra alios; et expresse id docet s. Thomas (4) dicens: *Quando res restituenda apparet esse graviter nociva ei cui restitutio facienda est, vel alteri, non debet ei tunc restitui: quia restitutio ordinatur ad utilitatem eius cui restituitur. Imo quando dominus ea re in tertii damnum abusus fuisset, tu teneris denegare illam, semper ac sine damno tuo gravi potes ei illam denegare, ut dictum est n. 56. ubi dictum fuit nunquam licere, etiam ad vitandam propriam mortem, gladium restituere volenti inimicum occidere. Et tunc peccares non solum contra charitatem, sed etiam contra iustitiam, ut docent communiter Lugo Sot. Less. Castrop. Conc. et Salm., quia proximus ius habet ne quis in sui damnum cooperetur (5).**

117. Ex parte autem ipsius debi-

- (1) L. 3. n. 700. v. Quacr. hic 1.
 (2) 2. p. t. 1. c. 15. in princ. (3) in 4.
 D. 15. q. 2. art. 5. ad 4. (4) 2. 2. q. 62.

toris, excusatur ipse a restitutione, 1. si in damno causando culpam lethalem non commisit, ut n. 39. diximus. 2. Si restitutio pauperibus pro debitis incertis facienda esset, et debitor a Papa compositionem obtinuisset, ut dictum est n. 68., aut si ipse pauper esset, et sibi applicasset (6). 3. Si restituere sine damno suo multo maiore, et duplo excedente nequiret, nam tunc recte restitutionem differre potest, modo ex dilatione aequale damnum dominus passurus non esset; ut dictum est n. 65. Pro amissione vero lucri non potest debitor restitutionem differre, ut recte dicunt Salm. Excipit Beya, si ex dilatione nullum passurus esset damnum creditor (7). 4. Si restituere non posset debitor sine periculo animae suae aut suorum, v. gr. si periculum subesset quod mulier aut filiae prostituantur, aut se dent in latrocinia, etc. ita Less. Mol. Bon. Filliac. etc. (8). 5. Si restituere sine vitae aut famae periculo non potest, modo famae suae amissio damno creditoris praeponderet, ut n. 99. in fine. 6. Si cedit bonis suis; nam leges debitori impotenti omnibus creditoribus suis satisfaciendo permittunt, ut sibi retineat quantum satis est ad se sustentandum iuxta statum suum, cedendo illis reliqua sua bona, et ita ut liber sit pro eo quod solvendo non est, modo ad meliorem fortunam non perveniat: *L. Cum, et fil. c. Qui bon.,* etc., licet dicat Layman, quod etiam ille in paupertate sua remanens, tenetur laborare, et acquirere quantum potest, ut satisfaciatur. Notandum tamen talem cessionem locum non habere in debitis ex delicto: quamvis Less. Navarr. et Salom. etiam concedant furi cedere bonis, retinendo sibi quantum ei ad victum satis est (9).

118. Excusat 7. paupertas, si restituendo vitam decentem iuxta statum suum debitor ducere non possit. a. 5. ad 1. (5) n. 697. v. Teneris. (6) n. 696. (7) n. 697. (8) n. 698. ad 9. (9) n. 699.

set; Azor. Sot. s. Anton. Navar. Laym. Salm. Croix, et alii communiter (1); modo (intelligitur) debitor talem statum iuste acquisiverit; nam si iniuste acquisivisset furtis aut fraudibus, ille teneretur ad restituendum, etiamsi casurus sit a suo statu, ut communiter dd. Praeterea intelligitur, ut dicunt Castropal. Navarr. Silvest. p. Layman Croix, etc. modo debitor culpabiliter ludis, crapulis, etc. in talem necessitatem se non coniecerit: sed hoc non obstante, semper ac debitor a suo statu iuste acquisito casurus esset, mihi et aliis doctis durum videtur ad integram restitutionem illum obligare. Ceterum recte advertunt s. Antonin. Spor. Elbel, etc. quod in tali casu semper tenetur debitor expensas diminuire, ut possit restituere saltem quod potest (2).

119. Sed maius dubium est, an paupertas a restitutione excuset, cum dominus etiam esset pauper? Hic oportet distinguere necessitatem extremam a gravi; si debitor restituendo se aut suos (nempe filios, parentes, aut uxorem) in extremam necessitatem coniecturus esset, excusatur; quia tunc bonis quae restitutus esset utitur, non secus ac si iam in extrema necessitate constitutus esset; et hoc quamvis res aliena in sua specie existeret; et etiamsi rei dominus in eadem necessitate extrema reperiretur; quia in tali necessitate omnia sunt communia, ideoque in tali casu melior est conditio possidentis; sed recte excipiunt Less et Castrop. si accideret casus quod dominus rei ex illo particulari furto in extrema necessitate positus esset: dum dominus qui prius possidebat tunc praefereendus est (3). Sed si fur, necessitate transacta, teneatur ad restitutionem, vide dicta num. 19.

Loquendo autem de gravi necessitate, si solus debitor est in gravi necessitate, aut si restituendo decidere debet a statu suo iuste acquisito,

(1) L. 3. n. 702. (2) n. 698. ad 5. et 6. et n. 702. ad Dicendum 2. (3) n. 701.

bene potest ille restitutionem differre, ut dictum est num. praecedenti. Sed dubium restat, cum uterque, nempe debitor et creditor sunt in eadem gravi necessitate, an debeat fieri restitutio: et respondetur quod, si creditor iam in gravi necessitate reperitur, debitor restituere debet, licet inaequalem gravem necessitatem conciliendus esset, quia in aequali necessitate praefereendus est creditor; ita communiter Azor. Mol. Less. Laym. Spor. Salm. Croix, etc. sed si debitor et creditor in eadem necessitate gravi iam reperiuntur, adeo ut illud vitae sustentandae iuxta eorum statum satis non sit; tunc aliqui dicunt debitorem teneri restituendo: saltem cum debitum est ex delicto; ut dicit Ronc. Sed Lessius Castrop. Sylv. et Trullench. cum eodem Ronc. merito dicunt, probabile esse in tali casu restitutionem posse differri; quia tunc debitor restituendo subiicere se deberet damno multo maiori, dum ex gravi necessitate in quasi extremam prolabi deberet. Sed excipitur semper, si creditor propter illud furtum in particulari in illam gravem necessitatem lapsus esset. Excipitur si res in specie existeret (4). Advertendum hic tandem, quod qui dubitat an damnum quod causavit, sit leve, an grave, non tenetur compensare nisi leve. Sed si res ablata existit, et dubitat an sit valoris gravis, an levis, tenetur sub gravi ad eam restituendam; aliter exponet dominum ad iniuste subeundum damnum grave (5). Ad quid autem teneatur possessor bonae fidei, superveniente dubio, quod res non sit sua, vide dicta n. 73. huius Tract. et Tract. 1. n. 20.

120. Quaeritur hic ultimo, an debitor donans creditori immemor sui debiti, a restitutione excusetur? Negant Sanch. Laym. Bonac., etc. quia (ut aiunt) non potest una solutio satisfieri duabus obligationibus, uni ex titulo iustitiae, alteri ex titulo gratuito. Sed affirmant Card. Rodriguez

(4) n. 701. et 702. (5) n. 706.

Mazzotta et La-Croix, cum Rebellio ac aliis, quorum sententia satis est probabilis, semper ac certe praesumitur quod debitor, si debiti fuisset memor, nequaquam donasset. Ratio est, quia semper censetur quisque, cum dat bona sua, velle potius satisfacere obligationi iustitiae, quam voluntati donandi, sive obligationi factae donationis, quae cum facta fuerit per errorem, sive per debiti oblivionem, quae dedit causam donationi, manet rescindibilis ab eodem donante, qui in conscientia non tenetur ad eam implendam; nam in quovis homine supponitur tacita mens non velle se obligare, ubi deceptus invenitur (1). Nec obstat 1. quod in contractibus non attenditur voluntas interpretativa, seu conditionalis, sed actualis; quoniam in nostro casu non intelligitur facta satisfactio primae obligationi per voluntatem interpretativam, sed per voluntatem actualem ab initio habitam a debitore satisfaciendi debitum quod contrahebat; quae voluntas habitualiter perseverat semper ac non revocatur; et haec voluntas debet praevalere, tanquam anterior et magis urgens; idque probatur ab iis quae scribunt ipsimet adversarii in similibus casibus (2). Nec obstat 2. quod debitum certum nequit compensari cum satisfactione probabilis, quia hoc procedit, cum debitum est certum et solutio est tantum probabilis: sed in casu nostro habetur, quod debitum est certum et satisfactio sive datio debiti compensativa etiam est certa quapropter aequalitas iam ponitur. Stante igitur ex una parte debiti oblivione, quae causam dedit donationi, redditque eam aut nullam, aut saltem rescindibilem ab eodem donante; et ex alia parte praesumpta satisfactione obligationis iustitiae per voluntatem perseverantem debitoris illam satisfaciendi; in hoc casu redditur dubia lex sive obligatio satisfaciendi duobus oneribus iustitiae et

donationis; et cum huiusmodi lex sit dubia, ipsa non obligat, iuxta id quod dictum est in *Tract. 1. ex n. 15 et 32*.

Idem autem quod dicitur hic de debito procedit de votis; quapropter si quis aliquid edidit votum, et postea implet operam promissam immemor voti, non tenetur iterum implere, semper ac pro certo praesumere potest quod, si memor voti fuisset, pro eo operam impletam applicasset. Idque communiter docent Suarez Azor. Bonac. Lessius Laym. Sanch., etc. quia tunc votum impletur per illam primam voluntatem habitam in principio, cum votum fuit emissum. Idemque dicunt ipsimet aa. de obligatione implendi poenitentiam sacramentalem (3).

CAPUT IV. DE CONTRACTIBUS

PUNCTUM I. *De contractu in genere.*

121. *Quot modis constituuntur contractus.*

122. *Qui contrahit sine animo contrahendi, aut se obligandi.*

123. *De contractibus turpibus.*

124. *De contractibus initis dolo, aut errore.*

125. *Metu.*

126. *Sine solemnitatibus.*

121. Contractus quatuor modis constituitur: 1. solo consensu, ut venditio, locatio, etc. 2. solis verbis, ut stipulatio, 3. scriptura, ut census, 4. traditione, ut donatio, mutuum, depositum, et commodatum (4).

122. Notandum 1. si quis externe contrahit, sed sine animo contrahendi, non remanere eum obligatum (nisi esset quia alter contrahentium, cum contractus esset onerosus, iam partem suam adimplevisset, ut dictum est in hoc *Tract. n. 93*). Et qui contraheret sine animo se obligandi, probabiliter ne obligatus quidem remaneret (5).

123. Notandum 2. contractus turpes, v. g. grassationis, fornicationis, etc. antequam effectum habeat delictum, cum ipsi sint omnino irriti,

(4) n. 708. (5) n. 710. et l. 6 n. 833.

(1) L. 3. n. 700. v. Quaer. 2. (2) ibid.

(3) n. 700. v. Limitant vero.

non obligare; sed eo patrato, communior et probabilior sententia, quam tenent Sot. Caiet. Less. Sanch. Lug. Mol. Salm. Croix, etc. (quamvis opposita Adriani Comitoli et Tournely etiam sit satis probabilis) docet teneri solvere pretium promittentem, et recipientem non teneri illud restituere, tum ratione superius allata, quod cum alter contrahentium partem suam posuit, alter tenetur ponere suam; tum etiam quia opus malum iam positum, licet non sit dignum pretio uti malum, est tamen aestimabile ut utile uni, et onerosum alteri, id ponenti (1). Vide quod dicitur *Tract.* 13. n. 67. Si quis autem donum aliquod mulieri traderet ad copulam extorquendam, non posset illa, copula non concessa, donum retinere; secus vero si donum datum fuisset ad voluntatem mulieris eliciendam (2).

124. Notandum 3. contractum dolo, aut errore circa substantiam initum esse invalidum, licet error non dedisset causam contractui, nempe cum, etiamsi pars errorem cognovisset, etiam contraxisset. Contra cum error est circa qualitatem rei, et causam contractui non dedit, ille certe est validus. Sed si error fuisset circa solam qualitatem, et contractui causam dedisset, nonnulli dd. dicunt esse nullum; sed communis et valde probabilior sententia vult esse validum, nam talis contractus non potest dici invalidus, nec lege naturae, cum iam adest plenus consensus circa substantiam: nec lege positiva, ut constat ex textu Iustiniani, *Instit.* l. 4. tit. 13. *de except.* ubi declaratur validus talis contractus, licet detur actio parti deceptae illum rescindendi. Sed hoc non obstante, quando error fuisset invincibilis, et res adhuc esset integra, probabile est cum Less. Laym. Castrop. etc. deceptum non teneri in conscientia stare contractui, cum omnium contrahentium mens tacita ea

sit, ut nolint se obligare iis contractibus in quibus decipiuntur (3).

125. Notandum 4. contractus metu initos (modo metus sit gravis, et iniustus) similiter posse rescindi non solum a iudice, sed etiam propria auctoritate partis metum passae; et hoc etiamsi res in manus tertii possessoris bonae fidei transiverit. Et si unquam pars laesa peteret contractum rescindere, et altera renueret, potest tunc sibi compensare damnum quod passa est (4). Caeterum huiusmodi contractus ex se sunt validi, licet essent gratuiti, iuxta sententiam communissimam et probabiliorum, quam tenent Less. Azor. Lugo Salmant. et alii multi (5). Nihilominus excipiuntur 1. matrimonium (et etiam sponsalia ut dicitur *Tractatu* 18. n. 3.); 2. professio religiosa; 3. votum; 4. promissio, aut traditio rei ecclesiae; 5. electio praelati; 6. auctoritas tutoris metu extorta; 7. iurisdictio ecclesiastica metu acquisita; 8. absolutio a censuris; 9. renunciatio beneficiorum. Loquendo autem de aliis contractibus, iam dictum est quod metum patiens actionem habet rescindendi contractum: intelligitur quando metus est gravis, non autem cum est levis iuxta probabilior sententiam; licet oppositam Soti Navar. Lessii Sanch. Castrop. Salm. etc. non iudicamus improbabilem, sed semper excipiunt hi dd. matrimonium, et professionem religiosam, quae irritari non possunt ob metus levis incussionem (6).

126. Quaeritur autem inter dd. an liget in conscientia contractus sine debitis solemnitatibus celebratus? Multi affirmant, ut Sot. s. Antonin. Sa Mol. etc. dicentes legem humanam auferre quidem actionem in huiusmodi contractibus, non autem naturalem obligationem, pro qua sufficit solus consensus. Multi alii vero id negant, ut Less. Lugo Bonac. Salm. etc. et dicunt legem humanam, ut fraudum

(1) lib. 3. n. 712. (2) ibid. quaer. 2. (3) n. 714. v. Contractus et 715.

(4) n. 717. et seqq. (5) n. 716.

(6) n. 716. v. Excipe tamen. et seqq.

periculo occurrat, bene posse etiam naturale debitum auferre. Sed cum utraque sententia sit probabilis, puto in praxi omnino amplectendam esse tertiam sententiam Sanch. Cabass. Bann. Beiae etc. (cui adhaeret etiam Sot.) nempe cum ei tale sit dubium, praefendum esse possessorem, donec a iudice non sit damnatus ad restituendum.

PUNCTUM II.

De promissione et donatione

127. *De promissione.*
128. *Quis non potest donare; et si quis recipit dona a debitis gravato.*
129. *De donationibus inter coniuges, et patres, et filios.*
130. *De donatione non acceptata; et si per nuncium, aut per litteras facta est.*
131. *Si est pro causa pia; et an haeres possit acceptare.*
132. *Traditio; adimplementum; donatio prodiga; causa finalis.*
133. *Causa ut donationes revocari possint praesertim si sint inofficiosae.*
134. *De donatione causa mortis.*

127. Quoad promissionem, probabile est simplicem promissionem, nisi adfuerit expressa voluntas sub gravi se obligandi, non obligare nisi ad culpam levem, dum talis promissio non iam obligat ex iustitia, sed ex sola fidelitate sive honestate, ut dicit s. Thomas (1); et huius sententiae sunt etiam Caiet. Bann. Ledesm. Henriq. et Salm. cum aliis (2). Certum est autem omnino non obligare, quando res promissa redditur aut nimis nociva, aut impossibilis, aut illicita, aut inutilis, aut quoties talis rerum mutatio superveniat, ut si praevisa fuisset, promissio non fuisset facta; ita expresse s. Thomas (3) et alii communiter (4).

128. Quoad donationem, multa notanda sunt. Notandum I. impeditas esse donando sequentes personas: 1. ratione carentes; 2. muti et surdi a

(1) 2. 2. q. 88. a. 3. ad 1. (2) lib. 3. n. 720. v. In hac. (3) 2. 2. q. 110. a. 3. ad 5. et l. 3. n. 720. v. Notandum. (4) ib.

nativitate; 3. pupilli et impuberes (nisi ad piam causam); 4. morte damnati; 5. communitatum administratores, nisi donationes sint remuneratoriae, et eleemosynae (5). Praeterea non possunt donare aere alieno gravati; et advertendum eos qui dona ab huiusmodi recipiunt, teneri ad restituendum, si debitores iis donis impotentes fierent creditoribus solvendo; quia huiusmodi donatarii recipiendo sunt causa positiva damni creditoris quandoquidem contractus donationis non perficitur sola donantis voluntate, sed etiam acceptantis; unde ipsi, tanquam causa positiva damni creditoris ad restitutionem tenentur (6).

129. Notandum II. donationes inter coniuges non valere, nisi confirmatae sint iuramento, aut donantis morte, postquam in vita doni traditio facta est. Sunt tamen validae si factae sunt causa mortis, et si sunt remuneratoriae; aut factae a viro qui est prodigus, aut ab uxore ut vir aliquam obtineat dignitatem (7). Idem quod est inter coniuges, dicitur de donationibus patris factis filiis familiaribus. Est valida tamen si talis donatio facta est causa matrimonii, aut studiorum (et tunc non praesumitur pater velle, ut res donata in legitimam computetur); aut si filius est tantum naturalis, aut si pater donat fructus peculii adventitii (8).

130. Notandum III. donationem ante acceptationem obligationem aliquam non parere (nisi facta esset infanti, tunc enim pro ipsis acceptat lex). Ratio est quia nulla obligatio potest inter partes sine mutuo eorum consensu contrahi. Ita ex *L. si quis argumentum*, § *Si autem, c. de donat. contra L. Absenti ff. eod. tit.* (9). Vide etiam de *Franchis* Dec. 339. Et hoc procedit, etiamsi donatio esset iuramento firmata (10); dum iuramentum actus naturam sequitur, nempe donationis, quae per se est revocabilis, quoties non est acceptata. Hinc est (5) n. 721. (6) n. 722. (7) n. 723. (8) n. 724. (9) n. 725. (10) n. 727.

quod si donatio facta es. per nuntium, illa potest revocari, usquedum coram ipso nuntio acceptata non sit; et si literis facta est, usquedum acceptationis responsio non refertur ad donantem (1). Ideoque eo casu iuxta probabiliorum Lopez Tiraquel. Decii et aliorum, donatarius non potest talem donationem acceptare, si certior post donantis mortem fiat; quia tunc coniungi non potest (ut dictum est) consensus donantis cum illo donatarii, ut contractus validus fiat. Et iuxta hancsententiam, si nuntius culpa sua rem donatam non attulit donatario, aut donationem sibi commissam non executus est, ipse tenebitur post donantis mortem non solum ad restituendum rem haeredibus, sed etiam damnum illatum donatario. Sed hoc non obstante, non iudico improbabile contrarium, quod tenent Less. Lugo Sanch. Salm. et Viva, qui dicunt donatarium etiam post donantis mortem posse acceptare donationem, ex eo quia donantis voluntas in literis aut in nuntio misso, aut in legatione huic data donationem faciendi, virtualiter perseverat. Et posito quod utraque sententia sit probabilis, dico quod si donatarius bona fide accepit donationem, et rem donatam iam accepit, licite potest eam retinere. Et tanto magis, si tunc cum donatio acceptatur, nec nuntius nec donatarius donantis mortis sunt conscii, quia tunc acceptatio est certe valida, ut dicunt Sanch. Lugo et Salmant. ex *L. Inter causas ff. Mandati* etc. Contra donatarius tenetur ad restitutionem si rem mala aut dubia fide recepit; cum iuxta dicta n. 8. *huius Tractatus*, et in opere (2), cum dubio etiam positivo, aut cum opinione probabiliter legitima possessio acquiri non possit (3).

131. Quod autem supra dictum est, nempe quod donatio ante acceptationem non obligat, hoc currit etiam si

- (1) L. 3. n. 728. (2) n. 729. et 730. (3) *ibid.* et 761. v. *Quaer.* 2. (4) n. 726. (5) n. 731. (6) n. 734. et 736. (7) n.

facta sit ad pias causas (advertendum tamen donationes pias a quolibet acceptari posse); ita probabilius docent Sanch. Castrop. Covar. Rebel. Salm. etc. Sed excipitur si donatio directe est facta Deo, quia tunc est votum; et in dubio praesumitur esse votum in quo probabile est posse Episcopum dispensare, licet donatio acceptata sit ex parte piae causae (4). Sed si donatarius (loquendo generaliter de omni donatione) decesserit ante acceptationem, quaeritur an possit haeres eam acceptare; affirmant Molin. Suarez. Sanch. etc. sed probabilius id negant Less. Castrop. Salm. et Rebel. quia haeres in omnia defuncti iura realia, non autem personalia, ut est hoc, succedit (5).

132. Notandum IV. dominium rei donatae non acquiri, nisi post traditionem. V. Donationem principaliter factam ut donatarium obliget ad aliquod, illa erit irrita, si per donatarium stet, quin finis adimpleatur. Secus autem, si facta est ad allicendum eum ad aliquod praestandum (6). VI. Donationem prodigam non esse validam (7). VII. Donationem factam ob causam praesentem, aut praeteritam non esse validam, si deest causa primaria: secus si deest secundaria (8).

133. Notandum VIII. quod donatio inter vivos multis de causis revocari potest. 1. Ob enormem donatarii ingratitudinem (9): 2. si donanti proles orta est, qua prius carebat: intelligitur cum donatio de magna bonorum parte fuisset, et cum fit extraneis; quia si fuisset in alicuius ascendentis beneficium facta, aut ad causas pias, tunc potest solum revocari in quantum est necessarium, ut filii suam habeant legitimam (10). An autem, quia nascuntur alii filii, possit pater donationem revocare, probabile est eum posse, licet negent alii. Sed si pater eam non revocat, non potest a filiis revocari (11); 3. si do-

735. et fusius l. 6. n. 851. v. Cum autem. (8) l. 3. n. 737. (9) n. 738. (10) n. 739. (11) n. 740 ad & in fine.

natio est inofficiosa, nempe si laedit filios in legitima; et tunc si facta est extraneis a patre animo pravo, in totum revocatur; sed si sine tali animo, aut est facta aliis filiis, revocatur solum in partem. Donatarius attamen nihil tenetur restituere ante iudicis sententiam. An autem possit laedi filiorum legitima applicando bona in opera pia, permittunt Navar. Card. Rodriq. Lop. Veg. etc. modo restent filiis alimenta. Sed id negant Sanch. Less. Salm. Conc. etc., et haec sententia videtur probabilior, quia leges civiles observari debent, ubi a iure canonico non sunt correctae, ut diximus *Tr.* 2. n. 14. 15. et 35. (1).

154. Notandum denique omnes donationes causa mortis usque ad mortem esse revocabiles. Et supponuntur factae causa mortis, quoties a donante factae sunt aut pro tempore post suam mortem, aut ad suae mortis considerationem. In dubio autem intelliguntur factae inter vivos, adeoque irrevocabiles (2). Donationes causa mortis cum sunt factae absentibus, non valent, nisi destinetur nuntius, aut epistola; sed si adsunt testes, valent ut fideicommissa (3).

PUNCTUM III.

De commodato precario et deposito

135. *De commodato et precario.*

136. *De deposito.*

137. *An debeat praeservari res domino.*

138. *In quibus casibus depositarius teneatur restituere.*

135. Hic pauca adnotanda habemus. *Commodatum* est cum aliquod ad usum praestatur ad tempus determinatum. *Precarium* est cum conceditur donec dominus illud repetat, et hoc precarium cessat morte illius, qui illud recipit, non autem morte dantis, donec per haeredes non repetatur. *Commodatum* autem non potest repeti ante tempus determinatum, nisi esset quod aliter commodans damnum pateretur. *Expensae ordinariae*

(1) L. 3. n. 740. (2) n. 741. (3) n. 742. (4) n. 744. et 745. (5) n. 746. et

in commodato fieri debent a commodatario, extraordinariae a commodante (4).

136. *Depositum* autem est cum datur aliquid custodiendum; unde depositarius non potest illo uti, sine domini saltem praesumpta voluntate; secus tenetur restituere ususvalorem, si res non sit usu consumptibilis (5).

137. Notandum hic primo: in casu incendii, naufragii, etc. depositarius non tenetur depositi conservationem suis bonis praeferre, nisi esset res multo pretantior suae quia tunc debet praeferre depositum: sed potest sibi rei suae valorem compensare: contra commodatarius semper tenetur praeferre rei sibi in usum concessae conservationem, aliter saltem tenetur dominum de pretio facere indemnem (6). An autem commodatarius, aut depositarius teneatur ad restitutionem, si res periret culpa sua, non iam theologica, sed tantum iuridica, probabile est non teneri ad restitutionem, ut dicunt Lugo Cabass. Ronc. et Salm. (7): vide dicta hic n. 41.

138. Notandum 2. quod depositarius non tenetur ad restituendum depositum, si certe scit rem esse furtivam, aut si ipse haberet certam sibi compensandi causam: aut si prudenter timeret, ne dominus ea abusus esset contra iustitiam (ut gladio ad inimicum interficiendum) aut etiam contra charitatem ut dicit Less. cum s. Thoma (8), contra Sanch. et Bonac. (9).

PUNCTUM IV. *De mutuo et usura.*

139. *De mutuo, et quando debet restitui.*

140. *De mutuo minoribus concesso.*

141. *De concesso filiis; milias.*

142. *De usura.*

143. *De mutuo dato sub spe lucri.*

144. *De lucro gratis oblato.*

145. *De oblato ex timore, etc.*

146. *De pacto non repetendi so. rem, nisi intra tempus longum.*

147. *De damno emergente.*

148. *De lucro cessante.*

748. (6) n. 752. (7) n. 749 (8) 2.2. q. 62. 5. ad 1. (9) n. 753.

149. *Conditiones, 1. ut mutuatarius admonitus sit.*

150. *2. ne ultra spem exigatur.*

151. *3. Ut mutuum sit causa damni et lucri cessantis.*

152. *An damnum, aut lucrum debeat esse certum.*

153. *et 154. De periculo.*

155. *De montibus pietatis.*

156. *et 157. De poena conventionali.*

158. *An ut exigatur benevolentia, etc.*

159. *De pactis obligatoriis, etc.*

160. *De pacto restituendi in eadem quantitate.*

161. *De praestando quod debetur ex iustitia aut charitate.*

162. *Obligatio usurariorum et haeredum*

163. *et 164. De cooperatoribus.*

139. Loquendo de mutuo, mutuum est cum datur res usu consumptibilis obligatione restituendi eam tempore praefixo in eadem specie, et bonitate. Sed si tempus non est praefixum, restituenda est cum exposcitur (elapso tamen aliquo convenienti spatio); imo restitui debet etiam non requisita, si a mutuante aut ob oblivionem, aut observantiam, aut loci distantiam, non exposcitur (1).

140. Notandum hic 1. quod mutuum datum universitati minori, et Ecclesiae, aut ad aliam piam causam non potest repeti, nisi probetur illud in eorum utilitatem esse impensum: excipitur, si daretur alicui ecclesiae cum Praelati et capituli consensu (2).

141. Notandum 2. filiosfamilias, qui non habent bona castrensia aut quasi, non teneri ad restituendam pecuniam mutuo acceptam. *L. I. C. de S. C. Maced.* Et hoc non solum valet pro foro externo, sed etiam interno conscientiae; excepto si cum iuramento de satisfactione se obligasset (quod iuramentum potest caeteroquin a Superiore ecclesiastico relaxari); sed in casu quo sciente et non contradicente patre accepissent, aut si mutuum in patris utilitatem impensum esset, nempe in ea quae ille praestare filio debuisset, tunc pater tenetur ad satisfaciendum (3). Hoc

(1) 1. 3. n. 754. et 753. (2) n. 756.

(3) n. 757. (4) n. 758. et 759.

tamen quod dictum est de pecunia, non procedit pro re mutuo accepta a filiosfamilias. Nec aliud de mutuo dicendum restat.

142. Loquendo de usura, usura est lucrum proveniens ex mutuo ob usum rei mutuo datae. Illa tum lege positiva, tum naturali est illicita: nam in aliis rebus usus est distinctus a dominio, sed in rebus consumptibilibus usus non distinguitur a dominio, dum usus rei destructionem importat, ideoque cum in mutuo dominium necessario in mutuatarium transfertur, si mutuans aliquid lucri exigeret, ex re non amplius sua, et ex sterili, ut est pecunia, frumentum, etc. exigeret (4).

143. Itaque ex mera mutui ratione nullum lucrum exigi potest. Imo ne licet quidem mutuum dare cum spe alicuius lucri; et licet s. Thomas (5) videtur admittere expectationem alicuius lucri, cum lucrum expectatur aut exigitur non ex pacti debito, sed ex benevolentia; hoc tamen dicimus intelligi debere cum mutuum principaliter datur ad benevolentiam expiscandam, et minus principaliter aliquid lucrum speratur. Sed principaliter mutuum dare ob lucri spem (licet sperati ob meram benevolentiam), ut esset si alias sine tali spe mutuum non daretur, dicimus omnino non licere, cum evangelium dicat:

Mutuum date, nihil inde sperantes. Lucae 6. 35. Et hoc est expressum in *cap. Consuluit. de usur.* ubi dicitur usurarius, qui mutuo dat animo lucrandi, licet sine pacto, *alias non traditurus* (verba sunt textus); et ibi adducuntur pariter verba quae mox retulimus ex Evangelio (6). Et notetur hic prop. 42. damnata ab Innoc. XI. quae dicebat: *Usura non est, dum ultra sortem exigitur aliquid tamquam ex benevolentia debitum.* Propositio merito reprobata, quia benevolentia nunquam obligare potest ad lucrum praestandum, cum mul-

(5) 2. 2. q. 78. a. 2. ad 3.

(6) *id. ibid.*

tis aliis modis exhiberi possit (1).

144. Sed si mutuatarius daret aliquid mere gratis, bene potest a mutuantem retineri. Sed quid dicendum in casu, quo dubitatur an mutuatarius gratis dederit, an ut mutui pretium? Respondetur, quando mutuans bona fide recepit, et postea superveniente dubio non potest certus fieri, tunc potest licite illud sibi retinere. Secus autem si iam recepit in dubio (quicquid dicant alii), quia cum dubio nemo legitime potest possessionem inchoare (2). Caeterum si mutuatarius non esset pauper, nec illiberabilis, nec dedisset motus ab aliqua mutuantis efflagitatione, sive minis, tunc praesumi potest illum gratis dedisse; praesertim si dedit post sortis mutui datae redditionem (3).

145. Dicunt multi dd. ut Laym. Sot. Lugo Castrop. Salmant. et alii, quod si mutuatarius ultra sortem dederit aliquid, ne videretur ingrati animi, aut ne deinceps sibi denegaretur mutuum, bene potest mutuans illud retinere; quia mutuatarius ad praestandum illud donum non inducitur ab aliqua extrinseca mutuantis actione, sed tantum ex motivis suis intrinsicis, quae omnia spontaneam efficiunt illam donationem (4).

146. Hic notanda propos. 42. ex damnatis ab Alexand. VII. quae dicebat: *Licetum est mutuantem aliquid ultra sortem exigere, si se obliget ad non repetendam sortem usque ad certum tempus*. In mutuo est intrinseca obligatio, ut mutuans expectet restitutionem sortis pro aliquo tempore. Sed si mutuans se obligaret expectare ad tempus longum et extraordinarium (v. g. ad tres, vel quatuor annos), dicunt Sporor Medina Serra Ledes. Trullench. et Henric. posse tunc illum exigere aliquid, quia talis obligatio est extrinseca mutuo, adeoque digna pretio; saltem quia

(dicunt Salm. cum Prado Bannez Aragona etc.) mutuans se obligando tantum temporis expectare, est moraliter impossibile, ut aliquod damnum aut incommodum notabile non patiatur. Et si potest quis licite aliquid exigere, si se obligat ad dandum mutuum intra longum tempus, ut dicit Molina, cum communi, cur non potest qui se obligat ad non repetendum suum, nisi post tempus extraordinarium (5)?

147. Quatuor sunt tituli ordinarii propter quos mutuans potest aliquid ultra sortem exigere. I. Titulus est *damnum emergens*, quod mutuans mutui causa patitur, tunc enim, ut dicit s. Thomas (6), non est quod ille vendit usum pecuniae, sed indemnem se reddit in damno passo (7).

148. II. Titulus est *lucrum cessans*, nempe illud quod mutuantem non obvenit ob mutuum. De iustitia huius tituli sunt qui dubitant, sed immerito, dum communiter illud probatur apud dd. et etiam s. Thomam (8), qui dicit duobus modis posse aliquem damnificari, aut si impeditur a consecutione alicuius boni, quod iam iam consecuturus erat, aut si privatur illo quod iam habet. Et licet Angelicus alibi (9) dicat non posse mutuantem convenire de lucro sperato, quia non potest vendere quod adhuc non habet; attamen sapienter advertit doctus Sylvius (10) hoc debere intelligi, quod mutuans non potest exigere totum lucrum, quod speratur, sed tantum valorem spei. Sed de hoc titulo hodie non est amplius dubitandum, cum Benedictus XIV. in Bulla *Vix pervenit* declaraverit, unum ex iustis titulis exigendi aliquid a mutuo, esse lucrum cessans, nempe (ut in Bulla se explicat) si pecunia aliter impensa fuisset, sive ad *proventus annuos conquirendos, sive etiam ad licitam negotiationem exercendam honestaque lucra percipienda* (11).

(1) l. 3. n. 762. (2) n. 761. v. quaer. 2. (3) ibid. (4) n. 763. (5) n. 760. (6) 2. 2. 78. a. 2. ad 1. (7) n. 763.

(8) 2. 2. q. 62. a. 4. (9) 2. 2. qu. 78. a. 2. ad 1. (10) 2. 2. q. 77. a. 1. Quaer. 5. (11) n. 768.

149. Nihilominus, ut hoc lucrum exigatur ratione damni emergentis aut lucri cessantis, tres requiruntur conditiones. *Prima* ut pactum lucri praecedat contractum (excepto si mutuans cogeretur invitus mutuari, aut si mutuatarius, elapso tempore, non restitueret mutuum); et praeterea ut mutuatarius etiam ante contractum sit admonitus de praefato titulo. Nec sufficit praesumere quod ille consensurus fuisset lucro promisso, si de iusto titulo certior factus esset: quia ad contractum non sufficit voluntas interpretativa, sed requiritur actualis. Attamen si contrahentes consentirent contractui omni meliori modo, quo iniri potest, tunc probabiliter dicunt Less. Tourn. Salm. et Croix quod potest exigi lucrum promissum. Caeterum Bened. XIV. in praefata Bulla haec praescribit: « Qui ab omni usurae labe » se immunes praestare volunt, ad » monendi sunt, ut contractum in » stituendum ante declarent, et con » ditiones inserendas explicent, et » quem fructum ex pecunia postu » lent (1).

150. *Secunda* conditio est ut ratione lucri cessantis non exigatur ultra valorem spei lucri sperati, deductis expensis, et pretio laboris, quem impensurus fuisset ut tale lucrum exigetur: non iam ex toto, sed ex parte, nempe quantum mutuans aliis soluturus fuisset ut liberaretur ab ipso labore (2).

151. *Tertia* conditio est ut mutuum sit vera causa damni, aut cessationis lucri; nam si mutuans illud lucrum alia pecunia sibi fecisset, aut alia industria, cui vacare non potuisset illam pecuniam in negotiationem applicando, tunc nihil potest exigere. Sed si mutuans daret mutuo pecuniam negotiationi destinata, nec illi esset animus aliam pecuniam pro familiae opportunitatibus, aut pro alio fine reservatam, in illius locum suf-

ficere, tunc probabiliter potest exigere lucrum cessans pecuniae mutuo datae, ut dicunt Less. Lug. Laym. Castr. Valent. Salm. etc., quia tunc revera mutuatio est causa cur cesset lucrum speratum a pecunia; nec mutuans tenetur in mutuarii gratiam negotiationi exponere pecuniam illi non destinata, sed aliis suis finibus. Ego tamen hoc non admitterem in casu quo mutuanti, cum mutuum dat, esset animus substituendi negotiationi illam pecuniam reservatam (3).

152. Addit P. Concina his tribus conditionibus quartam, nimirum ut damnum aut lucrum sit certum: nempe quod paratae sint lucrandi occasiones. Sed melius dicunt communiter cum Sylvio Navarro Mald. Tap. Salas. Decoquer Salm. etc. quod bene potest in pactum deduci lucrum solvendum ob illos titulos incertos, modo sint probabiles et modo non exigatur ultra valorem periculi damni, aut spei lucri, dum subiaceret illi periculo damni incerti, et privare se spe lucri incerti utique sunt digna pretio (4).

153. III. Titulus est periculum amittendi sortem. Hic titulus est valde nonnullis decertatus; sed communiter, et merito admittitur etiam ab auctoribus probabilioristis, prout sunt Fagnanus Petroc. Cabassut. Tourn. Wigandt ultra Silvest. Sylv. Less. Mol. Lug. Salmant. et alios, dummodo periculum sit extraordinarium, non autem commune. Ratio est, quia suscipere tale periculum est certe dignum pretio, ut docet s. Thom. (5), qui dicit: *Res extra periculum plus aestimatur, quam existens in periculo*. Et hoc confirmatur ab eo quod expressum fuit a Conc. Lateran. sub Leone X. sess. 10. ubi damnatum fuit recipere aliquid ex mutuo; dummodo (nota) non esset periculum sortis, aut expensae, ut illa recuperetur, dicente Concilio lucrum quod exigitur tunc esse usuram, *quando nullo sumptu, nullove periculo conquiri stu-*

(1) L. 3. n. 769. et 773. (3) n. 769. v. 2. Conditio. (3) n. 771. (4) n. 770.

(5) Opusc. 72. c. 6.

detur. Confirmatur etiam ex declaratione S. C. de propaganda fide approbata ab Innoc. X. et relata a pluribus gravibus aa., nimirum a Cabass. Tournely La Croix Bancel et primo ab Hurtado, qui authenticum exemplar manu notarii apostolici firmatum adducit; in illa dictum fuit posse ex mutuo peti lucrum ultra sortem, ratione periculi probabiliter imminuentis (1).

154. Opponent adversarii textum in cap. *Naviganti de usur.* ubi legitur quod pactum exigendi aliquid praeter sortem habendum est usurarium, quando mutuans suscipit supra se sortis periculum; verba textus haec sunt: *Eo quod (mutuans) suscipit in se periculum, usurarius censendus est.* Sed respond. 1. a multis quod in textu citato praesumitur ex errore sublata fuisse particula *non*, quae praecedebat verbum *censendus*; ita valde probabiliter Tourn. Cabass. Laym. Castrop., etc. ratione accepta ex contextu verborum immediate subsequen-
tium: *Ille quoque... non debet ex hoc usurarius reputari*, etc. loquendo de alio casu: caeteroquin hoc non cohaereret cum verbis praecedentibus *usurarius censendus est.* Sed (de hoc quicquid sit) respondetur 2. cum Fagnano, quod hoc valet pro foro externo, quod praesumit in tali contractu animum usurarium, non autem pro interno. Respond. 3. hoc currere quando mutuans vi ipsius mutui vellet obligare mutuatarium ad transigendum huiusmodi periculum, nam si mutuatarius offerret cautionem, mutuans teneretur eam acceptare; non autem cum non intendit eum obligare (2).

155. Hic scire iuvat ab eodem Conc. Lat. adducto approbatos fuisse *montes nuncupatos pietatis*, in quibus exigitur certum lucrum ultra sortem propter expensas officialium montis, et ob pignorum conservationem, quae veneunt elapso tempore praefixo mu-

(1) lib. 3. n. 765. (2) n. 765. v. Obiiciunt 2. (3) n. 765. v. Circa.

tui restitutioni, et quod residuum est redditur dominis, si inveniuntur, alias applicantur pauperibus, aut in ipsius montis augmentum. Dicunt nonnulli mutua huius montis non debere dari, nisi pauperibus, ne postea decisset unde auxilietur pauperibus, in quorum gratiam praesertim huiusmodi montes instituti sunt (3).

156. IV. Titulus est *poena conventionalis*, nempe pactum, quod si mutuatarius non satisfacit solutioni intra tempus praedefinitum solvenda ei erit aliqua summa ultra sortem. Hic titulus etiam communiter censetur iustus a Soto Less. Tournely Cabas. Henriquez de s. Ignatio Wig. Salmant., etc.; talis enim poena non imponitur, nec imponenda est fine lucrandi, sed fine reddendi vigilem mutuatarium redditioni in praefinito tempore. Ut tamen talis poena exigatur, tres requiruntur conditiones: 1. ut dilatio mutuatarii in reddendo sortem tempore praefinito sit notabilis et culpabilis; 2. ut poena sit moderata, et culpae proportionata; 3. ut mutuatarius se obliget ad reddendam sortem tempore, quo vero possit ille eam restituere, alias pactum aestimatur usurarium (4).

157. Dubitatur autem an praefata poena debeatur ante sententiam iudicis? Alii negant; sed probabilius affirmant Less. Tournel. Silvest. Salmant., etc., quia talis poena induit pacti rationem, non poenae (5). Et hic advertendum quod pactum nuncupatum *legis commissoriae*, nempe quod si non reddatur termino praefixo mutuum, pignus in totum abdicatur mutuant, hoc pactum solum cohonestari potest, si appositum fuisset tamquam poena conventionalis cum conditionibus supra expressis; caeterum per se loquendo, esset usurarium, et mutuans, pacto non obstante, deberet restituere totum superfluum pignoris ultra sortem, et praeterea fructus a pignore perceptos, si illud est fructiferum; ideoque pa-

(4) n. 766 (5) n. 767.

ctum, ut a mutuante exigantur fructus fundi pignori dati, nuncupatum *antichriseos* (vulgo *a godere*), per se est illicitum. Excipitur si tale pignus fuisset datum pro dote promissa (sed non adhuc constituta), ad sufferenda matrimonii onera (1).

158. Ad dignoscenda quatenus pacta licita sint in mutuo, oportet attendere regulam traditam a s. Thoma (2), nempe omne onus quod imponitur dignum pretio, esse usuram; non autem, si exigitur aliquod quod pecunia non acquiritur, ut est benevolentia (3); modo non exigitur aliquod beneficium in particulari, tanquam debitum illi benevolentiae, aut gratitudini, cum damnata sit propositio 42. ab Innocent. XI. quae dicebat non esse usuram exigere aliquid, *tamquam ex benevolentia et gratitudine debitum*, ut esset v. g. si mutuans obligasset mutuatarium ad ei conferendum aliquod officium; ratio est, quia gratitudo potest multis aliis modis exhiberi, ut laudando, honore afficiendo benefactorem, etc. Quare debitum reddendi aliquod in particulari est onus pretio aestimabile, adeoque usura.

159. Ita etiam est illicitum obligare mutuatarium ad emenda in posterum a mutuante necessaria, aut locandam illi domum, ad vendendum frumentum, ad mutuandam pecuniam, aut id simile. Dictum est *in posterum*, quia exquirere a mutuatorio haec eodem tempore quo ille petit mutuum, hoc non est illicitum, ut docet s. Thomas cum aliis communiter (4).

160. Est illicitum etiam pactum, ut pro pecunia aut alia re mutuo data, reddatur alia rei species, quia hoc onus etiam esset pretio aestimabile. Hic autem dubitatur, an sit licitum pactum, ut reddatur res mutuo data certo tempore in eadem specie, et quantitate? v. g. si datur mutuo frumentum mense Augusti cum pacto,

(1) L. 3. n. 775. et 776. (2) 2. 2. q. 78. a. 2. (3) n. 774. (4) n. 780. et 781.

ut restituatur in eadem quantitate mense Maio? Respondetur, quando dubium est aequale, quod mense Maio frumentum (et idem de caeteris rebus) possit crescere et decrescere, aut si mutuans statuit suum frumentum usque ad Maium conservare, tunc certe licitum est pactum; deductis tamen expensis, aut periculo conservationis. Sed si res non potest pretio decrescere mense Maio, et contra mutuans non erat certo conservaturus (quicquid dicant Less. Salm. Azor. Bonac. etc.), tale pactum est usurarium; nam obligando mutuatarium ad reddendum frumentum Maio, cum pluris valet, dignoscitur animus lucrandi: unde tunc in restituenda sorte deducendus est a sorte valor augmenti. In mutuo autem pecuniae semper licitum est pactum, ut reddatur in eadem specie, saltem si diminutio non est moraliter certa (5).

161. Est commune inter dd. non esse illicitum mutuanti exigere aliquid ex iustitia debitum, v. gr. ut mutuarius cesset a vindicta, aut ab iniusta vexatione, aut ut solvat debitum prius contractum (6). Diximus *ex iustitia debitum*, quia non currit regula, si res erat debita ex charitate. Quare dicimus cum Azor. Bonac. Spor. Salmant. etc. (quicquid dicant p. Concina et alii), quod si detur mutuum medico, aut advocato, qui tenebatur mederi, aut causam defendere ex sola charitate, non licet pacisci, ut ipse teneatur hoc praestare; quia, posito pacto, additur onus iustitiae, quod est dignum pretio (7). Ita etiam dicimus cum Lugo Laym. Bonac. etc. adversus alios, non licere mutuanti obligare mutuatarium ad remittendam offensam, quam deberet ex charitate ei remittere, sed ex iustitia poterat satisfactionem petere (8).

162. Denique loquendo de usurariorum obligatione, et aliorum, qui positive et graviter cooperantur con-

(5) n. 782. (6) n. 774. et n. 777.

(7) ibid.

(8) n. 778.

tra mutuarii voluntatem, ipsi tenentur restituere omnes usuras exactas, non autem accessiones factas ex usuris, quia hic est fructus industriae, qui spectat ad illum qui eam adhibet (1). Probabile est autem haeredes usurariorum non teneri in solidum ad restitutionem usurarum, sed quemlibet pro sua rata, ut deducitur ex c. *Tua nos*. 9. *de usur.* et ex l. I. *Cod. de delict. defunct.* l. 4. tit. 17. (2).

163. Servi usurariorum qui coeperantur in aliquo quod mutuarius non displicet, ut in deferendo pigore, aut pecuniam, aut in tabulas referre, aut amicis verbis usurarum solutionem efflagitare, hi excusantur a restitutione; secus qui firmant chirographum, aut minis, aut aliis mediis cogunt ad solutionem (3).

164. Loquendo denique de iis qui consilium praestant, aut pecuniam exhibent usurario, hi excusantur a restitutione, sicut dicunt Lugo Tol. Silvest. et alii communiter, cum id agunt in mutantis gratiam (4). Deum notandum quod usurarii publici sunt infames, et eorum testamentum est nullum; nec possunt admitti ad Communionem, nec sepeliri in loco sacro; et qui scienter eorum corpora sepulturae reddit, ipso facto est excommunicatus (5).

PUNCTUM V.

De emptione et venditione

- 165. *Determinatio pretii, et rei.*
- 166. *De emptione.*
- 167. *Quando transfertur dominium.*
- 168. *De emptione conditionata.*
- 169. *An periculum et fructus rei spectent semper ad emptorem.*
- 170. *De pacto exigendi fructus usque ad solutionem.*
- 171. *Si emitur pecunia aliena, aut venditur res aliena.*
- 172. *De pretio iusto.*
- 173. *Quomodo pretium crescit aut diminuitur.*
- 174. *De mercibus ultroneis; et quando potest carius vendi.*

(1) l. 3. n. 784. et 792. (2) n. 790 (3) n. 789. (4) n. 785. (5) n. 792 v. 2 Usurarius

- 175. *ad 177. De venditione sub hasta.*
- 178. *An si ob dilationem, vel anticipationem pretii, etc.*
- 179. *De chirographis.*
- 180. *De pacto retrovendendi.*
- 181. *De pacto reemendi.*
- 182. *De contractu mohatrae, et antichriseos.*
- 183. et 184. *De monopolio.*
- 185. *ad 187. De vitio rei.*
- 188. *Qui novit brevi pretium fore, ut crescat aut decrescat, etc.*
- 189. *De venditricibus, et proxenetis*
- 190. *Si res est vendita duobus.*
- 191. *Si res perit, etc.*

165. Notandum I. quod ut contractus venditionis sit validus, requiritur determinatio tam pretii (saltem remissa alicui tertio), quam rei, saltem in mensura, v. g. si venditur vinum talis dolii tanti in singulos cados: aut saltem in spo, ut cum venditur iactus retis (6).

166. Hic quaeritur an, data arrha, possit ille qui eam dedit a contractu resilire? Affirmatur, nam haec est consuetudo. Sed secus esset, si arrha daretur tantum ad maiorem cautelam. Caeterum in dubio recte dicit p. Concina (contra Croix) posso resilire dantem, omissa arrha, quia plerumque omnis contractus intenditur fieri iuxta consuetudinem quae est in usu (7).

167. Notandum II. contractum venditionis perfici solo consensu, dominium vero rei non transferri nisi traditione; imo ne traditione quidem illud transfertur, nisi emptor solvat, aut saltem offerat pretium, aut praestet pignus, aut fideiussionem (vulgo dictam *pieggeria*), aut saltem exhibetur fides sive promissio; ut habetur ex §. *Venditae instit. de rerum divis.* (8), vide dicta n. 107.

168. Notandum III. quod cum emptio est conditionata, adimpleta conditione, contractus fit validus a tempore emptionis, ita ut fructus spectent ad emptorem, excepto si conditio remissa fuisset arbitrio emptoris (9).

(6) n. 794. (7) n. 794. v. quaeritur hic. (8) n. 795. et 796. (9) n. 797.

169. Notandum IV. quod licet periculum et commodum rei plerumque spectet ad dominum rei, nihilominus in emptione rei determinatae, licet res non sit adhuc emptori tradita, aut si est tradita, sed sine fide pretii (in quibus, ut supra dictum est, dominium restat penes venditorem), periculum tamen et commodum sunt emptoris, ut expressum est in sequentibus textibus, §. *Cum autem, 3. institut. de emptione, et vendit. L. Id. quod 7. de peric. et commod. ac L. Post perfectum, 1. c. eod. tit.* Excipitur tamen, si expresse conventum sit contrarium, aut si res non sit tradita, et venditor fuerit in mora, ne traderetur, aut si res sua culpa periit, aut deterior facta sit (1). Sed praeter hos casus exceptos, sicut periculum rei spectat ad emptorem, ita ei debentur fructus illius (2). Et leges civiles oppositae in hoc puncto reprobatae sunt a iure canonico, prout favorabiles lucro usurario, prout dicunt Salm. (3).

170. Dubitatur autem an venditor possit a principio convenire, ut fructus ipse percipiat, donec pretium solvatur; cum iam dominium translatum est rei traditione, et fide pretii? Nonnulli negant, sed communis et probabilior sententia affirmat cum Sanc. Mol. Bonac. Petroc. etc., quia tunc licite potest venditor sibi reservare dominium utile rei, usquedum pretium sit solutum (4).

171. Notandum V. si quis emit aliquid pecunia aliena, sed nomine suo, ex *L. Si eo, de rei vend.* res emptoris est? Excipiunt dd. si pecunia esset alicuius ecclesiae, aut minoris, aut militis (5). Contra si quis vendit rem alienam, licet respectu rei invalida sit venditio, nihilominus acquirit dominium pecuniae. Si ipse vero vendidisset mala fide, teneretur ad omnia damna emptori; si in bona fide, non tenetur nec ad damna, nec

ad evictionem, sed tenetur restituere pretium emptori (cum res iam evictione ad dominum pervenisset), licet pactum intercesserit, ne ad evictionem aliquam teneretur, ut habetur ex *L. Emptorem, §. Qui autem, ff. de actionibus empt.* Excipiunt tamen, 1. si pactum expressum intercesserit de non restituendo pretio; 2. si venditor in nihilo sit factus ditior, quia forte ille dono dedit pretium acceptum; 3. si emptor conscius erat rem fuisse alienam, aut alteri obligatam ex *L. Si fundum c. de evict.* Sed hoc procedit pro foro externo, caeterum in conscientia, si pretium in poenam non est fisco adjudicatum, venditor semper debet illud restituere emptori (6).

172. Notandum VI. quod cum pretium taxatum est a republ. illi debent stare omnes, etiam Ecclesiastici, nisi accideret quod mutarentur circumstantiae, et quod maior civium pars, Superioribus scientibus, taxam non observaret (7). Taxa excepta, quaelibet res habet suum pretium infimum, medium et supremum, et horum quodlibet est iustum. In hoc advertendum 1. quod pretium iudicatur iuxta tempus traditionis rei, et locum ubi venditur. Advertendum 2. pretium rerum pretiosarum, et extraordinariorum habere maiorem latitudinem, quam res viles et ordinariae: sit exemplum huius differentiae: Vinum valet 5, potest emi 4. et 6; si valet 10, potest emi 8. et 12; si centum, 95. et 105. Hoc pro rebus ordinariis; sed loquendo de rebus extraordinariis, et magni pretii, villa quae v. g. vendita est 20. millibus, potest emi 12. millibus (8). Advertendum 3. quod si in pretio adest laesio *ultra dimidium*, pars laesa potest rescindere contractum in iudicio: sed si *infra dimidium*, altera pars etiam tenetur in conscientia ad damnum reficiendum usque ad pretium iustum. Attamen si utraque pars iu.

(1) n. 798. (2) ibid. v. Ita. (3) Tract. 14. c. 2. n. 17. (4) n. 798. v. Diximus. (5) n. 799. (6) Vide Castr. tr. 32. d. 5.

p. 28. §. 1. n. 1. et Salm. tr. 14. c. 2. n. 31. cum aliis. (7) l. 3. n. 803. (8) n. 804.

stum pretium ignoraret, tunc iustum est illud de quo conventum est (1). Advertendum denique, quod communiter non praestatur fides vendentium mendacis; quare plerumque hi ad restitutionem non tenentur, si pretium non excedit supremum, aut nisi adverterent, quod emptores sibi fidem praestiterint (2).

173. Notandum VII. pretium auge-ri aut ob ementium concursus, aut ob mercium penuriam. Et ita contra minuitur, vel ob defectum ementium, vel ob mercium copiam. Haec regula debet praecipuo modo attendi in multis quaestionibus resolvendis, quae postea movebuntur (5). Notandum etiam hic quod communis existimatio regionis, ubi res existit, reddit iustum quodcumque pretium (4).

174. Notandum VIII. quoad emptorem, posse eum minoris infimo emere rem quae sibi parum commoda est, vel si in vendentis gratiam emit. Quare dicunt aliqui merces ultroneas, decrescere pretio usque ad dimidium; sed probabilius iuxta communio-rem sententiam usque ad tertiam partem. Ratio cur merx ultronea decrescit, est quia in huiusmodi venditionibus est magis infrequens ementium numerus (5). Et propter eandem rationem qui emit multa simul, potest pariter emere minoris infimo (6). Contra venditor non potest vendere pluris supremo ex eo, quia res esset utilis, aut in nimio desiderio emptori (7). Enimvero potest quid amplius exigere, si alii interveniant tituli, nimirum 1. si fiat cum eius damno, aut lucro cessante (modo de hoc moneatur emptor); et hoc licet adsit taxa pretii, et licet venditor ipse offerat vendere; 2. si venditor peculiari animo erga rem, quam ven-

dit, affectus sit (8); 3. si sint res rae, ut gemmae, picturae, ferae, et id genus. An autem haec possint vendi quanti plurimi? probabile est, posse; sed probabilius negatur; nisi sit usus mulieris honestae (9); 4. si res vendatur minutim ratione maioris incommodi quod adhiberi debet, et ratione detrimenti (quod vulgo dicitur Sfraudo) quod perferri solet (10).

175. Notandum IX. quod bona quae veneunt sub hasta, aut quae per venditrices circumferuntur vendendae, possunt vendi, et emi quocumque pretio quod pacisci possunt ipsi; *L. 2. c. de rescind. vend.* dummodo absit fraus, sive ex parte vendentis, v. gr. si celaret rei vitium, aut fictos emptores introduceret: aut ex parte emptoris, si dolo, minis, aut precibus importunis impediret alios offerentes (11).

176. Hic dubitatur 1. an possit precibus simplicibus effici, ne alii offerant? Alii negant, sed communissime alii id permittunt, Tournely Lugo Salmant. Castropol. p. Nav. Vega Tapia Conrad., etc. (12).

177. Dubitatur 2. an emptor possit cum aliis conventionem facere, ne plus offerant? Hic casus apud dd. parum a dd. invenitur discussus. Diana (13) cum p. Navar. et aliis videtur id permittere, quoties obtulit iustum pretium, saltem infimum quanti res valet. Sed ego cum de Lugo (14) et aliis doctis, quos consului, puto oppositum, casu quo res exponitur sub hasta ex iudicis sententia; ratio est, quia cum vendens tunc teneatur rem dare plus offerenti, iniustitiam ei irrogat emptor, si offerendo pretium tantum infimum, aut etiam medium, impedit vendentem, quominus speret medium, aut supremum ad quod ha-

(1) l. 3. n. 805. et v. quod si. (2) ib. v. Hic etiam. (3) n. 801. v. Notand. 2. (4) n. 808. Notand. autem 1. (5) n. 802. (6) ibid. in fin. v. 2. Emptor. (7) n. 806. (8) n. 807. et v. quaer. 1. (9) l. 3. n. 808. (10) n. 809. (11) n. 808. v. Notand. 2. (12) Ita Tourn. tr. de contract. p. 2. c.

1. art. 4. concl. 1. v. Quaeres denique. Lugo de contr. d. 26. n. 45. Salm. eod. tit. c. 2. n. 58. cum Palao, Trull. Tap. Dian. p. 1. tr. 8. R. 76. cum p. Navar. Reg. Vega, Contr. et Arriag. et l. 3. n. 808. v. Sed dub. 1. (13) p. 1. tr. 8. R. 76. (14) Disp. 26. n. 45. in fin.

bet ius, nimirum ne impediatur illud consequi: nam sicut vendens, si alius offerens desit, est in periculo rem tradendi minori pretio, et etiam infimo minore, ita contra aequitas exposcit, ne defraudetur spe consequendi pretium maius, si forte occurrent plures offerentes, qui aemulatione augent pretium. Hoc exposcit aequitas, et hoc videtur exposcere ius licitationis.

178. Notandum X. quod praecise ob dilationem, aut solutionis anticipationem, non potest pretium augeri, nec minui: nisi interveniret alius titulus periculi, aut damni, aut lucri cessantis, de quibus titulis semper monendus est emptor, ut dictum est n. 149. Et hic advertendum quod mercatores vendendo carius pecunia expectata, difficulter excusantur ob solum titulum lucri cessantis; quia vendendo dilata solutione, maiorem mercium copiam distrahant; et ita restitatur lucrum quod eis cessat ob dilationem (1). Potius excusare potest titulus communis existimationis; quae probabiliter reddit iustum pretium huiusmodi venditionum dilatae solutionis, ut dicunt Lugo Less. Cano Mol. Tolet. Sanch. Castrop. Bonac. et Salm., quia in huiusmodi venditionibus adest maior copia emptorum et minor numerus vendentium; et quia semper inest periculum commune amittendi sortem. Et idem dicunt de emptoribus, qui anticipate solvendo pretium minus exhibent, quia in huiusmodi emptionibus adest copia vendentium, et inopia emptorum, et etiam aliquod periculum rem non habendi, aut saltem non habendi iuxta optata (2).

179. Et eadem ratione inducti probabiliter dicunt Nav. Caiet. Tourn. Anacl. Azor. Lugo cum s. Bernardino Senensi et aliis, quod chirographa, licet sint liquida, possunt minoris emi, quia aliud est habere pecuniam, aliud est emere actionem:

(1) lib. 3. n. 810. (2) n. 811.

(3) n. 829. (4) n. 812. (5) n. 813.

ad illam, quae actio communiter existimatur minoris, quia hae actiones in praxi non sunt immunes ab aliquo periculo exactionis, aut saltem molestiae et expensae. Dico tamen excipienda esse chirographa quae vulgo nuncupantur *fides crediti*, pro quibus nullum morale periculum adest: modo ob distantiam, incommodo aut periculo sibi non esset exactio, propter eum qui ad exigendum mittendus est (3).

180. Notandum XI. quod pactum de retrovendendo est licitum, cum debitae conditiones interveniunt, nempe, 1. ut diminuatur pretium, quod decrescere potest usque ad quartam partem: imo alii dicunt usque ad tertiam: et tunc utique valet pactum, ut emptor teneatur retrovendere eodem pretio, licet rei pretium augeatur; 2. ut rei periculum sit penes emptorem; 3. ut fundus retrovendatur cum fructibus aut sine, ut reperitur cum traditur (4).

181. Ita etiam iuxta sententiam probabiliorum Less. Lugo Molin. Castropal. Silv. p. Navarr. Bonac. Azor. et aliorum licitum est pactum de reemendo rem ad emptoris requisitionem cum sequentibus conditionibus, nimirum 1. ne adsit animus usurarius; 2. ut augeatur pretium prioris venditionis; 3. ut venditor non teneatur ad reemendum eodem pretio; sed si res deterior fieret, debeat solvere tantum quanti valet tempore reemptionis; et contra si res crescit, crescit vendenti. Et hoc modo illa est vera emptio, non autem mutuum, ut supponunt adversarii; dum interim quo res non redimitur, periculum ad emptorem spectat, quod secus est de mutuo (5).

182. Contractus, qui *mohatra* nuncupatur, est certe illicitus, ut constat ex propos. 40. ex damnatis ab Innoc. XI. Hic contractus fit cum quis vendit cum pacto expresso aut tacito, ut res sibi minoris retrovendatur (6). Ita pariter est illicitus et usurarius con-

(6) ibid. v. Nota hic.

tractus, qui *antichriseos* dictus, vulgo *agodere*, nempe quando quis aliquem fundum frugiferum dat fruitioni alteri, et hic dat illi pecuniam etiam fruitioni (1).

183. Notandum XII. prohibitum esse *monopolium*, cum his duobus sequentibus modis fit, nimirum: 1. quando quis impedit quominus aliae merces in regionem introducantur, ut ipse solus vendat suas cum civium damno; 2. quando unus aut plures emunt omnes merces, ut eas vendant pluris pretio supremo, quam in foro venderentur, nisi monopolium factum fuisset. Caeterum si quis aut plures emunt merces, postquam cives iam sufficienter sibi comparaverunt, ut eas vendant lucro aliquo moderato, hoc utique licitum est, ut communiter docent dd. Et probabiliter dicunt Lugo Med. Less. et Holzmann, quod huiusmodi mercatores non peccarent contra iustitiam, si venderent pretio supremo, et ne contra charitatem quidem, modo non inducerent alios ad vendendum carius (2). Unde fit, quod si inter se conspirarent de non vendendo, nisi supremo pretio, licet probabile sit cum Less. Viva Lugo Holzm. Molin. Bonac. Salmant. etc., (contra Tourn. Spor., etc.) non peccare contra iustitiam: nihilominus non possunt excusari a peccato gravi contra charitatem, ut certum est apud omnes (3).

184. An autem facto monopolio iniusto inter aliquos vendendi pretio supremum excedente, licitum sit aliis eodem pretio vendere. Admittunt Salmant. cum Bonac. Med. et aliis, dicendo quod illud pretium iam factum est commune. Sed haec opinio reprobata a Rebel. Tapia Dicast. et Concina, mihi revera non placet; quia tale pretium ex iniustitia adauctum semper iniustum est; nec debet teneri pro iusta aestimatione, quae ab iniustitia ortum habuit (4).

185. Notandum XIII. loquendo de

vitio rei quae venditur, vitium posse esse circa substantiam, circa qualitatem, et circa quantitatem. Si vitium est circa *substantiam*, aut contractus nullus est, aut deceptor debet rescindere damnum, licet a parte sibi condonare fecisset excessum pretii iniusti (5). Et hic notandum, quod si res est perfectior ea, quae venditur, illa praeter iniustitiam potest vendi pretio communi, licet sit admixta alia re deterioris conditionis; prout esset vinum cum aqua, modo emptor illud non emat ad conservandum, quia vinum cum aqua commixtum facile corrumpitur. Idem dicunt de pharmacopoliis qui minoris vendunt unum pro alio; modo illud sit certe aequalis utilitatis, et minuatur pretium; ita Sotus Lugo et Salmanticenses (6).

186. Si vitium est circa *quantitatem*, etiam damnum rescindendum est; sed si unquam taxa esset iniusta, aut iniustum pretium ob monopolium emptorum, tunc non est improbabile, ut dicunt Lugo Laym. Castr. Salm., etc. vendentem posse uti mensuratum manca, quantum ad pretium iustum, infimum tamen dumtaxat, perveniat (7).

187. Si vitium denique est circa *qualitatem*, tunc oportet distinguere: quando vitium est patens, non adest obligatio illud manifestandi, et vendente illud non manifestante, contractus est validus: modo illi non constet ignorantia emptoris, et modo qualitas non transeat in substantiam, prout esset, si emptor suam manifestasset mentem, se nolle illam rem nisi cum tali qualitate. Si autem vitium est occultum, tunc certe vendens tenetur illud patefacere, modo non se protestetur vendere, ut communiter dicunt, *ad saccum ossium fractorum*; et prout, tali protestatione ommissa, communiter practicatur in nundinis; advertendum tamen, quod tunc non potest res vendi ultra pretium supremum, cum ratio vitii

(1) Vide Salm. tr. 14. c. 3. n. 46.

(2) lib. 3. n. 814. 815. et 816.

(3) n. 817. (4) ibid. v. Sed hic. (5) n. 819.

(6) n. 820. Dub. 1. et n. 821. (7) n. 822.

occulti habenda sit (1).

188. Dubitatur an quis possit vendere pretio currente rem, quam scit brevi minoris valituram. Est valde probabile, quod licite possit, ut communissime dicunt Caiet. Less. Soto Castrop. Tournely Salmant Bonac. cum s. Thoma (adversus aliquos), quia in venditione non attenditur pretium futurum, sed praesens, quod existimatur non iuxta notitiam particularem, sed iuxta existimationem communem. Et ita pariter licitum est emere merces pretio currente, licet noscatur notitia particulari brevi pretium auctum iri. Et eum qui ita vendit, probabiliter dicunt Less. Bonac. Tourn. Ronc. et Salm. ne peccare quidem contra charitatem, nisi esset quia ex hoc emptor in gravem necessitatem coniciendus esset, aut si cum vendere posset illi qui statim rem consumpturus esset, vellet vendere ei qui eam conservaturus esset. Advertendum tamen hoc procedere cum pretii accretio, aut imminutio notitia privata noscitur, nam si notitia esset communis, iam pretium ex se variatur (2).

189. Notandum XIV. quod qui recipit ad vendendum res pretio designato, nequit sibi retinere plus quod ex ea percipit, licet in loco remotiori, et labore maiore venderet; nisi tamen esset 1. quia talem extraordinariam diligentiam adhiberet, pretium cuius corresponderet lucro percepto; 2. si ipse rem melioraret; 3. si lucrum esset parvi momenti; 4. si tacite convenerit cum domino, nihil amplius ei dare, praeter designatum pretium, ut si dominus nullum ei assignasset stipendium; 5. si facta diligentia ordinaria, ipsemet proxeneta sibi emeret rem pretio designato, et postea illam maiore pretio venderet. Et idem dicitur relative de eo, cui commissum fuisset emptio alicuius rei (3). Sartores qui se offerunt ad emendos pannos, non possunt exi-

(1) L. 3. n. 823. (2) n. 824. v. 12. Etsi.

(3) n. 825. v. quacr. et Bene autem.

gere plus pretio quod solvant, nisi esset quod mercator ipsis revera ob peculiarem amicitiam, aut quia suam officinam frequentant, remitteret aliquid ex pretio communi (4).

190. Notandum XV. rei duobus venditae ab eo acquiritur dominium cui tradita est post pretii solutionem, aut post datam fidem pretii, ut dictum est n. 167. Sed si is mala fide emeret, sciens quod alteri iam vendita erat, tunc tenetur reddere eam primo emptori, ut communiter dd., sed non ante sententiam, nisi esset 1. quod ipse induxisset venditorem ad sibi rem vendendam; 2. si primus emptor esset locus pius, minor aut universitas; 3. si ipse esset donatarius, quia tunc tenetur eam restituere emptori, si eam petat intra annum. L. 1. ff. quae in fraud., etc. (5).

191. Notandum XVI. rem venditam, si est determinata, nempe talis domus, tale dolium, etc. quando perit, perire emptori; modo venditor non fuerit in mora ad tradendam rem. Sed si non est determinata, v. gr. decem oves ex hoc grege, aut determinata tantum ad mensuram, ut hoc vini dolium tanti in singulos cados, tunc ante mensurationem, aut traditionem res perit venditori; ita ex L. Lector, ff. de peric. Sed incrementum, aut decrementum rei spectat ad emptorem. ut dicunt Less. Bonac. Salm., etc. (6). Cum autem res est iam tradita, eius periculum spectat semper ad emptorem, licet pretium non sit solum, nec praestita sit fides, ut superius diximus n. 169.

PUNCTUM VI. De negotiatione.

192. Cui prohibita sit negotiatio; et quando est culpa lethalis; et si clericus negotiatur per alios, aut alius.

193. Emere pecora pro suis pascuis, etc.

194. Vendere pluris, ut emat minoris. Emere lanam, etc. si fit per necessitatem.

195. An clerico liceat esse tutor, factor, etc.

192. Negotiatio proprie dicitur, (4) lib. 3. n. 826. (5) n. 827. (6) n. 828.

cum aliquid emitur animo illud idem non mutatum carius vendendi. Haec sub gravi vetatur Religiosis, et clericis in Sacris constitutis: secus vero minoristis, nisi essent beneficiati, ut dicunt communiter dd. ex *can. Placuit* 3. q. 26. (1). Peccat ideoque graviter clericus, vel monachus qui frequenter negotiatur, licet praeciso scandalo, et quamvis in materia non turpi, nec gravi, ut dicunt Lessius Lugo et Salm. cum aliis (contra paucos). Quamquam excusant a mortali, si hoc fieret bis aut ter in materia non gravi, aut semel in gravi (2). Et ita etiam eum excusant Laym. Cast. Salm., etc. si per alium negotiaretur, modo (ut dicunt Lugo, et Salmant.) eius superintendencia non esset nimia (3). Contra declaravit Bened. XIV. in *Bulla Apostolicae*, quod ille clericus qui aliis negotiatur, incurrit easdem poenas, ac si sibi negotiaretur: nisi esset quia negotium, iam a laicis incoeptum, non posset sine detrimento dimitti; nam tunc potest clericus illud prosequi, sed solum ad tempus, et per interpositam laici personam, et de licentia S. C. (4).

193. Non est vetitum clerico emere pecora, ut in propriis pascuis saginata vendat, aut ut vendat partus eorum, lanam, etc.; hoc est commune cum Less. Lugo, Layman. Ronc. Castrop. et Salm. Sed dicimus non esse licitum pascua aliena conducendo hoc facere, cum vetitum sit a Concilio chalcedon. (in *cap. Pervenit* 21. q. 3.) pascua aliena conducere, ut vendat fructus. An autem liceat pascua aliena conducere ad saginanda propria pecora, et haec vendere; negant Laym. et Sporer; sed affirmant Salm. et Viva, modo absit scandalum; et haec opinio mihi videtur valde probabilis, dum hoc non reperitur ulla lege vetitum (5).

194. Licitum est vero clericis carius vendere, ut emant minoris. Et ita etiam licitum est vendere aliquid

(1) lib. 3. n. 831. (2) ibid. v. Non peccat. (3) n. 833. (4) n. 832.

Homo Apostolicus

carius, cum emptum sit non animo vendendi, sed conservandi illud. Item etiam licet emere plura pro securitate suae provisionis, et postea superfluum vendere. Insuper emere colores ut vendant picturas, et lanas ut vendant pannum, modo non conducantur alii operarii ad hoc efficiendum, ut dicunt Lugo Salmant. Mol., etc. (6). Praeterea licitum est clerico etiam negotiationem proprie dictam exercere, quando hoc expediret pro sua, et suorum sustentatione, ut habetur ex *c. Multa ne cler. vel mon.* Et pro hoc satis est gravis necessitas conservandi statum decentem, prout probabilius, et communius dicunt Castrop. Spor. Croix et Mazzotta contra Laym. qui admittit solam vitae sustentationem (7).

195. Vetitum est clerico agere tutorem, tabellionem, aut exercere quaecumque officium publici ministerii, propter quod teneatur reddere rationes administrationis. Et si quis clericorum aliquod praedictorum officiorum exercuerit; ipse non poterit ordinari, donec rationes non reddat, aut saltem praestiterit fideiussionem. Sed hoc non intelligitur de administratione locorum ~~florum~~, pupillorum, et viduarum. Item vetitum est clericis personae saecularis procurationem gerere; hoc tamen procedit in casu, (ut dicitur in *c. Sed nec 4. ne cler. vel monac.*) quo ut clericus eo fungatur officio, negligere deberet proprium ministerium ecclesiasticum: *Si quis ab ecclesiastico (sunt verba textus) fiat ministerio alienus, pro eo quod, officio clericali neglecto, fluctibus saeculi se immergit:* et eo casu clericus incurreret etiam suspensionem a suo officio, sed *ferendae sententiae*.

PUNCTUM VII. De censu.

196. *Quid sit census.*

197. *Conditiones requisitae a Nicolao V.*

198. *Conditiones requisitae a s. Pio V.*

199. *An liceat census personalis.*

(5) n. 835. (6) n. 836. (7) n. 837.

200. *An liceat census redimibilis ex parte emptoris.*

201. *An pereunte fundo pereat census.*

202. *An possit constitui census pecunia antea debita.*

196. Contractus census, aut venditionis annuorum reddituum, est cum quis pro certa summa (v. g. 100) exigit quotannis quinos, senos, etc. in centenos ex aliquo fundo fructifero. Hic contractus est licitus, modo debita circumstant conditiones; nam est vera emptio, qua qui dat pecuniam emit non iam pensionem, sed ius ad percipiendam partem fructuum fundi (1).

197. Quoad autem conditiones, in Bullis Nicolai V. et S. Pii V. oppositas, sciendum quod in illa Nicolai V. (quae in nostro regno neapolitano viget in observantia) requiritur 1. ut census constituatur super re certa in specie; et generaliter super aliis bonis: 2. ut adsit pactum retrovendi eodem pretio; 3. ut pensio non excedat denos in centenos (2).

198. In illa S. Pii V. requiritur 1. ut census sit super re stabili et frugifera: et sufficit ceteroquin officium perpetuum, aut alius census; 2. ut pretium sit de pecunia numerata: 3. ut adsit pactum anticipate solvendi pensionem; 4. ut non obligetur venditor ad substituendum alium fundum, si pereat obligatus; 5. ut venditor non privetur ab alienando fundo hypothecato; 6. ne conveniatur ad solvendam aliquam pensionem, aut interesse ob lucrum cessans, si pensio non solvatur; 7. ne novus creetur census de pensionibus non solutis; 8. ne emptor suo arbitrio possit repetere pretium; et ut venditor possit semper redimere censum: ceterum de iure naturali est sententia communissima posse pacisci ut census sit irredimibilis; 9. ne census vendatur aliis pluris, vel minoris, nisi esset quia census evade-ret non liquidus (3). Sed circa Bul-

(1) lib. 3. n. 839. (2) n. 845. (3) n. 846 et 847. (4) n. 849. (5) n. 840.

lam S. Pii V. advertunt communiter auctores, illam non fuisse receptam in pluribus regnis, nimirum in utraque Sicilia, in Hispaniis, in Germania, in Galliis, in Belgio; imo Continuator Tourn. affirmat nec Romae observari. Et ubi recepta non est, sententia communis est, quod non obligat (4).

199. Dubitatur autem 1. an liceat census personalis? Alii negant sed multi graves aa. probabilius et communius affirmant, loquendo quoad ius naturale; ita Sotus Less. Merbesius Tournel. Hab. Wigandt Castr. Ronc., etc., quia sicut in censu reali emitur ius ad percipiendos fructus a fundo, ita in personali emitur ius ad percipiendos fructus ab industria et labore alicuius iam addicti tali officio, v. g. pictoris, mercatoris, etc. (5). Dictum est, iure naturali spectato, nam iuxta Bullam S. Pii paulo ante allatam requiritur (ubi acceptata est) omnino fundus stabilis.

200. Dubitatur 2. an liceat hic contractus si conveniatur, ut census sit redimibilis non solum ex parte venditoris, sed emptoris? Alii ut Lessius Laym. Castropal., etc. admittunt illum, modo observentur conditiones quas alibi (n. 181.) recensuimus pro pacto reemendi fundum. Sed alii, ut Sotus Covar. Salmant., etc. negant, et haec sententia proculdubio suadenda est, dum omnes conveniunt quod in tali contractu adest periculum saltem intentionis usurariae (6).

201. Dubitatur 3. an praecisa Bulla S. Pii, pereunte fundo sine culpa venditoris, pereat etiam census? Negant Salmant. Sot. Castrop., etc. dicentes quod in tali casu tenetur venditor ad substituendum alium fundum. Sed nos oppositum tenemus cum Lessio Lugo Ronc., etc., quia in contractu census non iam principaliter obligatur persona, et accessorie res (uti supponunt adversarii), sed res tantum, cum vendatur ius super illius fructibus: unde pereunte

(6) n. 843. v. quae.

fundo, nihil amplius debetur. Et hinc dicimus quod, licet sit licitum pactum solvendi pensionem (modo sit diminuta) etiam annis sterilibus; non licet tamen pactum eam solvendi etiam si fundus pereat (1).

202. Dubitatur 4. an possit constitui census de pecunia quam prius venditor debebat emptori? Spectata Bulla s. Pii non potest, quia ibi requiritur pecunia numerata. Sed loquendo *de iure naturae*, non est improbabile quod possit cum Navar Less. Valent., etc. cum census habeat rationem eandem, quam quaelibet alia emptio, quae utique potest fieri cum pecunia quae ei debetur (2).

PUNCTUM VIII. De cambio, locatione, emphyteusi, feudo et libello.

203. *De cambio, et eius speciebus.*

204. *Qui recipit monetam falsam.*

205. *De locatione.*

206. *De successione locatoris.*

207. *In casu sterilitatis, etc.*

208. *An possit conducere ius mendicandi.*

209. *Si tabellarius eodem profisciscatur duorum mandata executurus an ec.*

210. *An debeatur salarium famulo aegrotanti.*

211. *De emphyteusi*

212. *De feudo.*

213. *De libello.*

203. Cambium est contractus, quo campsor cambit pecuniam campsario cum lucro aliquo praeter sortem. Et quadruplex est: minutum, per litteras, reale, et siccum. *Minutum* (sive *manuale*) licitum est, et fit cum pecuniae minores pro maioribus, vel contra dantur. Pariter licitum est cambium *per litteras*, et hoc fit, cum campsor recipit pecuniam a campsario, ut eam alibi solvat. Solutio autem pro tali cambio ex constitutione s. Pii V. non est differenda ultra tempus statutum. *Reale* contra est cum campsor dat pecuniam, ut postea eam alibi recipiat a campsario per huius procuratorem; et hoc et-

iam est licitum. *Siccum* denique (sive *fictum*, ut etiam appellatur) est cum tantum fingitur locus diversus ubi solutio facienda esset, et interim campsor exigit lucrum: hoc proculdubio est illicitum (3). Ad hanc cambii speciem reducitur etiam cambium vulgo *colla ricorsa*, quod (ut paucis comprehendam) est cambium cum duplii fictione (4). Cambium *francofurtense*, nempe cum mercatores dantes cambium ad proximas nundinas, quo magis eae distant, eo plus exigunt, est licitum, modo revera intercedat titulus lucri cessantis pro mercatore (5).

204. Advertendum quod si quis casu recipit monetam falsam, non potest expendere: et si forte expendere, iuxta sententiam veriore, tenetur ad restitutionem. Dicunt tamen Croix, et Sporer, hoc intelligi debere cum materia monetae est falsa, secus vero si tantum est adulterina imago principis.

205. *Locatio* est contractus quo quis personam aut rem suam alteri dat ad usum pro certa mercede. Nota 1. quod si res fiat inutilis usui, conductor non amplius tenetur ad pensionem promissam (6). Nota 2. quod expensae ordinariae parvi momenti spectant ad conductorem; sed extraordinariae (modo sint utiles) ad locatorem. Sed casu quo conductor se obligasset ad melioramenta, intelligitur se obligasse suis expensis (7). Nota 3. quod si res perit, conductor ad nihil tenetur, modo locator non probet eius culpam. Nota 4. quod locator non potest rem repetere, nisi in sequentibus casibus, nimirum, 1. si conductor non solvit pensionem biennio: 2. si res sit necessaria locatori 3. si fundus non possit aliter reparari: 4. si conductor ea re abutatur, v. gr. si ibi alat meretrices, destruat, etc. (8).

206. Notatur 5. quod successor universalis, nempe haeres, non potest Quod attinet. (6) n. 857. ad 2. (7) n. 863. (8) n. 858

(1) lib. 3. n. 847 (2) n. 846. ad 2. v. Ut census. (3) n. 850. ad 854. (4) n. 854. v. quaeritur hic. (5) ibid. v. 5.

ante praefinitum tempus cum testatore conductorem expellere; bene tamen potest successor particularis, ut legatarius, donatarius, aut emptor, ut habetur ex l. *Emptorem*, c. de legat. Excipiunt nonnulli dd. si ager iam esset cultus aut seminatus: sed ego nescio quomodo huic exceptioni sit locus, cum lex (ut expressum est in l. *Qui fundum*, 25. ff. de locat. ubi sermo est de legatario) iam dat conductori actionem pro damnis, quae patitur, in haereditatem (1).

207. Notatur 6. quod damnum sterilitatis ex se loquendo spectat ad conductorem; sed loquendo ex aequitate, cum non intercedit culpa conductoris, et sterilitas est nimia (ut si aliquo anno fundus non fructificaret ne pensionis quidem medietatem, sicut dicunt Less. Lugo, etc.) tunc debetur remissio, ut habetur ex c. *Propter*, de locat. et ex l. 8. c. eodem tit. Et si nihil fructificaret, nihil deberetur (2).

208. Dubitatur 1. an liceat pauperi elocare ius mendicandi? Alii affirmant, sed nos negamus cum communiore, nisi in casu in quo pauper non posset ipse mendicare (3).

209. Dubitatur 2. si tabellarius eodem proficiscatur duorum mandata executurus, an possit integram mercedem ab ambobus recipere? Auri-gae certo possunt, ob consuetudinem quae viget. Quoad alios autem probabile est, ut dicit p. Concina, quod tantum dimidiam mercedem exigere possint; sed probabile est etiam cum Less. Laym. Castrop. et Croix, quod possint exigere integram ab unoquoque, cum per accidens contingat, quod opera sit utilis utrique (4).

210. Dubitatur 3. an dominus debeat solvere salarium famulo ad annum conducto, si aliquos menses aegrotet? Dicimus cum communi (contra paucos) non teneri; nisi alicubi aliud ferret consuetudo. Et dicimus cum Lugo, et aliis (contra Azorium)

(1) lib. 3. n. 858. ad 11. et 859. (2) n. 860. (3) n. 861. (4) n. 862. (5) n. 864.

ne ad expensas quidem infirmitatis teneri, nisi esset quia servus in gravi necessitate esset (5).

211. Contractus *emphyteusis* est, cum dominus dat corpus stabile alteri in perpetuum, aut saltem per annos 10. ad meliorandum; ita ut ipse retineat dominium directum, et dominium utile transferatur ad emphyteutam, cum onere solvendi annum canonem: qui canon si non solvatur per tres annos, dominus potest sibi vindicare fundum, si hoc erit saecularium, duos si est Ecclesiae. Praefatus canon semper debetur, etiamsi fundus periret quoad partem (secus si periret totus), et etiamsi patere-tur gravem iacturam fructuum, modo pensio non esset magna, et fere aequalis fructibus, nam tunc ex aequitate debet illa diminui (6).

212. *Feudum* est contractus similis emphyteusi, cum datur fundum nobilem aut rusticum vassallo sub onere exhibendi fidelitatem et obsequium personale domino directo (7).

213. Contractus *libellaticus* denique est, cum emphyteuta sive feudatarius tradit tertio fundum eundem sub iisdem conditionibus, et hic contractus dicitur etiam subemphyteusis, aut subinféudatio (8).

PUNCTUM IX. De sponsione et ludo.

214. De sponsione, an sit licita, et quid si altera pars dicat se certo scire factum.

215. De ludo filiorum familias, et Religiosorum.

216. De fraudibus.

217. De ludis prohibitis, an sint prohibiti laicis; et an victor possit sibi retinere lucrum.

218. An qui perdit teneatur solvere; quid si intercessit iuramentum solvendi, et non repetendi.

219. De ludis prohibitis clericis.

220. Religiosis.

221. Episcopis.

214. Sponsio (vulgo scommessa) est, cum duo de eventu alicuius facti contendentes aliquam summam

(6) n. 865. et 866. (7) n. 867. (8) n. 868.

spondent consequendam ab eo pro quo stat veritas. Hae sponsiones non sunt prohibitae (saltem graviter) nisi fiant sub conditionibus peccaminosis, aut si qui ad invicem sponsonem facerent, quis eorum plus vini potabit: aut si quis sponderet aliquid tantum perditurum, si tale peccatum non assequatur, quia tunc se exponit maiori periculo peccandi. Secus si sponderet aliquid, non fore peccatum (1). Ut autem praefatae sponsiones sint iustae, requiritur aequalitas tam praemii, quam dubii circa eventum. At si quis unquam diceret se certo scire aliquod, et alter, hoc non obstante, etiam vellet sponsonem interponere, tunc dicunt alii quod potest retinere praemium, quia tunc alter cedit suo iuri: sed nos sentimus oppositum cum Lugo et La-Croix quando ille alter etiam pro certa haberet suam assertionem; nam tunc ille non habet animum cedendi, sed inductus est ad ita sponsonem certandum a solo errore suo, ratione cuius alter non habet ius sibi retinendi praemium. Secus autem dicerem, si ille iam dubitasset, quia tunc cessat deceptio, et revera vult cedere iuri suo (2).

215. Agendo de ludo oportet distinguere ludum in generali a ludo prohibito. Quoad ludum in generali, notandum: quod summa victa filiofamilias restituenda est, modo non sit de suis bonis castrensibus, aut quasi; aut si adsit patris consensus, aut sit summa parvi momenti, aut sit aliqua pars moderata deducta ab alimentis, quae ei pater subministrat. Et idem dicitur de uxoris, et Religiosis. Contra isti tenentur restituere pecuniam quam lucrati sunt ab aliis (nisi esset modica summa), licet alii scivissent hos subditos, et proprium peculium non habere (3). Hic autem fit quaestio, an illi Religiosi, qui habent licentiam generalem a Superiore expendendi pecu-

(1) lib. 3. n. 869. et 870. (2) n. 879. (3) n. 872. ad 876. (4) n. 873. et 1. 4.

lium suo arbitrio, peccent contra paupertatem si illud in ludos insumunt? et an victores teneantur ad restitutionem? Plures auctores, ut Suar. Lugo, Hurtad. Rebel. Salas, Med., etc. dicunt esse probabile quod non; tum quia Superior tunc aufert impedimentum voti, tum quia saltem tunc licentia praesumitur data a religione, quae licet invita circa modum, non est circa substantiam. Nihilominus nos dicimus cum Nav. Less. Sanch. Salm., etc. esse absolute probabile oppositum, quia talis licentia non praesumitur fuisse data a Praelatis, nec Praelati, licet vellent, possunt eam impertiri; cum ipsi sint simplices administratores, non autem domini bonorum monasterii (4).

216. Notandum 2. quod lusor, si fraudibus iniustis utitur, v. g. signis notando chartas, aut mutando *talos*, etc. debet restituere lucrum, et etiam quantum valebat alteri spes lucrandi. Dictum est *fraudibus iniustis*, nam licet uti iis astutiis, quas regula lusor, et consuetudo ferunt, ut aspicere chartas, quas alter sua negligentia conspici facit, aut dignoscatur chartas quae exterius ob aliquod casuale signum ex seipsis dignosci possunt (5).

217. Quoad ludum prohibitum, notandum est quod omnes ludi sortis (qui dicuntur lusus alearum) ut sunt lusus taxillorum, qui vulgo dicuntur *bassetta*, *primera*, etc. hi vetiti sunt tum iure canonico c. *Episcopus dist.* 35. et c. *Clerici, de vita, et honest. cleric.* tum iure civili, *L. Alearum, c. de Rel. et sump. fund.* Deinde distinguere oportet in hac materia laicos ab Ecclesiasticis. Quoad laicos, est commune inter dd. tales lusus non esse prohibitos sub gravi, quia citatus Canon *Episcopus* est a consuetudine derogatus, et leges civiles circa hos sunt poenales, cum (in victorum poenas) dant actionem ei qui vincitur, repetendi summam amissam (6). Ex quo caeteroquin infer-

n. 31. (5) l. 3. n. 882. (6) n. 885.

tur, quod victor potest sibi lucrum retinere, donec per iudicis sententiam non obligetur restituere, iuxta communem (1). Et hoc etiamsi lussisset animo repetendi, si perdebatur (2).

218. Contra communis est sententia et probabilior cum Sanch. Less. Lugo. Viva, Nav. Tolet. Layman. Mol. Salm., etc. (contra Sayr. Bann. et alios paucos) quod qui perdit, non tenetur solvere; quia cum ei datur a lege beneficium repetendi, datur etiam non solvendi, ut deducitur ex alia *L. Creditori, c. de pactis*, ubi dicitur: *Frustra solvitur, quod statim repetendum est* (3). Si autem vellet transigere, bene potest id facere, licet non haberet animum iudicem adeundi (4); et licet cessisset beneficio legis, quia cum lex sit edita ob bonum commune, eius cessio est nulla. Modo (limitatur) ex utraque parte non sit iuramento firmata promissio, non solum de solvendo, sed etiam de non repetendo: nam lex vetat quidem huiusmodi lusibus ludere, sed non quidem solvere amissum; unde tunc neuter lusorum ne potest quidem iuramenti relaxationem petere, dum adest tertii praeiudicium (5). Et ille qui perdidit, si iam solvisset, non potest sibi compensare, nisi adest iudicem, licet non iurasset de non repetendo (6). Sed si ille peteret contractus rescissionem, et alter renuere, vide dicta n. 125.

219. Quoad Ecclesiasticos, non est dubitandum quin clerici (in Sacris tamen aut beneficiati, dum pro aliis interdictio saltem obsolevit) peccent lethaliter, si ludant lusibus merae sortis, ut superius explicatum est, cum iis frequenter ludunt et diu, licet in modica quantitate; quia huiusmodi lusus notabiliter Ecclesiasticorum statum dedecet. Et idem dicitur si exponunt ludo magnam quantitatem, licet raro; saltem cum in hoc grave adesset scandalum aliorum, ut vult Layman (7). Dictum est *lusibus*

merae sortis, nam simplices lusus chartarum, in quibus vincere dependet tam a sorte, quam ab industria, ut sunt lusus appellati recreationis, v. g. *tressette, ombre*, et alii id genus, hi non sunt vetiti sub gravi clericis saltem ex hodierna consuetudine, nisi adesset scandalum, aut peculiaris alicui prohibitio (8).

220. Loquendo autem de Religiosis, si isti sunt reformati strictioris observantiae, ut Capuccini, Theresiani, Iesuitae, Alcanterini, et similes, illi ludendo ludis sortis, etiam semel, non excusantur a gravi: et tanto minus excusantur Superiores qui id permittunt. Et idem ego dicendum puto, si quocumque chartarum ludo, etiam recreationis causa (ut supra dictum est) ludant, saltem si luderent semel atque iterum; tum ob scandalum cui essent laicis, tum ob abusum qui irreperet. Quoad autem alios Religiosos laxioris observantiae, ut dictum est de clericis, ita etiam dicunt dd. tunc graviter peccare, cum luderent lusibus merae sortis, et frequenter, aut in nimia quantitate; praeter peccatum contra paupertatem, ut dicitur *Tract. 1^o n. 13. et 14*. Si autem ludus esset simplex (ut supra explicatum est), Peyrin. Dicat. Salm., etc. eos excusant a gravi, et etiam a levi, ut dicunt, si luderent animi gratia; sed huiusmodi solatium mihi semper videtur indecens statui religioso, nec usus mihi videtur posse id cohonestare (9).

221. Sed si Episcopus luderet aleis, etiamsi semel, aut frequenter chartis solatii causa, nescio quomodo possit excusari a gravi scandalo. Et idem dico de Praelato qui frequenter, et ex proposito assisteret alearum lusibus. Sed quoad clericos et Religiosos qui assistunt, licet hoc etiam vetitum sit a Canonibus (*cap. Clerici, de vita, et honest. cler.*) nihilominus communiter dd. eos excusant a culpa gravi (10).

(1) lib. 3. n. 887. (2) n. 889. (3) n. 890. (4) n. 894. (5) n. 891. et 892.

(6) n. 893. (7) n. 897. 898. (8) n. 900. (9) n. 901. (10) n. 902. et 903.

PUNCTUM X. De societate.

222. *Conditiones ut sit iusta societas.*
 223. *Debet prius detrahi capitale domino.*
 224. *Debet attendi valor laboris, et commoditatis sortis, quae spectat ad dominum.*
 225. *Damnum sortis cui spectat.*
 226. *De animalium societate, ad caput salvum, et de pacto supplendi animalia mortua.*
 227. *De contractu trium contractuum.*
 228. *An filius negotiando pecunia paterna, etc.*
 229. *De Societate inter fratres.*
 230. *Quot modis finitur societas.*

222. Contractus societatis is est, cum duo saltem contribunt pecuniam et laborem, ut commune faciant lucrum, aut damnum. Conditiones societatis sunt tres, 1. ut ineatur in materia honesta; 2. ut adsit aequalitas inter laboris aestimationem, et pecuniae commoditatem; 3. ut uterque socius subeat onus damnum, et expensarum quae eveniunt ob negotiationis causam, sed damnum sortis spectet tantum ad dominum (1).

223. Ex quo infertur 1. quod si unus contribuit pecuniam, alter vero laborem, terminata societate, prius restituenda est sors domino, et postea reliquum dividendum est, ut recte docent Lugo, Bonac. Cabass. Petroc., etc. (quicquid dicant alii); quia sicut, sorte pereunte, tota perit domino, ita eadem (dum existit) tota ei debetur. Nec valet dicere quod altero laborem conferente, et altero pecuniam, aequum est ut in fine totum dividatur; quia in ea societate qui contribuit sortem, non contribuit pecuniam, sed huius commoditatem; unde si unus contribuit navem, et navicularius laborem, absoluta navigatione, navis utique tota ad dominum spectat, qui illius commoditatem contulit; non secus cum quis confert sortem, ea integra ad dominum spectat (2).

(1) l. 3. n. 904. ad 906. (2) n. 907. (3) n. 907. quaer. 2. (4) cit. n. 907. v.

224. Infertur 2. quod in facienda divisione, prius (uti iam dictum est) detrahendum est capitale in domini beneficium; deinde dividendum est lucrum, habita proportionem valoris industriae a socio adhibitae, et valoris, non iam sortis (uti contendit Cabassut.) sed commoditatis sortis collatae ab altero, iuxta communem aestimationem lucri quod producere potest pecunia negotiationi applicata, uti recte dicunt Castrop. Ronc. et Rebell. In quo potest contingere aliquando, quod industriae valor ita excedat valorem usus pecuniae, ut iustum reddatur pactum (quod ex se esset iniustum), ut dividatur etiam capitale. Advertendum contra quod in aliquibus locis valor industriae sit ita tenuis ob loci consuetudinem, aut ob frequentiam operariorum, ut recte subiciatur operarius etiam quoad partem periculo sortis, licet ipsum periculum per se totum solius domini esse debeat (3).

225. Infertur 3. quod damnum sortis ad dominum totum spectat, quamvis sors pereat antequam operarius suum conferat laborem (ut non recte excipiunt nonnulli dd.), quia, ut non semel supra explicatum est, non confertur sors, sed tantum usus illius. Unde dato quod pereat sors in principio societatis, dominus nihil confert de pecuniae usu; ideoque operarius ad nihil tenetur, licet nihil laboris sui contribuat (4).

226. Infertur 4. quod iniusta est societas pecudum cum pacto, quod dicitur *ad caput salvum*, nempe ut, absoluta societate, prius restituantur pecora in eodem numero, et valore, licet illa sint mortua, aut deteriora facta, deinde reliqua dividantur; hic contractus est iniustus, quia damnum sortis (ut dictum est) totum domini est, nihil custodis (5). Et ita etiam dicimus cum Tamb. Silv. Angelo, etc. (contra Azor. Ronc., etc.) non licere (ex se loquendo) pactum, durante societate, sufficiendi partus in locum quaer. 3. (5) n. 909. quaer. 3.

armentorum, quae moriuntur, quia partus, uti fructus societatis, non debent substitui, sed dividi; unde tale pactum redundaret in custodis damnum (1). Advertendum tamen hic quod, deficientibus pecoribus, custodis intererit probare quod illa sine sua culpa perierint, ut notant Pontas, Tourn., etc. ex *L. Cum duobus* 52. §. *Damna ff. Pro socio* (2).

227. Hic autem 1. agitur illa celebris quaestio, an liceat exigere lucrum certum, salvo capitali, mediis *tribus contractibus*, nempe societatis, assecurationis sortis, et assecurationis lucri; contra qui confert pecuniam, cedere debet maiori lucri parti, quod sibi probabiliter contingeret praecisis praefatis assecurationibus. Multi dd. ut Merbes. Concina, Herbert, Tourn., etc. negant; quia (uti dicunt) talis conventio, posita sortis atque lucri assecuratione, non esset amplius societas, quae de natura sua cum ea sit, ut dans pecuniam periculo subiaceat, transiret in mutuum, unde non potest exigi lucrum. Sed alii communis admittunt, ut Navar. Tolet. Less. Lugo, Castr. Bon. Ronc. Salm., etc. dicentes quod illi tres contractus, si separatim inirentur, iam essent iusti; et ita volunt etiam, cum fiunt cum eodem. Nec est verum, subiungunt, quod talis contractus transeat in mutuum, quia qui accipit mutuum potest suo libitu pecuniam impendere; sed hic socius omnino debet in negotiationem eam impendere, quapropter essentialiter mutatur natura mutui. Et sciendum quod hic trinus contractus approbatus fuit a facultatibus theologicis coloniensi, trevirensi, salmanticensi, moguntinensi, et aliis, ut refert quidam liber typis editus Parisiis 1745. cum titulo: *Exam. theol. sur la société du prêt à rente*. Dicerem tamen ut hic contractus nunquam fieret, theologorum consilio non praecedente.

(1) lib. 3. n. 909. quær. 2. (2) n. 909. v. Hic operae. (3) n. 544. et etiam

228. Quaeritur 2. an filius negotians pecunia paterna possit accipere partem lucri suo labori, et industriae correspondentem? Affirmat Ronc. casu quo filius negotiatur proprio nomine, quia tunc, dicit, detracto valore alimentorum quae a patre recipit, posset sibi sumere quantum pater praestiturus esset aliis pro huiusmodi labore. Sed huic opinioni acquie cere non possumus, quia licet ipsa sit probabilis, attamen cum etiam probabilis sit opposita Molinae, Lug. Silvest. et aliorum, nempe quod filius cum patre cohabitans non potest sibi compensare labores suos stipendio, quod extraneo dandum fuisset, modo labores non essent excedentes (3); qua de re cum agatur de compensatione, pro qua requiritur ius certum et liquidum, nequit filius eam sibi facere sine patris consensu (4).

229. Notandum quod inter fratres non intelligitur facta societas nisi omnes fratres alicui negotiationi vacent, aut si quis eorum negotiatur, et alii non conferunt bona propria praeter communia; nam si unus confert bona propria, alii vero tantum bona communia, bene potest ille se compensare iuxta excessum, quem de suis bonis, aut de suo labore in negotiatione impendit. Sed si unus fratrum ab aliis absens de bonis communibus in communi negotiaretur, intelligitur durare societas usque dum alii fratres divisionem non exposcant (5).

230. Notandum denique quod societas potest dissolvi multifariam: 1. Cum terminatur negotium et tempus praedefinitum: 2. mutuo consensu sociorum, etiam tacito, v. gr. si alter eorum seorsim negotiari incipiat. Caeterum neuter sociorum potest a contractu se abdicare, nisi esset quia ei incumbendum foret in bonum publicum, ut si alter damno esset societati, aut si pactis non staret; 3. morte alterius socii, quia societas non

488. ad v. 3. in fin. (4) n. 910. (5) n. 907. quær. 5.

transit ad haeredes, nisi quoad negotia iam incoepa, aut nisi adesset pactum iuramento firmatum cum defuncto socio, ut dicit Bon.; 4. exilio, aut professione religiosa; 5. si alter sociorum infirmitate, aut alia causa necessaria non posset amplius parti suae satisfacere; 6. si amittitur pecunia contributa; 7. si ita res mutantur, ut societas evadat inepta fini(1).

PUNCTUM XI. De assecuratione, fideiussione, pignore, hypotheca, tutela, et testamentis.

231. De assecuratione.
 232. De fideiussione.
 233. De pignore et hypotheca.
 234. De tutela et curatela; et an pupilli possint se obligare, et donare.
 235. De testamentis. Si constet de voluntate testatoris, etc. Si adsit tantum unus testis, etc.
 236. De legato pro virginibus. An ultimae voluntates possint immutari a Papa aut ab Episcopo.
 237. De obligatione legandi bona filiis, fratribus, aut aliis coniunctis pauperibus.
 238. In quibus casibus pater possit exhaereditare filios.

231. Contractus 1. assecurationis est cum quis suscipit sibi rei alterius periculum mediante aliquo iusto pretio, se obligando ad eam compensandam si pereat. Ut hic contractus sit iustus, requiritur ut eventus sit incertus, saltem quoad praesentem notitiam (2).

232. II. Fideiussio (vulgo *pieggeria*) est cum quis alienam obligationem suscipit implendam, si debitor principalis non esset solvendo. Unde prius fieri debet discussio a principali; et si principalis ad nihil teneretur, ad nihil etiam tenetur fideiussor. Pro fideiussione semper licet accipere pretium, licet absit periculum, ut communiter dd. contra paucos: quia assumptio talis obligationis de se est pretio aestimabilis (3).

233. III. Pignus et Hypotheca similitudinem habent ad invicem, dum

(1) l. 3. n. 907. quaer. 6. (2) n. 911.

pignus est, cum debitor dat creditori rem mobilem; hypotheca, cum dat aliquod stabile, ut sit pro debito obligatum. Creditor non potest uti pignore sine consensu debitoris; et si illo utitur, debet in sortem commutare fructus, quos percipit. Caeterum praesumitur praefatus consensus, cum usus non est domino damno ut ait p. Viva, prout esset liber pignori datus, et huiusmodi. Res sacrae, ut calices, planetae, etc. non possunt pignori, nisi ad subveniendum pauperibus, aut ecclesiis. Item advertendum quod contractus dictus *antichriseos*, vulgo *a godere*, est illicitus (ut dictum est n. 182.), nisi subesset iustus titulus damni, aut lucri cessantis, aut poenae conventionalis (4).

234. IV. Tutela, aut curatela sunt quidem quasi contractus, quibus tutores et curatores obligantur sibi esse curae pupillos et minores. tam quoad educationem, quam quoad bonorum administrationem. Et hic notandum quod pupilli, et minores non possunt sua bona obligare (exceptis castrensibus, aut quasi), si sunt stabilia, sine iudicis auctoritate: et si sunt mobilia, sine consensu tutoris, aut curatoris. Dubitatur tamen, an si ipsi obligentur, saltem remaneant naturaliter obligati? Affirmamus cum Less. Lug. Navar. Sanch. Laym. Castrop. Salmant. et aliis (contra Bonac. etc. quoties pupillus est saltem proximus ad pubertatem, et contractus non sit cum ipso suo tutore, aut curatore, sed cum extraneis, nam in *L. Novatio ff. de novat.* hoc habemus expressum, cum ibi dicitur: *Dummodo obligatio utiliter teneat, aut naturaliter, ut puta* (notetur) *si pupillus sine auctoritate tutoris promiserit.* Praeterea advertatur quod pupilli, et minores non possunt donare, nisi illa quae alii similis conditionis donare possunt; sed donatarii non tenentur restituere accepta, nisi post iudicis sententiam; nam tales dona-

(3) n. 912. (4) n. 913. ad 916

tiones iam iure naturae sunt validae (1).

235. V. Quoad testamenta, etiam moralistae fusius de hoc tractant, sed quia haec potius ad forum, quam ad conscientiam spectant, omitta hic facio, cum me ad ea, quae in opere morali dixi remittam (2). Hic tantum aliqua, quae confessarium iuvant scire, adnotabo. Notandum 1. quod cum haeredi constat voluntas testatoris circa dispositionem piam, ipse in conscientia tenetur eam adimplere, licet nullae adessent probationes externae. Sed cum hoc non constat, non tenetur credere uni soli testi, licet probatissimo, qui hoc sibi testatur; quia saltem debent esse duo testes; ita habetur ex c. *Relatum* 1. de test. et c. *Licet*. de testib. ubi dicitur: *Nulla tamen est causa, quae unius testimonio, quamvis legitimo, terminetur*. Et haec regula certa est, ut ait Laym. et recepta ob omnibus communiter (3).

236. Notandum 2. quod legatum relictum virginibus debetur etiam corruptae, si eius corruptio est occulta, iuxta communem sententiam (4). Notandum 3. legatum relictum virginibus oriundis non dandum virginibus ibi fortuito natis, ut dicunt Sanch. Trullench. et Barbosa apud Ferraris (5). Notandum 4. pias dispositiones solum a Papa commutari posse, cum iusta intercedit causa, ut exprimitur in Clement. *Quia contingit de domib. relig.* non autem ab Episcopis, qui, (sicut probabiliter dicunt Laym. Bonac. Salm. et Trull.) tum tantum possunt, cum superveniret talis causa, quae si cognita fuisset a testatore, aliter disposuisset, interpretari eius voluntatem, et applicare legatum alii usui pio (6).

(1) l. 3. n. 917. et 918. (2) n. 919.
(3) n. 923. et 924. (4) n. 930. dub. 6.
(5) Ap. Ferraris bibl. v. Civitas n. 71

237. Notandum 5. testatores tenentur in conscientia, et quidem sub gravi legare sua bona, non solum haeredibus necessariis, v. g. filiis et parentibus, aut avis, quoad legitimam; sed etiam fratribus et sororibus, cum isti necessitate extrema aut gravi laborant, ut tenendum est cum Lugo Bonac. Silv. Diana, etc. contra Salmant. Ratio est quia nos in vitam tenemur diligere, et adjuvare fratres pauperes sub gravi obligatione, ut docent communiter Laym. Silvest. Ang. cum ipsismet Salm. ob sanguinis ligamen, et ita ut si quis suum fratrem laedit, duo committit peccata, unum contra iustitiam, et alterum contra pietatem. Si igitur obligatio pietatis nos in vita ligat quidni in morte? Dixi *necessitate extrema aut gravi*, quia si fratres essent quidem pauperes, sed non in tanta necessitate; aut si essent coniuncti in gradu remotiori, licet isti essent in gravi necessitate, tunc probabiliter non erit obligatio gravis, sed erit saltem levis (7).

238. Notandum 6 quod pater potest exhaereditare filios ex iusta causa, puta si isti tentassent eum interficere aut impedire, quominus testaretur, aut alia gravi iniuria eum affecissent; secus vero si matrimonium cum personis suae qualitatis imparibus contraxissent. Contra est valde probabile quod pater possit exhaereditare filiam, quae cum esset aetate minori 25. annis, luxuriose vixisset (8). Hoc tamen intelligitur, si filia (aut filius) habeat unde vivat, quia illa cum paupertate laborat, pater semper tenetur ei alimenta ad vitae sustentationem necessaria ministrare (9).

(6) l. 3. n. 931.
(8) n. 948.

(7) n. 946.
(9) n. 341.

TRACTATUS XI.

DE OCTAVO PRAECEPTO DECALOGI

CAPUT UNICUM

DE IUDICIO TEMERARIO, CONTUMELIA
ET DETRACTIONE.PUNCTUM I. *De iudicio temerario*

1. *De iudicio et suspitione temerariis.*
2. *Advertenda pro praxi.*

1. Iudicium temerarium tunc est peccatum mortale, cum sine sufficienti fundamento iudicamus proximum aliquod grave malum commisisse. Ex quo inferitur quod huiusmodi iudicia plerumque excusantur a mortali, aut quia fundamentum iudicatur sufficiens, aut quia non sunt iudicia, sed suspiciones, quae quamvis sint temerariae, non attingunt mortale, nisi dubitetur quod personae bono nomine essent reae gravissimorum criminum, uti atheismi, haeresis, incestus cum parentibus et huiusmodi (1).

2. In hac materia igitur advertat confessarius multos rudes se accusare, quod temere iudicarint: oportet efficere ut ipsi sciant 1. cum adsunt sufficientia momenta ita iudicandi de aliqua actione, iudicium non esse temerarium, sed iustum adeoque non esse culpabile; 2. haec ut plurimum non esse iudicia, sed suspiciones, quas domini, et patresfamilias aliquando tenentur habere, ut aliquod peccatum impediant: v. g. ne servi furentur, ne filiae peccent cum hominibus versando, et alia id genus. Tantum advertatur ne huiusmodi suspiciones cum aliis communicent sine necessitate.

PUNCTUM II. *De contumelia.*

3. *De contumelia, et de honoris restitutione.*
4. *Causa quae excusat.*
5. *De reseratione et lectione epistolarum.*
6. *Cui hoc permissum sit.*

3. Contumelia etiam est grave, cum

per eam graviter laeditur honor proximi coram ipsomet. Unde si publica fuit, publice ei honor restituendus est, veniam ab eo petendo, aut saltem efficiendo ut hi sciant iam talem honoris restitutionem factam fuisse (2). Et si contumelia clam illata est, etiam secreto compensanda est, iuxta veram et communem sententiam Lessii, Eug. Spor. Ronc. s. Anton. Salm. adversus Laym. et Molin. (3).

4. Excipitur tamen 1. si probabiliter praesumitur quod offensus ex signis quae ostendit, iam remiserit offensam, aut recuset illam publicam satisfactionem, ne novo rubore efundatur, et in hoc casu sufficiet eum alio modo honorare; 2. si offensus iam ultus fuerit iniuriae; aut si iam publice in offensorem a iudice poena sufficienti ad reparandum honorem ablatum animadversum sit (4).

5. Contumelia etiam afficeretur proximus, si eius litterae resignarentur, aut legerentur, nisi habeatur, aut saltem praesumatur consensus eius, ad quem mittuntur, aut eius a quo scriptae sunt, ut dicunt Lugo, Busemb. Escob. Navarr. etc. (5). Et graviter peccaret, si materia esset gravis, aut iudicaret proximum ita moleste laturum, ut graviter offenderetur. Eo casu tamen si revera materia esset levis, qui legeret non peccaret contra iustitiam, sed contra charitatem, ut recte dicit La-Croix cum communi contra Bonac. (6).

6. Licet contra 1. principibus reserare litteras inimicorum et etiam aliorum, qui tempore belli scribunt ad regiones inimicorum. Et idem etiam licet ministris publicis, si hoc

(1) lib. 3. n. 962. ad 965. (2) n. 966. et 984. ad 988. (3) n. 985. (4) n. 989. et 990. (5) l. 5. n. 70. ad 71. (6) n. 70. v. Ita.

iudicant oportere ob bonum commune. 2. Praelati religiosi possunt aperire epistolas suorum subditorum, si in hoc adest statutum aut usus, aut saltem suspicio probabilis quod in illis contineatur aliquid mali. Sed hoc non potest intelligi de illis epistolis, quae directae sunt ad Superiores maiores aut ab istis datae sunt. 3. Licet etiam privatis aperire litteras suorum adversariorum, qui sibi iniustae sunt molestiae; ita communiter Lessius Lugo Laym. Sanch. Nav. Bonac. Salmant. et Ronc. Et idem permittunt Lugo et Busemb. ut evitetur iniuria gravis, quae imminet alicui tertio (1). Si autem aliquis colligeret chartulas epistolae laceratae a domino, et in publico loco relictas (non vero in occulto) et ob curiositatem eas legeret, tunc ei nullam facit iniuriam (modo non patefaceret secretum cum illius damno): nam quae pro derelictis habentur, licitum est ea in propriam utilitatem convertere; ita Laym. Busemb. Diana s. Antonin. Silvest. etc. Et hoc quamvis (dicunt Lugo et Ronc.) dominus lacerasset epistolam in minutas partes; tunc enim videtur voluisse cedere suo iuri. Sed merito contradicit La-Croix cum Rebello etc. quia lacerando ille minutatim epistolam, bene significare voluit nolle eam legi, et noluisse cedere suo iuri. Et hoc, quod dictum est de epistolis, valet pro omnibus aliis scripturis; quia quilibet habet ius secreti in suis scriptis, quae non vult esse communia cum aliis; ita Navar. Mol. Busemb., etc. (2).

PUNCTUM III. De detractioe

7. *Detractio quando est culpabilis.*
8. *De arcano per fraudem cognito, etc.*
9. *De arcani obligatione.*
10. *An possit publicare delictum ob defensionem.*
11. *An propter consilium, et solamen; et an viro probo.*

(1) l. 5. n. 70 et l. 3 n. 969 ad 3 circa fin.

(2) l. 5. cit. n. 70. v. 6. Si litteras.

12. *Si delictum est publicum in uno loco etc.*
13. *Si fuerit publicum aliquo tempore ec.*
14. *Si delictum est conexum.*
15. *Si referat ut ab aliis auditum.*
16. *Qui nominat aliquem ordinem, aut monasterium.*
17. *Qui inducit, aut audit detractioem.*
18. *De famae restitutione.*
19. *Causae excusantes a restitutione.*
20. *An adsit obligatio compensandi infamationem cum pecunia.*
21. *An infamatus possit sibi compensare.*
22. *Qui sint libelli famosi, et quae poenae adsint contra eos conficientes.*

7. Detractio alterius famae tunc est mortale, cum aut publicatur delictum falsum proximi, aut delictum verum, sed occultum, et quod brevi non est publicandum; et item cum publicatur, ut infametur; nam si manifestetur ob alium iustum finem (loquendo de delicto vero) v. g. ut proximus corrigatur, aut ut evitetur damnum grave aliorum, et nullum extaret medium quo evitetur illud, tunc illud patefacere non est illicitum (nisi in casu quo damnum infamia notati esset notabiliter excedens proprium damnum): quia, ut dicit s. Thomas (3), illa dicitur vera detractio, quae fit ut denigretur alterius fama, non autem illa, quae fit ob aliud bonum necessarium: *Si verba* (sic ait s. d.), *per quae fama alterius diminuitur, proferat quis ob aliquod bonum necessarium, non est peccatum, nec potest dici detractio* (4).

8. Hic locum habet magna quaestio: An quis ad evitandum grave suum damnum, possit patefacere delictum occultum alterius, sed iniuste cognitum aut vi, aut fraude, v. g. reserando litteras etc.? Varias sunt sententiae, inter quas nobis aridet illa Lugo Laym. Tourn. La-Croix et Sporer, qui negant posse hoc fieri, quia illa actio iniusta obligat patrantem eam ad restituendum proximo omnia damna, quae inde illi proventura erunt. Eo solo casu posset

(3) 2. 2. qu. 73. art. 2

(4) lib. 3. n. 969.

revelare alterius delictum, quando ei liceret illud investigare etiam per vim, aut reserando alterius litteras, ut esset si revelatio conferret bono communi, aut si ille proximus sub gravi teneretur aperire arcanum, ut repararetur damnum, aut si ille iniustam vexationem exhiberet, et alius qui litteras resignat, probabiliter putaret in illis aliquid contineri, quod directe esset causa iniusta damni proprii, aut alterius innocentis; nam secus, si directe non contineretur in litteris vexatio, sed ab illis posset deduci indirecte aliqua notitia, qua sua utilitas promoveri posset, aut vitari damnum, non liceret tunc aperire litteras, cum hoc sit contra bonum commune societatis humanae, quod praefendum utique est bono privato; ita Less. Laym. et Salmant. cum aliis communiter (1).

9. Hic quoque opportune cadit, ut sciatur quandonam teneamur servare arcanum? In hoc oportet distinguere arcanum naturale a promisso et a commisso: *naturale* est, quando quis casu scit aliquid factum occultum; *promissum* est, cum se aliquis obligat non manifestare aliquid: *commissum* denique dicitur, cum aliquis confidit alteri arcanum cum prohibitionem non revelandi. Veniamus ad obligationem arcani. *Promissum* obligat iuxta intentionem committentis, sed non habet ille obligationem gravem observandi, nisi cum certum est ita se obligasse. *Commissum* (dictum etiam *rigorosum*) obligat strictius quam naturale, et potest tantum in sequentibus casibus aperiiri: 1. si praesumitur consensus principalis; 2. si factum iam sit publicatum. Imo Azor. Lugo Ronc. Salm. et alii dicunt non esse mortale, uni vel alteri illud communicare commissum, licet sit de re gravi; modo persona non sit talis, ut praecipue illi iudicetur committens voluisse celari; 3. si occultatio arcani vergeret in damnum commune, vel alicuius innocentis, ac

ipsius committentis: quia tunc tu bene potes detegere illud. Huc adde iuxta communioem et probabilioem sententiam cum Soto Navar. Laym. Less. De Lugo Bonac. Ronc., quod potes detegere secretum etiam ad reparandum tuum proprium grave damnum, cum deterioris conditionis non sis, quam caeteri innocentes; dummodo (limitatur) detectio non vergeret in grave damnum commune; et modo non te obligasses illud celare etiam cum aliquo tuo damno. An autem illud possis prodere in periculo vitae, cum etiam in tali periculo te obligasses celare, utraque sententia affirmativa, et negativa est probabilis (2).

10. Notandum 1. licere (ut dicunt Lugo Carden. Tournely et Busemb.) revelare aliquid verum delictum proximi, in quantum iuvat, et etiam est necessarium ad se defendendum ab aliqua insidia ab illo parata. Dictum est verum, quia imponere delictum falsum semper est grave, uti habetur ex prop. 44. ex damnatis ab Innocent. XI. quae dicebat: *Probabile est non peccare mortaliter, qui imponit falsum crimen alicui, ut suam iustitiam et honorem defendat, etc.* (3). Multi dd. tamen excusant a mortali, cum quis, ut aufugiat acriores cruciatus, confitetur commississe delictum cuius immunis est; sed hoc non admittimus cum aliis (4), observa id quod dicitur in *Tract.* 13. n. 84.

11. Notandum 2. licere patefacere alterius peccatum in quantum conducit proprio consilio, aut levamini in aliqua iniuria gravi, qua quis affectus est, ut communissime Navar. Bon. Sairo. Ledes. Mazzotta Busemb. Salm. et alii. Et multi graves dd. ut Less. Caiet. p. Nav. Bonac. Covar. Nav. Trullench. etc. excusant (saltem a gravi) qui revelaret aliquid delictum secretum uni vel alteri viro prudenti, dum fama consistit in aestimatione hominum, ideoque non iudicatur infamatio significare illud et 971. (3) n. 972. (4) l. 4. n. 275

(1) lib. 3. n. 969. circa fin. (2) n. 970.

peccatum uni vel alteri qui illud ce-
latum tenerent. Et hoc idem aperte
sentit s. Thomas (1) dicens: Si ex
incautela alicui dixerit hoc (nimirum
alterius peccatum), ita tamen quod
non proveniat inde infamia delin-
quenti, tunc non peccat mortaliter,
licet incaute agat (2).

12. Notandum 3. quod cum delictum
est publicum alicubi, dubitatur an sit
gravis culpa illud manifestare alibi
etsi eo non adhuc pervenerit notitia,
nec brevi perventura erit? Adsunt
tres sententiae. Prima cum Dicast.
Villalob. Antoine Tournely Cuniliati
etc. tenet esse mortale contra ius-
titiam, quia delinquens adhuc ibi
suam famam possidet. Secunda cum
Lessio Sylvio et Bonac. tenet esse
mortale contra charitatem, quia li-
cet reus amiserit ius ad famam, va-
lide tamen moereret, sciendo pa-
lam fieri suum crimen eo loco ubi
ignoratur. Tertia sententia commu-
nior, quam mordicus tuetur Lugo (et
vocat communem ac veram) cum Cai-
et. Anton. Ledesma, et Maior, eam-
que tenent Salm. cum Navar. Ban-
nez Serra Fill. Fagund. Macado et
aliis (3), dicit non esse gravem cul-
pam neque contra iustitiam neque
contra charitatem. Plures asserunt ra-
tiones praefati auctores; sed potior
ratio est, quia ad bonum commune
expedit agnoscere malefactores, ut ab
eis alii cavere se possint; hocque
commune bonum damno praeponde-
rat delinquentis. Haec ratio utique
valde probabilis mihi videtur, sem-
per ac crimen est tale, quod red-
dat reum perniciosum et vitandum,
prout esset crimen latrocinii, impu-
dicitiae, homicidii, prodicionis, et si-
milium. Nec obstat dicere quod reus,
possidendo eo loco famam suam, ne-
quit illa exspoliari per solam opinio-
nem probabilem; nam respondetur
quod eodem tempore quo ipsius pec-

catum publicum evadit, ex una parte
iam probabiliter amittit ipse ius ad
famam, et ex alia omnes acquirunt
ius ad ipsum agnoscendum, ut evi-
tent; et cum ius rei evadit incer-
tum, incerta quoque evadit posses-
sio illius. Invenio autem quod p. Con-
cina (4) in hac quaestione distinguit
et ait, quod cum delictum est noto-
rium *notorietate facti*, scilicet pu-
blice patratum, tunc patefieri potest
ubicumque; cum vero notorium est
tantum *notorietate famae*, sic inquit:
*Cauti omnes sint oportet, quia facile
fingitur haec publica fama.* Adverte
autem quod delictum publicatum in
una tantum familia aut monasterio,
non potest dici absolute publicum;
unde non potest alibi manifestari, et
ne in alio quidem monasterio ipsius
ordinis, quod cum illo haberet fre-
quentem communicationem (5).

13. Delictum vero alicuius publi-
cum uno tempore, non potest in alio
in quo factum est occultum publi-
cari sine gravi culpa, saltem contra
charitatem; excipe tunc si delictum
esset publicum, non solum *notorie-
tate facti*, sed etiam *notorietate iuris*,
nempe per sententiam iudicis, aut rei
confessionem in iudicio, ut docent
Lessius Lugo La-Croix etc. (6). Ce-
terum hoc non obstante, non prohi-
betur quin historici delicta publica
describant, etiam ex solo facto; So-
tus Molina Vasq. (7).

14. Notandum 4. quod si quis in-
famia notatus est ob unum delictum,
non est grave illum infamare de alio
illi connexo, aut affine, ut si dicatur
de milite fornicasse, et huiusmodi.
Secus vero si publicaretur aliud pec-
catum diversum; aut si de eo qui
dicitur esse adulteratus semel, pa-
tesciet bis eum lapsum esse (8).

15. Notandum 5. peccare tantum
venialiter eum qui refert peccatum
proximi, sed uti narratum ab ini-
micis, aut aliis modicae fidei, aut si
1. p. 239. n. 10. (5) l. 3. n. 974. (6) n.
974. v. Similiter. (7) Vide Salm. de rest.
c. 4. n. 37. (8) l. 3. n. 976.

(1) Quodlib. 11. a. 13. ad 3. (2) l. 3.
n. 973. in fine et 974. (3) Lugo d. 15.
n. 59. Salm. tr. 13. de rest. c. 4. n. 61.
cum aliis. (4) Conc. Comp. theol. tom.

verisimiliter creduntur auditores non praestare fidem dictis. Sed peccabit mortaliter, si dicet a fide dignis audivisse, aut si refert delictum gravissimum; quia in hoc erit peccatum grave etiam solum suspectum fundatum praebere (1).

16. Notandum 6. peccare eum qui detrahit famae alicuius ordinis religiosi, aut monasterii alicuius religionis, et etiam qui publicat delictum alicuius religionis, nominando monasterium aut ordinem. Nihilominus si ordo esset amplius, recte ait p. Concina, non aestimandum grave peccatum, nec frangi sigillum, nominare ordinem qui non est strictae observationis (2).

17. Notandum 7. peccare graviter qui inducit alterum ad detrahendum. Qui etiam non inducit, sed oblectatur de detractioe ab aliis facta, peccat etiam graviter, sed tantum contra charitatem. Sed qui oblectaretur non de damno, quod proximus patitur in illa detractioe, sed tantum de novitate, aut curiositate, quam continet detractio illa, multi dd. excusant a gravi; modo ille non esset Superior; quia graviter interest subditum detrahentem corripere. Superiores igitur peccant graviter contra charitatem (sed non contra iustitiam), ut recte tenent Lugo Sotus Reb. Dicast. etc. si omittunt corripere subditos detrahentes proximo de re gravi (3). Sed qui non est Superior a multis gravibus dd. excusatur a peccato mortali, si ob verecundiam, aut timorem, non nititur impedire detractioem, dummodo proximo (ultra infamiam) non immineat aliud damnum ex detractioe causandum, et modo ait s. Thomas (4), certe non sciat quod si corripere detractioem impediret; sed hanc certitudinem habere est moraliter impossibile ei qui non est Superior, aut saltem si non multo praestat dignitate, aut nobilitate (5). Advertunt Lugo, Busemb. etc. er-

(1) lib. 3. n. 977. (2) n. 979. ad 16. v. Similiter, et l. 6. n. 654 in fine.

rare eos qui statim ac audiunt loqui contra proximum, putant illius teneri ad correctionem; quia saepe plus prodest proximo, ut detractio incoepa terminetur, dum aliquando, expleto discursu, cognoscetur quod res aliter sese habeat, quam in principio apprehensa fuit. Ceterum ut ab omni scrupulo se eximat; ubi audit aliquem detrahentem, et quidem de re gravi, et occulta, satis erit si a circulo discedat; aut si nitatur sermonem alio traducere, aut si ostendat sibi illud displicere, vultum alio convertendo, aut oculos demittendo aut vultum valde serium ostendendo (6).

18. Notandum 8. iniustum detractorem teneri ad famae restitutionem, et etiam ad damnum illi causatum (dummodo sit saltem in confuso praecognitum); et non solum cum delictum impositum est falsum, palinodiam canendo apud auditores, tam mediatos, quam immediatos (cum immediati negligerent advertere suos auditores); sed etiam quando est verum, prospiciendo modo quo meliori potest, dicendo v. g.: *Erravi, allucinatus sum, me fecellit, mentitus sum*; quia omne peccatum est fallacia, et mendacium, iuxta s. Ioan. Ego soleo hoc consilium dare, ut dicant: *Ex capite meo hoc erui*, (vulgo *me l'ho cavato dal capo*) aequivocando quia omnia verba e mente (pro qua accipitur caput) procedunt. Quod si unquam famae restitutio probabiliter maiori damno potius, quam utilitati infamia notato futura esse iudicaretur, quia praesumeretur ab hominum memoria effluxisse (ut iam praesumitur, cum famae obtrectatio multo abhinc tempore acciderit, et inde hoc omnino in oblivione iacuerit); tunc satius est occasiones captare infamatum laudandi in aliqua eius virtute; ut eum in bonam aliorum opinionem ponat, quam res praeteritis hac famae restitutione in memoriam revocare. Confessarius attamen curet ut huiusmodi

(3) l. 2. n. 980. (4) 2. 2. q. 73. a. 4. (5) l. 3. n. 981. (6) n. 980.

famae compensationes, cum commode fieri possunt, ante absolutionem fiant, quia postea difficulter adimplebuntur; licet ceteroquin haec minus difficultatis habeant, quam pecuniae restitutio (1).

19. Denique notandum detractorem plurimis ex causis posse excusari a fama restitutione: 1. Si delictum iam ex alia via fuerit factum publicum, aut si infamatus aliis modis suae famaе consuluerit; 2. si prudenter praesumitur diffamatus remisisse, dum quilibet est suae famaе dominus, ut dicunt Laym. Nav. Trullench. Busemb. Holzman etc. cum communi (2); modo, intelligitur, possit remitti, dum remittere non potest quando eius infamia cederet in scandalum, aut in damnum commune, aut suorum; 3. si ob famaе restitutionem subeundum esset periculum vitae, aut damnum multo gravius, quam est illud infamati; 4. si iudicatur quod detractiōni praestata non sit fides, ut quando fit in iracundiae calore; 5. si prudenter iudicatur quod factum oblivione sit deletum, ut supra dictum est; 6. si infamatus etiam tibi detraxit, et adhuc non restituit, quia tunc iuxta sententiam communiorē et probabiliorē Soti Sylvii Vigandt Tournely Laym. Salmant. etc. tu potes suspendere tuam restitutionem, donec alter adimpleat suam (3).

20. Dubitatur 1. an cum famaе restitutio non potest fieri, teneatur detractor pecuniis compensare? Alii ut Sylvius Sotus etc. cum s. Thoma (4) probabiliter affirmant, quia fama etiam est pretio aestimabilis. Sed sententia communior, et probabilior cum Lessio Lugo Sanch. Laym. Vasq. Bon. Salm. Croix etc. negat, quia iustitia obligat solum ad restituendum ablatum, aut aequivalens; sed fama, cum sit diversae speciei, quoniam ordine superior est bonis, nunquam quocumque pretio compensari potest. Unde restitutio facta per pecuniam nunquam erit congruens satisfactioni,

(1) lib. 3. n. 992. (2) n. 1003. (3) 998. et 999 (4) 2. 2. q. 62. a. 2. ad 2. (5) l. 3. n.

cum infamatus semper eodem modo quam ante pretii solutionem creditor restaret (5). Observetur quod dictum fuit *Tract.* 10. n. 85.

21. Dubitatur 2. an cum detractor non potest, aut non vult famam restituere, possit infamatus pecunia se compensare a detractore? Alii dd. negant, quia nequit fieri compensatio cum sola probabili opinione. Alii tamen affirmant, ut Lessius Molina Arag. Ledes. etc. et Salm. admittunt hanc opinionem uti practice probabilem, dicentes regulam, non posse compensari cum probabili, procedere cum debitum est dubium non vero cum est certum, ut certum est creditum quod habet offensus de sua fama, et dubium tantum versatur de modo compensandi, et hunc modum probabiliter admittunt dd. (6). Hoc non obstante adhaereo primae sententiae, dum infamatus est creditor in materia famaе, non autem bonorum; et si probabile est, imo probabilius (ut nuper vidimus) non teneri detractorem pecuniis compensare, cum non potest famam reparare, semper evenit, quod infamatus compensatur ob creditum tantum probabile, non certum (7).

22. Aliquid hic addendum circa libellos famosos. *Libellus famosus*, sive *infamatorius* est, cum publicatur in scriptis aliqua gravis et occulta infamia cuiusdam. Vocatur etiam libellus famosus scriptura tradita iudici absque nomine accusatoris. Adversus eos qui hos libellos faciunt, adest excommunicatio ferendae sententiae ut habetur ex c. *Qui alterius* 5. *quaest.* 11.; sed latae, si libellus sit adversus Papam, aut Cardinales; imo est reservata, si est contra ordines Franciscanum et Dominicanum, aut alium communicantem; non vero si contra aliquem particularem Religiosum. Eandem culpam et poenam incurrunt qui ad alicuius ianuam quoddam infamatorium signum appendunt (8).

627. et 1000. (6) n. 1001. (7) Vid. l. 1. n. 35. v. Hinc. (8) lib. 3. n. 995.

TRACTATUS XII.

DE PRAECEPTIS ECCLESIAE

1. Praecepta ecclesiae sunt multa, sed principaliora et communiora populo christiano sunt quinque: 1. Sacro interesse diebus dominicis, et festis de praeepto (sed de hoc iam satis in tertio praeepto decalogi): 2. ieiunare in quadragesima, vigiliis, quatuor temporibus; 3. abstinere a carnibus feria sexta, et sabbato; 4. confiteri saltem semel in anno, et communicare in Paschate; 5. non celebrare nuptias temporibus vetitis, et de hoc agetur in *Tract. de matrimonio*. Itaque restat hic agendum de 3. et 4. praeeptis. In 1. capite erit sermo de ieiunio, et hic etiam agetur de abstinence a carnibus; in 2. capite de confessione et communione annuali.

CAPUT I. DE IEIUNIO ECCLESIASTICO

PUNCTUM I. De ieiunii obligatione.

2. De abstinence a carnibus.
3. et 4. De lacticiniis.
5. De larido.
6. De tribus Bullis Benedicti XIV.
7. An dispensati ad carnes possint vesci piscibus.
8. De carne suina.
9. De unica comestione.
10. De interruptione prandii.
11. De electuariis, etc.
12. De potionibus.
13. De vino et birra.
14. De sorbetto.
15. De chocolate.
16. ad 19. De collatiuncula serotina.
20. Si quis pluries vescitur carnibus, aut alio cibo, etc.
21. De hora refectionis.

2. Tres sunt conditiones quas requirit ieiunium ecclesiasticum, abstinence a carnibus, unica comestio, et hora refectionis. Praecipue ieiunium consistit in abstinence a carnibus eorum animalium, quae in terra nascuntur, et respirant iuxta regulam s. Thomae (1); aut communiter

(1) 2. 2. q. 147. (2) De synodo l.

Homo Apосто.

inter carnes, et non inter pisces reputantur iuxta sententiam communem aliorum. In dubio autem an esus carnum alicuius animalis tempore ieiunii sit licitus vel illicitus, nec adsit legitima consuetudo, videndum erit, ait Benedict. XIV. (2), ex regula Angelici, *an huiusmodi animal sit simile, aut dissimile iis, quorum esus diebus ieiunii interdictus est, et an illius carnes humano corpori validius nutriendo, et corroborando idoneae dignoscantur; quod ubi ita esse appareat, profecto inter eas adnumerari debent, quae ieiunantibus apponi nequeunt, quemadmodum late probat Tamburinus tum l. 4. in Dec. c. 5. §. 1. n. 10. tum ad 4. praec. Eccl. c. 3. n. 2.* Et si ita nec quid certi definiri potest, subiungit idem Benedict. rem deferendam esse ad sedis apostolicae iudicium. Hinc dicunt Bonac. Regin. Conc. Tamb. Holz. Elbel, etc. non esse vetitas testudines, ranas, limaces (vulgo dictas *maruzze*), locustas (vulgo *grilli*), aut conchilia. Idem dicunt Holzman et Elbel de lutris (vulgo *lutrie*), de castoribus, et de anatibus cuiusdam generis. Contra aves, licet quaedam earum nutrantur in aquis, nihilominus omnes pro veris carnibus habentur, ut sunt fulicae, corvi marini, et similes (3). Ab isto praeepto sunt immunes amentes, et pueri ante usum rationis. An autem eximantur pueri qui ante septennium perfecto usu rationis dotati sunt, vide quod dictum fuit *Tract. 2. n. 37.*

3. In quadragesima autem adultis prohibentur sub gravi, non solum carnes, sed etiam ova et lacticinia, ut habetur ex prop. 32. ab Alexandro VII. proscripta, quae dicebat: *Non est evidens quod consuetudo non comedendi ova, et lacticinia in quadragesima obliget.* Hic quaeritur 1. an in vigiliis, et quatuor temporibus

11. c. 5. n. 12 (3) l. 3. n. 1011. et 1012.

extra quadragesimam sint universe interdicta lacticinia? Nonnulli (sed pauci) affirmant ex can. *Denique 6. dist. 4. ubi s. Gregorius scripsit: Par autem est, ut ieiunemus a caseo et ovis.* Et huius sententiae videtur esse s. Thomas (1) dicens, Ecclesiam interdicere fidelibus tam carnes, quam ova. Sed nos dicimus cum sententia communi, in vigiliis non vetari lacticinia, nisi ubi inolevit consuetudo abstinendi; ita Navarr. s. Antonin. Laym. Sanch. Concina, et alii cum Salm. qui pro hac re adducunt etiam Concil. tolet. Nec obstat dictus can. *Denique*, quia ibi s. Gregorius quaesitus fuit de solo ieiunio quadragesimali, et congrue responsio arrisit petitioni; et s. Thomas de eadem quadragesima loquitur, nam de aliis ieiuniis disserens *cit. a. 8. ad 3. dicit: Et ideo in quolibet ieiunio interdicatur esus carnum; in ieiunio autem quadragesimali interdicuntur universaliter etiam ova et lacticinia.* Igitur extra quadragesimam de iure non interdicuntur ova. Nec obstat quod exprimitur in Bulla, *In suprema N. SS. P. Benedict. XIV. In quadragesima aliisque diebus carnum et lacticiniorum esus est prohibitus, dispensari contigerit*, etc. Nam ut scripsit probabiliter quidam auctor modernus (*P. de Petio Teatinus in addit. ad Fel. Pot.*), per praedicta verba non reprobatur sententia contraria, cum possint intelligi relative ad tempus solummodo quadragesimale, non vero aliis: sed nodus omnis solvitur ex aliis verbis Pontificis *de Synodo* (2) ubi Pontifex sic loquitur: *In caeteris vero ieiuniis extra quadragesimam sicut ab Episcopo prohiberi non debent ova, et lacticinia in iis locis, in quibus eorum usus legitima consuetudine iam pridem inolevit, ita, etc.* Si Episcopis insinuat quod prohibere non possunt, evidens est quod reipsa quidem non prohibuit, nec declaravit prohibita esse, saltem ubi consuetudo viget iis vescendi (3).

(1) 2. q. 147. a. 8.

(2) l. 11. c. 5. n. 13. (3) l. 3. n. 1009.

4. Quaeritur 2. an ubi adest consuetudo abstinendi a lacticiniis, incolae teneantur sub gravi ab illis abstinere? Negant Sanch. Villal. Tamb., etc. quia de ea non constat (uti dicunt) an introducta sit cum animo se obligandi sub gravi, uti necesse erat. Sed affirmat communis sententia, quam nos sequimur cum Less. Laym. Conc. Salm. Bonac. Viva, et aliis cum s. Thoma (4); quia sicut diximus *Tract. 2. n. 79. in fin. cum talis abstinencia sit gravis oneris, et cum videatur ita constanter observari, bene quidem praesumitur introducta esse et continuata animo se obligandi, aliter faciliter cessasset; et posito quod praesumptio stet pro obligatione, pro ea stat possessio, et non pro libertate* (5). Et idem dicemus propter eandem rationem de obligatione Monialium ad Horas canonicas. Vide in appendice 3. *de examine Ord. n. 61.*

5. Quaeritur 3. an iis quibus permittuntur lacticinia, permittatur laridum? Affirmant Silvest. Ostiens. Abb., etc. et p. Viva appellat probabile, citans Laym. et Azor. (sed ego inveni Laym. omnino id improbare, et Azorium non damnare tantum). Tamburinus cum Diana et Henricus admittit solum cum liquesfactum est; sed ego iudico sequendam esse primam sententiam communem San. Bonac. Conc. Ronc. Elbel. Milante, et aliorum qui omnino negant, quia pinguedo est vera caro (6).

6. Quaeritur 4. an dispensati ad carnes, aut ad lacticinia, possint diebus ieiunii vesci piscibus? Sed hic ante omnia notanda sunt ea quae sancita sunt, et declarata a SS. P. Benedicto XIV. circa ieiunium in tribus suis Bullis. Et 1. in Bulla *Non ambigimus* data die 30. Martii 1741. declaratum fuit neminem posse dispensari ad carnes *sine legitima causa et de utriusque medici consilio*, nempe medici et parochi, aut confessarii; et

(4) cit. qu. 147. a. 8. ad 3.

(5) l. 3. n. 1009. dub. 3. (6) n. 1010.

super declaratum fuit ad dispensandum cum integro populo, aut communitate, requiri gravissimam et urgentem necessitatem, ac dispensationem impetrandam esse a Sede apostolica toties quoties opus fuerit; et tunc sic dispensatos teneri ad unicam comestionem, ac non esse miscendas licitas atque interdictas epulas, nempe carnes et pisces, ut declaravit in rescripto ad Episcopum Compostellae, quod affertur in Bulla *Libentissime*. 2. In Bulla *In suprema* eiusdem anni, die vero 22. Augusti declaratum fuit iisdem duobus praeceptis teneri quemlibet privatum cum quo dispensatum esset, et non tantum in quadragesima, sed etiam in omnibus aliis ieiunii diebus. 3. In Bulla *Libentissime* sub die 10. Iunii 1745. declaratum fuit dispensatos ad carnes in collatiuncula serotina *eo cibo eaque portione debere uti, quibus utuntur ieiunantes meticulousae conscientiae*. 4. Debere ipsosmet observare normam praescriptam ieiunantibus. 5. Cibos vetitos dispensatis ad carnes esse pisces (etiam in Dominicis quadragesimae); ita ut in eadem mensa non possint simul apponi carnes et pisces. Epulas interdictas (sunt verba Bullae) *esse pisces, adeoque utrumque simul adhiberi non posse*: subiungendo ibi quod permittuntur pisces dispensatis ad lacticinia.

7. His positis, dubitabatur a quodam an in mensa privata liceret dispensatis ad carnes vesci aliquo pisce? Super hoc scripsit praenominatus de Petio, inhibitionem esse factam tantum pro conviviis ob scandalum, non autem pro illis in mensa privata qui moderate vellent aliquo pisciculo vesci, ablato scandalo, et non ex gula. Sed esto istae limitationes ponantur, attamen omnino improbabilis est talis opinio (ne dicam inventum), dum 1. Bulla loquitur generaliter. 2. Pontifex in tantum exprimit convivia in citata Bulla, non quia praeceptum cadere velit tantum super illa, sed ut ostendat quo fuis-

set praetergressa gulae indulgendi licentia, ut etiam ad convivia epulae interdictae inferantur, quod utique temeritatem maiorem sapit. 3. Relictis subtilitatibus ratiocinationibusque inanibus ex eo quod in posterioribus Bullis statuitur, luce meridiana clarius videbitur longe aberrasse de Petio. In Bulla enim *In suprema* sic statuitur: *Nos quibuscumque... dispensari contigerit, ab omnibus omnino, et nemine excepto (nota) unicam comestionem, et licitas, atque interdictas epulas minime esse apponendae declaramus, atque decernimus*. Ergo sicuti nemini, sive in privato, sive in convivio licet plures comestiones adhibere, ita nec epulas interdictas (quales sunt pisces), cum ad utrumque obliget omnes, nemine excepto; alias deberent excipi qui privatim et non in convivio pisces comesturi essent. 4. Interrogatus Pontifex quatenam epulae sint interdictae coniungi cum licitis, respondit epulas licitas pro iis quibus permissum est carnes comedere, esse carnes ipsas; epulas interdictas esse pisces, adeoque utrumque simul adhiberi non posse: ergo pisces interdicti sunt iis quibus conceduntur carnes absolute, quales sunt ii qui etiam privatim comedunt. 5. Pontifex ibidem declarat pisces non interdicti iis, qui sunt dispensati ad lacticinia, ergo sunt interdicti dispensatis ad carnes. Quid clarius desideratur?

8. Quaeritur 5. an dispensatis ad carnes tempore ieiuniorum, sit vetita caro suina? Affirmat absolute p. Conc. ex quodam Decreto quod adducit Clementis XI. Romae edito die 24. Februarii an 1702. Sed communiter negant Lugo Sanch. Croix Tamb. Salm. cum Trull. Villalob., etc., quia esset nimis scrupulosum (uti dicunt) imo magis molestum, quam ieiunium ipsum, si quilibet dispensatus examinare deberet, quae carnes sibi essent nocivae, quae vero non. Nec obstat Edictum (non iam Decretum) praefatum Clementis, ubi duo praecepta

fuerant, unum ut dispensati tenerentur ad unicam comestionem, aliud ne iisdem permitterentur carnes insalubres: non obstat, dico, quia illud Edictum non fuit generale, sed particulare pro statu romano, ut attestatur Viva et alii, et ut declaravit idem Benedictus XIV. cum erat Archiepiscopus Bononiensis in *notific. tom. 1. n. 24.* Et postea in Bulla *Non ambigimus*, cum meminisset laudatum Edictum, licet universale fecisset praeceptum unicae comestionis, sub silentio tamen praeterivit praeceptum de abstinendo a carnibus non salubribus: unde argumentatur non voluisse Pontificem hoc praeceptum fieri universale. Sed ut loquar in particulari de carne suina, non mihi videtur quod possit dici absolute nociva, dum ista, ut scribit celebris medicus Hoffmanno, maximam habet cum sanguine humano convenientiam. Sed dicit aliquis, cur talis caro interdicta fuit Hebraeis, nonne quia nociva? Sed respondetur quod in Palaestina (regione valde calida) ibi ideo potuit ut nociva prohiberi, quia ibi sues (iuxta Calm. in Levit. 11. 8.) sunt faciliores lepra inficiari; quod in aliis partibus non ita accidit: sicut etiam vetita fuit caro leporis, sed in istis regionibus lepores certe non reputantur nocivi. Praeterea s. Thomas (1) dicit carnes vetitas fuisse Iudaeis, aliae ob nimiam humiditatem aut siccitatem; aliae ob immunditiam, ut carnes suillae; et revera ratio talis prohibitionis allata a Moyse est, quia illae erant carnes immundae Hebraeis: *Horum carnibus non vescimini, quia immunda sunt vobis, Levit. 11. 8.* Dicuntur immundae, quia, ut scribit Plutarchus, *nullum animal ita gaudet coeno ac sordidis locis.* Insuper ait Natalis de Alexandro, et idem prius scripserat Tertullianus (*Lib. 2. contra Marcionem c. 18.*), carnem suillam fuisse prohibitam Iudaeis ad frenandam gulam et incontinentiam.

(1) 1. 2 q. 102. a. 6. ad 1. (2) 1. 3. n.

9. Secunda conditio ieiunii est unica comestio. Dubitabatur prius an dispensati ad carnes ad illam tenerentur, eo quia cessante abstinentia a carnibus, cessabat quoque essentia ieiunii? Sed hodie (ut diximus) declaratum habemus a Benedicto XIV. ieiunium duo continere praecepta, unde licet cesset primum de abstinentia a carnibus, non cessat secundum (licet minus principale) de unica comestione; excipitur tamen casus quo dispensatio ad carnes concedatur ob infirmitatem aut debilitatem virium, ut dicunt dd. communiter, et ut ab eodem Pontifice declaratum est in Bulla *In suprema*, ubi dicitur: *Dummodo nulla certa et periculosa affectae valetudinis ratio intercedat, vel aliter necessario fieri exigat* (2).

Tertia conditio est hora refectionis, quae est circa meridiem. Fit quaestio an peccet notabiliter antevertere horam sine causa? Illud notabiliter alii intelligunt plus quam horam, sed alii probabilius tantum horam. Ceterum anticipare infra horam omnibus licet. An autem anticipatio notabilis sit mortalis, affirmant Azor. Sanch. Ronc., etc.; sed communius negant Less. Tolet. Pal. Laym. Roncag. Holzm. et Salm. cum aliis pluribus. Quia hora non est de essentia ieiunii, sed tantum circumstantia accidentalitatis, quae licet olim graviter obligabat, hodie tamen, ut aiunt Holzman et Roncaglia, postquam ex consuetudine mutata est hora prandii, designatio temporis non videtur inducta tanquam de substantia ieiunii (3).

10. Permittitur nihilominus 1. interrumpi prandium ob aliquod negotium quod intercedit. Sine causa ceteroquin non licet prandium interrumpere, et denuo ad mensam redire; sed hoc intelligitur moraliter; nam etiam sine causa, et quamvis aliquis terminasset prandium, potest iterum comedere, si commensales prosequun-

1015. v. hic autem

(3) n. 1016

tur prandere, aut si in mensa afferantur aliae epulae, quae non expectabantur; ita Sanch. Salm. et Villalob. Imo Filliuc. Tamb. et Elbel concedunt generaliter posse sumi alium cibum post sesquiquadrantem. Certum est autem per horam, sine causa, prandium interrumpi: sed si aliquo negotio quis intercipitur, utique potest ad horam interrumpere; imo Lezana Diana Fag. Tamb., etc. concedunt usque ad duas: sed id iure merito ait Holzm. licere, cum quis cibo sufficienti non fuerit refectus et ieiunium sub gravi incommodo tolerare non potest, tunc potest prandium reassumere, quia ecclesia non intendit aliquem obligare diem ducere sine sufficiente refectione (1). Probabiliter tamen dicunt Croix Fagund. et Tamb. licere prandium protrahere usque ad duas horas; et Elbel. cum Gobat admittunt usque ad tres aut quatuor horas, saltem pro Germanicis, inspecta eorum consuetudine (2).

11. Permittitur 2. aliquod sumere ratione medicinae, ut sunt electuaria (quae sunt quaedam conservae ex saccharo et iuniperis, aut cedro, etc. confectae) de quibus loquitur s. Thomas (5), et sic dicit: *Electuaria assumuntur ad digestionem, unde non solvunt ieiunium, nisi forte aliquis in fraudem electuaria in magna quantitate assumat per modum cibi*. Itaque licet assumere haec electuaria ob quamlibet causam iustam, nempe ad vehiculum cibi, ad stomachi roborationem, ad vocem conservandam, ad auferendum oris foetorem et huiusmodi. Ita etiam permittitur sumere parum cibi (v. g. unciam) ad depellendam debilitatem, ut communiter Azor. Less. Tol. Laym., etc. Nonnulli hoc permittunt toties, quoties bibendum erit, ne potus noceat; sed hoc, ut recte dicunt alii, vix potest permitti semel atque iterum in die (4).

(1) lib. 3. n. 1020q.3. et 4. (2) ibid quacr. 5. (3) 2. 2. q. 147. a. G. ad 3.

12. Permittuntur 3. omnes potiones, quae per modum potus accipiuntur, ut sunt *Caffè, et Thé, Salviae*, etc. non autem lactis, aut iuris, quia licet hae potiones sorbeantur, tamen non habent rationem potus, sed cibi, et potius ad nutritionem, quam ad cibi vehiculum referuntur. Et idem dicitur de succo fructuum, aut pomorum, vulgo *melloni d'acqua* (contra id quod quidam modernus anonymus improbabilius scripsit), et etiam uvarum dentibus confectarum, aut tunc pressarum (5).

13. Dixi ~~horarum~~ *tunc pressarum*, non *vini*, quia licet antiqui fideles etiam a vino abstinere, hodie vinum non est prohibitum, licet biberetur ad sedandam famem, ut communiter tenent Azor. Sanch. Less. Navar. Layman. Bonac., etc. cum Salmant. qui ob praesentem consuetudinem hanc sententiam vocant certam. Et etiam s. Gregorius tunc temporis in cit. c. *Denique, dist. 4.* permittebat vinum sine ulla exceptione: *Vinum quoque ita bibere permittitur, ut ebrietatem omnino fugiamus*. Et idem dicitur de *cerevisia* seu *birra* (quae conficitur ex aqua hordeacea, et aliis ingredientibus), quae etiam pro vero potu accipitur (6).

14. Idem dicimus de aqua mixta saccharo, et succo cinnamomi vel mali cedrini, vulgo dicta *sorbetto*, vel *limonata*, ut docet communis sententia cum Wigandt Concina Elbel Salm. Viva Croix, etc. dum (ut dicunt) semper ac parva quantitas harum rerum misceatur cum magna quantitate aquae, reputatur potio naturalis. Nec debet existimari quod per congelationem mutet naturam, quia naturae mutatio importat privationem essentiali: sed aqua congelata in os immissa statim liquefit, et ad priorem statum redit. Et quod congelatio non mutet naturam, etiam habemus ex Rubrica Missae (c. 10. n. 11.) approbata a S. Pio V. ubi dicitur quod,

(4) l. 3. n. 1018. et 1019. (5) n. 1021 (6) n. 1022.

cum in celebrando Missam congelantur post consecrationem species vini, non debent iterum consecrari (quod utique deberet fieri omnino, si congelatio mutaret naturam specierum), sed debent liquefieri igne, et postea sumi (1).

15. Quaestio magna est inter dd. an potio *chocolatis* frangat ieiunium. Multi negant, Card. Brancatius Escob. Hurtad. Holzm. Viva, etc. modo aquae portio sit in quantitate excedente; dicentes ex hoc sumi rationem potionis, ideoque dicunt posse sumi toties quoties libet in die. Alii vero affirmant, ut Sanch. Sylvius Laym. Ronc. et Tambur. dicentes eam potionem tantum habere rationem potus, quae ad alimenti vehiculum inservit, non autem illam quae ipsa est alimentum, ut est lac, et ius, et ita est etiam de chocolate, unde concludunt per illud frangi ieiunium, nisi sumatur in parva materia. Quid ego vero sentio dicam: mihi utique *chocolate* pro potu non probatur, dum vere illud nutrit, et non videtur simplex potus. Sed nihilominus dico licere illud sumere ob duas rationes; prima est, quia si chocolate non habet rationem potus communiter tamen a multis iudicatur habere rationem medicinae, et sicut diximus cum s. Thoma posse sumi electuaria, licet nutrant, ita etiam chocolate, et in hoc convenit etiam p. Concina. Secunda ratio magis universalis, quia hodie talis potio est in usu apud omnes, ut testantur Salmant. Viv. Holzm. Tamb. et Ronc. qui, stante hac consuetudine, pro comperto habent posse licite sumi. Sed tam ratione medicinae, quam consuetudinis, puto cum Salm. et Milante, non posse permitti amplius quam semel in die. Sed tota nunc opinio varietas est circa quantitatem in qua possit sumi, quin ieiunium laedatur. P. Concina dicit posse admitti sub medicinae ratione; sed dumtaxat in aquam ponendo *parum*

(1) l. 3. n. 1022. quaer. 2. (2) l. 2. 2. q.

pulveris, quod utique est nimis rigidum, et a nemine usque adhuc assertum. Alii ut Salm. cum Leone, et Turriano permittunt usque ad duas uncias. Sed ut meam in medium proferam sententiam, cum Episcopo Milante rationabilius mihi videtur posse admitti iuxta usum communem sesquiunciam, cum ea aquae quantitate, quam capere potest vas usuale, quia haec est quantitas illa, quae communiter est in usu.

16. Permittitur vespere refectiuncula iuxta consuetudinem, quae hodie viget in locis a Praelatis tolerata: nam s. Thomas (2) de ieiunio disserens, dicit: *Ex hoc ipso quod Praelati dissimulant, videntur annuere*. Et in hoc certe standum magis auctoritati aa. modernorum, licet inferiores numero, quam antiquis, qui nihil poterant attestari de consuetudinibus modernis. Nulli dubium est quod antiquitus ieiunium rigorosius observabatur, sed iuxta modernam disciplinam ab omnibus admittitur serotina refectiuncula. In hoc debet attendi quid consuetudo permittat tam circa *quantitatem*, quam circa *qualitatem* ciborum. Circa *quantitatem* (quicquid dicat p. Concina, qui nihil aliud permittit, nisi tres uncias), alii permittunt quartam partem coenae consuetae: sed haec regula mihi non probatur, quia aut potest esse nimis indulgens (saltem respectu aliorum), aut saltem est nimis obscura et scrupulosa. Melius igitur est sententiam sequi aliorum, communiter hodie acceptam, uti testantur Castropal. Ronc. Salmant. Viva Bonac. Holzm. Elbel Tamb. Dian. Spor. Milante Croix Felix Pot. Mazzot., etc. quae omnibus indiscriminatim (etiam illis qui parvo cibo indigent, ut etiam communiter dicunt) permittit quantitatem octo unciarum, et aliquid aliud (nempe duas alias uncias, quod est parva materia, uti dicitur num. 20.) ei qui maiori nutrimento opus haberet (3). In vigilia Nativita-

147. a. 4. ad 3. (3) l. 3. n. 1025.

tis communiter admittitur collatiuncula duplo maior, nempe 16. uncium, ratione talis solemnitate, etiamsi talis vigilia incidat in sabbato 4. temporum; non autem in sabbato sancto, nec in vigilia Pentecostes. Nonnulli, uti Salmant., permittunt in vigilia Nativitatis usque ad satietatem refici, dicendo talem esse consuetudinem: sed ego de illa valde dubito in nostris regionibus; tanto magis quod p. Mazzotta Pasqual. et Renzi omnino eam negant. Si quis autem vellet in eadem vigilia anticipare collatiunculam in mane, ut coenaret vesperi, rationabiliter advertit Sanch. (contra id quod sentiunt alii) non posse excedere octo uncias, quia tunc non adhuc incoepit festivitas, quae incipit a vesperis (1).

17. Circa autem qualitatem ciborum, certum est permitti fructus, panem, herbas et dulciaria: sed quaeritur 1. an permittantur pisces? Multa, ut Sporer Marchant. Pasqu. Elbel Tambur. Vivald. et Burghaber, dicunt iuxta hodiernam consuetudinem licere vespere cibum sumere de piscibus etiam recentibus et magnis, ut licet mane. Caeterum in hisce partibus recepta est consuetudo comedendi pisciculos recentes, et ut dicunt Viva et Mazzotta, cum Bonac. etiam licere sumere in modica quantitate (v. gr. duas aut tres uncias) aliquid piscis grandioris. Idem confirmat Milante (2), qui testatur nunc temporis etiam communitatibus religiosis ministrari vespere pisciculos recentes in quadragesima, et quoad maiores sic scribit: *Attenta praesenti disciplina, sine ullo scrupulo posse etiam magnos pisces permitti existimo, cum debito moderamine* (3).

18. Quaeritur 2. an liceat sumere 8. uncias panis in aqua cum oleo decocti? Nonnulli admittunt, sed haec opinio iure merito a Salmantic. Viva Ronc. Tambur. et ab aliis communiter refellitur, quia panis, per co-

ctionem et fermentationem in aqua, certam diversam naturam acquirit; nam ita consubstantiatur cum aqua ut numquam postea possit segregari; saltem hoc consuetudo non admittit. Vix ergo potest permitti cum Tamb. panem in vinum, aut aquam infundere, et illico illum sumere; quia tunc non intercedit fermentatio; aut cum Roncag. permitti possunt 4. aut cum Salmanticensibus ad summum 5. unciae panis aridi decocti in aqua. Et idem dicendum de leguminibus aqua elixatis. Probabiliter postea Castr. Laym. Bonac. Azor. Viva Mazzot. et Salmant. permittunt vesci iusculo cocto cum oleo, aut aceto, aut vino decocto; advertendo tamen cum Viva quod oleum, acetum, et vinum decoctum computanda sunt in pondus 8. unciarum, dum haec non habent rationem potus (4).

19. Quoad dispensatos cum quaesitus fuisset noster Pontifex Benedictus XIV. an ipsi in refectiuncula possent uti carne, respondit (ut legitur in Bulla *Libentissime*) ita: *Non licere, sed opus habere eo cibo eaque uti portione, quibus utuntur homines ieiunantes rectae et meticulosae conscientiae*. Post hanc responsionem multi dd. dicebant dispensatos ad carnes, aut ad lacticinia posse in refectiuncula casei parum (parum casei dictum est, non ovum) sumere, modo uncia, aut sesquiuncia non excederetur, et hoc videbatur probabile iuxta usum qui apud multos observabatur; sed postea cum a quodam confessorio ad sacram Poenitentiarium datae fuissent litterae de hoc, et cum ipso Pontifex de sua sententia quaesitus esset, respondit Poenitentiarium Papam oretenus declarasse vetitum esse etiam caseum; quam quidem declarationem hic assero: *Sacra Poenitentiarium... optime conscia mentis Sanctitatis suae, de auctoritate speciali eiusdem respondit, quod in serotina refectiuncula non licet carnem, vel lacticinia adhibere. Romae in S. Poenitentiarium*

(1) Lib. 3. n. 1025. v. In vigilia.

(2) In prop. Alex. VII. Exercit. 23.

(3) l. 3 n. 1026 et 1028. (4) l. 3 n. 1029.

nit. die 10. Februarii 1756. Et cum adhuc dubitatum fuisset a quibusdam de fide praestanda huic responso, ab eodem confessario scriptum fuit ad ipsum Pontificem, et hoc responsum venit: *Sacra Poenitentiaria de mandato sanctissimi Domini, qui suis oculis retrospectam epistolam dignatus est legere, respondet quod Sanctitas sua dixerit... vera esse, et pro veris habenda quae constat ab eadem Poenitentiaria fuisse rescripta. Romae die 23 Iulii 1756., et haec responsa originaria apud me conservantur. Nonnulli postea dixerunt praefatam declarationem opus habere promulgatione, ut obligare possit; sed iuxta illud quod diximus Tract. 2. n. 73. et 74., cum declaratio ab ipso legislatore, qui declarat mentem suam facta est, non indiget promulgatione (1). Et Salm. in append. Tract. 6. pag. 98. num. 27. afferentes praefatam Bullam, varias illationes deducunt, et inter eas est ista: *Infertur 2. (sunt verba Salm.) nec ova nec lacticinia esse materiam collationis serotinae pro his qui dispensati sunt, et hanc dant rationem; ex eo quod horum ciborum ab iis qui rigorese ieiunant in tali collatione esus non adhibetur.* Nunc ad huiusmodi confirmationem notum sit nuperrime nostram regnantem Pontificem Clementem XIII. edidisse Bullam incipientem, *Appetente, etc.* sub die 20. Decemb. 1759. qua Pontifex, cum abusus aliquorum noverit sumendi extra prandium quasdam potiones lacte mixtas; illum condemnavit, declaravitque praedecessorem Pontificem Benedictum XIV. censuisse non licere dispensatis uti nec carnibus, nec lacticiniis, nisi in unica comestione extra quam ipsos non aliter gerendos esse dixit, quam alii qui nulla dispensatione fruuntur. Haec verba Bullae: *Nova infringendis ieiunii legibus vel opinionum commenta, vel a vera ieiunii vi et natura abhorrentes consuetudines humani pravitate inge-**

(1) lib. 3. n. 1027. v. Hic. notand.

*nii novissima sint invectae, ea omnia, quantum iuvante Domino fieri potest, radicitus convellenda curetis. In quibus profecto abusus illum censemus omnino numerandum, quem rumor quidam ad nos pertulit; cum nonnulli, quibus ob iustas et legitimas causas ab abstinentia carnum dispensatum fuerit, licere sibi putant portiones lacte permixtas sumere, contra quod praedicto Praedecessori nostro visum fuerit, qui censuit, tam dispensatos a carnum abstinentia, quam quovis modo ieiunantes, unica excepta comestione, in omnibus aequiparandos iis esse, quibuscum nulla est dispensatio, ac propterea tantummodo ad unicam comestionem posse carnem, vel quae ex carne trahunt originem, adhibere. Et quae sint ea, quae a carne trahunt originem, habetur a can. Denique, dist. 4. ubi dicitur: *Quae trahunt originem sementinam a carnibus, ut sunt ova et lacticinia.* Itaque concludendum, dispensatis in collationcula nullum alium permitti cibum, nisi illum qui non dispensatis conceditur.*

20. Si quis autem frangit ieiunium, manifestare debet confessario quomodo violavit illud, an pluries comedendo, an carne vescendo; nam quoties quis vescitur carne aut lacticiniis, toties peccat; sed si comedisset cibos communes, sed pluries in quantitate notabili, non amplius teneretur ad ieiunium; ita tenent communiter, Azor. Caiet. Suar. Tol. Castrop. Sanch. Laym. Anac. Roncag. Holzm. Salm., etc. contra paucos: quia essentia praecepti de abstinentia a carnibus consistit in abstinentia, quare semper durat obligatio ab illis abstinendi: sed essentia praecepti non comedendi pluries consistit in unica comestione, ut docet s. Thomas (2): *Ecclesiae moderatione statutum est, ut semel in die a ieiunantibus comedatur. Quare destructa essentia praecepti secunda comestione, iam praeceptum solutum est, nec pot-*

(2) 2. 2. q. 147. a. 6.

est amplius observari (1). Quaestio autem fit, an qui inculpabiliter bis comedit in quantitate notabili, debeat in reliquo diei abstinere ab alio cibo? Laym. Bonac. Castrop. Holzm. Sporer, etc. negant eadem ratione: sed probabilius mihi videtur oppositum Azorii Valent. Sa, et Nav. quia licet qui violat ieiunium inadvertenter, iam materialiter illud frangit; nihilominus videtur, advertendo postea ad obligationem, teneri ad illud observandum, ne solvat illud formaliter (2).

Dictum est in quantitate notabili, nempe ultra duas uncias, quae putatur materia parva, ut dicunt Sanch. Viva Salmant. Vivald. Turrian. Leone Tambur. Leand. Sporer Busemb. Elbel et alii. Sed si quis pluries in die sumeret aliquid parvum, quod deveniat ad grave, peccaret graviter, ut habetur ex prop. 29. ex damnatis ab Alexand. VII. Nota etiam quod in carne possit etiam dari parvitas materiae, sed haec est multo magis limitata: dicunt Salm. Diana et Roncagl. quod quantitas excedens octavam partem unciae est materia gravis (3). Permittunt Salm. cum Diana posse sumi duo crustula ex ovis, et butyro confecta (vulgo *ciambelle*); sed melius dicunt Ledesma et Villal. quod solum potest excusari ratione parvitas materiae (4).

21. Tertia conditio demum ieiunii est hora refectionis. Haec hora olim erat hora post occasum solis. Deinde anteacta fuit ad horam Nonae. Sed a saeculo XIV. fuit anticipata ad horam Sextae, nempe ad meridiem. Hinc dubitatum fuit an notabilis huius horae anticipatio in refectione sit gravis culpa? Affermat prima sententia cum Azorio, Sylvio, Sanch.

Natal. Alex. Antoine Franzoia Cuniliati, ac Navar. Abul. Covar. et aliis apud Salm. et Conciam, qui pro hac sententia refert adesse 24. auctores (5). Id probatur ex *can. Solent* 50. *dist. I. Concilii Cabillonensis*, ubi dicitur: *Nullatenus ieiunare credendi sunt qui ante manducaverint quam vespertinum celebretur officium*. Hinc clare educitur quod eo tempore (in quo refectio erat praescripta ad horam Nonae) hora iam spectabat ad substantiam ieiunii. Proinde s. Thomas scripsit: *Cum Ecclesia instituit certum tempus comedendi ieiunantibus, qui nimis notabiliter anticipat, ieiunium solvit* (6). Alii vero negant hodie culpam esse gravem anticipationem refectionis, ut Lessius Tolet. Bonac. Laym. et Salmant. cum plurimis, qui observari possunt apud nostrum opus morale (7). Dicunt isti, iuxta praesentem consuetudinem, horam non pertinere ad substantiam ieiunii. Sed haec ratio (pace tot auctorum) minime suadet, nam ipsimet, ut sunt Laym. et Salmant. (8), non negant olim praeceptum observandi horam fuisse grave, et quidem ad substantiam ieiunii pertinuisse. Hoc posito, donec non probetur hodierna consuetudo antiquo gravi praecepto derogasse, illud sine dubio possidet; sed haec consuetudo non probatur, vel saltem non est certa, statibus tot auctoribus qui illam negant. Quapropter, licet quondam secundae sententiae adhaesi, re tamen melius animadversa, nunc illam minime probabilem censeo. Deinde dubitatur quatenam sit notabilis haec anticipatio vetita sub gravi? hora enim ieiunii moraliter mensuranda est, ut docet s. Thomas: *Ad ieiunium requiritur*

(1) lib. 3. n. 1030. (2) ib. quaer. 2. (3) num. 1029. v. In confess. (4) ibid. (5) Azor. t. 1. l. 7. c. 11. qu. 4. Sylvius tom. 3. in 2. c. 147. art. 7. ad concl. 3. Sanch. l. 5. cons. de obs. ieiun. c. 1. dub. 28. Nat. Alex. l. 4. c. 5. art. 7. reg. 13. Antoine, tr. de virtute moral. part. 1. post. cap. 3. append. de ieiun. eccl. q.

2. Franzoia in Bus. pag. 213. Anm. 3. Cunil. tract. 12. cap. 1. §. 2. n. 2. Alii apud Salm. tr. 23. cap. 2. n. 86. Conc. tom. 5. pag. 275. qu. 6. (6) S. Thom. in 4. dist. 15. qu. 3. a. 4. ad 3. (7) Opus nostrum lib. 3. num. 1016. v. quaer. (8) Salm. tr. 23. c. 2. n. 9. Laym. de observ. ieiun. l. 4. tract. 8. c. 1. n. 11.

hora determinata non secundum subtilem examinationem, sed secundum grossam aestimationem, sufficit enim quod sit circa horam nonam (1). Hinc alii dicunt anticipationem notabilem esse plus quam hora; idque asserunt Salmant. ab omnibus admitti: sed Natalis Alexand. reprobatur. Alii vero communiter assignant, tanquam gravem anticipationem unius integrae horae; ita Natalis Alexand. Sylvius, Azor. Holzman Concina Antoine Cuniliati et Franzoia locis citatis. Alii autem auctores asserunt mendicantes habere privilegium a Leone X. anticipandi refectionem per duas horas in hyeme, et per tres in aestate. Sed Franzoia et Natalis Alexand. dicunt de hoc privilegio documenta non ostendi, imo inquisitione adhibita non reperiri. Dicunt vero Azor. Silvest. Palud. et Nav., posse excusare a culpa hanc anticipationem quamcumque rationabilem causam, nimirum negotii urgentis, debilis complexionis, necessitatis praedicandi, docendi, vel legendi in mensa, incipiendi iter, inserviendi hospitibus, exercendi urbanitatem cum amicis; attamen mihi suus non est quamcumque harum causarum satis esse ad excusandum a praecepto, quod etiam hodie est grave, sicut ostendimus.

PUNCTUM II.

De causis excusantibus a ieiunio.

22. I. *De dispensatione, et quis dispensare potest.*
23. II. *De impotentia physica.*
24. *De impotentia morali.*
25. *De adolescentibus, et senibus.*
26. et 27. III. *De labore.*
28. ad 30. *De viatoribus.*
31. *De artificibus opulentis.*
32. *Si artifex potest sine gravi incommodo ieiunare.*
33. *Qui sine causa suscipit aliquem laborem.*
34. IV. *De pietate, et quis hac causa sit excusatus.*

22. Quatuor sunt causae quae ex-

(1) S. Th. 2. 2. q. 147. a. 7. ad 2.

(2) lib. 3. n. 1032. ad 2. v. Episcopi.

cusant a ieiunio: dispensatio, impotentia, labor et pietas: de singulis seorsim loquamur. I. *Excusatur dispensatio.* Potest dispensare in ieiunio 1. Papa quoad universum populum fidelem. 2. Episcopi, sed isti cum solis suis subditis, et tantum in particulari; nam ad dispensandum cum integra communitate circa qualitatem ciborum Sedi apostolicae reservatum est, ut declaravit Benedictus XIV. in Bulla *Non ambigimus*. Dubitatur an Episcopus ob causam particularem possit dispensare, aut commutare ieiunium universale una vice, aliqua urgente causa occurrente, v. g. si adesset periculum quod alias ieiunium non observaretur. Multi dd. id affirmant, ut Azor. Sanch. Caiet. Laym. Salmant. etc.; sed Benedictus XIV. in Bulla *Prodiit iamdudum* § 10 dixit contrariam opinionem esse communioem, et magis in ratione fundatam, et ita ipsum respondisse aliquibus Episcopis Italiae: nihilominus dixit, *quod cum pontificia auctoritas eo pertingat, quo ordinaria nequit pervenire*, ideoque Episcopis licentiam pro illo anno impertitus est, ut transferre possent vigiliam s. Mathiae quae in ultimo bacchanaliorum die contigerat (2). 3. Parochi etiam possunt dispensare in ieiunio cum aliquo suo subdito, ut dictum est 27. 2. n. 59. Et hoc etiam praesente Episcopo, ut communiter dicunt Sanchez Azor. Conc. Salm. etc. quia talis iurisdictio competit parochis ob consuetudinem, quae utique iurisditionem confert, ex *cap. Contingat de foro comp.* Et idem possunt vicarii parochorum qui exercent actus parochiales, modo parochus non repugnet; Sanch. Pal. Salm. etc. (3). 4. Praelati regulares, etsi locales, et eorum vicarii idem possunt cum subditis, et cum seipsis. Sed omnes isti Superiores nominati, excepto Papa, nequeunt dispensare nisi ex iusta causa, secus dispensatio est irrita (4)

(3) ibid. ad 3. v. Parochi.

(4) ib. ad 4. v. Possunt.

Quod autem ad subditum spectat, ait s. Thomas (1), quod si causa quae a ieiunio eximit, fuerit evidens, potest subditus a se eximi, praesertim cum sibi non esset facile Superiorem adire (hoc intelligitur ob suae conscientiae maiorem quietem): sed si causa est dubia, debet tunc sine dubio ad Praelatum confugere. Hic notandum quod si festum patroni in aliquem diem ieiunii inciderit, debet ieiunium ad praecedentem diem transferri: sic docet Bened. XIV. in Bulla *Prodiit*, die 30. Ian. 1751. cum Caiet. Sanch. Consil. lib. 5. c. 1 d. 5. n. 27. et aliis communiter.

23. II. Excusat *impotentia*, aut physica, aut moralis. Ob impotentiam *physicam*, excusantur 1. infirmi, quibus ieiunium potest esse notabili nocumento; et ita pariter convalescentes, aut debiles qui nequeunt alimento sufficienti in unica comestione se reficere. 2. Mulieres praegnant, aut lactantes, quibus imo non est permissum ieiunare (nisi semel aut bis, si mulier est robusta); sed amplius in die ieiunii permissum est eis vesci etiam carnibus, si qua est debilis, aut puer fuerit infirmus (2). 3. Pauperes excusantur, qui destituti sunt cibo unicae comestioni sufficienti; ut dicunt omnes cum s. Thomas (3), qui excusat eos, *qui non possunt simul habere quod eis ad victum sufficiat*. Unde valde probabiliter dicunt Sanch. cum Angel. et Ronc. ac Salmant., quod ii qui nihil aliud, quam panem et herbas aut legumina habent, non tenentur ad unicam refectionem; cum huiusmodi cibi tenuis sint alimenti, et in tantum eis sufficiunt qui ad haec obsonia sunt assueti, quia pluries in die ad repletionem se reficere solent (4).

24. Ob impotentiam *moralement* excusantur, 1. omnes qui ieiunare nequeunt sine gravi incommodo, aut difficultate extrinseca. Hinc 2. excusantur illi quibus ieiunium gravem

capitis dolorem affert; Castrop. Less. Sanch. Laym. Salmant. etc. Dicunt nonnulli huiusmodi teneri mane collatiunculam sumere, et sero coenare ad refectionem; sed probabiliter eos excusat ab hoc onere Filliuc. Elbel Viva Tamb. Fagund. et alii multi; quia refectionem usque ad vesperam differre nunc temporis est medium extraordinarium et difficile, cum in eo non leve perferatur incommodum: proptereaque antiqua disciplina immutata est. 3. Milites sive in castris sive in stationibus morentur, Roncaglia Concina Pasq. Salmant. et alii communiter. 4. Uxores, si ieiunando gravem paterentur virorum indignationem: et viri si aliter fiant impotentes ad reddendum coniugale debitum; Sanch. Caiet. Nav. Laym. Salm. Concina etc. Dictum est *impotentes ad reddendum*, non vero excusantur si tantum fiant minus potentes ad reddendum, vel impotentes ad petendum; nisi casus esset quod vir, abstinendo a petitione, nequiret amovere ab uxore periculum incontinentiae, aut suspicionem quod ipse aliam diligat mulierem (5).

25. Excusantur 5. adolescentes qui non adhuc expleverint 21. annum. 6. Senes sexagenarii. Sed hic dubitatur an huiusmodi senes exempti sint etiamsi sint viribus validi? Negant Bonac. Laym. Filliuc. etc.; sed multi probabiliter affirmant, ut Sanch. Castrop. Azor. Ronc. Holzm. Salm. Mazzotta, Elbel Viva et alii; tum quia haec est consuetudo universalis: tum quia esset nimis scrupulosum ei cui discutiendum esset, an ipse sit, vel ne satis robustus ad ieiunium sustinendum: tum etiam quia (et haec est potior ratio) huiusmodi senes ob defectum caloris naturalis nequeunt semel alimentum sufficiens sumere, egentque cibo frequentiori; et licet nonnulli in tali aetate robusti videantur, eorum tamen robur est de facili illusivum, et inconstans, cum negari

(1) 2. 2. q. 147. a. 4. (2) l. 3. n. 1033.

(3) 2. 2. q. 147. a. 4. ad 4.

(4) l. 3. a. 1033. v. Excusantur pauperes.

(5) n. 1034. ad 4. v. Excusantur ux.

non possit horum viros in diem deficere, et in interitum prolabi, adeo ut, si in morbum incidunt, difficulter convalescunt perfecte. De qua rescripsit Galenus senibus simili ratione ac iis, qui ex morbo convalescunt victum esse curandum (1). Et ad excusandum sexagenarium a ieiunio sufficit annum 60. esse inceptum, ut dicunt Castrop. Angles Sa Naldo Viva Busemb. Mazzotta etc., quia in favorabilibus annus inceptus habetur pro completo (2). Alii excusant a ieiunio etiam mulieres quinquagenarias, sed haec opinio (nisi aliqua particularis circumstantia concurreret infirmitatis, aut debilitatis) est a multis reprobata, a Laym. Tamb. Croix etc. Quare Diana dubitat de eius probabilitate (3). Qui autem voveret ieiunare, et expresse diceret *usque ad mortem*, aut *per totum vitae meae cursum*; (quidquid alii dicant) nos dicimus hunc teneri ad ieiunandum etiam post annum sexagesimum. Secus vero iudicandum (ut tenent Elbel et Anaclet.) de eo qui sine tali expressione, et nihil ad aetatem sexagenariam advertens voveret; quia supervenit notabilis mutatio, quae, esto non fuerit praevisa, excusat a voto, iuxta dicta *Tract. 5. n. 23. et 35. de voto*. Et idem nos dicimus utendo distinctione de ieiuniis regulae, quae a Religiosis promittuntur (4).

26. III. Excusat labor. Imprimis adnotanda est prop. 50. damnata ab Alexandro VII. quae dicebat: *omnes officiales qui in republica corporaliter laborant, sunt excusati ab obligatione ieiunii*, etc. Haec propositio merito damnata fuit, quia erat nimis generalis, et iuxta eam excusaretur quicumque laborat, sive ex officio, sive animi gratia, sive labor sit compatibilis cum ieiunio, sive incompatibilis, quod falsum est. Caeterum et hodie nemo est qui dubitet quin omnes artes, quae sine ni-

(1) l. 3, n. 1035. et 1036. (2) ib. in Gu. (3) n. 1037. (4) n. 1038. (5) n. 1041.

mia corporis defatigatione excerceri non possunt, excusent a ieiunio. Hinc ab illo excusantur fossores, agricolae, lapicidae, figuli, textores, lanarii, fuliones, baiuli, aurigae, nautae, remigantes, fabri lignarii, ferrarii, murarii, tabellarii, sutores, furnarii, coqui qui multas dapes multis personis parant, si fere per diem laborant, typographi praelum versantes. Servi qui occupantur in laboribus maioribus, non autem famulae, quae nent, vel in aliquem levem laborem incumbunt; mercium venditores qui urbem percursant: ecclesias ornantes, scalas huc illuc circumferendo. Sed hi omnes intelligantur tunc excusari cum maiorem diei partem consumunt in huiusmodi laboribus (5).

27. Barbitonsores ordinarie non excusantur, nisi quia aliqui (ut dicunt communiter Sanch. Less. Castropal. Concina Mazzotta etc.) ob laboris quantitatem, aut ob debilitatem complexionis, ieiunando suam artem exercere non possent. Idem dicimus de sartoribus cum Roncaglia Concina et Salmant. Idem quoque dicimus de notariis, scriptoribus, pictoribus et horologiorum artificibus, sed de illis nimirum qui horologia parva conficiunt, nam pro magnis labore magno opus est (6). Alii vero absolute excusant molitores, argentarios, et sculptores. Sed pro istis pariter expendendae sunt circumstantiae prae oculis semper habendo illam regulam communiter acceptam, quod qui artem exercere nequit (licet de se non laboriosam) sine magno incommodo, spectata sua debilitate, aut alia particulari causa, non tenetur ad ieiunium (4).

28. Excusantur a ieiunio etiam illi qui per magnam diei partem longum iter pedestre agunt, ut sunt muliones et agasones. Advertendum tamen quod si quis eorum, completo itinere, et alia refectione non sumpta prius, cibum quantum satis accipiat, tunc secundam refectionem su-

(6) ib. v. Barbitonsores. (7) ib. v. Alii.

mere non potest, nisi die sequenti iter prosecuturus esset. Praeterea quisque (si commode potest) tenetur iter differre, ne reddatur liber a ieiunio, ut docet s. Thomas (1), quem sequuntur Less. Laym. Tol. etc. et iuxta id quod paulo post dicemus n. 53. Sed si quis iam iter incoeperit, et interim dies ieiunii contigerit, non tenetur iter interrompere, ut ieiunet, ut dicunt communiter Sanch. Laym. Abul. Sporer etc. (2).

29. Quaeritur 1. quale iter sufficiat ad excusandum? Putat Pasqualigus satis esse iter septem milliariorum, sed haec opinio ab aliis reiicitur, qui saltem requirunt iter 4. aut 5. leucarum (nempe 12. aut 15. milliariorum, nam terna millia conficiunt leucam unam, sive unam horam itineris, ut dicit Croix); ita Palaus Viva Salm. Diana et Trull; sed Croix cum Bonac. Fill. etc. requirit saltem 4. leucas. Si tamen via esset difficilis et aspera, aut iter agens esset debilis, aut itineri non assuetus, adeo ut sine gravi difficultate ieiunare nequiret, tunc dicunt Sanch. Salmant. Ronc. et Croix satis esse ad eum excusandum iter etiam sex milliariorum (3).

30. Quaeritur 2. an excusetur a ieiunio iter faciens equo aut rheda? Ab Alexandro VII. damnata fuit haec 31. propos. *Excusantur absolute omnes illi qui iter agunt equitando, utcumque iter agant, etiamsi iter necessarium non sit, et etiamsi iter diei conficiant.* Caeterum communiter dd. excusant eos qui ita per plures dies iter agunt: Laym. et Viva requirunt iter octo dierum, sed hoc videtur nimis rigidum. Attamen idem Viva advertit non excusari a ieiunio qui iter agendo sine gravi incommodo ieiunare potest. Et contra etiam recte dicunt Azor. Sanch. Tolet. Ronc. Salm. Croix etc. etiam iter unius diei posse excusare aliquem qui illud magno labore con-

ficere deberet (ut contingit cursoribus), aut esset viribus debilis, aut tempus pluvium, et via aspera et laboriosa, aut iter esset extraordinarium. Sed iter 8. aut 10. leucarum non esse extraordinarium putant Sanchez Tolet. Salmant. Corell. etc. (contra Machado Dianam etc.). Rationabiliter ait Viva itineranti potius vescendum esse lacticiniis, et servare ieiunium, quam cibis levioribus vesci qui eum sustentare non valent, et postea pluries refici (4).

31. Quaeritur 3. an artifices divites artes laboriosas exercentes teneantur ieiunare? Affermat p. Concina cum Durando et Armilla. Sed communiter negant Silv. Sanch. Nav. Less. Ronc. Tol. Viva Salm. Elbel, et alii plures, quia in bonum publicum vergit, ne artifices ab opere propriae artis desistant: nam si diebus ieiuniorum tantum pauperes illis deberent vacare, respublica detrimentum sentiret. Et pro hoc omnes citati aa. afferunt expressam declarationem Eugenii IV. an. 1440. ubi dixit: *Artifices laboriosas artes exercitantes, et rustici, sive divites, sive pauperes, non tenentur ieiunare sub praecepto peccati mortalis etc.* (5).

32. Quaeritur 4. an teneantur ad ieiunium artifices qui sine gravi incommodo ieiunare possunt? Alii ut Tamb. Pasqual. et Leand. absolute id negant, tum ex consuetudine contraria, tum quia leges non considerant casus extraordinarios. Alii vero communius et probabilius affirmant, ut Bon. Regin. Conc. et Viva, semper ac ieiunando grave incommodum non patiantur: modo hoc manifestum sit, cum in dubio praesumptio stat pro exemptione a ieiunio. Haec secunda sententia speculative videtur probabilior, dum lex generaliter obligat quemlibet qui sine gravi incommodo ieiunare potest, sed in praxi difficulter invenitur qui ex huiusmodi laboribus non fatigatus, aut debilis

(1) 2. 2. qu. 147. art. 4. ad 3. (2) l. 3 n. 1047. (3) ib. v. Sed dubit. 1.

(4) l. 3. n. 1047. Dubit. 2.

(5) n. 1042.

pro crastino labore derelinquatur⁽¹⁾. Idem dicimus de illo artifice qui diem aut biduum vacat a labore, quia licet sit sententia communis cum Azorio Sanch. Roncag. Bonac. Croix etc. quod illo biduo non tenetur ad ieiunium (in primo die ob laborem hesternum, in secundo ob crastinum), nihilominus si praeciso gravi incommodo potest ieiunare, tenetur, ut recte dicunt Bonac et Viva, contra Sanchez et Elbel (2).

33. Quaeritur 5. an peccet qui sine iusta causa laborem assumit, quo liberatur a ieiunio? Alii negant, ut Ronc. Bon. etc. modo eo fine laborem non suscipiat, ut a ieiunio eximatur. Alii ut Salm. Pasq. etc. eum excusant, licet in ieiunii fraudem talem laborem assumat, dicentes licite eum suo iure uti, quo liberatur a ieiunio. Nos vero dicimus peccare, licet non laboret in fraudem. et ita tenent Palaus Sanch. Laym. Croix et alii, ut enim diximus *Tract. 2. n. 20.* omnis lex exposcit, ne sine iusta causa impedimentum apponatur, quominus observetur. Et idem aperte docet s. Thom. (3) dum dicit peccare eum qui alicui operi vacat, ex quo postea impeditur a Missa audienda; et rationem affert: *Qui enim vult aliquid, cum quo aliud esse non potest, ex consequenti vult illo carere.* Dictum est peccare; ceterum si quis opus aggreditur animo ieiunandi, iste postea non peccaret, si illo defatigatus ieiunium solveret; nam omnes communiter, Laym. Conc. Silvest. Sanch. Palaus etc. conveniunt in affirmando, quod licet quis in fraudem praecepti aut alio fine pravo iam aliquo labore gravi defunctus est, ieiunare non tenetur; quia tunc iam evasit moraliter impotens ad ieiunandum. Insuper, ait Sanchez, quod si quis laboraret ex aliquo fine honesto, v. g. ut viseret coniunctos, ut venationi, aut ludo pilae indulgeat, iste non peccaret: sed huic sic ge-

neratim asserto recte contradicunt Abbelly et Sporer, si iter, aut labor suscipiatur ex puro animi solatio. Qui vero aliquem laborem gravem aggreditur ob magnum lucrum, dicunt probabiliter Nav. Caiet. Laym. Sanch. Sporer Elbel etc. eum non peccare, licet non laboraret ex proprio officio (4). Huc refertur quod dictum est *Tract. 6. n. 22;* nam iuxta *L. un. c. de sent.* magni lucri amissio pro gravi damno habetur.

34. IV. Excusat pietas, cum v. g. deberet quis in aliquod pium opus se applicare, quod esset maioris meriti quam ieiunium. Et hoc admittunt Sanch. Bon. Armilla Gabr. Salmant. etc. (contra alios), licet opus non exerceretur ex officio, aut obedientia, sed ex mera devotione; modo in aliud tempus differri non possit (5). Hinc excusant dd. 1. eos qui magno labore assistunt pluribus infirmis, Castrop. Holzm. Salmant. etc.; 2. eos qui peregrinationem aggressi sunt, quae valde conferret gloriae Dei, et populi communi aedificationi, aut propriae animae magno profectui, ut Sanch. Castr. Silv. Holzm. Salm. etc. modo non possint eam commode differre, ut dictum est. et ut recte limitant Less. Laym. Salm. Holzm. cum s. Thoma (6) qui sic ait: *Si peregrinatio, aut operis labor commode differri possit, aut diminui absque detrimento corporalis salutis, non sunt Ecclesiae ieiunia praetermittenda.* Sed si peregrinatio iam incepta esset, et interim aliqua dies ieiunii accideret, non debet ideo interrumpi, Laym. Abul. Sanch. Salm. Sporer etc.; 3. concionatores qui in quadragesima quotidie concionantur, ratione studii, et corporis agitatione; et praecipue hoc valeret pro Missionariis, qui vehementiori agitatione praedicant; ita dicunt communiter Wigandt Caiet. Nav. Tolet. Salmant., etc. Caeterum ex me dico quod sacri oratores, qui potius exemplo quam verbis praedicare debent, pro viribus efficere de-

(1) l. 3. n. 1043. (2) n. 1044.

(3) 1. 2. q. 71. a. 5 (4) l. 3. n. 1046.

(5) n. 1048. (6) 2. 2. q. 147. a. 4. ad 3.

berent ieiunium observare. Nec assentire possum (generaliter loquendo) iis dd. qui etiam excusant eos concionatores qui ter aut quater in hebdomada concionantur; 4. multi excusant cantores qui ieiunando vocem amitterent, et lectores scientiarum (Sanch. addit et magistros Grammaticae) qui magno studio et labore indigerent. Et idem dicunt de advocatis, et iudicibus, qui animum valde intentum deberent ad studia adiungere, ut suis muneribus satisfaciant, nam isti ob spirituum consummationem opus habent cibo, sin maiori, saltem frequentiori. Ita Castrop. Ronc. Salm. Sanch. Spor. Viva etc. excusant confessarios, qui extraordinarium laborem subituri sunt, ut satisfaciant poenitentibus qui frequenti concursu confluent. Sed bene advertit Tamburin. omnes istos tunc excusari, cum ieiunando suas partes adimplere non possent; et eam impotentiam debere esse patentem, quia in dubio possidet lex ieiunii. Insuper advertunt Laym. Nav. Caiet. Silvest. Tol. et Sporer, quod si quis non habet causam sufficientem qua excusari possit a ieiunio quadragesimali; sed contra ipse in bona fide putaret iustam causam habere praecepto satisfaciendi ter vel quater tantum in hebdomada ieiunando, non debet confessarius hunc obligare ut quotidie ieiunet, cum adest periculum ne postea quotidie omittat ieiunium.

CAPUT II.

DE PRAECEPTO CONFESSIONIS,
ET COMMUNIONIS ANNUAE

35. *De praecepto annuae confessionis; an obliget qui tantum habet venialia; et an debeat praevenire qui praevidet, etc.*
36. *An qui anno praeterito neglexit confessionem, teneatur confiteri quamprimum; et quot peccata committit qui negligit illam.*
37. *An qui confitetur anno sequenti, satisfaciat praeteritae obligationi.*
38. *Poenae in transgressores.*
39. *De praecepto Communionis paschalis.*

40. *An qui eam negligit teneatur ad quamprimum, etc. Et an teneatur praevenire, etc.*

41. *An excommunicati, etc.; carcere detenti, etc. Debet in parochia fieri.*

42. *A tali obligatione eximuntur sacerdotes, peregrini, et servi monasteriorum.*

43. *Qua aetate, et quando pueri communicare debent.*

44. *Quando amentes.*

35. Et I. quoad confessionem sciendum est, quod in Conc. Lateran. sub Innoc. III. statutum fuit, ut quisque fidelis, cum ad rationis usum pervenerit, omnia peccata sua debeat saltem semel in anno confiteri; ita in cap. *Omnis utriusque sexus de poenit. et rem.* ubi haec habentur: *Omnis utriusque sexus fidelis, postquam ad annos discretionis pervenerit, omnia sua peccata, saltem semel in anno, fideliter confiteatur proprio sacerdoti.* Dicitur 1. *Omnis fidelis:* intelligitur omnis baptizatus, etsi haereticus. Dicitur 2. *Postquam ad annos, etc.* intelligitur qui ad Dei cognitionem pervenit, saltem crasso modo, et si peccavit, et poenam meritus est. Quare (ut diximus *Tract. 2. n. 37*) tenentur ad hoc praeceptum, qui ante septennium peccaverunt, si iam usum rationis adepti sunt; nam Concilium obligat universe quemlibet qui iam ad annos discretionis pervenit. Dicitur 3. *Omnia sua peccata.* Hic quaestio fit, an teneantur confiteri in anno qui eo anno non peccarunt mortaliter? Assirmant Silvester, et alii cum Bonac. Sed communis sententia et verior negat cum s. Antonin. Cano Suarez Caiet. Lugo, etc. quia Ecclesia, praecipiendo confessionem, praecipit eam quae facienda est iuxta Iesu Christi institutionem: Dominus autem non praecipit nisi confessionem mortalium dumtaxat, ut declaravit Trident *Sess. 14. c. 5. de Poenit.* Et hoc deducitur ex eodem textu allato, ubi dicitur: *Omnia sua peccata fideliter confiteatur.* Dicendo *omnia* certe intelliguntur sola mortalia; cum certum

sit apud omnes non esse obligationem confitendi venialia omnia volenti ea confiteri. Dicitur 4. *Saltem semel in anno*. Hic annus proprie deberet incipere a Ianuario, et terminare in Decembri; sed iuxta communem consuetudinem accipitur a Paschate ad Pascha, ut dicunt Suar. Lugo Concina Holzm. etc. (1). Hic fit aliud dubium: cum quis praevidet sibi in posterum non fore commoditatem confitendi toto anno, an debeat praevenire, et confiteri antequam finiat annus? Negat Holzman; sed nos affirmamus cum Busemb. et Lugo (2), quia cum iste iam peccaverit mortaliter, iam contraxit obligationem confitendi in illo anno, quare si praevidet quod postea non possit adimplere illud, tenetur praevenire. Dicitur 5. *Fideliter confiteatur*, ideoque non satisficit per confessionem invalidam, et tanto minus per sacrilegiam; propterea merito damnata est propositio 14. ab Alexand. VII. quae dicebat: *Qui facit confessionem voluntarie nullam, satisfacit praecepto Ecclesiae*. Ratio, quia confessio nulla non est vera confessio. Dicitur 6. *Proprio sacerdoti*, intelligitur non tantum parochus, sed quilibet sacerdos ad confessiones approbatus, ut explicat Glossa, et intelligunt Fagnanus, Cabass. et alii communiter. Et hoc hodie non revocatur in dubium ex universali consuetudine, quae adest: ideoque S. C. anno 1584. declaravit, si Episcopus iuberet ne quis confessarius in Paschate audiret confessiones poenitentium sine licentia curati, talis Decreti nullam habendam fore rationem (3).

36. Quaeritur 1. an qui, cum teneretur confiteri, elabi annum effecit, teneatur confiteri quamprimum? Negant s. Antonin. Sot. Silvest. Tol. etc. dicendo quod, licet adsit praeceptum divinum confitendi pluries in vita, nihilominus respectu confessionis annualis praeceptum est ec-

clesiasticum, et hoc est addictum anno; quare eo transacto cessat praeceptum. Sed affirmat sententia communior, quam nos sequimur cum Gonet Suar. Navarr. Lug. Tourn. et cum Lambertini (4), tum ob praeceptum divinum Ecclesiae determinationi relictum; et Ecclesia determinavit obligare saltem semel in anno, ut tenet sententia probabilior, et communior (5); tum ob praeceptum ecclesiasticum, quod impositum est, ut quisque confiteatur saltem semel in anno non ad finiendam, sed ad sollicitandam obligationem (6). Quot autem peccata committat, qui elapso anno non confessus est, dicunt Silv. Laym. Valent. etc. unum peccatum committi continuatum; sed probabiliter dicunt Bonac. Suar. Lugo Vasq. etc., toties peccari, quoties occasiones opportuna offeruntur, et negliguntur: cum illud peccatum non perseverat in aliquo effectu, sed tantum in malo proposito, propter quod iam multiplicantur peccata, cum per longum tempus perdurat, ut diximus *Tract. 3. n. 60*.

37. Quaeritur 2. an, qui anno sequenti confitetur peccata praeteriti anni, satisfaciat praecepto utriusque anni? Alii affirmant, alii vero negant. Sed verior sententia Castrop. Viva Hurtad. Salm. etc. sic distinguit. Si ipse confitetur peccata mortalia, tam praeteriti, quam praesentis anni, tum recte satisfacit utrique praecepto, quia iam praecepti finem adimplet, qui est reconciliatio cum Deo a peccatis illius anni: non ita vero si confitetur peccata gravia tantum praeteriti anni in posteriore anno; si post peractam confessionem labitur in alia peccata mortalia, tenetur iterum confiteri, ut satisfaciat praecepto posterioris anni: dum communiter dicunt Suar. Laym. Castropal. Salmant. Lugo etc. quod si quis in principio anni confitetur sola venialia, tenetur denuo confiteri. Itaque

(1) lib. 6. n. 662. (2) n. 671.

(3) n. 564 in fine et 574.

(4) Notif. t. 3. p. 97. (5) l. 6. n. 663.

(6) n. 668. et 297.

illa confessio mortalium prioris anni non habet vim satisfaciendi praecepto anni posterioris (1).

38. Ex lege communi ob relatum *cap. Omnis utriusque etc.*, confessionis et communionis violentibus praeceptum duae poenae impositae sunt, interdicti nimirum, et privationis sepulturae ecclesiasticae. Sed hae poenae non incurruntur nisi post iudicis sententiam. Impuberes sunt universaliter excusati, ut dicunt communiter dd. (2). In qua occasione, et tempore praeter hoc urgeat praeceptum confessionis, sermonem faciemus, cum de hoc Sacramento Poenitentiae agetur.

39. Quoad praeceptum Communionis paschalis, advertendum illud esse tam divinum, quam ecclesiasticum. *Divinum*, propter id quod dixit Dominus apud Ioan. 6. 54.: *Nisi manducaveritis carnem Filii hominis, et biberitis eius sanguinem, non habebitis vitam in vobis.* Est etiam *ecclesiasticum*, propter id quod in cit. *cap. Omnis* praecipitur: *Suscipiens reverenter ad minus in Pascha Eucharistiae Sacramentum.* Et in Trident. sess. 13, can. 9.: *Si quis negaverit omnes fideles teneri singulis annis, saltem in Paschate, ad communicandum iuxta praeceptum s. Matris Ecclesiae, anathema sit.* Annus huius obligationis computandus est a Paschate ad Pascha, iuxta communem consuetudinem hodie receptam. Tempus paschale incipit a dominica Palmarum, et terminat dominica in Albis, ex declaratione Eugenii IV. in Bulla *Fide digna*, an. 1440. Episcopi tamen ex privilegio, vel consuetudine possunt hoc tempus prorogare, prout solent (3).

40. Sicut diximus de confessione, ita dicimus de Communione, quod si quis tempore paschali non potuit communicare, tenetur ad quamprimum communicandum; quia urget praeceptum tam divinum (ab Ecclesia de-

(1) lib. 6. n. 669. (2) n. 674. (3) n. 256. et 296. (4) n. 297. (5) n. 298.

terminatum ut observetur quodlibet Pascha), quam ecclesiasticum, quod assignat tempus paschale non ad finiendam, sed ad sollicitandam satisfactionem (4). Fit dubium, utrum si quis praevidens non posse communicare in Pascha, teneatur anticipare Communionem: de confessione affirmavimus, quia cum quis peccaverit mortaliter, iam obligationem contraxit confitendi intra annum; quare praevidendo auferendam sibi fore in posterum facultatem confitendi antequam annus finiatur, tenetur praevinire. Sed hoc non procedit pro Communionem, ut recte ait Suar Azor. Holzm., etc. (contra Laym. et Habert); quia debitum communicandi iuxta sententiam communem non incipit, nisi incepto tempore paschali, quare de re ante illud tempus non adhuc contracta est obligatio; et si quis praevenerit, non satisfacit praecepto (5); et hoc ita est, ut si quis ob impedimentum praevius anticiparet, et postea cessaret impedimentum, etiam teneretur communicare in Paschate, ut recte dicunt Lugo, Salm., etc. contra Tamb. (6). Dubium minime est quin, incepto tempore paschali, si quis praevideret se impeditum iri communicare postea, teneatur illico communicare (7).

41. Notandum 1. quod excommunicati et carceribus detenti, cum possint, tenentur procurare absolutionem, aut libertatem, quo possint praecepto paschali satisfacere, cum illud sit praeceptum divinum, ut dictum est (8). Notandum 2. neminem posse extra parochiam praecepto Communionis satisfacere; aut saltem extra cathedralem (ut probabiliter admittunt Bonac. et Busemb. contra Lugo; et ipse ignoro an hoc sit satis probabile, si deest usus communis, qui praesumere faciat consensum Episcoporum sine licentia parochi, aut Episcoporum, vel eius vicarii; sufficit tamen in hoc licentia praesumpta, seu in-

(6) n. 297. circa fin. v. dicit. (7) n. 298. in fin. (8) n. 299.

terpretativa, ut dicunt Suar. Lugo, Salm. Busemb., dummodo adsit moralis certitudo consensus illius⁽¹⁾. Nonnulli affirmarunt licere Communionem paschalem fieri in ecclesiis Regularium, ratione eorum privilegiorum; sed communiter id reprobat a Suar. Lugo, Salmant. Tambur., etc. cum Decr. S. C. Nec privilegia suffragantur, dum saepe Pontifices declararunt quoad Communionem paschalem illaesium servandum ius parochorum. Et praecipue Clem. VIII. anno 1592. postquam declaravit Regulares quovis tempore etiam paschali licite posse audire confessiones saecularium, subiunxit: *Dummodo tamen iidem saeculares Christi fideles Sacramentum Eucharistiae die festo paschalis Resurrectionis in propria parochia ab eorum parcho sumant* (2). Idemque statuit Clem. X. Imo apud Benedictum XIV. (3) adest Decretum sac. Congregat. 9. iulii 1644. et confirmatum die 11. iunii 1650, quo sancitum est posse Episcopos prohibere Regularibus, ne die Paschatis ministrent Eucharistiam saecularibus, etiamsi ipsi satisfecissent praecepto Ecclesiae. Et quamvis die 31. ianuarii 1682. ab eadem S. C. ad instantiam parochorum Lovaniensium, qui contendebant pp. Societatis Iesu non posse ministrare Eucharistiam toto tempore paschali, responsum fuit, posse ministrare, *excepto die Paschatis*, tamen intelligendum est, praesupposita Episcopi prohibitione.

42. Notandum 3. a tali obligatione eximi 1. Sacerdotes, qui ubicumque celebrant, satisfaciunt praecepto, iuxta communem sententiam: si vero non celebrarent, tenerentur communicare in parochia. 2. Peregrini, qui longe absunt a propria parochia, possunt communicare in quacumque ecclesia; nec tenentur communicare in loci parochia, ubi reperiuntur; ita communissime Caiet. Sot. Azor. Suar. Lugo,

(1) l. 6. n. 300. (2) Lambertini, Not. 18. n. 7. (3) De Syn. l. 9. c. 16. n. 3. (4) l. 6. n. 240. ad g. v. Huic.

Sanch. Bonac. Casirop. Salmant, etc. (contra Barb. Tourn. et Ronc.). Ratio est quia tunc illi non habent proprium pastorem, qui eos recognoscere debet, quare penitus cessat finis communicandi in parochia (4). 3. Famuli monasteriorum, qui in eadem clausura degunt, et sub obedientia suorum Praelatorum, ut iure merito sustinet Lambertini⁽⁵⁾ cum Wigandt, et pluribus Decretis S. C. contra Castrop. Bonac. Salmant. Ronc., etc. qui eximunt omnes qui incolunt monasteria. Et licet Societas Iesu habeat privilegium pro omnibus domesticis, qui in suis domibus morantur, tamen p. Zacharia (6) refert S. C. multoties declarasse hoc privilegium ad alias religiones minime extendi (7).

43. Notandum 4. pueris ante usum rationis, et perpetuo amentibus prohiberi Communionem ex Concilio Lateranensi. Sed quaeritur an pueri statim ac usum rationis adepti sunt, et confessionis sunt capaces, possint et debeant communicare? Affirmant Palud. s. Anton., etc.; sed communiter et probabiliter negant alii; nam cum maiorem reverentiam exposcat Communio, et propterea maiorem quoque expostulat cognitionem: saltem quia haec obligatio sic a comuni Ecclesiae usu intellecta est, Caeterum valde probabiliter dicunt Suar. Sot. Laym. Castrop., etc. cum s. Thoma (8) quod licet huiusmodi parvuli non teneantur, semper ac tamen discernere valeant hunc coelestem panem a terreno, possunt admitti ad Communionem: *Quia* (ait s. Doctor) *tales possunt aliquam devotionem huius Sacramenti concipere*. Et id confirmatur ex *can. penult.* 26. qu. 6. ubi dicitur: *Cui Poenitentiae Sacramentum conceditur, neque Eucharistiae Sacramentum denegari debet, si desiderat*. Et illis pueris, qui in extremo vitae sunt constituti, non solum potest, sed et

(5) Notif. 55. n. 7., et 8. (6) Ap. Croix l. 6. p. 1. n. 624. (7) l. 6. n. 240. ad 10. (8) 3. p. q. 80. a. g.

iam debet dari Communio, ut communiter praefati dd. cum Bened. XIV. (1); quia in tali articulo, cum usu rationis polleant, ex praecepto divino tenentur communicare. Extra tamen periculum mortis, dicunt communiter dd. (regulariter loquendo) obligationem communicandi incipere ab anno nono, et non posse differri ultra 12. aut ad plus 14. ita Suar. Laym. Antoine, Croix, etc. S. Carolus praecepit parochis ut instruerent pro Communionem pueros, qui ad 10. annum pervenissent (2).

44. Quaeritur hic denique an possit ministrari Eucharistia amentibus? Iam dictum est quod perpetuo amentibus omnino neganda est Communio, etiam in mortis articulo, ut habetur ex Rituali romano (*de Euch.*). Aliis vero qui sunt amentes, sed non semper fuerunt rationis expertes, pot-

est dari (ut dicit ipsummet Rituale), cum habent aliquod lucis interval- lum: aut ut dicit s. Thomas (3): *Si prius quando erant compotes mentis, apparuit in eis devotio huius Sacramenti, nisi timeatur periculum expulsi- onis*; et idem dicit Catechismus rom. (4). Ex quo bene inferunt multi dd. sufficere ad dandam Eucharistiam fatuo in mortis articulo, ut ipse du- dum pie vixerit (5). Semifatuus vero dicunt Castr. Wigandt, Laym. Holzm. Salm., etc. quod tantum in vitae ex- tremo, et praecepto paschali possit ministrari Communio, semper ac discernere valent a cibo terreno. Idem asserunt Laym. Castrop. et Salm. de mutis, et surdis a nativitate, modo constet ex signis ipsos intelligere in Sacramento contineri divinam per- sonam (6).

TRACTATUS XIII.

DE PRAECEPTIS PARTICULARIBUS CERTO HOMINUM STATUI PROPRIIS

CAPUT I. DE STATU RELIGIOSO

PUNCTUM I.

De obligatione professionis religiosae.

1. *Quid sit status religiosus, et quinam possit approbare religiones.*
2. *Religiosus tenetur tendere ad perfectionem; quando peccat contra hanc obligationem, et quando peccat Praelatus non corrigendo illum.*
3. *Aetas, acceptatio, et spontanea deliberatio requisita ad professionem. Causae nullitatis, etc.*
4. *An Episcopi teneantur ad vota, et regulas, et an fugitivi, et expulsi. Causae expulsionis.*

1. Religio, loquendo iuxta vitae statum, definitur: *Est status ab Ecclesia approbatus fidelium in comuni viventium, et ad perfectionem*

(1) De Synod. l. 7. c. 12. n. 3.

(2) lib. 6. n. 301. v. Sed hic.

(3) 3. p. q. 80. a. 9. (4) p. 2. n. 64.

tendentium per vota paupertatis, castitatis, et obedientiae. Dicitur 1. ab Ecclesia approbatus, quia religiones prius approbantur etiam ab Episcopis, sed a Concilio lateranensi statutum fuit, ut in posterum approbarentur tantum a Sede apostolica.

2. Dicitur 2. *ad perfectionem tendentium*, quia quilibet Religiosus vi suae professionis tenetur tendere ad perfectionem, dum tenetur observare ea quae sunt sui status propria; quae quidem sunt consilii, non autem praecepti. Ideoque graviter peccat Religiosus contra hanc obligationem, 1. Si regulas sui ordinis violet ex contemptu, nempe si aut eas putat esse vanas, aut quia non vult se illis subiicere; caeterum, ut dicit s. Thomas (7), in regulis alio modo delinquere

(5) lib. 6. n. 302. (6) n. 303.

(7) 2. 2. q. 186. a. 9. ad 3.

(etiam frequenter), si illae per se non obligant ad grave, non excedit culpam venialem. At licet regula ad nullam obliget culpam, numquam excusabitur a veniali, qui advertenter, et citra iustam causam eas violat: Laym. Sanch. Valent. et alii cum eodem s. Thoma (1); 2. si suo exemplo alios inducat ad regulae relaxationem, aut alicuius regulae maioris momenti, ut est illa silentii, orationis, aut huiusmodi cum damno gravi communis disciplinae (2); 3. si absolute statuit nihili habere perfectionem. Sed quaeritur an peccet graviter qui vellet observare eas dumtaxat regulas, quae obligant ad mortale, et alias negligere? Multi eum excusant, multi vero non. Sed scite dicit Sanchez difficulter futurum esse, ut iste excusetur a mortali, saltem ex aliis capitibus, nimirum ob periculum cui se exponit aut delinquendi contra vota, aut inducendi (ut dictum est) regulae relaxationem in communitatem (3). Et hic advertendum quod, licet subditi non peccarent nisi venialiter, nihilominus Praelati, qui negligunt eos corrigere, peccant graviter, cum defectus sunt multi, et huiusmodi, ut possint relaxare disciplinam, ut sunt silentii solutiones, orationis omissiones, ieiuniorum, etc. ita peccat etiam graviter (uti dicit p. Suarez, et alii) qui officio fungitur zelatoris, si nimis negligit certiores facere Superiorem de defectibus, quos observat (4). Insuper dicit s. Thomas (5) Praelatum (si opus est) posse etiam subditum verberare, et conviciis exprobrare, modo id non efficiat ex iracundia, neque coram exteris, aut novitiis.

3. Dicitur 3. *per vota paupertatis*, etc. quia religionis essentia in illis tribus votis consistit. Hic notandum 1. ad valorem professionis religiosae non requiri ut vota sint solemnia; sunt tamen tria necessaria: 1. Ut subiectus sexdecim sit annos natus, et

ut integrum annum in novitiatu versatus sit, et nullum habeat impedimentum ex substantialibus pro illo Ordine, quem professurus est, ut statuit Trid. Sess. 25. c. 15. *de reg. et mon.* Et quoad mulieres declaravit insuper S. C. ut nemini detur habitus ante 12. annos, contra Sanch. et Villalob., etc. Praeterea, ut antequam suscipiatur habitus, et antequam emittatur professio, debeat Episcopus aut eius vicarius voluntatem uniuscuiusque puellae explorare, secus graviter peccaretur, licet professio esset valida. Et notant Salmanticensis, Episcopum posse explorare voluntatem puellarum etiam in monasteriis exemptis (6). 2. Requiritur acceptatio Praelati, et capitularium, iuxta cuiusque ordinis statuta. Et error circa substantiam tam quoad partem Praelati, quam profitentis vitiat professionem (7). 3. Requiritur ut professio sit spontanea, et non sit facta ex timore incusso ab aliis ad hunc finem, aut timore reverentiae parentum, aut precibus importunis et saepe repetitis, ex quibus timet novitius gravem indignationem, nisi profiteatur (8). Qui vero professionem nullam emisit, et religionem vellet deserere, debet intra quinquennium reclamare, alias non amplius audiretur, iuxta Tridentinum Sess. 25. cap. 19., quia praesumitur ratam habuisse. Et super hoc puncto iuvat hic notare nonnulla sancita a Benedicto XIV. in Bulla, *Si datam* (47. in tom. 2. Bull.) nempe 1. Non posse Superiorem aliquem expellere, nisi prius cognita iudicialiter causa; 2. causas nullitatis debere cognosci tam a Praelato regulari locali, quam ab Ordinario loci; 3. professum, non obstante quod non reclamaverit intra quinquennium, posse tamen a Sede apostolica obtinere restitutionem *in integrum*; 4. Professum non posse statim post primam sententiam egredi a religione,

(1) lib. 4. n. 10. (2) ib. Resp. 3.

(3) n. 11.

(4) n. 13.

(5) 2. 2. qu. 72 a. 2. ad 2.

(6) l. 4. n. 5. (7) n. 6. (8) n. 7.

sed debere expectare secundam, si pendet appellatio (1).

4. Notandum 2. Episcopos regulares non remanere absolutos a votis, nisi in quantum eorum observantia repugnat statui episcopali; ita s. Thomas (2) et communiter alii ex c. *Statutum*, n. 18. qu. 1. Quapropter s. Doctor docet Episcopum regularem non posse testamentum facere (3). Contra vero probabilissimum est Episcopum regularem non teneri ad regulas sui Ordinis, ut inferitur ex c. *citato*, ubi sic legitur: *Monachus quem canonica electio a iugo regulæ absolvit*, etc. Et sic nec tenetur aliis votis suæ religionis propriis (4). Religiosus vero ad parochiam promotus tenetur tam ad vota, quam ad regulam, iuxta sententiam probabiliorum; ac tenetur deferre habitum (5). Ad hæc omnia tenentur etiam Religiosi fugitivi: ei notetur quod quicquid isti acquirunt, monasterio acquirunt. Eiecti vero obstricti remanent voto castitatis, sed quoad paupertatem, omnium quæ acquirunt usus est ipsorum, dominum est monasterii; et quoad obedientiam, et regulas, ac etiam divinum officium, ad ea non tenentur usquedum erant denuo acceptati. Causæ eiiciendi aliquem Religiosum sunt hæc: 1. Si, dum receptus fuit, aliquod essentielle impedimentum retinuerit, aut aliquem defectum valde nocivum communitati, ut est lepra, aut aliquis morbus id genus; 2. si aliquod infame crimen commisit, quod toti religioni erit damno; 3. si est incorrigibilis in aliis criminibus. Olim ob quodlibet grave delictum, licet semel admissum, poterant Religiosi eiici; sed Urbanus VIII. anno 1644. declaravit neminem (excepta Societate Iesu) posse expelli, nisi sit incorrigibilis, sed ut tantum possint poni in ieiuniis, et carcere: quod semper observandum est cum monialibus incorrigibilibus (6).

(1) l. 4. n. 8. (2) 2. 2. q. 88. a. 11. ad 4.
(3) l. 4. n. 2. (4) n. 3. (5) n. 4.

PUNCTUM II. De votorum obligatione

5. I. Circa votum paupertatis. De manuscriptis.
6. De peculio.
7. Quando peccatur contra votum paupertatis.
8. et 9. De prohibitione donorum.
10. Quanta erit materia gravis, et quando Religiosus tenetur ad restituendum.
11. An sufficiat licentia præsumpta.
12. Quid si iniuste denegata fuerit licentia? Quando Praelatus negaturus fuisset licentiam, si scivisset, etc. An abbatissæ possint donare, et licentiam dare.
13. Quid si Religiosus impendit in usus turpes, et vanos cum licentia generalis.
14. An Praelatus possit dare licentiam exponendi ludo.
15. II. Circa votum castitatis, et circa clausuram.
16. III. Circa votum obedientiæ, quando obligat, et circa quæ.
17. Si capitulum præcipit pristinam observantiam. Inobedientia est duplex peccatum. An in dubio sit obligatio obediendi.
18. Si præceptum sit revelandi secretum.
19. Si superveniat nova circumstantia
20. Si inferior dat licentiam negatam a Superiore.
21. Cui tenentur moniales obedire.
22. Quid circa electionem abbatissæ.

5. Ex voto paupertatis vetitum est Religiosis possidere, aut disponere quicquidlibet pretio aestimabile. Excipiuntur manuscripta, et bene dicunt de Lugo Tournely, Sporer, Salmant., etc. (contra Henno), quia hæc potius sunt spiritualia, cum sint partus mentis. Et hoc probatur tam ex Brevi Benedicti XIII. ubi dictum fuit quod Religiosi ad episcopatum promoti, debent omnia sua bona in manus Superiorum tradere, non tamen manuscripta; quam ex alia declaratione Clementis VIII. ubi habetur quod Religiosi possunt disponere de manuscriptis, etiam sine licentia. Idem dicunt Salm. de reliquiis sacris (7).

(6) n. 79. et seqq. (7) l. 4. n. 14.

6. Voto autem paupertatis non repugnat, 1. possidere bona in communi, ut docet S. Thomas (1), et expressum est in Trid. *sess. 25. c. 3. de reg. et mon. et in Extrav. Ex iis, de verb. signif.* Non repugnat 2. peculium, sive vitalitium, quod retinent Religiosi in multis ordinibus cum licentia Praelati: quia licet iuxta Concilium *sess. 25. c. 2.* videtur non posse dubitari quin hoc sit prohibitum, cum ibi dicatur: *Nemini liceat bona immobilia, vel mobilia... etiam nomine conventus possidere.* Nihilominus ex consuetudine, hodie quasi universali facta, tolerata a S. Sede, utique licet habere peculium cum licentia Superiorum pro usibus necessariis et honestis, modo Religiosus sit paratus se eo privare ad Praelati nutum; dum votum paupertatis, quamvis abrogari nequeat quoad substantiam, potest tamen (ut dicunt dd. communiter) mutari quoad modum, iuxta consuetudinem, quae praesumitur iusta, quoties practicitur etiam a Religiosis timoratis, et tolerata est a Superioribus consciis et, cum facile possint, non contradicentibus. Sed hic advertendum 1. quod si quis Praelatus permitteret sine praecisa necessitate usum peculii ubi non adest, ego nescirem eum excusare a culpa gravi, non iam ob voti laesionis rationem, sed ob laxitatem, quae ex tali usu oriretur. Advertendum 2. quod Superiores, qui in aliquo monasterio vellent restaurare vitam communem, subditi non possunt repugnare, ut dicunt communiter Suar. Nav. Less. et alii; quia licet non sit contra votum non observare vitam communem, est tamen contra votum eam recusare; semper ac (intelligitur) a Praelatis sufficienter prospiceretur uniuscuiusque necessitatibus (2).

7. Certum autem est Religiosum peccare contra votum: 1. Si eorum, quae ei data sunt ad aliquem cer-

(1) 2. q. 186. a. 3. (2) 1. 4. n. 15. circa finem. (3) n. 19. (4) n. 2^a

tum usum, aliquid ad alrum applicet, dum neutiquam potest illis uti nisi in quantum concedat Superior (3); 2. si res datas sibi usui, commodo, aut mutuo dederit aliis. Dicunt tamen Laym. Sanch. Peyrin. et de Alexand. in opusculo *de monialibus*, non peccare graviter, si esset certus de restitutione (4); 3. si recipit pro usu proprio, aut si consumit, aut donat aliquid sine licentia Praelati, et tunc tenetur ad restitutionem. Idem erit, si sine licentia recipit pecuniam, ut de ea ad proprium arbitrium disponat, licet in opera pietatis, dum Religiosus nequit habere neque proprietatem, neque usum rei independentem a Praelato; vide Rodriguez, p. 3. tr. 3. c. 1. cum Azor. Idem pariter dicendum, si occultat aliquid, ut subtrahat illud a Praelati dispositione. Idem quoque, si remittit debitori aliquid de eo quod ipse iam acquisivit, vel si remisit aliquam haereditatem, aut legatum sibi relictum; non autem si nolle acceptare aliquam donationem sibi factam; ratio, quia Religiosus antequam donationem acceptet, nullum super eam ius acquirit: sed super haereditatem, aut legatum Religioso relictum, mortuo testatore, statim monasterium ius acquirit, ut communiter dicunt Lugo Sanch. Tourn., etc. Posset in hoc peccare tantum contra charitatem, impediendo bonum sui monasterii; non vero contra votum, quod obligat non alienare acquisitum, non autem ad acquirendum (5). Sicut autem negatur Religioso posse donare sine licentia, ita et testari. Dicit tamen p. de Alexand. quod si Religiosus ex licentia relinquit aliquid alicui, secuta eius morte, et Praelatus promittit adimplere illius voluntatem, tenetur Praelatus stare promissis, sicut tenetur dominus servare promissa facta servo, ut dicunt Lessius, et Sanch. (6).

8. Sed loquendo praecipue de donis, refert hic adnotare, quae statuit

(5) lib. 4. n. 20. (6) n. 22.

Clemens VIII. in sua Bulla *Religiosae* 28. 1. Prohibuit Religiosis subditis, et Superioribus sub poena privationis officii, et vocis activae et passivae, et inhabilitatis *ipso facto incurrendae*, quicquidlibet donare sive nomine proprio, sive conventus, etiam suis Religiosis, aut Praelatis, nisi adsit consensus capituli generalis, praeter esculenta et poculenta, aut res devotionis modici pretii, aut si daretur aliquid in eleemosynam necessariam, aut si exercebatur hospitalitas: sed omnia haec cum licentia Superiorum. 2. Prohibuit Superioribus parare convivia contraria frugalitati religiosae ob quamcumque personam, aut festivitatem. 3. Statuit ne quisquis accipiat dona contra praefatam Bullam, acquirat ullum dominium, sed ut teneatur restituere monasterio, et ne absolvi possit, nisi prius restituat; ac ne talis restitutio possit condonari aut fieri pauperibus. Sed Urbanus VIII. in Bulla *Nuper* 158, licet confirmasset, et innovasset Bullam Clementis, attamen aliquibus moderationibus eam temperavit: 1. Quoad dona, permisit ea quae fiunt *propter actum virtutis et meriti*, nempe propter remunerationem sive gratitudinem, aut propter eleemosynam (quae revera, ut dicit La-Croix, non venit sub nomine *munerum*), sed etiam cum consensu Praelati localis, dicendo sufficere licentiam oratenus datam. 2. Quoad convivia, permisit ea quae fiunt in adventum Ordinariorum, aut benefactorum, modo non adversentur decentiae religiosae. 3. Quoad restitutionem donorum, dixit posse eam fieri etiam monasterio propinquiore, si commode non posset fieri proprio. Et hic notandum cum *auctore Instructionum confess. nov.* (1), hunc casum de recipiendis donis a Religiosis contra Bullam Clementis esse reservatum Papae (licet sine censura), dum Urbanus statuit

(1) Part. 2. n. 439. (2) l. 7. n. 470. ad 11. (3) Salm. l. 3. tr. 13. de rest. c. 6. n. 10. (4) Part. 2. n. 439.

ne confessarii ordinarii possent absolvere praefatum casum post publicationem suae Bullae; et si donum excederet decem scuta, qui dona recipit, ne posset quidem absolvi a sacra Poenitentiaria, nisi facta prius restitutione doni; quod etiam confirmatum fuit a Bened. XIV. in Bulla *Pastor bonus*, die 13. Aprilis, an. 1744. (2).

9. Multi dd. apud Salmant. (3). dixerunt Bullam Clementis non fuisse receptam, aut saltem abiisse in consuetudinem, ideoque non obligare. Idem postea dixerunt alii (qui valde adhaerent Salmanticensibus) de Bulla Urbani, dicendo quod cum ista sit declarativa illius Bullae Clementis, et novum ius non constituat, sicut hodie non obligat illa Clementis, ita pariter nec obligat haec Urbani. Sed haec opinio nescio quomodo sustineri possit, ut bene advertit *instructor confessariorum nov.* (4). Urbanus enim non solum declaravit ac moderavit Bullam Clementis, sed etiam eam confirmavit, et innovavit, et damnavit omnem contrarium usum usque tunc introductum. Dicunt tamen La-Croix et p. Mazzotta (5) quod, cum illae Bullae emanatae fuerint ad impedendam ambitionem et bonorum dispositionem, non incurruntur illae poenae in iis appositae, si dentur duo scuta; quia respectu poenarum praescriptarum non reputatur gravis talis summa. Nec prohibentur convivia, et donationes moderatae ex iusta causa, v. g. ut animi erga monasterium alliciantur ad hoc ut ab aliqua vexatione eximatur, aut ob meram benevolentiam, ut dicit Croix. Quanta vero sit summa quae hodie permittitur Superioribus, aut subditis, ut possit donari, dicunt hoc dependere ab usu approbato, iuxta quem in quolibet Ordine praefatae Bullae receptae sunt.

10. Discutienda remanent multa dubia super hac materia. Dubitatur

(5) Croix lib. 3. part. 2. num. 808. et Mazzot. de donat. t. 2. p. 54. c. 4. §. 1.

1. quae quantitas a Religioso impensa sine licentia sit gravis? Aliqui dicunt idem iudicium ferendum esse de Religiosorum furtis respectu monasterii, ac de furtis filiorum respectu parentum. Sed recte hoc non admittunt Sanch. et Lugo, quia filii sunt capaces possidendi, non autem Religiosi; et item sunt magis inviti Praelati in furtis Religiosorum, quam parentes in furtis filiorum. Caeterum dicunt dd. communiter quod, ut sit grave furtum Religiosi de bonis monasterii, requiritur maior quantitas quam in aliis furtis. Circa hoc variae sunt opiniones: Azorius Nav. Cast. Sanch., etc. assignant pro materia gravi 4. scuta, et quid amplius pro conventibus ditioribus; sed haec opinio videtur nimis indulgens. Sotus et Rodriguez assignant duo scuta pro materia gravi, et Croix (1) habet uti certum. Lugo putat esse materiam gravem sex carolenos, et octo pro monasterio opulento, etsi Religiosus accipit de portione suo usui assignata, sed si daret aliis Religiosis monasterii, ampliaret usque ad 5. scuta, modo non sint pecunia. Admittunt postea Sanch. Bonac. Salm., etc. non esse culpam gravem accipere res comestibiles multis vicibus; et in materia levi, licet postea devenirent ad materiam gravem, cum praesumantur Praelati non esse graviter inviti; modo (limitant) damnum conventus non sit multum, et non sit de rebus pretiosis (2). Cum autem materia est gravis, an teneatur Religiosus ad restituendum, si nihil aliud habet quam solam portionem monasterii, quae sibi usui contigit; alii affirmant, sed alii negant, ut Peliz. de Leone, Fagundez Salm., etc. quia non praesumitur (ut dicunt) Praelatus velle obligare suum subditum ad restituendum cum tanto incommodo. Et hoc non videtur improbabile in casu quo illa portio est absolute necessaria Religioso pro suis usibus ordinariis (3).

(1) l. 3. part. 2. n. 808. (2) l. 4. n. 26. (3) n. 26. (4) n. 17. et 18. (5) *

11. Dubitatur 2. an ad non tacendam paupertatem sufficiat licentia praesumpta? Nulli dubium est quod sufficit tacita, sive praesumpta de praesenti, ut esset si Superior iam videret id quod Religiosus impendit aut accipit, et, cum posset faciliter prohibere, non prohiberet (quamvis recte ait Tourn. haec non possit esse regula generalis): aut, ut dicunt Sanchez Castrop. Peliz. Salm. etc. si in illa religione adesset aliqua consuetudo recipiendi, aut impendiendi aliquid sine licentia, et Praelatus tolerasset (4); ratio est, quia in huiusmodi casibus licentia tacita aequivaleret expressae. Maior difficultas est an sufficiat licentia praesumpta de futuro, sive ratihabitio, nempe quod si Religiosus eam peteret, utique Praelatus annueret? Hanc non admittit Sanchez; sed eam admittunt Suar. Azor. Nav. Valent. Holz. Elbel, et alii, et non improbabiler, quoties praesumptio est rationabilis; quia tunc subditus iam procedit cum dependentia a voluntate Superioris, et hoc efficit quod ipse liberetur a culpa proprietatis. Et pro hac sententia est s. Thomas etiam (5), qui dicit quod Religiosus non potest facere *elemosynam sine licentia abbatis, vel expresse habita, vel probabiliter praesumpta*. Et quod s. doctor intelligit de praesumptione non de praesenti, sed de futuro, quae est ratihabitio, se explicat alibi (6) ubi dicit: Non esse proprietarium Religiosum, qui donat aliquid ponens spem in ratihabitione Praelati. Caeterum tales subditi dispositiones ex licentia praesumpta, ut plurimum sunt illicitae saltem venialiter; quia Superiores, saltem quoad modum, sunt inviti, et non raro etiam graviter, et praecipue quando illae sunt expresse ab ipsis prohibitae (7).

12. Dubitatur 3. an Praelato immerito licentiam negante, excusetur subditus a voto paupertatis? Respondetur a. 8. ad 1. (6) In 4. dist. 15. qu. 2. a 5. ad 4. (7) l. 4. n. 18. v. Haec docent.

detur negative: modo (limitatur) periculum damni non sit ita in mora, ut subditus habeat tum ius ad concessionem licentiae, quia in tali casu praesumitur saltem adesse licentia Superiorum maiorum; et in aliquo casu potest iudicari votum non obligare; ita communiter Castrop. Holz. de Alex. et alii cum s. Thoma (1) ubi sic dicit: *Si vero sit subitum periculum non patiens tantam moram, ut ad Superiorem recurri possit, ipsa necessitas dispensationem habet annexam; quia necessitas non subditur legi* (2). Dubitatur 4. an possit subditus cum licentia dare aliquid alicui, qui si notus fuisset Praelato, licentia data non fuisset? Si praesumeretur quod Praelatus licentiam revocaturus esset, non potest; secus si praesumeretur quod non revocaturus esset, si sciret; licet a principio eam fuisset negaturus. In dubio autem ad Superiorem recurrendum est; sed in casu quo esset difficile Superiorem adire, praesumptio stat pro licentia iam data: ita Molin. et de Alexand. (3). Dubitatur 5. an abbatissae possint donationes (intellige licitas) facere, et licentias dare aliis eas faciendi? Respondetur affirmative, semper ac sunt moderatae, et rationabiles, quia abbatissae iam habent bonorum administrationem. Possunt etiam de redditibus eleemosynas facere, et possunt etiam ecclesiis applicare, et ampliari aedificia domus, aut monasterii redditus adaugere (4). Quosnam autem contractus, aut condonationes possit facere abbatissa, et eius capitulum, vide quod dictum est in opere (5).

13. Dubitatur 6. (et hoc punctum maximi ponderis est) an Religiosus habens licentiam generalem a suo Superiore aliquid expendendi pro suo libitu, si expendat illud in usus turpes aut vanos, peccet contra votum et teneatur ad restitutionem tam ipse quam summam recipiens? Affirmat

(1) 1. 2. qu. 96. a. 6. in fin. (2) l. 4. n. 33. (3) n. 34. (4) n. 36.

prima sententia, quam nos sequimur, et est communissima cum Castrop. Sanch. Silvest. Molin. Salmant. Roncaglia, etc.; tum quia Praelatus, dando licentiam, non intendit eam dare ad usus illicitos, tum quia, licet intenderet, licentia esset invalida, cum Praelatus non sit dominus, sed simplex administrator bonorum monasterii. Contra secunda sententia negat, quam tuentur p. de Alexand. Rebell. Bord. et alii. Hi dicunt: Cum licentia est illimitata comprehendit usus tam licitos, quam illicitos, et licet Praelatus sit simplex administrator, nulla lege tamen habetur quod eius facultas restringatur ad solos usus licitos; hinc licet eius licentia esset illicita, tamen non est invalida. Sed Praelatus (subiungunt) dando licentiam, non est quod velit illam concedere etiam ad usus turpes, nec quod limitet ad solos honestos, sed aufert de medio impedimentum quod subditus habebat, ne talem summam suo libitu expendere defectu licentiae. Et licet licentia Praelati esset invalida, dicunt saltem praesumi rei restitutionem remissam esse a religione, ne fama subditi, aut Praelati, aut personae quae talem summam accepit, periclitetur. Sed, hoc non obstante a prima sententia desciscere nescio, quia satis mihi non probatur, quod Praelatus possit unquam hanc licentiam, sive specialem, sive generalem concedere ad usus illicitos; dum super bonis monasterii non habet aliam facultatem. quam eam quae sibi a sacris Canonibus, aut a religione conceditur; et hanc facultatem ei nec Canones, nec religio concedunt, quae non praesumitur dare eam in perniciem suorum subditorum. Quoad restitutionem, dicunt Sanch. Molin. et Salm. cum aliis, sufficere ut ille qui rem recepit restituat ipsimet Religioso, modo ille non sit de nullo illa abusus. Sed hoc non potest convenire cum Bulla Urbani superius allata, ubi praecipitur ut re-

(5) ibid. v. Potest abbatissa.

stitutio fiat monasterio. Insuper dicunt Castr. Salm., etc. quod si mulier ob turpem sui corporis usum acceperit a Religioso, excusatur a restitutione, si propter ipsam honor religionis, vel Religiosi periclitatur. Sed hoc periculum mihi videtur esse valde difficile eventum. Excusant etiam mulierem, si praesumi posset quod Religiosus intendere ei donare illam rem, quam deberet restituere ex eo quia illa est pauper: dum Religiosus eam expendit in usus honestos. Sed huic etiam obstant praefatae Bullae, cum praecipitur ut restitutio fiat monasterio; et ut a conventu non possit remitti, nec concedi ut fiat pauperibus (1).

14. Dubitatur 7. an Praelatus possit dare licentiam Religioso, ut aliquam summam ludo exponat? Potest utique, si ludus est licitus, solatii nimirum, et non merae sortis, et si summa est modica, et Religiosus non sit strictioris observantiae, ut diximus *Tract. 10. n. 220*. Et ut dicunt Azor. Less. Mol. et Salmant. in hoc potest Religiosus uti etiam licentia tacita, aut praesumpta. Si vero summa est magna, aut ludus est per se illicitus, iam numero praecedenti diximus invalidam esse licentiam sive generalem, sive expressam (2).

15. Quoad votum castitatis, iam notum est quod quilibet Religiosus qui illud laedit, peccat etiam sacrilegii, et scandali praeterea, si ob eius peccatum aliquod famae detrimentum religio passura esset. Ob castitatis tutelam introducta est clausura, non tantum pro monialibus, sed etiam pro Religiosis, qui per Clementinam *Nullus*, non possunt e monasterio egredi nisi ex causa, et cum socio, et cum licentia Praelati: singulis vicibus danda in particulari, non in generali. Et communiter dicunt dd. huius praecepti transgressionem esse gravem, nisi esset semel atque iterum (nunquam de nocte) et praeciso scandalo (3).

(1) lib. 4. n. 30. et 31. (2) n. 32.

16. II. Quoad votum obedientiae debent notari multa. Notandum 1. quod si Praelatus non exprimit praeceptum, dicendo: *Impono, iubeo*, etc. non inducitur praeciso obligatio obediendi; ita Salmant. cum Suar. et Pelliz. Sed addo ego, oportere distinguere consuetudinem uniuscuiusque Instituti; nam in aliquibus Superiores pro *iubeo* solent dicere, *oro, placeat R. V.* etc. Attamen quocumque modo imponatur obedientia, dicunt communiter dd. Suar. Sanch. Vasq. Medin., etc. non obligare sub gravi, nisi dicatur: *In virtute sanctae obedientiae, aut in nomine Iesu Christi*, aut *sub poena excommunicationis ipso facto* (4). Notandum 2. quod Superior potest praecipere omnia quae directe, vel indirecte respiciunt regulam, aut illius maiorem observantiam; non autem illa quae sunt contra regulam (modo ille ex legitima causa non dispenset), aut supra regulam, nisi hoc faceret ad probandam subditorum obedientiam. Non potest autem imponere obedientiam, ut exerceanter quaedam corporis macerationes, aut alia extraordinaria onera (nisi esset in poenam), nec ut acceptetur episcopatus, aut aliud beneficium, sive sit curatum, sive simplex, nec ut ad infideles proficiscatur cum manifesto periculo vitae, aut captivitatis; nec ut assistant extraneis peste infectis, nisi cum non adest qui eis Sacramenta necessaria ministret. Dictum *extraneis*, quia tenentur obedire in assistendo illis, qui sunt eius Ordinis; Sanch. Caiet. Sporer, et alii communiter (5). Notandum hic quod dicitur in Trident. (*Sess. 25. de reg. et mon. c. 4.*): *Non licet Regularibus a suis conventibus recedere, etiam praetextu ad Superiores suos accedendi, nisi ab iisdem missi, aut vocati fuerint*.

17. Notandum 3. quod non peccant Religiosi non observando primitivam regulam, postquam introdu-

(3) n. 37. (4) n. 38. (5) n. 39. et 40.

ctus est usus contrarius, ut dicunt Turcrem. Sanch. Caiet. Salmant., etc. Dubitatur hic an peccent non obediendo Capitulo generali, quod praeciperet primam observantiam? Negant Castr. Laym. Spor., etc., nisi esset quod religio, nisi reformaretur esset potius nocumento Religiosis, quam utilitati. Sed alii absolute, et probabilius affirmant, ut Suar. Pelliz. Salm. de Alexand., etc. (1). Caeterum certum est quod Capitulum generale, aut provinciale semper aliquod novum statutum utile religioni, quod non sit regulae difforme, facere potest (2). Notandum 4. quod Religiosus qui transgreditur praeceptum Superioris, probabilius, ut dicunt Suar. Castrop. Pelliz. Salm., etc., committit duo peccata: unum contra virtutem religionis, ratione voti; aliud contra virtutem obedientiae promissae Praelato, quae praecise a voto obligat (3). Notandum 5. quod subditus tenetur obedire, quoties quod imponitur non est certum peccatum; ita docent omnes, s. Antonin. Sylvius Caiet. Cabass. Tournel. et alii cum s. Bernardo s. Bonav. et s. August. in c. Si quod culpatur dist. 23. q. 1. quia Superior est in possessione suae potestatis praeciipiendi, unde non potest illa privari, nisi constet quod eius praeceptum sit illicitum (4); observetur id quod dictum est *Tract. 1. n. 18*. Et idem dicendum de dubio an praeceptum excedat, an non, facultatem Superioris, et an praeceptum sit supra regulam, ut dicunt Azor. Sanchez Valent. Salmant., etc. (5). Idem dicitur in dubio an qui praecipit sit legitimus Superior, cum in tali reperitur possessione (6) semper ei obediendum est. Excipitur tamen, si obedientia imposita ex una parte esset nimis molesta subdito, et ex alia esset probabiliter illicita, aut probabiliter excederet potestatem Superiores; aut si obedire afferret sub-

dito periculum grave damni spiritualis, aut temporalis; ita communiter Sotus Less. Tournel. Sanch. Castrop. Salmant. Holzman, etc. (7).

18. Quaeritur circa votum obedientiae: 1. An teneatur subditus obedire Praelato qui ei imponit ut revelet secretum sibi commissum? Respondetur cum s. Thoma (8), s. Anton. Navar., etc. negative, quia praeceptum naturale praevalet praecepto Superioris. Sed aliter currit, si ex secreti occultatione detrimentum passurus foret Praelatus, aut monasterium, aut alius innocens (9). An autem posset quis revelare secretum ut vitet damnum proprium; vide quod dictum est *Tract. 11. n. 9. in fine*.

19. Quaeritur 2. an possit excusari Religiosus a votis emissis in professione, cum suboriretur aliqua circumstantia, quae si praevia fuisset, utique illa vota non emisisset? Iam diximus *Tract. 5. n. 23. et 35*. hoc esse probabile cum s. Thoma s. Antonin. et aliis, loquendo de votis simplicibus; exceptis tamen votis religionis et castitatis, ut recte dicunt Sanch. Suar. Pontius Castrop. Diana Salmant., etc. contra Bonac. qui dicit quod excusaretur ab illis, qui reperiretur in gravi periculo incontinentiae: sed nos diximus quod si haec ratio militaret, quasi semper huiusmodi vota frustrarentur. Sed loquendo de votis solemnibus quae in professione religiosa fiunt, aut in Ordinum sacrorum susceptione, nullam circumstantiam, licet novam, et non praeviam, posse unquam ab illis excusare, ut unanimes omnes, nemino contradicente, affirmant; quia professus, aut in *Sacris* ordinatus, non respicitur ut persona particularis, cui satius erit voto non esse ligatus, sed ut membrum communitatis, cuius bono debet posthaberi bonum privatum (10). Et idem propter eandem rationem currit in votis (licet non solemnibus), quae fiunt in aliquibus

(1) lib. 4. n. 441. (2) n. 43. (3) n. 46.

(4) n. 47. (5) ibid. v. Inferitur 2.

(6) ibid. in fin. v. Dub. 2. (7) n. 47.

v. Limitant (8) 2. 2. qu. 70. a. 1. ad 2.

(9) l. 4. n. 49. (10) n. 50.

congregationibus virorum aut mulierum, et maxime si adiungitur votum, aut iuramentum perseverantiae, quia tunc (ut diximus *Tract. 5. n. 19.*) adest contractus cum congregatione obligatorius pro ambabus partibus; itaque sicut nequit, quacumque adveniente nova circumstantia (intelligo sine sua culpa), congregatio subiectum dimittere, ita subiectus nequit a congregatione abire (1).

20. Dubitatur 3. an valeat licentia a Praelato inferiore concessa, cum a Superiore denegata est. Affirmandum cum Holzm. Pelliz. et Croix, quoties Superior positive non prohibet subdito exequi rem petitam; nam denegando tantum licentiam, non intelligitur velle derogare inferioris auctoritati. Si autem Superior interdicat inferiori dare licentiam pro aliqua re, probabiliter dicunt aa. citati, licentiam inferioris esse validam (licet illicitam), semper ac Superior non declarat esse etiam nullam (?).

21. Dubitatur 4. cui moniales teneantur obedire vi voti? Respondetur: 1. summo Pontifici, 2. Episcopo, si non sint exemptae; si autem sunt exemptae, Praelato Ordinis. Sed circa clausuram etiam exemptae tenentur obedire Ordinario loci, ex Bulla Greg. XV. *Inscrutabilis*, Clementis X. et Clementis XII. vide quod de hoc dicitur *Tract. 20. de priv. n. 80.* Quoad obedientiam generaliter Ordinario debitam, notandum quod moniales non tenentur obedire circa electionem officialium monasterii, ut declaravit S. C. Insuper notandum quod tempore visitationis tenentur moniales denunciare Religiosas regulas violantes, excipe si illae iam resipuerint, aut si delictum sit occultum, aut cognitum sub secreto naturali, aut posset occultari sine communi damno, aut si ab aliis iam sit manifestatum, aut si praevideatur quod revelatio profutura non esset, aut sibi obfutura, et occultatio non futura esset

(1) lib. 4. n. 50. v. Et idem. (2) ib. v. Quacrit. hic. (3) n. 52. a. (4) n. 52.

damno communitati (3). 3. Tenentur moniales obedire abbatisae in hoc quod spectat ad observantiam. Dicunt vero aliqui dd. non posse abbatisam praecipere in virtute obedientiae, cum non habeat iurisdictionem spirituales, sed solum praesidere gubernio oeconomico monasterii. Sed valde rationabiliter p. de Alex. cum Pasqual. et multis aliis contrarium tuetur, cum ex voto obedientiae teneantur moniales obedire omnibus legitimis Superioribus, et abbatisae a Pontificibus uti tales in regularum approbatione recognoscuntur (4).

22. Hic iuvat animadvertere, iuxta Trident. *Sess. 25. c. 7. de reg. et mon.* non posse eligi in abbatisam quae sit minor 40. annis, et 8. annos non vixerit post professionem in religione, et debere esse ex choristis. Item advertendum quod si moniales fuerint discordes, debet Praelatus assignare tempus, quo elapso, ipse deputabit abbatisam, iuxta Decretum S. C. In monasteriis non exemptis Praelatus crit Episcopus; in exemptis erit Superior regularis, qui accipiet vota una cum Episcopo qui solus assistet. Facta electione, non poterit abbatisa officium exercere, nisi prius confirmationem acceperit a Praelato. Alia levioris momenti observari poterunt in opere (5).

PUNCTUM III. Cuiam ingredi religionem vetitum est.

23. *An ingredi possint filii, relinquendo parentes in necessitate Et an professi teneantur egredi ut succurrant parentibus.*
24. *An possint ingredi invititis parentibus. An si relinquuntur filii in necessitate; quid si fratres aut sorores.*
25. *Qui avertit aliquem a statu religioso*
26. *Qui vocationem negligit.*
27. *An ingredi possint debitores.*
28. *An Episcopi*
29. *An parochi.*

23. 1. Nequeunt religionem ingredi qui relicturi essent parentes in necessitate (5) n. 59.

cessitate, semper ac possent illis succurrere, in saeculo manendo; praeterquam si in saeculo, ut ait s. Thomas (1), *vident non posse vivere sine peccato mortali, vel non de facili*; et idem dicunt Sanch. Castr. Lez. Peyr. Salm., etc. (2). Pro periculo autem intelligitur, ut dicunt Salm., proximum. Et pro necessitate non intelligitur solum extrema, sed etiam gravis, ut dicunt communiter dd. cum s. Thoma, qui dicit contra, loco citato, quod non sit obligatus filius in saeculo remanere, si (parentes) *sine eius obsequio possunt aequaliter sustentari, non honorifice* (3). Notandum tamen quod si filius culpabiliter relinqueret parentes in gravi necessitate, eius professio non esset invalida. Ideoque ex sententia probabiliori s. Antonin. Caiet. Sanch. Bon. Salm. Bord. Busemb., etc. si filius iam professus sit, non tenetur egredi e religione, ut succurrat parentibus in gravi necessitate constitutis. Ratio est, quia professus iam elegit statum, sicut filius qui uxorem duxit. Et hoc docet idem Doctor angelicus (4) dicens: *Ille vero, qui iam est in religione Professus, reputatur mortuus mundo, unde non debet occasione sustentationis parentum exire claustrum*. Dictum est in necessitate gravi, quia in extrema utique teneretur filius egredi (5).

24. Extra casum necessitatis, dicebat Lutherus peccare filios ingrediendo religionem sine parentum consensu. Sed oppositum docuerunt omnes ss. Patres: s. Hieronymus, s. Ambrosius, s. Augustinus, s. Ioannes Chrysostomus, Concilium toletanum X. c. ult. s. Thomas, et omnes catholici; dum certum est, ut ait Angelicus (6), filios circa status electionem liberos esse. Et licet deceat (ut dicunt dd.) ut filii, nisi prius patris benedictionem susceperint, non discedant, hoc tamen intelligitur, cum nullum subest periculum, quod pater eos a sancto proposito avertat,

sed quia hoc periculum plerumque semper adest, ideoque s. Thomas (7) absolute hortatur filios ne consanguineorum consilio utantur, cum res agitur de vocatione religiosa: *Sed ab hoc consilio (ait Sanctus) primo quidem amovendi sunt carnis propinqui. Propinqui autem carnis in hoc proposito amici non sunt, sed potius inimici*. Et s. Cyrillus relatus ab ipso s. Thoma (8), explicando effectum Evangelii: *Nemo mittens manum suam ad aratrum, et respiciens retro, aptus est regno Dei* (Lucae 9. 62.), ait: *Aspicit retro, qui dilationem quaerit cum propinquis conferendi* (9). Parentes pariter non possunt ingredi religionem, et relinquere filios in gravi necessitate, aut sufficienti educatione destitutos, *non proviso qualiter educari possint* ait s. Thomas 2. 2. q. 189. a. 6. Sed hoc non intelligitur ut dicunt Suar. Castrop. Pelliz., etc. (regulariter loquendo), de filiis emancipatis (10). Quoad fratres et sorores, tunc tantum non possunt religionem ingredi, cum illi in necessitate extrema relinquerentur; si autem essent in sola gravi, qui votum emisit religionis, non potest propter hoc illud differre, saltem diutius, sine dispensatione (11).

25. Sed antequam ulterius procedamus, iuvat hic animadvertere quod parentes, qui sine iusta et certa causa avertunt filios a statu religioso quocumque modo, sive malis artibus, aut precibus simplicibus, aut promissionibus, nequeunt excusari a peccato mortali; ita communiter s. Antonin. Navar. Tournely Abelly Salm. Conc. Spor. Mazzot., etc. Et (ut dicunt) non solum parentes, sed quicumque alius qui abducit proximum a vocatione religiosa, peccat graviter, ob grave damnum quod illi affert. Parentes autem dupliciter peccant, contra charitatem, et contra pietatem; dum ipsi tenentur pietatis officio ad procurandum filiorum spirituales profectum

(1) Quodlib. 10. art. 9. (2) l. 4. n. 66. (3) n. 66. v. Sed. (4) 2. 2. 101. art. 4. ad 4. (5) n. 67. (6) 2. 2. q. 104. a. 5.

(7) Opusc. 17. c. 9. circ. an. (8) 2. 2. q. 189. art. 10. ad 2. (9) vide l. 4. n. 62.

quam maxime possunt, ut recte advertit Bonac. (1).

26. Sed praeterea hic quaeritur, an peccet graviter qui vocatus ad religionem, vocationem negligit? Respondit Less. (2), quod ex se loquendo, non peccaret; consilia enim divina ad culpam non ligant; tamen subiungit, quod non posset excusari a peccato qui existimaret se damnatum iri, si in saeculo remaneret, en verba Lessii: *Si conscientia dictet tibi (quod saepe accidit) te desertum iri a Deo, nisi divinae vocationi obtemperes, et te perituum, si manseris in saeculo, etc., tunc peccatum est non sequi divinam vocationem.* Caeterum ego sic ratiocinor: Si peccat graviter (ut superius dictum est) quicumque alium a vocatione abducit propter damnum quod illi infert, quomodo a culpa erit immunis, qui novit se certe vocari a Deo ad religionem, et in mundo vult remanere cum suae salutis aeternae periculo? Ait doctus Habert quod qui statum vitae, ad quem non est vocatus a Deo, eligit, licet (absolute loquendo) possit in eo salvari, attamen cum difficultate salvabitur; nam (ut loquitur) erit ut membrum a suo loco motum, quod cum difficultate suo muneri deservire potest. Non secus qui in saeculo manere vult, neglecta divina vocatione, difficulter salvabitur, cum Deus in saeculo negabit ei ea uberiora auxilia, quae praeparaverat exhibere in religione, et sine his auxiliis posset salvari (absolute loquendo), sed nunquam salvabitur. S. Greg. scribens ad Mauritium imperatorem qui interdixerat militibus ingressum in religionem, dixit hanc legem esse iniustam, quia multis paradisum claudebat; *Nam plerique sunt (sunt verba sancti) qui nisi omnia reliquerint, salvari nullatenus possunt.* Itaque huic periculo salutis aeternae se exponere, nunquam mihi suadere potero vacare

(1) l. 4. n. 77. (2) de stat. vitae eligend. qu. 8. n. 94. (3) Vide haec. et alia l. 4. n. 78. (4) 2. 2. qu. 189. a. 6. ad. 3.

culpa. Utrum vero haec culpa sit gravis aut levis, sapientum iudicio relinquo (3). Sed redeamus unde progressi sumus.

27. II. Nequeunt religionem ingredi debitores, qui ingrediendo non sunt amplius solvendo, sed si in saeculo manerent, sine gravi difficultate, et brevi solvendo fuissent; ita Azor. Navarr. Sanch. Salm., etc. Et licet sit satis probabile quod docet s. Thomas (4) (quem sequuntur s. Anton. Caiet. Silvest. Palud. Arm., etc.) qui dicit quod debitor non tenetur in saeculo manere, ut procuret unde debitum solvat, dicendo sufficere si cedat eis bona quae possidet; quia (rationem afferens) *persona liberi hominis superat omnem aestimationem pecuniae.* Nihilominus ego puto probabilior primam sententiam, quoties tamen (ut dictum est) brevi soluturus erit, nempe intra biennium, iuxta Sanch. et Nav.; et sine notabili difficultate solvere poterit, quia (sicut conveniunt dd. primae sententiae); si debitori manendo in saeculo brevi tempore immineret probabile periculum labendi in mortale, et vocationem amittendi, tunc potest statim ingredi. Intelligitur etiam modo debita sint certa, dum pro satisfaciendo debitis incertis non adest haec obligatio, ut communiter docent Castrop. Suar. Lugo Sanch. Salm., etc. (5). Advertendum tamen quod Sixtus V. in Bulla an. 1587. et Clemens VIII. vetarunt ingredi religionem nimis aere alieno gravatos, qui bona sua dilapidarunt, vel, qui deponere debent rationes, antequam debita solverint, aut rationes reddiderint (6).

28. III. Nequeunt fieri religiosi Episcopi, nam ipsi nequeunt relinquere suas ecclesias sine iusta causa; et hoc tum ob votum quod emittunt in acceptione earum ut docet s. Thomas (7), se obligando perpetuo eis inservire; tum ob spirituale coniugium quod Episcopus contrahit cum

(5) l. 4. n. 71. (6) ib. v. Advertendum. (7) 2. 2. q. 189. a. 7. et q. 185. a. 4.

sua ecclesia, quod coniugium a solo Deo solvi potest, ut exprimitur in *c. Inter corporalia, de translat. Episc.* ubi Innoc. III. sic dixit: *Non enim humana, sed potius divina potestate coniugium spirituale dissolvitur.* Ex quo merito deducunt Sotus Sanch. Caiet. Vasquez et Salm. (contra Suar. et Barb.) permutationem episcopatum prohiberi iure divino; unde ne Papa quidem potest dispensare sine iusta causa. Dico *sine iusta causa*; nam, ut habetur in *e. Nisi, de renunt.*, bene potest Papa, *propter aliquam utilem et honestam causam*, permittere renunciationem, vel permutationem. Iustae causae sunt, ut dicunt dd. 1. bonum Ecclesiae universalis, ac etiam particularis (loquendo de permutationibus), v. gr. si alicui ecclesiae non esset alius idoneus qui promoveri possit. 2. Defectus proprius, si Episcopus esset infirmus, aut si aeri illi esset nocumento, aut si est Senex, aut ignarus, aut irregularis. 3. Defectus subditorum, si eorum profectui redditus sit inefficax, aut si officio suo, ut convenit, fungi nequit. IV. Evitatio scandalii aliorum, sed non intelligitur scandalum eorum qui iustitiam proterere vellent (1).

29. Nihilominus hoc quod dictum est de Episcopis, non procedit de parochis; nam hi, etiam contradicente Episcopo, possunt religionem ingredi, ut declaravit Urbanus II. *c. Duo sunt* 19. q. 2. sic dicens: *Si quis clericorum in ecclesia sua sub Episcopo populum (nempe proprium ut explicat Glossa) retinet, et saeculariter vivit, si afflatus Spiritu Sancto in aliquo monasterio, vel regulari canonica salvare se voluerit, etiam Episcopo contradicente, eat liber nostra auctoritate.* Et, ut ait s. Thomas (2), Parochus ingrediendo religionem licentia ne Pontificis quidem indiget. Hoc confirmatum est a Benedicto XIV. in sua Bulla *Ex quo dilectus*, ann. 1747.: attamen ibi dicit Pontifex, quod Parochus antequam ingrediatur,

debet Episcopum certiorare facere; insuper decrevit ibidem parochiam non vacare, nisi post professionem, adeo ut fructus ad eum spectent durante tempore novitatus. Et idem dicendum de aliis beneficiatis, ut dicunt Suar. Sanch., sed hi non peccant (ut subiungit idem Benedictus ibidem), si suos Episcopos certiorare omittunt, timentes ne ab ipsis de suo proposito revocentur. Caeterum declarat Pontifex, quod sicut potest Praelatus regularis subditum suum, qui ad strictiorem Ordinem sit digressus, ita Episcopus potest parochum aut clericum suum repetere a religione, *si ex transitu suo prima ecclesia gravem sustineret iacturam*, etc. Sed si Ecclesia graviter laederetur, esset revocandus. Priora verba sunt Innoc. IV., posteriora Panormitani, quibus utitur Benedictus in sua Bulla, et postea concludit: *Et sic satis provisum est Episcopo* (3).

CAPUT II. DE STATU CLERICALI

30. Circa clericorum statum quatuor possunt considerari principaliora: Privilegia, munia, officia, et beneficia, quibus eos Ecclesia providet, quo ipsi sustentari possint. De privilegiis agitur *Tr. 20. cap. 2.* ubi de privilegiis ex proposito erit sermo. De muneribus, et officiis in examine Ordinandorum in *appendice 3.* Hic solum agemus de beneficiis ecclesiasticis, quae clericis conferantur.

PUNCTUM I. Cuinam conferri possint et debeant beneficia.

31. Quotuplex sit beneficium.
32. Quot modis acquiritur. *De iure patronatus.*
33. *An etiam beneficia simplicia conferenda sint dignioribus.*
34. *An patroni debeant digniores praesentare.*
35. *An ad praelaturas, etc.*
36. *An sit valida minus digni electio.*
37. *An elector teneatur ad restitutionem.*

(1) l. 4. n. 76. et 104. (2) 2. 2. q.

189. a. 7. (3) l. 4. n. 74. et 75.

38. *An peccet dignus qui concurrit cum digniori.*

39. *An examinatores non denuntiando ec. 40. et 41. De pluralitate beneficiorum.*

31. Beneficium ecclesiasticum definitur: *Est ius perpetuum auctoritate Ecclesiae constitutum exercendi officium spirituale in aliqua ecclesia, et percipiendi propter ipsum fructus ex bonis ecclesiae.* Distinguere oportet beneficia simplicia a duplicibus. Simplicia sunt illa quae tantum instituta sunt ad Horarum canonicarum recitationem, aut ob altaris servitium, et sunt canonicatus, et capellaniae auctoritate Pontificis, aut Episcopi erectae, et etiam praestimonia, quae clericis praestantur, ut vacent studio, et huiusmodi. Duplicia sunt illa quae aliquam iurisdictionem habent, ut episcopatus, et parochiales, et etiam decanatus, praepositurae, archidiaconatus, et huius generis, quae aliqua iurisdictione gaudent in clerum; aut aliqua praeeminentia fulgent, sed sine iurisdictione, v. g. loco distincto in choro residere, aut in processione, ut sunt dignitas primicerius, cantoratus, aut sacristae maioris, et haec proprio vocabulo appellantur *personatus*; aut denique habent annexum aliquod officium ecclesiasticum, ut thesaurarii, oeconomi, custodis, sacristae minoris: et hi habent aliquam administrationem, sed sine iurisdictione, et sine ulla praeeminentia (1).

32. Tribus modis acquiritur beneficium; 1. Collatione libera Pontificis aut Episcopi. 2. Electione aut confirmatione Superioris approbantis idoneitatem electi. 3. Praesentatione et institutione, sive electione Superioris, quae subsequitur, cum beneficium est iurispatronatus. Ius autem patronatus alterum est laicale alterum est ecclesiasticum. Et in hoc scire oportet, quod si patronus laicus non praesentat inter quatuor menses, ecclesiasticus intra sex, collatio de-

(1) lib. 4. n. 83. et 84. (2) n. 88.

(3) n. 89. (4) tract. 28. c. un n. 291.

volvitur ad Praefatum, ad quem institutio spectabat, ut habetur ex c. Quoniam de iure patr. et c. un. §. Verum eod. tit. in 6. (2). Et notandum quod tempus praefatum currit etiam si orta fuerit lis circa praesentationem; modo lis non veretur inter patronum et Episcopum, ut dicunt Azor. Salm., etc. ex cit. c. Quoniam. Potest tamen Episcopus prorogare praefatum terminum per alios sex menses, sed non amplius, ut notant Barb. Salm. ex c. 2. de Concess. praeb. (3). Si autem a patrono laico plures praesentatisint, Episcopus potest eligere quem malit, quia utraque praesentatio est valida; si autem a patrono ecclesiastico, debet eligere prius praesentatum, ex c. Cum authenticis, de iurepatr. Sed si plures a diversis patronis fuerint praesentati, tunc si patronatus est ecclesiasticus, Episcopus debet praeferre digniorem, ut habetur expresse ex Trid. sess. 24. cap. 18. ubi dicitur: *Episcopus ex dignis eligat digniorem, quem patronus ei praesentet.* Nomine patroni hic intelligitur patronus ecclesiasticus, de quo in hoc loco fit sermo, et intelligitur sive sit unus, sive plures qui habent ius patronatus. Et sic declararunt mentem Concilii Sixtus V. et S. C., ut referunt Salmant. (4) cum Garcia Barbosa, etc. Si vero patronatus est laicalis, sufficiens erit si praesentatus sit idoneus, ut declarat Concilium ibidem: *Quod si ius patronatus laicorum fuerit, debeat praesentatus examinari, et non, nisi idoneus repertus fuerit, admitti.* Qua de re tunc Episcopus debet eligere eum qui plures voces habet, ut dicunt communiter Less. Busemb. cum Laym. et Salmant. cum Sanch. (5). Et hoc procedit proculdubio etiam pro beneficiis curatis, de quibus perspicue loquitur Concilium in praefato loco, quicquid dicant Salmant.

35. Sed ad propositum punctum

(5) Less. l. 2. c. 34. n. 33. et Salm. ib. n. 292.

deveniamus, nempe cuinam possint et debeant conferri beneficia? Pro resolutione multa dubia discutienda sunt. 1. An omnia beneficia sint conferenda dignioribus? Quoad cardinalatus, et episcopatus, certum est quod eligendi sunt digniores, ut constat ex Trid. *Sess. 24. c. 1. de reform.* et ex prop. 47. ex proscriptis ab Innoc. XI. Et idem currit pro beneficiis curatis, ut habetur ex eodem Concilio *cit. cap. 1. et cap. 18.* Maior autem dignitas accipienda ex maiori Ecclesiae aut fidelium utilitate; sed ceteris paribus praeferrri debet qui pietate, aut prudentia praestat doctiori: nobilior, aut potentior: oriundus, senior, pauperior et sacerdos non sacerdoti (1). Quomodo autem habendus sit concursus pro ecclesiarum parochialium collatione; ac de appellationibus ab irrationabili ordinarii iudicio admittendis, vel reiciendis, vide in Bullar. Benedicti XIV tom. 1. *Bulla Cum illud* 68. sub die 14, decemb. 1741. Dubium vertitur circa beneficia simplicia, an peccet Episcopus eligendo minus dignum? Prima sententia Soti Nav. Sanch. etc. quam probabilem putant Salm. Carden. etc. negat eum peccare (nempe graviter, quia communiter non excusant saltem a veniali), dum dicunt quod beneficia principaliter sunt instituta in communitatis utilitatem, unde modicum est damnum cum praefertur, non tamen indignus, sed dignus digniori. Excipiuntur tantum caponicatus, quibus sit etiam annexum officium poenitentiarum aut instructoris. Hanc sententiam non puto improbabilem, sed existimo certe probabiliorem contrariam, quae etiam est communior cum s. Thoma (2), Less. Lugo Castrop. Holzm. Croix Ronc. Viva Salm. etc. Ratio, quia beneficia, ut communiter dicunt dd., non tantum instituta sunt propter Ecclesiae utilitatem, sed etiam (licet minus principaliter) ob meritum re-

(1) lib. 4. n. 91. et 92. (2) 2. 2. qu. 63. a. 2. ad 1. (3) l. 4. n. 93. (4) n. 96.

munerationem. Ex quo Episcopus duplici ex capite peccat graviter conferendo ea minus dignis, 1. quia laedit iustitiam distributivam, attento iure quod habent digniores, cum Episcopus non sit dominus, ut loquitur s. Thomas, sed simplex distributor beneficiorum: 2. ob damnum quod Ecclesiae suae infert, dum ubi non praeferruntur digniores, pauci curant digniores se reddere, et hoc non est detrimentum parvi momenti in bonum commune (3). Limitant tamen Nav. Sot. Less. Lugo etc. 1. si posthaberetur dignior semel atque iterum ad beneficium simplex, et etiam ad aliquem canonicatum, qui caret iurisdictione, aut functione magni momenti. 2. Si beneficium esset tenue. 3. Si eligeret aliquem de familia fundatoris, ut ait Toura. cum Sylvio. 4. Si electus brevi renuntiaturus esset beneficium; Holzm. cum Pichler (4).

34. Quaeritur 2. an patroni etiam teneantur praesentare digniorem? Quoad beneficia curata, certum est patronos ecclesiasticos, et patronos episcopatum (qui sunt reges) ad hoc teneri, ut declaravit Trident. *Sess. 24. cap. 1. et 18. de ref.* At idem proculdubio tenendum cum Lugo Sanchez Croix Viva Ronc. Salm. etc. quoad omnia beneficia curata, dum in *cit. cap. 1.* Concilium dicit quod quicumque patronus tenetur praesentare ad curas animarum digniores. Et hoc confirmatur ex eadem prop. 47. Innoc. XI. quae loquebatur de quocumque beneficio curato. Si autem beneficium fuerit simplex, ut diximus, probabilius est Episcopos teneri ad eligendum digniorem; ita dicimus de patronis qui eos praesentare debent. Excipit Lugo tantum eos qui conferunt capellanias contra Azor. Mol. Vasq. qui hoc permittunt solum fundatoribus (5). Quaeritur 3. an etiam renuntiationes debeant fieri dignioribus? Hic adsunt multae sententiae diversae, quae in

(5) n. 97.

opere observari possunt (1); sed maxime aequa mihi videtur illa Card. de Lugo, qui dicit hic rationem culpae dimetiendam esse a damno, quod ex tali renuntiatione Ecclesiae obveniret. Unde postea concludit quod raro licitae sunt renuntiationes beneficiorum curatorum, et praecipue episcopatum quia istae ut plurimum fiunt sub onere pensionis, ideoque non fiunt cum diligenti meritorum inquisitione (2).

35. Quaeritur 4. an peccent graviter Religiosi qui eligunt minus dignos ad praelaturas? Negant aliqui pauci; sed communissime et rectissime affirmant Lugo, Viva, Croix Ronc. Salm. etc. quia Praelati aequo ac Episcopi debent prospicere bono communitatis; et minus digni facilius evadunt indigni, quia minori diligentia incumbunt ad sartam tectam servandam observantiam (3).

36. Quaeritur 5. an electio minus digni sit valida, cum beneficium est curatum? Negant Sanch. Castropal. Salm. etc.; sed probabilius affirmant Lugo Fill. Vasq. Holzman Anacl. Croix etc. Et probatur ex Bulla s. Pii V. ubi licet concedatur appellatio digniori, ibi tamen declaratur quod appellatio non impedit quominus executioni mandetur electio minus digni; valida igitur habetur. Nec obstat id quod dicitur in Trid. (*Sess. 24. c. 18. de ref.*): *Provisiones omnes praeter supradictas formas factas subreptitiae censeantur*. Nam per formas non intelligitur electio, ut adversarii autumant, sed proprie intelligitur ritus praescriptus qui tenendus est in collatione curarum, nimirum, ut intercedant edictum, concursus et examen (4).

37. Quaeritur 6. an eligens ad beneficium minus dignum teneatur ad restitutionem? Etiam de beneficio simplicis, quod sine concursu providetur, affirmant Silv. Caiet. Bann. Salm. et alii: quorum alii dicunt restitutionem faciendam esse digniori; alii dicunt

faciendam etiam Ecclesiae. Sed communius Canus, Nav. Tol. Less. Sanchez Lugo Castrop. Croix, eum excusant a restitutione facienda tam digniori, qui nullum ius rigorosum habet super beneficiis, quae principaliter fuerunt instituta ob bonum publicum; et minus principaliter in praemium meritorum, quam Ecclesiae quae non intendit obligare electores, nisi ad non eligendos indignos, (in quo casu utique tenerentur restituere Ecclesiae damnum). Et hanc sententiam puto probabiliorē, iuxta id quod dictum fuit *Tract. 1. n. 20. et Tr. 10 n. 75.* ubi dictum fuit possessorem bonae fidei non teneri ad restitutionem, quoties non est certus sui debiti (5). Ideoque ad nihil pariter tenetur qui Episcopum sine fraude avocat a conferendo beneficium digniori; ut diximus *Tract. 10. n. 63.* (6). Sed maius dubium vertitur an, cum beneficium providetur per concursum, eligens minus dignum teneatur compensare digniori damnum? Communissima est sententia affirmativa cum Sanch. Tourn. Less. Lugo Castrop. Holzm. Croix etc., quia dignior ob concursum acquirit verum ius in beneficium, ratione pacti quod tunc intercedit inter electorem et concurrentes, quod pactum (ut dicunt) sufficienter explicatur in Edicto. Hoc non obstante etiam excusant electorem non iam a peccato, sed a restitutione, Sot. Nav. Ledesm. Henriq. et alii, dicentes quod pactum quod supponitur non est rigorosum, ita ut obliget sub iustitia commutativa, sed potius declaratio obligationis quae Episcopo inest iuxta iustitiam distributivam (praefereudi nempe digniorem), quae non obligat ad restitutionem. Hanc secundam sententiam mihi animus non est uti probabilem probare, sed nec uti improbabilem audeo damnare, et si revera non constaret de huiusmodi pacto, non esset certa obligatio restituendi. Caiet.

(1) lib. 4. n. 98. (2) n. 99. (3) n. 100. et 101. (4) n. 103. (5) n. 106. et 107.

(6) n. 108.

terum iidem dd. contrarii, uti Sanch. Lugo Ronc. et Garcia excusant ab omni restitutione, si excessus dignitatis esset modicus (1).

38. Quaeritur 7. an peccet dignus concurrendo cum aliis, quos se digniores putat? Negant Less. Sot. Azor. Caiet. Vasq. Salm. etc., et quidem probabiliter, nam talis videtur esse Ecclesiae mens, ut omnes digni concurrant, alioquin si dignioribus dumtaxat esset licitum concurrere, pauci concurrerent et forte iidem digniores, scrupulo perculsi, abstinerent a concursu, quod quidem in Ecclesiae detrimentum redundaret. Contra affirmant Sanch. Castr. Navarr. Lugo etc. semper ac dignus pro comperto haberet alium esse se digniorem, quia si unquam electus esset, iam esset causa talis iniustae electionis. Speculative loquendo haec secunda sententia videtur probabilior: sed in praxi videtur locum non posse habere, quia in nullo casu dignus potest esse certus quod Episcopus non habeat aliquam rationem, sibi latentem, excludendi illum quem ipse putat digniorem (2). Sed hic illud dubium se offert, an hic dignus, si certo cognoscat alium esse digniorem, peccet si acceptet beneficium, et teneatur ad restitutionem damni? Affirmat Nav. et Castrop.; sed Sot. Sanch. Turr. Salmant., etc. probabilius dicunt nec peccare, nec teneri ad restitutionem. Non peccat, quia acceptando beneficium, non iam cooperatur iniustae electioni, ut supponunt adversarii, dum Episcopus, cum iam illud ei contulerit, iam suum peccatum consummavit: quare per accidens habetur, quod postea acceptet vel non. Nec tenetur ad restitutionem, quia, collato beneficio in minus dignum, collatio est valida (ut ostensum est n. 36.); unde beneficium non amplius sistit inter bona communia, ideo dignior nullum amplius ius habet. Et huius sententiae

(1) lib. 4. n. 109. (2) n. 110.

(3) 2. 2. q. 185. a. 3.

est etiam s. Thomas (3) qui loquendo de episcopatibus, dicit quod elector tenetur praeferre meliorem; sed loquendo postea de electo sic ait: *Non autem requiritur ut reputet se aliis meliorem, sed sufficit quod nihil in se inveniat per quod illicitum ei reddatur assumere praelationis officium.* Tanto magis quod nemo, ut paulo ante diximus, potest certus esse iniustam fuisse eius electionem (4).

39. Quaeritur 8. an peccent examinatores, non deferendo ad Episcopum quis sit inter examinatos dignior? Negant Lugo Castrop. Croix etc. dicendo illos satisfacere, si tantum deferant Episcopo quos idoneos probant, dum Episcopi munus erit declarare quis eorum sit dignior. Sed probabilius et communius affirmant Azor. Nav. Ronc. Diana Salm. etc. quia licet iudicium ad solum Episcopum spectet, attamen hac propterea de causa Concilium statuit concursum, et examinatores, ut ipsi digniorem proponant, ut ita possit Episcopus melius iudicare, et eligere (5). Examinatores autem debent iurare fungendi fideliter officiis suis, ut praecipit Trident. *Sess. 24. c. 18. de re-form*; secus concursus est nullus ex Decr. s. Congr. Conc. 2 decemb. 1678.

40. Quaeritur 9. an possint unquam conferri plura beneficia uni personae? Sed hic prius distinguenda sunt beneficia compatiblea ab incompatibleibus. *Compatibleia* sunt omnia simplicia quae residentia non indigent. *Incompatibleia* autem alia sunt primi, alia secundi generis. *Primi generis* sunt omnia beneficia duplicia quae hic n. 31. adnotata reperiuntur; nempe primo omnia beneficia curata, et ea quae sunt uniformia sub eodem tecto, ea nimirum quae eodem loco, et tempore in iisdem functionibus conveniunt: item omnes dignitates, personatus, et officia ecclesiastica quae ibidem adnotavimus. *Incompatibleia* vero *secundi generis* sunt ca-

(4) Vide haec, et alia l. 4. cit. n. 116 v. dub. 2. (5) n. 111

nonicatus, et caetera beneficia residentiam exigentia. Sed hic antequam ad punctum attingamus, advertere oportet quod si quis duo beneficia incompatibilia recipit, accepto secundo, ipso iure vacat primum, et si ipse praesumat sibi retinere utrumque, ipso facto privatur utroque, uti constat ex Trident. *Sess. 7. c. 4. et Sess. 24. c. 17. de ref.* Hoc est certum de beneficiis incompatibilibus primi generis: dubitatur an idem valeat pro aliis secundi generis? Affirmant Contin. Tourn. Spor. et Salm. (1) cum Azor. Gonzal. Fagn. etc.; et probant ex eodem Trident. locis citatis, et ex quadam declarat. S. C. et idem dicunt Salmant. cum aliis etiam de beneficiis simplicibus, licet residentiam non requirant (2). Nihilominus Laym. Busemb. et alii apud Salm. hoc negant cum Navar. qui dicit non constare de hac declaratione; et ad Tridentinum respondet: Concilium in posteriore loco, ubi tantum disserit de vacatione, loquitur de beneficiis curatis, non vero de aliis (3). Sed, ut dicunt iidem Salm. et Abelly, Papa potest dispensare, et dumtaxat in casu evidentis necessitatis, aut utilitatis, secus (ut tenent Bell. Panormit. Tol. Salm.) qui plura huius generis beneficia reciperet, etiam ex Pontificis dispensatione, tutus non esset in conscientia (4).

41. Caeterum beneficiorum etiam simplicium pluralitas certe Canonibus adversatur, modo primum beneficium congruae sustentationi sufficiat, ut declarat Trid. *sess. 24. c. 17. de ref.*, ubi sic habetur: *Statuit, ut in posterum unum tantum beneficium ecclesiasticum singulis conferatur quod quidem si ad vitam eius, cui confertur, honeste sustentandam non sufficiat, liceat nihilominus aliud simplex sufficiens, dummodo utrumque personalem residentiam non requirat, eidem conferri.* Sed maius restat dubium, an pluralitas etiam

simplicium sit vetita non tantum iure canonico, sed etiam divino. Alii absolute id negant, ut Innoc. Lugo Filliuc. Valent. etc.; alii absolute id affirmant, ut Panormit. et Continuator Tourn. cum aliis, et praecipue cum Bellarm. qui tenet Papam sine causa urgentissima dispensare non posse: et hoc tum quia non potest unus duabus ecclesiis deservire, tum quia haec praesumitur fuisse voluntas fundatorum, ne quis nisi de una ecclesia curam habeat. Sed sententia communis est tenenda cum S. Thom. (5), quem sequuntur Azor. Less. Laym. Abel. Holzm. Salm. etc. dicit pluralitatem beneficiorum utique esse illicitam, etiam iure naturali, ita ut ne Papae quidem dispensatione possint licite retineri, cum unum satis est ad sustentationem. Et non tantum ob primam rationem allatam, quam ob secundam; tum etiam quia perturbaretur ecclesiasticus ordo propter tot rerum confusiones a Ioanne 22. *in extrav. Execrabilis de praeb.* adnotatas, nimirum quod, admissa hac pluralitate, aliqui superfluis redundarent, et alii forsitan digniores mendicare cogerentur: item quod, cum ecclesiae non haberent rectorem peculiarem, facile illae debito obsequio defraudarentur: item quod qui plura habet beneficia, nequit invigilare ad defendenda iura uniuscuiusque ecclesiae: item quia reddituum copia cupiditas et luxuriam fovetur. Nihilominus dicimus cum eadem sententia, quod hoc non est ita illicitum, ut Papa ex iustis causis nequeat dispensare (6). Hae autem causae sunt, 1. *necessitas*, nempe, ut docet S. Thomas (7), *si sit necessitas in pluribus ecclesiis eius obsequio.* 2. *Utilitas*, si beneficiatus melius potest ipse solus, licet absens, sua auctoritate, doctrina, et prudentia, quam alius praesens prodesse, ut ait idem Doctor angelicus loco citato: *Ipse possit plus deservire ecclesiae, et tantummodo absens, quam alius praesens.* 3. *Meritorum.*

(1) Tract. 28. de benefic. n. 664.

(2) V. op. nostrum l. 4. n. 118. v. quae.

(3) n. 116. v. notandum (4) ib. v. orateterea.

(5) Quodlib. 9. a. 15. (6) l. 4. n. 117

(7) Quodlib. 9. art. 15

praerogativa, eorum nempe qui prosunt ecclesiae sua doctrina, instructione, aut scriptione, cum dicatur in cap. *De multa*, §. *fn. de praebend.* Nullus plures dignitates aut personatus habere praesumat; circa sublimes tamen, et literatas personas, quae maioribus beneficiis sunt honorandae etc.

PUNCTUM II.

De qualitate et obligatione beneficiatorum, et quot modis beneficia amittuntur.

42. *Qualitates beneficiatorum. De intentione intra annum suscipiendi Ordines, etc.*
43. *Qui recipit parochiam cum animo dubio, aut conditionato.*
44. *Qui recipit beneficium cum animo illud relinquendi.*
45. *Munia beneficiati. Quoad fructus, etc. An de illis vivere possit.*
46. *Quibus debet erogare superflua.*
47. *An loci pauperibus.*
48. *An parentibus.*
49. *An pensionarii teneantur erogare superflua.*
50. *De residentia canonicorum.*
51. *Poenae non residentium.*
52. *Causae excusantes, et I. Infirmitatis.*
53. *II. Necessitatis.*
54. *An excommunicatus, etc.*
55. *An irregularis, etc.*
56. *III. Utilitatis. De eo qui assistit, etc. De poenitentiario, et theologo.*
57. *De examinadoribus, visitatoribus, etc.*
58. *Quot modis amittuntur beneficia; praecipue renuntiatione, et per iura, et praecise si intercedit simonia.*
59. *De pensionibus.*
60. *Quae artes, et officia sunt clericis interdicta.*
61. *De bonorum ecclesiasticorum alienatione.*
62. *De solemnitatibus requisitis.*

42. Primo loco de qualitatibus loquendo, beneficiatus debet esse clericus, saltem tonsuratus. Item non debet esse illegitimus (cum quo tamen potest Episcopus dispensare ad Ordines minores, et ad beneficium simplex). Item quod non sit irregularis non facinorosus nec excommunicatus. Item habeat scientiam com-

petentem, et aetatem legitimam, nempe ad beneficium simplex 14. annorum (et sufficit inceptorum iuxta communem cum decl. S. C. apud Fagn. tom. 3. in 1. part. 3. *Decretal. de Praebend. cap. Super inordinata*, n. 15.); ad illud autem quod requirit Ordinem subdiaconatus, annum 21. inceptum; pro eo quod requirit diaconatum, annum 22; quod requirit sacerdotium habeat annos 24; pro beneficio curato habeat annos 25. inceptos, ut habetur ex c. *Licet de Elect. in 6.* Pro episcopatu denique requiritur aetas 30. annorum completorum, ex c. *Cum in cunctis*, n. 16 et seqq. eodem tit. Adnotandum hic insuper quod in ecclesiis cathedralibus pro dignitatibus quae sacerdotium non requirunt, exposcitur aetas 22. annorum inceptorum: sed hoc non requiritur pro collegiatis, iuxta *Declarat. S. C. apud Fagnan. in cit. cap. de elect. n. 34. et seqq.* Hi beneficiati tenentur intra annum suscipere Ordinem sacrum; et si una tantum hora desideraretur, beneficiatus illud retinere non posset, modo in bona fide illud non praescripisset per triennium, ut dicunt Less. et Busemb. (1). Qui ergo beneficium cui annexus est sacer Ordo suscipit, intentionem tenetur habere se promovere faciendi intra annum. Et si beneficium est curatum, qui animus non habet sacerdotio initiandi, non tantum graviter peccat, ut certum est, sed etiam ipso iure beneficio privatus existit, adeo ut teneatur restituere omnes fructus perceptos, excepto si intra annum ab hac voluntate discederet, ut recte dicunt Less. Nav. Sanch. et Salm. (contra Sotum et Tol.) et ut clare habetur ex cap. *Commissa de elect. in 6.* cum ibi dicatur: *Nisi, voluntate mutata, promotus fuerit etc.* Potest tamen Episcopus ad septennium dispensare, ut beneficiatus studii vacet, substituendo interim beneficio vicarium (2). Sed hoc debet intelligi (ut ait Laym.)

(1) lib. 4. n. 112. (2) n. 113.

non posso huiusmodi dispensationem concedi sine gravi necessitate, aut magna utilitate Ecclesiae, ut apparet ex *cap. cum ex eo de elect. in 6.*

43. Hic dubitatur 1. an graviter peccet, aut teneatur ad restitutionem fructuum, qui animo ancipiti, aut conditionato sacerdotio initiandi, recipit beneficium curatum? Tres ad-sunt sententiae. Alii absolute negant; alii affirmant, si animus est dubius, negant vero si sit conditionatus; ita Less. Sanch. Salm. etc., quia animus conditionatus (ut dicunt) est verus animus. Sed nos affirmamus cum Sot. Azor. et Conc., sive animus sit dubius, sive conditionatus; quia semper ac deest animus sacerdotio initiandi, semper adest fraus, ratione cuius textus citatus *cap. Commissa*, obligat ad fructuum restitutionem, cum ibi dicatur: *Teneris ad restitutionem fructuum, cum eos receperis fraudulenter*. Caeterum hoc non impedit quominus beneficiatus, accepto beneficio animo absoluto, deinde mutata intentione, possit illud abdicare (1).

44. Dubitatur 2. an qui recipit beneficium simplex, graviter peccet, si illud acceptet animo illud postea deponendi? Certum est (ut supra inuimus) graviter peccare, si beneficio annexus est sacer ordo, et ipsi deesset animus initiandi; ita communiter Castrop. Sanch. Salm. Busemb., etc. Sed dubium restat an, cum beneficio non est annexus ordo, peccet qui illud recipit cum intentione illud renuntiandi, et deinde uxorem ducendi? Affirmant Tolet. Less. et Salm. putantes hoc gravem ordinationis naturalis et divinae continere perturbationem. Alii contra, ut Castropal et Garcia, eum excusant ab omni culpa. Sed alii communius, ut Sanch. Nav. Laym. Vasq. et Busemb., dicunt peccare tantum venialiter, non agnoscentes in hoc tam gravem perturbationem, ut per-

(2) lib. 4. n. 114. (2) n. 113. quær. hic 1. (3) 2. 2. qu. 185. a. 7. ad 3.

tingat ad mortale, saltem ob s. Antonin. documentum ex s. Thoma excerptum, nempe nihil tamquam grave damnandum, nisi evidens ratio id suadeat (2). Verba s. Antonini alata sunt *Tr. 3. n. 66.*

45. Loquendo secundo loco de beneficiatorum muneribus, haec sunt plura. Tenentur illi deferre habitum, et tonsuram, recitare Horas canonicas, et restituere fructus, si illas omittunt. Sed de his in examine Ordinandorum in 3. *appendice ex num. 49. ad 84.* Restant tantum hic discutiendae et obligatio bene administrandi fructus beneficiorum, et obligatio residendi. Et quoad administrationem fructuum, notandum 1. certum esse (quicquid dicant aliqui aa. qui videntur potius rigore oblectari, quam ratione) beneficium tuto posse ex illis vivere, licet bonis propriis provisus esset; ita communiter Fagnan. Habert Petrocor. Anacl. Holzm. et alii cum s. Thoma (3); cum aequum sit ut qui altari servit, ex altari vivat. *Quis militat* (ait apostolus) *suis stipendiis unquam?* (1. *Cor. 9. 7.*). Sed excipiendus cum Angelico casus in quo adesset aliquis pauper in gravi necessitate, aut captivus apud barbaros, quia tunc beneficiatus, cum iam habeat superfluum statui suo, tenetur ei subvenire (4). Caeterum excepto hoc casu, si clericus viveret propriis redditibus, bene potest sibi abdicare ex bonis beneficii, et pro libitu suo insumere quantum ad suos usus impendit, ut dicunt Less. Anacl. et alii (5).

46. Notandum 2. quod si fructus beneficii supersunt clerici sustentationi, etiam certum est quod ille tenetur eos pauperibus erogare, aut alii pio usui applicare, ut communiter admittunt dd., dum a Tridentino nihil aliud praecipitur, nisi ne illos dilapident, sed ut in pia opera applicent. Sed in hoc etiam excipiendus est cum Lugo et Lessio, casus,

(4) Vide l. 3. n. 491. quær. 5.

(5) ibid. quær. 1.

si adessent pauperes in gravi necessitate constituti: quorum pauperum, ait p. Viva, teneri Episcopos et parochos notitiam exquirere (1). At cum desint huiusmodi pauperes, ait Holzm. cum s. Thoma (2) et aliis, posse beneficium reservare fructus perceptos pro Ecclesiae aut pauperum necessitatibus futuris (3).

47. Notandum 3. non teneri praeferre loci pauperes, ut dicunt dd. communiter, dum Canones disponunt pro pauperibus in generali. Limitant Salm. et Holzm. si in loco adessent pauperes in extrema, aut gravi necessitate; sed haec limitatio communis negatur a Molina Azor. et Bon. cum Nav., dummodo (intelligendum) fructus distribuuntur aliis pauperibus aequae indigentibus; et dummodo non constet aliam fuisse fundatorum voluntatem; et addit Molina, dummodo aliud non postulet bonum commune dioecesis, v. g. si prospiciendum esset alicuius collegii educandorum paupertati (4).

48. Notandum 4. sub nomine pauperum comprehendendi etiam coniunctos, si vere ipsi egentes ita sint, ut iuxta status sui conditionem vivere nequeant, quod expressum habetur in Trident. *Sess. 25. cap. 1. de ref.* Et hoc valet etiam adinsit pauperes egentiores, ut dicunt communiter Tolet. Molina et Viva (contra Laym.), quia propinquorum sustentatio ad proprium statum pertinet beneficiatorum; quapropter dicitur universaliter cum Azor. Castr. et Croix, quod clericus libere potest ex fructibus beneficii alere se et suos (5).

49. Quaestio est an pensionarius teneatur pariter erogare pauperibus fructus pensionis statui suo superfluos? Alii, ut Sanch. Mol. Salmant., distinguunt pro pensionis qualitate, si est laicalis, aut ecclesiastica (prout explicabitur n. 59.): negant si est laicalis; affirmant vero si est eccle-

siastica, dicendo tunc pensionem transire cum eadem natura et onere fructuum beneficii. Nihilominus est satis probabilis sententia de Lugo Vasq. Covar. Azor., etc. quae universe negat; et Azor. refert ita fuisse decissum a Rota romana; ratio est quia cum iam detracta sit pensio a fructibus beneficii, iam isti reperiuntur pie applicari; quae de re nulla remanet obligatio illos applicandi denuo in opera pia. Et idem dicit Mastrius cum Bonac. de commendis equitum s. Ioannis s. Iacobi, etc., quibus Greg. XIII. concedit testandi facultatem; sed in hoc contradicunt Azor. Navar., etc. (6). An autem beneficiati teneantur ad restitutionem, si fructus beneficii in usus vanos impendant, vide quod dictum est *Tr. 10. n. 7.* ubi etiam, n. 6. fuit sermo de diversis clericorum pecuniis, et de eorum facultate in disponendo de illis. Hic tantum superest advertendum, materiam gravem in hoc debere esse maiorem quam in furto, ut communiter loquuntur dd. Coninch. et Castrop. qui requirunt tertiam aut saltem quartam partem fructuum beneficii; sed Lugo Croix, etc. hoc reprobant, et dicunt esse sufficienter gravem vigesimam partem, nempe quina in centena, si ipsa pars pertingit ad summam notabilem (7).

50. Quoad residentiam vero iam locuti sumus de Episcoporum et parochorum residentia *Tr. 7. ex n. 14.* et ex n. 62. Restat hic de residentia clericorum, qui portionem habent in cathedralibus, aut collegiatis: hi ex Trid. *Sess. 24. cap. 12. de ref.* possunt abesse tres menses; et hoc tempore licet lucrentur fructus praebendarum, non vero distributionum, quae (hic obiter advertendum) non possunt a consociis remitti: *quavis collusione, aut remissione exclusa, his careant*; ut loquitur Concilium (8). Caeterum quoad fructus praebendarum tribus illis mensibus, ille eos non amittit, licet inutiliter,

(1) vide l. 3. n. 491. quaer. 1. (2) a. 2. q. 185. a 7. ad 4. (3) l. 3. n. 491. quaer. 4 (4) ib. quaer. 3. (5) ib. quaer. 2.

(6) ib. quaer. 6. (7) l. 4. n. 183.

(8) l. 3. n. 675. dubit. 2.

et sine iusta causa canonicus abesset, ut satis probabiliter dicunt Sanch. Pelliz. et alii, dum Concilium sine ulla limitatione canonicis permittit tanto tempore abesse. Advertatur tamen quod ex Decr. S. C. Conc. apud Iordan. Pax (1), canonici nequeunt in mensibus conciliaribus abesse dioecesi, nisi de licentia Episcopi. Et hic notandum amplius Episcopum non posse coniungere tres menses anni praeteriti cum tribus aliis anni sequentis, ut declaravit Benedictus XIV. in sua Bulla *Ad universae* (2); sed hoc bene posse canonicos, dummodo (ait p. Concina) absit scandalum, et cultus divinus non minuatur.

51. Praecipit Tridentinum ibidem canonicos, qui ultra tres menses non resident, primo anno privari dimidia parte fructuum; quod si in absentia perseveraverint, privantur omnibus fructibus illius anni: *Crescente vero contumacia* (ait Tridentinum), *contra eos iuxta sacrorum Canonum constitutiones procedatur*, nempe ad ipsorum beneficiorum privationem. Tenet Bon. (5) canonicos absentes pro illo absentiae tempore non privari ipso facto dictis fructibus, dicens quod decretum Concilii est poenale, ideoque exposcit sententiam. Nos non dubitamus quin sit poenale quoad restitutionem dimidia partis fructuum totius anni; sed quoad fructus correspondentes ad absentiae tempus elapso trimestri conciliari, dicimus cum Salm. (4) eos non posse exigere, aut retineri, dum in concilio dicitur: *Privetur dimidia parte fructuum, quos ratione etiam praebendae, et (nota) residentiae fecit suos*. Si igitur canonicus ratione residentiae facit suos fructus, consequens erit quod non residens non facit suos. Et hoc clarius explicavit Benedictus XIV. in Brevi (quod in Bullario est appositum) cardinali Del-

fino directum sub die 19. Ianuar. 1748. ubi dixit canonicos non canentes in choro nullo pacto ex praebendis et distributionibus facere fructus suos, atque adeo restitutioni obnoxios esse. Igitur si non canens non acquirit fructus, tanto minus qui non assistit choro (5).

52. Causae excusantes totaliter canonicos a chori assistentia sunt tres, *Infirmas, rationabilis corporis necessitas, et evidens Ecclesiae utilitas*, ut dicitur in c. *un. de clericis non resid. in 6*. Ita ut his stantibus causis, canonici non privantur nec fructibus, nec distributionibus. Excusatur igitur 1. *infirmas*, intelligitur gravis, aut ea quae probabiliter potest gravis fieri. Hinc excusantur senes, si non possunt sine gravi incommodo adire, aut interesse choro. Caeci tamen tenentur interesse, si sine gravi incommodo possent adire ecclesiam; et ita pariter surdi, qui tamen supplere tenentur submisce recitandam partem, quam non audiunt (6).

53. Excusatur 2. *necessitas corporis*; qua de re intelligitur excusare timor cuiuslibet damni gravis. Ideoque excusantur, qui medicinas sumunt, aut ad balnea, aut ad salubriorem aerem proficiscuntur (7). Hic notatur 1. quod si quis fuerit iniuste excommunicatus, aut suspensus, aut si ei iniuste denegetur absolutio, et propterea choro non interest, hic nec fructus, nec distributiones amittit. Notatur 2. quod si ecclesia fuerit polluta aut interdicta, canonici, licet non assistant, lucrantur utrumque, modo ipsi causam non dederint interdicto, aut ecclesiae violationi (8).

54. Hic dubitatur 1. an excommunicatus, etsi choro assistat, sit *ipso facto* privatus distributionibus, et fructibus? Affirmat p. Concina cum aliis, sed non improbabiler negant Sanch. Bonac. Castr. Salm., etc. quia licet

(1) Iord. Pax Elucubr. l. 20. t. 40. n. 79. (2) l. 4. n. 122. v. insuper. (3) t. 1. d. 5. de onere benef. ad resid. punct. 4. n. 16. cum Macigno. (4) de legib. c.

2. n. 62. (5) l. 3. n. 675. dubit. 3. et l. 4. n. 130. (6) l. 4. n. 129. dubit. 1. et 2. et n. 163. quaer. 3. (7) n. 130. v. 2. excusatur. (8) n. 130. v. quando.

ille peccet assistendo, et mereatur illis privari, attamen nullibi reperitur imposita talis privatio ipso facto (1).

55. Dubitatur 2. an irregularis sit privatus? Sed hoc dubium dependet ab illo alio, nempe an sola collatio beneficii facta irregulari sit ex se invalida? Si irregularitas fuerit incursa post collationem, certum est apud omnes eum non privari, ideoque canonicus irregularis qui interest, non privatur nec fructibus, nec distributionibus. Quaestio igitur est, an sit nulla provisio, cum irregularitas ante illam incursa fuerit? Negant Castrop. Ronc. Elbel, Salm., etc.; sed probabilius affirmant Bonac. Tourn. Concina, Holzm. et alii communissime. Et probatur 1. ex *cap. 1. de cler. pugn. in duello*, ubi dicitur: quod potest dispensari cum clerico irregulari, ut beneficium recipiat; itaque sine dispensatione est incapax. Probatur 2. ex Trident. *Sess. 22. c. 4. de ref.* ubi sic dicitur: *Non fiat provisio nisi iis qui aetatem, et ceteras habilitates habent; alias irrita sit.* Nec dicatur hic loqui de habilitate de iure naturali, non autem positivo; nam respondetur quod aetas utique est de iure positivo, ideoque *To ceteras habilitates* debet intelligi de habilitatibus tum de iure naturae, cum de positivo. Quare probabilius, imo verius irregularis non potest beneficii fructus lucrari (2).

56. Excusatur 3. *ecclesiae utilitas*; intelligitur modo sit gravis Episcopi aut capituli iudicio; intelligitur non tantum utilitas ecclesiae propriae, sed etiam ecclesiae universalis, aut dioecesis, ut communiter dicunt Concina, et Salmant. cum Pelliz. Castropal. Bonac., etc. contra Holzm. qui non admittit bonum ecclesiae universalis; sed immerito quia istius bonum est praestantius, et in bonum particularis etiam confert. Propterea non carebit nec fructibus, nec distributionibus 1. canonicus qui Romae, aut

apud principem degit ut iura sui beneficii (non autem ius proprium ad beneficium) patrocinetur, aut missus a capitulo negotiorum Ecclesiae causa, aut missus ab Episcopo eius nomine ad limina apostolorum visitanda; aut si Episcopus eum ducit secum (cum possit etiam duos secum ducere) ad praefatam visitationem: aut si fuerit in vicarium capitularem electus; si autem ab Episcopo sibi vicarius fuerit creatus, lucrabitur fructus, non vero distributiones (3). 2. Canonicus poenitentiarius, si ipse confessiones excipit dum officium recitatur: *Trid. sess. 24. c. 8.* aut in confessionali expectat eos qui confiteri velint, ut dicunt Castr. Bonac. Concina. Ronc. Salm., etc. cum declaratione S. C. Et idem dicit probabiliter p. Concina de canonico in locum poenitentiarum suffecto aut de alio qui tempore concursus ad illum coadiuvandum missus fuerit ab Episcopo. Idem dicunt de canonico curato dum suo ministerio fungitur, Castr. et Concina qui hoc admittunt (contra Bonacinam), licet ecclesia, cuius curam habet, esset diversa, sed ipsius dioecesis. 3. Canonicus theologus qui tempore officii docet, aut concionatur, aut concioni faciendae vacat (4).

57. Lucrantur vero fructus, sed non distributiones (nisi alia esset consuetudo, ut dicunt Pichler, et Concina) 1. Canonici examinatores examinantes dum recitatur officium. 2. Visitatores dioecesis. 3. Duo illi canonici quos sibi Episcopus adsciscere potest. 4. Canonici qui docent in scholis (aut student de licentia Episcopi per quinquennium theologiae), ut habetur in *cap. in fin. Docentes, de magistris*; quod etiam extendunt communiter dd. cum declar. S. C. etiam ad grammaticam, Castr. Ronc. et Salmant. qui rationabiliter extendunt etiam ad logicam, et philosophiam. Et etiam currit pro parochis qui docent, non autem qui student,

(1) lib. 4. n. 130. v. cum autem.

(2) n. 130. v. quaeritur autem.

(3) ib. v. 3. excusatur.

(4) n. 131. v. sic pariter.

ut dicunt iidem aa. (1).

58. Denique notatur quod quadriariam beneficium amittuntur: 1. morte beneficiati. 2. Sententia iudicis. 3. Renuntiatione. 4. Legis dispositione. Sed circa hos postremos modos oportet plura notare. Et 1. quoad renuntiationem, aut resignationem beneficii, oportet distinguere plura renuntiationum genera, quae reperiuntur. Alia dicitur *expressa*; alia *tacita*, v. g. ob religionis professionem, aut huiusmodi. Alia est *pura*, sine ullo pacto, aut conditione; alia *conditio-nata*, nempe in alicuius favorem facta. Et haec potest esse aut *simplex*, aut *qualificata*, nempe cum pensione, aut cum pacto iterum beneficium recipiendi, quae dicitur *ius regressus*. Ad hoc ut haec renuntiatio conditionata vim habeat, multa desiderantur: 1. ut beneficium iam a resignante sit acquisitum. 2. Ut libere, non minis fiat. 3. Ut fiat in manus Pontificis. 4. Ut a papa acceptetur, vel ab alio, qui potest illam admittere; et si renuntiatio est pura, ut sit valida, omnino acceptata esse debet saltem a collatore, ut habetur ex *cap. Admonet, de renunt.* (2). 5. Ut acceptetur a resignatorio. 6. Ut patroni consentiant. 7. Ut fiat cum clausula, *non aliter*, etc. 8. Ut, si renuntians sit infirmus, saltem post renuntiationem peractam, superstes sit per 20. dies. 9. Ut renuntiatio publicetur in Curia Romana (3). Quod dicitur de renuntiatione, idem etiam currit pro beneficiorum permutatione. 2. Quoad ultimum, quod est legis dispositio, vi huius ipso facto amittuntur beneficia ob matrimonium, ob religiosam professionem, ob alterius beneficii incompatibilis acceptance, ut dictum fuit *num. 40.* Item amittuntur beneficia ob simoniae facinus, et praesertim ob simoniam patratam ab examinatore synodalibus in beneficiis curatis; qui si aliquid accipiant examinis contemplatione, tam ipsi,

(1) lib. 4. n. 131. v. sentiunt, et 132.

(2) vide haec et alia l. 4. n. 133. et seqq.

quam illi qui dederunt, inhabiles sunt ad recipiendam in posterum beneficia; et *ipso facto* privati existunt omnibus beneficiis quae iam habebant; et hoc ante omnem sententiam, ut habetur ex Trident. *sess. 24. c. 18.* dum dicit Concilium, ab ea simonia *absolvi nequeant, nisi dimissis beneficiis*. Incurritur etiam privatio beneficiorum, etiam antea obtentorum, ob collationem simoniacam alicuius beneficii. Sed hic distinguendae sunt multae species simoniae: mentalis, conventionalis, realis, et confidentialis. *Mentalis* est, cum aliquis dat temporale cum intentione aliquem obligandi ad praestandum spirituale, aut e converso, sed nullo interveniente pacto. *Conventionalis* est, cum intercedit pactum; sed ex neutra parte executioni mandatum; neutri harum imposita est aliqua poena. *Realis* autem est cum iam pactum est adimpletum; et huic ex Bulla S. Pii V. *Cum primum* 1566. praeter papalem excommunicationem *ipso facto* imposita est poena nullitatis collationis beneficii (ita ut ex *Extr. Pii IV. In sublimi*, sub die 5. maii 1662. simoniacus, si nollet beneficium omittere, absolvi nequeat); et adest praeterea poena privationis beneficiorum antea adeptorum; et inhabilitas ad alia in posterum adipiscenda. Sed iuxta sententiam probabiliorum, et communiorum Nav. Suar. Sanch. Laym. Anacl. Ronc. Croix, etc. praefatae poenae non incurruntur, nisi simonia ab utraque parte perfecta sit; et hic est stylus Curiae, ut testatur Nav. et alii (4). Et licet simonia sit completa, praedictae duae ultimae poenae privationis, et inhabilitatis non incurruntur, nisi post sententiam condemnationis, ut dicunt communissime Bonac. Castrop. Sanch. Laym. Filliuc. Salm., etc. (5), nam in nulla legum invenitur haec poena *ipso facto*. Nec obstat Bulla s. Pii, quia (ut dicunt

(3) n. 134. 135 (4) l. 3 n. 106. v. quaer. 1.

(5) n. 112. v. quaer. 3

praefati dd.) illa intelligitur suam habere vim in foro externo, cum dicatur ibi *quicumque convictus fuerit*; saltem in eo sensu est tantum recepta. Simonia *confidentialis* denique est cum aliquis renuntiat alteri beneficium cum pacto, ut hic postea retrocedat, aut renuntiet sibi, aut alteri, aut cum onere fructuum portionem sibi praestandi. Huic simoniae *confidentiali* impositae sunt eadem poenae, et insuper ex alia Bulla eiusdem s. Pii *Intolerabilis*, §. 3. sufficit ut simonia completa sit ab una ex partibus (1). At quod spectat ad privationem beneficiorum, quae iam erant obtenta, et inhabilitatem ad ea in posterum obtinenda, impositas expresse in citata Bulla *Cum primum*, saltem opus est sententia declaratoria delicti, ut dicunt probabiliter Caiet. Less. Sanch. Castrop. Spor. Mol. Salm., etc., contra Vasqu. Bonac., etc. (2). Observa etiam quod dictum est *Tract. 4. n. 51. et 52.*

59. Lubet hic aliqua adnotare circa pensionem de qua in praecedentibus numeris mentio facta est. Pensio est *ius exigendi aliquam partem ex beneficio alterius*. Ipsa triplex est: temporalis, spiritualis, et media. *Temporalis*, sive *localis* est illa quae datur saecularibus, aut clericis ob aliquod temporale munus, v. gr. procuratoris, advocati, cantoris, etc. *Spiritualis*, sive *Ecclesiastica*, est illa quae datur ob aliquem spiritualem titulum, ut praedicatoris, coadiutoris parochi, etc. *Media* autem est illa quae non datur ob aliquod munus spirituale, sed est fundata in aliquo titulo spirituali, ut est illa quae datur ad sustentationem parochi senis, clerici pauperis, etc. (3). Notandum 1. quod pensio super beneficium quomodolibet sit, debet a Papa designari. An autem Episcopus possit assignare pensionem in certis casibus necessariis,

v. g. ad lites componendas, aut ad compensandam aequalitatem in beneficiorum permutatione, aut ad succurrendum (ut dictum est) pauperitati alicuius clerici; alii hoc admittunt cum *Busemb. ex c. 21. de praeb. cap. 3. de Coll. et cap. Aquaeductus, de rer. permut. . .* Sed Lessius, et Salm. negant dicentes hoc esse Pontifici reservatum, iuxta stylum Curiae romanae, qui facit legem (4). Notandum 2. pensionem debere esse moderatam, adeo ut tertiam partem beneficii redditum non excedat (5). Notandum 3. quod, cum beneficium est iurispatronatus, requiritur (ut dictum est num. praecedent.) consensus patroni ad renuntiationem, cum est conditionata, secus vero ad pensionem; ita Lessius, Busemb. et alii (6). Notandum 4. quod pensionarius, si recipit pensionem uti clericus (non autem uti laicus), tenetur ex Bulla s. Pii V. ad recitandum officium B. Virginis, et omittendo illud fructus non facit suos. Illi tamen qui officium maius recitant excusantur a tali onere; et equites Ordinum Militar. satisfaciunt aliis precibus a religione impositis, ut commune est apud omnes dd. (7).

60. Notandum insuper (loquendo de clericis in generali) 1. vetitas esse clericis artes viles, ut hospitii, lanii, gesticulatoris. Vetitum est etiam profiteri chirurgiam in morbis, ubi incisione aut adustione opus est, modo alius idoneus non desit (8). Hoc tamen solum vetitum est clericis in *Sacris*, ut habetur ex *cap. Sententiam, ne clerici*, etc., non autem beneficiatis, ut recte dicunt Bon. Mol. Tournely, Pontas, etc. (9). 2. Ordinatis in *Sacris*, et beneficiatis vetita sunt munia iudicis in criminalibus, et etiam in civilibus in foro saeculari; *cap. Sed nec 4. Nec cler. vel mon. et advocati in foro saeculari; c. Nulla 1. eod. tit. et cap. Cler. de post.* ubi (7) l. 3. n. 74. v. sed notand. et l. 4. n. 138. ad 4. (8) n. 189. et l. 7. n. 384. ad 5. (9) n. 385.

(1) lib. 3. n. 106. quaer. 1. (2) n. 112. quaer. 3. (3) l. 4. n. 137. (4) vide haec, et alia l. 3. n. 74. et seq. (5) l. 4. n. 138. ad 2. (6) l. 3. n. 73. et l. 4. n. 138. ad 3.

interdicitur ministris altaris, beneficiatis, et monachis, in *placitis saecularibus disputare, excepta defensione orphanorum, aut viduarum*, ut dicitur in dicto *cap. Multa*. Et excipit etiam, si defenderent aliquam causam propriam, aut consanguineorum intra quartum gradum, qui defensorem non invenirent. Clerici tamen in *Minoribus* licite possunt in quocumque foro causas civiles, et etiam reos in criminalibus patrocinari (1). Et monachis etiam permixtum est ex licentia Praelati monasterii causas tueri; *cap. Ex parte, de postul.* 3. Vetitum est clericis cum mulieribus cohabitare, modo non sint nater, soror, aut amita, aut talis ut nulla ingeri possit periculi, aut scandalali suspicio: et insuper arma deherre (nisi esset in itinere) ut dicit Busemb. (2); venationes clamorosas exercere: observa quod dictum est *Tract. 10. n. 72.* et negotiari, vide in *Tract. cit. n. 192. et seq.*

61. Denique notandum vetitum esse clericis et Religiosis ecclesiastica bona cuiuscumque loci pii sine assensu pontificio alienare, ut ex *Extrav. Ambitosae, de reb. eccl. non alien.* Sub nomine *alienationis* veniunt permutare, pignori dare, transactiones facere, cum pars remittitur. Sub nomine *Bonorum ecclesiasticorum* veniunt stabilia, debitorum nomina, annui redditus, iura, et servitutes in bona aliena, greges, et armenta, arbores fructiferae, et summae magnae datae ad emptiones faciendas stabilium; item veniunt bona mobilia pretiosa, quae possint conservari, ut bibliothecae, gemmae, vasa aurea, aut argentea. Sub nomine *loci pii* intelligitur quilibet locus auctoritate Episcopi erectus, ut sunt seminario, hospitalia, et confraternitates. Si tamen adesset aliquis fundus donatus Ecclesiae cum facultate, ut arbitrio administratoris alienari possit, bene potest alienari ab eo sine Pontificis as-

sensu, ut probabiliter dicunt Armul. Bonac. Cov. Croix, etc., nam tunc facultas habetur a domino rei. Sed ita pariter, si dominus prohibuisset alienationem, fundus, etiam accedente Pontificis assensu, alienari non potest, nisi talis causa supervenisset, ut praesumere faceret consensum donantis (3).

62. Solemnitates autem pro bonorum ecclesiasticorum alienationes sunt sequentes: 1. Communis consultatio. 2. Episcopi, aut capituli, aut cleri, aut Praelati regularis consensus, et etiam domini, si bona beneficii alienentur. 3. Subscriptio ipsorum consentientium. 4. Assensus Papae, aut S. C. iuxta decretum Urbani VIII. sub die 8. septembris 1624; sed cum pretium esset tenue ex *c. Terrulas*, 12. q. 2. conceditur Episcopo, ut per ipsum liceret alienari. Dubitatur autem quodnam pretium dicatur tenue: alii dicunt esse summam inferiorem centum ducatis; sed Delbene cum communi, (ut dicit La-Croix) et ut deducitur ex Glossa ad illum textum citatum, dicit esse summam non excedentem 25. scuta aurea, quae valent 40. scutis Romanis. Subiungit tamen Fagnanus in *cap. Nulli, de reb. eccl. non alienand. tom. 3. n. 26.* in hoc nihil haberi certi, sed summam remitti arbitrio iudicis. Et multi dicunt quod in casu necessitatis, aut evidentis utilitatis, potest Episcopus licentiam dare pro qualibet alienatione (4); sed hoc debet intelligi, cum tempus non suppetit S. C. adire. An autem alienationes factae sine solemnitatibus, sed ex iusta causa sint non solum illicitae, sed etiam invalidae? multi negant; sed alii probabilius cum Fagnano affirmant, praesertim si deest Pontificis assensus. Dicit La-Croix cum multis aliis quod, cum adest praescriptio 40. aut 30. saltem annorum, tum praesumitur intercessisse assensus pontificius (5). Advertendum quod locatio fundorum ecclesiasticorum, qui quolibet anno

(1) lib. 4. n. 190. et 219. (2). n. 191. (3) l. 4. post n. 187. de alienat. bon. eccl.

(4) n. 187. nota 6. (5) ib. v. si autem.

fructificant, non potest ultra triennium fieri: beneficiatus tamen, ut dicunt communiter, potest locare bona beneficii, durante sua vita (1).

CAPUT III. DE STATU,

ET OFFICIIS NONNULLORUM SAECULARIUM

PUNCTUM I. De iudicibus et scribis.

63. et 64. *De iudicibus. Quando iudex potest condemnare, aut inquirere, aut poenam diminuire. Et an possit ex scientia privata iudicare.*
 65. *Et an possit iudicare cum opinione minus probabili.*
 66. *An possit cum commissario stipendium parti; et an possit dona acceptare.*
 67. *An possit sibi retinere pretium iniustae sententiae.*
 68. *De scribis.*

63. In hoc puncto multa quae ad forum spectant, omitta facimus; dumtaxat hic adnotabimus ea quae conscientiam respiciunt, et quaedam forrensia principaliora.

64. Et 1. circa iudices, notandum 1. non posse iudicem nonnullum damnare reum, si non est qui accusat; excepto delicto laesae Maiestatis, aut haeresis, aut si reus esset confessus in iudicio coram duobus testibus, aut si delictum esset notorium, aut si publica fama constaret, et indicia satis nota sunt maiori parti regionis, aut vicinia. Ut autem possit procedi ad inquirendum sine publica infamia, et aliquando etiam ad sententiam, sufficit adhuc semiplena probatio, ut est unicus testis fide dignus (2). Notandum 2. iudicem inferiorem non posse poenam diminuire sine aliqua urgente causa, ut potest supremus, quoties intervenit aliqua iusta causa (3). Notandum 3. quod si iudex sciat privata notitia aliquem esse reum, qui iuridice constat esse innocens, non potest illum damnare iuxta communem sententiam cum s. Thoma (4), quia cum iudex sit persona publica, debet ille procedere se-

cundum allegata et probata, nimirum iuxta publicam scientiam quae habetur de causa. Et ita contra dicunt Sanch. Salm. et alii cum ipso Angelico, quod si quis probatus est reus, sed iudex scit eum esse innocentem, tenetur iudex eum condemnare. Nilominus hoc ultimum valde probabiliter negant Silvest. Lessius, Nav. Tol. Bonac. Holzm. Anacl., etc. damnare enim innocentem videtur intrinsece malum; sicut esset, si iudex obligaret mulierem cohabitare cum aliquo, quem privatim sciret non esse eius virum. Ita res se habet circa poenas corporales; sed in poenis pecuniariis, et in causis civilibus iudex sine dubio iudicare debet iuxta id quod probatum est: Less. Lug. Bonac. Laym., etc. dum res publica pro communi utilitate, quae habetur dum iudicium fertur iuxta publicam scientiam, potest utique transferre bonorum dominia (5).

65. Notanda 4. est². propositio damnata ab Innoc. XI. quae dicebat: *probabiliter existimo iudicem posse iudicare iuxta opinionem minus probabilem.* Merito fuit illa proscripta, quia iudex unicuique suum ius distribuere tenetur, et utique maius sibi ius habet illa pars, quae probabiliores affert rationes. Cum autem causa habet aequalem probabilitatem ex utraque parte, si illa est civilis, res dividi debet, modo causa quae agitur non sit pupilli, viduae, locupii, aut matrimonii, quia tunc isti debent praeferri. Si autem causa esset criminalis, semper reo favendum est, cum in sui defensionem adsint rationes probabiles (6). Fit autem dubium an in civilibus erit reo favendum rem possidenti? Certum est 1. possessori favendum esse, si rationes sunt aequales; ita communiter Sotus, Silvest. Molin. et Sanch. cum multis aliis, ex regula 65. *de Reg. iur. in 6.* ubi sic dicitur: *In pari delicto, vel causa, potior est conditio possidentis.* Certum est 2. in dubio tam

(1) lib. 4. n. 187. nota 7. (2) n. 199. et 200. (3) n. 205. (4) 2. q. 67. a. 2.

(5) l. 4. n. 208. (6) n. 210. quaer. 1.

proprietas, quam possessionis, iudicium ferendum esse pro habente sibi rationes probabiliores, ut apparet ex prop. damnata superius relata. Et cum rationes sunt aequae probabiles, iudex tunc debet rem dividere, ut dictum est, et tunc nihil potest ab aliqua partium accipere, ut sententiam illi proferat, iuxta aliam propos. 26. ab Alexandro VII. proscriptam (1). Sed dubitatur, si pro actore sint rationes probabiliores, pro quo iudicandum? In hoc casu ait Tamarin. iudicandum esse pro actore; sed communissime contrarium dicunt Carden. Holzm. Elbel, Bonac. Filguer. Croix; et quidam modernus doctus asserit hanc sententiam esse communem; quia (ut pluries dictum est, et praecipue in *Tract. 1. num. 20.*) legitima possessio dat ius certum ad rem retinendam, usquedum non constat illam non esse possessoris; et tunc iudex favendo possessori non solum iudicat iuxta probabiliorum, sed iuxta probabilissimam sententiam fundatam in alia regula iuris, (*Reg. 2. iuris*) quae sic dicit: *Cum sunt partium iura obscura* (sicuti iam est, cum non adest certitudo ex parte actoris) *potius favendum est reo, quam actori* (2).

66. Notandum 5. non posse iudicem cum commissario partiri stipendium quod ad commissarium spectat, quia iudicis munus est commissarium eligere (3). Notandum 6. non posse iudicem recipere dona ex partibus; et hoc certum est si dona sint pretiosa, quae a lege dicuntur *sportulae*. Sed dubitatur 1. an iudex possit recipere esculenta, et poculenta, *xenia* appellata? Multi admittunt cum Azor. Caiet. Silv. Ang. Menoc. apud Salm. (4), ex *L. Solet, §. Non vero, ff. de off. praet. et cap. Statutum, §. Insuper, de rescript. in 6.* ubi permittuntur accipi esculenta sponte oblata modo haec, (ut subiungit Glossa

nec directe, nec indirecte quaerantur. Sed negant Salm. n. 80. Sot. Nav., etc.; nam quoad *L. Solet*, illa correctae fuit in Authentica §. *Scriptum*, et §. *Iusiurandum*; et quoad textum canonicum, dicunt quod ille tantum procedit pro iudicibus delegatis apostolicis, non vero pro aliis. Sed haec distinctio mihi non suadet; dum nescimus percipere cur isti, et non alii iudices possunt id facere. Et ratio quam Glossa adducit in textu pro prima sententia, non est contemnenda: sicut, ait (Glossa), non est simonia, si Praelatus regularis gratis recipit aliquid ab eo qui religionem ingredi cupit, uti habetur in *cap. Delict. 30. de simon.* in fine, ubi dicitur: *Illud tamen gratanter recipi poterit, quod fuerit sine taxatione* (nempe Superioris) *gratis oblatum*. Quia non supponitur Praelatus pro re gratuite oblata velle admissionem ad religionem venumdare; sic pariter non supponitur iudex ob tenue donum sententiam iniustam velle proferre. Hanc opinionem in opere reprobavimus (5); sed hic re diligentius perpensa, eam reprobare nescimus; saltem in hoc (ut ait de Lugo) (6) non debet reprobari consuetudo, ubi reperitur legitime praescripta. Non dubitatur quin Episcopi in visitatione dioecesis victus moderatas expensas recipere possint, uti habetur in *c. Romana, §. Procuratores, de censib. in 6.*

67. Dubitatur 2. an iudex, prolata sententia iniusta, teneatur antequam damnatorium in se detur iudicium ad restituendum id, quod accepit pro ferenda tali sententia? Alii probabiliter affirmant, ut Sot. Medina, etc.; alii tamen, ut Less. cum s. Antonin. Nav. et Lugo cum Mol. Vasq. Reb., etc. (7), (et Salm. vocant hanc opinionem aequae probabilem) etiam probabiliter negant, quia iuxta legem naturalem, posita opera mala promissa,

(1) lib. 4. n. 216. v. sed hic.

(2) n. 210. quaer. 2. (3) n. 217. v. certum.

(4) Salm. tr. 29. c. 1. n. 74. (5) l. 1. n. 222.

(6) Disp. 37. n. 137. v. quarta.

(7) Less. l. 2. c. 14. n. 55. Lugo disp. 37. a. 134.

iuste recipitur pretium, ut dictum fuit *Tract.* 10. num. 123. Opponent Adversarii *L.* 26. ff. *de verb. oblig.* et *L. Pacta*, 6. *de pactis*, ubi sic dicitur: *Pacta contra leges, vel bonos mores nullam vim habent.* Item opponunt *c. Statutum*, §. *Si quid, de rescr.* in 6. ubi imponitur restitutio pretii accepti, ac ne illud possit remitti. Sed respondet Lessius, quod licet ipsae leges irrita faciant pacta turpia, ita ut nullam inducant obligationem antequam ponatur opus turpe promissum, posito tamen opere, licet auferant actionem talibus pactis agendi in iudicio, sed non auferunt (saltem expresse) naturalem obligationem, nec pretium acquisitum irritant. Et etiamsi adesset lex praeciens restitutionem ante iudicium damnatorium, saltem requireretur sententia declaratoria iuxta id quod dictum est *Tract.* 2. n. 25. (1).

68. II. Quoad scribas, intelligendo eos qui testes examinant, et acta iudiciaria describunt, et partibus copias authenticas exhibent; hi peccant si augment aut minuunt depositiones, aut omittunt examinare aliquem testem iam productum; si occultant aliquam scripturam praesentatam, aut copiam renuunt exhibere; si, cum aliqua scriptura praesentata est, aliam fictam loco eius supponunt. Item peccant, si exigunt stipendium ultra taxam. Dicunt in hoc tamen do Lugo, Turrian. Salm. et Coreglia, cum Mol. et Dian. hodie non peccare scribas, si aliquid exigunt ultra taxam antiquas, quia hodie aucta sunt rerum pretia, unde non sufficit ad vitam sustentandam illud stipendium, quod dudum sufficiens erat (2); et si taxa antiqua hodie est iniusta, ait Coreglia, cum Sanch. et Macado, ne obligare quidem iuramentum taxae observandae. Caeterum communiter omnes dicunt ultra iustum pretium non posse scribam aliud recipere a partibus, etiam titulo donationis, quia

(1) lib. 4. n. 216. (2) n. 230 231.
(3) Lugo de lus. d. 37. n. 138. Less.

tales largitiones nunquam sunt spontaneae, Navarr. Rodriq. Salm., etc. Attamen si aliquem laborem extraordinarium adhiberet, tunc potest aliquid amplius accipere. An autem commissarius plures procuraciones missus executum, possit a singulis debitoribus totum stipendium diurnum exigere? Affirmant Lugo, et Less. (3) exemplo tabellarii qui aliquo missus ad efferendas litteras, potest simile stipendium ab aliis, qui ei litteras dant eodem ferendas, exigere, ut dictum est *Tract.* 10. n. 209. Sed hoc negant Sanch. Tamb. Dian. Salm., etc. dicentes quod salarium diurnum non datur commissario pro numero executionum, sed pro sua opera cuiusque diei, excepto, si pro executionum numero labor esset extraordinarius (4). Sed tamen hic oportet distinguere, quia Sanch. et Salmant. loquuntur, cum commissario taxatum est pretium pro occupatione sua cuiusque diei; et tunc certe (ut concedit Lugo) non potest ille plus eo exigere. Sed cum commissiones essent disparatae, et assignatum esset salarium speciale pro qualibet procuracione, recte dicit Lugo posse commissarium exigere plura salaria, pro qualitate executionum; et hoc est quod sentit etiam Lessius.

PUNCTUM II.

De advocatis, et procuratoribus.

69. *An monachi, et clerici possint agere advocatos. Et quando advocatus tenetur defendere.*
70. *Quas causas potest defendere, et quanto salario, etc.*
71. *Si causa est iusta, etc. Si conveniatur de salario in litis prosecutione, aut pactio fiat de quota litis.*
72. *De procuratoribus, si habent advocatum gratis. Si ipsi se offerant, etc.*
69. In primis quoad advocatos, notandum, 1. monachis, et clericis in Sacris vetitum esse alias defendere lites, quam proprias, et propinquorum, aut miserabilium (vide quod dictum est n. 60.). Notandum 2. quod 1. a. c. 24. n. 28. (4) l. 4. n. 217.

in causis criminalibus potest advocatus defendere reos etiam nocentes, quia reus semper potest licite efficere, ut suam poenam vitet, donec damnatus non est, aut saltem convictus; sed in causis criminalibus dubiis non potest advocatus defendere actores (1). Notandum 3. quod advocatus tenetur defendere eum qui est in extrema necessitate etiam cum incommodo suo gravi (non autem gravissimo), cum aliud remedium non apparet; Sanch. Castropal. Salmant. et alii communiter cum s. Thoma (2). In necessitatibus vero gravibus etiam tenetur defendere pauperes, sed non cum gravi incommodo; intelligitur semper ac habet superfluum suo statui. In necessitatibus communibus, sufficit ut eis det aliquid ex superfluis (3).

70. Notandum 4. quod advocatus potest certe defendere causas aequae probabiles, sive actorum, sive reorum; et cum agitur de reis potest etiam minus probabiles. Dubium est an possit defendere causas actorum, quas ipse videt esse minus probabiles? Nonnulli id negant; sed probabilius cum communiore affirmant Lug. Azor., Sanch. Busemb., etc. quia illa causa quae tunc sibi videtur minus probabilis, potest iudici videri, imo postea fieri probabilior. Tenetur tamen tunc suum clientem certiore facere de minori probabilitate suae causae (4). Notandum 5. quod si conventum est de pretio salarii, et cliens litem omisam faciat, bene potest advocatus de integro salario contendere, ut recte dicunt Salmant. cum Sayro, iuxta id quod diximus *Tract. 7. n. 7. ad 4.* Hoc tamen intelligitur, modo non eveniret aliqua iusta causa litem intermittendi (5). Notandum 6. quod si advocatus pactione conveniat cum cliente de annuali salario pro omnibus eius causis, potest illud exigere, licet nullae lites occurrerent; nam si

postea plures exurgerent lites, ille non potest maius stipendium quaerere, modo aliquis extraordinarius labor non requireretur. Si autem advocatus aegrotaret diutius, dum lites aguntur, debet ille saltem pro illo tempore salarium remittere (6).

71. Peccat advocatus 1. si defendit aut prosequitur causam certe iniustam quoad proprietatem, licet esset iusta quoad possessionem, quia sicut reus non potest tunc retinere rem, ita nec ille potest eum tueri. Si vero causa est iniusta, advocatus tenetur restituere damna tam parti adversae, quam suo clienti, si huic iniustitia erat ignota. Ideoque antequam sibi onus causae defendendae suscipiat, tenetur sedulo meritum causae perpendere, et clientem certiore facere de statu et qualitate illius (7). Peccat 2. si paciscitur de pretio, dum lis actitatur, ut habetur ex *cap. Infames, 3. q. 7.* Ille debet conventionem facere de salario, vel prius, vel postea, quia in decursu litis conveniendo, de facili cogi potest cliens, ut acquiescat solvendo pretium valde excedens. Si autem salarium esset certe iustum, Salm. cum Navar. nesciunt eum damnare (8). Tanto magis peccat advocatus, si paciscitur de quota litis, v. g. de tertia parte, aut quarta, si causa obtinetur, ex *L. Sumptus, ff. de pactis, et L. Litem, c. de Proc.* Nam tunc adest periculum totis viribus conandi litem superare, aut *per fas*, aut *per nefas*. Sed si pretium esset certe iustum, neque ad restituendum eum damnant Lug. Nav. Laym. Filliuc. et Sanch. cum Henriq.; dicunt enim ex pacto tunc non teneri clientem solvere pretium, de quo conventum est, quia tale pactum reprobatum est per leges; sed non propterea tenebitur advocatus restituere quod accepit (9). Peccat 3. si plures suscipit causas, quam potest commodum illis incumbere, nisi de illis certum fa-

(1) l. 4. n. 222. (2) 2. q. 71. a. 1.

(3) l. 4. n. 221. (4) n. 222.

(5) n. 225. v. notand. 2.

(6) ibid. v. notand. 3. (7) n. 223.

(8) n. 224. (9) n. 224. v. nec licet

ciat clientem. Peccat 4. si aperit parti adversae arcana partis quam tuetur; modo (aliqui limitant) si secus fieret, pars adversa subitura esset iniuste grave damnum; sed hanc limitationem alii non admittunt cum s. Thoma (1). Peccat 5. si dolis, aut dilationibus ad rem non facientibus utatur. Dicit in hoc tamen Sanch. (2) cum Silvest. Armil. Covar. Tap., etc. quod si eius causa est manifeste iusta, modo nullam falsitatem producat, bene potest uti dolis (vel ut melius dicat, dilationibus emendicatis), ut iniustis dolis adversarii occurrat; citat etiam s. Thomam (3) qui ita dicit: *Advocato licet prudenter occultare ea, quibus impediri possit processus eius.* Sed si causa non esset manifeste iusta, nescirem quomodo possem permittere dilationes ad rem non facientes, quibus nonnulli indifferenter utuntur, (eas vocant *gubernationem causae*) nisi in solo casu, quo timeretur probabiliter de iniustitia sententiae, quia adesset aliquis iudex ob humanos respectus parti adversae valde affectus.

72. 2. Quoad procuratores notandum 1. quod si procurator habet advocatum aut scribam, qui operam suam gratis exhibet tantum illius causa, bene potest pretium quod ad illos spectaret sibi exigere, secus vero si illi salarium remittunt clientis causa. Notandum 2. quod si procurator substituit alium procuratorem, bene potest dividere cum illo salarium, modo illum admoneat de eo quod agendum est, et causae periculum in se suscipiat, casu quo ob alterius negligentiam causa caderet. Notandum 3. id quod aliqui dicunt, nempe non posse procuratorem salarium accipere, si ipse se sponte offert adesse causae, saltem cum cliens est sibi coniunctus, aut amicus. Sed ego nescirem clientem liberare ab omni onere satisfactionis, nisi constaret quod procurator omnes suos labores remit-

tere voluisset, et quod ipse eam donationem acceptaverit; secus procurator semper habet ius ad mercedem quam meretur (4).

PUNCTUM III.

De accusatore, testibus et reo.

73. *De accusatoribus. Quando debet fieri accusatio, aut denuntiatio. An custodes, etc.*
74. *Clerici quando possunt accusare. Et an debeat praecedere correctio. Praesertim si in communitate vivitur.*
75. *De monitoriis.*
76. *De denuntiationibus Haereticorum.*
77. *De blasphemis haereticalibus.*
78. *De superstitionibus.*
79. *De testibus. Quando tenentur, etc.*
80. *Qui omittit dicere veritatem.*
81. *Qui occultat veritatem.*
82. *De reis. Reus quando teneatur confiteri.*
83. *An cum poena est magna.*
84. *Si falsum delictum sibi imponit.*
85. *Si falsum delictum imponit accusatori.*
86. *An reus possit resistere; et an teneatur fugere, etc.*
87. *An possit carcerem effringere; et an custodem pecunia corrumpere. An alii possint auxilium ei in hoc praebere, etc.*
73. Et 1. circa accusatorem multa d. scribunt, quae in opere nostro observari possunt. at quia illa potius ad forum quam ad conscientiam pertinent, hic omissa facimus; adnotemus tantum aliqua magis praecipua. Notandum 1. aliam esse *accusationem*, aliam *denuntiationem iuridicam*, aliam *denuntiationem evangelicam*, sive paternam. *Accusatio* est illa quae fit Superiori tamquam iudici, ut reus puniatur, cum obligatione probandi delictum, et poenam incurrendi, nisi probetur. *Denuntiatio iuridica* fit superiori tamquam iudici, sine tamen obligatione probandi delictum. *Denuntiatio vero evangelica*, sive paterna, est quae fit superiori uti patri. Notandum 2. quod cum agitur de evitando damno communi,

(1) 2. 2. q. 71. a. 3. ad 2.

(2) Sanch. cons. l. 6. c. 7. d. 8. n. 1.

quilibet tenetur accusare delinquentem, ut cum delictum esset perduellionis, haeresis, aut latrocinii in publica via, et huiusmodi: et in istis casibus, ut dicit Sanch., potest aliquando iudex iuste offensum ad offensorem patefaciendum obligare, ut damno publico caveatur. Dicunt tamen Sotus Caiet. Sanch. Lugo Salm., etc. ordinarie sufficere denuntiationem facere, quia de hoc satis contenti sunt Superiores (1). Talis obligatio etiam intercedit cum agitur de evitando innocentis damno, semper ac gravi incommodo non esset denuntianti. Illi tamen qui stipendio locati sunt a republica, aut a dominis, ut denuntient, aut accusent delinquentes, tenentur ad hoc etiam cum gravi incommodo, alias debent satisfacere damnum quod ex tali denuntiationis omissione oritur. Dubitatur an agrorum, aut gabellarum custodes, nisi denuntient, teneantur solvere poenae valorem, quae, si denuntiassent, exacta fuisset? Multi, ut Sotus Molina Laym. etc. affirmant; sed multi alii communius negant, ut Azor. Less. Lugo Sanchez Navar. Salmant. etc., quia (ut dicunt) ipsi peccant quidem contra iustitiam legalem, non autem contra commutativam respectu poenae; dum fiscus, aut domini non acquirunt ius ad poenam, nisi post sententiam; tanto magis quod finis legis nihil aliud est, nisi ut domini remaneant indemnes; unde sufficit, ut custodes restituant tantum gabellarum valorem, qui solvendus erat, aut damnum illatum (2).

74. Notandum 3. quod cum agitur de reparando damno proprio, aut propinquorum usque ad quartum gradum, aut Ecclesiae, licite possunt clerici accusare delinquentes, etiam in causis sanguinis; modo expresse protestentur se nolle poenam corporalem, sed solum damnorum restitutionem (3).

(1) lib. 4. n. 236. (2) n. 237. (3) n. 238. v. 4. inimicus. ad 6. (4) 2. 2. q. 33. a. 8. ad 4. (5) vid. 1. 4. n. 242.

Notandum 4. quod quando delictum vergit in damnum commune, licet sit occultum, debet denuntiari, praetermissa correctione, praesertim si delictum sit haeresis, ut habetur ex propos. 5. damnata ab Alexand. VII. Sed si delictum redundaret in damnum solius delinquentis, debet tunc praemitti correctio iuxta Evangelium; sed si illa non prodesset, licet in Evangelio dicatur, quod debeat repeti eorum uno aut duobus testibus, nihilominus si in aliqua religiosa communitate versatur, dicit s. Thomas (4) cum s. Augustino tunc expedire denuntiari delictum Praelato priusquam aliis: quia (ait s. Doctor) *Praelatus magis potest prodesse, quam alii* (5). Imo Angelicus alibi (6) animadvertit, quod cum Religiosus videt correctionem futuram fore utiliore per Praelatum, quam per se, tunc potest statim ipse denuntiari delinquentem Praelato: nam in secreta correctione magis principalis finis est fratris emendatio, quam illius famae conservatio; et idem dicunt s. Bonav. s. Antonin. Sanch. Sot. Castrop. Laym. etc. (7). Et rationabiliter subiungunt Laym. Sanchez et Suar. quod cum delictum (sive sit grave, sive leve, non adhuc est emendatum, et timetur relapsus, semper melius erit a principio illud denuntiari Superiori, qui prudens iudicatur (ut plerumque aestimari debet; nisi constet de contrario), qui semper melius aliis reparare potest; tanto magis quod omnia delicta particularium in communitatibus religiosiis (ut p. Suarez) fere semper redundant in commune damnum, aut propter scandalum, aut propter infamiam, quam religio potest sufferre. Qua de re merito a Pontificibus approbata fuit regula Societatis Iesu, ut quisque Religiosus deferre possit ad Superiorem delictum, quin aliquam correctionem praemittat (8).

75. Notandum 5. quod cum per (6) quodlib. 11. a. 13. (7) 1. 4. n. 243. (8) n. 245. quaer. 3. et 4.

edictum, aut monitorium publicum praecipitur denunciare aliquod delictum, non adest obligatio denunciandi illud, nisi quando delinquens est difamatus, aut saltem si habeatur indicium, aut cum est in damnum communitalis, aut tertii; sed cum hac differentia, quod cum delictum est tantum in damnum tertii, debet praemitti correctio, et non adest obligatio denunciandi cum damno proprio; sed cum delictum est in damnum commune, totum contra; tunc enim non tenetur praemittere correctionem, et quilibet denunciare tenetur, etiam cum proprio damno (1). Hoc valet pro monitoriis in generali, sed loquendo de monitoriis particularibus, pro quibus Episcopus excommunicationem fert (ut concessit s. Pius V. in Bulla *Sanctissimus*), in iniuste retinentem, aut non revelantem intra certum tempus eum qui retinet, alterius bona (intellige notabilis valoris) ablata, aut inventa, in hoc debet adverti cum *Instructioe confess. tyron.* et cum Barbosa (2), qui citat alios aa. fere communiter uniformes, non teneri denunciare: 1. Ipsum furem. 2. Eum qui furem quidem scit, sed sine gravi proprio incommodo denunciare non potest. 3. Eum qui cogi non potest ad testimonium ferendum, ut filius, uxor, parens, et *Instructor* praefatus cum Bonac. dicit idem de coniunctis usque ad 4. gradum, et omnium eorum, qui sunt de familia eiusdem qui rem detinet: sed non excusat servos, quoties ab illorum servitio sine gravi incommodo discedere possunt. Infames tamen, licet fidem non faciant, tenentur denunciare. 4. Eum, qui solus scit factum, et non potest alium habere testem, ut probet illud. 5. Eum qui nescit certa scientia, aut qui a personis dubiae fidei scivit, aut non meminit a quo audivit, aut si scivit ab eo qui iam denun-

(1) lib. 4. n. 248. (2) instruct. p. 2. n. 265. Barb. de pot. Episc. alleg. 96. ex n. 4. ad 67. (3) lib. 4. in praxi, de

tiavit. 6. Eum qui iuste compensavit pro suo credito. 7. Eum qui tempore monitorii existeret extra dioecesim; non autem qui a dioecesi proficiscitur antequam terminus monitorii spiret. 8. Eum qui delictum cognovit secreto naturali commisso, aut promisso. Dicunt tamen nonnulli canonistae apud Riccium (3), ut Felin. Abb. Rip. etc. laicos teneri denunciare furem, licet sciverint secreto; sed theologi communiter, ut Sotus, Azor. Salm. Navarr. Filliuc. Arag., etc. cum s. Thoma (4) docent oppositum. Potest emanari monitorium etiam pro scripturis authenticis occultatis, licet non sint partis, sed tertii; modo hic tertius non sit in causa, ut dicit idem *Instructor*, ex cap. 1. de probat.

76. Notandum 6. circa obligationem denunciandi haereticos, si isti tantum sunt de haeresi suspecti, ut sunt confessarii sollicitantes *ad turpia*, sortilegia patranes, Sacramentis abutentes, duas uxores ducentes, Sacramenta ministrantes sacerdotio non initiati (alii addunt sacerdotes sigillum frangentes sacramentale, sed hoc communius negant Lugo Molin. Bonac. Salmantic. etc.); item blasphemias haereticas effutientes, omnes isti denunciari debent, sed non adest obligatio denunciandi cum gravi damno proprio. Et probabiliter, ut dicunt Lezana, Bord. Dian. Homob., etc. etiam excusantur a denunciando omnes coniuncti usque ad 4. gradum, quia in hoc semper adest grave damnum aut incommodum. Secus autem si sunt haeretici formales, ut tenendum est cum Suar. Salm. Fel. Potest., etc. contra alios, quia haeresis est lues quae semper in damnum commune redundat. Ideoque isti denunciandi sunt etiam cum damno proprio: et non tantum a fratribus, sed etiam ab uxoribus, filiis et a parentibus, iuxta sententiam communissimam Azor. Bonac. Ronc. monit. n. 12. et 13. (4) 2. 2. q. 70. a. 1. ad 2.

Salm. Dian. Viva (1).

77. Notandum 7. praesertim circa blasphemias, aut propositiones haereticas, quod quando illae prolatae sunt serio et advertenter, adest obligatio denunciandi intra mensem, ut dicit praefatus *Instructor*, contra Salmant. qui volunt intra sex dies; sed Salm. loquuntur de legibus particularibus Hispaniarum. Dictum est *serio et advertenter*, quia non adest obligatio denunciandi propositiones, aut blasphemias prolatae ex ignorantia, aut lapsu linguae, aut eo iracundiae impetu, ut proferentem extra rationis usum abripuerit, aut prolatae sine pertinacia, quae semper necessaria est ut ad denunciandum obligationem inducat, ut dicunt iidem Salm. cum aliis (2). Olim ex Concil. Lateran. erat obligatio denunciandi omnes blasphemias etiam simplices; sed ut dicunt Sanch. Tamb. et Mazzotta, hodie haec obligatio abiit in desuetudinem, saltem ut volunt Salmant. cum Bonac. Trull. etc. cessat haec obligatio, si delinquens emendatur per correctionem (3).

78. Notandum 8. quod, generaliter loquendo, debent etiam denunciari superstitiones, cum sunt qualificatae, nempe cum sunt factae cum pacto aut invocatione expressa daemonis, aut eum adorando, aut certos psalmos aut preces recitando quibus videtur in auxilium invocari ille; aut hostiis consecratis, chrismate, aut oleo sancto abutendo, aut si illas ex professo docuerint vel docti fuerint; aut si effectum consecratae sint. Dictum est *generaliter loquendo*, quia in regno nostro, quoad sortilegia a saecularibus patrata, ex insinuatione nostri regnantis regis Caroli, nulla adest obligatio eos denunciandi ad tribunal ecclesiasticum, nisi cum intercederet Eucharistiae, aut olei sancti abusus (4). Notandum tandem quod in eos qui culpabiliter omit-

tunt denunciare, adest excommunicatio, sed ferendae sententiae; nec est reservata, uti advertunt Bonac. Lugo Fel. Potestas etc. (5).

79. 2. Quoad testes, ommissa faciemus hic ea quae ad forum pertinent. Notabimus dumtaxat 1. testem non teneri veritatem fateri, ut dicit s. Thomas (6), nisi cum ea opus est secundum charitatem ad reparandum aliquod grave reipublicae aut proximi malum, aut ut pareatur iudicis mandato, qui legitime eum interrogat, nempe cum semiplena habetur probatio publicitatis delicti, aut indiciorum evidentium, etc. alias non tenetur testis ad deponendum quod scit (7). Sic pariter non tenetur, quando inde proveniret sibi, aut suis aliquod damnum, aut cum sub naturali secreto factum cognovisset, ut dicit s. Thomas *l. c. art. 2.* modo revelatio non expediret ad vitandum commune damnum, aut ut liberaret proximum ab aliquo futuro damno (8).

80. Notandum 2. quod si quis advertenter falsum testatur, et eius depositio est damni alterius causa, nemo dubitat quin totum damnum restituere teneatur (9). Sed dubitatur 1. an peccet, et teneatur ad restitutionem testis, qui veritatem fateri rennit, in casu quo tenetur eam aperire ex iustitia, aut ex charitate? Oportet distinguere: si iste effugit ne citetur, peccat contra charitatem, non autem contra iustitiam; qua de re nihil tunc tenetur restituere, ut faterentur omnes. Si autem citatus iam elabatur, nonnulli eum obligant ad damnum; sed communiter, et probabilius negant Lugo Less. Mol. Silvest. et Bonac., quia citatio dumtaxat ad obedientiam eum constringit non autem ad iustitiae actum (10).

81. Dubitatur 2. an ad restitutionem teneatur testis, qui a iudice legitime interrogatus veritatem celat, quin falsum testetur, v. gr. dicendo notand. 3. (6) 2. 2. q. 70. a. 1. (7) 1. 4. n. 261. ad 267. (8) vide haec, et alia n. 268. (9) n. 270. (10) ib. dubit. 1. et 2.

(1) lib. 4. n. 249. et 250. (2) n. 252. et 1. 3. n. 123. (3) 1. 4. n. 252. et 254. notand. 2. (4) n. 253. (5) n. 254. v.

se nihil scire? Multi affirmant, ex eo quia, posito iudicis praecepto, ex iustitia tenetur testis veritatem fateri. Sed probabiliter negant Molina Less. Bonac. Lugo Raynaud. et alij propter eandem superius allatam rationem, quia iudicis praeceptum testes ad testificandum non obligat ex iustitia, sed solum ex obedientia. Hinc infert Ciera (1) cum de Ianuariis hunc ne casum quidem reservatum incurrere, quia reservatio (ut ait) afficit falsum cum positivo mendacio, non autem negative testantem. Dicit tamen Bonac. quod si testis iurat se quod scit fassurum, tunc tenetur ex iustitia veritatem aperire propter ius iurandum promissorium quod praestitit. Sed huic probabiliter respondet Lessius, quod testis iurando veritatem dicturum, non intendit se ligare iustitiae, sed tantum religionis vinculo, quae religio non obligat ad restitutionem (2).

82. 3. Quoad reos, Notandum 1. quod non tenetur reus suum delictum confiteri, si iudex non est legitimus, aut nisi legitime interroget, id est (ut dictum est) nulla praecedente saltem semiplena probatione, aut infamia, aut indicis manifestis delicti, ut inquit s. Thomas (3): *Aliud est veritatem tacere, aliud falsitatem deponere. Quorum primum in aliquo casu licet, non enim aliquis tenetur omnem veritatem confiteri, sed illam solum, quam ab eo potest requirere iudex, puta cum praecessit probatio semiplena.* Et etiam in dubio aniudex legitime interroget reum, non tenetur respondere, quia ille, cum etiam possidet ius ad propriam vitam et famam, in dubio prosequitur possidere ius ad illius conservationem, usquedum non constet de legitima interrogatione; ita communissime Sotus Less. Laym. Caiet. Sanchez Lugo Navar. Busemb. Salmant. contra Palud. et Silvest (4).

(1) De casib. reser. d. 7. n. 62.

(2) 1. 4. n. 270. dubit. 3. Alia spectantia ad forum vide n. 272. (3) S. Th. 2. 2.

83. Sed quaeritur 1. an reus legitime interrogatus, ante sententiam teneatur suum delictum fateri cum timore magnae poenae? Affirmant Sot. Less. Sanch. Salmant. etc. cum s. Thoma (5), quia iudex, cum interroget legitime, habet ius veritatem sciendi. Sed negant multi alij, Suar. Lugo, Sa Peyrin. Villal. Elb. Busemb. qui putant non adesse hanc legem tam duram et imbecillitati humanae quasi impossibilem, ut quis teneatur delictum confitendo quasi ex se velle damnari gravi poena (nimirum mortis, trirremium, carceris perpetui, aut perpetuae infamiae etc.); nisi esset, ut damno communi consuleretur, v. gr. haeresis, rebellionis etc. Et si probabile est talem non adesse legem, probabile pariter est iudicem ius non habere ad exigendum in eo casu a reo veritatis testationem. Prima sententia est probabilior, hanc tamen secundam improbabilem vocare non possumus; caeterum communiter dicunt Sanch. Salm. cum aliis, confessarium in eo casu non debere reum obligare ad delictum suum confitendum, cum videt quod difficulter poterit eum ad hoc inducere, et scit eum esse in bona fide (6). Dictum est autem ante sententiam, quia post eam iam iudicium completum est, unde reus non tenetur amplius confiteri, ut dicunt Laym. Sanch. Salm. etc. Imo subiungunt quod ne ante sententiam quidem tenetur reus suum patefacere delictum, nisi iterum interrogetur. Sed huic probabilius contradicunt Sot. Navar. Sayr. et alij communiter (ut fatetur ipse Sanchez), quia ante sententiam perseverat iudicis praeceptum (7).

84. Quaeritur 2. an graviter peccet innocens, qui sibi delictum capitale imponit, ne gravi tormento torqueatur? Negant Less. Sot. Tol. Silvest. Busemb., etc. quia non tenetur. 69. art. 2. (4) l. 4. n. 272. et 273. (5) 2. 2. q. 69. a. 1. ad 2. (6) l. 4. n. 274. (7) ibid. in fine.

netur quis vitam tanto incommodo servare, iuxta id quod dictum est, *Tr. 8. n. 2. in fin.* Excipit tantum Busemb. cum Tanner. casum, quo ex tali confessione damnum commune emanaret, aut familiae infamia. Affirmant contra, et quidem probabilis Molin. Lugo Nav. et Covar. et licet Lugo primam sententiam habeat ut probabilem propter patronorum auctoritatem nihilominus hanc absolute tuetur. Ratio est, quia licet mediis adeo duris non teneatur homo suam vitam tueri, attamen non potest positive cooperari morti suae iniustae, dum ipse non est suae vitae dominus. Hinc recte infert Molina, quod reus etiam post confessionem tenetur dicta revocare, semper ac illo modo possit mortem impedire. Sed hic pariter dicit quod si reus sit in bona fide, non debet confessarius eum obligare, ut se retractet, cum periculo quod ille, ut vitet tormenta, peccet formaliter, denuo delictum quod non patravit, sibi imponendo (1). Sed si reus denuntiavit alium innocentem, nemo est qui dubitet quin teneatur se revocare, licet quodcumque tormenti genus subiturus fuisset (2).

85. Notandum 3. nunquam reo licere, licet esset innocens, accusatorem aut testem falso crimini dare, ut causam tueatur, ut certum est ex prop. 44. ex proscriptis ab Innoc. XI. Contra certum est licere delictum occultum, sed verum, accusatoris aut testis prodere, quia hoc absolute conducit, ut sua innocentia cognoscatur, et ut ipse grave damnum vitet; ita communiter Sanch. Milant. Roncagl. Salm. et Viva (3). Vide dicta *Tr. 11. n. 7.* et idem dicunt Sanch. Ronc. Salm. et Coreglia, cum rei delictum esset omnino occultum, quia testis deponendo de delicto penitus occulto, idem est ac si testaretur de falso. Et hoc, ut subiungunt Lugo Milant. et Viva, etiam procedit si testis non

testificaretur ultronee, sed a iudice arcessitus (4). Notandum 4. quod si delictum est ex exceptis, tenetur reus, etiam non interrogatus, complices revelare; secus si delictum non est ex illis, tunc nec tenetur nec potest, si illorum delictum est omnino occultum. Dicunt tamen Laym. Less. et Busemb. si tormentorum vi eos prodat, non peccare (5).

86. Notandum 5. quod reus iniuste damnatus, non potest satellitibus obsistere *vim vi repellendo*, v. g. occideudo, aut vulnerando, ut constat ex prop. 18. Alexand. VII. Sed potest quidem positive obsistere, ut ex satellitum manibus liberetur, modo non adsit scandalum, aut gravis perturbatio, ut docet s. Thomas (6). Secus, si adhuc non est condemnatus, sed carceribus detinetur: aut si iuste est morte damnatus (ut dicit ipse s. Doct. *l.c. ad 2.*), quia sententia solum damnat ne obsistat, non autem ne fugam arripiat, non potest iam tunc resistere, potest vero licite fugere e carceribus; et idem dicunt Sot. Tol. Caiet. Ronc. Salm. etc. communiter de poena ad triremes, aut ad flagella, aut carcerem perpetuum; modo carcer non sit illi in poenam iam designatus, ut communiter dicunt dd. Sed Lugo Sanch. Less. Nav. et Salmant. (contra Vasq. etc.) excusant damnatos qui e triremibus fugiunt. Quaeritur autem an reus resistere possit, si sententia fuisset iusta secundum externas probationes, sed iniusta secundum veritatem? Alii negant; sed Lugo et Roncaglia non improbabilius id admittunt, quia praesumptio cedere debet veritati innocentiae, quae dat ius ad detentionem, modo id fieri possit sine scandalo et perturbatione, ut supra dictum est (7). Dicunt autem aliqui quod morte damnatus tenetur fugere, si potest; sed hoc recte negant Sot. Silv. Sa Salm. etc. quia iuste potest manere in carcere, praesertim si id agat, ut sui

(1) lib. 4. n. 275. (2) n. 276. ad 3. (3) n. 277. resp. 2. (4) ib. v. sed quid.

(5) n. 278. (6) 2. 2. q. 69. a. 4. in fin. (7) l. 4. n. 281. v. sed.

peccati piacularem luat poenam (1).

87. Cum igitur e carcere possit damnatus fugere, potest eum etiam infringere; dum cui permittitur finis, conceduntur etiam media: ut dicunt Sot. Cate. Lugo Tol. Less. Salm. et Ronc. Nec ideo ad damni refectionem tenetur, quia tale fractionis damnum per accidens evenit, ut subiungunt Salm. cum Valent. Bann. et Sayr. Dicunt insuper Salm. Ronc. Tamb. etc. quod potest reus etiam pecuniis corrumpere custodem; sed huic acquiescere non valeo, dum nunquam licet proximum ad actionem intrinsece malam inducere, qualis esset si carceris custos eum aperiret, suo in

officio delinquendo (2). Cum autem liceat reo fugere, licebit quoque aliis ei suppeditare funes, limas, aut alia instrumenta, ut fugiat, sicut docent Silvest. Vasq. Less. Lugo Sanchez Ronc. Busemb. Salmant. etc. contra Sotum; modo fuga, ut recte limitant Salmant. et Ronc. non obfutura fuisset reipublicae, v. gr. si latro esset viarum grassator. Nemini contra fas est carceres infringere, ut liberet damnatos: Roncagl. et Busemb. cum communi (3). Quomodo se genere debeat confessarius cum damnatis morte, observa quod dicetur *Tract. ult. punct. 8.*

TRACTATUS XIV.

DE SACRAMENTIS IN GENERE

ET PRAESERTIM DE BAPTISMO ET CONFIRMATIONE

CAPUT I.

DE SACRAMENTIS IN GENERE

1. *De attentione et intentione.*
2. *Quae intentio requiritur in ministro.*
3. *De administratione sub conditione.*
4. *An denegandum sit Sacramentum peccatori.*
5. *Quando Communio.*
6. *Si sponsi sunt in peccato.*

1. De Sacramentis in genere sermo erit fusius in *appendice 3. de examine Ordinandorum*. Hic tantum adnotabimus nonnulla principaliora, quae ibi breviter tacta sunt in quantum ad Ordinandi notitiam sufficiunt, sed respectu confessarii animadversione maiore indigent. Notandum 1. quod Croix in ministro, praeter intentionem, in conficiendo Sacramento etiam requirit attentionem, ut valide conficiat. Sed haec opinio est singularis et valida ratione minime fulcitur, quia si hoc esset, sequeretur quod a ministro voluntarie distracto, licet

adesset intentio virtualis, Sacramentum non conficeretur; sed in confesso est apud omnes ad Sacramenti validitatem nihil aliud requiri, nisi materiam, formam, et intentionem ministri: ideoque docent Suar. Lugo, etc. cum ipso Croix, quod, licet minister distraheretur, quoties adest intentio ipsius, certe conficitur Sacramentum (4). An autem graviter peccet minister se voluntarie distrahens in Sacramentorum confectione, communis est sententia in ceteris Sacramentis venialiter peccare, modo errandi periculum absit: sed in Eucharistiae consecratione dicunt Conc. et Tambur. (adversus Croix et Mazz.) graviter peccare (5).

2. Notandum 2. certum esse non sufficere intentionem habituales ministri, et tanto minus interpretativam, sed requiri actualem, aut saltem virtualem (Quaenam autem sit actualis, et quaenam virtualis aut habitualis, aut interpretativa, vide *app. 3. n. 9.* et Croix l. 6. p. 1. n. 85. (5) n. 14. v. utrum.

(1) l. 4. n. 281. (2) n. 282. (3) n. 283. (4) l. 6. n. 14. et l. 4. n. 177. v. 3 ratio 2

de exam. Ordin.) Sufficit tamen intentio *coacta*, nempe timore extorta, qui timor non tollit voluntarium. Non obstat autem ministri error circa personam, v. g. putans absolvere unum, et absolvit alium (1). Haec certa sunt: quod dubitatur est, an sit validum Sacramentum collatum cum materia et forma, sed sine intentione faciendi quod facit Ecclesia? Lutherus universe affirmabat, etsi actio ex ioco fiebat, sed hoc a Trid. *Sess. 7. Can. 11.* proscriptum fuit. Alii vero, ut Gonet. Juvenin. Contens. Serry Milante, etc. affirmant, cum actio serio ponitur. Sed vera sententia docet necesse esse intentionem ritum sacramentalem exercendi, quem Ecclesia a Christo Domino edocta facere intendit; ita Bellarm. Suar. Vasq. Tourn. Petroc. Conc. Antoine Salmant. Lugo Bön. et alii innumeri cum Bened. XIV. (2). Cardinalis Bellarminus dicit contrariam opinionem nihil ab illa novatorum distare; Card. de Lugo pariter dicit illam ab omnibus reiici, et non multum differre a Lutheri errore; et p. Vasq. vocat iam damnatam. Contra nostra sententia primo probatur ex Trid. *Sess. 14. cap. 6. de poenit.* ubi dicitur nullam esse absolutionem sacramentalem, si *sacerdoti animus serio agendi, et vere (nota) absolvendi desit*. Igitur praeter actionem, etiam serio positam, necesse est intentio absolvendi. Praeterea probatur ex propositione 28. ex damnatis ab Alexand. VIII. quae dicebat: *Valet Baptismus collatus a ministro qui omnem ritum externum formamque baptizandi observat, intus vero in corde suo apud se resolvit, non intendo facere quod facit Ecclesia*. Nec valet dicere propositionem loqui de ritu externo iocoso, quia talis propositio non erat haeticorum quae iam damnata fuerat a Tridentino, sed erat catholicorum, inter quos nemo unquam dixit sufficere ritum iocosum.

(1) l. 6. n. 19. v. sufficit. (2) De Synod. l. 7. c. 4. n. 9. (3) 3. p. q. 64. a. 8. (4) Opusc. 5. De Eccl. Sacram. circa init.

Ratio autem principalis nostrae sententiae est illa, quam adducit s. Thomas (3), nempe quod actio cuiuslibet Sacramenti ad plura referri potest, v. g. ablutio in Baptismo potest referri ad extergendas aut corporis maculas, aut illas animae, ideoque necessaria est ministri intentio, quae actionis illius finem determinet, faciendi quod facit Ecclesia; alioquin, si quis puerum lavaret solo fine ne sordidum illum videret, et diceret: *Ego te baptizo, sive lavo in nomine Patris, etc.* iam hic verus esset Baptismus in adversariorum sententia; quod non video quomodo dici possit. Hinc Angelicus alibi (4): *Si minister Sacramenti non intendit Sacramentum conficere, non perficitur Sacramentum*; saltem sapienter dicit Benedict. XIV. loco cit.: Sacramentum iuxta contrariam opinionem collatum, illicite esset collatum, et saltem certe sub conditione repetendum (5).

3. Notandum 3. licere in casu necessitatis sub conditione Sacramenta conferre; et non solum Baptismum, ut expressum est in *cap. 2. de Bapt.*, sed cetera alia, ut dicant communiter Castr. Suar. Coninch. Habert. Ronc. Salm., etc., contra Iven.; et non tantum in casu necessitatis, sed quoties adest gravis utilitas, aut iusta causa, ut etiam communiter auctori fatentur contra Antoine. Contra sine iusta causa esset culpa gravis; licet Tourn. et Salm. non damnent de mortali confessarium absolventem sub conditione, si poenitens est dispositus, pro maiori cautione sua, licet dispositum illum iudicaret (6). Necesse non est autem ut conditio exprimatur, sufficit si mente ponatur, ut communiter Castrop. Tourn., et Salm. (7).

4. Notandum 4. non esse denegandum Sacramentum occulto peccatori publice illud petenti, ut docet s. Thomas (8), et ut exprimitur in *cap. Si Sacerdos de off. iud. ord.* Excipi-

(5) l. 6. n. 20. ad 23. (6) n. 27. et 28. (7) n. 29. (8) 3. p. q. 80. art. 6.

tur Ordo, quem etiam pro occultis potest Episcopus denegare, ut *append. 3. de exam. Ordinand. num. 15.*: contra debet denegari peccatori publico, etiam publice petenti (1). In dubio autem peccati et poenitentiae: si peccatum est certum et poenitentia dubia, etiam denegandum est; secus autem si delictum est dubium (2). Si peccatum non est simpliciter publicum, sed est notum maiori parti praesentium, et tantum unus vel alter probus nescit, probabiliter etiam potest denegari Sacramentum, ut dicunt Croix et Diana; sed probabilius non debet denegari, ut tenent Suar. et Bonac. vide dicta *Tractatu 11. n. 11.* (3). Sed si peccator petat Sacramentum in loco ubi delictum est occultum, licet alibi esset publicum, dicimus cum Cabass. Soto Vasq., etc. adversus alios non posse denegari, quia in eo casu eadem evenirent inconvenientia, ac si denegaretur Sacramentum peccatori, cuius delictum nullibi est publicum (4).

5. Notandum 5. quod, ut praescribit Rit. rom. (*de Sac. Euch.*), debet denegari Communio publicis peccatoribus, quoties non constat etiam publice de eorum poenitentia, et non prius quam scandalo aliis praestito consuluerint. Cui tamen dicunt Possevinus Sancijs Busemb. et Croix, sufficere confessionem coram multis factam, ita ut brevi sit manifestanda aliis, modo non adsit occasio proxima auferenda; nam si talis occasio adest, publice iam nota, non debet dari publico peccatori Communio, nisi remota occasione (5). An autem sacerdos possit timore mortis praebere peccatori publico Communionem; admittunt Bonac. Croix, etc.; sed nos cum Ledesma Conc. et aliis negamus, quia debet evitari potius Sacramenti iniuria, quam proprium damnum. Nec obstat dicere quod, cum iam possit minister (ut supra dictum est) Communionem praebere

peccatori occulto, ad vitandam eius infamiam, tanto magis ad vitandam mortem propriam. Respondetur quod in tantum potest praebere peccatori occulto Communio ut vitetur illius infamia, in quantum eius infamia redundaret in damnum commune aliorum proborum, qui perspicientes peccatorem illum publice propter peccatum occultum esse diffamatum, possent facilius terri a Communione, timore ne ab aliquo imprudenti sacerdote expellerentur. Sed haec ratio evitandi publicum damnum non procedit in casu nostro (6). Vide etiam *Tract. 15. num. 15.*

6. Notandum 6. quod parochus non potest licite assistere matrimoniis sponсорum qui sunt publici peccatores, ut recte dicit Bened. XIV. (7) contra Laym. Lug. Croix, qui dicunt quod parochus tenetur ex sui officii munere assistere, et quod assistentia talis sit pure materialis. Nos vero dicimus sponсорos in tali statu non habere ius ad parochi assistentiam exquirendam, ideoque cum ille licite suam assistentiam possit denegare, tenetur denegare, ne illorum sacrilegii particeps fiat. Et eadem ratio currit de testibus; sed amplius parochus obstat quod ille tenetur ex iustitia impedire peccata suarum ovium (8). Et hic advertendum quod, iuxta Decretum Clementis XI. confirmatum a Benedicto XIV., parochus non debet ad publicationes procedere nisi prius examinet sponсорos, et sufficienter eos in rebus Fidei instructos reperiat (9). An vero licite possit sponsa nuptias contrahere et consequenter Sacramentum ministrare (ex vera sententia quod sponsi sint matrimonii ministri, ut probabimus *Tr. 18. n. 28.*) sponсорo publico peccatori, admittunt Sanch. Lugo, et Croix, dicentes sponсорos in hoc se habere ut privati contrahentes; in matrimonio enim directe inquit contractus, indirecte Sacramentum fit; sed

(1) lib. 6. n. 50. (2) n. 48. (3) n. 45.

(4) n. 46. (5) n. 47. et 48. (6) n. 49.

(7) de Syn. l. 8. c. 14. n. 5. (8) l. 6. n. 54. (9) De Syn. l. 8. c. 14. n. 5.

haec ratio non suadet, cum huiusmodi contractui annexa est etiam Sacramenti administratio. Unde puto tantum dici posse quod praefata administratio, ut a ministris ad id non consecratis, non esset grave peccatum pro ipsis, ut probabiliter tenent Gonet Suar. Tourn. Habert. Iuven. Natal. Alex. Conc. Salm., etc. licet opinio opposita, quod sit grave, Pontii Lag. Navar. Vasquez Contin. Tour. Croix, etc. mihi videtur probabilior⁽¹⁾ ut dicetur *append. 3. n. 12.* Notandum est autem matrimonia cum haereticis esse ab ecclesia vetita⁽²⁾. Caetera ad Sacramentorum in genere notitiam spectantia notabuntur in praetata *append. 3. c. 1. n. 1. ad 10.*

CAPUT II.

DE SACRAMENTO BAPTISMI

PUNCTUM I. *De materia, forma et ministro Baptismi.*

7. Quotuplex est Baptismus.
8. De materia remota.
9. De proxima et an possit abscindi mater.
10. 11. et 12. An possit baptizari proles in utero, etc. et in quo membro, etc.
13. An requiratur trina ablutio.
14. De forma.
15. De ministro.
16. De ordine ministrorum.
17. De exteris qui baptizantur.
18. De Baptismi dilatione: et de Baptismo domi, etc.

7. Baptismus communiter dividitur in *fluminis, flaminis et sanguinis*. Dicitur *fluminis*, nempe aquae, et de hoc est hic sermo, et hic proprie est Sacramentum; *flaminis*, nempe Spiritus Sancti, qui vocatur *flamen*, cum alludatur ad adventum Spiritus Sancti super apostolos die Pentecostes in flaminis seu venti specie: et proprie intelligitur animae conversio ad Deum, a divino Spiritu afflata desiderio expresso aut tacito veri Baptismi; et hoc desiderium etiam ad salutem satis est, cum non

(1) lib. 6. n. 32. (2) n. 56. et 1044.
(3) 2. 2. q. 124. a. 5. (4) l. 6. n. 95.

possit Baptismus in re haberi: *sanguinis* denique, intelligitur mors pro Fide tolerata; aut etiam pro alia virtute christiana, ut docet s. Thomas (5), et revera Ecclesia in Martyrolog. die 28. febr. ut martyres veneratur aliquos sanctos in servitio peste infectorum defunctos. Et hoc martyrium aequiparatur Baptismo, quia etiam remittit culpam et poenam; quoties tamen cum peccatorum contritione sociatur, aut amore puro erga Deum praedominante; nam ad martyrium non sufficeret sola attritio, sine amore praedominante, ut tenendum est cum s. Thoma s. Bonav. Scoto Laym. Petrocor., etc. contra Wigandt Viva et alios (4). Notandum hic obiter non licere se offerre martyrio sine speciali Spiritus Sancti instinctu, excepto si aliter in aliquo casu se non offerre gravi esset scandalo, ut dicunt communiter dd. Unde dicit Laym. peccare qui inter haereticos versans vellet in quadagesima abstinere a carnibus cum periculo se prodendi esse catholicum et occidi (5).

8. Sed descendamus nunc ad loquendum 1. de materia Baptismi. Materia remota licita est aqua consecrata; secus graviter peccaret si aliam aquam extra necessitatem adhibere vellet, ut dicunt communiter dd. ex Clem. un. de Bapt. Caeterum in Baptismo privato probabile est licere uti aqua non consecrata; Croix Gobat. Pasqual. et Quintan. (6). Materia remota valida est quaelibet aqua naturalis, licet sit mineralis, aut marina, aut ex glacie soluta, aut cum alia materia, sed minoris quantitatis, permixta, quae retineat tamen usum communem aquae. Contra non est materia valida vinum, lac, succus ex fructibus, aut herbis extractus, nec aqua dum est congelata (7). Est autem materia dubia ius, lixivium, aut cerevisia (8); item aqua distillata, intellige arte alchymica ex floribus aut ad 100. (5) n. 101. (6) n. 102. (7) n. 102. et 103. (8) n. 103. v. 3. materia.

herbis, etc. educta, quia aqua naturalis simpliciter distillata, rosis aut aliis floribus in aqua infusus, est vera aqua (1); item saliva, aqua congelata, et humor ex arboribus manans (2). Est etiam materia dubia una, vel altera gutta aquae (3). Materia dubia non licet uti, nisi in casu necessitatis, et apposita conditione; sed advertendum quod in necessitate tenetur minister uti materia dubia, licet opinio pro Sacramenti valore esset minus, imo tenuiter probabilis, ut communiter docent Suar. Cai. Antoine Holzm. Viva et alii (4). Vide *Tract. XVI. n. 36. ad 38.* quid dicitur de absolutione impertienda peccatoribus moribundis sensibus destitutis.

9. *Materia proxima* Baptismi est eadem ablutio, quae trifariam fieri potest, per immersionem, aspersionem, et infusionem, qui modus hodie est in praxi. Si puer in flumen proiciatur cum prolotione formae, probabiliter est validus Baptismus: sed hoc nunquam licet, quia non licet aliquem occidere, ut illum baptizet, et licet deinde ille sine Baptismo moriturus esset: et sic nec licet, ut docet s. Thomas (5), ut baptizetur proles, occidere matrem; aut eam incidere cum proximo, aut probabili periculo mortis illius, licet esset moribunda, et consentiret. Dumtaxat licitum est incidere matrem postquam certe animam efflavit. Et hic Croix advertit hoc circa praxim, nempe, ut statim post matris mortem aperiatur os eius, ut si proles vivit, non suffocetur (6). Ait Cangiamila (7) cum Possev. Gob., etc. peccare graviter parentes qui negligunt efficere ut fiat incisio, et etiam chirargos qui illam negligunt, aut differunt. Et addit parrocho totis viribus efficiendum esse quin mater sepeliatur antequam fiat incisio; secus dicit quod ipse nescit

illum ab irregularitate excusare, cum ex officio teneatur impedire mortem infantis. Sed huic opinioni nescio acquiescere, cum enim in tali casu non sit certa infantis vita, ne certa quidem est mors eius. Praeterea inquit (*cap. 10.*) quod si alter reperiat, etsi non chirurgus, qui vires habeat faciendi incisionem, tenetur illam operari. Quin etiam dicit Cangiam. (*lib. 4. c. 4. n. 5.*) cum infans non adhuc integre prodiiit ex utero, Baptismus dandum esse non a parrocho, sed ab obstetrice. Praeterea idem (*loc. cit.*) cum Gob. et Quintanad. notat signa proximae mortis, nempe 1. Si infans nascitur absque eo quod vagiat, et ploret, 2. Si parum respirat, et livet, praesertim facies. 3. Si nascitur multo labore et auxilio obstetricis. 4. Si nascitur nondum menses septem conceptus (et idem dicitur de omni foetu abortivo). 5. Si cranium habet nimis tenerum et compages nimis apertas, aut alias partes disiunctas. Et idem dicendum de infantibus illegitimis, quibus timetur ne occidantur a parentibus, aut saltem exponantur in locis, ubi deest rota. Sed si mater esset morti damnata a iustitia, vide in opere (8).

10. Quaeritur 1. an liceat in necessitate baptizare prolem in matris utero, medio aliquo instrumento, quo possit aqua attingere puerum? Negant hoc Gotti Conc. Iuvenin., etc., citantes s. Thomam (9), qui dicit: *Non debet aliquis baptizari priusquam ex utero nascatur*: Ratio istorum est quia nemo potest renasci per Baptismum iuxta Evangelium: *Nisi quis renatus fuerit, etc. Ioan. 3. 5.* nisi prius fuerit natus. Sed valde probabiliter affirmant Suar. Pignatel. Tourn. Elbel. Holzm. Coninch. Croix et alii, quibus valde adhaeret Bened. XIV. (10), quia huiusmodi infans, cum iam sit viator, est capax Baptismi, et qui vivit in utero matris, etiam Embryologia l. 2. c. 12. n. 1. (8) l. 6. n. 106. v. Omnino. (9) 3. p. q. 68. a. 11. (10) De Syn. l. 7. c. 5. n. 2.

(1) l. 6. n. 104. (2) ibid. dub. 2. 3. 4. (3) n. 107. v. quacr. 6. (4) n. 103. ad 3. in fin. (5) 3. p. q. 68. a. 11. ad 3. (6) l. 6. n. 105. et 106. (7) Cangiam.

potest dici natus, ut de Verbo incarnato dictum fuit: *Quod in ea natum est, de Spiritu Sancto est, Matth. 1. 20.* Nam, ut dicit s. Thom. (1), duplex est carnalis nativitas, prima in utero, secunda extra uterum. Et hoc clarius apparet ex cap. 4. *de Bapt.* ubi dicitur: *In carnali generatione qua proles ex viro et foemina nascitur, etc.* Notandum quod non dicitur dumtaxat *ex foemina*, sed *ex viro et foemina nascitur*. Igitur recte dicitur sola generatione nasci, et ita intelligi potest quod proles nascatur etiam a patre: nec a nostra sententia Angelicus aliud sentit, dum loco prius citato (2) dicit quod in tantum non potest baptizari in utero, in quantum supponit Sanctus quod antequam nascatur *ex utero, non potest aliquo modo abluī aqua*; igitur si potest abluī, potest baptizari. Sed quod possit aqua attingi infans in utero, dicit Benedictus hodie ex medicorum et obstetricum iudicio constare. Et praeterea citat Silvestrum et Vasq. qui dicunt (et hoc putat probabile etiam Laym. cum Ang. Armil. et Praepos., etc.) posse baptizari infantem etiam adhuc involutum secundina, quae putatur tanquam infantis pars, cum illius umbilico annexa sit. Unde concluditur in casibus praedictis, cum imminet mortis periculum, semper prolem sub conditione esse baptizandam (3). Advertendum autem hic cum s. Thoma (4) in necessitate, si infans non adhuc ex utero egressus sit, et baptizetur in capite, non esse amplius rebaptizandum, quidquid dicat Sambovius, dum idem dicit Ritual. rom.; sed si in alia parte est baptizatus, tunc repetendus est Baptismus sub conditione (5).

11. Quaeritur 2. an possit dari baptismus infundendo aquam super solis capillis infantis? Negant Bonac. Concina, etc.; sed communio id admittunt Lago Tol. Valent.

(1) 4. Sent. dist. 6. q. 1. art. 1. (2) 3. p. q. 68. a. 11. (3) l. 6. n. 107. (4) cit. a. 11. ad 4 (5) l. 6. n. 107. v. hic autem

Conc. Ledesm. Graff. etc. quia licet capilli non sint animati, non sunt tamen pura excrementa, sed verae corporis partes; ut est etiam cutis exterior, quae nec est animata, et tamen super ipsa infunditur aqua Baptismi. Quare in casu necessitatis bene potest, et debet dari Baptismus super capillis, sub conditione: et tanto magis debet dari super pedibus, aut digitis, et aliis partibus minimis corporis. Baptismus vero super vestibus est certe nullus (6).

12. Quaeritur 3. an sit certe validus Baptismus collatus non iam in capite, sed in pectore, in scapulis aut aliis corporis partibus principalioribus? communior sententia affirmat; sed dubitant Anacl. Conc. et Platel. et dubitat etiam s. Thomas (7). Unde merito dicunt Tourn. Viva Salm. Trull. Ledesma licite posse rebaptizari sub conditione: *Si non es baptizatus*, etc. (8).

13. Quaeritur 4. an in Baptismo certe requiratur trina ablutio? Quoad validitatem, certum est unam sufficere, ut ex cap. *de Trina d. 4. de consecr.* ubi s. Gregorius dicit: *Ter vel semel immergere*. Caeterum praecipit Rituale ut ablutio sit trina; et hoc praeceptum dicimus cum s. Thoma (9), et aliis (contra Holzlm.) esse grave, cum materia sit gravis; in illa enim exprimitur mysterium ss. Trinitatis. Et hic advertendum cum Laym. Reg. Busemb. non esse terminandam formam ante tertiam abluitionem (10).

14. II. Circa formam Baptismi in Ecclesia latina: *Ego te baptizo in nomine Patris, et Filii, et Spiritus Sancti*; in graeca autem est: *Baptizetur servus Christi in nomine Patris, etc.*; damnata fuit ab Alexandro VIII. Propos. 27. quod dudum sufficiebant sola verba in *nomine Patris etc.* Advertendum quod mutatio cum est substantialis (nempe cum corrumpitur

(6) n. 107. quaer. 3. (7) 3. p. q. 68. a. 11. ad 4. (8) l. 6. n. 107. qu. 4. (9) 3. p. q. 66. a. 8. (10) l. 6. n. 107. q. 1. et 2.

sensus formae), tunc redditur invalidus Baptismus; non autem cum est accidentalis, nempe cum servatur sensus. Quapropter est mutatio accidentalis, et per consequens est validus Baptismus, 1. si mutatur idioma, aut pronuntiatur forma cum verbis diversi idiomatis, nam in Sacramentis non requiritur, ut minister aut suscipiens intelligat verba, sed sufficit ut illa sint per se significativa. Et in conferendo Baptismo melius est (ut dicunt multi dd.) ut in necessitate mulieres et rudes adhibeant linguam maternam, ne errent 2. Si pro *Ego te baptizo*, diceret *ego te lavo, te purgo*, etc., talis mutatio non excederet veniale, ut dicunt Laym. Bonac. et Busemb. Sed si diceret: *In nomine Genitoris et Geniti*, etc. aut pro *Filii* diceret *Iesu Christi*, tunc saltem esset dubius Baptismus (1). 3. Si diceret: *Battizo pro Baptizo*, aut *Fili* pro *Filii*, aut *Patria*, et *Filia*, et *Spiritus Sancta*, pro *Patris*, etc.; nam talis Baptismus validus fuit declaratus a Zaccharia Papa, c. *Retulerunt*, de *Consecr. d. 4. 4.* Si verba transponuntur, dicendo: *Te ego baptizo, in nomine Filii, et Patris*, etc. (2). 5. Si dicitur: *In nomine Patris omnipotentis, et Filii unigeniti*, etc.; aut si quis ex importuna devotione adderet, et in nomine *Mariae Virginis*. Contra esset invalidus si diceretur *Ego te baptizo in nominibus Patris aut in nomine SS. Trinitatis*: aut in nomine trium divinarum Personarum. Si autem diceretur: *In nomine Patris, in nomine Filii, etc.* Baptismus esse dubium tenent Bonac. Tournel. Busemb. Salm. (5). 6. Si omitteretur verbum *ego* aut *amen*; sed si omitteretur *te*, iuxta communem sententiam esset invalidus. Si autem omitteretur particula *et*, dicendo *In nomine Patris, Filii, Spiritus Sancti*, alii dicunt esse validum, alii invalidum, propterea sub conditione esset repetendum; sed si particula *et* po-

neretur ante *Spiritus Sancti*, non dubito cum Croix, quin esset validus Baptismus, quia iuxta usum communem pro nominum distinctione sufficit, ut et praeponeatur ultimo nomini. (4) Dubius est etiam Baptismus, si omittatur particula *in*, quam volunt esse essentialem Sot. Nav. Conc. etc.; nam aliquando, praefata particula sublata, sensus remanet aequivocus, si dicatur forma ex auctoritate SS. Trinitatis, aut invocando tres divinas Personas. Sed huic se opponunt Bonac. Coninch. Salmant., etc. dicentes non esse de essentia, quia etiam adiecta particula *in*, adhuc sensus remanet aequivocus (5). Est certo invalidus Baptismus tantum collatus in nomine *Christi*, ut docent omnes cum s. Thoma (6) ex c. *Si revera* 3o. de *Consecr. dist. 4.* Nec obstat textus (Act. 8. 12.) *In nomine Iesu Christi baptizantur viri ac mulieres*, quia hoc intelligebatur in quantum ille Baptismus erat institutus a Iesu Christo, non autem a Baptista: contra ex iisdem Actibus probatur quod exprimebantur nomina Personarum, dum illis qui dicebant ne audivisse quidem utrum Spiritus Sanctus adesset, responsum fuit: *In quo ergo baptizati estis?* Act. 19. 3. nec obstat textus c. *A quodam*, de *consecratione dist. 4.* ubi Nicolaus Papa dixit: *Si in nomine sanctae Trinitatis, vel Christi baptizati sunt, rebaptizari non debent*. Nam, ut explicat Glossa, verbum Trinitatis, Papa dicendo *in nomine SS. Trinitatis*, non intendebat expressionem illius Personarum explicitam excludere (7).

15. III. Circa ministrum, notandum 1. quod validus est Baptismus a quocumque viatore, etiam haeretico, aut infideli collatus (8). Sed extra necessitatem non potest Baptismus licite conferri nisi a solis sacerdotibus. Imo minister ordinarius Baptismi est proprius pastor, nempe Episcopus, aut parochus, qui caete-

(1) lib. 6. n. 108. et 109. (2) n. 110. (3) n. 111. (4) n. 112. (5) ibid. dubit. 2.

(6) 3. p. q. 66. a. 6. (7) l. 6. n. 112. dubit. 3. (8) n. 113.

roquin possunt aliis sacerdotibus, et in horum defectu, etiam diaconis administrationem committere; sed diaconi sine commissione in necessitate non possunt solemniter baptizare; et hoc faciendo (iuxta sententiam probabiliorum Layman Bon. Tournely Habert, etc.) incurrunt irregularitatem; quandoquidem diaconi non ordinantur ad baptizandum, nisi ex sacerdotis commissione. Non dubitatur autem quin clerici non diaconi solemniter baptizando incurrant irregularitatem, ex c. *Si quis* 1. de cler. non ordin., etc. Contra probabilius dicunt Lugo Castropal. Bonac. Laym. etc. (contra Sotum Suarez Conc., etc.) laicos solemniter baptizando non fieri irregulares; nam licet textus sic generaliter loquatur, dicendo, *Si quis, etc.*, ea verba tamen debent referri ad titulum qui tantum de clericis tractat (1). Caeterum certum est extra necessitatem baptizantem, sine proprii pastoris commissione, graviter peccare. Sufficit nihilominus in hoc licentia praesumpta, ut dicunt Salmanticens. cum Mirand. et Henriq. (2).

16. Notandum 2. circa ministeriorum ordinem in baptizando (ex Ritual. roman.) sacerdotem esse praefendum diacono; diaconum subdiacono; clericum laico; virum denique mulieri, ratione honestatis tamen aliquando debet viro praeferi mulier (ideoque parochi debent bene examinare obstetrices, ut dictum est *Tract.* 7. n. 45. ad 4.), aut quia mulier osset melius viro instructa; et cum vir esset pater baptizandi, tunc omnino debet mulier baptizare, dum parentibus hoc est prohibitum extra necessitatem extremam (5). Certum est autem graviter peccare laicos qui baptizant coram sacerdote, c. 21. de Consecr. dist. 4., excepto si sacerdos esset excommunicatus, ut recte dicunt Suar. Castropal. Navar. Silvest. et Salmanticens. (contra Sot.

et Sayr.) quia excommunicato concessum est baptizare in solo casu necessitatis, quae non adest quoties potest alius haberi (4). Sed si baptizaret coram clerico etiamsi diacono, probabiliter non peccaret, nisi venialiter (5). Proculdubio autem graviter peccant parentes qui extra necessitatem extremam permittunt filios a praedicantibus baptizari, licet hoc efficerent timore edicti principis (6).

17. Notandum 3. nec Episcopos, nec parochos posse baptizare extra dioecesim, aut parochiam existentes, sine proprii pastoris commissione. Quare certe graviter peccant parentes, qui filios sine illorum licentia ad alios asserunt baptizandos (7). Peregrini et vagi qui non habent proprium domicilium possunt in quacunque ecclesia baptizari, ita Barbosa Salmant. et Croix ex cap. *Nec numerus* qu. 3. Sed hic quaeritur, an exteri debeant baptizari, et alia Sacramenta suscipere a paracho proprio domicilii, si parum distat; aut possint ea suscipere a paracho loci, ubi incolunt et quasi-domicilium contraxerunt? Notandum hic contrahi domicilium ab eo qui in aliquo oppido habitat, non per modum transitus, sed per maiorem anni partem, aut animo ibi manendi maiorem, aut notabilem anni partem alicuius negotii, aut officii causa, v. g. medici, mercatoris, hospitis, famuli, etc.; ita Laym. Navar. et Lambert. (8) cum communi ut asserit. Nunc veniamus ad quaesitum. Respondetur duas adesse probabiles sententias. Prima est Ledesm. Ang. Rodr. et Henriq., etc. tenens Sacramenta suscipienda esse a paracho proprio domicilii, quia alias (ut dicunt) exterius haberet duas parochias habitationis. Sed haec ratio nihil convincit; unde probabilior et communior est secunda sententia Barb. Sanch. Silvest. Castrop. Pontii Croix Bonac. Salmant., etc. cum

(1) lib. 6. n. 116. (2) n. 115. v. notand. 2. (3) n. 117. (4) ib. dubit. 1. et 2.

(5) ib. dubit. 3. et 4. (6) ib. dubit. 5. (7) n. 114. (8) Notif. 32. n. 9.

pluribus decisionibus Rotae, quae dicit posse suscipi Sacramenta a parochio domicili, cum pro quasi-domicilio iam quilibet sit subditus loci ubi habitat, ut habetur ex *capit. fin. de Paroch.* (1).

18. Notandum 4. graviter peccare eos qui differunt diu Baptismum infantibus. Putant Laym. et Castropal. gravem esse dilationem ad mensem sine causa, et cum causa ad duos menses. Sed communior et probabilior sententia putat esse gravem plerumque dilationem ultra 10. aut 11. dies (2). Notandum 5. esse vetitum sub gravi domi baptizare infantes solemniter, exceptis filiis regum, vel principum, ut dicitur in Clementina unica, de Baptismo. Et huiusmodi infantibus recte dicunt Sot. Castropal. Tol. Covar. Croix, etc. Baptismum debere solemniter conferri: caeremoniae enim non sunt omittendae nisi in sola necessitate. Nomine *principum* nonnulli dd. intelligunt omnes barones; sed probabilius Suar. Tournel. Roncag. Tambur. Elb., etc. intelligunt illos tantum, qui dominio absoluto gaudent; idem tenet Giossa in cit. Clementina (ad verbum *aliquos*), adducens *cap. Fundamenta*, 17. §. *Proinde, de elect.* ubi dicitur: *Rex, princeps, marchio, dux*, igitur principes distinguuntur a baronibus; ubi tamen introductum iam est domi baptizare filios baronum, saltem magnatum, bene ait Croix non facile damnandum; vide n. 30. Notandum 6. nullum esse Baptismum, si alter applicat materiam, alter vero formam; dd. communiter cum s. Thoma (3); et licet adhibeatur forma Graecorum *Baptizetur servus Christi*, etc., quia semper subauditur verbum *per me* (4). Notandum 7. quod si eodem tempore plures ministri Baptismum conferrent infanti, proculdubio graviter peccarent: sed quoad valorem Sacramenti, oporteret distinguere cum s. Thoma (5): Si quilibet ba-

ptizare intendit ut concausa, nempe dependenter ab alio, Baptismus esset nullus; secus autem si quilibet intenderet baptizare ex se, ut pariter accidit in consecratione Eucharistiae, cum neopresbyteri celebrant cum Episcopo (6).

PUNCTUM II.

De iis qui baptizari possunt.

19. *Poena rebaptizantium.*
20. *De foetibus abortivis, et de filiis infidelium.*
21. *Si parentes repugnant.*
22. *An liceat vendere filios infidelibus*
23. *De Baptismo sub conditione.*
24. *De infantibus expositis.*
25. *De Baptizatis a laicis.*
26. *Ab haereticis.*
27. *Si Baptismus est dubius.*
28. *Dispositiones ad Baptismum.*
29. *De caeremoniis, et I. de aqua consecrata*
30. *II. De ecclesia.*

19. Notandum 1. valide baptizari infantes et perpetuo amentes, illos tamen qui aliquando habuerunt usum rationis non posse, si prius Baptismum non requisiverunt (7). Notandum 2. quod, cum repetitur Baptismus sine iusta causa, tam rebaptizans, quam rebaptizatus, si est rationis compos, incurrunt irregularitatem, *cap. 2. de Apostat.* An autem idem sit de rebaptizantibus sub conditione sine iusta causa: duae adsunt sententiae probabiles; negant Suar. Castrop. Laym. Bonac. Anac. Pont. Tourn. Holzm. Salm. et Croix, quia qui sub conditione rebaptizat, revera non rebaptizat. Affirmant autem Sot. Filliuc. Conc. Ren. Barbos. Sayr. et Lambert. cum Catechismo romano; quia, ut dicunt isti, talis conditio apponitur in legis fraudem, ideoque habetur pro non apposita (8).

20. Notandum 3. foetus abortivos, semper ac non constet esse anima destitutos (ut iudicari debent illi qui non habent aliquam organorum dispositionem), semper baptizandos esse 119 (5) 3. p. q. 67. a. 6. ad 3. (6) l. 6. n. 120. (7) n. 121. (8) n. 122.

(1) lib. 6. n. 115. (2) n. 118. v. notand. 2. (3) 3. p. q. 67. a. 6. (4) l. 6. n.

sub conditione tamen; potissimum cum inter peritos modernos hodie cum plausu recepta sit opinio, quod foetus animetur, aut in ipsa conceptione, aut saltem post paucos dies⁽¹⁾. Notandum 4. ut praecipit Ritual. rom., in solo casu necessitatis posse baptizari plures sub una forma, dicendo: *Ego vos baptizo etc.* (2). Notandum 5. quod circa filios infidelium, Baptismus collatus est validus, licet eis ministretur invitis parentibus, ut docet Benedictus XIV. in sua *instruct. ad Vicesgerentem*, quae incipit *Postremo mense*, et alii communiter cum auctoritate s. Augustini, quidquid dicant Durand. et Catarin. (3). Sed notandum item circa hoc, quod si parentes deficiunt a Fide ad infidelitatem, licite possunt eis auferri filii, et sufficit quod unus solus eorum prius fidelis fuerit, ut communiter dicunt Suar. Laym. Ronc. Antonin. Salmant. et Croix; caeterum sicut est licitum baptizare filios haereticorum his invitis, et etiamsi illi apud genitores remansuri fuissent, iuxta sententiam probabiliorum Laym. Croix Aver. Gob. etc.; ita contra non licebit baptizare filios infidelium invitis parentibus, praeterquam in casibus sequentibus: 1. Si filius est iam rationis capax et Baptismus efflagitat, ut docet s. Thomas (4). Et advertendum quod Ecclesia bene possit et debeat separare baptizatum a suis parentibus, ut dicunt Castropal. Laym. Salm.; et Benedict. XIV. facto declaravit loco cit. num. 29. ex *cap. de Iudaeis dist. 45.* et in casu quo dubitatur an filius qui petit Baptismum sit vel ne rationis compos, post septennium debet baptizari, sed ante septennium expectandum est, ut ibidem dicit Bened. XIV. et interim a parentibus debet segregari, et loco tuto custodiri (5). 2. Debet baptizari filius infidelium quoties in periculo est mortis. 3. Si filius est extra curam parentum, nec timetur ne ad

ipsos regrediatur. Et idem currit pro filiis perpetuo amentibus; aut a parentibus derelictis aut expositis. 4. Si parentes in Christianorum captivitatem redacti sunt, aut filii eorum sunt capti in bello. 5. Si unus parentum consentit, ut infans baptizetur, licet alter positive repugnet (6).

21. Sed hic quaeritur 1. An repugnante utroque parente infideli, liceat baptizari infans? Respondetur non licere, si filius relinquendus erit in illorum potestate, ut decrevit S. C., ex eo quia adest certum periculum illius perversionis. Sed contra casu quo infans abstrahatur a parentibus, est satis probabilis sententia Scoti Fras. Tourn. Est. Pichler Manstr. Holzm. et aliorum contra Gonet Conc. Salm. etc. quod possit licite baptizari, dum parentes non possunt super filiis habere ius in eorum salutis aeternae detrimentum; et sicut potest auferri filius a parentibus, ut liberetur a morte corporali, tanto fortius ut liberetur a morte animae. Advertendum tamen quoad Hebraeos, Iulium II. iustis rationibus prohibuisse, quominus iis invitis sui filii baptizentur, antequam ad usum rationis hi pervenerint (7).

22. Quaeritur 2. An liceat vendere parentibus infidelibus filios suos non iam baptizatos. Negat Hurt., sed communiter affirmant Suar. Laym. Castrop. Vasq. Bonac. Conin. Filliuc. etc. quia hoc expedit ad conservandam pacem communiter; aliter infideles difficulter restituerent christianos captivos, et Ecclesiae magis incumbit, ut fideles Fidem servant sartam tectam, quam ut infideles eam amplectantur (8).

23. Notandum 6. quod iuxta regulam generalem ut conferatur Baptismus sub conditione iam baptizato, requiritur rationale et prudens dubium de valore prioris Baptismi, dubium sive negativum sit, sive po-

(1) l. 6. n. 124. (2) ib. ad 6. (3) n. 126. v. quacr. (4) 3. p. q. 68. a. 10.

(5) l. 6. n. 128. (6) n. 129. ad 131. (7) n. 132. (8) n. 133.

sitivum (1), sicut explicatum est *Tr.*

1. n. 12. Advertendum tamen quod, cum saltem unus testis ocularis de Baptismo collato testatur, non potest repeti, nisi cum adsint testes contrarii qui positive oppositum depouunt; ita communiter Suar. Laym. Castrop. Bonac. Holzm. Salm. etc. cum Lambertini. Advertendum item non esse baptizandos (ne sub conditione quidem) adultos a parentibus christianis natos, et inter fideles educatos, licet nullus adsit qui de illorum Baptismo testetur, ut exprimitur in *cap. Veniens 3. de Presbyt. non bapt.* ubi dicitur: *Et certe de illo qui natus est de christianis parentibus, et inter christianos est fideliter conversatus, tam violenter praesumitur quod fuerit baptizatus, ut praesumptio pro certitudine sit habenda, donec evidentissimis forsitan argumentis contrarium probetur.* Recte tamen dicunt Laym. et Busemb. Baptismum sub conditione esse conferendum adultis, etiam inter fideles nutritis, cum eae adsint coniecturae, ut praesumere faciant verisimiliter eos non fuisse baptizatos. Imo S. C., ut refert Zacchar. (2), pluries decrevit esse baptizandos sub conditione eos pro quibus nullum Baptismi recepti signum haberi potest nec parentum matrimonii (3).

24. Notandum 7. circa infantes (si sint expositi, et scriptum sive habent, sive non, Baptismi recepti debent baptizari sub conditione, quoties non constat de Baptismo eorum, quia prudenter semper potest dubitari, ita Nat. ab Alexandro Petroc. Conc. Ronc. Holzm. Tourn. Henno et alii cum Lambert. qui ad huius confirmationem producit Conc. mediolanen. et declarationes S. C. et etiam Rit. rom. ubi dicitur: *Infantes expositi, si de eorum Baptismo non constat, sub conditione baptizentur* (4).

(1) l. 6. n. 134. (2) apud Croix, l. 6 p. 1. n. 310. (3) n. 134. v. Hic tamen. (4) num. 135. (5) Apud Zacch. Aduot. ad Croix. lib. 6. p. 1. n. 323.

25. Notandum 8. quod infantes ab obstetricibus baptizati, aut a laicis, tunc solum rebaptizandi sunt, cum probabilis de errore habetur suspicio, ut communiter Suar. Laym. Bonac. Conc. Holzm. Salmant. Croix etc. quicquid alii dicant: et ita declaravit S. C. (5); secus vero cum parochus, explorato laico, reperit illum sufficienter instructum, ut dicitur in Catechis. rom., in eo casu tamen in ecclesia suppleri debent caeremoniae, ut praecipitur in Rit. rom. In casu autem quo repetendus erit Baptismus in adultis, non erit praemitenda confessio, sed tantum contritio (6).

26. Notandum 9. baptizatos ab haereticis non esse rebaptizandos, nisi cum certum est, aut saltem prudenter dubitari potest in aliqua parte non servari requisita ab Ecclesia catholica ad valorem Sacramenti, ut declaravit S. C. (7). Quod praecipue accidit in baptizatis a Praedicatoribus Lutheranis, et Calvinistis, ut advertunt Tourn. Gob. Dicast. etc.; quoniam aliqui ex illis utuntur aquis distillatis, alii solent in baptizando hunc morem servare ut unus proferat formam, et alius applicet materiam; nonnulli infundunt aquam super vestes tantum; aliique communius deficiunt in intentione (8).

27. Notandum 10. peccare ministrum si, cum rationabile dubium, de baptismi collatione habetur, non rebaptizat (intellige sub conditione). Contra, cum testis unicus oculatus habetur de Baptismi collatione, non potest repeti (9). Sat est conditionem mente apponere, modo non adsit scandalum in ea occultanda; sed semper tutius est eam exprimere: *Si non es baptizatus*, etc. Et cum baptizatur sub conditione, non requiritur patrinus (10).

28. Quoad dispositionem ad Baptismum recipiendum requiritur 1.

(6) n. 136. (7) Apud Zacch. ad Croix l. 6. p. 1. n. 323. (8) n. 137. (9) ibid. (10) ib. in fin. Resp. 2.

intentio saltem habitualis in adultis (quia in amentibus et pueris, ut dictum est, supplet Ecclesia). Quare valide confertur Baptismus illi, qui eum recipit, non ex mera vi, sed ex metu gravi, sicut etiam amentibus, et dormientibus qui prius dum apud se erant, illum petierunt. 2. Requiritur ut rebus Fidei calleant, iuxta id quod dictum est *Tr. 4. num. 3.* Requiritur 3. dolor de peccatis; et sufficit attritio sine charitate praedominante, ut communissime Gonet. Can. Sot. Suar. Valent. Salm. et alii cum s. Thoma⁽¹⁾, qui dicit: *Ad hoc quod homo se praeparet ad gratiam in Baptismo percipiendam, praeequitur Fides, sed non charitas quia sufficit attritio praecedens, etsi non sit contritio* (2).

29. Caeremoniae tandem, quae debent adhiberi in Baptismo sunt 1. aqua consecrata, cum Baptismus est sollemnis, ut n. 8. Peccaret autem graviter qui sine necessitate baptizaret omissis unctionibus Chrismatis, et olei Catechumenorum, aut ungeret baptizandum oleis veteribus, ut communiter dd. ex cap. *Si quis de alio, dist. 4.* et Rit. rom. ubi item praecipitur, ut si oleum benedictum iam iam defecturum esset, et aliud haberi non possët, infundatur in benedictum aliud simplex olivarum, sed in minore quantitate. Propterea si, ut haberetur oleum novum, expectandum esset per notabile tempus, v. g. per 10. aut 11. dies, tunc potest conferri Baptismus, et postea suppleri unctiones; et hoc etiam licet praecisa necessitas non adesset: *Cum propter aetatis imbecillitatem* (dicit Catech. rom. part. 2. n. 34. loquendo de infantibus) *infinita pene vitae pericula illis impendeant.* Sed si abest necessitas, aut alia gravis causa, et intra dictum tempus de facili possit haberi novum oleum, differendus est Baptismus (3).

30. 2. Baptismus conferendus est in ecclesia; quare grave est conferri

(1) In 4. d. 6. q. 1. a. 3. ad 5. (2) 1. 6 n. 130. (3) n. 141. (4) n. 142.

domi. Excipe 1. si infans fuerit filius regis, aut principis, ut n. 18.; 2. si infans non potest ad ecclesiam deferri sine parentum infamia, aut alterius gravis damni periculo; et eo casu Croix Gob. et Iord. dicunt Baptismum posse tunc domi conferri etiam solemniter; 3. si imminet periculum mortis infanti, v. g. si mater cum magna difficultate enixa est; aut si infans oritur quin ploret, aut 7. vel 8. mense (4). In hoc tertio tamen casu, si infans vivit, caeremoniae debent in ecclesia suppleri, ut dicit s. Thomas (5), ex c. 1. de Sacramentis non iter. Et hoc sub gravi, ut tenent Pignat. Croix et Aver. contra Passer. (6). An autem, puta si Baptismus invalide collatus sit, debeant repeti caeremoniae; alii communius negant, ut Suar. Bonac. Busemb. etc.; sed alii affirmant, ut s. Antoninus, Castr. et Salm. Utraque sententia est probabilis, ideoque secunda uti tutior consulenda (7). Rituale admonet parochos ut curent, quantum possibile est, ne imponantur infantibus nomina risum moventia, aut idolorum, aut idololatrarum, sed Sanctorum. Notandum hic denique librum baptizatorum plenam facere fidem in omni tribunali; ideo Rituale praecipit praeterea parochis ut adnotent diem, et horam natiuitatis; parentes infantis, et patrilinos; insuper ut notent, si Baptismus fuerit sub conditione, aut sine caeremoniis collatus; et item si infans fuerit expositus, et ubi fuerit inventus (8). 3. Requiritur patrini, sed de his in puncto sequenti.

PUNCTUM III.

De patrinis et eorum munere.

31. *Munus patrinorum.*

32. *Qualitas.*

33. *Quando et a quibus contrahitur cognatio, etc.*

34. *An parentes, etc.*

35. *An patrini debeant designari.*

(5) 3. p. q. 71. a. 3. ad 3. (6) 1. 6. n. 144.

(7) ib. v. si Baptismus. (8) n. 145.

36. *Cuius sexus.*

37. *Quibus sit vetitum esse patrilinos.*

38. *Quando in hoc peccat parochus.*

31. Patrini sunt illi qui de sacro fonte suscipiunt baptizatum, et in suam curam eum accipiunt; unde debent eum instruere de rebus Fidei, et morum, si alii negligunt. Caeterum dicit s. Thom. (1), quod potissimum praesumere possunt patrini, infantes sufficienter instrui a suis parentibus (2).

32. Ad hoc, ut quis possit esse patrinus, dicunt Salm. cum Laym. Sanch. Nav. etc. nullam requiri certam aetatem: sed probabiliter tenet Croix, requiri saltem aetatem 7. annorum; omnino autem requiritur 1. rationis usus, 2. ut sit baptizatus, 3. ut patrinus talem habeat intentionem, 4. ut ipse per se, aut medio procuratore suscipiat infantem qui baptizatur, aut e manibus baptizantis. et in hoc non sufficit tactus moralis, sed requiritur physicus, iuxta communissimam sententiam Sanch. Castropal. Bonac. Salm. etc. cum declaratione S. C. (5): 5. ut patrinus sit designatus a parentibus, vel saltem a paroco: sed parochus (saltem licite) non potest mutare patrinum designatum a parentibus (4).

33. Quaeritur 1. an in Baptismo privato contrahatur tam a baptizante, quam a patrino spiritualis cognatio? Quoad baptizantem, non dubitatur quin contrahatur. Sed quoad patrinum, negant communius, et probabilius Sot. Sanch. Castropal. Bonac. Tourn. Salm. etc. (contra Suarez Laym. etc.): quia iuxta Trident. *Sess. 24. c. 2. de Ref.* impedimentum duntaxat contrahitur ab illis qui de sacro fonte puerum suscipiunt; et hic fons tantum pro solemnibus, non autem privato Baptismo institutus est (5). Quaeritur 2. an cognationem contrahat, qui pro patrino adhibetur in Baptismo sub conditione collato? Re-

spondetur quod si de priori Baptismo tantum habeatur dubium negativum, tunc certum est contrahi: nam cum nulla habetur ratio pro illius valore, praesumptio stat pro valore posterioris. Secus autem si de priori dubium habeatur positivum, nempe probabilis ratio de illius validitate; ita Sanch. Dian. et Ren. (6). Quaeritur 3. an contrahat, qui ex errore suscipit unum puerum pro alio quem intendebat? Negant Sanch. Tourn., etc. ex *cap. 2. de Cognatione spirit.* ubi dicitur mulier, quae ex ignorantia filium mariti suscipit in Baptismo, non privari iuro petendi debitum. Sed probabilius affirmant Pontius Castr. et alii: modo patrinus non habeat expressam intentionem non levandi alium infantem, quam eum quem intendit. Et respondet ad textum oppositum quod ibi lex aufert impedimentum petendi debitum, quia aequum non erat privare sine sua culpa coniugem suo iure: sed haec ratio non currit in nostro casu (7). Quaeritur 4. cum aliquis levat puerum alterius nomine, quis eorum contrahit cognationem? Aliqui dicunt solum procuratorem contrahere: ita Sotus Conc. et Tolet. Alii dicunt neutrum; ita Filliuc. Sa. etc.; sed communissima sententia et verior Sanchez Castropal. Fagnani Navar. Tourn. Croix, et aliorum cum Pontio, qui affert Decisionem S. C., est solum principalem contrahere; quia iuxta Trident. ille cognationem contrahit, qui a parentibus ad puerum suscipiendum designatus fuit. Nec refert quod principalis absit, quia iuxta regulam legis: *Qui per alium facit, per se facere videtur* (8).

34. Quaeritur 5. an parentes baptizantes, aut filios de Baptismo suscipientes, contrahant impedimentum petendi debitum? Certum est 1. non contrahere, si baptizant in necessitate, ut docent communiter dd. cum s. Thoma (9). Certum est 2. peccare (9) Suppl. q. 56. a. 1. et ex o. Ad limina 30. q. 1.

(1) 3. p. q. 67. a. 8. (2) l. 6. n. 147.

(3) n. 148. (4) n. 146. (5) n. 149.

(6) n. 151. (7) n. 152. (8) n. 153.

graviter parentes, qui sine necessitate baptizant filios (1). Certum est 3. non contrahere parentes, qui baptizant ex ignorantia filium, ex *cap. Si vir 2. de cognat. spir.* Quaestio igitur restat an parentes filium sine necessitate baptizantes contrahant impedimentum, etc.? Affirmant Sanch. Petroc. Conc. cum s. Thoma (2), quia eadem lex quae decernit contrahi cognationem inter baptizantem, et parentes baptizati, inducit etiam impedimentum inter parentes qui prolem baptizant. Sed satis probabiliter negant Suar. Ronc. Viva Salm. Coninc. cum Glossa in praefato *c. 2. v. Debitum*, quia in nulla lege id invenitur expressum, et nulla poena incurritur nisi sit expressa in iure, ut concordant omnes; imo in eodem textu dicitur quod huiusmodi coniuges *non sunt separandi*, et additur: *Nec alter alteri debitum debet subtrahere*. Nec valet dicere textum loqui de redditione, non autem de petitione; dum si alter non posset petere, alter non teneretur reddere; dum ille amisit ius petendi (3).

35. Quaeritur 6. an patrini, ut contrahant cognationem, debeant esse designati, et a quo? Circa hoc Trident. *Sess. 24. c. 2.* statuit: *Si alii ultra designatos baptizatum tetigerint, cognationem spiritualem nullo pacto contrahent*. Hic dubitatur 1. cum multi tangunt puerum, sed nullus est designatus, an omnes contrahant? Alii dicunt tunc nullum eorum contrahere; ita Croix Gob. Dian., etc. Sed ego adhaereo sententiae contrariae quae est communissima Nav. Laym. Castrop. Bonac. Salm. Viva, etc. cum declaratione S. C. qua dictum fuit omnes contrahere, quia licet Concilium requirat ut parochus baptizet adhibitis patrinis designatis a parentibus pueri, attamen non irritat ius antiquum *cap. fin. de Cogn. spir. in 6.* quo omnes qui tangunt, cognationem contrahunt: ibi sic di-

(1) Ex *c. de his*, 7. q. 1. (2) Suppl. q. 36. a. 1. (3) l. 6. n. 150.

citur: *Si tamen plures accesserint, spiritualis cognatio inde contrahitur*; et hoc currit, ut dicunt Castr. Corn. Salmantic., etc. adversus Croix, etiamsi praesentes sint patrini designati. Sed si quis ex patrinis designatis puerum tangeret, caeteri non designati certe non contrahunt, ut habetur ex Concilio. Sed si parentes designarent plures quam duos patrilinos, et omnes tangerent (in quo graviter peccaret parochus, eos admitendo contra Concilii praeceptum), tunc recte dicunt Suar. Sanch. et Croix, quod si successive tangerent, illos duos priores contrahere; sed si omnes una simul, Suar. tenet neminem contrahere; sed probabilius dicunt Sanch. Ronc. Castropal. Salm. Croix, etc. omnes designatos contrahere: quia Concilium non irritat ius antiquum, nisi cum tangant alii non designati, praeter duos designatos; sed secus si tangunt alii designati ultra duos. Et hoc tanto magis currit, ut declaravit S. C. si de multis designatis nescitur quis eorum prius tetigerit (4).

36. Notandum 1. Concilium praescribere, ut duorum patrinorum alter sit mas, et alter foemina; unde non vacaret culpa designare duos mares, aut duas foeminas; et ego puto lethale cum Bonac. et aliis (contra Sanch. et Croix), si uterque patrinus esset diversi sexus quam infans; quia ita multiplicarentur cognationes contra finem Concilii, et in hoc materia est gravis. Si autem designaretur unus tantum patrinus, nihil refert an sit diversi sexus, ut dicunt probabilius Suar. Filliuc. Gobat. et Aversa (contra Laym.), dum Concilium dicit, sive vir sive mulier (5).

37. Notandum 2. non licere esse patrilinos 1. monachis, et monialibus, et Regularibus cuiuscumque ordinis, ut declarat Rit. rom. (tit. de *Patr. in Bapt.*) cum dicatur ibi: *Admitti non debent monachi et sanctimoniales, neque alii cuiusvis ordinis re-*

(4) n. 154. (5) n. 155.

gulares a saeculo segregati. Intelligitur hoc de suscipiendo non autem de baptizando. 2. Vetitum est haereticis, apostatis et infamibus. Quare peccant, qui advocant haereticos pro patrinis suorum filiorum. Contra licite possunt Catholici in baptismo suscipere pueros haereticorum, modo hac re non probetur eorum ritus; Laym. Croix Gob. (1). 3. Prohibitum est coniugi esse patrinum alterius coniugis: et parentibus respectu filiorum praeterquam in necessitate. 4. Prohibitum est esse patrinos plures duobus, cum dicat Trid. *Sess. 24 c. 2. de Ref.: Sive vir sive mulier, vel ad summum unus et una.* Non est vetitum quin duo coniuges unam prolem alterius suscipiant, ut communiter dd. cum s. Thoma (2), qui dicit: *Nihil prohibet quin vir et uxor aliquem de sacro fonte levarent* (3).

38. Notandum 3. peccare parochum 1. si respuit patrinos a parentibus designatos, aut admittit ab illis non electos; 2. si admittit plures quam duos. 3. si baptizat sine patrino (4). In Baptismo privato tamen non adest obligatio adhibendi patrinos, iuxta communem sententiam; caeterum probabile est etiam in privato licite posse adhiberi patrinos (5).

CAPUT III.

De confirmatione.

39. *De materia remota.*
40. *An Chrisma debeat esse benedictum, et an a simplici sacerdote possit etc.*
41. *De materia proxima, et an sit materia extensio manuum quam adhibet Episcopus, etc.*
42. *An manudextra aut instrumento etc.*
43. *De forma.*
44. *De ministro. An possit esse simplex sacerdos.*
45. *Quid si exterius sit chrismandus.*
46. *De obligatione ministrandi Confirmationem.*
47. *De obligatione eam suscipiendi.*
48. *An qui suscipit Ordines, etc.*
49. *An amentibus et infantibus, etc.*
50. *De caeremoniis.*

(1) lib. 6. n. 156. (2) In 4. d. 42. q. 1. a. 3. q. 2. ad 4. (3) l. 6. n. 157

51. *De patrinis.*

52. *De aliis caeremoniis.*

53. *De effectibus Confirmationis.*

39. Fide tenemus Confirmationem verum esse Sacramentum, ut habetur ex Decreto Eugenii IV. in instructione ad Armenos, et in Trident. *Sess. 7. c. 1.* Et hoc probatur ex traditione Patrum. Dicimus nunc hoc quod refert scire circa materiam, formam, ministrum, necessitatem, et caeremonias huius Sacramenti. Et 1. de *materia.* Materia remota Confirmationis est chrisma ex balsamo et oleo confectum per Episcopi benedictionem, ad differentiam olei Baptismi, et infirmorum, ut distinxit Innoc. III. in *cap. Cum venisset de Sacr. Unct.* An autem unum oleum istorum sit materia valida pro alio Sacramento, negant Suar. Laym. et Henriq. Sed probabilius affirmant Bell. Castr. Bonac. et Barb. (6). Non dubitatur autem quin de Sacramenti necessitate oleum necessarium sit. Balsamum certum est requiri de necessitate praecepti: sed an sit necessarium pro Sacramenti valore, probabiliter negant Sot. Navar. Iuven. Cont. Tourn. ex *c. Pastoralis de Sacramentis non iter.*, ubi Innoc. III. interrogatus an valerit chrismatio cum solo oleo collata, respondit: *Nihil esse iterandum, sed caute supplendum quod incaute fuerit praetermissum.* Probabilius tamen et communius affirmant Bellarm. Gonet. Petrocor. Conc. et alii cum s. Thom. (7), et cum *Catechism. rom. part. 2. n. 7.* Et probatur 1. cit. *cap. unic. de Sacr. Unct.*, ubi Pontifex appellat hoc Sacramentum *Chrismationem*, non certe alia ratione quam propter chrisma, quod ex oleo et balsamo conficitur. Probatur praeterea ex Decreto Eugenii IV. in Concilio florentino, ubi dictum fuit materiam Confirmationis esse *chrisma confectum ex oleo et balsamo.* Opponit Habert hoc Decretum non fuisse Concilii, dum e-

(4) n. 154. v. sed notand. (5) n. 158.

(6) n. 162. (7) 3. p. q. 72. a. 2.

manatum fuit, soluto Concilio, propter Graecorum discessum. Sed respondet Petroc. 1. Ipsos Graecos consensisse, ut Concilium continuaretur, ut ad Ecclesiam etiam Armeni unirentur; 2. tale Decretum fuisse receptum ab omnibus Ecclesiis catholicis. Sed nos melius respondemus, dicendo, Papa dogmata docente et uti Ecclesiae doctore loquente, omnes eius definitiones ex se esse infallibiles, ut fusius in opere L. 1. ex n. 110. et seqq. Respondetur autem ad textum oppositum quod in tantum Papa dixit *nihil iterandum*, quia ut dicit Glossa; *Non dicitur iteratum, quod prius actum non fuit*. Caeterum prima opinio probabilis est, ut videre est in Decr. S. C. Conc. apud p. Ferraris (1) cum sit certum Confirmationem sine balsamo saltem esse dubiam, adeoque sub conditione saltem repetendam. Sufficit autem balsamum cuiuscumque regionis (2).

40. Chrisma debet esse ab Episcopo benedictum necessitate praecepti; sed dubitatur an etiam ex necessitate Sacramenti? Affirmant Conc. Petroc. Salm. cum s. Thoma (3) ex citato Decreto Eugenii, ubi dicitur quod materia Confirmationis est *chrisma ab Episcopo benedictum*. Sed speculative loquendo, est probabilis sententia negativa Caiet. Barbos. Got. Iuven. Tourn., etc. quia, sicut Papa confirmandi facultatem simplici sacerdoti committere potest (ut dicemus n. 44.), ita potest etiam facultatem chrismatis benedicendi imperiri; Decretum autem Eugenii nihil praeter praecepti necessitatem probat. Dictum est *speculative loquendo*, quia in praxi, cum de Sacramenti valore agatur, prima tenenda est (4). Praeceptum autem grave est ex *can. Litteris de Consecr. distinct. 3.* non esse utendum chrismate anno elapso benedicto. Sed in hoc Ecclesiae prae-

cepto potest Papa dispensare, ut de facto Papa Benedictus XIV. in *Const. 10. Cum ad infrascriptam*, die 9. ianuarii 1740. dispensavit (5). Quare non dubitatur, quin Confirmatio veteri chrismate collata sit valida (6).

41. Materia proxima Confirmationis requirit 1. Unctionem in fronte, 2. in forma crucis, 3. manu ministri: et haec tria sunt omnia de Sacramenti essentia, ut communiter docent dd. (7). Sed cum in Pontificali dicatur ut Episcopus antequam ungat, dicere debeat orationem, *extensis manibus versus confirmandos*, volunt multi auctores moderni, Merbes. Tourn. Gonet. Iuvenin. Conc. Got., etc. talem extensionem esse de Sacramenti valore, ex eo quod legitur Actorum c. 8. 17 *Tunc imponebant manus super illos, et accipiebant Spiritum sanctum*. Sed communius hoc negant Suar. Laym. Petroc. Frassen. Antoine Holzm. Viva Croix et alii cum p. Berti, qui fuisse hanc nostram tueretur sententiam (8). Et dicimus sufficere extensionem manuum quam adhibet Episcopus in ungendo chrismando. Et hoc probatur ex Decreto Eugenii, ubi dicitur: *Loco illius manus impositionis dari in Ecclesia Confirmationem*; et clarius in *cap. unic. §. Per frontis, de Sacr. Unct.*, ubi pontifex dixit: *Per frontis chrimationem manus impositio designatur quae alio nomine Confirmatio dicitur*. Igitur Papa pro certo habet in eadem chrimatione haberi iam manuum impositionem. Pontificale enim non dicit, *super confirmandos*, ut dicturus fuisset, si per hoc intellexisset loqui de impositione: prout dicit loquendo de ordinatione, *tam Pontifex*, quam sacerdotes tenent manus dexteras extensas super illos; sed dicendo *versus confirmandos*, nihil aliud denotat quam consuetam caeremoniam, quam praecipit Ecclesia suis ministris in dicendis orationibus; nam manus ex-

(1) Ferrar. Bibliot. v. Confirmatio a. 1. n. 10. (2) l. 6. n. 162. (3) 3. part. quaest. 72. a. 3. (4) l. 6. n. 163.

(5) Bullar. edit. Mechl. t. 1. p. 54.

(6) l. 6. n. 163. ad 3. (7) n. 164.

(8) Berti de Theol. disc. l. 32. ca. 4. resp. ad 1.

tendere idem est ac eas aperire, et sursum elevare. Unde dignoscitur sententia opposita valido carere fundamento; ideoque dico dumtaxat tanquam tutam esse consulendam. Episcopus qui vellet eam in praxim producere, potest (ut advertit Habert) in diversas classes confirmandos distribuere, et inde super singulas classes praefatam orationem praemittere (1).

42. Episcopus ungere debet pollice manus dextrae; quare peccaret, si ungeret illo sinistrae; et ex communi gravius; sed Escob. Trullench. Nugnez Dic. Aver. Diana et Tamb. ut probabile habent hoc non excedere veniale, et revera non constat hanc caeremoniam esse gravem. Quare probabiliter dicunt praefati aa. quod licite confirmaret Episcopus sinistra, si dextra confirmare non posset (2). Opinio autem nonnullorum posse dari Confirmationem (sicut potest Extrema-Uncio) medio aliquo instrumento, merito communi sententia repudiata est. Quia tunc deesset manus impositio quae caeteroquin non est necessaria in Extrema-Uncione. Quoad quantitatem autem chrismatis sufficit illa, quae satis est ad ungendam frontem in forma crucis; ita Suarez Castr. Bonac. et Salm. (5).

45. 2. Circa *formam*, quae sit, quatuor adsunt sententiae. 1. Illi qui volunt solam manuum extensionem Episcopi quae unctionem praecedit, esse unicum Confirmationis materiam, dicunt solam orationem ab Episcopo tunc recitatam esse formam. 2. Alii autem, qui volunt tam primam manuum impositionem quam ipsam unctionem esse materias partiales dicunt formam constare tam ex praefata oratione, quam ex verbis quae dicit Episcopus in ipsa unctione: *Signo te signo crucis, et confirmo te chrismate salutis. In nomine Patris, etc.* 3. Alii volunt materias esse par-

tiales (ut dictum est), formam vero esse unam, nempe illam quae dicitur in unctione. 4. Alii denique, qui cum vera sententia tenent materiam totalem esse unctionem, quae manuum impositionem (ut diximus) secum involvit, dicunt recte totalem formam esse verba, *Signo te*, etc. quae illam concomitantur; ita communiter dd. cum. s. Thoma (4), et cum Catech. rom. de *Confirmatione part. 2. n. 19.* ubi dicitur quod *Catholicae Ecclesiae auctoritas.... non patitur nos ea de re quidquam dubitare.* Et ita revera declaravit Eugenius IV. qui in praefato Decreto dixit: *Forma autem est: signo te signo Crucis, etc.* (5). Explicat autem Angelicus (6) quod per *to Signo te*, significatur confirmatus notari in Christi militiam. Per *to confirmo* denotari illum virtutem ad praeliandum recipere. Per *to* denique *in nomine Patris*, denotari a quo hanc accipiat virtutem: itaque sunt de essentia verba *Signo te, confirmo te, et in nomine Patris, etc.* (7). Alia vero est forma Graecorum, *Signaculum doni Spiritus sancti*: quae etiam est valida, ut declaravit Urbanus VIII. (8).

44. 3. Circa ministrum Confirmationis, certum est solum Episcopum esse huius Sacramenti ministrum ordinarium, ut declaravit Trident. *Sess. 7. Can. 3.:* *Si quis dixerit sanctae Confirmationis ordinarium ministrum non esse solum Episcopum, sed quemvis simplicem sacerdotem, anathema sit*; sed ex Pontificis concessionem, certum quoque est posse esse Confirmationis ministrum simplicem sacerdotem, ut declaravit Benedictus XIV. in sua Constit. *Ex quoquevis* 4. Maii 1745. Et antea Eugenius IV. et s. Greg. Magnus hac fuerunt potestate usi (9). An autem etiam Episcopi simplici sacerdoti, ut Confirmationem ministret, delegare possint, dicit idem Benedictus in celebri opere de Synod. (10) magnam hanc q. 72. a. 4. (7) l. 6. n. 168. (8) n. 169. (9) n. 170. (10) l. 7. c. 8. n. 3

(1) lib. 6. n. 164. (2) n. 165. (3) n. 166. v. dicunt. (4) in 4. d. 7. q. 1. a. 3. solut. q. 2. (5) l. 6. n. 167. (6) 3. p.

esse quaestionem, pro qua validae militent rationes ad utriusque partis probationem; sed recte inde concludit; hodie talem facultatem summo Pontifici soli, tam consuetudine, quam Nicolai I. reservatione expresse facta (*Epist. 70.*) esse reservatam. Et licet confirmare sit actus episcopalis Ordinis, cuius valor a Pontificis arbitrio non dependet, nihilominus huius actus exercitium delegare non ad Ordinem spectat, sed ad iurisdictionem, quae bene potest a Papa limitari, sicut revera limitatur Episcopis facultas dispensandi in quinque votis Sedi apostolicae reservatis.

45. Notandum hic 1. Episcopum confirmantem in alterius Dioecesi subditos non suos graviter peccare, et suspensionem a Pontificalibus incurere etiamsi illo confirmaret subditos suos, ut declaravit S. C. et Trident. *Sess. 6. c. 5.* Sed si in sua dioecesi confirmaret subditos alterius, per se esset illicitum; sed in hoc praesumitur (iuxta usum communiter receptum) consensus interpretativus aliorum Episcoporum modo non constaret de contraria voluntate alicuius; ita Castrop. Laym. Salm. Sa Croix etc.: tanto magis hoc currit si Episcopus confirmare deberet Ordinandum, qui cum dimissoriis ipsius Ordinarii ad se venit; quia tunc praesumitur eius consensus etiam de praesenti, ut communiter praefati auctores cum aliis (1).

46. Notandum 2. graviter peccare Episcopum (iuxta communem sententiam), qui negligit Confirmationem suis subditis diu conferre, v. g. ad octo aut decem annos, ut dicunt La-Croix et Dicast.; quapropter tenetur Episcopus Dioecesim circumire, saltem per oppida Dioecesis principaliora; modo non sit moraliter ad hoc impossibilitas; et suis expensis, nisi adsit iusta consuetudo in contrarium; Castropal. et Salm. Dicit Bonac. Episcopum teneri confirmare

(1) lib. 6. n. 171. et 172. (2) n. 175.

(3) in 4. d. 17. q. 1

etiam moribundos qui eum de hoc efflagitant; sed probabiliter ab hac obligatione eum excusant Lugo Escob. Croix Salm. etc. tam propter grave incommodum quod adesset, quam propter usum qui contrarius inolevit (2).

47. 4. Circa necessitatem huius Sacramenti, alii dicunt quod quilibet, ut confirmetur, sub gravi curare tenetur, quia secus sibi magni damni causa esset se privando robore ad tentationibus resistendum, quod hoc Sacramentum confert; ita s. Bonav. Merbes. Tourn. Conc. Habert. etc. Sed hoc grave onus negant multo communius Sot. Navar. Suar. Laym. Fras. Wig. Castrop. Bonac. Anacl. Salm. Croix etc. quia de hoc gravi praecepto sive naturali, sive positivo non constat. Idem sentit Scotus (3) qui loquendo de Extrema-Uctione et Confirmatione dicit: *Neutrum est simpliciter necessarium, nec est praeceptum de isto vel illo recipiendo.* Idem sentit s. Thomas (4), qui dicit Confirmationem esse necessariam, non iam ad salutem, sed ad salutis perfectionem; alibi postea (5) expresse affirmat sine hoc Sacramento ex vita discedere periculum esse, *non quia damneretur* (nisi forte propter contemptum), *sed quia detrimentum salutis pateretur.* Et idem denique sentire videtur Catech. rom. p. 2 de *Confirm. n. 17.* dicendo ibi quod Ecclesia optat ut omnes baptizati hoc muniantur Sacramento: desiderium Ecclesiae utique non est praeceptum. Sed prima sententia omnino est tenenda, ut pote decisa a Benedicto XIV. in Bulla *Etsi pastoralis de Ritibus et Dogmatibus Graecorum*, 1742. ubi (§. 3. n. 4.) haec habentur: *Monendi sunt* (qui non sunt confirmati) *ab Ordinariis locorum eos gravi peccati reatu teneri, si cum possunt ad Confirmationem accedere, illam renunt, ac negligunt.*

48. Dicunt autem Bonac. Toletus

(4) in 4. d. 7. q. 1. a. 1. q. 2.

(5) 3. p. q. 72. a. 8. ad 4.

Renzi etc. graviter peccare qui prima Tonsura, non confirmati, initiantur, quia Trident. Sess. 23. c. 4 sic dicit: *Prima Tonsura non initientur, qui Sacramentum Confirmationis non susceperint.* Et Renzi affert quandam declarationem S. C. die 27. Sept. 1621. apud Nicolaum, ubi dictum fuit tonsuratum, non suscepta Confirmatione, ut male pronotum non posse ad alios Ordines ascendere, nec beneficia recipere sine Pontificis dispensatione. Sed communissime negant Sot. Castr. Azor. Escob. Valent. Salmant. et Cabass. cum Nav. Suar. Coninch, Victor. etc. qui dicunt idem de aliis Ordinibus, et ad Concilium respondent praecepta simpliciter modo imperativo emanata non importare gravem obligationem, nisi aliae adsint circumstantiae, ut dicunt Caiet. Nav. Sa Sayr. etc. et iuxta dicta *Tr. 2. n. 15. (1).* Caeterum sufficit quod quis sit probabiliter confirmatus, ut a tali obligatione eximatur, prout Benedictus XIV. (2) affert declarasse Synodum Maronitarum de mandato Gregorii XIII. congregatam.

49. Dicunt multi auctores, ut Bonac. Escobar. Holzm. Salmant. etc. omni culpa vacare conferre Confirmationem infantibus ante septennium, dum iam hic erat mos antiquus, et ita etiam hodie a Graecis practicatur; et ut ait Vivaldus in Hispania confirmari solent biennes et triennes (3). At hoc nunc dici nequit, dum Benedictus XIV. in Constit. 129. *Eo quavis § 6. edita die 4 Maii an 1745. declarat nunc temporis non licere aliquem Confirmationis Sacramento munire, nisi usum rationis attigerit, his verbis: Nihilominus abrogato prorsus a romana Ecclesia..... huiusmodi more, consultissimis ss. Pontificum Decretis cautum est ut renatis fonte Baptismatis conferretur Sacramentum Confirmationis in ea solum ae-*

(1) Vide l. 6. n. 183. (2) de Synod. l. 7. c. 9. n. 5. (3) l. 6. n. 178. (4) Bened. XIV. de Synod. l. 7. c. 10. n. 5.

tate in qua fideles.... intelligerent tantum inter se differre Baptismum, et Confirmationem, quantum distat generatio ab incremento. Nihilominus idem Benedictus multis post annis, cum esset Pontifex, in suo opere de Synodo (4) dicit quod etsi Catechismus asserat non expedire ut consecratur ante septennium; non tamen vetat quin in aliquo casu conferatur pueris non natis septem annos. Et subiungit auctor quod hoc perpendentes Sylvius Suar. Silv. Ronc. Juvenin. Gotti et alii affirmant licite posse etiam iuxta praesentem disciplinam Confirmationem conferre pueris ante septennium ex aliqua causa, ut puta si Episcopo per multum temporis manendum esset extra dioecesim, aut si puer esset in periculo mortis, aut alia de causa. Et de perpetuo amentibus sermonem habens, ait absolute posse illos Confirmationis Sacramento muniri (5).

50. 5. Denique circa caeremonias 1. requiruntur vestes sacrae nempe (ut praescribit Pontificale) amictus super rochetto, aut supra cotta, si Episcopus est regularis: item stola et pluviale album. Et peccaret graviter Episcopus si confirmaret sine ulla dictarum vestium, sed secus si omitteret aliquam, ut dicunt Sporer Renz. Tambur. et Diana; item requiritur baculus, et mitra; sed baculus sufficit ut in aliquo loco exponatur, aut ab aliquo clerico teneatur, sicut videtur designatus in figura apposita in Pontificali; et quoad mitram, ut declaravit S. C., sufficit ut Episcopus utatur stola: quare necesse non est ut adhibeat mitram (6). 2. Requiritur cereus, et ut Episcopus alapam post formae prolationem det confirmato; sed harum rerum ommissio non excederet veniale (7). 3. Requiritur ut ministretur in ecclesia; sed hoc non sub gravi, ut communiter dd. (contra Nugnez). Imo Suarez Bonac. Barb. S. A. Henric. etc. (8) (5) l. 6. n. 180. (6) n. 184. (7) ibid. v. notand. 2. (8) Barbos. de Pot. Episc.

excusant ab omni culpa Episcopum qui in aliquo decenti loco confirmaret. Hoc non obstante, ego nescirem eum excusare a veniali, nisi aliqua interveniret causa, tum ob consuetudinem quae viget hoc Sacramentum in ecclesia ministrandi, ut concedunt etiam Bonac. et Barb. cum propter id quod legitur in Pontificali: *Hoc Sacramentum potest conferri minus solemniter quocunque die, hora, et loco, ex causa ad arbitrium Episcopi*. Nota quod licet dicatur *ad arbitrium*, requiritur *ex causa*. Semper tamen potest licite Episcopus in domestico sacello confirmare, ut recte dicit Castrop. (1). 4. Requiritur ieiunium tam confirmantis, quam confirmandi, *ex can. Ieiuni, de consecr. dist. 5.* et etiam ex Pontificali, ubi dicitur: *Confirmandi deberent esse ieiuni*. Sed communiter dicunt dd. hoc tanquam consilium, non ut praeceptum esse; unde invaluit usus ut hoc Sacramentum etiam post prandium conferatur; ita Laym. Castrop. Conc. Salmant. Cabass. Croix etc. et ita pariter iuxta consuetudinem licitum est hodie hoc administrare quolibet die, sive festivo, sive feriali; Suar. Graud. Busemb. Salm. etc. (2).

5. Requiritur 5. patrinus a parentibus pueri, aut in eorum defectu ab Episcopo designandus; et hoc proculdubio sub gravi, quoties haberi potest; sed si unquam haberi non posset, dicunt Holzm. Gobat. et Illsung. licite posse conferri Confirmationem sine patrino. Hinc patrinus 1. debet esse unicus, ut communiter sentiunt Castropal. Bonac. Rebell. Salm. et Busemb. (contra Toletum qui admittit duos) dum ita decretum est in *cap. fin. de Cogn. spir.* Verum est ibi hoc statutum fuisse tam pro Confirmatione, quam pro Baptismo, sed Tridentinum quoad Baptismum permisit duos, non autem quoad Confirmationem, hinc firmum restat quoad hoc ius antiquum. 2. Hinc Patrinus 2. p. All. 30. n. 13. et Salm. tract. 3. c. 4. n. 32. (1) l. 6. n. 184. v. notand. 3

debet esse prius confirmatus, ut praescribitur in *c. In Baptismate*, 102. d. 4. cum ibi dicatur: *In Baptismate, vel Chrismate non potest alium suscipere in filiolum, qui non est baptizatus, vel confirmatus*. Et in Pontificali dicitur: *Nullus qui non est confirmatus potest esse in Confirmatione patrinus* (3). Et hoc etiam sub gravi praecepto, cum gravis sit materia, ut recte dicit Conc. cum communi (4). Si autem susciperet in Confirmatione patrinus non confirmatus, dicunt Sot. Navar. Sa, et alii etiam eum cognitionem contrahere, asserentes verba cit. *non potest* textus relati non denotare actus invaliditatem, sed solum prohibitionem; et haec opinio recte probabilis nuncupatur a Salm. et Croix. Sed probabilius negat Glossa in praefatum textum Suar. Tol. Sanch. Bonac. Renz. et alii multi; et Renzi adducit etiam declarationem S. C. Conc.; nam, ut probat Sanch. verbum *non potest*, in eo casu reddit omnino actum irritum (5). 3. Patrinus in Confirmatione debet esse alius a Patrino Baptismi iuxta communem sententiam; excipit La-Croix cum Silv. et Syn. colon. nisi adsit causa in contrarium. 4. In confirmatione iuxta Pontificale debet esse eiusdem sexus confirmandi. 5. Patrinus non debet esse Religiosus, ut dicunt Sanch. Bonac. Salm. et alii communiter, *can. Monachi* 104. *de consecrat. dist. 4.* ubi dicitur: *Monachi sibi compadres commatres non faciant*. Excipiunt Castrop. Barb. Gobat. Spor., etc. si confirmandus esset etiam Religiosus; excipiunt etiam Suar. Dicast., etc. si patrinus esset de ordine Mendicantium; sed merito contradicit p. Concina, dum, ut relatum est n. 37, iam hoc vetitum est in Ritual. cuilibet Regulari esse patrinum, verum est quod ibi loquitur de Baptismo, sed eadem ratio currit pro Confirmatione; et ut diximus *supra tract. 2. n. 78.* in aequivocis lex utique exten-

(2) ibid. notand. 4. (3) n. 185.

(4) n. 186. (5) ibid. dubit. 2.

ditur de casu ad casum, in quo ita lex eadem currit, ut si lex non extenderetur, legislator aut pro iniusto, aut imprudenti culparetur. Quoad modum suscipiendi in Confirmatione, iuxta Pontificale deberet confirmandus mittere pedem super pedem dexterum patris; sed recte dicit p. Concina quod hodie ex consuetudine recepta et approbata a S. C. Rituum 20. septemb. 1749. sufficit ut patris imponat manum dexteram super humerum dexterum confirmandi (1).

52. Requiritur 6. ex Ponticali ut post unctionem frons confirmati vitta aliqua linea cingatur; sed hodie haec caeremonia in nostris regionibus obsolevit, dum, facta unctione, statim confirmati frons abstergitur et dimittitur ipse. 7 Parochus confirmatorum, et patrinorum in libro adnotare debet nomina, ut cognatio contracta

sciri possit, tum ob Ordinum susceptionem. Dicunt Barb. et alii quod in Confirmatione possit mutari nomen. Episcopus, terminata functione, benedicit confirmatis, ideoque eos, dum confirmat, admonet ne ante benedictionem discedant: sed probabiliter ait Tambur. hanc admonitionem non obligare; et revera (ut dicit Croix) haec est praxis ut confirmati, suscepto Sacramento, discedant, nec Episcopi eos obligant ad expectandum (2).

53. Effectus autem huius Sacramenti sunt tres: 1. Character; 2. gratia, nempe robur spirituale quod recipitur ad debellandos inimicos; 3. cognatio spiritualis quae contrahitur inter confirmatum et patrinum qui eum suscipit, ac inter eum et parentes confirmati (3).

TRACTATUS XV.

DE SACRAMENTO EUCHARISTIAE

CAPUT I.

DE ESSENTIA EUCHARISTIAE

1. *In quo consistat essentia Eucharistiae, et in quo ratio specifica: et unde desumatur unitas.*
 2. *An sit necessaria necessitate medii.*
 3. *An consecratio in unica specie sit illicita et invalida. Non licet consecrare in una specie tantum.*
 4. *Casus excepti.*
 5. *Effectus Eucharistiae.*
 6. *An quandiu durant species, etc.*
 7. *Qui communicat cum veniali.*
- De caeteris agetur in appendice III. de examine Ordinand. §. II. de Sacrific. Missae, ex n. 95. et seqq.*

1. Definitur Eucharistia: *Est Sacramentum corporis et sanguinis Christi sub speciebus panis et vini ad spirituales animae refectionem divinitus institutum.* A Scholasticis circa Eucharistiae Sacramentum multae a-

(1) lib. 6. n. 187. (2) n. 188.
(3) n. 169. v. Tres autem.

gitantur quaestiones. De istis fusius in opere disseruimus; hic tantum eas annuimus. Quaeritur 1. in quo consistat Eucharistiae essentia? Alii dicunt in *recto* consistere in panis et vini speciebus, et Iesu Christi personam tantum in *obliquo* ad Sacramentum spectare, tanquam quid extrinsece connotatum. Alii dicunt in *recto* sive essentialiter consistere tam in speciebus quam in Christi corpore. Utraque sententia est probabilis, observa rationes (4). Quaeritur 2. an tota *ratio specifica* huius Sacramenti in alterutra specie salvari possit? Alii affirmant; sed probabilius est illam non salvari nisi in utraque, dum in alterutra (per se loquendo) non potest significari completa refectio cibi et potus (5). Quaeritur 3. unde desumatur unitas numerica Sacramenti Eucharistiae? Alii dicunt ex unitate corporis Christi; sed alii probabiliter

(4) 1. 6. n. 189. 190 (5) n. 191

tenent desumi ex morali coniunctione, quam species consecratae habent inter se, cum per modum unius proponuntur aut sumuntur (1); sed cum proponuntur in diversis altaribus, aut recipiuntur a diversis personis, sunt diversa Sacramenta (2).

2. Quaeritur 4. an Eucharistia sit necessaria necessitate medii, an praecepti ad salutem? Non dubitatur quin necessaria sit necessitate praecepti cum ecclesiastici, tum divini, ut habetur apud s. Lucam (c. 22. 19.): *Hoc facite in meam commemorationem*. Contra etiam pro comperto est apud omnes, Eucharistiam non esse necessariam necessitate medii quoad realem perceptionem. Dubium itaque restat in hoc, an necessaria sit necessitate medii, saltem in voto, nimirum desiderio? Negant s. Bonav. Suar. Caiet., etc. asserentes hoc Sacramentum non esse institutum ad primam gratiam producendam. Sed probabilius affirmant s. Thomas (3). Sotus, Conc. Salmant., etc.: tum ex textu s. Ioannis: *Nisi manducaveritis carnem Filii hominis ... non habebitis vitam in vobis*, c. 6. 54. tum quia Eucharistia est finis omnium Sacramentorum; unde ait Angelicus neminem gratiam habere ante susceptionem huius Sacramenti, nisi ex voto proprio, sicut adulti habent dum baptizantur, vel Poenitentiae Sacramentum suscipiunt: vel voto Ecclesiae, sicut parvuli habent (4). Non est dubitandum quin Eucharistiae perceptio sive in re, sive saltom in voto necessaria sit ad vitae spiritualis conservationem; ita communiter docent Sot. Gonzal. et Salmant., cum eodem s. Thoma (5); quia sicut corporis vita sine materiali cibo conservari nequit, ita nec vita animae sine spirituali. Hinc dicunt Lugo, p. Sotus, Vall. Fill. Salm., etc. licet praeceptum imponat tantum ut saltem semel in anno communicent, at-

tamen aliquando hominem posse obligari ad saepius in anno communicandum, cum nosceret hoc sibi fore necessarium, ut in divina gratia conservetur (6).

3. Materia Eucharistiae est tam panis, quam vinum, et nunquam fas est quacumque ex causa alterutram speciem consecrare, ut habetur ex *can. Conferimus, dist. 2. de Cons.*: et ex Tridentino *Sess. 22. c. 1.* ubi dicitur Iesus Christus praecepisse apostolis ne aliter se ipsum offerrent, quam sub utraque specie; ex quo inferitur proculdubio, hoc praeceptum non solum esse ecclesiasticum, sed etiam divinum, ut docet communis sententia (7). Et dicimus in huiusmodi praecepto non posse Papam dispensare (8), dum valde probabile est non fieri Sacramentum nisi in Sacrificio, in quo conficiendo (ex vera sententia) necessaria est utriusque speciei consecratio, quia alias non exprimeretur sanguinis effusio, et consequenter non satis exprimeretur Crucis Sacrificium, in cuius memoriam Salvator noster altaris Sacramentum reliquit, ut loquitur Trid. *Sess. 22. cap. 1. (9)*. Nec est improbabilis sententia Card. de Lugo, (contra opinionem aliorum dd., caeteroquin communior) qui dicit quod si sacerdos intenderet unam tantum speciem consecrare, invalide ageret; quia Sacramenti ratio secerni non potest a ratione Sacrificii, cum sacerdos non recipiat potestatem hoc Sacramentum conficiendi, nisi sacrificando, ut satis constat ex forma Ordinationis: *Accipe potestatem offerendi Sacrificium, etc.* Itaque, sicut diximus, consecratio utriusque speciei non solum ad Sacrificii essentiam pertinet, sed etiam Sacramenti; hinc qui Sacrificium non offert, nec Sacramentum conficit (10).

4. Caeterum potest dari casus, ut certe sit valida et etiam licita per

(1) lib. 5. n. 191. quacr. 2. (2) ib. v. quoad. (3) 3. p. q. 79. a. 1. ad 1. (4) l. 6. n. 191. (5) 3. p. q. 80. a. 11. ad 2.

(6) l. 6. n. 193. et 295. (7) n. 196. (8) ib. dubit. 2. (9) n. 306. (10) n. 196 dubit. 3.

accidens consecratio alterius speciei, quin consecratur altera, v. g. si sacerdos tempore consecrationis adverteret consecrasse aquam pro vino, aut si aliud vinum haberi non possit, aut non possit haberi sine gravi periculo vitae aut gravis scandali: item si, consecrata Hostia, immineret incendium, aut inimicorum invasio: ita Suar. Azor. Bonac. Salm. Busemb. et alii communiter (1).

5. Effectus Eucharistiae sunt 1. augmentum gratiae (et hic effectus est principalis) ut habetur ex Trid. Sess. 13. cap. 2. et aliquando per accidens etiam est primae gratiae acquisitio, nempe cum quis inscius peccati mortalis, aut putans se habere contritionem, accedit ad Communionem cum sola attritione: ita s. Thomas (2), Scotus, Suar. Tolêt. Ronc. Salm. et alii communiter (3). Ratio est quia proprium est uniuscuiusque Sacramenti gratiam conferre omnibus obicem non ponentibus; et habens attritionem iam obicem gratiae non ponit, dum, quantum in se est, removel affectum tam actuale, quam habituale ad peccatum (4). II Remissio venialium, ut docent omnes cum s. Thoma (5), iuxta Tridentinum loco cit. ubi Eucharistia appellatur *antidotum quo liberamur a culpis venialibus, et a peccatis mortalibus praeservamur*. Putant autem Salm. cum aliis Communionem ex se delere venialia ex opere operato per gratiae infusionem (ut dicunt) qua anima reficitur. Sed melius ait Tournely, Sacramentum non immediate ex se, sed mediante actu charitatis quem in anima excitat, delere venialia; hoc sentit etiam Angelicus loco cit., dum dicit: *Quantum ad actum qui excitatur in hoc Sacramento, per quem peccata venialia solvantur* (6). 3. Praeservatio a peccatis mortalibus ob auxilium quod praebet

Sacramentum ad compescendam concupiscentiam, ad resistendum temptationibus, ad incedendum per Domini semitas. 4. Remissio poenae temporalis debitae pro peccatis commissis, non iam directe, sed indirecte, mediantibus charitatis actibus quos in anima excitat hoc Sacramentum; ita s. Thomas (7), Salm. Conc., etc. 5. Dulcedo spiritualis, nempe facilitas in exequendis iis quae Deo placent. 6. Unio cum Iesu Christo: Ioan. 6. 57. *qui manducat meam carnem... in me manet, et ego in illo*. 7. Acquisitio gloriae. Ibid. 7. 59. *qui manducat hunc panem, vivet in aeternum* (8).

6. Notandum hic valde probabile esse, quandiu species sacramentales in stomacho durant, semper amplius augeri gratiam, ut tenent Gonet. Becan. Lugo, Tourn. Iuvenin. Holzm. Regin. Mastrius; et Salm. dicunt hoc Sacramentum cum institutum sit per modum cibi, ut loquitur Conc. florentinum, ideoque sicut cibus corpus nutrit usque dum in stomacho persistit, ita Eucharistia nutrit animam quamdiu in corpore persistit (9). Notandum praeterea ex Decreto S. C. approbato ab Innoc. XI. damnatum fuisse abusum dandi plures simul particulas communicantibus, aut particulas maiores usualibus (10).

7. Quaeritur hic an peccet venialiter qui communicat cum veniali actuali? In hoc diversae sententiae adsunt, sed prae caeteris mihi aridet sententia quam tenent Vasq. Fill. Hurtad. Ledesm. Sa, et Leandr., et probabilis appellata a Dicast. et Tambur. (11), quae sic distinguit: Si culpa directe est circa Communionem v. g. si quis ex vana gloria, aut cum voluntaria distractione communicat, tunc nemo dubitat quin venialiter peccet, quia talis culpa est positiva irreverentia in Sacramentum; licet,

(1) l. 6. n. 197. (2) 3. p. q. 72. a. 7. ad 2. et q. 79. a. 3. (3) l. 6. n. 269. (4) n. 6. (5) 3. p. q. 79. a. 4. (6) l. 6. n. 269. v. Effectus 3. (7) 3. p. q. 79. a. 5.

(8) l. 6. n. 269. v. Effectus 3. ad 5. (9) ib. in fin. et n. 228. (10) l. 6. n. 228. in fin. (11) Tamb. in Met. commun. cap. 1. §. 4. num. 9.

ut ait s. Thomas (1), talis culpa impediret quominus animae spiritualis refectio reciperetur, non autem gratiae aut charitatis augmentum. Si autem peccatum veniale non est circa Communionem, v. g. si quis communicaret cum affectu actuali ad aliquod veniale, tunc non peccat, quia tunc (ut dicunt communiter dd.) non impedit effectum principalem Sacramenti, nec auxilium quo praeservetur a mortali: cum ex una parte veniale non opponatur gratiae, et ex altera cum tali culpa communicare est potius perfectae reverentiae carentia, quam positiva irreverentia (2).

Caetera ad materiam et formam Eucharistiae pertinentia, notantur in appendice 3. de examine Ordinand. §. 2. de Sacrif. Missae, ex num. 97. ad 101.

CAPUT II.

DE ADMINISTRATIONE EUCHARISTIAE

8. *Quomodo tenentur parochi servare Eucharistiam, et ad eam dispensandam. An regularis, et quilibet sacerdos possit Communionem ministrare.*
9. *Et an diaconi.*
10. *An Viaticum possit in necessitate administrari a clericis, et etiam a laicis, et an a se ipsis, etc.*
11. *An sacerdos ex devotione possit communicare ex se ipso.*
12. *Quomodo debeat, et possit dari Viaticum.*
13. *An possit dari digitis posterioribus Viaticum; et an Communio.*
14. *An in utraque specie; et an pars Hostiae maioris. An pueris et amentibus.*
15. *An peccatoribus publicis; et an condemnatis.*
16. *An in Missa defunctorum.*
17. *In qua hora potest dari Communio.*
18. *Si remanent fragmenta.*

8. Videamus cuinam licet Eucharistiam ministrare, et quid requiratur ut licite ministretur. Quoad primum punctum, sicut soli sacerdotes possunt hoc Sacramentum consecrare,

(1) 3. p. q. 79. a. 8. (2) l. 6. n. 270. quaer. 1. (3) n. 230. et 248. (4) n. 235.

ut est de Fide (iuxta Trident. *Sess.* 22. c. 1.), ita solis sacerdotibus illius dispensatio concessa est. Et in rigore loquendo, Communionem dispensare solius pastoris est, qui ideo tenetur curare ut Eucharistia perpetuo in suis ecclesiis et cum debito decore conservetur, nempe in tabernaculo decenti, et cum lumine semper die et nocte accenso, et quidem sub culpa gravi; attamen si lumen deficeret per unam tantum horam, putant Diana et Quintanadvannas, non esse grave. Tenentur autem iidem eam ministrare non solum moribundis, sed etiam sanis, quoties rationabiliter et opportune requisiti sunt, ut dicunt communiter Sot. Suar. Vasq. Castrop. Filliuc. Azor. Dicast. Busemb. Salmant., etc. (3) Caeterum cum Communio non fit nec ob paschale praeceptum, nec ob Viaticum, Religiosi visuum privilegiorum possunt in suis ecclesiis Eucharistiam ministrare, et hodie (ut recte testantur Castropal. et Roncagl.) ex communi consuetudine quae adest, praesumitur cuilibet sacerdoti celebranti talis facultas concessa (4).

9. Diaconi tamen non possunt dispensare Eucharistiam sine speciali commissione Episcopi, aut parochi, alias incurrunt irregularitatem, ut habetur ex cap. 1. de Cler. non ordinato (5). Antiquitus solebat universaliter committi diaconis Eucharistiae administratio, sed hodie non est permissum, nisi in necessitatis casu, ex can. 39. carthaginensis 4, ubi dictum fuit: *Si necessitas cogat*, etc., quae autem debeat esse talis necessitas, Habert et Tournely requirunt extremam; sed communiter Suar. Laym. Castr. Lugo, Conc. Salm., etc. dicunt sufficere quaecumque necessitatem notabilem, aut causam iustam, ut loquitur p. Concina, v. g. si parochus sit occupatus in aliquo magno festo, aut numerus communicantium sit magnus, etc. Diaconus autem, Eucharistiam ministrans, de-

(5) num. 234

bet esse indutus cotta et stola transversa (1).

10. Quando autem urgeret ministrare Viaticum infirmo, et deesset parochus, potest illud praebere quilibet sacerdos et etiam diaconus, licet repugnaret parochus, si irrationabiliter repugnaret; ita Tol. Sa, Dicast. Ronc. Salm. Laym. Sot., etc. communiter (2). Imo in ea necessitate volunt Suar. Val. Caiet. Fill. Escob. (et probabile dicunt Lug. et Coninch. contra Gonet, Bonac. Salmant. et alios, quorum sententia caeteroquin est communior) etiam a simplici clerico posse ministrari, ac etiam laicum posse suis manibus communicare; quia tunc ex una parte iam urget praeceptum divinum communicandi; et ex alia parte nullum reperitur praeceptum expressum id prohibens; et antiquitus si ob necessitatem, quae aderat, fideles in domos suas Sacramentum afferebant, et ibi communicabant, cur ergo nunc, maiore urgente necessitate, prout est mortis, id permitti non potest (3)? Verum tamen est praefatos auctores id permittere, cum sine scandalo fieri potest; sed ego dico hoc scandalum, aut potius admirationem, de facili posse tolli, circumstantes admonendo quod in tali necessitate id permittitur a theologis. Et ita pariter praefati auctores (contra alios) permittunt laicis in sacerdotum aut diaconorum defectum, ministrare Viaticum moribundis. Nec obstat textus c. *Pervenit*, 29. de *Consecratione dist.* 2., ubi sacerdotibus interdicitur committere laicis Eucharistiae administrationem, quia ibi sermo fit de sacerdote qui id agebat praeter necessitatem. Nec debet quidem ob stare (ut dicunt) consuetudo contraria, quia cum hic casus rarissime accidat, non potest in probationem huius rei consuetudo contraria adduci; et huic opinioni valde adhaeret Laym. Dicit Habert hoc permitti laicis saltem cum

licentia Episcopi (4). An autem tempore pestis teneatur parochus Communionem administrare, vide dicta *Tract.* 7. n. 28.

11. Probabile est quod extra mortis periculum, si non adest scandalum, et deest alius sacerdos, bene possent sacerdotes ex seipsis communicare, etiam ob solam devotionem, ut fatentur Sylvius Lug. Bonac. Croix et Salm.; nam in hoc nulla intervenit irreverentia, nec de aliquo contrario praecepto constat. Imo Vasquez Dicast. et Leand. id concedunt etiam diaconis, cum hoc eis aliquando fuerit concessum a Concil. nicaeno *Can.* 14. (5). Quoad autem Regulares, quomodo et quando possint Eucharistiam ministrare, vide quod dicitur *Tract.* 20. de *Privilegiis* n. 123. Et ubi in Paschate communicare possint famuli monasteriorum regularium, peregrini et vagi vide *Tract.* 12. n. 42.

12. Videamus nunc secundo loco quid requiratur ad licitam Eucharistiae administrationem. Illa debet administrari debita reverentia, et iuxta ritum Ecclesiae consuetum: unde notandum 1. plerumque non esse deferendam infirmis Eucharistiam, nisi cum cotta, et stola, et luminibus, quare communiter dicunt Suar. Filliuc. et Ronc. Communionem praebere sine cotta et stola, per se esse mortale; sine luminibus tamen esse tantum veniale. In casu autem necessitatis probabiliter dicunt Filliuc. Granad. Aver. Eth. Gob. Croix Renz. Mazzotta etc. licere sine luminibus et sacris vestibus Viaticum ministrare, nam non praesumitur, quando praedictae caeremoniae adhiberi nequeant, velle ut moribundi tanto defraudentur bono. Et probabiliter dicit Pasqual. posse pariter Episcopum dispensare ut Viaticum deferatur cum pileo in capite, cum longe et per villas progrediendum est (6). Ita etiam probabiliter dicunt Bonac. Salmant. Gobat. et Croix (contra Bu-

(1) lib. 6. n. 237. (2) n. 234.
(3) n. 237. quaer. 2. (4) n. 237. quaer. 3

(5) n. 238. (6) n. 241. v. Ministrare.

semb.) licere in casu magnae urgentiae sacerdoti currere, ut adveniat tempore opportuno ad dandum Viaticum (1). Ita etiam licet illud deferre equitando, si locus distat aut tempus est pluvium, aut instat necessitas illuc adveniendi, ut dicunt Quintanad. Elbel et Gob. (2), et legitur hoc fuisse concessum a s. Carolo Borromæo (3). Item probabile est tempore pestis Viaticum cochleari licite posse ministrari, ut dicunt Bonac. Busemb. Marc. Mancin. Gobat. Leand. etc.; et ita etiam admittunt Escob. Praepos. et Diana dare Hostiam cum aqua in cochleari infirmo qui ob oris ariditatem deglutire non posset (4). Hic notandum obiter quod S. C. Conc. declaravit vetitum fuisse per s. Pium V. deferre Eucharistiam ad infirmos adorandam tantummodo. Benedictus XIV. (5) in sua Epistola ad Cardinalem Guadagni Urbis Vicarium generalem, quae incipit *Cum, ut recte nosti*, praeter s. Pii V. prohibitionem affert etiam Rituale romanum a Paulo V. vulgatum, ubi haec leguntur: *Sed alicui ad adorandum solum, seu devotionis, seu cuiusvis rei praetextu, ad ostendendum (divinum Sacramentum) non deferatur* (6).

13. Probabiliter etiam licet in casu extremae, aut gravissimae necessitatis Communionem praebere posterioribus digitis, si sacerdotis pollex aut index infirmus esset, ut dicunt communiter Tourn. Conc. Ronc. Salm. Bus. Diana et Renzicontra Bonac. Imo tenent Gobat. Arriaga Croix Leand. et Mazzotta hoc licere etiam extra necessitatem, si chiragra sacerdos laborat, dum dicunt quod tota sacerdotis manus sit consecrata; sed probabilius id negant Bonac. Possev. Diana et Renzi, quia licet tota manus sit consecrata, tamen iuxta ritum Ecclesiae pollex et index sacerdotis sunt praecipue ad hoc munus exer-

cendum destinati. Communis autem est sententia cum Suar. Mol. Castropal. Bonac. Laym. etc. abstinendum esse a celebrando sacerdoti pollicem, aut indicem infirmum habenti, ita ut Hostiam frangere nequeat, ut deducitur *ex cap. 11. de Corp. vitiat.* ubi dicitur non posse ordinari sacerdos ille qui non habet pollicem aptum ad Hostiam frangendam, et pro regula generali habetur, quod quicquid impedit ab Ordinis susceptione, impedit etiam ab illius exercitio (7).

14. Notandum 2. quod iuxta praesentem disciplinam nunquam licitum est, sine Pontificis dispensatione, etiam ad praebendum Viaticum, Eucharistiam administrare sub utraque specie, aut in sola vini specie; ita communiter Suar. Lug. Tambur. Dicast. Dian. Croix, etc.; nam praeceptum Viatici non obligat, cum sumi nequit iuxta Ecclesiae ritum (8). Ita etiam sine causa (licet hoc veniale non excedat) non permittitur partem Hostiae maioris ad communicandum praebere. Sufficit autem pro causa, si communicandus sit infirmus, aut nobilis, aut famulus, aut alius cui expectare incommodum esset, licet ob solam devotionem communicaret, ut communiter s. Antonin. Silv. Bonac. Tourn. Conc. Salm. Elbel etc. (9). Nec pariter licet Communionem pueris praebere ante annos discretionis, et perpetuo amenitibus. Vide quod dictum est *Tr. 12. n. 43. et 44.*

15. Notandum 3. denegandam esse Communionem publicis peccatoribus, nisi constet de eorum publica poenitentia, ut dictum est *Tr. 14. n. 5.* Hic tamen iuvat adnotare quae delibavimus ex epistola Benedicti XIV. ad Episcopos Galliae, quae incipit, *Ex omnibus*, edita 16. Octobris 1756 ubi praebet normam quando denegandum sit Viaticum refractariis

(1) lib. 6. n. 242. (2) n. 243. (3) Act. Mediol. p. 4. n. 51. (4) l. 6. n. 244. v. 6. Non licet.

(5) Bullar. t. 4. p. 328. § 12.

(6) l. 6. n. 243. v. Eucharistia. (7) n. 244.

(8) n. 245. v. Peccat. 1. (9) ibid.

Constitutioni *Unigenitus*. Ibi enim deciditur ut Communio deneganda sit peccatoribus publicis, et notoriis; at ut tales habeantur, requiritur (si crimen in sola externa actione consistit, cuiusmodi est notorietas usurarii, aut concubinarij) ut vel per sententiam iudicis rei declarati sint; vel in iudicio crimen sint confessi; vel aliquod facinus evidenter commisisse noscantur, et in eo facto moraliter perseverent; et quod vulgo cognitum est, non adhuc cessavit. Ratio enim horum est, quia haec moralem faciunt certitudinem de illorum notorietate criminis. Quod si crimen ab interna animi dispositione pendet (prout esset haeresis, etc.) aliter procedendum, nam tunc tales non habendi sunt, si crimen innitur coniecturis, praesumptionibus, incertisque vocibus; statuit ut si hi in extremo fuerint vitae constituti, non erit eis denegandum Viaticum, quoties in Paschate non fuerit eis denegata Communio; ubi vero ita valida adversus aegrotos praesumptiones, et indicia gravia, et argentia militant, vult ut aegrotus semotim cum lenitate admoneatur atque obsecratur ut respiciat; demonstreturque ei quod, quamvis detur ei Viaticum, hoc fiat solummodo ut obtemperetur Ecclesiae, quae ad averrenda scandala publica, et ad ipsius aegroti praecavendam infamiam, eum a sacra mensa non repellit, licet peccatorem coram Deo eum reputet, non tamen in proprio tribunali, ut publicum atque notorium peccatorem agnoscit. An autem graviter peccet qui in mortali existens Eucharistiam dispensat, nos affirmavimus cum Suarez Laym. Ronc. Gonet Viva etc. adversus alios; et adduximus Catechismum rom. atque Rituale (1). Notandum insuper peccare qui negat Communionem capite damnatis, si ad eam per confessionem dispositi sunt, ut recte dicit p. Concina, quic-

(1) l. G. n. 3⁵

(2) n. 216 247

(3) n. 249. (4) De Sacrif. Miss. l. 3.

quid dicat Contensonius, quamvis, ut testatur Iuvenin., in Galliis, et Hispaniis mos invaluit, ut eis Eucharistia denegeretur; sed apud nos contrarium observatur: ideoque dicimus non esse denegandam, etsi reo una restaret vitae hora (2).

16. Notandum 4. quod in Missa de *Requiem* proculdubio potest ministrari Communio; nam in Missae defunctorum rubrica dicitur: *Si sint communicandi, eos communicet antequam se purificet*. Et concordat Trident. sess. 22. cap. 6. ubi haec leguntur: *Optaret (s. Synodus) ut singulis in Missis fideles communicarent*. Et licet Gavant. et Croix adducant quoddam Decretum S. C. editum die 22. Ian. 1701. in contrarium, nihilominus doctus Merati scribit se legisse in Directorio Ecclesiae Genuensis, quod eadem Congregatio vetuit ipsum Decretum publicari, et 22. Martii 1711. positive illud suspendit (3). Et novissime 2. Septembris 1741. decrevit expresse posse ministrari Eucharistiam per modum Sacrificij, nempe cum Particulis intra eandem Missam consecratis, in Missa defunctorum quae celebratur in paramentis nigris; secus vero per modum Sacramenti, nempe cum Particulis praeconsecratis extrahendo Pyxidem e custodia, adversus id quod prius docuerat Benedictus XIV. (4) cum p. Merati, quod in Missis defunctorum poterat ministrari Eucharistia, etiam ex Particulis praeconsecratis, in Missa tantum, non autem ante, vel post illam; vide Decretum in catalogo, qui inest in hoc *Tr. n. 88. Decr. 10.* Advertendum hic quod si Missa defunctorum celebratur in paramentis violaceis, (prout certo fieri potest ex Decreto S. R. C. 21. Iunii 1670. apud Merati *In Indice tom. 1. n. 444.*) non prohibetur fieri Communio ex Particulis praeconsecratis, nec ante, nec post Missam, et tanto minus in Missa, cum in praefato Decreto tantum vetitum est ministrari c. 18. n. 10. 11. et 12.

Eucharistiam in *Missis defunctorum* (en verba Decreti) quae in paramentis nigris celebrantur.

17. Notandum 5. quod Communio potest, ex se loquendo, in qua libet diei hora ministrari, dum nulla adest de hoc prohibitio: ita communiter Azor. Silv. Cast. Bonac. Sa, Coninch. Ronc. et alii cum Suar. qui assert s. Ambr. auctoritatem, qui testatur quod suis temporibus Communio sub diei finem dabatur. Non permittitur tamen dari Communio, cum noctescere coeperit, aut in extrema diei parte, nisi aliqua adesset peculiaris causa, ut dicunt Suar. Castr. Corinch. Sa Tambur., etc. Sed nunquam permittitur, excepto Viatico, intempesta nocte, ut loquuntur Bonac. et Salm., nempe elapsis multis noctis horis, Eucharistiam dispensare. In Missa Natalis Domini, quae media nocte celebratur, nec licet Communionem praebere, ex pluribus Decretis S. C., et ita pariter nec in feria sexta Parasceve. Attamen in sabbato sancto nulla adest de hoc prohibitio; invenio tantummodo quod quidam Auctor (*Macrus in Vocabul. Eccl.*) dicit in Missa sabbati sancti ideo omitti antiphonam *postcommunio*, quia olim non ministrabatur Eucharistia: sed p. Merati, cum Grancolas Moretto, et aliis probat oppositum ex quodam ordine romano, nempe quod olim in Missa sabbati sancti omnes adulti, et pueri communicabant, cum in dicto ordine legatur: *Omnes communicent*; et addit Gavantus et Durandus quod in tantum hodie mittuntur communio et postcommunio, in quantum in eorum loco Vesperae suffectae sunt. Unde concluditur nullo inniti fundamento ratio cur prohibita putari debeat tali die Eucharistiae ministratio; et quoad consuetudinem, certum est quod in pluribus ecclesiis, praesertim nostri regni, et praecipue in cathedrali Neapolis, solet post celebratam Mis-

sam solemnem ministrari populo Eucharistia (1).

18. Notandum 6. quod si sacerdos, sumpta ablutione, advertat aliquas reliquias consecratas relictas esse, dicit Rubrica (tit. 6. n. 2.)...*eas sumat, sive parvae sint, sive magnae, quia ad idem Sacrificium spectant*; et etiamsi sacerdos pervenerit in sacristiam, cum adhuc sacris vestibus indutus est, potest praefatas reliquias sumere, ut dicunt Gobat. Granad. Diana, quibus consentit Bened. XIV. (2), qui subiungit quod si sacerdos exutus sit, tunc aut reponendae sunt in tabernaculo, si extat, aut servandae sunt pro alia Missa, si eodem mane celebranda erit: alias sumere debet. Et ita communiter dicunt Suar. Lugo Cai. Nav. Vasq. Silv. Bonac. Croix, etc. (adversus Tamburinum) servandas esse, si possunt sine irreverentiae periculo, reliquias quae ex alia Missa remansissent, dum illae non ad idem Sacrificium spectant: nam Rubrica non permittit alias sumi particulas, quam illas solas, quae ad idem Sacrificium spectant (3). Si autem remansisset particula integra, dicit Rubrica n. 3. deferendam eam esse in tabernaculum, aut saltem servandam ut ipsa a sequenti celebrante sumatur (intellige cum primus iam sumpsit ablutionem); et si alia Missa non habeatur in eodem calice conservetur; et si denique non suppetat modus, quo cum decencia servari possit, potest idem sacerdos eam sumere. Praeterea, particulae quae extra corporale reperiuntur, in dubio an sint, vel ne consecratae, dicunt Bonac. Henriq. et Gobat. sumendas esse post ablutionem; et melius (dico) esset cum eadem ablutione. Insuper, si accideret unquam quod in deferendo Viatico remaneret in patena, vel pyxide aliqua particula, dicunt Castr. Tambur. et Burghaber, posse eam sumere sacerdotem, si sacris indutus est vestibus; aut (ut dicunt iidem auctores, cum Lugo et Marchan-

(1) lib. 6. n. 252. (2) De Sacrificio Missae l. 3. c. 17. n. 5. et 6.

(3) lib. 6. n. 251.

tio) potest statim eidem infirmo sumenda praeberi, et hanc asserit Lugo esse praxim, nempe, ut post Communionem infundatur aqua in pyxide et ablutio detur infirmo (1). Quando autem possit, et debeat dari Viaticum, observetur quod dicitur n. 19. et n. 46.

CAPUT III.

DE PERCEPTIONE EUCHARISTIAE

PUNCTUM I.

De obligatione sumendi Eucharistiam

19. *De Viatico, et quando sumendum est.*

20. *Si infirmus vexatur vomitu.*

21. *Si tussi.*

De praecepto paschali, vide tract. 12. n. 39.

19. Duobus temporibus praeceptum Communionis obligat, in Paschate, et in morte. De Communione paschali iam actum est, cum de praeceptis Ecclesiae locuti fuimus *Tractatu* 12. ex num. 39.; quoad viaticum autem, dicimus hic quod quilibet fidelis tenetur illo muniri, semper ac infirmus in probabili mortis periculo est constitutus; prout est qui graviter decumbit cum mortalibus signis; qui aliquem periculosum conflictum, aut navigationem aggressurus est; mulieres quae solitae fuerunt eniti cum periculo: aut quae prima vice parturiunt, et tenella aetate, aut corporis constructione imbecilla constitutae sunt; ita communiter dd. cum s. Thoma (2).

20. Hic advertendum quod quando infirmus iugi vomitu laboraret, non potest communicare, si saltem per sex horas ab illo liber non sit, ut ait Busemb.; et in dubio melius dicit Croix, adversus alios, non esse praebendam communionem; nam potius Sacramenti reverentiae, quam infirmi utilitati prospiciendum est. Quoad praxim autem, si vomitus provenit ex cibo, cum infirmus illum sumit, debet experiri dando ei non consecratam particulam, et si eam

(1) lib. 6. n. 251. v. Hic autem.

(2) n. 291. (3) n. 292. v. 2. Si in

retinet, tunc potest dari consecrata. Et idem faciendum (ut dicunt Salm.) in casu delirii, ut observetur utrum infirmus possit cum decencia suscipere Sacramentum (3).

21. Si autem infirmus vexetur a iugi tussi, qua cogatur saepe flemmas e pectore expuere, hic bene potest communicare; quia hoc non inducit periculum proiciendi particulam; nam alius est vehiculus (nempe guttur) quo traicitur cibus, alius est canalis (nempe aspera arteria) unde eiciuntur flemmae, et suspiria. Secus autem, si tussis ne permitteret quidem particulam traicere (4). De Communione danda pueris, et amentibus in mortis articulo, etiam actum est eodem *Tract.* 12. n. 43. et 44. Igitur quoad communicandi obligationem, satis est quod dictum fuit. Restat nunc discutiendum quaenam sint dispositiones necessariae ad licite communicandum. Illae duae sunt, una animae, altera corporis. Agemus prius de animae dispositione, et postea corporis.

PUNCTUM II. *De animae dispositione.*

22. *De confessione praemittenda.*

23. *Qui post confessionem reminiscitur peccati.*

24. *Quaenam necessitas excusat a prius confitendo.*

25. *Si sacerdos in celebrando recedatur peccati, aut censurae.*

26. *Si desit confessarius.*

27. *Si peccatum est reservatum.*

28. *An tunc dicendum sit reservatum.*

29. *Si annexa est excommunicatio.*

30. *Quomodo intelligendum est, Quamprimum.*

31. *An tale praeceptum obliget post consecrationem.*

32. *An obliget celebrantem sacrilege.*

33. *An obliget laicos.*

34. *An possit communicare qui dubitat de peccato.*

22. Volenti communicare, et de peccato mortali conscio, non sufficit contritio, sed necesse est ut confiteatur: potest tamen communicare, modo adsit celebrandi, aut commu-

(4) ibid. v. In dubio.

nicandi necessitas, et confessarii copia desit; sed si ille est sacerdos, ei restat obligatio quamprimum post celebrationem confitendi, ut constat ex Trid. Sess. 13. cap. 7. ubi haec leguntur; *Communicare volenti revocandum est in memoriam eius* (apostoli nimirum) *praeceptum*: Probet se ipsum homo. *Ecclesiastica autem consuetudo declarat eam probationem necessariam esse, ut nullus sibi conscius mortalis peccati, quantumvis sibi contritus videatur absque praemissa sacramentali confessione ad sacram Eucharistiam accedere debeat.* Ex quibus verbis communis sententia et vera (1), Suarez Castrop. Lugo Conc. Salm. Tourn.; etc. (contra Navarrum, et alios pauciores) docet tale praeceptum praemittendi confessionem non esse ecclesiasticum solummodo, sed etiam divinum, dum apostolus testatur in sua epistola se hoc accepisse a Domino: *Ego enim accepi a Domino quod et tradidi vobis.* 1. Cor. 11. 23. Deinde subiungit Concilium: *Quod a Christianis omnibus, ab his etiam sacerdotibus, quibus ex officio incubuerit celebrare, haec s. Synodus perpetuo servandum esse decrevit, modo non desit illis copia confessarii. Quod si, necessitate urgente, sacerdos absque praevia confessione celebraverit, quamprimum confiteatur.*

25. Igitur dictum est 1. quod conscius peccati mortalis non potest communicare, nisi prius confiteatur. Dicitur *mortalis*, quia peccata venialia, quotquot sint, sicut gratia divina non privant, ita nec prohibent quominus ad sacram Mensam quis accedat. An autem impediunt a consecutione fructus illius, vide quod dictum est n. 7. Hic quaeritur an qui recordatur alicuius culpae gravis, postquam cum universali peccatorum dolore confessus est, teneatur confiteri illam, et ad absolutionis beneficium recipiendum ante Communionem? Multi dd. id affirmant (et haec sententia caeteroquin est communior); ita Suar.

Bonac. Coninch. Tourn. Conc. Salm. etc., excipiunt tantum, si quis nequiret sine scandali, aut infamiae periculo confessionem praemittere. Sed valde probabiliter negant Garcia, Praep. Ferrantinus Honorius Fabri Corneius et Regin.; et novissime hanc sententiam ex proposito tuetur Continuator Tournely cum Pontas Gibert et Arr., et asserit primam sententiam nullo inniti valido fundamento; ego tantum asserere non audeo, sed dico hanc secundam sententiam revera valde esse rationi consonam, prout mihi affirmarunt doctus Episcopus Torni, et alius doctus theologus examinatus synodalis civitatis Neapolis, et alii theologi quos, antequam hoc scriberem, consului. Ratio nostra est, quia qui confessionem praemisit, iam praecepto ante Communionem confitendisatisfecit, et iam confitendo probatus est, ut praecipit apostolus; siquidem per confessionem peccatum oblitum iam indirecto remissum est. Remanebit tamen poenitens obligatus ad postea subiucendum illud peccatum clavibus, ut confessio reddatur integra etiam materialiter, sed interim non obligat praeceptum ad confitendum ante communionem. Dicunt adversarii quod praeceptum a Concilio indicatum de confitendo requirit confessionem non tantum formaliter, sed etiam materialiter integram. Sed respondemus hoc gratis asseri, dum praeceptum aliam non requirit confessionem quam illam, quam poenitens tenetur facere, scilicet formaliter integram; nam per illam iam obtinetur finis, et effectus a praecepto intentus, nempe ut anima probata remaneat, et certa magis de divina gratia, quae facilius acquiritur per sacramentalem absolutionem, quae cum sola attritione delet peccata. Nec obstat quam opponunt fidelium praxis, quia haec non erit statuenda pro obligationis norma, sed potius habenda est tanquam pius et laudabilis usus, qui caeteroquin o-

(1) Lib. 6. n. 256.

mnibus suadendus est, quoties causa aliqua in oppositum aliud non suadeat (1). An autem cum dubius quis est commisisset aliquod mortale, de quo non sit confessus, teneatur illud confiteri ante communionem, vide dicenda seq. n. 34.

24. Dictum est 2. necessariam esse confessionem, modo non adsit necessitas celebrandi, aut communicandi. Videamus nunc quid nomine necessitatis intelligatur. Non hic intelligitur magna devotio: et nec sacerdotis paupertas, nisi esset paupertas valde gravis, ut ait Croix, sed intelligitur necessitasurgens, ut esset 1. Si moribundo afferendum esset Viaticum, sicut admittunt omnes (2); 2. si omitti non posset communiosine infamia, aut scandalo, v. g. si quis in communicantium scamno iam reperiretur, unde discedere non posset quin ab aliis notaretur, prout etiam communiter dicunt dd. (3). Idem etiam esset si allato Viatico ad infirmum, tempus non suppeteret ut confessio compleretur sine periculo mortis aut infamiae; quia tunc, ut recte dicunt Ronc. Sporer Busemb. Tambur., etc., sacerdos, audito aliquo peccato, debet moribundum absolvere, imponendo ei ut deinceps integram confessionem faciat, et tunc debet ei communionem praeberere (4); 3. si parochio celebrandum esset ut populus sacro intersit, et non esset alius qui celebraret, aut ille non posset celebrationem omittere sine infamiae nota. Sed hoc aliis sacerdotibus non licet, ut bene advertunt Lugo Castrop. Aversa Salmant, et Ronc. contra Dianam, licet populus in die festivo Missa carere deberet (5). Et etiam dicimus cum Suar. Laym. Lugo Bonacin. Tourn. Conc., etc. (contra Sot. et Silvestr.), sacerdotem in die festo potius omittere debere Missam ex obligatione, quam sine confessione celebrare; quia tale praeceptum, cum

(1) lib. 6. n. 257. (2) n. 260. (3) n. 257. et 263. (4) n. 260. ad 2. (5) n. 261. (6) *ibid.* v. 4. si urgeat. (7) *ibid.*

sit divinum, praeferendum est ecclesiastico de audienda Missa (6). An autem possit quis communicare cum sola contritione, cum deest confessarii copia ut praecepto paschali satisfaciatur, affirmant caeteroquin communissime Sot. Palud. Coninch. Henric. Castrop. Lugo, etc., ex eo quia praeceptum paschale etiam divinum est. Sed negant Suar. Tourn. Salm., etc., dicentes quod tunc praeceptum communionis paschalis non obligat. Hae sententiae sunt ambae probabiles (7).

25. Si contingeret quod sacerdos in celebrando peccati mortalis recorderetur, quicquid dicant alii, distinguendum est cum communi sententia Suar. Vasq. Lugo Castrop. Bonac. etc.; quod si recorderetur illius post consecrationem, tunc non est Missa interruptenda ut confiteatur, sicuti docet etiam s. Thomas (8), et uti expressum est in Rubrica (*de Defect. tit. 8. n. 4.*): intelligitur quod semper contritionis actus eliciendus est; et licet Lugo Tamb. et alii dicant, quod si sacerdos magnam haberet difficultatem in huiusmodi temporis angustiis ad se conterendum, posset citra culpam Missam proseguere, modo conaretur ad contritionem eliciendam; attamen iure merito contradicit p. Concina, dum in tali casu urget praeceptum divinum, et contra nemo est qui nesciat Deum non iubere impossibilia, ut dicit Trident. Sess. 6. c. 11., sed praestare sua auxilia ad operandum, aut saltem ad petendum id quod facere debemus: hinc si sacerdos delinquit in se conterendo, sua negligentia delinquit, aut quia peccato adhaeret. Si vero recorderetur ante consecrationem, et praesertim ante canonem, tunc confiteri debet, si confessarius adest et si absque infamiae nota hoc efficere potest; et nihil refert si Missa interruptatur, nam talis pars est extrinseca Sacrificio (9); et si confessarius

(8) 3. p. q. 83. a. 6. ad 2.

(9) 1. 6. n. 262. v. Hic dubit. 1.

haberi nequit, et infamiae periculum abest, probabilius est obligari ad Missam omittendam, ut dicunt Lugo Sylvius Tourn. Silvest. et alii, quibus etiam adhaeret s. Thomas (1), dicendo hanc opinionem esse tutiorem (contra Castrop. Suar. Navar. s. Bonav. Victor.); et haec sententia videtur esse iuxta Rubricam (3. p. tit. 8. n. 4. et 5.) ubi haec leguntur: *Si ante consecrationem recedatur sacerdos se esse in peccato mortali, aut se esse excommunicatum, vel suspensum, aut locum esse interdictum, si non timetur scandalum, debet Missam inchoatam deserere*. Diximus: *probabilius*, quia non est certum quod Rubrica per Verbum debet imponat grave praeceptum. Cæterum bene advertunt Vasq. Laym. et Tourn., quod in tali casu difficulter evenire potest quod sacerdos deserat Missam sine infamiae nota (2).

26. Dictum est 3. *si confessarii copia deest*. Intelligitur 1. si nullus confessarius praesto adsit, et contra sacerdos celebraturus alium absentem sine gravi incommodo adire nequit, ut dicunt Castrop. Vasq. Salm. et alii; *absens* autem intelligitur, si confessarius in notabili distantia abesset, v. g. (ut dicunt) duas aut tres horas itineris, aut etiam minus (ut dicit Canus), si brevi celebraturus esset (3). Intelligitur 2. si praesto esset confessarius idiomatis expers, aut iurisdictione privatus, aut talis cui sacerdos sine gravi damno confiteri non possit (4).

27. Sed hic quaeritur 2. an habens reservatum, et non adsit confessarius hac facultate praeditus, teneatur confiteri simplici confessario ut communice? Respondetur: Si iste non habet aliud peccatum praeter reservatum, communis est sententia quod confiteri non teneatur, sed sufficit, urgente necessitate, ut cum contritione communice; sed si solam haberet attritionem, tenetur confiteri

de alia materia, ut saltem indirecte sit a reservato absolutus. Si autem haberet reservata et non reservata, dicimus cum sententia communissima, et probabiliori Suar. Castrop. Vivae Lug. Conc. Salm. et aliorum (contra Vasq. Tourn., etc.) istum teneri ad confessionem: quia stante praecepto de confitendo ante Communionem, si nequit materialiter integre, saltem debet formaliter confiteri (5).

28. Quaeritur 2. dato quod iste simplici confessario confiteatur, an debeat explicare tam reservata, quam non reservata? Affirmant probabiliter Sot. Filliuc. Bonac. Suar. Viva Conc. Salm., etc.: nam confessarius necesse habet, ut totam poenitentis cognoscat confessionem, ad hoc ut de eius dispositione ad absolutionem obtinendam ferat iudicium, v. g. si habitum aliquem contraxerit, si in proxima versetur occasione, etc., sed non minus et forte magis probabiliter negant Castrop. Gerson. s. Antonin. p. Sot. Alens. Salas. Ledesm.: et Lugo etiam probabile hoc dicit; tum quia non videtur adesse obligatio peccata exponendi non habenti super illis iurisdictionem, ac proinde iudicem esse impotentem; tum quia alias poenitens haberet onus bis eadem peccata confitendi. Et licet quis in casu quo esset habituatus, ut dictum est, et moralem suae dispositionis certitudinem non haberet, teneretur totam conscientiam suam confessario patefacere, ut ille iudicaret an sit, vel ne absolutionis capax; nihilominus hoc esset per accidens, sed non propter obligationem faciendi confessionem materialiter integram, dum ex se sufficit tunc formalis integritas (6).

29. Si quis autem excommunicatione reservata innodatus existeret, et urgeret communicandi necessitas, ac non esset a quo possit ab ea absolvi, communis est sententia quod iste posset communicare antequam ab

(1) 3. p. q. 83. a. 6. ad 2. (2) 1. 6. n. 262. dubit. 2. (3) n. 264. ad 1. (4) ibid. a. 2.

(5) n. 265. (6) ibid. v. quæc. 2.

illa absolveretur; quia Communione praeeptum quod interdicit excommunicatis a Sacramentis, non obligat, cum alioquin non potest evitari scandalum, aut infamia. Sed fit dubium an tunc possit ille confiteri facultate super excommunicatione illa destituto? Negant probabiliter Sylv. Canus Sot. Vasq., etc., dicentes quod ille bene potest communicare, semper ac est contritus; sed nequit Sacramentum Poenitentiae suscipere, cum ab hoc per excommunicationem illi interdictum sit. Sed probabilius affirmant Suar. Sanch. Lugo Coninch. Salmant., etc., quia in eo necessitatis casu, sicut excommunicatio non privat Eucharistiae Sacramento, ita nec privat Poenitentiae Sacramento, quod a volente communicare semper ac potest, ex praeepto divino sumi debet praemissa confessione. Et bene probant praefati aa. valide posse aliquem absolvi a peccato, quin absolvatur ab excommunicatione, cum Ecclesia non potest, imponendo censuram, Sacramentorum valorem irritare, quae ex divina dependent institutione; et in tantum excommunicatus confitendo invalide absolveretur, quia esset indispositus, cum ab Ecclesia ei interdicta sit Sacramentorum susceptio; sed cum necessitas eum a tali prohibitione eximit, tunc valide et licite recipit absolutionem sacramentalem (1).

30. Dictum est postremo loco, quod si sacerdos cum peccati mortalis conscientia, non praemissa confessione, ob instantem necessitatem, et quia non habet cui confiteatur, celebrat, praecipit Concilium ut post celebrationem *quamprimum confiteatur*. Hoc non est consilium, ut dicebat propositio 38. damnata ab Alexandro VII, sed est verum praeeptum, et quidem grave. Hoc supposito praeepto quaeritur 1. quomodo intelligendum illud *quamprimum*? Nonnulli intellegebant, cum sacerdos suo tempore confitebatur; sed haec inanis expli-

(1) lib. 6. n. 265. v. quaer. 3.

catio etiam damnata fuit prop. 39. ab eodem Pontifice. Alii intelligebant, cum sacerdos vult iterum celebrare; sed haec explicatio est etiam improbabilis, dum Concilium praeecepit confessionem praecise post celebrationem, nimirum etiamsi sacerdos vellet pro eo tempore a celebrando se abstinere. Alii vero nimis rigidi dicunt intelligi statim ac ei erit facultas confitendi, etiam eodem die; ita Wigandt et Concina. Sed cum communi recte dicunt Milante Coninch. Lugo Escob. et alii cum La-Croix (qui adducit quamdam declarationem S. C.) sufficere, si sacerdos intra triduum confiteatur, similitudine accepta ab obligatione, quam habent, qui in mortis articulo absoluti sunt ab excommunicatione reservata, Superiorem adeundi, *quam cito commode possint*, ut in c. *Eos qui, de sent. excom.* (sub poena reincidendi in eandem censuram) cui obligationi etiam intelligitur satisfieri intra tres dies; Lugo Garcia et Milante. Et idem currit pro obligatione deferendi libros haereticorum ad Episcopos; Sanch. Ugolin. et Sayr. Advertunt tamen dd. supra citati, quod in aliquo casu potest sacerdos teneri ad confitendum eodem die, et forte eadem hora, v. g. si confessarius cito longo profecturus esset; aut si sacerdos in eadem esset celebrandi necessitate dio sequenti, in quo etiam confessarius defuturus esset (2).

31. Quaeritur 2. an hoc praeeptum obliget sacerdotem qui celebrat reminiscens suum peccatum post consecrationem? Negant Vasq. Pelliz. Lugo et Diana, quia Rubrica (*tit. 18. num. 3. et 4.*) loquens de eo qui recordatur ante celebrationem, dicit: *Tenetur confiteri quamprimum*; sed loquens de eo qui recordatur post consecrationem, nihil aliud dicit quam *conteratur cum proposito confitendi*. Haec sententia non videtur probabilis; sed est communior et forte probabilior contraria Suar. Molles. Me-

(2) n. 266. v. posito.

gal. Bonac. Reginald., etc., quia iam tunc verificatur casus a Concilio suppositus, quod iam celebrat in peccato, et sine confessione; tanto magis quod in illo *confitendi* Rubricae, facile subintelligitur verbum *quamprimum*, paulo ante iam a Rubrica expressum (1).

32. Quaeritur 3. an hoc praeceptum obliget etiam sacerdotes sacrilege celebrantes, sive illos qui tenentur et possunt confiteri, et celebrant sine confessione. Aliqui etiam affirmant; sed sententia vera; et communissima negat cum Suar. Vasq. Lug. Filliuc. Sayr. Moya, etc., quia praeceptum Concilii tantum respicit eos qui bona fide celebrarunt, ne confessionem differant sub colorato prae-textu necessitatis celebrandi, non autem sacrilegos, quibus tale praeceptum non est profuturum: qui enim spernit praeceptum divinum de non celebrando in peccato, facilius spernit etiam ecclesiasticum de confitendo quamprimum (2).

33. Quaeritur 4. an hoc praeceptum confitendi *quamprimum* obliget etiam laicos, qui communicant ob necessitatem ante confessionem? Affirmant Azor. Navarr. Conc. et Tourn. dicendo quod pro laicis eadem militat ratio, ac pro sacerdotibus ex illa regula generali: *Ubi currit eadem ratio, ibi currit eadem legis dispositio*. Sed est communissima et probabilior sententia opposita Wigandt Coninch. Suar. Vasq. Laym. Bonac. Filliuc. et Lugo, qui asserit primam communiter reiici. Ratio est, quia revera non currit pro laicis ratio quae extat pro sacerdotibus; dum hi plerumque maiorem habent necessitatem celebrandi ad evitandum scandalum, quam non habent saeculares ut communiceint (3).

34. Quaeritur 5. an dubitans sit vel ne in gratia, possit communicare? Huic dubio respondimus in opere (4), quod (ex se loquendo) qui dubitans sit

(1) lib. 6. n. 267. (2) n. 266. quacr. 5.

(3) n. 268. (4) n. 432. et 475.

in peccato, non potest communicare. Nihilominus, melius re perpensa mihi videtur respondendum cum maiori distinctione. Unde sic dicamus: Si quis dubitat an graviter peccaverit nec ne, tunc licite, non praemissa confessione, potest ad Communionem accedere, sive dubium sit negativum, sive positivum (sufficiendo sibi, ut tutius fructum Sacramenti percipiat, ut praemittat contritionem); quia praeceptum apostoli *Probet autem seipsum homo*, ratione cuius intelligitur praecepta esse confessio, ut declaravit Tridentinum, ligat tantum eos qui sunt conscii, nempe certe sciunt se mortale commississe, de quo non sunt adhuc confessi, ut idem Tridentinum declaravit *Sess. 13. c. 7. de Euchar.* dicens: *Ut nullus sibi conscius peccati mortalis, ad Eucharistiam accedere debeat*. Itaque praeceptum prohibitionis non incipit possidere, nisi postquam homo sit sui peccati conscius. Contra si quis est certus de peccato commissio, tunc non potest communicare, nisi certus sit se per confessionem probatum fuisse, quia tunc certe possidet in eo praeceptum prohibitionis; unde ille cum dubio negativo aut positivo, an recuperaverit nec ne amissam gratiam (v. g. cum dubitat an confessio fuerit nulla ex defectu dispositionis, aut iurisdictionis, aut si dubitat de contritione in casu necessitatis communicandi), non potest Communionem recipere: quia tunc agit contra praeceptum quod requirit probationem non solum probabilem, sed etiam certam, sicut fuit certum peccatum. Sed obicere possent id quod dictum est *Tr. 1. n. 17.*, nempe sufficere satisfactionem probabilem ad adimplenda praecepta. Sed bene respondet Ronc. (5) praefatam sententiam locum habere, cum agitur de repetendo opere cui probabiliter satisfactum est; nam non praesumitur legislator velle obligare ad satisfaciendum suis legibus cum tanto rigore, ut repetenda sint opera, quibus probabiliter satisfac-

(5) Ronc. de Euchar. p. 3. q. 6. resp. 6.

etum est; non autem cum agitur quod quis debeat, et possit sine suo magno gravamine abstinere ab aliquo opere faciendo, antequam certus fiat adimplevisse conditionem appositam a lege, quae possidet; quia in hoc non praesumitur aliqua conniventia legislatoris, et ita evenit incasu praesenti.

PUNCTUM III. De dispositione corporis

35. De ieiunio naturali. In dubio ieiunii. Si horologia sint discordantia. Frangit ieiunium quod ab extra suscipitur.
36. De reliquiis ciborum.
37. De reliquiis aquae, sacchari, etc.
38. De tabaco per nares sumpto.
39. An fumus tabaci, etc.
40. De tabaci foliis, et aromatibus dentibus contritis.
41. De aqua, aut similibus per narices voluntarie haustis, aut casu.
42. et 43. An capilli, lapilli, charta, etc. frangant ieiunium.
44. Qui, non facta digestionem, etc.
45. Exspuere statim a Communionem.
46. In quibus casibus non requiratur ieiunium, et I. in Viatico. An possit replicari Viaticum.
47. Et quoties.
48. An qui ex devotione paucis ante diebus communicavit, etc.
49. An qui eodem mane.
50. An possint omitti verba: accipe Viaticum.
51. An possit celebrare non ieiunus ad dandum Viaticum.
52. II. Non requiritur ieiunium, si timetur de iniuria Sacramenti.
53. III. Si timetur scandalum; si celebrans recordetur se non esse ieiunum.
54. IV. Si perficiendum sit Sacrificium. Quid agendum, si advertatur error vini; et quid in dubio, etc.
55. V. An ad evitandam mortem possit celebrare non ieiunus.
56. An pollutio impediat Communionem.
57. An copula coniugalit.
58. Qui externe est sordidus, aut leprosus, vel menstruata, aut accedit immodeste. Sacerdos qui laicorum more communicat.

35. Per se loquendo, ut licite suscipiatur Communio (iuxta Ecclesiae (1) l. 6. n. 282. (2) ib. v. num autem.

praeceptum in cap. *Ex parte de celebr. Miss.*) requiritur ieiunium naturale, nempe, ut quis nihil sumpserit cibi, aut potus ex puncto mediae noctis. Dubium tamen an degluti-verit aliquid a media nocte, non impedit a Communionem, ut diximus *Tr. 1. n. 19.* quia (ut ibi probavimus) hoc praeceptum non est positivum, ut ieiunus accedat ad Communionem, sed est negativum, ne communicet post ieiunii fractionem; quare quoties non est certum de ieiunii fractione, non possidet iam prohibitio, sed libertas communicari volentis. Et hac ratione dicunt communissime Sanch. Lug. Merati Holzm. Croix Salm. Quarti Escob. Villalob. Trullench. Fagund. licere inter multa horologia dissonantia sequi ultimum quod signat mediam noctem; modo non constet de errore; et modo (bene subiungit Croix) hoc ultimum non sit tale, ut plerumque erret, quia tunc praesumptio est quod semper erret (1). Sed hic adverte quod tempus mediae noctis non terminatur, ut volunt Salmanticens., in ultimo horologii ictu, sed in primo, ut recte dicunt Lug. Sanch. Tourn. etc., et de hoc ego certus sum factus a quodam horologiorum artifice peritissimo (2). Ob eandem rationem non admittitur parvitas materiae, ut fatentur omnes tanquam certum, quicquid dicant Gibert et Pasqual., quia praeceptum de non accedendo ad Communionem post cibi, vel potus sumptionem, est negativum (3). Ad frangendum autem hoc ieiunium, iuxta regulas communiter a dd. assignatas, tria requiruntur: 1. Ut quod deglutitur ab extra sumatur; 2. ut sumatur per modum comestionis aut potationis; 3. ut habeat rationem cibi, vel potus. Itaque iuxta 1. regulam ad frangendum ieiunium, sumendum est aliquid ab extrinseco, ita Suarez Croix Elbel Sporer etc., ex s. Thoma (4) qui dicit, quod quicquid provenit ab intrinseco non

(3) n. 278. (4) in 4. d. 8. q. 1. a. 4. solut q. 2. ad 3.

potest dici quod comedatur, ideoque non laedit ieiunium (1). Hoc posito bene potest communicare qui sanguinem ex capite, vel gingivis manantem deglutit, licet ex proposito id faceret; ita communiter Suar. Laym. Bonac. Cabas. Habert Antoine Salmanticens. quicquid dicat Tourn.; quia, ut dictum est cum s. Thoma, quicquid ab extrinseco non sumitur, non dicitur comedi (2).

36. Sed hic fit dubium an frangat ieiunium qui voluntarie deglutit reliquias cibi in ore relictas? Suar. Quar. Henriq. Castr. Elbel. Coninch. et alii penitus negant, dicendo tales reliquias reputari ut partes comestionis diei praecedentis, et videtur Rubrica nimis adhaerere huic sententiae (de defect. n. 3.) dum dicit: *Si reliquiae cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivae.* Alii tamen communius ut Vasq. Laym. Bonac. Tourn. Ronc. Cabass. affirmant, cum huiusmodi reliquiae transglutiantur ex proposito, quia tunc id habet rationem novae comestionis; et huius sententiae est etiam s. Thomas (3) qui dicit: *Reliquiae cibi remanentes in ore, si casualiter transglutiantur, non impediunt Communionem; igitur (iuxta Angelicum) si voluntarie transglutiantur, impediunt a Communione.* Haec sententia videtur probabilior, licet primam non puto improbabilem: sed quia non nimis scrupulose in hoc incedendum est, ut bene advertit Suar., libenter amplector sententiam Card. de Lug. quam etiam sequitur Benedict. XIV. in suo celebri opere de *Sacrif. Miss.* (4), quod reliquiae a dentibus avulsae, quae super lingua sentiuntur, debent expui; sed caeteroquin non adest obligatio diligentiam adhibendi eas a dentibus scalpendi; dum haec obligatio nimis esset scrupulis obno-

xia; et hoc videtur proprie requirere Rubrica superius relata, dum dicit quod eae reliquiae transglutiantur per modum salivae (5).

37. Et idem dicendum de reliquiis aquae, qua abluitur os, quae etiam impediunt Communionem, si voluntarie absorbentur, non autem si praeter voluntatem; ita communiter Suar. Castrop. Tourn. Holzm. Salmant., etc. cum s. Thoma loco cit. ubi dicit: *Et eadem ratio est de reliquiis aquae, vel vini, quibus abluitur os, dummodo non traiciantur in magna quantitate, sed permixtae saliva, quod citari non potest.* Et idem docet Rubrica, dicens: *Idem dicendum nempe non frangere ieiunium) si, lavando os, deglutiat stilla aquae praeter intentionem; igitur si aqua traicitur praeter intentionem, non frangitur ieiunium* (6). Non dubitatur autem quin frangat ieiunium, qui in ore ante mediam noctem aliquid ex saccharo, vel melle confectum mittit, et post illam deglutit. Item procedit de eo qui traiceret sanguinem ex digito imbibitum, aut lacrymas ex oculis manatas; ita communiter dd. Et idem dicunt de eo, qui casu in flumen decedens, aut ab aliis vi sibi illata aquam, aut aliud potabile deglutiret (7).

38. 2. Regula est, ad frangendum ieiunium requiri ut accipiat aliquid per modum comestionis, aut potationis: quare communiter dicunt Suar. Lug. Conc. Holz. Ronc. Escob. Croix Elbel, (quicquid dicant aliqui pauci) non laedere ieiunium tabacum per nares sumptum, licet aliquid illius descenderet in stomachum, ratione supra allata: quia huiusmodi traectio non est per modum comestionis, sed attractio; saltem, ait Benedictus XIV. de *Synod.* (8); hoc est permissum propter usum universalem inter fideles receptum. Et hic obiter notandum id quod idem Pontifex refert, nempe quod Innoc. X. et Innoc.

(1) lib. 6. n. 278. et 279. (2) n. 279. v. secus vero. (3) 3. p. q. 80. a. 8. ad 4. (4) l. 3. c. 12. (5) l. 6. n. 279.

(6) ib. dubit. 2. (7) ib. v. idem. (8) lib. 21. c. 13.

XII. excommunicationem inflixerunt in eos qui in ecclesia Vaticana tabacum sumerent: et eandem imposuit Urbanus VIII. pro ecclesiis hispanicis; sed Benedictus XIII. omnes istas prohibitiones abstulit (1).

39. Pariter tabaci fumus ore haustus non frangit ieiunium, ut etiam communiter docent Suar. Villalob. Trullench. Salm. Aversa Holzm. Viva Croix Spor., etc. cum eodem Benedicto XIV. (2), qui similiter testatur hanc esse hodiernam consuetudinem confirmatam cum communi dd. consensu. Limitant tamen Salmant. et dicunt frangere ieiunium, qui ex proposito transmitteret fumum in stomachum, dicendo quod haec esset vera comestio, dum talis fumus etiam aliquo modo nutrirer, sed haec limitatio communis, et probabilius negatur ab Escob. Praepos. Marc. Viva Spor. Renzi Tamb. Diana, etc. Et ratio est, quia fumus non sumitur nec per modum cibi, ut dicitur in tertia regula, nec revera est cibus in se comestibilis, aut manducabilis quem voluerit ecclesia prohibere, iuxta communem dd. sensum (3).

40. Nec pariter frangit ieiunium tabacum, aut aromata dentibus attrita, semper ac foras expuitur succus. Ita etiam communiter Lugo Holzm. Bonac. Spor. Coninch. Praepos. Trullench. Salm. Viva Renzi, etc., adversus Henno qui sustinet quod mandendo illas res, semper aliqua portio in stomachum transmittitur, quam ob rem evenit quod (ut dicit) pituita eiiciatur. Sed respondit Cardinalis de Lugo, quod ad pituitam eiiciendam non requiritur ut succus in stomachum descendat, sed sufficit ut tabacum ad os applicetur, nam ita immittitur in stomachum virtus pituitae eiiciendi nervis mediis, qui ad stomachum respondent. Et hoc etiam, ut dicunt Tannerus Lugo Escob. Tamb. Viva, etc., etiamsi deglutatur, sed praeter intentionem, aliquid suc-

ci, salivae inseparabiliter admixti, quia tunc non traicitur per modum cibi, sed salivae. Imo Loricus excusat, etiamsi casu granum integrum deglutiretur; sed hoc recte non admittunt Bonac. et Tamb.; secus vero esset si deglutiretur aliqua minima particula insensibiliter immixta salivae, quia tunc revera per modum salivae traiceretur. Caeterum omnes conveniunt huiusmodi masticationem indecentem esse ante Communionem, unde non est immunis a veniali, nisi adsit aliqua causa excusans (4).

41. Volunt Suar. Fagund. et Tambur. etc., ne frangere quidem ieiunium aquam per narices in stomachum transmissam, ut de tabaco dictum est. Sed ego hoc non admitto, si quis ex proposito id faceret; et quod de aqua puto, idem mihi videtur de tabaco, et de quocumque digeribili: quia licet haec actio de se non sit potativa, nec manducativa, sed dumtaxat attractiva, nihilominus quando illa ex proposito intenditur et ordinatur a persona ad transmittendum in stomachum potum aut cibum, tunc per aequivalentiam illa actio induit moraliter rationem potationis, aut manducationis; nam iam intercedit tam materia potabilis aut manducabilis, quam actio apta ad consequendum eundem finem quem habet potatio aut manducatio (5). Secus vero, si casu in stomachum aliquid transmitteretur. Et idem communiter dicunt Nav. Suar. Lug. Hab. Conc. Ronc. Salmant., etc. de eo quod per modum respirationis deglutiretur, v. g. parum pulveris a vento sparsi, aut musca, aut gutta pluviae, et huiusmodi, si hoc casu traicitur, non frangit ieiunium; sed illud frangit si data opera id fiat, quia tunc vera manducatio evadit (6).

42. 3. Regula: ad frangendum ieiunium requiritur ut habeat rationem cibi vel potus. Hinc quaeritur, an deglutire capillos, ungues, lapides, 280. dubit. 2. (4) n. 280. dubit. 3.

(5) ibid. v. idem. (6) ibid.

(1) I. 6. n. 280. (2) De sacrif. Miss. l. 3. app. g. §. his suffulti. (3) I. 6. n.

ligna, chartam, et similia impediatur a Communionem? Alii universe negant, ut Ledesm. Busemb. Diana Renzi, etc., ex regulae mox allatae applicatione, nempe quia huiusmodi non habent rationem cibi, saltem quia usu communi cibi non reputantur. Alii contra universe affirmant, ut Layman Castrop. Wigandt Ronc. et Salmant. dicendo quod reverentia erga Communionem exigit ut ante illam nihil in stomachum transmittatur. Sed sententia communior, et quae mihi magis arridet, est illa Concinae Lugo Tourn. Escob. Holzm. Vivae, Spor. et aliorum, quae distinguendo dicit ieiunium non frangere ea quae digestibilia non sunt, ut sunt capilli, metallum, crystallus, ungues et serica aut lanea fila, quia haec non nutriunt, nec cibi rationem habent. Citant adversarii pro ses. Thomam; sed nos ostendimus in opere morali s. Thomam in hoc nostrae sententiae non adversari, saltem non esse aperte adversum (1).

43. Contra frangunt ieiunium omnia quae digeri possunt, nempe illa quae, in stomacho cum alterari possint, in hominis substantiam convertuntur, ut sunt charta, paleae, fila lineae, pulveres medicinales, cera, quia haec ordinario aliquid mellis retinet; et idem dicunt Lugo Wigandt Escob. Viva et Mazzotta de terra, seu argilla quam solent comedere mulieres, dum in illa semper (ut dicunt) invenitur aliquid in stomacho alterabile, adeoque nutritivum (2).

44. Notandum 1. celebrare statim a coena insomnum et indigestum non impedire a Communionem ratione praecepti ieiunii, ut docent communiter Suar. Iuv. Bonac. Sot. Nav. etc., caeterum bene advertunt Tour. Conc. cum s. Thoma (3), quod aliquando convenit a Communionem abstinere ob mentis torporem, ratione cuius (ut loquitur Angelicus) *Homo fit ineptus ad sumptionem huius Sacra-*

menti. Sed hoc non intelligendum cum quis, quantum potest, nititur ut a tali torpore liberetur, et ut devote ad Sacramentum accedat, praesertim si vigilia aut indigestio provenierit ex iusta, aut naturali causa, ut dicemus n. 56. in simili casu (4).

45. Notandum 2. expuere statim a Communionem culpa vacat, semper ac nulla suspicio subest quod aliquod fragmentum sit relictum in ore; ita Sauch. Azor. Bonac. Wigandt. Holz. Croix, ex s. Thoma. Idem dicit Holz. de comestione aut potatione statim post Communionem, nam licet olim ex c. *Tribus, de Consecr. dist. 3.* ieiunium protrahendum esset usque ad sextam, attamen ut testatur s. Thomas (5) hoc praeceptum iam diu abrogatum est. Caeterum hoc facere sine causa, dum etiam Species sacrae perdurant in stomacho (ut per horae quadrantem saltem pro sacerdotibus), non excusatur a veniali; ita communiter Suar. Aver. Quarti et Dicast. ex s. Thoma, qui loco citato haec subiungit: *Debet esse aliqua mora inter sumptionem huius Sacramenti, et reliquos cibos*. Dictum est *sine causa*, quia quaelibet iusta causa excusat, v. g. si daretur signum mensae pro Religioso, etc. (6).

46. Videamus nunc in quibus casibus possit suscipi Eucharistia a non ieiuno: 1. Cum Communio datur per Viaticum in periculo mortis. Dictum est *in periculo*, quia ad recipiendum Viaticum non est necesse, nec laudabile expectare tempus, quando nulla amplius spes vitae subest; sed sufficit ut adsit periculum probabile mortis. Et tunc non dubitatur a doctoribus quin possit pluries accipi Viaticum, etiam durante eadem infirmitate, dum hoc Sacramentum non solum sumi debet ob praecepti satisfactionem, sed etiam ad robur adversus tentationes, quae in morte sunt validiores et periculosiores. Et hoc non tantum si novum superveniat. n. 289. v. hic ultimo. (5) 3. p. q. 80. a. 8. ad 6. (6) l. 6. n. 283

(1) lib. 6. n. 281. (2) ib. v. secus.

(3) 3. p. q. 80. a. 8. ad 5. (4) 1. 6.

niat periculum, sed etiam si idem perdurat; ita communiter Sot. Suar. Tolet. Laym. Silvest., etc. cum Benedicto XIV. qui Episcopus hortatur ut parochis insinuet, quod ipsi Viaticum in eodem morbo ministrare debent usque ad duas aut tres vices (1).

47. Quod dubitatur est 1. quantum intercedere debeat temporis inter unam et aliam Communionem; communius Silvest. Concina Tourn. Busemb. Salmant., etc. dicunt octo dies; alii sex, ut Armil. Filliuc. Diana Possev., etc.: et non improbabilius Laym. Escob. Ronc. et Hurtadus fidenter dicunt Viaticum posse etiam sequenti die replicari, cum infirmus solitus erat saepe communicare; et cum imminet morale mortis periculum; imo Castrop. Armil. Tamb. et Dicast. admittunt universe posse replicari quolibet die (2).

48. Quæritur 2. an qui paucis ante diebus ex devotione communicaverit, superveniente mortis periculo, teneatur sumere Viaticum? Alii cum sententia communiori id negant, etiamsi ante octo dies communicaverit; ita Layman Suar. Concina Roncag. Bonac., etc., quia, ut dicunt, iam ille per eam Communionem se ad mortem praeparavit, quare iam satisfacit fini praecepti. Haec sententia est satis probabilis, saltem ut dicunt Suar. et Lugo, si periculum mortis naturaliter accadat, quia tunc tempore Communionis sumptae iam coepit moraliter imminere periculum. Sed probabilius affirmant Vasq. Castrop. Conc. Tourn. Habert. Diana Salm., etc., quia hoc praeceptum quod divinum est, praecise obligat cum actu urget mortis periculum; et sicut non potest debito satisfieri antequam illud contrahatur, ita nec adimpleri praeceptum, antequam obligare coeperit. Nec valet dicere quod per illam Communionem iam praecepti fini satisfactum sit, quia si hoc sufficeret, sufficeret etiam ad adimplendum prae-

(1) De Synodo l. 7. c. 12. (2) l. 6. n. 285. v. Sed dubit. 1. (3) ib. dubit. 2.

ceptum paschale, ut quis communicaret die praecedente Dominicam Palmarum, sed hoc nequit dici (3).

49. Quæritur 3. an qui mane communicavit ex devotione, debeat aut possit Viaticum sumere, superveniente mortis periculo? Tres adsunt sententiae. Prima dicit teneri ut satisfiat praecepto. Secunda dicit non teneri sed posse; ita Roncagl. Gob. Anac., etc. Tertia dicit non teneri nec posse, cum praxis Ecclesiae ea sit ut nemo bis eodem die communicet. Benedictus XIV. de Syn. l. 7. c. 11. n. 2. dicit parochum posse quam maluerit harum amplecti sententiam, unde omnes tres ut probabiles habet. Caeterum inter has probabilior mihi videtur sententia Cardinalis de Lugo qui distinguit, et dicit quod in morbo violento, v. gr., si quis fuerit vulnere percussus, vel ex alto ceciderit potest communicare: secus vero in morbo naturali, quia ille qui mane communicavit, et iam coepit corripri morbo (qui diei progressu postea dignoscitur mortalis), moraliter communicavit in mortis periculo, quod iam mano aderat licet lateret. Et idem dicendum cum Suar. de apoplexia, dum hic morbus iudicatur quod iam prius in suis causis existeret (4). Advertendum cum Viva et Salmant. quod si infirmus sine difficultate potest recipere Viaticum ieiunus die sequenti tenetur expectare; modo interim absit periculum mortis; aut si non posset observari ieiunium etiam postridie, quin omitteretur medicina opportuna: aut si Sacramentum deberet afferri intempesta nocte. Caeterum recte dicunt Sot. Nav. Filliuc. Salm. et alii communiter quod in hoc non est scrupulose procedendum, dum Concilium constantiense Sess. 13. absolute eximit moribundos a lege ieiunii (5).

50. Quæritur 4. an sacerdos ministrans Viaticum possit aliquando ex iusta causa omittere verba illa: *Accipe, frater, Viaticum, etc.*? Nō (4) n. 285. dubit. 3. (5) ib. v. hic autem.

gant Clericatus Tamb. Quarti, etc., quia Rituale rom. hoc expresse praecipit: et Paulus V., loquendo de rubricis in Rit. praescriptis, dicit: *Inviolatè observent*. Hoc non obstante probabiliter permittunt p. de Alex. (de Monialibus) Tonellius et Pasqual. in casu quo infirmus magna animi tristitia Viaticum sit suscepturus; nam ad satisfaciendum praecepto non requiritur intentio satisfaciendi, sed sufficit ut ponatur opus praeceptum, ut diximus Tr. 2. n. 29.; aut sufficit intentio interpretativa. In quantum ad Rituale, respondent quod illud praeceptum non respicit omnia ibi descripta, sed illa tantum quae Ecclesia et probatus usus antiquitatis statuit, ut loquitur Bulla. Saltem non potest dici quod praeceptum proferendi illa verba inducat gravem obligationem, sed tantum levem, a qua bene excusare potest quaelibet iusta causa, qualis esset illa supra adducta (1).

51. Quaeritur 5. an sacerdos non ieiunus ad Viaticum ministrandum possit celebrare? Affirmant probabiliter Concina Maior. Fernand., etc.; et hanc sententiam uti probabilem admittunt Lugo Filliuc. Escob. Viva, etc., quia in eo casu, ut dicunt, debet praeferrì praeceptum divinum, quod obligat infirmos ad Viaticum, ecclesiastico quod obligat sacerdotem ad non celebrandum non ieiunum. Sed communissime et probabilius id negant Sot. Silv. s. Antonin. Suar. Lugo Nav. Busemb. Salm. Tourn., etc., quia praeceptum non celebrandi post cibi sumptionem etiam est divinum in substantia, ratione reverentiae Sacramento debitae. Nec valet dicere quod idem praeceptum quod permittit infirmo communicare non ieiuno, permittit etiam sacerdoti non ieiuno celebrare, ut infirmus communicet: quia respondetur quod in tantum infirmus non ieiunus potest communicare, quia in

ipso concurrunt in eo casu tam praeceptum ecclesiasticum ieiunii, quam divinum sumendi Viaticum, ideoque hoc, cum sit divinum, praefendum est; sed sacerdos, qui unico tenetur praecepto non celebrandi non ieiunus, non potest hoc violare ut infirmus suo satisfaciatur (2).

52. Hactenus de Viatico; nunc ad alios casus descendamus in quibus possit Eucharistia sumi a non ieiuno. 2. Potest sumi a non ieiuno cum subest periculum ne Eucharistia pereat, aut male tractetur. Et tunc si desit sacerdos, potest eam sumere etiam laicus; et potest licite sacerdos etiam eam praebere laicis non ieiunis, ut dicunt Suarez Vasq. Lugo, et Busemb. (3).

53. 3. Cum periculum scandali esset, si omitteretur celebratio, aut Communio. Unde fit quod si sacerdos in celebrando recordaretur non esse ieiunus, si id post consecrationem accidat, tunc certum est quod potest celebrationem proseguì, quia non potest sacrificium imperfectum relinqui, ut dicemus numero sequenti: sed cum recordatur ante consecrationem, debet ille a Missa desistere, semper ac potest sine scandalo, aut infamiae nota, ut dicunt omnes cum s. Thoma (4). Nihilominus p. Concina cum nonnullis aliis dicit hic, quod raro potest hoc scandalum accidere, dum illi facili negotio occurri potest, declarando se inconsiderate aliquid sumpsisse. Sed contra s. Bonnav. Sot. Angel. Reginald., etc. dicunt sacerdotem nunquam posse Missam inchoatam deserere, cum celebrat in publico, quia quasi nunquam tunc potest sine scandalo desistere ab ea; et idem sentit Continuat. Tourn. (cui ego adhaereo), dicens quod semper potest timeri scandalum, modo celebrans non esset vir nota, aut saltem praesumpta probitate (5).

54. 4. Cum perficiendum est sacrificium. Quod multifariam evenire

(1) l. 6. n. 285. v. dubit. 4. (2) n. 286. v. quaeritur, utrum. (3) n. 287.

(4) 3. p. q. 83. a. 6. ad 2.

(5) l. 6. n. 287. v. 3. si grave, et seq.

potest. 1. Si sacerdos animadvertat pro vino sumpsisse aquam, etc.; tunc potest aut novam hostiam simul cum vino consecrare, ut multi autumant fieri debere, aut potest consecrare solum vinum, ut admittunt alii; utramque sententiam Rubrica (*de Defect. tit. 4. n. 5.*) dicit esse probabilem, si celebretur in loco publico, tunc enim bene potest consecrari tantum vinum ad vitandum scandalum. Advertunt Tamb. Lugo et Conc. quod si sacerdos animadverteret errorem, dum in ore adhuc retinet aquam, debet eam tunc deglutire, ne se periculo exponat proiciendi aliquid fragmentum Hostiae una simul cum illa. Insuper advertunt Coninch. Laym. Salm. et Busemb. quod si sacerdos id advertit, cum iam est ad sacrificium regressus, tunc omittere debet novam consecrationem facere. Quod si ante Missae absolutionem, sed post sumptionem, aut post consecrationem de vini materia dubitaret, dicunt Tamb. Spor. Mazzotta quod praesumenda est materia apta, dicentes possessionem stare pro vini substantia. Sed dicunt melius Pasq. Gob. Av. et Croix quod semper ac adest prudens dubium, et potest aliud vinum haberi, debet illud expectari et consecrari dum non potest dici esse in possessione vinum illud de quo iam dubitatur, an sit vinum, sed potius possidet praeceptum faciendi Sacrificium integrum. Cum tamen adsit tale dubium, dicunt quod secundum vinum sub conditione consecrandum est, si prima materia consecrata non fuit: alioquin etiam incurritur periculum faciendi sacrificium mutilatum⁽¹⁾. 2. Debet sacrificium perfici a sacerdote non ieiuno, si contingeret quod celebrans post consecrationem deficiat, nam tunc tenetur alius sacerdos (si adest) etiam non ieiunus Sacrificium perficere⁽²⁾. 3. Si post consecrationem alterius speciei recordetur sacerdos non esse

ieiunus, quia tunc tenetur perficere Sacrum. Dictum est *post*, nam ante tenetur illud deserere, quoties sine scandalo aut infamia potest, ut paulo ante diximus (3). 4. Si, ablutione sumpta, advertat sacerdos aliquas reliquias eiusdem Sacrificii relictas fuisse, ut diximus n. 18. (4), dicunt Bonnac. Filliuc. et alii, quod, cum post sanguinis sumptionem Hostiae particula calici adhaesisset, aut palato, decentius est cum ablutione eam sumere quam digito ad calicis labium eam attrahere. et sic eam sumere; sed Rubrica utrumque permittit. Certum est sumere hostiam simul cum ablutione tam a sacerdote quam a laicis, non laedere legem ieiunii, quia licet vinum traiceretur antequam deglutiatur Hostia, talis sumptio censetur moraliter una, ut docet Benedictus XIV. (5) et communiter Lugo Suar. Vasq. Laym. Castrop. Conc. Bonac. Holzm. Croix Salm., etc. (6).

55. 5. Licetum est non ieiuno celebrare ad mortis periculum vitandum; ita Silvest. Viva Diana Salm., etc., modo id non exigatur in Ecclesiae contemptum. Admittunt etiam Silvestr. et Diana posse celebrari mortis metu sine vestibus sacris, extra altare, etc. dicentes praeceptum Ecclesiae non obligare cum tanto onere. Sed merito has opiniones non admittunt Suar. Tamb. Tourn. Merati Roncag. Conc. Caiet. Sanchez Castrop., etc.; etiamsi celebrandum esset ad dandum Viaticum, ut subiungunt Lugo Dicast. et Benedictus XIV. (7), quia (ut recte advertit La-Croix) in praxi contrariae sententiae difficulter possunt esse licitae, dum difficulter, ita celebrando, potest vitari contemptus, ut iidem Laym. et Escob. fatentur, aut saltem scandalum et gravis irreverentia: itaque subintrat praeceptum naturale, saltem reverentiae debitae Sacrificio, a quo praecepto non excusatur metus mortis (8)

(1) l. 6. n. 288. et etiam 206. v. quoad vinum. (2) n. 288. ad 2. (3) n. 287. v. si sacerdos et 288. ad 3. (4) *ibid.* ad 4.

(5) De Sacrific. Missae l. 3. c. 17. (6) l. 6. n. 288. ad 5. (7) de Sacr. Missa l. 3. c. 7. n. 1. in fine. (8) l. 6. n. 289.

56. Pro complemento huius materiae nempe dispositionis ad communionem, quaeritur 1. an pollutio habita eadem Communionis die impediat ab illa? Distinguendum: Si pollutio fuit voluntaria, absolute loquendo, per se non impedit (modo praecesserit, intellige, debita confessio), ut omnes concedunt; communiter tamen dd. docent teneri poenitentem sub veniali abstinere ea die a communicando, propter reverentiam Sacramento debitam; ita Lugo Salm. Conc. Viva etc. ex d. Thoma (1), qui tamen excipit: *Nisi magna necessitas urget; quod intelligitur, ut recte aiunt Bonac. Led. Gran. Salm. Viva, et alii passim, nisi scandalum vel alia iusta causa Communionem exigit, prout prudenti confessario videbitur, uti loquitur Rubrica Missalis (de Defect. n. 9).* Si vero pollutio fuerit involuntaria, etiam communiter docent s. Bon. Gerson Nav. Laym. Soto Suar. Vasq. Salm. et alii plures cum Rubrica loco cit. nullam esse obligationem abstinendi a Communionem; modo nulla fuerit relicta et adhuc perseveret perturbatio mentis orta ex delectatione ante habita, vel ex turpi imaginatione pollutionem concomitante; cum huiusmodi enim perturbatione accedere, communiter non excusatur a veniali, nisi adsit aliqua iusta causa necessitatis, aut devotionis, ut recte limitant Castrop. Sanch. Gers. Laym. Holzm. Salm. et alii cum d. Thoma loco cit. ubi ait: *Si necessitas imminet, vel devotio exposcat, talis non impeditur.* Vel nisi homo conetur, quantum potest, perturbationem illam repellere, et media adhibere, ut devote accedat, prout rationabiliter docent omnes aa. mox supra relati cum p. Suarez, qui pro hac re assert s. Iustinum dicentem: *Non est aequum propter hanc involuntariam passionem abstinere a Mysteriis* (2).

(1) in 4. d. 9. q. 1. a. 4. q. 2. ad 2.

(2) l. 6. n. 272. (3) 3. p. q. 80. a. 7. ad 2.

(4) in 4. dist. 32. q. 1. a. 1. ad 1.

57. Quaeritur 2. an copula coniugalis a communione impediat? Quidquid aliqui dicant, communiter dd. tradunt non excusari a veniali propter indecentiam, qui ad Eucharistiam accedit eadem die qua copulam habuit causa voluptatis; ita s. Thomas (3), ex d. Gregorio in c. Vir. 7. caus. 3. q. 4. qui ait: *Cum vero non amor ob procreandas soboles, sed voluptas dominatur in opere, tunc prohiberi debet, ne accedat ad hoc Sacramentum.* Recte vero dicunt Sanch. Antoine Salmant. cum aliis, quod a praedicta culpa excusatur quaevis causa honesta, puta solemnitas sive indulgentia eadem die occurrens, evitatio scandali aut notae, specialis devotio, etc. Si autem copula fuerit absque culpa, v. gr. ad prolem gignendam, tunc quamvis sit congruum ad aliam diem communionem differre, nulla tamen est obligatio ab illa abstinere; quia procreatio sobolis, cum sit actus omnino honestus, satis reparat indecentiam, ut communiter dicunt s. Thomas loco cit. Lugo Sanch. Conc. Petrocor. Salm., etc. ex d. Gregorio supra relato. Nec obstat textus in c. Sciat, caus. 33. q. 4. ubi d. Hieronymus docet abstinendum; nam respondet Angelicus (4) ibi sermonem fieri tantum de altaris ministris coniugatis, quales sunt Graeci (5). Item communiter docetur de coniuge redtente debitum, nempe quod iste tantum causa consilii abstinere potest a Communionem, sed non tenetur; ita s. Thom. s. Bon. s. Antonin. Albert. M. Dion. Carthus. Sotos Palud. Suar. etc. Et sic pariter docuit s. Franciscus Salesius (6) sic dicens: *Deo displicebat in veteri Lege, ut creditores quod sibi debebatur, diebus festis exigarent, sed nunquam prohibuit quominus debitores debitum suum redderent. Indecens est debiti matrimonialis solutionem die Communionis adurgere; sed inconveniens non est, imo meritum est reddere. Hinc est quod*

(5) l. 6. n. 273.

(6) introduct. ad vitam devot. p. 2 c. 20

ut reddat hoc debitum, non debet quis Communionem privari, si eam exposcit. Certum est quod in primitiva Ecclesia fideles quolibet die communicabant, licet essent matrimonio ligati, et benedictione filiorum generationis donati essent. Idemque videtur clare docuisse adhuc d. Augustinus (super psalm. 149. n. 14. in fine.) dicendo: Si non exigis, redde; pro satisfactione perfecta Deus tibi computabit, si reddis quod debetur uxori. Et revera si redditio debiti coniugalitatis est actus virtutis, cur a Communionem impedit (1)? Hinc si confessarius rogatur ab uxore, quid agere debeat, si in die Communionis vir debitum ab ipsa petat? Sapienter docent Suarez Laym. et Sanchez, respondendum quod si mulier frequenter Communionem suscipit, reddat et communicet; si autem raro, ipsa virum precetur ut pro illa die abstineat; at si rogatio non proficit, adhuc communicet, nisi ea redditione magnam patiatur perturbationem, et ipsa non conetur repellere (2). Debitum autem reddere in die Communionis post ipsius acceptionem excusatur ab omni culpa. Petere vero post Communionem, alii dicunt esse veniale, et quidem probabiliter, nisi iusta subsit causa, sed communis Sanch. Nav. Vict. et Tam. sentiunt id esse tantum consilii (3).

58. Ad corporis dispositionem etiam spectat ad Communionem non accedere cum aliqua externa immunditia notabili, et quae facile auferri potest, quia si est occulta, aut perpetua et involuntaria, ut esset lepra, aut scabies, haec non impedit, ut dicunt dd. communiter. Notandum tamen quod sacerdos lepra foedatus, aut alio morbo laborans qui horrorem affert, prohibitus est celebrare, ut dicitur in c. Tua nos. de Cler. aegrot., pro scandalo, et abominatione populi ut loquitur textus, quare hic secreto bene potest celebrare (4). An mulieres tempore menstrui valeant com-

municare? Ait Suar. has sub veniali teneri ad differendam Communionem si commode possunt; sed communiter, et probabiliter hoc tantum esse consilii putant Palud. Alens. Castr. Salm. et Laym. ex s. Gregorio (apud Laym.), qui de huiusmodi mulierum loquens sic dicit: Si ex veneratione magna percipere non praesumit, laudanda est; sed si percipiat non iudicanda. Mulieribus quae immodeste, ad Communionem accedunt, v. g. denudato pectore, bene dicit p. Concina quod Communio deneganda est. Insuper convenit ut qui communicat, arma deponat (5). Item notandum quod sacerdos qui more laicorum communicat, aut ex infirmitate aut ex alia causa, debet habere ad collum stolam; et hoc praeceptum fuit a Concilio bracaraensi sub poena excommunicationis, ut in can. Ecclesiastica 9. dist. 23: sed dicitur Azor. Turr. et Tamb. tale decretum abissi in desuetudinem. Nihilominus communis, et rectius Suar. Gavant. Bonac. et Barb. non eum damnant de peccato mortali, sed de veniali; tanto magis quod talis ritus expresse praescribitur a Rubrica: Sacerdotes vero cum stola communicent (6).

CAPUT IV. DE SACRIFICIO MISSAE.

Videnda quae dicuntur in examine ordinandorum in appen. 3.

59. Licitum est recipere stipendium etiam divitibus.
60. Qui pro una Missa recipit duplex stipendium.
61. Quodnam iudicatur iustum stipendium.
62. Potest exigi maius taxa, sed potest prohiberi minus; an qui accepit minus, possit diminuire Missas.
63. Qui omittit celebrare Missam, quam promisit pro parvo stipendio.
64. Qui paciscitur de stipendio.
65. Qui retinet sibi partem; aut celebrat per alium, collato ei minori stipendio; et cui restituenda est pars retenta.
66. Si elemosyna pinguis data est intuitu personae.

(5) ib. v. an vero. (6) n. 276.

(1) lib. 6. n. 274. (2) ib. v. quid autem.

(3) n. 274. v. die autem. (4) n. 275.

67. *De capellanis.*
 68. *De administratoribus ecclesiarum.*
 69. *Si celebrans partem retentam remittit; et si executor testamenti etc.*
 70. *Qui colligit eleemosynas, etc.*
 71. *Qui permutat Missas.*
 72. *Pro quo debeant applicare Missas curati.*
 73. *Pro quo alii beneficiati, et capellani Monialium, etc.; et an aliquando possint applicare pro aliis, aut abstinere. Si infirmantur etc. De Missa conventuali.*
 74. *An Missae praescribantur.*
 75. *An capellanus possit mutare ecclesiam, altare, etc. Si non celebrat in altari privilegiato. Si celebrat per alium.*
 76. *De reductione.*
 77. *Deficientibus redditibus, an possit Episcopus diminuere Missas.*
 78. *An possit hoc facere capellanus. De Missis gregorianis.*
 79. *An Religiosus possit applicare contra voluntatem Praelati.*
 80. *An sufficiat applicatio habitualis.*
 81. *De applicatione in confuso.*
 82. *De conditionata.*
 83. *Si in die Defunctorum, etc. De altari privilegiato.*
 84. *ad 86. Peccat graviter qui festinanter celebrat.*
 87. *De resolutionibus sacrae Congregationis Rituum.*
 88. *Catalogus Decretorum Sacrae Congregationis.*
 59. *De Eucharistia ut Sacrificio fusi-
 us in examine Ordinand. append.
 3. ex n. 95. et seq.; dumtaxat hic
 adnotabimus nonnulla magis pecu-
 liaria circa stipendium et circa Mis-
 sae applicationem. Et primo circa
 stipendium dicimus quod recipere sti-
 pendium pro celebranda Missa sit li-
 citum, nemo est qui dubitat, dum s.
 Thomas dicit (1): Sacerdos non ac-
 cipit pecuniam quasi pretium Conse-
 crationis, sed quasi stipendium suae
 sustentationis. Et quia etiam divites
 mercede digni sunt, cum aliquod opus
 ponunt pretio dignum, ideoque et-
 iam sacerdotes divites licite exigunt
 stipendium, ut communiter (contra
 Caiet. et Silv.) docent Sotus Gerson*
 (1) 2. 2. q. 100. a. 2. ad 2. (2) l. 6. n.
 316. et 317. (3) 3. p. q. 79. a. 5.

Suar. Tommassin. Lugo Tourn. Conc. et alii (2). Quod autem non sit simonia principaliter Missam celebrare ob stipendium, locuti fuimus Tr. 4. n. 45. et negavimus ratione ex s. Thoma superius allata, quia tale stipendium non recipitur ut merces rei spiritualis, sed ut sustentatio personae, quae operam suam corporalem in Missae celebratione impendit.

60. Adnotandae 1. duae propositiones ab Alexandro 7. proscriptae, prima n. 8. dicebat: *Duplicatum stipendium potest sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem; idque post Decretum Urbani VIII.* Et ratio est huius proscriptionis, quia applicatio fructus specialissimi est nimis incerta; nam licet multi dd. id admittant, multi tamen negant, ut Laym. Lugo Suar. Vasq. Tamb., etc. Secunda propositio quae est 10. dicebat: *Non est contra iustitiam pro pluribus Sacrificiis stipendium accipere, et Sacrificium unum offerre; neque etiam est contra fidelitatem, etiamsi promittam, promissione etiam iuramento firmata, danti stipendium, quod pro nullo alio offeram.* Et ratio huius proscriptionis est quia licet probabilis sit sententia Gonet Habert Petroc. Pignatel. Tourn. Cani Salm. etc. et pro ipsis est etiam s. Thomas (3), quod Missa sit valoris infiniti tam intensive quam extensive, quia Sacrificium altaris est idem ac illud Crucis, qui fuit valoris infiniti; et in tantum effectus est finitus, quia finita est hominis capacitas pro quo offertur, unde quisque pro sua capacitate percipit fructum; hoc non obstante, etiam probabilis est sententia opposita s. Bon. Scoti Palud. Ronc. Soti etc., qui dicunt Sacrificium esse valoris finiti tam intensive, quam extensive, ita ut cum applicatur pluribus, minus prodest unicuique, quam cum applicatur pro uno solo (4).

(4) lib. 6. n. 312. v. hic autem.

61. Notandum 2. quod taxa iusti stipendii Missae non debet computari quantum est victus diei, ut dicunt Cai. et Sot., dum sacerdos in celebranda Missa non insumit nisi minimam diei partem; sed est illa quae determinatur aut a Synodo dioecessana, aut a consuetudine, aut ab Episcopo loci, ut dicunt communiter Suar. Busemb. Conc. Tamburin. etc., et sic declaravit sacra Congregatio (1). Et huic taxae tenentur stare etiam Regulares, ut etiam dicunt communiter Vasq. Molin. Conc. et Viva cum alia declaratione S. C. (2). Quapropter recte dicit Roncag. quod si testator reliquit Missas celebrandas non taxata eleemosyna, celebrandae sunt ad taxam communem, aut taxandae sunt iuxta loci consuetudinem, prout etiam declaravit S. C., habita ratione haereditatis pinguis aut tenuis (3).

62. Notandum 3. quod quamvis sacerdotes non possint exigere stipendium maius taxa, nihilominus non prohibet consuetudo, nec prohibere potest Episcopus quominus recipiatur maius solito, si spontanee eis offertur, ut recte dicunt Less. Lugo Suar. Bonac. cum Decreto S. C. (4). Contra bene potest Episcopus prohibere ne acceptetur stipendium minus iusto pretio, saltem infimo, quod nostris regionibus est valor Caroleni sive Iulii, ut declaravit S. C. Conc. et docent Suar. Bonac. Ronc. et Lambertini *Notif.* 56. n. 11., contra Sot. et Navar., qui pro se citant s. Thomam (5). Et in casu quo Episcopus prohibet, tenentur subditi obedire, esto Soti opinio esset probabilis; nam in dubio an Superior excedat nec ne suam potestatem, tenentur subditi obedire (6); vide dicta *Tract.* 15. n. 17. *ad notand.* 5. In casu tamen quo sacerdos acceptasset illud tenue stipendium inferius iusto (quicquid dicant nonnulli auctores), non potest

(1) lib. 6. n. 319. (2) n. 320. (3) ib. dubit. 5. (4) ib. dubit. 2. (5) 2. 2. q. 100. a. 3. (6) l. 6. n. 320. dubit. 3.

ipse diminueret numerum Missarum, nec applicare unam Missam pro duobus, qui medietatem stipendii pro qualibet Missa obtulissent. ut decrevit Innoc. XII. in sua Bulla *Nuper* confirmante Decretum S. C. editum iussu Urbani VIII. (vide n. 88. *Decret.* 2. in calce huius Tractatus). Hoc tamen intelligitur, cum sacerdos acceptat celebrare certum numerum Missarum pro tali stipendio; secus autem cum non advertit eleemosynae tenuitatem, ut animadvertunt Laym. Barbosa Ronc. Tourn. etc. Sacerdos autem qui promittit haeredi statim se celebraturum Missam pro testatore, habita ei fide de stipendio, tenetur celebrare ante solutionem; Salm. Tap. Villalob. etc. (7).

63. Sed restat dubium an qui promittit unam Missam pro tenui stipendio, peccet graviter si eam omitat? Negant Castrop. Sporer Salm., etc., habita ratione stipendii quod non est materia gravis; sed probabilius affirmant Croix Holzm. Ronc. etc., quia in hoc non tantum attenditur stipendii valor, quantum damni gravitas quod proximo infertur, eum privando iniuste (propter pactum conventum) fructu Sacrificii. Secus autem dicunt alii aa. cum Suar. Sanch., etc., si Sacrum fuerit gratis promissum, ex sententia probabilis, ut diximus *Tr.* 10. num. 127. quod simplices promissiones non inducunt gravem obligationem (8).

64. Notandum 4. bene licere sacerdoti pacisci de stipendio Missae, cum illud est iuxta taxam, aut consuetudinem; ita communiter Less. Laym. Castrop. Sot. Ronc. Salm. contra p. Concinam; quia licet stipendium non debeatur ex iustitia, ut pretium Sacrificii, debetur tamen ex iustitia ut sacerdotis sustentatio, ideoque bene potest deduci in pactum. Nec obstat *c. fin. de pactis*, ubi videntur prohiberi omnes pactiones circa spiritualia, quia hoc intelligitur

(7) n. 320. v. casu autem.

(8) n. 317. quaer. 3. et 4.

(ut bene respondet Ronc.) de solis pactis illicitis, cum dicatur ibi: *Nam pactum turpe, vel rei turpis nullam obligationem inducit*. Et revera haec pacta reprobantur a Tridentino (*Sess. 22. Decr. de observ. in celebr. Miss.*) circa eleemosynas Missarum, dum ibi praecipitur Episcopis ut prohibeant *importunas atque illiberales eleemosynarum exactiones*: dicitur *illiberales*, nempe illae quae sponte non sunt oblatae, sed importune extortae (1).

65. Notandum 5. quod si quis recipit eleemosynam pro Missa, non potest eam dare aliis celebrandam, retenta sibi stipendii parte. Hoc posito cum Decreto S. C. Concilii approbato ab Urbano VIII. et confirmato ab Innoc. XII. (vide num. 88. *Decr.* 3.); deinde damnata fuit ab Alexand. VII. haec prop. 9. quae dicebat: *Post Decretum Urbani potest sacerdos, cui Missae celebrandae traduntur, per alium satisfacere, collato illi minori stipendio, alia parte stipendii sibi retenta*. Et hoc dicebant hi auctores falso supponentes Decretum Urbani non fuisse acceptatum. Novissime autem Benedictus XIV. 30. Iunii 1741. in sua Bulla *Quanta cura*, imposuit suspensionem ipso facto reservatam Pontifici in clericos, et excommunicationem papalem in laicos qui hoc agerent. Dicebant autem nonnulli dd. quod sacerdos qui hoc facit, licet peccet, non tenetur ad restitutionem partis retentae; ita Suarez Navarr. Vasq. Bonac. etc.; et Viva dicit eam opinionem non carere probabilitate, dum qui recipit stipendium, iam acquisivit dominium, et contra iam satisfecit celebrationi per alium; sed haec opinio post praefatam propositionem damnatam, videtur non posse sustineri, ideoque post praefatam damnationem communiter dicunt Vidal Co-reglia Croix Sporer Holzm. Concina. Tourn. et Mazzotta quod sacerdos tenetur ad restitutionem; quia licet

acquirit eleemosynae dominium, atamen illud acquirit iuxta voluntatem eorum, qui dant eleemosynam; et qui eleemosynam praebet non solum petit Missam, sed etiam vult ut illa tali eleemosyna celebretur, nam maius stipendium facit ut ipse uberiorem fructum ex Sacrificio percipiat; itaque haec intentio intrat in contractus substantiam, ideo si sacerdos partem stipendii retinet, iniuste contra dantis voluntatem retinet (2). Praeterea advertendum quod dicunt Croix Pasqual. Conc. et Viva, quodsi quis dat eleemosynam pingucm sacerdoti, quia eum singulari pietate virum habet, sacerdos non potest alii Missam celebrandam dare, qui simili pietate non habetur, licet integrum stipendium ei praebat. Dicunt tamen Croix et Concina quod hoc non est damnandum sub gravi, nisi cum iudicaretur hoc graviter laetum iri ab offerente (3). Cuinam autem facienda sit restitutio partis stipendii retentae; Croix Pasqual. putant posse fieri tam ipsi offerenti, quam celebranti. Sed probabilius dicunt Sporer Holzm. et Tourn. quod fieri debet ipsi celebranti, quia cum transfertur ad ipsum onus celebrandi, transfertur etiam ius ad integrum stipendium iuxta voluntatem offerentis (4).

66. Igitur cum recipitur eleemosyna pro Missa, debet illa integre exhiberi celebranti; sed excipitur primo si illud stipendium maius daretur alicui, non solum ratione Sacrificii, sed etiam intuitu personae, conjunctionis, gratitudinis, aut paupertatis, et huiusmodi. Et non est necesse ut offerens eleemosynam hoc exprimat, sed sufficit ut ex circumstantiis hoc moraliter constet, ut communiter dicunt Passer. Mendo Ronc. Dicast. Viva et alii (5).

67. Excipiuntur 2. capellani beneficiati, qui possunt aliis celebrationem Missarum beneficii committere, tradito eis consueto stipendio; v. cui autem. (5) n. 321. v. ab hac.

(1) l. 6. n. 320. dubit. 4. (2) n. 322. (3) n. 321. v. hic autem. (4) n. 322.

ita communiter dd., et patet ex approbatione eiusdem Innoc. XII. in cit. Bull. *Nuper ibid. v. Excipitur* 3. Et hoc idem licet capellano amovibili; ut dicunt Lugo Ronc. Holzman etc.; et ita declaravit S. C. Conc. (vide n. 88. *Decret. 4.*). Idem dicunt Viva Croix Gob., etc. de sacerdote cui commissa est celebratio Missae perpetuae. Idem quoque dicunt Ronc. Passer. Tamb. Ric. et alii de sacerdote qui celebrare debet pro aliquo pingui legato, quod ei relictum est cum onere celebrandi Missas pro tota vita eius. Ratio est quia omnia Decreta huic adversantia loquuntur tantum de Missis manualibus (1).

68. Advertendum tamen quod praefata exceptio valet pro capellanis, non autem pro administratoribus ecclesiarum, nam isti nihil sibi possunt retinere ex stipendio Missarum, et nec pro expensis in Missarum celebratione faciendis, nisi alios ecclesiae non haberent redditus (2). Vide Decretum S. C. confirmatum ab Innoc. XII. n. 88. *Decret. 5.* Ethic obiter advertendum quod idem Innoc. XII. in praefata Bulla *Nuper*, ann. 1697. praecepit omnibus ecclesiarum administratoribus, ut expositam haberent tabellam Missarum tam perpetuarum, quam ad tempus (3).

69. Nonnulli dd. excipiunt etiam casum, in quo sacerdos, cui committitur celebratio, sponte omnino remitteret stipendii partem; ita Tourn. Ronc. Viva etc. Sed haec opinio non est amplius sustinenda post praefatam Bullam Benedicti XIV. ubi §. 3. idem declaravit: *Non posse* (sunt verba Pontificis) *alteri sacerdoti Missam huiusmodi celebraturo stipendium, seu eleemosynam minoris pretii erogari, etsi eidem sacerdoti Missam celebranti, et consentienti se maioris pretii stipendium, seu eleemosynam accepisse indicasset* (4). Et ita nec est probabilis opinio Tamb., qui dicit quod executor testamenti, si Missas relictas a testatore celebrandas

curaret alibi, ubi taxa est minor, posset sibi retinere superfluum, quia tunc excessus ille est fructus suae industriae. Sed hoc communiter reprobat a Viva Diana Ren. Ronc. Conc., quia executor nullum habet titulum quo superfluum sibi possit retinere, dum ille nunquam acquisivit dominium stipendii (5).

70. Quaeritur 1. an sacerdos colligens eleemosynas pro Missis, possit aliquid retinere ob laborem suum? Negat p. Concina, ex eo quia Benedictus damnavit eum *qui eleemosynas, seu stipendia maioris pretii . . . colligens, Missas, retenta sibi parte . . . celebrari fecerit*. Nihilominus non improbabiler affirmat p. Viva, semper ac merces illa correspondeat labori, et Missae non sint traditae ut celebrentur ab ipsomet, dum haec merces est iusta, et iuxta offerentium voluntatem. Nec obstat id quod dicitur in eadem Bulla, quia hoc intelligitur prohibitum, cum quis consulto ad eleemosynas colligendas circumferretur, ut sic turpem faceret quaestum ex Missarum maioris pretii collectione, ut celebrari faceret minori pretio; secus vero cum designatus ad id fuisset ratione officii (6).

71. Quaeritur 2. an sacerdos qui hodie accipit pinguem eleemosynam ut celebret, possit efficere ut alius celebret pro seipso, promittens die crastino se celebraturum pro illo, qui die crastino celebraturus esset pro eleemosyna ordinaria; at die crastino ille pro Missa quam istius nomine celebrare deberet, offerret stipendium ordinarium ipsi ut celebret ipsemet? Affirmant Croix, et Mazzotta, quia hic, ut dicunt, non retinet partem pretii, sed permutat Missas, et dies. Sed ego in hoc adhaereo p. Concinae qui id non admittit, dum videtur talis permutatio involvere turpem quaestum; nihilominus recte non adhaeret, prout nec ego adhaereo ei, qui hoc de gravi damnetur, praesertim si paupertas excusat (7).

(1) l. 6. n. 321. v. idem. (2) n. 322. dubit. 5. (3) vid. instr. conf. nov. part. 2. n. 406. (4) l. 6. n. 321. v. excipiunt 2.

(5) n. 322 dubit. 2. (6) ib. dubit. 3.

(7) ib. dubit. 4.

72. Notandum 6. loquendo de beneficiatis, pro quo teneantur applicare Missas. Circa parochos olim diversae circumferebantur sententiae; sed hodie per Bullam Benedicti XIV. *Cum semper*, 19. augusti 1744. statutum est parochum teneri applicare Missam pro populo in omnibus dominicis, et festis diebus (comprehenduntur etiam dies festi, in quibus Papa dispensavit opera servilia), et licet congruam non haberent sustentationem. Declaravit contra quod si parochia redditus uberes haberet, non teneret, (ut alii volebant) applicare saepius Missam (1); vido dicta tr. 7. n. 29.

73. Loquendo de aliis beneficiatis non curatis, isti, quoties in beneficii fundatione non exprimitur, quod ipsi teneantur applicare pro fundatore, tenentur pro eo celebrare, ut declaravit S. C. Conc. (2). Et idem dicitur de capellanis confraternitatum, et Monialium qui celebrant ad hoc ut confratres, aut Moniales Sacro intersint: isti etiam pro illis tenentur celebrare; vido n. 88. *Decret.* 7. Nihilominus Lezana, Homob. Filib. Diana, Stephan. Salm. et alii communisimo concedunt capellano posse quater, aut septies in anno celebrare pro anima sua, aut alicuius sibi stricte coniuncti, aut amici carissimi, aut benefactoris; quia in hoc praesumitur consensus fundatoris; modo nullum accipiat stipendium, ut bene advertunt Bonac. Gobat. Holzm. Pasqual. Elbel, Diana, Salmantic. et alii communiter; quia hoc esset contra mentem fundatoris. Praeterea dicunt Suar. Azor. Bonac. Silvest. Salm. Busemb., etc. posse capellanum reverentiae causa abstinere a celebrando semel in hebdomada, ut deducitur ex cap. *Significatum, de praebendis*, ubi dicitur quod capellani tenentur quotidie celebrare, *salva honestate, et debita devotione*. Hoc tamen dicunt Lugo, et Salm. cum aliis communi-

(1) l. 6. n. 324. v. quaer. 2. et 325.

(2) n. 324. v. quaer. 1. (3) n. 332.

ter, non intelligi, cum obligatio dirigitur ad celebrationem in aliqua ecclesia, v. g. si fundator dicat: *Volo ut in tali ecclesia quotidie celebretur Missa*; sed intelligi tantum cum obligatio dirigitur ad ipsum sacerdotem; et intelligi etiam, ut dicunt Gobat. Tambur. et Ronc. cum non constat de contraria fundatoris mente; quia si in fundatione exprimeretur ut quotidie celebretur Missa a capellano, aut ab aliis, tunc recte dicit Ronc. quod nullo die potest omitteri Missa, et affert declarationem sac. Congregat. (3). Si vero capellanus infirmaretur, cum infirmitas est brevis, communiter dicunt Lugo. Lezana. Riccius, Diana, Busemb. et Salm. quod non tenetur celebrare per alium; modo fundator non expresserit ut nunquam alicubi Missa deesset, ut supra dictum est. Quatenus autem infirmitas dicatur brevis; alii nimis rigore dixerunt esse illam quae per decem dies non durat. Alii communius extendunt ad 15. ut Bonac. Anacl. Diana, et Elbel; pro hoc etiam adest Declar. S. C. Conc. apud Pitton. Alii extendunt ad mensem, ut Laym. Hurtado, et Salm.; et in hoc etiam convenit Concil. 7. Mediolanense (*Tit. de Miss.*), ubi dictum fuit: *Si capellanus saltem per annum celebravit in aliquo loco, si etiam per mensem aegrotet, adhuc integram eleemosynam iudicio Episcopi accipere potest*. Et denique Lugo, Nav. Filliuc. Dicast. Nald. Leand. extendunt usque ad duos menses, et adhaeret p. Concina, et probabilem vocant Castrop. Dicast. et Busemb. (4). Notandum hic obiter Missam conventualem, quae quotidie celebratur a clero, debere applicari pro benefactoribus in genere uniuscuiusque ecclesiae, ut praecepit Benedictus XIV. (5).

74. Dicunt autem Laym. Navar. Tambur. Pasqual. et Gobat. qui affert Decisionem Rotae rom., posse praescribi tam circa numerum Mis-

(4) n. 333.

(5) n. 326.

sarum, quam circa circumstantias appositae in fundatione, et dicunt sufficere spatium 20. aut 30. aut ad summum 40. annorum. Sed iuxta verioris sententiam talis praescriptio non admittitur, dum in Tridentino *sess. 25. c. 5. de Reform.* interdicitur posse derogari omnibus oneribus iniunctis, tam in fundatione, quam in quacumque alia pia dispositione, sive collatione beneficiorum; et Pius IV. in Bulla qua confirmavit Concilium, declaravit irritum quicquid in posterum contra illud factum fuerit, et ut dicit Croix cum aliis communissime, clausulam Decreti irritantem ligare etiam ignorantes, et in causis beneficialibus inficere titulum, et possessionem. Saltem dicimus in praxi primam sententiam cum difficultate posse esse probabilem, dum difficulter in beneficiatis potest praesumi bona fides, cum praesumatur potius quod ipsi sciant leges beneficii (1).

75. Peccat igitur capellanus, qui non celebrat omnes Missas praescriptas a fundatore, aut si non celebrat in ecclesia, aut altari, aut hora destinata, ut communiter Lugo, Azor. Navarr. Tourn. Salmant., etc.; et peccat lethaliter (ut dicunt) si in hoc saepe, et sine causa, aut sine dispensatione, delinquit. Dictum est primo saepe, quia non peccabit graviter, si hoc raro fiet, v. g. semel, aut bis in mense, et tanto minus si permutabit tantum altare. Dictum est 2. sine causa, quia potest adesse causa quae omnino excuset, ut si ecclesia restauretur, aut si altare sit execratum. Dictum est 3. sine dispensatione, quia Episcopus bene potest dispensare, ut alibi celebretur causa studii, infirmitatis, negotii, aut magnae molestiae ipsam ecclesiam adeundi, aut causa utilitatis ipsius ecclesiae, aut similirationabili causa, ut dicunt communiter Castrop. Conc. Barbos. Ronc. Passer. Henriq. Busemb. Croix, Salm.

(1) lib. 6. n. 329. (2) ibid.

(3) Ferr. bibl. t. 2. v. Capellania, n. 14.

Tamb. Mazzotta, etc. Ratio est quae tali dispensatione omittitur fundatoris voluntas tantum in accidentalibus, et compensatur cum maiori bono, cuius causa dispensatio intercedit; tanto magis quod Tridentinum *sess. 25. c. 4.* concedit Episcopis in certis casibus particularibus ultimas voluntates commutare posse: vide *infra tract. 20. n. 60.* Nihilominus recte advertunt Croix et Pasqual. non posset Episcopum dispensare, si testator in designanda ecclesia, et hora, rationem specialem habuisset ad populi commoditatem (2). Caeterum animadvertendum plura adesse Decreta S. C. Conc. apud Ferrar. (3), ubi dicitur semper pro huiusmodi dispensatione recurrendum Sedi apostolicae. Si autem sacerdos celebraturus esset in altari privilegiato, et alibi celebraret, dicit Roncagl. teneri ad restitutionem, si eleemosyna esset pinguis, non autem si esset ordinaria; et nec si alibi lucraretur indulgentiam plenariam applicabilem pro defunctis, ut dicunt ipse Roncaglia, Anacl. Sporer, Elbel, etc. Advertunt hic tamen Azor. Bonac. Navar. Diana, Salmant., etc. quod non satisfacit qui in alio altari non privilegiato celebrat, applicando indulgentias calculorum, aut imaginum benedictarum, quia hae indulgentiae non sunt tam certae, quam sunt illae altarium (4). Peccat etiam capellanus, si per seipsam non celebrat, cum ita in fundatione est expressum: alias semper potest per alium celebrare, ut recto dicunt Salm. Dicast. Diana cum Campanile, et de hoc adest decisio Rotae, et declarationes S. C. (5).

76. Notandum 7. quod reductio sive moderatio, aut commutatio onerum Missarum in fundatione impositarum, hodie est interdicta Episcopis, ex decreto S. C. Concil. iussu Urbani VIII. edito, et confirmato ab Innoc. XII. vide n. 88. *Decr. 8.* Et facultas data a Tridentino *sess. 25. c. 4. de re-*

(4) lib. 6. n. 329. v. notand. 2.

(5) num. 330.

form. ut explicatur in praefato Decreto (quicquid dicant Salmanticenses.) fuit tantum concessa ad moderandas Missas in fundatione impositas ante Concilium; itaque hodie reductio reservata est uni Sedi apostolicae, quae eam admittere solet ex iustis causis, v. g. ob sacerdotum penuriam, ob stipendii tenuitatem, ob reddituum diminutionem, ob Ecclesiae, aut Monasterii fabricam, aut ob alias necessitates (1).

77. Sed hic quaeritur 1. an possit Episcopus diminueri numerum Missarum, cum ob reddituum tenuitatem non reperitur qui eas celebrandas assumat. Affirmant Pasqual. Tambur. La-Croix; sed negat p. Concina ex pluribus Decretis S. C. quibus vetatur Episcopis tam reducere, quam moderare onera Missarum. Hoc non obstante dicit Fagn. cum Felin. hoc debere intelligi cum in fundationis limine iam poterat praefatis oneribus satisfieri ex redditibus tunc constitutis; sed in casu quo in principio sufficiebant, sed deinceps reditus sunt ita diminuti ut omnino non sufficiant, tunc dicit videri non esse Episcopis ablatam talem potestatem moderandi, aut permutandi numerum Missarum, concessam ipsis de iure communi in *c. Nos quidem, de Testam.* (2), et idem dicit Pasqual. de oneribus officiorum, precum, aut eleemosynarum anniversariis annexarum, dicens quod prohibitio loquitur de reductione tantum Missarum (3).

78. Quaeritur 2. an deficientibus redditibus, possit ex se ipso capellanus diminueri numerum Missarum, cum reditus in totum et sine sua culpa deficient? Certum est quod capellanus non tenetur celebrare, iuxta sententiam communem, et plura decreta S. C. (4). Si autem reditus deficient in parte, Escobar etiam pro certo habet posse capellandum diminueri numerum Missarum, cum testator determinavit eleemosynam, v.

g. binos iulios in Missam, quia tunc sicut augeri deberet numerus missarum, augescentibus redditibus, ita debet diminui, iis deficientibus. Maius dubium est an capellanus posset diminueri numerum, cum testator Missarum designavit numerum, et postea reditus diminuti sunt usque ad deficientiam etiam stipendii ordinarii? Negant Tamb. Diana, Castrop. Mazzot. etc., tam ex Decreto Urbani superius relato, quam ex alio Decreto apud Croix, ubi dicitur quod etiam in tali casu recurrendum est ad Sedem apostolicam, licet *legatum sit ita tenue* (sunt verba Decreti) *ut non sit qui velit onus illi iniunctum subire*. Sed hoc non obstante, dicunt Busemb. Franc. de Lugo, Escob. Bordon. Pasqual. et alii apud Ronc. qui id probabile putat, hoc esse iuxta testatoris mentem, qui non praesumitur voluisse obligare capellandum ad celebrandum pro stipendio minori iusto. Sed ad vitandum omne allucinationis periculum, advertit Roncagl. generaliter loquendo, ut recurratur ad Episcopi iudicium (quod necessario requirunt in hoc casu Croix et Tournel.), aut saltem ad alium virum sapientem. Respondent autem Ronc. et Pasqual. ad Decreta opposita, quod haec non esset reductio, et moderatio stabilis reservata Sedi apostolicae, sed tantum cessatio obligationis iuxta reddituum deficientiam; nam Decreta loquuntur iuxta mentem Tridentini sess. 25. *c. 4. de reform.* ubi non loquitur de redditibus diminutis, sed de solis eleemosynis in principio pro Missis celebrandis designatis, quas pro stipendii tenuitate non reperiuntur facile qui celebrent. Quicquid sit de hac opinione, recte advertit Tamb. quod si capellanus de praeterito accepisset stipendium ordinario maius, tenetur in futurum compensare, eundem numerum Missarum celebrando; qui enim antea stetit commodo, deinde stare debet incommodo. Advertatur hic de-

(1) l. 6. n. 33r. (2) ib. dubit. 1.

(3) n. 33r. dubit. 3.

(4) n. 324. v. hic autem.

rique prohibitas esse Missas 50. Gregorianas a S. C. multis inconvenienciis referatas, utpote quia celebrandae erant de defunctis successive etiam in festis duplicibus; prohibita vero non sunt, si illae 30. Missae celebrarentur ut fert ritus dierum (1).

79. Loquamur secundo loco de Missae applicatione. Applicare Sacrificii fructum solius est sacerdotis; unde si Religiosus applicat Missam contra Superioris voluntatem, illicite quidem, sed valide applicat, ut recte docent Suar. Vasq. Laym. Lugo (qui asserit oppositum esse communiter reprobatur), Tournel. Anacl. Salm., etc. adversus Scotum et Gavantum; quia subditus quoad Ordinis potestatem, qua tunc utitur, non subiacet Praelato (2).

80. Applicatio autem facienda est ante celebrationem, aut saltem ante consecrationem. Sed quaeritur 1. an sufficiat applicatio habitualis, nempe aliquando facta, et non amplius retractata? Negant Vasq. Abelly, et Isamb. qui dicunt quod sicut requiritur intentio actualis aut saltem virtualis pro Sacramenti confectione, ita requiritur pro Sacrificii fructus applicatione. Sed communis et vera sententia cum Suar. Bonac. Lugo, Tournely, Mazzot. Sporer, Busemb., etc. (et idem dicit p. Concina in substantia) docet sufficere applicationem habituales, cum Sacrificii applicatio aliam non induat rationem quam verbalis donationis, quae semel facta prosequitur esse valida, usquedum non revocatur. Respondetur autem ad rationem oppositam quod in tantum ad Sacramentorum confectionem requiritur actualis aut virtualis intentio, in quantum ministri intentio ponit Sacramentum, sed in applicatione Sacrificii non est quod intentio celebrantis constituat fructum, dum sine illius intentione Sacrificium de se fructum producit: ideoque sufficit applicatio aliquando facta, qua alicui

fructus donatus sit (3).

81. Quaeritur 2. an cum sacerdos a decem recipit stipendium pro decem Missis, satisfaciatur applicando in confuso pro iis primas decem Missas quas celebravit? Absolute affirmant Silvest. et Conc.; sed melius distinguunt Bonac. Ronc. Aversa. Tambur. Henno et alii, et dicunt ita: Si singulae Missae indeterminate applicantur pro singulis personis, non videtur satisfieri; quia ad satisfaciendum requiritur intentio applicandi fructum personae determinatae, ut prosit illi fructus. Secus autem, si sacerdos applicat quamlibet Missam pro omnibus illis 10, applicando singulis eorum decimam cuiuslibet Sacrificii partem, cum certum sit Sacrificii fructum esse divisibilem; unde tali applicatione iam redditur cuilibet id quod debetur; dum quisque percipiendi in qualibet Missa decimam partem, iam in 10. Missis percipit totum fructum, qui ei debetur (4).

82. Quaeritur 3. an valeat applicatio conditionata? Respondetur: Si conditio est de praeterito, est valida; secus si de futuro, quod non est notum nisi Deo. Dicunt tamen Castrop. et Lugo, quod si quis applicaret pro eo qui prius dabit eleemosynam, talis applicatio esset certe illicita ex prohibitione Clementis VIII. promulgata a Paulo V., sed esset tamen valida. Nihilominus probabilius tenet Croix quod esset etiam invalida, saltem quia saepe accidere posset quod Missa celebraretur pro causa non adhuc existente, v. g. si ille vellet ut Missa celebraretur ad hoc ut ab infirmitate aut calumnia liberaretur, tunc si Missa antecederet celebraretur, devotus non reciperet fructum optatum, dum causa non adhuc existeret, et contra Missae fructus suspensus relinqui non posset. Si tamen sacerdos praevideret quod deinceps requirendae essent Missae pro defuncto, bene potest anticipare celebrationem, ut recte di-

(1) Benedict. XIV. de Sacr. Miss. l. 3. c. 23. n. 2. (2) l. 6. n. 334.

(3) n. 335. quaer. 1.

(4) n. 335 quaer. 2.

tunt Vasq. Tourn. Avers., etc. (1).

83. Iuvat hic advertere nonnulla alia circa applicationem Missae. Notandum 1. quod in die defunctorum non adest obligatio applicandi Sacrificium pro defunctis in genere, ut declaravit S. C. Vide num. 88. *Decr.* 9. Et supposito quod sacerdos pro libitu potest applicare Missam, rationabiliter ait Tournely quod potest iuste eleemosynam accipere (2). Notandum 2. quod in altari privilegiato indulgentias non lucratur, qui non celebrat *de requiem* cum ritus permittit, licet in ecclesia aliqua solemnitas celebraretur. In diebus vero quibus vetitae sunt Missae *de requiem*, lucratur indulgentias dicendo Missam currentem, ut declaratum est pluribus Decretis S. C. (3). Notandum 3. quod tempus privilegii, cum est ad tempus, incipit currere non a die publicationis, sed a die concessionis (4). Notandum 4. quod cum in privilegio adest clausula solita apponi: *Modo in ecclesia celebrantur* 5. aut 7. *Missae*; si omittantur Missae illae, privilegium non suffragatur pro illis diebus, ut declaravit S. C. Conc. Decreto approbato ab Innoc. XI. Declaravit contra eadem S. C. quod tempore illo quo sacerdotes non celebrant praefinitas Missas, indulgentiae suspenduntur; si vero desunt ob infirmitatem, vel si Religiosi alibi debeant celebrare iussu Praelati, si raro id fiat, indulgentiae lucrantur per illas Missas quae celebrantur. (5).

84. Circa tempus, locum et altare, vasa, vestes et alia requisita ad Missam, vide dicenda de *Examin. Ordinand. app.* 3. ex n. 113. ad 125. Dumtaxat hic iuvat examinare paulo fusius punctum quod ibi vix innuitur, an peccet graviter sacerdos qui infra horae quadrantem Missam persolvit. Me non latet, super hac re sacerdotem d. Iosephum Iorio edi-

turum iamiam fore opusculum utilissimum, cui titulus: *La Messa Strappata*; dico utilissimum, dum revera horrendum visu et lacrymis quoque dignum est videre caeremoniarum conculcationem, qua multi sacerdotes (utinam, et saltem non esset maior eorum pars) Iesu Christi in altari sanctissimum Sacrificium iniuriosius tractant. In hoc opusculo forsitan (ut audivi) affirmabitur grave peccatum esse Missam persolvere quadrantis spatio; et hanc opinionem reprobandam non esse puto, si sermo est de Missis communibus quae habent *Gloria* et *Credo*, aut alias extraordinarias preces. Sed ut me in certo ponam puncto, dico sacerdotem minori spatio quadrantis Missam quamcumque, etiam defunctorum, aut bb. Virginis in sabbato, absolventem, difficulter, ne dicam impossibiliter, posse excusari a peccato gravi. Et sic probro: Rubricae quae respiciunt caeremonias servandas intra Missam, sunt omnes praeceptivae, ut probavimus in opere (6). Et hoc nescio quomodo negari potest, dum in Bulla s. Pii V. praecipitur celebranda Missa *iuxta ritum, modum et normam in Missali praescriptam*; et hoc iniungitur *districte et in virtute sanctae obedientiae*: quae verba proculdubio grave praeceptum important, quod peccatum mortale inducit, cum in materia gravi delinquitur, iuxta illud quod dictum est *tract.* 2. n. 15. Hoc posito, dicimus impossibile esse Missam terminare intra spatium quadrantis minus, quin graves irreverentiae committantur, et quin populo grave afferatur scandalum. Duobus igitur capitibus peccat sacerdos, qui ita festinanter celebrat, primo ob irreverentiam erga tantum Sacrificium, secundo ob scandalum quod affert populo.

85. Et loquendo prius de irreve-

(1) l. 6. n. 337. v. dicunt. (2) n. 338.

(3) n. 339. quaeres 1. (4) ib. in fine.

(5) ibid. quaeres 2.

(6) n. 400. v. hinc dicimus.

rentia, declarat Tridentinum sess. 22. *Decr. de observ. in celebr. Miss.* ubi inter alia haec habet: *Satis apparet omnem operam et diligentiam in eo ponendam esse, ut quanta maxima fieri potest... exteriori devotionis specie (Missae Sacrificium) peragatur.* Ex quibus verbis satis liquet praeceptum naturale divinum esse, ut Missa celebretur omni diligentia in observandis exterioribus caeremoniis quae devotionem et pietatem indicant. Item declarat maledictionem a Ieremia cap. 48. indictam in eos qui opus Dei, nempe functiones ad Dei cultum ordinatas, negligenter faciunt, praecipue intelligi prolatam esse in eos sacerdotes qui sine debita reverentia et gravitate celebrant; addendo etiam talem negligentiam tantam importare irreverentiam, ut evadat quaedam impietas, quae (irreverentia) *ab impietate via seiuncta esse potest.* Si igitur caeremoniae Missae ad hoc praescribuntur (ut certum est) ut celebretur tantum Sacrificium cum debita reverentia, quomodo excusari potest a culpa gravi qui celebrando intra spatium tam breve, non potest non delinquere notabiliter in hac reverentia, verba mutilando, benedictiones, genuflexiones perturbando, se movendo et vertendo indecenter, et verba cum caeremoniis complicando, aut anticipando, aut postponendo contra Rubricae praescriptum. Dixi *sine debita reverentia et gravitate*: sic dixi quamvis reperiretur aliquis ita lingua et motu expeditus ut posset tempore tam brevi Missam persolvere, quin delinquat in verbis et actionibus; saltem non est possibile ut in tanta brevitate possit celebrare quin delinquat in gravitatem convenientem, quae etiam intrinsece pertinet ad reverentiam debitam tam sacrosanctis mysteriis.

86. Loquendo autem de scandalo quod populo affertur, dicit idem Tri-

dentinum sess. 22. cap. 5. *de Sacrif. Missae*, quod ad id institutae sunt caeremoniae, ut his signis fideles Sacrificii maiestatem apprehendant, et mysteriorum sublimitatem quae in ipso continentur: *Ecclesia caeremonias adhibuit (dicit Concilium), ut maiestas tanti Sacrificii commendaretur, et mentes fidelium per haec visibilia religionis signa ad rerum altissimarum, quae in hoc Sacrificio latent, contemplationem excitarentur.* Sed si hae caeremoniae nimis festinanter peraguntur, uti necesse est eas ita fieri tempore tam brevi, tunc non tantum devotionem illae non ingerunt erga Missam, sed imo sunt causa ut populus sine veneratione assistat; itaque etiam hoc capite peccat graviter Sacerdos qui tanta festinatione celebrat, ratione scandali, quod non est leve, dum pro inducendo populum ad magnam erga Sacrificium venerationem habendam, potius eum movet ut illud respectui habeat, cum ostendit tanta irreverentia se illud tractare. Propterea Concilium Tironense 1583. praecipit, ut Sacerdotes bene calleant caeremoniis Missae, *ne populum (verba Conc.) sibi commissum a devotione potius revocent, quam ad sacrorum Mysteriorum venerationem invitent* (1).

87. Quaeritur hic denique an resolutiones S. C. rituum inducant obligationem? Respondet p. Merati (2) et distinguit: Cum praefatae resolutiones sunt vere Decreta rigorose sumpta, ut cum in ipsis exprimitur, *ab omnibus servetur, servari ab omnibus mandavit*, etc., tunc obligant et debent servari tanquam regulae proximae; dum Sixtus V. in Constitut. 74. dedit huic S. C. facultatem declarandi omnia dubia, quae insurgunt circa ritus. Cum autem sunt simplicia responsa ad particulares, tunc dicit ex opinione aliquorum iudicari declarationes tantum directivas,

(1) lib. 6. n. 400. v. hoc quoad.

(2) Ad Gav. par. 3. tit. 11. n. 1. ad 3.

non praeceptivas; et idem dicit Escobar apud La-Croix.

Catalogus aliquorum notabilium Decretorum circa celebrationem.

88. 1. *Eleemosynas manuales, et quotidianas ita demum sacerdotes accipere possint, si oneribus antea impositis ita satisfecerint, ut nova quoque onera suscipere valeant; alioquin omnino abstineant.* Decr. S. C. Conc. 21. Iun. 1625. ex auctoritate Urbani VIII. Deinde declaravit eadem S. C. quod praefatum Decretum non erat intelligendum absolute, sed quod sacerdotes possunt nova onera suscipere, dummodo infra modicum tempus possint omnibus satisfacere. Et postea explicando illud modicum tempus, die 17. declaravit: *Modicum tempus non reputandum spatium duorum vel trium mensium, sed intelligi infra mensem* (1). Vide circa temporis parvitatem quod dicunt dd. in Append. 5. n. 107. 2. *Pro pluribus Missis celebrandis stipendia quantumcumque exigua, sive ab uno, sive a pluribus personis collata fuerint, aut conferrentur in futurum sacerdotibus et clericis, S. C. sub obtestatione divini iudicii mandat, ut absolute tot Missae celebrentur, quot ad rationem attributae eleemosynae praescriptae fuerint* Decr. S. C. Conc. editum iussu Urbani VIII. et confirmatum ab Innoc. XII. in Bulla Nuper (2). 3. *Omne damnable lucrum ab Ecclesia removere volens, prohibet sacerdoti qui Missam suscipit celebrandam cum certa eleemosyna, ne eandem Missam alteri, parte eiusdem eleemosynae sibi retenta, celebrandam committat.* Decr. S. C. Concilii ab Urbano VIII. IV. In Decreto S. C. approbato ab Innoc. XII. in Bulla Nuper, pro beneficiatis dictum fuit: *Non habere locum* (Decretum Urbani), *sed satis esse ut rector beneficii, qui potest Missam per*

alium celebrare, tribuat sacerdoti celebranti eleemosynam congruam secundum morem civitatis, vel provinciae, nisi in fundatione beneficii aliter cautum fuerit (3). Cum autem requisitum fuerit a S. C. Conc. an esset licitum capellano amovibili dare Missas celebrandas pro ordinario stipendio, reliquo sibi retento, responsum fuit: *Id licere, modo pro capellania certi redditus sint annuatim constituti et perpetuo capellano assignati; secus vero, si huiusmodi capellano pro qualibet Missa celebranda certa detur eleemosyna.* Ita decisum fuit 15. Martii 1745. et decretum fuit a meipso observatum. 5. *Permittendum non esse ut loca pia, seu illorum administratores ex eleemosynis Missarum celebrandarum ullam minimam portionem retineant ratione expensarum in Missarum celebratione, nisi alios non habeant redditus; et tunc nullatenus debere excedere valorem expensarum quae pro ipsomet tantum Missae Sacrificio necessario sunt subeundae.* Decr. S. C. Conc. Confirmatum ab Innoc. XII. (4). 6. *Archipresbyterum non teneri ad ministranda utensilia iis qui celebrant in sua ecclesia ex obligatione beneficii sive capellaniae. Quoad Missas vero adventitias teneri ad dictam subministrationem, quatenus permittat eas in sua ecclesia celebrari, nec teneri ad has Missas adventitias admittendas, nisi solutis utensilibus per celebrantes.* Decr. S. C. Conc. die 6. Iulii 1726. (5) 7. *Quando in fundatione beneficii, seu capellae expresse cautum est non teneri celebrantem ad applicationem Sacrificii: eo casu poterit celebrans accipere novum stipendium, et unica Missa satisfacere obligationi beneficii seu capellae, et item danti novum stipendium.* Decr. S. C. Conc. sub die 13. Iul. 1630. (6). Cum autem a S. C. expostula-

(1) Lamber notif. 56. (2) vide apud Croix l. 6. p. 2. n. 64. (3) ib. n. 63.

(4) ib. n. 95. (5) Lambert. Not. 56. n. 13. (6) ib. n. 8.

tum fuisset 18. Martii 1668. an deberent applicari pro testatore Missae cum in testamento nihil de applicatione declaratum fuerit, respondit S. C. applicandas esse pro testatore (1). Et idem declaratum fuit 6. Februarii 1627. de capellanis, qui celebrant ut confratres aut Moniales intersint Sacro; cum dicatur non posse stipendium recipere. 8. *Districte prohibet ne Episcopi in Dioecesana Synodo, aut Generales in capitulis generalibus, vel alias quoquo modo reducant alia onera Missarum celebrandarum, aut post idem Concilium imposita, aut in limine foundationis, sed pro his omnibus reducendis, aut moderandis, vel commutandis ad apostolicam Sedem recurratur, etc. Alioquin reductiones, moderationes, et commutationes huiusmodi, si quas contra huius formam fieri contigerit, omnino nullas et inanes decernit.* 9. *In die Commemorationis omnium fidelium defunctorum Sacrificia possunt a sacerdotibus applicari ad libitum, scilicet vel pro omnibus fidelibus defunctis, vel pro aliquibus tantum* Decr. S. C. sub die 4. August. 1663. (2). 10. *In Missis defunctorum, quae in paramentis nigris celebrantur, non ministretur Eucharistia per modum Sacramenti, scilicet cum particulis praeconsecratis, extrahendo pyxidem e custodia; potest tamen ministrari per modum Sacrificii, prout est quando fidelibus praebetur Communio cum particulis intra eandem Missam consecratis.* Decr. S. C. Rit. in Aquisi sub die 2. Septembris 1741. Et antea adfuit hoc Decretum; *Missae defunctorum non possunt celebrari, nisi cum colore nigro, vel saltem violaceo.* 21. Jun. 1676. in Oritana. 11. *Non est licitum Missas celebrare in die sabbati sancti in quibuscumque ecclesiis, et oratoriis, non*

obstante quacumque contraria consuetudine, prout, Papa approbante, suo Decreto generali statuit eadem S. C. Decr. S. C. Rit. sub die 11. Mart. 1690. (3). Aliud simile Decr. reperitur ap. Pitton. (4) quod prohibet celebrare in feria V. Coenae Domini; et, quod magis refert, haec Decreta fuerunt expresse confirmata a Clemente XI. ut legitur apud Lambertini postea Bened. XIV. et Pitton. (5) Decreto edito ab eodem Pontifice die 15. Martii 1712. quo dictum fuit: *Dichiaro per ultim, che colla suddetta proibizione per lo Venerdì Santo, non intende la Santità Sua di permettere che ne' giorni di Giovedì e Sabato Santo si celebrino Messe private, ma solo la Conventuale, secondo il Rito della Santa Chiesa, e replicati Decreti della S. C. de' Riti.* Et hoc Decretum ut refert Merati, confirmatum fuit ab Innoc. XII. et ab eodem Clemente XI. (6). 12. *Habens indultum a Sede apostolica erigendi oratorium privatum in propria domo, si quis voluerit ibi aedificare altare ligneum, non indiget facultate apostolica, dummodo altare ligneum cum sacro lapide parietis colligatum amovibile non sit, et altaris portatilis imaginem non prae se ferat.* Decr. S. C. rit. sub die 3. Decemb. 1661. (7). Merati autem explicando illud verbum *colligatum* dicit large esse intelligendum, cum sufficiat altare si adhaereat parieti, adeo ut nullum mediet spatium, quia hoc sufficit ut verificetur quod altare portatile non videatur esse; saltem dicit usu sic fuisse interpretatum. 13. Leguntur haec alia sequentia Decreta S. C. Rit. apud La-Croix (8). *Missa conventualis canenda est quotidie in collegiatis, quarum clerus est numerosus, et redditus non tenues.* 14. *Missae ad satisfaciendum cle-*

(1) ib. n. 9. (2) Ap. Merat. in indice t. 1. n. 41. (3) ap. Monac. tit. 15. Form. 3. in fin. (4) Pitt. de rit. n. 1703.

(5) Pitt. l. cit. (6) Merat. in indice t. 1. n. 620. (7) ib. n. 393. (8) La-Croix l. 6. p. 2. t. 7. in Dec. S. C. n. 56.

mosynis alicui ecclesiae traditis non sunt celebrandae per externos, ubi commode potest iis satisfieri per sacerdotes eiusdem ecclesiae. 15. *Inferiores Episcopo non debent sumere de altari paramenta pro Missa* 7. Iulii 1712. Sed hoc intelligendum, ut advertit Gav., quod non ponantur paramenta in medio altaris more Episcoporum, nam si ponantur in angulo, hoc permittit Rubrica (p. 2. tit. 12. n. 3.) ubi dicit: *Si vero (sacerdos) dimisurus sit paramenta apud altare, in quo celebravit, finito Evangelio, ibidem illis se exiit.* Saltem, dicit La-Croix, id permissum est ubi commodum non adest alibi deponere vestes. 16. *Altare portatile ligneum cum ara lapidea permitti debet, non obstante Constitutione synodali, dummodo habeat solitum reliquiarum repositorium,* die 19. Ian. 1614. 17. *Solus Episcopus potest habere fenestras in ecclesia, per quas in eam prospectus haberi possit* 19. Ian. 1614. 18. *Non permittitur ad altare maius celebratio Missae, dum dicuntur in choro Matutinum, et Horae.* 15. Sept. 1664. 19. *Potest fieri Commemoratio de SS. Sacramento, si expositum sit, etiam in Missa de festo duplici, quod non sit 1. vel 2. classis.* 2. Decemb. 1688. 20. *Non potest prohiberi celebratio Missae in oratorio ruri aedificato per laicum, antequam celebretur Missa parochialis.* Decr. S. C. sub die 31. Mart. 1629. (1). 21. *De rigore iuris non posse prohiberi (scil. a parocho) ut Missae non celebrentur ante Missam a parocho non celebratam.* Decr. S. C. 27. Iun. 1641. (2). Sed in alio Decreto dictum fuit: *Saepe S. C. censuit Constitutiones synodales disponentes ut diebus festis Missae celebrari non debeant in aliis ecclesiis, nisi celebrata Missa in ecclesia parochiali, esse observan-*

das; ita tamen ut Missa in ecclesia parochiali hora opportuna celebretur. 25. Maii 1652. (3). 22. *S. C. censuit non licere Regularibus, etiam in eorum propriis ecclesiis SS. Eucharistiae Sacramentum publice adorandum exponere, nisi ex causa publica, quae probata sit ab Ordinario; ex causa autem privata posse, dummodo SS. Sacramentum e tabernaculo non extrahatur, et sit velatum, ita ut ipsa sacra Hostia videri non possit.* Sub die 17. Aug. 1630. (4). Idque confirmatum a Bened. XIV. alio Decreto, ubi fuit decusum: *Non licere exponi publice divinam Eucharistiam, nisi causa publica, et Episcopi facultas intervernerit* (5). Super hoc dico, quod si aliquis privatus optaret expositionem Venerabilis ad publicam devotionem promovendam, licite potest illa fieri; non vero si eam cuperet tantum ob suam privatam devotionem (6). Hic insuper notandum quod etiam respectu ecclesiarum secularium adest Decretum S. C. Episc. et Regul. prohibens extrahi pyxidem a tabernaculo, cum illa ob causam privatam exponitur: *Si quandoque privata ex causa sacrosancta Eucharistia exponenda videbitur, a tabernaculo nunquam extrahatur, sed pyxide velata in aperto eiusdem tabernaculi ostiolo cum assistentia alicuius sacerdotis stola et superpelliceo induti; et cum sex saltem luminibus cereis collocetur.* Quod idem in ecclesiis Secularium servari mandamus. Die 9. Decemb. 1620. (7). Benedictus autem XIV. in Bulla Cum, ut recte nosti, etc. (in Bullar. t. 4. pag. 417. §. 13.) mentionem faciens de praefatis Decretis, ait pro causa privata nunquam extrahi posse pyxidem, nec etiam ad populum benedicendum, his verbis: *Si autem Sacramentum non debet a tabernaculo educi, facile in-*

(1) Ap. Merat. in indice t. 1. n. 242.
 (2) ap. Card. Lambert. Notif. 40. n. 12.
 (3) ibid. (4) ib. 30. n. 11.

(5) ita in Bullar. t. 2.
 (6) l. 6. n. 424. v. refert.
 (7) ap. Card. Lambert. Notif. 30. n. 27.

telligitur in designatis casibus (scilicet pro causis privatis) non esse illud afferendum ad ecclesiae ianuam, nec cum eodem benedictionem impertiendam. Hic autem praeterea obiter advertendum id quod in praedicta Bulla (§. 12.) idem Pontifex subdit circa administrationem Sacramentorum, nempe: *Neque enim fas cuique esse debet, privata auctoritate novum ritum inducere.* Et ad hoc profert ibi Canonem XIII. Tridentini in *Sess. 7. de Sacram. in gen.* ubi vetitum fuit immutari consuetos ritus circa Sacramentorum administrationem; eundemque Canonem declarat procedere etiam quoad cultum SS. Eucharistiae. Loquens autem de ritibus alicubi iam introductis, sic inquit: *Et quoties aliquem ritum eiusmodi induci contigit, nisi nihil continentem pietati oppositum, apostolica Sedes eundem interdicare non dubitavit, ex quibusdam extrinsecis circumstantiis nullatenus praevisis, vel neglectis ab eo qui ritum iniecit.* 23. Notandum quod iuxta Decretum Innocentii XI. 1. Sept. 1730. vetatur apponi statuas, reliquias Sanctorum, ac imagines animarum purgatorii in altari ubi fit expositio SS. Sacramenti (1). 24. Regulariter Missa respondet officio, sed excipe, ut dicitur in Decreto S. C. rituum: *Sacerdotes etiam regulares diebus, quibus propria officia recitant sub ritu duplici, celebrantes in alienis ecclesiis, quando peragitur festum cum solemnitate et concursu populi, debent celebrare Missas, confermando se ritui, et colori earundem ecclesiarum. In aliis vero diebus possunt; sed quando prohibentur Missae votivae, vel defunctorum, debent se uniformare saltem quoad colorem.* 2. Iun. 1701. apud Merati in *Ind. Decr.* n. 558.

25. Notandum quod ss. Eucharistiae Sacramentum nequit in aliis ecclesiis servari, quam in parochialibus, sine dispensatione s. Sedis, cum non possint eam largiri Ordinarii, ut docent Barbosa Pignatell. et alii apud Card. Petra (2), qui de hoc plures refert Decisiones S. C. tam respectu hospitalium, quam conservatoriorum, ac etiam ecclesiarum quae sunt intra fines parochiae, aut in ruribus, ad quas accedunt parochi ad Missas celebrandas; licentiam enim (ait Petra) servandi Eucharistiam in huiusmodi ecclesiis, sive capellis S. C. tum solum concedit, cum in ipsis est populi concursus, et praesertim si illae a parochia distant. Deinceps Benedictus XIV. in Constitut. *Quamvis iusto*, edita sub die 30. April. 1749. (vide Bullar. tom. 3.) expresse declaravit largitionem praefatae licentiae privative spectare ad Sedem apostolicam, his verbis: *Quoniam vero huiusmodi gratiae concedendae (hoc est servandi ven. Sacramentum) ius ad nos et apostolicam Sedem privative pertinet, quod innuit Decretum superius relatum, et canonica docet disciplina, iuxta quam sacrosancta Eucharistia in ecclesiis, quae parochiales non sunt, retineri non potest absque praesidio apostolici Indulti, vel immemorabilis consuetudinis, quae huiusmodi Indulti praesumptionem inducit.* Dixit tamen S. C. satis esse possessionem 40. annorum cum titulo putativo, quia hoc temporis spatium sufficit ad licentiam apostolicam praesumendam; sed addit quod, si constat s. Eucharistiam retineri ex sola Ordinarii licentia, tunc nec etiam centenaria, aut immemorabilis possessio prodesset. Hae decisiones ab eodem Petra afferuntur. 26. Notandum ultimo cum Merato (3), Corset.

(1) Ap. Merat. part. 4. tit. 12. §. 3. n. 6. v. Altare insuper. p. 6070.

(2) Barbosa in Trid. sess. 13. c. 6. de Euchar. Pignatell. Cons. 86. v. 16.

Petra t. 3. in Const. 1. Urb. VII. pag. 166. ex n. 30.

(3) Merat. part. 2. tit. 10. n. 33. in fin. v. Clausa pyxide p. 331.

Tonell. et Bisso, quod sacerdos, postquam Moniales sunt communicatae, non debet pyxide eas benedicere, sed tantum manu, posita pyxide super palla, stans adhuc ante fenestrellam, eo modo quo alii fideles post Communionem benedicuntur; nam tantum infirmi benedicuntur cum Sacramento, qui pro Viatico communican-

tur, ut praescribitur in Rituali romano. Item advertendum ex Decreto dato 15. Sept. 1736. apud *Meratum* in *Indice* n. 696. praescribi: *In communionem Monialium habentium fenestrellam in parte Evangelii, sacerdos debet descendere et reverti per gradus anteriores, et non laterales altaris.*

TRACTATUS XVI.

DE POENITENTIAE SACRAMENTO

CAPUT I. DE MATERIA ET FORMA.

1. *De materia remota et proxima.*
2. *An Religiosi debeant confiteri semel in mense.*
3. *An peccata confessa sint materia apta.*
4. *An distinguenda sint peccata iam confessa a non confessis.*
5. *An necessarium verbum te. An verba a peccatis tuis. An caetera verba. An per verbum absolvo possint absolvi censurae. Requiritur praesentia poenitentis.*
6. *De absolutione sub conditione.*

1. Poenitentia accipitur uti virtus, et uti Sacramentum; uti virtus definitur: *Virtus tendens in destructionem peccati, quantum est offensa Dei medio dolore, et satisfactione.* Uti Sacramentum: *Est Sacramentum consistens in actibus poenitentis, et in absolutione sacerdotis.* Poenitentia uti virtus semper fuit necessaria necessitate medii ad salutem, sed tanquam Sacramentum in nova Lege adhuc est necessaria necessitate medii lapsus in mortale post Baptismum, saltem in voto, sive desiderio, si non potest realiter suscipi. Materia remota huius Sacramenti iuxta s. Thomam (1), et communem sententiam, sunt peccata post Baptismum commissa; sed peccata mortalia sunt materia necessaria; venialia, et mortalia alias confessa sunt materia sufficiens; nam haec sufficiunt ut recipiatur absolutio, sed nemo tenetur ea confiteri. Materia proxima iuxta eundem s. Th. (2), sunt actus poenitentis, a Trid. nuncupati quasi materia, quia non sunt materia physica; prout est illa caeterorum Sacramentorum; ii actus sunt (ut declaravit Concilium) contritio, confessio et satisfactio. Satisfactio tamen non est pars essentialis, ut sunt duae primae, sed tantum integralis;

(1) 3. p. q. 84. a. 1. ad 1. et 2.

(2) ib. a. 2. (3) Apud Dianam p. 8.

Homo Apostolicus

nam sine illa in aliquo casu bene potest esse validum Sacramentum. Hoc est contra Scotum, qui vult totam essentiam consistere in sola absolutione.

2. Loquendo de materia remota, dictum est venialia, et mortalia alias confessa esse tantum materiam sufficientem. Sed in hoc quaeritur 1. an Religiosi et Moniales teneantur ad confitendum saltem semel in mense, quamvis mortalibus non sint gravati? Dubium oritur ex Clement. *Ne in agro*, §. *Sane, de statu Monach.* ubi (cum sermo fiat de Monach. benedictinis) sic dicitur: *Sane singulis mensibus tam in monasteriis quam extra (sublata occasione quacunque) ad confessionem saltem semel accedant omnes et singuli monachi. Et in prima dominica mensis cuiuslibet in monasteriis semper communicent.* His positus, alii dd. Azor. Vasq. Hurtadus, etc. (3) dicunt hoc esse praeceptum obligans sub culpa gravi; unde dicunt teneri Religiosos quolibet mense confiteri, licet gravibus peccatis obnoxii non sint. Sed communius Sotus Can. Caietan. Navar. Molles. et Megal. (4) tenent praefatam Clementinam praeceptum grave non inducere. Ino p. Suar. (5) dicit praefatum Decretum non importare praeceptum, sed tantum consilium; et deducit ex Tridentino sess. 25. c. 10. ubi cum sermo fiat de monialibus, sic dicitur: *Attendant diligenter Episcopi, et caeteri Superiores sanctimonialium, ut in constitutionibus earum admoneantur sanctimoniales, ut saltem singulis mensibus confessionem peccatorum faciant et Eucharistiam suscipiant.* Ex quibus verbis concludit p. Suar., quod nisi constet quod constitutiones religionis obligent sub gravi, nulla retract. 1. resp. 16. (4) ib. p. 3. tr. 3. resp. 1. (5) in 3. p. scss. 2.

gorosa obligatio de hoc habetur. Et idem sentiunt Castropal. Can. Praepos. Vivald. Leand., etc. apud Salmant. (1). Et hoc quod dicunt aa. citati de confessione, dicunt etiam de Communione.

3. Queritur 2. an peccata alias confessa sint materia apta ad recipiendam absolutionem? Dubium oritur ex eo quod peccatum remissum non est amplius capax remissionis; unde videtur non esse materia apta confessionis. Sed est communis sententia, et usus fidelium, qui id admittit cum s. Thoma (2), Suar. Castrop. Salm. etc., et est certum ex Extravaganti 1. de Privil. §. Verum, in fine, ubi dicitur: *Ut eorundem peccatorum iteretur confessio, reputamus salubre*. Nec obstat dicere quod peccatum remissum non est amplius peccatum, quia peccatum licet remissum semper est peccatum commissum; unde bene potest esse materia Sacramenti non semel, sed iterum atque iterum et amplius, ut ipsa aqua bene potest esse materia multorum baptismorum (3).

4. Queritur 3. an in confessione sint necessario distinguenda peccata confessa a non confessis. Respondetur negative cum Bonac. Lug. Conc. et Sanch., modo hoc non sit necessarium ob occasionem proximam, quae removenda foret, aut ob casum reservatum, aut ob aliam circumstantiam (4).

5. Forma Sacramenti poenitentiae sunt verba sacerdotis: *Ego te absolvo a peccatis tuis*. Autumant nonnulli auctores primaevis temporibus formam fuisse deprecatoriam, prout est nunc (ut testatur Martene et Tourn.) forma Graecorum; sed quoad Latinos, hoc negant Baronius Gonet et alii (5). Sed hic queritur 1. an sit de essentia verbum *te?* Negant Lugo et Wigandt sentientes satis expri-

mi verbum *te* per alia in forma contenta, id est *a peccatis tuis*. Sed communissime affirmant Bonac. Castropal. Conc. et Holzman. Et quia haec sententia est etiam probabilis, haec in praxi tenenda est, cum proscripta sit ab Innoc. XI. propos. I. quae dicebat licitum esse in conficiendo Sacramento uti opinione probabilis. Queritur 2. an sint necessaria verba *a peccatis tuis?* Negant Milante Conc. Lugo Holzman. etc., nam (dicunt) ex circumstantiis sufficienter determinantur alia verba ad peccata poenitentis. Et in Catechism. rom. (p. 2. n. 14.) alia verba non exprimuntur de formae essentia, quam: *Ego te absolvo*. Sed multi alii dd. ut Paludan. Maior. Croix Mazz. etc., volunt esse necessaria, quia si valeret ea ratio adversariorum, dicunt etiam verbum *te* posse reticeri. Et quia haec sententia est etiam probabilis, haec sequenda est, ut confitentur iidem adversarii Holzman Ronc. etc. Et omnes conveniunt esse grave, si omittantur (6). Est sententia communis contra Durandum (doctorem caeteroquin doctum, sed extravagantem insuis opinionibus) verba in nomine Patris, etc. non esse de essentia; et communissime dicunt Bonac. Castrop. Salm. Croix etc. quod ea omittere non excedat veniale (7). Caetera verba: *Misereatur, etc. Indulgentiam, etc.*; commune est quod possint omitti citra peccatum. Et idem dicunt dd. de verbis: *Dominus noster Iesus Christus, etc.* dum Trident. sess. 14. c. 3. dicit tantum quod, excepta forma, aliae preces *laudabiliter adiunguntur*. Sed p. Concina contendit omittere praefata verba esse veniale, et non sine ratione, dum Rit. rom. (de Form. absol.) dicit: *In confessionibus frequentioribus omitti potest, misereatur etc., et satis erit dicere: Dominus noster Iesus Christus usque ad illud, passio etc. Urgente*

(1) Castr. tr. 23. d. unde Poen. p. 20. §. 2n. 6. Can. relect. de Poen. c. 5. At vero Salm. tr. 6. c. 7. n. 33.

(2) In 4. d. 17. q. 3. a. 3. q. 5. ad 4.

(3) l. 6. n. 427. dubit. 2.

(4) n. 425. ad 2. (5) n. 430.

(6) n. 430. dubit. 2. (7) ib. dubit. 3.

vero aliqua gravi necessitate in articulo mortis, breviter dicere poterit: Ego te absolvo ab omnibus censuris, et a peccatis tuis. In nomine Patris, etc. (1). Commune est sacerdotem per illa verba *Te absolvo* posse absolvere tam a peccatis, quam a censuris. Nihilominus dicunt recte Concina Sotus Salmant. etc. facere hoc sine causa esse veniale, quia est contra Ecclesiae morem; nisi esset (ut probabiliter dicunt Holzm. Viva etc.), quia nulla esset suspicio quod poenitens aliquam incurrisset censuram (2). Certum est autem formam proferendam esse praesente poenitente; et fuit damnata a Clemente VIII. an. 1602. die 20. Iunii. propositio quae dicebat: *Licere per litteras, seu internuntium confessario absenti sacramentaliter confiteri, et ab eo absente absolutionem obtineri.* Et declarando Pontifex absolutionem illicitam, ut bene advertunt Salm. declaravit etiam esse invalidam; quia Papa in casibus necessitatis non potuisset eam prohibere. Et Paulus V. anno 1604. die 14. iulii id prohibuit, licet praecessisset confessio in praesentia facta (3). Talis praesentia sufficit ut sit moralis, nempe in ea distantia in qua solent homines voce usuali, licet alta, alloqui. Hanc distantiam Sporer et alii extendunt ad 20. passus; dicunt tamen quod si poenitens a confessionalis discessit, confessarius eum arcessere debet, ut absolvat, cum id commodè fieri potest. Caeterum ait ipse Sporer, cum Bonac. et Gobat, quod sine scrupulo potest confessarius absolutionem impertiri poenitenti, cum certo scit parum distare. Tenet rationabiliter Tamb. quod si absolutio daretur ei qui ex tecto praecipitat, debet dari sub conditione, cum dubium sit an in tanta distantia adsit praesentia moralis. Advertunt tamen communiter dd., non referre quod poenitens absolutionem non audiat. Imo

(1) lib. 6. n. 430. v. verba autem.

(2) ib. dubit. 4. (3) n. 428. (4) n. 429.

prudenter admonet Croix ut absolutio submissa voce proferatur, ut si forte aliquis dimittitur non absolutus, alii id non animadvertant (4).

6. Quaeritur hic ultimo quando nam sit valida et licita absolutio, quae datur sub conditione? Si conditio est de futuro, communiter dicunt invalidam esse. Admittit tamen p. Viva, posse ita conferri absolutionem: *Absolvo te si Deus cognoscit quod restitues id quod debes;* sed recte id negant Coninch. Dicast. Conc. Tournel. etc. quia cum Deus in hominum manus Sacramentorum administrationem commiserit, non possunt apponi conditiones quae hominibus innotescere nequeunt (5). Si contra conditio est de praeterito, ant de praesenti, omnes conveniunt eam esse validam, et etiam licitam, cum iusta adest causa, iuxta sententiam communem (contra pauciores). ut dictum est *Tract.* 14. n. 3. Causae autem iustae sunt 1. si confessarius prudenter dubitat de absolutione collata; Suar. Lugo Ronc. Bonac Salmant. Croix etc. 2. si dubitatur de poenitentis dispositione, et contra adesset necessitas eum absolviendi, ut dicitur *Tract. ult. punct. 4. et 7.*, loquendo de pueris, et moribundis Caeterum plerumque confessarius debet esse certus de poenitentis dispositione, ut eum licite absolvere possit; quare recidivi, non solum in peccata mortalia, sed etiam in venialia, non possunt absolvi, nisi certa dent signa suae dispositionis. ut dicitur *punct. 2* praefati *Tractatus ultimi*: 5. ut dicit Bonac. recte absolvi possunt sub conditione illae personae piaae quae constituntur de solis imperfectionibus, circa quas dubitatur an ob advertentiae defectum pertingant ad venialia; et hoc non videtur improbabile, cum iusta causa videatur eas ita absolviendi, ne huiusmodi animae huius Sacramenti fructu careant per multum tempus. Dico *per multum tempus*, quia hoc non admitterem, (5) n. 431. et etiam n. 26.

nisi semel in mense. Dicit praeterea Sporer quod confessarius potest absolutionem impertiri, si dubitat de iurisdictione; sed hoc puto non esse admittendum, nisi cum poenitens existeret in mortali, et alias multum temporis absolutione privari deberet. Hoc caeteroquin debet intelligi in solo dubio facti; quia si iurisdictione est positive dubia de iure, idest si probabilis est ob dd. auctoritatem, bene potest absolute conferri: nam tunc supplet Ecclesia, semper ac gravis adest causa, ut diximus *Tr. 1. n. 27*. Praeterea dicunt Spor. et Mazz. quod potest absolvi sub conditione poenitens qui est in necessitate communicandi, et est dubie dispositus. Sed in hoc distinguendum est, ut diximus *Tr. 15. n. 34.*, et videndum an dubium sit de peccati actione, aut de confessione peccati iam commissi; quia si poenitens est certus quod grave peccatum patravit, et eius dispositio est dubia, ille communicare nequit, licet absolutus fuisset sub conditione; et si non potest communicare, nec etiam potest absolvi: nam tunc deest causa necessitatis communicandi, ut sub conditione absolvetur (1). Vide *n. 34. Tr. 15.*

CAPUT II.

DE CONTRITIONE ET PROPOSITO

7. Sicut superius vidimus, et sicut declaravit Trid. *sess. 14. cap. 3.* tres sunt partes necessariae Poenitentiae, contritio nempe confessio, et satisfactio. Sigillatim erit sermo de singulis eorum in punctis distinctis. Et primo de contritione.

PUNCTUM I. De contritione.

8. *In quo consistat contritio.*
9. *Ex quo motivo producitur.*
10. *Quandonam tenemur ad contritionem.*
11. *An in articulo mortis, etc.*
12. *An sufficiat dolor generalis.*
13. *An actus Fidei, Spei, etc.*
14. 15. et 16. *An sufficiat attritio sine amore praedominante.*

(1) lib. 6. n. 432.

17. *An sufficiat attritio ex timore peccatorum temporalium.*
18. *An detur Sacramentum validum, et informe.*
19. *An dolor debeat praecedere confessionem.*
20. *Quantum temporis perduret dolor.*
21. *An dolor debeat elici in ordine ad confessionem.*
22. *Qui mox se reconciliat, an novum dolorem elicere debeat.*
23. *De dolore peccatorum venialium.*

8. Quoad contritionem, Trident. *sess. 14. c. 4.* distinguit, et dicit aliam esse contritionem *perfectam*, quae oritur ex motivo charitatis; aliam *imperfectam*, quae attritio nuncupatur, quae concipitur aut ex turpitudinis peccati consideratione, aut gehennarum timore, excludens peccati voluntatem, et veniae spem includens. Loquamur nunc de contritione *perfecta*, quomodo illa esse debeat, et quando sit necessaria; deinde loquemur de attritione. Contritio definitur a Concilio: *Animi dolor ac detestatio de peccato commisso, cum proposito non peccandi de caetero*: hinc quaeritur hic 1. an contritio consistat in dolore, an vero in detestatione peccatorum. Alii ut Gonet, volunt consistere in dolore qui praesupponit detestationem; alii in detestatione, quam subsequitur dolor; et haec 2. sententia est verior, et quasi communis cum Suar. Nav. Caiet. Holzm. Sporer et aliis cum s. Thoma (2) qui dicit: *Exigitur ad remissionem ut homo peccatum detestetur*. Ratio est, quia non iam dolor est causa detestationis; sed detestatio est causa doloris. Caeterum, ut recte dicunt Frassen, Vega, Coninch. Holzm. Sporer et Croix, non est dubitandum quin in uno explicite contineatur aliud; dum qui peccatum detestatur, necessario de illo dolet; et qui de illo dolet, necessario illud detestatur (3).

9. Quaeritur 2. ex quo motivo producitur contritio perfecta? Alii dicunt ex offensione irrogata cuicum-

(2) 3. p. q. 87. a. 1. (3) l. 6. n. 435.

que attributo divino, misericordiae, iustitiae, etc.; et recte hanc sententiam dicunt Lugo et Suar. esse satis probabilem, dum qui diligit divinam misericordiam, aut iustitiam, respectu ad Deum, iam diligit Deum ipsum, cum misericordia et iustitia divina sint ipse Deus; et ita contra, quem poenitet offensae illatae ad divinam misericordiam respectu ad Deum, iam poenitet sui peccati, non iam ob motivum dilectionis erga seipsum, sed erga Deum. Sententia tamen communior vult contritionem procedere debere ex offensa facta in divinam bonitatem, cum contritio, ut docet Trid., oriatur ex charitate et charitas, iuxta sententiam communior, habet pro obiecto Dei bonitatem, in quantum illa comprehendit omnes divinas perfectiones ut diximus *Tr.* 4. n. 9. (1).

10. Quaeritur 3. Quando obliget praeceptum contritionis? Certum est obligare, 1. in periculo mortis. 2. Quando homo tenetur ad eliciendum actum amoris, quem, ut diximus (*Tr.* 4. n. 13.), quilibet tenetur elicere semel in mense. 3. Licet sit probabile quod extra periculum mortis non adsit praeceptum speciale contritionis, unde dixit s. Thomas (2) impenitentiam finalem non esse peccatum grave speciale; nihilominus praescindendo ab obligatione annuallis confessionis, dicimus peccare graviter contra charitatem erga seipsum, qui diutius perseverat in peccato, ut dicit s. Thomas, dum qui caret gratia, non potest diutius in grave aliud peccatum non labi: *Sine gratia iustificante*, ait s. Doctor (3), *quod diu maneat absque peccato mortali, esse non potest*. Quantum autem sit hoc longum tempus, Conc. et Ronc. putant esse hebdomadam circiter; alii tamen communius, ut Castrop. Laym. Lugo Salmant. Henno Elbel etc., dicunt esse spatium anni. Prima opinio mihi videtur nimis rigida,

(1) 1. 6. n. 436. (2) 2. 2. q. 14. a. 2
(3) 1. 2. q. 109. a. 8. (4) 1. 6. n. 437.

sed nec acquiescere possum secundae, saltem ob obligationem quae adest (ut diximus) eliciendi actum charitatis semel in mense; verum tamen est quod rudes difficulter eam obligationem advertant (4). Volunt autem nonnulli esse obligationem contritionis peccatoribus quolibet die festo, ut adimpleatur finis sanctificandi festa; sed hoc communiter negatur, quia (ut dictum est cum s. Thoma *Tr.* 2. n. 28.) finis praecepti non cadit sub praecepto.

11. Quaeritur 4. an in mortis articulo, qui cum sola attritione confitetur, teneatur etiam ad eliciendam contritionem? Affirmat prima sententia cum Suar. Bonac. Conc. etc., sed secunda sententia multo communior cum Lugo Laym. Conc. Castropal. Ronc. Holzm. Salm. Becan. Sporer. etc. negat et Suarez appellat eam valde probabilem, quia dato quod certa sit sententia (ut ostendimus n. 14.) sufficere ad confessionem solam attritionem, qui cum illa confessus est iam est moraliter certus de divina gratia. Haec secunda sententia est valde probabilis; sed non potest negari quin prima omnino moribundis suadenda sit; tanto magis quod in extremo vitae tenemur ad actum amoris, qui satisfieri non potest, nisi peccatum detestemur cum memoriae occurrit, ut communiter dd. (5).

12. Quaeritur 5. an ad obtinendam iustificationem sufficiat dolor generalis de peccatis commissis? In hoc quicquid dicant aliqui, qui perperam volunt actum doloris particularis pro quolibet peccato in particulari, aut saltem (dicunt alii) actualemente memoriam cuiuslibet peccati, certa est sententia quod sufficiat dolor omnium peccatorum quibus Deum offendit: ita Scotus Suarez Iuvenin. Conc. Laym. Caiet. Holzm. Sporer Croix et alii multi; imo Caietanus ridiculam appellat sententiam oppositam; et nostram expresse docet s. dubit. 1. (5) ibid. dubit. 2.

Thomas (1), qui dicit: *Ad iustificationem non requiritur quod aliquis de singulis peccatis cogitet, sed sufficit quod cogitet de hoc, quod per culpam suam est aversus a Deo. Recogitatio autem singulorum peccatorum debet vel praecedere, vel saltem sequi iustificationem, nempe (ut explicat Suar. et alii illud sequi) in ordine ad confessionem, quae doloris actum sequitur. Idem docet Catechism. rom. (De Sacram. Poenit. part. 2. n. 30.) ubi dicit quod Deus parcat peccatori, simul atque ille se collegerit et universa peccata sua detestatus, quae deinde alio tempore, si facultas erit, singula in memoriam reducere, ac detestari in animo habeat, (nempe ut confiteatur) ad Dominum se converterit. Et ratio est clara: primo quia ex scripturis constat quod peccator remissionem obtinet statim ac ad Deum se convertit: *Impietas impij non nocebit ei, in quacunque die conversus fuerit ab impietate sua. Ezech. 33. 12.* Itaque si in detestatione primi peccati homini non omnia remissa fuissent, ille reciperet remissionem illius tantum, quin remitterentur alia; sed hoc est impossibile, quia in peccatis mortalibus non potest unum peccatum sine alio remitti. Secundo quia (et haec est ratio intrinseca) quem poenitet suorum peccatorum ob motivum generale, quatenus sunt offensa Dei, necessario dolet de quolibet peccato quod habet in anima, ut docet idem s. Thomas (2), qui dicit quod sicut qui diligit communiter, diligit quemlibet illius; ita quem poenitet omnium peccatorum suorum, poenitet etiam singulorum (3). Hactenus de contritione; nunc de attritione quae est necessaria ad obtinendam sacramentalem absolutionem. Sed prius videamus circa actus fidei etc.*

13. Quaeritur 6. an ad obtinendam gratiam in confessione requirantur actus expliciti Fidei, et Spei? Alii

(1) de veritate, q. 28. a. 5. ad 4.

(2) in 4. dist. 17. q. 2. a. 3. q. 3. ad 2.

affirmant: sed alii communius negant, caeterum recte dicunt Lugo et Escob. quod poenitens semper ac habet actum doloris, etiam explicito (non iam reflexe, sed exercite) actus fidei et spei habet, quia tunc sine dubio exercite credit, et sperat sibi per Sacramentum Poenitentiae in virtute meritorum Christi peccata remitti (4).

14. Quaeritur 7. an ad recipiendum Sacramentum Poenitentiae sufficiat attritio, et an ad illam requiratur amor inchoatus? Conveniunt theologi in affirmando utrumque; sed quaestio magna est an hic amor inchoatus debeat esse charitas praedominans, qua diligitur Deus super omnia? Ita volunt Merbes. Molin. Habert. Iuven. Conc. Antoine, et alii pauci, qui dicunt talem amorem ideo dici inchoatum, sive initiatum, quantum est in gradu remisso; nam, ut dicunt, cum dolor oritur ex amore intenso, tunc est contritio perfecta, quae remittit peccata etiam extra confessionem. Sed sententia satis communis, quam nos sequimur, tenet sufficere attritionem sine charitate praedominante, quae oritur ex timore inferni, aut gloriae amissione, aut ex horrore erga peccati turpitudinem, lumine fidei cognitam: ita tenent Gonet Canus Petrocor. Tournel. Cabass. Wig. Abelly Nav. Suar. Tol. Lug. Laym. Salm. et alii multi cum Benedicto XIV. (5), qui asserit quod post Trident. cum plausu hanc sententiam omnes scholae sibi adoptarunt; unde recte dicunt Suar. Less. Castr. Filiuc. Carden. Rainaud. Lug. Prado Tanner. Viva et Croix, hanc sententiam hodie post Concilium esse moraliter certam, et oppositam non esse amplius probabilem. Et quod scholae (saltem communius) tanquam moraliter certam habeant, constat ex Decreto Alex. VII. 1667. die 5. Maii, ubi sub excommunicatione prohibuit: *Ne quis audeat alicuius theologicae*

(3) 1. 6. n. 438. (4) n. 439.

(5) De Synod. l. 7. c. 13. ex n. 6

censurae, alteriusque iniuriae aut contumeliae nota taxare alterutram sententiam, sive negantem necessitatem aliqualis dilectionis Dei in attritione ex metu gehennae concepta, quae hodie inter scholasticos communis videtur; sive asserentem dilectionis necessitatem. Attestando igitur Pontifex sententiam negantem esse communioram inter scholasticos, consequenter testatur in scholis haberi communiter certam, dum quisque scit quod circa Sacramentorum valorem alias sententias, quam moraliter certas, non posse dd. amplecti. Nec praefato Decreto vetuit Pontifex sententiam oppositam posse nuncupari improbabilem; nam improbabilitas non est nota censurae, aut contumeliae per Decretum vetita. Tanto magis quod (sicut infra dicemus) nos non negamus requiri in attritione initium amoris; sed dicimus tantum non requiri charitatem praedominantem. Sed ad probationes descendamus.

15. Probatur nostra sententia 1. ex Trident. Sess. 14. c. 4. ubi loquendo de attritione ex metu gehennae concepta, etc. sic dicit: *Et quamvis sine Sacramento Poenitentiae per se ad iustificationem perducere peccatorem nequeat, tamen eum ad Dei gratiam in Sacramento Poenitentiae impetrandam disponit.* Opponent adversarii quod Concilium non dicit: *sufficit*, sed *disponit*; ergo, dicunt, attritio sine charitate disponit, sed non sufficit; tanto magis quod, referente Card. Pallavicino, Concilium, post gravem theologorum dissensionem, abstulit verbum *sufficit*, quod iam exaratum erat, et in eius locum suffecit verbum *disponit*. Sed recte respondet Gonet, quod Concilium ideo suffecit *disponit*, in quantum importabat necessario idem ac *sufficit*, quia attritio ex inferni metu concepta, cum etiam sit donum Dei, ut declaravit Concilium, etiam extra Sacramentum remote semper disponit ad gratiam; in Sacramento igitur disponit proxime ad illam. Hoc clare patet ex iis-

dem verbis: *Et quamvis*, etc.: si Concilium loqui intellexisset de sola dispositione remota, quin eam gratia subsequeretur, inconcludenter et perperam dixisset: *Et quamvis sine Sacramento Poenitentiae attritio gratiam producere non possit, tamen in Sacramento disponit ad eam impetrandam*; sed dicere debuisset: *Et quamvis attritio extra Sacramentum non disponat ad gratiam, disponit tamen ad eam impetrandam in Sacramento.* Cum igitur dixit: *Quamvis sine Sacramento non possit attritio perducere peccatorem ad iustificationem, tamen eum in Sacramento disponit ad impetrandam gratiam*, necessario intellexit de dispositione proxima. Hoc confirmatur clarius ex verbis quae subiunguntur: *Quamobrem falso quidam calumniantur catholicos scriptores, quasi tradiderint Sacramentum Poenitentiae absque bono motu suscipientium gratiam conferre.* Haeretici cum Luthero numquam Catholicos calumniati sunt, qui dicebant dari gratiam contritis, sed tantum eos qui dicebant dari attritis, ex eo quia isti bonorum motuum expertes non sunt, et sufficientem habent dispositionem ad obtinendam gratiam in Sacramento: *Tristitia* (dicebat Lutherus) *ob foeditatem peccatorum, amissionem beatitudinis, etc. fecit magis peccatores, et tales indigne absolvuntur, ideoque damnabat eos, qui vocant attritionem hanc proxime disponentem ad contritionem.* Hi sunt igitur illi quos Concilium dicit falso ab haeticis calumniari.

16. Probatur 2. ratione, quia Sacramenta actualiter operantur quod significant; unde verificari debet (ex se loquendo) quod, cum sacerdos dat absolutionem, eo momento peccata remittuntur; propterea Poenitentia nuncupatur Sacramentum mortuorum quia confert vitam gratiae illi qui ea privatus est. Si ergo in dolore necessario exigeretur, charitas praedominans, Sacramentum nunquam cau-
saret gratiam, quia omnes accederent

iam iustificati, nam quilibet dolor qui ex charitate praedominante procedit, est vera contritio, ut docet s. Thomas (1); et hoc accidit (ut explicat Sanctus) quoties homini displicet potius gratiae, quam alterius boni amissio; et cum illa sit vera contritio, quamvis exiguus sit dolor, delet peccata: *Quantumcumque parvus sit dolor* (verba Angelici), *dummodo ad contritionis rationem sufficiat, omnem culpam delet.* Et hic certe Sanctus loquitur de dolore extra Sacramentum, sicut alibi id exprimit (2): *Per solam contritionem dimittitur peccatum... Sed si, antequam absolvatur, habeat hoc Sacramentum in voto, iam virtus clavium operatur in ipso.* Quid clarius? Sed quod quaelibet contritio quae oritur ex charitate praedominante delet peccata, legitur in eodem Trident. sess. 14. c. 4. in illis verbis: *Etsi contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur, etc.* Hic certe non loquitur de charitate perfecta ratione intentionis, sed de charitate perfecta ratione motivi charitatis praedominantis; nam Concilium hic distinguit eam a contritione imperfecta, quae originem non habet ex charitate subiungendo immediate ibi: *Illam vero contritionem imperfectam quae attritio dicitur, quoniam vel ex turpitudinis peccati consideratione, vel ex gehennae et poenarum metu communiter concipitur.* Et ratio est clara, quia quaelibet contritio est actus formalis charitatis, et charitas non potest cum peccato coniungi, ut probatur ex sexcentis Scripturae locis: *Ego diligentes me diligo.* Prov. 8. 17. *Qui autem diligit me, diligetur a patre meo.* Ioan. 14. 21. *Omnis qui diligit, ex Deo natus est.* Epist. 1. Ioan. 4. 7. Et id communiter docent ss. Patres, et theologi cum s. Thoma (3) qui dicit: *Charitas non potest esse cum*

peccato mortali, et pro charitate utique s. Doctor non intelligit hic intensam, sed praedominantem, dum alibi (4) declarat charitatem consistere in amando Deum super omnia, dicens: *Actus peccati mortalis contrariatur charitati, ... quae consistit in hoc, quod Deus diligatur super omnia.* Certius hoc fit ex propos. 32. Baii damnata a Gregorio XIII. quae dicebat: *Charitas illa, quae est plenitudo legis, non semper est coniuncta cum remissione peccatorum.* En sic quaero: quisnam est amor, qui est plenitudo legis, nempe qui satis est ad adimplendum praeceptum charitatis? Certe est ille quo diligitur Deus super omnia, ut fatentur omnes cum s. Thoma (5), qui explicans illud praeceptum: *Diliges Dominum Deum tuum ex toto corde tuo*, dicit: *Cum mandatur quod Deum ex toto corde diligamus, datur intelligi quod Deum super omnia debemus diligere.* Itaque cum certum sit charitatem praedominantem, quamvis remissam, non posse cum peccato coniungi certum est etiam quamlibet contritionem, quae formaliter est actus charitatis, delere peccata. Igitur hoc posito, si vellet ut amor inchoatus, requisitus in attritione, sit amor praedominans, hoc non recte praetenditur, quia (ut ostendimus) si hoc esset, quilibet peccator accedere deberet iam iustificatus ad recipiendam absolutionem sacramentalem, adeoque nunquam accideret quod Sacramentum causaret actualem iustificationem, quae est proprius illius effectus. Si autem in attritione, pro dispositione ad gratiam obtinendam, desideratur amor inchoatus qui sit principium amoris, sicut loquitur Trid. sess. 6. c. 6., de iustif. dum agit de dispositione eorum, qui ad obtinendam iustificationem Deum ... *tamquam omnis iustitiae fontem diligere incipiunt*: hoc non negatur, et dicimus hoc initium iam in qualibet attritione reperiri, tum metu poenarum a Deo infligendarum

(1) Suppl. q. 5. a. 3. (2) quodlib. 4. a. 10.

(3) 2. 2. q. 45. a. 4. (4) 2. 2. q. 24. a. 12.

(5) 2. 2. q. 44. a. 8. ad 2.

ex eo quod dicit *Ecclesiastic. 25. 16. Timor Dei initium dilectionis eius*; tum spe remissionis et beatitudinis, ex eo quod dicit s. Thomas (1): *Ex hoc quod per aliquem speramus bona, incipimus ipsum diligere*. Sed non iam si optatur verus charitatis praedominantis actus; hic certe non est necessarius ut in Sacramento obtineatur gratia. Adeo id verum est ut, referente eodem Pallavicino (2), ad illa verba *diligere incipiunt*, nonnulli Patres Concilii contendebant addendum esse, *per actum charitatis*; sed obstitit Concilium, et non adiecta fuerunt.

Quidam auctor modernus libri, cui titulus *Esposizione sulla dottrina cristiana*, loquens de Sacramento Poenitentiae, inducit super hoc puncto aliam inauditam opinionem, et dicit: Quod si peccator, qui habet charitatem praedominantem remissam, decessurus sit ante susceptionem Sacramenti, hunc non sinet Deus damnari, quia (ut ait) horrendum videtur, quod Deus in aeternum perdat, qui eum super omnia diligit. Unde censet, eo casu Deum per quandam providentiam extraordinariam illum salvare. Si auctor iste diceret, quod Deus huiusmodi peccatori decessuro ante mortem dispositionem auget, praefata opinio videretur minus incongrua. Sed quis unquam credere poterit, quod peccator ille, eandem dispositionem habens, nunc in odio, nunc in dilectione sit Deo? Quomodo eadem in substantia dilectio erga Deum nunc reddet eum dignum divino amore, nunc odio dignum relinquet? Demum peto, ubi fundat auctor hanc extraordinariam Dei providentiam? super qua Scriptura, quo Ecclesiae Canone, qua Patrum doctrina? Gratis igitur id asserit. Potius ex eo concludendum videtur, quod si durum et horrendum est putare, quod Deus damnet eum, a quo super omnia diligitur, horrendum

etiam dici debet, quod Deus hominem super omnia eum diligentem odio habeat. Vide in opere (3), ubi allatae doctrinae, hic strictius comprehensae, fusius expositae inveniuntur una cum aliis. Sed veniamus ad dubia.

17. Quaeritur 8. an sufficiat attritio metu temporalium poenarum concepta, in quantum illae sunt a Deo inflictae? Alii negant, dicendo dolorem debere oriri ex timore poenarum aeternarum, quia cum aeterna sit poena peccati mortalis, poenitens debet dolorem peccatorum concipere ex timore aeterni mali; ita Canus Conc. Pasqual. etc. Sed alii communius, ut Lugo Suarez Anaclet. Viva Elbel Gobat. Croix etc., probabilius affirmant ex verbis Tridentini sess. 14. c. 4. ubi dicitur: *Attritio ex gehennae et poenarum metu concipitur*. Concilium itaque distinguit alias poenas ab illis inferni, ubi certe omnes aliae poenae includuntur. Sed quia prima sententia non potest dici improbabilis, in praxi non possumus amplecti secundam (4).

18. Quaeritur 9. an possit dari Sacramentum validum et informe? Casus accidere posset, si quis habens duo peccata, unum sacrilegii, alterum furti, et cum recordaretur solius sacrilegii, tantum illius se poeniteret ob supernaturalem turpitudinem illius vitii: hic quaeritur an iste valide reciperet Sacramentum, adeo ut detestando postea furtum, reciperet gratiam, et postea tantum teneretur confiteri furtum? Multi id negant, et praecipue Scotistae; sed ipsi discrepant inter se; alii enim dicunt huiusmodi Sacramentum non solum esse validum, sed etiam formatum, nempe gratiae infusione; quia poenitens se dolendo de offensa in Deum ob sacrilegium, et cupiendo reconciliari Deo, hic dolor et hoc desiderium efficiunt, ut ille virtualiter etiam detestetur furtum. Sed hac rationi responsio clara se offert; istum

(1) 1. 2. q. 40. a. 7.

(2) Pallav. Hist. Trident. l. 8. c. 13.

(3) l. 6. ex n. 440 (4) n. 443

enim in tantum poenitet offensae in Deum ob sacrilegium, et cupit se reconciliari cum Deo, in quantum movetur ob turpitudinem sacrilegii; sed haec non comprehendit turpitudinem furti; adeo ut posset dari casus quo poenitens si recordaretur solius furti, turpitudine furti forsitan non moveret eum ad poenitendum; quare motivum turpitudinis sacrilegii non comprehendit virtualiter detestationem furti. Alii autem dicunt Sacramentum non solum esse informe, nempe sine gratia, sed etiam invalidum, dicentes non posse esse materiam aptam poenitentiae illam, quae non potest causare gratiam. Sed huic etiam subest responsio, quod, cum concurrant partes essentielles, quae sunt dolor, confessio et absolutio, non potest invalidum dici Sacramentum; unde libenter adhaeremus sententiae affirmativae, et communissimae Thomistarum cum Suarez Lugo et s. Thoma (1), et dicimus talem confessionem semper esse validam, sed gratiae expertem (2).

19. Quaeritur 10. an dolor praecedere debeat confessionem? Affirmant Laym. Castrop. Coninch. et alii; tum quia dolor debet esse sensibilis, et nequit talis fieri nisi confessione; tum quia confessio, ut sit materia apta, debet esse dolorosa, alias esset simplex peccatorum narratio. Alii autem communius negant, ut Lugo Suarez Bonac. Holzm., etc., et ipsis valde favet Rituale dicens: *Audita confessione* (confessarius) *ad dolorem adducet*. Et recte respondent ad primam rationem, dicendo dolorem non tantum per confessionem fieri sensibilem, sed etiam aliis signis et verbis. Sed ad secundam rationem nullam convincentem afferunt responsionem; unde propter illam dico esse probabilem primam sententiam, proptereaque in praxi sequendam. Conveniunt autem communiter Conc. Viv. Salm. Holzm., etc., sufficere si

(1) in 4. dist. 17. quaest. 3. a. 4. q. 1.

(2) l. 6. n. 444. (3) n. 445.

poenitens post actum doloris dicat: *Iterum me accuso de omnibus peccatis confessis* (3).

20. Quaeritur 11. quamdiu moraliter perseveret dolor? Alii dicunt diutius, et sufficere quod non sit retractatus; sed hoc reiiicitur: alii per diem, imo Croix dicit quod in praxi semper renovandus est, cum poenitens notabiliter ad alia distractus est. Ego vero cum Ronc. non dubito asserere, quoties confessio derivat ex peccatorum dolore, semper virtualiter perseverare dolorem saltem per unum, aut alterum diem, dum illa confessio est doloris effectus. Secus autem, si quis ex mera devotione, aut ad votum, aut poenitentiam implendam, confiteretur (4).

21. Quaeritur 12. an actus doloris debeat elici in ordine ad confessionem? Affirmant Bon. Busemb. et Conc. dum (ut dicunt) tam minister, quam suscipiens debent ordinare materiam ad Sacramentum, v. g. abluitionem ad Baptismum, tactum ad Ordinationem, et ita dolorem ad poenitentiam; unde volunt isti quod si quis actum doloris, quin ad confessionem cogitet, elicit, debet illum renovare, dum confitetur. Alii tamen probabilius, ut Lugo, Sporer, Moia, Gobat., etc., negant, tum quia ex Trident. sufficit attritio habita, tum quia dolor saltem ordinatur ad absolutionem, cum per confessionem manifestatur. Sed quia prima sententia etiam est probabilis, ideo in praxi sequenda (5).

22. Quaeritur 13. cum quis statim post absolutionem confitetur peccatum oblitum, an teneatur iterum dolorem elicere? Negant communius Lugo, Anacl. Ronc. Viva, Spor. etc., dicendo quod prior contritio; cum fuerit generalis, iam extenditur ad oblita, et eo casu sine dubio moraliter perseverat; et licet illa sint plura Sacramenta, bene tamen una et eadem materia plura Sacramenta constituere potest, sicut aqua potest esse materia plurimorum baptismorum.

(4) n. 446. (5) n. 447.

Sed affirmant Vasq. Bonac. et Fillic., dicendo per absolutionem impartitam iam prius iudicium completum esse, ac completum fuisse Sacramentum; unde pro posteriori Sacramento requiritur nova materia; et licet dolor perseveret, non tamen perseverat in ordine ad posteriorem absolutionem, iuxta quod dictum est praecedenti numero; ille enim dolor elicitus est tantum in ordine ad primam. Et quia haec secunda sententia est etiam probabilis, ideoque recte dicunt Croix, et Concina hanc in praxi tenendam. Intelligitur tamen hoc ante Sacramenti susceptionem, quia postquam illud susceptum est, probabiles iam sunt omnes sententiae oppositae trium quaesitorum antecedentium; unde post factum recte eas amplecti possumus (1).

23. Quaeritur 14. quomodo eliciendus est dolor de venialibus? Extra confessionem docet s. Thomas (2): *Sufficit aliquis motus charitatis ad eorum remissionem*; sed ad Poenitentiae Sacramenti susceptionem certum est apud omnes formalem dolorem requiri. Sed hic dubitatur 1. an mortaliter peccet qui venialia sine dolore confitetur? Negant Conet, Iuven. et Natalis Alexand.; dicunt hi quod quoties abest animus profanandi Sacramentum, illud frustrare in materia levi non excedere levem irreverentiam; sed communiter et recte affirmant alii dd. et de Lugo priorem sententiam appellat omnino falsam, dicens iniuriae gravitatem non consistere in materia, sed in Sacramenti frustratione, in non apponendo materiam aptam, et essentialem, ut est dolor; unde sive frustretur ob gravem materiam, sive ob levem, irreverentia semper est gravis (3). Dubitatur 2. an in confessione venialium sufficiat poenitere unius tantum, quin aliorum poeniteat? Nonnulli id negant; sed etiam communiter et recte affirmant Suar. Lug. Conc. Antoine, etc. Et ratio luculenta est, quia

(1) lib. 6. n. 448. (2) 3. p. q. 87. a. 2.

venialia non sunt materia necessaria, sed sufficiens. Dicunt autem Castrop. Spor. Lugo, Tamb., etc. sufficere poenitere multitudinis venialium, quin alicuius in particulari poeniteat; sed contradicunt Arriaga, et Dicast. dicentes saltem necessarium esse dolorem erga aliquod illorum, ut diximus. Sed hae sententiae facile conciliantur, quia impossibile est quod ille, quem multitudinis poenitet, non doleat de ultimis quae multitudinem constituunt, et sicut quoad speciem sufficit (ut dictum est) dolere de una peccatorum venialium specie, et non de alia, ita quoad numerum sufficit posteriorum, non autem priorum poenitere; adeo ut tunc poenitens in recto doleat de multitudine, et in obliquo de ultimis peccatis (4).

PUNCTUM II. De proposito.

24. *Propositum 1. debet esse firmum. An qui credit se lapsurum, etc.*

25. *II. Debet esse universale.*

26. *III. Debet esse efficax. An relapsus sit signum semper confessionum invaliditatis? Et an propositum debeat esse explicitum.*

24. Tres sunt conditiones veri propositi ad confessionem requisiti: Ut sit firmum, universale, et efficax. Et Primo debet esse *firmum*, ita ut poenitens habeat firmum animum in quocumque casu non peccandi. Hic sit dubium, an valeat propositum alicuius qui non habet animum peccandi, sed credit certo quod inposterum relapsurus sit? Sanch. Laym. Nav. Sporer, etc. dicunt valere, quia propositum voluntatis bene stare potest cum iudicio intellectus, quod praevidet certum relapsum ex eo, quia de sua fragilitate experimentum habet. Contra p. Conc. reprobat ut infirmum etiam propositum illius, qui timet probabiliter se relapsurum. Haec secunda opinio est nimis rigida, et parum rationabilis, quia timor relabendi potest simul stare cum proposito quam firmissimo. Sed nec mihi

(3) l. 6. n. 449. (4) n. 449. dubit. 2.

placet prima, saltem practice loquendo; nam sicut recte dicit Croix, et non distat ab eo Busembaum, in praxi qui certo credit se esse relapsurum, demonstrat suum propositum non esse satis firmum; dum non est possibile quod qui scit Deum auxilium in eum speranti, et ab eo petenti praestaturum esse, et non permissurum aliquem ultra vires tentari, proponat firmiter cuicumque malo potius se subiecturum quam Deum offendere, et postea credat se certo in eadem peccata recasurum; unde si iste hoc credit, signum est quod eius propositum non sit firmum (1).

25. II. Propositum debet esse *universale* (intelligi de mortalibus), ut docent omnes cum s. Thoma (2); nec audiendi sunt nonnulli aa. qui autumant, sicut valet dolor particularis, ita valere etiam propositum particulare; nam respondetur quod dolor particularis admittitur, quia dolor respicit sola peccata commissa; sed non potest admitti propositum particulare, dum quilibet debet esse paratus ad evitanda omnia peccata mortalia, quae committere potest; ideoque Trident. loquendo de dolore ait: *Dolor est detestatio de peccato commisso*; sed loquendo de proposito, dicit, *cum proposito non peccandi de caetero*. Dictum est *de peccatis mortalibus*, quia quoad venialia, certum est cum s. Thoma (3) sufficere, si proponat se abstinere ab aliquo, quin proponat abstinere a caeteris (4). Caeterum (ut dicunt Suar. Croix, etc.) potest homo proponere evitare omnia peccata venialia deliberata, et in quantum ad indeliberata sufficit proponere evitare ea quantum fert humana fragilitas, ut dicit idem Angelicus loc. cit.

26. III. Debet esse *efficax*, nempe ut homo proponat non solum non committere peccata, sed etiam omnia media ad illa evitanda conducentia eligere, et praecipue omnes occasiones proximas remove. Sed hic ad-

(1) l. 6. n. 451. (2) p. 3. q. 87. a. 1 ad 1.

vertendum (quicquid dicat p. Conci-
na) relapsus non semper esse signa
infirmi propositi, adeo ut semper re-
petendae sint confessiones praeteritae,
ut invalidae; quia relapsus non est
signum certum quod defuit voluntas,
sed saepe est signum mutatae volun-
tatis, dum saepe solent homines fir-
miter proponere, et postea iterum
cadere; ideoque ait Rit. rom. *In pec-
cata facile recidentibus utilissimum
fuerit consulere, ut saepe confitean-
tur et, si expediat, communicent*. Non
dicit, ut facile recidentibus absolutio
danda non sit, propter dubium quod
subest de eorum proposito, sed ut
consulendum sit potius eis ut saepe
confiteantur, et communicent: intel-
ligitur, semper ac dignoscitur adesse
debita dispositio, ut dicemus *tr. ult.*
punct. 2. Et quoad repetendas con-
fessiones praeteritas, recte dicit p.
Segneri, talem obligationem non ad-
esse, nisi habeatur moralis certitudo
de invaliditate confessionum praete-
ritarum, ut esset, cum observatur quod
aliquis post confessiones semper rein-
cidit in eadem peccata statim post
biduum, aut triduum, sine ulla re-
sistentia, et quin aliquod medium
adhibuerit, et quin occasionem re-
moverit. Hic occurreret loqui de il-
lis qui sunt in occasione proxima, et
de habituat, et recidivis, sed de his
peculiaribus *Punct. 1. et 2. tr. ult.*
loquemur. Restat tantum hic ut vi-
deamus, an pro confessione sufficiat
propositum virtuale in dolore inclu-
sum? Hic tres adsunt sententiae. Sen-
tentia 1. negat cum Scoto, Cano,
Caiet. Tolet. Conc., etc. qui id in-
ferunt ex Trid. *sess. 14. c. 4.* ubi
videtur requiri propositum formale,
cum dicatur quod pars essentialis Poe-
nitentiae sit *dolor cum proposito non
peccandi de caetero*. Sententia 2. quam
tenent Laym. Nav. Card., quam mor-
aliter certam appellat Lugo, etc. af-
firmat, quoties dolor sit ex motivo
universali; et etiam haec fundatur in
Concil. ubi dicitur quod attritio, si
(3) *ibid. (4) l. 6. n. 451. v. 2.* requir.

excludat voluntatem peccandi, iam disponit ad gratiam. Et huic sententiae adhaesit in Concil. rom. Bened. XIII. in quo approbavit instructionem ad populum, in qua (pag. 440.) dicitur quod qui saltem non habet attritionem cum firmo proposito, saltem implicito, amplius non peccandi, remissionem non obtinet. Sententia 3. cum Suar. Bellarmino, Bon. et Holzm. qui eam vocat communem, distinguit, et dicit, quod si poenitens nihil cogitat de futuro, ut contingere solet infirmis proximis morti, tunc sufficit propositum implicitum. Secus autem dicendum de eo qui cogitat de futuro, quia (ut dicit idem Concilium) contritio continet tam cessationem a peccando, quam incoptionem novae vitae, iuxta illud Ezechielis: *Proicite a vobis praevaricationes... et facite vobis cor novum.* Ezech. 18. 31. Caeterum, quia prima sententia est satis probabilis, ante factum illa sequenda est, sed post factum, si quis bona fide confessus est cum proposito implicito, non tenetur repetere confessiones, ut dicunt Bellarm. Suar. Vasq. Bonac. et alii communiter; dum qui probabiliter recepit Sacramentum validum, non est obligatus ad illud repetendum; nam tunc cessat periculum iniuriae Sacramenti, illud frustrandi (1).

CAPUT III. DE CONFESIONE

PUNCTUM I.

De conditionibus confessionis.

27. *Confessio I. debet esse vocalis II. debet esse secreta.*
28. *III. Debet esse vera. Qui mentitur in confessione, etc.*
29. *IV. Debet esse integra. De circumstantiis aggravantibus.*
30. *31. et 32. De peccatis dubiis.*
33. *De peccatis dubie confessis.*
34. *Qui confessus est peccatum dubium, cum novit esse certum, etc.*
35. *Quando excuset impotentia physica mutos, surdos, ignorantes linguam, et moribundos.*

(1) lib. 6. n. 450. (2) n. 429 et 493.

36. *De moribundo qui dedit signa per testes.*

37. *De iis qui nullum dant signum.*

38. *De iis qui in actuali peccato corripiuntur.*

39. *Quando excuset impotentia moralis.*

40. *Qui debet complicem aperire, etc.*

41. *Non potest confessarius inquirere nomen complicitis.*

27. Quatuor sunt confessionis conditiones: Nempe, ut sit vocalis, secreta, vera, et integra. Et primo debet esse vocalis, nempe voce, dum hic est usus communis Ecclesiae, non iam facta per signa aut scripto; habetur ex *Extrav. Inter cunctos* de privil. ubi dicitur: *Nisi articulus necessitatis occurrat, sanctificanda est oris confessio*: modo nulla adsit gravis causa, v. g. nimiae et extraordinariae verecundiae, aut linguae impedimenti, et huiusmodi, quia in tali casu sufficit, postquam confessarius confessionem legerit, quod dicat poenitens: *Me accuso de omnibus istis peccatis*; ita communiter Castr. Cano, Conc. Tamb. Salm., etc. (2). Qui autem non posset voce confiteri, tenetur saltem per signa aut scripto, cum sine periculo, et sine magno incommodo id efficere potest, prout dicemus loquendo de Muto seq. n. 35. ad 1. (3). 2. Debet esse secreta, quia nemo tenetur publice, nec per interpretem confiteri, nisi esset in mortis periculo constitutus, aut existens in mortali dubitaret de contritione sua, ut dicemus cit. n. 35.

28. III. Debet esse vera, unde graviter peccat sacrilegii qui mentitur in materia gravi, negando aut tacendo sine iusta causa aliquod peccatum grave patratum, aut non adhuc confessum; et aliquando poenitens tenetur aperire peccata confessa ad manifestandum habitum contractum (contra id quod dicebat prop. 58. ex proscriptis ab Innoc. XI.), ut confessarius possit se dirigere ad impertientiam, aut differendam absolutionem. Ita etiam peccat qui ex malitia se accusat de aliquo peccato gravi, quod

(3) num. 479.

non commisit; imo iste duo committit peccata, unum contra virtutem religionis, propter iniuriam quae in Sacramentum infertur, alterum contra virtutem veracitatis, cum tale mendacium sit graviter ipsimet nocivum. Dictum est *in materia gravi*, quia negare in confessione aliquod veniale commissum, aut mortale iam confessum, aut dicere aliud mendacium leve, communis est sententia cum Suar. Lugo, Bon. Ronc. Anacl. Holzm., etc. (contra Caiet. et Armilla) non esse grave. Nec obstat id quod dicit s. Thomas (1), peccare mortaliter qui negat veritatem quam confiteri debet; quia ibi loquitur Sanctus de confessione, quae fieri debet in foro externo, non autem de sacramentali, ubi certum est non teneri nos ad confitendas nec culpas veniales, nec graves iam confessas, nisi cum hoc expediret ad recipiendam absolutionem (2).

29. IV. Confessio debet esse *integra*. Et hic distinguenda est integritas materialis a formali. Per se loquendo confessio debet esse materialiter integra, nam poenitens tenetur ad explicandas tam species peccatorum, quam eorum numerum. Iam *tr. 3. punct. 3.* locuti fuimus de distinctione specifica, et numerica peccatorum, et ex quibus radicibus desumenda sit. Sed hic quaeritur an teneamur confiteri non solum circumstantias speciem mutantem, sed etiam notabiliter aggravantes? Tres adsunt sententiae probabiles. Prima affirmat cum Soto, Suar. Gonet, Sanchez, Concina, etc., dicentes eandem rationem, quae obligat ad explicandas circumstantias mutantem speciem, obligare etiam ad aggravantes, dum utraque mutant notabiliter confessarii iudicium. Secunda sententia, quam tenent Layman Sporer Busemb. etc., etiam affirmat, sed tantum de illis circumstantiis quae respiciunt integritatem substantialem

peccati, ut est quantitas furti, et gradus coniunctionis in incestu: secus (ut dicunt) confessarius debitum iudicium substantiae peccati formare non potest. Tertia sententia communior et probabilior, quam tenent s. Antoninus, s. Bonaventura, s. Bernard. Sotus, Cabass. Lugo, Castrop. Bonac. Ronc. Holzm. Salm. et alii, absolute id negat; et hanc sententiam tenet s. Thomas (3), qui dicit: *Alii vero dicunt quod non sint de necessitate confitendae, nisi circumstantiae quae ad aliud genus peccati trahunt, et hoc probabilius est*: et in responso ad 2. subiungit: *Unde sufficit quod (sacerdos) cognoscat quantitatem quae ex specie peccati consurgit*. Ratio est 1. quia Tridentinum *sess. 14. cap. 5.* non imponit ut confiteantur nisi solas circumstantias, quae mutant speciem, dicens, quod sine earum notitia non potest confessarius recte iudicare; ergo e converso, iuxta Concil. cum explicantur illae, confessarius iam recte iudicium ferre potest. 2. Quia obligatio confitendi circumstantias aggravantes esset poenitentibus nimiae angustiae, cum possint ipsi dubitare an circumstantiae omissae essent leves, aut notabiliter aggravantes, et an sint sufficienter expressae. 3. Quia (et haec est ratio potissima aliarum) talis lex confitendi circumstantias aggravantes, uti dicunt Cabassut. Lugo, Roncagl. et Salmantic. cum Lambert (4), est dubia, et nemo tenetur ad leges dubias, uti ostensum est in *tr. 1. n. 33.* cum s. Thoma (5), qui dicit: *Nullus ligatur per praeceptum, nisi mediante scientia illius praecepti*. Nec obstat hic dicere, quod in Sacramentorum materia non possimus sequi opiniones solum probabiles, quia hoc procedit cum agitur de valore Sacramenti, secus de integritate: et in quantum ad valorem, certum est sufficientem integritatem formalem. Nihilominus recte advertunt Lug. Castrop.

(1) 2. 2. q. 69. a. 1. (2) l. 6. n. 495. ad 497. (3) in 4. dist. 16. q. 3. a. 2. q. 5.

(4) notif. 80. n. 19.

(5) de veritate qu. 17. a. 2.

Salmant., etc. quod in quantum ad furtum, licet poenitens per se non teneatur ad explicandam quantitatem, plerumque tamen tenetur confessarius ad eam investigandam, ut se dirigat ad absolutionem impertientiam, et circa quantitatem et modum restitutionis (1).

30. Praeterea quaeritur an adsit obligatio confitendi mortalia dubia? Sed hic quaesita distinguenda sunt; hinc quaeritur 1. an confitenda sint peccata positive dubia, nempe cum probabile est ea commissae fuisse, et probabile non fuisse? In eo casu affirmant Merbes. Habert, et Con., quia ut hi auctores dicunt, *in dubiis via tutior est eligenda*. Sed communiter id negant Silvester, Sylvius, Gerson. Sanchez, Suarez, Bonac. Anacl. Ronc. Salmant. Holzm. et alii plurimi, propter generalem rationem, quod licite sequi possumus opiniones vere probabiles, ut ostensum est *tr.* 1. *ex* n. 33. Et ad regulam oppositam respondetur cum s. Antonino, ut ibidem n. 36. Recte tamen advertunt Sanch. Viva, Holzm., etc., quod in mortis articulo in tali dubio quilibet aut debet contritionem elicere, aut accipere absolutionem confitendo saltem aliam materiam certam (2).

31. Quaeritur 2. an confitenda sint peccata negative dubia, nempe quorum nulla apparet ratio affirmandi, vel negandi? Affirmant cum communiori Busemb. Dian. Tambur., etc., dicendo Trident. *sess.* 14. c. 5. praecipere poenitentibus confessionem omnium mortalium, *quorum conscientiam habent*: ergo (dicunt) utique confitenda sunt peccata dubia, quae dubia sunt in conscientia. Sed negant probabilius Merbes. Habert, Coninch. March. Holzm. Croix, Mazzotta, etc., et hanc sententiam probabilem vocant Layman, et Viva cum s. Antonino, Ledesm. Palud. etc. Ratio 1. est quia Concilium non iam imponit, ut supponunt adversarii,

(1) vide l. 6. n. 468. (2) n. 473.

confessionem peccatorum, ut sunt in conscientia, sed peccatorum, *quorum* (poenitentes) *conscientiam habent*, dicere intendens eorum quorum poenitentes certam habent conscientiam, cum *conscientia* (sicut explicat s. Bernard.) significat cordis scientiam; unde perperam dicitur quis habere conscientiam illius peccati, cuius nullam habet rationem illud commisisse. Tanto magis, quod Trident. loco cit. subiungit: *Nihil aliud in Ecclesia a poenitentibus exigi, quam ut... quisque... ea peccata confiteatur, quibus se Dominum et Deum suum mortaliter offendisse meminerit*; qui negative dubitat, non potest dici quod recordetur commisisse peccatum. Ratio 2. est quia (sicut superius diximus) non debet onus certum pro lego dubia imponi; contra nulla adest lex certa confitendi peccata dubia (3). Et hoc currit, etiamsi quis vellet communicare, ut diximus *tr.* 15. n. 34. quicquid dictum sit in opere (4).

32. Caeterum regulariter loquendo, consultius est poenitentibus suadere ut peccata dubia confiteantur, ad maiorem suae conscientiae quietem, modo non sint scrupulosi, ut diximus *tract.* 1. n. 10. et 11. Insuper sapienter dicunt Salm. Scholastici, Habert, Bonac. Suar. Croix et alii, quod personae probatae pietatis, quae diutius nunquam, aut valde rariis mortali alicui assentitae sunt, istae cum dubitant de consensu, praecipue si recordantur in principio restitisse, aut dubitant si fuerint in perfecta vigilia, possunt certo sibi statuere mortaliter non peccasse, cum (sicut dicunt Salm. et Habert) moraliter impossibile est, quod voluntas in bono proposito ita obfirmata, mutetur, quin clare hoc percipiat. Dicit p. Alvarez, quod peccatum mortale est monstrum ita horribile, ut in animam, quae ab eo per multum temporis abhorruit, se introducendo, non potest se in eam introducere, quin anima dilucide illud cognoscat; sicut

(3) n. 474. dubit. 2. (4) n. 475.

contra, loquendo de iis qui ex habitu mortalibus consentiunt, in dubio praesumuntur illi consensisse, quia si restitissent, utique de conatu in tentatione repellenda adhibito recordarentur: unde recte concludit Croix, quod in tali materia difficulter datur dubium negativum, dum praesumptio bonae aut malae vitae recte fundat credulitatem dissensus, aut consensus praestiti (1).

35. Quaeritur 5. an poenitens teneatur confiteri peccatum certe commissum, sed in dubio, an de illo nec confessus sit? Si dubium est negativum, certum est apud omnes eum teneri. Contra si dubium est positivum, adeo ut probabiliter credat de eo confessum esse, adest sententia non teneri ad illud confitendum; et hanc tuentur Suar. Navar. Silvest. Bonac. Lugo, Salm. Croix, etc. Verum sicut mihi probabilis minime visa fuit opinio relata *tract. 1. n. 17. in fin.* eorum auctororum, qui dicebant non esse obligationem implendi vota, quae probabiliter impleta sunt, ita nec valeo hanc approbare sententiam quoad peccatum probabiliter confessum, cum obligatio confessionis sit certa, et satisfactio dubia. Non autem reprobo id quod iidem citati auctores tradunt, nempe quod ille qui diligens fuit in suis peccatis confitendis, si postea dubitat an aliquod peccatum omiserit, postquam multum elapsum sit tempus a quo illud patravit, non tenetur ad confitendum, cum possit credere eo casu moraliter certe iam de illo confessum fuisse. Et subiungit p. Concina, quod illi qui diutius vitam rectam duxerunt, licet antea in vitiis habitati fuerint, si postea ipsi dubitant aliquod peccatum aut circumstantiam omisisse in confessione generali, aut particulari, debita diligentia praecedente, confessarius debet imponere ut amplius de illis non confiteantur, et ut nunquam ad illa animum addicant. Et loquendo de scrupulosis

(1) lib. 6. n. 476. v. item.

(ut dicunt communiter dd.), hi non tenentur aliquod peccatum confiteri, nisi certi ita sint, ut iuramento possint affirmare illud peccatum fuisse mortale, et quod nunquam confessi sunt (2); vide dicta *tract. 1. n. 10. et 11.*

34. Quaeritur 4. an qui confessus est peccatum uti dubium, teneatur iterum confiteri, cum advertit illud certum? Negant Holzm. Spor. Tamb. Elbel, etc., quia illud peccatum (ut dicunt) est iam directe absolutum. Sed vera, et communissima sententia Sanch. Card. Ronc. Busemb. Viva, Diana, etc., affirmat; quia licet peccatum fuerit directe absolutum, non tamen fuit, sicut erat in conscientia, explicatum cum commissum fuit, et sicut est in praesenti iuxta suam cognitam gravitatem, et iuxta confessionem a Trident. *sess. 14. c. 5.* praeceptam. Opponunt: Ergo si quis confitetur commisisse decem peccata circiter, et postea recordatur certo fuisse undecim, hic teneretur ad repetendam confessionem. Sed respondetur quod in illo *circiter* iam includitur numerus undecimus: contra in dubia accusatione non includitur certa: nec dubia potest unquam pro certa sumi. Caeterum probabiliter dicunt Coninch. Suar. Sanch. Salmant., etc., quod si quis confitetur peccatum, quod ille nec confessarius ut grave cognoscit, non tenebitur postea illud repetere, cum cognoscat certo illud esse grave in suo genere, quia in tali casu poenitens exponit peccatum ut est in conscientia (3).

35. Hactenus de integritate materiali; sed aliquando in confessione sufficit integritas formalis, nempe quod poenitens confiteatur iuxta quod nunc moraliter potest, remanente caeteroquin sibi obligatione faciendi postea confessionem materialiter integram; cum impedimentum fuerit remotum, et urgeat praeceptum iterum confitendi. Itaque excusat ab integritate materiali impotentia tam phy-

(2) n. 477. (3) n. 478.

sica quam moralis. Et primo ob impotentiam physicam excusantur 1. muti, quibus tam in morte, quam in praecepto paschali sufficit signis, modo quo possunt, explicare unum peccatum dumtaxat (1). An autem muti scribere scientes teneantur confiteri sua peccata scribendo; negant Castrop. Caiet. Nav. Valent. et alii, dicendo quod talis modus est periculo manifestationis obnoxius. Sed communiter, et probabiliter affirmant Lugo, Bonac. Anaclel. Croix, Salm., etc. cum s. Thoma (2), dum qui tenetur ad finem, tenetur etiam ad media. Intelligitur modo haec media non sint notabiliter difficilia: quapropter non tenetur mutus ad scribendam confessionem, cum extraordinario incommodo aut periculo esset illi, ut peccata sua ab aliis cognoscantur (5). 2. Surdi, qui confessarii interrogationibus respondere nequeunt, nec uti deberent, peccata sua explicare sciunt: intelligitur hoc de omnino surdis, quia surdastris debent adduci in aliquem remotum locum, ut eorum confessiones audiantur. 3. Illi qui linguam patriam ignorant. Isti tempore praecepti, aut alterius necessitatis, possunt absolvi manifestando tantum signis peccatorum suorum dolorem; nec tenentur per interpretem confiteri, ut dicunt Suar. Vasquez, Lugo, etc. An autem teneantur confiteri sic in morte. Alii affirmant; sed alii, ut Sot. Caiet. Castrop. Salm. Viva, etc. probabiliter negant, nisi esset quod dubitarent de contritione sua; quia tunc tenentur ad confitendum cum sola attritione quam haberent, ut per Sacramentum gratiam perciperent; sed tunc sufficiet ipsis, ut confessario per interpretem aliquod veniale manifestent (4). 4. Moribundi; sed hic multa discernenda sunt. Si moribundus sui compos est, sed nequit loqui, quoties ipse poenitentiae dat signa, aut ostendit velle absolutionem, bene po-

test absolvi, et quoties repetit signa; quia tunc iam adest confessio in illa expostulatione quam facit de absolutione, aut in illo signo quod dat doloris sui, quo iam confitetur se esse peccatorem; unde tunc directe absolutionem recipit super peccatis omnibus sub generica peccati ratione, licet ipse teneatur, cum poterit, ad ea in particulari explicanda, ut confessionem materialiter integram faciat (5).

36. Sed hic quaeritur 1. an possit absolvi moribundus sensibus destitutus, cum adstantes testificantur illum confessionem petivisse, aut poenitentiae signa dedisse? Negant Cano, Ledesm. Alvar., etc. Sed est communis sententia opposita, quae tenenda est, quia tunc per testes satis sensibilibiter confessario fit nota infirmi confessio; ita docent Bellarm. Sotus, Suar. Lugo, Conc. Salm., etc. cum s. Thoma (6), qui dicit: *Si infirmus qui petit unctionem, amisit notitiam, vel loquelam, ungat eum sacerdos; quia in tali casu debet etiam baptizari, et a peccatis absolvi*. Et hoc currit, ut dicit s. Antoninus, relatus in Sacerdotali romano apud Lugo, etiamsi infirmus diutius fuerit habituatus in peccatis, et confessus non sit. Hoc probatur ex Concil. Arausicano in can. *Qui recedunt* 26. q. 6. et ex Concil. 3. et 4. Carthaginensibus, et a s. Leone Papa in can. 15. *Qui* 26. qu. 6. et denique ex Ritual. rom. (*de Sacrament. Poenitent. §. Ordin. min.*) ubi dicitur: *Etiamsi confitendi desiderium sive per se, sive per alios ostenderit, absolvendus est*. Et haec sententia habet locum, ut probabiliter dicant Lugo, Dicast. et Croix, licet unus tantum testis adsit, et etiamsi sit mediatas, qui testetur signa a moribundo data. Nec obstat decretum Clementis VIII. quo proscripta fuit confessio facta in absentia confessarii, cum (ut testantur Bell. Suar. et Petrus Lombardo) idem Pontifex declaravit non intellexisse compre-

(1) 1. 6. n. 479. (2) in 4. dist. 17. q. 3. a. 4. q. 3. ad 2. (3) 1. 6. n. 479. v.

(5) n. 480. (6) opusc. 6. de Sacra Unct.

hendere moribundos, imo expresse dixit hos in nostro casu debere omnino absolvi (1). An autem talis absolutio debeat absolute dari, sententia communior affirmat, dicendo quod in tali necessitate Sacramenta debent absolute conferri, quoties de materiae valore probabilitas habetur: sub conditione autem quoties prudens tantum dubium habetur: sed Suar. s. Anton. Bon. Wigandt, et Croix tenent dandam esse in nostro casu sub conditione; et haec opinio mihi videtur tuta, praecipue cum dubitatur (prout facile dubitari potest in rudibus) an poenitens nec ne rite actum doloris elicuerit (2).

37. Quaeritur 2. an possit absolvi sub conditione moribundus sensibus destitutus, qui nulla dat, nec dedit, poenitentiae signa. Multi negant, ut Lugo, Busemb. Petroc. Abel. Laym. Roncagl., etc., quia tunc, ut dicunt, deest materia sensibilis Sacramenti; sed communius et probabilius affirmant Merbesius, Molin. Carden. Pontius, Salmeron. Iuvenin. Conc. et Croix, et clare id docet etiam s. Augustinus (3), qui dicit: *Quae autem Baptismatis, eadem reconciliationis est causa, si forte poenitentes finendae vitae periculum praeoccupaverit; nec ipsos enim ex hac vita sine arrha suae pacis exire velle debet Mater Ecclesia* (4). Opponitur: Sed in tali casu ubinam est materia sensibilis Sacramenti? Respondent Gonet et Iuvenin; sed eorum responsiones parum satisfaciunt, ut videre est in opere. Melius respondent Molfes. Aver. Salm. Viva, et alii, quod in tali casu iam prudens dubium habetur, quod moribundus antequam sensibus destitueretur, aut in aliqua intervalli luce, suae damnationis periculum agnoscens, velit, ac etiam petat absolutionem signis sensibilibus, v. g. suspiriis, oculorum aut oris motibus, aut saltem respiratione anxia quam ostendit, licet huiusmodi signa non

possint perspicue percipi, sed ipsa aut eorum dubium iam sufficiunt ad dandam absolutionem sub conditione; in casu enim necessitatis urgentis bene licet uti materia etiam dubia: quod utique principium certum est apud theologos, ut testatur Iuven. Imo possumus uti tunc opinionibus etiam tenuiter probabilibus, sicut communiter docent Sot. Navar. Carden. Sanch. Viva, Gobat. Croix, etc., quia necessitas efficit ut in quocumque dubio licite ministretur Sacramentum sub conditione, dum per conditionem iam reparatur Sacramenti iniuria, et eodem tempore prospicitur proximi saluti. Et hic praeterea advertendum est cum Suar. Vasq. Viva, Mazzot. et aliis communiter, quod sacerdotes (cum possunt) tenentur sub gravi absolvere infirmos, ut deducitur ex *can. Si presbyter*, 26. q. 6. ubi Iulius Papa dicit: *Si presbyter poenitentiam morientibus abnegaverit, reus erit animarum*. Contra etiam advertit Ronc., loquendo generaliter de moribundis, quod non debet intra breve temporis spatium saepius replicari absolutio, nisi novum et certum doloris signum habeatur, quam bis aut ter intra aliquam proportionatam distantiam, quia revera tunc cessat necessitas. Non negatur tamen quod si sensuum destitutio diutius perseverat, cum actuale mortis periculum adsit, potest pluries repeti absolutio, v. gr. ter aut quater in die (5).

38. Quaeritur 3. an possit dari absolutio conditionata peccatori, qui sensibus destituitur in actu peccati, v. g. in adulterio, vel duello? Negant Habert, Gonet, Iuvenin. et Conc.; sed affirmant Pontius, Carden. Holzman, Stoz. Gormaz et alii. Dicunt hi quod semper ac constet huiusmodi peccatorem fuisse catholicum, debere absolvi sub conditione in mortis momento; et recte dicunt Merbes. et Du-Pasquier, quod possumus hac uti opinione, potissimum ob s. Augustini

(1) l. 6. n. 481. (2) ibid. v. utrum.

(3) l. 1. de Adult. c. 28 (4) l. 6. n. 480

(5) n. 482. v. sed dices.

auctoritatem (1) dicentis: *Qui... retinent adulterina consortia, si desperati et intra se poenitentes iacuerint, nec pro se respondere potuerint, baptizandos puto. Quis enim novit, utrum fortassis adulterinae carnis illecebris usque ad Baptismum stauerint retineri? Quae autem Baptismatis, eadem reconciliationis est causa, si forte poenitentem finiendae vitae periculum praecoccupaverit. Et dicendo Sanctus, Quis enim novit, utrum, etc. supponit certo tales peccatores nullum certum suae conversionis signum praestitisse. Hanc sententiam puto sufficienter probabilem ratione eadem superiori quaesito adducta, quia de quolibet Catholico prudens potest esse praesumptio, quod si unquam ille aliquo usus rationis intervallo donetur, optet modo meliori quo potest, damnationem suam aufugere. Dictum est Catholico, dum (ut bene notat Holzm.) haereticus moribundus, licet det signa poenitentiae, non potest absolvi, nisi expresse absolutionem petat; nam alias non potest prudenter praesumi ea signa dare in ordinem ad confessionem, a qua haeretici vehementer abhorrent (2).*

39. Secundo loco ob impotentiam *moralem* excusatur poenitens ab integritate materiali, et ei sufficiet formalis in pluribus casibus: 1. Si est scrupulosus et iugiter praeteritarum confessionum timore vexatur, ut docent communiter Laym. Illsung. Elbel, et Holzm. 2. Si infirmus, confesso uno vel altero peccato, deliceret, aut in periculo deficiendi esset. 3. Si dum affertur Viaticum, confessarius adverteret confessiones praeteritas fuisse nullas, et infirmus non posset tunc integre confiteri, nisi cum periculo sine absolutione decedendi, aut scandali, ut superiori tract. 15. n. 24. dictum est. Et idem dicit probabiliter Ronc. cum urgens esset necessitas celebrandi, aut communican-

di, et tempus finiendae confessionis non suppeteret. Idem currit pro sacerdote habente reservatum, et in celebrandi necessitate constituto, si non adesset confessarius facultate praeditus, ut in antecedenti tract. n. 27. diximus. 4. Si sacerdos esset in mortis periculo antequam absolutionem impertiat. 5. Cum grave adest periculum infectionis, quia tunc confessarius potest absolvere poenitentem infectum audito uno tantum peccato; Conc. Wigandt, Bonac. Elbel, et alii. Sed si confessarius vellet audire totam confessionem, tenetur infirmus integre confiteri (3). 6. Si imminet naufragium. aut praelium: quia sufficit cuique tantum veniale confiteri, aut se peccatorem esse in generali; et potest tunc sacerdos absolvere omnes in generali; dicendo *Ego vos absolvo*, etc.; praecisus poenitentium concursus, alia non interveniente causa, non est ratio sufficiens ad dimidiandam confessionem, ut ex prop. 59. damn. ab Innoc. XI. (4). 7. Si ex confessione alicuius peccati prudenter poenitens posset timere grave damnum spirituale, aut temporale, proprium aut alienum, v. g. revelationis, scandali sui, aut confessarii, mortis, aut infamiae. Sed intelligitur cum urget necessitas confitendi ob mortis periculum, aut satisfaciendi Communioni paschali: aut (dicunt Lugo, Henricq., etc.) si poenitens esset in mortali, et ceteroquin ei expectandum esset per biduum, aut triduum, ut confiteretur; imo etiamsi per unum diem, sicut dicunt Suar. et Escob. (licet in alia re) ut dicetur in *append. 3. de Examine Ordinand. n. 20.* 8. Denique si non posset peccatum confiteri quin sigillum sacramentale revelet (5).

40. Tenent autem nonnulli dd. ut Navarr. Innoc. Hostiensis, etc. quod poenitens debeat peccatum suum reticere, si non potest illud confiteri quin complice manifestet confessario; nam (ut dicunt) praeceptum (4) n. 486. (5) n. 487. et 488.

(1) lib. 1. de Adult. Coniug. c. 28.

(2) l. 6. n. 483. (3) n. 484. et 485.

naturale proximi famam servandi praeferendum est praecepto positivo integritatis confessionis. Sed hoc negatur cum communi sententia s. Bonaventurae, s. Antonin. Gonet, Cone. Suar., etc. cum s. Thoma (1) qui dicit: *Si speciem peccati exprimere non possit, nisi exprimendo personam cum qua peccavit, necesse est, ut exprimat.* Et idem dicit s. Bern. (*de Forma bon. vitae*). Ratio est, quia ex una parte integritas confessionis, quoties potest, servanda est: contra (ut dicit s. Thomas) manifestare alterius peccatum vacat culpa, cum iusta intercedit causa: ultra quam quod complex peccando amisit ius ad famam, in quantum ad confessionem, quam illius peccati facere debet. Hoc tamen intelligendum, cum confitendum est mortale; nam ut confiteatur veniale, aut mortale iam confessum, non licet alterius grave peccatum patefacere, ut dicunt Lug. Ronc. Viva et Tamb. contra Renzi (2). Et etiam in primo casu quo mortale non adhuc est confessum, tenetur poenitens alium inquirere confessarium, cui complex est ignotus; modo (exicipiunt dd.) ad hoc faciendum ei incommodum spirituale, aut temporale patiendum non sit, ut esset 1. Si iam suum declarasset peccatum confessario, cui notus esset complex, ac propterea obligaretur bis ad confitendam culpam suam. 2. Si esset in celebrandi, aut communicandi necessitate. 3. Si ad perquirendum alium confessarium longe ei proficiscendum esset, aut ne indulgentias amitteret; aut si ei gravi esset incommodo conscientiam suam alii quam confessario ordinario manifestare; aut si omittere esset consueta Communio; et tanto magis si caeteroquin ei ultra biduum (ut dicunt Lug. Viva et Renzi) in mortali perseverandum esset. Henriq. putat diuturnam esse bidui dilationem. Imo Antoine absolute dicit excusare ab obligatione perquirendi alium confessarium unius

diei dilationem. Praeterea saepe excusantur matres et uxores in referendis apud confessarium filiorum et virorum peccatis, dum hoc ei confert ad sedandum dolorem, aut ad consilium melius capiendum de modo quo se gerere debeant. Insuper auctores excusant poenitentem, si iudicaret illum confessarium doctorem, aut saltem suae conscientiae magis conscium, adeo ut melius posset illum dirigere, et animae suae paci consulere; tanto magis, quod multi dd. graves, ut dictum est *Tr. 11 n. 11.* tenent non esse culpam gravem etiam sine causa uni vel alteri viro prudenti proximi delictum manifestare (3); sed haec esset causa cur etiam a veniali excusaretur.

41. Advertendum hic denique, quod licet poenitens posset in casibus praefatis licite complicem detegere confessario, nihilominus non licet confessario a poenitente complicitis nomen exquirere, licet hoc bono fine efficeret, ut eum corrigat, aut damnum impediat; dum Benedict. XIV. in Bulla *Ubi primum* edita 3. iunii 1746. hoc appellat detestabile: et detestabilius, si confessarius absolutionem negaret ei qui complicem manifestare recusaret. Hinc Pontifex declarat, hoc esse peccatum mortale, et imponit huiusmodi confessario suspensionem (sed ferendae sententiae) ab audiendis confessionibus; et excommunicationem papalem ipso facto in praesumentes docere oppositum; et insuper aliis (non autem poenitentibus), qui scirent aliquem confessarium propter hoc absolutionem denegasse imponit denuntiationis obligationem, modo ille ex simplicitate hoc non effecerit. Recte tamen dicit p. Concina, non intelligi per hoc vetitum fuisse confessario circumstantias ad confessionis integritatem necessarias exquirere, prout sunt illae quae mutant speciem, aut expediat eas scire ad poenitentis directionem; quare bene potest con-

(1) Opusc. 12. q. 7. (2) l. 6. n. 489.

(3) n. 490.

fessarius interrogare de coniunctionis gradu, si complex sit in peccato turpi, an sit ligatus voto castitatis, an sit famula, si in eadem domo commoretur (1). Praeterea dicit p. Mazzotta, quod si a complice gravia timerentur damna, quae solus confessorius avertere posset, tunc complex manifestandus est. Addit auctor Commentarii in Antoine, non potest absolvi poenitens, qui nollet complicem patefacere, cum hoc est necessarium ad publicum damnum reparandum. Ego tamen dico, quod in tali casu nunquam licet confessorio stante praefata Pontificis prohibitione, interrogare de complicitis nomine; tantum poterit ille tunc obligare poenitentem in generali, ut revelet complicem alicui qui malum impedire potest; sed si poenitens sponte sua confessorium rogaret, ut ipse sibi susciperet has partes et ex se revelaret complicem, tunc confessorius non peccat, et utique potest uti ea notitia, ut remedium afferat; licet plerumque non expediat ut confessorii hoc onus corrigendi ex confessionis notitia sibi assumant, quia hoc difficulter accidit sine scandali periculo, aut sacri ministerii dedecore.

PUNCTUM II.

Quandonam confessio sit invalida, et quomodo revalidanda est.

42. *Quandonam confessio sit nulla ex parte confessorii.*
43. *Quandonam ex parte poenitentis. De complice in peccato turpi.*
44. *Quomodo convalidanda confessio apud eundem confessorium; et an sufficiat recordari poenitentiae impositae.*
45. *De rudibus qui non explicarunt nec species, nec numerum.*
46. *Quando repetenda est confessio.*

42. Confessio potest esse invalida, aut ex parte confessorii, aut ex parte poenitentis: ex parte confessorii, 1. Si ille caret iurisdictione; 2. si deficit in danda, aut in proferenda

(1) lib. 6. n. 491. et 492. (2) n. 493.

absolutione; 3. si nullum poenitentis peccatum intellexit: dico *nullum*, quia si aliquod intellexit, valida est absolutio, si poenitens bona fide eam recipit; tantum huic restat obligatio confitendi peccata, quae confessorius non audivit. Secus autem si eam recipit in mala fide, cum iam advertit, confessorium aut non audire, aut dormire, aut esse ignarum, aut peccati gravitatem non concipere, aut facilem esse in absolvendis, etiam indispositis, quia tunc cum poenitens peccet in eadem confessione, quam facit, illa certe nulla est. Si autem tu cum confiteris, peracta confessione, cognosceres confessorium aliquod peccatum non audivisse, sed nescis quodnam sit, tunc dicunt communissime Sanch. Tamb. Salm. Lug. Dicast., etc., quod si confessio est brevis, teneris eam repetere, secus autem si fuit longa, quia eo casu praesumitur Deus non obligare ad integritatem confessionis cum tanto incommodo (2). Dicunt autem Suarez Sot. Castrop. Lugo Salm. etc. confessionem bona fide factam confessorio nescienti distinguere nec species, nec numerum peccatorum, esse validam, nec repetendam. Ego dico hoc intelligendum in casu quo non constat de omissione; quia si constat quod defuit integritas haec, semper supplenda est, ut dicunt ipsi Salm. et Lugo; quandoquidem licet prior confessio fuerit valida, saltem est invalida secunda, in qua defectus animadvertitur (3).

43. Ex parte autem poenitentis est invalida confessio, 1. si ille est excommunicatus, nam excommunicatio privat cuiuscumque Sacramenti perceptione; 2. si ex malitia aut culpabili negligentia omittit aliquod grave peccatum confiteri; 3. si debitum dolorem aut propositum non habet; praecipue si restituere non vult, ut debet, bona, honorem, aut famam ablatam: aut si occasionem proximam voluntariam nolit auferre; 4.

et 499. (3) n. 500. v. codem.

si confitetur aliquod peccatum turpe apud eundem complicem; nam, ut declaravit Benedictus XIV. in sua *Bulla Sacramentum Poenitentiae* data 1. iun. 1741., confessarius omni privatus fuit iurisdictione erga complicem sui peccati turpis, praeterquam in casu mortis, et quando nullus alius sacerdos etiam simplex adesset; alioquin ille absolvendo incurrit papalem excommunicationem, ut fuso dicatur loquendo de *Iurisdictione confessarii* n. 95. (1).

44. Hinc quaeritur, quomodo repetenda est confessio invalida, cum apud eundem confessarium fiet? Oportet hic prius advertere, quod cum absolutio dilata est, non opus est ut confessarius distincte reminiscatur peccatorum, quae iam confessa fuerunt, nec ut confessionem repetere faciat, sed sufficit ut in confuso recorderetur status poenitentis; ut communiter Silv. Suar. Nav. Conc. Laym. Croix etc. (2). Fit attamen dubium an hoc sufficiat, cum confessio fuerit nulla? Distinguunt Suar. et Coninch. et dicunt quod tunc tantum sufficit, cum confessio invalida fuit solo confessarii defectu circa suum officium, v. g. si absolutionem non dedit aut sibi defuit animus absolvendi; secus autem cum fuit nulla defectu alienius partis essentialis, ut si defuit dispositio in poenitente, aut iurdictio in confessario; quia tunc cum confessio fuerit sacrilega, aut facta apud non indicem, non est sacramentalis. Haec sententia est probabilis, nihilominus opposita est communis cum Navar. s. Antonin. Silvest. Vasq. Medina Lug. Laym. Sa Bonac. Valent. Tamburin. Aver. Croix Salm. etc., et est valde probabilis. Hi dd. dicunt, quacumque ex parte veniat defectus, necesse non esse confessionem repetere, sed sufficere quod poenitens in genere iterum se accuset de peccatis iam patefactis, et quod confessarius poenitentis status recorderetur; aut ad summum illius conscientiae in con-

fuso reassumat notitiam. Ratio est 1. quia talis confessio non fuit iam simplex narratio, sed cum facta fuerit in ordine ad recipiendam absolutionem bene potest illa vere dici sacramentalis; dum iam obligat ad sigillum sacramentale. 2. Quia quamvis talis confessio non fuisset sacramentalis, saltem eius ratificatio, iterum poenitente se accusante de peccatis confessis, coniuncta cum cognitione quam confessarius de illis prius habuit, reputatur utique sufficiens ad efficiendam illam validam, et integram. Imo hoc admittit Card. de Lugo, etiamsi poenitens antecederet peccata sua ob simplicem narrationem confessario declarasset; sed huic acquiescere nequeo, quia tunc dico quod neutra confessio potest dici sacramentalis: non quidem prior, quia illa non fuit facta in ordine ad absolutionem: non secunda, quia non adest confessio cuiuslibet peccati in particulari, sicut requirit Trident.; tantum hoc posset admitti, si confessarius, dum poenitens se accusat de peccatis narratis, distinctam eorum haberet notitiam (3). Addunt multi graves dd. ut Tol. Vasq. Laym. Sa Busemb., quod cum adfuerit confessio facta in ordine ad absolutionem, non solum sufficit memoria in confuso illius, sed etiam solius poenitentiae impositae; quia ex sola poenitentiae notitia potest confessarius debitum formare iudicium poenitentis status. Addunt Castropal. s. Antonin. Silv. etc. apud Croix, sufficere etiam solius poenitentiae adimpletae reminisci, licet nec confessarius, nec poenitens recorderetur quae nam fuerit; sed haec opinio mihi videtur nimis extensa, quia sacerdos, ut diximus, debet iudicium formare saltem in confuso de statu poenitentis, tam ad dandam absolutionem quam ad poenitentiam iniungendam, quae in tali casu utique debet imponi ad faciendum Sacramentum integrum (4).

(1) l. 6. n. 501. (2) n. 502. v. quaer.

(3) n. 502. dubi. 1. (4) ib. dubi. 2. et 3.

45. Dicit Tambur. et adhaeret p. Segneri (in sua *Instructio ad confessarios*) rudes et pueros qui semper in confuso confessi sunt sine specierum et numeri peccatorum distinctione, sed in bona fide, hos non teneri ad repetendas confessiones. Sed haec opinio nescio quomodo possit admitti, dum isti, ut dicunt Lugo, Navar. Bonac. Salm., etc., semper tenentur ad explicandas species, et numerum omissum, cum id animadvertunt; quia licet eorum confessiones validae fuerint, tamen semper remanet obligatio ad reintegrandam confessionem materialiter⁽¹⁾. Admittunt tamen Salm. cum Dicast. Fagund. Henrig. opinionem Tamb. in casu quo rudis dudum semper conformem vitam duxisset, adeo ut ex confessione unius anni possit iudicari de praeteritis. Sed hoc dico posse admitti quando confessarius a principio confessionis comprehendisset hanc vitae uniformitatem etiam pro annis praeteritis; secus autem quando in fine confessionis cognosceret defectum praeteritarum, et illius novissimae confessionis notitia distincta peccatorum in eius mente non restaret; nam licet confessario sufficiat ad dandam absolutionem notitia confusa status poenitentis, nihilominus semper opus est ut iudicium peccatorum in particularisemelformaverit⁽²⁾.

46. Caeterum recte dicunt Filliuc. Gobat. Holzm. Elbel, Croix, Mazz. cum p. Segneri in dubio non teneri poenitentes ad repetendas confessiones, quoties praesumptio et per consequens possessio stat pro illarum valore, nisi de nullitate constet. Nec obstat dicere quod, cum adest praeceptum, et dubitatur de eius satisfactione, possessio est pro obligatione; nam respondetur hoc habere locum cum dubitatur de actu satisfactionis; sed non cum est certum opus fuisse adimpletum, quia tunc in dubio possessio stat pro valore actus,

(1) l. 6. n. 504. et ib. v. dicit 2.

(2) ib. v. dicunt 3. (3) n. 505.

iuxta principium communiter receptum a dd.; ita Laym. Croix, Spor. et Mazzotta cum Navar. qui dicit: *Praesumptio pro actus valore praeponderat aliis* (3). Et circa obligationem repetendae confessionis, optimam regulam exhibet Habert, et sic dicit: Si observetur quod poenitens post confessionem occasiones vitavit, et pro aliquo tempore temptationibus obstitit, bene possunt iudicari validae confessiones; secus autem, si observatur quod paulo post, oblata sibi prima occasione, facile, ut prius, lapsus est; dum illi, quem vere poenitet, et qui firmiter vitam in melius mutare statuit, impossibile est quod ita facilius recidat, quin saltem per aliquod tempus perseveret, aut quin prius saltem multam praestiterit resistentiam; ideo fit quod si quis post confessionem statim sine ullo conatu labitur, signum moraliter certum exhibet, eius confessiones praeteritas nullas fuisse, quia deerat dolor et propositum (4).

CAPUT IV.

DE SATISFACTIONE, SIVE DE POENITENTIA

Quoniam si peccatori remittitur culpa, non semper tota poena remittitur, sed plerumque ei remanet satisfacienda; ideoque tertia pars Sacramenti Poenitentiae est satisfactio sacramentalis, quae dicitur pars non essentialis, (quia sine hac etiam potest esse validum Sacramentum) sed integralis, nam inservit ut Sacramentum fiat integrum.

PUNCTUM I.

De impositione poenitentiae.

47. *De obligatione imponendi poenitentiam. An post absolutionem, etc.*
48. *Poenitentia debet imponi ex obligatione.*
49. *Quando possit diminui. De infirmis corpore.*
50. et 51. *De infirmis spiritu.*
52. 53. et 54. *Quae species poenitentiarum debeant imponi.*

47. Circa hoc multa adnotanda sunt.

(4) n. 505. v. et quoad.

Notandum 1. confessarium in danda absolutione teneri imponere poenitentiam, ut declarat Trident. *sess.* 14. c. 8.: unde peccat, si eam non imponit, et quidem graviter, cum confessio est de mortalibus; si est de venialibus, aut de mortalibus iam confessis, probabile est (ut dicunt Lugo, Dicast. Salm. Mazzotta, etc.) non peccare graviter (1). Et licet poenitens statim post absolutionem alterius peccati confiteatur, confessarius pariter debet imponere novam poenitentiam, saltem levem. Dicunt Bon. Croix et Mazzot. sufficere tunc ei imponere denovo priorem poenitentiam; sed recte hoc negant Gastrop. Ronc., etc., quia licet possit imponi opus debitum ex alio praecepto, sicut infra dicetur nihilominus non posset imponi opus debitum eodem titulo poenitentiae (2). Poenitentia plerumque imponenda est ante absolutionem, ut videat quomodo eam poenitens accipiet; sed potest aliquando imponi immediate post absolutionem; tunc enim moraliter cum illa unitur: ita communissime Busemb. Salm. Viva, Diana, Sporer, etc. (3).

48. Notandum 2. poenitentiam semper debere imponi sub aliqua obligatione. Sed fit dubium an confessarius possit imponere poenitentiam gravem sub levi obligatione? Negant Bonac. Coninch., etc., dicentes materiam gravem sub levi obligatione imponere solius legislatoris esse, non autem simplicis ministri, qualis est confessarius. Sed communis et probabilis affirmant Suar. Filliac. Henriq. Fag. Busemb. Segneri, Tamb. Dicast., etc., quia in Poenitentiae Sacramento sacerdos non simplicis ministri Iesu Christi fungitur officio, sicut in caeteris Sacramentis, sed est verus iudex a Salvatore constitutus cum facultate solvendi a peccatis, et ligandi per poenitentiam, adeo ut obligatio huius totaliter dependeat ex confessarii praecepto (4).

(1) l. 6. n. 506. (2) n. 513. dubit. 2.

(3) n. 514. v. 8. etsi. (4) n. 518.

49. Notandum 3. circa quantitatem poenitentiae, illam debere esse proportionatam culpis; sed in hoc attendenda sunt verba Tridentini, *sess.* 14. c. 8. ubi sic dicitur: *Debent ergo sacerdotes Domini, quantum spiritus et prudentia suggesserit, pro qualitate criminum, et poenitentium facultate, salubres et convenientes satisfactiones iniungere, ne, si forte peccatis conniveant, et indulgentius cum poenitentibus agent, levissima quaedam opera pro gravissimis delictis iniungendo, alienorum peccatorum participes efficiantur.* Itaque quantitas poenitentiae a Concilio remittitur confessarii arbitrio, *quantum spiritus et prudentia suggesserit.* Hinc fit quod poenitentia multis de causis potest minui. 1. Si poenitens accessit valde contritus: aut si ille prius multas poenales patravit actiones (5): 2. Tempore iubilaei aut indulgentiarum plenariorum; sed semper tunc debet imponi aliqua poenitentia, ut declaravit Benedictus XIV, tum quia nemo potest securus esse plenariam indulgentiam lucrari, tum quia semper integrandum est Sacramentum (6). Et cum poenitens indiget poenitentia medicinali, haec omnino imponenda est, ut bene advertit Mazzot. 3. Si poenitens sit infirmus corpore, cum advertat Rituale rom., infirmis tunc non esse imponendam gravem poenitentiam, sed tantum pro tempore cum convalescerint. Quod si infirmus sit constitutus in mortis periculo aut sensibus destitutus, tunc potest absolvi sine ulla poenitentia; licet semper expediat aliquam levem ei imponere, ut osculari Crucifixum, aut invocare nomina Iesu et Mariae, saltem in corde, etc. Non expedit infirmo pro poenitentia imponere ut patienter infirmitatis incommoda sufferat, hoc enim potest esse illi multorum scrupulorum occasio. Contra recte advertunt Salm. quod si infirmus possit satisfacere per elemosynas, istas utique esse a confessario

(5) n. 507. (6) n. 519.

iniungendas, dum quilibet tenetur eam facere, quam potest, poenitentiam (1).

50. Potest 4. minui poenitentia, si poenitens est infirmus spiritu; adeo ut prudenter timeatur ne ille non adimpleat poenitentiam proportionatam; ita docent communiter Suar. Scot. Navar. Laym. Abelly, Castr. Habert, Gonet, Gerson. Caiet. Natalis ab Alex. Antoine, Anacl.; ita etiam s. Carolus Borrom. in *Instruction. ad confessarios*, qui monet confessarios, ut minuant poenitentiam iuxta dispositiones poenitentium, eos admonendo: *Hoc factum esse* (sunt sua verba) *ne eam, quae pro culpae ratione iniungenda erit, deserant* (nota) *cum periculo salutis suae*. Idem docet s. Thomas, cuius verba mox infra referemus. Verum est quod in Trid. dicatur, quod poenitentia debeat delictorum qualitati correspondere; sed mox subiungit, quod debeant esse *pro poenitentium facultate salutare et convenientes*. *Salutares*, nempe utiles poenitentis salutis: *et convenientes*, nempe proportionatae, non solum peccatis sed etiam poenitentis viribus. Hinc non solum non essent salutares, nec convenientes illae poenitentiae, quibus poenitentis vires ob spiritus imbecillitatem pares non sunt; sed potius essent ei perniciet, quam salutis. In hoc Sacramento potius attenditur emendatio, quam satisfactio; propterea ait Rit. romanum. (*de Sacramento Poenitentiae*) quod confessarius in danda poenitentia debet rationem habere poenitentis dispositionis. Et s. Thomas (2) dicit: *Sicut medicus non dat medicinam ita efficacem ... ne propter debilitatem naturae maius periculum oriat; ita sacerdos divino instinctu motus non semper totam poenam, quae uni peccato debetur, iniungit, ne infirmus desperet, et a poenitentia totaliter recedat*. Et alibi (3) dicit, quod

sicut parvus extinguitur ignis, si multa ligna superimponantur; ita accidere potest, quod parvus poenitentis affectus contritionis extinguatur pondere poenitentiae: et subiungit: *Melius est quod sacerdos poenitenti indicet quanta poenitentia esset sibi iniungenda, et iniungat nihilominus quod poenitens tolerabiliter ferat*. Et alibi (4) addit: *Tutius est imponere minorem debito, quam maiorem, quia melius excusamur apud Deum propter multam misericordiam, quam propter nimiam severitatem, quia talis defectus in purgatorio supplebitur*. Id prius tradidit Chrysostomus in cap. Alligant, 12. caus. 26. q. 7. dicens: *Sicut enim si fascem super humeros adolescentis, quem non potest baiulare, posueris, necesse habet, ut aut fascem abiciat, aut sub pondere confringatur: sic et homini, cui grave pondus poenitentiae imponis, necesse est ut aut poenitentiam tuam reiiciat, aut suscipiens, dum sufferre non potest, scandalizatus amplius peccet*. Idem etiam dicunt Gerson. Caiet. et praecipue s. Antonin. (5) qui dicit, quod debet imponi illa poenitentia quam indicatur poenitens executurus, et quam ille tunc libenter acceptat. Et si poenitens protestatur sibi non esse vires sufficientes ad poenitentiam convenientem, concludit tandem s. Anton.: *Tunc quantumcumque deliquerit, non debet sine absolutione dimitti*. Sufficiens tunc erit, ait Sanctus, ut ei imponatur in generali quicquid boni egerit sub iisdem verbis Ritualis: *Quicquid boni feceris etc.*, quae opera cum Sacramento Poenitentiae coniuncta, ut docet Angelicus (6), ob Sacramenti virtutem, maiorem acquirunt valorem ad satisfaciendum pro peccatis commissis. Item probabiliter addunt multi dd. Lugo, Petroc. Croix, et Salm. cum eodem s. Antonin. (7) esse iustam causam ad minuendam poenitentiam iudicare poenitentem ita me in opere morali l. 6. n. 510. per totum. (6) Quodlib. 3. a. 28. (7) vide ibidem.

(1) l. 6. n. 507. (2) Suppl. quaest. 18. art. 4. (3) Quodlib. 3. a. 28. (4) Opusc. 65. §. 4. (5) 3. part. tit. 16. c. 20. et

lius erga poenitentiam affici studio. O quam pulchrum est consilium *sanc-
ti Thomae a Villanova* (1), *facilem
unam iniunxeris, acriorem consulue-
ris!* Expedit ut poenitenti compre-
hendere facias poenitentiam quam
mereretur; cui potest conducere et-
iam indicare poenitencias antiquas
Canonum poenitentialium (hae in-
veniuntur in opere (2) adnotatae).
Iuvabit pariter, ut dicit s. Thomas
de Villanova, suadere poenitenti gra-
viores poenitentiam, sed postea im-
ponere ei oportet eam tantum, quam
prudenter iudicabit confessarius ab
eo adimpletam iri. Insinuat s. Fran-
ciscus de Sales (3), et idem dicit Rit.
parisien. (4) expedire, ideoque a poe-
nitente expetere, an valeat ipse eam
poenitentiam exequi; secus commu-
tetur. Idem admonuit s. Carolus Bor-
romaeus, dicendo: *Talem imponat
poenitentiam qualem a poenitente
praestari posse iudicet. Proinde ali-
quando, si ita expedire viderit, illum
interroget, an possit, anve dubitet
poenitentiam sibi impositam perage-
re; alioquin eam mutabit, aut mi-
nuet.* Confert etiam plerumque inter
opera iniuncta aliquam gravem poe-
nitentiam imponere, sed non sub gra-
vi (ut n. praecedenti dictum est); aut
aliquod opus aliunde praeceptum, aut
debitum, ut infra dicemus.

51. Ex quo deducitur quam im-
prudenter se gerunt confessarii, qui
poenitentiam viribus poenitentium
imparem iniungunt. Quot istorum
multoties non dubitant faciliter re-
cidivos indispositos absolvere, et et-
iam eos qui in proxima peccandi oc-
casione versantur, et insipienter po-
stea putant iis mederi imponendo
gravissimas poenitencias, licet videant
quod illi eas adimplere non possint:
imponunt v. g. ut octavo quoque die
per annum confiteantur: ut quindecim
decades Rosarii quolibet die re-
citet ille, qui ne solitus quidem fuit
quinque in hebdomada recitare: im-

(1) Serm. Fer. 6. post Dom. Laetare.

(2) l. 6. n. 530. (3) Instruct. ad con-

ponunt ieiunia, disciplinas, orationem
mentalem illi, qui nec nomen unquam
audivit. Et quid hinc eveniet? Eve-
niet quod licet inviti acceptent quod
imponitur, ut absolutionem accupen-
tur, nihilominus postea nihil horum
executioni demandant; et credendo
in novum peccatum esse delapsos,
imo putando (praecipue rudes) nul-
lius fuisse momenti confessionem fa-
ctam, quia poenitentiae impositae non
satisfecerunt, propterea ad pristinum
perditum vivendi modum redeunt: et
ob poenitentiae impositae pondus per-
territi a confessione horrent, et ita
in peccatis tabescere pergunt. Et hic
est fructus qui in perniciem tot mi-
serorum colligitur ex huiusmodi sa-
tisfactionibus, quas convenientes voc-
cant, sed melius dicendae essent in-
convenientissimae. Caeterum extra
casum gravissimae infirmitatis, aut
compunctionis extraordinariae, non
bene ageret confessarius, si pro cul-
pis gravibus adiungeret levem satis-
factionem, levem inducentem obliga-
tionem: etenim licet (cum expedit)
possit adiungi opus quod, habita pec-
catorum ratione, sit leve, attamen
semper debet imponi gravis satisfac-
tio, quae obliget sub gravi (5).

52. Notandum 4. circa qualitatem
poenitentiae, non imponendas poeni-
tencias perpetuas, aut valde onerosas,
ut ingredi religionem, et tanto minus
matrimonio ligari, quod omnimodam
requirit libertatem; item, non impo-
nantur vota perpetua; imo licet poe-
nitens vellet vovere, v. g. de non
relabendo, ei non permittatur nisi ad
tempus; ut videat quomodo illud ob-
servet. Loquendo autem de poeni-
tentia conditionata, v. g. aut de ie-
iunando, aut de eleemosynam elar-
giendo quoties cadet, potest utique
illa imponi, et cum imponitur, te-
netur poenitens eam acceptare et e-
xequi, ut recte dicunt Suar. Laym.
Bonac. Salm. et Aversa (contra Dia-
nam, etc.); sed non expedit eam ad
fess. c. 8. (4) l. 6. n. 509. (5) n. 510. in
fine. v. ex his et 518.

longum tempus imponere, quia postea facilius negligitur et peccata multiplicantur; potest igitur imponi tantum ad breve tempus, ut ad mensem, aut ad aliam confessionem (1). Item advertendum, non esse imponendas poenitentias publicas pro peccatis occultis; tenetur autem confessarius has imponere, si alia via occurrere non possit scandalo dato, vel honori alicuius palam detracto; sed non est adstringendus poenitens ad publicam poenitentiam, si ipse renuit, et alio modo possit scandalum reparare, nimirum Sacramenta frequentando, ecclesias visitando, ad aliquam congregationem se aggregando, etc. (2).

53. Notandum 5. opera satisfactoria debere esse poenalia, nam (ut advertit Trident. sess. 14. cap. 8.) satisfactio non solum debet esse medicinalis in novae vitae custodiam, sed etiam ultrix in peccatorum commissorum satisfactionem. Haec poenalia opera reducuntur ad ieiunium, eleemosynam, et orationem. Sub ieiunii nomine veniunt omnia sensuum mortificationum genera. Sub orationis nomine etiam veniunt confessiones, Communiones, ecclesiarum visitationes, et etiam actus interni charitatis, contritionis, aut meditationis, qui actus utique possunt imponi in poenitentiam, iuxta communem dd. (3). Advertunt tamen tam orationem, quam eleemosynam, et quodcumque opus bonum valere pro opere poenali, ut communiter docent theologi; nam respectu nostri filiorum Adam post statum naturae lapsae quaecumque actio virtuosa habet rationem poenae, quia propter iustitiam originalem amissam, omnes prout sumus in malum, et proprias commoditates; ita Valent. Castrop. Laym. Pitig. Salm. cum multis aliis (4). I-

dem novissime scripsit doctus auctor *Instruct. pro novis Confessariis* (5), qui ait: *Hic advertendum nos haud dicere, nec inutile reputare poenitentiam illam, quaecumque illa sit, quae iniungitur in Sacramento, cum certum sit, quod etiam signum crucis cum Sacramento coniunctum est efficax ad satisfaciendum; tanto magis, quia in statu praesentis naturae lapsae omne opus bonum est quodammodo affligens, et poenale.* Hoc etiam confirmatur ex s. Francisco de Sales (6), qui sic ait: *Alius patitur in ieiunando, alius infirmis inserviendo, audiendo confessiones, concionando, orando, et similibus actibus. Haec poena (orandi) praestat alteri poenae (ieiunandi); etenim oratio, praeterquam quod domat corpus, affert fructus desiderabiliores.* Praesertim confirmatur ex s. Thoma, qui dicit: *Quaelibet oratio habet rationem satisfactionis, quia quamvis habeat suavitatem spiritus, habet tamen afflictionem carnis, ut dicit Gregorius (super Ezech. homil. 17.): Dum crescit in nobis fortitudo amoris intimi, infirmatur fortitudo carnis* (7). Potest etiam imponi in poenitentiam aliquod opus ad quod poenitens tenetur, ut interesse Sacro die festivo, ieiunare in vigiliis, sicut etiam communiter dicunt Sot. Suar. Laym. Sanch. Valent., etc., quia cum tale opus sit satisfactorium, tunc per Sacramentum elevatur ad meritum satisfactionis sacramentalis. Hoc potest fieri, cum dignoscitur poenitens valde debilis spiritu; caeterum regulariter loquendo debet imponi aliquod opus liberum; ideoque quoties confessarius non se manifestat, intelligitur impositum opus distinctum. Attamen si confessarius imponit adesse Sacro per mensem, non tenetur die festivo duobus adesse; ita communiter Castrop. Bo-

(1) l. 6. n. 511. (2) n. 512. (3) n. 514. Jubit. 1. (4) Valent. t. 4. disp. 7. quaest. 14. punct. 3. Castrop. dist. un. p. 21. §. 3 n. 1. Laym. tr. 6^o de Sacram. Poenit. c. 15. n. 9. Pitig. 2. p. dist. 15. quaest.

1. a. 3. concl. 1. Salmant. tract. 6. de Poenit. c. 10. n. 26. (5) Instr. pro nov. conf. p. 1. c. 16. n. 373. (6) Introd. ad vitam. devotam, c. 23. (7) S. Thom. Sup. q. 15. art. 3. ad 1.

nacin. Coninch. Laym. Sanch. Croix, Salmant., etc. Potest etiam imponi opus aliis applicandum, ut animabus purgatorii, ut probabilius dicunt Lugo, Tournel. Busemb., etc. (1). Potest etiam imponi abstinere ab aliquo opere bono, v. gr. a Communionem, et ieiunio, sicut probabiliter tenent Suar. Mol. Lugo, Sporer, et Salm., quia talis cessatio utique potest esse actus virtutis, saltem ut experiatur obedientia erga seipsum confessarium. Sed hoc non est practicandum, nisi cum animabus devotis, et nec cum ipsis quidem, cum possit aliis ingeri suspicio talem cessationem esse poenitentiam a confessario impositam (2). Non potest autem poenitens satisfacere pro aliis, sicut dicebat propos. 15. damn. ab Alexandro VII. Potest vero confessarius hoc concedere poenitenti, ut dicunt Sot. Suar. etc., cum s. Thoma; nam tunc non opus iam, sed huius procuratio esset satisfactio sacramentalis, sicut notant Laym. Vasq. Bon., etc. cum Mazzotta (3).

54. Circa proximam regulam huius requirit, ut imponantur opera carnem coercentia pro peccatis sensualibus, eleemosynae pro peccatis avaritiae, oratio pro blasphemis, etc. Sed considerandum quid magis expediat, aut magis utile sit poenitenti. Quamvis autem maxime utile sit imponere Sacramentorum frequentationem, orationem mentalem, et eleemosynas; nihilominus praxis habet has reddi damnosas iis, qui aut nihil, aut parum habuerunt horum usum. Satisfactiones utiles generatim pro omnibus hae solent esse, nimirum aggregari ad aliquam congregationem: quolibet vesperi (saltem ad tempus) actum doloris elicere, et quolibet mane propositum renovare, dicendo cum s. Philippo Nerio: *Domine, ne auferas hodie manus tuas a me, ne tui proditor efficiar*; visitare quotidie sanctissimum Sacramentum, et imaginem quoque Mariae sanctissimae, ab eis

(1) l. 6. n. 514. dubit. 2. (2) ib. v. potest. (3) de Poenit. qu. 5. in fin.

perseverantiae gratiam postulando. Rosarii saltem tertiam partem, et ter Salutationem angelicam mane, meridie et vespere, dicendo: *Mater mea, adiuva me hodie, ne in Deum peccem* (Hanc tamen poenitentiam, ter recitandi Salutationem angelicam cum praedicta supplicatione, ego plerumque solitus fui iniungere, aut saltem consulere iis, qui eam non solebant frequentare): cum cubitum iverint, dicere in lecto: *Si nunc mihi morandum fuisset in inferni igne; aut dicere: Veniet dies quo mihi in hoc lecto moriendum erit*: qui legere sciant, et potissimum Ecclesiastici, quotidie legere aliquem librum de rebus spiritualibus agentem. Monet autem s. Franciscus Salesius (4), non esse gravandum poenitentem multis rebus, ne confundatur et terrefiat.

PUNCTUM II. De acceptatione et satisfactione poenitentiae.

55. *Obligatio acceptandi poenitentiam*

56. *Obligatio adimplendi eam.*

57. *Qui differt poenitentiam.*

58. *An requiratur intentio satisfaciendi.*

59. *Si poenitens obliviscatur poenitentiae*

60. *Quid si adimpleat in mortali.*

61. *Qui possit mutare poenitentiam.*

55. Quoad poenitentiae acceptationem, communiter docent dd. teneri sub gravi poenitentem eam acceptare cum illa est rationabilis, quia in hoc confessarius est verus eius iudex, cui ille parere debet. Unde Suar. et Bonac. post Trid. vocant temerariam opinionem Navar. et Caiet., etc. qui dicebant poenitentem posse poenitentiam recusare, ut eam in purgatorio satisfaciatur (5). Dicit Busemb. cum Soto, et Reginal. quod si poenitens nollet aliam acceptare poenitentiam quam levem, licet mereatur gravem, posset utique confessarius eum absolvere. Sed ego nec huic acquiesco, iuxta quod diximus n. 51. in fine, et iuxta id quod docet Lugo; quia sicut peccator confessarius, qui

(4) instruct. Conf. c. 8.

(5) l. 6. n. 516.

sine iusta causa (ut infirmitatis) vellet levem poenitentiam pro culpis gravibus imponere, ita etiam peccat poenitens, qui graves culpas afferendo, non vult acceptare nisi levem poenitentiam. Caeterum probabiliter dicunt Suar. Layman, Concina, Bassemb. Elbel, Holzm. et Sporer, quod si poenitens putaret illam poenitentiam nimis gravem respectu sui peccati, aut saltem suarum virium, et confessarius nollet eam moderari, bene potest ille, recusata absolutione, alium quaerere confessarium (1).

56. Quoad autem poenitentiae satisfactionem, notandum 1. iam peccare graviter qui poenitentiam gravem sibi impositam pro peccatis gravibus non adimplet; sed contra peccat tantum venialiter, qui levem omittit poenitentiam pro culpis levibus impositam, aut pro peccatis iam alias confessis iuxta communem. Nec obstat dicere quod Sacramentum restaret incompletum; quia cum sit essentialiter hoc completum, obligatio illud integrandi non est nisi levis, cum materia non est nisi levis; sed Rosarium B. V. licet quinque decadam, non potest esse tale. Dubium maius sit, si imponatur pro poenitentia materia gravis pro culpis levibus aut iam confessis? Volant tunc Bonac. Conc. et Roncag. debere sub gravi eam adimpleri; sed probabiliter hoc negant Sotus, Navar. Laym. Lugo, Sporer, Croix, etc. Ratio est quia in tali casu, sicut confessarius non potest imponere sub gravi obligatione gravem poenitentiam, ita nec poenitens tenetur sub gravi eam satisfacere. Non nego tamen cum Roncagl. quod si casu illa peccata, licet venialia, valde disponent ad mortale, bene potest confessarius imponere poenitentiam gravem, ut liberet poenitentem a periculo mortalis; et tunc poenitens tenetur, si cupit absolvi, ad eam acceptandam, et satisfaciendam sub gravi obligatione (2).

(1) l. 6. n. 516. (2) n. 517. (3) ib. v. an autem. (4) n. 521. (5) n. 525.

An autem circumstantiae poenitentiae, v. gr. flexis genibus, nudis pedibus, etc. importent obligationem gravem, aut levem, hoc dependet ex gravi molestia, quam secum affert circumstantia, ut communiter dicunt dd. (3).

57. Notandum 2. quod licet non adsit obligatio adimplendi poenitentiam ante Communionem, ut requirebat propositio 22. damnata ab Alexandro VIII., nihilominus peccat qui diutius eam differt, v. g. per annum, et etiam per sex menses, ut recte dicit Mazzotta; sed nequitiam qui per mensem eam differt, modo poenitentia non sit medicinalis, ut advertunt idem Mazzotta et Croix; et modo in posterum posset eam adimplere. Caeterum non peccat graviter qui ieiunium feriae sextae in sabbatum transferret, aut qui Communionem singulorum mensium ad 6. aut 8. dies alios transferret, ut probabiliter dicunt (contra Salmant. et Lugo) Suarez, Castrop. Spor. Holz. Mazzot. cum Ronc. (qui tamen recte excipit, si poenitentia esset medicinalis). Imo Croix cum Gob. Steph., etc. putat non esse mortale, si ex 10. Communionibus unam omitteret (4). Caeterum qui omittit die statuto poenitentiam adimplere, non ideo deobligatus ab illa restat; nam quando a confessario assignatur dies, semper ille intelligitur accessorie destinatus, nempe ad sollicitandam, non autem ad finiendam obligationem (5). Dicunt tamen Bonac. Cowinch. Gobat., etc. apud Mazzotta (6), quod si confessarius imponit Communionem singulis B. Virginis festis, aut ieiunium quolibet sabbato in eius honorem, elapso illo die, terminatur obligatio, quia tunc videtur confessarius velle obligare ieiunium tantum ad diem illum. Non dubitatur autem quin possit poenitentiae satisfieri eodem tempore quo alteri satisfit praecepto, prout Rosarium recitare dum in festo auditur Sacrum,

(6) de Poenit. qu. 5. v. dico 4.

etc. sicut dictum fuit *tr.* 2. n. 30. Sed cum confessorius imponit duas audire Missas eodem die, intelligitur successive, non autem eodem tempore, ut recte dicit Mazzotta (1) cum Croix.

53. Quaeritur 1. an poenitentiae debeat satisfieri cum intentione ei satisfaciendi? Alii affirmant, ut Vasq. cum Mazzotta (2), dicendo quod in caeteris praeceptis sufficit ponere opus praeceptum, sed in hoc requiritur amplius intentio integrum efficiendi Sacramentum. Sed probabiliter negant Sanch. et Lug. (3) cum Suar. et cum communi, ut asserit. Utitur Lugo alia ratione; sed illa quae apud me maiorem vim facit, est quod poenitens in acceptando poenitentiam utique animum eam adimplendi habet, unde quoties ille ponit opus iniunctum, saltem ponit id ex intentione habituali habita, et non retractata poenitentiae satisfaciendi; et in hoc cur non sufficit intentio habitualis, cum habitualis sufficit ad suscipiendum quodlibet Sacramentum? Propterea quisque in quolibet satisfactorio opere, quod ponit, semper intendit voluntate generali satisfacere prius operi debito, quam aliis subrogationis.

59. Quaeritur 2. ad quid teneatur poenitens, qui oblitus est poenitentiae? Alii, ut Busemb. s. Anton., etc.; volunt teneri ad repetendam confessionem, ut Sacramentum faciat integrum; sed communiter, et valde et forte magis probabiliter negant Suar. Vasq. Laym. Castrop. et alii, et hoc etiamsi culpabiliter oblitus fuisset. ut dicunt Sot. Navar. Lugo. Salm. Croix, et Holzm., quia in tali casu poenitentia reddita est impossibilis, et ex altera est valde dubia lex, an repetenda sint peccata iam semel directe remissa, ut integretur Sacramentum. Attamen si poenitens putaret confessorium reminisci posse poenitentiae impositae, teneretur certe eundem

(1) loc. cit. (2) *ibid.* (3) de Poenit. d. 24. n. 43. (4) l. 6. n. 520. (5) n. 522.

adire, ut eum de illa interroget (4).

60. Quaeritur 3. an poenitens in mortali existens possit poenitentiae satisfacere? Alii negant, sed communissime affirmant Suar. Nav. Lugo, Conc. Ronc. Salm., etc., quia ex regula generali s. Thomae pluries repetita, finis praecepti non cadit sub praecepto. Opponunt hic quemdam textum eiusdem Angelici: sed s. Doctor ibi aliud non dicit quam illud opus in peccato factum merito carere, sed non dicit non satisfacere (5). Communis autem est sententia apud omnes, quod poenitens, satisfaciendo poenitentiae in peccato mortali, non peccet mortaliter. Caeterum iudico esse probabile cum Suar. Laym. Bonacin. etc. (contra alios) istum saltem peccare venialiter, dum satisfaciendo in mortali impedimentum ponit effectui partiali Sacramenti (6).

61. Quaeritur 4. quisnam possit poenitentiam mutare? Certum est, et commune apud dd. (quicquid dicat Diana cum paucioribus) poenitentem non posse ex se poenitentiam mutare, etiam in opus evidenter melius; nam sicut non potest poenitentia nisi a confessario imponi; ita nec potest nisi ab eo solo mutari (7). Dubium fit an possit mutari ab alio confessario, quin repetantur peccata? Negant probabiliter Castr. Lugo, Laym. Concina, Holzm. Spor., etc., dicendo poenitentem debere tunc iterum confessionem repetere apud illum confessarium, saltem in confuso, ut ei det notitiam status suae conscientiae. Sed multi alii etiam probabiliter affirmant, ut Tolet. Navar. Bonac. Sa, et probabile dicunt idem Lugo, Laym. Salm. Holzm. Sporer, etc. Ratio est quia in hac posteriori confessione non agitur de peccatorum in priori confessione adductorum iudicio faciendum, cum illud iam absolutum sit; sed tantum de imbecillitate poenitentis priori poenitentiae satisfaciendi. Opponitur: sed poenitentia debet esse medicinalis, et quo-

(6) n. 523. (7) n. 528. resp. 3.

modo medicinam praescribit qui infirmi vulnus ignorat? Respondetur quod confessarius ex eadem poenitentia imposita potest peccatorum, pro quibus illa imposita erat, materiam argumentari, et ita potest se dirigere in commutando aut diminuendo eam (1). Et probabiliter dicunt Nav. Spor. et Tamb. confessarium non requisitum a poenitente posse ex se mutare ei poenitentiam, cum praevidet quod ille verisimiliter perget eam negligere (2). Nonnulli dd. ut Castrop. Sanch. Bonac., etc. permittunt etiam confessario inferiori posse poenitentiam a Superiore ob casus reservatos impositam permutare. Sed hoc recte negant Gonet, Suar. Lug. Holzm. Spor. Conc. Coninch. Valenz. Renzi, etc., quia inferior non habet facultatem mutandi sententiam Superioris in iudicio prius formato; tantum hoc posset admitti cum Suar. Bonac. Renzi, Med., etc., cum poenitens difficultate posset ad Superiorem redire, et contra gravis adesset causa ut mutetur poenitentia, quia tunc merito praesumitur Superioris conniventia (3). Dubitatur autem an poenitentia possit mutari extra confessionem? Respondetur: quod si confessarius est alius, certum est non posse fieri; si autem est idem, alii aa. admittunt posse id fieri etiam post 8. dies; sed merito hoc negat sententia communior Bonac. Suar. Nav. Salm., etc. qui vix id permittunt confessario immediate post absolutionem, antequam a confessario discedat poenitens (4). Attamen facta commutatione semper potest poenitens eligere primam poenitentiam, uti docent Suar. Less. Bonac. et alii cum p. Mazzotta (5).

PUNCTUM III.

*De satisfactione per indulgentias.*62. *De indulgentiis.*63. *An quis possit lucrari plenariam ex parte.*

- (1) l. 6. n. 529. dubit. 1. (2) ib. in fir.
(3) ib. dubit. 2. (4) ib. dubit. 3.

64. *De iubilaeo, et de pluribus declaratis circa iubilaeum a Benedicto XIV.*65. *An opera debeant omnia in una hebdomada adimpleri; et hic de oratione, et eleemosyna, et etiam de commutatione.*66. *An ex involuta confessione auferatur reservatio, et censura.*67. *An peccet absolutus postea non adimplendo opera.*68. *Qui reservati obliviscitur.*69. *Qui peccat in confidentiam iubilaei.*70. *An antequam damno satisfiat, etc.*71. *In iubilaeo a quibus casibus, et censuris potest absolvi.*72. *Nonnulla circa annum sanctum adnotantur.*

62. Loquendo de indulgentiis in generali, indulgentia definitur: *Gratia qua remittitur poena temporalis, opere praescripto praestito; idque per absolutionem in subditos, per suffragium in defunctos.* Declaravit autem Trident. sess. 25. *Decr. de Indulg.* Ecclesiam a Deo habere facultatem indulgentias concedendi, et eam ab antiquis temporibus illis usam fuisse; unde Concilium excommunicatione damnat eum, qui inutiles esse indulgentias diceret, aut qui eam potestatem in Ecclesia esse negaret. Ad lucrandas indulgentias tria requiruntur: 1. Ut adsit causa rationabilis, et proportionata. 2. Ut opera praescripta adimpleantur. 3. Ut persona sit in gratia, saltem cum ultimum opus praescriptum ponit: alioquin non lucrabitur indulgentiam, neque pro se, neque pro defunctis, quicquid dicant alii (6). Deinde notandum 1. indulgentiam non spirare morte concedentis, nisi adsit clausula, *Ad beneplacitum nostrum.* Notandum 2. indulgentias intelligi debere, ut Indulti verba sonant; quia error, licet communis esset, in hoc non supplet. Contra, cum sint gratiae, large interpretandae sunt; unde fit, quod si tempus non determinatur, perpetuae intelligendae sunt. Notandum 3. indulgentiam esse alteram *plenariam*,

- (5) de Poen. qu. 5. c. 2.

- (6) lib. 6. n. 533

sive *totalem*, quae ab omni poena liberat: alteram *partialem*, ut sunt *septenae et quadragenae*, quibus intelligitur tolli illa poena, quae tolleretur per ieiunium illorum annorum, aut dierum, qui in Indulto exprimuntur (1).

63. Dicit autem Busemb. non lucrari indulgentiam plenariam eum, qui ab omni culpa, etiam veniali, non est immunis. Sed multi alii aa., ut Laym. Wigandt, Sporer, Viva, Pellizar. et Renzi. tenent, quod quamvis peccatum sit veniale, si non est remissum quoad culpam, neque remitti potest quoad poenam, ut certum est cum s. Thom. (2); nihilominus veniale non remissum non impedit, quominus remittatur poena debita aliis peccatis iam remissis; quia sicut non repugnat, ut remittatur culpa unius venialis, quin remittatur culpa aliorum; ita etiam de poena dici potest; et non sine ratione talis esse praesumitur Pontificis intentio (3). In sequenti numero, loquendo de iubilaeo, dicemus alia quae etiam ad hanc indulgentiarum materiam pertinent.

64. Procedendo igitur ad loquendum de iubilaeo, antequam ad dubia, quae super hac re occurrunt, descendamus, multa hic adnotare oportet, quae declaravit Benedictus XIV. in sua Constitutione, *Inter praeteritos*, edita die 3. decemb. 1749. (4), in qua (ut ipse alibi declarat) voluit de medio tollere multas quaestiones, quas super hac re dd. agitabant. Ea, quae declarata fuerunt, sunt sequentia: 1. Clausula *Vere poenitentibus, et confessis*, in iubilaeo intelligenda est de vera confessione, contra opinantes non opus esse confiteri eum, qui a culpis gravibus erat immunis; ita in iubilaeo; sed pro aliis indulgentiis ait Pontifex hoc pendere ab Indulti verbis, an requirant confessionem uti conditionem, an uti dispositionem (nota quod Clemens XIII. declaravit,

(1) lib. 6. n. 534. et 535. (2) Suppl. q. 27. a. 1. (3) n. 534. v. certum.

semper requiri confessionem ad lucrandas indulgentias). 2. Omnes visitationes ecclesiarum praescriptae debent uno die compleri, incipiendo a media ad mediam noctem, aut a vespere ad vespere alterius diei. 3. Indulgentiae concessae. *Ad beneplacitum nostrum*, morte Pontificis spirant. 4. Indulgentiae pro vivis non possunt applicari pro defunctis. 5. In iubilaeo non potest absolvi haeresis externa. 6. Clausula, *Commutatio votorum fiat dispensando*, intelligitur, ut commutatio non sit multo inferior opere promisso. 7. Facultas commutandi opera pia non intelligitur in confessionem, aut Communionem (praeterquam cum pueris), nec in orationem necessariam in visitatione; nec caetera opera praescripta possunt commutari in ea quae alia causa iam debentur. 8. In quolibet iubilaeo vetitum est confessario absolvere proprium complicem in peccato turpi. 9. Iubilaei facultate non gaudent, qui parati non sunt ad illud lucrandum, et ad operibus praescriptis satisfaciendum. 10. Vota tantum intra confessionem commutari possunt. 11. In iubilaeo a confessario semper debet aliqua iniungi poenitentia in confessione. 12. Non possunt commutari vota in damnum tertii, et praecipue votum perseverantiae quod in aliquibus congregationibus emittitur, nam illud contractus naturam assumit. 13. Qui in mortale post confessionem labitur, iterum confiteri debet, si indulgentias iubilaei lucrari cupit, ut saltem ultimum opus iniunctum in statu gratiae ponatur; sed non adest obligatio replicandi visitationes. 14. Ad lucrandas indulgentias sufficit oratio vocalis; et qui mentaliter orat, adiungat aliquam vocalem. 15. Facultate iubilaei semel tantum quis gaudere potest; sed indulgentias, qui opera praescripta repetit, utique pluries lucrari potest; hoc tamen non intelligitur de indulgen-

(4) in Bull. tom. 3. p. 140. et edit. Mechl. t. 8. p. 6.

tiis concessis visitantibus praescriptis diebus aliquam ecclesiam. 16. In concessione facultatis absolvendi a censuris *Bullae Caenae* non includitur facultas absolvendi ab haeresi externa. 17. Qui iam est absolutus a censuris, aut dispensatus a voto, non reincident in eas, si iubilaeum non lucratur. 18. Facultas data Monialibus eligendi confessarium intelligitur de approbato ad Moniales (1). Notandum hiedenique quod Regulares possunt confiteri apud quemcumque sacerdotem ab Ordinario approbatum etiam secularem, ut declaratum fuit a Gregor. XIII. apud Peyrinum (2), et etiam ab Alexandro VII. in Constitutione Unigenitus.

65. Quaeritur 1. an ad lucrandum iubilaeum omnino in alterutra hebdomada omnia opera praescripta perfici debeant? Negant Castrop. Bonac., etc.; consentit Laym. si aliqua adfuerit causa. Sed affirmant Sanch. Lugo, Spor. Renzi, Viva, etc., et his ego etiam adhaereo, tum quia talis est usus fidelium, tum quia videtur is esse Indulti sensus, cum ibi conceditur iubilaeum ei qui perficit opera diebus *alterius* (non autem dicitur *utriusque*) ex duabus hebdomadis. Probabilissimum tamen est confessionem, et Communionem posse fieri tam in prima, quam in Dominica immediate sequenti (3). Dicunt Sanch. Ugol. Busemb., etc. quod qui iubilaeum in patria lucrari neglexisset, bene posset illud postea lucrari alibi ubi etiam illud duraret. Dicunt insuper Bonac. et Diana posse lucrari etiam in patria, cum ille ex invincibili ignorantia ignoraverit iubilaeum publicatum fuisse (4). Loquendo hic de opere iniuncto ad lucrandum iubilaeum, quoad orationem vocalem in visitatione alii requirunt 7. *Pater*, et *Ave*; alii dicunt sufficere quinque. Circa autem eleemosynam, quanta esse debeat, duo consideranda sunt:

(1) Fusius l. 6. n. 536. (2) Peyr. de privileg. reg. 4. t. 3. c. 4. n. 8. (3) l. 6. n. 537. (4) n. 535. v. 4. qui.

Homo Apostolicus

primo verba indulti, si dicant *uniuscuiusque facultate*, aut *prout devotio suggeret*: secundo causa, quia si eleemosyna imponitur in subsidium alicuius piaae operae, tunc debet esse uniuscuiusque viribus correspondens: si autem duntaxat ad exercendam misericordiam, tunc sufficit quamcumque parvam summam praestare. Etiam pauperes debent eleemosynam largiri; sed pro Religiosis, filiis familiaribus, et pro uxoribus, sufficit ut cum intelligentia eorum a Superioribus pro ipsis praestetur. Denique quoad ieiunia, si quis applicare vellet ieiunia ad quae ex voto, vel alia lego tenetur, haec utique non sufficiunt (5). Advertendum quod cum datur facultas opera praescripta commutandi, hoc potest efficere quilibet confessarius (etiam extra confessionem), ut declaratur in Bulla indulgentiarum Gregorii XIII. cum ibi dicatur, quod nomine confessarii venit quilibet approbatus; ita Busemb. cum Henric. et Praepos (6).

66. Quaeritur 2. an ob confessionem invalidam in iubilaeo auferatur reservatio peccatorum, et an a censuris absolvatur? Cum confessio est nulla culpabiliter, nempe sacrilega, omnino negandum est cum Lugo, et Viva, etc., quicquid dicant alii; tum ex regula illa quod *fraus nulli patrocinari debet*: tum magis quia Pontifex in cit. Bulla declaravit non posse facultatibus gaudere, nisi eum, qui ad consequendum iubilaeum praeparatus sit. Si vero confessio sit nulla ex defectu doloris, sed culpa haud cognita, tunc volunt Lugo, Coninch. Viva, etc. reservationem auferri, quia tunc poenitenti verus est animus iubilaeum lucrandi. Sed hoc non obstante, negant Bonac. Rodriq. Reginald., etc., et huic sententiae ego adhaereo, dum Benedict. XIV. in Constitut. supra cit. n. 64. *Inter praeteritos* §. 62. declaravit quod facultates conceduntur *velut praeparatus*

(1) n. 538. qua r. 11. et 12.

(6) n. 534. v. 13. quando.

ad consecutionem iubilaei: igitur non praesumitur Pontificis voluntas esse, ut facultatibus gaudeant ii quos facultates non praeparant ad consequendum iubilaeum (1).

67. Quaeritur 3. an peccet gravior qui, postquam a reservatis absolutus fuit, reliqua opera praescripta negligit? Affirmant Suar. Vasq. Fill. etc.; sed communius negant Sanch. Lug. Bonac. Castrop. Spor. Salm., etc., quia in tali casu non apparet talem adesse obligationem, nec ex iubilaei natura, nec ex Pontificis, aut confessarii praecepto. Caeterum, ut declaravit idem Pontifex, iste in reservationem, aut censuras minime reincidentet (2).

68. Quaeritur 4. an qui confitetur in iubilaeo, et reservatis obliviscitur, possit a quocumque confessario absolvi? Certum est quod possit, si confessarius iubilaei expresse eum a reservatis oblitis absolvere intellexit; secus autem, si hoc non intellexit; ita Bonac. Vasq. Sayr., etc.; sed probabilius affirmant Nav. Sanch. Suar. Viva, Croix, etc., dum praesumitur confessarius omnia beneficia, quae potest, poenitenti suo conferre velle. Et idem probabiliter dicunt Less. Castrop. Sanch. Spor. Viva, etc. contra alios, de votorum commutatione; quia vi iubilaei poenitens quoddam acquisivit ius ad talem commutationem. Omnes autem conveniunt, quod si quis coepit confessionem intra iubilaeum, potest deinde absolvi ab eodem confessario; et etiam a reservatis post iubilaeum commissis, ut probabiliter dicunt Sanch. Viv. Bos. et alii (3); idem probabiliter dicunt Suar. Sanch. et Emanuel. (contra Conc.) de eo, qui confitetur animo consequendi iubilaeum, et deinde non consequitur; dum per absolutionem iam absolute aufertur reservatio quin ab eventu futuro pendeat (4). Si vero poenitens confitetur Superiori extra iubilaeum, et recordatur reservati,

(1) l. 6. n. 537. quaer. 2. et v. si autem.
(2) ib. quaer. 3. (3) d. 537. quaer. 4. in fin.

vide dicenda n. 140.

69. Quaeritur 5. an possit absolvi a reservatis peccans in iubilaei confidentiam? Alii negant, et probabiliter, quia non praesumitur Pontifex velle fovere iniquitatem. Sed alii communius et probabilius id affirmant, quia non limitanda est facultas sine limitatione concessa. Nec dicere valet ita fovere iniquitatem ea remedia, quae Superiores peccantibus praeparant (5).

70. Quaeritur 6. an virtute iubilaei possit absolvi a censuris, qui aliquem damnificavit, antequam satisfecerit, si adest clausula: *Non absolvetur, nisi satisfacta parte*? Affirmant aliqui dd. dicendo praefatam clausulam potius importare suasionem, quam conditionem; sed negant Suar. Vasq. Spor. Viva, etc., et hodie omnino hoc tenendum est, ut declaravit Benedictus in praefata Bulla. Si tamen debitor omnino satisfaciendo non esset, potest utique absolvi; modo satisfaciendi, cum poterit, iuramentum praestet, ut in eadem Bulla cautum est. Quod si, cum possit, non satisfaceret, aliqui volunt reincidente in censuras; sed probabilius est oppositum cum Sa, Bos. Spor. Viva, etc.; nam ex cap. *Ad reprimendam de Offic. Ord.* reincidentia non incurritur, nisi in lege exprimat. Caeterum, debitor penitus ab omni satisfaciendi debito liberabitur si pars laesa remittit iniuriam; sed hic bene advertit Croix cum Filliuc. et Bonac. contra Vivam et Dianam, 1. non sufficere monachi offensi remissionem, si iniuria in totum monasterium redundat; 2. debitorem liberari, si offensus iustam satisfactionem respuit; 3. si debitor non possit tunc sine gravissimo damno suo satisfacere (6); sed hoc intelligendum iuxta dicta tr. 10. n. 65 et 117.

71. Quaeritur 7. a quibus casibus et censuris possint confessarii absolvere tempore iubilaei? Communis est

(4) ib. quaer. 5. (5) ib. quaer. 6.
(6) ib. quaer. 7.

sententia, cum Suar. Laym. Vasq. Spor. Viva, etc., facultatem in iubilaeo concessam absolviendi a papalibus, intelligi etiam de episcopabilibus; et licet haeretici non possint absolvi, possunt tamen absolvi eorum fautores, et ii qui legunt vel imprimunt libros de haeresi tractantes, et etiam blasphemi haereticales. ita Lug. Sanch. Bos. Suar. Viva, Croix, etc., quia talia peccata non sunt proprie haeresis formalis (1). Possunt etiam absolvi publici clericorum percussores, et alii nominatim excommunicati, vel suspensi: sed circa censuras nominatim inflictas ab homine, declaravit Papa ab istis posse absolvi tantum ad effectum indulgentiae consequendi (2). Et quoad irregularitates, dixit quod praescindendo a quaestione, an irregularitates ex delicto habeant rationem censurae sive poenae, super illis dispensari possit tantum, quae ob censurae violationem incurrae sunt (3).

72. Loquendo de iubilaeo anni sancti, praecipue notandum est 1. quod eo tempore omnes indulgentiae pro vivis suspenduntur; non autem pro defunctis, et pro constitutis in mortis articulo, ut apparet ex Decreto Urbani VIII. apud Busemb. nec indulgentiae concessae particularibus ab aliis quam a Papa. Notandum 2. quod in anno sancto suspenditur etiam facultas absolviendi a casibus papalibus, et dispensandi a votis, etc., concessa in ordine ad lucrandum indulgentiam plenariam. Sed non suspenditur facultas data Episcopis a Trident. in cap. 6. *Liceat*, sess. 24.; nec facultas dispensandi super impedimentis matrimonii. aut petendi debitum, etc., quae facultates Episcopis competunt de iure communi; ita Busemb. cum Zerol. et Quint. (4). Addit Busemb. cum Sanch. et aliis, nec suspendi facultates Regularibus concessas vi suorum privilegiorum absolviendi a reservatis, etc.; sed Be-

(1) l. 6. n. 537. quacr. 8. (2) ibid. v. sed hic dubit. 1. (3) ib. dubit. 2.

nedictus XIV. in cit. Constit. declaravit oppositum, dicens suspendi omnes facultates tam ad effectum indulgentiarum, quam ob alias causas (5). Idem declaravit ibidem quod per verbum *incolae* intelliguntur morantes in urbe Romae, animo ibi per maiorem anni partem morandi.

CAPUT V.

DE MINISTRO SACRAMENTI POENITENTIAE

73. Minister Sacram. Poenitentiae nullus alius quam sacerdos esse potest, nam solis sacerdotibus data fuit peccata remittendi potestas: *Accipite Spiritum Sanctum, quorum remiseritis peccata, etc.* Ioan. 20. 22. 23. Et quod dicit s. Th. post sententiarum magistrum, nempe quod in necessitate debeat poenitens cui potest, etiam non sacerdoti, confiteri, quia tunc supplet Deus, intelligitur, ut explicant alii dd., non de praecepto, sed ut tali actu humilitatis excitetur ad contritionem, aut ut solamen, aut consilium recipiat. Dicunt dumtaxat multi cum s. Antonin. Panorm. Ledesm. Sanch., etc., quod in mortis articulo, si desit sacerdos, possunt clerici absolvere a censuris, ne infirmus sepultura, et suffragii careat: sed probabilius id negant Lug. Laym. Castrop. Salmant., etc., quia hoc nunquam in Ecclesia fuit in usu: tanto magis quod iuxta Rit. si excommunicatus cum poenitentiae signis decesserit, potest absolvi eius cadaver ab habente facultatem. Ad hoc autem, ut sacerdos valide hoc Sacramentum ministrare possit, praeter Ordinis potestatem requiritur, ut habeat ab Ecclesia iurisdictionis potestatem, et iuxta Trid. etiam Episcopi approbationem. Hoc tamen non currit pro Regularibus; dum hi confiteri possunt cuicumque sacerdoti, etiam non approbato, modo a Praelato suo eis concedatur Monialibus exceptis. quae, licet exemptae, sicut statuit Greg. XV., non possunt confi-

(4) n. 535. resp. 2. (5) n. 536. ad 6.

teri, nisi sacerdotibus approbatis pro ipsis ab Ordinario loci (1).

PUNCTUM I.

De approbatione confessarii

74. *Necessitas approbationis. Non est necessarium examen.*
 75. *Si approbatio iniuste revocetur. An successor possit ad examen revocare, etc.*
 76. *An sacerdos simplex possit absolvere a venialibus.*
 77. *An parochus possit sibi adsciscere parochum alterius dioecesis.*
 78. *An eiusdem dioecesis.*
 79. *Quinam Episcopus approbare potest.*
 80. *An regulares approbati in una dioecesi, etc.*

74. Approbatio non est iam iurisdictionis collatio, sed est iudicium a Trident. requisitum de sacerdotis habilitate ad iurisdictionem recipiendam. Super hoc notanda sunt 1. quod licet peccaret Episcopus, qui iniuste approbationem alicui negaret, nihilominus sine hac nemo potest confessiones audire, uti constat ex propositione 13. damnata ab Alexand. VII. quae dicebat: *Satisfacit praecepto annuae confessionis qui confitetur Regulari, Episcopo praesentato, sed ab eo iniuste reprobat.* Et in quantum ad Regularium privilegia quae opponuntur, respondent Salm. privilegia loqui, cum ipsis negata est iniuste iurdictio, non autem approbatio (2). 2. Ad approbationem non requiri necessario examen, sed sufficere prudens Episcopi iudicium de habilitate sacerdotis: ita Laym. Conninch. et Busemb. Dicunt item Salmant. quod licet Praelatus interne aliquem reprobareret, tamen approbareret eum externe, hoc sufficeret ad ei conferendam iurisdictionem (3). Notandum 5. quod Episcopus potest hanc dare approbationem etiam per alios, nam hic est actus non Ordinarii, sed iurisdictionis (4).

75. Notandum 4. approbationem posse limitari quoad personas et tem-

(1) l. 6. n. 539. et seq. (2) n. 546.

(3) n. 545. (4) n. 550. v. 3. episc.

pus et locum. Si autem data esset absolute, non dubitatur quin peccaret Episcopus, si iusta non existente causa eam revocaret. Dubium restat an talis revocatio iniusta non solum esset illicita, sed etiam invalida? Alii negant; sed affirmant Suar. Lugo Castrop. Conc. Salm., etc., dicendo quod sine iusta causa non potest privari confessarius iure suo iam acquisito. Caeterum recte advertit Lugo, quod in dubio revocatio praesumi debet iusta; et hoc posito, sententia praefata difficulter potest deduci in praxim, dum Episcopo in revocanda approbatione multae possunt esse causae, quae confessario ignotae sunt (5). Notandum 5. Episcopum successorem ex iusta causa ad examen revocare posse omnes confessarios approbatos a praedecessore, etiam parochos, modo vehemens eorum imperitiae adsit suspicio, ut decrevit S. C. 15. Ian. 1667. (6): et etiam mendicantes, ut recte dicunt (contra aliquos) Suar. et Lugo; et super hoc refert Cabass. Alexand. VII. 30. Ian. 1656. in causa Episcopi Andegav. quae cum diversis Ordinibus regularibus agebatur, damnasce ut erroneam hanc propositionem: *Non possunt Episcopi limitare seu restringere approbationes quas Regularibus concedunt ad confessiones audiendas, neque ulla ex parte revocare.* Et praeterea refert decisum fuisse in Concilio status Gallicae Episcopum non teneri reddere rationem revocationis approbationum (7). Notetur hic insuper S. Pium V. in Constitut. Romani Pontificis, dixisse quod regulares approbati ab Episcopo praedecessore, ab Episcopo successore examinari de novo poterunt, et si minus idonei reperti fuerint, reprobari. Hinc inferunt multi aa. ut Silv. Mirand. Fagund. Cespida Nicolius, et alii apud Ferraris, Vicarium Capitularem non posse auferre facultatem Regularibus ab Episcopo approbatis, nec ad examen revocare,

(5) n. 551. (6) apud Lambert. notif. g. n. 16. (7) l. 6. n. 552

modo approbatio ab Episcopo data non esset cum clausula, *Ad beneplacitum nostrum*; tunc enim morte Episcopi expirat. Nunc restant hic discutienda 4. dubia.

76. Dubitatur 1. an confessiones venialium factae sacerdoti simplici sint illicitae ac invalidae? Quod sint illicitae hodie in dubium revocari nequit post Decr. Innoc. XI. apud Bonac. (1) 12. febr. 1679. in quo non solum praeceptum fuit Episcopis: *Ne permittant, ut venialium confessio fiat sacerdoti non approbato ab Episcopo*; Sed praeterea hoc vetitum fuit ipsis sacerdotibus, cum ibi dicatur: *Si quicumque sacerdotes secus egerint, sciant Deo se rationem reddituros*. Dubium ergo restat, an huiusmodi confessiones sint etiam invalidae? Communissima est sententia quae negat; sed cum valde probabile sit talem facultatem non habere sacerdotes simplices directe a Iesu Christo (ut dicunt alii), sed ab Ecclesiâ, ut tenent Suar. Lugo Bonac. Conc. Ronc., etc., puto valde probabile esse cum p. Conc. Platel., etc., tales confessiones post Decr. Innoc. XI. hodie esse etiam nullas; nam non praesumitur Ecclesia velle iurisdictionem conferre eis, quibus expresse illa talis iurisdictionis prohibet usum (2).

77. Dubitatur 2. an parochus possit adsciscere parochos alterius dioecesis ad audiendas confessiones in sua ecclesia? Affirmant Castr. Suar. Vasq. Lug. Wigandt, Conc. Bonac., etc., dicendo quod parochus in collatione parochiae approbatur pro tota Ecclesia, ex eo quod dicit Trident. (sess. 23. cap. 15.): *Nullum posse confessiones audire, nec ad id idoneum reputari, nisi aut parochiale beneficium, aut ab Episcopis approbationem obtineat*. Ex quo inferunt omnem parochum approbationem universalem pro tota Ecclesia accipere. Sed probabilius hoc negant Laym. Barb.

(1) Bonac. t. 1. d. 5. q. 7. p. 2.

(2) l. 6. n. 543. v. quaer. (3) Notif. 86. n. 7. (4) l. 6. n. 544. hic dubit. 1.

Piasec. Garc. Croix, etc. cum Lamb. (3), nam per verba allata non intellexit Concil. dare parochis approbationem universalem, sed tantum declaravit quemlibet parochum collata sibi cura, sine alia approbatione approbatum remanere a Concilii dispositione: non autem ab Ecclesia, et pro tota Ecclesia, sed a suo Episcopo et iuxta eius voluntatem, ut confessiones suarum ovium audiat. Et super hoc adsunt plures declarationes S. C. (4). Advertendum hic obiter parochum, qui a cura se abdicavit, non posse confessiones audire sine speciali Episcopi approbatione (5).

78. Dubitatur 3. an parochus possit sibi adsciscere alium parochum alterius parochiae, sed eiusdem dioecesis? Affirmant communis, praeter citatos dd. Castropal. Croix, et Mazz.; sed probabiliter hoc etiam negant Barbosa cum Piasec. Homob. et cum altera declaratione S. C. Et ratio est, cum probabilius sit, ut dictum est, parochum non approbari ab Ecclesia universali, sed ut dictum est, a suo Episcopo, et pro eius voluntate, quoties nescit Episcopum voluntatem habuisse, se pro tota dioecesi approbandi, ille non potest confessiones audire, nisi tantum in sua parochia: dum facile esse potest, quod Episcopus eum idoneum iudicaverit pro uno, et non pro alio loco; nempe pro oppido, et non pro civitate. Recte tamen dicunt Bonac. Cler. et Lambert. (6) sententiam oppositam bene practicari posse ubi sic fert usus; imo Wigandt absolute id admittit, quia dicit talem esse consuetudinem multarum dioecesum.

79. Dubitatur 4. a quonam Episcopo obtinenda sit approbatio? Sub nomine Episcopi venit quilibet alius Praelatus iurisdictione episcopali gaudens, ut gaudent nonnulli Abbates, et capitula Sedibus vacantibus. Venit etiam Episcopus confirmatus, licet non consecratus, sed non qui tan-

(5) n. 542. v. 2. etiam.

(6) notif. 86. n. 13

tum est electus, aut si Episcopatu se abdicavit. Lug. Salm. et Croix (1). Sed quod magis refert, est ut sciatur quinam intelligatur pro Episcopo proprio, a quo approbatio impertienda est? Alii intelligunt ordinarium poenitentis, alii ordinarium sacerdotis; sed hodie (quicquid dicat Mazzotta) procul dubio intelligendus est ordinarius loci ubi confessiones audiuntur, ex Bulla, *Cum sicut*, Innocent. XII. 19. aprilis 1700. relata per extensum a Salmant. (2) (et confirmata a Benedicto XIV. in Bulla *Apostolica indulta*, dat. 5. aug. 1744.) ubi declaratum fuit, *quosvis confessarios non posse audire confessiones saecularium in vim Bullae Cruciatæ sine approbatione Ordinarii loci; secus (dixit) invalidæ sunt confessiones, et confessarii suspensi; et concludit his verbis: Reprobata tanquam falsa et temeraria quacumque contraria opinione. Hoc non obstante p. Mazzotta sustinere contendit improbabilem non esse priorem opinionem, nempe intelligi etiam ordinarium poenitentis, dicendo Bullam Innocentii probabiliter intelligi tantum pro iis confessariis, qui absolvent contra voluntatem suorum Ordinariorum. Sed nescio quomodo hæc interpretatio locum habere possit, dum expresse Bulla dicit, nullas esse confessiones, quæ fiunt sine approbatione Ordinarii loci, in quo ipsi poenitentes degunt. Et si hoc currit pro iis qui privilegio gaudent Cruciatæ, tanto magis valebit pro eo qui nullo fruitur privilegio; et ita mecum sentiunt Ronc. et Salm. qui scripserunt post Bullam Innoc. se revocando ab eo quod prius docuerant in *Tract. de Poenitent.* (3). Dicunt tamen Salm. hoc currere pro iis, qui privilegio Cruciatæ donati sunt, non autem iubilæi, aut huiusmodi; sed Benedictus XIV. in alia Bulla *Benedictus Deus* data 25. dec. 1750. §. 4. declaravit etiam in iubilæo*

(1) l. 6. n. 547. (2) tract. 18. de privil. c. 4. n. 80. (3) l. 6. n. 548. v. tertia sentent. (4) *Ibid.* (5) n. 548. v. quacr.

Seculares alium non posse eligere sibi confessarium quam a loci Ordinario approbatum, et Moniales non alium quam approbatum pro Monialibus (4). Advertendum contra valde probabile esse cum Croix et Salm. (qui hanc sententiam, ut communem habent) parochum posse ubique locorum confessiones suorum subditorum audire. Et circa hoc adest declarat. S. C. (5).

80. Quoad Regulares autem ante Innoc. XII. declaraverat Innoc. X. suo Brevi (6). Regulares etiam exemptos, qui confessiones secularium audire cupiunt, approbandos esse ab Ordinario loci: *Regulares in una diocesi approbatos non posse in alia confessiones audire, sine approbatione Episcopi illius*, sunt verba Brevis, quod postea confirmatum fuit ab Innoc. XIII. in Bulla *Apostolici Ministerii*, et deinde in quadam alia Bulla a Benedicto XIII. (7).

PUNCT. II. De iurisdictione confessarii

81. *Quisnam habet iurisdictionem ordinariam, et quisnam delegatam.*
82. *An delegata spiriet morte, etc. Si habetur a principe aut ad causarum universitatem.*
83. *De consensu praesumpto Episcopi.*
84. *Qui absolvit cum iurisdictione dubia*
85. *Quis potest sibi eligere confessarium*
86. *Quilibet potest confiteri approbato.*
87. *Cuinam confiteri possunt peregrini.*
88. *Cuinam Religiosi.*
89. *Cui Moniales.*
90. *De titulo colorato, et de errore communi.*
91. *De iurisdictione probabili.*
92. *An excommunicati, etc. possint absolvere moribundos.*
93. *An sacerdotes simplices coram approbatis.*
94. *Casus excepti.*
95. *De confessario complice in peccato turpi.*
96. *An confessarii simplices coram Superiore possint absolvere, etc.*
97. *An a casibus papalibus.*
98. *An moribundus teneatur per litteras facultatem petere a Superiore.*
81. Iam dictum est alteram e.
- (6) Ap Salm. tr. 6. de Poenit. c. 11.
- n. 93. (7) l. 6. n. 549

potestatem Ordinis, quam circa peccatorum absolutionem recipit quilibet sacerdos a Iesu Christo, cum sacerdotio inititur: alteram potestatem iurisdictionis, quae ei ab Ecclesia confertur, ut exerceat Ordinis potestatem erga subditos suos, super quos Ecclesia auctoritatem ei concedit. Haec autem potestas iurisdictionis altera est ordinaria, altera delegata. *Ordinaria* est illa quam habent omnes pastores, ut sunt Papa, Episcopi, Archiepiscopi (cum visitant subditos Suffraganeorum suorum), parochi, et Praelati Religionum. De vicariis generalibus Episcoporum dubitarunt nonnulli, an ipsi habeant iurisdictionem ordinariam in foro sacramentali, adeo ut possint confessiones excipere, et aliis facultatem dare, dicendo eorum potestatem esse tantum circa causas fori externi. Sed affirmat sententia communissima, et verior, cum Fagnan. Hostien. Nav. Azor. Silv. Sanch. Bos. Salm. et aliis, quia vicarii habent talem iurisdictionem non iam ab Episcopo, sed a Canone, sive a lege, dum ipsi cum Episcopis unum constituunt tribunal, ut apparet ex *cap. 2. de Consuet. in 6. et cap. Romana, de Appellat. in 6. (1)*. *Delegata* autem est illa quae conceditur ab iis qui habent ordinariam ut a Papa qui pro tota Ecclesia concedere potest, ab Episcopis pro sua dioecesi, a Praelatis pro suis ordinibus, et a parochis pro suis parochiis. Papa delegare potest facultatem contra consensum Episcoporum et aliorum Praelatorum, et Episcopi et Praelati contra consensum parochorum, et inferiorum Praelatorum, sed non e converso (2).

82. Notandum 1. iurisdictionem externam terminari morte concedentis, non autem internam, ut dicit Busemb. cum aliis; sed melius distinguunt Sanch. et Salm. dicendo hoc currere cum delegatio est generalis (sive sit

(1) l. 6. n. 557. et 558. (2) *ibid.* v. delegata. (3) n. 559. (4) Laym. de poenit. c. 10. n. 14. et Castr. eod. tit. d. un.

a Papa, aut ab Episcopo); secus autem cum est particularis pro particulari casu aut persona (3). Notandum 2. quod delegatus non potest subdelegare, nisi id sibi expresse concessum est. Excipitur 1. si quis esset delegatus a principe; sed hoc intelligitur, ut explicant Laym. et Castr. (4), cum talis delegatio facta est alicui pro officio, non autem cum electa est persona intuitu peritiae suae, aut cum ei commissa est alicuius causae expeditio. 2. Si quis est delegatus ad causarum universitatem, licet non a principe; sed in hoc pariter distinguere oportet cum Laym. (5), duobus modis posse alicui delegari iurisdictionem ad causarum universitatem. Primo cum ei committitur aliquod officium cui annexa est iurdictio, et hoc etiam, licet officium non sit proprium, sed vicarii, verbi gratia, viceparochi, aut vicerectoris, in locum parochi absentis, aut non adhuc sacerdotis. Talis vicarius utique potest iurisdictionem suam subdelegare, non quidem totam, sed pro una aut altera causa, ut communiter dicunt dd., quia huic non solum commissum est parochi exercitium, sed etiam officium, cui officio non solum competit solus usus, sed etiam iurisdictionis delegatio; ita Laym. Castr. Sanch. Coninch. Silv. et alii cum s. Thoma (6) qui dicit: *Vicarius non potest totam suam potestatem communicare, sed potest partem*. Secundo cum alicui delegata est, non officium, sed iurdictio tanquam privilegium perpetuum officio suo, aut iurisdictioni annexum, quia tunc talis iurdictio iudicatur tanquam ordinaria, prout est facultas *cap. 6. Liceat* concessa Episcopis a Trident. *Sess. 24.* Dicunt autem Rod. Beia et Viva, cum Navar. Peirin. Naldo, Bord., etc. quod si Episcopus dat facultatem alicui confessario absolvendi ab omnibus reservatis, posset hic subdelegare talem facultatem alteri in aliquo par. p. 13. n. 15. (5) loc. cit. n. 12. v. duobus. (6) quodlib. 12. a. 31.

ticulari casu; sed melius Laym. et Castrop. cum Coninch. hoc admittunt, si talis facultas concessa est ratione officii; v. g. parochi, aut viceparochi, ut superius dictum est, non autem cum alicui ratione suae peritiae, aut probitatis concessa est; nam facultas subdelegandi competit tantum illi cui committitur officium, non autem cui committitur solus usus exercitii iurisdictionis (1).

83. Notandum 3. ad Poenitentiae Sacramentum administrandum non sufficere internum Episcopi consensum, nec praesumptum de futuro, sive sit rathabitio, nempe quod si sciret, utique assentiretur; quia talis voluntas interpretativa non sufficit ad conferendam pro tempore praesenti iurisdictionem. Sed sufficit contra consensus praesumptus de praesenti, signis externis patefactus, ut esset si quis, Episcopo praesente, et non contradicente, confessiones audiret (2).

84. Notandum 4. peccare sacerdotem qui absolveret ex dubia iurisdictione. Sed excipiunt casus in quibus urget aliqua necessitas, ut esset (sicut dicunt Elbel, Bus. Holzm. etc.): 1. si adesset periculum mortis. 2. Si poenitens deberet satisfacere praecepto annuae confessionis, et non adesset confessarius qui haberet iurisdictionem certam. 3. Si poenitens celebrare deberet; aut communicare, et secus incurreret infamiae notam, aut, addunt Salm., si sacerdos deberet ex obligatione eo die celebrare. Sed in hoc advertere oportet, quod dictum est *Tract. praecedenti num.* 34., quia si quis certus esset de peccato mortali, et non esset certus de contritione, in tali casu recipiendo absolutionem dubiam, non posset communicare; tunc enim possideret praeceptum de se probando, quod importat absolutionem certam, non vero dubiam. Caeterum in casibus allatis dicunt aa. citati posse confessarium conditionatam dare absolutionem, si

(1) l. 6. n. 566. (2) n. 570. (3) n. 571.
(4) n. 565. (5) ib. dubit. hic 1.

possum. Advertunt Suar. Conc. Reg. et Busemb. expedire tunc quod poenitens se accuset de aliquo peccato veniali, ut directe ab illo absolvatur, et indirecte ab aliis (3).

85. Notandum 5. Possunt sibi eligere confessarium ratione suorum privilegiorum, 1. Reges, et principes (nempe qui supremo gaudent dominio). 2. Pontificis domestici (4). 3. Episcopi, etiamsi tutelares sint, ut dicit Busemb. Sed in hoc animadverti debet olim ex *cap. fin. de Poenit.* tam Episcopos quam Superiores regulares, ac etiam Praelatos minores exemptos (intelliguntur Praelati rom. Curiae et Superiores regulares locales) potuisse sibi in confessarium eligere quemlibet sacerdotem; nihilominus S. C. declaravit, ut refert Fagnan., quod Episcopi confiteri nequeunt, nisi approbati ab Ordinario domicilii ipsorum sacerdotum, sicut explicat Card. de Lugo, et hoc confirmatum fuit a Gregorio XIII. 1. decemb. 1532. ut refert Fagnan. et Pitton. (5). Concessum est tamen Episcopis secum conducere confessarium iam approbatum, et ei confiteri etiam in aliena dioecesi. Et idem currit pro Cardinalibus, qui praeterea Romae degentes possunt sibi et familiae suae confessarium eligere, et eum quocumque eunt, conducere. Quoad parochos autem damnata fuit ab Alexandr. VII. prop. 16. quae dicebat, coscnicumque sacerdoti confiteri posse (6). Loquendo communiter de aliis, dixerunt nonnulli aa. posse aliquem confiteri simplici sacerdoti, si approbatus esset indoctus, aut incurreret periculum gravi damni, si confiteretur approbato, aut si ille nollet eius audire confessionem; sed omnes istae opiniones communiter refelluntur (7). Notandum etiam hic capellanos castrorum non posse milites in stationibus commorantes absolvere sine Pontificis facultate, aut sine Ordinarii licentia, ut

(6) ib. dubit. 2.
(7) n. 563.

pluries declaravit S. C. (1).

86. Notandum 6. hodie certum esse (quicquid olim erat in usu) cuilibet saeculari licere confiteri cuicumque confessario approbato, etiam contradicente parochio, et etiam pro adimplendo praecepto annuae confessionis. Nec obstat quod dixit Ioannes Launoius, confessionem praeceptam iuxta Concil. Later. in *cap. Omnis, de Poen. et remis.* faciendam esse proprio parochio, cum ibi dicatur, *confiteatur proprio sacerdoti*, dum pro sacerdote proprio, ut declaravit Clemens VIII. et Clemens X. in Bulla *Suprema* (2), intelligitur de quocumque confessario approbato; et Ioan. XXII. in *Extrav. Vas electionis*, damnavit Ioan. Poliacum, qui docuerat nullas fuisse confessiones proprio parochio non factas (3).

87. Notandum 7. certum etiam et commune esse hodie apud dd., ut docent Castrop. Vasq. Suarez, Conc. Lugo, Bonac. Salm., etc., peregrinos ratione conniventiae Episcoporum, sive melius ex consuetudine universali, posse confiteri cuicumque confessario approbato pro loco ubi illi reperiuntur; et talis consuetudo currit, etiamsi peregrinus proficiscatur e patria sine alibi confitendi, ut dicunt Pontius Fill. Renzi Tambur. Mazz., etc. (4): vetitum fuit a Clemente X. dumtaxat in alienam dioecesim proficisci in fraudem reservationis; de quo in seq. *cap. 7. num. 135. et 136.*

88. Notandum 8. Religiosos sine licentia Praelatorum suorum non posse aliis sacerdotibus extra ordinem suum confiteri; ex privilegio quo gaudent ordines dato ab Innoc. IV, et aliis Pontificibus; et novissime concessum etiam fuit a Bened. XIV. per *Brev. Quod communi*, 5o. mart. 1742. Capuccinis, quibus vi suarum regularum vetitum erat confiteri aliis; sed hi non possunt confiteri nisi approbatis

ab Ordinariis loci, vel Regularibus approbatis a Superioribus regularibus. Sed loquendo de Religiosis peregrinantibus, advertendum quod hi, si socium sui ordinis habent, modo ille sit idoneus, huic confiteri debent. Si autem deesset socius, aut alius sacerdos idoneus sui ordinis, confiteri possunt cuilibet idoneo sacerdoti regulari aut seculari. Hoc totum commune est apud dd. Laym. Ronc. Salm. Tamb. Croix etc., et certum est ex verbis Innoc. VIII. mox referendis. Dubium restat an confiteri debeant sacerdoti approbato? ita volunt Wigandt Conc. Antoine, cum aliis paucioribus; sed communissima et verior est sententia opposita, quae id negat cum Suarez Escob. Castrop. Ronc. Bordon. Salm. Mazzot. Rodr. Tamb. etc. (exceptis Cappuccinis qui, ut paulo ante dictum est, ex Bulla Bened. XIV., debent confiteri approbatis). Et id probatur perspicue ex concessionibus Sixti IV. et clarius Innoc. VIII. qui sic dicit: *Nos igitur fratribus huiusmodi quos itinerari, et per eorum superiores mitti contigerit, ut si aliquem presbyterum idoneum ex professoribus dicti ordinis habere non possint, quemcumque presbyterum idoneum religiosum vel secularem eligere valeant, qui confessiones eorum audire licite possit.* Et recte dicunt Salm. cum s. Antonin. Soto et Silv. quod per *to quemcumque alium presbyterum* intelligitur quicumque sacerdos simplex idoneus; nam haec praesumitur etiam esse voluntas Praelatorum in dando suis subditis licentia foras proficiscendi, iuxta communem consuetudinem (5). Advertit tamen Bus. hoc intelligi pro non reservatis (6).

89. Circa autem confessiones Monialium plura hic notanda sunt: 1. Confessarii Monialium indigent speciali electione, aut saltem approbatione Episcopi loci, licet Moniales

(1) Apud Zacch. ad Croix l. 6. p. 2. n. 1518. (2) apud Lambert. notif. 18 n. 7.

(3) l. 6. n. 564. v. ex concess. et n. 574.

(4) n. 569. v. communiter

(5) n. 575 (6) n. 574. in fin.

sint exemptae, et subiectae Regularibus, ex Bulla Gregor. XV. *Inscrutabilis*, et ex Bulla Innoc. XIII. *Apostolici*, confirmatis a Bened. XIII. in Bulla Pastoralis; et hoc etiam pro confessione venialium, ut declaravit S. C. II. Elapso triennio huiusmodi confessarii suspensi remanent, nisi accedat licentia S. C. ut etiam declaravit S. C., et hoc etiam currit pro confessariis conservatoriorum. Si autem confessarius destinatus esset pro supplemento, probabiliter dicit p. de Alex. Tamen. cum aliis. quod potest confirmari pro alio triennio: quia ista prohibitio, prout odiosa, stricte sumenda est de electione ordinaria. Notat insuper praefatus auctor, quod alicubi ob confessariorum idoneorum deficientiam permittunt Episcopi illos ultra triennium pergere ad earum confessiones audiendas: advertit item Bord. quod licite possint aliquando Moniales respuere confessarium designatum, si iusta accedit causa, v. g. si confessarius nimio rigore vir esset, aut suorum propinquorum inimicus, etc. III. Ob diversa Decreta S. C. apud p. de Alex. nequeunt esse Monialium confessarii 1. Vicarii generales, 2. Parochi, cum cura notabiliter pateretur detrimentum. 3. Regulares. 4. Canonici Poenitentarii. Probabiliter tamen dicit praefatus auctor de Alex. permittum esse Episcopo hos eligere, si ita expedire iudicaret. IV. Episcopi et Regularium Praelati tenentur bis aut ter in anno exhibere Monialibus sibi subiectis confessarium extraordinarium, ut praecipue statuit Innoc. XIII. in Bulla *Apostolici ministerii*, extensa a Benedicto XIII. ad totum christianum orbem, et ut novissime confirmavit Bened. XIV. in Bulla *Pastoralis*, 5. Augusti 1748. Dicit Bus. cum Quintanad. Moniales, si eis non exhibetur extraordinarius, posse sibi eligere confessarium, et citat quamdam declarationem S. C. apud Barbosa.; sed haec opinio merito reiicitur a p. de Alex. tanto magis quod

hodie praefatus Benedictus declaravit in allata Bulla, quod Moniales, tam claustrales quam conservatoriorum, si extraordinarium non obtinent, possunt ad Poenitentiarium maiorem recurrere, qui eis illum assignare debet. Insuper praecipitur in dicta Bulla *Pastoralis*, quod quaelibet Monialis, licet confiteri nolit, teneatur saltem se praesentare ad extraordinarium. Praeterea ibi praecipitur, ut in mortis articulo cuilibet moniali concedatur confessarius particularis, si eum illa expositulat: et si Monasterium est exemptum, et Praelatus regularis illum non concedit, eum assignet Episcopus; et cum Episcopus nec eum designaret, recurratur ad Poenitentiarium maiorem. Insuper ibi disponitur quod si qua Monialis recusabit ordinario confessario confiteri, Episcopus pro certis vicibus ei deputet alium (et in hoc Papa hortatur Episcopos, ne difficiles sint aliquando concedere dictos extraordinarios illis qui efflagitant). Et si monasterium est exemptum, deputetur a Praelato regulari; et cum ille recusaret, concedatur ab Episcopo, et ipso negligente, concedatur a Poenitentiarium maiori. Denique praecipitur ut Praelati regulares bis aut ter in anno assignent Monialibus sibi subiectis confessarium extraordinarium ex approbatis ab Episcopo pro Monialibus, qui (nota) saltem semel sit secularis aut alterius ordinis; secus eum eligat Episcopus; et Papa praecipit ut eo tempore omnino sit prohibitum ordinario confessiones alicuius audire, ne Abbatisae quidem, aut novitium (1).

90. Restant nunc discutienda multa dubia. Queritur 1. an in errore communi suppleat Ecclesia iurisdictionem quae deest confessario? Si error communis est adiunctus cum titulo colorato, sive putativo, certum est apud omnes Ecclesias supplere; ita Sot. Navar. Caiet. Sanch. Cardenas Concin. Antoine, etc., et probatur ex (1) lib. 6. n. 576. et seq.

lege *Barbarius*, ff. de *Offic. Praetor.* et ex *cap. Infamis* 3. q. 7. Ratio est, quia alias multae animae perirent, ideoque rationabiliter praesumitur Ecclesia supplere: advertit tamen Sanch. hoc non currere cum titulus est fictus, sed cum vere est collatus a Superiore, licet sit tantum putativus, quia forte Superiori prohibitum est illum conferre, sicut dicitur in *Novella* 44. cap. 1. *Auth. de Tabell.* Sed magis dubium est, an Ecclesia suppleat iurisdictionem, cum solus intervenit error communis, sine titulo colorato? Negant Busemb. Concina Ronc. Sporer Holzm., etc., dum dicunt quod seus sacerdotes impii hinc occasionem sumerent se simulandi confessarios esse, et errores disseminandi. Sed haec ratio non convincit, quia quamvis Ecclesia his negaret iurisdictionem, nec damnum impediret; quare probabiliter affirmant Lugo Less. Ronc. Castrop. Sanch., etc., et dicunt probabile esse iidem Ronc. Spor. et Holzm. cum Carden. Viva Hen. Elbel, dum eadem ratio boni communis, quae pro titulo colorato affertur, currit etiam pro errore communi (1).

91. Quaeritur 2. an liceat confessario absolvere cum iurisdictione probabili? Hic tres adsunt sententiae. Prima est pauciorum, nempe Eliz. Conc. et Antoine, qui absolute negant: dicunt hi quod ex propositione 1. proscripta ab Innoc. XI. non licet uti opinione probabili in Sacramentis conferendis. Secunda est communis et communiter affirmat cum Less. Filliuc. Cardena Lugo Sanch. Bonac. Castr. Salm. Viva Croix, etc.; et moraliter certam appellant Sanch. Cardenas Dicast. Tamb. Gormaz, etc. Alii assignant rationem erroris communis, sed haec non convincit; ratio vera est consuetudo universalis, quae est in Ecclesia in absolvendo cum iurisdictione probabili, ut testantur aa. citati; et consuetudo utique dat iurisdictionem, sicut docent etiam communiter Suar. Barbos. Carden.

Quaranta et Pelliz. Et probatur aperte ex *cap. Contingat*, de foro compet., ubi sic habetur: *Nisi forte hi, quibus delinquentes ipsi deserviunt, ex indulgentia, vel consuetudine (nota) speciali iurisdictionem huiusmodi valeant sibi vindicare.* Neque hic obstat dicta prop. damnata quam opponunt, nam (ut bene respondent Viva et Wig. cum Gonet.) propositio loquitur de opinionibus circa ea, in quibus nil potest Ecclesia, ut circa materiam et formam Sacramentorum; sed circa iurisdictionem supplere quidem potest Ecclesia, et praesumitur eam certe supplere ob bonum animarum: quare confessarius in tali eventu non absolvit cum sententia probabili, sed cum certa. Tertia denique sententia, quam nos sequimur cum Suar. Marchan. Gobat. Wigand. Holzm. Barb. Sporer Elbel, et aliis, dicit tunc tantum licere aliquem absolvere cum opinione probabili, cum concurrit aliqua causa graviter rationabilis; aliter non praesumi debet Ecclesiam favere velle nimiae confessariorum libertati. Causa autem rationabilis esset 1. Si poenitens praecipue istius confessarii auxilio indigeret. 2. Si complex peccati sit cognitus confessario qui habet iurisdictionem certam. 3. Si alias adesset periculum faciendi confessionem sacrilegam. 4. Si poenitens timeret incurrere aversionem aut suspicionem nocivam, si confiteretur confessario certam habenti iurisdictionem; aut si alias diutius a confessione abstinere deberet. 5. Si urgeret praeceptum annuae confessionis, aut lucrandi indulgentias peculiares (2). Addo, si iam poenitens aperuisset confessario aliquid suum grave peccatum, et dubitaretur an illud sit nec ne reservatum, ut dicitur n. 142.

92. Quaeritur 3. an in articulo mortis possint omnes simplices sacerdotes absolvere, etiam haeretici, schismatici, aut excommunicati vitandi? Iam compertum est in morte omnes

(1) l. 6. n. 572. (2) n. 573.

sacerdotes etiam degradatos posse absolvere a quocumque peccato, et censura reservata. Et hoc non solum in articulo, sed etiam in periculo mortis, ut sententia communissima et verior asserit: ita Navar. Silv. Suar. Sanch. Lugo Castr. Salm., etc. contra Sotum et Canum; nam in hac materia idem est de articulo ac de periculo, ut patet ex *cap. Si quis suadente*, 29. *caus.* 17. *q.* 4. ubi dicitur: *Nullus Episcoporum illum praesumat absolvere, nisi mortis urgente periculo.* Et ratio est, quia quilibet fidelis tam tenetur ad confitendum in articulo, quam in periculo mortis. Tale periculum autem iudicatur esse in praelio, in longa navigatione, in partu difficili, et in omni periculoso morbo; ita Sanch. et Salm. qui dicunt idem de quocumque qui esset in periculo probabili incidendi in amentiam, aut esset captivus apud Turcas, et timeret futurum esse, ut eo nullus adventaret sacerdos, ut confiteri posset (1). Sed veniamus ad quaesitum, an sacerdotes ab Ecclesia abscissi, ut sunthaeretici, schismatici et excommunicati vitandi, possint moribundos absolvere? Affirmant Sanch. Suar. Navar. Lugo Salm. et alii et probant ex *Trid. sess.* 14. *cap.* 7. ubi dicitur: *In eadem Ecclesia Dei custoditum semper fuit, ut nulla sit reservatio in articulo mortis; atque ideo omnes sacerdotes quoslibet poenitentes a quibusvis peccatis, et censuris absolvere possunt.* Sed negant Fagnan. Petrocor. Concina, etc. cum declaratione S. C. Et pro hac sententia est s. Thomas (2) qui, loquendo de abscissis ab Ecclesiae communionem, dicit, hos tantum posse baptizare in mortis articulo, sed in nullo casu posse aliud ministrare Sacramentum. Nec obstat Concil. quia, ut aiunt, ibi nova lex non conditur, sed tantum declaratur ius antiquum, cum dicatur: *In eadem Ecclesia Dei custoditum semper fuit*, etc. Atque probat Fagnan. sicut etiam declaravit

(1) l. 6. n. 561. (2) 3. p. q. 82 a. 7. ad 2.

S. C. et idem Nav. fatetur, olim communem fuisse sententiam cum Magistro sententiarum s. Thoma Scoto s. Antonin. Ricar. Turrecr. excommunicatos in nullo casu posse absolvere (3). Attamen p. Lucius Ferraris in sua *Biblioth. verb. Moribundus* n. 32. advertit, quod p. Franciscus Campioni in *Instruct. ad Confess.* c. 41. n. 12. refert ex Card. Albitio *part. 1. de Inconst. in Fide* c. 13. et 19., quod praedicta declaratio sacrae Congregationis Conc. adducta a Fagnano non reperitur in Concilii regestis; signum quod vel non emanarit, vel expuncta fuerit, uti contraria communi sententiae, occasione cuiusdam Episcopi, cui respondentem affirmative obiecta fuit doctrina Fagnani: at dubio delato ad Innocentium XI., hic iussit suppressi quaestionem, nec amplius dubitari moribundum in defectu alterius sacerdotis valide et licite absolvi ab excommunicato vitando, degradato, aut haeretico.

93. Quaeritur 4. an sacerdos simplex possit absolvere moribundum coram approbato? Prima sententia communissima negat cum Mol. Sanch. Azor. Bonac. Cardena Lugo Laym. Salmant., etc. et probatur ex Trident. loco cit. ubi dicitur: *Verumtamen pie admodum, ne hac occasione aliquis pereat, in eadem Ecclesia Dei custoditum*, et sequuntur alia verba superius relata. Ex praefato textu inferitur 1. Concil. novam non condidisse legem, sed declarasse antiquam, et antiqua lex erat quod sacerdotes simplices tunc tantum absolvere possent moribundos, cum deerant approbati, iuxta textum ab aa. cit. alatos. 2. Quod in tantum Ecclesia dat facultatem sacerdotibus simplicibus, in quantum adest necessitas extrema, *ne aliquis pereat*; sed cessat haec ratio, cum adest approbatus. Contra secundam sententiam affirmat cum Nav. Barh. Sayr. Sa etc., et probabilem appellant Lugo Viv. Sporer, etc.,

(3) lib. 6. n. 560.

dicendo verba Concilii esse generalia; *Atque ideo omnes sacerdotes quolibet poenitentes a quibuscumque peccatis et censuris absolvere possunt.* Ad Canones antiquos respondent, eos non loqui de absolute sacramento, sed de sola reconciliatione peccatorum publicorum. Hoc non obstante, iudico non esse recedendum a sententia opposita; 1. quia in Rit. rom. (*de Poenit. sub init.*) hoc declaratur expresse, dum dicitur: *Sed si periculum mortis immincat, approbatusque desit confessarius, quilibet sacerdos potest absolvere.* Et quod Rituale declaret antiquum Ecclesiae usum, constat ex eo quod Paulus V. in sua Bulla dicit, ubi praecipit inviolabiliter observari Rituale, cum in eo contineantur ea quae catholica Ecclesia et ab ea probatus usus antiquitatis statuit. 2. Quia praefata verba Concilii. *atque ideo*, etc. ut dicunt Fagnan. Petrocor. et Auctor. *de Offic. confess.* apud Croix, non iam ad quoslibet referuntur sacerdotes, sed ad eos dumtaxat de quibus loquitur Concilium in praefato cap. 7., nempe de iis qui ordinariam, aut subdelegatam habent iurisdictionem; tanto magis quod in fine dicti capituli addit: *Extra quem articulum sacerdotes, cum nihil possint in casibus reservatis, id unum poenitentibus persuadere nitantur, ut ad Superiores pro beneficio absolutionis accedant.* En sermo est de simplicibus confessariis (de quibus tantum dici potest quod nihil possunt in reservatis), non iam de simplici sacerdote; et ita declaravit S. C. Conc. ut refert Fagnan. Quod autem sacerdotes etiam simplices possint absolvere in morte, deficientibus approbatis, dicimus hoc non haberi a Trident., sed ab aliis Canonibus, et communi Ecclesiae consuetudine (1).

94. Probabiliter tamen conveniunt dd. primae sententiae in dicendo, quod sacerdos simplex potest absolvere etiam praesente approbato in sequentibus casibus: 1. Si approbatus

(1) l. 6. n. 562. (2) n. 563. (3) n. 563.

non potest, nec vult absolvere. 2. Si is sit nominatim excommunicatus, aut suspensus. 3. Si sit approbatus tantum in aliena dioecesi. 4. Si moribundus ita horreret confiteri approbato, ut esset in periculo sacrilege confitendi, ut dicunt Croix, et Mazot. ex S. Thoma. Et putat Sporer, idem esse, si infirmus confiteri non posset approbato sine magna difficultate vel incommodo, aut si ipse putaret simplicem confessarium fore sibi utiliore. 5. Si confessio iam inchoata esset apud simplicem, quia tunc ille iam acquisivit iurisdictionem; secus autem, si infirmus iam absolutus fuisset (modo non esset circumstantia peccati iam confessi); et secus etiam, si infirmus aliqua excommunicatione reservata esset ligatus, quia tunc, licet confessionem incoepisset apud simplicem, praesente Superiore, debet a Superiore prius ab excommunicatione absolvi, et postea confessionem apud simplicem persolvere. 6. Si approbatus fuisset complex in peccato turpi poenitens, sicut declaravit Benedictus XIV (2). Sed super hoc puncto complicitis opus est maiore distinctione.

95. Praefatus Pontifex in duabus Bullis (quarum altera incipit *Sacramentum*, et altera *Apostolici*) dixit confessarium erga complicem in peccato turpi contra sextum praecceptum privari omni iurisdictione, et excommunicationem papalem incurrere, si excipere audeat illius confessionem. Excipit solam extremam necessitatem mortis, in qua permittit absolvere complicem; modo alius desit sacerdos, etiam simplex, qui infirmum absolvere valeat; aut modo ille sacerdos non possit infirmi confessionem excipere sine gravi scandalo, et infamia approbati. Addit tamen Pontifex quod ille (si potest) tenetur removeere tale periculum scandali aut infamiae, sub poena eiusdem excommunicationis, licet, si illud non removeret, valida esset absolutio (3). Circa huiusmodi v. probabiliter in fine, et fusius n. 553.

Bullas advertendum 1. quod nomine *peccati turpis* contra sextum praeceptum, non solum intelligendum est peccatum fornicationis, etc. consummatum, sed etiam tactus, et colloquium obscenum, quoties mortale attingit. Ita dicunt Salmant. (1). Contra vero non comprehenduntur cul-pae veniales, sive tales sint ob parvitatem materiae, sive ob defectum deliberationis; ita Salmant. *ibid.* n. 277. Idemque recte dicunt n. 278. de mortalibus internis, vel non plene externe significatis, quoniam etiam actio debet esse externe gravis. Nec comprehenduntur mortalia dubia facti vel iuris; Salmant. *ibid.* n. 280. (vide id quod dicitur hic infra n. 142). Nec cum dubium vertitur, an poenitens ipse quoque graviter peccaverit, quia Bulla intelligitur de complici formali in peccato mortali turpi; Salmant. *cit.* num. 280. et num. 241. Advertendum 2. absolutionem imperitiam a confessario complici, si poenitens non adhuc ab alio de peccato turpi absolutus est, esse invalidam etiam quoad alia peccata; secus autem si ab alio iam absolutus fuisset. Haec duo videntur certa. Sed concurrunt duo dubia, an incurrat excommunicationem confessarius qui iam non absolvit, sed tantum audit complicem suum in confessione, et fingit eum absolvere? Ego dudum fui pro affirmativa sententia, ex quodam sacrae Poenitentiariae responso; sed postea lecta Bulla, *Inter praeteritos*, eiusdem Pontificis, inveni declaratum oppositum, cum dicatur ibi: *Non minus sacerdoti complici, qui vel extra mortis articulum confessionem excipit poenitentis, eumque (nota) absolvit; vel in articulo mortis absolvit, cum alius sacerdos non desit, excommunicationis maioris poena a nobis imposita fuit.* Alterum dubium est, an Episcopus virtute cap. 6. *Liceat*, Sess. 24. Trident. possit absolvere confessarium qui absolvit complicem suum

in peccato turpi. Vide dicenda Tr. 20. de *Privil.* n. 37. (2).

96. Quaeritur 5. an praesente Superiore, possit in articulo mortis quilibet confessarius approbatus absolvere infirmum a peccatis, et censuris reservatis? Respondetur distinguendo; Quoad peccata utique potest, quia in morte cessat omnis reservatio, ut declaravit Concilium, adeo ut recte dicunt Suar. Salmant. Palud. Navar. Granad. Praepos., etc., moribundo a reservatis absoluto, nullam restare obligationem, si convalescit, se praesentandisuperiori (sed hoc non currit si poenitens est absolutus in aliqua necessitate, non quidem mortis) (3). Praeterea dicunt Suarez, Lugo, Sanchez, Salmant., etc., quod si moribundus habet reservata, et adest confessarius approbatus, non potest sacerdos simplex absolvere, licet confessarius ille careat facultate super reservatis; dum in mortis articulo (ut supra dictum est) cessat omnis reservatio. Quoad autem censuras reservatas, confessarius simplex non potest coram Superiore absolvere, quia, cum certum sit moribundum, si convalescit, teneri Superiorem adire, non iam ut denuo absolvatur, sed ut suam obedientiam ostendat. et ut poenitentiam maiorem recipiat, si Superior ei illam imponit, secus si non se praesentet, in eandem incidit censuram, ut docent communiter Suar. Sanch. Salm., etc. ex cap. *Eos qui de Sent. Excom.* in 6. Hinc fit quod si Superior adest, ab eo a censuris infirmus absolvendus est (4).

97. Quaeritur 6 an praesente Episcopo possit quilibet confessarius absolvere moribundum a papalibus? Alii dd. distinguunt, ut Mol. Suar. Sanch., et dicunt non posse, si casus est occultus; quia tunc Episcopus super illo ordinaria procedit iurisdictione ex cap. 6. *Liceat*; et idem dicunt de percussione publica clerici iuxta caput *Ea noscitur de sent. ex-* et 556. (3) n. 561. (4) n. 563. dubit. 1. et n. 567.

(1) Append. de Bulla Cruc. cap. 6. p. 169. ex n. 262 (2) l. 6. n. 554. 555.

com., ubi dicitur ob talem excommunicationem, si nequeat adiri Pontifex, adeundum esse Episcopum. Contra affirmant posse simplicem confessarium absolvere etiam praesente Episcopo, si casus est publicus (intelligi praeter clerici percussionem), quia tunc eadem ac Episcopus est praeditus facultate confessarius simplex. Sed hanc secundam partem communissime negant Navar. Castrop. Coninch. Avil. Sayr. Corn. Hurtad. Salmant., etc. dicentes praefatum textum in *cap. Ea noscitur*, non solum valere pro publica clerici percussione, sed etiam pro qualibet censura papali, dum pro istis eadem currit ratio; et sicut in quaesito antecedenti probavimus, non possunt censurae absolvi, praesente Superiore. Sed hoc non obstante, non puto improbabilem primam sententiam, cum certum non sit textum praefatum ad omnes extendi censuras (1).

98. Queritur 7. an confessarius possit absolvere moribundum a censuris papalibus, cum ille posset facultatem ab Episcopo per litteras impetrare? Negant Lugo Bonac. Suar. Croix, etc.; sed communius et probabilius affirmant Azor. Castrop. Sanch. Valenza, Conc. Carden. Spor. Salm. Viva, etc., tum quia in petenda facultate per litteras potest subesse periculum manifestationis; tum quia in *cap. Quamvis, de sent. Excom.* impeditus dicitur quicumque aliquo est praepeditus impedimento, quominus Pontificem adire possit (2).

CAPUT VI. DE OFFICIO ET ALIIS MUNERIBUS CONFESSarii

99. et 100. *De scientia necessaria confessario.*

101. *Quot sunt munera confessarii.*

102. et 103. *I. De examine.*

104. *II. De iudicio peccatorum.*

105. *III. De instructione.*

106 et 107. *IV. De admonitione.*

108. *ad 112. Si admonitio non sit profutura.*

113. *Si matrimonium est nullum.*

114. *Si sponsi sint parati ad nuptias.*

115. *Si adest obligatio restitutionis. Si admonitio sit postmodum profutura*

116. *Si poenitens interrogat, etc. Si adest damnum commune. In dubio an admonitio, etc.*

117. *V. De absolutione.*

118. *Quae certitudo de absolutione, etc.*

119. *Si poenitens pro se habeat opinionem probabilem.*

120. *Si poenitens negat aut tacet peccatum.*

121. *VI. De corrigendis erroribus. De errore circa Sacramenti valorem.*

122. *Circa restitutionem a qua poenitens dissuasus est, etc.*

123. *Aut ad quam non fuit obligatus.*

124. *An possit admoneri poenitens licentia eius non petita.*

125. *VII. De obligatione administrandi hoc Sacramentum. Ancum periculo mortis, etc.*

126. et 127. *An sacerdos simplex teneatur ad se habilem reddendum.*

99. Cupienti hoc Sacramentum Poenitentiae administrare, primum omnium acquirenda est necessaria scientia, qua huius magni ministerii officio recte fungi possit. Sed hic advertendum est quod scripsit S. Gregor. quod sit *Ars artium regimen animarum*. Et S. Franciscus Salesius dicebat, confessarii officium esse maximi momenti et omnium difficillimum. Et ita est: maximi utique momenti est, quia est finis omnium scientiarum, qui salus aeterna est: difficillimum, quia 1. requirit notitiam quasi omnium aliarum scientiarum, et omnium officiorum, et artium. 2. Scientia moralis tot materias disparatas complectitur. 3. Illa magna ex parte legibus positivis constat, quarum quaelibet iuxta proprium sensum et intelligentiam accipienda est, praeterea ob circumstantias, quae casus dissimiles efficiunt, resolutiones variandae sunt. Quidam qui eruditos, et theologos magnae notae se iactant, moralistas, quos casuistas (nomen ignominiae apud ipsos) appellant, dedignantur nec cursim quidem legere. Dicunt sufficere, ut confessiones rite excipi possint, principia generalia moralis cal-

(1) l.6. n. 563. dubit. 2. (2) ib. dubit. 3.

lere, illis enim posse resolvi, aiunt, omnes casus particulares. Quis negare potest, omnes casus particulares esse his principiis resolvendos? Sed totum opus, et totus labor est in aptando casibus particularibus, tantis diversis circumstantiis irretitis, principia huiusmodi, utque discernatur quodnam principiorum occurrentibus circumstantiis congruat. Nequit id fieri sine magna discussione rationum, quae proutque parte adsunt. Et hoc est illud quod moralistae effecerunt, cum elaborarunt in explicando a quibus principiis multi casus particulares resolvi debeant: praeterea hac nostra tempestate, ut dictum est, adsunt tot leges positivae, tot Bullae, tot Decreta, quae nequeunt sciri, nisi casuistae legantur, qui ea collegerunt, et prout materiarum varietas postulat, ibi opportune illa inveniuntur; ideoque, quo recentiores ii moralistae sunt, eo antiquis utiliores. Iusta ratione motus *Auctor Instructionum pro novis confessariis* (1) affirmat, multos theologos quanto profundiores sunt in scientiis speculativis, tanto rudiores in scientiis moralibus, quae, ut scribit Gerson (2), omnium difficillimae sunt, et nemo doctus, quantumvis sit in his versatissimus, est, cui in dies nova non accidunt. Ex quo inferit, numquam confessario deserendum esse theologiae moralis studium. Doctissimus Sperelli (3) pariter dicit longe errare eos confessarios, qui totos in scholasticae studio se applicant, aestimantes tempus in morali frustra expendi; et postea nesciunt distinguere lepram a lepra: qui error (subiungit) *confessarios simul et poenitentes in aeternam perturbationem trahet*. Peccat igitur absque dubio graviter qui non sufficienter instructus audet confessiones audire: Episcopus qui illum approbat: poenitens quoque qui noscens ignorantiam eius, apud ipsum confitetur.

100. Non negamus autem minorem

(1) Part. I. v. 18. (2) Tract. de Orat.

(3) de Episc. p. 3. c. 4.

scientiam exigi in audiendis confessionibus simplicium, et rusticorum, quam curialistarum, negotiantium, ecclesiasticorum, et similium. Minor item scientia requiritur, ut audiantur confessiones in oppido, quam in civitate; et praecipue si alicubi sit tanta confessariorum inopia, ut poenitentes deberent aut per longum tempus a confessione se abstinere, aut alio proficisci (4). Sed hoc non sufficit ad excusandos aliquos confessarios, qui, cursim lecta aliqua brevi summa morali, temere ad excipiendas confessiones se intromittunt. Oportet saltem ut confessarius sciat 1. ad quae sua iurisdiclio se extendat. Advertat hic quisque, sacerdotes seculares, et regulares alterius ordinis non posse audire confessiones Religiosorum sine licentia suorum Praelatorum; exceptis casibus, si iter agant, si alibi morentur, et socium non habeant, aut alium sacerdotem idoneum eiusdem religionis. Et tunc Religiosi possunt absolvi a quocumque simplici sacerdote (exceptis Capuccinis, vide *praec. n. 88.*), dum Superiores tunc, dando licentiam his subditis, intendunt eam dare iuxta consuetudinem, scilicet confitendi cuivis sacerdote idoneo (5). Item quivis confessarius scire debet casus, et censuras reservatas, saltem eas in quas frequentius incurri solet, prout sunt excommunicationes papales quae sunt in Bulla Coenae, haeresis externata, lectio aut retentio, aut venditio librorum haereticorum, qui ex professo de religione tractant, aut continent haeresim formalem; item quinque casus papales Clementis VIII. qui sunt percussio enormis, aut mediocris clerici vel monachi, simonia realis, aut confidatialis, violatio clausurae Monialium ad malum finem, violatio immunitatis ecclesiasticae, et duellum: item excommunicationes a Summo Pontifice Benedicto XIV. emanatae in absolventes complices in materia turpi (6), et in eos qui docent posse

(4) L. 6. n. 628. (5) n. 575. (6) n. 553.

a confessario exquiri nomen complicitis, etiam per absolutionis sacramentalis negationem, si revelare recuset (1); et aliae excommunicationes obviae, quae observari possunt in Tractatu de Censuris. Sciatur II. distinguere peccatum veniale a mortali, saltem in suo genere, quo communiter occurri solet; et de aliis saltem dubitare sciatur. III. Sciatur interrogationes quas facere debet; circumstantias peccatorum saltem speciem mutantes: quid constituat occasionem proximam, quid inducat restitutionis obligationem, item qualis esse debeat dolor, et propositum, et denique remedia ad emendationem efficaciora. Et ut brevius me expediam, affirmo in statu damnationis esse eum confessarium qui sine sufficiente scientia ad confessiones excipiendas se exponit. Deus ipse his verbis eum exprobat: *Quoniam tu scientiam repulisti, repellam te, ne sacerdotio fungaris mihi* (2). Nec excusabit eum Episcopi approbatio, cum cognoscit manifeste se inhabilem: approbatio enim non infundit scientiam necessariam, sed supponit. Dico manifeste, dum qui tantum dubitaret, bene potest, imo debet quiescere in sui Superioris iudicio confisus, si saltem seduliori studio se habilem reddere satagat. At nullus confessarius intermittere debet theologiae moralis studium, quia ex tot rebus tam diversis, et inter se disparibus, quae ad hanc scientiam pertinent, multa quamvis lecta, quia rarius accidunt, temporis progressu e mente decidunt, quae de re oportet semper frequenti studio eas in memoriam revocare.

101. Praeterea advertendum plura alia esse confessarii munera, nempe I. Ut poenitentis conscientiam investiget. II. Ut de peccatorum gravitate, et numero, debitum formet iudicium. III. Ut poenitentem instruat de iis quae scienda sunt circa Fidem, et mores. IV. Ut eum admoneat de

suis obligationibus. V. Ut absolvat dispositum. VI. Denique tenetur confessarius emendare errores, quos in audiendis confessionibus commisit.

102. I. Igitur tenetur confessarius diligenter poenitentis conscientiam cognoscere. Confessarius est iudex; iudicis officium importat ut, sicut iudex prius rationes cognoscere debet, inde causae momenta discutere, et denique sententiam proferre; ita confessarius prius conscius fieri debet poenitentis conscientiae, postea eius dispositiones inspicere, et tandem absolutionem impertiri aut denegare. Et quoad primum munus, quod est peccata poenitentis cognoscere, quamvis debitum conscientiam examinandi sit praecipuum poenitentis, nihilominus (quicquid alii dd. (3) dixerint) non est dubitandum quin, si confessarius cognoverit poenitentem non satis diligenter conscientiam suam discussisse, tenetur ipse eum interrogare, prius de peccatis in quae verisimiliter incidere potuerat, et postea de eorum numero, et specie, ut probatur ex cap. *Omnis utriusque, etc. de Poenit., et Rit. rom.* (4).

103. Et hic multa advertenda sunt: 1. Perperam eos agere qui rudes dimittunt, ut melius se examinent: hoc P. Segneri (5) vocat errorem intollerabilem, et iure optimo, quia huiusmodi omnes quantum laborent, difficulter se examinabunt ut par est, et ita exacte, sicut potest ipse confessarius eos examinare: et contra, cum dimissi sunt, periculum erit ne exterriti difficultate se examinandi a confitendo retrahantur, et in peccatis obdurescant (6). Qua de re confessarius debet ipse ex huiusmodi poenitentibus peccata exquirere, eos interrogando iuxta ordinem praeceptorum, praecipue si sunt famuli, aurigae, muliones, milites, satellites, caupones, et alii id genus, qui aeternae salutis vitam negligentem vivere solent, et rerum divinarum sunt

(1) l. 6. n. 491. (2) Osee. c. 4. 6.

(3) Ap. Lochner. Instr. pag. 33.

(4) l. 6. n. 607. (5) Conf. instr. c. 2.

(6) l. 6. n. 607. v. sed haec.

ignari, quia stant procul a concionibus, et ecclesiis. Et hic peior error esset, si ob defectum examinis dimitteret aliquem rudem, qui antea propter ruborem aliquod peccatum reticuerit, licet repetendae essent confessiones multorum annorum, propter maius periculum quod tunc subest, nempe quod si non redeat, peribit. Mihi videor aliquem confessariorum audire sic respondere: *Si non redit, peius sibi erit malum*. Pulchrum quidem charitatis spiritum! Sed sic non loquuntur qui verum habent zelum animas lucrandi: dicamus melius, qui hoc munere dumtaxat Deo funguntur. Advertat nihilominus confessarius se non teneri tam minute hos interrogare: interrogotantum de peccatis in quae facilius incidere possunt, spectata eorum conditione et capacitate (1). Imo cum poenitens, licet rudis, videatur sufficienter instructus, et diligens in confitendo peccata cum circumstantiis suis, iuxta statum suum et capacitatem (alio enim modo tenetur se examinare doctus, et alio rudis), tunc confessarius nihil aliud tenetur interrogare (2). II. Notandum cum Lug. Salm. et Dicast. melius esse, si confessarius singulatim examinet peccata statim ac exponit poenitens, quam ut differat examen usque ad finem; quia aut facilius confessarius obliviscitur eorum quae audivit; aut obligandus esset poenitens cum suo gravi onere ad repetenda confessa (3). III. Errare eos confessarios, qui volunt certum iudicium facere de peccati qualitate, an sit grave, vel leve, exquirendo a rudibus istis, utrum pro mortali habebant, an pro veniali; hi enim multoties respondent ut casus sibi verba suggeret, et hoc experientia testatur (ut ego millicies observavi). Quod si confessarius paulo post iterum interroget; respondunt modo toto a primo diverso. IV. Advertendum circa numerum peccatorum, quorum habitu aliqui tenentur, cum non pos-

(1) l. 6. n. 607. v. sed haec ad 3.

sit haberi numerus certus, curet confessarius statum poenitentis cognoscere, nempe vivendi rationem, applicationem quam impendit ad alia negotia, tempus consuetudinis cum complice, locum ubi potissimum moratus est; et deinde interroget de numero, interrogando poenitentem, quoties circiter peccaverit in die, aut in hebdomada, aut mense, proponens ei plures numeros, ex gr. ter, aut quater, octies, vel decies, ut videat cui numero potius ille adhaereat; et si poenitens numero maiori adhaeret, optimum facta erit, si iterum interrogetur de numero maiori, sed in hoc ut bene advertit Busemb., confessarius non sit nimis sollicitus et anxius ad formandum certum iudicium de numero peccatorum; notet frequentiam in genere, et in confuso iudicium faciat, apprehendendo peccata quotquot sint apud Deum. Aliqui dd. dicunt, circa peccata interna habituatorum, ut sunt peccata odii, delectationum, et desideriorum pravorum, sufficere plerumque interrogare de tempore, per quod duravit malus habitus; sed hoc mihi omnino non satisfacit, quia potest esse quod aliquis sit magis intentus ad externa negotia, aut moretur ubi pauciores sibi occurrent pravarum cogitationum occasiones, alius erit magis alio animi passione allectus; ideoque opus est interrogationes generales adhibere, de propria applicatione, de loco, de animi inclinatione, etc., ut formet iudicium maioris, vel minoris frequentiae actuum internorum. Caeterum post duas, vel tres interrogationes, non debet angi confessarius, si ei iudicium quod facit, videtur esse nimis confusum; nam ex conscientis implicatis, et confusis moraliter impossibile est maiorem claritatem sperare. V. Regulariter loquendo non expedit ut confessarius reprehendat poenitentem in confessionis cursu, ne ille exterefactus omittat aliquod peccatum. Nihilominus expedit aliquan-

(2) ib. ad 2. (3) n. 607. v. sed. haec ad 4.

de intra confessionem ei proponere malitiam alicuius gravioris peccati, modo statim ei praebeatur animus dicendo: *Sed nunc vis vere vitam mutare? eia ergo, fac ut haec confessio sit bona: noli timere; dic omnia peccata, quoniam ab omnibus te absolvam.* VI. Oportet animadvertere, quod licet confessiones generales sint utilissimae, nihilominus confessarius non sit nimis rigorosus ad procurandum ut confessiones praeteritae repetantur (1); nam praesumptio stat pro validitate, quoties error non sit manifestus, ut ait Segneri. Nec lapsus sunt certa iudicia confessiones fuisse nullas, praecipue si per aliquod tempus nec ceciderit, aut si antequam caderet, sibi aliquam vim intulerit. Aliud tamen iudicium fieri debet, si poenitens plerumque statim ceciderit, post duos nempe vel tres dies a confessione facta, quin aliquo modo tentationi obstitit, tunc enim videtur moraliter certus doloris ac propositi defectus.

104. II. Cum confessarius peccata audiverit tenetur iudicium facere de gravitate, et numero eorum, quia licet, ut valide absolvat, sufficiat ut peccatum cognoscat, saltem sub confusa ratione peccati; attamen ut licite absolvat, debet prudens formare iudicium uniuscuiusque culpae, saltem in iis quae communiter occurrunt; nam alias magis obscuras et minus usuales sufficit ut audiat et absolvat, ut sunt coram Deo; Lug. Holzmunn, Salm. Spor., etc. (2). Advertendum hic saepius errare confessarios qui iudicium certum formare cupiunt de peccati quantitate, utrum sit grave, aut leve, interrogando poenitentes rudes, quomodo illud tenebant in conscientia. an tamquam mortale vel veniale. Hi plerumque respondent ad sortem, et dicunt quod prius in os venit, et hoc experientia cognoscitur (sicut mihi mille millies accidit); quod si mox confessarius iterum eos interrogat,

(1) l. 6. n. 605. (2) n. 627

dicunt totum oppositum. Praeterea hic advertendum, quoad poenitentis obligationem. quod si ille advertit confessarium non apprehendere gravitatem peccati sui, tenetur illum monitum facere, alias eius confessio erit sacrilega. Et ita pariter si peccata confessione, advertit confessarium non percepisse suum peccatum, debet illud repetere.

105. III. Confessarius tenetur instruere poenitentem cum observat, aut prudenter iudicat illum necessaria fidei, et salutis ignorare. Sufficiet caeteroquin quod tunc, antequam absolutionem ei impertiat, eum instruat circa mysteria principalia, prout dictum est *Tr. q. n. 3.* quia quoad caetera necessaria de praecepto, sufficit quod poenitens promittat, quod se instruere faciat ab aliis, saltem quoad substantiam; et confessarii qui nimia charitate fervent non recusant eos docere per se ipsos. Debet pariter confessarius instruere poenitentem circa obligationem compensandi famam, honorem aut bonam, occasionem vitandi, scandalum illatum reparandi, correctionem faciendi, aut eleemosynam largiendi, quando ad id tenetur. Item animadvertendum quod si poenitens accedit indispositus, tenetur confessarius (ut docent Laym. Suar. Busemb. Sporer etc.) pro viribus efficere, ut eum disponat ad absolutionem (3). Circa quod nescio quomodo excusari possint coram Deo illi confessarii desides, qui ubi cognoscunt poenitentem non esse satis dispositum, eum a se dimittunt. dicendo ei inurbano modo: *Disce, le hinc te absolvere non possum, redi in posterum.* Ego dico cum aa. citatis, confessarium quoties poenitentis confessionem suscipit, sub rigorosa charitatis obligatione, quantum facere potest, teneri ut ad absolutionem eum disponat, ei proponendo illius peccatorum turpitudinem, gratiae divinae efficaciam, damnationis periculum, et his similes veritates. Nec

(3) n. 608. v. hic advorto.

sua referre debet quod in hoc tempus insumatur, et quod reliqui poenitentes abibunt, ne tantum expectent. Ille tunc non tenetur aliorum bono prospicere, sed tantum poenitentis sui : pro hoc dumtaxat illo tempore Deo rationem redditurus est, non pro aliis. Satius est (dicebat s. Franciscus Xaverius) paucas confessiones audire, et rite factas, quam multas, et temere properatas, et sine fructu. Quot istorum ad me venerunt indispositi, et ego, divino auxilio opitulante, disponere curavi : et dispositos tuto et mea maxima consolatione absolutos dimisi! Saltem hoc inserviet ut bene instituat ad reddendum dispositum poenitentem pro tempore, quo rediturus erit.

106. 4. Confessarius tenetur admonere poenitentem. Sed ut admonitiones convenientes faciat, non debet confessarius tantum cognoscere speciem, et numerum peccatorum, sed etiam eorum originem et causas, ut remediis opportunis occurrat. Nonnulli confessarii interrogant tantum de specie et numero peccatorum, et nihil amplius : si vident poenitentem dispositum, eum absolunt; sin minus, quin aliquid eis dicant, statim eum dimittunt, dicendo: *Abi, non possum te absolvere*. Non ita boni confessarii agunt : hi prius indagare incipiunt originem, et mali gravitatem, interrogando de peccandi consuetudine, de occasionibus, de tempore, de loco, de personis, cum quibus, quibus rerum circumstantiis; sic enim melius poterunt poenitentes corrumpere, eos ad absolutionem disponere, et remedia salutaria adiungere.

107. His interrogationibus adhibitis, et cognita morbi origine ac gravitate, confessarius ad debitas animadversiones faciendas procedat. Et quamvis ipse tamquam pater debeat in charitate poenitentes auscultare, tamen ut medicus tenetur (quantum opus est) eos monere et corrigere, eos praesertim qui multis mortalibus gravati ad Poenitentiae Sacra-

mentum raro accedunt. Et hoc munus etiam adimplere debet, si poenitens aliqua illustri fulgeat qualitate, nimirum si fuerit magistratus, princeps, sacerdos, parochus, aut Praelatus, si de aliqua sui muneris omissione sine nimio animi sensu se accusaret. Ait Benedictus XIV. in Bulla *Apostolica Constitutio*, data 26. Iun. 1749. § 22. confessarii admonitiones concionibus ipsis esse efficaciores; et iure merito, quia concionatorem latent circumstantiae particulares quae confessario aperte innotescunt; ideoque multo melius poterit debitas adhibere animadversiones et remedia, quae morbis expediunt, applicare; et ita etiam confessarius tenetur poenitentem admonere de aliqua ignorantia culpabili, si qua laborat; sive haec sit iuris naturalis, sive positivi. Quod si poenitens teneretur ignorantia culpabili, tunc si ea esset circa media scitu necessaria ad salutem, aut illa bono communi officiat, omnino debet confessarius ab hac ignorantia eum remove, et veritatem docere, licet nullus speretur fructus.

108. Sed quaeritur: si ignorantia esset circa alia, et esset invincibilis, adeo ut poenitens esset in perfecta bona fide, an confessarius eum teneatur admonere de veritate, etiamsi ex admonitione nullus speraretur fructus? Nonnulli dd. affirmant, ut A. dr. Wigandt Conc. et alii pauci cum Eliz. et Gonzalez (licet hi excipiant ignorantiam circa praecepta humana); hanc opinionem novissime etiam tractatus est pluribus p. Liberius de Iesu Carmelita Excalceatorum, in suis controversiis dogmaticis; sed ex hoc non multum sibi decoris adeptus est, dum rationes quibus utitur sunt nimis tenuis furfuris. Rationes quas adducit sunt eadem, quae in oppositionem adducuntur. Contra negat sententia communis et vera, cum Cano Suar. Nav. p. Sot. Card. Laym. Sanch. Lug. Vasq. Castropal. Bonac. Ponz. Coninch. Anacl. Escob. Ronc. Spor.

Elb. Viva Holzm. Salm. et aliis innumeris (1), et in hoc invenio convenire duos alios aa. doctrinae valde rigidioris, nempe Habert et Antoine; loquendo Habert de matrimonio irritato ex aliquo occulto impedimento, dicit: *Si adversum malum occultum, et invincibiliter ignoratum nullum appareat remedium, et gravia incommoda praevideantur, dissimulandum est* (a confessario) *impedimentum, et coniux in bona fide relinquenda. Et pariter Antoine sic scribit: Si probabile periculum sit, ne ex admonitione sequatur peccatum formale poenitentis, vel grave scandalum, etc., differenda est monitio, et petenda dispensatio* (2).

109 Auctores nostrae sententiae probant 1. afferendo textum s. Augustini relatum in *can. Si quis de Poenit. d. 7*. Sed caeteroquin satis congrue hunc textum solvit Conc., quia revera ad rem non facit: potius facit auctoritas s. Bernardi (*Serm. 41. in Cant.*) qui dicit: *Mallem aliquando tacuisse, et dissimulasse, quod agi perperam deprehendi, quam ad tantam reprehendisse perniciem*. Probant 2. ex *c. Quia circa de Consan.* ubi interrogatus Innoc. III. circa aliquos qui matrimonio copulati erant ex dispensatione subreptitia, respondit ad Episcopum: *Dissimulare poteris, cum ex separatione grave videas scandalum imminere*. Sed haec decretalis ne satis quidem probat, dum dubium est an Pontifex ita respondendo voluisset forsan dispensare super impedimento, ut dicitur, in radice matrimonii. Caeterum praefata sententia probatur ratione validissima, nempe ex duobus malis minus permittendum est, ut vitetur maius: quare confessarius in nostro casu tacere debet et permittere poenitentem (in bona fide constitutum) in peccato materiali versari, ut ipse a formali liberetur, veritatem rei non aperiendo: nam Deus tantum peccatum formale punit, et ab hoc solo

(1) l. G. n. (1). (2) ibid.

se offensum iri declarat; ideoque per consequens dicimus confessarium aliter agendo peccare. Sed haec ratio melius expendetur in responsionibus ad ea quae opponuntur.

110. Obiiciunt 1. illud Ezechielis: *Si me dicente ad impium: impie, morte morieris, non fueris locutus, ut se custodiat impius a via sua: impius in impietate sua morietur; sanguinem autem eius de manu tua requiram. Ezech. 35. 8*. Sed quis non videt hic loqui de impio, qui est in mala fide, et quem tenetur utique confessarius omni casu corripere, ut respiscat? Et sic intelligendi sunt alii textus Scripturae, ac sanctorum Patrum, qui in contrarium asseruntur. Obiiciunt 2. *cap. Qui scandalizaverit, 3. de Reg. Iur.* ubi dicitur: *Utilius scandalum nasci permittitur, quam veritas relinquatur*. Sed ut responsio intelligatur, oportet percipere casum de quo loquebatur Beda, auctor huius textus. Beda (referente Glossa) loquebatur de eo, de quo dixit Iesus Pharisaeis: *Non quod intrat in os, coquinat hominem, sed quod procedit ex ore, etc. Matth. 15. 11*. Itaque loquendo Beda de scandalo mero Pharisaeico, ideo dicit, quod licet Pharisaei scandalizarentur, vel, ut melius dicam, admirarentur doctrinam tamquam laxam, utilius erat hoc scandalum permittere, quam veritatis expositionem omittere. Quid ergo ad nostrum casum? Opponunt 3. quamdam doctrinam s. Thomae(3); sed ibi loquitur clare s. Doctor: dicit enim veritatem non laedi, cum a concionatore, cuius munus est eam patefacere, veritas tacetur; sed cum illa mutilatur, nempe cum pars eius patefit, et pars tacetur, adeo ut ex taciturnitate partis aliquis error in alios diffunditur; v. gr. si concionator diceret, in tertio gradu non licere contrahere matrimonium inter propinquos auditores inducerent ad credendum, utique licere in quarto. Opponunt 4. et dicunt, confessarii

(3) in 4. d. 38. q. 2. a. 4. q. 1. ad 3.

esse etiam munus doctoris. ideoque illum teneri ad docendum veritatem. Respondetur quod confessarius non tantum doctoris, sed etiam medici fungitur officio: unde cum observat medicinam. nempe admonitionem in poenitentis perniciem redundare, debet ab illa abstinere. Et licet sit doctor, quia tamen munus est charitatis, a Redemptore institutum dumtaxat in bonum animarum, debet ille utique veritatem docere, sed circa illa dumtaxat quae poenitenti prosunt, non autem circa ea quae nocitura sunt, ideoque ait s. Thomas (1), loquendo de eo qui docendi officium habet: *Contrarium veritati non doceat, sed veritatem* (nota) *secundum congruentiam temporis et personarum proponat ille, cui incumbit officium docendi.*

111. Opponent 5. huiusmodi ignorantiam poenitentis in hoc casu non esse invincibilem, sed vincibilem dum ipsi patet via ad veritatem cognoscendam; et si vincibilis est, est etiam culpabilis. Sed respondetur quod ignorantia ut sit culpabilis in aliquo, non sufficit quod cognoscere possit veritatem, sed necesse est ut ei superveniat dubium praecepti, alias ignorantia eius ex necessitate invincibilis est. Certum autem est, ut docet s. Thomas (2), eam esse ignorantiam invincibilem, quae studio superari non potest. Quo igitur studio superare quis potest ignorantiam suam, si nulla de illa dubitatio aut saltem de obligatione quam habet illam vincendi, venit ei in mentem? Propterea dicunt dd. s. Antonin. Silv. Gers. Suar. Caiet. Nav. Armil. Castropal. San. Vasq. Sayr. Salm. etc. (3) ad constituendam ignorantiam vincibilem, opus esse ut homo advertat praeceptum, aut saltem obligationem ad illud advertendi; nam sicut ad hoc, ut ad legis observantiam teneamur, necesse est ut lex sit nobis intimata; ita, ut teneamur ad adver-

tendum ad legem, opus est ut nobis indicetur talis obligatio per eius notitiam, aut saltem per dubitationem de illa; quare scite concludit loquendo de hoc puncto p. Segneri (3): *Tunc ignorantia invincibilis est, cum personae principium dubitandi non suboritur, et consequenter nullus ei modus offertur, ut errorem suum vincat.*

112. Opponent 6. et dicunt sic: Si talis poenitens admonitus esset, iam ille peccaret, cum tunc reus iam fieret ignorantiae vincibilis; ergo est semper indispositus ad absolutionem. Sed hoc argumentum, cui valde innotuntur adversarii, mihi videtur parum sapientiae eorum dignum. Quis non videt fallaciam quae involvitur, et responsionem claram quae patet? In poenitente non est necessaria dispositio interpretativa, nempe quod si ille in tali aut tali rerum conflictu reperiretur, non peccaret, quando ad id omnino non reflectit; quia aliter, si confessarii praesumere vellent interpretativas poenitentium indispositiones, paucos possent absolvere, dum possent iudicare quod multi eorum, quibus filii interfecti fuissent, certe odio moverentur in interfectores; si a tyrannis essent tormentis tentati, a Fide deficerent; sufficit ergo in poenitente eam dispositionem actualement invenire, ut absolvat; nempe ut hic et nunc statuatur amplius non peccare in quocumque casu generali. Et sic sufficit pro absolutione, quod poenitens *hic et nunc* sit dispositus per voluntatem actualement; nec obstat quod esset indispositus per interpretativam, nempe si a confessario monitus esset. Itaque (concludamus) ex his oppositionibus dignoscitur quam persistere nequeat sententia opposita. Sicut etiam (mihi lubet aliquantulum ad alia divertere) sunt labantes quaedam aliae opiniones quas hodie tutari volunt nonnulli, qui iactare videntur rigidioris esse nominis. Caeteroquin commendare mihi nunquam fuit animus eos auctores, qui, ut a-

(1) 2. 2. q. 43. a. 7. ad 2.

(2) 1. 2. q. 76. a. 2.

(3) 1. 1. Confess. Instruct. c. 7.

nimarum bono consulerent, conscientiarum habenas nimis laxare voluerunt; quia licet Dominus velit omnes homines salvos fieri, sed vult ut per legum suarum observantiam salventur. At nec laudare possum alios, qui nimis conscientias coercere quaerunt, assignando multas leges quibus Deus noluit, aut saltem non manifestavit se velle nos teneri. Nescio utrum minus scrupulis sit faciendum animas ad certas nimis rigidas opiniones adstringere cum periculo earum totalis perniciiei quam approbare opiniones nimis benignas. Quod peius est, nunc temporis tot libri contumeliis, acerrimis obiurgationibus, et satyricis aculeis suffulti circumferri conspiciuntur vicissim inter auctores tam rigidae quam benignae sententiae; quod quidem scandalo toti Ecclesiae est, et obloquendi inimicis materiam offert. Et pariter pro veritate in propatulo collocanda, eam magis dubiis et tenebris offundit: dum ex huiusmodi dicendi ratione quilibet facile existimat non rationem, sed potius susceptae sententiae adhaesionem, ac concitati animi aestum eos ad sic scribendum compulisse, et qui ex adhaesione et animi aestu loquitur, nec sibi fidem assequitur, nec alios persuadet.

113. Sed unde discessimus revertamur. Ex praefata communi sententia inferitur 1. cum Laym. Sanch. Lugo Castrop. Salm. Holzm. Hab. Antoine, et aliis communiter, quod in casu quo poenitens contraxisset matrimonium invalidum ob aliquod occultum impedimentum, et in bona fide versaretur; et contra esset periculum infamiae, scandali, aut incontinentiae, si ei aperiretur nullitas; tunc confessarius debet eum relinquere in bona fide, usquequod ei dispensatio impetrabitur; excepto, si dispensatio statim et facilliter obtineri possit a Papa; aut saltem ab Episcopo iuxta communem, et valde probabilem sententiam (1); quod si non vacat tempus adeundi Papam, et ali-

ter imminet periculum scandali, aut infamiae, potest Episcopus dispensare in impedimentis etiam dirimentibus post matrimonium contractum; vide *Tract. 20. de privi. n. 56*. Sed in eo casu, quo si forte uxor se accusat negasse debitum viro, quaeritur an possit confessarius eam obligare ad illud reddendum? Multi affirmant, ut Lugo Sanch. Coninch. Cordub. Henric. Escob. Led. Croix, etc., quia tunc illa (uti dicunt), cum putet matrimonium esse validum, tenetur sequi dictamen conscientiae. Sed in hoc tutior mihi videtur opinio Soti Hurtad. et Bonac. quod tunc confessarius ei dicat in genere, quod illa nequit absolvi, si obligationi suae satisfacere renuit; et quod iam scituer mulierem teneri suo viro debitum reddere (2). Sed si matrimonium contractum non est, sed iamiam contrahendum est nulliter, quaeritur an confessarius debeat monere poenitentem de nullitate, cum animadvertit monitionem profuturam non fore? Alii absolute negant; alii affirmant; sed probabilius Castrop. et Salm. dicunt regulariter loquendo in eo casu faciendam esse monitionem, praesertim si impedimentum oritur ex consanguinitate, quia tunc nulla subest infamia in suspendendis nuptiis: tanto magis quod huiusmodi impedimentum facile postea potest cognosci ab ipsismet sponsis, et tunc peccatum eorum facile ex materiali potest fieri formale. Quare in tali casu, cum semper subsit aliqua spes fore ut prosit, non est omittenda correctio, ita Layman; sed si omnino desperetur fructus, dicunt iidem citati aa. Laym. Castr. Salm. cum Croix et Aver. quod confessarius tacere debeat usquequod impetrabit dispensationem (3).

114. Sed hic congruit loqui de quodam casu facilis eventus, et difficilis resolutionis. Quomodo se gerere debeat confessarius, si sponsis in ecclesia iam paratis pro celebrandis nuptiis, alter eorum in confessione a-

(1) L. 6. n. 611. (2) n. 611. (3) n. 612.

periret impedimentum occultum, et non possit sine infamia, aut scandalo matrimonium differre? Nonnulli dd. suadent ut poenitens voveat castitatem, saltem ad tempus, ut possit in differendo matrimonio haec causa proponi. Sed merito dicunt Ronc. et Instructor *pro nov. Confes.* quod hoc remedium periculo non caret, quia faciliter potest pro praetextu cognosci. Alii autem tenent permittendum esse tale matrimonium, quin aliquid ei dicatur. Sed valde probabiliter, et communissime docent Suar. Pignat. Cab. Sanch. Bonac. Roncag. Salmant., etc. cum Benedicto XIV. (1) quod in tali casu, et in tali rerum angustia potest dispensare Episcopus; et hanc facultatem, dicunt Sanch. Ronc. Castrop. Coninch. Vasq. Val. Salm. Elbel, etc. Episcopum posse aliis etiam delegare, etiam generaliter, dum annexa est officio episcopali. Imo dicunt, et quidem non sine fundamento, Ronc. et Instructor, praefatus cum auctoritate Pignat. quod, cum in hoc casu lex impedimenti reddatur nociva, posset parochus aut alter confessarius prudens declarare talem legem non obligare. Advertunt tamen pro maiori securitate, et etiam pro reverentia erga Ecclesiae leges recurri debere ad sacram Poenitentiarum, ut ab ea obtineatur dispensatio (2).

115. Hinc inferitur 2. cum Cano Suar. Pont. Laym. Sanch. Lug. Vasq. Coninch. Ronc. Salm. et aliis etiam communiter, quod ubi omnino desperetur fructus, omittenda est etiam admonitio alicuius restitutionis faciendae, quia evitari debet prius damnum spirituale proximi, quam temporale alterius. Et idem dicunt Suar. Lugo Sanch. Laym. Ronc. Vasq. Castrop. Salm. si ex admonitione timeantur scandala, infamiae, aut rixae; quia semper melius est malum formale avertere, quam materiale (3).

(1) De Synod. l. 9. c. 2. n. 2. (2) l. 6. n. 613. (3) n. 614. v. inferitur 2. et 3.

(4) n. 616. v. excip. 3.

Animadvertunt tamen Ronc. et Viva cum Laym. non ita facile iudicari debere poenitentem cognita veritate parere nolle; et si non statim, saltem cum animi commotio sedata erit. Imo ait Lugo cum aliis, admonitionem non esse omittendam, licet scandalum futura sit, cum spes fulget scandalum brevi fore ut cesset; sed haec doctrina intelligi debet sicut docet Benedictus XIV., nempe quod locum habeat in casu quo, tacente confessario, peccator in malo obfirmaretur, cum scandalo aliorum; aut cum poenitens in proxima versatur occasione peccatorum saltem cogitationis, quibus olim solitus fuit assentiri (4). Animadvertunt contra Lugo Tamb. et Busemb. confessarium posse relinquere poenitentem in bona fide, et differre ad tempus opportunius admonitionem, si pro tunc timet, ne aequo animo eam haud ferat (5).

116. In duobus tamen casibus omittendam non est quin confessarius veritatem poenitenti aperiat. Primus, quando poenitens eum interrogaret: quia tunc procul dubio confessarius veritatem ei aperire debet, dum non esset amplius nunc invincibilis ignorantia (6). Secundus casus est, cum ex eius ignorantia damnum spirituale communitati futurum fuisset, ut docent communiter Lugo Busemb. Avers. Salm. Dicast., etc. (7), quia tunc confessarius admonere tenetur poenitentem, licet admonitio pro tunc ei scandalo sit; nam talis poenitens, cum videat a nemine se absolvi, nisi respiscat, speratur fore ut saltem intra aliquod temporis emendetur; contra non obstat quod pro illo tunc admonitio sit ei occasio ruinae, quia confessarius est minister non tantum constitutus pro consulendo bono particularium poenitentium, sed etiam pro bono totius reipublicae christianae, ideoque praeferre debet bonum commune bono privato sui poenitentis. Omnino igitur a confessario ad-

(5) n. 609. g. v. si etiam. (6) n. 616. v. excip. 2. (7) n. 615.

monendi sunt principes, gubernatores, praelati, parochi, et confessarii, qui officio suo desunt, sive iniuste administrando iustitiam, sive eligendo indignos ministros, sive conferendo officia aut beneficia indignis, sive in vana impendendo fructus suorum beneficiorum cum scandalo aliorum, aut indebite Sacramenta ministrando; nam ignorantia istorum difficulter erit invincibilis, et licet esset invincibilis, semper damnum afferret communitati, saltem ob scandalum, dum alii de facili putant esse licitum quod vident factitari a Superioribus. Et sicut docet Benedictus XIV. in laudata Bulla Apostolica, idem practicandum est cum iis qui Sacramenta frequentant, ne alii ab eis pravam sumant exemplum (1). Quid autem faciendum sit a confessario in dubio, utrum correctio profutura, an nocitura sit; dicunt Lugo Dicast. Salm., etc. tunc librandum esse timorem damni et spem utilitatis, et eligendum quod videtur praeponderantius. Caeterum, regulariter loquendo, in dubio semper potius vitanda sunt mala formalia, quam materialia; idem Conc. loquendo de correctione fraterna, dicit quod in dubio utrum illa profutura an obfutura sit, omittenda illa est, quia imprudenter operatur (sic ille scribit) qui dubitando, se conicit in periculum causae esse proximo alicuius peccati (2).

117. V. Confessarius tenetur absolvere poenitentem cum est dispositus. Circa hanc dispositionem multa advertenda sunt: 1. Perpaucos esse poenitentes, praesertim rudes, qui praeposito actu doloris ad confitendum accedant. Nonnulli confessarii putant satis suo muneri fecisse, si dumtaxat huiusmodi poenitentes sequenti modo interrogent: *Eia, postulane a Deo veniam de omnibus his?* (quod revera non est verus actus doloris): *Te poenitet ex corde omnium peccatorum?* et nullo alio verbo interposito, absolutionem eis

(1) lib. 6. n. 615. v. excipe tamen.

elargiuntur. Aliud sane est bonorum confessariorum institutum; hi enim inprimis elaborant, ut poenitentes (sermo est de iis qui lethaliibus tenentur) verum dolorem et detestationem peccatorum concipiant, et prius per attritionis actum eos praeparent, v. gr. *Fili mi, ubi nunc esse deberes in aeternum? in inferno. In illo igne semper cruciandus esses.... Nec tibi ulla spes amplius restaret, ut te illic eripere posses... Ibi esses moraturus ab omnibus derelictus, a Deo reiectus per totam aeternitatem... Igitur tene poenitet Deum offendisse, propter infernum quem meruisti?* Advertendum hic est non fieri actum attritionis, si quis diceret, se poenitere peccati commissi, quia meruit infernum, sed opus habet ut dicat se poenitere offendisse Deum, propter quod meruit infernum. Postea curet ut eliciatur actus contritionis hoc modo: *Fili mi, quid egisti? peccasti in Deum summum et infinitum bonum: nullam illius rationem habuisti: avertisti faciem tuam ab eo: proiecasti eum post tergum tuum: contempsisti amicitiam et gratiam eius: eia ergo, quia offendisti Deum, bonitatem infinitam nunc ex toto corde te poeniteat. Detestare, et odio habere super omnia mala omnes iniurias, quibus immerito Deum tam bonum affectisti: nonne iam promptus es milles mori, potius quam haec in posterum committere?* Advertendum 2. regulariter loquendo teneri confessarium absolvere dispositos, sed posse etiam absolutionem differre eis, cum cognoscit id expedire, ut docent communiter dd (3). An autem hoc expediat nec ne facere sine poenitentis consensu, vide dicenda *Tract. ult. punct. 2.* cum sermo erit de recidivis. Advertendum 3. confessarium certum fieri debere de poenitentis dispositione, ut possit eum absolvere, dum actus poenitentis (in quibus consistit dispositio) sunt materia Sacramenti Poenitentiae; sed sicut in cae-

(2) n. 616. v. utrum (3) n. 46a.

teris Sacramentis, quia materia est physica, physica debet esse etiam certitudo; ita in hoc quia materia est moralis (cum sit interna, adeoque parum sensibus perceptibilis), sufficit certitudo moralis; iuxta regulam s. Thom. (1), qui dicit: *Certitudo non est similiter quaerenda in omnibus, sed in unaquaque materia secundum proprium modum*: unde sufficit confessario pro absolutione impertienda, ut prudens iudicium probabile de poenitentis dispositione habeat, ut scribit Instructor Confess. nov. (2), quin obstat aliqua prudens suspicio in contrarium de dispositione. Idem dicunt p. Card. p. Mazzot. et p. Suar. qui ita scribit: *Sufficit ut confessarius prudenter et probabiliter iudicet poenitentem esse dispositum*. Idem docet Catech. rom. (de Poenit. part. 2. n. 82. v. nota.): *Si audita confessione (sacerdos) iudicaverit neque in enumerandis peccatis diligentiam, neque in detestandis dolorem poenitenti omnino defuisse, absolvi poterit*. Itaque iuxta Catechismum absolvere potest poenitentem, quoties non indicat ei omnino deluisse dolorem; nam caeteroquin praesumendum est adfuisse in poenitente qui iam confessus est (3).

118. Hic occurrit loqui de illa magna questione hodie adeo controversa inter dd., an confessarius possit et debeat absolvere eum qui vult sequi aliquam opinionem quam probabilem iudicat, licet confessarius uti talem non habeat? Si poenitens est inductus, adeo ut nequeat sibi formare conscientiam rectam ex probabilitate illius opinionis, certum est tunc eum non posse absolvi. Sed dubium restat cum poenitens est capax sibi formandi conscientiam rectam, an possit et debeat confessarius eum absolvere? Negant Fagn. Eliz. Antoine et alii rigidioris sententiae fautores, dicentes in Sacramento Poenitentiae confessarium esse iudicem

et poenitentem debere stare iudicio iudicis sui. Sed sententia communis docet confessarium in eo casu posse et debere absolvere sub gravi (saltem si confessio facta fuerit de materia gravi, dum dicunt Suar. Sanch. etc. (4) negare absolutionem de materia levi non excedere veniale). Ita Navar. Sot. Azor. Suar. Salm. Med. Castrop. Valent. Sayr. Vasquez Laym. Roncagl., etc., et in hoc consentiunt etiam aa. probabilioristae, ut Wig. Pontas Victoria et Cabass.; sed praecipue notandum est quod docent Nav. et s. Antoninus. Navar. (5) dicit: *Si sint contrariae doctorum opiniones...; et (confessarius) creditevidenti se textu vel ratione niti, poenitentem dubia, non debet eum absolvere; at confessarius non adeo forti ratione utitur, vel poenitens utitur pari vel fere pari, et habeat aliquem pro se doctorem clarum, poterit eum absolvere, ut post Adrianum tenuimus c. Si quis d. 7. n. 66. Audiamus etiam s. Antoninum (6): Caveat confessor, ne sit praeceps ad dandam sententiam de mortali, quando non est certus, et clarus; ubi... sunt varias opiniones... consulet quod tutius est; non tamen contemnet contrariam opinionem tenentem, ne propter hoc (nota) deneget absolutionem*. Excipit tamen postea: *Si autem omnino conscientia confessarii dictaret illud esse mortale, quod est idem quod dicit etiam Navar., et quod nos pariter hic infra advertemus, nempe cum poenitentis opinio confessario omnino falsa videtur. Confirmat postea alibi (7) s. Antoninus quod supra retulimus, dicendo: Si credit (confessarius) quod sit peccatum, debet ei conscientiam facere: sed dato quod ille non vellet cognoscere illud esse peccatum, nihilominus tenetur eum absolvere: hoc cum grano salis intelligendum est, nempe cum poenitens tenet suam opinionem fundamento valido esse*

(1) 2. 2. q. 47. a. 9. ad 2.

(2) instruct. p. 1. c. 15. n. 36o.

(3) l. 6. n. 57. et 461. (4) n. 604.

(5) Man. cap. 26. n. 4.

(6) Part. 3. tit. 17. cap. 16. §. 2.

(7) Part. 3. tit. 10. c. 20. in fin.

innixam; et contra confessarius eam pro omnino falsa (ut dictum est) non habet; dum subiungit immediate post Sanctus: *Quia ex ratione et non ex protervia haec opinio est. Idem dicit s. Raymundus (1): Unum tamen consulo, quod non sis nimis pronus iudicare mortalia peccata, ubi tibi non constat per certam scripturam..., alias possent induci homines in desperationem.* Idem quoque dicit doctissimus Sylvius (2) loquendo de superfluo mulierum ornatu: *Si confessarii non possint clare percipere, utrum sibi sit mortale aut veniale, persuadeant ut poenitens absteineat: si tamen nolit, non ei faciant conscientiam de mortali, neque absolutionem negent.* En quomodo loquuntur unanimiter auctores tam antiqui quam moderni.

119. Ratio autem est huius sententiae, quia poenitens, facta confessione, habet ius certum et strictum ad absolutionem; unde confessarius gravem illi irrogat iniuriam, quoties poenitentis opinio ei non videtur omnino falsa. Nec valet dicere quod poenitens non est dispositus, cum sequi renuit confessarii iudicium; nam respondetur quod confessarius non est iudex opinionum, quas poenitens sequi teneatur, sed tantum dispositionis sui poenitentis, ut patet ex Trid. sess. 14. c. 5. ubi dicitur: *Sacerdotes in hoc tantum sunt iudices, in quantum ipsi, auditis peccatis, debent impertiri aut denegare absolutionem poenitentibus pro eorum dispositione, et eis pro modo culpae poenitentiam imponere: Dominus noster I. C... sacerdotes... (verba Trident.) reliquit praesides, et iudices ad quos omnia mortalia crimina deferantur... qui, pro potestate clavium, remissionis, aut retentionis peccatorum sententiam pronuntiarent* etc. Itaque in quantum ad opiniones quae ad poenitentis dispositionem pertinent, aut in quantum ad administrationem Sacramenti (v.

(1) l. 3. de Poenit. §. 21.

g. si confessarius iudicaret se iurisdictione carere super tali casu) poenitens confessarii iudicio stare debet. Sed in quantum ad alias opiniones quae respiciunt poenitentium obligationes generales, confessarius non est iudex, nec potest eum obligare ad suas sequendas opiniones, imponendo ei tot novas leges ad quas prius non tenebatur, adeo ut ad recipiendam absolutionem teneatur a suis desciscere opinionibus ipsi probabilibus visis, et forte probabilioribus. Contra poenitens cum peccata sua confessus sit, et cum habeat sufficiens fundamentum, quo licite possit aliquam sententiam sequi, non potest confessarius sine gravi iniustitia absolutionem ei denegare, nisi cum illam opinionem omnino falsam habet (3). Dico omnino falsam, nam licet dicant Lugo Laym. Sanch. et Croix cum Suar. et Carden. confessarium teneri absolvere poenitentem, licet illius opinionem pro falsa haberet: et idem dicit Sotus: *Quis sacerdos existimet opinionem esse falsam, non tamen inde existimare debet sibi non licere ipsum absolvere, siquidem propter probabilitatem excusabitur ille a culpa.* Nihilominus hoc intelligendum est, ut scite explicat Sanch., cum illa opinio iam probabilis existimata esset inter dd. auctoritatis probatae, et aliquam (addendum est) verisimilitudinem haberet; non vero quando confessarius ex opinione propria aliquod haberet principium, cui sibi videretur nulla responsio congrua dari posse et contra cognosceret poenitentis opinionem (licet ab aliquibus dd. defensam) falso fundamento inniti: quia tunc dico cum Nav. et s. Antonia. (verba cuius superius relata sunt) non posse, nec debere absolvi poenitentem, nisi a sua opinione descisceret. Certum in controversia praefata, ubi altera sententia (sed paucorum) affirmat peccare confessarium si absolvit poenitentem sequi volentem opinionem, quae non videtur o-

(2) 2. 2. q. 154. a. 2. (3) l. 6. n. 60

minino falsa, adversus suam: altera vero (quae communis, et tantorum aa. modernorum, et antiquorum) dicit peccare, si non absolvit, ubi eius confessionem suscepit; non video quomodo tutus esse possit in conscientia ille confessarius, qui ei denegat absolutionem (1). Quomodo autem se gerere debeat confessarius in opinio-num delectu, et an uti debeat rigidioribus, an benignioribus, vide dicenda *Append. 4. §. 1.* ubi loquar de prudentia confessarii.

120. Praeterea quaeritur, quomodo se gerere debeat confessarius cum poenitente, cuius suspicatur, aut scit aliquod peccatum, quod ipse negat, aut reticet? distinguendum est: Si extra confessionem, et ex scientia propria, certum est quod tunc non potest eum absolvere; modo prudens non adsit dubium, quod poenitens de illo iam apud alium confessus sit. Si vero dumtaxat suspicatur, aut scit ex aliorum relatione, et poenitens illud negat, plerumque non potest ei tunc denegari absolutio, dum in hoc foro credendum est poenitenti tam pro, quam contra. Attamen abs re non est quod dicit Elbel, quod si confessarius audiret peccatum a testibus ita fide dignis, ut moraliter fieret certus, non debet ei absolutio impertiri; quia regulae locus est in dubio, non autem in facto moraliter certo (2). Si vero confessarius cognovit peccatum ex confessione complice, tunc prius non potest utique de eo in particulari interrogare poenitentem, nisi specialem obtinisset licentiam ab altero complice; sed tantum potest interrogare in generali: et pariter in hoc non debet esse multus in repetendis interrogationibus, ut revelationis periculum vitet. Nichilominus probabiliter dicunt Laym. Silvest. Navar. Spor. et Holzm. quod potest aliquam interrogationem etiam particularem adhibere, si illa communiter fieri solet personis talis conditionis, v. g. sponsis, si inter se ni-

(1.) l. 6. n. 604. v. caeterum. (2.) n. 631.

mis confidenter usi sint: servis, si aliquid dominos defraudaverint, etc. Sed difficultas maior extat, an absolvendus sit complex, cum, his adhibitis diligentis, ille tacet peccatum? Alii affirmant absolvendum esse conditionate; alii absolute; sed melius sentiunt Suar. Dicast. Croix Viva etc., quod cum confessarius moraliter certus est poenitentem sacrilege occultare peccatum, non potest eum absolvere, sed voce submissa debet aliquam recitare orationem ad occultandam absolutionem, quam ei denegat (3). Quoad autem obligationem qua tenetur confessarius esse in gratia, cum audit confessiones, aut saltem cum impertitur absolutionem; et an excusetur in casu extremae necessitatis; vide dicenda in *Append. 3. de examine Ordinand. n. 11.*

121. VI. Tenetur confessarius ad corrigendos errores quos in excipiendis confessionibus commisit, aut in dando absolutione. Sed hic plura distinguenda sunt: 1. Cum erravit circa Sacramenti valorem, v. gr. si absolutionem non protulit, aut si eam carens iurisdictione impertitus est: tunc, si ille erravit inculpabiliter, non tenetur cum suo dedecore, aut alio gravi incommodo poenitentem admonere: quia talis admonitio est solius charitatis, quae ad tantum non obligat: ita commun. Lugo Salm. Spor. Viva Elbel et alii. Excipitur si talis confessarius esset parochus, aut si poenitens esset in mortis articulo, aut in gravi periculo non amplius confitendi constitutus. Si vero erravit ex culpa gravi; quaeritur 1. an teneatur ad admonitionem cum suo gravi incommodo? Negant Bonac. Suar. s. Anton. Navar.; et id probabile vocant Salmant. cum Vasquez Hurtad. etc., tum quia (dicunt) non videtur tale praeceptum cum tanto onere obligare, cum hoc Sacramentum a sola charitate administratur; tum quia sicut poenitens non teneatur cum tali gravamine ad confi-

(3.) n. 631. v. si autem.

tendum; ita nec confessarius tenetur ad efficiendum ut talis confessio valida fiat. Sed recte affirmant Lugo Tamb. Leand. Sporer Viva et Elbel, quia licet confessarius ex charitate confessiones excipiat, semper tamen ac eas suscipit, tenetur postea ex quasi-contractu ad Sacramentum administrandum modo quo debet; et sic 1. rationi satisfit. Respondetur ad 2. aliam esse poenitentis obligationem ab illa confessarii; quia si poenitens nosset suae confessionis invaliditatem, poterit saltem postea per contritionem, aut per aliam confessionem malo suo prospicere, sed confessarius non potest eum in ignorantia relinquere cum tanto illius damno (1).

122. II. Si confessarius sua gravi culpa poenitentem a restitutione deobligavit, tunc tenetur etiam cum suo gravi incommodo (licentia tamen ab eo petita) eum admonere; alias admonitionem omittendo tenetur ipse ad restitutionem: intelligitur, quoties si tempore debito poenitentem admonuisset, iam ille restituisset; ita communiter Lugo Castrop. Bonac. Viva Spor. Salm. Elbel, etc. Et scite hic advertunt Lugo Bonac. et Busemb. quod si confessarius iam admonuisset poenitentem priusquam impotens fieret, tunc licet poenitens non restituisset, ad nihil ipse tenetur; quia cum consilium sit mere auctoritativum, sufficit quod confessarius tempore opportuno illud revocet, iuxta dicta *Tract.* 10. n. 44. et seq. Dicitur *tempore opportuno*, quia si forte poenitens tempore confessionis erat dispositus ad restitutionem, si admonitus fuisset, et postea facta sibi admonitione nollet restituere, tunc recte dicit de Lugo (quidquid Antoine dicat) confessarium ipsum teneri ad restituendum, quia tunc eius consilium iam fuit proxima causa damni (2). Sin autem confessarius graviter in hoc non peccavit, non tenetur ad admonitionem cum suo gravi incom-

modo, sed tenetur cum aliquo levi incommodo, ut dicunt Lug. Spor. Elb. etc. quia quilibet tenetur cum levi suo incommodo ad reparandum, cum potest, damnum grave proximi (5). Sed hinc quaeritur an confessarius in tali casu admonitionem omitendo teneatur ad restituendum? Negant Sanch. Caiet. et Navar. dicentes quod cum confessarius non laeserit iustitiam, non tenetur ad admonitionem, nisi ex charitate quae non obligat ad restitutionem. Sed communius et melius affirmant Lug. Spor. Salm. Elb. Viva Arriag. etc., quia eius consilium (licet inculpabiliter datum) prosequitur ad influendum in creditoris damnum: quare cognito errore, tenetur ex iustitia ad removendam damni causam (4); non secus ac si quis sine culpa gravi incendisset domum proximi, si potest sine gravi incommodo, tenetur ex iustitia ad ignem extinguendum, sicut communiter dicunt Less. Laym. Lugo Bonac. Trm. Salm. etc. (5).

123. III. Quando autem confessarius non iam deobligasset poenitentem a restitutione, sed tantum omisisset eum admonere, tunc si inculpabiliter omisit, non tenetur cum gravi suo incommodo ad eum admonendum, ut supra dictum est; sed tenetur etiam cum aliquo incommodo, ut dicunt dd. cum aliquali proportionem ad reparandum damnum creditoris. Si vero neglexit sua culpa gravi, tunc tenebitur admonere cum maiori incommodo. Sed hic praeterea quaeritur an confessarius, omitta debita correctione teneatur ad restitutionem? Multi multa sentiunt. Alii affirmant de quolibet confessario, quia quilibet confessarius (ut dicunt) tenetur ex officio poenitentem docere de sua obligatione; ita Mol. Vasq. Navar. Sayr. Filliuc. etc., alii affirmant de solo paroco, ut Less. et Antoine, affirmando quod parochus tenetur impedire quominus subditi sui damnum aliis inferant. Sed universaliter id ne-

(1) l. 6. n. 619. (2) n. 621. v. sed quid.
(3) ib. v. hoc. (4) n. 621. v. an autem.

(5) l. 3 n. 994.

gat sententia communissima et verior cum Cabass. Azor. Suar. Castrop. Sanch. Bonac. Lug. Valenz. Coninch. Salm. Croix etc., et ratio est quia confessarius licet teneatur ad monendum poenitentem: sed ex sola charitate, non ex iustitia; et loquendo etiam de parcho, licet ex iustitia teneatur ad monendos subditos, talis obligatio tamen versatur tantum circa eorum bona spiritalia, non autem temporalia. Et hoc currit, etiamsi confessarius aut parochus ex malitia admonitionem negligeret, ne poenitens restitueret; quia tunc deest influxus positivus in alterius damnum, qui semper requiritur pro restitutionis obligatione, sicut dictum est *Tr.* 10. n. 56 (1).

124. Restat hic discutienda magna quaestio, quae inter dd. agitur, nempe an confessarius, non petita licentia poenitentis, possit eum admonere de errore in confessione commisso. Nos paucis expediemus. Affirmant universaliter loquendo Suar. Petrocor. et Spor., et probabile putant Laym. Castrop. Bonac. Salm. etc., dum dicunt hanc admonitionem spectare ad perficiendam confessionem, quae imperfecta relicta est. Sed nos dicimus cum sententia communissima, quod distinguendum est: Si iudicium completum est per absolutionis collationem, tunc non potest confessarius sine poenitentis licentia cum eo de errore colloqui; quia talis admonitio esset exprobratio illius peccati, quae confessionem redderet odiosam; ita Sot. Silv. Sanch. Valent. Graf. Diana Reginald. Megal. Croix etc. cum de Lugo: qui dicit contrariam repugnare theologorum communi sensui. Secus autem, ut recte dicunt Croix Stoz et Arriaga, si confessarius non adhuc absolutionem impertitus fuisset, quia tunc iudicium non est adhuc absolutum; aut si non recte protulerit absolutionem. tunc bene posset poenitentem admonere, siquidem tunc nulla evenit peccati exprobratio (2).

125. VII. Loquamur denique de

obligatione quam habent sacerdotes de administrando Poenitentiae Sacramento. Sacerdotes simplices regulariter loquendo non tenentur ad illud ministrandum, nisi in casu extremae necessitatis. Parochi vero tenentur toties quoties rationabiliter expetiti sunt a subditis, qui opportune illud petunt. Vide dicta *Tract.* 7. n. 24. Sed hic quaeritur 1. an sacerdos simplex aut simplex confessarius (quia quoad parochum vide dicta *Tract.* 7. n. 28.) teneatur cum periculo vitae ad absolvendum moribundum in peccato mortali existentem? Negant Sot. Sa Navar. Coninch., et Lugo probabile putat, dum ille potest per contritionem sibi consulere; excipit tantum Coninch. si moribundus ea laboraret ignorantia, ut nesciret elicere actum contritionis. Sed sententia verior affirmat cum Suar. Tourn. Lorca et Valent.; quia licet possit moribundus per contritionem supplere, tamen cum haec sit difficilis, negari non potest quin, si inabsolutus relinquatur in magno suae damnationis periculo manserit. Unde fit quod sicut in casu quo proximus sine tua absolutione certo peribit, teneris ad mortem certam subeundam, ut eum absolvas: ita in casu quo ille in probabili damnationis periculo manet, teneris te exponere probabili periculo mortis; nam in aequali periculo quisque tenetur postponere vitam temporalem suam vitae aeternae proximi (3).

126. Quaeritur 2. an sacerdos simplex teneatur se habilem reddere pro excipiendis confessionibus, cum videt indigenas suos esse in gravi necessitate spirituali ob confessoriorum penuriam? Apud nullum auctorem de re morali tractantem hoc dubium inveni discussum; tantum ad manus mihi pervenit quidam libellus, cui titulus (*Parroco di Villa p. 508.*), cuius auctor est R. D. Joseph Iorio, cuius doctrinam ac pietatem varia opuscula, quae edidit, satis compro-

(1) l. 6. n. 621. (2) n. 622. (3) n. 624.

bant; ibi ex Italico haec transcribo: *Qui solertia pro audiendis confessionibus pollet, et observat in suo oppido confessoriorum penuriam, et videt, aut non frequentari, aut male haberi tale Sacramentum, tenetur illud administrare. Et, si aetate non multum processit, tenetur in conscientia ad se habilem reddendum. Afferit idem auctor auctoritatem P. Pavonis, Societ. Iesu, viri admodum docti et pii, qui in suis operibus italicis sic scribit: Munus meum, qui sacerdos vocor, est me Praelato meo parere, cum mihi imponit ut confessionem excipiam, et legitimo impedimento non praepedior: quia Praelatus potest id mihi praecipere, et ego nullam rationem habeo ut talentum otiosum teneam, etc. Insuper mihi inest debitum me Episcopo offerendi, ut facultatem confessiones audiendi ab eo exoptulem, cum animadverto in gravi necessitate esse populum ob confessoriorum deficientiam. Et revera (subiungo hic aliquas reflexiones quas animo rependi super hoc puncto, cui parum sacerdotes animum intendunt) certum est sacerdotes esse a Deo electos non solum ut sacrificent, sed etiam principaliter esse constitutos, ut animarum saluti incumbant; sicut enim divinus Pater misit Filium suum pro mundi salute, ita Christus Dominus constituit sacerdotes in suum locum suffici, ut pro se legatione fungerentur: Sicut misit me Pater, et ego mitto vos. Io. 20. 21. Quapropter sacerdotes vocantur, nunc lux mundi, nunc sal terrae, nunc Dei coadiutores. Idcirco etiam Trid. sess. 23. c. 14. praecipit ut promovendi ad praesbyteratum prius ad docendum ea, quae scire omnibus necessarium est ad salutem, ac (nota) ad ministranda Sacramenta... idonei comprobentur. Et s. Thomas (1) dicit, quod Dominus ad hunc finem instituit Ordinem sacerdotum in sua Ecclesia, ut ipsi Sacramenta aliis ministrarent: Et ideo posuit Ordinem in ea ut quidem aliis Sacramenta tra-*

derent. Praecipua autem obligatio sacerdotum est circa administrationem Sacramentorum Eucharistiae, et Poenitentiae, dum ideo duplex eis confertur potestas sacrificandi nempe, et absolvendi a peccatis. Et animadvertatur quod Dominus Spiritum sanctum in sacerdotes infudit praecipue, ut absolvant a peccatis, prout legimus apud Ioan. loc. cit. 7. 22. et 23. Sicut misit me Pater, et ego mitto vos. Haec cum dixisset, insufflavit et dixit eis: Accipite Spiritum sanctum, quorum remisistis peccata, remittuntur eis. Itaque cum hoc sit sacerdotum praecipuum munus, et unus ex principalibus finibus, cur Deus eligit aliquem ad sacerdotium, dico quod sacerdos tenetur ad se habilem reddendum ad illud, saltem cum necessitatem cognoscit ob aliorum deficientiam, ne ab Apostolo exprobratur quod in vacuum gratiam recepit.

127. Hoc posito quomodo excusabitur a peccato ille sacerdos, qui sua socordia negligit audire confessiones, aut se habilem reddere ad illas audiendas, cum videt gravem necessitatem, qua oppidum suum premitur? Ego nescio quomodo iste possit non exprobrari a Domino, et immunis esse a poena quam minatus est in servum pigrum, qui talentum datum negotiationi abscondit, ut habetur ex Matth. 25. 25. et seqq. qui textus ab expositoribus (Corn. a Lapide. Calm. et Tirino, cum Ambrosio) explicatur proprie de iis qui opera sua procurare possunt, et negligunt salutem animarum: *Notent hoc (ait Cornelius) qui ingenio, doctrina, aliisque dotibus sibi a Deo datis non utuntur ad suam aliorumque salutem ob desidiam, vel metum peccandi; ab his enim rationem poscet Christus Dominus in die iudicii. Admodum terrore plenae sunt conminationes Domini in negligentes sacerdotes: Si me dicente ad impium, impie, morte morieris; non fueris locutus... ipse im-*

(1) Suppl. q. 34. a. 1.

pius in iniquitate sua morietur, sanguinem autem eius de manu tua requiram. Ezech. 33. 8. Nec dicant huiusmodi sacerdotes obligationem suam satis explere, si alio modo animabus subveniant, nempe instruendo, corrigendo, orando; non sufficit, dico; quia ipsi tenentur succurrere proximis in eo quod ipsis opus est ad salutem. Si frater ciborum opus habet, non sufficit eum de vestibus providere. Saepe accidit in oppidulis quod plures forte non egent instructione, aut monitione, quia forte iam sunt satis instructi et correcti, sed deest ipsis sacerdos qui eorum confessiones excipiat. Nec valet dicere officium audiendi confessiones esse opus charitatis, et charitatem non obligare cum tanto incommodo, quia est labor insumendus pro acquirenda scientia requisita ad Poenitentiae Sacramenti administrationem; quia respondetur, quod licet tale exercitium sit charitatis, nihilominus est munus quod ortum non habet a simplici charitatis motivo, sed ex officio proprio sacerdotali (ut dictum est) cui ex divina institutione hoc munus adnexum est, et cui sacerdos satisfacere tenetur, cum id populi necessitas ex postulat. Denique neminem iuvat se excusare allegando insufficientiam et imbecillitatem suam; quoad insufficientiam, suppositis antea dictis, ille tenetur ad studendum, et ad se idoneum efficiendum; quoad autem imbecillitatem, qua quis putaret cum merito excusari, nempe cum humilitatis sensu; audiat quid dicit s. Franciscus Salesius. Sanctus appellat falsam humilitatem eorum qui recusant saluti animarum vacare, sub colore quod propriam debilitatem cognoscunt. Dicit totum hoc esse artificium amoris proprii, et humilitatis perversae, qua praetenditur propriam socordiam specioso praetextu colorare. Subiungit quod Deus, nobis aliquid ingenii concedendo, intendit ut nos illo utamur; unde vere humilem se ostendit qui illo utitur, et o-

bedit. Superbo nihil audendum est assumere, tamquam sibi fidenti; humilis contra animo magno esse debet, quia non suis viribus innititur, sed spem in Deum collocat, cui placet suam Omnipotentiam exaltare nostra imbecillitate; et ideo concludit, humilem omnia aggredi posse.

CAPUT VII.

DE CASUUM RESERVATIONE

128. *Reservatio est iurisdictionis restrictio.*
129. *Ignorantes non excusantur a casu, bene quidem a censura. Differentia inter casus papales, et episcopales.*
130. *Qui reservare possit, etc. De casibus Regularium.*
131. *De reservatione iniusta; et an Superior absolvendo possit ad alium remittere pro non reservatis, etc.*
132. *An peccata venialia, aut interna, aut non consummata, etc.*
133. *Quando inferior potest absolvere, etc.; et an poenitens debeat se praesentare, etc.*
134. *Si iniuste negatur facultas, etc. Si negatur a Praelato regulari.*
135. *De peregrinis, quando casus est reservatus tantum extra, aut tantum in patria.*
136. *Quomodo intelligendum In fraudem reservationis.*
137. *An qui peccat in patria possit absolvi extra illam habente facultatem*
138. *An possit absolvi in patria qui peccat extra? Et an peccans in patria, possit absolvi a censura extra illam? Et an peccans extra, incurrat censuram ibi reservatam?*
139. *Qui recipit in bona fide absolutionem a simplici confessario.*
140. *Qui obliviscitur de reservato apud Superiorem, etc.*
141. *An ex confessione nulliter facta apud Superiorem, etc.*
142. *An simplex possit absolvere dubie reservatum.*
143. *Qui post confessionem cognoscit pro certo reservatum.*
144. *Qui peccat in confidentiam licentiae*
145. *An licentia extendatur ad peccata post illam commissa.*
146. *De facultatibus Episcoporum, et regularium remissive*
128. *Reservatio casuum definitur: Est negatio iurisdictionis circa ali-*

quod peccatum. Hinc notandum 1. communissimam sententiam esse cum Sanch. Castrop. Holzm. Tamb. Wigandt Coninch. Antoine Fagnan. Croix et aliis (contra Ronc. Salmant. Ciera etc.) ignorantes non excusari a reservatione, licet invincibiliter eam ignorassent; quia reservatio non est poena quae respicit peccatores, ut supponunt adversarii, sed est restrictio iurisdictionis respectu confessariorum; et hoc aperte praecipitur a Trident. sess. 14. c. 7. ubi dicitur: *Nullius momenti absolutionem eam esse debere, quam sacerdos in eum profert, in quem ordinariam, aut subdelegatam (nota) non habet iurisdictionem.* Unde concludit quod *sacerdotes nihil possint in reservatis.* Nec valet dicere cum Salm. et Ronc. quod licet reservatio directe respiciat confessarios, et limitet eorum facultatem, attamen finis reservationis respicit poenitentes, ut a peccatis reservatis exterreamur; unde fit quod, cessante fine adaequato in ignorantibus, cessat etiam reservatio. Quia respondetur quod finis reservationis est non solum ut fideles avertantur a reservatis, sed etiam (ut dicunt Fagnan. et alii) ut prolapsi convenientes recipiant poenitentias, admonitiones, et remedia quae non conveniunt ab aliis applicari, quam a Superioribus, qui semper existimantur prudentiores, et magis idonei, sicut exprimitur in Trid. loc. cit. *Patribus nostris visum est, ut atrociora quaedam et graviora crimina non a quibusvis, sed a summis dumtaxat Sacerdotibus absolverentur.* Ex quo deducitur evidenter quod etiam in ignorantibus non cessat finis adaequatus reservationis (1).

129. Ex hoc deducitur, ut etiam communiter dicunt aa. citati pro nostra sententia, quod etiam in casibus ab Episcopis reservatis, quibus annexa est censura, licet ignorantes a censura excusentur, cum in ipsis desit contumacia necessaria pro in-

currenda censura, nihilominus non excusantur a reservatione; nam haec est differentia inter casus papales et episcopales, quod papales (exceptis duobus qui reperiuntur reservati sine censura, nempe accusatio sollicitationis contra sacerdotem innocentem, ut habetur ex Bulla *Sacramentum* Benedicti XIV. et receptio donorum a Regularibus, ut dictum fuit Tr. 13 n. 8. in fin.) principaliter sunt reservati ob censuram. Et idcirco ignorantes ab illis excusantur circa reservationem, ut docent communiter Suar. Castrop. Sanch. Layman. Mol. Caiet. Gonet Wigandt Abelly Salm. Croix Ciera Viva etc. (contra p. Concinam, quem unicum reperio adversum); dum ignorantia certe excusat a censura, ut dicemus Tr. 19. n. 8. et ut expressum est in cap. 2. de *Constit.* in 6. (2). Contra in casibus episcopalibus, quia principaliter reservatur peccatum (licet iniungatur censura), ideoque ignorantes sicut non eximuntur a peccato, ita nec a reservatione; dum, ut dictum est, propter reservationem super illo peccato penitus sublata est confessario iurisdictio (3).

130. Notandum 2. casus reservare posse omnes Superiores qui potestate ordinaria gaudent, prout sunt Papa, Episcopi, Praelati religionum, et etiam qui potestate quasi episcopali fulgent, sicut declaravit S. C. Conc. apud Fagnan.; non autem parochi, nam ipsis saltem ex consuetudine haec facultas abrogata est (4). Dictum est Praelatos religionum posse etiam reservare casus, sed ut decrevit Clemens VIII. tantum undecim reservare possunt et non ultra, sine consensu Capituli generalis pro tota religione, aut provincialis pro provincia. Casus autem determinati fuerunt a Clemente, et sunt sequentes: 1. Apostasia. 2. Egressio nocturna, et furtiva a monasterio. 3. Sortilegium. 4. Peccatum mortale contra pauperatatem. 5. Furtum mortale de

(1) l. 6. n. 581. (2) n. 580.

(3) n. 581 dubit. 2. (4) n. 578.

bonis monasterii. 6. Peccatum carnale opere consummatum. 7. Peritium in iudicio. 8. Cooperatio in abortu foetus animati, etiam effectu non secuto. 9. Occisio vel gravis percussio cuiuscumque personae. 10. Falsificatio manus, vel sigilli Officialium monasterii. 11. Malitiosum impedimentum, retardatio, aut aperitio litterarum a Superioribus ad inferiores, vel contra. An autem Praelati possint infligere censuram super alio casu, illum non reservando, affirmat Rusemb.; sed communius et probabilius negant Lugo Sanchez Diana et Holzm. (1).

131. Notandum 3. reservationem non posse emanari sine iusta causa; quare dicunt nonnulli reservationem iniustam esse invalidam, quia Trident. dedit hanc facultatem Praelatis reservandi casus in aedificationem, non in destructionem: sed sententia communior et verior cum Laym. Suarez Lugo Holzm. Ciera etc. dicit illam fore graviter illicitam, sed validam; quia sicut potest Praelatus non concedere facultatem pro aliquibus casibus, ita potest etiam reservare eam (2). An autem possit Superior absolvere a reservatis, et pro aliis remittere poenitentem ad inferiorem, alii admittunt propter consuetudinem; sed haec consuetudo communissime negatur a Salm. Cano Nav. Laym. Castrop. Salm. Croix etc. Tantummodo hoc permittitur a praefatis aa. in casu rarissimo magnae necessitatis, puta si Superior praepeditus esset aliquo gravissimo negotio et contra poenitens esset in necessitate communicandi, et repugnantiam ostenderet his peccata sua confiteri (3).

132. Notandum 4. posse etiam reservari venialia, ut communiter admittunt Suar. Lugo Ciera Holzm. Concina, etc. contra Vasq.; quia licet non adsit obligatio confitendi venialia, attamen ipsa remitti nequeunt per Sacramentum, nisi ex Ecclesiae

(1) l. 6. n. 583. (2) n. 579. (3) n. 595.
(4) n. 582. dubit. 1. (5) ib. dubit. 2.

iurisdictione; ideoque sicut illa hanc negare potest, ita etiam limitare (4). Et ita pariter reservari possunt peccata interna, ut etiam communiter dicunt Sot. Silv. Suar. Croix Antoin. etc. Nec obstat dicere Ecclesiam non iudicare de peccatis occultis; dum responderetur quod Ecclesia reservando non est quod iudicet de peccatis internis, sed iudicat de absolutione illorum, quae est actus externus (5). Caeterum prudentia exposcit (et hoc fert usus) ne reserventur nisi mortalia, et graviora (iuxta normam datam a Concilio, quod dicit *atrociora quaedam et graviora crimina*), et externae gravia; unde communiter docent Lugo Sanch. Suar. Bonac. Granad. Ciera etc.: peccatum leve in quantum est externum non cadit sub reservatione, licet interne esset grave; quia Superiores non intendunt reservare, nisi peccata externe gravia, et insuper consummata, et perfecta in specie sua. Hinc recte dicit p. Mazzotta, non reservari incestum, et sodomiam extra vas perfectum, neque sodomiam imperfectam, puta inter marem et foeminae, ut dicit insuper Silvestr. Azor Bonac. Tourn. etc. (6).

133. Notandum 5. quod, cum non adiri potest Superior, potest inferior indirecte absolvere a reservatis, urgente aliqua causa, v. g. ut vitetur scandalum, aut infamiae nota, aut ut satisfiat praecepto paschali, aut si poenitens alias diutius perseverare deberet in mortali, ex eo quia Superior longe abest: ita communiter Suarez Laym. Castrop. Conc. Wigandt Salmant Ciera Viva etc. (7). Dictum est *indirecte*, quia cessante impedimento, tenetur postea poenitens se praesentare Superiori, ut directe absolvatur a reservatis; ratio est quia confessorii simplices, ut declaravit Trident. (Sess. 14. c. 7.), *extra articulum mortis nihil possunt in reservatis*: unde extra mortis articulum, licet impedimentum esset perpetuum, si

(6) 583 dubit. 3. (7) n. 585.

casus est episcopalibus, et impedimentum casu cessaret, semper recurrendum est ad Episcopum pro absolutione directa. Et si casus est papalis et impedimentum est perpetuum, et poenitens ne ad Episcopum quidem recurrere posset (ut debebat, cum non posset adire Papam) etiam obtenta absolutione in casu necessitatis a confessario simplice, debet saltem se praesentare Episcopo (1): vide dicenda *Tr.* 20. n. 45. Et advertendum quod tunc, si peccatum est reservatum cum censura, non se praesentando, reincidit in censuram, ut dictum est n. 96. *in fine*. Cum autem quis haberet peccata reservata, et cum esset in necessitate communicandi, si nullus adesset qui haberet facultatem, et iste teneatur confiteri simplici confessario: et an si confiteatur, debeat illi narrare tam reservata, quam non reservata, vide dicta *Tr.* 15. n. 27. et 28. ubi diximus teneri confiteri ea, saltem cum necesse est ut confessarius iudicium certum formare possit de eius dispositione; unde addimus hic, quod si confessarius interrogat, debet omnia manifestare; nam, sicut recte animadvertit Lugo, licet poenitens non teneatur per se ad aliquod peccatum aperiendum, attamen tenetur illud exponere, cum de illo interrogatur a confessario, qui ius habet noscendi totam conscientiam poenitentis, tum ut cognoscat eius dispositionem, tum ut remedia applicet, in quibus duobus ille est verus iudex (2). An autem quilibet confessarius absolvere possit moribundum a papalibus praesente Episcopo, vide *prae.* n. 97.

134. Notandum 6. licet Superior iniuste negaret facultatem, inferiori non posse absolvere a reservatis, sicut communiter docent Sotus Suar. Laym. Lugo, Ciera Salm. etc., quidquid dicant Henriq. et Diana; nam sicut est valida reservatio iniusta (ut dictum est n. 131.), ita et-

(1) l. 6. n. 585. dubit. 1. (2) ib. dubit. 2. et 3. (3) n. 586. ad 3. (4) n. 586 ad 6.

iam valida est iniusta negatio facultatis (3). Caeterum proculdubio graviter peccant Episcopi, qui iniuste negant facultatem; et peccant etiam contra iustitiam, cum ex tali denegatione notabile damnum subditorum animae patientur; ita communiter Lugo. Suar. Conine. Quintanad. Fag. Diana et Ciera, ex s. Thoma; praecipue (ait Ciera) si poenitens adduci non possit ut adeat Superiorem. Contra Superior iuste semper denegare potest facultatem, donec poenitens notitiam necessariam ei non affert ad reparandum publicum scandalum, aut damnum; nam alias a nemine tamquam indispositus absolvi potest; Suarez Lugo etc. (4). Advertendum tamen hic circa Regulares, 1. quod (ut habetur ex Bulla 26. Urbani VIII.) declaravit Clemens VIII. quod si Superior regularis negat facultatem confessario deputato, potest hic *pro ista vice* (ut loquitur Bulla) absolvere poenitentem, et ita communiter asserunt dd. Lugo Gabriel Avers. Bus. Salm. com p. Viva, qui dicit, quod *pro ista vice* intelligitur toties quoties Superior iniuste negat facultatem. Et idem dicunt Pelliz. Dian. Quintanad. si illam denegat alteri Religioso doctiori, et prudentiori, licet non deputato; et idem dicit Pelliz si denegatur eidem poenitenti Advertendum 2. quod propter privilegium concessum fratribus minoribus, omnes Regulares semel possunt absolvi a reservatis per eorum confessarios, licet super reservatis careant facultate, Suar. Diana et Rodriq. (5).

155. Notandum 7. circa peregrinos: peregrini in quantum ad casuum reservationem plerumque iudicandi sunt iuxta leges dioecesis in qua reperiuntur. Unde fit quod si peccatum est reservatum tantum in illa dioecesi, non potest peregrinus absolvi a simplici confessario, etsi illud peccatum non est reservatum in sua patria: ita tenent, contra aliquos communius et verius Suar. Lugo Bo-

(5) *ibid.* ad 5.

nac. Concin. Wigandt Ciera Diana Salm. etc. cum quadam declaratione S. C. Ratio est quia hodie peregrini, stante communi consuetudine, non absolvuntur iam ex consensu praesumpto suorum Ordinariorum, ut supponunt adversarii, sed ex voluntate Ecclesiae universalis. Contra reservatio non respicit poenitentes, ut dictum est n. 128, sed confessarios dumtaxat; unde ipsi non possunt absolvere ab illis peccatis tantum, super quibus limitata est facultas (1). E converso si peccatum est reservatum tantum in patria, non autem in illa dioecesi, bene potest peregrinus absolvi ab unoquoque confessario, ut recte docent S. Antonin. Caietan. Lug. Suar. Bonac. Cabassut. Conc. Ronc. Mazzot. Salmant. etc. quia haec est consuetudo approbata communiter ab Episcopis, et Pontificibus, nempe ab Eugenio IV. (ut testatur Lugo) et praecipue a Clemente X. in sua Bulla *Superna*, edita 21. Iunii 1670. Modo (limitavit Clemens) non esset quod poenitens proficisceretur a patria sua in fraudem reservationis: *Posse autem* (sunt verba Pontificis) *regularum confessarium in dioecesi in qua est approbatus, confluentes ex alia dioecesi a peccatis in ipsa reservatis, non autem in illa ubi idem confessarius est approbatus, absolvere: nisi eosdem poenitentes noverit in fraudem reservationis ad alienam dioecesim pro absolutione obtinenda migrasse*. Bulla loquitur proprie de confessariis regularibus, ut observatur; sed intelligitur etiam pro saecularibus, ut recte dicunt Croix Viva et Roncagli. et ut declaravit etiam S. C. (2).

136. Quomodo autem intelligenda est clausula illa in *fraudem reservationis*, multae et diversae adsunt opiniones. P. Mazzot. cum Tamb. et aliis intelligit, cum casus est deductus in forum contentiosum; sed haec explicatio nihil concludit, dum Pontifex loquitur de foro sacramentali,

(1) l. 6. n. 588. (2) n. 589. v. idque. (3) n. 589. v. quomodo. (4) ibid.

non autem de externo. Episcopus Milante intelligit quando poenitens peccasset in confidentiam absolutio- nis, sed non cum alio proficisceretur, ut facilius ibi absolvi posset: sed nec huic explicationi assentiri valeo: Pontifex enim non loquitur de iis qui peccant, sed de iis qui migrant in fraudem reservationis. Alii alias applicationes afferunt: sed communis et probabilis Lugo Roncaglia Viva, cum Porcella et Fagund. et *Instruet. Confess. nov.* cum Passerino explicant, quando poenitens sine unico et principali proficiscitur, ut alibi facilius absolvatur, et ut proprii pastoris iudicium aufugiat; quia tunc proprie dicitur intervenire fraus, quando elusoria redditur lex, et quidem lex reservationis eluditur, cum poenitens principaliter e patria migrat ut in alia dioecesi faciliter absolvatur. Contra non migrat in fraudem, qui aliquo proficiscitur alio fine, v. g. lacrandi indulgentias, aut fine alia negotia agendi, aut citius vel cum minori incommodo confitendi, aut reperiendi confessarium non cognitum, aut prudentiorem a quo melius dirigi possit, et per quem sperat uberiores conscientiae pacem fore consecutorum (3).

137. Dicit autem Roncaglia, quod poenitens, qui discedit aufugiendi fine proprii pastoris iudicium, in aliena dioecesi non potest ne a confessariis quidem, qui super reservatis habent facultatem, absolvi, quia tunc etiam migraret in fraudem (4). Sed contradicunt Milante, et Viva, cum Suar. Nav. Lug. Bonac. cum communiori dd. qui dicunt quod si casus est reservatus in utraque dioecesi, peregrinus libere absolvi potest ab habente facultatem; et haec opinio non videtur probabilis, quia revera tunc non videtur poenitens committere fraudem in reservationem, cum eat ad confessarium approbatum etiam pro reservatis (5). Praeterea dicit Mansi, et adhaeret etiam

(5) num. 587.

Ronc. , non posse absolvi qui extra patriam peccatum commisisset reservatum in patria, hoc fine ut postea extra absolvatur. Sed etiam circa hoc oppositum sentio, quia peccator tunc non diceretur discessisse in fraudem reservationis ut absolveretur, sed alio se contulisse, ne reservationem incurreret (1).

138. Contra recte dicunt Castrop. Suar. Coninch. Conc. (quicquid dicant alii) non posse absolvi in patria a reservato poenitentem qui peccavit in monasterio Regularium, licet exempto, quia quamvis haec monasteria sint exempta etiam quoad locum, ut dictum est *tract. 2. n. 39.*, nihilominus nec per hoc potest eum absolvere confessarius, cui limitata est iurisdictio super tali casu. Et idem currit propter eandem rationem, si poenitens peccasset extra dioecesim, licet ibi talis casus non esset reservatus. Ita etiam dicimus cum Ronc. et Wigandt, contra alios, non posse absolvi a confessario simplici poenitentem extra dioecesim a censura quae in patria est reservata, quia totam facultatem confessarii simplices ad absolvendum a censuris habent ex *c. Nuper, de Sent. excomm. in 6.* ubi expresse dicitur quod confessarii absolvere nequeunt a censuris reservatis (2). Dicimus etiam cum Avers. et Mazzot. quod si peregrinus peccat in alia dioecesi, ubi ille casus est reservatus, non potest ibidem absolvi a simplici confessario, tum quia ibi ratione delicti iam incurrit reservationem; tum quia confessarius (sicut dictum est *n. 135.*) non potest absolvere exterum, nisi iuxta limites iurisditionis sibi ab Ordinario suo concessae. Advertendum tamen quod talis peregrinus iam incurrit reservationem, ut dictum est, non vero censuram illi annexam, ut recte dicunt Suar. Silv. Conc. Sal. Avil. Sayr. Mazz., etc. contra aliquos; nam in *cap. A nobis, de Sent. excomm. in 6.* dicitur *solos subditos compre-*

(1) l. 6. n. 589. v. quomodo. (2) n. 590.

hendi sub excommunicatione lata ab Episcopo futuris delictis. Et ratio, quia censura non incurritur, nisi ab iis qui non tantum subditi sunt, sed etiam contumaces: peregrinus contra, licet fiat subditus ob peccatum, nihilominus non potest dici contumax (3).

139. Quaeritur 1. an poenitens qui bona fide confitetur reservatum confessario simplici, aut si obliviscitur illius, sit valide absolutus? Negat Antoine, dicendo simplicem confessarium, cum nihil possit in reservatis, non posse ne indirecte quidem absolvere ab illis. Sed communior est sententia opposita affirmans (ut fatetur ipse Antoine) cum Suar. Castr. Lugo, Conc. Salmant., etc. et etiam est probabilior, quia confessarius simplex, licet careat iurisditione circa reservata, non autem caret ea in non reservata; quare iam non reservata directe absolvuntur, et indirecte reservata: nam mortalia non possunt absolvi nisi omnia simul, cum non possit unum remitti, non remisso alio: et cum haec sententia sit communis, et valde probabilis, si forte falsa esset, saltem supplet Ecclesia quoad iurisditionem, iuxta dicta *n. 91.* (4).

140. Quaeritur 2. an poenitens confessus Superiori, si obliviscitur reservati, possit postea de illo a quovis absolvi? *Prima* sententia affirmat cum Lugo, Sanc. Castr. Ciera, Salm., etc. dicens tunc praesumi Superiorem solvendo velle etiam eum liberare ab omni vinculo reservationis, sicut pariter dictum est *n. 68.* de iubilaeo. *Secunda* sententia contra negat cum Suar. Silv. Angelo, Conc. Antoine, etc., quia ad auferendam reservationem, ut dictum est, requiritur ut peccatum subiiciatur iudicio Superioris, ut ab eo competentem recipiat poenitentiam, et medicinam: adeo ut non debet iudicari ablata reservatio, nisi adsit specialis praesumptio quod Superior voluerit eam au-

(3) n. 591. (4) n. 596. v. quaer. 1.

ferre. Ratio equidem est valde valida: qua de re haec sententia mihi videtur probabilior, ad differentiam sententiae relatae n. 68. quia ibi ratione iubilaei conceditur poenitenti privilegium posse absolvi a quocumque confessario. Hoc non obstante primam sententiam improbabilem putare nequeo; nisi adesset specialis praesumptio quod Superior distulisset absolutionem, si audisset confessionem etiam reservati (1).

141. Quaesitum 3. an auferatur reservatio per confessionem invalidam Superiori factam. Respondetur: si confessio est invalida, sed inculpabiliter, communiter affirmant Caietan. Suar. Lug. Wigandt, Castr. Bonac. Ronc. Coninch. Holzm. Croix, et Salm. (contra Concinam), quia tunc iam ex una parte Superior intendit actualiter, et absolute poenitentem liberare tam a peccato quam a reservatione; et ex alia parte, iam poenitens subiecit peccatum suum Superioris iudicio, et ab ipso iam recepit remedia et poenitentiam, quam semper tenetur adimplere, licet postea percipiat confessionem fuisse invalidam, ut advertit Bon. Nec valet dicere quod Superior, et tanto minus delegatus non auferunt reservationem, nisi per absolutionem; quia quoad Superiorem, bene potest ipse concedere illam extra Sacramentum; et in eo casu bene praesumendum est auferre velle; et in quantum ad delegatum, licet iste non possit sine absolutione eam auferre, nihilominus tunc iudicatur posse eam auferre ex voluntate ipsius Superioris, aut saltem virtute consuetudinis approbatae ex auctoritate communi dd. (2). Maior difficultas fit, quando confessio est sacrilega, tunc dicunt absolute Holz. Viva, Ronc. Conc. et Croix non auferri reservationem, quia non praesumitur Superior velle, ut subditus ex suo scelere beneficium reportet. Sed pariter communius affirmant Suar. Lug. Castr. Bonac. Vasq. Filliuc.

(1) lib. 6. n. 597. (2) n. 598.

Salm. Caiet. Coninch. etc., et non improbabiler, quia alius est finis confessionis, qui est remittere peccatum; alius est finis reservationis, qui est ut subiiciatur peccatum iudicio Superioris, et hic iam obtinetur; et licet Superior ex voluntate interpretativa nollet, nihilominus iam vult voluntate actuali illam auferre. Secus autem dicendum (ut recte advertunt Lugo, Suar. et Vasq.), si poenitens culpabiliter taceret peccatum, aut, addit Suar., si ipse confiteretur reservatum sine animo illud vitandi, aut poenitentiae satisfaciendi, modo postea non mutaret voluntatem (3). Et secus etiam currit de confessione sacrilega, aut invalida facta in iubilaeo, ut dictum est *praec.* n. 66, quia ibi alia procedit ratio.

142. Quaeritur 4. in dubio an poenitens nec ne incurrerit aliquod reservatum, an possit a simplici confessario absolvi? Respondetur: quando dubium est facti, nempe utrum peccatum fuerit veniale, an mortale, et an mortale fuerit nec ne consummatum, tunc apud omnes (excepto Wigandt) pro certo habetur quod possit; ita Suar. Sanch. Lug. Conc. et alii; quia reservatio utpote odiosa, est stricte interpretanda, unde intelligenda de peccatis certe gravibus, et consummatis, ut dictum est n. 132. Si vero dubium est circa ius, nempe quando controvertitur inter dd. an aliquod peccatum sit vel non reservatum confessario; in hoc casu negant Conc. Wigandt, et Antoine, cum Arnil., dicentes quod confessarius non potest absolvere cum iurisdictione quae tunc ei dubia facta est. Sed etiam in tali casu aa. citati, et communiter etiam affirmant Filliuc. Hurtadus, Bonac. Sa, Henriq. Anaclet. Elbel, Viva, Spor. Salm. etc., et hoc sive dubium sit positivum, sive negativum, quia in utroque currit eadem ratio; dum in dubio confessarius possidet facultatem absolvendi. Praeterquam quod, cum haec sen-

(3) n. 598. v. quaer. 4.

tentia sit communis, et probabilissima, in casu quo forte esset falsa, supplet Ecclesia. Nec obstat dicere quod Clemens VIII. suo Decreto prohibuit confessariis privilegiatis absolvere a casibus Bullae *Coenae*, licet essent *dubie reservati*; et quod pariter in Extrav. Perlectis, velitum est Episcopis absolvere a percussione gravi clericorum, etiam in dubio an sit gravis vel levis; quia respondetur quod ambae hae prohibitiones magis confirmant nostram sententiam: ergo, dicimus: In aliis casibus reservatis, exceptis his duobus, recte potest dari absolutio, nam *exceptio firmat regulam*. Sed hic notandum quod Clemens (ut referunt Ronc. et Antoine) anno 1602. moderavit praefatum Decretum, auferendo illa verba *etiam dubie reservatis* (1). Limitant autem nostram sententiam Sanch. Bonac., etc., in casu quo illud peccatum reservatum iudicaretur in foro externo; sed haec limitatio merito etiam refellitur a Lug. Escob. Spor. Tamb. et Salm., quia differt forum externum ab interno. In illo attenditur praesumptio, et non praestatur poenitenti fides. Sed in hoc sacramentali omnino creditur poenitenti, donec non constet de opposito (2).

143. Quaeritur 5. an qui confessus est simplici confessario dubie reservatum, omnino liberetur a reservatione, etiamsi postea illud cognoscat certe reservatum? Negat p. Conc.; sed affirmant communiter Lugo, Dicast. Aversa, Spor. Viva, Sanch. et Salm. cum aliis; quia cum confessus sit peccatum tanquam dubie reservatum, iam directe absolutus est (ut fatetur ipse p. Conc.) ideoque remanet directe reservatio ablata. Alius est casus, ut diximus *praec. n. 34.*, quando poenitens confitetur peccatum uti dubium, et deinde recordetur esse certum, quia tunc tenetur ipse iterum confiteri ut certum, ut suppleat integritati, et ut exponat

(1) l. 6 n. 600. v. quaer. 1. (2) ibid. v. limitant. (3) ib. v. quaer. 2. (4) n. 601.

confessario, ut revera fuit in conscientia; sed in casu nostro, remisso peccato, est iam, ut dictum est, ablata reservatio; unde cessat obligatio adeundi Superiorem, ut liberetur ab illa (3).

144. Quaeritur 6. an possit absolvi a reservatis, qui peccavit in confidentiam licentiae? Aliqui dubitarunt; sed communior sententia affirmat cum Sanch. Lug. Fill. Bon. Molles. Salm. Aver., etc. Ratio est, quia, esto Superior nolit ut subditus ansam capiat occasione licentiae, attamen non intendit postea absolutionem negare poenitenti, quem vere poenitet sui peccati et proponit illud vitare. Idem diximus de iubilaeo n. 69. (4).

145. Quaeritur 7. an licentia data pro reservatis extendi possit ad peccata post ipsam commissa? Respondetur non extendi iam, si licentia datur pro solis peccatis speciatim nominatis, aut pro numero determinatis; secus vero si indefinite conceditur; ita communissime Lugo, Ronc. Bonac. Passerin. Praepos. Aver. Dicast. Salm. etc.; excipitur tamen, si poenitens, cui praesertim licentia concessa est, aliud peccatum committeret post notabile tempus, v. g. post mensem, aut si licentia concessa fuisset intuitu alicuius festivitatis particularis (5).

146. Quoad autem facultates Episcoporum absolvendi a casibus papalibus occultis, et impeditis, vide dicenda *tract. 20. de privil. n. 36. v. Dubitatum fuit, et n. 38.* et quoad facultates Regularium, vide ibidem ex n. 95. et seqq.

CAPUT VIII.

DE SIGILLO CONFESSIONIS

147. *Obligatio sigilli.*

148. *De iis qui tenentur ad sigillum.*

149. *An teneatur qui est requisitus de consilio a confessario ex poenitentis licentia.*

150. *An consultus ab ipso poenitente.*

151. *An qui legit folium confessionis.*

(5) n. 601. quaer. 4.

152. *Cadunt sub sigillo. I. Peccata etiam levia. II. Peccata complicitis, sed ex licentia poenitentis potest admoneri complex.*
153. *III. Obiectum peccati. IV. Poenitentia. V. Circumstantiae, sed non impertinentes. VI. Revelationes, et virtutes quando, etc. VII. Scrupuli.*
154. *VIII. Defectus naturales.*
155. *Casus de poenitente surdo.*
156. *Casus in quibus non adest obligatio sigilli. De licentia poenitentis; et an liceat eum admonere intra confessionem, quin ab eo petatur licentia.*
157. *Casus in quibus laeditur sigillum. I. Qui diceret in monasterio, etc.*
158. *Qui diceret in oppido, etc.*
159. *II. Qui utitur notitia confessionis ad gubernationem, cum gravamine, etc.*
160. *Si redit poenitens malae conscientiae.*
161. *An confessarius possit sibi cavere de damnis, etc.*
162. *An possit praeberi schedula confessionis, etc.*
163. *Si poenitens minetur mortem, etc.*
164. *An liceat uti opinionibus probabilibus, etc.*

147. Sigillum sacramentale inducit obligationem tacendi peccata et omnia alia in confessione manifestata in ordine ad absolutionem etiam colloquendo cum ipsomet poenitente: et haec obligatio est ita stricta, ut confessarius in nullo casu et tempore possit ea revelare, licet mortem subiturus esset. Ut clarius super hac materia valde implicata procedam, adnotemus hic primo loco eos qui tenentur ad sigillum: secundo ea quae cadunt sub sigillo: tertio casus in quibus laeditur sigillum: quarto casus in quibus non laeditur.

148. Et primo loco adnotabimus eos, qui tenentur ad sigillum. Generaliter loquendo, tenentur omnes ii, ad quos quocumque modo pervenit notitia confessionis. Sed loquendo in particulari, tenentur 1. Confessarius, qui frangendo sigillum tria peccata committeret: sacrilegii ob iniuriam quam infert Sacramento, iniustitiae

(1) In 4. dist. 21. q. 3. a. 1. ad 3.

qua afficit poenitentem et etiam de tractionis, si peccatum non esset publicum. Confessarius, si forte interrogaretur de peccatis auditis, potest recte affirmare etiam iuramento se nihil audivisse; nam de omnibus, quae ipse in confessione excepit, nullam habet scientiam communicabilem; ita communiter s. Anton. Suar. Laym. Wigandt, Antoine, et alii cum s. Thoma (1) qui dicit: *Potest iurare, se nescire, quod scit tantum ut Deus.* Et hoc etiamsi, ut dicunt Lug. Vasq. Suar. Laym. Croix, etc. (contra Conc.) confessarius requisitus esset ad respondendum non ut homo, sed uti Dei minister: aut si requisitus esset ad respondendum sine aequivocatione, ut dicunt Lugo, Holzm. Croix, etc.; nam tunc ille iam respondet sine aequivocatione, nempe intelligitur sine illo aequivoco quod potest licite omitti; nam contra interrogans non habet ius ut ei respondeatur sine illo aequivoco quod non potest omitti sine peccato. Si vero confessarius interrogatur, an vel ne dederit absolutionem poenitenti, respondere debet: *Functus sum officio meo.* Sed sic dicere aliquando etiam suspicionem negatae absolutionis asferre potest; unde omnibus istis interrogationibus temere factis semper satius erit respondere exprobrando sic: *Suntne interrogationes faciendae!* Si autem accideret casus quod confessarius non absolvisset, et clericus interrogaret, utrum poenitens communicaturus sit Confessarius respondere debet: *Interroga eum, an velit communicare* (2). 2. Tenetur etiam ad sigillum Praelatus qui requisitus fuit de licentia pro casibus reservatis, ut recedunt Suar. Lugo, Conc. et Salm. (contra Castropal. et Vasq.); quia secus redderetur odiosa confessio. 3. Interpres. 4. Qui audiret aliquid (etiam casu inculpabiliter) a poenitente prolatum in ordine ad confessionem, ut dicunt commun. Bonac. Laym. Castrop. Salm., etc. contra Sot. Ita

(2) lib. 6. n. 645. 646

pariter qui auscultat peccatum voce elata confessum, sed in aliqua necessitate naufragii, conflictus, etc.; secus autem si poenitens tantum ad suam confusionem vellet publice confiteri, Castr. Coninch. Salm., etc. 5. Omnes quibus aliquid sacrilege revelatum est, communiter Laym. Holz. Salm. Conc. Spor., etc. 6. Laicus qui dolo se finxisset confessarium, Suar. Lugo, Ronc. et alii communiter contra Sotum, et Vasq. 7. Qui alterius rudis confessionem scripsit. Nonnulli addunt etiam poenitentem sub eodem sigillo sacramentali teneri ad reticenda ea quae confessarius ei dicit; sed hoc negat communis et vera sententia cum Layman, Wigandt, Suar. Castrop. Bonac. Salm. Holzm. Busemb., etc. quia revera ius sigilli institutum est in poenitentium beneficium. Omnes tamen conveniunt cum Holz. poenitentem vinculo secreti naturalis teneri ad reticenda a confessario sibi dicta, quorum propalatio potest illi damno esse; et ego subbingo tale vinculum esse strictius simplici naturali; dum consilia ab aliis data sunt spontanea, sed illa confessarii data sunt ex officio et obligatione; unde infero quod rarissimus esse posset casus in quo poenitens tale secretum licite revelare posset, cum damno confessarii (1).

149. Quaeritur 1. an doctor, quem confessarius consulit de licentia poenitentis, teneatur ad sigillum sacramentale? Negant Castr. Vasq. Tamb. Diana, etc. dicentes tunc peccati notitiam non haberi ex confessione, sed ex manifestatione facta ex licentia, et consequenter nomine poenitentis; unde sicut non teneretur ad sigillum sacramentale, qui consultus esset ab ipsomet poenite, ita nec requisitus poenitentis nomine. Sed communis et probabilis affirmant Silv. Navar. Lugo Laym. Bonac. Sporer Croix Petrocor. Ronc. Mazzot. et Viva, et expresse docet s. Thomas

(1) 1. 6. n. 647. (2) in 4. dist. 21. q. 3. a. 1. q. 3. et a. 2. ad 4. (3) 1. 6. n. 648.

(2). Ratio est quia eadem Sacramenti institutio exigit ut remaneat sigilli obligatio unicuique ad quem pervenit notitia peccati causa confessionis, alias confessio semper redderetur odiosa. Opponit Tamb. quod poenitens in dando licentia praesumitur voluisse abstrahere illam notitiam ab obligatione sigilli; sed nos respondemus cum Lugo et Spor. quod imo praesumitur oppositum, nempe quod quilibet poenitens, dando licentiam, eam det maiori quam imponere potest restrictione, cum agatur de re tam odiosa quam est peccata sua propalare (3). Advertendum tamen hic quod, non obstante sigillo, doctor qui consilium dedit, donec iudicium per absolutionem non perfectum est, potest libere loqui de illo casu cum confessario, et cum aliis in consilium convocatis, quia moraliter sic intelligitur fuisse data licentia. Advertendum etiam, quod si evenerit unquam quod duo confessarii semotim peterent consilium ab eodem doctore de poenitentis licentia, dicit Lugo, quod non potest doctor cum secundo loqui de circumstantiis auditis a primo, et ignotis secundo; sed pace tanti doctoris, ego contrarium sentio, quia cum poenitens det licentiam secundo confessario loquendi de casu cum eodem consultore, sicut certe credendum est nihil aliud velle poenitentem quam consilium rectum, ita etiam certe praesumendum est illum consentire, ut consultor dicat quicquid scit, et quicquid dicendum sit, ut bonum praebeat consilium (4).

150. Quaeritur 3. an teneatur ad sigillum ille quem ipse poenitens consulit de confessione quam alii facere intendit? Affirmant Tamb. Conc. Spor. Antoine Croix Diana, etc., dum dicunt quod dum oporteat poenitentibus consilium capere ut bene confiteantur, si consultor non teneretur ad sigillum, confessio redderetur odiosa. Sed probabilis negant Suar. Castrop. Avers. Henricq., etc. Ratio

(4) n. 648. ad notandum 2.

est quia sigilli sacramentalis obligatio non oritur nisi ex sola confessione sacramentali, ad finem recipiendi absolutionem facta, ut docent omnes cum Vasq. Suar. Gabriel Coninch. Castrop. cum eodem p. Conc. et cum s. Thoma (1) qui dicit: *Sigillum sacramentale confessionis non se extendit, nisi ad ea de quibus est sacramentalis confessio*. Unde fit quod consiliarius in quantum ad notitiam ei praestitam ad consilium ab eo capiendum (non autem absolutionem), tenebitur ille quidem ad sigillum naturale, non autem sacramentale. Ad rationem oppositam respondetur quod timor revelationis redderet consultationem iam odiosam, sed non confessionem. Si unquam consultatio in aliquo casu esset necessaria ad confessionem, non negamus tunc revelationem reddituram fore confessionem odiosam; sed hunc casum nescimus reperire, quod quis ut confiteatur, debeat absolute alios consulere praeter confessarium. Secus autem esset, meo iudicio, contra Henric., si poenitens consuleret confessarium, ut postea apud ipsum confiteretur de ipsismet, quae tunc illi aperit: quia tunc illa consultatio iudicaretur confessio proxime inchoata, dum facta est ad recipiendam ab eo ipso absolutionem (2).

151. Quaeritur 1. an teneatur ad sigillum qui legit chartam, ubi poenitens scripsit suam confessionem? Affirmant Spor. Ronc. et alii pauci; tum quia illa scriptura est proximo ordinata ad confessionem futuram; tum quia manifestatio talis scripturae redderet odiosam confessionem; sed negant communissime, et probabilius Sot. Nav. Suar. Bonac. Wig. Sayr. Laym. Coninch. Lugo Castrop. Holzm. Viva Elbel Salm., etc., quia sigillum non contrahitur in praeparatione ad confessionem, sed dumtaxat in confessione actuali aut proxime inchoata, ut superius diximus.

(1) in 4. d. 21. a. 1. q. 3. v. sed contra.
(2) l. 6. n. 649. (3) n. 650. (4) n. 637.

Et cum scriptura ordinaria non sit necessaria ad confitendum, respondetur ad secundam rationem oppositam (pari modo ac responsum est in quaestione antecedenti) quod timor revelationis scripturae redderet odiosam scripturam, non autem confessionem. Recte tamen excipiunt 1. Lugo Spor. Holzm., etc., si illa scriptura confecta esset a muto qui non posset aliter confiteri. 2. Si esset epistola ad Superiorem scripta pro obtinenda licentia reservatorum. 3. Si illa charta, ut recte dicunt Viva, Wigandti, cum ipso de Lugo, esset consignata sacerdoti pro confessione facienda, quia tunc etiam habetur tanquam confessio inchoata: aut (ad dunt) si illa charta relicta esset casu in confessionali post factam confessionem. Caeterum extra hos casus, ut dicunt Laym. Castrop. et Spor., qui legeret huiusmodi scripturas (et tanto magis qui eas proderet) non potest excusari a peccato gravi, nisi sciret certo ibi contineri levissima peccata. Addunt amplius Laym. et Spor., quod peccata ibi contenta non possent revelari, nisi in casu maxime necessitatis, ut esset ad salvandam rempublicam, aut vitam innocentis (3).

152. Secundo loco adnotantur quae cadunt sub sigillo, et sunt: 1. Omnia peccata poenitentis ab illo manifestata animo se accusandi (non autem si narrata fuissent per modum simplicis narrationis) etiam venialia licet minima; nam in materia huius sigilli certum est apud omnes non dari parvitatem materiae; et hoc licet poenitens indispositus recessisset sine absolutione (4). 2. Peccata complicitis a poeniteute manifestata etiam sine necessitate (5): iam dictum est *praec. num. 41*. nunquam licere confessario interrogare poenitentem de nomine complicitis. An cum licentia possit admonere complicem; negant Tamb. cum Vasq. dicentes peccata complicitis etiam cadere sub sigillo

(5) n. 640. ad 2.

sacramentali, adeo ut confessarius nequeat de illis loqui, non petita licentia tam poenitentis quam complicitis. Sed affirmat vera sententia cum s. Anton. Gers. Adri. Navar. Lug. Ronc. Croix, etc. nam sigillum sacramentale ad nihil aliud institutum est, nisi ut poenitentes libenter se confiteantur, quin timeant ne futurum sit ut peccata sua sciantur. Nec valet dicere quod alias confessio redderetur aliis odiosa; nam respondetur quod illud tantum odium confessionis evitandum est, quod retrahit poenitentes a confessione, non autem illud quod movet impios ad optandum ne eorum complices confiteantur. Caeterum confessarius non debet esse importunus in petendis licentiis replicatis petitionibus; nam illis licentiis quae non sunt omnino spontaneae et plene liberae, etiam obtestis, ille nec uti poterit (1).

153. 3. Cedit etiam sub sigillo obiectum peccati, v. g. si filius accusatur se odisse patrem, quia ille rixatus est: rixa patris esset obiectum peccati, quae rixa non potest manifestari a confessario, ut communiter Filliuc. Viva Renzi Spor. et Tamb. Probabiliter tamen hi duo postremi aa. dicunt, quod si quis v. g. confiteatur se gavisum de homicidio in publica platea commisso, homicidium non caderet sub sigillo, quia tunc non censetur voluisse secreto ligare, quod publice notum est. Caeterum est regulariter accepta ab omnibus illa regula, quod non cadunt sub sigillo omnia illa quorum manifestatio non inducit periculum revelationis directe aut indirecte, nec gravamen poenitentis (2). 4. Poenitentia imposita si illa est gravis, imo melius dicendum, si non est de minimis, quae plerumque solent imponi pro venialibus levissimis. 5. Omnes circumstantiae peccatorum etiam explicatae post absolutionem, quoties illae detectae sunt in ordine ad confessio-

nem; v. gr. si quis confiteretur Ordinibus initiatum fuisse cum esset spurius, aut se iactasse pro docto cum esset ignarus; ignorantia tunc et esse spurium cadunt sub sigillo. Et hoc currit etiam in dubio an circumstantiae declaratae sint nec ne in ordine ad confessionem, ut communiter dicunt Suar. Bonac. Salm. Tamb. Croix et Mazzotta (3). Caeterum recte notant Coninch. Tannerus et Diana, quod non adest obligatio sigilli de illis quae a poenitente tantum per accidens narratur, et minime ad confessionem vel ad peccatorum explicationem conferunt (4). 6. Cadunt sub sigillo revelationes et virtutes, cum deteguntur confessario ad manifestandum aliquem defectum commissum, aut propriam ingratitudinem erga Deum; secus vero si manifestantur tantum ut confessarius statum animae suae cognoscat. Ita scite distinguunt Lugo Croix Ronc. Mazzotta et Viva. 7. Cadunt sub sigillo scrupuli, et scrupulositas, quam poenitens in exponendis peccatis suis, vel in declaranda conscientia sua ostendit, ut recte dicunt Coninch. Lugo et Granat. contra Marchant., quia saltem in obliquo est materia confessionis. Secus autem esset, dicit Lugo, si scrupulositas non appareret ex poenitentis relatione, sed appareret ex modo ipso confitendi; sed huic nec acquiescere valeo, dum rationaliter dicunt Castrop. Hurtad. Coninch. Spor. Tamb., etc., quod multi aegre ferunt se haberi et vocari scrupulosos, praecipue si sunt praelati et confessarii, aut iudices, etc.: quia esse scrupulosos saltem est defectus naturalis, cum sit signum perplexae et confusae mentis, et tales defectus naturales per confessionem cognitos non licet propalare, ut mox dicemus. Quapropter ego non admitterem, nisi loquamur de secularibus, qui cum dicuntur esse scrupulosi potius laudantur, dum sic habentur timoratae conscientiae (5).

Poenitentia. ad 4. (5) n. 644.

(1) l. 6. n. 641. dubit. 1. (2) ib. dubit. 2. (3) n. 637. ad 2. (4) n. 641. v. 3.

154. 8. Cadunt etiam sub sigillo (ut iam innotimus) defectus naturales poenitentis, v. gr. quod sit surdus, balbutiens, pauper, ignarus, etc. quoties habetur eorum notitia ex confessione, ut dicunt communiter Suar. Lugo Busemb. Roncagl. Mazzot., etc. Et hoc etiamsi poenitens exponeret tales suos defectus sine necessitate, sed solum ad meliorem suorum peccatorum explicationem, ut recte notant Lugo Salm. Croix, etc.; secus autem, ut subiungunt communiter iidem aa. citati, si illorum manifestatio nihil ad confessionem referret; nam tunc non censetur poenitens velle eos subiicere sigillo; imo etiamsi vellet subiicere, dico quod non posset dum ille impertinenter eos manifestat (1). Quod dicunt Lugo Navar. Ronc. Mazzot. et alii cum Diana (qui eam opinionem vocat communem, sed verum non est, ut videbimus) nec cadere sub sigillo defectus qui innotescunt ex ipsismet actionibus poenitentis, aut ex modo confitendi, v. g. quod sit rudis, balbutiens, aut naturae impatientis, irresolutae, etc., quia tunc (ut loquuntur) non est quod manifestentur, sed committuntur in confessione: Spor. Tamb. Conc. Antoine Renzi, etc. refellunt, dicentes quod quoties ipsi percipiuntur causa peccatorum explicationis, propalatio eorum redderet odiosam confessionem: nec acquiescere valeo illi quod dicunt iidem aa. Spor. Tamb. et Conc. cum Wigandt et Viva, quod non adsit sigillum pro talibus defectibus, si a poenitente referuntur, ita ut ex circumstantiis appareant communiter noti, quia tunc (ut dicunt) non praesumitur poenitens eos narrare, nisi ut notos, dum recte dicit Holzm. eorum manifestationem posse aliquo modo retardare poenitentes a confessione. Nihilominus hoc intelligitur tantum pro iis defectibus quorum manifestationem ex se aegre ferre potest poenitens, ut esset dicere quod sit hebes mente, natura iracundus, rudis, incapax, pauper (si ille est ci-

vilibus natalibus); non vero cum sunt defectus qui rubori aut exprobrationi ei non sunt, ut est esse caecus, surdus, mendicans, et huiusmodi; et contra iam communiter innotescunt. Nec etiam puto licere plerumque, contra id quod dicit Lugo, manifestare peccata commissa a poenitente dum confitetur, v. g. convicia illata ab eo in confessarium, et huiusmodi, quia in hoc indirecte manifestaretur aut absolutio denegata, aut aliqua vehemens obiurgatio. Quod autem dicit Ronc. quod si poenitens communiter nosceretur nimis prolixus et molestus in confitendo, confessarius non frangit sigillum, si ab eo aufugeret, ut liberaretur ab illo taedio; hoc potest admitti, sed tantum quando communiter una simul ille poenitens haberetur bonae conscientiae: secus autem dicerem, si adesset suspicio quod eius conscientia sit gravata etiam culpis gravibus.

155. Loquamur hic de illo casu facili eventu, sed qui apud aa. non invenitur discussus. Quaeritur quid faciendum confessario, si quis confitendo confuse de materiis gravibus, et interrogatus a confessario de circumstantiis, et de habitu, cognosceretur esse surdus, dum non respondit, aut respondit abs re; et contra confessarius ob adstantes non posset vocem elevare? Ego sic dico; Si circa principium confessionis animadvertit poenitentem esse surdum, tunc ei imponere debet ut tempore et loco opportuno redeat, cum non adsint qui eum audire possint; et interim potest circumstantibus indicare eius surditatem, cum illa est communiter nota. Sed si in progressu confessionis id animadverteret, tunc non potest confessarius elata voce ei imponere ut redeat, quia aliis suspicionem ingereret illum de materia gravi confessum fuisse; ideoque in tali casu dicerem, quod confessarius cum peccata meliori modo quo possit, intelligere curaverit, absolutionem det poe-

(1) lib. 6. n. 642.

nitenti absolutam, si probabiliter eam iudicat dispositum; conditionatam, si de dispositione dubitat; et poenitentiam in hoc casu debet adiungere leuem, cum alii eam audituri sunt (1).

156. Tertio loco adnotamus casus ex quibus non oritur obligatio vel fractio sigilli. I. Cum confessio fuit ficta, aut pravo fine facta, v. g. furandi, seducendi confessarium, aut ei illudendi. II. Si quis diceret aliquid, et se protestaretur id dicere sub sigillo confessionis, in hoc nunquam adest sigillum sacramentale, quia tale sigillum oriri nequit, nisi a solo Sacramento (2). III. Si confessarius dicit in generali confessionem fuisse de materia levi. Dico *de materia levi*, quia esset fractio sigilli dicere eam fuisse de pluribus venialibus, aut nominare aliquam culpam, licet minimam, in particulari, cum in hoc sigillo non detur parvitas materiae: ita communiter Laym. Suar. Lugo, Sal. etc. (3). IV. Si laudat conscientiam poenitentis, sed in hoc advertere debet, ne suspicionem det malae conscientiae aliorum qui eodem tempore forsitan sibi confessi essent. V. Si dicit se aliquem confessum fuisse, modo poenitens ei non vetuisset ne se proderet; aut modo ille clam ad confitendum non venisset, ut advertunt Navar. Busemb. Holzm. Sporer etc. VI. Si generaliter loquitur se audivisse tale quoddam peccatum in confessione, ita tamen ut moraliter non possit in poenitentis cognitionem venire; sed in hoc caeteroquin confessariis non modica cautio adhibenda est, praesertim loquendo in oppidis; quia saepe ob circumstantias personae, aut oppidi auditores facile possunt venire in cognitionem, aut saltem in suspicionem poenitentis. VII. Si utitur notitia habita extra confessionem, modo non manifestet aliquam circumstantiam ex sola confessione cognitam. Et in hoc etiam caute procedendum est, quia

(1) l. 6. n. 644. v. petes hic.

(2) n. 636. (3) n. 640. (4) n. 638.

aliquando, si non est revelatio, saltem potest esse circumstantibus periculum scandalum, cum apprehendere possint sic confessiones revelari (4). VIII. Si manifestat aliquid ex licentia poenitentis, quod certe licitum est, ut docent Nav. Laym. Lugo Conc. Wigandt Roncagl. et alii communiter cum s. Thoma (5) contra Sotum Durandum et alios pauciores, qui dicunt non posse poenitentes hanc dare licentiam; sed nos dicimus cum communi, quod tale sigillum, sicut tantum in poenitentium favorem impositum est, ita ipsi possunt remove. Advertendum tamen, quod ut confessarius uti possit tali licentia, debet esse 1. expressa; 2. omnino spontanea; unde non potest uti ea, qui unquam eam obtinisset minis, aut metu reverentiali, ut esset si eam obtinisset replicatis petitionibus, postquam poenitens in principio renuisset eam dare. Quapropter semper consultum est ut inducatur poenitens ad loquendum extra confessionem de eo, quod patefacere debet; 3. non sit revocata, quia poenitens semper potest eam revocare: et idem puto currere, quando censetur poenitens in alio casu, si adesset, fore ut eam revocaret, quia tunc uti tali licentia videtur fore ut redderet etiam odiosam confessionem. Advertendum hic cum Henrici Graffii et Diana, quod in dubio an confessarius nec ne locutus fuisset de licentia, potius credendum est confessario, quam poenitenti, aut eius haeredibus, v. gr. quando confessarius ex licentia poenitentis detegit restitutionem faciendam. Praeterea advertendum interdum talem licentiam facto concedi a poenitente, nempe cum ille ex se de rebus in confessione manifestatis loqui incipit, ut comm. docent Tann. Bon. Suar. Conc. Antoin. Roncagl. Bus. Salm. et alii cum Lugo, qui praeterea advertit quod tunc perseverat iam iudicium sacramentale, cum illa licentia censeatur moraliter con-

(5) in 4. dist. 21. q. 3. a. 2.

iuncta cum confessione facta (1). Iam dictum est *praec. n. 174.* nunquam licitum esse monere poenitentem, non petita ab eo licentia de errore in confessione commisso. Licitum est tamen intra confessionem monere de omnibus defectibus commissis, et peccatis confessis etiam in praeteritis confessionibus, ut communiter Lugo Salm. Wigandt Conc. Antoin. Roncagl. Sporer, etc. (quicquid dicant Diana et Fagund.) quia saepe pertinet ad confessarii officium meminisse rerum praeteritarum, quoties censentur prodesse poenitenti. Ne quis dicat poenitentem retinere ius sigilli etiam in nova confessione quam facit, imo dicendum est potius confessarium in actu confessionis habere ius dicendi quicquid prodest poenitenti, et sciendi ea omnia, quorum notitia potest inservire ad melius monendum poenitentem (2). Et hoc dicunt etiam communiter praefati aa. licere confessario hoc facere immediate post absolutionem (3).

157. Quarto loco notantur casus, quando laeditur sigillum. Regula generalis est quod laeditur sigillum, quoties utitur confessione, directe vel indirecte revelando peccatum, aut in poenitentis gravamen. Sed descendamus ad casus particulares. I. Frangit sigillum, qui diceret se in tali monasterio audivisse peccatum grave cuiusdam Religiosi, aut diceret quod ibi committuntur peccata gravia, licet personam reticeret, quia tunc quilibet eiusdem monasterii damnum pateretur; ita communiter Suarez Bensem. Diana Conc. Castr. Laym. etc., quidquid dicant Escob. Henriq. etc., idem dicit Diana cum Maldero, si diceret se audivisse peccatum alicuius Religiosi talis ordinis. Sed probabiliter huic contradicit P. Conc.; dum hoc dicere non censetur sigilli revelatio, nec gravamen poenitentis, nam in quolibet ordine communiter adsunt Religiosi pravi; modo illa non

esset religio strictae observantiae (4). Dicit etiam Diana quod confessarius alicuius monasterii Monialium scandalum asferret, si concionando nominaret defectus in confessione auditos. Sed hoc etiam intelligendum est cum grano salis, nempe in casu quo nominaret aliquam culpam particularem alicuius Monialis, aut illius monasterii; secus autem si loqueretur in communi de defectibus quae communiter in omnibus monasteriis committi solent aut possunt; alias qui audit confessiones in monasteriis. nunquam posset ibi concionari; quod dicendum non est et communiter oppositum fert usus, et constat ex cap. *Si sacerdos*, afferendo *num. seq. (5)*.

158. Quaeritur autem an frangat sigillum qui diceret in tali oppido committi talia peccatorum genera, quae ipse audivit in confessione? Negant Navar. Ren. Fagund. etc.; sed communissime et merito affirmant Suar. Bonac. Tamb. Laym. Lugo Con. Diana Viva Castrop. etc., si locus est parvus; quia tunc revelatio, cum redundaret in infamiam communitalis, redundaret etiam in gravamen poenitentis. Secus autem si oppidum est magnum, et delicta sunt publica, ut dicunt iidem aa. Lugo Conc. Viva, etc. cum Petrocor. et Habert, qui recte hoc permittunt tunc etiam concionatoribus, modo non manifestent vitia, contra quae invehuntur, se audivisse in confessione; et modo non descendant ad circumstantias particulares, et disserant in generali, ut dictum est cap. *Si sacerdos de offic. iud. ord.*, ubi hoc habetur: *Si sacerdos sciat pro certo, aliquem esse reum alicuius criminis, vel sic confessus fuerit... non debet eum arguere nominatim, sed indeterminate (6)*. Dubium tamen restat quodnam oppidum dicatur parvum, et quodnam magnum. Ego sic dicerem, sicut aliorum etiam coepi consilium, ut dici possit: *Hic regnat v. g. blasphemia*, requireretur ut oppi-

(6) *ibid v. dubit. 1.*

(1) l. 6. n. 651. (2) n. 653. (3) n. 652. (4) n. 654. v. dubit. 2. (5) n. 654. sub init.

dum constaret saltem tribus millibus personis circiter; sed minus si tantum diceretur: *Hic committuntur multa peccata gravia*, quin nominentur in specie. Ut nominetur autem aliquod peccatum asserens infamiam, (quod tamen esset etiam publicum) meo iudicio requiritur ut oppidum sit valde populo frequens, v. g. 6. aut 7. millibus animarum. Si concionator vero haberet notitiam peccatorum extra confessionem, potest maiore libertate loqui; sed pariter cautione utendum est, ne suspicionem revelationis ingerat illis qui ei confessi sunt (1).

159. Frangit sigillum qui utitur notitia confessionis ad externam gubernationem in poenitentis gravamen. Hoc est contra id quod scribit Sambovius, innixus multis aa. antiquis Adrian. Valent. cum s. Bonavent. et s. Thoma (2). Sed Clemens VIII. Decr. 1594. die 26. maii hoc prohibuit dicens: *Tam Superiores pro tempore existentes, quam confessarii qui postea ad superioritatis gradum fuerint promoti, caveant diligentissime, ne ea notitia quam de aliorum peccatis in confessione habuerunt, ad exteriorem gubernationem utantur.* Et licet hoc decretum fuerit editum tantum pro regularibus Praelatis, recte tamen Croix, et Holzm., quicquid dicat Habert, tenent extendi etiam ad saeculares, cum certe ratio currat etiam de ipsis, nempe quia alias confessio redderetur odiosa. Praeterquam quod clarius hoc factum est ex alio Decreto S. C. publicato ex mandato Innoc. XI. anno 1682. quo sequens propositio damnata fuit: *Scientia ex confessione acquisita uti licet, modo fiat sine directa aut indirecta revelatione, et gravamine poenitentis; nisi (en quod damnatum fuit) aliud multo gravius ex non usu sequatur, in cuius comparatione prius merito contemnatur.* Deinde statuit: *Mandantes etiam universis Sacramenti Poeniten-*

tiae ministris, ut ab ea (doctrina) in praxi deducenda prorsus absteineant. Itaque ex praefato Decreto vetitum est uti notitia confessionis in poenitentis gravamen, licet ex non usu maius damnum ei eveniret. Hinc recte dicunt Croix Viva Holzm. et Mazzot. (contra id quod etiam dicit Sambov. cum s. Anton.) numquam licere ex notitia confessionis remove indignum ex officio, aut ei negare suffragium ad electionem officii, aut beneficii, aut negare ei Sacramenta, aut a servo auferre claves, aut praeterita benevolentiae communicatione privare, aut ei torvum oculum ostendere, claves arcae abscondere, fores claudere (3). Ita nec etiam licitum est (nec clam) negare Communionem poenitenti, aut eum monere, postquam ei denegata fuit absolutio, ut diximus *praec. n. 124.*, et ut dicunt communiter Tourn. Conc. Mazzot. Croix Holzm. etc. contra Petrocor. qui pro se citat s. Bonavent. s. Thomam s. Antonin. et alios, qui olim tenebant posse negari; sed hodie oppositum certum est ex Decr. Innoc. XI. superius relato. Dicunt contra Cast. Bon. Habert. Ant. Spor. etc. posse confessarium ex notitia confessionis cautiorem se reddere in custodiendis bonis, et in socordia sua removenda, modo non ingeratur suspicio peccati, nec adsit exprobratio aliqua poenitentis; et huic adhaeret s. Thomas (4) dicens: *Potest (confessarius) dicere Praelato, quod diligentem invigilet, ita tamen quod confidentem non prodat.* Sed haec omnia reprobat P. Conc. et non immerito, dum haec in praxim deducendo difficulter quis evitare potest omne periculum revelationis aut gravaminis. Caeterum advertendum i. regulam ab omnibus acceptam esse, etiam a P. Concina, licere uti notitia confessionis, quoties non subest nec gravamen, nec revelatio; unde bene potest confessarius ex illa mores suos componere, pro poenitente orare, hu-

(1) l. 6. n. 654. v. dubit. 1. (2) Suppl. q. 11. a. 1. ad 3. (3) l. 6. n. 656.

(4) Suppl. q. 11. a. 1. ad 1.

manius cum eo tractare, casui studere, in interrogationibus se dirigere, aut instruere, aut alios monere in generali, ab aliquo damno cavere (1). Et ita etiam dicimus quod, sublato periculo revelationis aut gravaminis, confessarius sciens pollutam esse ecclesiam, potest, imo debet abstinere a celebratione, ut dicunt Lug. Aver. Tamb. contra Coninc. Sporer Silvest. etc. (2). Advertendum 2. quod si quis praetenderet beneficium, et Superior extra confessionem sciret ipsum esse indignum propter aliquem defectum aetatis aut scientiae, etc. non solum potest, sed etiam debet ei denegare suffragium, licet ex confessione cognovisset aliquod eius crimen, ut dicunt Merbes. Natal. de Alex. et Petroc. cum s. Thoma (3). Nec obstat quod poenitens tunc posset suspicari ex confessione ei denegari beneficium, quia licet adsit obligatio vitandi rationabiles suspensiones, non autem suspiciones, et coniecturas leves et irrationabiles, quas facile callidi suspicantur, ut docent Lugo cum Medin. Castr. Scot. et Croix, cum Gob. Tamb. Gorm. et s. Thoma (4) qui dicit: *Si amotio subditi ab administratione possit inducere ad manifestandum peccatum in confessione auditum, vel ad aliquam (nota) probabilem suspicionem habendam de ipso, nullo modo Praelatus deberet subditum removere* (5).

160. Dicit Roncaglia, et merito, quod si confessarius cognoverit ex confessione, aliquem esse malae conscientiae, non potest ideo (sine alia causa sufficienti) se excusare ab eo audiendo, si ille iterum redit ad confitendum, quoties ex excusatione aliis ingeret suspicionem; secus autem dicendum, si confessarius esset solus, et aliquo praetextu abiret, aut se excusaret ne eum audiret. Sed huic ultimo acquiescere nequeo, quia talis fuga aut excusatio redderet confes-

sionem odiosam tam poenitenti, quam aliis in genere; nam si fideles scirent confessarios ex notitia confessionis posse praetextus fingere ut eos auferant, hoc eis occasio esset ut confessionem odio haberent. Unde dico quod in tali casu confessarius tunc tantum potest poenitentem non audire, cum iam prius ex alio motivo statuerat aliam non excipere confessionem (6).

161. Quaeritur 1. an confessarius possit se cavere ab aliquo damno sub aliquo praetextu, si cognosceret ex confessione sibi parari insidias invitam et bona? Si abest revelatio sigilli et poenitentis gravamen, procul dubio potest; sed dubium restat, utrum possit, quando ex confessarii actionibus insidias parantes argumentari possent confessionem factam a complice de insidiis paratis? Permittunt Castrop. Wig. Laym. Petroc., etc. quia tunc, ut dicunt, confessarius non revelat peccatum confessum, sed tantum confessionem peccati factam. Sed merito negant Lugo Sanch. Ronc. Salm. Mazzotta, etc., quia tunc semper intervenit revelatio indirecta, dum, talibus circumstantiis positis, non tantum revelatur confessio, sed indirecte etiam peccatum confessum, aut saltem praebetur rationabilis suspicio.

162. Quaeritur 2. an cum confessarius requisitus est de schedula confessionis, possit eam exhibere poenitenti non absoluto? Diversae adsunt sententiae, sed communior et probabilior cum Laym. Ronc. Croix Sporer. Elbel Holzm., etc. (contra Bonac. et Lugo) ita distinguunt: Si schedula loquitur de sola confessione, illa non debet negari; quia si negaretur, ex una parte revelaretur poenitentis indispositio: ex alia, si concederetur, non iam testificaretur absolutio data, sed tantum confessio facta, quae iam revera facta est. Secus autem, si confessarius deberet scribere schedulam,

(1) l. 6. n. 657. v. communiter.

(2) n. 660. (3) in 4. d. 21. q. 3. a. 1. ad 4. et vide l. 6. n. 657. v. si vero.

(4) Quodlib. 5. a. 13. (5) l. 6. n. 661.

(6) n. 659. v. notand. sub fin.

quod poenitens sit absolutus; quia tunc non obstat sigillum, cum mendacium iuxta omnes sit intrinsece malum, et in nullo casu dicendum est. Attamen si schedulae essent iam impressae, et ibi assereretur etiam absolutio data (quod a praelatis permitti nunquam deberet), tunc mihi videtur probabile cum aliis (quos consului), licite posse eam praebere etiam non absolutis, saltem cum palam eam petunt, quia tunc confessarius nec dicit nec scribit aliquod mendacium, sed tantum facit illam actionem praebendi schedulam, quam caeteroquin negare non potest, quin poenitentis indispositionem manifestet (1).

163. Quaeritur 3. an confessarius possit vitare poenitentem qui ei minatur mortem, ob absolutionem quae ei denegatur? Respondetur cum Lugo et Ronc. quod bene potest ab eo fugere, quoties non datur aliis suspicio denegatae absolutionis; nam illae minae iam non sunt confessio, aut peccata narrata in confessione; sed sunt peccata commissa intra confessionem. Quod si non posset fugere quin suspicionem istam ingerat, tunc pro absolutione recitare potest aliquam orationem. Nec obstat dicere quod ista videretur simulatio administrationis Sacramenti; quia tunc eveniret simulatio, quando diceret illam orationem, ut crederetur absolutio; secus vero cum profert tantum ut liberetur ab illa vexatione. Posset etiam, ut dicit p. Cardenas, ut liberaretur a vexatione, proferre formam ita: *Ego te non absolvo*, prolato verbo non submissa voce: vide dicenda in *Append. 3. de exam. Ordinand. n. 16. (2)*.

164. Quaeritur tandem 4. an liceat in hac materia sigilli uti opinione probabili? Gobat. Croix Diana, etc. dicunt tantum expedire ut teneantur opiniones quae magis favent sigillo: sed melius dicit p. Viva, non licere uti scientia acquisita per confessionem, nisi quando moraliter cer-

tum est, aut saltem probabilissimum (adeo ut oppositum non sit probabile) non adesse aliquam fractionem sigilli, aut aliquod gravamen poenitentis. Et duplici ratione hoc asserit: primo quia sic requirit reverentia debita Sacramento; sed haec ratio sufficienter non convincit, dum dicunt multi graves aa. Pontius Sanch. Salton. Vasq., etc. non deberi maiorem reverentiam quam probabilem tam praeceptis divinis, quam Sacramentis. Secundo propter periculum gravaminis poenitentis, quia etiam gravamen probabile odiosam reddit confessionem. Haec ratio est valde fortis, et effecit ut a prima sententia ad hanc venirem: quandoquidem ex una parte non licet uti opinione probabili in praeiudicium iuris certi quod possidet proximus, ut iam dictum est *Tr. 1. n. 21.*; ex alia parte certum est quod poenitens possidet ius ne gravetur ex sua confessione; quare non licet confessario uti aliqua opinione, quae potest asferre probabile gravamen poenitenti (3).

CAPUT IX.

DE SOLLICITATIONE IN CONFESSIONE

165. *Bulla Gregorii XV.*
166. *Punct. I. Claus. I. In actu, etc.*
167. *Claus. II. Sive ante, etc.*
168. *Claus. III. Occasione confessionis*
169. *Praetextu confessionis.*
170. *Claus. IV. Extra confessionem, etc. An requiratur simulatio, etc.*
171. *Punct. II. Casus in quibus denuntiandum est.*
172. *Casus in quibus non.*
173. *Si mulier sollicitat confessarium.*
174. *An confessarius divertens ad tactus, etc.*
175. *Si emendatus, etc.*
176. *Punct. III. An poenitens possit absolvi antequam denuntiet? et an teneatur epistola, etc.; et si, cum possit ex se, repugnet, etc.*
177. *De excommunicatione quam incurrit.*
178. *Si admonitio non est profutura.*
179. *Debet fieri denuntiatio, licet non probetur, etiam ab aliis qui sciunt,*
(1) l. 6. n. 639. (2) n. 659. (3) n. 633.

etc.; et licet sit occulta sollicitatio.

180. Punct. IV. Quid si sollicitatio dubia.

181. Qui laudat pulchritudinem, etc.

182. Casus particulares.

183. De inhabilitate sollicitantium ad celebrandum.

165. Ex Bulla Gregorii XV. tenentur confessarii ad monendos poenitentes de obligatione denunciandi Episcopis illos sacrilegos confessarios qui eos ad turpia sollicitassent. Primum omnium iuvat hic adnotare verba praefatae Bullae, anno 1622. *Omnes sacerdotes, tum saeculares, quam regulares, qui personas, quaecumque illae sint, ad inhonesta inter se, sive cum aliis quomodolibet in actu sacramentalis confessionis, sive ante, sive post immediate, seu occasione, vel praetextu confessionis, etiam confessione non secuta, sive extra confessionis occasionem in confessionario, aut in loco quocumque ubi confessiones audiuntur, seu ad confessionem audiendam electo, simulantes ibidem confessiones audire, sollicitare vel provocare tentaverint, aut cum eis illicitos, et inhonestos sermones sive tractatus habuerint. Et inde subiungitur: Mandantes omnibus confessariis, ut suos poenitentes, quos noverint fuisse, ut supra, ab aliis sollicitatos, moneant de obligatione denunciandi sollicitantes, seu tractantes, etc. inquisitoribus, et locorum Ordinariis.*

PUNCTUM I. Expenduntur clausulae appositae in Bulla Gregorii

166. Clausula I. *In actu sacramentalis confessionis.* Ad hoc sufficit ut confessio inchoata sit, licet non perfecta. Et hic nota denunciandum esse confessarium qui intra confessionem daret chartam poenitenti, in qua ad venerea eam incitaret, ut habetur ex propositione 6. damnata ab Alexandro VII.; idem currit si in confessione diceret poenitenti ut expectet domi: aut si interrogasset ubi habitat, et deinde ad eam accederet

et sollicitaret, quoties ex circumstantiis dignosceretur quod interrogatio facta sit fine sollicitationis; ita recte dicunt Bonac. et Bordon. (1).

167. Clausula II. *Sive ante, sive post immediate.* Illud ante immediate intelligendum est ita stricte, ut nullum intercedat intervallum inter sollicitationem et confessionem, ut communiter dicunt Bos. Passer. et Delben. apud Ronc. Si autem, dum mulier ante sedem confessionalem confessura manet, confessarius non casu, sed ex proposito manibus aut pedibus eam tangeret, certe denunciandus esset. Si vero confessarius eam sollicitasset occasione quod poenitens petiisset ab eo confiteri, dicimus cum Bordon. (contra Salm.) non propter hanc clausulam denunciandum eum esse, sed per clausulam III. *Occasione confessionis*, quoties confessarius uteretur illa petitione ad eam sollicitandam; secus vero cum uteretur ea tantum ad colloquendum, et deinde tentatus sollicitasset (2). Pariter illud post immediate intelligitur quando nulla alia intermediat actio, ut communiter Salm. Potestas Hurtad. Peyr., etc. Hinc dicit Potestas, quod cum poenitens iam discessisset a confessionali, et hic postea eam sollicitaret, non est denunciandus; sed si immediate post confessionem ei diceret: *Expecta paulisper*, et post aliquod intervallum (non autem die sequenti) accederet, et eam sollicitaret, tunc denunciandus est, licet in principio de alio negotio tractaret, quia tunc ille tractatus prudenter praesumitur fictus. Nilominus quidam doctor hoc negabat, et non abs re, si illud negotium, de quo in principio loquitur confessarius, esset magni momenti, et praetextus non appareret. Proculdubio denunciandus est, si diceret poenitenti: *Hodie me expecta domi tuae*, et postea nulla occasione negotii magni momenti eam sollicitaret. Idem currit, si statim a confessione in aliquem

(1) l. 6. n. 676. (2) n. 677

locum secretum conduceret. Idem, si immediate post confessionem illa accedente ad sibi deosculandum manum, ipse malitiose adstringeret manum illius (1).

168. Clausula III. *Occasione, vel praetextu confessionis.* *Occasio* intelligitur quando confessarius invitat poenitentem, vel poenitens confessarium ad veram confessionem: *Praetextu* vero ad confessionem fictam. Et 1. in quantum ad *occasionem*, si confessarius requisitus a poenitente ad excipiendam eius confessionem, sermonem alio diverteret, et eam sollicitaret, iam ex hac clausula denunciandus est, licet non adhuc in confessionali sedisset, nec mulier genuflexisset, ut dicunt communiter Castrop. Salm. Ronc. et Potestas (2). Idem hoc currit, licet mulier peteret crastino confiteri, ut recte dicunt Conc. et Mazzotta contra Quarti et Leand. Nec obstat dicere quod talis sollicitatio non est proxima ad confessionem, quia iam verificatur quod sit praetextu confessionis (3). An autem denunciandus sit confessarius, qui ob peccatum auditum a poenitente postea accedit domum eius ad ibi eam sollicitandam: negant Nav. Trullench. Salm., etc., quia tunc (dicunt) confessarius non utitur occasione confessionis, sed tantum notitia in confessione habita. Sed probabilius affirmant Roncagl. Conc. Mazzotta Potestas Bordon. Lezan., quia revera tunc iam occasione confessionis sollicitat, cum sollicitatio impulsus habeat a confessione; et rationabiliter praesumitur confessionis notitia ad sollicitationem usum fuisse, cum, audita mulieris fragilitate, interrogat v. g. de eius habitatione, si ibi sola moretur, etc., aut (ut dicit p. Conc.) si confessarius cum tali poenitente nunquam antea familiariter usus esset, et postea, cognita eius levitate, accederet sollicitaturus, aut litteris sollicitaret, aut requisitus de confessione, promitteret se

eam auditurum, modo illa pravo desiderio consentiat (4).

169. II. In quantum ad *praetextum* confessionis, certe denunciandus est confessarius qui prius exposceret poenitentem, an velit confiteri, et postea eam sollicitaret, ut recte dicunt Conc. Ronc. Bordon. et Mazzotta. Secus vero qui licentiam a Superiore peteret ut in domum mulieris se conferat praetextu confessionis, sed finis esset eundi ad eam tentandam, ut recte dicunt Salmant. Roncagl. Bordon. et Tancred., quia tunc confessionis praetextus non est respectu poenitentis, sed Superioris. An debeat denunciari confessarius qui cum poenitente convenit, ut se infirmam simulet, et praetextu confessionis ad se eum advocet; affirmant Fag. Mazz. Conc., etc.; sed communis et probabilius negant Ronc. Escob. Bordon. Diana Leand. Trullench, etc., quia non est quod tunc fiat sollicitatio praetextu confessionis, sed sub tali praetextu executioni mandatur eorum indigna conventio; adeoque praetextus non inservit ad sollicitandum, sed ad domesticis illudendum, ne de malo suspicentur. Tanto minus mulier teneretur ad denunciandum, si illa praetextu confitendi confessarium sollicitaret, et ille consentiret. Secus autem esset, si confessarius mulierem sollicitasset, licet extra confessionem, sed illa repugnante ob timorem ne videretur, confessarius ei insinueret, ut se simulet aegrotam et tali praetextu illum ad se advocet; quia tunc recte verificatur quod praetextus confessionis sit motivum quo ille ad sollicitandum pergat, et consensum mulieris obtineat. Ita etiam puto denunciandum fore confessarium vocatum a matre ad audiendam confessionem filiae, et ille sub tali praetextu accedit ad colloquendum cum filia pravo fine, et eam sollicitat. Ita etiam censeo denunciandum esse eum qui vocatur ad absolvendam mulierem sensibus destitutam, et ille sub tali

(1) l. 6. n. 677. (2) n. 678

(3) ibi dubit. 1. (4) n. 678. dubit. 2.

praetextu, sive occasione accedit ad eam, et inhoneste eam tangit. Item dicendum cum Escob. et Diana de confessario qui in confessionali, aut in alio loco electo ad audiendas confessiones, pro audienda confessione, ut simulat, sollicitat poenitentem (1).

170. Clausula IV. *Extra confessionis occasionem in confessionario, aut in loco quocumque, ubi confessiones audiuntur, seu ad confessionem audiendam electo, simulantes ibidem confessiones audire, sollicitare, vel provocare tentaverint, aut cum eis illicitos, et inhonestos sermones, sive tractatus habuerint.* Notant Escob. et Ronc: quod illud *simulantes ibidem confessiones audire*, intelligitur quando tam mulier simulat confiteri, quam confessarius audire confessionem, inferentes id ex verbo *simulantes* quod comprehendit utrumque. Sed melius dicunt Castr. Trullench. Fagund. et Diana, quod ut denunciandus sit, sufficit quod confessarius maneat in confessionali, aut in alio loco electo ad audiendas confessiones, et ibi muliere genuflexa ipse eam sollicitet: nam tunc facto ipso confessarius iam simulat confessionem, dum ita sufficienter efficit, ut adstantes credant quod mulier confiteatur. Secus autem esset, si extra confessionalem sedem eam sollicitaret, dum illa sistit, aut sedet (2). Dictum est *extra confessionalem*; sed hic suboritur aliud dubium, an sit denunciandus qui sollicitat, aut tractat de turpibus in confessionario, confessionem non simulando? negant Castr. Escob. Ronc. Salm., etc. ratione ducta ex verbis in Bulla: *In confessionario, aut in loco quocumque electo, simulantes ibidem confessiones audire.* Enigitur (dicunt) quod praeter confessionarii locum requiritur etiam simulatio. Sed probabilius dicimus cum Potest. Diana Conc. et Mazzot. quod si confessarius sollicitat extra confessionarium, tunc, ut

(1) l. 6. n. 679. (2) n. 680. (3) *ibid.* v. dixi. (4) n. 681. et 700.

denuntiandus sit, requiritur simulatio confessionis; sed si ille sollicitat in confessionario, sufficit ut adsit solus tractatus inhonestus. Et hoc probatur ex Decr. Pauli V. 10. iulii, 1614. quo praecepit procedi in confessarios, *qui tractant cum mulieribus in confessionali, extra occasionem confessionis de rebus inhonestis.* Itaque iuxta hoc Decretum non requiritur iam aliqua simulatio. Opponitur quod hoc Decretum iam moderratum sit a Greg. sua Bulla; sed respondetur quod nullum Decretum censetur revocatum, nisi subsequens sit omnino oppositum, adeo ut non possit aliter explicari; sed hic recte potest explicari Bulla Gregorii, quod simulatio non requiritur respectu confessionarii, sed alterius loci ad confessionem electi, dum verba *simulantes ibidem*, apposita sunt immediate post verbum *electo*. Additur quod iuxta aliud Decretum inquisitionis rom. relatum in Opere praecipitur denuntiatio omnium illorum *qui abusi sunt Sacramento Poenitentiae, confessionem, aut confessionarium adhibentes ad fines inhonestos* (3).

PUNCTUM II. Qui denunciari debent.

171. Hodie ex Bulla *Sacramentum* Benedicti XIV. 1741. (quicquid ante illam dixerint nonnulli aa.) omnino denunciandi sunt confessarii sollicitantes: 1. Licet iurisdictione privati sint. 2. Licet sollicitatio fuerit mutua. 3. Licet poenitens consenserit (et hic advertendum quod iuxta Decretum relatum in Opere (4) poenitens quae consentit, non tenetur delictum suum aperire, imo super illud nec debet interrogari). 4. Licet sollicitatio multo abhinc tempore evenierit (5). Item ex Bulla Gregorii XIII. denunciandus est laicus qui se simulat confessarium et sollicitat (6). Insuper denunciandus est confessarius sollicitans, licet de tali delicto aliunde fuerit accusatus, convictus et in eum animadversum sit, ut re-

(5) n. 687. quacr. 9. (6) n. 688.

cte dicunt Bonac. Diana Salm. etc. contra aliquos (1). Praeterea proculdubio denunciandus est qui poenitentem sollicitat, ut ipsa seducat aliam ad secum peccandum; et hoc tum ratione Decreti allati n. 170. in fine, tum ex Bulla Greg. qui imponit denunciandos omnes, qui in confessione personas ad inhonesta inter se, sive (nota) cum aliis quomodolibet.... sollicitare....tentaverint. Etidem currit, si confessarius in confessionali tractaret ut poenitens cum alio peccaret, uti constat ex praefata Bulla Sacramentum, ubi imponitur denuntiatio, licet sollicitatio non pro se ipso, sed pro alia persona peracta fuerit (2).

172. Contra non adest obligatio denunciandi 1. confessarios qui sollicitant ad alia peccata non inhonesta, ut communissime, et recte dicunt Castrop. Bonac. Holzm. Ronc. Mazzot. etc. contra paucos; quia talis obligatio nullibi expressa legitur. Nec obstant verba Bullae, *illicitos et inhonestos sermones, sive tractatus*, adversarii opinionem suam firmando super verbo *illicitos*, quia responderetur quod utrumque verbum *illicitos et inhonestos* ad idem refertur, sicut apparet ex contextu totius Bullae (3). 2. Defunctos, nam pro ipsis omnino cessat finis tam emendationis, quam animadversionis (4). 3. Poenitentes qui sollicitant in confessione, ut communiter docent dd. contra Caramuel, me quidem admirante, nam in aliis est ita benignus, ne dicam laxus, et hic tam severus, sed praeter rationem, dum pro legibus poenalibus regula communis est quod illae non se extendunt ad casus similes. Neque hic certe eadem currit regula de poenitentibus ac de confessariis, propter multa motiva quae patent, et praecipue propter suspicionem quae intervenire posset revelationis sigilli, si confessarii denunciassent poenitentes (5).

(1) l. 6. n. 687. (2) n. 691. quaer. 13.
(3) n. 684. (4) n. 692. (5) n. 689.

173. Sed quaeritur 1. an mulier quae sollicitavit confessarium teneatur illum denunciare, si ipse consensus praestitit. Affirmant Ronc. Felix Potestas Salm. Mazz. etc. dicentes quod ex Bullae sensu debet imponi poenitentibus denunciare non tantum confessarios sollicitantes, sed etiam illos qui in confessionali habent tractatus turpes. Sed negant Bonacina Castropal. Hurtad. del Bene Trul. et Diana vocat hanc opinionem probabilem, et tutam; et adhaeret etiam Roncagl. dicendo cum Bordon. quod per tractatum inhonestum intelligitur ille, cuius auctor est confessarius; sed ratio, quae mihi validior pro hac tuenda sententia videtur, est quod in Bulla Gregorii illis solis poenitentibus debent confessarii imponere onus denuntiationis, quos noverint fuisse ab aliis sollicitatos. Poenitentes sollicitantes dici non possunt sollicitati; unde ex verbis Bullae videtur deduci, quod mulier sollicitans potest, si vult, denunciare confessarium, sed ad id non tenetur: tum quia in eo casu faciliter se exponit periculo, ne infamia propria manifestetur a confessario denunciato: tum quia non praesumitur Pontifex voluisse imponere mulieri, quae sollicitavit confessarium, onus tam grave ut ipsamet debeat eum accusare, ideoque Pontifex expressit illa verba, *quos noverint sollicitatos*. Quidam dicere voluit hanc opinionem postea fuisse reprobata a Benedicto XIV. in Bulla Sacramentum, dat. 1. Iun. 1741.; sed perperam hoc venditat, (§. 2.) dum Pontifex nihil aliud dixit, nisi quod debeat denunciari, *licet sollicitatio inter confessarium et poenitentem mutua fuerit*. Sed magni interest inter mutua sollicitationem, et illam poenitentis, cui confessarius consentit; dum dd. recte distinguunt primum a secundo casu, ut videre est apud Potestatem (6), ubi dicunt sollicitationem mutua evenire, cum confessarius sol-

(6) tom. 2. de Denunc. n. 581.

licitatus a Poenitente ad unam inhonestatis speciem, ipse sollicitat eam ad aliam; ut dicetur numero sequenti; aut cum confessarius sollicitatus in principio dissentit, aut sermonem alio divertit, et postea aliquo intervallo elapso eam sollicitat; et in his casibus mutuae sollicitationis, dicebant plures aa. Castrop. Peyrin. et Acuma, quod non aderat obligatio denuntiationis: sed haec opinio est illa quam damnavit Benedictus. Et merito, nam in talibus casibus iam verificatur quod poenitens vere sollicitata fuerit; sed in nostro casu quando confessarius simpliciter consentit, non verificatur, nec potest dici mulier fuisse sollicitata. Quando autem confessarii cooperatio dicenda sit vel simplex consensus, aut etiam sollicitatio, hoc pendet a circumstantiis, a discursu, et facto, quae inter ipsum et poenitentem intercedunt (1).

174. Quaeritur 2. an denuntiandus confessarius, qui sollicitatus ad copulam, divertit ad tactus? Affirmant Salm. Leand. et Diana; sed probabiliter negant Castropal. Escob. Hurtad. Trullench. etc. Ratio, quia mulier ad copulam sollicitans virtualiter provocat eum ad tactus, qui in copula continentur, atque ordinarie ad copulam praemittuntur; unde tunc vere accidit, quod confessarius (ut mox supra dictum est) non sollicitat, sed sollicitatus consentit. Secus tamen (ut recte aiunt Castrop. et alii) dicendum, si ille sollicitatus ad fornicationem, diverteret ad sodomiam, vel contra; quia istarum turpitudinum una non continetur in alia (2).

175. Quaeritur 3. an debeat denuntiari confessarius sollicitans iam emendatus? Negant Sot. Molles. Lug. Castrop. Sor. Escob. Fagun. Trullen. Hurt., etc.; et haec opinio probabilis appellata est a p. Viva, et ab *Instructore*, etc. Ratio est (ut dicunt) quia tunc cessat finis principalis denuntiationis qui est emendatio rei.

(1) l. 6. n. 681. (2) n. 682.

Dicunt autem signa emendationis esse: 1. Si multo abhinc tempore non amplius mulierem tentavit, licet haec pluries ad eum regressa esset. 2. Si per tres annos bene vixit. 3. Si Religiosus factus est. 4. Si habetur pro viro rectae conscientiae, et vix semel atque iterum in id prolapsus sit, aut si senex factus est, aut si post sollicitationem statim se poenituit. Advertit tamen Viva ea signa non sufficere, nam ipsa debent emendationis iudicium moraliter certum constituere. Sed hoc non obstante, ego cum Suar. Azor. Salm. etc. iudico absolute probabiliorem sententiam oppositam, nempe quod etiam emendati denuntiandi sunt, quia Ecclesia in tali delicto non solum requirit rei emendationem, sed etiam animadversionem ad aliorum exemplum (3).

PUNCTUM III.

Quis tenetur ad denuntiandum.

176. Antequam ad punctum descendamus, tria notabilia advertere oportet: primum quod poenitentes sollicitati absolvi nequeunt, antequam fiat denuntiatio: et si forte iusto detinentur impedimento, debent saltem promittere quamprimum id se esse facturos. Notanda sunt verba Bullae Sacramentum Benedicti XIV. ubi clarius id exprimitur: *Caveant diligenter confessarii ne poenitentibus, quos noverint iam ab alio sollicitatos, sacramentalem absolutionem impertiant, nisi prius, denuntiationem ad effectum perducentes, delinquentem indicaverint competenti iudici, vel saltem se, cum primum poterunt, delaturos spondeant ac promittant* (4). Sed hic dubitatur an poenitens, qui personaliter non potest denuntiare, teneatur id facere per litteras aut per alios? Affirmant Salm. et huic opinioni adhaereo ego etiam cum Viva et Ronc. (quicquid dicant alii), quoties moraliter non adsit periculum infamiae: quia poenitens tenetur tali debito, modo quo potest,

(3) n. 686. (4) n. 693.

satisfacere; unde si personaliter non potest, tenetur saltem per litteras. Nec obstat quod dicitur *Tr. 20. n. 44.*, nempe quod si poenitens habens casum reservatum est impeditus, ut se praesentet Superiori, non tenetur per epistolam; quia ibi obligatio est adeundi personaliter Superiorem, ut ab eo recipiat monitionem; sed haec obligatio, iuxta verba Pontificis, est ut tantum Praelato indicet delinquentem, ut remediis opportunis damno, quod ille afferre potest, consulat (1). Haec autem denuntiatio per litteras, si Episcopo eam deferre nolit, potest mitti Romam. Confessarius autem, si ipse denuntiationem ex auctoritate Episcopi excipere velit, si eam nequit scribere, satis erit ut Praelatum certiore faciat de confessarii nomine, et de qualitate sollicitationis, quin mentionem faciat de consensu, vel dissensu a poenitente praestito. Dictum est si eam excipere velit. Caeterum advertunt Viva Tamb. et Ronc. non expedire in praxi ut confessarius hoc sibi onus suscipiat huiusmodi denuntiationes afferendi, nisi cum in aliquo casu raro observasset nullum aliud remedium suppetere quo damno communi prospici possit (2). Dicunt praeterea del Bene et Instr. etc., quod si mulier valde repugnaret Episcopum adire, potest illa alium expectare confessarium, qui velit denuntiationem referre Episcopo si praesens confessarius id facere recusat. Et eo casu quo poenitens induci non posset ad denuntiandum etiam per confessarium, refert p. Maz. Decretum ubi dictum est quod tunc recurrendum est ad Sedem apostolicam pro opportuno remedio, et interim non absolvatur; et testatur idem auctor quod aiquando Sedes apostolica in casu magni ruboris aut alicuius vani timoris, pro illa vice a denuntiationis onere liberavit (3).

177. Secundo advertendum est quod

(1) l. 6. n. 699. (2) ib. v. advertunt.

(3) ib. v. dicunt autem. (4) n. 693.

(5) n. 693. v. an autem. (6) Salm. Ap-

poenitens, qui, cum posset, non denuntiat intra mensem (qui computatur a die quo obligatio advertitur), incurrit excommunicationem ipso facto (4). Sed hic dubitatur, an illa denuntiatione executae, possit absolvi ab excommunicatione a quocumque confessario? Negant Salmant. Diana Mazzotta etc.; sed affirmat probabiliter doctissimus Christianus Lupus, cui adhaeret Ronc. dicens quod reservatio huius censurae durat usque dum durat contumacia; et hoc recte confirmatur ex verbis Decreti relati in Opere (5), ubi dicitur quod poenitens non potest absolvi ab excommunicatione, *se prima non avrà soddisfatto al suo obbligo*: inferitur igitur quod, cum satisfecerit suo muneri, potest absolvi. Contra vero hic advertendum, quod si quis iniuste accusaret, sive cooperaretur ad accusandum de sollicitatione alicuius sacerdotem innocentem, incurreret reservationem papalem, sed absque censura, prout dictum est *praec. n. 129. ex Bulla Sacramentum, § 3. Benedicti XIV.* ubi dicitur: *Quaecumque persona, quae execrabili huiusmodi flagitio se inquinaverit, vel per se ipsam innocentes confessarios impie calumniando vel seclerate procurando, ut id ab aliis fiat, impiis suasionibus, aut promissis, aut blanditiis aut minis, aut alio quovis modo, etc.* Advertunt tamen Salm. (6), id intelligi de suasionem efficaci, ita ut ipsa sit causa iniustitiae damnationis secutae. Adduntque (7) intelligi, nisi suasio ante executionem denuntiationis efficaciter revocetur.

178. Tertio animadvertendum est, quod licet monitio denuntiationis, quae imponenda est, profutura non sit, etiam facienda est, ut scite advertit Pater Ronc., tum quia hic agitur de damno communi, iuxta dicta n. 116, tum quia in Bulla Gregor. obligatio non est imposita poenitentibus, sed confessariis, ad admonendum. tr. 6. de Bulla Cruc. c. 6. n. 231. et 232. (7) ib. cit. n. 232. in fin.

dos sollicitatos, ut denuntient etc. (1).

179. Hinc notandum primo quod denuntiatio facienda est a poenitente, licet ille sollicitationem probare non possit, ut recte dicunt Castrop. Bord. et Bannez, et opinio opposita, quam pauci tenent, videtur utique reprobata per propos. 5. damnatam ab Alex. VII. (2). 2. Recte asserunt Suarez Castrop. Salmant. et alii communiter, denuntiationem non tantum faciendam esse a poenitentibus sollicitatis, sed etiam ab unoquoque qui id sciat, modo id sciat a personis fide dignis, ut exprimitur in Decreto (3), ubi dicitur quod denuntiandi in fine sunt omnes illi, de quibus notitia habetur Poenitentiae Sacramento se abusos fuisse. Et hoc currit, licet sollicitatio sciretur sub secreto naturali, ut recte dicunt Escob. Castr. Trull. Salm. etc., quia nulla adest obligatio servandi secretum etiam promissum cum iuramento, quando alioquin adest damnum commune; excepto casu, si secretum sit manifestatum ad consilium capiendum. 3. Proculdubio facienda est denuntiatio, licet occulta sit sollicitatio, ita communiter Salm. Roncagl. Fill. Trull. Bannez, etc., nec obstat dicere leges poenales esse stricte interpretandas, quia talis regula non currit in casu (ut esset noster) quo si teneretur stricta obligatio, lex inutilis redderetur.

PUNCTUM IV.

De sollicitationibus dubiis.

180. Quaeritur primo an cum sollicitatio est dubia, denuntiatio facienda sit? Distinguere oportet: si factum aut dictum fuit certa sollicitatio, et tantum dubitatur de sollicitante, tunc denuntiatio certe facienda est, ut Superior saltem de persona inquirere possit. Superiori tamen abstinendum est ab inquirendo, si ei facile non est se certum reddere de persona, ad evitandum periculum infamiae no-

(1) l. 6 n. 694. (2) n. 695.

(3) n. 695 in fine. (4) n. 702. (5) ibid.

tandi aliquem innocentem. Quod si persona est certa, et tantum dubitatur utrum dictum, aut factum sit vera sollicitatio, tunc communius et probabilius, dicunt Ronc. Conc. Potestas Bonac. Salm. etc. cum Instructore pro Confess. non adesse obligationem denuntiandi; ita ex *reg. 49. Iur. in 6. In poenis benignior interpretatio facienda*; tum quia in dubio nemo fama sua privandus est; tum quia denique delicta dubia non sunt dicenda delicta (4). Excipitur tamen primo, nisi vehementia indicia essent (v. g. de prava vita, aut mala fama confessarii) quae moralem certitudinem formarent, ut dicunt Ronc. Conc. Boss. Instructor etc. Excipitur 2. cum Bon. Ac. etc. si verba de se sollicitationem prae se ferrent, licet dubitaretur de intentione, dum praesumptio intentionis accipienda est iuxta verborum proprietatem. Secus autem si in oppositum adesset praesumptio fraudis; puta si mulier aut eius coniuncti cum confessario aliquam habuissent contentionem, aut si illa esset aliquantum mente hebes (5). In casu vero quo indicia alicuius essent momenti, licet non sufficientia ad certificandum denuntiationis debitum, conveniret ut saltem certior fieret Superior, ad hoc ut in posterum se dirigere possit.

181. Quaeritur 2. an denuntiandus sit confessarius, qui, dum poenitens confitetur, eius pulchritudinem laudat? Alii affirmant, alii negant; sed melius incedit Escob qui dicit in hoc considerandas esse circumstantias, et praesertim discursus qui in confessione tenebatur. Dicunt alii denuntiandum esse confessarium, qui colloquens cum serva in confessione, laudat dominam, ut illi hoc referat; et idem dicunt si donum grande et insolitum daret poenitenti. Sed nos dicimus etiam attendendas esse circumstantias, v. g. si poenitens est pauper, si est coniuncta, si illa prius alio dono confessarium donavit etc. (6)

(6) num. 703.

182. Hic nonnullos casus particulares referemus in quibus dd. consent denuntiandum esse confessarium. Primo, si confessarius diceret poenitenti: *Ego te ducere in uxorem, si essem saecularis*; ita Salmant. Potest. et Diana contra Bordon., quia revera sunt verba nimis excitativa ad venerem. 2. Si diceret: *Expecta me hodie domi tuae, quia te allocuturus sum*; et postea, quin de alio negotio loquatur, aut de naeniis locutus eam sollicitaret. 3. Si illi diceret: *Haec tua peccata cadere me fecerunt in pollutionem*; Rone. Bord. et Pot. 4. Si mulieri penitenti confiteri diceret: *Nolo te audire in confessione, ne aliquid mihi contingat quia amore tui captus sum*. 5. Si diceret: *Si quis tibi pecuniam daret, peccares?* et illam affirmantem non reprehenderet, aut si reprehenderet, postea oblata ei pecunia, eam sollicitaret. 6. Si diceret: *Promitte mihi quod, cum domum tuam veniam, facies quod volo*; cum mulier confitetur de turpibus cum alio patris, et diceret: *Cur etiam non es mecum humana?* aut ei consentienti de turpi desiderio erga illum, responderet: *De hoc loquemur post confessionem*. Si obiurgaret concubinam suam, quod cum alio peccavit, addendo minas et contumelias; aut si obiurgaret eam de peccatis cum aliis, et non de iis secum commissis (1). Ita etiam denuntiandus esset qui diceret poenitenti: *Dic mihi quanti me amas?* aut *Sentis in te eas tentationes erga me, quas ego experior erga te?* aut: *Vellem te semper videre, et esse iuxta te*; aut *Tua causa somnium pravam passus sum*; aut: *Ingrata mihi es, quia non me amas*.

183. Notandum hic denique, quod

Benedictus XIV. in Bulla *In generali Cong.* in confessarios sollicitantes, (aut Sacrificio ad sortilegia abutentes) praeter poenas prius latas, addidit perpetuam inhabilitatem ad celebrandum, dicendo quod sollicitantes in actu sacramentalis confessionis, sive illius occasione, et praetextu, praeter poenas a iure inflictas, perpetuam etiam inhabilitatem incurrant ad Sacrificii celebrationem. Hic dubitatur primo, an haec inhabilitas incurratur ante sententiam declaratoriam? Ex una parte videtur negandum, dum in simili casu, nempe simoniaci, qui incurrit inhabilitatem ad recipienda beneficia, iam requiritur sententia, ut docent Molin. Nav. Laym. Castr. Salm. etc. Sed hoc non obstante affirmandum est, quia iuxta sententiam communem Laym. Castropal. Anacl. Salm. Viva Mazzot. etc. sententia requiritur ad illas poenas, quae positivae dicuntur, et indigent actione, non vero ad privativas, quae important, aut inhabilitatem ad aliquod ius acquirendum, aut iure acquisito utendum: et ita reapse loquuntur dd. communiter de inhabilitate, quam habet beneficiatus, qui omisit officium, ad percipiendos fructus beneficii. Quoad autem primum casum simoniaci, dicendum est dd. rationes particulares pro illo habuisse, quae ad nostrum casum non faciunt. Dubitatur 2. an ab huiusmodi inhabilitate excuset ignorantia invincibilis? In hoc videtur dicendum idem ac dictum est de irregularitate ex delicto (2); quare vide dicenda *Tract.* 19. loquendo de *Censuris* n. 34. An autem in hac possit dispensare Episcopus, vide dicenda *Tract.* 20. de *Privilegiis*, n. 53 (3).

(1) l. 6. n. 704. (2) l. 70351.

(3) n. 705.

TRACTATUS XVII.

DE SACRAMENTIS EXTREMAE-UNCTIONIS ET ORDINIS

CAPUT I. DE EXTREMA-UNCTIONE

1. *De essentia, et effectibus Extremae Uctionis.*
2. *I. De materia remota.*
3. *De materia proxima.*
4. *An necessaria sit unctio omnium sensuum.*
5. *II. De forma, et quomodo aptanda est.*
6. *III. De ministro.*
7. *IV. De subiecto cui ministranda est Extrema-Untio.*
8. *Quando replicari possit.*
9. *De dispositione.*
10. *An ministranda sit pueris.*
11. *An amentibus, ebriis, impenitentibus, mutis, etc.*
12. *An adsit gravis obligatio suscipiendi hoc Sacramentum.*
13. *De administratione.*

1. Extrema-unctio definitur: Sacramentum a Christo Domino institutum, et a B. Iacobo promulgatum, ad salutem animae vel etiam corporis conferendam infirmis de vita periclitantibus per unctionem olei benedicti, et orationem sacerdotis. Dicitur 1. Sacramentum, quia Extrema Untio est verum Sacramentum, ut declaravit Trid. sess. 14. can. 1. de Extrema-Unt. Dicitur 2. promulgatum a B. Iacobo, uti habetur ex epistola huius apostoli c. 5. 14. et seq. *Infirmatur quis in vobis? inducat praesbyteros Ecclesiae, et orent super eum, ungentes eum oleo in nomine Domini; et oratio Fidei salvabit infirmum, et alleviabit eum Dominus; et si in peccatis sit, remittentur ei.* Dicitur 3. ad salutem animae, vel etiam corporis, ut notentur effectus huius Sacramenti. Effectus primarius est, ut confortet animam in mortis agone ad resistendum diaboli tentationibus: effectus secundarii sunt tres: 1. Tollere reliquias peccati; 2. extinguere debitum poenarum, quae satisfaciendae adhuc restant; 3. conferre etiam salutem cor-

poris, si salutem animae expedit, ut dicit Trid. sess. 14. cap. 2. Quoad autem remissionem peccatorum sententia communior et probabilior affirmat praecipuum effectum huius Sacramenti esse non remissionem peccatorum (uti contendunt Scotistae), sed reliquiarum peccatorum abstersionem; ita Gonet Sot. Suar. etc. cum s. Thoma (1). Dicit autem Angelicus, quod si infirmus invincibiliter ignoraret peccata sua, modo illorum saltem generaliter illum poeniteat per attritionem, per huius Sacramenti virtutem ei remittuntur omnia tam venialia, quam mortalia. Ita etiam dicunt Bellar. Suar. Laym. et deducunt ex Trid. loco cit. ubi sic legitur: *Cuius unctio delicta, si quae sint adhuc expianda, ac peccata reliquias abstergit.* Imo valde probabiliter dicunt Merbes Habert Tournely Suar. et Salmant. contra Gonet Petrocor. etc. quod hoc Sacramentum remittit peccata gravia, non quidem per accidens, sed per se, licet consequenter; quia licet hoc Sacramentum sit vivorum, nihilominus institutum fuit a Deo ad remittenda peccata per se, iuxta verba apostoli: *Et si in peccatis sit, remittentur ei*, et ut deducitur etiam ex can. 2. Tridentini in praefata sessione 14. Dictum est consequenter, quia principaliter Extrema-Untio instituta est ad abstergendas reliquias peccatorum, nempe internam imbecillitatem, obscuritatem etc. Sed quia, cum in anima reperitur peccatum, non possunt abstergi illius reliquiae, quin remittatur peccatum: ideoque consequenter hoc Sacramentum abstergendo reliquias, tollit etiam peccatum (2). Communis autem sententia est cum s. Thoma, et s. Bonav. quod possit hoc Sacramentum esse validum, et informe,

(1) Suppl. q. 30. a. 1. (2) l. 6. n. 731

adeo ut, remoto obice peccati, saltem per attritionem, si infirmus illud recipit bona fide existens in peccato, reciperet primam gratiam (1). Ideoque dicunt Laym. et Tamb. cui adhaeret Benedictus XIV. (2). Quod si infirmus non est capax alterius Sacramenti, sacerdos potest Missam interrumpere, ut ei Extremam-Unionem afferat, ut gratiam recipiat, si est in peccato, et habet attritionem (3). Dicitur 4. *infirmis de vita periclitantibus*, ut denotetur subiectum, cui hoc Sacramentum exhibendum est. Dicitur 5. *per unctionem olei benedicti* ad denotandam materiam. Dicitur 6. et tandem, *et orationem sacerdotis*, ad denotandam formam. Sed de omnibus sigillatim disserere opus est, et I. De materia; II. de forma; III. de ministro; IV. de subiecto cui ferenda est; V. de administratione.

2. I. Quoad materiam. Materia remota est oleum benedictum pro infirmis; et singulis annis, veteri combusto, renovandum est ex praescripto Clementis VIII., quod obligat sub gravi, ut probabilius tenent Bonac. Castrop. Croix etc. contra alios. Sed casu quo novum haberi non possit, licet uti veteri, ut dicunt Laym. Aver. Salm. etc. cum quadam declaratione S. C. Et casu quo anni decursu deficeret, licitum est (urgente necessitate) immiscere oleo consecrato non consecratum, sed in minori quantitate, ut dicit Rituale; et haec mixtio potest pluries fieri, ut dicunt Bon. Ronc. Carden. Possev. et Croix et ut declaravit S. C.; modo oleum quod immiscetur sit minoris quantitatis veteri (4). Notandum 1. quod hoc oleum debet esse ex olivis, et benedictum proculdubio de necessitate praecepti; dubium restat, an etiam necessitate Sacramenti? Negant Juvenin. Caiet. Sanch. etc.; sed sententia communissima auctoritas cum s. Thoma (5) Scot. Petreor. Conc. Salm.

(1) l. 6. n. 707. v. quaer. 2. (2) de Synod. l. 8. c. 6. n. 5. (3) l. 6. n. 728.

(4) n. 708. (5) Suppl. q. 29. a. 5.

etc., dum in Trident. Sess. 14. cap. 1. dicitur: *Intellexit enim Ecclesia materiam (Extremae-Unionis) esse oleum ab Episcopo benedictum*, in quo certe dogmatice locutum est (6). Notandum 2. probabile esse cum Bellarm. Valen. Barbos. Castrop. etc. (contra Suar. Laym. etc.) quod oleum debet esse benedictum de necessitate Sacramenti in ordine ad Extremam Unionem. Qua de re sententia opposita, quod possit dari hoc Sacramentum cum oleo Confirmationis vel catechumenorum, in praxi non est probabilis, nisi in solo casu necessitatis: et tunc administrandum est sub conditione, et si postea haberi possit oleum infirmorum repetendum est, ut praescripsit s. Carolus Borromaeus (7). Notandum 3. quod benedictio huiusmodi potest a Papa simplici sacerdoti committi, ex Decreto Clementis VIII. (8). Notandum 4. ad validitatem Sacramenti sufficere digiti extremitatem in oleo intingere et ungere. Sed sit dubium utrum sufficiat una gutta? Negant Filliuc. Suar. Peyrin. Trullen. etc., dicentes oleum debere diffundi; sed communius et probabilius affirmant Tannerus Escob. Hurtad. Dicast. Croix etc.; modo illa gutta sufficiat ad inungendas omnes partes; nihilominus quia prima non est improbabilis, saltem extrinsece, illa in praxi sequenda est (9).

3. Materia proxima est unctio facta a sacerdote in quinque sensibus, aut saltem in partibus proximis, si forte infirmus esset aliquo sensu mutilatus. Hic notandum 1. quod non est necessarius tactus immediatus manus, cum in necessitate (ut tempore pestis) potest uti virga oblonga oleo tincta, quae postea comburenda est; ita Silv. Wig. Escob. Busemb. (10). Notandum 2. quod licet unctiones sint multae, omnes tamen unum constituunt Sacramentum. An autem singulis unctionibus conferatur gratia

(6) l. 6. n. 709. dubit. 1.

(7) ib. dubit. 2. (8) n. 709. dubit. 3.

(9) ib. dubit. 4. (10) n. 710.

partialis, negat s. Thomas (1), dicendo totam gratiam conferri in ultima unctione; sed affirmant multi alii cum Scoto, quia quaelibet unctio habet suam formam gratiam significantem. Utraque scitentia est probabilis (2).

4. Sed quaeritur an unctio quinque sensuum sit de necessitate Sacramenti? Alii probabiliter negant, ut Silv. Becan. Merbes. Nat. de Al. etc. dicentes sufficere unam unctionem in qualibet corporis parte, dum apostolus aliud non dicit, quam *ungentes eum oleo*. Sed communius affirmant Sot. Suar. Castrop. Laym. et Salm. cum Bellarm. s. Bonaventura et s. Thoma, quia hic est usus Ecclesiae communi sensu doctorum sic practicatus. Tantum tempore necessitatis (dicunt hi aa. sicut etiam Rituale) potest conferri hoc Sacramentum, sed sub conditione, sub una unctione in aliquo membro; sed satius esset in capite sub hac contracta forma: *Per istam sanctam unctionem indulgeat tibi Deus quicquid per sensus deliquisti*, ut volunt nonnulli; aut ut melius volunt alii: *Per istam etc. indulgeat tibi Deus quicquid deliquisti per sensus, nempe visum, auditum, gustum, odoratum et tactum*; praemittendo verbum *deliquisti*, ut si infirmus deficiat ante verborum absolutionem, possit Sacramentum validum esse. Sed si infirmus supervivit, repetendae sunt unctiones in singulis sensibus, additis orationibus omissis, ut praescribit Rituale; ubi etiam dicitur quod in dubio utrum infirmus sit vivus, apponenda est conditio *si vivis* (3). Certum est autem non esse de necessitate Sacramenti ungere ambas partes uniuscuiusque sensus, nempe utrumque oculum etc.; unde in casu necessitatis, si tempus non suppetat, aut adest periculum infectionis, aut si infirmus non volvi potest in aliud latius, sufficit ungere alteru-

trum oculum, alterutram auriculam, etc. Unctio renum, dicit Rituale, *in mulieribus semper omittitur, atque etiam in viris, quando infirmus commode moveri non potest*. Unctio autem pedum ex sententia communi cum Laym. Suarez Castrop. Ronc. et Salm. ex s. Thoma (4), non est de necessitate Sacramenti, sicut nec etiam (iuxta communem) ordo inter unctiones partium; licet huius ordinis inversio, ut dicunt, esset graviter illicita (5).

5. II. In quantum ad formam, verba sunt ista: *Per istam sanctam unctionem, et suam piissimam misericordiam indulgeat tibi Dominus quicquid per visum* (sive per auditum etc.) *deliquisti. Amen.* Verbum *deliquisti* est de essentia, ut recte dicitur Croix Gobat. et Mazzot. (contra Bpseum); nam remissio peccatorum est effectus principalis huius Sacramenti. Verbum *sanctam* certum est non esse de essentia, sed peccari si omittitur. Verba autem *per suam piissimam misericordiam*, multi contendunt esse de essentia; sed communius et probabilius negant Laym. Castrop. Bonac. Ronc. Salm. Omnes tamen conveniunt illorum omissionem esse peccatum grave (6). An autem valeat forma, non deprecatoria, qualis est nostra, *indulgeat*, sed indicativa *ungo te*, etc. ut... *possis superare potestates*, ut erat forma Ambrosiana: affirmant Iuven. Tourn. et alii; sed negat sententia communis cum Suar. Merbes. Petrocor. et aliis cum s. Bon. et s. Thoma (7), et iam praescribit s. Iacobus: *Et orent super eum ungentes... et oratio Fidei salvabit infirmum*. Ad formam Ambrosianam respondit Benedictus XIV. quod verba *ut possis* iam dignoscere faciunt esse deprecatoriam, et hunc sensum faciunt, *ungo te, orans ut possis* etc. (8). Notandum 1. formam aptandam esse modo sequenti, ut praescribit Rit. Sacerdos, intincto pollice in oleo nec etiam. (6) n. 711. (7) suppl. q. 29 a. 8. (8) l. 6. n. 711. dubit. 1.

(1) suppl. q. 30a. rad3 (2) l. 6. n. 907.

(3) n. 710. v. quaer. (4) suppl. q. 32. a. 6. (5) l. 6. n. 710. v. certum. et v.

sancto, in formam crucis inungere debet, aptando crucem, et verba in unctione cuiuscumque partis, semper incipiendo a dextra parte: *Per istam sanctam unctionem, et suam piissimam misericordiam indulgeat tibi Dominus quicquid per visum* (dum unguntur oculi) *deliquisti*. Advertendo non terminandam formam antequam altera pars ungatur. Pars linata debet abstergeri ab ipso sacerdote, aut a ministro (si est in Sacris) gossipio, quod postea comburendum est, et cineres in sacrarium proiciendae. Deinde eodem modo unguntur aures, *per auditum*: narices *per odoratum*; os (labiis clausis) *per gustum*, et locutionem: manus (sacerdotibus extra, aliis intra palmas) *per tactus*: pedes (in plantis) *per gressum*: renes, *per lumborum delectationem* (1). Notandum 2. quod iuxta ritum graecum septem debent esse sacerdotes qui ungunt, quisque partem suam, sed iuxta latinum unus est minister; sed in casu necessitatis potest unus sacerdos unam partem ungere, et alius aliam, pronuntiando quisque formam correspondentem illi parti, ut dicunt communiter Suar. Coninch. Castrop. Bonac. Salm. Spor. etc., sed non potest unus ungere, et alius proferre formam; nec unus ungere unum oculum, et alter alterum, sicut declaravit Benedictus XIV. in Bulla *Etsi pastoralis*, an. 1742. §. V. n. 4. Si tamen sacerdos non posset prosequi omnes unctiones, debent reliquae suppleri ab alio quin repetantur iam factae: nisi esset quod posteriores supplerentur post aliquod tempus notabile, v. g. post horae quadrantem, quia tunc debent omnes repeti, ut dicunt Merati Avers. Croix etc. (2).

6. III. In quantum ad ministrum notandum 1. ministrum proprium Extr.-Unct. esse pastorem aut alium sacerdotem ex eius consensu, quo deficiente, validum esset Sacramentum, sed illicitum, adeoque graviter peccaret sacerdos. An autem sufficiat

consensus praesumptus parochi; alii negant, sed probabiliter affirmant Sanch. Castr. Valent. Bon. Salm. etc. Regulares autem administrando hoc Sacramentum sine licentia pastoris, incurrunt excommunicationem papalem in *Clem. I. de Privil. §. 1.* Advertendum tamen quod s. Pius V. in sua Bulla, *Imnarcescibilem*, an. 1567. concessit Patribus Theatinis (et per communicationem aliis Religiosis) posse administrare hoc Sacramentum suis servis, mercenariis, ac quibusvis hospitibus qui forte morantur in domibus dictae Congregationis; item Sixtus IV. prius concesserat Regularibus posse dare Eucharistiam, et Extremam-Unionem laicis, si parochus iniuste aut malitiose negaret. Communis autem sententia est quod in necessitate, si parochus est absens, aut non vult Extr.-Unct. afferre, nec potest adiri Episcopus, tunc quilibet sacerdos etiam regularis potest hoc Sacramentum conferre (modo non sit excommunicatus, vel suspensus), tunc enim praesumitur licentia dari a Pontifice; ita contra paucos docent Suar. Laym. Bonac. Conc. Tour. Nat. ab Alexand. Salm. Baned. XIV. etc. et idem concessit s. Carol. Borrom. pro sua dioecesi (3). An autem parochus suspensus possit hoc sacramentum conferre? alii affirmant; sed probabilius negant Bonac. Suar. etc. (4). Notandum 2. cum Soto Possev. Bonac. etc. non incurrere irregularitatem (ut aliqui nimis quam par est scrupulosi tenent) sacerdotem, si iubendo volvi infirmum ut ungeretur, ille spiraret: dum, ut recte dicunt Suar. Corneius Salmant. etc., talis irregularitas deberet esse ex delicto, a quo utique liber est qui charitatis officium exercet. Notandum 5. quod parochus tenetur sub gravi afferre Extremam-Unct. petentibus, nisi excuset causa iusta, ut periculum vitae (vide dicta *Tract. 7. num. 27. et 28. de IV. praecepto Decalogi*); sed in quolibet casu te-

(1) 1. 6. n. 711. (2) n. 724. (3) Act.

Mediol. p. 4. (4) 1. 6. n. 722. et 723.

netur, si forte infirmus probabiliter esset in peccato mortali, et multo abhinc tempore confessus non fuisset, ut communiter dicunt Suar. Castr. Spor. Conc. Salm. etc. (1). Notandum 4. probabile esse cum Gobat Arriag. et Croix, quod licite possit parochus apud se domi retinere oleum sanctum (diligenter custoditum) aliquando, cum crederet noctu accersiri, et quod alioquin non perveniret opportuno tempore (2).

7. IV. Quoad subiectum, cui conferenda est Extrema-UNCT., notandum 1. quod, ut animadvertit Rit. et ut docet Bened. XIV. in Epistola, quae incipit *Ex quo primum*, ad Ecclesiasticos ritus Graeci, pro nova editione Euchologii (quod idem sonat ac Rituale, vel Manuale) non est ministrandum hoc Sacramentum *bene valentibus, sed iis dumtaxat qui gravi morbo laborant* (3); ideoque non dandum est capite damnatis, in conflictu aut periculosa navigatione, aut alio mortis proximo periculo versantibus. Tantummodo infirmis graviter decumbentibus quibus mors imminet, aut senibus decrepitis, *qui prae senio* (sunt verba Ritualis) *deficiunt, et in diem videntur morituri, etiam sine alia infirmitate*. Nec obstat ritus Graecus quem opponit Iuvenia iuxta quem feria V. maioris hebdomadae omnes adstantes inunguntur oleo infirmorum; sed respondet Bened. XIV. quod talis unctio non datur uti Sacramentum, cum sine ulla forma ungantur (ut late disserit in cit. Ep. pro edit. Euchologii ex §. 46.), sed tanquam vera caeremonia sacra (4). Et ita pariter dicendum cum communi Suar. Castr. Bon. etc. (contra Wig.) quod si detur hoc Sacramentum infirmo non gravi morbo decumbenti, non solum illicite, sed etiam invalide conferretur (5) Si autem daretur in morbo gravi, quin aliquod videatur imminere periculum mortis, daretur quidem valide, sed illicite. Nec ob-

(1) l. 6. n. 729. (2) n. 730.
(3) in bull. edit. Mechl. t. 11. p. 332 § 46.

stat quod Bened. XIV. cit. §. 46. docet, nempe quod dandum sit graviter decumbentibus, nam hoc intelligendum est ad praescriptum Ritualis nostri, nempe quod morbus gravis ita sit, ut probabile adsit periculum mortis, *ut mortis periculum* (praescribit Rit.) *imminere videatur*. Sed quaeritur 1. in quo morbi gradu danda est vel dari potest Extrema-UNCTio? Quando adest periculum proximae mortis, tunc non dubitatur, quin non solum possit, sed etiam danda est iuxta Rit. *Debet hoc Sacramentum infirmis praebere qui... tam graviter laborant, ut mortis periculum imminere videatur*. Et iuxta communem dd. cum Catech. rom. de Extr. - Unct. p. 2. n. 18.) peccat graviter parochus, qui differt E.-U. usquequo infirmus destituatur sensibus, nam tum ille privatur effectu consequendi salutem tam animae quam corporis, quam consecuturus fuisset si tempestive inunctus fuisset: *Gravissime peccant* (dicit Catechismus) *qui illud tempus aegroti unguendi observare solent, cum iam omni salutis spe amissa, vita et sensibus carere incipiat*. Idcirco Bened. XIV. in Euchologio Graecorum sive Rituali Graecis assignato (vide in Bullar. loc. cit. §. 46.) praecipit ut hoc Sacramentum praebetur, dum infirmi sibi constant, et sui compotes sunt. Hoc currit in quantum ad obligationem praebendi Extremam-UNCTIONem. Sed in quantum ut possit licite praebere, dicunt communiter dd. sufficere ut infirmitas sit periculosa mortis, licet remote; ita Suar. qui dicit: *Ut ex tali infirmitate mors possit moraliter timeri, saltem remote*. Idem tenent Laym. Castrop. Bonac. Coninc. Salm. et alii. Idem dicit Bened. XIV. (6), et Honoratus Tourn. qui adducit Concilia Aquisgran. et Mogun. Et hoc perspicue infertur tum ex Florentino, ubi dicitur: *Subiectum huius Sacramenti esse infirmum; cum de eius morte ti-*

(4) l. 6. n. 712. et 713. (5) n. 713.
dubit. g. (6) de Synod. l. 8. c. 7. n. 2.

metur; tum ex Trid. Sess. 14. c. 3. ubi haec leguntur: *Hanc unctionem infirmis adhibendam, illis vero praesertim, qui in exitu vitae constituti videantur.* Ibi particula *praesertim* recte denotat quod potest dari E.-U. etiam aliis infirmis, qui non sunt constituti in exitu vitae. Sed clarius hoc confirmatur a Bened. XIV. in praefata Bul. (Eucholog. cit. §. 46.) ubi dicitur, ne Sacramentum E.-U. ministretur bene valentibus, *sed iis dumtaxat qui gravi morbo laborant.* Unde recte dicit Castr. quod quoties potest infirmo non ieiuno praebere Viaticum, potest, et expedit dari E.-U. Recte tamen dicunt Laym. et Castr. quod ut dari possit, non sufficit periculum dubium mortis, sed requiritur saltem probabile, sive prudens timor mortis; ut ceteroquin communiter admittunt Suar. Castrens. Escob. et Holzm. cum Mastrio, et Scoto. Quaeritur 2. an possit dari parturitibus? Respondetur cum Lug. Filliuc. Bonac. Escob. Trullen. et aliis communiter non posse, si mulier patitur in partu tantum dolores communes, licet sit primus partus, aut licet aliis vicibus fuerit in periculo mortis. Secus autem si gravissimis doloribus cruciaretur, adeo ut actu ei immineret periculum mortis (1).

8. Notandum 2. quod dicit Rit. circa repetitionem huius Sacramenti: *In eadem infirmitate hoc Sacramentum iterari non debet, nisi diuturna sit, aut cum infirmus convalescit, iterum in periculum mortis incidit.* Adeoque cum infirmitas non est diuturna, nempe non est febris tabida, hydropsis, et similes, non potest denuo ungi, nisi convalescit, et iterum in aliud vitae discrimen incidit. Quando autem est diuturna, si ille in eodem vitae periculo perduravit, nec potest quidem denuo inungi; secus autem si illud periculum evasit (non post quatuor aut 5. dies, sed post tempus notabile, ut communiter

dicunt Coninch. Suar. Wig. Bonac. Viva etc.), et deinde iterum in illud incidit; et hoc scite docet Bened. XIV. (2) posse licite practicari etiam in dubio (intellige positivo) quod mutatus sit status infirmi (3).

9. Notandum 3. quoad dispositionem animae, quod si infirmus sit in peccato mortali, debet esse saltem contritus putative, ut hoc Sacramentum muniat. Sed hoc intellige, si tempus non suppeteret confitendi; secus, ut recte advertit Busemb. debet prius Poenitentiae Sacramento muniri, tamquam magis necessario; unde fit quod iste casus sit moraliter impossibilis. Dumtaxat accidere posset, si infirmus esset sensibus destitutus. Caeterum, ut dicit Rit. et iuxta Ecclesiae usum, si tempus et infirmi qualitas id patitur, non debet Extrema-Unctio conferri nisi prius confessus sit, et communicaverit. Hoc tamen Sacramentum ante Viaticum sumere, aut omni culpa caret, aut ad summum esse veniale; Suar. Croix et Ben. XIV. (4).

10. Notandum 4. quod Extrema Unctio non est danda pueris ratione expertibus, ut dicit s. Thomas (5), et etiam Ritual. rom., quia in infantibus non potest verificari forma in qua exprimitur remissio peccati, non quidem originalis (cum hoc remissum sit), sed actualis: *Indulgeat tibi Dominus quicquid deliquisti*, etc. Contra sententia communior et probabilior est cum Laym. Nav. Suar. Val. Sa Escob. Spor. et Ben. XIV. (6) adversus Sot. Wig., etc. praebendam esse E.-U. pueris ratione pollentibus, licet non adhuc Communionis capacibus; dum in Rit. expresse dicitur: *Debet hoc Sacramentum infirmis praebere, qui ad usum rationis pervenerint.* Nec obstat s. Thomas loco cit. ubi dicit, *non debet dari pueris*; nam intellige rationis expertibus, dum ratio ibi a Sancto assignata alia non est, nisi quod ipsi sunt incapaces peccati actualis. An autem possint

(1) l. 6. n. 713. dubit. 3. (2) de Synod. l. 3. c. 8. n. 4. (3) l. 6. n. 715.

(4) n. 716. (5) suppl. q. 32. a. 4.

(6) de synod. l. 3. c. 8. n. 2.

hoc Sacramento inungi pueri, de quibus dubitatur an necne ad usum rationis pervenerint? Tres adsunt sententiae, sed probabilior mihi videtur illa de Lugo Escob. Dicast. etc. qui dicunt eos pueros ungendos esse sub conditione, cum sufficiat pro causa ne illi huius Sacramenti fructu priventur, si forte pervenerint iam ad illius capacitatem (1). Et idem dicendum de amentibus, de quibus dubitatur an unquam ratione praediti fuerint (2).

11. Notandum 5. non esse praebendam E.-U. perpetuo amentibus; dico *perpetuo*, quia si aliquod lucis intervallum habent, possunt recte inungi, ut docet s. Th.; imo dicit Rit. *Infirmis autem qui, dum sana mente essent, illud petierint, seu verosimiliter petiissent, seu dederint signa contritionis, etiamsi deinde loquelam amiserint, vel amentes effecti sint, vel delirent, aut non sentiant, nihilominus praebeatur*. Sed si suspicatur quod infirmus phrenesim patiens posset aliquid contra Sacramenti reverentiam committere, non est inungendus nisi (ait Rit.) *periculum tollatur omnino*. Hoc periculum tamen probabiliter dicit Tamb. potest removeri infirmum ligando aut efficiendo, ut ab aliis teneatur. Ebrii, qui iamiam morituri sunt, etiam inungendi sunt, ut dicunt Croix Gobat. et Lohner, modo non constet eos in peccato mortali existere, dum Rit. dicit: *Impoenitentibus, et qui in manifesto peccato mortali sunt; et excommunicatis penitus denegetur*. Dicunt tamen Con. Tamburin. Lohner et Croix, quod vulnerati in aliqua rixa sensibus destituti possunt sub conditione inungi, dum recte praesumi potest, quod in illo extremo statu eos peccatorum suorum poeniteat, si usus rationis in eis reperitur. Muti autem, surdi, et coeci a natiuitate procul dubio inungendi sunt etiam in sensibus, quibus privantur;

(1) l. 6. n. 719. (2) n. 732.

(3) supplem. quaest. 32. a. 7.

quia licet cum illis non peccassent externe, nihilominus potuerunt peccare cogitatione; ita communiter Posssev. Salm. Diana Praepos. etc. cum s. Carolo Borrom. et s. Thoma (3), quicquid dicant Croix et Gobat. (4).

12. Quaeritur hic an infirmus teneatur sub gravi ad suscipiendam Extremam-Unionem? Prima sententia affirmat cum s. Bonav. Soto Merbesio Ronc. Habert. et Conc., dicens verba apostoli, *inducat presbyteros*, importare praeceptum grave. Sed sententia communior negat cum Suar. Nav. Estii. Silv. Tamb. Cas r. Salm., etc., quibus adhaeret s. Thomas, qui dicit hoc Sacramentum non esse de *necessitate salutis*. Hoc non obstante, puto valde probabilem esse primam sententiam, et dico illam omnino infirmis suadendam non tantum ratione praecepti, cum de illo saltem non constat utrum obliget sub gravi, an sub levi; quantum ratione charitatis, quam moribundus erga seipsum exercere debet; licet enim posset ille aliis muniri mediis, cum tamen in eo statu reperitur, ex una parte debilis est, ut bonis actibus mentis suae sibi prospicere possit; ex alia parte (ut dicit Trident.) tunc daemonis insidiae sunt vehementiores; unde videtur se exponere magno periculo tentationibus succumbendi, qui hoc Sacramento praemuniri negligit, quod Iesus Christus instituit hoc fine, ut robur conferat ad resistendum diabolo in illo extremo agone. Omnes autem conveniunt quod per accidens potest infirmus sub gravi ad hoc teneri, v. g. si ille non posset aliud suscipere Sacramentum, et existeret in mortali, aut si secus induceret alios ad credendum se esse haereticum, aut hoc Sacramentum contemnere. Et certum est etiam talem contemptum esse gravem, quando est formalis. Formalis tamen intelligitur, ut dicunt communiter Suar. Castrop. Salm., etc. contra Merb., non quando infirmus recusaret hoc Sa-

(4) lib. 6. n. 732.

cramento inungi, ex aliqua repugnantia, aut negligentia, sed quando proprie omitteret, quia parvi illud ducit. Hoc confirmatur ex Bulla Martini V. ubi dicitur: *Hoc Sacramentum neque negligi sine culpa, nec contemni posse sine peccato mortali.* Et vide quod hic recte notatur contemptum importare culpam gravem, negligentiam vero levem (1).

13. V. Denique quoad administrationem huius Sacramenti notandum primo, quod, iuxta Rituale, sacerdos debet instruere mensam tobalea alba desuper cum vase, in qua septem gossipii globi prompti sint ad abstergendas partes unctas: candela ex cera, cuius lumen inservire debet dum inungitur. Ex Ecclesia vero secum deferat saltem clericum unum, qui afferat crucem (sed sine hasta), aquam benedictam cum aspersorio, et Rituali; et ipse sacerdos sine sonitu campanulae deferat decenter vas olei clausum in bursa serica violacei coloris collo, ut nunc mos est, suspensa; et si iter esset longum potest sacerdos super equo sedens sacram unctionem deferre. Advertit Rituale, quod si infirmus peracta confessione sit proximus morti, tunc idem sacerdos qui deferat Viaticum, potest etiam deferre oleum sanctum. Sed si potest haberi alius sacerdos, aut diaconus, qui oleum sanctum deferat, per ipsum deferatur, qui superpelliceo indutus sacerdotem Viaticum portantem sequatur. Notandum 2. esse peccatum mortale ministrare E-U. sine superpelliceo et stola. An autem ab hoc excuset necessitas, negant Suar. Castr. et Bonac.; nam (ut dicunt) reverentia Sacramenti praeferenda est utilitati privatae. Sed hoc non obstante, probabiliter affirmant Possev. Croix Escob. Quintan. Diana et Leand. in casu quo infirmus aliter sine Sacramento esset decessurus, dum non praesumitur Dominus ob sacrarum vestium deficientiam vello infirmum privari tanto auxilio (2). Ita etiam

(1) l. 6. n. 733. (2) n. 726.

Homo Apostolicus

grave est, ex se loquendo, omittere orationes praescriptas a Rituali, ut omnes fatentur; intelligitur etiam extra necessitatem, quia si adest periculum mortis imminens, dicit Rituale ut infirmus cito ungatur, et deinde si supervivat, dicantur orationes praetermissae. Intelligitur item de orationibus quas dicere debet sacerdos; nam Psalmi poenitentiales, et Litaniae cum precibus sequentibus dicendae sunt ab assistantibus dum inungitur infirmus; probabilius (contra alios) dicit Tamb. quod sint tantum de consilio. Rituale enim non praecipit eas recitandas, sed tantum ibi dicitur: *Dum infirmi sacro liniuntur oleo, dicuntur flexis genibus ab assistantibus, etc.* (3). Notandum 3. non esse grave deferre oleum, aut administrare illud sine lumine; ita Barbos. Possev. Quintanad. Escob. etc., aut sine ministro; imo de hoc dicunt Bon. Escob. Possev., etc. nullum esse peccatum: sed ego puto non vacare culpa, dum dicit Rituale: *convocatis clericis, saltem uno: hinc extra necessitatem esset veniale ungere sine ministro, ut dicunt Tolet Dicast. Graff. etc.*; sic etiam veniale esset conferre hoc Sacramentum omissis crucibus inter ungendum (4). Advertendum denique quod tempore interdicti vstitutum est praebere hoc Sacramentum, ex cap. Quod in te, Poenit.

CAPUT II.

DE SACRAMENTO ORDINIS

14. *An quilibet ex septem Ordinibus sit Sacramentum.*
15. *An materiae, et formae Sacramentorum sint in specie a Christo Domino determinatae.*
16. *Quae sit materia Ordinis, an manuum impositio, aut instrumentorum traditio.*

De caeteris ad Ordinem spectantibus sermo erit in examine Ordinandum.

14. De doctrinis ad hoc Sacramentum spectantibus loquimur in App.
3. de examine Ordinandum in ca (3) n. 727. (4) n. 728.

pitibus 2. et 5. Hic tantum breviter discutiemus tres celebres quaestiones quae super hanc materiam agitantur. Prima quaestio est an quilibet ex septem Ordinibus sit Sacramentum? Quatuor circumferuntur sententiae.

1. affirmat universaliter, ut Bellarm. Gonet. Sanch. Salm., et huius sententiae est s. Thomas (1). Ratio unica huius sententiae est Decr. Eugenii IV. ad Armenos, ubi dicitur quod materia Ordinis est illa, cuius traditione confertur Ordo, et deinde singulis septem Ordinibus assignat materiam propriam. Nec obstat quod minister ordinationis sit solus Episcopus, ut dicitur in Trident. *Sess.* 23. *cap.* 3. et 8.; nam respondent hoc intelligi de ministro ordinario, sed non de extraordinario, quem Papa assignare potest ad conferendos Ordines. 2. Sententia cum Caiet. et Durando, dicit solum sacerdotium esse Sacramentum; sed haec sententia est singularis et improbabilis; dum non est dubitandum quin diaconatus sit Sacramentum, siquidem in illius ordinatione habentur illa tria requisita ad constituendum Sacramentum, nempe 1. signum sensibile, quod est manuum impositio. 2. Institutio divina, nam Conc. docet in Ecclesia adesse hierarchiam a Deo institutam ex Episcopis, sacerdotibus et ministris, et nomine ministrorum solum debent intelligi diaconi. 3. Promissio gratiae significatae per verba Episcopi: *Accipe Spiritum Sanctum ad robur*, quae habentur pro forma. III. Sententia cum Soto Nav. et Vasq. praetendit omnes Ordines maiores esse Sacramentum. IV. Sententia nobis probabilior cum Gratiano Petro Lombardo Morin. Estio Tourn. Cabassut. Herbert, et aliis affirmat sacerdotium et diaconatum dumtaxat esse Sacramenta. Probat 1. haec sententia, quia si essent Sacramenta caeteri Ordines, praeter sacerdotium et diaconatum, non possent illi ab Abbatibus

conferri, sicut iam conferuntur, cum unus minister ordinis Sacramenti non possit esse alius quam Episcopus, ut probat Tourn. (2) dicens quod ad ordinationem ex institutione divina necessario requiritur in ministro character episcopalis; et subiungit hoc probari ex traditione, quia nunquam concessa est, quacumque urgente necessitate, aliis quam Episcopis, facultas ordinandi presbyteros et diaconos. Et respondetur ad quoddam privilegium quod asseritur ab Innoc. VIII. concessum fuisse Cisterciensibus, ut possent conferre tales Ordines, quod illud est valde dubium: et licet fuisset certum, fuit tamen illud idem interpretatum a S. C. Concilii, et etiam a Clemente VIII. intelligi pro facultate non ordinandi, sed concedendi dimissorias. Probat 2. quia in aliis Ordinibus desideratur materia, nempe impositio manuum quae est unica materia huius Sacramenti, ut dicemus in quaestione 3.; et desideratur etiam forma: cum in collatione caeterorum Ordinum non reperiatur forma aliqua significans gratiae productionem, sed tantum fiat mentio potestatis, sive officii quod ordinatis confertur. Ad Decretum Eugenii respondetur quod materiae caeterorum Ordinum non sunt a Pontifice assignatae uti essentiales, sed tantum uti accidentales, ad explicandam potestatem, quae recipitur (3). Ex hac sententia infert Bened. XIV. (4) non posse damnari certi sacrilegii illos, qui promoventur ad Ordines diaconatu inferiores cum conscientia peccati mortalis.

15. Secunda quaestio est an materiae et formae Sacramentorum (et praesertim Ordinis) sint omnes in specie determinatae a Christo Iesu? Prima sententia negat cum s. Bonavent. Bellar. Valent. Morin. Lugo Salm.; etc. Unica ratio istorum est, quia secus non possent diversae esse materiae et formae Sacramentorum

(1) suppl. q. 37. a. 2. ad 1. et 3.

(2) de ord. q. 4. a. 2. conclus. 2.

(3) l. 6. n. 736. et 737.

(4) de syn. l. 8. c. 9. n. 12.

in Ecclesiis graeca et latina, ut praesertim est in Sacramento Ordinis, dum in graeca sacerdotium et diaconatus conferuntur per solam manuum impositionem, sed in latina praeter impositionem requiritur traditio instrumentorum, sicut expressum est in Decreto Eugenii IV. ut superius dictum est. Quapropter asserunt quod quoad Baptismum et Eucharistiam, Iesus Christus in specie instituit tam materias, quam formas; sed circa alia Sacramenta, eas instituit tantum in genere, relinquendo Ecclesiae facultatem determinandi eas in specie, adhibendo eas res et verba, quae exprimerent Sacramenti effectum. Haec sententia est probabilis; sed probabilior est opposita, quae dicit materias et formas omnium Sacramentorum fuisse in specie determinatas a Domino: ita Merbes. Herbert Iuvenin. Tournely Petrocor. Concina, et alii multi cum s. Thoma (1), qui non potest negari fuisse pro hac sententia, dum dicit: *Quia ergo sanctificatio hominis est in potestate Dei sanctificantis, non pertinet ad hominem suo iudicio assumere res quibus sanctificetur: sed hoc debet esse ex divina institutione determinatum. Et ideo in Sacramentis novae legis, quibus homines sanctificantur, oportet uti rebus ex divina institutione determinatis.* Huic sententiae adhaeret Bened. XIV. (2), qui dicit nullum haberi fundamentum, unde probetur haec potestas fuisse a Christo Iesu Ecclesiae concessa, imo probatur oppositum ex Trident. sess. 21. cap. 2. ubi dicitur Ecclesiam nihil posse circa substantiam, sed tantum circa administrationem Sacramentorum. Quoad autem diversitatem Ecclesiae graecae et latinae, respondetur quod traditio instrumentorum non habetur pro materia essentiali, sed accidentali, licet integrali. Et Decreto Eugenii respondemus cum Merbes. Tourn. et Conc. quod Pontifex non iam deter-

(1) 3. p. q. 60. a. 5. (2) de syn. l. 8. c. 10. n. 10. (3) l. 6. n. 12.

minavit materias essentielles Ordinis, sed tantummodo instruere voluit Armenos circa ritum Ecclesiae romanae, cum quae cupiebant uniri. Nec valet dicere quod Eugenius non loquebatur de ritu, sed de materia; quia respondetur quod si hoc verum esset, sequeretur certum esse quemlibet Ordinem etiam minorem, cui sigillatim Papa designavit materiam, esse Sacramentum; sed hanc certitudinem etiam ipsimet adversarii negant (3).

16. Tertia quaestio est, quaeenam sit materia sacerdotii, an sola impositio manuum, an etiam instrumentorum traditio, et quaeenam sit forma? Tres adsunt sententiae: 1. quae est Fagnan. Sot. et aliorum paucorum, vult materiam esse solam traditionem instrumentorum, quae Episcopus tradit ordinando, et formam esse verba, *Accipe potestatem offerendi sacrificium, etc.*, et hac sola materia, et forma dicit tradi potestatem, tam sacrificandi, quam a peccatis absolvendi. Momentum totale desumunt ex Decr. Eugenii IV. ubi dicitur: *Ordo presbyteratus traditur per calicis cum vino, et patenae cum pane porrectionem.* Sed haec sententia communiter ab aliis dd. non recepta est II. Sententia est Bellarm. Estii Scot. Layman. Salm. Coninc. Holzm. Vasq. etc., quae vult in ordinatione sacerdotii duplicem esse materiam essentialem, dicendo per traditionem instrumentorum dari potestatem super Corpus Christi reale, nempe sacrificandi, cum forma, *Accipe potestatem*; et per impositionem manuum tradi potestatem super Corpus Christi mysticum, nempe absolvendi a peccatis cum forma, *Accipe Spiritum Sanctum; quorum remisit peccata, remittuntur eis.* III. Sententia quam tenent Martene Becan. Tourn. Iuvenin. Petrocor. Conc. et alii cum s. Bonav. cui adhaeret Bened. XIV. (4) vult utramque potestatem sacerdoti conferri per secundam impositionem manuum, nempe cum Episcopus exten-

(4) de Syn. l. 8. c. 10. n. 6.

dit manus super ordinandum una cum presbyteris assistentibus, sicut declaratur a Trid. sess. 14. c. 3. de Extr. Unct., ubi dicitur quod ministri Extr. Unct. sunt aut *Episcopi, aut sacerdotes ab ipsis rite ordinati per impositionem manuum presbyterii*. Probatur haec sententia, 1. ex Trid. sess. 23. c. 2., nempe quod ex Scripturis satis docemur nos ea, quae maxime attendenda sunt in ordinatione sacerdotum, et diaconorum; sed ex Scripturis nihil aliud assignatum habemus pro materia Sacramenti Ordinis, quam manuum impositionem: dicendum igitur est praeter impositionem nihil aliud in ordinatione esse de necessitate essentiali. Probatur 2. ex ritu graeco, quo ordinantur (ut dictum est) sola manuum impositione; cum valor Sacramentorum essentialiter dependeat ex materiis et formis a Iesu Christo institutis. Accedit etiam quod notat Bened. XIV. loc. cit. cum Martene, quod traditio instrumentorum non prius in Ecclesiam invecata est,

quam a saeculo VIII. vel IX. Ad hoc aa. adversarii nihil quod respondeant habent, nisi quod relatum est in quaestione secunda, nempe quod a Domino relicta sit Ecclesiae potestas determinandi in specie materias, et formas Sacramentorum; sed ad hoc iam ibi satisfactum est. Quae nam autem sit forma iuxta hanc tertiam sententiam, alii dicunt esse verba, *Accipe potestatem, etc.* Sed forte probabilius dicunt Morin. et Tourn. esse orationem quam recitat Episcopus in praefata impositione; et verba quae recitat in fine in tertia manuum impositione, *Accipe spiritum*, esse dicunt tantum declarativa *Spiritus Sancti* iam accepti. Haec tertia sententia est probabilior, sed quia secunda etiam est probabilis, saltem extrinsece, ideo illa in praxi sequenda (1). Caetera spectantia ad hoc Sacramentum, iam dictum est a principio quod notantur in *examine Ordinandorum*.

TRACTATUS XVIII. DE SACRAMENTO MATRIMONII

CAPUT I. DE SPONSALIBUS

PUNCTUM I.

De natura sponsalium

1. *Definitio sponsalium.* An pueri ante septennium, etc. Qui promittit sine animo se obligandi, aut adimplendi. Qui dolo aut errore, etc.
2. Si conditio dederit causam contractui.
3. De sponsalibus metu initis.
4. An promissio debeat esse mutua?
5. An externata signis? Quid si promittit pater pro filio praesente: et quid si pro absente.
6. An in dubio favendum sit libertati. Qui promittit in futurum, etc. Quid si mittitur annulus, etc. An requiratur dispensatio, etc.
7. De impuberibus, etc. De tactibus inter sponsores.

1. Sponsalia definiuntur: *Promis-*

sio voluntaria et deliberata, et mutua, signo sensibili expressa futuri matrimonii inter personas habiles. Dicitur 1. *Promissio*, quia solum propositum non externatum, nec acceptatum, certe non obligat (2): Dicitur 2. *voluntaria et deliberata*, nam ad inducendam obligationem gravem, quam secum inducit promissio sponsalitia, requiritur spontanea, et plena deliberatio. Ex quo deducitur 1. quod nemo potest teneri ad sponsalia, nisi constet de suo perfecto rationis usu; sed si constat utique ille remanet obligatus, licet esset puer, qui adhuc non explevit septennium, iuxta probabiliorum, et communiorum sententiam Sanch. Coninc. Bonac. Salmant. etc. contra Palaum et alios, modo

(1) l. 6. n. 749. (2) n. 831.

(intelligi debet) huiusmodi puer comprehendat aliquo modo onera, quae secum affert status coniugalis. Deducitur 2. quod non remanet obligatus qui promittit sine animo contrahendi, aut sine animo se obligandi, licet cognosceret obligationem quae ex sponsalibus oritur, ut probabilius dicunt Sanch. Pal. Laym. Less. Salm. Mazz. etc. contra Pontium Sot. Vivam etc. quia quando obligatio oritur ex propria voluntate, ubi deest voluntas, deest etiam obligatio. Et hoc valet etiamsi promissio sit iurata, ut recte dicunt s. Bonaventura s. Antonin. Sanchez Palaus Salmant. Bon. cum s. Thoma, quia iuramentum sequitur naturam promissionis (1). Secus vero dicendum, si adfuisse defloratio cum ficta promissione, ut dictum fuit *Tr. 10. n. 93.*, cum de restitutione locuti fuimus (2). Qui promittit sine animo contrahendi, at cum animo se obligandi, iste certe remanet obligatus, licet a principio ei deesset animus promissionem exequendi (3). Deducitur 3. quod non remanet obligatus qui promittit inductus vi, aut dolo alterius, aut errore circa substantiam, aut circa conditionem substantialem, ut esset cum ille expresse promitteret sub illa particulari conditione: quod caeteroquin est commune cum caeteris contractibus: vide dicta *Tr. 10. n. 124.*

2. Quæritur 1. an valeant sponsalia, cum dolus aut error sit circa aliquam conditionem, non iam substantialem, sed accidentalem, sed eam quae causam contractui ita dedit, ut sine illa sponsus non contraxisset? Plures dd. dicunt sponsalia tunc irrita esse; sed nos oppositum ut probabilius tenuimus (4); vide dicta *Tr. 10. n. 124.* ubi diximus etiam quod pars decepta habet ceteroquin actionem ad rescindendum contractum, licet deceptio evenisset ab aliquo tertio, inscia parte, ut docet

Sanch. cum Covar. et aliis; imo probabiliter dicunt Less. Laym. Spor. et Viva, quod si res integra est (ut evenit in simplicibus sponsalibus), et error sit invincibilis, in conscientia deceptus non tenetur stare contractui, ne iudicis quidem post sententiam (5). An autem stando primae sententiae, nempe quod talis contractus dolo dante causam contractui sit ex se irritus, eo casu etiam decipiens liber extet a sua obligatione? negamus iuxta probabiliorum cum de Lug. Pal. Less. Laym. etc. contra Sanch. Pontium etc. ex generali ratione quod nemini patrocinari debet fraus sua (6).

3. Quæritur 2. an sponsalia contracta metu iniusto, gravi et ab extrinseco sint ex se invalida? Alii ut Coninch. Dicast. Viva etc. dicunt non esse irrita, sed irritanda arbitrio partis, quae metum passa est, sicut dictum est de omnibus aliis contractibus *Tr. 10. n. 125.* Sed sententia probabilior et communissima cum Sanch. Pontio Laym. Bonac. Azor. Sa Bec. Boss. Salmant. etc. contendit esse omnino irrita, quia sponsalia sequuntur naturam matrimonii, quod certe nullum est, dum metu contrahitur; ideoque sicut nemo tenetur huiusmodi matrimonium contrahere; ita nec potest teneri sponsalibus quae sunt medium ad matrimonium. Unde fit quod ex talibus sponsalibus nullum oritur publicae honestatis impedimentum (7). Dictum est tamen 1. si metus est *iniustus*, quia si esset iustus, sicut est validum matrimonium (prout dicemus postea), ita sunt valida etiam sponsalia (8). Dictum est 2. si metas sit *gravis*: si enim metus est levis, obligant sponsalia iuxta sententiam probabiliorum et communiorum Bonac. Pont. Medin. Salm. Croix Viva Mazzot. etc. (contra Nav. Less. Ronc. etc.), dum iudicatur sponte contrahere ille, qui cum possit metum repellere, cum ille sit levis, non respuit (9). Exci-

(1) l. 6. n. 833. (2) n. 832. (3) n. 833.

(4) n. 835. (5) ibid. (6) n. 835. v. an

pitur tamen, si talis metus, licet levis, dederit causam contractui, ut probabiliter dicunt Laym. Sanchez Bonac. Wigandt Salm. Croix Lugo Azor. adversus Pontium Vivam etc. Tanto magis hoc currit, si qui passus est metum huiusmodi levem, tamquam gravem apprehendisset (1). Dictum est 3. *ab extrinseco*, quia si fuisset ab intrinseco (v. g. si quis promitteret, timens ne cogeretur ad solvendum debitum, aut ne in carceres coniceretur) tunc iste tenetur ad sponsalia (2).

4. Dicitur 3. quod promissio sponsalium debet esse *mutua*. Hinc si alter sponsorum promittit, alter vero non, neuter eorum remanet obligatus; praeterquam si pars promittens vellet se obligare independentem ab alterius promissione; sed in eo casu non teneretur illa vi sponsalium, sed vi simplicis promissionis (3), quae iuxta opinionem probabilem innixam auctoritate s. Thomae (ut dictum est *Tr. 10. n. 127.*), cum obliget tantum ratione fidelitatis, non obligat sub gravi. Sed hic quaeritur 1. an quis possit se obligare sponsalibus sub gravi cum vera promissione sponsalitia, independentem ab obligatione alterius partis? Negant Pont. Vasq. et Conc.; sed communior et probabilior est sententia opposita Sanch. Laym. Bon. Coninc. Sporer Salm. etc. (4). Quaeritur 2. an pars non repromittens, sed solum acceptans alterius promissionem sponsalium intelligatur se obligasse? Affirmant Pont. s. Ant. Silv. etc.; sed probabilior negant Sanch. Bonac. Laym. Conin. Sot. Castrop. Salm., etc., quia recte potest stare promissio unius sine repromissione alterius: nec acceptatio includit repromissionem, cum possit iam aliquis acceptare alterius obligationem, quin seipsum obliget (5). Advertendum tamen est (ut probabiliter dicunt Spor. et Tamb.) plerum-

que sponso non intenderet se obligare, nisi sub conditione, ut altera pars etiam se obliget (6).

5. Dicitur 4. *signo sensibili expressa*; quia non sufficit ad se obligandum taciturnitas sponsorum. Excipitur casus, si pater aut mater pro filio, aut filia praesente et tacente promitteret, ut habetur ex *cap. un. § fin. de Despons. impub.* ubi dicitur: *Porro ex sponsalibus quae parentes pro filiis puberibus vel impuberibus plerumque contrahunt, ipsi filii si expresse consenserint, vel tacite, et praesentes fuerint, nec contradixerint, obligantur* (7). Advertendum tamen 1. hoc habere locum quoad forum externum, sed quoad conscientiam filius non tenetur sponsalibus si interne dissentit, ut dicunt Bonac. Ronc. Holzm. et Anacl. Et idem puto dicendum, si filius nec assentit, nec dissentit, sed negative se habet; dum ad contrahendam aliquam obligationem requiritur positivus consensus. Nec obstat verbum textus *obligantur*: quia intelligi debet, (ut recte dicunt Bonac. et Salm.) quoties adest consensus internus (8). Advertendum 2. hoc procedere solum in casu quo promittunt parentes, non autem si promittunt alii, licet sint tutores, aut curatores: quia praefata legis dispositio tantum comprehendit parentes, qui pro filiis promittunt (9). Si tamen huiusmodi parentes promittunt pro filio absente, alii dd. ut Sanch. Pont. Ronc. Escob. Boss. etc. dicunt non sufficere filium certiore factum promissioni non contradicere, sed amplius requiri, ut ratificet medio aliquo signo expresso, aut tacito. Haec sententia est probabilis; sed probabilior est opposita Bonacinae Palud. Castr. Conc. Sot. Salm. Sporer etc. quae affirmat sufficere taciturnitatem filii absentis; et huius sententiae est etiam s. Thomas (10) qui dicit: *Robur habent (sponsalia) in quantum illi, inter quos contrahuntur, ad ae-*

(1) 1. 6. n. 844. quaer. 3. (2) n. 1053.
(3) n. 836. (4) n. 837. (5) n. 836.
quaer. 1. (6) n. 837. in fin. (7) n. 838.

(8) ib. v. id tamen. (9) n. 838. et 839.
(10) in 4. dist. 27. q. 2. ad 1.

tatem debitam venientes non reclamant, et intelliguntur consentire quae per alios facta sunt. Et probatur etiam ex cit. cap. un. de Despons. in 6. ubi dicitur: Et est idem, si filii tempore sponsaliorum absentes, et etiam ignorantes eadem sponsalia, post scienter ratificaverunt tacite, vel expresse. Expresse intelligitur externe consentiente, tacite intelligitur non contradicente, ideoque dicitur ibi, Et idem est: in tantum dicitur ratificaverunt, quia agitur de re nomine alterius acta. Notant tamen Castrop. et Conninc. non sufficere, si filius casu sciat sponsalia a parente celebrata, et non contradicat: sed amplius requiritur ut parens per se, aut per alium eum certiores faciat (1).

6. Hic quaeritur 1. an in dubio verborum aut signi promissionis sponsalium, sit potius favendum matrimonio, an libertati? Alii dicunt matrimonio, sed probabilius (ut dicit Viva) favendum est libertati (2). Quaeritur 2. an teneretur vi sponsalium qui diceret: *Non ducam aliam nisi te?* Quicquid dicant alii, verior sententia est et valde communior Laym. Castrop. Sanch. Escob. Boss. Holzm. Salm. Anacl., quae docet istum non posse aliam ducere uxorem, sed non teneri ad illam ducendam. Teneretur tamen, ut dicunt Pontius Viva et Perez, si verba essent de praesenti: *Nolo aliam nisi te* (3). Mittre annulum aut alia dona sponsalitia non inducunt sponsalium obligationem, nisi is esset regionis mos, ut docent communiter Sanch. Castrop. Conc. Bossius Busemb. etc. aut nisi praecessisset promissio alterius partis, et altera acceptasset annulum ab illa missum, ut communiter Castr. Busemb. Escob. Sanch. Silvest. Holzm. et alii; aut si missus fuerit a parentibus cum illius consensu, ut recte subiungunt Sanchez Castrop. Boss. Mol. etc. Sponsalia autem celebrata inter eos qui aliquo tenentur impedimento, sub

(1) l. 6. n. 839. dnb. 2 (2) n. 840. v. quando. (3) n. 842. (4) n. 843.

conditione, si Papa dispensat, licet non sint valida, obligant tamen ad expectandum usque dum exitus videtur dispensationis, si ipsa de facili obtineri possit (4). Vide dicenda seq. punct. 3. n. 15. in fine.

7. Dicitur 5. et demum, inter personas habiles; hoc intelligitur quod non valeant sponsalia, si deest sponsalis aetas praescripta, aut si inter eos aliquod subsit impedimentum (5). Hic notandum 1. promissionem matrimonii per verba de praesenti inter impuberes valere pro sponsalibus; secus de puberibus, qui clandestine contraherent, nempe sine parrocho, et testibus; quia cum invalidus sit contractus ex se, dum ei obstat lex Tridentini, ille nullam parit obligationem. Intelligitur hoc tamen pro locis ubi Trident. receptum est, nam pro aliis locis sponsalia inita verbis aut signis de praesenti (puta copula affectu maritali exhibita), transeunt in matrimonium (6). Notandum 2. inter sponsores non solum esse mortales actus impudicos, sed etiam pudicos, quoties aut id fiunt ut delectatio sensibilis habeatur, eodem modo, ac sunt mortalia inter solutos, ut dictum est Tr. 9. n. 2.; nullus enim sponsorum (quicquid dicant alii) acquirit ius ad alterius corpus; unde sicut sponsis vetita est copula, ita etiam tactus, qui ideo permittitur, in quantum sunt ad illam ordinati; ita recte docent Lessius Bonac. Ronc. Conc. Suar. Viva Croix Mazot. et alii plures. Vix sponsis permitti possunt (ut dicunt La Croix Viva et alii) oscula illa, vel amplexus, quos mos patriae permittit, modo non sint pressi, neque per notabile tempus protracti. Nec practice probabilis est opinio illorum aa. dicentium licitos esse sponsis tactus pudicos, si ipsi non intendunt delectationem veneream, sed solam sensibilem; in hoc enim ordinarie adest periculum incidendi in veneream tam sensibili propinquam, aut saltem in

(5) n. 840. (6) n. 853. in fin

prava desideria progrediendi ad veneream (1). Et sic etiam sub gravi prohibitum est sponsis se delectari de copula futura; cum illa ipsis in praesenti statu actualiter sit vetita (2). Vide dicta Tr. 3. n. 51.

PUNCTUM II.

De sponsalium obligatione.

8. *Quomodo, et quando sponsalia sint exequenda.*
9. *Quid si unus promittit duabus mulieribus.*
10. *An filius possit insciis parentibus se obligare.*
11. *Qui a sponsalibus recedit, etc. Et de poena apposita recedenti.*
12. *An debeatur legatum relictum sub conditione, si nubat, etc. aut si non nubat.*

8. Sponsalia obligant certe sub gravi ad contrahendum matrimonium: et si non est praefixum tempus, obligant statim, iuxta sententiam veriorum Pontii Castrop. Ronc. Conc. Coninch. Salmant. etc. contra Sanchez Nav. Holzman etc. qui contendunt non obligare, nisi cum pars instat; sed ratio nostra est, quia omnes obligationes, ubi terminus praefixus non est, debent quamprimum adimpleri, ut exprimitur in *L. eum qui, § Quoties, ff. de verb. oblig.* ubi dicitur: *Quod sine termino praefixo debetur, statim debetur.* Probabiliter tamen dicunt Castrop. Coninch. Salm. etc., quod in casu quo altera pars commodè posset pro matrimonio contrahendo instare, et taceret, tunc prudenter potest iudicari consentire illam dilationi (3). Hoc valet quoad partes, sed quoad iudicem, recte docent Sanchez cum s. Bonaventura s. Antonin. Navar. Concina Castrop. Holzm. Roncagl. Salm. et aliis communiter, quod ille non debet eos cogere ad matrimonium, si ex eo timeatur scandala, aut rixae, ut exprimitur in *cap. 10. de Sponsalib.* ubi dicitur: *Ecclesiastica censura compellat, nisi rationabilis causa obsti-*

(1) l. 6. n. 854 (2) ib. in fin.

(3) n. 845. v. quacur. igitur.

terit. Et ita declaravit etiam S. C. Et in dubio semper satius erit, ut dicunt Bus. Tamb. et Concina, evitare damna talis matrimonii, quam evitare damnum partis; unde si unquam pars renitens ideo excommunicata fuit, expedit ut iudex eam absolvat, quoties timetur ne futurum sit, ut huiusmodi nuptiae malum exitum habeant (4).

9. Notandum 1. quod si quis sponsalia cum duabus contrahit, et secunda conscia erat sponsalium, quae cum prima inita erant; matrimonium cum prima erit contrahendum. Si vero erat inscia, aliqui dd. dicunt quod in casu quo copula intercessisset cum secunda, sponsus hanc ducere debet; sed communius et probabilius dicunt Nav. Sanch. Led. Bon. Ronc. Elbel, Laym. Soto, Holzm. Anacl. Croix, etc. in omni casu ducendam esse primam, quia promissio facta secundae semper nulla est, et de re illicita, cum iam promissa fuerit priori sponsae, ideoque non tenet, licet iuramento firmata fuisset. An autem cum intercesserit copula cum secunda, debeat prior cedere ex aequitate? Alii affirmant; sed non improbabilius Holzm. Anacl. Gutt. et Pichler, sentiunt ne teneri quidem ad hoc primam, dum secunda sponsa imbecillitati suae imputare debet incommo- dum talis damni (5).

10. Notandum 2. sponsalia inita a filiis, insciis parentibus, certe esse valida, ut declaravit Trid. sess. 24. cap. 1. de Ref. matrim. contra Lutherum, et Bucerum. Celebris illa quaestio est, an peccet graviter filius, qui invitis parentibus, matrimonium contrahit? In hoc quatuor ad sunt sententiae. Prima dicit peccare graviter, sive contrahit insciis, sive invitis parentibus; et hoc ratione gravium scandalorum et damnorum quae caeteroquin ex huiusmodi matrimoniis oritura sunt; ita Pontius, Sylvius, Nav. Mol. Conc. Petrocor. et Ronc. Secunda autem sententia dicit filium

(4) n. 846. (5) n. 368.

teneri sub gravi obligatione parentes certiores facere, et etiam consilium accipere, alioquin eis gravem interret iniuriam; sed non teneri postea eorum consilio stare, cum non teneantur filii, iuxta id quod docet s. Thomas (1), parentibus parere in iis quae ad matrimonium spectant, cum in id totalis requiratur libertas; ita Vasq. Sanch. Barb. Laym. Bonac. Filliuc. Viv., etc. *Tertia* sententia dicit, quod quoties matrimonium non affert dedecus familiae, et non adsit causa ob quam parentes iuste contradicant, filius non peccat graviter si uxorem ducit, aut nubit insciis parentibus; cum enim ille non teneatur eorum stare consilio, consequens est non posse esse gravem illius obligationem, ut eos consulat; ita Cast. Bossius, Holz. Salm. Pichler, Elbel. Covar. Renzi, Led. Vict. Henr. Spor. Aver. Dicast., etc. *Quarta* sententia quasi cohaerens cum tertia distinguit, et dicit: Si parentes iuste vant filio aliquod matrimonium particulare, puta quia esset illud dedecori, aut scandalo familiae, tunc filius peccaret graviter, si illud contraheret. Et in casu quo esset dedecori familiae, ille non tenetur sponsalibus contractis, etiam iuratis, licet sponsam deflorasset, cum sufficiat tunc si tantum illam dotet, si potest; cum iustitia non possit obligare ad actum qui sine peccato executioni mandari nequit. Secus autem dicunt, si pater sine iusta causa impediret matrimonium; ita Laym. Delb. et Aversa (2). Caeterum omnes conveniunt communiter dd. ad excusandum filium in casibus sequentibus: nimirum 1. si pater iniuste vetaret status coniugalis electionem, et filius esset in periculo incontinentiae. 2. Si filius iniuste a parentibus vexaretur. 3. Si pater longe abesset, et filius posset prudenter praesumere eius consensum. 4. Si pater impediret matrimonium suo statui conveniens, nam cum

in tali casu peccaret pater, non teneretur filius ei obedire, ut communiter dicunt Sanch. p. Sotus, Cordub. Boss. Gutt. Rebel. Viva, etc. 5. Si pater vellet filio uxorem indignam, infirmam, aut pravae conditionis dare (3). Queritur autem hic, an filius teneatur obedire parenti, qui iubet eum statum matrimoniale inire, aut uxorem a qua ipse abhorret, ducere? Plerumque ab omnibus negatur; sed Laym. Sanch. Bellarm. Sot. Petrocor. Croix, Bossius, et alii communiter excipiunt, si ob tale matrimonium gravis inimicitia dirimenda esset, aut parentes a magna paupertate per illud essent sublevandi; sed hoc intelligitur, quoties filio status matrimonialis esset assumendus; intelligi etiam debet, quoties illi non esset horrorvalde intolerabilis erga illam mulierem; charitas enim neminem potest obligare ad tantum, ut ei vivendum esset totam vitam suam cum uxore quam notabiliter horreret (4).

11. Notandum 3. partem, quae voluntarie a sponsalibus promissis recedit, amittere arrhas sponsalitates, et teneri amplius acceptas restituere cum refectione omnium damnorum, quae ab hoc suo recessu emanant. Quocirca advertendum esse illicitam et invalidam promissionem poenae quae apponeretur in sponsalibus in recedentem, uti constat ex *c. Gemma de spons.* ubi haec habentur: *Cum itaque libera matrimonia esse debeant, et ideo talis stipulatio propter poenae interpositionem sit merito improbanda*, etc. Itaque in tali casu, qui recedit non tenetur ad praefatae poenae solutionem, licet promissionem iuramento obfirmasset (5). Et si poena unquam soluta sit, qui eam exigit, tenetur ad restituendum, uti sentit probabilior opinio Castrop. Soti, Boss. Guttier. Hurtad. Salm., etc. adversus Sanch. Less. Escob. Mol. et alios, quia illi nullus titulus est, quo eam sibi retineat; dum lex omnino irritat talem promissionem, ut ex-

(1) 2. 2. q. 104. a. 5. (2) l. 6. n. 849.
(3) ib. v. conveniunt. (4) n. 850.

(5) n. 853. quaer. 2.

pressum est in *L. fin. c. de Sponsal.* ubi dicitur: promissio poenae ex utraque parte nullas vires habebit (1). Hoc tamen currit quando poena apponitur a sponsis, aut a sibi coniunctis, aut amicis, secus autem, si ab extraneo, ut notant communiter San. Castr. Salm., etc. (2). Insuper currit, si pars iuste recedit; sed si iniuste repugnat matrimonium inire, licet sit probabilis sententia Sanch. Bonac. Boss. Conc. Becan., etc. ne teneri quidem ad eam poenam, quia secus matrimonii libertas etiam aliquam pateretur laesionem; attamen probabilior est opposita Pontii, Lay. Castropal. Suar. Vasq. Salm. Anacl. Ronc. Holz. etc., quia praefata poenae promissio non est prohibita neque iure naturali, nec positivo: non quidem naturali, cum aequum sit subici poenae eum qui iniuste recedit; libertas autem quae in matrimonio requiritur, est libertas rationalis, non irrationalis; alias nunquam posset iudex censuris, aut carceribus cogere sponso ad contrahendum: nec positivo, nam (sicut affert Pontius) in *Novella* 18. expresse approbatur poenae impositio in recedentem iniuste a sponsalibus. Et textus canonicus in *cap. Gemma*, superius relatus, debet intelligi de recessu iusto, non autem de iniusto (3). Advertendum etiam quod Benedictus XIV. in *Bulla Nimiam licentiam*, die 18. maii 1743. damnavit, et irrita declaravit pacta inter coniuges inita de non appellando a sententia pro matrimonii nullitate, adeo ut in nullo foro obligent nec interno nec externo, sub poena excommunicationis Papae reservatae, praeterquam in articulo mortis.

12. Sed quaeritur hic, an legatum relictum puellae sub conditione ut nubat certo iuveni, ei debeatur, cum nubat alteri? Respondetur: per se loquendo non debetur, ut habemus ex *L. Titio*, §. 1. ff. de *Condit. et de-*

(1) l. 1. §. 6. n. 853. quacr. 3. (2) n. 853. (3) lib. quacr. 1. (4) l. 6. n. 853. quacr. 4

monst. dum illa iam libera restat ad acceptandas aut respuendas tales nuptias. Sed excipitur 1. si secus pater ei Legitimam denegaret. 2. Si illud matrimonium esset indignum, quia tunc talis conditio reputatur ut turpis; ita communiter Laym. Mol. Ronc. Vasq. Salm. Boss., etc. cum Sot. Ronc. Si autem sponsus esset dignus, sed pater puellae vellet ut illa alteri nuberet, Pontius, etc. dicit tunc legatum ei non deberi ex sententia quam ipse tenet, non peccare filiam cum nubit personae dignae, licet invito parente; multi alii tamen, ut Bos. Sanch. Mol. Coninc. Guttier., etc. tenent oppositum, dicentes quod cum non possit puella, parente dissentiente nubere, parenti obtemperando, privari non debet legato (4). Si autem mulieri sit relictum legatum sub conditione, ne nubat, et illa nuberet, si ipsa est virgo, etiam ei debetur legatum: secus autem si est vidua (5).

PUNCTUM III.

De sponsalium dissolutione.

13. *Solvuntur sponsalia. I. Ob nuptias cum alio initas. An deobligatus restet nocens.*
14. *II. Mutuo consensu, licet intercesserit iuramentum. Quid de impuberibus.*
15. *III. Ob impedimentum superveniens. An teneatur petere dispensationem.*
16. *An disparitas dirimat sponsalia.*
17. *An parentum dissensus.*
18. *IV. Ob delictum atrox. An ob fornicationem; et an talis fornicatio malitiam contineat diversam.*
19. *V. Ob notabilem mutationem, v. g. odii, aeris alieni, morbi, etc. An ob novam haereditatem. An si melior occasio, etc.*
20. *VI. Ob discessum in longinquam regionem.*
21. *VII. Ob terminum elapsam.*
22. *VIII. An ob religiosam professionem aut ob Ordines sacros. An ob ingressum, etc.*
23. *An si ante ingressum, etc.*
24. *An peccet qui Sacris initiatur.*

(5) l. 3. n. 930. v. dubit. 7.

25. *An votum castitatis, aut sacros suscipiendi Ordines dirimat, etc.*

26. *An requiratur iudicis auctoritas etc.*

27. *Quaenam probatio requiratur, etc.*

13. Dissolvuntur sponsalia ob sequentes causas. 1. Ob *matrimonium validum* ab alia parte contractum (1). Hoc certum est quoad partem innocentem; sed dubium fit, an etiam nocens liber a sponsalibus remaneat ex matrimonio a se contracto. Affirmant Sanch. Bonac. Laym. Wigandt, et alii, quibus etiam inclinat Concina; sed oppositam sententiam Pontii, Castropal. Concin. Roncagl. Sylvii, Sal. Ledesm. etc., ego puto absolute probabilior, nam talis dissolutio non probatur nec lege positiva, nec naturali. nam ratio naturalis dictat obligationem iam contractam sponsalium durante matrimonio, suspendi dumtaxat, non extingui (2).

14. 2. Ob *mutuum consensum* sponсорum. Sed hic advertendum quod inter puberes ob talem consensum mutuum solvuntur sponsalia, licet fuerint iuramento firmata; intelligitur, modo adsit iusta causa, alias peccarent sponsi, non quidem graviter, sed leviter, ut dicunt Sanch. Ronc. Navar. Holzm. Salm. etc., licet iuramentum principaliter fuerit factum in Dei honorem, quia in omnibus iuramentis in proximi favorem redundantibus, semper subauditur conditio, nisi a parte remittantur (3). Inter impuberes autem non dissolvuntur mutuo consensu, nisi cum ad pubertatem pervenerint: uti habetur ex *cap. De illis, de Sponsal. impub.* Itaque impuber, cum pubertatem attigerit, poterit a sponsalibus recedere, modo statim animum suum declaret: hoc *statim*, intelligitur intra tres dies, qui incipiunt non quidem a tempore pubertatis, sed a die quo pars venit in notitiam privilegii posse recedere. Quod si sponsus dissentit iam ante pubertatem, et in dissensu perseverat, iam sponsalia soluta sunt, statim

(1) l. 6. n. 875. (2) ib. v. quaeritur.

(3) n. 855. (4) n. 856. (5) ib. quaer.

ac puber ille fuit factus: modo hunc dissensum suum aperuerit; ut vult sententia probabilior Ronc. Castr. Suar. Conc., etc. (contra Sanch. Bonac. etc.); quia tale beneficium non est concessum nisi reclamantibus, quod proculdubio intelligitur externe (4). An autem sponsus, cum ad pubertatem pervenit, possit recedere, licet sponsalia iuramento firmaverit, negant Bonac. Sanch. Ronc. etc.; sed probabilius affirmant Pont. Castr. Concina, Viva, Palud. Salm. etc., quia iuramentum sequitur naturam contractus, sive sponsalium quae inter impuberes sunt revocabilia: nec obstat *cap. Litteris, de Sponsal.*, quia sicut animadvertunt Castr. Pont. et Viva ibi tantum loquitur de *impubescentibus*, ut exprimit textus, nempe de proximis pubertati, qui merito habentur uti puberes et huius sententiae etiam assentitur Sanch. cum aliis (5).

15. 3. Ob *impedimentum superveniens*. Sed hic distinguenda sunt impedimenta: si impedimentum est tantum impediens, probabilior est sententia, et est communissima cum Sanch. Castropal. Palud. Bon. Conin. etc. (contra Sotum) sponsalia non dissolvi; modo impedimentum non sit ob votum religionis, et etiam probabiliter castitatis, ut infra dicetur n. 25. Si vero impedimentum est dirimens, certum est sponsalia dissoluta esse, quoad partem innocentem, etiamsi nihil aliud esset, quam fama apud maiorem partem vicinia; secus autem quoad nocentem, iuxta probabiliorē sententiam, et communiorē Sanch. Castrop. Coninch. et Guttier. (contra Dicast.) ex illa generali regula, quod nemo potest ex suo delicto commodum reportare (6). Propterea in eo casu sponsus qui impedimentum contraxit, tenetur dispensationem procurare, quoties de facili potest, et intra tempus breve; secus cum magna impensa, aut magno labore, et tempore opus esset; (6) num. 857

etenim ille tenetur fidem praestare mediis ordinariis, non autem extraordinariis, ut probabilius Sanch. Bonnac. Gutt. Wigandt; et Sporer, contra Castrop. Ronc. et Salm. qui eum obligant, etiamsi impensa esset nimia. Merito tamen excipit Sporer, cum Tamb. si sponsus teneretur ad matrimonium, ut damnum reparet deflorationis, aut infamiae sponsae (1). Et si forte aderat impedimentum tempore quo celebrata fuerant sponsalia, et haec celebrata fuerunt cum pacto impetrandi dispensationem, tunc licet sponsalia non sint valida ante dispensationis impetrationem, ac proinde non inducant impedimentum publicae honestatis; nihilominus remanent sponsi obligati ad expectandum conditionis eventum; et sponsalia, quae cum alia persona inirentur, essent nulla, ut dicunt Spor. et Ronc. cum Decret. S. C. Et dicimus cum Sanchez, Ronc. Lug. Laym. Bon. Salmant. Castrop. etc., dispensatione obtenta, huiusmodi sponsalia sine novo consensu esse valida, modo consensus praestitus adhuc perseveret (2); vide infra n. 34.

16. Quaeritur hic 1. an notabilis disparitas conditionis inter sponsos, sit impedimentum potens sponsalia dissolvere? Respondetur, quod si tempore contractus ignorabatur disparitas, sponsalia utique sunt nulla. Secus si cognita erat; praeterquam si tale matrimonium non posset iniri sine notabili familiae dedecore, v. g. si nobilis filiam rustici, aut fabri ducturus esset; ita communiter Laym. Sanch. Panorm. Ronc. Spor. etc. (3). Et idem dicitur si sponsus esset longe ditior, quia tunc promissio sponsalitia uti prodiga non obligat, cum nunquam quis teneatur ad exequendum illicitum, licet sit tantum venialiter illicitum, iuxta communiorem et veriolem sententiam Soti, Prad. Bann. Suar. Salm. etc. (4). Hoc ta-

(1) l. 6. n. 858. et l. 3. n. 650.

(2) l. 6. n. 859. (3) n. 851. et l. 3. n. 643. dubit. 1. et 2. (4) l. 6. n. 851.

men intelligitur (loquendo de disparitate divitiarum) modo sponsa aliqua peculiari praerogativa nobilitatis, honestatis, prudentiae, aut pulchritudinis praedita non esset, quae carentiam bonorum fortunae compensasset, et modo non adesset defloratio, aut modo infamia notata non remaneret sponsa, si matrimonium non fieret (5). Dicunt autem dd. quod licet matrimonium non sit familiae opprobrio, nec liceret illud contrahere, cum timerentur damna, aut odia inter parentes. Sed considerando quod obligatio hoc matrimonium non contrahendi in hoc casu non esset nisi charitatis actus, nescio quomodo posset excusari sponsus cum suo damno aut incommodo a tali matrimonio non contrahendo, ut vitat odia inter parentes; nisi esset quod ex tali matrimonio oriturae essent communes perturbationes apud plures familias in oppido parvo, adeo ut posset aliquo modo iudicari esse malum commune toti regioni (6).

17. Quaeritur 2. an dissensus parentum sit impedimentum adeo potens, ut solvi possint sponsalia? Respondetur: si parentes iniuste dissentiant, non potest filius a matrimonio resilire, cum iure canonico certum sit parentum consensum non esse de necessitate valoris matrimonii, sed tantum honestatis. Secus vero dicendum, si parens iuste contradicat, ut cum tale matrimonium esset familiae dedecori, aut scandalo parentibus; Layman. Nav. Sanch. etc. aut, ut ait Roncagl., si filius iuste timeret haereditate privari paterna, modo hoc periculum non praeviderit, cum sponsalia contraxit (7).

18. 4. Ob *atrox delictum* alterius partis, ut si alter sponsus in haerensim incideret, aut aliquod homicidium, aut grave furtum, aut aliud facinus, quod gravi sibi esset damno, aut infamiae, committeret. Si autem crimen esset fornicationis, distinguere

v. sed quid, et seq. (5) ib. v. iuxta.

(6) ib. v. ad id. (7) n. 877.

oportet virum a muliere. Quoad sponsam, certum est virum liberum fieri, si illa ab alio carnaliter fuerit cognita, licet invita, iuxta communem et veriore sententiam Sanch. s. Antonin. Sot. Concin. Navar. Pont., etc. et ut habetur ex *C. Raptor* 35. *Caus.* 27. q. 2. ubi permittitur sponso repudiare sponsam vi raptam; aut si ipsa permisit impudice tangi. Contra quoad sponsum, sive ipse fornicasset ante, sive post sponsalia, etiam communius, et probabilius dicunt Sanch. Pont. Castrop. Salm. etc. sponsam non posse recedere. Excipiunt tamen, et merito praefati aa. cum aliis, si celebratis sponsalibus, cognovisset sponsa, ex alia muliere sponsum habuisse prolem, aut in hoc vitium frequenter lapsum fuisse, cum multis congressum habendo (1). Dubitatur autem inter dd. an fornicatio inter sponso habeat malitiam diversam, quae mutet speciem? Tres adsunt sententiae omnes probabiles. Prima affirmat tam de sponsa, quam de sponso; quia ex utraque parte irrogatur iniuria iuri acquisito ad corpus alterius: ita Castr. Laym. Salm. etc. Secunda affirmat de soli sponsa, non vero de sponso, qui fornicando non videtur gravem afferre iniuriam sponsae: ita Sanch. Bonac. et Fill. Tertia etiam probabilis negat de utroque, quia neuter sponsus acquirit ius ad corpus alterius; ita Pont. Trullen. Covar. Vival. et probabilem vocant Sanch. Laym. Lug., Salm. Elbel, etc. (2). An autem nec ne teneatur sponsa, virgo reputata, suum defectum patefacere, si talis non est? vide dicenda numero sequenti.

19. Ob *mutationem notabilem*, quae suboriatur, ut esset 1. timor gravis odii inter sponso (cognita ab altero alterius asperitate) aut inter parentes; ita Bonac. Laym. Busemb. 2. Si detegatur alter sponsus nimio aere alieno gravatus, aut si sponsa dotem non haberet; Sanch. Tol. Pont. Bon.

(1) l. 6. n. 860. et seqq. (2) n. 847. (3) sup. q. 43. a. 3. ad 3. (4) l. 6. n. 863.

Spor. etc. 3. Si alteruter sponsus in lepram, paralysem, morbum gallicum incidat, aut aliud simile ei accidat quo difformis, aut inhabilis ad familiam sustentandam evadat, Sanch. Conin. Layman, Bon. et alii communiter cum s. Thoma (3) et sufficit ut de hoc prudens habeatur suspicio (4). Et si forte tempore sponsalium alterutra pars haberet aliquem personalem defectum occultum ex descriptis aut suae familiae, qui redderet nuptias nocivas alteri parti ignoranti, illa non potest matrimonium contrahere, nisi illum manifestet. Dictum est *nocivas*, quia si eas redderet tantum minus appetibiles, v. g. si sponsa putabatur dives, pulchra, aut virgo, et postea talis non esset, quoties illa non fingat esse a tali defectu immunem, non tenetur illum manifestare, sed potest dissimulare, quia tunc non fingit, sed vitium suum occultat: nec aliquis tenetur suam patefacere infamiam, cum illa ius alterius non laedit; ita communissime Sanch. Pont. Castropal. Coninc. Roncag. Salm. Escob. Croix, et alii, contra Conciuum (5). Ad iudicandum quanam causa valeat dissolvere sponsalia, hae duae regulae attendendae sunt. Prima est, quod ob causas sponsalibus supervenientes, sufficit ea, quae si praevisa esset, illa utique contracta non fuissent; unde tunc pars a tali defectu immunis remanet, quae praesumitur contraxisse semper sub conditione quod talis rerum non adsit mutatio, quae praevisa si fuisset, eam a contrahendo removisset. Secunda regula est, quod ob causas sponsalia praecedentes sufficit, ut adsit illa, quae si suboriretur, valet ea impedire. Hinc fit, quod si ignorantia illius causae non dedisset causam contractui, sed fuisset concomitans, nempe quod si fuisset cognita, etiam contracta fuissent sponsalia, tunc non possunt dissolvi: ita Sanch. Ronc. Castrop. Sal. et alii communiter (6). Sed hic quae-

(5) n. 864. (6) n. 865. v. ad videndum.

ritur, an superveniente alterutri sponsorum pingui haereditate, possit ille recedere a sponsalibus? Affirmant Hurtad. Trull. Leand. etc. dicendo, tunc notabiliter mutari sponsorum conditionem. Sed alii communissime, ut Sanch. Boss. Comit. Castrop. Escob. Concina, Ronc. etc. id negant, quia tunc ille iam non deceptus est in conditione alterius partis, in qua nulla accedit mutatio. Quare dicit Croix, quod si sponsus inveniret sponsam meliofis conditionis, non potest primam derelinquere; sed in hoc casu, quo conditio esset longe melior, ego non auderem, meliore advertentia salva, damnare sponsum, si vellet ducere secundam; quia magni lucri amissio aequivalet magno damno, ut dictum est *tract. 6. n. 22.* et ita invenio dixisse multos theologos in vita s. Ioannis a Capistrano c. 9.

20. 6. Ob *discessum alterius partis in regionem longinquam*; unde fit quod si sponsus alio domicilium suum transferret, aut in locum longinquum proficisceretur, licet cum animo redeundi, sponsa liberatur a promissione, et potest nubere cui velit, ut exprimitur in *c. De illis 5. De sponsal.* ubi dicitur: *Qui praestito iuramento promittunt se aliquas mulieres ducturos, et postea, eis incognitis, dimittunt terram, se ad partes alias transferentes, liberum erit mulieribus se ad alia vota transferre.* Sed si sponsus ad vicinas partes se animo redeundi transferret; tunc sponsa aut expectare debet regressum, aut debet requirere sponsum ut redeat; et si ille prosequatur absentiam, aut expectare debet usque ad competens tempus ad prudentis arbitrium, aut (ut melius dicunt alii) adeatur iudex, ut praefigatur terminus (1). Hoc currit cum in sponsalibus terminus non praefixus fuit; quia si iam fuit appositus, observetur quod infra dicitur.

21. 7. Ob *termini praefixi lapsum*, hoc nihilominus intelligitur cum tem-

pus est appositum ad solvendam obligationem; et tunc libera restat pars innocens, licet promississet sponsalia iuramento, ut dicunt omnes cum s. Thoma (2), et est expressum in *c. Sicut 22. de spons.* ubi Papa damnavit sponsum, qui sponsalibus initis cum una, contraxerat cum alia: *Nisi (addidit tamen) terminum praefixit, et per eum non stetit, quin ad statutum terminum matrimonium consummaverit.* Igitur, si per ipsum non stetisset, iuste recessisset (5). Et hoc currit etiamsi terminus elapsus fuisset defectu alterius partis, sed inculpabiliter, ut communiter, et probabiliter contendunt Laym. Castrop. Nav. Conin. Conc. Salmant. Ronc. (contra Bonac. Pont. Vivam, Sanch., etc.); et hoc deducitur perspicue ex eodem textu citato (4). An autem elapso termino liberetur etiam qui culpa sua distulit nuptias; affirmant Ronc. et Conc., et haec opinio videtur non posse dici improbabilis, nam eam expresse tenet s. Thomas (5), dicens: *Si per eum stetit, debet agere poenitentiam de peccato factae promissionis, et contrahere (potest) cum alia, si vult.* Sed attenda ratione, et communiori sententia Pon. Sanch. Lay. Navar. Castrop. Conin. Sal. Palud., etc. mihi videtur valde probabilior opposita, quia nemo debet commodum ex sua culpa reportare. Caeterum, si ex utriusque partis culpa steterit, quin matrimonium contractum fuisset, certum est elapso termino utramque liberari (6).

22. 8. Ob *professionem religionis aut ob Ordinis sacri susceptionem* certe solvuntur sponsalia, etsi iuramento firmata (7). Quaeritur autem 1. an ob ingressum in religionem remaneat libera tam pars quae ingreditur, quam altera? Affirmant Busemb. Sanch. Bon. Tol., etc.; sed ego puto absolute probabiliorē oppositam. quae est communior, cum Laym. Spor. Pont. Castrop. Croix

(1) 1. 6. n. 866. (2) in 4. d. 27. q. 2. a. 3. ad 2. (3) 1. 6. n. 867. (4) n. 868.

(5) in 4. d. 27. q. 2. a. 3. ad 2.

(6) 1. 6. n. 868. dubit. 3. (7) n. 869.

Conin. Viva Gonet. Salm., et aliis pluribus, liberam remanere tantum partem quae in saeculo remanet, dum altera religionem ingrediens videtur suo iuri cessisse; secus autem pars ingrediens; illa enim ingrediendo non fit inhabilis ad contrahendum matrimonium. Opinio autem illorum quod utraque pars libera restet, non videtur satis probabilis (1).

23. Quaeritur 2. an cum sponsalia sunt iurata, teneatur sponsus, antequam religionem ingrediatur, matrimonium contrahere? Dicunt Sotus Nav. Led., etc. illum teneri nuptias contrahere, sed ante matrimonii consummationem posse, si velit, religionem ingredi. Sed sententia opposita est communior, et verior Pont. Sanch. Petrocor. Castr. Bonac. Holzm. Spor. Salm., etc., quia iuramentum semper intelligitur factum sub conditione nisi eligatur status perfectior. In unico casu tantum tenenda est prima sententia, cum matrimonii celebratio necessaria esset ad legitimandam prolem iam conceptam, aut ad reparandum scandalum, aut infamiam sponsae. Et tunc non permetteretur sponso religionem ingredi relicto matrimonio rato, ut advertit Busemb. (2). Quod confirmatur ex eo quod dictum fuit *Tr. 10. n. 97.*, ubi diximus, quod si sponsus, etiamsi castitatem vovisset (aut religionem, ut dicunt *dd. ibi citati*) et postea sponsam deflorasset sub promissione (licet ficta) matrimonii, tenetur procurare dispensationem voti, ut matrimonium ad effectum adducat. Si autem sponsus post sponsalia, sed defloratione remota, voveret religionem ingredi, proculdubio tenetur ad votum, et non obligatur sponsalibus, nisi cum e religionem egroderetur. Sed si votum esset etiam profitendi, tunc certe utraque pars libera remanet, quia tunc qui vovet, fit omnino inhabilis ad matrimonium, ut pro certo affirmant Salmant. Viva, etc. (3).

(1) l. 6. n. 870. v. hinc. (2) *ib. dubit. 2.*

(3) n. 873. (4) n. 871. (5) n. 872.

24. Quaeritur 3. an peccet sponsus sacris si initietur Ordinibus, sponsa inscia, aut non consentiente? Certum est ordinatum a sponsalibus liberum esse ex *Extrav. Antiquae de Voto*. Dubium in hoc versatur, an peccet graviter; alii affirmant, quia tantum, ut in religionem se recipiat, permixtum est iure canonico (uti volunt) a sponsalibus divertere, non vero ut statum amplectatur ecclesiasticum. Hoc non obstante valde probabilis est sententia opposita Pont. Navar. Conin. Bonac. Gutt. Sot. Silvest. Salm. Escob. Henriq., etc. ex ratione superius allata, quia in sponsalium promissione semper subauditur conditio, modo non eligatur status perfectior (4). Si autem sponsus minoribus tantum Ordinibus initiaretur, non potest sponsa propter hoc defletere, iuxta sententiam communiorum, et veriorum Sanch. Pont. Palud. Wigand. Salm. (quicquid dicant Ronc. et Spor.) dum Ordines minores non impediunt matrimonium, cum etiam dentur clerici coniugati (5).

25. Quaeritur 4. an votum castitatis, aut sacris Ordinibus initiandi sit validum, et dirimat sponsalia etiam quoad voventem? Dico *voventem*, quia altera pars procul dubio liberatur. Dico *votum post sponsalia*, quia si ipsum antecederet fuerit emissum, sponsalia sunt irrita, cum irrita sit promissio rei illicitae. Dubium igitur in hoc restringitur, quid si votum sponsalia subsequatur? Alii dicunt probabiliter fuisse nullum, quia in tertii praeiudicium emissum; ita Laym. Nav. Castrop. Cabass. Ronc. etc.; sed alii communius, ut Pont. Petrocor. Suar. Gonet Coninch. Sot. Azor. Bon. volunt esse validum: et probabile dicunt ipsi aa. citati Laym. Sanch. Castropal. Cabass. et Salm. cum s. Thoma (6) qui dicit: *Per votum simplex sponsalia dirimenda*. Ratio Angelici est, quia ubi concurrunt duae obligationes, praeferranda est potior; sed ratio communior a-

(6) suppl. q. 53. a. 1. ad 1.

liorum est superius relata, nempe quod sponsalia promissa esse intelliguntur semper sub conditione, nisi status melior eligatur. Quocirca ad est etiam quaedam decisio S. C. Conc. apud Pittonnium (1) sub die 5. martii 1701., ubi dicitur votum castitatis, aut suscipiendi Ordines sacros, irritare sponsalia etiam iurata. Addunt Bonac. et Sanch. voventem solum remanere a sponsalibus, licet postea voti dispensationem impetnaverit, et hoc non omnino esse improbabile, sed probabilius mihi videtur oppositum cum Rebell. Aver. et Salm. quia prior obligatio non penitus extinguitur, sed suspenditur, donec votum servatur (2).

26. Quaeritur 5. an ad sponsalia dirimenda semper intercedere debeat iudicis auctoritas? Respondetur negative, cum sponsalia fuerint publica et causa etiam est publica et certa; idem dicendum si sponsalia fuerint occulta, et causa est occulta. Secus vero, si causa non est certa, sed est dubia sive iuris, sive facti, quia tunc omnino intercedenda est iudicis auctoritas; ita communiter Sanchez Castrop. Holzm. Gutt., etc. Cum vero sponsalia sunt publica, et causa est occulta: tunc si causa non potest probari in iudicio, non requiritur iudex, sed cum iam probari potest, requiritur, sed non sub gravi, nisi esset ad evitandum grave scandalum, ut dicunt dd. citati cum Nav. Pont. et aliis communiter. Cum autem defectus posset probari, sed esset occultus, debet pars innocens alteram admonere; et tunc si illa non quiescit ut sponsalia solvantur, tunc poterit licite defectum ad iudicem deferre; Laym. Pont. Sanch. Castrop. Coninch., etc. (3).

27. Quaeritur 6. quanam probatio requiritur ad solvenda sponsalia? Respondetur: si causa est circa aliquod impedimentum (sive sit dirimens, sive impediens) tunc sufficit

(1) de matrim. n. 2513. (2) l. 6. n. 873. dubit. 1. (3) n. 878. dubit. 1.

quilibet testis iuratus, modo sit occultus, ut habetur in *cap. Super eo de Test. et attest.*, et hoc valet, licet ille sit criminosus, et non citatus, sed tantum productus a parte; et etiamsi deponeret in secreto, tacito suo nomine, ut dicunt Sanch. Castr. Salm. Coninch. Holzm. Viva Croix Gutt., etc. (4). Si causa vero non fuerit impedimentum, sed alia sufficiens ad efficiendum ut altersponsorum possit a sponsalibus desciscere, tunc, ut dicunt communis Sanch. Laym. Castrop. Salm. Coninch., etc. requiruntur duo testes (5) In *cap. In omni, de Test.* requiruntur duo testes iurati, ubi agitur de damno tertii. Nihilominus probabiliter tenent Palud. Aver. Salmant. et Trull. sufficere etiam unum testem fide dignum, in casu quo ipse testaretur sponsae fornicationem. Caeterum hoc currit quoad forum; sed in conscientia communis est sententia sufficere unum tantum testem pro omnibus casibus; Sanch. Castrop. Croix Con. Salm., etc.

CAPUT II.

DE MATRIMONIO

PUNCTUM I. De materia, forma et ministro matrimonii.

28. Quanam sit materia, forma, et quanam sit minister.
29. Illationes. An sponsi possint simulare. De matrimoniis clandestinis. An, cum convalidantur, requiratur praesentia parochi, etc.
30. De finibus matrimonii.
31. An sufficiat consensus per signa.
32. De matrimonio per procuratorem, aut epistolam.
33. De consensu conditionato.
34. An, adimpleta conditione, novo opus sit consensu.
28. Communis inter dd. est sententia ministris matrimonii esse ipsos contrahentes. Materia est mutua traditio iuris quod alter in alterius acquirit corpus, per verba aut signa consensum experimentia. Forma (4) n. 878. dubit. 2. (5) ib. v. si vero.

autem est mutua acceptatio iisdem verbis aut signis expressa. Sed huic adversantur Canus Iuvenin. Conc. et Tournely, dicentes ministrum matrimonii esse sacerdotem assistantem. et formam esse verba: *Ego vos in matrimonium coniungo, etc.* Sed nostram sententiam tenent Bellarm., qui eam vocat communem in scholis (ut eam appellat etiam idem Canus), Gonet Frassen. Cabass. Ronc. Abel. Wigandt Van-Espen Pontas Petroc. Benedict. XIV. Fagnanus, qui oppositam vocat periculosam in Fide, Merbes. qui asserit oppositam nunquam fuisse probabilem, et Henriq. Manuel Sotus vocant eam temerariam. Pro nostrasententia etiam stant Scot. et s. Thomas (1). Et quod ipsi sponsi, non autem sacerdos, sint ministri matrimonii, probatur 1. ex Conc. Florentino, ubi dicitur causa efficiens matrimonii esse mutuus consensus sponsorum; ergo ipsi sunt ministri. 2. Probatur ex Trident. sess. 24. c. 1. de Reform. matrim. ubi matrimonia sine parochi praesentia dicuntur olim fuisse rata, nempe indissolubilia; contra probatur aliunde ex cap. Quanto, de Divort. quod matrimonia fidelium ideo sunt rata, quia sunt Sacramentum: *Etsi matrimonium (sunt verba textus) infidelium verum existat, non tamen est ratum. Inter fideles autem verum et ratum existit, quia Sacramentum Fidei (nempe Baptismus) quod semel est admissum, nunquam amittitur, sed ratum efficit coniugii Sacramentum, ut ipsum in coniugibus illo durante perduret.* Igitur Baptismus, non parochus efficiebat tunc ratum Sacramentum matrimonii, adeo ut esset indissolubile, sicut indissolubilis est Baptismi character. Hoc argumentum valde exaltat Benedictus XIV. (2). 3. Probatur ex eo quod verba, *Ego vos coniungo, etc.*, ut testantur Martene, et Simonetus, apud Bened., olim non

dicebantur, sed aua; idque probant ex pluribus antiquis Ritualibus. Si autem verba prolata a sacerdote fuisent forma Sacramenti, uti autumant adversarii, illa semper eadem, vel saltem aequivalentia esse debebant. Adde quod Tridentinum permisit parochi posse uti etiam *aliis verbis, iuxta receptum uniuscuiusque provinciae ritum.* 4. Probatur ex eodem Concilio loc. cit. ubi dicitur ita: *Qui aliter quam praesente parochi... contrahere attentabunt, inhabiles reddidit, et huiusmodi contractus irritos et nullos esse decernit.* Igitur non est nullum matrimonium, si fiat coram parochi, licet ille taceat; sed tantum cum sit illo absente; itaque eius verba, quae adversarii supponunt esse formam, non sunt necessaria et per consequens non est minister matrimonii sacerdos (3). His tamen non obstantibus, oppositam sententiam, nimirum parochum esse ministrum matrimonii, quam tenent Guilliellmus Paris. Canus Toletus Maldonatus Eustius Iuveninus Tournely et Collet eius Continuator Natalis Alexand. Conc. et alii, territus ab auctoritate tantorum virorum non audeo improbabilem dicere, tanto magis quod Benedictus XIV. in Opere de Synodo (4) eam valde probabilem vocat.

29. Caeterum ex prima nostra sententia, quam saltem probabiliorē censemus, inferitur 1. quod parochus assistendo matrimonio publicorum peccatorum non peccat uti minister, sed tantum uti cooperatoresacrilegii eorum, uti diximus Tr. 14. n. 6. 1. fertur 2. quod sponsi, qui in mortali matrimonium contrahunt, duo committunt sacrilegia, unum quia Sacramentum suscipiunt, alterum quia in peccato ministrant, licet hoc secundum probabiliter non sit grave, quia sponsi non sunt ministri consecrati ad hoc Sacramentum, uti volunt Concina Tournely Gonet et alii

(1) Scot. in 4. d. 26. q. 4. n. 14. et s. Th. in 4. d. 26. q. 2. a. 1. ad 1. et d. 28. q. 1. ar. 3.

Homo Apostolicus

(2) Bened. XIV. de Syn. l. 8. c. 13 n. 5.

(3) lib. 6. ex n. 897.

(4) Bened. XIV. loc. cit. n. 6.

cum s. Thoma (1): quamquam loco citato oppositum sustinimus. An autem sponsa possit contrahere licite cum publico peccatore? vide dicta *Tr.* 14. n. 6. (2). An autem possit simulare celebrationem nuptiarum, iusta intercedente causa, v. g. si aliquod interesset impedimentum dirimens, et non posset sine gravi damno huiusmodi simulationem omittere? Negat p. Milante; sed affirmant communiter Sanch. Castropal. Conc. Card. Coninch. Viva Croix Henriq. etc.: dicunt enim cum tunc non adsit contractus defectu consensus, nec Sacramentum intercedit; nec propterea Sacramenti simulatio (3). Inferitur 3. quod sponsi debent esse in gratia, etiam cum per procuratorem contrahunt, quia cum sint veri contractus, sunt vera Sacramenta: Bellarm. Sanch. Navar. Sot. etc. (4). Inferitur 4. quod matrimonia clandestina, nempe celebrata coram parcho repugnante assistere, et dare benedictionem, sunt graviter illicita, sed sunt valida, et vera Sacramenta. Hinc refert p. Ferraris *Biblioth. verb. Matrim. art. 1. n. 31.*, pluries declarasse S. C. sufficere ad valorem Sacramenti praesentiam parochi nulla verba dicentis. Idcirco animadvertendum, quod matrimonia celebrata coram parcho, tunc tantum sunt nulla, cum parochus adfuisset quidem, sed nihil audivisset, aut percepisset, modo ille ex industria non affectasset non percipere; ita decrevit S. C. Conc. ubi dictum fuit: *Matrimonium non valere si non intellexisset, nisi ipse parochus affectasset non intelligere.* Inferitur 5. quod parochus assistendo matrimonio in mortali, non peccat graviter, quia nec conficit, nec ministrat Sacramentum; Sanch. Bonac. Suar. Coninch. Reg. etc. Advertendum tamen quod si ille omittit pronuntiare benedictionem, *Ego coniungo vos*, etc. peccat mortaliter, ut vult sententia probabilior cum Bar-

(1) vide l. 6. n. 32. v. inferitur 2. et n. 54. (2) n. 55. v. si autem. (3) n. 62.

bosa Rebell. Henriq. etc., quia omittit caeremoniam gravem Ecclesiae. Inferitur 6. quod matrimonia celebrata coram parcho, et duobus testibus cum occulto impedimento, ob tenta dispensatione, convalidantur, et vera Sacramenta fiunt solo consensu de novo a sponsis praestito (a quo tamen potest dispensare Papa, vide n. 81.); nec requiritur parochi praesentia; ita communiter Nav. Fagnan. Nat. de Alex. Hab. Tournely Sanch. Card. Sot. Lamb. Salm. Van Espen., et alii (contra Comit. et Conc.); et ita declaravit S. C. et ita est praxis s. Poenitentiariae ex oraculo S. Pii V. quia ea consultus (ut refert Cardenas), declaravit non opus esse parcho, et testibus, cum matrimonio iam semel palam initum est; et revera s. Poenitentiaria in concedenda dispensatione dicit; *Ut uterque inter se secrete contrahere valeant* (5). Et hoc argumentum, ut ait Benedictus XIV. loco citato valde probat ministrum matrimonii non esse sacerdotem, sed ipsos sponso; alias recte dicit quod Ecclesia, nisi id haberet pro certo, numquam permetteret sponso relinqui in periculo, quod remaneant sine gratia Sacramenti. Adest tamen Decretum S. C. sub die 8. iunii anni 1619. apud Ferrar. *Biblioth. t. 5. v. Matrimonium art. 2. n. 19.* quod si matrimonium esset nullum ex causa publica, scilicet ob defectum aetatis, tunc reconvalidandum est ante parochum et testes.

30. Hic plura notanda sunt. Notandum 1. quoad honestatem finium matrimonii, duos esse fines intrinsecos et essentielles, mutuum corporum traditionem, et vinculum indissolubile: quicumque contraheret hos fines excludendo, nempe aut animo non reddendi debitum, aut contrahendi ad tempus, matrimonium esset nullum (6). An autem peccet venialiter qui matrimonium contraheret principaliter in concupiscentiae re-

(4) n. 884. (5) n. 1110. (6) n. 882.

mentum, affirmant Bossius Navar. Con. n. etc. cum s. Thoma (1); sed probabiliter negant Castrop. Pont. Rouc. Caiet. Croix Conc. Holzm. et alii multi qui innituntur eo quod dixit apostolus: *Propter fornicationem unusquisque suam uxorem habeat*. 1. Cor. 7. 2. Sicut explicant Estius Salm. et Cornelius, cum s. Ioanne Chrys., illud *propter fornicationem* non intelligitur ad evitandam fornicationem alterius coniugis, sed propriam. Et hoc probatur ex eo quod dicit *cap. 7. 1-2. idem apostolus: Bonum est homini mulierem non tangere; propter fornicationem autem unusquisque suam uxorem habeat*. Et vide quod prius suadeat coelibatum; sed postea in remedium incontinentiae hortatur ad ducendam uxorem; igitur loquitur ibi de incontinentia propria, et deinde subiungit: *Quod si non se continent, nubant; melius est enim nubere, quam uri, ibid. 9. (2)*. Et ita probabilius etiam dicunt Pont. Castrop. Caiet. Coninc. Salm. etc. culpa vacare matrimonium contrahi principaliter ob aliquem finem accidentaliter extrinsecum, v. gr. ad conservandum familiae decus, ad conciliandam duarum familiarum pacem, etc. (3). Si quis autem contraheret animo se obligandi, sed postea negandi debitum, aut vitandi prolis procreationem, peccaret graviter, sed valide contraheret; modo talis intentio non deducatur in pactum, sicut contractum fuit matrimonium inter B. Virginem, et s. Iosephum (4).

31. Notandum 2. quoad contrahentium consensum, non esse de matrimonii valore verba, sed satis esse signa exprimentia, ut certum est ex *cap. Tuas Fraternalitat. 25. de Spons. (5)*. Et satis sufficiens signum esset, si mulier, expresso iam viri consensu, manum ei extenderet; secus autem si tantum eam non retraheret, posteaquam sponsus illius manum ap-

prehendit. Sicut nec sufficit annuli donatio, nec conductio sponsae in viri domum, nisi esset quia ob loci consuetudinem huiusmodi signa consensum exprimant; ita Sanch. Pont. Salm. et alii communiter (6). Dicimus autem venialiter peccare, qui solis signis vellet exprimere suum consensum, et nollet uti verbis, nisi verecundia excusaret (7).

32. Notandum 3. quod cum per procuratorem celebratur matrimonium, si forte mandans revocaret consensum (licet interne) antequam contrahatur, matrimonium esset nullum. Sed quaeritur an esset validum, cum mandans, dum mandatum dedit, animum contrahendi non habuisset, sed tempore contractus consensum praestitisset? Alii dicunt matrimonium non valere, quia tale mandatum, quod nullum fuit cum datum est, non potest postea consensu interno revalidari; ita Castrop. et Coninc. Hanc sententiam non puto improbabilem; sed opposita est communior Sanch. Bon. Rouc. Salm. etc. et est etiam probabilior, quia procurator contrahendo non exprimit voluntatem praeteritam mandantis, sed praesentem ad tempus contractus, quae iam adest (8). Ad hoc autem ut procurator valide contrahat, multa requiruntur: 1. Ut illud sit mandatum speciale. 2. Ut persona, cum qua contrahendum est, sit determinata. 3. Ut procurator contrahat per se (non per alios) coram parcho, et testibus, illis mandatum exprimendo; quod sufficit si oretenus sit datum, ut dicunt Castropal. Sanch. Salmant. Guttier. etc. 4. Ut procurator non excedat condiciones in mandato appositae, v. g. temporis, dotis, etc. secus matrimonium est nullum. Sed si ille contraheret sine Episcopi licentia, aut sine proclamationibus, matrimonium esset validum; ita communiter dd. (9). In huiusmodi nuptiis parochus interrogare debet procura-

(1) suppl. q. 49. a. 5. ad 2. (2) l. 6. n. 882. v. dubit. 1. (3) n. 883. (4) n. 881. ad 5. et n. 882. in fin. (5) n. 887.

(6) n. 889. (7) n. 888. (8) n. 886. (9) num. 835

torem: *Vis in uxorem Titiam nomine N. N?* et postea ad mulierem: *Vis in virum N. N. medio praesente procuratore?* Potest etiam matrimonium contrahi per epistolam, et sic fiet: Sponsus scribit ad sponsam quod ipse in virum ei se tradit, et ex tunc eam in sponsam acceptat. Sponsa idem rescribit viro, et haec responsio legitur coram parochio, et testibus. Caeterum satis est etiam ut vir scribat mulieri modo relato, et sponsa, quin sponso rescribat, litteras coram parochio et testibus aperiat, et suum praebeat consensum; ita Sanch. Vilal. Dian. Salm. etc. (1).

33. Notandum 4. quod cum consensus est conditionatus, si conditio est de praeteritis aut de praesenti, et conditio iam verificata est, aut verificatur, tunc iam sufficit talis consensus ad contrahendum. Pariter sufficit si conditio esset de futuro, sed de futuro necessario, v. gr. *Si pater tuus morietur*; ita omnes cum sancto Thoma: modo ex hoc non intelligatur suspendi consensus usque ad patris mortem; Ronc. Salmant. Conc. etc. Sed si conditio est de futuro contingenti, iterum distinguendum est: si conditio esset turpis, aut contra substantiam matrimonii, v. gr. contra Sacramentum, contra fidem coniugalem, aut prolem: si dicatur, v. g. *Te volo, si prolis generationem vitabis*; aut, *si adulterium committes*; aut si dicat: *Te duco usquedum uxorem te meliorem inveniam*; tunc matrimonium est nullum. Si autem conditio est turpis alio modo, aut si est impossibilis, tunc habetur pro non adiecta, et matrimonium est validum, cap. fin. de Condit. app. ubi dicitur: *Si conditiones contra substantiam coniugii inserantur (iuxta exempla superius allata) matrimonialis contractus caret effectus; licet aliae conditiones, si turpes aut impossibiles fuerint, debeant pro non adiectis haberi.* Et ratio est, quia tunc praesu-

mitur datus consensus, non obstante conditione apposita. Sed si unquam sponsi vere non intenderent consentire sine tali conditione, matrimonium etiam esset invalidum. Caeterum in dubio debet iudicari in favorem illius, ut docent Sanch. Pont. Ronc. Holzm. etc. ex cap. fin. de Sent. et re iudic. (2).

34. Contra si conditio de futuro esset honesta, tunc matrimonialis contractus nullus foret, sed tantum sponsalitiis. Sed hic quaeritur an, adimpleta conditione, requiratur novus consensus pro matrimonio? Alii affirmant, ut Suar. Pont. Sot. Concina Gonet et alii, quibus favet s. Thomas (3), qui dicit: *Aut (conditio) est contingens, ut acceptatio parentum, et tunc... non facit matrimonium.* Ratio huius sententiae est, quia matrimonium non solum est contractus, sed etiam est Sacramentum, cuius valor non potest pendere ab effectu futuro. Alii tamen negant, ut Laym. Bonac. Cast. Salm. Ronc. Salmant. Coninc. etc. quia matrimonium, licet sit etiam Sacramentum, habet tamen rationem contractus, et ad huius rationis normam eius valor dirigitur. Haec secunda sententia videtur probabilior, sed quia prima est etiam fundata in praxi, expedit eam sequi. Et idem dicendum in casu quo sponsi aliquo impedimento praepediuntur, et ipsi contraxissent sub conditione, *Si obtinebitur dispersatio*; et hoc ita declaratum fuit a sacra Congreg. (4). Advertendum hic tamen, quod conditio suspendit matrimonium, quod non suspendit demonstratio, aut causa, aut modus appositus. *Demonstratio* est cum dicitur: *Duco te quae es virgo nobilis*, etc.; *causa* cum dicit: *Duco te, quia es virgo*; *modus* est cum dicit: *Duco te ut mihi in ancillam famuleris*. Et hic modus non suspendit, licet sit de modo impossibili aut turpi; ita Sanch. Salm. et Viva, quia consensus non dependet a modo, uti dependet a conditione. Adnot. ad Croix l. 6. p. 3. n. 83.

(1) l. 6. n. 886. (2) n. 890. et 891.

(3) suppl. q. 47. a. 5. (4) vide p. Zacch.

Addit P. Viva cum Castrop. licet modus sit contra substantiam matrimonii, v. g. *Te duco ut adulteres, etc.* Sed probabilius contradicunt Sanch. et Salm. quia revera non videtur habere animum contrahendi, qui habet intentionem omnino oppositam contractui (1). Si vero apponitur dies, v. g. *Te duco post 10. dies*, probabilius et communius dicunt Viva Coninch. Perez Salmant. etc. (contra Sanch.) quod intelligitur suspensus consensus, usque ad terminum appositum (2).

PUNCTUM II.

De usu licito matrimonii.

33. *Usus coniugii est illicitus I. Si Matrimonium est nullum. II. Si est dubium: an liceat contrahere cum dubio impedimenti.*
36. *An liceat petere, aut reddere urgente dubio.*
37. *Quid si nuptiae fuerint contractae cum dubio, etc.*
38. *III. Si adsit periculum sanitatis.*
39. *IV. Si ob solam voluptatem, etc. V. Si mente adultera, etc. VI. Si modo indebito.*
40. *Si coniux se retrahat a seminatione.*
41. *VII. Si in loco indebito. VIII. Si tempore indebito, scilicet praegnationis. Si coniux sit impeditus ob votum, aut incestum.*
42. *An tactus, et delectationes morosae coniugibus permittantur.*

35. Usus matrimonii per se loquendo licitus est, sed ob plures causas quandoque fit illicitus, et I. Si matrimonium est certe nullum, quo casu nunquam licet parti id scienti nec petere, nec reddere debitum alteri ignorant (3). II. Si matrimonium est dubium. Sed hic dubitatur 1. an liceat inire matrimonium cum dubio impedimenti? Communiter docent dd. Sanch. Suar. Castr. Carden. Croix Bos. Holzm. Viva etc. quod post adhibitam diligentiam, licet contrahere matrimonium cum opinione probabili de carentia impedimenti. Nec obstat quod in confectione Sacramen-

torum non est licitum uti opinione probabili: nam in Sacramento matrimonii, ut diximus *Tract. I. n. 27.* et tradunt aa. communiter, stante opinione probabili, ex inveterata consuetudine censetur Ecclesia dispensare in impedimento, si forte adsit (4). Altamen notandum 1. quod id currit si opinio est probabilis de iure (nempe ex auctoritate dd.) non autem tantum de facto, ut dicunt Card. Viva Croix Aversa etc. contra Bon. et Tamb., quia probabilitas facti non constituit veram probabilitatem, sed tantum coniecturam, qua non licet uti ad contrahendum matrimonium; nisi pro carentia impedimenti talis forte urgeret praesumptio, quae certitudinem quamdam moralem exhiberet (5). Notandum 2. id procedere tantum in impedimentis de iure ecclesiastico, non autem in aliis de iure naturali, in quibus Ecclesia nequit dispensare; unde si dubium sit de morte prioris coniugis, illicitum est novum inire coniugium, nisi de illius morte certe moraliter constet, ut habetur ex c. *Dominus de secund. nupt.* Tantum excipitur aliquis rarissimus casus in quo Pontifex, tanquam divinae legis interpret, ob urgentissimam causam declararet matrimonium, non obstante tali dubio, posse contrahi; prout refert Cardenas Urbanum VIII. in quodam casu declarasse (6). An autem in impedimentis de iure ecclesiastico, quando dubia sunt, possit Episcopus dispensare? Plures graves dd. communissime, et probabiliter id admittunt, Castr. Cabass. Barb. Ronc. Holzm. Bon. Salm. et Elb. iuxta dicenda *Tract. 20. de Privil. num. 57. (7).*

36. Dubitatur 2. quandonam, inito iam matrimonio, et urgente dubio de ipsius valore, liceat petere, aut reddere? Manente dubio, coniux dubitans ne potest quidem petere ante diligentiam adhibitam ad dubium vincendum; sed tenetur reddere alteri petenti in bona fide, ut patet ex cit. qu. 3. (6) ib. qu. 2. (7) ib. v. caeterum.

(1) l. 6. n. 896. (2) ib. v. utrum.

(3) n. 900. (4) n. 901. (5) n. 902.

cap. Dominus de secund. nupt. (1). Ratio, quia alter adhuc possidet ius petendi: intellige vero post bimestre ab initio coniugio, et modo ipse non sit a petendo impeditus ob incestus, vel adulterii crimen (2). Diximus *ante diligentiam*, quia si dubitans contraxit in bona fide, et post diligentiam non potuit dubium vincere, probabilissimum et communissimum est posse etiam petere, ob possessionem petendi iam acquisitam, Sotus Wigandt, Hab. Castrop. Suarez Lug. Less. Laym. Ronc. Sanch. Salm. etc. (contra Navar. et Conc.). Quapropter tradunt Sanch. Anacl. Carden. Henriq. et alii, quod coniux ille post diligentiam licite potest petere, semper ac certus non sit de impedimento, non obstante quacumque probabilitate in contrarium (3).

37. Dubitatur 3. quid si matrimonium sit contractum cum dubia fide, an tunc coniux dubitans possit post diligentiam adhibitam petere, adhuc dubio perseverante? Alii negant, quia non licet uti re quae incepta est possideri cum dubia fide; et haec sententia est quidem communior cum Sanch. Castr. Salm. Ronc. etc. Attamen Holzm. et Elbel non improbabiliiter id affirmant, quia tametsi dubitans nequeat deponere dubium ex titulo possessionis, potest tamen ex alio principio, nempe quod in dubio standum est pro valore actus, praesertim matrimonii, in cuius favorem in foro tam externo, quam interno semper in dubio iudicandum. Excipitur tamen casus, quo dubium adsit de morte prioris coniugis, ut vidimus ex *cit. cap. Dominus*. Dico *dubium*, nam si habeatur firma probabilitas de valore matrimonii, tunc communiter docent dd. Sanch. Bon. Boss. Ronc. Salm. Spor. Croix etc., tali dubitanti licitum esse post diligentiam non solum reddere, sed etiam petere, cum textus praefatus in casu dubii, non autem probabili-

tatis, loquatur; et cum probabiliter dubitatur de vita prioris coniugis, probabiliter dubitatur etiam de ipsius coniugis possessione (4). Quando autem debeat quis vel non dubitare de valore matrimonii: tres dantur regulae: Prima, quod coniux ordinarie loquendo non tenetur credere alteri asserenti fide consensisse, licet asserat cum iuramento; Bonac. Sanch. Sotus Salm. etc. ex *c. Cum a nobis, de Testib.* Secunda, quod si quis audiat adesse impedimentum a personis non fide dignis, vel ex fama a nullo auctore certo exorta, nec tenetur credere. Tertia, quod si audiat a fide digno, aut per famam ex certo auctore, tenetur veritatem inquirere, et interim abstinere a nuptiis, aut a petendo; sed tenetur reddere, si unus tantum adsit testis, ut Nav. Silv. Salm. etc. Caeterum in dubio semper iudicandum pro matrimonio; Sanch. Pontius et alii communiter (6).

38. 3. Non est licitus usus matrimonii, si adsit grave periculum sanitatis, nec obsit periculum incontinentiae. Probabiliter autem licet, si morbus sit diuturnus, ut lepra, phthisis, morbus gallicus et similia; modo non sit talis, ut proxime tendat ad mortem; et modo adsit aliqua iusta causa; ita Sanch. Caiet. Pont. Laym. Boss. Bns. Bonac. etc. Caeterum tali morbo laborans tenetur illum manifestare alteri nescienti, si petat, et etiamsi velit reddere; nam si nolit, potest licite debitum negare, cum non teneatur morbum suum (v. gr. gallicum) cum sua infamia patefacere, ut Tamb. cum Soto (7). Non licet petere statim a balneo, vel a sectione venae, aut cum febris; Sanchez Bonac. Boss. etc. Licet vero petere ab uxore quae laborat seminis fluxu, seu gonorrhoea, si fluxus sit perpetuus; secus si sit maleficus, et non adsit in alterutro proximum periculum incontinentiae (8). Coitus

(1) l. 6. n. 903. (2) n. 905. in fin.

(3) n. 906. et 907. (4) l. 6. n. 906.

(5) n. 908. (6) n. 907. (7) n. 909.

(8) *ibid.* 910.

post prandium probabiliter non affert grave damnum; quapropter tunc uxor non excusatur a reddendo, dum tenetur reddere etiam cum modico incommodo (1). An autem licitus sit usus tempore lactationis? Negat Pontius, si prudens sit timor de gravi nocumento prolis; sed admittit Sanchez (2). An tempore menstrui? Licet, si menstruus sit extraordinarius et diuturnus; non vero si naturalis; sed tunc probabilius non erit nisi venialiter illicitus, ut communissime s. Antonin. Nav. Conc. Pont. Sanch. Et idem dicitur de usu in purgatione puerperae; modo non fiat eadem die, vel sequenti partus (3).

39. 4. Usus est illicitus (sed non plus quam venialiter) si adhibeatur ob solam voluptatem, nisi voluptas intendatur ad bonum generationis, vel ut reddatur vir aptus ad reddendum ut recte aiunt Croix et Viva (4). 5. si exerceatur mente adultera. Se excitare ad usum respiciendo ad imagines sacras, gravis esset irreverentia. Periculosum autem se delectando de pulchritudine alterius personae, et maxime de coitu alieno inter quasdam cognitatas personas (5). 6. Si fiat modo indebito, nempe extra vas naturale, quod sine dubio erit mortale, et gravius si in vase praepostero, etiamsi ibi tantum copula inchoetur, ut verius dicendum cum Sanch. Pont. Castropol. Bonac. Tamb. Sporer. Boss. et communi, contra Nav. et Ang. (6). Vel si fiat in vase naturali, sed indebito modo, sive situ, prout stando, sedendo, vel more pecudum, aut viro succumbente. Hoc tamen est tantum veniale iuxta communem dd. sententiam, s. Antonini Navar. Petrocor. Alb. M. Gers. Caiet. Soti Castropol. Sanch. Tol. Ronc. Salm. Croix etc. ex d. Thoma quia mutatio situs minime impedit generationem, dum matrix foeminae ex se attrahit semen viri. Adduntque

(1) l. 6. n. 910. v. videtur. (2) n. 911. (3) n. 925. (4) n. 912. (5) n. 913. et 914. (6) n. 915. et 916. (7) n. 917.

aa. citati cum Concina id nullum esse peccatum, si fiat ex aliqua iusta causa (7). An autem sit mortale mutare situm, si propter id casu aliquid seminis effunditur? affirmant Salmant., sed communius negant Sanch. Pont. Castropol. Boss. Perez Hurtad. et Aversa (8).

40. Hic autem dubitatur 1. an peccent graviter coniuges, si incoepa copula se retrahunt a seminatione? Negant communiter Sanch. s. Antonin. Laym. Pont. Caiet. Less. Salm. etc. si hoc fiat ex consensu, et sine effundendi seminis periculo, quod tamen, ut ait Sanchez ordinarie adest (9). Si autem uxor iam seminarit, vel proxima sit ad seminandum, graviter quidem peccat vir se retrahens, nisi forte faciat ad vitandam mortem, aut scandalum aliorum; iidem aa. etiam communiter (10). Si tamen contra vir seminauit, alii ut Sanch. Pont. Sa'n. etc. excusant a mortali uxorem, si se retrahat. Alii vero, ut d. Bonav. Caiet. Abul. Maior. Aversa Hurtad. etc. non excusant, dicentes cum Suarez semen mulieris simpliciter esse necessarium ad generationem; et quoniam horum opinio satis videtur probabilis, haec sequenda est, cum non liceat sequi oppositam cum probabili damno prolis, sive generationis (11). Dubitatur 2. an viro se retrahente, liceat uxori statim post seminationem viri tactibus se excitare, ut seminet? Negant Diana et Rodriguez. Sed communissime affirmant Wigandt Less. Sanchez Bonac. Fill. Salm. Sporer Boss. Elbel et alii plures, nec reprobat p. Concina; idque ob eandem rationem mox supra allatam, quia semen mulieris est necessarium, vel saltem valde confert ad generationem; nihil enim in natura frustraneum (12).

41. 7. Si usus habeatur in loco indebito, puta publico vel sacro. An autem copula coniugalis etiam oc-

(8) ib. v. dicunt. (9) n. 918.

(10) ib. v. si vero. (11) ib. v. si autem.

(12) num. 919

culta vetita sit in ecclesia? Vide dicta *Tr. 9. de sexto Praecepto Decalogi* n. 21. 8. Si habeatur tempore indubitato. Plura hic notanda: 1. Petere ante Communionem est veniale (nisi petatur ad incontinentiam vitandam): nullum vero peccatum reddere, aut petere post Communionem; vide dicta *Tr. 15. n. 57*. Pariter nequaquam peccant coniuges, ut communiter dd. dicunt, si reddant in diebus festivis; et etiam si petant, communius docent s. Bonav. Sotus Caietan. Pont. Sanchez Azor. Castrop. Bonac. Salmant. Valent. Conin. etc., quia nullo iure id vetatur, et si aliquis ss. Patrum videtur id vetare, eloquitur de consilio, non de praecepto, ut probat Sanchez (1). Saltem, ut ait Benedict. *XIV. de Synodo, l. 5. c. 1. n. 8*. si olim id erat de praecepto, nunc certe non est nisi de consilio. 2. Tempore praegnationis usus, ut communiter docetur, non est nisi veniale (modo absit abortus periculum, quod ordinarie non adest, et nullum si periculum adsit incontinentiae, vel alia iusta causa (2)). 3. Coniux prohibitus a patendo ob votum, aut impedimentum affinitatis post matrimonium ab eo contractum, potest, imo tenetur reddere, si alter sit in periculo incontinentiae, vel si interpretative petat, nempe quando *mulier* (ait d. Thomas) *verecunda est* (particulari modo quam aliae mulieres), *et vir sentit eius voluntatem de debiti redditione*; et ita communiter alii. Praeterea, si ipse impeditus (intellige ratione affinitatis tantum, non autem voti) sit in proximo periculo incontinentiae, et periculum sit in mora, potest etiam petere; ita Viguer. et Quintanad. Et quidem probabiliter si dispensatio brevi obtineri nequeat (3). 4. Certe licet coniugi petere ab altero excommunicato; et iuxta veriorum sententiam id licet etiam excommunicato, si existat in periculo incontinentiae; ita Suar. Bon.

(1) l. 6. n. 923. (2) n. 924. (3) n. 930.
(4) n. 931. (5) n. 933. (6) n. 934.

Sanch. Boss. etc. communiter (4).

42. Quaeres hic, an tactus, delectationes morosae coniugibus permittantur. Resp. 1. Tactus etiam impudici, si ad copulam ordinantur, sine dubio coniugibus permittantur; si vero non ordinantur, ut communiter et verius docent Sotus Caiet. Tolet. Vasq. Less. Laym. Sanch. Castrop. Abul. Armil. Bon. Salm. Conc. Sa etc. (contra quosdam) sunt tantum veniales, quia status coniugalis excusat eos a mortali (5). Excipe nisi coniux petens sit ligatus voto castitatis; vel nisi praevideatur pollutio (quamvis involuntaria) in se, vel in altero, ut aiunt Sotus Castr. Caiet. Boss. Salm. etc. Tunc tantum autem poterit petens excusari, si tactum impudicum habeat, ut se aptet ad copulam, secluso periculo consensus in pollutionem; ita Sanch. Filliuc. Sporer Escob. Elbel etc. Et si periculum proximum pollutionis sit ex tactu pudico, tactus neque potest adhiberi, etiam secluso periculo consensus, nisi fiat ex gravi causa, puta ad fovendum mutuum amorem, etc. Hoc de petente; sed reddens in huiusmodi tactibus videtur semper excusari, cum alter habeat ius ad illos, nisi adeo sint impudici, ut videantur quasi inchoata pollutio (6); vide dicenda in *puncto seq. n. 48*. Resp. 2. Probabilius peccat graviter coniux seipsum turpiter tangens ob delectationem, tum propter periculum pollutionis, tum quia coniuges nullam habent ius ad seipsos tangendos, nisi tantum ad se aptandos ad copulam. ita Laym. Diana Spor. Salm. etc. contra Sanch. Castrop. Boss. etc. (7). Resp. 3. Quoad delectationes, hortandi sunt coniuges, ut abstineant a delectatione morosa de copula habita vel habenda, si alter absit; sed non damnandi de mortali, ut communius dicunt Sanch. s. Antonin. Bonacin. Snar. Gers. Caiet. Filliuc. Croix etc. cum d. Thoma (8). Excipe nisi de-

(5) n. 936.

(8) de malo q. 15. a. 2. ad 17.

lectatio habeatur cum aliqua, non solum carnali, sed etiam venerea voluptate (1).

PUNCTUM III.

De usu praecepto matrimonii.

43. Quando coniux tenetur petere.
44. Si neget semel aut bis.
45. Si plures nascuntur filii.
46. Si alter petat in mortali.
47. Si velit vir seminare extra vas.
48. Si petat cum veniali.
49. Si petat amens, vel ebrius. De impedimento petendi ob incestum. Si immineat damnum sanitatis, aut prolis.
50. Si coniux cohibeat seminationem Si uxor surgit, aut mingit. An puella oppressa possit semen expellere. Si senex saepe effundit extra vas.
51. De cohabitatione, et de alimentis uxori debitis.

43. Distinguere hic oportet petitionem a redditione. In quantum ad petitionem spectat, per se loquendo, neuter coniugum tenetur petere, nisi praevideat in se, vel in altero periculum incontinentiae. Sufficit tamen ut uxor tacite petat, ut vir teneatur ad eam accedere, ita omnes cum d. Thoma (2) qui ait: *Quando vir percipit per aliqua signa, quod vellet debitum, tenetur reddere.* Contra vero dicunt Sanch. Sot. etc. ex eod. d. Thoma, uxorem non teneri copulam praestare, nisi vir expresse petat. Excipe 1. cum Sanchez s. Antonin. Nav. etc., si potius erubescencia esset ex parte viri, puta si mulier esset ferae conditionis, vel magnae auctoritatis (3). Excipe 2. si vir esset in periculo incontinentiae, ut diximus; sed quia tunc probabilius, iuxta Sanchez Coninch. Palud. etc., ex sola charitate uxor petere teneretur, facile posset excusari, si in petendo magnam pateretur verecundiam (4).

44. In quantum autem ad redditionem, coniux negans alteri debitum ordinarie graviter peccat. Sed dubitatur 1. an sit mortale, semel vel

bis debitum negare? Si alter remisse petat, vel facile cedat precibus negantis, ex communi sententia non est mortale (et ne veniale quidem, si adsit causa), nisi alter sit in periculo incontinentiae, nec contra adsit gravis causa negandi. Si tamen ille serio et instanter petat, Castr. Tamb. Boss. Croix etc. putant gravem esse materiam, nisi petat immoderate, puta quater in eadem nocte. Alii vero levem, ut Pont. Sanchez Sa Bonac. Hurtad. Ledesm. etc. et non videtur omnino improbabile, si alter non sit in periculo incontinentiae. Sic etiam Pontius Sanch. et alii communissime excusant a mortali coniugem qui differt reddere a die ad noctem, vel a nocte ad mane (5).

45. Dubitatur 2. an sit causa iusta negandi debitum, si plures nascantur filii quam alii possint? Alii negant, Laym. Ronc. et Spor., quia procreatio prolis spectat ad praecipuum finem coniugii; affirmant vero Sanchez Pontius Bonac. Boss. etc., quia in omnibus debitis magna difficultas excusat a solutione. Excipiunt tamen nisi in petente sit periculum incontinentiae; hinc quia periculum hoc vix poterit abesse, primae sententiae magis puto adhaerendum (6).

46. Dubitatur 3. an coniux teneatur, aut possit reddere alteri petenti eodem peccato gravi. Hic distinguendum: Si culpa se tenet ex parte actus, puta si vir petat in loco sacro, vel cum periculo abortus, scandalii, aut sanitatis alterutrius, tenetur uxor negare sub gravi; tunc enim vir non habet ius ad petendum; ita communiter Sanch. Pont. Conc. Bonac. Salmant. etc. cum d. Thoma (7). Si vero culpa se tenet ex parte petentis, puta si habeat votum, aut petat ob pravam finem, prima sententia cum Pont. La-Croix et aliis paucis tenet non licere ei reddere, nisi sit in potestate petenti se a culpa eximere, puta si peteret ob voluptatem aut alium malum finem; sed communis

(6) n. 941. (7) n. 943. v. certum.

(1) l. 6. n. 937. (2) suppl. q. 4. a. 2.
(3) l. 6. n. 938. (4) n. 929. (5) n. 940.

et probabilior sententia cum Suarez Lugo Tourn. Conc. Laym. Bonacina Salm. Castr. etc., docet posse et teneri ad reddendum, quia vovens retinet ius ad petendum (1). Tenetur tamen reddens, ut advertunt Sanch. Boss. Coninch. etc., ex charitate alterum monere ut desistat; at si desistere nolit, expedit ut ipse petitionem anticipet; sed merito ait Salm. uxores ad id raro teneri (2). Si vero petat coniux incestuosus qui iam privatus est iure petendi, alter non tenetur quidem, sed bene potest ei reddere, cum ipsi semper competat ius tam petendi quam reddendi: ita Sanch. Castrop. Bonac. Laym. s. Anton. Salm. etc. (3).

47. Dubitatur 4. an liceat uxori petere vel reddere viro volenti seminare extra vas post copulam incoeptam? Alii negant, quia tenetur impedire peccatum viri; alii affirmant, quia ipsa dat operam rei licitae. Sed puto distinguendum inter petitionem, et redditionem: In reddendo, etsi probabile est cum Ronc. et Elbel, quod uxor possit negare debitum, et etiam teneatur, si potest sine suo gravi incommodo iuxta primam sententiam; quia vir, cum sit abusus re debita, non habet ius ad illam; tamen probabilius est cum Sanch., quod post monitionem teneatur reddere, cum culpa se teneat non ex parte actus, sed personae, ut supra mox diximus. In petendo vero, dicimus cum Ronc. et Elbel, uxorem non posse petere ab huiusmodi viro, quia tenetur ex charitate illius peccatum impedire. Excipe nisi gravem haberet causam petendi, nempe si esset in periculo incontinentiae, vel si alioquin perpetuo abstinere deberet a suo iure petendi; charitas enim cum tanto onere non obligat; unde non videtur teneri ad abstinendum, nisi per paucas vices (4); vide dicta in simili casu *Tr. 4. n. 28 in fine*.

(1) l. 6. n. 944. (2) ib. v. bene autem. (3) n. 945. (4) n. 947. (5) n. 946.

48. Dubitatur 5. an coniux teneatur reddere petenti cum culpa veniali? Alii affirmant, alii negant; sed pariter ut supra distinguendum puto: Si copula est illicita ex parte petentis, nempe si petat ob voluptatem, vel mane ante Communionem, tenetur alter reddere; si vero ex parte actus, puta si petit situ innaturali, vel tempore menstrui, aut puerperii, etc., tunc alter potest quidem reddere, si aliqua adsit causa v. g. ne incurrat illius indignationem; non tamen tenetur, nisi petens iustam habeat causam petendi tali modo, aut tempore (5).

49. Deinde plura hic sunt notanda. Notandum 1. quod iuxta communissimam sententiam non est obligatio reddendi debitum amentibus, vel ebriis, cum hi sint incapaces iure dominii, excipe nisi sint in periculo prodigendi semen, vel si non sint a-niverse amentes, aut omnino ebrii; ita probabilius Sanch. Castropal. Bonac. Conc. Layman Soto Croix Busem. Con., etc. contra Navarr. et Sylv. Caeterum communiter admittitur posse istis reddi, si absit periculum scandali, aut abortus, puta cum uxor esset furiosa (6). Notandum 2. quod si vir rem habuit cum consanguinea alterius in primo vel secundo gradu, tenetur reddere, sed amittit ipse ius petendi ex *cap. Si quis 1. De eo qui cognov.*, etc. et sic contra (7). Ut autem quis contrahat hoc impedimentum petendi, requiritur ut sciat legem, non tantum divinam sed etiam ecclesiasticam ventantem incestum: et probabiliter, ut sciat etiam huiusmodi poenam, ut dicunt Bon. Wigandt Castrop. Boss. Elbel Sanch. Laym., etc. (8). Notandum 3. quod si coniux timeat damnum tantum leve sanitatis ex redditione, tenetur reddere; et hoc est certum apud omnes. Si vero timet grave damnum, nec tenetur, nec potest, nisi ipse vel petens sit in pro-

(6) n. 948. (7) n. 949. et 1070.

(8) n. 1074.

ximo periculo incontinentiae; aut nisi alias magna formidet dissidia, modo morbus quo inficiari veretur, non sit proxime tendens ad mortem; ita Pontius Sanch. Laym. et alii passim. Dixi *potest*, sed non tenetur, quia charitas eo casu excusat si reddat, sed non obligat (1). Solum autem periculum prolis nasciturae, nempe quod ex tali coitu defectuosa nascatur, non excusat ab obligatione reddendi, ut verius docet d. Thomas (2) cum aliis, quia (ut ait) *melius est proli sic esse, quam penitus non esse* (3). Notandum 4. quod non tenetur coniux reddere, si laborat feбри: Bon. Sanch. Per. Bus., etc. (4). Neque uxor, si experta sit non posse parere sine mortis periculo, ut communiter docetur (5). An autem possit reddere, si experta sit filios parere mortuos? Affirmat Layman, sed communis negant Bonac. Bossius Rodriq. Victor, etc., nisi adsit periculum incontinentiae, ut addunt Bonac. et Sanchez; quod periculum (ait Sanchez) maxime aderit, si ob hanc causam perpetuo deberent abstinere coniuges ab usu matrimonii (6).

50. Notandum 4. peccare mortaliter coniugem, si cohibeat seminationem, altero seminante: vel si post suam seminationem se retrahat, antequam alter seminet, quia hoc modo impeditur generatio. Tantum poterit permitti copulam interrompere, cum immineat scandalum aliorum, aut mortis periculum (7); vide dicta n. 40. Sic pariter peccat uxor, si statim post copulam surgit aut mingit, animo impediendi generationem, nisi hoc faciat ut supra ad scandalum, aut mortem vitandum. Dixi *statim*, quia non tenetur diu immota manere; ita Sanch. Pont. Salm. Bonac. Boss., etc. contra Tambur. (8). Puella autem oppressa extra matrimonium non potest sine peccato semen viri expellere, postquam illud iam recepit in

matricem; tantum ipsa poterit impedire ne immittatur, ut rectius Pontius Tamb. Escob. et Leandr. (contra Sanch. et Boss.), quia nunquam potest semen receptum in matricem eici sine iniuria generationi humanae (9). An autem liceat viro copulari, si ob senectutem, aut aliam infirmitatem saepe extra vas semen effundat? Licet, ut dicunt communissime Sanch. Laym. Bonac. Bossius La-Croix, etc. semper ac adest probabilis spes effundendi intra, quia tunc adhuc possidet ius ad copulam (10).

51. Notandum 6. quod coniuges ratione debiti reddendi tenentur cohabitare, non solum quoad domum, sed etiam quoad torum; nisi separerentur ex consensu, absitque tunc periculum incontinentiae, et damnum educationis. Vir autem licite potest suscipere aliquam brevem peregrinationem ex causa devotionis, vel alia honesta, etiam invita uxore: sed non uxor, invito viro. Potest imo vir etiam diu abesse, si id oporteat ad bonum publicum, vel familiae: ita communiter Sanch. Castr. Bos. Laym. etc. Dicit autem Boss. cum Tolet. Sayro, quod vir tenetur tunc secum ducere uxorem, si commode possit (11). Quando vero uxor teneatur sequi virum, et vir eam ducere, vide dicta de quarto praecepto Decalogi Tr. 7. n. 13. Notandum 7. quod ob dotem non solutam nequit vir negare debitum, aut cohabitationem; sed non tenetur uxorem alere, si dos non solvatur culpa promittentis (et idem currit si uxor renuat cohabitare), nisi nulla extiterit promissio facta dotis; vel nisi uxor non habeat unde alii, et sine sua culpa dos non solvatur, aut nisi omittat cohabitare absque sua culpa (12). Casu vero quo vir deprehenderit uxorem fuisse adulteratam, bene poterit ei alimenta denegare, modo negare possit sine illius infamia.

(1) l. 6. n. 950. (2) in 4. d. 32. q. un.

a. 1. ad 4. (3) l. 6. n. 951. (4) n. 952.

(5) n. 953. (6) ibid. (7) n. 918. et 954.

(8) ib. v. dicunt. (9) ib. dub. aut. hic.

(10) ib. dubit. 2. (11) n. 939.

(12) ib. dubit. 1. et 2.

mia, puta si crimen iam est notorium; ita communius et probabilius Sanch. Soto Salm. Trull.; etc. Idem dicunt Salm. cum aliis, si uxor admiserit oscula ab alio notoria, et etiam occulta, si fuerint nimis lasciva, vel si ipsa sit nobilis (1).

PUNCTUM IV.

De impedimentis impediētib.

52. *Quaenam sint impedimenta.*
53. *I. Vetitum. II. Tempus feriarum. An tempore feriarum vetetur consummatio. De benedictione sacerdotis. III. Catechismus. IV. Crimen. V. Sponsalia.*
54. *VI. Votum. An Episcopus possit dispensare a voto castitatis.*
55. *De clandestinitate, et proclamationibus.*
56. *De obligatione denunciandi impedimenta, et quando denuntiatio impedit.*
57. *An sufficiat fama. Si sponsi interrogati, etc. Si parochus sciat impedimentum.*
58. *Quandonam Episcopus possit et debeat dispensare a Proclamationibus*
59. *An possit vicarius, aut parochus dispensare aut declarare.*

52. Duo sunt impedimentorum matrimonii genera: altera impediētia, nempe quae reddunt illud illicitum, aut impediunt illius usum: altera dirimentia, quae illud reddunt omnino nullum: et est certum, imo de Fide est utraque impedimenta posse ab Ecclesia constitui, prout declaravit Trident. sess. 24. can. 4. quia licet Ecclesia non possit irrita reddere Sacramenta, cum debita existunt requisita, nihilominus quia Sacramentum matrimonii subsistit in contractu, idcirco bene potest Ecclesia, iustis existentibus causis, invalidare contractum, et cum desit contractus, nec Sacramentum adesse potest (2). In punct. sequenti loquimur de impediētis dirimentibus, in hoc agemus de impediētib. dumtaxat. Praeter peccatum mortale, et excommu-

(1) l. 6. n. 939. dubit. 3. (2) n. 979.

(3) n. 982. (4) notif. 89. n. 17.

nicationem, quae reddunt matrimonium illicitum, adsunt sex alia impedimenta, quae his comprehenduntur versibus:

55. *I. Ecclesiae vetitum, II. nec non tempus feriarum,*

III. Atque Catechismus, IV. Crimen. V. Sponsalia, VI. Votum

Impediunt fieri, permittunt facta teneri.

I. Vetitum: nempe Episcopi, aut parochi prohibitio, ob dubium, an forte adsit impedimentum, aut inhabilitas ad contrahendum (3). *II. Tempus feriarum:* feriae sunt ab Adventu ad Epiphaniam, et a die Cinerum ad octavam Paschae. Sed hic advertendum, quod talibus temporibus vetatur benedicere nuptiis, instruere convivias solemniores, non quidem matrimonium contrahere, nec sponsam in domum conducere, si hoc fiat sine solemnitate; nec prohibitum est matrimonium consummare, ut recte dicunt Bellarm. Sanc. Pont., et fuse id confirmat Lambertini, qui postea Benedictus XIV. (4), cum Pignatell. Fill. Croix, etc. ac cum Declarat. S. C. dicens Canones allatos a canonistis esse de consilio non de praecepto (5). Et licet dicant aliqui peccari (sed tantum venialiter, ut communiter dicunt Sanch. Boss. Sot. Sa Escob. etc. (6) contra Concinam, qui contendit esse mortale) omnino omittere benedictionem quae datur a parochio, aut a sacerdote de eius licentia in missa pro hac re peculiariter designata pro primis nuptiis, nam secundae non benedicuntur, ut praecepit Benedict. XIV. in Bulla *Etsi pastoralis*, §. 8. n. 4. edita 26. maii 1742.; nihilominus communius et probabilius dicunt Navar. Pont. Laym. Sanch. Bellarm. Castr. Salm. Viva, etc. cum Lambert. loco cit. matrimonium consummare ante benedictionem omni culpa vacare, et probatur ex Trident. sess. 24. cap. 1. et ex Rituali, ubi hoc non solum insinuat, sed etiam praecipitur, et

(5) l. 6. n. 984. (6) n. 988. v. secund.

clarius ex can. *Nostrates*, 30. qu. 5. ubi dicitur: *Sicque demum benedictionem, et velamen coeleste suscipiunt; peccatum autem esse, si haec cuncta in nuptiali foedere non interveniant. non dicimus* (1) 3. *Catechismus*: quid catechismi nomine veniat, alii dicunt esse Fidei professionem, quae nomine baptizandi fit; alii aliter explicant. Caeterum hoc impedimentum cessavit per Tridentinum, ut dicunt Sanch. Coninch. Castrop. Salm., etc. cum quadam Declaratione S. C. (2). 4. *Crimen*: sub hoc nomine olim comprehendebantur quaedam delicta, nempe incestus cum propria matre, raptus alienae sponsae, etc.; sed hoc impedimentum etiam desuetudine exolevit (3). 5. *Sponsalia*, nempe sponsalia cum alia persona inita, sed non dissoluta, de quibus iam puncto antecedenti sermo factus est.

54. 6. *Votum*: nempe simplex castitatis, aut religionis, aut non nubendi. Hic notandum est quod Episcopus ante nuptias contrahendas non potest dispensare in voto castitatis (cum votum est absolutum; secus si est poenale aut conditionatum, iuxta dicta *Tr.* 5. n. 49.); excepto, si non dispensaretur, adesset periculum incontinentiae, aut alterius damni gravis ob moram, nec posset citius adiri Papam, ut dicunt communiter Sanch. Suar. Less. Nav. Sot. Silv. Salm. etc. (4); reservationes etiam ad aedificationem, non ad destructionem institutae sunt. Initis autem nuptiis, bene potest dispensare Episcopus (et ut dicunt Salm. etiam Vicarius generalis, ex concessione generali, quae ei collata est omnium casuum episcopaliū) in voto castitatis post matrimonium edito, aut etiam ante illud, ut communius et probabilius dicunt Sotus Sanch. s. Anton. Conc. Nav. etc. ex s. Thoma (5). Et eadem facultate fruuntur etiam Mendicantes

ut communiter dicunt Castrop. Wigandt Sanch. Suar. Tourn. Salmant. etc., vigore suorum privilegiorum (6). Votum tamen castitatis a coniugibus emissum communi consensu solus Pontifex potest dispensare, ut dicunt cum communiore Sanch. Spor. Anacl. etc. apud Ferraris (7). Caeterum Episcopus, exceptis voto castitatis, et sponsalibus cum alia persona initis, potest dispensare in omnibus impedimentis impediētib, et in omnibus aliis, quae post matrimonium suboriuntur; Castrop. Bon. Salm. Croix, etc. (8).

55. Praeter allata adest impedimentum clandestinitatis, nempe cum matrimonium fit praetermissis tribus proclamationibus praescriptis a Trident. sess. 24. cap. 1. de *Reform. matrim.* Haec ut fiant modo debito, oportet, 1. ut fiant a proprio paroco, aut ab alio sacerdote de eius licentia. 2. Ut fiant in ecclesia populo ad Divina congregato, ut praescribit Tridentinum; licet probabiliter dicant Sanch. Barbosa et Ronc. posse eas fieri etiam tempore concionis, aut processionis; imo admittunt etiam Wigandt, Sanchez Layman Barbosa Boss. Escob. Fill. etc. (contra Pont. et alios) extra ecclesiam in loco magni concursus, quia sic iam Concilii obtinetur (9). 3. Ut fiant in loco originis, ut pluries declaravit S. C. (10). Unde si sponsi sunt diversarum parochiarum, oportet ut in utraque ecclesia fiant proclamationes; nisi esset (ut dicunt Laym. Boss. Salm. etc.) quod parochiae essent inter se valde propinquae. Et in casu quo alter sponсорum per breve tempus actualiter alibi moraretur, non satis est, quod ibi fiant proclamationes, sed oportet ut illae fiant ibi etiam unde profectus est, ut valde probabilius dicunt (contra Pontium) Sanch. Coninch. Barbos. Ronc. etc. cum Declarat. S. C. Praeterea notandum hic, quod si

(1) l. 6. n. 984. dubit. 2. (2) n. 985.

(3) ib. v. dicitur 4. (4) n. 987. dub. 3.

(5) ib. dubit. 2. (6) ib. v. an autem.

(7) Ferr. Bibl. v. Debitum coniug. a.

2. n. 4. (8) l. 6. n. 987. dubit. 3.

(9) n. 991 (10) Ut refert Zacch. Adnot. ad Croix l. 6. p. 3 n. 477.

alter sponsorum est externus, parochus non debet ad proclamationes procedere, nisi prius coram Ordinario fide authentica de eius statu libero constiterit, ut habetur ex instructione S. C. (1). 4. Tres praefatae proclamationes debent fieri tribus diebus festis continuis, ut dicit Trid. *sess. 24., cap. 1.*, non autem immediatis, ut dicunt Sanch. Ronc. Pont. etc.; licet etiam probabiliter teneant Trull. Salm. Hurtad. Regin. etc. nihil ob stare esse immediatos, dum Concilium aliud non praescribit, quam *tribus diebus festis*, et non addit ne sint immediati. Permittit etiam Salm. cum Aver. et aliis posse fieri proclamationes tribus diebus festis non continuis, modo non intercedant plures dies festivi; sed hoc recte Sanch. Castrop. Bonac. Escob. etc. non excusant saltem a culpa veniali (2). Hic advertendum quod si, factis proclamationibus, matrimonium non celebratur intra duos menses, praecipit Rituale (*tit. de Sacr. matr.*) ut illae denuo fiant, modo aliud Episcopo non videatur.

56. Itaque proclamationibus iam absolutis, quaeritur an quilibet impedimenti conscius, teneatur ad illud denuntiandum, licet illud non posset probare? Negant Pont. Diana etc.; sed sententia verior, et communissima affirmat cum Sanch. Castrop. Coninc. Escob. Laym. Bon. Barb. etc., et ut probatur ex *cap. Praeterea 12. de sponsal.* et ex *cap. 22. Super eo de Test. et attest.* ubi dicitur: *Matre asseverante ipsos esse consanguineos, non debent coniungi.* Et ita sufficit ad impediendas nuptias fama impedimenti, licet illud sciret sub secreto naturali, etiam cum iuramento, ut dicunt Sanch. Escob. Boss. Barbos. Salmant. etc. cum s. Thoma (3), qui docet secreti iuramentum non obligare, ubi agitur de impediendo damno communi, aut tertii (4). Hoc

tamen intelligitur quoties denuntiatio potest commode fieri, quia contra non tenetur testis denuntiari cum gravi suo damno, aut cum gravi aliorum scandalo (5). Intelligitur item, facta monitione, quia antequam Episcopo aut parochio impedimentum deferat, tenetur sponso admonere (si admonitio est profutura) ut ab huiusmodi matrimonio desistant (6). Ad hoc autem, ut matrimonium impediatur ob testis denuntiationem, requiritur 1. ut ille non solum denuntiet, sed etiam deponat impedimentum, licet ceteroquin sponte ad deponendum se offerat, ut dicunt Sanch. Boss. Gutt. etc., modo ille non probasset famam impedimenti, quia tunc sufficit ut denuntiet, ut habetur ex *cap. Non in duo, de Sponsal.* 2. Requiritur ut deponat, aut denuntiet cum iuramento. 3. Ex certa scientia, non autem auditu, excepto si impedimentum esset consanguinitatis, aut affinitatis, quia tunc sufficit, si illud sciverit a personis certis et fide dignis. 4. Requiritur ut testis non sit vilis conditionis, modo factum non sit adeo occultum, ut probari non possit aliter; nam ubi deficit potentia probandi, admittitur etiam probatio quae ex se non esset sufficiens; ita communiter dd. (7).

57. Praeterea super hac materia multa advertenda sunt. Advertendum 1. quod fama impedimenti sufficit ad impediendas nuptias, ut superius dictum est; sed hoc non currit, cum consanguinei sponsorum, ut dicunt Sanch. Castrop. Guttier. etc. ex *cap. Cum in tua, de spons.*, aut ipsi sponsi, ut addit Sanch., iurarent non adesse impedimentum (8). Advertendum 2. quod contrahentes, cum sunt legitime interrogati, tenentur aut fateri impedimentum, aut a nuptiis abstinere, licet impedimentum non sit probatum; nisi tamen occulte obtinissent dispensationem; tunc enim non tenentur patefacere impedimen-

(1) 1. 6. n. 991. dubit. 3. (2) n. 992.

(3) 2. 2. q. 70. a. 1. ad 1.

(4) 1. 6. n. 995. (5) *ibid.* in fin.

(6) n. 994. v. certum. (7) n. 997.

(8) n. 999.

tum, cum illud non sit aliunde probatum; ita Silv. Laym. Sanch. Ronc. Boss. et alii communiter (1). Advertendum 3. quod parochus, Episcopus, aut alius iudex, si ipse tantum habuisset notitiam impedimenti, modo id non sciat sub sigillo confessionis, tenetur impedire matrimonium. Nec obstat dicere quod peccatori occulto non potest negari Sacramentum, cum ille publice petit; hoc enim currit cum aliud non evenit malum, quam sacrilega perceptio Sacramenti, secus autem cum interveniunt alia gravia damna, quae plerumque accidunt ex matrimoniis invalidis: ita recte docent Sanch. Castr. Boss. Coninch. Ronc. Escob. etc. contra Pontium (2). Et hic advertendum parochum teneri sub gravi, cum aliquod celebrandum est matrimonium, investigare diligenter utrum aliquod subsit impedimentum (3).

58. Advertendum 4. quod Episcopus, iuxta Trident. *Sess. 24. c. 1. de reform. matrim.* potest ex tribus duas proclamationes dispensare; ut unica tantum, et etiam ut nulla fiat, cum iusta intervenit causa, ut cum suspicio probabilis habetur matrimonium malitiose impediri; ut dicitur in textu Concilii; et etiam ob alias causas, ut dicunt Sanch. Barbos. Pont. Cabass. Bonac. Bos. Salm. etc., nimirum si nuptiae celebrandae essent inter primarios homines, aut inter senes, aut inter personas valde dispares conditione, aetate, divitiis, aut alia qualitate: aut si moraliter certum esset nullum subesse impedimentum: aliter Episcopus, si dispensat, semper se certum saltem aliunde facere debet impedimentum non adesse (4). Et cum dispensatio necessaria esset ad evitandum grave damnum spirituale aut temporale, aut ad auferendum aliquod impedimentum alicuius notabilis boni, etiam privati, tunc (ut dicunt Ronc. Sanch. Barb. Castropal. Bonac. Filliuc. Boss.

Conin. etc.) Episcopus tenetur ad dispensandum, ut esset 1. si probabilis timor haberetur, ne matrimonium iniuste impediretur. 2. Si matrimonium necessarium esset ad evitandam infamiam sponsi, aut prolis, v. g. si praecessisset defloratio, et sponsus iamiam moriturus esset, aut discessurus in longinquam regionem, aut timeretur ne mutaret voluntatem. 3. Si parentes cogerent filium ad ducendam indignam. 4. Si timeretur aliquod periculum spirituale aut temporale. 5. Si immineret tempus Adventus, aut Quadragesimae, ut addit Roncaglia, et ita pariter ob quaecumque aliam rationabilem causam, iuxta prudentum iudicium (5). Dicit tamen Boss. (6) quod si forte Episcopus his stantibus causis iniuste negaret dispensationem, ipsi recurrere debent ad iudicem superiorem; non possunt tamen contrahere, nisi cum periculum esset in mora, et ad Superiorem adeundi non suppeteret facultas. Advertendum hic ex Concilio praecipi quod, cum dispensetur in proclamationibus, *ante consummationem denuntiationes in ecclesia fiant, ... nisi Ordinarius iudicaverit, ut remittantur*. Insuper advertendum id quod mandat observari Bened. XIV. in Bulla *Nimiam licentiam* (edita 18. Maii 1743.) ubi vetat, ne Episcopi alii sacerdoti quam parochis licentiam assistendi matrimoniis dent, nec dispensent in denuntiationibus, nisi *urgente legitima, gravissima et ineluctabili causa*, cum apertissime intelligant ex Trident. facultatem effrenatam ac immoderatam dispensandi sibi non adesse. Et ne committant facultatem contrahendi coram alio sacerdote, quam parochis, priusquam ex diligentibus adhibitis sibi tuto constiterit nullum interponi impedimentum.

59. Quaeritur hic tandem, an Vicarius generalis, et etiam parochus possint in denuntiationibus dispen-

(1) l. 6. n. 1000. (2) n. 1002.

(3) n. 54. v. certum. (4) n. 1006.

(5) n. 1005. v. docent.

(6) Boss. t. 1. c. 7. n. 34. de matr.

sare? Quoad Vicarium generalem probabilius est, quod possit, dum ipse cum Episcopo unum efficit tribunal; ita communissime Sanch. Castr. Bon. Wig. Elbel Barb. Navar. Ronc. Fill. contra Pontium et Dianam (1). Parochus contra non potest, quia ille nulla potitur iurisdictione. Unde si praesumit assistere ad matrimonium sine denuntiationibus, incurrit suspensionem ab officio tribus annis, sed haec est ferenda sententiae, ut habetur ex cap. Cum inhibito, §. Sane, de clandest. desp. Probabiliter tamen dicunt Sanch. Laym. Croix Ronc. Gob. et Elbel, quod in casibus, in quibus Episcopus tenetur dispensare, et non possit ad eum confugere, et contra periculum dilationem non pateretur, in eo casu parochus non potest quidem dispensare, sed potest (modo ei constet non subesse impedimentum) declarare tunc non obligare praeceptum denuntiationum. Immo addunt Pont. Castrop. Boss. Salmant. Busemb. Sanc. Conc. Sot. Escob. etc. ipsosmet sponso, si certi sunt nullum adesse impedimentum, posse, omissis denuntiationibus, contrahere (2).

PUNCTUM V.

De impedimentis dirimentibus.

60. Innuuntur impedimenta dirimentia.
61. I. De impedimento erroris circa personam, et circa qualitatem.
62. II. Conditionis. III. Voti. IV. Cognationis.
63. V. Criminis.
64. VI. Disparitatis cultus. VII. De violentia, et metu.
65. VIII. De imped. Ordinis. IX. Ligaminis. X. Publicae honestatis.
66. XI. Aetatis.
67. XII. Affinitatis.
68. De impedimento ad petendum.
69. Quinam dispensare potest in hoc impedimento.
70. et 71. XIII. De clandestinitate, et de assistentia testium. De parochi assistentia.
72. De vagis, et exteris.

(1) l. 6. n. 1007. (2) ib. dubit. 2.

(3) n. 1010. (4) suppl. q. 51. a. 2. in

73. Quenam assistentia parochi requiratur.

74. et 75. XIV. De impotentia.

76. XV. De raptu.

60. Impedimenta dirimentia (prae-ter defectum consensus) sunt sequentia:

1. Error, 2. Condicio, 3. Votum,
4. Cognatio, 5. Crimen,
6. Cultus disparitas, 7. Vis, 8. Ordo, 9. Ligamen, 10. Honestas,
11. Aetas, 12. Affinis, 13. Si clandestinus 14. et impos,
15. Raptave sit mulier, nes farti reddita tutae.

Haec socianda vetant connubia, facta retractant.

61. Sermo sit de singulis sigillatim. 1. Error: Error circa personam lege naturae irritat matrimonium, licet sit vincibilis, et etiamsi concomitans, qui causam non dedit contractui, adeo ut etiam cognitus errore, pariter nuptiae contractae fuissent (3). Error contra circa personae qualitatem, v. gr. si illa iudicata fuerit nobilis, virgo, aut dives, et talis non reperitur, certe non irritat matrimonium; et hoc currit iuxta communem sententiam, et veriolem cum Sanch. Mol. Laym. Nav. Conc. Hab. Ronc. Less. Gon. Salm. etc. cum s. Thoma (4), contra Pontium, et alios paucos, etiamsi error dederit causam contractui; nam intercessit iam consensus circa substantiam matrimonii, quae consistit in verificatione personae; alioquin si verificandae essent omnes qualitates a sponso apprehensae, innumerabilia matrimonia restarent dubia, et litibus obnoxia (5). Qualitas tamen si redundaret in substantiam, communiter dicunt dd. tunc errorem circa qualitatem irritare matrimonium. Tres dantur regulae quibus dignosci possit quando error circa qualitatem redundet in substantiam. Prima, cum quis actu intendit, aut prius, voluntate numquam mutata, intellexit non contrahere, nisi sub illius qualitatis conditione; i. e. corp. ad 1. et ad 3. (5) l. 6n. 1011. et 1012

Sanch. Pont. Castr. Salm. et alii communiter (1). *Secunda*, cum qualitas est propria et individualis alicuius certae personae, v. gr. si quis intendit contrahere cum primogenita regis Galliae; ita Castr. Petrocor. Habert Laym. Holzm. et Spor. Secus autem si intenderet contrahere cum una filiarum regis, quia tunc qualitas non est individualis, sed communis aliis filiabus, et tanto minus si intenderet contrahere cum filia regis, nisi esset quod principaliter intenderet non contrahere, nisi cum persona regali (2), ut dicemus mox infra in tertia regula. *Tertia*, cum contrahens principaliter intendit qualitatem, et minus principaliter personam, ut si diceret: *Volo ducere nobilem, qualem puto esse N. N.* Secus autem esset, si diceret: *Volo ducere N. N. quam puto esse nobilem*; ita Sotus Silv. Abul. Holzm. Cabass. et alii cum s. Thoma (5).

62. II. *Conditio*: Per conditionem intelligitur servilis; unde si ex ignorantia cum serva contrahitur, matrimonium nullum est (4), et hoc etiamsi ignorantia esset crassa, ut probabilius dicunt Sanchez Conin. Salm. etc. contra Sotum (5). Secus autem si iam sciret illam esse servam, tunc enim valide contraheret, fieret tamen irregularis ex *Can. Si quis, dist. 34.* (6). Sicut etiam esset validum matrimonium, si ipse esset servus, uti probabilius tenent cum s. Thoma (7) Sanch. Salm. Bonac. etc. (8). Idem currit, prout probabilius dicunt Sanch. Salm. Bon. etc. contra Castropalaum (9), si serva ob matrimonium fieret libera ut evenit cum Dominus ipsemet chirographum dotale dat servae, aut eam in uxorem dat alteri ignoranti esse servam. III. *Votum*: intelligitur solumne castitatis vel ob Ordinis sacri susceptionem: vel ob religiosam professionem spontaneam:

dicitur *spontaneam*, nam illa emissam metu, nulla est (10). An autem Papa possit dispensare in voto in professione emiss^o, probabilissimum est posse, cum s. Thoma (11), s. Antonin. Suar. Castr. Less. Sanch. Caiet. Pont. etc. (12). Et idem dicitur de voto sacri Ordinis (13). IV. *Cognatio*: Triplex est cognatio: *legalis*, quae oritur ex adoptione perfecta, nempe facta principis supremi rescripto; et haec dirimit matrimonium inter adoptantem et adoptatum; et inter uxorem et descendentes adoptati, et inter uxorem adoptantis, ac inter eius consanguineos in primo gradu; ita ex c. *Per adoptionem* 3. q. 3. et ex c. *Diligere* 30. q. 3. (14). *Spiritualis* est illa quae oritur ex Baptismo, aut ex Confirmatione; et haec dirimit matrimonium inter baptizantem et baptizatum, inter patrum et baptizatum, et parentes baptizati, ut ex c. 1. de *Cogn. spir.* in 6. et ex Trid. sess. 24. c. 2. (15). Vide dicta *Tract.* 14. n. 33. et 53. Tertia denique est *carnalis*, quae provenit ex consanguinitate personarum quae ex eodem stipite descendunt; et haec in linea transversali lege ecclesiastica matrimonium dirimit usque ad quartum gradum; sed in linea recta semper (16). An autem in linea recta hoc sit lege naturae, an Ecclesiae, quaestio est: caeterum probabile est in primo dumtaxat gradu lege naturae prohibitum esse matrimonium in linea recta, adeo ut in reliquis gradibus possit Papa dispensare, ita Less. Lug. Sanch. Salm. Ronc. etc. Vide dicta *Tract.* 9. n. 18. Ad distinguendos gradus consanguinitatis, hae traduntur regulae: I. In linea *recta* tot sunt gradus, quot sunt personae, dempto stipite, qui nunquam in numero computatur. II. In linea *transversali* aequali quot gradibus sponsus distat a communi stipite sponsae, tot distant

- (1) l. 6. n. 1013. et 1014. (2) n. 1015.
 (3) n. 1016. (4) n. 1017. (5) n. 1019.
 (6) n. 1018. (7) suppl. q. 52. a. 1. ad 1.
 (8) l. 6. n. 1018. v. si vero. (9) n. 1022.

- (10) n. 1024. (11) in 4. d. 38. q. 1. a. 4. ad 1. (12) l. 3. n. 256. (13) ib. et l. 6. n. 807. 808. et 1059. (14) n. 1027. (15) n. 1028. (16) n. 1029.

Homo Apostolicus

inter se. III. In linea *transversali* *inaequali* quot gradibus consanguineus remotior distat a stipite, tot distant inter se (1). An autem debeat in dispensatione exprimi gradus proximior, vide *seq. n. 86.*

63. V. *Crimen*: Crimina matrimonium dirimentia sunt homicidium, adulterium et raptus. De raptu dicitur infra *n. 76.* Loquendo igitur hic de homicidio, et adulterio, hoc impedimentum tribus in casibus incurritur, nimirum, 1. Utroque patrante (to patrante respicit solum homicidium, non vero adulterium). 2. Uno patrante. 3. Nemine patrante. Et 1. *utroque patrante* intelligitur cum ambo sponsi conspirarunt (sed sine adulterio) in coniugis mortem, quocum alter eorum matrimonio ligatus erat, sine matrimonii ineundi cum eo (2); saltem cum alter sponsorum talem habuit finem et complice communicavit, ut probabilius tenent Pont. Vasq. Peyr. Diana Salm. etc. contra Sanch. et Castrop. qui affirmant impedimentum incurri, etiamsi finis praedictus matrimonii partialiter participatus non fuerit. Caeterum ego puto sufficere, seu saltem requiri ut indiciiis sufficientibus manifestatus sit, v. gr. donis, litteris amatoriis, aut aliis signis amoris et familiaritatis quae inter partes intercesserunt (3). II. *Uno patrante*, cum una pars tantum, altera inscia, coniugem suum dedit morti; sed amplius adulterium commisit cum parte cui nubere cupit, ut ex *can. Si quis vivente 5. Caus. 31. q. 1. et cap. Propositum 1. de eo qui duxit* etc. Sed ad incurrendum hoc impedimentum requiritur 1. ut adulterium praecedat homicidium; 2. ut adulterium sit perfecte consummatum cum seminatione intra vas non tantum ex parte viri, sed etiam mulieris, iuxta sententiam s. Bonav. Innoc. Hostiens. Viguer. et P. Concina, qui traditeam ut com-

munem; et merito probabilem vocant Sanchez Castrop. Ronc. Salm. etc. Ratio, quia hoc impedimentum habet rationem poenae, et quaevis poena non incurritur, nisi crimen sit perfecte consummatum in suo genere; ut autem adulterium sit perfecte consummatum, requiritur ut adulteri fiant una caro per utriusque seminationem mixtionemque seminum; ait enim d. Thomas, (cuius verba proferemus infra *n. 68. in fin.*) quod tantum per mixtionem seminum vir et foemina efficiuntur una caro (4). Requiritur 3. ut uterque adulter sint conscii prioris matrimonii; quare probabiliter (ut dicunt Sanch. Rebell. Aversa Bus. et Salm.) excusatur ignorantia etiam culpabilis, si non sit affectata (5). Requiritur 4. ut occisio sit patrata eo fine, ut ducere possit adulteram, et talis finis sit ei manifestatus (saltem signis supra narratis); ita Sanch. Pont. Vasq. Salm. Perez etc. (6). III. *Neutro patrante*, intelligitur cum non intercessit homicidium, sed tantum adulterium cum matrimonii promissione; ut habetur ex *cap. fin. de Eo qui duxit*, etc. Ad incurrendum hoc impedimentum requiritur primo ut adulterium et promissio intercesserint vivente coniuge. Secundo ut promissio non sit revocata ante adulterium. Tertio ut promissio sit acceptata. Haec certa apud omnes habentur (7). Alia sunt dubia, quocirca dicimus 1. probabile esse cum Sanch. Castrop. Gutt. (contra Pont. etc.) ad acceptationem non sufficere solam adulterae taciturnitatem (8). Dicimus 2. probabilius et communius esse cum Laym. Bon. Salm. Holz. Croix Spor. etc. (contra Sanch. Castr. etc.) non sufficere promissionem fictam, dum textus citatus requirit promissionem, qualis non est promissio ficta (9). Dicimus 3. non sufficere conditionatam promissionem; cum enim agatur de poena, pro promissione a textu allata,

(1) lib. 6. n. 1029. v. prima.

(2) n. 1033. v. ex 1. capite. (3) n. 1034.

(4) n. 1036. v. hinc autem.

(5) ib. v. requir. 5. (6) ib. v. requir. 6.

(7) n. 1037. (8) n. 1038. (9) n. 1039

debet intelligi absoluta, et probabilis etiam dicunt Laym. Conin. Perez Holzm. contra Sanch. Tourn. etc. Dicimus 4. contra probabilius, et communius esse cum Sanch. Bonac. Castr. Sot. Coninch. Silv. etc. adversus Bellarm. Laym. Holzm. Elbel, etc. non requiri mutuam promissionem: nam in c. 1. et 6. de *Eo qui duxit*, etc. nulla mentio fit repromissionis, sed tantum fidei datae (1). Praeterea notandum est ad tria illa crimina addendum esse quartum, ex quo etiam oritur impedimentum, et est adulterium cum *matrimonio attentato*, nempe cum vir vivente uxore aliam cognoscit, ac intentat cum illa contrahere: hoc matrimonium est nullum, sive copula praecesserit, sive sequatur attentatum, ut habetur ex c. 2. 4. 5. et 9. de *Eo qui duxit*, etc. (2). Qui autem, vivente uxore, daret fidem ducendi aliam, sed sine adulterio, et sine matrimonio attentato, non incurreret hoc impedimentum, sed non excusaretur a culpa gravi, ut communiter dicunt Sanch. Laym. Bon. Castr. Elbel etc. et deducitur ex c. *fin. de Eo qui duxit* (3).

64. 6. *Disparitas cultus*: intelligitur disparitas religionis. Haec dirimit matrimonium inter baptizatum, et non baptizatam; sed inter baptizatos, nempe inter catholicum, et haereticam disparitas non dirimit, sed tantum impedit matrimonium, et reddit illicitum, nisi Papa dispenset, ut ex c. 1. de *Divort.* et ex Bulla Bened. XIV. *Matrimonia*, data 4. Nov. 1741. (4). 7. *Vis*: intelligitur non solum vis proprie dicta, sed etiam metus, qui dirimit matrimonium tam lege Ecclesiastica: ex c. *Significavit*, c. *Veniens* et c. *Consultationi*, de *Eo qui duxit*, etc. quam lege naturali (5). Et dirimit, licet iuramento sit firmatum, modo iuramentum non sit praestitum ad liberum praebendum consensum, quia tunc certo obligat,

ut ait p. Viva (6). Sed ad hoc ut metus irritet matrimonium, 1. debet esse gravis, quia levis satis non est, ut tenendum est cum sententia communissima Pont. Castr. Sanch. Sot. Tamb. Boss. Vivae (contra Lugo et Nav.) cum s. Thoma (7), qui dicit: *Coactio metus, quae cadit in constantem virum, tollit matrimonium, et non alia*. Ratio est, quia neque lege naturae, nec positiva habetur quod metus levis tollat matrimonium (8). Pro metu *gravi* intelligitur periculum mortis, exilii, carceris, infamiae, aut amissionis gravis bonorum, aut excommunicationis, aut alius damni gravis, quod contrahens timeret sibi, aut sibi coniunctis usque ad quartum gradum: ita communiter dd. (9). Solus metus reverentialis erga parentes, avos, dominos, praelatos, et tutores (addunt Ronc. Sanch. Boss. etc. etiam erga patruos, et fratres natu maiores) dicimus cum sententia communi Lessii Sot. Sanch. Suar. Mol. Layman Conc. Pont. etc. cum quadam decisione Rotae rom. contra aliquos canonistas, quod non satis sit ad irritandum matrimonium, nisi cum additur timor gravis mali, ut diuturni odii, aut indignationis, aut verberum, etc.; nam, ut recte ait Pont., metus mere reverentialis non est proprie metus, sed simplex reverentia quae secum nullius mali affert timorem, sed solam quamdam erubescientiam, quae potius ab intrinseco quam ab extrinseco ortum habet, sicut mox infra explicabitur (10). 2. Metus iste debet esse ab extrinseco incussus, nempe ab alio: et non sufficit ut sit ab intrinseco, ut si quis contraheret, ut ab aliquo liberetur damno, a nemine incusso, sed a seipso apprehenso; ita communiter Sanch. Pont. Sotus Ronc. Salm. (11). 3. Debet esse iniuste incussus; unde si forte spon-

(7) suppl. q. 47. a. 3. (8) l. 6. n. 1055.
(9) n. 1047. et 1048. (10) n. 1056.
(11) n. 1049.

(1) l. 6. n. 1041. (2) n. 1042.
(3) n. 1043. (4) n. 56. et 1044.
(5) n. 1045. et 1054. (6) n. 1045.

timore carceris, quem ei iuste minitatus est index, contrahat, aut timore ne sponsa eum accuset, tunc matrimonium est validum. 4. Debet incuti metus ad finem contrahendi matrimonii; quare si stuprator ducit corruptam incussus timore minarum illius coniunctorum, matrimonium est nullum; secus vero si parentes minantur ei mortem ob violationem puellae, et ille, ut a periculo liberetur, matrimonium contrahit; ita communiter Sanch. Bonac. Ronc. et alii (1). Dubitatur autem an irritato facto matrimonio metus causa, libera restet etiam pars quae metum incussit? Affirmant probabiliter Sanch. Sot. Castr. Busemb. Hurtad. etc.; sed probabilior videtur opposita Pontii Nav. Coninch. Salm. etc. uti deducitur ex *c. 1. de eo qui duxit*, quia nemini commodum de suo facinore comparandum est. Imo dicimus cum Castrop. eum, qui metum incussit, omnino teneri mulierem ducere, cum non posset alio medio illius honori consulere (2).

65. 8. *Ordo*: intelligitur sacer, quo dirimitur matrimonium, non quidem lege divina, uti volunt nonnulli, sed ecclesiastica sicut probabilius docent Sanch. Pont. Suar. Bellarm. etc. cum s. Bonav. et s. Thoma (3) qui dicit: *Sed quod (Ordo) impediatur matrimonio ex constitutione Ecclesiae habet*; quia votum simplex castitatis ex se non irritat certe matrimonium; si igitur irritat, est quia est solemne, sed talis solemnitas dumtaxat provenit ex lege Ecclesiae: ideoque bene potest Papa in eo dispensare (4). 9. *Ligamen*: intelligitur de eo qui alio matrimonio ligatus est, propter quod cum nemine alio contrahere potest, nisi certe constet de prioris coniugis morte: qui si comparet, tenetur, qui aliud contraxit matrimonium, ad priora redire vota (5). 10. *Honestas*: nempe publica honestas, qua nullum

redditur matrimonium illius qui, sponsalibus celebratis cum una, matrimonium contrahit cum consanguinea illius in primo gradu, sicut novissime statuit Tridentinum, quia iure antiquo tale impedimentum extendebatur usque ad quartum (6). Hic notandum 1. tale impedimentum non oriri ex sponsalibus cum persona incerta initis (v. g. cum una ex filiabus Petri), uti constat ex *c. uno de sponsal. in 6.*, neque ex sponsalibus conditionatis, si adhuc conditioni non fuerit eventus, ut dicunt communiter Sanchez Castrop. Bonac. Salmant. et certum est ex declaratione Bonifac. VIII. apud Tourn. Notandum 2. ex matrimonio rato oriri impedimentum publicae honestatis usque ad quartum gradum, licet matrimonium fuerit nullum, modo nullitas non provenit ex defectu consensus, quia in hoc ius antiquum correctum non est a Concilio; ita communiter Sanchez Pont. Castrop. Salmant. Sed hic quaeritur an adsit impedimentum, cum nullitas oritur ex defectu consensus? Affirmant Sanch. Pont. et alii, quoties defectus est occultus (et idem dicunt de sponsalibus nullis ob quemcumque defectum occultum, cum valida sunt in foro externo); sed probabilius negant Castr. Bon. Conc. Salm. Coninch. etc. quia in textu citato universaliter dicitur quod ex matrimonio nullo defectu consensus non oritur impedimentum; et ita refert Barbosa declarasse S. C. Quoad autem sponsalia, indistincte dixit Trident. *sess. 24. c. 3. de Reform. matrim. Ubi Sponsalia quacumque ratione valida non erunt, sancta Synodus prorsus tollit* (impedimentum) (7). Notandum 3. sponsalia licet mutuo consensu soluta, aut alia ex iusta causa, parere impedimentum, uti recte dicunt Sanch. Tourn. Conc. Sot. Laym. Bonac. Salmant. etc. (contra Pont. Castrop.). Ratio est quia ex sponsalibus validis, iuxta Trid. iam oritur

(1) lib. 6. n. 1049. ad 1053. ubi alii casus discutiuntur. (2) n. 1057. (3) in 4. dist. 37. q. 1. a. 1.

(4) l. 6. n. 1058. et 1059. (5) n. 1060. (6) n. 1061. (7) n. 1062.

impedimentum; unde hoc non potest deinde tolli sponsorum voluntate, aut alia causa superveniente: et haec sententia (uti recte ait La-Croix) est omnino tenenda ex approbatione S. C. approbata ab Alex. VII. die 6. Iulii 1668. ubi prohibitum fuit, ne hoc deinceps amplius in dubium revocaretur (1). Notandum 4. ex matrimonio nullo, ex eo quod fuit clandestinum, etiam oriri impedimentum publicae honestatis, ut recte dicunt Pont. Castrop. Pign. Romc. Tourn. Conc. Laym. etc. (contra Sanch. Nav. et Coninch.), et ita declaravit S. C. (2). Insuper hic advertendum matrimonium ratum cum una sorore, sed invalidum ob publicam honestatem, non inducere impedimentum in praeiudicium alterius sororis, cum qua contracta sunt sponsalia, uti ex *cit. c. unic. de spons. in 6.* (3).

66. 11. *Ætas*: intelligitur, si sponsus sit minor natus quam 14. annos completos, et sponsa 12., matrimonium est nullum, uti habetur ex *c. 7. 10. et 14. de Spons. impub.*, modo malitia non suppleat aetatem, ut excipitur ex *c. de illis 9. eod. tit.*; sed hoc intelligitur pro illis impuberibus qui pubertatem iam attingunt; et praeterea intelligitur de illis qui non solum potentes sunt ad generationem, sed etiam sunt capaces ad intelligendas consequentias coniugalis vinculi, ad quod contrahendum perfecto opus est rationis usu, ut dicunt Sanchez Sotus et alii cum s. Thoma (4). Quaeritur hic, an matrimonium sit nullum, si pueri etiam completa aetate coire nequeant? Alii affirmant, sed communiter negatur cum Navar. Castr. Sanch. Silvest. etc.; nam nulla lege cavetur quod matrimonium inter puberes pueros sit nullum, si adhuc potentia generandi careant; dum impotentia tunc potius iudicanda est temporalis, quam perpetua. Itaque tunc, ut communis dicunt Ca-

(1) l. 6. n. 1066. (2) n. 1064. (3) ib. v. notandum. (4) n. 1065. et 1066. (5) n. 1067. (6) ib. v. matrim.

str. Pont. Sanch. Silvest. Escob. etc. quoad marem expectanda est aetas usque ad annum 18.. quoad mulierem saltem usque ad 14. (5). Notandum hic matrimonium senum aetatis decrepitae etiam esse validum, modo coire possint arte medica; ita communiter Sanch. Salm. et alii cum s. Thoma (6).

67. 12. *Affinis*: Affinitas illa quae oritur ex copula habita ab uno sponsorum cum consanguineis alterius. Haec dirimit matrimonium usque ad quartum gradum, si ex copula licita nata est: usque ad secundum, si ex illicita; ita ex Trid. *sess. 24. c. 4.* Notandum hic quod affinitas non parit affinitatem, unde duo fratres possunt ducere duas sorores; et vitricus potest ducere uxorem sui privigni, ut declaravit S. C. (7). Insuper notandum quod si quis cognoscit sororem sponsae suae, neutram sine dispensatione ducere potest; sed obtentâ dispensatione, si iterum eandem sororem sponsae cognoscit, nova dispensatione non indiget; et hoc etiamsi dispensatio executioni data sit, ut dicunt probabilius Sanchez Tourn. Anacl. Guttier. etc. contra Habert. et Elbel. cum Declaratione S. C. quia illa affinitas iam per dispensationem sublata est ad effectum contrahendi matrimonium. Et ita revera respondit s. Poenitentiaria 21. Sept. 1752, cuidam rescripto quod authenticum ego vidi. Advertit autem Lambertini (8) cum Fill. Cleric. et Tamb., quod si postea impedimentum, super quo in foro conscientiae dispensatum est, detegatur in foro externo et coniuges non possunt ad probandam dispensationem aliquam probationem adducere, tunc Episcopus aut parochus debet quiescere, si confessarius testetur de obtentâ dispensatione (9).

68. Praeterea notandum praefatum affinitatis impedimentum tunc dirimere matrimonium, cum illud praefatum (7) n. 1068. et 1069. (8) notif. 87. n. 51. (9) l. 6. n. 1140.

cessit; sed si post matrimonium coniux rem habet cum consanguineo alterius in primo aut secundo gradu, ille privatur iure petendi debitum, ut habetur ex c. Si quis 1. de *Eo qui cognov.* etc. et ex Declaratione Gregorii XIII. (1). Advertendum autem: ab hoc impedimento 1. excusatur metus, v. g. si uxor metu gravi coacta cognoscitur a consanguineo viri: ita communiter et probabilius Navar. Bonac. Rebel. Elbel cum Layman Sotus Castropal. et Salmant. qui hoc probabile vocant, quia sicut metus gravis a lege humana, ita etiam excusat a poena (2). 2. Excusatur ignorantia: haec ignorantia potest esse aut facti, aut iuris, aut poenae. Si est facti, nempe si coniux ignorat illam personam, cum qua copulam habet, esse consanguineam sui coniugis, ab omnibus excusatur, licet ignorantia esset crassa, ut dicunt Sanch. Pont. Nav. Castr. etc., cum illa poena sit imposita, ut legitur in textu citato, *scienter peccantibus* (3). Nec incurritur ab eo qui ignorat legem ecclesiasticam, quae praeter divinam id prohibet; dum non potest incurri poena illius legis, cuius nulla habetur notitia; ita communissime Suar. Navar. Bonac. Wigandt Pont. Salm. etc. contra pauciores (4). Et est etiam probabile non incurri ab eo, qui licet sciat legem ecclesiasticam, ignorat tamen poenam: ita tenent Bon. Wigandt Castrop. Boss. Coninch. et alii; quia hoc impedimentum (ut dicunt) habet verae poenae rationem; alias etiam incurreretur ab eo qui citra culpam committeret incestum; et cum sit poena extraordinaria, ei non subiicitur ignorans, uti dicitur *Tr.* 19. n. 8. loquendo de *Censuris* (5). 3. Non incurritur praefatum impedimentum, nisi copula sit ex utraque parte consummata cum seminatione, ut probabiliter dicunt Castrop. Silv. Sanch.

(1) l. 6. n. 1070. (2) n. 1071.

(3) n. 1073. (4) n. 1072. (5) n. 1074.

(6) suppl. qu. 55. a. 4. ad 2.

Bonac. Salm. et alii cum s. Bonav. et s. Thoma (6), qui dicit: *Vir et foemina efficiuntur una caro per commixtionem seminum: unde, ... nisi mixtio seminum sequatur, non contrahitur affinitas*. Advertendum tamen quod in dubio semper praesumenda est copula fuisse perfecta, et consummata ab utraque parte (7).

69. Huic impedimento, communis est sententia cum Merb. Castr. Lay. Pont. Sanch. Boss. Wig. Anacl. etc. contra aliquos pauciores, posse dispensare Episcopos ex potestate sua ordinaria, ut saltem ex consuetudine iam introducta (8). Et possunt delegare etiam aliis facultatem dispensandi, cum ipsa annexa sit dignitati episcopali; ita etiam communiter Barbosa, Pont. Sanch. Castrop. Sal. Bon. etc. (9). Item possunt dispensare omnes confessarii mendicantes ratione privilegiorum suorum, ut referunt Sanch. Pont. Spor. Sal. etc. contra Concina (10). Ad hoc autem ut regulares confessarii possint super hoc impedimento dispensare, alii volunt ut illi habeant licentiam suorum Generalium, aut Provincialium; alii absolute id negant; caeterum recte dicunt Salm. cum aliis non requiri, sed sufficere licentiam Superioris localis, dum privilegium concessum Benedictinis Vallisolanis a Martino V. et a Iulio II. concessum fuit Priori monasterii (11).

70. XIII. Si clandestinus: Advertendum clandestinitatem, loquendo de matrimonio, bifariam accipi posse: primo cum sunt nuptiae omissis denuntiationibus, et de hac iam actum est num. 55. Secundo cum celebratur matrimonium sine parochi, et testium assistentia, et de hac est sermo. *Trid. sess. 24. c. 1.* declaravit nullum fore matrimonium, nisi contrahatur coram parcho, aut alio sacerdote de eius licentia, et coram duobus saltem testibus; et hoc currit (si in locis ubi Trident. receptum est,

(7) l. 6. n. 1075. (8) n. 1076.

(9) n. 1125. (10) n. 1127. (11) n. 1128.

versatur) etiamsi aliqua urgeat necessitas quæ oppositum expostularet, et etiamsi matrimonium sit contractum ex ignorantia; ita communiter dd. (quicquid dicant aliqui cum Scot.), dum Concilium declaravit omnino inhabiles eos qui aliter contrahunt (1). Quoad testes, notandum quod quilibet testes in hoc sufficiunt, etiam mulieres, pueri (modo sint rationis capaces), infideles, infames, parentes, servi, et etiam illi qui casu illac transeunt, aut vi detinentur; ita communiter Sanch. Barb. Castrop. Lay. Bon. etc. (2).

71. Quoad parochum autem, plura notanda sunt. Notandum 1. nomine parochi intelligi non solum Episcopum, et Vicarium capitularem Sede vacante, sed etiam Abbatem iurisdictionem quasi episcopalem habentem, Vicarium generalem Episcopi, licet ei hoc Episcopus prohibuisset, cum non possit hic impedire quominus parochus, aut Vicarius suus generalis matrimoniis assistat, ut pluries declaravit S. C. (3). Peccaret tamen graviter parochus, si assisteret postquam ei ab Episcopo iurdictio vetita sit, ut communiter dicunt dd. Notandum 2. parochum etiam irregularem, aut suspensum, aut excommunicatum, licet vitandum, valide assistere, ut dicunt communiter Sanch. Pont. Salm. etc. et Fagn. cum Decreto S. C.; ibi enim non exercet iurisdictionem, sed tantum uti testis assistit (4). Licet, assistente vitando, non excusarentur a culpa gravi nec ipse nec sponsi, modo casus non accideret quo gravissima causa urgeret, ut citius matrimonium contraheretur; et non suppeteret tempus Episcopum adeundi, ut dicunt probabilius Conin. Pont. Suar. Vasq. Bonac. etc. contra Sanch. Boss. etc. (5). Contra probabilius dicunt Sanch. Castrop. Barb. Pont. Bonac. Caiet. Salm. etc. (contra Laym. et alios) parochum vitan-

dum recte dare posse alteri sacerdoti licentiam assistendi; nam licentiam dare non est actus iurisdictionis, sed potestatis sibi a Concilio concessae, non uti parochus, sed uti testis, cum facultate delegandi alium sacerdotem (6). Bene potest etiam assistere, aut licentiam dare parochus non sacerdos infra annum, quo sacerdotio initiandus est; et etiam post annum (saltem valide), sicut declaravit S. C. (7). Et ita pariter sacerdotes qui titulo colorato parochus haberetur (8), aut errore communi, iuxta dicta tr. 16. n. 90. Notandum 3. sufficere licentiam parochi etiam tacitam, modo sit praesumpta de consensu praesenti; non iam ratihabitione futura, ut dicunt communiter Sanch. Pont. Bonac. Salm. etc. Et sufficit etiam dolo aut timore extorta, et oretenus tantum data, ut addunt iidem aa. citati (9).

Notandum 4. assistere debere matrimonio parochum illius parochiae, in qua sponsi domicilium habent; sed si domicilium in duobus parochiis haberent, communissime docent Sanch. Pont. Bonac. Coninch. Ronc. Salm. etc., posse contrahere coram parochus alterutrius; modo in utraque (moraliter loquendo) aequè incoluerint (10). Sed advertit p. Zaccharia pluries declarasse S. C. quod si sponsi fictè in aliam parochiam domicilium transferrent, ibi contrahendo, invalide contraherent. Sed contra validum esset matrimonium, si eo revera domicilium transferrent, licet in fraudem parochi primi domicilii; ita Croix cum Fagnano, Barb. Sanch. Silv. Boss. et alii (11). Notandum 5. ad matrimonii valorem sufficere assistantiam parochi alterutrius sponsi, etiam extra parochiam, et dioecesim; quare valet matrimonium, si in parochia sponsae assistit parochus sponsi, ut declaravit multoties S. C. accedente etiam Pontificis approbatione (12). An

(1) l. 6. n. 1079. (2) n. 1085. (3) vide p. Zacch. ap. Croix l. 6. p. 3. n. 725.

(4) n. 1082. (5) n. 1083. (6) n. 1084.

(7) n. 1081. (8) ibid. (9) n. 1088.

(10) n. 1086. (11) Croix l. 6. p. 3. n. 717.

(12) n. 1087

autem peccet parochus assistendo extra parochiam? alii affirmant; sed communieum excusant Sanch. Cast. Salm. Barb. Coninch. Boss. etc., dicendo (ut supra) assistere non esse actum iurisdictionis (1). Quaeritur an in aliam parochiam proficiscens non animo eodem transferendi domicilium, nec ex transitu, sed ut ibi per maiorem anni partem moretur, possit ibi contrahere nuptias? Alii probabiliter negant; sed probabilius affirmant Sanch. Pont. Bon. Silv. Castrop. et Salm. Imo dicit Lambertini cum Laym. et Nav. sufficere ut ibi moretur per aliquam notabilem anni partem occasione alicuius occupationis, ut medici, iudicis, servi, cauponis etc. (2); vide dicta *tr.* 14. n. 17.

72. Notandum 6. vagos posse contrahere coram quocumque parochus, licet tantum alter sponsorum sit vagus. Tenetur tamen tunc parochus investigare diligenter, an alibi contraxissent; et istis assistere non debet sine speciali Episcopi licentia, ut docent Sanch. Barb. Salm. etc. Quoad externos, hi non possunt matrimonio coniungi extra patriam, nisi ostendant fidem authenticam Ordinarii proprii de statu eorum libero, uti constat ex instructione S. C. (3). Sed ut declaravit etiam S. C. exteri in carceribus detenti non possunt ibi contrahere. Et idem docet Lambert. dicendum (iuxta instructionem S. C.) de exteris infirmis in xenodochiis, excepto casu praecisae necessitatis, in qua possunt caeteroquin contrahere, etiam sine attestatu de statu libero; sed antequam de eo constet, non possunt matrimonium consummare. Puellae vero expositae, quae in conservatoriis versantur contrahere debent coram parochus ipsiusmet loci, uti declaravit S. C. Et idem dicit Lambertini ex antiqua consuetudine, quae adest, de illis puellis quae

vivunt in conservatoriis, a quibus aluntur, et dotantur; sed illae quae ibi educantur, debent contrahere coram parochus domicili paterni, materni, aut fraterni, si adest, alioquin coram parochus loci conservatorii; et idem dicunt de famulis qui domi minorum vivunt (4). Praeterea circa matrimonia militum adsunt multae Decis. S. C. (5), nempe quod non possunt contrahere sine Pontificis licentia coram capellano castrorum, sive in praesidiis, sive in stationibus hyemalibus, aut aestivis, et ne in castris quidem, licet in oppositum inveniam apud Pittonium (6) quoddam Decretum S. C. ubi dicitur quod ipsi capellani possunt assistere matrimonio militum, cum hi in actuali expeditione reperiuntur. Sed cum sunt exteri, semper opus habent fide suorum Ordinariorum de statu libero (7).

73. Notandum 7. ad hoc ut matrimonium sit validum, requiritur praesentia non tantum materialis, sed etiam moralis parochi et testium, adeo ut ipsi testari possint tam de personis contrahentibus, quam de matrimonio contracto; quare recte ait Pontius (contra Sanch.) apud Croix (8), quod si parochus non bene intelligeret consensum sponsorum, quia forte alterius sunt idiomatis, non sufficit unus interpretes qui affirmet. Contra sufficit si parochus intelligit eorum consensum, licet eos non videat (modo eorum voces dignoscat), et licet nihil ipse proferat; ut decisum affert Fagnanus a S. C. et ut communiter dicunt dd., imo etiamsi vi detentus sit et contradicat, ut communiter etiam dicunt Sanch. Bon. Filliuc. Conc. Busemb. etc. (9), et iuxta plures Decis. S. C. (10). Sed in hoc non excusarentur sponsi a mortali, et in aliquibus dioecesibus incurrerent excommunicationem; nisi

de matr. n. 2117. (7) vide opus nostr. l. 6. n. 1090. (8) l. 6. p. 3. n. 750.

(1) l. 6. n. 1087. (2) n. 115. et 1091. (3) n. 1089 in fin. (4) n. 1091. v. quid si, in fine. (5) ap. p. Zacch. ad Croix l. 6. p. 3. n. 751. (6) Pitton. *tr.*

(9) n. 1092. (10) apud p. Zacch. ad Croix l. 6. p. 3. n. 790.

esset casus, uti dicunt Castr. Con. Salm. etc., quo parochus iniuste rōnueret assistere, et contra adesse necessitas contrahendi (1). Parochus vero tenetur sciscitari consensum a sponsis, et proferre verba: *Ego vos coniungo in nomine Patris, et Filii, et Spiritus sancti*. Licet probabiliter dicunt Sanch. Coninc. Pont. Castrop. Salm. Bon. etc., quod si ea verba non proferret, peccaret tantum venialiter, quoties factus esset certus de consensu manifestato, sed forte probabilius Boss. Rebell. Barb. et alii non excusant eum a peccato mortali, cum defectus sit circa materiam gravem (2).

74. XIV. *Impos*: Hoc impedimentum est frigiditas sponsorum, aut impotentia habendi copulam per se aptam ad generandum. Impotentia haec, si est perpetua, et antecedit nuptias, nec auferri possit nisi per miraculum, aut peccatum, aut cum periculo mortis, de iure naturae illas irritat, ex *cap. Fraternitatis, de frigid. et malef.* Impotentia autem oriri potest 1. ex maleficio: et tunc, si maleficium intra triennium nequit removeri sine peccato, dirimitur matrimonium, ex *cap. fin. eod. tit.* Oriri potest 2. ex frigidityte: et tunc pariter, si intra triennium nequit inter coniuges perfici copula idonea ad generationem, matrimonium irritum est. Idem docet d. Thomas (3) casu quo vir talem habeat erga mulierem abominationem, ut nullo modo possit per triennium cum ea copulari, sicque pariter sentiunt Albert. M. Sanch. Silvest. Ang. Tab. Turrecr. contra Sotum (4). Oriri potest 3. ex improporzione membrorum, nempe si foemina haberet vas nimis arctum; et tunc, si ipsa nequeat apta fieri, nisi per incisionem cum periculo mortis, vel gravis morbi (in quo moraliter semper inest mortis periculum, ut recte apud Sanch. et Ronc.), ma-

trimonium est invalidum ex *cit. cap. Fraternitatis, etc.* ubi dicitur tum matrimonium esse nullum, cum nequit haberi copula, nisi per incisionem, aut alio modo violentia sibi inferatur..., forte tam gravis, ut ex ea mortis periculum timeatur (5).

75. Hic autem insuper tria sunt notanda. Notandum 1. quod mulier eo casu, quamvis non teneatur incisionem pati cum periculo gravis morbi, ut recte tenent (contra aliquos) communiter Pont. Castr. Tournely, Pontas, Sanch. Ronc. Salm. Bonac. Soto, Croix etc., quia nunquam censetur ipsa ad tantum periculum se voluisse obstringere: tenetur tamen illam pati cum aliqua gravi molestia et dolore, ut communissime et probabilius tenent Sanchez, Bonac. Ronc. Spor. Salm. Croix, Soto, Escob. etc. (contra Pontium, Castr. et Tourn.), quia ad id videtur obligari ex contractu inito, cum id sit necessarium, ad servandum viro ius ad copulam (6). Verumtamen, si incisio non posset fieri nisi per manum chirurgi, non videntur improbabilius dicere Coninch. Tourn. cum Pontas, quod mulier non tenetur eam perferre cum tanta verecundia, quod esset onus moraliter intolerabile (7). Quod si vir debilis sit ad scindendum virginale claustrum, an tunc mulier teneatur pati fractionem per aliquod instrumentum? Negant Pont. Castr. et alii, quia cum defectus sit ex parte viri, uxor non tenetur nisi ad tradendum corpus suum modo ordinario et naturali, non extraordinario scindendum. Sed probabilius affirmant Sanch. Vega, Angles. etc., quia huiusmodi molestia, licet non sit modo naturali in eo casu perferenda, tamen non debet dici extraordinaria, cum ex una parte sit ipsa omnibus nuptis ordinaria, et ex alia videtur necessario toleranda, cum desit alias modus ut mulier apta fiat ad tradendum usum sui corporis, cuius domi-

(1) lib. 6. n. 1093. (2) n. 1094.

(3) sup. q. 58. art. 1. ad 5.

(4) l. 6. n. 1096. v. 2. si impotentia.

(5) ib. v. 3. si demum et 1097.

(6) n. 1099. circa fin. (7) ib. in fin.

nium iam in virum transtulit (1). Notandum 2. quod soluto matrimonio ob arctitudinem foeminae, si ipsa cum alio nuptias iniret, non ex eo quod per usum coniugii apta facta sit primo viro, ideo primum matrimonium validum est reputandum, sed id coniiciendum a similitudine secundi viri cum primo: ita (quicquid alii dicant) recte docent d. Antonin. Sanch. Silv. Ang. Turrecr. Durand. etc. Idque clare colligitur ex d. cap. *Fraternitatis*, ubi dictum fuit ideo teneri mulierem redire ad primum virum, cum pateat (verba textus) *ex post facto, quod cognoscibilis erat illi, cuius simili commiscetur* (2). Notandum 3. quod cum impotentia est certa, non est iam expectandum triennium; tunc enim statim potest altera pars ab impedita libere discedere (imo tenetur, si adsit periculum incontinentiae), et ad alias nuptias transire, etiam ex propria auctoritate, si non adsit scandalum; si vero adsit, ut communiter accidit, debet omnino ad iudicem ecclesiasticum recurrere, et impedimentum probare (3): quando autem impotentia est dubia, tunc si dubium antecessit nuptias, pars dubitans de sua potentia (intellige positive ex aliquo indicio probabiliter, non autem negative, cum ordinarie quisque habilis praesumitur) nequit contrahere, nisi dubium alteri parti manifestet, et sit saltem probabiliter potens, ut dicunt Dicast. Elbel. et Viva (4). Si autem dubium superveniat matrimonio, tunc datur triennalis experientia (quae incipit a copula intentata); et experientia permittitur, licet coniuges semen (sed praeter intentionem) extra vas effundant, ut communiter docent Sanch. Castr. Soto, Tourn. Salm. etc. ex d. Thoma (5). Et in dubio an impotentia nuptias antecesserit, vel supervenerit, probabilius dicunt Bon. Sylv. Tourn. Salm. etc. (contra Sanch. Ca-

str. Mazz. etc.) indicandum quod antecessit, nisi forte post matrimonium aliquis supervenerit morbus, ex quo impotentia praesumatur successisse (6). Quod autem ad forum externum pertinet, observa quae in Opere adnotantur (7). Ibi quoque etiam vide quae dicuntur de matrimoniis, quae contrahuntur inter haereticos, vel cum haereticis (8).

76. XV. *Rapta*: Raptui etiam a Tridentino (*sess.* 24. c. 6.) impositum est impedimentum. Ad contrahendum hoc impedimentum requiritur 1. ut mulier rapta sit ab uno ad alium locum exportata, vel saltem ab una ad aliam domum per aliquos passus dissitam (sed non sufficit ab uno ad aliud eiusdem domus cubiculum), ubi illa manet sub raptoris potestate, licet ibi illa ab eo cognita non sit; ita communiter Sanch. Salm. Conc. etc. (9). 2. Ut raptus sit patratu solo sine matrimonii; unde, ut probabilius tenent Sanch. Coninc. Holzm. Castr. Salm. etc. (contra Bonac. Busemb. etc.) non contrahit hoc impedimentum, qui alio fine eam raperet, etiamsi ad libidinem explendam; nam Concilium hoc impedimento nihil aliud intellexit, quam matrimonii libertati favere (10). 3. Ut raptus fiat dissente muliere; secus est si, dissidentibus propinquis, mulier assentiatur, raptor licet incursum sit alias poenas in raptos latas, non autem impedimentum, uti communiter docent Sanch. Castr. Conc. Holz. Coninc. Aversa, Salm. etc. (11). Et idem constat ex c. *penult. de Rector.* ubi dicitur: *Iste raptor dici non debet, cum habuerit mulieris assensum, et prius eam desponsaverit, quam cognoverit, licet parentes reclamarent.* Notandum hic 1. quod iuxta Trid. praeter hoc impedimentum, raptor et caeteri omnes, qui ad id auxilium suum praestant, incurrunt excommunicationem ipso facto; reliquae vero poenae impositae a Concilio non in-

(1) lib. 6. n. 1100. (2) n. 1098.

(3) n. 1101. (4) n. 1102. (5) n. 1103.

(6) n. 1104. (7) n. 1103. (8) n. 1105.

(9) n. 1107. (10) ib. v. requir. 2.

(11) n. 1107. v. requir. 3.

curruntur, nisi post sententiam; Castr. Sanch. Salm. etc. (1). 2. Quod raptor mulieris invitae incurrit impedimentum, et poenas, licet cum illa prius contraxerit sponsalia, uti recte docent Castr. Escob. Sa, Sanch. Conc. Corn. Salm. etc. (contra aliquos), cum constet ex Concilio incurri impedimentum, quoties mulier invitae rapitur (2). Dubium sit autem, an in casu raptus etiam sponsalia invalidentur? Affirmant Bonac. Pont. Sanch. Dicast. Salm. et alii communius. Verum opposita, quam tenent La-Croix, et Holzm. (3) cum Perez, Pichler, Kämmer, et aliis, mihi probabilior videtur; quamvis enim leges poenales extendantur ad casus in quibus eadem currit adaequata ratio, prout dictum est *tract. 2. n. 78*; in nostro tamen casu non eadem ratio militat, nam matrimonium non est rescindibile sicut sponsalia sunt.

PUNCTUM VI.

De matrimonii irriti revalidatione.

77. *Quandonam impedimentum dicendum est occultum.*
78. *Quid si parochus et testes conscii erant impedimenti, etc.*
79. *Qui fecte contraxit, an teneatur verum praestare consensum.*
80. *An qui contraxit ex metu, aut fecte, teneatur patefacere nullitatem.*
81. *An ablato impedimento debeat pateferi nullitas ignorantis.*
82. *Quomodo exigi debeat consensus ab ignorante.*

77. Hic prae notandum 1. matrimonium probabiliter validum, habendum esse certe validum, quia praesumitur Ecclesia certe dispensare in impedimento, quoties adest vera probabilitas de matrimonii valore, ut dictum fuit *tr. 1. n. 27*. Prae notandum 2. (uti dictum est hic *n. 29.*) ad revalidandum matrimonium nullum ex defectu occulto, sufficere consensum solum externum sponsorum, omitta assistentia parochi et testium,

(1) lib. 6. n. 1107. v. not. hic.

(2) Lambert. notif. 87. n. 45. in fin.

(3) La-Croix 4. 6. p. 3. n. 54. Holzm.

illa enim iam adfuit. Itaque hic notandum impedimentum tunc dici occultum, iuxta Fagnanum, cum non est notum nisi 4. aut 5. personis loci: sed Lambertini (4), cum Tiburt. Nav. Thesaur. et Syro, dicit esse occultum, licet sit cognitum 7. aut 8. personis. Caeterum dicunt Nav. Sanch. Azor. Avil. Salm. Reginald. Molin. Tearn. Bon. Castr. Tolet., etc. communissime, delictum aut factum tunc dici occultum, cum non est notum nisi maiori parti regionis, parochiae, aut viciniae, ubi morantur saltem 10. personae; et mihi constat s. Poenitentiarium dispensasse in quodam casu quo impedimentum erat cognitum 10. personis. Hoc tamen intelligi debet, quoties prudens non adsit timor, ne impedimentum fiat publicum, quia tunc non potest dispensari in impedimento ut occulto, licet esset notum tantum duabus personis, uti dicunt Layman, Sporer, Croix, Hurtad. Et idem dicit Fagnanus observandum, cum in clausula s. Poenitentiarum dicitur, *omnino occultum*, ut poni solet in impedimento criminis. Contra dicunt Sanch. et Lambert. cum Bon. de Leone, Girib. Tiburt. Navar. et pluribus aliis, quod aliquando factum est publicum materialiter, quia iam viciniae cognitum est; sed formaliter est occultum, quia ignoratur tale impedimentum; et tunc potest etiam ad s. Poenitentiarium pro dispensatione concurrere, tanquam occultum (5).

78. His positus quaeritur 1. an revalidandum sit matrimonium coram paracho et testibus, cum tempore quo contractum fuit coniuges erant conscii impedimenti? Affirmant Sanchez Ledesma et Croix, et alii probabiliter, quia tunc illi non fuerunt testes de valore matrimonii, sed potius nullitatis; sed probabilius negant Coninch. Tambur. Gobat. et alii, quia eorum assistentia a Tridentino non praescripta fuit ad testificandam made Matr. t. 7. n. 271. (4) Card. Lambertif. 87. n. 45. in fin. (5) l. 6. n. 1111.

trimonii validitatem, sed ad eius celebrationem, ne quis (ut exprimit Concilium) fraudulenter plura matrimonia ineat; imo hic est stylus sacrae Poenit. (1).

79. Quaeritur 2. an qui fide contraxit, teneatur ad revalidandum matrimonium per verum consensum? Affirmant Castrop. Roncagl. Concina Salmant., etc. dicendo quod cum una pars iam corpus suum tradiderit per consensum, tenetur altera pars, ut aequalitatem servet, tradere etiam corpus suum per verum consensum; sed probabilius Sanch. Navar. Henric. Arag. Hurtad. Gutt., etc. negant (modo matrimonii revalidatio non requireretur ad reparanda damna ex dolo illata); ratio est, quia deficiente consensu alterius, contractus fuit nullus, et per consequens nulla intercessit alterius partis traditio, adeo ut eadem pars remaneat in eo casu libera, non secus ac si nunquam consensum dedisset (2).

80. Quaeritur 3. an qui fide, aut metu contraxit (quo casu matrimonium est nullum, ut diximus numer. 64.), si velit matrimonium revalidare, verum praestando consensum, teneatur alteri parti manifestare matrimonii nullitatem? Negat sententia communior cum Sanchez Lessio Navar. Laym. Tournely Roncaglia Bonac. Salmant. et aliis pluribus cum s. Antonino et s. Thoma (3), qui loquendo de matrimonio metu inito, dicit: *Ex consensu libero illius qui primo coactus est, non fit matrimonium nisi in quantum praestando consensum praecedens in altero adhuc manet in suo vigore; unde si dissentiret, non fieret matrimonium.* Igitur si metum passus consensum praestat, iam matrimonium revalidatur. Ratio est, quia in contractu matrimoniali non est necessaria simultas physica consensuum, sed sufficit moralis, nempe ut una pars consensum suum praestet, dum alterius par-

tis consensus semel praestitus adhuc perseverat in aliquo effecto, nimirum per copulam maritalem, aut per cohabitationem. Idem tenet p. Cuniliati (4) cum s. Bonaventura Paludano et Soto; atque non obstando timorem quod si requireretur pars de novo consensu, forte non daret: nam hic dissensus interpretativus non est verus dissensus, et interim perseverat consensus semel praestitus. Id quod fortius urget pro hac sententia, sunt duo Canones, qui pro ea adducuntur. Primus est in cap. *Insuper* 4. *Qui matrim. accus.*, etc. ubi in argumento sic habetur: *Invita desponsata postea sponte cognita, contra matrimonium non audiatur.* Secundus est in cap. *Ad id* 21. *de Sponsalib.* ubi dicitur: *Quamvis ab initio invita fuisset ei tradita, tamen, quia postmodum per annum et dimidium sibi cohabitans consensisse videtur, ad ipsum est cogenda redire.* Itaque iuxta hos textus spontanea copula, vel cohabitatio aequivalet libero consensui. Advertendum vero cum Sanch. Navar. Tournely, etc. ad hoc ut pars liberum ponat consensum, oportet ut sciat nullum fuisse matrimonium (5). Secunda autem sententia absolute tenet, quod ad revalidandum matrimonium manifestanda est alteri parti eius nullitas; ita dicunt Castropalaus et Hurtadus apud Salmanticenses, et praesertim Pontius cum Comitolo (6), qui refert super hoc quandam declarationem Clementis VIII. qui consultus in simili casu, sic respondit. Ratio, quia consensus partis, quae libere eum praestitit, ab initio fuit nullus, cum ceciderit super materiam inhabilem: unde cum materia postmodum habilis facta fuerit, ad matrimonium reconvalidandum novus requiritur consensus sensibilibus signis praestandus, quandoquidem primus, cum fuerit invalidus, perseverare non potuit. Cardinalis Lambertini (7) sentit quod, cum agatur hic de valore

(1) l. 6. n. 1112. (2) n. 1113.

(3) S. Thom. sup. quaest. 47. a. 4 ad 2.

(4) Cuniliat. de matr. §. 29. n. 2. et 3.

(5) lib. 6. n. 1114. (6) ibid.

(7) Lambertini notif. 87. n. 69.

Sacramenti, omnino haec secunda sententia tenenda est tanquam tutior; tanto magis quod idem p. Sanchez (ut ait) qui oppositam tuetur, probabiliorē vocat. Ratio caeterum supra adducta videtur equidem satis fundata. Sed contra non video, quomodo responderi possit textibus supra relatis, et praesertim secundo in *cap. Ad id 21. de Sponsal.* ubi casus fuit, quod puella quaedam, quae prius invita nupsit, deinde iudicans matrimonium nullum ad secundas transierat nuptias: at quia per annum cohabitaverat cum primo viro, praecipit Pontifex, ut ad eum rediret, urgente praesumptione quod sua longa cohabitatione iam consensum praestiterit: *Quamvis ab initio (repeto verba textus) invita fuisset ei tradita, tamen, quia postmodum per annum ibi cohabitans consensisse videtur, ad ipsum est cogenda redire.* Papa igitur non habuit pro vera rationem Pontii, quod consensus libere praestitus a viro eo casu per se nullus esset, tanquam cadens super materiam inhabilem; sed potius ut verum habuit, quod ille mariti consensus, moraliter perseverans, et se coniungens cum consensu postmodum praestito a muliere per suam cohabitationem, iam primum coniugium revalidaverat, et ideo praecipit, ut mulier ad ipsum redire teneretur. Quod autem ad declarationem Clementis VIII. in contrarium adductam respondet Roncaglia vel de ea non satis constare, vel Pontificem eo casu ut privatum doctorem fuisse locutum.

81. Quaeritur 4. an cum matrimonium est nullum ob aliquod impedimentum, ut revalidetur novo consensu, sublato impedimento per dispensationem, utraque pars conscia esse debeat nullitatis? Affirmant Pontius Less. et Castrop. cum Guttier. Hurt. Comit. et alii, quia prior consensus praestitus a parte quae ignorabat impedimentum, fuit nullus: po-

(1) Notif. 87. n. 80. (2) l. 6. n. 1115.

(3) vide Const. etsi matrimonialis, et

sterior vero eiusdem partis etiam nullus est, siquidem cum ignoret nullitatem matrimonii, licet praestet consensus, errat ideo in substantiam, dum intendit consentire in coniugem iam suum. Contra Sotus Palud. Ledes. Rodrig. Ang. Salmant., etc. dicunt non esse necessariam scientiam nullitatis matrimonii, sed sufficere simplicem consensum praestitum a parte inscia, aut expresse, aut saltem signis externis; quia licet prior consensus fuerit nullus ob impedimentum ab Ecclesia appositum, attamen fuit validus lege naturae; quare sublato impedimento, sufficit prior consensus qui iam perseverat in effectu per copulam coniugalem, aut per cohabitationem, aut per alia signa externa. Et revera Lambert. (postmodum Benedictus XIV.) (1) refert quoddam Breve Clementis XI. editum die 2. april. 1701. ubi Papa revalidavit quaedam matrimonia aliquarum nationum, quae nominabantur *Procules* et *Quartarones*, nulliter contracta, quin novum exquisierit consensus. Super hoc puncto (quidquid dictum sit in Opere morali) (2) nunc dicimus, quod stante declaratione Benedicti XIV. edita die 27. septemb. 1755., novissime a me inspecta in *Tom. 4. Bullar.* nuperrime typis dato pag. 546. (3) ubi dicitur, facto casu quod quidam vir contraxerat nulliter matrimonium ob impedimentum consanguinitatis, sed bona fide, et conabatur illud roborare inscia uxore ob scandalum quod timebatur separationis, Pontifex dispensasse, et simul etiam declarasse (*vide ibid. §. 7.*) quod cum non agatur de impedimento orto iure divino vel naturali, ut cum datur consensus vivente altero coniuge, aut si est servus ignotus, aut erratur in persona; sed iure ecclesiastico, in eo casu posse quidem Papam matrimonium roborare dispensando a novo consensu praestando a parte ignorante impedimentum, pro valido habendo consensum tenorem subsequēntis decreti cum nuper

quem illa in principio dedit, qui consensus lege naturae erat validus; tunc enim Papa aufert impedimentum in radice matrimonii, retrotrahendo contractum, ac si in principio nullum adfuisset impedimentum: iuvat hic verba Benedicti adnotare: *Porro gratia concessa importat dispensationem in radice matrimonii, quae a romanis Pontificibus concedi consuevit, urgente magna causa, et quando agitur de impedimento matrimonii ortum habente, non a iure divino, aut naturali, sed a iure ecclesiastico; et per eam non fit, ut matrimonium nulliter contractum non ita fuerit contractum, sed effectus de medio tolluntur, qui ob huiusmodi matrimonii nullitatem ante indulgentiam dispensationem, atque etiam in ipso matrimonii contrahendi actu producti fuerunt.* Caeterum cum haec specialis Papae dispensatio non intercedit, non est recedendum in praxi a prima sententia, potissimum quia s. Poenitentiarum in concedendis dispensationibus pro revalidandis matrimoniis nulliter contractis, expresse apponit clausulam: *Ut dicta muliere (aut viro) de nullitate prioris consensus certiorata, uterque inter se de novo secrete contrahere valeant.* Et haec, ut probabilius ait Lamb. (1), est conditio positiva, non autem simplex instructio, uti contendebant Sanch. Bonac., etc.; nam iuxta iurisperitos ablativum absolutum importat veram conditionem, sicut habetur ex lib. *A testatore*, ff. de *Condit.* etc. (2). Hoc tamen intelligitur extra casum urgentis necessitatis, quia in casu quo si, patefacta nullitate matrimonii, timeretur periculum mortis, aut infamiae, aut scandali ob separationem, tunc observetur quod dicitur *Tr. 20. n. 57.* ubi dicitur in eo casu posse Episcopum dispensare, etcum necessitas non pateretur moram, iuxta id quod dicunt plures dd. potest confessarius declarare legem impediendi tunc non obligare, adeo ut pos-

(1) *Notif. 87. n. 68.*

sit matrimonium contrahi, ommissa dispensatione.

82. Quaeritur 5. si exigendus est consensus a parte inscia (iuxta primam sententiam praecedentis quaesiti), quomodo exigendus est? Communis est sententia cum Sanch. Card. Holzm. sufficere parti consciae impedimenti, eo per dispensationem sublato, sic dicere: *Tempore quo contraxi tecum, ego verum consensum non praestiti, cum nunc praesto, vis etiam tu eum praestare?* quia consensus datus a parte inscia in hoc casu iam non penderet a primo; et recte potest dici quod consensus nullus, cum contractus sit nullus, non est verus consensus. Ita pariter puto cum Bus. Salm. Cai. Nav. et Trull. sufficere si dicatur: *Ego dubito de valore matrimonii nostri, renovemus consensum:* quia eo casu consensus renovatus iam esset independens a primo. Admittunt etiam multi dd. dicere: *Dic mihi, si matrimonium nostrum fuisset nullum, intendis nunc denuo mecum contrahere?* Hunc modum ego non admitterem, nisi tantum cum pars ignara ob talem interrogationem de nullitate matrimonii in suspensionem veniret; aliter consensus illius dependeret a primo, et non esset sufficienter validus, iuxta in superiori quaesito dicta. Alii autem admittunt, etiamsi diceret: *Si non me accepisses, acciperes nunc?* Aut: *Pro mea consolatione de novo consensum praestemus nostro matrimonio.* Sed istis modis ego penitus non assentior, dum in ipsis consensus certo non facit, ne dependeat a priori. Et tanto minus admittere possum quod tenent aliqui, sufficere solum copulam maritali affectu praestitam. Hoc dumtaxat admittunt Sanch. Tourn. Bon. Sot. Caiet. Conin. Salm. Ronc. Instruct. pro Confess. tyronibus, et alii communiter in solo casu necessitatis, nempe cum alii modi adhiberi nequeunt sine periculo gravis damni, ut dictum est supra num.

(2) lib. 6. n. 1115. in fine.

praeced. Nec obstat tunc clausula *certiorata parte* requisita a s. Poenitentiaria, quia in tali casu necessitatis praesumitur, ut sentit Lamberlini cum Tiburt. Navar., loc. cit. Ecclesiam velle omitti talem conditionem uti moraliter impossibilem; cum contra sit valde fundata sententia quod sufficiat ad revalidandum matrimonium nulliter contractum sola copula, aut cohabitatio voluntaria, uti habetur ex cap. *Ad id. 21. de sponsal., cap. Insuper 4. qui matrim. accus., etc.* et ex cap. *Significavit, de eo qui duxit*: ubi dicitur quod per cohabitationem, aut copulam coniugalem spontaneam subsequentem matrimonium nulliter contractum ob vim aut metum, roboratum esse intelligitur (1). Vide n. 80.

PUNCTUM VII. De dispensatione super impedimentis matrimonii.

83. *In quibus impedimentis potest Papa dispensare. (et in quibus Episcopus; remissive ad tract. 20. num. 54. et seq.).*
 84. *De causis iustis ad dispensandum: an omnia impedimenta explicanda sint.*
 85. *An omnes circumstantiae, praecipue incestus.*
 86. *An omnes gradus.*
 87. *De clausulis s. Poenitentiariae.*
 88. *De formulis supplicationum.*
 89. *De formula exequendi dispensationem.*

33. Hic prius sermo erit de iis qui dispensare possunt. Et 1. loquendo de iis qui super impedimentis dispensare possunt, certum est Papam posse dispensare in omnibus tam impedimentibus, quam dirimentibus a iure ecclesiastico ortum habentibus; secus autem in iis quae sunt iuris divini aut naturalis, ut supra dictum est n. 81.; nam iuxta sententiam probabiliorum et communiorum Suar. Pont. Castrop. Silvest. Salas etc., Papa licet possit dispensare in iis, in quibus ius divinum oritur a volun-

(1) l. 6. n. 1117. (2) l. 2. q. 97. a. 4. ad 3. (3) l. 6. n. 1119. et 1120.

tate humana, ut in votis et iuramentis, non autem in his quorum ius ex sola divina voluntate pendet. Et huic sententiae favet s. Thomas (2), qui dicit: *In praeceptis iuris divini, quae sunt a Deo, nullus potest dispensare, nisi Deus, vel is cui specialiter committeret.* Haec autem specialis commissio, ait Castrop., non habetur pro data Pontifici per illa verba: *Quodcumque ligaveris*, etc. aut per illa alia: *Pasce oves meas*, quia haec important generalem, sed non specialem commissionem. Dicimus dumtaxat cum Suar. Sol. Nav. Coninc. Valent. et aliis, Pontificem in aliquo particulari casu posset tanquam doctorem universalem Ecclesiae, et supremum voluntatis divinae interpretem declarare legem divinam tunc non obligare (3); vide dicta *Tr. 2. n. 56.* Quoad potestatem quam habent Episcopi ad dispensandum super impedimentis matrimonii, vide fusius dicenda in *Tr. 20. De Privilegiis n. 54. et sequentibus.*

84. II. Loquendo de causis iustis ad obtinendam dispensationem super impedimentis dirimentibus, assignantur a dd. sequentes 1. Extinctio magnae litis, vel odii, vel scandali inter agnatos. 2. Inaequalitas matrimonii, nisi inter consanguineos nubatur ob defectum dotis, aut alterius. 3. Conservatio facultatum in eadem cognatione. 4. Merita petentis dispensationem. 5. Aetas excedens 24. annos in muliere. 6. Subministratio pecuniae, quae a Papa in pietatis opera impenditur, ut communiter admittunt dd. et praxis docet; et aliae causae id genus (4).

85. Notandum hic 1. ad hoc ne dispensatio sit subreptitia, in supplicatione explicanda sunt 1. omnia impedimenta consanguinitatis vel affinitatis quae subsunt, licet sint eiusdem gradus, ut si cognovisset duas sorores suae sponsae, sicut communius dicunt Sanch. Pont. Anacl. Castrop. Escob. Conc. Salm. cum Rota

(4) n. 1129. et 1130.

Ronc. (contra alios), quia licet talia impedimenta non sint specie diversa, tamen sunt numero distincta, ideoque reddunt dispensationem difficiliorem. Nec amplius de hoc dubitandum est, nam Benedict. XIV. die 30. septemb. 1755. in quodam Brevis, cuius initium, *Etsi matrimonialis, in Bull. edit. Mechl. tom. 2. pag. 254. et est 50. in ord.*, declaravit et statuit irritum fuisse et fore quoddam matrimonium celebratum cum impedimento duplicis gradus consanguinitatis, licet super uno gradu, qui tantum in notitiam pervenerat, a Clemente XII. dispensatum fuisset. Et ita pariter eadem ratione quando impedimenta sunt plura et disparata, v. g. voti et consanguinitatis; sed sunt huiusmodi ut copulata difficiliorem reddant dispensationem, ut si quis vellet ducere consanguineam, cum cuius sorore copulam habuerit, tunc non sufficit seiunctim, sed coniunctim oportet petere dispensationem; ita probabilis Salm. et alii cum Salas Rodriq. etc. Excipiunt Coninch. et Aversa, si impedimentum contractum ob copulam cum sorore habitam est occultum, et illud patefacere esset infamiae, quia tunc, dicunt, potest separatim obtinere dispensationes nempe illam cognationis a Dataria, et illam affinitatis ob copulam a Poenitentiaria. Sed nos dicimus, quod saltem in supplicatione ad Poenitentiariam, debet exponi utrumque impedimentum (1). Si quis autem, obtenta dispensatione in affinitate ob copulam cum sponsae sorore habitam, iterum illam cognosceret, non indiget nova dispensatione, licet prima iam sit executioni mandata (2), et sicut diximus n. 67.

Debent 2. in supplicatione exponi omnes circumstantiae quae accidunt, et quae reddere possunt dispensationem difficiliorem, et praecipue si intercesserit copula inter cognatos qui matrimonio iungi cupiunt. Et hoc

(1) lib. 6. n. 1158. et 1159. (2) n. 1140.

(3) n. 1154. et 1155. (4) n. 1141.

non tantum si illa habita est ut facilius dispensatio obtineatur, uti certum est, sed etiam si hic finis non fuerit praehabitus, uti dicunt Sanch. Laym. Coninch. Castrop. etc. (contra Pontium Salmant. etc.). Et de hoc hodie dubium omne cessat, dum declaratum est a Bened. XIV. in Bulla *Pastor bonus*, §. 41. ubi irritum pronunciat matrimonium inter consanguineos celebratum ex dispensatione obtenta, tacito incestu (3). Item, si quis, obtenta dispensatione super gradu prohibito antequam executioni detur, rem habet cum sponsa, indiget nova dispensatione, ut recte dicunt Sanch. Guttier. Gallego etc. contra aliquos, et ita declaravit S. C. mense Maii 1635; nam ex stylo Curiae, manifestato novo incestu, Pontifex solet imponere maiorem poenitentiam, et ampliorem pecuniae compositionem exigit (4). Secus vero si rem habet post dispensationis executionem, ut probabiliter dicunt Lugo Sanchez Caiet. Arm. et Vega, quia tunc, executâ dispensatione, et ablata prohibitione matrimonii, cessat etiam malitia incestus. Item si quis petit secundam dispensationem, postquam obtinnerit primam super eodem delicto, debet exprimere primam; secus vero, si impedimentum non provenit ex aliquo crimine vel ex crimine diverso; uti communiter Coninch. Aver. Salm. et Conc. (5).

86. Explicandi sunt 3. omnes gradus consanguinitatis, aut affinitatis, quibus sponsi coniuncti sunt, tam gradus proximior quam remotior: v. gr. si coniuncti essent in secundo et tertio, aut in tertio et quarto, ut communiter dicunt Pont. Silv. Salm. Tourn. etc.; nam etsi dispensatio tantum requiritur pro gradu remotiore, attamen s. Pius V. in suo motu proprio *Sanctissimus* declaravit, quod obtenta dispensatione super gradu remotiore, nulla mentione facta proximioris, impetrandae sunt litterae declaratoriae super proximior. Hae tamen litterae

(5) n. 1137.

si non expediatur, matrimonium erit utique validum, sed illicitum (uti declaravit Benedictus XIV. in Brevis allato n. 83. *Etsi matrimonialis*, cum inserto decreto, *Cum super*, §. 6. referens etiam sic decisum fuisse a S. C. 18. Martii 1722.), modo coniuncti non sint in primo et secundo consanguinitatis aut affinitatis gradu, in quo, sicut refert ibidem Benedictus, protestatus fuit s. Pius, se nolle dispensare, nisi expressus sit etiam primus gradus. Item notandum, quod si forte causa dispensationis cesset ante eius expeditionem, aut executionem, cessat etiam dispensatio. Secus autem si cessat post executionem, licet nuptiae adhuc celebratae non sint, quia tunc iam sublatum est impedimentum. Ita satis probabiliter Pont. Suar. Castr. Salm. Silv. etc. contra Sanch. et Dicast. qui tamen hoc uti probabile etiam admittunt (1).

87. Praeterea notandae sunt clausulae quae solent apponi in dispensatione s. Poenitentiariae, 1. *Si ita est*: in quo fides habenda est postulanti, nisi constet de opposito, ut dicunt Sanch. et Cabass. Sed hic advertendum 1. Benedictum XIV. in Bulla *Ad apostolicae servitutis* sub die 25. Febr. 1742. declarasse expressionem et verificationem causarum ad dispensationis valorem spectare. Si autem sponsi falso exposuissent pauperes esse, et propterea dispensatio concederetur *in forma pauperum*, dispensatio etiam est valida: uti declaravit S. C. Conc. 9. Sept. 1679. apud Monacelli (2). Advertendum 2. ad dispensandum super voto castitatis non sufficere simplicem tentationem, sed requiri vehementem incontinentiae: etiamsi periculum sit unius lapsus, uti recte dicunt Tournely et Pontas (3). II. *Audita prius sacramentali confessione*: iuxta igitur hanc clausulam necesse est ut confessio praecedat ut dispensationi detur executio, ut di-

(1) l. 6. n. 1136. (2) Monac. t. 2. tit. 6. form. 2. n. 33. (3) l. 6. n. 1143.

Homo Apostolicus

cunt Tourn. et Sanch. III. *Sublata occasione peccandi*: intelligitur si occasio est voluntaria, quia si esset necessaria, sufficit (ut ait Tourn.) ut media eligantur, quibus ex proxima fiat remota. IV. *Dummodo impedimentum sit occultum*: quando autem impedimentum putandum est esse occultum, iam dictum est n. 77. V. *Iniuncta ei gravi poenitentia*: intellige iuxta vires poenitentis, ut recte notat Tournely, cum Tiburtio et Nav. qui dicit posse imponi, ut per sex menses semel ieiunet, aut ter Rosarium recitet qualibet hebdomada, aut frequentet confessionem (quam puto satis esse semel in mense), et huiusmodi. Quod si unquam, addit Tournely, poenitens iam debitum pro suo peccato poenitentiam egisset, potest tunc poenitentia moderari, modo illa non sit iniuncta a Poenitentiaria, tanquam commutatio. VI. *Praesentibus laceratis, sub poena excommunicationis latae sententiae*. Hae litterae statim lacerandae sunt, sed intellige moraliter, nempe intra tres dies postquam executioni demandatae sunt; et intellige si matrimonium iam contractum erat; secus si adhuc contrahendum est, tunc enim dispensatio occulte asservanda est a paroco, aut saltem adnotari in aliquo libro, qui a nemine alio aspici possit, ad hoc ut, si opus erit (nempe si forte impedimentum fieret publicum), possit de dispensatione impetrata fidem facere (4).

88. Maxime huc refert adnotare formulas ad obtinendam dispensationem a Poenitentiaria super praefatis impedimentis, aut votis, aut irregularitatibus.

Si petatur dispensatio super impedimentis matrimonii, intus a parte superiori: *Eminentissime, et Reverendissime Domine*. Circa medium:

N. N. Cum carnaliter cognovisset quamdam mulierem, dedit fidem de matrimonio contrahendo N. N. eius sorori. Et quoniam impedimentum est

(4) n. 1143. in fine.

occultum, et matrimonium si cum praefata sorore non contraheretur, magnum eveniret scandalum, quapropter suppliciter orat Em. V. ut ei dispensationem benigne indulgeat. Responsum dignetur mittere Neapolim (aut Neapoli Salernum) ad Rev... (hic exprimitur nomen et cognomen) confessorium approbatum. Et id pro gratia habebit etc. Si vero matrimonium est iam contractum, poterit sic scribere: N. N. ignarus (aut conscius) impeditenti, contraxit cum muliere, matrem (sive sororem) cuius iam antea carnaliter cognoverat; sed cum impedimentum sit occultum, ideoque cum nequeat sine scandalo separari, supplicat Em. V. pro absolutione et dispensatione. Responsum, etc.

Circa vota castitatis aut religionis: N. N. cum castitatis voto sit obstrictus, et cum in gravi versetur periculo incontinentiae, suppliciter orat Em. V. ut dignetur oratori a praefato voto dispensationem indulgere, quo matrimonium contrahere possit etc.

Circa irregularitates: N. N. Sacerdos incurrit irregularitatem ob homicidium (aut abortum, aut violationem censurae) etc. et cum ei immineat periculum infamiae, si a celebrando se abstinet, ideo supplicat etc.

Foris vero in superscriptione: Eminentissimo ac Reverendiss. Domino, Domino Colendiss.

Domino Cardinali Poenitentiario maiori, Romae.

89. Confessorius vero cui commissae est dispensationis executio, in dispensando, absolutione sacramentali impertita, hac formula uti poterit: Et insuper auctoritate apostolica mihi concessa dispenso tecum super impedimento primi (seu secundi, seu primi et secundi) gradus proveniente ex copula illicita a te habita cum sorore mulieris, cum qua contraxisti (aut contrahere intendis), ut matrimonium cum illa rursus contrahere possis, renovato consensu, et prolem, si quam suscipies (vel suscepisti) legitimam declaro, in nomine Patris, etc. Sed

si dispensatio est a voto castitatis dicet: Insuper votum castitatis, quod emisisti, ut valeas matrimonium contrahere et illo uti, in opera quae tibi praescripti dispensando, commuto, in nomine, etc. Si autem, non obstante voto castitatis, aliquis iam matrimonium contraxisset, dicet: Item non obstante castitatis voto quod emisisti, ut in matrimonio remanere, et debitum coniugale exigere possis, auctoritate apostolica tecum dispenso, in nomine, etc.

Si quis autem scire cupiat quibus facultatibus s. Poenitentia gaudeat in dispensando ab impedimentis matrimonii, in casibus papalibus, censuris, irregularitatibus, votis, iuramentis, restitutionibus incertis, vid. Tr. 19. n. 148. de facult. s. Poenit.

CAPUT III. DE DIVORTIO.

90. *De divortio quoad vinculum.*
91. *Quoad torum; et quot causis potest fieri divortium. I. Causa delicti. II. Morbi III. Consensus.*
92. *IV. Timoris damni. V. Adulterii.*
93. *Sed 1. requiritur adulterium perfectum, et certum. 2. An teneatur coniux se separare.*
94. *Casus in quibus non potest separari ab adultera.*
95. *De iure revocandi adulterum.*
96. *An possit propria auctoritate.*
97. *Facto divortio quis coniugum potest religionem ingredi.*

90. Divortium bifarium esse potest quoad vinculum, et quoad torum. Divortium quoad vinculum tribus tantum casibus dari potest. 1. Si alter coniugum moritur. 2. Si duorum coniugum infidelium alter ad Fidem convertitur, saltem si infidelis sine Creatoris iniuria pacifice cohabitare renuit. 3. Si antequam consummetur matrimonium, intra primum bimestre ad hunc finem a lege concessum; alter ingrederetur religionem. Itaque inter infideles matrimonium licet sit validum, non tamen est indissolubile; tunc indissolubile fit, cum uterque coniux ad Fidem convertitur, modo illud consumment post conversionem;

aliter Papa in aliquo (sed urgentissimo) casu etiam illud potest dissolvere. Quod si tantum alter convertitur, hic non potest ad alias nuptias transire, nisi in casu (ut dictum est) quo alter non conversus velit inducere eum in peccatum, et renuit cohabitare sine contumelia divini Nominis, ut exprimitur in *cap. Quanto, de Divort.* Hoc ita erat primaevius temporibus, sicut scripsit apostolus 1. Cor. 7. 13. et seq. ex eo quia tunc temporis ob miracula quae saepe saepius fideles operabantur, multi infideles ad Fidem veniebant; sed hodie, iam cessatis miraculis ita frequentioribus, recte dicunt Sanchez Pont. Tourn. Conc. Salmant. etc. cum communiori, non licere amplius cum coniuge infideli cohabitare, ob perversionis periculum; quare hac nostra tempestate, si coniux infidelis admonitus converti recusat, fidelis potest et debet eum derelinquere, et potest ad alias transire nuptias, ut habetur ex instructionibus Gregorii VIII., et sancti Pii V. (1). Loquendo autem de matrimonio inter fideles, illud certe est indissolubile, usquedum vivunt, nisi esset quod alter eorum ante consummationem religionem profiteretur. Ideoque coniugibus conceduntur duo menses a matrimonii celebratione, in quibus non tenentur reddere debitum coniugale, ut habetur ex *cap. Si quis Coni.* 25. qu. 7. et ex Trident. *sess. 24. can. 6.* Quod si quis in religionem se reciperet elapso bimestri, professio esset illicita, sed non invalida, ut dicunt communiter Sanchez Pont. Salm. Trullench. etc. (2). Hoc tamen intelligitur, modo matrimonium non sit necessarium ad legitimandam prolem, vel ad reparandum scandalum, aut sponsae infamiam: nam tunc non posset sponsus eam derelinquere, ne religionem quidem ingrediendo (3). Quaestio autem est, an Papa possit dispensatione sua matrimonium ratum solvere. Du-

plex adest sententia. Negant Pont. Gonet. s. Bonav. Scotus Castrop. Sot. etc. dicentes matrimonium ratum eiusdem esse naturae ac consummatum, unde lege divina indissolubile est; sed affirmant Bellarm. Sanch. Caiet. Navar. Vasq. Coninch. Salm. etc. dicendo quod Papa tanquam Vicarius Christi potest dispensare in aliquibus, quae sunt de iure divino, sed humanos actus concernunt, urgente tamen magna causa, ut esset in casu v. g. si superveniret impotentia coniugum, aut scandalum imminens, aut bonum publicum. Addunt etiam, si adsit disparitas conditionis, morbus contagiosus, dissensiones perverse, mutui coniugum consensus, sed merito has quatuor causas non admittit P. Concina, saltem si non urgeat necessitas boni publici; nam alias istis admissis pauca matrimonia rata et firma restarent (4).

91. Quoad divortium tori, et cohabitationis, firmo remanente vinculo coniugali, sex causis potest hoc divortium fieri. 1. Si alter coniugum aliquod committeret delictum alteri perniciosum, ut si conaretur eum in peccatum inducere, aut si a Fide deficeretur; tunc enim innocens potest, imo debet eum derelinquere, si est in periculo perversionis; et si delictum est publicum, et si divortium factum est ex Ecclesiae sententia, tunc potest etiam fieri Religiosus, ut habetur ex *Can. De illa, de Divort.* (5). 2. Si alter coniugum lepra sit foedatus, aut alio morbo contagioso laborat, aut si sit amens, furiosus, aut maleficus, aut obsessus; dum recte tunc potest alter separari, si manet in gravi periculo alicuius damni (6). In casu tamen leprae, ait s. Thomas (7) quod sanus tenetur reddere debitum, sed non cohabitare. 3. Si coniuges ex communi consensu separentur, quod ceteroquin permitti non solet, si ambo non ingrediuntur religionem, aut saltem nisi, muliere

(1) l. 6. n. 957. (2) n. 958. (3) *ibid.*
(4) n. 959. (5) n. 973. et 974.

(6) n. 973. v. 4. morbus.
(7) Sup. q. 64. a. 1. ad 4

religionem profitente, vir Sacris initiatur. Attamen si uxor 60. annos esset nata, aut etiam 50. et castitatem voveret, dicunt Sanch. Bonac. Barb. Viva, etc. etiamsi ipsa in saeculo remaneret, posset vir ingredi religionem, aut sacerdotio initiari (1). Si autem coniux qui in saeculo manet, nesciebat se in tali casu teneri ad vovendam castitatem inquirunt Sanch. et alii contra Anacletum apud Ferraris (2), quod etiam post datum consensum, revocare potest coniugem, qui iam professus est.

92. 4. Iusta etiam causa est divortii coniugis *saevitia cap. Ex transmissa de Rest. spol.* et hoc licet coniux iusta indignatione sit arreptus, nempe ob aliquod delictum ipsius, uti habetur ex c. de Benedicto 33. q. 1. Dicunt etiam Sanch. Salm. et alii communiter, sufficere ad divortium, si coniux malum grave timeret sibi, aut filiis, aut suis propinquis ab altero coniuge, aut ab eius coniunctis; et pro malo gravi non tantum intelliguntur minae mortis, aut gravis vulneris, cum coniux solet eas exequi, sed etiam convicia crebra, et gravia pro personae qualitate, v. g. si est nobilis (3). Quaeritur autem an sola verbera sufficiant ad divortium? Dicunt communissime Pont. Ronc. Sanch. Silv. Arm. etc. licere viro aliquando uxorem verberare, modo id frequenter non faciat, nec severe; quare dicit Sanch. non posse uxorem separari, cum verbera sunt levia (excipiunt Salm. si uxor sit nobilis). Addunt Ronc. Bonac. Castr. cum eodem Sanch. licet verberationes fuissent graves, sed semel illa sic vapulavit, nec timeretur probabiliter ne replicarentur (4). Advertendum tamen cum Sanch. Salm. Cast. Anacl. etc. talem separationem ob saevitiam non posse fieri sine iudicis auctoritate, nisi esset quod damni periculum moram non pateretur, aut nisi

quia coniux timens damnum non posset litigare, aut iudicem adire, aut non posset faciliter probare periculum (5). 5. Si alter coniugum adulteraretur, uti habetur ex Matth. c. 5. v. 32. et 19. 9. *Quicumque dimiserit uxorem suam, nisi ob fornicationem... moechatur*, et ex c. *Ex litteris*, et ex c. *Significasti, de Divort.*

93. Sed super hac 5. causa adulterii, plura notanda hic sunt. Notandum 1. ad faciendum divortium requiri adulterium perfectum cum effusione seminis, ut dicunt probabiliter Sanch. Fill. Bon. Salm. Escob. Led. etc. contra Sot. Silv. Conc. etc. quia nomine fornicationis intelligitur consummata per seminationem, qua fit carnis divisio (6). Et non sufficit de hoc aliquam habere probabilitatem, sed requiritur, ut talis adsit praesumptio, ut fundet moralem certitudinem, sicut communiter dicunt Sotus Sa Viva cum s. Bonav. s. Antonin. et s. Thoma (7), ut esset, si testes asserant vidisse *solum cum sola, nudum cum nuda in eodem lecto iacentem*, sicut dicitur in c. *Caeteris*, 12. *de Praesumpt.* Et praefatae circumstantiae intelliguntur coniunctae (dum non sufficit, ut sit inventus *solus cum sola*), ut dicunt Sanchez, et Navar. Nec per se sufficiunt soli tactus, amplexus et oscula, ut dicunt Pont. Viva Sanch. Palud. Barb. Nav. Castr. Contra dicunt idem San. Viva. Castrop. cum aliis sufficere pro foro conscientiae, si unus fidei integrae testetur adulterium, aut aliquod vehemens det indicium. Et sufficit etiam (ut dicit Castr. cum Menoch.) epistola uxoris in qua confitetur suum adulterium. Et ita etiam puto sufficere, si aspiCIatur solus cum sola in eodem lecto (8). An autem liceat facere divortium ob sodomiam aut bestialitatem a coniuge commissam? Negant Innoc. Abul. etc., quia haec crimina non sunt fornicationes. Affirmant vero communiter Sanchez Sot.

(1) l. 6. n. 975. (2) Ferrar. bibl. v. Coniux, n. 23. (3) l. 6. n. 970. et 971. v. quaer. 3. (4) n. 972. (5) n. 971.

(6) n. 962. quaer. 3. (7) in 4. d. 35. q. un. a. 3. ad 4. (8) l. 6. n. 961.

Castrop. Salm. Conc. etc. quia, ut aiunt, iam ille fidem coniugalem laedit carnem cum alio dividendo. Caeterum recte ait Pontius, quod haec sententia, licet sit communis, attamen ratione non probatur, quia semper responderi potest, quod sine copula naturali caro non dividitur (1).

94. Notandum 1. quod ratione adulterii non tenetur vir separari ab adultera, dumtaxat poterit ad id teneri, ut illa corrigatur, si alius non suppeteret modus, ut dicunt s. Thomas (2), s. Bonav. Caiet. Salm. etc. sed modo (intelligitur) ex separatione grave non esset passurus incommodum, ut communiter dicunt s. Antonin. Pont. Castr. Sot. Sanch. Salm. Bon., etc. (3). Potest teneri etiam, ut vitet scandalum, nempe ne videatur ipse peccato uxoris consentire, uti dicunt s. Thomas loco cit., Sanch. Pont. Salm. etc. et exprimitur c. Si vir. de Adult. et c. Non solum 6., caus. 28. q. 1. Sed hoc intelligitur 1. ut dicunt Pont. Sanch. Salm. s. Antonin., etc. si adulterium est publicum. 2. Ut communiter dicunt Laym. Bonac. Tolet. Cai. etc. si nullus alius subest modus, quo scandalum reparatur, et modo vir iustam non habeat causam ne dividatur, ut si ipse remaneret in periculo incontinentiae, aut alterius damni gravis, aut si putaret quod, si illam a se dimitteret, deterior fieret; unde concludit s. Antonin. Ergo vir cum detrimento iuris sui, et periculo, non tenetur (uxorem) expellere. Imo probabiliter subiungunt Castropal. Laym. etc. cum eodem s. Antonin. quod si vir iam praeberit sufficientia indicia, quod ipse aegre ferat mulieris adulterium, ad nihil aliud tenetur; quia tunc scandalum aliorum esset pharisaicum (4). Ita etiam uxor tenetur diverti a viro, cum hoc esset necessarium, non ut auferatur scandalum, quia nunquam supponitur uxor consentire viri adul-

terio, sed ut ipse resipiscat. Caeterum difficulter, dicunt Suar. Castr. Salm. et alii, mulier ad hoc tenebitur; etenim difficulter uxor potest cum fructu virum corripere, et ipsa rarissime a viro discedere potest sine gravi incommodo; et ita pariter difficulter ob correctionem tenentur uxores negare debitum viris; ita s. Antonin. Bonacina Sanchez Filliuc. (5). Si autem coniux adulter esset iam emendatus, et esset in periculo incontinentiae, congruens esset ut innocens sibi reconciliaret iam emendatum, si commodum potest, ut dicunt Salm. Sed ego non auderem illam obligare ad id sub gravi (uti volunt Bus. Conc. etc.), dum ex una parte Dominus iam eam liberavit a cohabitatione; et ex alia videtur charitas non obligare cum tanto onere ad vivendum cum eo qui sibi fidem fregit. Nec obstat quod dicitur in cap. Si quis, de adult.: *Debet, sed non saepe, recipere peccatricem*; dum recte to debet explicat Glossa: *Debit debito honestatis, non necessitatis* (6).

95. Notandum 3. in quatuor casibus non potest fieri divortium ab altero adultero, nempe 1. Si uterque sit adulterii reus. Est probabile tamen cum Sanch. Coninch. Bon. Salmant. Viva, etc. quod emendatus possit diverti ab obfirmato in adulterio, licet sententia opposita Pont. Dicast. Led. Hurtad. etc. etiam probabilis sit (7). 2. Si alter consentit adulterio alterius, uti habetur ex c. Discretionem, de Eo qui cogn., etc.; sed non sufficit ad praesumendum talem consensum occasio, quam praeberisset vir uxori adulterandi, eam relinquendo, aut eam duriter habendo, sicut dicit textus; nec sufficit dissimulatio eiusdem, quod ille non potuisset sine suo gravi incommodo impedire uxoris delictum; ita communiter Sanch. Bon. Coninch. Peyr. Salmant. etc. ex s. Thoma (8). 3. Si uxor adulterata fuisset sine sua culpa

(1) l. 6. n. 962. (2) suppl. q. 62. a. 2. ad 1. (3) l. 6. n. 963. v. q. 4.

(4) ib. v. quod prop. fin. (5) n. 964.

(6) n. 965. (7) n. 966.

(8) suppl. q. 62. a. 1.

nimirum si vi oppressa fuisset (secus vero si consensisset metu gravi, ut advertit Sanch.), aut si adulterium evenisset ex errore inculpabili; ita communiter dd. cum s. Thoma (1). Dicit tamen Dicast. quod si vir crederet uxorem iam mortuam, et aliam cognosceret, non potest eum uxor respuere, sed non e converso (2). 4. Si iniuria iam remissa est sive ante, sive post divortium, ut praesumitur, si innocens conscius adulterii sponte coierit cum adultero, aut manet in eadem domo, mensa et toro, maxime si accedant amplexus, tactus, et oscula; ita s. Thomas (3) Sanch. Salm. Dicast. Trull. etc. Advertunt tamen Sanchez Filliuc. Salm. Aver. Villal. etc. quod si revera coniux per dictos actus non intendit remittere iniuriam, in conscientia potest semper separari (4).

96. Notandum 4. quod licet divortium factum sit ex iudicis sententia, coniux innocens semper habet ius ad se revocandi adulterum, sicut docent communiter (contra Sotum) Sanch. Silv. Sa Pont. Bonac. Salm. Gutt. etc. cum s. Thoma (5) qui dicit: *Cum divortium sit inducitur in favorem viri, non aufert ei ius petendi debitum vel revocandi uxorem; unde uxor tenetur ei reddere et ad eum redire, si fuerit revocata.* Et ad hoc non opus est (ut recte dicit Sanch.) nova iudicis sententia. Caeterum scite animadvertit Castrop. cum Guttier. quod difficulter mulier adultera poterit obligari ad redeundum ad virum, quia semper potest rationabiliter timere periculum mortis aut ne crudeliter tractetur, nisi adsint argumenta probabilia in contrarium (6). Sed fit 1. dubium an, quando coniux innocens etiam ipse in adulterium laberetur, sed facto iam divortio per sententiam, teneatur redire ad adulteram quae eum ad se revocat? Affirmant Pont. s. Antonin.

(1) suppl. q. 62. a. 1. (2) l. 6. n. 966.
 v. tertius. (3) suppl. qu. 62. a. 1.
 (4) l. 6. cit. n. 966. v. quartus.

s. Bon. Conc. Sot. etc.; sed probabilius negant Sanch. Bon. Fill. Salmant. Regin. et alii cum s. Thoma (7). Ratio est, quia primus adulter ex sententia iam omnino spoliatus fuit omni iure super innocentem. In eo casu tamen dicit s. Thomas cum aliis communiter, quod potest iudex cogere secundum adulterum, ut iterum uniatur, ad hoc ut ita consulatur tum illius animae, cum etiam scandalo aliorum (8). Fit 2. dubium an possit fieri divortium propria auctoritate innocentis? Tres adsunt sententiae probabiles. *Prima* cum Bellar. Aver. et Conc. cum s. Thoma absolute negat. *Secunda* cum Layman Pont. s. Antonin. Salm., etc. distinguit: affirmat si adulterium est notorium; sed negat si est occultum, quia tunc iniuste patefieret infamia adulteri. *Tertia* cum Sanch. Sot Abb. Bon. Sa Fill. Led. Reg., etc. absolute affirmat, sive adulterium sit publicum, sive occultum. Si est publicum probatur ex cap. *Ex parte 9. de spons.* ubi dicitur: *Nemini licet uxorem suam sine manifesta causa fornicationis dimittere.* Ergo licet, si fornicatio est manifesta. Si autem est occultum, probatur ex cap. *Dicit Dominus 32. q. 1.* ubi haec habentur: *ubicumque fornicatio est, vel fornicationis suspicio* (intelligitur suspicio illa vehemens quae fundat certitudinem moralem, ut dictum est n. 93.) *libere dimittitur uxor.* Dicitur *libere*, ergo non requiritur nec sententia, nec licentia; nam Dominus absolute concessit coniugi ab adultero diverti. Et hanc sententiam puto probabiliorum, saltem quando adulterium est ex parte uxoris; nam valde durum esset viro in iudicium adducere mulieris infidelitatem, quod esset sibi perpetuo probro. Quod si forte iudex eum obligaret ad cohabitandum, scite ait Bonac. quod tunc ille teneretur tantum ad cohabitandum, sed

(5) suppl. q. 62. a. 6. ad 3.
 (6) l. 6. n. 967. (7) suppl. qu. 62. a. 6. ad 4. (8) l. 6. n. 967. dubit. 2.

non ad reddendum debitum (1).

97. Denique notandum quod facta separatione per sententiam, coniux innocens potest religionem ingredi, ut ex cap. *Agatosa* 27. q. 2. et potest etiam Sacris initiari, ut dicunt communiter dd.; contra adulter nequit fieri nec Religiosus nec sacerdos, nisi de alterius licentia, aut nisi alter iam statum irretractabilem assumpsisset. Alias etiam religionem professus potest revocari ab innocente et teneretur redire. Dictum est, nisi de licentia alterius, sed sufficit etiam tacita, v. gr. si alter cognoscens adulteram velle statum mutare, ipse, cum commode possit, id facere illum non impedit. Et sufficit etiam, ut dicunt Sanch. Coninch. Bon. Salm. et alii ex cap. *Gaudemus, de convers.*

coniug. si alter requisitus pro reconciliatione, neget; imo addunt Pont. Sanch. Castrop. etc. sufficere, si adulter per biennium non sit revocatus, ut disponitur in *Auth. Sed hodie, c. ad 1. Iul. de Adult.* (2). Notandum hic tandem quod facto iuridice divortio, filii educandi sunt apud coniugem innocentem; et in quantum ad expensas, si divortium evenit patris culpa, eius expensis filii alendi sunt, ut exprimitur in *Auth. Si Pater, c. Divort. facto, etc.* Et idem currit si divortium factum sit matris culpa, ut dicunt communiter Laym. Castr. Sanch. Silv. Pal. etc. contra pauciores. Advertit tamen Sanch. cum communi quod ut ad has expensas teneatur, requiritur iudicis sententia (3).

TRACTATUS XIX.

DE CENSURIS ET IRREGULARITATIBUS

CAPUT I.

DE CENSURIS IN GENERE

PUNCTUM I.

De Censurarum emanatione.

1. *Quid et quotuplex sit censura.*
2. *Quando dicitur latae, et quando ferendae sententiae.*
3. *Quis potest ferre censuras? De censura metu inflictæ.*
4. *Quid requiritur ut subditus censura feriat, etc. An Episcopi, aut reges, etc. An communitas, etc.*
5. *An Praelatus possit extra dioecesim existens censuras ferre in subditos, et quid si subditus fuerit extra dioecesim.*
6. *An possit censurari peregrinus.*
7. *Quale peccatum requiritur ut imponatur censura. De mandante, consulente, etc.*
8. *An excuset ignorantia et metus; et an censura potest imponi pro delictis praeteritis.*
9. *De solemnitate ad censurarum promulgationem requisita.*
10. *Quid si causa est falsa aut dubia.*

1. *Censura definitur: Est poena*

spiritualis et medicinalis, qua delinquenti et contumaci auferitur usus quorundam spiritualium bonorum. Censura trifariam dividitur 1. In excommunicationem, suspensionem et interdictum. 2. In inflictam a iure, nempe a lege generali permanente, et in eam quae est ab homine, nempe a Praelato per sententiam generalem (sive statutum) in eos qui aliquid committunt delictum. Sententia generalis, sive statutum respicit locum et peccata futura; quare si subditus extra locum illum delinquit, non incurrit censuram cap. Ut animarum 2. de Constit. in 6. ubi sic dicitur: Statuto Episcopi... subditi qui furtum extra ipsius dioecesim committunt, minime ligari noscuntur, cum extra territorium ius dicenti non pareatur impune. Sententia autem particularis emanari solet ob praeterita delicta, et in personas determinatas; ideoque haec, cum afficiat personam, bene potest ferri in subditum etiam

- (1) l. 6. n. 968. (2) n. 969. (3) n. 975.

exemptum, citando eum per Edictum. 3. In eam quae dicitur *latae sententiae*, quae statim incurritur; et *ferendae sententiae*, quae non incurritur, nisi post sententiam (1).

2. Ad dignoscendum quandenam censura est *latae*, et quando *ferendae sententiae*, dicunt dd. quod, cum verba includunt actionem ab altero faciendam, sunt *ferendae*: quando aliter, sunt *latae*; unde dicunt esse *latae sententiae*, quando dicitur: *Ipso iure, ipso facto, aut sine alia sententia*; aut si verba sint praeteriti aut praesentis temporis, v. gr. *excommunicamus excommunicatus est, excommunicantur, iubemus esse excommunicatum, etc.* Contra sunt *ferendae sententiae*, si verba sunt de tempore futuro, *excommunicabitur*, aut si sunt comminativae, *sub poena excommunicationis, sub interminatione anathematis* (modo ex contextu aliorum verborum oppositum non arguatur): item si dicitur: *volumus excommunicari, aut excommunicetur*; hoc tamen intelligi debet, quando a iure imponitur Episcopo praeceptum excommunicandi; sed quando absolute dicitur, *excommunicetur, suspendatur, etc.*, intelligitur *latae sententiae*, ut communiter dicunt Bonac. Silvest. Suar. Vasq., etc. (2). Cum autem dicitur *excommunicatus, aut anathema sit*, volunt Suar. et Tournely esse *latae sententiae*; sed Sanch. Laym. Dicast. volunt esse *ferendae*, modo non sit adversus aliquem errorem haeresis; utraque sententia est probabilis (3). Si autem dicatur: *maneant excommunicatus, aut suspensus*, volunt Nav. Silv. Henrig., etc. neutram incurri censuram; sed Sayrus Bon. Salm. Con., etc. tenent tunc dari optionem reo ad eligendam quam malit (4).

3. Quaeritur 1. quis ferre potest censuras? Resp. Papa, Episcopi, et etiam eorum Vicarii, ut recte dicunt Busemb. Fagnan. Suar. Sanch. Tour-

nely, etc. contra Sayrum, etc. Vicarii capitulares, Concilia provincialia, Praelati regulares, et eorum capitula et caeteri omnes quibus concessa est facultas; sed non parochi, et tantominus laici, et mulieres, licet sint Abbatisae; nam illae non sunt capaces iurisdictionis ecclesiasticae (5). Quare qui censuram ferre potest, saltem sit tonsuratus, et habeat iurisdictionem expeditam, quoad usum: adeoque Episcopus excommunicatus, suspensus, haereticus, aut schismaticus non potest ligare aliquem censuram, c. *Exceptionem de Except.*; nec eius Vicarius, c. 1. de *Offic. Vicar.* in 6.; sed excommunicatus, aut haereticus occultus valide (licet illicite) censuras fert, ut communiter Suar. Sot. Salm., etc.; imo ipsam dicunt Bonac. Dian. Avil., etc. de publico excommunicato, si nominatim non est denunciatus (6). Hic notandum censuram ex coactione, sive metu gravi esse validam; ita Suar. Bon. Castr. Tour. Salm., etc. contra alios; sicut contra invalida est absolutio metu iniusto extorta, ex cap. *Verbum de Poenitent.* (7).

4. Quaeritur 2. quid requiritur ut quis censura ligari possit? Requiritur 1. ut sit baptizatus. 2. Ut us rationis polleat: advertendum tamen hic censuras latas a iure, aut ab homine sententia generali non incurri ab impuberibus, nisi expressum sit in lege, ut est expressum de pueris, qui monasteria Monialium ingrediuntur, Trid. sess. 25. c. 5. aut qui percutiunt Clericos c. *Pueris fin. de sent. excom.* (8). 3. Ut sit subditus, unde probabilius cum Lugo, et aliis, ut dictum est Tr. 16. n. 138. Episcopus non potest ferre censuras in peregrinos, si illi iterum post monitionem non deliquerint. Item notandum Episcopos non incurrere censuras, nisi sint speciatim nominati; c. *Quia periculosum, de Sent. excom.* in 6.; sed hoc communiter dicunt

(1) l. 7. a. n. 1. ad 6. (2) n. 7. et 8. (3) n. 8. in fin. (4) n. 6a

(5) n. 9. 10. et 11. (6) n. 12. et v. requir. 5. (7) ib. requir. 6. (8) n. 13 ad 15.

intelligi de suspensione, et interdicto, quia de ipsis tantum fit mentio in textu (1). Reges et reginae tantum a Papa possunt censurari, ut etiam communiter dd. (2). 4. Ut feratur in personam determinatam; hoc intelligitur tantum de excommunicatione, quia tota communitas potest quidem suspensioni, aut interdicto subici: non autem excommunicationi, ut communiter Castr. Bon. Salm. etc. cum s. Thoma (3). imo neque excommunicari potest per modum sententiae aliquis incertus alicuius communitatis, loquendo de delicto iam patrato, Ronc. Salm., etc.: sed si prohibetur aliquod delictum in futurum sub poena excommunicationis, certum est omnes delinquentes illam incurrere (4). Advertendum hic, quod si Papa reperiret omnes communitatis reos, utique posset illos excommunicare; sed si hoc faceret Praelatus, esset illicitum; c. *Romana*, de sent. excomm. in 6., sed non invalidum, ut dicunt Avila Ledesma Salm. etc. Et Hostiens. Io. Monac. Archid. et Franciscus Philippus Probus, Felin. cum Ricc. et Rota (apud Fagn. in 2. part. 5. lib. Decretal. c. *Responsio*, de sent. excomm. ex n. 93. et seqq.) dicunt etiam hoc esse irritum, dum in cit. c. *Romana* dicitur: *Omnino prohibemus*, ac si dixisset *aufferimus* potestatem ita excommunicandi: et Fagnan. ipse, qui priori sententiae adhaeret, dicit ideo primam sequendam esse, quia cum haec sit probabilis, tenenda est uti tutior. Quare Episcopus debet quemlibet reum nominatim excommunicare (5).

5. Praelatus regularis potest censura ligare suos subditos ubicumque isti reperiantur. Suar. Avila Tourn. Croix Salm., etc. commun.: sed Episcopus non potest censuram ferre, dum extra dioecesim moratur, ex Clement. *Quamvis*, de Foro comp. Excepto si subditi contumacia sit adeo manifesta, ut non indigeat cognitione

(1) l. 7. n. 15. (2) n. 16. (3) suppl. q. 22. a. 5. ad 2. (4) l. 7. n. 18. (5) n. 19.

causae, can. *Manifesta*, 2. q. 1. Excipitur etiam, si censura lata sit per modum praecepti, aut statuti, ad evitanda delicta communia (6). Contra Episcopus in dioecesi existens recte potest per sententiam subditum alicubi morantem censura ligare, ut dicunt communiter Bon. Coninch. Tourn. Conc. Dian. Salm., etc. contra Pontium, etc.; et tunc pro citatione satis erit (ut dicunt Salm.) si citetur aut domi, aut in loco publico proprii territorii per *Edictum*, ut statuit Trid.; sed hoc intelligitur tantum pro delictis in proprio territorio, non autem extra illud, patratis, ut dicunt Suar. Bonac. Salm., etc. (contra Sayr. etc.) ex c. 2. de Const. in 6. (7). Quod si ab Episcopo lata censura fuerit in aliquem per praeceptum particulare, v. g. si tale crimen committet, probabilius est eam incurrere delinquentem, licet extra dioecesim deliquerit, quia praeceptum afficit personam, ideoque eam ligat ubicumque reperitur, ad differentiam statuti, quod afficit locum; ita probabiliter Suar. Laym. Bonac. Croix Spor. contra Tourn. Ronc. Avil. Holzm., etc. quorum sententia etiam est probabilis (8).

6. Episcopus utique potest ligare censura peregrinum in dioecesi sua delinquentem, cap. *fn. de Foro comp.*; semper tamen hoc intelligitur, modo reus sit factus contumax, ut dictum fuit Tr. 16. n. 138. in *fn.*, et modo Episcopus citaverit reum antequam hic profectus sit ab eius territorio (9). Peregrinus modo alicubi moretur animo per maiorem anni partem ibi morandi, incurrit censuram per modum statuti generalis latam pro futuris criminibus, v. g. adversus furantes in ecclesia, secus vero, si peregre ibi moratur, aut si censura est per modum praecepti in casu particulari, puta adversus non revelantes latrones: ita Suar. Silv. Sayr. Salm. etc. (10).

7. Quaeritur 3. quanam requi-

(6) n. 20. et 21. (7) n. 22. (8) n. 23. (9) n. 26. (10) n. 27.

runtur ad incurrendam censuram gravem, puta excommunicationem maiorem, aut suspensionem ab omni usu, et ad longum tempus? Requiritur 1. peccatum grave, nempe quod materia importet culpam gravem (1). Sed in dubio gravitatis materiae obligat praeceptum Superioris, quia in dubio possidet potestas eius, ut recte dicunt Salm. et Corneio (2). Et cum praeceptum est impositum sub censura latae sententiae iam obligat sub gravi, licet materia non esset ex se gravis, sed esset talis, ut valde conduceret ad finem intentum. Secus autem si materia non esset de se gravis, et censura esset *ferendae sententiae*; ita Sot. Avil. Ronc. Salm. etc. (3). 2. Requiritur actus externus, qui posset ab aliis externe cognosci; unde si quis diceret, *ita est*, intelligendo ita haeresim confirmare, non incurrit excommunicationem, ut communiter dicunt Suar. Tourn. Conin Sayr. Salm. Et debet item esse graviter externus, proinde non est excommunicatus, qui leviter percutit clericum, licet illi sit animus eum occidendi: ita iidem aa. (4). 3. Requiritur actus peccati consummatus, nisi aliter lex exprimat: ita etiam communiter Sanch. Suar. Castr. Bonac. Salm. Bon. Bus. etc. (5). Sed hic quaeritur 1. an censura imposita mandantibus aut consilium dantibus aliquod crimen committi, incurrat ab ipsis, quando crimen non est in effectum perductum? Resp. quod si censura principaliter sit lata in eos, utique incurritur quoties mandatum, aut consilium est iam ab ipsis praestitum; secus si censura est imposita ob delictum quod principaliter est vetitum, licet a mandato sit proveniens; quare non incurrit mandans percussionem clerici, si illa non evenit, Bonac. Bus. Salm. Croix, etc., et ita pariter excusant Navar. Salm. Croix, etc. eum qui dedit mandatum aut consilium ei, qui iam paratum erat delicto patrando (6). Quae-

(1) l. 7. n. 29. ad 31. (2) n. 32.

(3) n. 33. (4) n. 34. (5) n. 36.

ritur 2. an incurrat censuram qui dubitat an suum mandatum aut consilium influxum dederit? Negant Salm. et alii, quia poena non incurritur, nisi constet de delicto, et de effectu secuto: sed affirmant Sanch. Croix Dicast., etc., quia in dubio possidet delictum. Utraque sententia est probabilis, iuxta dicta Tr. 10. n. 45. (7). Quaeritur 3. an incurrat censuram consilium dans, cum consilium revocat, antequam executioni detur? Affirmant Navar. Bonac., etc. cum p. Concina, qui caeteroquin oppositum docuit circa restitutionem, uti vidimus in dicto Tr. 10. n. 48. ubi nos dissensimus a p. Concina; sed hic etiam ab eo dissentimus cum Suar. Castr. Laym. Avil. Salm. Viva, et aliis communis, quia Ecclesia non potest ligare censuris, nisi contumaces usque ad criminis executionem (8), ut in simili dicemus de irregularitate, an incurrat qui propinat venenum clerico.

8. Requiritur 4. ad incurrendam censuram contumacia, quae importat contemptum censurae. Et ex hoc 1. infertur quod ad incurrendas censuras non sufficit scientia legis ecclesiasticae (et etiamsi delictum sit prohibitum lege divina), sed requiritur amplius scientia ipsius censurae; quare communiter dicunt Suar. Caiet. Castr. Fill. Bonac. et alii, excusare a censura ignorantiam, non solum antecedentem, sed etiam concomitantem: *concomitans* esset si quis occideret clericum ignorans esse clericum, sed eo animo paratus, quod si scivisset etiam occidisset (9). Excusat etiam ignorantia crassa, cum censura est lata in *audentes*, aut *prae-sumentes*, aut *consulto*, aut *temere peccantes*; ita Sanchez Escob., etc. Imo tunc admittunt Bon. Roncag. Sanch. Salm. Silv., etc. (contra sententiam Suar. Castr. Tour. Conc. etc. quae caeteroquin est communior) quod excuset etiam ignorantia affe-

(6) n. 37. et 38. (7) n. 39. (8) n. 40.

(9) n. 43

etata: et reapse id nequit dici improbabile, quia in ipsa (loquendo in rigore) non adest dolus formalis, qui inducit verum contemptum censurae (1). Infertur 2. valde probabiliter cum Suar. Castr. Bon. Salm. Conin., etc. quod metus gravis etiam excuset a censura, licet crimen, super quod inflicta est, sit vetitum lege divina (modo non peccetur in contemptum legis): nam metus excusat a lege humana, uti humana accepta. Infertur 3. quod censura, licet possit ferri ob crimina futura, ut communiter et valde probabiliter dicunt Laym. Coninch. Abbas Spor. Viva, etc. (adversus Tourn.), et uti iam practicatur ad ea vitanda; nihilominus non potest imponi ob peccata mere praeterita, et quae non habent tractum successivum, ubi non praecesserit rei admonitio: quia alias deest contumacia. Hoc tamen intelligitur tantum pro excommunicatione, dum suspensio et interdictum possunt infligi pro delictis praeteritis per modum purae poenae, ut dicunt Castr. Bon. Salm. Coninch., etc. (2). 4. Infertur necessariam esse monitionem canonicam, cum intervallo sex dierum, ad minus, nisi adsit iusta causa tempus abbreviandi. Hoc intelligitur pro licitudine, quia pro validitate censurae sufficit ut intercesserit monitio; ideoque aliquando sufficit una. Item intelligitur pro censuris ab homine per sententiam particularem, nam pro aliis a iure latae sententiae eadem lex est ac illa quae monet, sicut probabiliter dicunt Bon. Sanch. Filliuc. Boss. Avil (contra Suar. Castr. Laym. et Salm.); et idem valet pro censuris ferendae sententiae, quia in illis iam habetur monitio, et contumacia; modo reus sit citatus ante censurae declarationem quando delictum non est omnino notorium, ut recte advertunt Tol. Bon. et alii (3).

9. Ad hoc autem, ut licite feratur censura, debet iudex eam scripto ferre, adnotatis ibi distincte persona,

(1) 1. 7. n. 48. (2) n. 51. et seqq.

(3) n. 55. et 56. (4) n. 59. ad 61.

censura et causa in specie, exhibita copia censurando, si forte ille eam exquisiverit. Dictum est *licite*, quia si feratur, posthabitis solemnitatibus, censura erit valida, sed iudex peccati gravis fiet reus, ac erit per mensem suspensus a Divinis, et ab ingressu ecclesiae, c. *Cum medicinalis* 1. de *Sent. excomm.* in 6. Hoc tamen intelligitur de censuris latis per modum sententiae praevia citatione, et causa cognita; secus autem de aliis, quae feruntur per leges naturales, aut etiam per praeceptum particulare, minando alicui, v. g. si aliquid tale agat. Item non comprehenduntur in hoc iudices illi qui, aliqua urgente causa, et dilationem non patiente, praefatas solemnitates omittent, aut si id facerent ex ignorantia licet culpabili, dum in textu dicitur: *Si quis temerarius*, temeritas scientiam supponit (4). Item sententia censurae non est ferenda die festo, nisi contumacia esset adeo evidens, ut cognitione causae opus non esset, *cap. Evidentia de accusat.* (5).

10. Notandum denique quod si quis reapse esset innocens, sed contra ex probatis iuste esset censuratus, hic licet in conscientia non ligaretur censura, nec fieret irregularis administrando in *Sacris*, attamen in externo se gerere debet, tamquam censuratum, ad evitandum scandalum: ita communiter Suar. Castr. Coninch. Salm. et Croix. Et idem est, cum certe est censura contracta, et dubitatur de iustitia illius, aut de absolute ab illa, quia tunc possidet potestas iudicis, unde reus se tenere debet uti censuratum, ut commun. Castr. Croix Suar. Salm. Sanch. etc. (6); secus autem, cum dubitatur an incurrerit nec ne censuram, sive dubium sit *facti*, v. g. utrum percussio fuerit nec ne graviter iniuriosa clerico; sive *iuris*, v. g. utrum censura sit *latae*, an *ferendae* sententiae; ita pariter commun. Sanch. Bon. Holzm. Ronc. Salmant. ex s. Thoma (7). Sed

(5) n. 65. (6) n. 66. (7) n. 67.

si iudex decerneret, v. g. aliquam solutionem sub poena censurae, reus licet pro se haberet probabilem opinionem se non teneri, tenetur tamen intra tempus a iudice praescriptum (aut prorogatum a creditore, qui alioquin, iuxta quod probabilius docent Suar. Castr. Tourn. Coninch. etc. (1), potest semper prorogare terminum). At si postea certus fieret de sua iustitia, tunc non tenetur nec ad solutionem, nec ad observandam censuram, ut dicunt Avila et Salm.; peccaret tamen (ut dictum est) in publico, non remoto scandalo, si censurae non pareret (2).

PUNCTUM II.

De absolutione a censuris

11. *Qui potest absolvere a censuris.*
12. *De censuris per sententiam generallem. An Episcopus existens extra etc. Alia notabilia.*
13. *An requiratur formula, et an praesentia censurati, etc. De absolutione conditionata, et an extra confessionem, etc.*
14. *De requisitis ad absolutionem.*

11. Si censura lata est per modum sententiae particularis, plerumque ille tantum potest absolvere, qui eam tulit, aut eius Superior, aut successor, aut delegatus. Sed si imposita est a iure communi, tunc ab illa potest absolvere quilibet confessarius, uti commun. Tournely Sot. Coninch. Castr. Conc. Ronc. Salm. etc. cum s. Thom. (3). Et hoc habetur ex cap. Nuper, 39. de sent. excomm. ubi cum sermo fiat de excommunicatione non reservata (et idem intelligitur comm. a dd. de suspensione, et interdicto personali, Castrop. Sot. Vasq. et Salm. cum s. Thoma), dicitur a suo Episcopo, vel a proprio sacerdote poterit absolutionis beneficium obtineri. Sub nomine a proprio sacerdote venit quivis confessarius approbatus, iuxta sententiam communem (4), et uti ostensum est Tract. 16. n. 86. et 96. in

- (1) l. 7. n. 64. (2) n. 68. (3) supp. q. 24. a. 1. (4) l. 7. n. 69. et 70. (5) ib. et 71. (6) cit. n. 70 in fin. (7) l. 7. n. 72.

fin. Dictum est approbatus, quia simplices sacerdotes ne possunt quidem ab excommunicatione minori absolvere, quicquid aliqui dicant (5). Sed hic notanda sunt multa.

12. Notandum 1. huiusmodi absolutionem valere pro foro tam interno, quam externo; unde dicunt Roncaglia Conin. Castrop. Suar. Spor. Salm. etc. posse dari absolutionem etiam extra confessionem (6). Notandum 2. quemlibet confessarium posse pariter absolvere ab omnibus censuris latis ab homine per sententiam, non iam particularem, sed generalem: quia illae aequiparantur censuris latis a iure, ut probabilius dicunt Castrop. Ronc. Laym. Conc. Salm. Holzm. Coninc. Bon. Croix etc. communissime contra Suar. et Filliuc. (7). Notandum 3. Episcopum, extra diocesim licet moretur, posse absolvere subditum a censuris, cum causae cognitione opus non est; Silv. Salm. Avil. etc.; secus, si quis extra diocesim delinquit, et per sententiam particularem excommunicatus est ab Episcopo illius loci; tunc enim non potest a proprio Episcopo absolvi, nisi de Episcopi licentia; Coninc. Turrian. Diana Salm. etc. (8). Notandum 4. quod qui facultatem habet absolvendi a casibus papalibus, non ideo potest absolvere a casibus Bullae Coenae; Bon. Dian. Buss. (9). Ita pariter qui potest absolvere a censuris Bullae Coenae, non ideo potest absolvere ab haeresi, ut declaravit Benedictus XIV. in Bulla Convocatis, data 25. Nov. 1749. n. 53. (10); ita pariter facultas data ab Episcopo pro reservatis non intelligitur pro illis quibus annexa est censura reservata, ut ait Tamb.; secus autem si concessio est facta a Papa, dum casus papales plerumque sunt reservati cum censura et propter censuram; La-Croix etc. Et ita pariter facultas concessa in iubilaeo absolvendi ab omnibus censuris reservatis, intelliguntur ex

- (8) ib. ad 1. et notand. 2. (9) n. 110. (10) n. 113

communi usu etiam reservatae ab Episcopis (1).

13. Notandum 5. ad absolvendum a censura in foro interno non requiri verborum determinatam formulam, sed sufficere quodlibet externum signum (cum caeteroquin satis non sit sola voluntas); Suar. Castr. Salm. etc. (2). Non requiritur praesentia censurati, quia certe etiam absens absolvi potest, ut habetur ex *c. De manifesta* 2. q. 1.; sed notant Sanch. Salm. etc., hoc non esse faciendum, nisi ex urgenti causa; et si absolutio obtinetur per procuratorem, hic speciale debet habere censurati mandatum ad absolutionem obtinendam. Potest absolvi etiam invitus, sed communiter hoc non licet (3). Notandum 6. absolutionem metu gravi et iniusto extortam irritam esse, et metum incutientem nova excommunicatione ligari, *c. un. de His qui vi, etc.* (4). Notandum 7. absolutionem datam, non satisfacta parte, si ab Ordinario concessa est, esse validam, licet certe illicitam, ut dictum fuit *Tract. 16. n. 70.*; sed si est data a Delegato, ut probabilius dicunt Suar. Spor. Vasq. etc., est etiam invalida, si in delegatione apposita est clausula *satisfacta parte*; licet opinio opposita Sanch. Castrop. Bonac. Ronc. Salm. etiam sit probabilis, quoties in concessione non exprimitur clausula irritans absolutionem (5). Notandum 8. valere absolutionem conditionatam de futuro: sed illicitam iusta causa non existente; Suar. Coninc. Salmant. Ronc. etc., et tunc, conditione verificata, censura auferitur (6). Contra licite datur absolutio cum *reincidentia*, nempe quod si absolutus intra tempus praefixum suae obligationi non satisfaciatur, in eandem censuram reincidat, sed tunc iuxta probabilior sententiam Laym. Con. Castr. Ronc. Tour. Salm. etc. contra Suar. Bon. etc. requiritur nova culpa, qua defi-

ciente, non potest renasci illa censura quae semel sublata est, nam non possunt censurae sine Pontificis auctoritate suspendi. Et idem dicunt Laym. Conin. Salmant. etc. tenendum esse quando Papa absolvit *ad omnem effectum*, licet cum reincidentia (7). Notandum 9. probabile esse cum Sanch. Con. Salmant. Ugolin. Buss. etc. contra Suar. et Navarr. quod qui facultatem habet absolvendi a censuris in foro conscientiae, potest absolvere etiam extra confessionem (8). Sed excipiendi sunt casus papales occulti qui ab Episcopis non possunt absolvi, nisi in confessione, iuxta Declarationem Gregorii XIII. ut dicitur *Tract. 20. n. 32.*

14. Notanda denique sunt requisita ad absolutionem. Haec sunt I. satisfactio praecedens parti offensae, nisi illa remiserit, aut iustam recusaret satisfactionem, aut nisi reus esset impotens; quod si tunc sine gravi incommodo satisfacere nequiret, sufficere cautionem praestare si potest, aut saltem iuramentum satisfaciendi, *cap. Odoardus, de Solut. et cap. 25. de Verb. sign.* modo, intelligitur, creditor idem incommodum non pateretur; Navar. Coninc. Salm. etc. (9) II. Iuramentum de non reincidendo in idem crimen, *cap. De caetero, et c. ex Tenore, de sent. excomm.*; sed hoc intelligitur quando delictum est enorme, ut percussio clerici, usura publice exercita; ita communiter Suar. Cast. Conin. etc. (10). III. Petitio absolutionis, *c. Per tuas, de sent. excomm.*; licet dicat s. Thomas (11), quem secuti sunt Castrop. Coninch. Salm. etc., quod si reus iam emendatus fuisset, confessarius potest eum absolvere, etiam licet invitum, cum privilegium est concessum confessario non poenitenti, cum textus non dicit *non potest*, sed tantum *non debet*. An si poenitens, contingente casu quod confitetur habenti facultatem, obliviscatur se accusare de reservato,

(1) l. 7. n. 111. (2) n. 116. (3) n. 117.

(4) n. 119. (5) n. 120. et 121.

(6) n. 123. (7) n. 125. (8) n. 126

(9) n. 127. et 128. (10) n. 129.

(11) suppl. qu. 24. art. 2.

remanet ab eo absolutus? communissima est sententia affirmativa; nihilominus mihi probabilior videtur opposita, ut diximus *Tract.* 16. n. 140. (1). Quod si absolutio data fuisset ex causa falsa, tunc videndum est an talis causa sit principalis, quia si esset principalis, irrita esset, modo iudex non esset certe conscius falsitatis; ita communiter Suar. Bon. Tournel. Castrop. Sayr. Salmant. Avila etc. (2).

CAPUT II.

DE CENSURIS IN SPECIE

PUNCTUM I.

De excommunicatione maiore.

15. *De communicatione cum toleratis, et vitandis.*
16. *Cum percussoribus clericorum.*
17. *De effectibus excom. mai. I. Privat usu passivo Sacramentorum.*
18. *II. De suffragiis etc., et an possit orari, etc. III. De usu activo Sacramentorum. IV. De usu divinum officiorum, de Sacramentalibus, etc.*
19. *V. De beneficiis, de dignitatibus, et pensionibus.*
20. *VI. De communicatione forensi. VII. De iurisdictione. VIII. De sepultura. IX. De communicatione civili (de qua in puncto sequenti).*

15. Excommunicatio, generaliter loquendo, definitur: *Censura qua quis privatur communione Ecclesiae.* Sed hic distinguere oportet excommunicationem minorem a maiori; minor (de qua loquimur in puncto 2.) privat tantum communione passiva, sive susceptione Sacramentorum; maior (de qua hic est sermo, et de qua intelligitur cum absolute fit mentio excommunicationis) privat etiam activa, et omni genere communicationis, spiritualis et temporalis. Excommunicati autem excommunicatione maiori alii dicuntur *tolerati*, alii *vitandi*; sciendum tamen est, quod antiquitus omnes excommunicati erant vitandi, sed Conc. Constant. declara-

(1) l. 7. n. 130. et 131. (2) n. 132.
(3) n. 133. et 135. (4) n. 139.

vit nominatim excommunicatos et denuntiandos, et publicos percussores clericorum, aut Regularium vitandos dumtaxat habendos esse, non vero alios (3). Igitur non adest obligatio vitandi excommunicatos etiam notorios, licet haereticos, nisi isti sint nominatim excommunicati, expressis nomine et circumstantiis personae, atque amplius nisi sint publice denuntiati, nempe declarati excommunicati, in loco publico, aut scripto, aut voce. Sed advertendum est quod Concilium declaravit hac ratione velle prospicere tantum bono fidelium, non autem excommunicatorum; unde isti semper peccant cum communicant cum aliis, tam in *divinis*, quam in *civilibus*. Alii autem non peccant communicando cum toleratis etiam in *divinis*. Et licet aliqui dicant peccatum esse communicare cum toleratis sine causa, saltem quia (ut dicunt aliqui) inducitur tunc excommunicatus ad actum illicitum; alii tamen communius cum Sanch. Bon. Castrop. Sot. Sayr. Corneio Hurtad. Salmant. etc., et valde probabilius dicunt licere communicare cum illis indifferenter; quia cum toleratus est requisitus a fidelibus ad communicandum, v. gr. ad ministranda eis Sacramenta, nec ille quidem peccat: nam si peccaret, esset inutilis, aut saltem non esset generalis illa licentia data fidelibus, ut possint cum ipsis communicare, dum saltem indirecte ratione charitatis esset aliis vetita illa communicatio. Unde fit quod Concilium dando universe facultatem fidelibus communicandi cum toleratis, indirecte concedit etiam toleratis potestatem communicandi cum aliis, cum ab ipsis requisiti sunt (4). Et quod dicitur de excommunicatis, idem dicitur a communi dd. de suspensis, et interdictis non vitandis, cum Concilium loquitur de omni censura. Et idem dicit Avila etiam de irregularibus, qui si denuntiati non sunt, non sunt vitandi (5).

(5) n. 140.

16. Percussores autem clericorum ut sint vitandi, debent esse publici et notorii, adeo ut, dicit Conc. Constant.... *sententiam latam a Canone adeo notorie constiterit* (eos) *incurrisse, quod factum non possit aliqua tergiversatione celari, nec aliquo suffragio excusari* (1). Itaque requiritur notorietas facti, nempe quod percussio sit nota maiori parti regionis vel vicinia, aut monasterii, ubi factum accidit, aut magno numero personarum, si regio est magna; cum caeteroquin ad hoc sufficiat, ut dicunt Castr. Bonac. Salm. Sayr. etc., fama communis quae ortum habuit a personis fide dignis; modo (ut advertunt Viva Avila et Dicastillus) fama non sit tantum de percussione, sed de percussione publice patrata. Adeo ut, cum delictum est occultum, non teneatur ad vitandum percussorem qui scientia privata id cognoscit. Quaeritur autem, an praeter notorietatem facti requiratur etiam notorietas iuris? Et est probabile eam requiri cum Pignatel. Covar. Avil. Ronc. Salm. Viva etc., dum Concilium dicit, ad vitandum percussorem omnino requiri certitudinem, non tantum quod ille clericum percussit, sed etiam quod excommunicationem incurrit, ita ut *factum non possit aliqua tergiversatione celari: et insuper, nec aliquo suffragio excusari*. Hinc fit quod cum reus non est confessus in iudicio, aut non est condemnatus, aut saltem crimen non est probatum, raro accidet quod sit vitandus; quia communiter loquendo quasi semper ille se defendere potest non incurrisse censuram, asserendo v. gr. aut se ad sui defensionem percussisse, aut tunc sui compotem non fuisse, etc.; ita ut possit aliquo suffragio excusari (2). Si quis autem est publicus percussor, aut excommunicatus denuntiatus alicubi, non est vitandus alibi, ubi est occultus (modo eo notitia brevi non preventura sit), ut probabilius dicunt

(1) l. 7. n. 135. (2) n. 141. ad 144.

(3) n. 145. (4) n. 157. (5) n. 158.

Castrop. Sanch. et Salm. contra alios; quia revera factum publicum in una regione, in alia, ubi non est notum, scandalo non est, quod praecipue voluit Concilium vitari (3).

17. Effectus excommunicationis maioris, alii sunt remoti et alii proximi. Remoti sunt duo: 1. irregularitas, quam incurrit excommunicatus si actum Ordinis sacri exercet; 2. est quod si excommunicatus per annum pertinaciter in excommunicatione, aut alia censura perdurat, fit suspectus de haeresi, et ut talis debet privari beneficiis; ita communiter doctores ex Trident. sess. 25. c. 3. *de reform.* (4). Effectus autem proximi sunt novem, et 1. excommunicatio privatus passivo, nempe potentia Sacramenta suscipiendi: modo non excuset timor gravis damni, et non sit in contemptum censurae, communiter Bonac. Laym. Fill. Salm., etc. (5). Communissima autem est sententia, et est verior, cum Caiet. Castrop. Bon. Coninc. Salm. Croix, etc. contra aliquos, valide posse absolvi sacramentaliter antequam absolvatur a censura, cum omnia requisita concurrunt (6). Hic notandum quod minister conferens Sacramentum excommunicato tolerato, peccaret contra ius divinum, ministrando Sacramentum indigno, non autem contra Ecclesiae praeceptum iuxta dicta *num.* 15., cum per se licitum sit communicare cum toleratis etiam in Divinis. Ex quo probabiliter inferitur licere ministrare Sacramentum excommunicato, quando iste esset in bona fide. Item dicunt Suar. Nav. Castr. Bon. Salm. Croix Coninch., etc. quod in dubio an quis nec ne sit absolutus ab excommunicatione, potest illi Sacramentum ministrari si petat; maxime si affirmat se fuisse absolutum, quia in dubio nemo praesumitur mendax (7).

18. 2. Privat posse lucrari indulgentias, participatione suffragiorum communium, et orationum publica-

(6) n. 158. v. dixi, et n. 159.

(7) n. 160

rum Ecclesiae, sed non privatarum: hinc potest orari privatim pro excommunicato, etiam a sacerdote in Missa, modo iste oret, non tanquam Ecclesiae minister, sed ut persona privata: s. Thomas et alii communiter (1). Quaeritur an possit orari nomine Ecclesiae pro toleratis? Negant Bellarm. Suar., etc.; sed affirmant Nav. Castrop. Salmant. Conc., etc. ex concessione facta a Concil. Constant. ut indistincte communicari possit cum toleratis. Utraque sententia est probabilis (2). Contra non puto probabilem opinionem aliquorum quod possit publice orari pro vitandis qui sunt in statu gratiae, cum per ipsos non stet, quominus absolvantur (3). 3. Privat usu activo Sacramentorum, sive administratione eorum. Hoc intelligitur de administratione licita, nam de valida certum est excommunicatum valide administrare Sacramenta, ac assistere matrimonio, sicut diximus *Tr.* 18. n. 71. praeter Sacramentum Poenitentiae, quia excommunicatus vitandus omni iurisdictione privatur, *cap. Omnis de Poenit. et rem.*; et hoc etiam in morte, ut diximus *Tr.* 16. n. 92. Dico vitandus, quia toleratus non privatur iurisdictione; Salmant. Croix, cum aliis communiter (4). Quoad autem administrationem licitam, toleratus quoties est requisitus, licite Sacramenta ministrat: hinc probabiliter dicit Castr. quod occurrente die festivo, si alter desit sacerdos, potest toleratus celebrare, modo absit scandalum; dum iure merito tunc praesumitur populus petere ab eo Missam (5). Excommunicatus contra qui illicito administrat Sacramenta fit irregularis, *cap. ult. de Cler. excomm. ministr.* Et idem currit, si benedicit nuptias, aut solemniter baptizat; secus vero si privatim. Dubium sit inter dd. an vitandus administrando Sacramentum Poenitentiae fiat irre-

gularis? Alii negant: sed nos affirmamus cum sententia communissima; ex *can. Si quis 7. caus. 11. q. 3. (6)*. Similiter fit irregularis sacerdos excommunicatus, qui coram se celebrare aliam facit, ex *cap. Tanta, de Excess. Prael. (7)*. Qui recipit Sacramentum a vitando peccat graviter et incurrit excommunicationem minorem, et qui recipit Ordinem incurrit etiam suspensionem ab Ordine recepto, *cap. Cum illorum, §. fin. de sent. excomm. 4*. Privat usu divinarum officiorum, ideoque excommunicatus non solum privatur fructu illorum, sed nec potest quidem illis interesse sine peccato gravi; et dicit s. Thomas (8), quod si forte inceperet Sacrum, et non adhuc consecrasset, tenetur illud deserere; modo non excusaretur a necessitate evitandi scandalum, aut ab alia iusta causa, ut addunt Suar. Bonac., etc. (9). Caeterum excommunicato non vetatur usus Sacramentalium, non iam ut ab illis fructum capiat, sed ut illa veneretur. Potest etiam dum recitantur divina officia ecclesiam ingredi ex aliqua iusta causa, verb. gr. ut satellitum aufugiat manus, et tunc potest, privatim tamen, orare, sicut probabiliter dicunt Cai. Palud. Turr. Coninch. Salm. et Bonac., quia orando privatim, iam non dicitur communicare cum aliis, et tunc non tenentur sacerdotes cessare a Divinis, nec eum foras expellere (10). Excommunicatus tamen si omnino vellet interesse Sacro. aut aliis publicis functionibus, proculdubio peccat graviter, et si monitus nolit exire, incurrit excommunicationem papalem, *cap. Eos, de sent. exc.* Et idem valet de interdicto, et de omnibus iis, qui impediunt excommunicatum aut interdictum ne discedat: Castr. Bon. et Salm. ex *cap. Gravis, eod. tit. (11)*. Item advertendum, quod si excommunicatus tenetur ad Horas canonicas, licet ex solo titulo beneficii, et

(1) l. 7. n. 162. (2) n. 164. (3) n. 163. (4) n. 165. ad 168. (5) n. 169. (6) n. 171. (7) n. 175. in fin. (8) 3. p. q. 53. a.

6. ad 2. (9) l. 7. n. 173. (10) n. 174. (11) n. 175.

on excommunicationem nequit exigere fructus, non excusatur ab illis, quia hoc culpa sua evenit; Suar. Castr. Nav. Laym. Croix et Salm. qui notant una cum Avila et Covarr. quod si ille omnino sit privatus beneficio, tunc non tenetur ad Horas canonicas, et excommunicatus recitando officium, non potest dicere, *Dominus vobiscum*, sed dicere debet, *Domine, exaudi orationem meam*, secus peccaret, licet non nisi venialiter, ut communiter volunt Bonac. Salm. Tour. Gonet. Corneio, etc. Imo Avila et Nav. excusant ab omni culpa, si illud recitaret sine socio (1).

19. 5. Irritat omnem collationem et electionem excommunicati ad beneficia, c. *Postulastis, de Cler. exc. min.* Et hic notandum 1. quod non solum peccat graviter qui beneficium recipit, sed etiam ille qui ei illud confert, et hic praeter excommunicationem minorem, incurrit suspensionem a collatione, ex *cap. cit.* Notandum 2. hoc intelligi cum tempore praesentationis, aut electionis beneficii electus erat iam excommunicatus; alias valide acceptat beneficium et possessionem capit, licet tempore acceptationis reperiatur excommunicatus, quia acceptatio et possessio non sunt actus iurisdictionis; ita Cast. Av. Bonac. Covar. Salm. (contra Suar.). Contra collatio facta excommunicato est irrita, licet tempore acceptationis reperiatur absolutus ex sententia communi, unde tunc requiritur nova collatio, aut saltem (ut dicunt Less. Nav. Salm., etc.) ut collator perseveret in prima intentione. Notandum 3. excommunicatum teneri ad restituendos omnes fructus perceptos ex beneficio, licet postea absolutus sit, et iterum obtineat idem beneficium, quod prius suscepit in mala fide. Si tamen iam satisfecisset per se aut per alium officio illi adnexo, dicunt Coninc. Salm. Bon., etc. posse sibi retinere fructus perceptos tanquam vacantes, et debitos successoribus in beneficium, sed

hoc intelligitur pro locis ubi non viget lex *spolii*. Notandum 4. quod quae dicta sunt de beneficio, intelliguntur etiam de dignitatibus ecclesiasticis, Episcopatibus, Prioratibus et similibus; Suar. Castr. Bon. et Salm. An autem idem currat pro dignitatibus saecularibus? Affirmant Bon. Salm. etc.; sed probabiliter etiam negant Cast. Fill. Henr. et Coninch., quia revera non adest lex qua declarentur invalidae pensiones ecclesiasticae, quae dantur ob aliquod officium ecclesiasticum, v. gr. Vicario, aut coadiutori Episcopi: Suar. Castr. Salm. communiter (2). Notandum 5. non solum vitandos, sed etiam toleratos esse inhabiles ad beneficia, dignitates et pensiones iuxta allata superius, sicut recte dicunt Suar. Tourn. Av. Castr. Coninch. Salm., etc. contra Nav. Less. Giball. Hurt., etc.; dum verum est quod per Concil. Constant. est concessum aliis communicare cum excommunicatis toleratis, sed ipsi excommunicati semper sunt incapaces, non enim per se possunt suo muneri satisfacere. Ego exciperem casum dumtaxat si illud munus esset exercendum in commodum collatoris: unde recte animadvertunt Salm., quod per ipsummet Concilium sublata sit suspensio imposita ex *cit. cap. Postulastis*, conferenti beneficium tolerato (3). Notandum 6. irritam esse collationem factam excommunicato, licet ille invincibiliter ignorasset excommunicationem, qua innodatus erat, aut crederet iam esse absolutum: Sanch. Less. Suar., etc.; probabiliter tamen tenent Cabass. Fab. Salm., etc. validam esse collationem huiusmodi excommunicato factam a Superiore cum absolutione ad cautelam *ad effectum praesentis collationis* (4). Notandum denique quod ille, qui excommunicatus fuit post collationem, non tenetur ad restituendos fructus beneficii ante iudicis sententiam, quod ipse per se, aut per alios adimplevit onera: ita probabilius Sanch.

(1) l. 7. n. 178. (2) n. 180.

Homo Apostolicus

(3) n. 181. (4) n. 182.

Tourn. Laym. Bon. Castr. Coninch. Salm. Av., etc. contra Suar. Concin. etc. ex generali ratione, quod poenae quae requirunt actionem aliquam rei indigent semper sententia, saltem declaratoria: vide dicta *Tr.* 2. n. 25. et dicenda in *Appendice* 3. de *Exam.*, etc., n. 64. Contra certum est, quod post sententiam tenetur ad fructuum restitutionem donec absolvatur, modo paupertate non laboraret, et eos applicasset sibi; hoc potest sibi prodesse dumtaxat in casu, quo per se non staret, quominus absolvatur; Laym. Sylvest. Castr. Salm. Av., etc. (1).

20. 6. Privat communicatione Forensi. Quare excommunicatus nequit esse iudex, scriba, testis, advocatus, procurator, nec potest agere in iudicio; et licet toleratus etiam possit repelli, attamen hic valide agit, *cap. Pia*, de *Sent. exc. in 6.* Caeterum etiam vitandus semper potest defendi ex se ipso, et etiam actorem convenire in ius. Imo, ut dicunt Avila (Castr. et Salm. toleratus potest defendere etiam alios. Sententia iudicis vitandi non tantum est illicita, sed etiam invalida. Testificatio tamen vitandi non est irrita, sed potest repelli. Excommunicatus nec potest esse tutor, nec curator, nec executor testamentarius (si repellitur), nec licite potest inire contractus, nec testari, licet contractus et testamentum sint valida (2). 7. Privat iurisdictione: quare excommunicatus (intellige vitandus) non potest nec legem ferre, nec sententiam, nec praesentationem, aut electionem ad beneficia; quia haec sunt omnino irrita. Dico vitandus, quia actus tolerati sunt validi, sed illiciti, nisi eos excuset necessitas (3). 8. Privat sepultura ecclesiastica, adeo ut cadavera excommunicatorum dehumanda sint a sepulturis (quoties certo secerni possunt); et ubi sepultum est cadaver vitandi (non autem tolerati, licet haeretici, sed non nominatim denunciati) non pot-

(1) l. 7. n. 183. (2) n. 184. (3) n. 185.

est celebrari, nisi prius reconcilietur ecclesia, *cap. Sacris*, de *sepult.* Quod si excommunicatus non toleratus decessisset cum signis poenitentiae, eius cadaver absolvendum est a censura, et sepulturae postea mandandum: Castr. Salm. et Corneio. Qui sepelit excommunicatum incurrit excommunicationem maiorem, ex Clem. 1. de *Sepult.* Illi vero qui funus associantur, aut canunt preces, et probabiliter etiam illi qui curant sepeliendum, ut dicunt Caiet. Bon. Av. Salm., etc. peccant quidem graviter, sed non incurrunt censuram (4). 9. Privat denique excommunicatio etiam communicatione civili cum fidelibus, sed de hac loquimur puncto sequenti.

PUNCTUM II. De excommunicatione minori, et eius effectibus.

21. Actus, quibus incurritur excommunicatio minor, sunt: I. Os. II. Orare. De expellendis vitandis. III. Vale. De resalutatione, et rescriptione. IV. Communio. V. Mensa.
22. Quale peccatum sit communicare cum vitando, et quando est grave
23. Pro quibus causis potest quis communicare cum vitando. I. Causa utilitatis. II. Matrimonii.
24. III. Subiectionis.
25. IV. Ignorantiae.
26. V. Causa necessitatis.
27. De effectibus excommunicationis minoris; et an vetet Sacramenta ministrare, et beneficia recipere.

21. Excommunicatio minor ob unam causam incurritur, nempe ob communicationem cum excommunicato vitando in actibus comprehensis in versu sequenti, declaratis iam in *Canon. Excommunicato 2 quaest. 5.*

1. Os, 2. Orare, 3. Vale, 4. Communio, 5. Mensa negatur.

1. Os: intelligitur omne colloquium, aut per litteras communicatio, et quodlibet aliud benevolentiae signum, ut est dona mittere, aut recipere, etc. ita dd. (5). 2. Orare; intelligitur quaecumque communicatio in *Divinis*,

(4) n. 186. (5) n. 189.

ut est assistere publicis functionibus Missarum, processionum, benedictionum, Horarum canonicarum, etc. Hinc est quod clerici in eo casu, cum celebrantur divina officia, aut functiones publicae fiunt, tenentur illum expellere, si possunt; sin minus, debent cessare a Divinis, et sacerdos Missam interrompere, nisi incoeperit canonem; sed si illum incoeperisset, probabile est quod possit proseguire, sicut dicunt Suarez Henric. et Busemb. licet posset Missam interrompere, sicut volunt Bonac. et Corneio: quod si iam consecrasset, certum est debere sacerdotem Missam proseguire, sed tantum usque ad Communionem. Alias praefati Ecclesiastici incurrunt excommunicationem minorem, et peccant graviter (1). Recitare tamen officium cum excommunicato vitando privatim, probabiliter Suarez Bonac. Coninch. Busemb. Salm., etc. excusant a mortali. An autem seculares, qui intersunt Missae cui assistit excommunicatus vitandus, peccent graviter; affirmant Bon. Salm. Avila et Dian. et excusant tantum ob parvitatem materiae, si v. gr. assistentia esset usque ad Evangelium; sed universaliter eos excusant a gravi Suar. Castr. Salm. Filiuc. Sayr. Henric., etc. dicendo talem communicationem esse remotam et accidentalem; modo ipsi non sint causa cur excommunicatus ibi assistat. Nemo tamen eos excusat a veniali, et ab excommunicatione minori (2). Contra communiter Bon. Fill. Henric. Suar. Coninch., etc. excusant ab omni culpa eum qui oraret in ecclesia in loco separato; aut alii assisteret Sacro ab illo cui assistit excommunicatus (3).

3. *Vale*: intelligitur quaelibet salutatio, aut honoris significatio; sed communissime s. Antonin. Nav. Mai. Fill. Sot. Avila Sayr. Bonac. Castr. Salm. Escob., etc. admittunt probabile esse licere certa signa urbanitatis exhibere erga excommunicatum;

(1) l. 7. n. 176. et 177. (2) n. 173. et 176. (3) ib. et 176. in fine. (4) n. 192.

quia huiusmodi actus non exhibentur, ut ei honor praestetur, sed ut inurbanitatis, et contumeliae nota vitetur; maxime si excommunicatus est Superior, aut persona publica, puta Episcopus, Praetor, etc. (4). An autem liceat rescribere, aut resalutare excommunicatum; affirmant Filiuc. Henric. Bus. Castr., etc., quia hi actus (uti dicunt) sunt potius debiti solutio, quam honoris significatio; sed saltem quoad rescriptionem videntur probabiliter negare Avila Bonac. Holzm. et Salm., quia excommunicato non amplius debentur hi convenientiae actus in poenam sui criminis. Dixi *saltem quoad rescriptionem*, quia quoad resalutationem non auderem damnare contrariam uti improbabilem, dum resalutatio illa non videtur proprie actus honoris et contra negatio illius videtur actus inurbanitatis et contemptus: rescribere vero videtur vera communicatio (5). 4. *Communio* comprehendit omnem contractum, societatem, et cohabitationem; sed cohabitatio intelligitur per modum societatis; quia sub eodem tecto dormire, et etiam in eodem lecto, tantum ad quiescendum, non est vera communicatio, nec vetitum, ut probabiliter dicant Suar. Bonac. Castrop. et Salm. (6). 5. *Mensa*; intelligitur, cum invitatus ad mensam ab excommunicato, eius domum adit, licet in diverso cubiculo accumbat; Suar. Bonac. Salm.; secus vero si casu in hospitio, domo aut itinere accideret, ut cum excommunicato accumberet, etiam in eadem mensa, uti probabiliter dicunt Suar. Layman Sayr. Spör. Castrop. Holzman, etc. (7).

22. Quaeritur 1. quale peccatum committit, et qualem excommunicationem incurrit qui communicat cum excommunicato vitando? Respondetur generaliter loquendo, quoad peccatum, peccat tantum venialiter. Sed hic notandum quod sufficit peccatum veniale ad incurrendam excommunicationem

(5) n. 193. (6) n. 194. (7) n. 195.

tionem minorem; sed quando veniale non est plene deliberatum, illa non incurritur; nam nulla poena incurritur propter illos actus, qui non sunt perfecti in genere suo (1). Item notandum quod licet in confessione possit omitti veniale, attamen non potest omitti illud ob quod incursa est excommunicatio, quia cum illa non potest Sacramentum suscipi (2). Tribus casibus autem cum excommunicato communicans peccat graviter, ut dicit s. Thomas (3) cum aliis communiter. 1. Si communicat in contemptum prohibitionis Ecclesiae. 2. Si communicat in *Divinis* in materia gravi, ut diximus n. 21. ad verbum 2. *Orare*. 3. Si communicat in crimine criminoso; nempe si communicat cum excommunicato in eodem crimine ob quod fuit ille excommunicatus; unde peccat graviter concubina quae denuo rem habet cum illo qui fuit excommunicatus ob concubinatum; aut consilium, vel favorem ei praebeat, ne ab illa se removeat; ita communiter Bonac. Suar. Salm. etc. ex cap. *Nuper de sent. exc.* An autem peccet graviter qui communicaret cum excommunicato frequenter in civilibus; probabiliter negant Nav. Castrop. Sayr. Avila, etc., quia communicatio in civilibus est tantum veniale, et venialia quantumvis multiplicentur, ad mortale non attingunt; sed probabilius affirmant Suar. Bonac. Holzm. Filliac. Coninc. Spor. Salm. etc., quia etiam frequens communicatio in civilibus non iudicanda est res levis; dum in cap. 7. de *Except.* dicitur, quod qui communicat in civilibus cum excommunicato, in periculum animae suae communicat. Animadvertunt tamen praefati aa. cum Tourn. quod ad peccandum graviter in hoc, non sufficit ut aliquis frequenter, etiam per longum tempus, seiunctim communicet cum excommunicato; sed amplius requiritur ut habeat propositum vir-

(1) l. 7. n. 153. (2) n. 154.

(3) suppl. q. 23. a. 3. (4) l. 7. n. 198.

tuale saltem saepius communicandi cum eo (4). Ita etiam quoad excommunicationem, generaliter loquendo, qui communicat cum vitando incurrit solam excommunicationem minorem. Sed tribus in casibus incurrit maiorem: 1. Si Clericus scienter communicat in *Divinis* cum excommunicato nominatim a Papa, et denunciato, c. *Significavit de sent. excomm.* 2. Quando excommunicatio est imposita alicui, et una simul in participantibus, quia tunc qui communicat cum illo, post monitionem incurrit excommunicationem maiorem; s. Thomas Castr. Salm. Avila etc. communiter. 3. Si communicat in crimine criminoso, ut paulo ante explicatum est, et in huiusmodi casibus, non potest absolvi, nisi ab illo a quo absolvendus est principalis (5).

23. Quaeritur 2. Quibus de causis liceat in civilibus communicare cum vitando? Resp. ob 5. causas contentas in sequenti versu:

1. *Utile*. 2. *Lex*. 3. *Humile*, 4. *Res ignorata*, 5. *Necesse*.

Et 1. *Utile*: intelligitur utilitas aut ipsius excommunicati, ut resipiscat aut ut aliud spirituale subsidium recipiat (qua ratione licet praemittere alia verba aut signa benevolentiae, ideoque licet sine dubio praedicare eo praesente); aut utilitas aliorum, ut ab excommunicato recipiant aliquod utile spirituale aut temporale; quare licet audire ab eo concionem, aut exposcere consilium (si alius idoneus non extat), aut eleemosynam, aut medicinam, et ita etiam cum eo societatem antea initam continuare, non vero novos cum illo instituire contractus; Suar. Castr. Av. Bonac. Salm. Conc. etc. (6). 2. *Lex*: intelligitur matrimonialis propter quam coniuges (sed non sponsi) possunt ad invicem communicare, adhuc quoad petendum, aut reddendum debitum; s. Thom. et alii communiter ex cap. *Inter alia* 31. de *sent. excomm.* Sed hic notandum quod non licet com-

(5) n. 199. (6) n. 201

municare cum coniuge excommuni-
cato, si factum sit divortium, et si
excommunicatio est lata ob haeresim,
aut ob dubium de matrimonii va-
lore; ita commun. dd. (1). Praeterea
non licet communicare in *Divinis*,
dum Innoc. III. in eit. *cap. 31.* de-
clarando textum Greg. VII. in *c. Quo-
niam 11. q. 3.* ubi dispositum erat
quod uxores filii et servi possint com-
municare in iis, in quibus solebant
communicare, dixit hoc intelligi dum-
taxat, in quantum hoc necessarium
est ad praestandum obsequium ei
debitum; sed communicare in *Divi-
nis*, non est obsequium debitum; ita
recte Caietan. Bon. Arm. et Concin.
contra Sanch. Salm. etc. (2). Dubi-
tatur autem an coniux qui scierit
nupsit cum excommunicato, possit
postea communicare? negant proba-
biliter Castr. Tourn. Salm. Conc. cum
s. Thoma (3) ex praefato *cap. 31.*
de sent. excomm. ubi dicitur, quod
personae subiectae possunt commu-
nicare cum excommunicato eodem
modo ac prius, ergo non possunt, si
subiectio contrahitur post excommu-
nicationem. Nec obstat textus Inno-
centii; nam Innoc. tantum respondit
ad id quod ab eo quaesitum fuit,
nempe, an tenerentur communicare,
vel an tantum possent, si velint,
Pontifex respondit quod tenebantur,
sicut tenebantur ante excommunica-
tionem; nihil autem locutus fuit de
iis qui tempore excommunicationis
in servitium ingressi sunt. At pro his
facit textus Gregorii, qui concedit
subditis communicationem, propter
debitam subiectionem, unde nihil
refert, an ista contracta sit ante vel
post excommunicationem (4).

24. 3. *Humile*: intelligitur subie-
ctio debita a filiis, licet emancipatis,
ut probabiliter dicunt Suar. Bonac.
Castr. Salm. etc. contra Sotum. Et
idem dicunt de nepotibus, et prone-
potibus, et etiam de affinibus in eo-
dem genere, ut sunt nurus, privi-

(1) l. 7. n. 202. (2) ib. dubit. 1.
(3) suppl. q. 23 a. 1. (4) n. 202. v. dub. 2.

gnus, etc. Idem currit de Religiosis
cum Praelato in iis rebus, quorum
nequeunt evitare communicationem.
Idem de militibus cum suo duce, et
de servis cum suo domino; ita com-
muniter 23. Sed hic notandum 1.
peccare servos qui mala fide in ex-
communicati famulatum se ingerunt,
nisi excuset necessitas; Suar. Castr.
Salm. etc. 2. Quod ipsi communicare
nequeunt in iis quae ad debitum fa-
mulatum non conducunt; quare pec-
cant, si communicant in *Divinis*, modo
ad hoc non teneantur ob debitum
ipsius famulatus, prout eos comitari
ad ecclesiam; aut ex pacto speciali,
v. gr. inserviendi Sacro, coadiuvandi
eos in officii recitatione, etc.; ita Suar.
et Salm. 3. Notandum quod servi
excommunicati eiusdem domini non
possunt ad invicem communicare,
nisi in quantum necesse est ad com-
munem cohabitationem; et hoc in
solo casu quo non possent commode
invenire alium dominum; Nav. Suar.
et Conc. 4. Notandum quod sicut
filii, uxores, servi etc. possunt com-
municare cum excommunicato; ita
parentes, viri et domini possunt com-
municare cum subditis excommuni-
catis; Sotus Castrop. et alii cum s.
Thoma (5).

25. 4. *Res ignorata*: intelligitur
ignorantia, sive inadvertentia, vel le-
gis, vel facti; *can. Quoniam 11. q. 3.*
An autem excuset ignorantia crassa,
negant Bonac. et Salm.; sed pro-
babiliter, et communis affirmant Sua-
rez Conin. Hurt. et Holzm.: primo,
cum excusentur ignorantes a citato
textu, intelliguntur etiam culpabiles;
dum qui inculpabiliter ignorant pro-
cul dubio excusantur ex se. Secundo
quia in textu cum dicantur excusari
ignorantes: *Quoniam multos pro cau-
sa excommunicationis perire quotidie
cernimus etc.*; ergo Papa intendit ex-
cusare etiam culpabiles, quia qui
ignorant inculpabiliter, nec peccant,
nec perire possunt (6).

26. 5. *Necesse*: intelligitur quae-
(5) n. 203. et 204. (6) n. 205.

cumque necessitas gravis, sive spiritalis, sive temporalis, tam communicantis, quam excommunicati, aut aliorum; Avila Sayr. Lez. Bon. Castrop. Salm. etc. communiter ex *cit. can.* Quoniam, et ex *cap. Si vere* 34. *de sent. excomm.* Et ita pariter (ut recte subiungunt Salm.) excusat necessitas per coactionem metus gravis iniuste incussi (1), iuxta dicta *Trac.* 2. n. 44. Denique hic animadvertendum, non esse obligationem vitandi excommunicatos, nisi constet eos esse vitandos saltem ob publicam famam, aut per duos testes fide dignos; Sanch. Nav. Bonac. Castrop. Salm. etc. cum Tourn., qui contra scite animadvertit, quod in dubio an confessarius sit nec ne vitandus, non licet apud illum confiteri, ob periculum, ne invalide absolvatur. Caeterum dicunt aa. citati, quod licite possumus communicare cum eo qui excommunicatus fuit, quoties adsit unus testis fide dignus; imo si ipsemet excommunicatus (si caeteroquin est fide dignus) asserat se fuisse absolutum (2).

27. Loquendo tandem de effectibus excommunicationis minoris, hi duo sunt: alter directus, indirectus alter; *directus* est privare sub gravi usu passivo, nempe receptione Sacramentorum. Sed hic adnotare oportet, quod licet (ut a principio dictum est) excommunicatio minor iure dumtaxat incurratur ob communicationem cum excommunicato vitando, nihilominus hoc non impedit (ait Laym.) quominus Episcopus ob alias iustas causas interdicit alicui usum Sacramentorum. Quaeritur autem an peccet qui cum excommunicatione minore confert Sacramenta? Commune est non esse mortale. Dubium fit an sit veniale? Affirmant Sayr. Coninch. Castrop. etc. ex *cap. Si celebrat de*

cler. excomm., etc. ubi dicitur: *Peccat autem conferendo Sacramenta*; sed probabiliter negant Suarez Vill. Navar. Bonac. Salm. Basemb. et alii multi, dum in eodem textu alibi dicitur: *Cum non videatur a collatione sed a perceptione Sacramentorum remotus*. Et verba antecedentia, *peccat etc.*, ut concilietur textus, dicunt dd. intelligi, quando minister ad conferendum aliquod Sacramentum, ante illud debet aliud Sacramentum suscipere, prout Episcopo, si confert Ordines, aut sacerdoti, si in Missa Eucharistiam ministrat, opus est prius celebrare, aut Eucharistiam suscipere; tanto magis quod de hoc casu loquitur textus (3). Alter effectus indirectus, est privari, etiam sub gravi, posse beneficia recipere, uti habetur ex eodem textu, *c. Si celebrat*. Et licet textus tantum loquatur de receptione per electionem, nihilominus communiter dd. intelligunt etiam de ea quae fit per collationem, et praesentationem; Laym. Castr. Suar. Bonac. Salmant. Croix etc. Sed notandum talem electionem non esse ex se irritam, sed tantum irritandam, modo scienter eligatur excommunicatus, ut ibi dicitur: *Si scienter excommunicatus electus fuerit, eius electio est irritanda*. Sed ex qua parte requiritur haec scientia? Alii volunt ex parte electoris; alii ex parte utriusque; alii tamen, ut Laym. Castr. et Croix, forte probabilius tenent requiri ex parte electi, nempe quod cum ei confertur beneficium, ille recordatur se esse excommunicatum, quia illud scienter verosimilius refertur ad *to electus* potius, quam ad *to excommunicatus* (4). Notandum hic denique, quod excommunicatio minor potest absolvi a quovis confessario, sed non a sacerdote simplici (5).

(1) l. 7. n. 206. (2) n. 207.

(3) n. 148. et 149. (4) n. 150.

(5) num. 155.

PUNCTUM III.

De excommunicationibus non reservatis

28. I. *De excommunicationibus non reservatis.*
29. *De excommunicat. in cogentes puellas ingredi monasteria, etc.*
30. II. *De excommunicationibus reservatis Papae.*
31. et 32. *De censuris circa quaestionem Conceptionis B. Virginis.*
33. *De excommunicat. in frangentes clausuram Monialium. In ingredientibus ad malum finem, praetextu facultatum.*
34. *An licentia debeat esse in scriptis; et an specialis.*
35. *A quo petenda est.*
36. *Ob quam causam.*
37. *De confessario.*
38. *De medico, et aliis.*
39. *Si statim non egreditur. Et qui ingreditur ad malum finem, sed cum licentia.*
40. *De prohibitionem colloquendi cum Monialibus, praesertim regularibus*
41. *De casu reservato; de parva materia; de coniunctis, et impuberibus.*
42. *An cum Abbatissa, etc.*
43. *An Regulares incurrant censuram ab Episcopo.*
44. *An peregrini, etc.*
45. *An Episcopi, etc.*
46. *De Monialibus frangentibus clausuram.*
47. *De clausura Regularium.*
48. *In percussoribus clericorum.*
49. *De mandantibus, rati habentibus, aut non impediuntibus percussorem.*
50. *Qui veniat nomine clerici, aut monachi.*
51. *Ob quas actiones incurratur.*
52. *Ob quas non incurratur.*
53. III. *De excommunicationibus Bullae Coenae. In haereticos.*
54. *In fautores.*
55. *In legentes, aut retinentes libros, etc.*
56. *Requisita ad incurrendam istam censuram librorum, etc. I. Ut sciant, etc. II. Ut auctor sit haereticus.*
57. III. *Ut liber agat de religione, et contineat haeresim.*
58. IV. *Materia gravis.*
59. *Qui audit legere, aut qui legit litteras aut manuscriptum.*

60. et 61. *De libris prohibitis in indice.*
62. *Qui retinet libros, etc.*
63. *De caeteris casibus Bullae.*

I. *De excommunicationibus non reservatis*

28. Notandae hic aliquae excommunicationes magis usitatae. 1. In extorquentes vi absolutionem a censuris. 2. In sepelientes publicos usurarios. 3. In contrahentes intra gradus prohibitos. 4. In imprimentes libros sine Superiorum permisso: et iuxta Tridentinum (*sess. 4. in Decr. de Edit. lib. etc.*) in imprimentes, aut imprimere facientes aut vendentes, aut retinentes libros de rebus sacris agentes sine nomine auctoris, nisi habeant licentiam ab Ordinario. 5. In profitentes aliquam scientiam, qui Fidei professionem non emittunt. 6. In potestatem usuris faventem. 7. In occupantes bona Ecclesiae vacantis. 8. In mandantes occisionem alicuius Christifidelis. 9. In impediunt sequestrum ab Episcopo praecipitum. 10. In non denuntiantes Episcopos haereticos, et confessarios sollicitantes. 11. In eos qui servare faciunt statuta contra libertatem ecclesiasticam. 12. In clericos in dignitate constitutos, aut sacerdotes qui docent legem aut medicinam. 13. In sacerdotes qui praefecturas laicales suscipiunt. 14. In clericos qui locant domos usurariis. 15. Aut bona Ecclesiae alienant, aut ultra triennium ea locant. 16. In concionatores qui impugnant montes pietatis. 17. In eos qui fide renuntiant aut permutant beneficia. 18. In praesumentes absolvere a casibus Bullae Coenae. 19. In eos qui in aliquod officium se ingerunt sine licentia Episcopi. 20. In raptos mulierum, et in cooperantes in rapto. 21. In ingredientibus monasteria (cuiuscumque sexus sint) Monialium sine licentia Superioris; sed de hac loquimur n. 33. et seq. Aliae excommunicationes minus usitatae sunt in opere adnotatae (1).

(1) lib. 7. n. 209. ad 212.

29. Insuper in Trident. sess. 25. cap. 18. sunt excommunicati *quicumque coegerint aliquam virginem, vel viduam, aut aliam quamcumque mulierem invitam (praeterquam in casibus in iure expressis) ad ingrediendum monasterium, vel ad suscipiendum habitum cuiuscumque religionis, vel ad emittendam professionem.* Hic fit dubium 1. an incurrat excommunicationem qui cogit mulierem ad ingrediendum monasterium tantum, ut ibi bene educetur? Negat Sanch. dicendo quod Concilium solum damnat eos qui cogunt ad ingrediendum, ut ibi professionem emittant, aut ut habitum suscipiant. Sed nos oppositum tenemus cum Suar. Nav. Bon. et Fill. dum Concilium aperte postea explicat, etiam incurrere eum qui tantum cogit ingredi, licet absit finis efficiendi ut profiteatur, aut habitum suscipiat; nam subiungit censuram etiam incurrere eos, qui *scientes eam non sponte ingredi monasterium, aut habitum suscipere, aut professionem emittere... consensum, vel auctoritatem interposuerint.* Igitur si excommunicantur, qui tantum consenserint ut puella ingrediatur invitata, tanto magis principales qui eam ingredi fecerint. Caeterum, cum Concilium excipiat casus expressos *in iure*, probabiliter dicunt Suar. Fill. et Bon. posse compelli ad ingrediendum illam puellam, quae a recta morum via errat, ne in similes errores cadat, et ut cautior ad maiores fiat (1). Imo tenent Sanch. et Bon. quod licite potest cogi ad ingrediendum ob cautelam suae pudicitiae; sed hoc intelligendum cum adsit prudens suspicio quod illa in saeculo manens pravis imbuatur moribus, ut cum videretur nimis procliva ad conversandum cum maribus, aut si domi essent qui eam pervertere possent; quia tunc videtur cessare finis Concilii, non tantum adaequate, sed etiam contrarie (2), iuxta dicta *Tr.* 2.

(1) lib. 7. n. 212. v. quoad.

(2) ibid. v. dubit. 2. (3) ibidem.

n. 69. Dubitatur 2. an incurrant excommunicationem parentes qui inducunt filias ad ingrediendum ob metum reverentialem, manifestando eis suam voluntatem. Affirmat P. de Alexandro; sed communius et probabilius negant Rodriq. Barb. Tamb. Portella etc. cum quadam decisione, et hoc etiam adiunctae sunt preces, ut dicunt Barb. et Rodr. modo hae non sint vehementes, et saepius repetitae (3). Advertendum praefatam excommunicationem duntaxat afficere cogentes ingredi foeminas, non vero mares, ut commun. dicunt Suar. Barb. Sanch. Bon. Navar. Buss. etc. licet caeteroquin hi non excusarentur a mortali (4). Praeterea a Trid. in eodem cap. 18. excommunicantur, *qui sanctam... mulierum voluntatem veli accipiendi, vel voti emittendi, quoquo modo sine iusta causa impedierint.* Nomine *veli* intelligitur professio, quae editur velum suscipiendo. Nomine *Voti* intelligitur professio sed sine velo; ita comm. dd. *Impedire* autem intelligitur quando fit dolo, sed non solis precibus; Sanch. Bon. et Salmant. Denique dubitatur, an incurrat excommunicationem qui impedit mulierem ingredi monasterium? Negant Sanch. Buss. et Castr. sed probabilius affirmant Suar. Bon. et Fill. dum qui impedit ingredi, impediat pariter profiteri (5).

II. De excommunicationibus Papae reservatis extra Bullam Coenae.

30. De excommunicationibus reservatis Episcopo loquemur *Tr.* 20. de privilegiis, n. 46. Nunc tantum loquamur de excommunicationibus reservatis Papae extra Bullam Coenae, et loquendo de magis consuetis, hae sunt: 1. In incendiarios, modo sint excommunicati ab homine, ei denuntiati. 2. In frangentes et expoliantes ecclesias. 3. In communicantes in eodem crimine cum excommunicato a Papa. 4. In vexantes eos qui ferunt censuras. 5. In dantes aut

(4) ib. dubit. 3. (5) n. 212. v. insuper.

recipientes, ut admittatur aliquis in religionem. 6. In committentes simoniam realem, aut confidentialem circa Ordinem, aut beneficia. 7. In dantes, aut recipientes aliquid, ut obtineatur aliqua gratia aut iustitia apud Sedem apostolicam. 8. In duellum committentes, et in eorum patrilos, consultores et fautores, et etiam in spectatores *data opera*, qui sua assistentia incitant eos ad pugnam (vide dicta Tr. 8. n. 28.) 9. In usurpantes aut occupantes bona ecclesiarum aut aliorum locorum piorum. 10. In exigentes tributa ab Ecclesiasticis. 11. In violantes interdictum. 12. In publicantes falsas indulgentias. 13. In retinentes fructus beneficii vacantis, aut impediens possessionem ei qui non praestat *dulciaria*. 14. In docentes, aut sustinentes opiniones damnatas. 15. In concionantes de tempore iudicii novissimi contra sensum Patrum. 16. In parochos qui non observant iuramentum residentiae. 17. In Regulares qui sine privilegio particulari praesumunt ministrare laicis Viaticum, et Extremam-Uctionem. 18. In Regulares qui praetextu privilegiorum absolunt a casibus reservatis ab Episcopis. 19. In defendentes proximam de interrogando de nomine complices in confessione (iuxta Bullam, *Ubi primum*, editam 3. iunii 1746. Benedicti XIV. de qua locuti sumus Tr. 16. n. 41.). 20. In confessarios qui absolunt complices peccati turpis contra sextum praeceptum, iuxta aliam bullam *Sacramentum*, eiusdem Pontificis, de qua in eodem Tr. 16. n. 95. Caeterae excommunicationes papales quae adsunt, videri possunt in Opere (1). Sed oportet hic seorsim loqui de tribus aliis censuris quae speciali indigent animadversione. nempe 1. In eos qui alterutram damnant opinionem circa immaculatam Conceptionem B. Virginis. II. In violantes clausuram Regularium monasteriorum. III. In percussorem clericorum.

31. Et 1. loquendo de Conceptione

divinae Matris, iuvat hic meminisse, quinque Bullas circa hoc punctum emanatas: 1. Sixtus IV. in *Extrav. Grave nimis, de Rel. et ven. SS.* anno 1480. imposuit ipso facto excommunicationem reservatam in eum qui damnat haeresis, aut peccati mortalis alterutram sententiam, quae asserit, aut negat B. Virginem conceptam fuisse sine culpa originali: et etiam in eum qui pro veris habet, aut ut veros legit libros qui affirmant SS. Virginem in peccato conceptam fuisse: et contra praeceptum ut in festo Conceptionis B. V. recitaretur Officium Nativitatis suae, mutato verbo *Nativitatis* in *Conceptionis*. 2. S. Pius V. in Bulla 114. *Super speculam* an. 1570, prohibuit disputare palam, ubi adsunt viri et mulieres, aut scribere vernacula lingua de tali quaestione, sub poena suspensionis a *Divinis*, reservatae, *ipso iure*, etc. Dumtaxat permisit doctis disputare in academicis, quin uti erroneam alterutram damnarent sententiam. 3. Paulus V. in Bulla 97. an. 1616. prohibuit sub iisdem poenis a S. Pio latis affirmare in aliquo publico actu beatam Virginem fuisse in peccato conceptam. Contra sub iisdem censuris et poenis prohibuit defendentibus sententiam piam impugnare, et tractare de opposita opinione, dicendo: *Aliam opinionem non impugnent, nec de ea aliquo modo agant seu tractent*. 4. Gregorius XV. in Bulla 20. an. 1622. prohibuit quominus tam publice, quam privatim assereretur Conceptio B. Mariae fuisse facta in peccato; concessit tantum dd. ordinis Praedicatorum, ut privatim colloquia inter se habere possent, de tali materia disserendo. 5. Denique Alexander VII. an. 1661. in Bulla *Sollicitudo omnium Ecclesiarum* primo declarat piam sententiam de Conceptione sine labe a primo instanti B. Mariae, late longeque promulgatam fuisse, *ita ut accedentibus quoque plerisque celebrantibus Academicis ad hanc sententiam* (1) lib. 7. n. 218.

tiam, iam fere omnes Catholici eam complectantur; deinde sub iisdem censuris et poenis renovat decreta praedecessorum, et praecipit ut illa observentur in favorem festi, et cultus Conceptionis B. Virginis iuxta piam sententiam. Et praeter poenas latas a Sixto IV. privat facultate concionandi, docendi, voce activa, et passiva, qui in dubium revocaret, aut in alio sensu interpretaretur, sive voce, sive in scriptis (declarando damnatos esse omnes eorum libros ubi de hoc actum fuisset) favorem piae sententiae, et cultui concessum, asserendo aliquid adversus piam sententiam, aut afferendo argumenta contra ipsam, et relinquendo insoluta (1).

32. Ex his omnibus inferitur 1. cum Bonac. (qui distincte agit de hac materia) quod incurrit poenas 1. qui diceret posse defendi sententiam oppositam immaculae Conceptioni B. Mariae, aut qui adduceret rationes illius, modo id non ageret, nisi ut eas oppugnaret. 2. Qui asserit festum Conceptionis celebrari, quia B. V. sanctificata fuit in utero matris, dum ita aperte se piae sententiae refragantem praeberet. 3. Qui transcribit sententiam oppositam, adeo ut videretur eam amplecti (2). 4. Transgressores ipso facto suspenduntur a Divinis; et probabilius, ut tenet Bonac. etiam incurrunt inhabilitatem ad officia; sed quoad privationem vocis, et dignitatem, etc. requiritur sententia. 5. Praefatae poenae incurruntur tam ab Ecclesiasticis, quam a laicis, sicut habetur ex Bulla Pauli V. et Greg. XV. 6. Ab ipsis poenis solus Papa absolvere potest, aut Episcopus, cum peccatum est occultum: quoad autem fautores sententiae piae, certe his vetitum est sub poena excommunicationis asserere hoc esse dogma irrefragabile Fidei, oppositam censuram aliqua notando, non autem eam rationibus, et auctoritate defendere; quia quamvis in Bulla Pauli V. ve-

titum sit publice eam oppugnare, et etiam de illa tractare quaestione: nihilominus aliqui dicunt, praefatam Bullam in tali puncto non esse usu receptam, aut intelligi de iis, qui piam defendunt sententiam, ut Fidei dogma, sicut reapse loquitur Bulla s. Pii; sed responsio certior et clarior est, quod praefata Bulla fuit moderata a novissima Alex. VII: ubi conceditur aperte refellere argumenta oppositae sententiae, dum ibi damnatur praedicare, loqui, aut tractare adversus piam sententiam, *contra eam argumenta afferendo, et insoluta relinquendo*. Ergo concedit Papa evidenter adducere argumenta opposita, et ea confutare; ergo concedit tractare de sententia pia, et eam defendere (3). In opere autem (4) adest defensio piae sententiae; et etiam sententiae quod liceat vitam effundere pro tali pia sententia, cum talis cultus erga SS. Mariam sit actus religionis; nam dicit s. Thomas (5) quod potest acceptari martyrium pro defendenda qualibet virtute; et Bened. XIV. (6) dicit, ab Ecclesia pro martyre haberi illum, qui vitam fundit pro defendenda aliqua pia sententia, aut ne omittat aliquem virtutis actum.

33. II. Loquendo de clausura monasteriorum, et primo Monialium, notandum 1. quamcumque personam cuiuscumque sexus quae ingreditur in monasterium Monialium sine licentia in scriptis Episcopi, aut Superioris, incurrere excommunicationem ipso facto ex Trid. sess. 25. c. 5. Multi dd. ut Suarez Azor. Bonac. Barb. etc. dixerunt licere ingredi facere infantem, nam prohibitio principaliter afficit ingredientem; unde infantes non ligantur praecepto, nec illo ligantur Moniales; sed S. C. pluries declaravit oppositum. Tanto magis debet ingressus prohiberi amenibus, a quibus maius scandalum timeri potest (7). Ex Bulla Greg. XIII. Dubius, edita 23. Dec. 1581. vetitum

(5) 2. 2. q. 124. a. 5. (6) de Canoniz. ss. 1. 1. c. 14. n. 13. (7) 1. 7. n. 221.

(1) 1. 7. n. 244. (2) n. 245. ad 247.

(3) n. 248. (4) n. 249. et 263.

est Episcopis, extra casum necessitatis, sub poena suspensionis a *Divinis* pro secunda vice, et excommunicationis pro tertia; et Praelatis regularibus sub poena privationis cuiuscumque officii, et etiam excommunicationis pro prima vice, ut vult Sanch.; sed Bon. et Lamas volunt pariter pro tertia. In casu autem necessitatis, aut visitationis possunt ingredi praedicti Praelati; sed Praelati regulares non possunt ingredi, nisi semel quolibet anno causa visitationis, et sine assistentia Episcopi, aut alterius personae ecclesiasticae ab ipso designatae, iuxta Bullam 156. *Felici* Alex. VII. Episcopi vero debent ingredi sociati, sed a paucis iisque senioribus ac religiosis personis, ut loquitur Bulla Gregorii: pauci intelliguntur quatuor aut quinque, ut dicunt Victorelli et Tamb. ac de Alexand., secus incurrunt pro prima vice interdictum ab ingressu ecclesiae, in secunda suspensionem a *Divinis* et pontificalibus, in tertia excommunicationem ipso facto, ut habetur ex citata Bulla Gregorii XIII. Probat id et Fagnan. in 2. part. 5. lib. *Decretal. c. Nuper* 29. de sent. excom. n. 39. Quoad autem Praelatos regulares, si ingreditur generalis, potest secum conducere duos sui ordinis probatae vitae, et aetatis maturae; si alius Praelatus inferior, tantum unum (1). Notandum 2. praefatas excommunicationes non esse reservatas, sed adest excommunicatio reservata imposita ex mandato Clementis VIII. an. 1602. in eos qui ingrediuntur monasteria ad malum finem. *Malus finis* censetur a Mazzotta quivis finis pravi; sed melius Pelliz. intelligit finem turpem, dum hic est finis clausurae, nempe custodire castitatem virginum (2); ideoque prohibetur accessus, et collocutio, quae etiam pertinent ad clausuram, ut mox dicemus n. 40. Notandum 3. adesse aliam excommunicationem

reservatam a Gregorio XIII. in Bulla *Ubi gratia*, an. 1577. in quoscumque, etiam mulieres, qui ingrediuntur clausuram Monialium (et in mulieres quae ingrediuntur clausuram Religiosorum); sed hoc intelligitur tantum de iis qui ingrediuntur praetextu facultatum, sicut dicunt comm. Sanchez Suar. Fagnan. Bon. etc. contra Navar. et Azor. dum in praefata Bulla expresse dicitur, *praetextu facultatum* (3.) Et tunc incurrunt eam excommunicationem omnes superiores quocumque nomine vocentur; intelliguntur, ut dicunt Sanch. Manuel. Diana et alii (4), Priores, Guardiani, correctores, etc. qui alicui permittunt ingredi, aut morari, qui ita ingressus est, iuxta Bullam Pauli V. *Monialium*. Sed advertendum quod in ipsis duabus Bullis non comprehenduntur Praelati, qui ingrediuntur sine causa (5).

34. Quaeritur 1. an licentia ingrediendi in monasteria Monialium necesse sit ut sit in scriptis? Affirmant Sanch. Suar. et Castr.; sed negant Inn. Abb. Felin. Homob. etc., dicentes scripturam solum valere, pro foro externo, iuxta dicta *Tr. 7. n. 20*. Saltem dicunt Barb. Vill. Rodriq. etc. non requiri licentiam in scriptis in casibus ordinariis, ut cum ingressuri sunt medicus, confessorius, aut operarii, quorum opera iugiter opus habent Moniales (6). Non est autem dubitandum quin praefatalicentia ingrediendi monasteria Monialium debeat esse specialis pro persona designata, cum dicatur in *cap. Periculoso, de stat. Regul. in 6. Nisi specialis licentia, etc.* (7). Caeterum recte potest Praelatus committere Abbatissae, aut alii personae prudenti concedere praefatam licentiam; Navar. Bon. Graff. Barb. etc. contra Suar. (8).

35. Quaeritur 2. quis debeat concedere licentiam? Respondetur: Episcopus pro monasteriis sibi subiectis, et etiam pro subiectis Sedi a-

(1) l. 7. n. 221. (2) ib. v. excom.

(3) n. 222. (4) ibid. dubit. 2.

(5) n. 221. v. adest. (6) n. 223.

(7) ib. dubit. 4. (8) n. 224. v. abbat.

postolicae, dando eam tunc tamquam delegatus sedis apostolicae; Trident. *sess.* 25. c. 5. Possunt eam praebere etiam Vicarii capitulares, et etiam (iuxta quod dicunt Sanch. Bonac., etc.) Praelati qui gaudent iurisdictione quasi episcopali; et probabiliter etiam Vicarii generales Episcoporum, quoad monasteria Episcopis subiecta; ita Sanch. Navar. et Lamas, dum in motu proprio S. Pii V. *Decori* dicitur, *Episcopum, aut alium loci Ordinarium*, et sub nomine Ordinarii (ut probat Sanch.) comprehenditur etiam Vicarius Episcopi; tanto magis, ut probat Fagnanus (1), Vicarius potest totum id quod potest Episcopus in iis quae sunt ordinariae iurisdictionis (2). In monasteriis autem subiectis Regularibus licentia danda est a Praelato regulari; Bonac. Barbos. Castr. et Fagnan. cum *Decr. S. C.*, dum Trid. dicit: *Sine Episcopi, vel Superioris licentia*. Et Sanch. affert hoc fuisse declaratum a S. Pio V. Sed hoc non intelligitur pro dioecesibus ubi contraria viget consuetudo, iuxta declarationem S. C. approbatam ab Urbano VIII. (3).

36. Quaeritur 3. quanam causa requiritur ut detur praefata licentia? Resp. quod iuxta Trid. *sess.* 25. c. 5. requiritur necessitas, cum dicatur ibi: *Dare autem licentiam debet in casibus necessariis*. Et haec necessitas debet esse ex parte monasterii; quare non sufficit ut sit ex parte exterorum, nisi esset quod lex naturalis suaderet oppositum; ita Bon. et de Alexand. cum communi, et cum *Decis. S. C.* Ideoque non licet in monasterio collocare uxorem, ut a furore viri liberetur, aut ne iterum illi rumpat fidem, sicut pluries decrevit S. C. Potest tamen (ut dicit S. C.) Episcopus ibi collocare puellam de qua controversia est, donec lis finiatur (4). Loquendo autem de praefata necessitate ex parte mona-

sterii, debet intelligi moraliter, cum sufficiat, ut dicunt Sanch. Bonac. Barb. de Alex. Miranda, etc. si adsit causa probabiliter iusta; minor causa autem requiritur, ut dicit Barbosa, ad ingrediendas mulieres, quam mares: ad ingressum diurnum, quam nocturnum: ad primas aedes, quam ad intimas. Quando autem accidit necessitas urgens incendii, mortis, violentiae, et huiusmodi, tunc non requiritur licentia, quia in huiusmodi periculis lex humana non obligat; Sanch. Navar. Graff. de Alex., etc. comm.; unde in casu mortis subitaneae quilibet sacerdos potest ingredi ad dandam absolutionem, et etiam Viaticum et Extrem. Unctionem, ut dicunt plures dd. (5).

37. Caeterum confessarius ordinarius potest ingredi (sed cum licentia) non solum ad praestanda ultima Sacramenta, sed etiam ad praebendam solitam Communionem Moniali decumbenti; Bon. Barb. Sanch. Rodriq. etc., cum communi, et cum *Declar. S. C.* Insuper ait de Alexand. (6) quod confessarius, postquam audivit confessionem Monialis decumbentis, potest benedicere novum aliquod aedificium monasterii recenter extructum, et etiam afferre alteri Moniali infirmae aliquam reliquam erga quam illa devotione afficitur; et id simile: sic quoque ex iusta causa potest in monasterio manere ad breve tempus videndi officinas, aut loquendi causa de aliquo temporali negotio. Dicunt probabiliter etiam plures dd. quod confessarius extraordinarius, qui ingreditur cum licentia pro una vice, si causa infirmitatis non potest confessionem excipere, potest iterum ingredi sine licentia: et ita pariter, si infirma revocat confessarium statim ac egressus est, ut ei exponat aliquod peccatum oblitum. Confessarius autem ingredi debet indutus cotta, et stola: et ingredi debet quin ad alias monasterii partes divertat, ne causa

(1) lib. 1. c. Quoniam, de offic. deleg.

(2) lib. 7. n. 224. v. an autem.

(3) ib. v. maior. (4) n. 225.

(5) ib. v. talis. (6) de Alexandr. de Monial. c. 7. §. 6. quaest. 9

quidem invisendi infirmam, quae Sacramento muniri non indiget; Barbos. et de Alexandr. Confessarius sacularis ingredi debet solus, ut declaravit S. C.; sed regularis sociatus ab aliquo maturae aetatis, et probatae vitae, ut dicit Bulla Alexandri VIII. Dum autem confessarius audit confessionem, comitatrices ad ianuam assistere debent, adeo ut eum videre possint. Potest etiam confessarius pernoctare in monasterio, si Monialis laboret in extremis. Potest etiam ingredi ad benedicendum monasterium a spiritibus infestatum; ut declaravit S. C. Sed si Monialis est obsessa, vetavit S. C. ingredi posse sacerdotem, ut ipsam exorcizet, et dixit potius impetrandam esse ab ipsa Sacr. Congr. licentiam, ut exorcizetur in ecclesia exteriore monasterii (1).

38. Quoad medicum autem, loquendo de ordinario, hic debet licentiam renovare quolibet trimestri iuxta Decr. Sac. Congr. 17. Martii 1588. Debet associari a duabus Monialibus ex senioribus; et debet ingredi solus, nisi infirmitas expostularet etiam alios. Medicus autem extraordinarius tantum potest ingredi in defectu ordinarii, et quando collegium tenendum est. Potest etiam ingredi chirurgus ad secundam venam, et etiam pharmacopola ad docendum, si opus est, quomodo paranda sit medicina. Possunt etiam ingredi factores, notarii, et huiusmodi, aut ad iudicandum de ruina imminente, aut ad inveniendam scripturam necessariam in archivio, aut ad conficiendum testamentum alicuius puellae. Ita etiam possunt ingredi cum licentia fabri, hortulani, coenventarii, pistores, baiuli, et alii id genus. Sed hic advertendum cum Sanch. et de Alex. quod si licentia est data pro uno baiulo determinato, eo deficiente, non potest suffici alius. Recte dicunt Bon. et Castropal. (contra Sanch.) non licere sartori ingredi

(1) lib. 7. n. 227. (2) n. 226.

(3) n. 228. (4) ib. dubit. 8.

ad bene aptandas vestes. Si autem licentia data esset discipulo comitari cum magistro, dicit de Alex. cum aliis probabile esse, posse ingredi discipulum, aut ibi sistere sine magistro (2).

39. Quaeritur 4. an ingressus cum licentia incurrat excommunicationem, aut peccet, cum functus iam est suo munere, sistatim non egreditur. Resp. quod in quantum ad censuram eam non incurrit, licet diutius ibi moretur; quia tunc tantum violatur clausura, quando quis ingreditur sine licentia: ita Sanch. Bon. Zerola Bord. etc. Qui vero ingrederetur cum licentia, sed ibi sisteret ad malum finem, dicit Sanch. ne illum quidem incurrere censuram; sed animadvertit Bonac. quod licet iste non incurreret excommunicationem latam a Concilio, incurrit tamen illam latam a Clemente VIII. in eos qui violant clausuram ad malum finem. Sed posset aliquis huic opponere quod censura Clementis, cum sit poena, debet strictè intelligi, sicut intelligitur Concilium (3). Caeterum hac ratione dicunt probabiliter Rodriq. Zerola et de Alex. quod non incurrant praefatam excommunicationem qui ingrediuntur ad malum finem, sed cum licentia; et probabilem eam vocant Bon. et Sanch. (4). Hoc quoad censuram; quoad peccatum vero dicimus, quod quando quis ingreditur cum licentia, et immoratur, si mora est longa, peccat mortaliter; si brevis, venialiter; ita Bon. Barb. et alii communiter. Imo dicunt Sanch. Rodr. Mol. et Mirand. quod quando mora est valde brevis, excusetur etiam a veniali, dum hoc usu etiam piorum receptum est. Putant autem Villal. et Diana, spatium horae quadrantis esse modicam moram (5).

40. Ad hanc materiam clausurae spectat etiam prohibitio colloquendi cum Monialibus. In hoc oportet scire quod in cap. *Monasteria*, de vita et honestat. cler. imposita fuit excom-

(5) n. 228. resp. 4

municatio (sed ferendae sententiae ab Episcopo) in laicos, et suspensio in clericis, qui praesumunt frequentare monasteria Monialium. Doctores autem censent tunc constitui hanc frequentiam, cum per tres vices tribus diebus continuis, aut semel singulis mensibus anni, aut quater in una hebdomada adeant monasterium (1). Haec prohibitio postea rigorosius iuncta fuit Religiosis, tam in *c. Definimus* 21. *caus.* 28. *q.* 2. quam in Decreto edito ex mandato Sixti V. ubi fuit eis vetitum non solum ne colloquerentur cum Monialibus, sed etiam cum qualibet muliere in monasterio moram faciente. Dumtaxat concessum fuit Ordinariis per Decretum S.C. Concilii, editum de mandato Urbani VIII. 10. nov. 1623. posse dare licentiam Regularibus colloquendi cum Monialibus in primo, aut secundo gradu, ad summum quater in anno: exceptis diebus festis, Adventus, Quadragesimae, feria VI. et sabbato, et vigiliis; sed cum conditione quod licentia debeat dari in scriptis, et debeat adnotari in curia ab Episcopo, et postea tradenda monasterii confessario, qui debeat eam asservare; ac eos associare cum auscultatricibus, et non aliis, dum Religiosus colloquitur cum Moniali: declarando amplius quod si Episcopi aliter agant, Pontificis intentionis sunt transgressores; et quod Regulares incurrunt easdem poenas impositas a Sixto V., nempe privationem *ipso facto* officii, et vocis activae et passivae (2). Verumtamen apud Bened. XIV. (*de Synod. l.* 9. *c.* 15. *n.* 7.) et apud Monacelli (*tom.* 1. *in App. pag.* 436.) reperio Sacram Congr. die 26. nov. cum ab ea quaesitum fuisset: *An Regulares accedentes ad colloquendum cum Monialibus sine licentia Episcopi, peccent mortaliter: respondisse affirmative, etiam ex rationabili causa, quando non adest licentia.* Idem Bened. XIV. refert in *Bulla Gravissimo*, edita die 31. octo-

(1) l. 7. n. 232.

bris 1749. per S. C. statutum esse non licere Regularibus *iniussu Episcopi libere adire sibi addicta Monialium claustra.* Ex quibus inferri perspicue videtur quod, accedente licentia Episcopi, Regulares, qui S. C. adeant, possint colloqui cum Monialibus. Hic etiam adnotandum aliud Decretum eiusdem S. C. die 21. maii, apud Bened. (sub 12. apud Monac. forte errore postpositionis numeri) 1678. quo declaratum fuit iisdem poenis affici Regulares, qui habita ad Moniales concione, cum iisdem sine licentia Episcopi etiam de rebus spiritualibus colloquuntur. Et ex alio consimili Decreto dicit auctor, qui apponit additiones in *Biblioth. p. Ferraris tom.* 5. *verb. Moniales*, post n. 59. ibi *q.* 1. cum p. Gaudenzio de Visit. hanc sententiam hodie amplectendam esse, attenta bodierna praxi, *nam ubique (ait) fere locorum Ordinarii licentias hasce colloquendi Moniales concedunt Regularibus.* Et ipse p. Ferrar. idem sentit *verb. Moniales*, *art.* 4. *n.* 15. et 19.

41. Haec sunt lege communistuta; sed fere in omnibus dioecesis, et praecipue in illa Neapoli, ad est casus reservatus cum excommunicatione in viros, qui non petita licentia colloquuntur cum quavis muliere, quae versatur in monasteriis, aut in conservatoriis, exceptis coniunctis in primo vel secundo gradu; declarando quod qui facultatem obtinuit, *non potest data opera, et ex professo*, colloqui cum aliis. Hic plura notanda sunt. Notandum 1. quod ex sententia probabiliori p. de Alex. de Ianuariis, et Iordan. intelligitur prohibitus, non solus accessus, ut voluit Sanch. et Bonac., sed accessus formalis, nempe cum effectu colloctionis, sicut deducitur ex cit. text. *Definimus*, ubi prohibetur aditus ad colloctionem; et in Decretis praefatis semper fit mentio accessus cum colloctione. Ex quo probabiliter etiam dicunt Lezana Tamb. de Alex. Bon.

(2) n. 332. v. circa autem.

Graff. etc. quod prohibitio (ex se loquendo) non comprehendit eum, qui cum Moniali colloqueretur ex domo contigua, quia tunc deest accessus; nec qui scribit, aut loquitur per nuntium, ut dicunt etiam Bonac. Barb. Mazz. etc. Dictum est *ex se loquendo*; quia in casu Neapolitano comprehenduntur expresse illi, qui *de rebus obscenis agerent per litteras, vel internuntium*. Notandum 2. quod iuxta casum reservatum peccat mortaliter etiam qui loquitur cum Moniali semel tantum, modo non excuset parvitas materiae: parvitem materiae in hoc alii putant esse spatium unius *Miserere*, ut Diana et Mazzotta; alii horae quadrantem, ut Quarti et Werriell. Sed in quodam Decreto approbato a Clemente IX. die 1 martii 1699. prohibitum fuit Regularibus, sub poena peccati mortalis, et excommunicationis colloqui cum Monialibus *per quodcumque modicum temporis spatium*. Hoc non obstante dicit Ciera non esse per tale Decretum reprobata opinio Quarti, quod horae quadrans sit parva materia, cum in Decreto non damnetur nisi opinio sesquiquadrantis horae: *Praetendentes non esse interdictum per breve tempus etiam usque ad quadrantem horae cum dimidio*. Quare contendunt isti propositionem esse damnatam copulative. De hac opinione doctis committo iudicandum, sed ego non audeo eam probare, propter alia verba quae adiunguntur illi prohibitioni, *per quodcumque modicum temporis spatium*. Advertendum quod si quis loqueretur per multos dies cum Moniali, licet per spatium non notabile, etiam posset peccare mortaliter; quia huiusmodi colloquia si non uniuntur physice, saltem uniuntur moraliter (1). Notandum 3. quod nulla de causa etiam spirituali licet colloqui cum Moniali sine licentia, ut recte tenet Ciera contra Lezana Peyr. Bord. etc., quia in hoc nunquam cessat finis adaequatus pro-

(1) lib. 7. n. 236 (2) n. 237.

hibitionis, nempe periculum animi adhaesionis, ne consuetudo ex spirituali fiat carnalis; quae de re declaravit S. C. quod ex nulla causa etiam honesta, et rationabili permittitur Regularibus colloqui cum Monialibus, vide *praec. n. 40. in fin.* (2). Notandum 4. quod excipiuntur a prohibitione 1. coniuncti in primo et secundo gradu consanguinitatis. Eximit Ciera etiam coniunctos in secundo et tertio, quia cum petitur dispensatio ad contrahendum inter propinquos in secundo et tertio, debet exprimi etiam secundus, et maior impensa requiritur; ergo signum est quod hic gradus mixtus non potest dici in rigore tertius, sed participans de utroque, ac propterea dicitur secundus et tertius, proindeque tali gradu coniunctus gaudere debet tali privilegio; et cum in odiosis leges sint restringendae, sequitur quod nisi Religiosus sit coniunctus Moniali in tertio simpliciter, non intelligitur comprehendi in prohibitione; sed oppositum ego sentio, cum coniuncti in secundo et tertio non possint dici, quod revera sint in secundo. 2. qui colloquuntur cum Monialibus gravi metu incussi, quia hoc currit iuxta regulam legum positivarum. 3. Mendicantes publici, ratione usus, aut tacitae licentiae, quae adest; ita pariter servi, qui afferunt dona, et cito se expediunt; Pelliz. de Alex. et Mazzotta (3). Notandum 5. quod impuberes, licet excusati non sint a culpa gravi, si colloquuntur cum Monialibus, attamen non incurrunt excommunicationem, ut recte dicunt Bon. de Alex. Dian. et alii (contra de Graffis) ex c. *Pueris, de delict. puer.*, ubi dicitur quod pueri non sunt puniendi sicut puberes, et in dioecesi neapolitana expresse eximuntur a reservatione pueri, qui 14. annos non sunt nati (4).

42. Quaeritur 1. an liceat loqui cum Abbatisa sine licentia? Negant Ciera Megalla de Alex. Graff. etc.

(3) n. 239. (4) n. 240.

dicendo quod in Decr. Sixti V. prohibitum est loqui non solum cum Monialibus, sed etiam cum quacunque persona monasterii; et item Alexander VII. in Constit. *Sacrosancti*, prohibuit colloqui etiam cum Abbatissis; sed affirmant Lezan. Pelliz. Tamb. Ianuar. Mazz. Diana et Potestas, quia sub nomine Monialium in odiosis non comprehenditur Abbatissa, iuxta Panormit. Glossam etc. et ad Bullam Alexandri respondet Potestas, quod illa edita fuit pro urbe Roma.

43. Quaeritur 2. an Regulares loquendo cum Monialibus incurrant excommunicationem reservatam ab Episcopo latam? Quicquid dicant alii, affirmamus cum sententia communissima Sanch. Barb. Bon. Fagnan. et de Alexand. cum Decr. S. C. Idque valet etiam respectu Regularium habentium speciale privilegium, ne Episcopus possit eos excommunicare, ut fertur habere Mendicantes, ac Iosuitae a Paulo III. (1). Nam Episcopi in monasteriis etiam subiectis Regularibus, sunt delegati Sedis apostolicae, ut dicitur in Bulla *Inscrutabilis* Greg. XV. quae fuit declarativa Trid. ut refert Benedictus XIV. lib. 9. de Synod. c. 15. n. 6. et iuxta dicenda *Tr. 20. de Privil. n. 80. ad 4.*

44. Quaeritur 3. an peregrini qui alicubi morantur per aliquod tempus, colloquendo cum Monialibus incurrant excommunicationem ibi reservatam ab Ordinario? Tres adsunt sententiae. 1. negat cum Pelliz. Diana etc. dicendo ex una parte, quod peregrini non tenentur legibus loci; ex alia parte dicunt quod Episcopi sunt destinati a Concilio delegati apostolici, sed tantum circa restitutionem, et conservationem clausurae, ad quod non spectat collocutio. Sed haec sententia non est satis probabilis, nam ut recte dicunt Fagnanus et de Ianuar. collocutio ex communi sensu dd. utique spectat ad clausurae conservationem; etenim in *cap. Periculoso, de statu Reg. dici-*

tur: Nullique ingressus, vel accessus pateat ad easdem (Moniales), *ut sic a mundanis aspectibus separatae, omnino servire Deo valeant.* Igitur prohibitio tam ingressus, quam accessus ad clausurae spectant finem, qui est ut Moniales ab humanis distractionibus alienae conserventur. 2. Sententia dicit (generaliter loquendo), quod peregrini, licet per tempus breve alibi morentur: incurrunt excommunicationem. 3. Sententia Donati et de Ianuar. distinguit: incurrunt, si monasterium est exemptum, quia ibi Episcopus (ut dictum est) procedit tanquam delegatus apostolicus, unde ille iurisdictionem habet etiam in peregrinos: secus vero si monasterium est subiectum Episcopo ordinaria iurisdictione, cui non subduntur peregrini per breve tempus ibi commorantes, iuxta probabilior sententiam allatam *Tr. 2. n. 41. (2).* Sed videtur dicendum eos talem excommunicationem non incurrere, etiamsi cum exemptis loquantur, propter id quod num. seq. referemus. Nam Bened. XIV. in referenda Bulla *Gravissimo*, § 3. postquam asseruerit Episcopos iure ordinario in sibi subiectis, delegato in exemptis procedere, § 5. declarat Episcopos et alios externos non incurrere poenas ex eo, quia non subsunt iurisdictioni ordinariae Episcopi. Et licet Episcopi in exemptis procedant iure delegato a Sede apostolica, iurdictio tamen, qua procedunt, est ipsis ordinaria, utpote episcopali officio perpetuo annexa a Canone.

45. Quaeritur 4. an Episcopi colloquendo cum monialibus alterius dioecesis peccent, et incurrant excommunicationem ab Ordinario latam? Quoad peccatum, videntur non posse excusari, dum in praefato *c. Periculoso*, prohibitio est generalis, et afficit omnes, *Nullique ingressus vel accessus pateat.* Nec locus reperitur in quo legatur, quod Episcopi eximantur a legibus communibus, ut di-

(1) lib. 7. n. 241. (2) n. 242.

cit Bon. cum Rot. Rom. Quoad censuram vero, tenent Mazzot. Diana et Graff. non incurrere ex c. *Cum inferior de maior. et obed.*, ex quo videtur deduci, quod aequalis non possit ligare aequalem. Sed affirmat p. de Alex. dicendo ex Panormit. et Hostiens. quod Episcopus in aliena dioecesi censendus est ut privata persona (1). Sed his non obstantibus nunc pro certo dicendum huiusmodi Episcopos peccare quidem, sed non incurrere excommunicationem. Nam Bened. XIV. in Bulla *Gravissimo*, edita die 31. Octob. 1749. § 2, refert per S. C. statutum esse, ne gubernatores, vel praesules, vel Episcopi, aut in civitates, aut oppida alterius Episcopi iuri subiecta venientes, aut inibi commorantes, adeant Monialium monasteria, § 5. haec habet: *Iam dictum est hosce homines directivae Episcoporum auctoritati, eorumque Constitutionibus subiacere* (nempe quoad peccatum) *quae omnino velant accessum ad Monialium claustra sine debita facultate. Cum vero iidem ordinariae Episcoporum iurisdictioni minime subsint, ideoque sunt immunes a vi coactiva, id est a poenis in transgressores statutis, uti patet ex cap. A nobis 21. de sent. etc.*

46. Praeterea adest excommunicatio papalis in easdem Moniales, quae a clausura egrediuntur ex Bulla s. Pii V. *Decoris*. 1569. Et excommunicatio incurritur etiamsi Monialis egrediatur a monasterio unius tantum pedis spatio, ut probabilius dicunt Sanchez et Bonac. cum Graff. et Croix modo exeat tota persona. Eandem incurreret excommunicationem qui permetteret Monialem egredi, aut ei comitteretur, aut eam recipiat postquam egressa est. Excusatur tantum egressus causa *magni incendii, vel leprae, aut epidemiae*. Notandum 1. hoc intelligi cum non vacat tempus petendi licentiam, saltem ab Episcopo, vel a Praelato regulari. 2. Sub nomine *incendii*, venit etiam inundatio flumi-

(1) l. 7. n. 243.

Ilmo Apostolicus

nis, militum incursio, domus ruina, et omne aliud simile periculum, ut dicunt Sanchez Bon. Nav. Barbos. etc. 3. Sub nomine *epidemiae* S. C. declaravit intelligendum de vera peste, contra Nav. Sanch. Bon. Holzm. etc. qui dicunt intelligi de quocumque morbo ita contagioso, ut infirma nequeat curari in monasterio, nisi cum periculo inficiendi alias, et inferunt ex eodem c. *Periculoso*, ubi prohibetur Monialibus exire, modo aliqua illarum *non possit cum aliis sine gravi periculo, seu scandalo commorari*. Contra recte dicunt Bonac. Barb. et alii (contra Suar. Nav. etc.) non sufficere ad egrediendum quamcumque infirmitatem gravem, sed non afferentem periculum inficiendi alias. Notandum 4. cum Sanch. et Bonac. quod monialis quae egressa est, statim ubi convaluit, debet reingredi: hoc statim intelligitur moraliter, nempe elapso uno vel altero die (2).

47. Hactenus de censuris circa monialium clausuram. De alia censura occurrit loqui lata in mulieres quae violant clausuram monasteriorum Religiosorum; ex Bulla *Regularium* s. Pii V. 1566. et altera *Ubi gratia*, Greg. XIII. 1575. Et hanc excommunicationem incurrunt non tantum mulieres quae monasteria virorum ingrediuntur, aut monasteria mulierum sub praetextu facultatum, ut dictum fuit n. 55, sed etiam illae quae ingrediuntur sine tali praetextu, ut declaravit idem s. Pius V. in alia Bulla *Romanum*, sicut id intelligunt communissime Castrop. Suar. Bon. Sanch. et Salmant. quicquid dicant alii (3). Ex huiusmodi prohibitione tamen excipitur casus, quo mulier ingrederetur clausuram ad evitandam mortem imminentem. Item excipiuntur reginae, electrices et huiusmodi, ut communiter dicunt Suar. Sanch. Bon. etc. Excipiunt etiam dd. fundatrices et mulieres familiares fundatorum. Sed Bened. XIV. in sua Bulla *Regularis disciplinae*, 3. Ian. 1742. declaravit,

(2) n. 229. (3) n. 230.

nas non posse ingredi sine speciali Indulto apostolico; item vetavit praecepit, ne mulieres sub quocumque praetextu etiam pietatis ingrederentur septa Religiosorum, ex quo revocatum est, quod a s. Pio V. in Bulla *Decet*, permittebatur mulieribus, nempe posse ingredi ad associandam processionem, aut ad audiendum Sacrum, aut ad concionem (1). Dicunt Bonac. Barb. etc. quod sacramentum Regularium etiam est clausura; sed p. Ferrar. (2) asserit praxim fere ubique gentium esse contrariam.

48. 3. Loquemur de excommunicatione in percussores clericorum. Haec habetur in *can. 17. q. 4.* ubi dicitur: *Si quis suadente diabolo, in clericum, vel monachum violentas manus iniecerit anathematis vinculo subiaceat; et nullus Episcoporum praesumat illum absolvere, nisi mortis urgente periculo, donec apostolico conspectui praesentetur, et eius mandata recipiat.* Explicabimus textum. Dicitur 1. *Si quis*, intelligitur quaecumque persona cuiusvis sexus, aut aetatis, modo sit rationis compos, ut habetur *ex c. Pueris de Sent. excomm.* (3).

49. Incurrunt etiam praefatam excommunicationem omnes efficaciter mandantes, aut consentientes in percussione, uti habetur *ex c. Quantae*, et *ex c. Mulieres, de Sent. excomm.* Dicitur efficaciter, dum ad hoc ut hi incurrant excommunicationem, requiritur, ut percussio fiat causa eorum, et ut influxus eorum sit gravis; ita Suar. Nav. Bon. Silv. Salm. etc. cum comm. Dicunt etiam communiter Coninch. Av. Diana Salm. Croix etc. *ex c. ultimo de Homc. in 6.* quod si quis diceret: *Cupio vindictam sumere in talem clericum*; praeviendo quod alii iam eius locutione moverentur ad vindictam, hic iam incurreret excommunicationem, si percussio eveniret (4). Incurrunt etiam illi

qui *ratihabent percussione factam*, uti habetur *ex cap. Cum quis de Sent. excomm.* Sed in hoc requiritur 1. ut percussio facta sit nomine, aut in gratiam illius. 2. Ut ratihabitio patefiat aliis externe. 3. Ut cum accidit percussio, ille fuerit aptus mandato, aut consilio, saltem habitualiter, v. g. si fuerit ebrius, vel dormiens, secus si fuerit amens; Suar. Sayr. Bon. Castr. Conc. Salm. Croix etc. (5). Incurrunt etiam illi qui non impediunt percussione, et impedire tenentur ex iustitia, ut principes, praelati, iudices, parentes, tutores, domini, magistri, parochi etc. uti habetur *ex cap. Quantae*, ubi dicitur: *Eos delinquentibus favere, qui, cum possint, facinori desinunt obviare.* Secus vero illi qui tenentur impedire tantum ex charitate, licet omitterent impedire ex odio: ita Nav. Bonac. Laym. Conc. Castr. Mol. Salm. etc. cum Glossa in dicto *cap. 5. Interpretatur* (contra Suar. et Cai.); et merito, nam illi tantum censentur favere percussioni, qui sua auctoritate eam impedire possunt, et non impediunt, adeoque non impediendo, videntur quod ipsi ob taciturnitatem concurrant ad eam approbandam (6).

50. 2. Dicitur *Clericum* vel *Monachum*. Nomine *clerici* intelligitur etiam tonsuratus, licet excommunicatus, suspensus aut interdictus; excepto si iste dimiserit habitum, et post tres admonitiones nec reassumpsisset, ut habetur in *cap. Contingit 45. de Sent. excomm.* et iuxta communem dd. (7). Nomine *Monachi* intelligitur quilibet Religiosus, sive conversus, aut novitius, utriusque sexus, et etiam Tertiarii s. Francisci, aut s. Dominici qui gestant habitum, et vivunt in communitate sub obedientia Praelati; Suar. Nav. Borac. etc. communiter. Idem dicit Fagnan. currere pro mulieribus quae vivunt in conservatoriis, licet non approbatis a Papa. Idem dicit Renzi

(1) lib. 7. n. 231.

(2) Ferrar. bibl. v. Conven. a. 3. n. 14.

(3) l. 7. n. 264. et 265.

(4) n. 266. (5) n. 267.

(6) n. 268. et 269. (7) n. 270.

currere pro seminaristis, et pueris collegiorum, ut sunt Neapoli pueri Pietatis, s. Honuphrii, etc. Idem dicunt Saar. Fagnan. Tourn. et Ronc. de eremitis qui voto, aut pacto se adscribunt servitio alicuius loci sacri sub Episcopi subiectione, aut (ut dicit Castrop.) qui vivunt sub aliqua regula cum voto obedientiae. Caeterum communiter dd. dicunt eremitas vagos non gaudere tali privilegio, licet ex Episcopi licentia alicui ecclesiae deservirent (1).

51. Dicitur 3. *Manus iniecerit*. Intelligitur quaelibet percussio realis, et externe gravis cum peccato mortali facta, sive manibus, sive baculo, etc. Sed recte animadvertunt Suar. Castr. Bon. etc. quod quoties iniuria censetur gravis ratione reverentiae clerico debitae, sufficit qualiscumque percussio etiam laevis ad incurrendam censuram, cum in hoc Canone debeat interpretatio large sumi, ut favorabilis statui ecclesiastico (2). Quapropter dicunt dd. incurrere hanc censuram, 1. eum qui expuit in faciem clerici, aut eum coinquinat luto, aut aquam in eum infundit, aut vestem scindit, capillos evellit, aut aliquid aliud de persona illius, ut pileum, pallium, etc. 2. Qui eum in carcerem coniicit, aut in alium locum, unde egredi nequit sine dedecore. 3. Qui eum insequitur ut in foveam cadat, aut excutiat ab equo; imo probabile est etiam incurrere eum, qui illum insequitur etiam sine ullo fine, si accidit ut clericus cadat dum fugit; licet alii etiam probabiliter id negant. 4. Qui violenter ferit, aut percutit equum, cui clericus insidet, aut habenis eum retinet; Suar. Castrop. Bon. Laym. Salm. etc. communiter. 5. Qui aliqua iniuriosa actione clericum afficit, etiam eo consentiente; Suar. Bon. Coninch. et Salm. ex cap. *Contingit*, de *Sent. excomm.* Sed advertunt Bonacina et Croix, quod tunc censura non esset *latae sententiae*; sed *ferendae*, dum in eo-

(1) lib. 7. n. 271. (2) n. 272. et 273.

dem texta dicitur, loquendo de tali casu, *excommunicetur*. Et item dicunt Con. et Salm. quod non currit quando consensus clerici auferret ab actione esse iniuriosam. An autem sit excommunicatus clericus qui seipsum percutit ira percussus; affirmant Laym. Navar. Suar.; sed probabiliter negant Castr. Tol. Barbosa Croix Tourn. etc. quia revera Canon videtur loqui tantum de diversa persona, quae clericum laedit (3).

52. Non incurritur autem excommunicatio, si percussio gravem non irrogat iniuriam; hinc non incurrit, 1. fur qui furatur clam crumenam, aut vestem clerico: secus si vi hoc faciat, ut dicunt dd. cum communi. 2. Non incurrit qui percutit ioco, aut sine culpa gravi: *nec clerici* (excommunicantur), *si sint plenae aetatis, et non ex odio, vel invidia, vel indignatione, sed levitate iocosa, se ad invicem percutere contingat*. Idem dicunt Bon. Fill. Laym. Mol. Salm. Castr. etc. currere de pueris Tonsura, aut minoribus ordinibus initiatis, qui se invicem pugnis percutiunt, licet sanguis e naribus emanet; quia tales percussiones non reputantur graviter iniuriosae, licet (addit Sotus) percussio esset gravis; sed hoc intelligendum, modo illa non fuerit deliberata. Idem valet si esset casualis, aut ob propriam defensionem, aut proxime coniunctorum, aut bonorum. 3. Non incurrit excommunicationem qui in percutiendo non peccat graviter defectu advertentiae, aut consensus, ob iram subitanam, ut communiter dicunt Suar. Bonac. Laym. Castr. Con. et Salm. Sed hic quaeritur an incurrat qui percutit ignorans percussum esse clericum, sed animo paratus eum percutiendi etiamsi cognovisset? Alii affirmant; sed communissime et recte negant Suarez Vasq. Bon. et alii; quia ad incurrendam censuram non sufficit voluntas interpretativa, sed requiritur actualis. Secus vero si percussor iam

(3) n. 274.

dubitaret quod ille sit clericus, aut si eum percuteret animo afficiendi eum iniuria, sive sit clericus, sive laicus. Si vero ignorantia est crassa, dicimus cum Sanch. Covar. Croix etc. non excusari percutientem; *to enim suadente diabolo*, non requirit iam dolum, uti volunt Silv. Felin. etc., sed importat tantum ut adsit peccatum mortale. Incurrit etiam qui percutit clericum, quem putaret esse alium clericum quem laedere intendit; quia iam irrogat iniuriam statui clericali (1), ut diximus *Tr. 10. n. 85.* Non incurrit 4. Praelatus, magister, aut pater qui percutit (sed moderate) clericum qui minoribus ordinibus initiatus est: et idem dicunt rationabiliter Salm. de fratre maiore aetate, cui curae esset clericus, ut infertur ex *cap. Cum voluntate, 54. §. Si quis, de Sent. excomm.* ubi conceditur id omnibus, qui aliquos de familia sua, vel propinquos inferiorum graduum... duxerint corrigendos. Ita etiam permittunt dd. Praelatis, et magistris ecclesiasticis corripere etiam clericos in *Sacris*, modo correptio sit moderata. Sed sit dubium, an ita possint etiam parentes? Negant Laym. Mol. Castr. etc.; sed probabilius affirmant Suar. Tourn. Conc. Val. Avil. Bon. Salm. Con. etc. dum in *cap. 1. de Sent. excomm.* excusatur iam magister, si *scholarem iam clericum (quamvis sit plenae aetatis, ut prius ibi dicitur) intuitu disciplinae, vel correctionis percuterit.* Igitur si potest magister percutere clericum perfectae aetatis, qua de re intelligitur etiam clericus in *Sacris*, non solum intuitu disciplinae, sed etiam correctionis, tanto magis poterit pater, cuius principaliter est filios corripere (2). 5. Excusatur, ut dicitur *c. Si vero, 3. de Sent. exc.* Qui in clericum cum uxore, matre, sorore, vel filia propria turpiter (agentem) inventum manus iniecerit violentas; secus si persona non est ita ei coniuncta; notant

(1) l. 7. n. 275. (2) n. 275. v. 5 si prael
(3) ib. v. 6. si percutiatur.

tamen Nav. Tourn. Conin. Croix etc. quod huiusmodi percussor tunc tantum excusatur a censura, cum percutit eodem actu, aut paulo post. Praeterea recte dicunt Laym. et Nav. non excusari virum qui ex proposito etiam expectat clericum, et postea eum in adulterio deprehensum percutit: nam tunc non verificatur quod deprehendit eum in delicto, dum eum expectat ad delictum. Contra rationabiliter Suar. Sayr. Sylv. Salmant. etc. excusant mulierem quae percutit clericum qui eam sollicitat, cum illa non potest alia via se liberare, etiamsi ille eam tentasset solis pravis verbis; sed hoc intelligendum est, quando mulier pro tali sollicitatione reperiretur in periculo labendi (3). Circa vero absolutionem a tali excommunicatione quando possit concedi ab Episcopo, et quando a Papa, vide dicenda in *Tract. 20. de Priv. n. 46. 47. et 48.*

III. De excommunicationibus reservatis Papae in Bulla Coenae.

53. Principalis excommunicatio in hac Bulla est in haereticos, in eorum fautores, in eorum libros legentes. Primo igitur loco incurrunt praefatam excommunicationem haeretici; sed ad eam incurrendam 1. requiritur ut haeresis sit formalis; nempe ex errore intellectus. et cum pertinacia, ita ut quis velit eam amplecti opinionem, non obstante quod sciat illam esse oppositam Ecclesiae doctrinae, ut docet s. Thomas (4) cum communi. Dictum est, *non obstante quod sciat*, quia ignorantia licet supina excusat ab hac censura; quia tunc deest haec pertinacia, quae haeresim formalem constituit. Imo, ut dicunt probabiliter Suarez Azor. Castropal. Salm. Bann. Sayr. etc. excusat etiam affectata: dum non contradicit Ecclesiae, qui nescit se Ecclesiae contradicere, quacumque ignorantia id nesciat (5). Si quis autem

(4) 1. part. quaest. 32. a. 4.
(5) lib. 7. n. 301.

dubitat de rebus Fidei positive iudicando dubium esse aliquod dogma, certe hic incurrit censuram tanquam haeticus; prout communiter dicunt Sanch. Vasq. Bon. Salm. etc. ex c. 1. de Haeret. Qui autem dubitaret negative, non iam iudicando, sed suspendendo iudicium, peccaret quidem, sed non incurreret censuram, quia tunc non adest electio pertinax contra id quod sentit Ecclesia; ita Canus San. Becanus Salm. Tanner etc. (1). Requiritur 2. ut error sit externatus verbis aut signis, per se aut per circumstantias haeresim manifestantibus; unde dicunt Laym. et Salm. non incurrere censuram, qui diceret: *Non est Deus*, tacendo *to Iesus Christus* (2). Requiritur 3. ut manifestatio sit per se peccaminosa, unde non incurrit qui manifestat errorem suum consilium exponendi fine. Requiritur 4. ut ipse manifestet suam haeresim animo eam profitendi; secus tam in hoc quam in aliis casibus, in quibus non incurritur censura, potest absolvi haeresis a quolibet confessario (3). Caeterum ad incurrendam excommunicationem, sufficit errorem esse externe manifestatum, licet aliis non fiat notus; Azorius Avil. Corn. etc. cum comm. (4). Et constat ex praxi aliquarum facultatum quas Pontifex solet concedere Missionariis; nam solet concedere facultatem absolvendi ab haeresi, modo complicem non habeat, quae utique alias non est haeresis externata et nemini nota.

54. Secundo loco incurrunt hanc excommunicationem, ut exprimitur in Bulla, *credentes, fautores, receptatores, et defensores*. Illi dicuntur *credentes* qui externe ostendunt se consentire erroribus, dicendo v. gr. *Ego credo quod credit Calvinus*; aut *Calvinus fuit vir sanctus*. *Fautores* sunt qui laudant haeticum, aut ei au-

xilium praestant ad fugiendum; aut cum possint eum capere, aut punire omittunt, cum teneantur id facere ex officio. *Receptatores* sunt qui domi excipiunt, aut occultant haeticum, ne puniatur. *Defensores*, qui impediunt iudicem, quominus capiat, aut puniat haeticum, aut qui defendunt eorum errores, licet interne aliud sentiant et credant (5). Dicunt autem Tolet. Castr. etc. huiusmodi fautores incurrere excommunicationem, licet id non agant animo favendi haeresi, sed ut opulentur coniuncto, aut amico; sed probabiliter id negant Sot. Azor. Laym. Salmaut. Arriaga et Sanch. cum s. Bonav., quia Ecclesia ideo damnat praefatos *fautores* in quantum favent haetico, uti haetico, non autem ut propinquo aut amico (6). Quod si fautor iam cum effectu opitaretur haetico, ut eum a iudicis manibus subtrahat, licet ille postea capiatur, non excusatur a censura, ut recte dicunt Sayr. Graff. Castrop. et alii (contra Sanch. et Suar.), quia iam verificatur quod cum effectu faveat haeresi (7).

55. Tertio loco incurrunt excommunicationem, uti dicitur in Bulla, *scienter retinentes, legentes, imprimantes, et defendentes libros haeticorum de religione tractantes, vel haeresim continentes, ex quavis causa publica vel occulta, quovis ingenio, vel colore*. Et idem dicunt Salm. currere (iuxta Decreta pontificia) de illis qui vendunt, emunt, aut transferunt dictos libros, aut impediunt quominus tradantur Episcopo (8). Hic quaeritur an Episcopi legere possint libros prohibitos? Videbatur posse, cum omnes Episcopi, ubi non adest formale tribunal S. Officii, sunt inquisitores nati, qui procedere valent via ordinaria adversus delinquentes in materia Fidei; sed negandum cum Sylvio Barb. et Bonac. (9) ex bullis

(1) l. 7. n. 302. (2) n. 303. (3) n. 304.

(4) n. 305. (5) n. 306. (6) n. 307.

(7) n. 308. (8) n. 281. et 285.

(9) Sylvius t. 3. q. 11. a. 3. quær. 4

con. l. 2. in fin. Barbosa de Pot. Episc. p. 3. Alleg. qo. n. 8. Bonac. t. 3. Disp. 1. q. 2. p. 4. n. 10.

Iulii III. *Cum meditatio*, Pauli IV. *Quia in futurorum*, et Pii IV. *Cum pro munere*, relatis ab auctoribus praefatis, ubi inhibetur tam Episcopis, quam inquisitoribus lectio librorum vetitorum. *Praeterquam* (excipitur) *senioribus et commissariis haereticae pravitatis*: To commissariis intelligitur de iis inquisitoribus, quibus cum committitur aliqua particularis causa, legere indulgetur libros ad illam materiam concernentes, sed tantum pro eo tempore quo permanet commissio, ut Bonacina loco citato explicat, dicens: *Exceptis inquisitoribus, commissariisque pro tempore deputatis, durante illa deputatione*. Et hic transeunter advertatur, quod in laudata Bulla, *Cum pro munere*, Pii IV. praescribitur libros prohibitos non tantum retineri non posse, sed nec etiam lacerari ab aliquo, aut comburi, sed deferendos esse ad inquisitores vel Episcopos, ubi tribunal S. officii non manet.

56. Ad incurrendam tamen hanc censuram, quatuor requiruntur conditiones: 1. ut scienter legantur aut retineantur illi libri: unde excusatur ignorantia etiam crassa, et affectata, ut dictum est n. 8. Sed non excusatur ille qui legeret, etc. librum, sciens fama, aut dicto unius testis fide digni, quod liber sit prohibitus, ut dicunt communiter Lug. Sanch. Bonac. Croix etc. (1). 2. Requiritur ut auctor sit haeticus, unde non sufficit quod sit infidelis, Suar. Sanch. Castr. Salm. etc. Libri tamen Thalmud, et alii Hebraeorum sunt prohibiti per Bullas s. Pii V. et Clementis VIII. Dicit autem recte Holzman, inter haeticos habendos esse etiam illos, qui ex professo agunt de haeresi, licet tacito nomine circumferantur; nam eorum auctor supponendus est certe haeticus (2).

57. III. Requiritur ut liber haeticus aut tractet de religione, aut contineat aliquam haeresim: adeoque ut ille sit prohibitus, sufficit ut con-

(1) l. 7. n. 296. (2) n. 282. (3) n. 283.

tineat unum tantum errorem adversus Fidem, licet non tractet de religione, ut recte dicunt Sanch. Castr. Salm. et Bonac. (quicquid dicat Busem. cum aliis) (3), aut tractet ex professo de religione, aut de dogmatibus, aut de Canonibus, aut ritibus, aut de materia spirituali. Dicit autem Croix cum Pignat. excusari qui raderet errorem a libro, et legeret reliquum; quia liber non amplius contineret haeresim. Sed huic se opponunt Suar. Bon. et Sanch. dicentes, quod illa abrasio particularis non tollit communem prohibitionem libri. In hoc mihi arridet distinctio P. Sporer: Si liber tractat ex professo de religione, abrasione non obstante, etiam prohibitus remanet liber, iuxta Bullam, quae prohibet omnes libros haeticorum de religione tractantes. Secus vero si liber ageret de rebus indifferentibus, prout de philosophia, aut de historia, excepta historia Centuriatorum, aut huiusmodi, quae in substantia agit etiam de religione. Commun. caeteroquin dicunt Suar. Tol. Castr. Croix etc. quod incurrit censuram qui legit sine licentia tales libros prohibitos, etiam ad confutandos errores, et licet sine periculo perversionis, dum in Bulla vetantur legi *ex quavis causa vel colore*; excipiunt tamen Laym. Dicast. Holzm. Elbel etc. si quis doctus legeret, ut convinceret, aut converteret aliquem haeticum particularem, et necessitas non pateretur moram, cum tempus non suppetat quo possit obtineri licentia (4). Haec licentia obtinenda est aut a Papa, aut a S. C. Indicis, aut Concilii; dumtaxat in casu magnae necessitatis, ait P. Viva, potest eam concedere Episcopus (5).

58. IV. Requiritur ut lectio sit in materia notabili, nam communiter in hoc admittunt dd. parvitatem materiae. Hanc parvitatem autem dicunt Sanch. Vivald. Sa etc. esse etiam unam paginam; sed haec opinio est nimis laxa. Alii contra, ut Graff. et

(4) ib. in fin. (5) n. 299. v. facult.

Reginald. dicunt esse tres aut quatuor versus. Alii denique, ut Marchant. Holzm. Spor. Elb. Croix melius distinguunt, habita ratione finis prohibitionis, et dicunt quod si in aperiendo libro occurrit haeresis, potest incurrere censura etiam legendo paucos versus, cum possit ibi adesse periculum perversionis: secus autem, si ibi agitur de alia materia sine ullo errore (1). Caeterum potest incurrere censura in legendo solo prooemio, aut indice, aut praefatione, cum legitur in quantitate notabili; Laym. Bonac. et Busemb. (2).

59. Quaeritur hic 1. an incurrat censuram qui audit alium legentem suo iussu? Affirmant Azor. Silv. Pignat. etc.; sed probabiliter id negant Navar. Coninc. Sanch. Castr. Filliuc. Croix et Viva; et Spor. Sousa et Stephanus excusant etiam a peccato, si illi qui audit non adest periculum perversionis (3). Quaeritur 2. an incurrat qui legit epistolam, aut concionem seorsim impressam? Affirmat Suar.; sed communius et probabilius negant Laym. Sanch. Busemb. Holzm. Marchant. Salm. Bon. Castr. et Lugo, nam talis scriptura non potest dici liber; et cum agatur de re odiosa, nempe de poena, stricte interpretandum (4). Quaeritur 3. an incurrat excommunicationem qui legit manuscripta haeticorum? Negant Azor. Viva Spor. etc. cum Sylvio, qui refert etiam Declarationem S. C.; sed constanter affirmant Suar. Pignat. Sanch. Croix Holzm. Dicast. et alii, dicentes quod manuscripta etiam veniunt sub nomine librorum, prout ante inventionem artis typographicae libri dicebantur, et nunc libri, ubi adnotantur baptizati, confirmati, etc. a Rituali libri dicuntur, sicut etiam appellantur libri acceptorum, et datorum, libri regestorum etc. Et respondetur ad Decr. S. C. non satis constare, sicut dicunt Croix et Salm.; caeteroquin advertit in expurgatorio

(1) l. 7. n. 284. (2) n. 292. (3) ibid.

(4) n. 293. (5) ibid. (6) n. 286.

Romano prohiberi generaliter sub poena excommunicationis omnes scripturas haeticorum, usquedum approbentur ab Episcopis (5). Advertendum tamen quod Bened. XIV. quotquot libros prohibuit, etiam manuscripta comprehendit, ut videre est in suis Bullariis. Item cum edita esset quaedam dissertatio manuscripta adversus Bullam ab eodem editam super Bullam *Unigenitus*, ipso etiam illam prohibuit. Item declaravit quod, prohibito libro in uno idiomate, intelligitur ille prohibitus, in quocumque alio sit translatus.

60. Contra non sunt prohibiti 1. libri catholicorum qui referunt verba alicuius haeretici, ad eum confutandum; Suar. Laym. Nav. Azor. Sanch. etc. communiter (6). 2. Libri catholicorum, ubi adsunt notae alicuius haeretici; modo (recte limitant P. Suar. Pignat. etc.) tales adnotationes, sive scholia non essent adeo copiosae, ut potius ex iis constaret liber, quam ex auctoris scripto (7). 3. Libri haeticorum philosophici, aut alterius materiae, sed ab erroribus immunes, nam (ut diximus n. 57.) etiamsi sit ibi scriptus aliquis error incidenter iam ille prohibitus est, quicquid dicat Bus. cum aliis.

61. Refert hic aliquam dare notitiam de indice librorum prohibitorum ex mandato Pauli IV. edito, et approbato etiam a Clemente VIII. Hic index tres librorum classes constituit. Prima constat ex libris haeticorum, qui continent (ut dictum est) haeresim, aut tractant de religione. Secunda ex libris catholicis, sed continentibus aliquem errorem aut contra Fidem, aut contra bonos mores; sed hi non sunt prohibiti, donec adnotentur in indice, ut dicit doctissimus Lupo: modo non sint illi qui generaliter sunt prohibiti ab indice. Tertia ex libris, qui circumferuntur tacito auctore, et hi, ait idem Lupo, nec prohibiti sunt, nisi aliquam contineant doctrinam pravam:

(7) n. 286.

et tanto minus si produntur cum approbatione Ordinarii, ut hodie communiter videtur adolevisse usus. Praeterea sunt prohibiti omnes libri Haeresiarcarum, licet non tractent de religione: item libri haeticorum (ut superius innuimus) donec permittantur ab Episcopis: Biblia vulgaria, et libri qui in lingua vernacula loquuntur de quaestionibus cum haeticis: libri magici, et obscaeni ex *professo*, et etiam de astrologia iudiciaria, in quam Sixtus V. inflixit excommunicationem reservatam. Et item prohibita sunt in indice omnia scripta damnata tanquam suspecta de haeresi, aut de falso dogmate, sub excommunicatione, sed non reservata, ut dicunt Pignat. et Suar. (1). Licet referant Salm. S. Pium V. talem excommunicationem sibi reservasse.

62. In Bullae vigore incurrit excommunicationem non tantum qui legit, sed etiam qui retinet praefatos libros haeticorum. Qui forte eos haberet, tenetur ad eos consignandos aut Episcopis, aut inquisitoribus, iuxta praeceptum Iulii III. et Pii IV. Et loquendo de locis ubi inquisitio erecta est, dicit P. Suar. cum aliis, quod incurreret censuram qui eos igni daret; sed eum excusant Sanch. Pignat. Salm. Croix, dicendo quod qui librum cremat, non potest dici quod librum teneat (2). Et revera Bened. XIV. cum damnasset aliquos libros, praecepit aut consignandos, aut cremandos. Caeterum non excusatur qui retinet librum alterius nomine, sive pignori, sive commodato, sive deposito; aut qui eum apud alium teneret; quia cum ipse retineat dominium, etiam dicitur quod ipse retineat, cum possit pro libitu eum repetere; Suarez Sanch. et alii communiter. Et hic notetur propositio 45. ex damnatis ab Alex. VII. quae dicebat: *Libri prohibiti, donec expurgentur, possunt retineri etc.*; dicit tamen Croix cum aliis quod excusaretur qui librum reponeret in loco

(1) l. 2. n. 288. et 289 (2) n. 299.

sequestrato, qui in quolibet monasterio assignari solet. Et qui consigneret librum alicui habenti licentiam, cum pacto non amplius eum repetendi, nisi post expurgationem, aut post licentiam obtentam, ego nescirem eum damnare; et tanto minus si librum ei donaret cum pacto repetendi tantum cum licentiam obtinuerit (3). Excusaretur etiam qui librum paulum temporis retinet v. g. per unum vel alterum diem; ita Laym. Sanch. Sayr. Bon. et alii communiter. Et admittunt hoc Cast. et Viva, in quantum ad excusandum eum a censura, licet ille in illo modico tempore animum haberet illum semper retinendi; dum, ut dicunt, deest tunc materia gravis facti. Praeterea Laym. Pignat. Sayr. Sanch. Graff. etc. etiam excusant eum, si diutius librum retineat, expectans tempus opportunum quo tradat Superiori vel alteri habenti licentiam (4).

63. Multi alii autem (ultra praefatum casum haeresis) sunt casus Bullae Coenae, quibus annexa est excommunicatio. Expedi hic principales adnotare. Et sunt in eos qui surripiant bona Christifidelium naufragantium, licet in littore inventa, modo non habeantur ut derelicta. In dominos qui in terris suis sine privilegio imponunt tributa: tale privilegium habent reges, respublicae, et etiam universitates, cum id ad subveniendum civium necessitatibus expediens est; ita Vasq. Dic. Salm. Viva, etc. In piratas depraedantes Christianos in mari ecclesiastico. In falsificatores litterarum apostolicarum. Qui a iudicibus ecclesiasticis advocant causas spirituales, aut trahunt clericum ad tribunal laicale. In usurpantes iurisdictionem aut fructus beneficiales. In vexantes Romipetas, aut eum qui illinc regreditur ob negotia ad Sedem apostolicam spectantia. Alii casus minus usuales videri possunt in Opere (5); sed hic tandem notandum quod Clemens VIII. im-

(3) n. 298. (4) n. 295. (5) n. 309 ad 311

posuit excommunicationem reservatam in absolventes a casibus *Bullae Coenae* sine facultate (1).

PUNCTUM IV. De suspensione, degradatione sive depositione, de interdicto, et cessatione a Divinis.

64. 65. et 66. I. De suspensione.

67. II. De depositione, et degradatione.

68. 69. et 70. III. De interdicto.

71. IV. De cessatione a Divinis.

64. Et 1. de suspensione. *Suspensio est censura qua clericus functiones aliquas ecclesiasticas exercere prohibetur.* Certum est peccare graviter clericum exercentem functionem aliquam sibi ob suspensionem velitam, nisi excusetur, aut quia exercet Ordinem non sacrum, aut sacrum, sed non solemniter, ut docent s. Anton. Habert. Tourn. Salm. etc. contra Suar. et Nav., aut quia exercet illum ex ignorantia aut metu gravi, aut in parva materia; Bonac. Tourn. Salm. etc. (2). Hic quaeritur 1. an incurrat irregularitatem clericus exercens actum a quo suspensus est? Multae adsunt sententiae; sed illa quae mihi magis arridet cum Ronc. et aliis, sic distinguit: si suspensio imposita est per modum statuti, aut praecepti ob delictum futurum, aut etiam praeteritum, sed habens tractum successivum, tunc reus incurrit, iuxta *cap. 1. de Sent. et re iud. in 6.*: secus autem si suspensio lata est per sententiam in punitionem delicti omnino praeteriti, quia tunc suspensio habet rationem merae poenae, non iam censurae; nam censura non potest imponi ob delicta omnino praeterita (3), sicut diximus *num. 8.* Quaeritur 2. an Episcopus suspensus a Pontificalibus incurrat irregularitatem, si ea exercet? Negant Silv. Innoc. Abbas, etc. dicentes quod tunc Episcopus non exercet Ordinem sacrum; innitentes illa sententia quod Episcopatus non sit Ordo, licet opposita sit valde probabilis cum Bell.

(1) l. 7. n. 311. in fine. (2) n. 313. v. est certum. (3) n. 314. (4) ib. dub. 2.

Sanch. Tourn. et aliis (vide *Append. 3. de Exam. etc. cap. 2. n. 27. in fine*). Nihilominus negari non potest quin tale exercitium sit actus Ordinis sacri, sin distinctus, saltem extensus. Quod si Episcopus suspensus celebraret Missam solemnem cum Pontificalibus, dicimus quod peccaret, sed non incurreret irregularitatem, quia celebrando non exercet actum substantialem Ordinis episcopalis, sed solius sacerdotalis, a quo non est suspensus (4).

65. Suspensus non toleratus invalide exercet iurisdictionem. Toleratus vero exercet valide, sed illicite, si requisitus non est ab aliis; Busemb. Salm. etc. (5). Alii autem, etiamsi clericus esset nominatim suspensus, probabiliter dicunt ut Suar. Castrop. Holzm. et Salm. non teneri sub culpa gravi ad eum vitandum, et subiungunt esse omnino illicitum fidelibus audire Missam sacerdotis suspensi (6).

66. Suspensio alia fertur ad tempus, alia in perpetuum. Alia est a beneficio, aut ab aliqua functione ipsius: alia ab officio, quae comprehendit tam suspensionem ab Ordine, quam a iurisdictione. Notandum 1. quod suspensus absolute, intelligitur suspensus tam a beneficio, quam ab Ordine; Laym. Busemb. etc.; adeo ut suspensio tunc interdictum est quodlibet exercitium Ordinis et iurisdictionis. Sed notandum cum s. Thoma (7), quod suspensus ab Ordine, non proinde est suspensus a iurisdictione; et ita etiam dicunt cum communi Suar. Nav. Tourn. Fagnan. etc. quod suspensus ab officio, non ideo est suspensus a beneficio, modo supplere faciat per alios functionibus officio debit. Excipitur tamen si delictum sit enorme, *cap. 10. de Purg. Canon.*, aut si reus permaneret per annum suspensus, *cap. Cum bonae de Aetat. et qual. etc.* Notandum 2. quod suspensus a beneficio non est suspensus ab officio. Quare tene-

(5) ib. v. 4. suspensus. (6) n. 138. et seq.

(7) suppl. q. 22. a. 3.

tur ad Horas canonicas, et alia ad onera officii, licet privatus sit fructibus. Hoc tamen non intelligitur, quando suspensio est ob delictum omnino praeteritum, sed quando est imposita ob contumaciam, a qua suspensus possit libenter liberari; Suar. Fill. Coninc. etc. communiter. Imo dicunt Tourn. Avil. Renzi, etc. quod si beneficiatus est occulte suspensus, et adimplet onera, potest sibi retinere illam partem fructuum, quae spectaret ad substitutum (1). Suspensus autem a beneficio a proprio Episcopo, non intelligitur suspensus ab aliis beneficiis quae extra dioecesim haberet, modo Episcopus non exprimeret; quia tunc, licet illa beneficia non subdantur Episcopo, est tamen subiecta persona suspensi; Tourn. Pont. et Renzi (2). Dicimus praeterea, cum sententia probabiliori Suar. Laym. Antoine, etc. contra Bonac. quod si suspensus acquirit novum beneficium, collatio potest recte irritari, sed non est nulla ex se, cum id non sit expressum in lege; imo ex *cap. Cum bonae, de Aetate, et qualitate, etc.* oppositum deducitur (3). Notandum 5. quod suspensio a beneficio non est interdictum praesentare, et conferre alia beneficia, licet ius ei competat ratione ipsius beneficii; Busemb. etc. (4). Notandum 4. quod, suspensa communitate, non intelliguntur suspensae personae illius; sed sola communitas, quoad officia et beneficia, quae in communi illa possidet; Bonac. Salmant., etc. cum s. Thoma, etc. commun. Et si particulares exercerent functiones communitati vetitas, peccarent utique, sed non incurrerent irregularitatem, nam talis prohibitio non esset proprie censura; Suar. Castrop. Ronc. Salm. etc. Quod si suspensio est imposita tam communitati, quam personis, tunc non incurrunt innocentes, *cap. 2. de Constit.* (5). Notandum 5. cum Nav. Bon. Salm. Busemb. etc.,

(1) l. 7. n. 316. (2) ib. dubit. 2.

(3) ib. dubit. 3. (4) ib. v. 6. suspensus.

(5) n. 317. v. quando

quod si Praelatus diceret orotenus, *Ego te suspendo*, haec potius dicenda esset prohibitio quam suspensio; nam non praesumitur velle in hoc ille peccare, cum vetitum sit Praelatis suspendere sine scriptura (6). Notandum 6. quod ex veriori, et communissima sententia Suar. Sot. Laym. Sanch. Salm. etc. (contra Nav.), suspensio totalis, nempe ab omni usu officii, aut ab aliquo illorum ad tempus notabile, non incurritur, nisi per peccatum mortale; secus autem, si suspensio esset partialis, aut totalis ad breve tempus, v. g. per aliquot dies, aut per hebdomadam, aut esset ferendae sententiae (7). Notandum denique quod Episcopi, et omnes confessarii possunt absolvere a suspensione imposita ad tempus, aut conditionate; tempore illo elapso, aut verificata conditione, ipsa ex se cessat (8). Qui vero desideraret scire suspensiones in particulari quae in Ordinandos latae sunt, videat in *Append. 3. de Examine, etc. num. 46* Suspensiones autem generales in iure adnotatae sunt in opere (9).

67. 2. De *depositione et degradatione*. Depositio, et degradatio non sunt censurae, sed sunt suspensioni similes: hac differentia tamen, quod illae auferunt ius radicale ad beneficia, et prohibent usum Ordinis in perpetuum, quod quidem non efficit suspensio. *Depositio* alia est verbalis, et haec proprie dicitur depositio, quae relinquit privilegium Canonis, et fori: alia est realis, et haec proprie dicitur *degradatio*, quae privat exercitio officiorum, et privat beneficiis, et privilegio Canonis, et fori, cum certa solemnitate, et ad semper, *sine spe* restitutionis. Dictum est, *exercitio*, quia ordo non potest tolli: unde degradatus tenetur ad votum castitatis iam emissum, et ad horas canonicas, et invalide contraheret matrimonium (10). Degradatio non potest celebrari nisi ab Episcopo, sed depositio pot-

(6) ib. v. 10. si praelatus. (7) n. 321.

(8) n. 322 (9) n. 318. (10) n. 323. et 324

est fieri etiam ab eius Vicario: in depositione potest dispensare Episcopus, sed in degradatione solus Papa. Depositio non potest fieri nisi in casibus expressis in iure, et in delictis atrocioribus; degradatio autem fit tantum in criminibus gravissimis, nempe haeresis manifestae, calumniae in proprium Episcopum, sodomiae frequentatae (1), et similibus.

68. 3. De interdicto. Interdictum est censura qua prohibetur usus divinorum officiorum, aliquorum Sacramentorum, et sepulturae ecclesiasticae. Dividitur interdictum in locale, personale, et mixtum. Per locale prohibentur divina officia in loco dumtaxat: per personale certis personis aut communitati prohibentur: mixtum denique afficit immediato et locum et personas. Dividitur etiam interdictum in generale, et particulare. Quando interdictum est generale, interdicta civitate, interdicuntur etiam suburbia, et etiam ecclesiae exemptae Regularium, et tunc omnes tenentur illud servare, etiam Episcopus, qui illud tulit, excepto Pontifice. Licitum est tamen civibus, qui causam non dederunt interdicto, alio ire ad assistendum divinis officiis. Interdicta parochia, interdictae intelliguntur omnes capellae, et coemeterium contiguum; cap. Si licitas, de Sent. Excom. (2). Interdicto populo, non interdicti intelliguntur clerici, peregrini, studentes, quia isti non sunt partes populi; dd. cum communi. Contra interdicto clero, non intelliguntur interdicti laici, cap. Si sententia, de Sent. excomm. in 6.; nec Religiosi, nisi haberent officium aut beneficium in illo populo, nec alii clerici qui ibi nullum habent officium. Ab interdicto generali personali eximuntur 1. Episcopi (qui exempti sunt etiam a suspensione generali). 2. Infantes et amentes rationis expertes; sed hi etiam privantur sepultura. 3. Innocentes, sed tunc,

(1) l. 7. n. 326. et 327. (2) n. 330.

(3) n. 331. (4) n. 333. (5) n. 334.

cum domicilium alibi collocant. 4. Exteri, licet ibi diutius incolant (3).

69 Effectus interdicti sunt 1. prohibitio divinorum officiorum (intelliguntur illa quae a clericis tantum exerceri possunt, et in loco deputato), quibus assistere nequeunt nec interdicti ob culpam aliorum. Clerici tamen qui non sunt interdicti possunt celebrare, sed clausis valvis, sine sonitu campanarum, et expulsi interdictis (modo denunciati sint), cap. Alma Mater, de Sent. excom. in 6. Et si interdicti nolunt exire, debet cessari a celebratione sub poena irregularitatis; sed advertunt Suarez Holzm. et Mazzot. hoc currere, quando celebratur in loco interdicto. Permittitur autem celebrare in festis Natalis Domini, Paschae, Pentecostes, Assumptionis B. Mariae, et in Octava Corporis Domini (4). 2. Prohibitio administrandi Sacramenta, exceptis Baptismo (qui potest dari etiam solemniter), Confirmatione, et Poenitentia, quae omnibus permittuntur, praeter eos qui dederunt causam aut favorem interdicto. Eucharistia autem potest praebere moribundis, et etiam Extrema-Unctio, ut dicunt Suar. Croix et Dicastill. contra Salm. et Sanchez. Item Coninch. et Laym. permittunt etiam matrimonium, et hoc est probabilius (contra Suarez) ex c. Capellanus, de Feriis, ubi dicitur quod matrimonium possit contrahi quovis tempore (5). 3. Prohibitio sepulturae; sed clerici, modo non sint nominatim interdicti, possunt sepeliri in ecclesia, etiam cum Missa; si autem ecclesia esset specialiter interdicta, possunt etiam in illa sepeliri, sed sine Missa. Sed laici non possunt sepeliri in ecclesia, et si forte ibi sepulti sunt, exhumari debent (6). 4. Clerici qui violant interdictum in materia gravi, peccant graviter, et exercendo Ordinem incurrunt irregularitatem. Ita etiam Religiosi qui incurrunt insuper excommunicationem ipso facto. Laici vero peccant mortaliter, si recipiant (6) n. 335.

sacramenta contra interdictum personale; sed si violant tantum locale, v. gr. assistendo divinis officiis, probabilius dicunt Laym. Bus. Sot. Silvest., etc. quod peccant tantum venialiter, modo ipsi non sint specialiter interdicti (1).

70. Possunt interdictum ferre omnes Superiores, qui possunt excommunicare. Ad interdicendum locum aut communitatem, requiritur peccatum nimis atrox, commissum a capite, vel a principalibus illius. Interdictum tamen ad breve tempus, et in ordine ad unum, vel alterum usum, potest incurri etiam ob peccatum veniale (2). Interdicta localia, et personalia in generali a iure communi lata et non reservata, possunt auferri ab Episcopis. Alia vero ab Episcopis lata, tantum possunt ab ipsis, vel a Papa auferri. Ab interdictis autem de iure personalibus, et particularibus non reservatis, possunt absolvere quilibet confessarii approbati (3). Hic denique notandum, quod cessandum est a *Divinis* in ecclesia, et pro interdicta ipsamet habenda est, cum ibi permittatur afferri stratum cuicumque personae, quae non sit regia dignitate fulcita; iuxta Decretum quod retulimus Tr. 4. n. 39.

71. IV. De *cessatione a Divinis*. Haec definitur: *Prohibitio clericis facta, ut abstineant ab officiis divinis, et ab ecclesiastica sepultura*. Putant autem Suar. et Fill. posse Episcopum unum prohibere effectum, et non alium. Haec cessatio non est interdictum, nec censura, nec imponitur per modum medicinae ad removendam contumaciam, sed solum in signum moeroris, aut ad reparandam aliquam gravissimam iniuriam Deo, aut Ecclesiae irrogatam: et tenentur illud servare omnes cives illius loci, cui imponitur. Et dicunt communis Sanch. Bon. Seim. et alii, quod tempore talis cessationis clerici privantur privilegio ipsis concessio

tempore interdicti; conceduntur tamen illa Sacramenta, quae permittuntur tempore interdicti. Cessatio imponitur ab eo qui potest imponere censuras, praecedente monitione: et ab ipsomet potest tolli, aut suspendi per aliquod tempus (4).

CAPUT III. DE IRREGULARITATE

PUNCTUM I.

Quid et quotuplex sit irregularitas.

72. *Definitio.*

73. *An irregularitas sit censura.*

74. *Divisiones irregularitatis.*

72. Irregularitas, licet non esset censura, quia tamen cum ea valde assimilatur, ei propterea annectitur; et definitur: *Est impedimentum canonicum susceptionem Ordinum sacrorum, et susceptorum usum impediens*. Itaque irregularis non potest nec Ordinem suscipere, nec susceptum exercere.

73. Quaeritur an irregularitas sit censura? Affirmant Sot. Bon. Covar. et multi alii, dicentes essentiam censuræ, nempe esse poenam ecclesiasticam, aequè competere censuræ, et irregularitati. Alii autem communius, et probabilius, ut Suar. Bon. Castr. et Salm. cum aliis apud ipsos, id negant, dicendo esse illam impedimentum, sive inhabilitatem; et probant ex cap. *Quaerenti, de Verbor. signif.* ubi interrogatus Innoc. III. quid intelligendum nomine censuræ? respondit: *Quod per eam non solum interdicti, sed etiam suspensionis, et excommunicationis sententia valeat intelligi*. Igitur praeter has tres, nulla alia poena dici potest censura (5). Et licet sit poena, non est tamen medicinalis, nempe ad impedienda peccata futura; nam haec imponitur ob peccata praeterita, et est poena mere punitiva.

74. Dividitur irregularitas in eam quae provenit ex *delicto*, et eam quae provenit ex *defectu*. Item in *totalem*, quae omni Ordine suscipiendo, et

(1) l. 7. n. 336. (2) n. 337.

(3) n. 338. et 339. (4) n. 340.

(5) n. 341. v. quær.

suscepti exercitio privat; et *partiallem*, quae tantum aliquo Ordinis ministerio, vel solo ascensu ad Ordines superiores privat; v. g. si sacerdos esset manu carens, vel coecus, esset inhabilis ad celebrandum, sed posset excipere confessiones.

PUNCTUM II. *Effectus irregularitatis.*

75. *Effectus.*

76. *An irregularis possit acceptare beneficia.*

77. *An possit accepta retinere.*

75. Irregularitas 1. inhabilem reddit ad suscipiendos Ordines, etiam primam Tonsuram, ut communiter dd. 2. Impedit exercitium iam susceptorum, *cap. fin. de Temp. Ord.* ideoque irregularis illicite, sed valide absolveret, etc. 3. Impedit a recipiendis beneficiis.

76. Sed quoad beneficia, quaeritur 1. an nulla sit collatio beneficii facta irregulari, qui est inhabilis ad functiones ipsius beneficii? Sententia communior, et probabilior affirmat, et probatur ex *c. 2. de Cleric. non ord. ministr.* et praesertim ex *Trident. sess. 22. cap. 4. de ref.* ubi dicitur: *Nec aliis in posterum fiat provisio, nisi iis, qui iam aetatem, et caeteras habilitates integre habere dignoscantur; aliter irrita sit provisio.* Et ratio est quia beneficium datur propter officium, et qui est inhabilis ad Ordinis iam suscepti exercitium, debet iudicari etiam inhabilis ad beneficium; ita dicunt Suar. Bon. Tourn. Cabass. Salm. cum aliis multis. Oppositam sententiam defendunt Innoc. Silv. Laym. Viva, Elbel. Roncag. Diana, et Salm. cum Felin. Anchor. Giball. et idem Suar., sicut etiam Bus. recte eam vocant probabilem: quia non est imponenda poena, ubi nulla lex expressa habetur, et cum nullus adsit textus evidens qui declararet irregularem incapacem beneficiorum, ideoque dicunt Suarez, Tourn. Bon. (1), quod licet peccet

(1) lib. 7. n. 343.

(2) ib. in fine, et lib. 3. n. 761.

graviter in recipiendis, aut in retinendis illis sine dispensatione, tamen si per alios satisfacit beneficii oneribus, non tenetur ad restitutionem. Et respondent ad Canones, quod ipsi illicite declarant beneficii collationem irregularibus, non autem invalidam, et ad Tridentinum respondent, dicendo quod ibi invalida declaratur collatio facta inhabilibus, sed tales non reputantur irregulares quoad validitatem. Sed hic advertendum quod licet haec sententia sit probabilis, tamen quia prima etiam est probabilior, stante communiori sensu dd. qui, ut ait Laym., est optimus interpret legum, qui ita interpretati sunt textus supra citatos, non potest ideo in beneficii possessionem se intromittere, quia nemo cum opinione probabili potest in possessionem alterius rei se ingerere (2). Sed contra si bona fide beneficium accepisset, obtenta dispensatione, potest illud retinere, quin in dispensationis petitione mentio facta esset de beneficio (3).

77. Quaeritur 2. an irregularis iuxta praefatam sententiam possit sibi retinere beneficium? Quoad beneficia prius obtenta, nulli dubium est, quin possit; nec debet eis a iudice privari, si irregularitas provenit ex infirmitate, uti habetur ex *c. Ex parte, de Cler. aegrot.* Sed si irregularitas proveniret ex delicto, debet privari a iudice; sed interim, nisi dispensationem obtineat, debet aut illud renuntiare, aut resignare saltem in favorem tertii; quia qui non potest licite beneficii oneribus satisfacere, nec potest licite illud sibi retinere; ita Suar. Castr. Salm. cum multis aliis (4).

PUNCTUM III.

Quomodo incurritur irregularitas.

78. *Irregularitas debet esse expressa in iure.*

79. *Qui dubitat an sit irregularis.*

80. *Qui dubitat an sit homicida.*

81. *Quid requiritur ad irregularitatem ex delicto.*

(3) 1. 7. n. 342. (4) ib. v. quaer.

82. *Si delictum est omnino occultum.*
 83. *An requiratur scientia legis.*
 84. *An scientia irregularitatis.*
 85. *Quomodo tollenda est irregularitas in genere.*
 86. *De dispensatione.*
 87. *Quomodo tollitur irregularitas ex defectu.*

78. Irregularitas non incurritur nisi expressa sit in iure; *cap. Is qui, de Sent. excomm.* in 6. ubi dicitur: *Cum id non sit in iure expressum, etc.* Ideoque non debet extendi ultra casus expressos. Nomine iuris intelligitur tantum ius pontificium, aut Concilia approbata a Papa. Hinc inferitur quod in materia irregularitatis non valet argumentum a simili nec a maiori ad minus, ut communiter advertunt dd. Advertit tamen Laym. quod in dubio an aliqua irregularitas sit nec ne expressa in iure, in hoc standum est communi sensui dd. et consuetudini (1).

79. Quaeritur 1. an habendus sit irregularis qui dubitat esse talem? Nomine dubii hic intelligitur negativum, quia in positivo, ante diligentiam, quisque se debet existimare irregularem; Sanchez, Suar. Castrop. et Salmant. cum Coninc. ex *cap. Illud, de Cleric. excomm.*, modo (dicunt Salm. cum aliis dd. cit.) non adsit aliqua gravis et urgens necessitas, v. gr. initiandi Ordinibus, aut beneficium suscipiendi: adhibita sufficienti diligentia, potest teneri pro non irregulari; Suar. Castrop. et Salm. cum aliis. Itaque difficultas restat in dubio negativo, et respondetur: quod si dubium est iuris, nempe an adsit vel ne talis lex quae irregularitatem tali facto affingit, tunc in nullo foro censendus est irregularis, tum ex dictis num. praecedenti, tum quia in dubio nemo spoliandus est suo iure; ita commun. dd. Sanch. Suar. Castr. Tourn. Hab., etc. (2). Si dubium est facti, nempe an commiserit tale delictum (homicidio excepto, de quo num. sequenti), duae adsunt sententiae. Prima affirmat cum Concin. Tourn. Hab. etc. ratione accepta ab

homicidio, de quo in *c. Ad audientiam, de Homic.* dicitur: *Cum in dubiis semitam debeamus eligere tutiorem, vos convenit iniungere presbytero memorato, ut in sacris Ordinibus non ministret.* Et ex hoc regulam statuunt generalem, in omni materia sequendam esse tutiorem. Secunda sententia communis, et verior negat, et huius sententiae sunt Suar. Cabass. Ronc. Castrop., etc. et Salm. cum multis aliis. Ratio est, quia odia sunt restringenda, et in dubio nemo damnandus est. Ita ex *Reg. Favorabiliores, ff. de Reg. Iur.* et ex *cap. Cum sunt, eod. tit. in 6.* ubi dicitur: *Cum sunt iura partium obscura, res favendum est potius, quam actori.* Et ratio deducitur ab eo quod mox diximus; nam dum dubitatur an dispositio de homicidio valeat ad alias materias, iam dubium est iuris, in quo dubio etiam adversarii concedunt non incurri, dum in praefato *cap. Is qui, de Sent. excomm.* in 6. declaratur quod nulla irregularitas incurritur, nisi expressa sit in iure, et ad *cap. Ad audientiam*, respondetur quod ibi voluerit Pontifex decentiae motivo uti, quae tanti Sacrificii dignitatem decet, ut ab altari repellatur qui dubitat esse homicidam: et quod hoc erat decentiae, et non praecepti apparet ex *cap. Petilio tua, de Homicidio*, ubi dicitur: *Cum sit consultius in huiusmodi dubio (homicidii) abstinere, quam temere celebrare.* Qua de re quod in hoc loco consilii erat, voluit Pontifex ut in alio capite in praeceptum transiret (3).

80. Quaeritur 1. an dubitans se esse homicidam, debeat semper censeri irregularis? Alii dicunt in foro externo se gerere debere uti irregularem, non autem in interno; ita Innoc. Salm. Sanch., etc. Alii vero dicunt universaliter in neutro foro censendum esse irregularem, Host. Arm. Tab. etc.; sed communis et verior Castrop. Bonac. Bon. Sanch. et Salm.

(1) l. 7. n. 345. (2) n. 346. (3) n. 347.

cum multis aliis, tenet censendum esse irregularem in utroque foro. Nam ratio adducta in *cap. Significasti, c. Ad audientiam*, et in *penult. de Homic.*, nempe quod in dubio tutior pars eligenda est, utrumque forum comprehendit. Notandum primo quod hoc currit quando homicidium est certum et solum dubitatur an actio percussoris fuerit causa illius. Si vero dubitatur an homicidium factum sit, nec ne, tunc valde rationabiliter dicunt Pichl. Elbel, Dian. Tamb. et Spor. non esse censendum irregularem. Ideoque dicit Diana, cum Navarro, Menochio, et Quarant. quod si medicus venam secuerit praegnantem, ut illa abortiret, et postea ignorat an abortus nec ne evenerit, non est censendus irregularis, quia habetur in *lib. 1. §. item illud, ff. Ad Syllam*, quod non procedendum est ad poenam, nisi constet de delicti corpore. Secus autem si pharmaca essent ita efficacia, ut communiter ab eis soleat effectus consequi; ita Nav. Mascard. ex *l. ult. de Fide instrum.* vide dicta *tr. 8. n. 22*. Notandum 2. quod dubitans de homicidio debet uti talem se gerere in duobus effectibus, nempe in abstinendo a celebrando, et in petenda dispensatione: quare inferitur 1. quod laicus non incurreret talem irregularitatem; Sal. et Roncagl. 2. Quod clericus non incurrat privationem beneficiorum; San. Suar. Roncagl. Salm. et Castrop. cum Panor. etc. 3. Quod dubitans de mutilatione non est censendus irregularis; Sanchez, Bon. Ronc. Salm. et Suar. contra Nav. et Henr. (1).

81. Ad incurrendam irregularitatem, ex delicto, actus debet esse externus, et mortalis; quia irregularitas est poena gravis quae difficulter relaxatur. Unde inferitur, 1. quod si actus ob aliquam circumstantiam excusatur a peccato mortali, excusatur etiam ab irregularitate. 2. Quod praeceptum sub poena irregularitatis ad grave peccatum obligat. 3. Quod a-

ctus debet esse exterior; ideoque cum dicitur dispensare in irregularitate mentali, intelligitur occulta; Castrop. Conc. Aver. et communis cum Salmant. 4. Quod actus debet esse consummatus (2).

82. Quaeritur hic 1. an ob delictum externe consummatum, sed omnino occultum, incurratur irregularitas? Tres adsunt sententiae, sed verior affirmat de omni delicto; quia Ecclesia sibi reservat delicta etiam occultissima, ut est haeresis occulta omnino (ut dictum est n. 53. in fine). Et quod revera ob delicta occulta incurritur irregularitas, apparet ex *Trid. sess. 24. c. 6. Liceat*, ubi conceditur Episcopis facultas absolvendi ab irregularitatibus occultis, et inter ista fit mentio haeresis, et homicidii occultorum; et sicut pro haeresi et homicidio occultis incurritur excommunicatio, ita pariter dicendum de aliis criminibus (3). Quinam autem possint dispensare in his, vide *tr. 20. de Priv. n. 51. 52. 105. et seq.*

83. Quaeritur 2. an ad incurrendam irregularitatem requiratur scientia legis ecclesiasticae prohibentis? Sententia probabilior, et communissima (contra Suarez, Azor. Holzm. et Felin.) affirmat cum s. Antonin. Ronc. Castr. Navar. Silv. Sanch. etc. et Salmant. cum multis aliis; quia talis irregularitas habet rationem poenae; et cum sit poena, requiritur scientia saltem legis prohibentis. Et hoc probatur ex *cap. Proposuisti, Dist. 42.* ubi Innoc. I. decrevit non deponendos fore quosdam clericos incontinentes, quia ignorabant Constitutionem Siricii Papae: unde Castrop. Viva et Salm. cum aliis affirmant, quod si quis etiam ignoraret homicidio affixam esse irregularitatem, et homicidium committeret, non fieret irregularis: non ratione delicti, quia requiritur scientia; non ratione defectus, hanc enim incurrunt tantum ministri iustitiae, vel cognitionis causae, vel executionis poenae. Nihilom-

(1) *lib. 7. n. 347.* dubit. 3.

(2) *n. 348.* (3) *n. 349.*

minus quoad homicidium, sententia satis probabilis et tenenda est quod incurrit, quia haec irregularitas non tantum respicit delictum, aut defectum, sed etiam indecentiam; quae postulat ne admittatur ad sacrificandum in altari Dei Agnum mansuetissimum per manus ministri saevi, et crudelis; ideoque Trid. sess. 14. c. 7. de Reform. antequam reservet irregularitatem ex homicidio, adducit rationem quod repellendus est ab altari homicida: *Cum etiam* (sunt verba Trid. mutuata a cap. 21. Exod.) *qui per industriam occiderit proximum suum, ... ab altari aveli debeat.* Quis non videt Concilium ostendere ipsiusmet naturae legem exposulare huiusmodi ministros etiam per vim expellendos esse ab altari (1)? Hoc non obstante, non audeo reprobare sententiam oppositam, dum hic casus non est expressus in iure.

84. Quaeritur 3. an ultra scientiam prohibitionis ecclesiasticae, requiratur scientia irregularitatis? Duplex est sententia: prima est Suar. Laym. Croix, Tournel. Pont. Sot. Vasq. etc., quae negat, quia irregularitas non est poena medicinalis, sed inhabilitas, sive poena mere punitiva; quare sufficit ut talis poena sit imposita a lege illi actui, et ut reus scienter et culpabiliter illum patraverit. Secunda sententia etiam probabilis affirmat; nam irregularitas ex delicto cum sit vera poena, et extraordinaria, ideoque cum praevideri non possit, ac praecognosci solet saltem in confuso poena ordinaria, non censetur Ecclesia tanto rigore velle ignorantiam punire (2); et sic tenent Silvest. Sanch. Ronc. Boss. Coninch. Sayrus, Corneius, Rodriquez; et Salmant. putant probabilem hanc sententiam aequae ac primam; et p. Suarez etiam probabilem vocat.

85. Irregularitas multifariam tolli potest. 1. Si cessat causa, cum irregularitas est ex defectu, v. g. aetatis, ignorantiae, etc. Suarez, Laym.

(1) l. 7. n. 350. (2) n. 351. (3) n. 352

Tourn. etc.; cum vero irregularitas provenit ex infamia, si haec est popularis, per emendationem tollitur, *Can. 4. et 18. Dist. 56.* Si infamia est facti, tollitur per loci mutationem; Tourn. et Ronc.; sed si infamia est iuris, nempe pro iudicis sententiam, pro hac requiritur dispensatio. 2. Si proveniret ex delicto, tollitur per Baptismum; unde qui ante Baptismum commisisset homicidium, non erit amplius irregularis; Salm. cum Coninc. et Laym. 3. Per Pontificis dispensationem. 4. Per professionem religiosam (3). Quando et quibus in casibus possunt dispensare Episcopi et Regulares, vide *seq. tr. 20. de Priv. n. 51. et 105. et seq.*

86. Plura notanda sunt circa dispensationem. 1. Dispensatio Pontificis sine causa est valida, sed illicita; ab inferiore autem est invalida. 2. Qui plures irregularitates eiusdem speciei incurrit, in dispensatione sufficit exprimere se pluries illam incurrisse. 3. Si praelatus, qui facultatem habet dispensandi, scienter admittit irregularem ad beneficium, censetur dispensare cum illo; Bonac. Salm. cum aliis, etc. (4).

87. In irregularitate ex defectu solus Papa potest dispensare, et ille qui de hoc speciale privilegium habet. Irregularitas ex defectu natalium potest tolli per professionem religiosam, quoad Ordines, sed non quoad praelaturas; ita commun. dd. tum ex c. 1. de Fil. presbyt., tum ex concessionibus Gregor. XIV. Clem. VIII. et Pauli V. Dicunt autem Diana, Barbos. Castrop., etc. quod Praelati regulares possunt dispensare ad praelaturas in Capitulis generalibus aut provincialibus. Per praelaturas non venit Episcopatus; Bonac. et Tourn. Praeterea omnes dd. (excepto Soto) dicunt verum non esse per professionem in religione approbata auferri omnes irregularitates (5). Quoad alias facultates Regularium, vide *tr. 20. de Priv. n. 105. et seqq.*

(4) n. 352. (5) n. 354.

PUNCTUM IV. Quanam sint irregularitates ex delicto.

88. I. Ob Sacramentum.
 89. II. Ob violationem censuræ.
 90. III. Ob exercitium solemne, etc.
 91. IV. Ob illicitam Ordinum susceptionem.
 92. V. Ob delicta enormia.
 93. VI. Ob homicidium.
 94. 95. et 96. De homicidio voluntario.
 97. et 98. De mandantibus, consilium dantibus, etc.
 99. De cooperantibus.
 100. De rathabentibus.
 101. De non impredientibus.
 102. ad 105. De homicidio casuali.
 106. Qui occidit ob defensionem.
 107. Qui occidit ad tuenda bona.
 108. De homicidio in rixa.
 109. et 110. De mutilatione.
 111. De dispensatione, remissive.

88. Prima oritur ob Sacramentum Baptismi non rite susceptum; ideoque irregularis est, 1. qui sine necessitate recipit Baptismum ab hæretico, *can. Placuit, q. 4.*; sed intelligitur si illum recepit in adulta ætate; nam contra declaravit S. C. Conc. 21. maii 1716. non esse irregularem puerum qui baptizatus fuit ab hæretico. 2. Filius hæretici, *c. Statutum, de Hæret. in 6.*; sed si postea parentes ad catholicam Fidem conversi sunt, tollitur irregularitas: *Suar. d. 43. Sect. 3. etc.*, et ita declaravit S. C. præfato die. 3. Qui differt Baptismum usque ad periculum mortis, *c. Si quis, d. 57.* 4. Qui scienter bis baptizatur solemniter; et hanc incurrun- tam rebaptizatus, si est adultus, *cap. 4. Confirmandum, Dist. 50* quam rebaptizans, iuxta communem dd. ex *c. Ex litterarum*, ubi declaratur irregularis acolythus assistens rebaptizationi. Excusant dd. si hoc fieret metu, sed nemo excusat si id faciat ex ignorantia culpabili, *can. Quibus, de Conseq. d. 4. (1).*

89. Secunda est ob violationem censuræ, cum qui ligatus est censura, solemniter exerceret Ordinem

(1) l. 7. n. 356. (2) n. 357.

(3) n. 342 ad 2. et n. 358.

Homo Apostolicus

sacrum. Dictum est solemniter, v. g. si diaconus cantaret Evangelium cum stola et manipulo, aut si Capitularis hebdomadario fungens in choro, cantaret: *Dominus vobiscum.* Et si is esset innodatus duplici censura, unam incurreret irregularitatem duabus æquivalentem, sed in postulatione dispensationis exprimi debet, *Tourn. etc.* (2). Advertendum quod non fieret irregularis qui sola excommunicatione minore ligatus esset, *cap. Si celeb. de Cler. exc. min.*; nec qui exercet minores Ordines, etiam solemniter: *Laym. Nav. Salm. etc.*; et de hoc non amplius videtur dubitandum post Bullam, *Etsi pastoralis Bened. XIV. (in t. 1.) de Dogm. et Rit. ab Italo-Graecis, etc.* ubi §. 7. n. 9. dicitur: *Promoti ad primam Tonsuram vel ad alium quemcumque Ordinem sine dimissoriis, etc. suspensi sint; et si suspensi in sacris Ordinibus ministraverint, efficiuntur irregulares sicut et Latini.* Nec qui concionatur, nec qui exercet actus jurisdictionis, nempe excommunicandi, confessarios approbandi, beneficia conferendi, assistendi, aut licentiam assistendi matrimonio alteri dandi, officium cantandi, aut vota dispensandi (3). Nec fit irregularis qui celebrat in ecclesia polluta; fit autem qui in interdicta celebrat, *c. Is qui, de Sent. exc. in 6.* Contra advertendum quod Episcopus, aut alius sacerdos qui cogeret censuratum ad celebrandum, fieret irregularis, *c. Illud, de Cler. exc. min.* Sed ab ipsa possunt dispensare Praelati regulares, licet esset publica: et etiam cum secularibus ex privilegio Martini V. et Iulii II. (4).

90. Tertia est quando clericus exercet Ordinem sacrum quem non habet, *cap. 1. de Cler. non Ord.*, puta si quis clericus diaconatu non initiatus Evangelium cum stola cantaret, baptizaret solemniter, etc. An autem si laicus tales functiones exercet, dictum est quod probabiliter non

(4) ib. v. notand. 2. et 3.

incurrit irregularitatem (1).

91. *Quarta* incurritur propter Ordines non rite susceptos; unde 1. est irregularis qui ordinaretur ab Episcopo suspensio, haeretico, schismatico, aut simoniaco, *c. Quod quidem, et can. Statuimus* 1. q. 1. et c. 1. et 7. de *Schism.* ubi dicitur quod ad huiusmodi ordinationes requiritur dispensatio. Et constat etiam ex cit. Bul. *Etsi pastoralis* Bened. XIV. §. cit. num. 15, ubi dicitur quod Ordinati ab Episcopis schismaticis, non ministrent, *nisi cum ipsis super irregularitate auctoritate sanctae Sedis apostolicae fuerit dispensatum*. 2. Qui cum excommunicatione, aut suspensione, initiatur Ordinibus sacris, aut se promoveri facit ab Episcopo non proprio, aut ordinatur per saltum (Avila, Nav. Bon. et Bus. dicunt tamen quod iste tantum suspensus est ab exercitio Ordinis recepti per saltum) aut ante aetatem, aut sine litteris dimissorialibus, et hae ordinationes appellantur a dd. furtivae. Advertunt tamen Suar. Castr. et Salm. quod hae potius dicendae sunt suspensiones, ne ad Ordines superiores ascendi possit; affirmant tamen hanc absoluteionem impetrandam esse a Papa. Hinc ob furtivam ordinationem fiunt irregulares, 1. qui ordinatur sine approbatione Episcopi, *cap. 3. de Eo qui furt.* 2. Qui eodem die plures Ordines reciperet, quorum unus esset sacer, sine dispensatione Papae, *c. 2. et 3. eod. tit.* 3. Qui recipit Ordinem sacrum post matrimonium ratum, invita uxore, *Extrav. Antiqua, de voto* (2).

92. *Quinta* incurritur propter enormia crimina, si sint notoria, quae a iure inducunt infamiam, prout sunt adulterium, incestus, pericurius in iudicio, haeresis, concubinatus, sodomia, etc. *c. Infames* 6. q. 1. Ad incurrendam hanc irregularitatem oportet ut crimen sit notorium notorietate facti, et iuris. Dicitur noto-

- (1) l. 7. n. 359. (2) n. 360. et 361.
(3) n. 363. (4) n. 364. (5) ib. v. episc.

rietas facti, cum delictum est ita evidens, ut non possit ulla tergiversatione celari: ideoque requiritur ut saltem sit notum decem personis. Infamia iuris habetur, aut rei confessione, aut iudicis sententia, saltem criminis declaratoria; Sanch. Castr. cum aliis (3). Haec irregularitas tamen tollitur per Baptismum, aut per emendationem notoriam saltem per tres annos (4). Sed si infamia provenit propter iudicis sententiam, potest ab ipsomet per aliam sententiam tolli, quia reo fama amissa restituitur (5).

93. *Sexta* oritur ex homicidio, aut ex iniusta mutilatione. Ex homicidio tam si sit voluntarium, nempe directe volitum, aut indirecte in causa proxima homicidii, ut dando venenum; quam si sit casuale, nempe volitum in causa, sed non proxima homicidii, modo istud sit praevium, et negligentia graviter culpabili non impeditum. Advertendum hic quod quicquid dicitur de homicidio, totum valet de mutilatione (6).

94. Quoad homicidium voluntarium, certum est esse irregulares omnes qui sunt causa immediata mortis alicuius, *c. Si quis, de Homic. et Trid. sess. 14. c. 7.*

95. Quaeritur 2. an homicida, atque percussus moriatur, si se poenitet, excusetur ab irregularitate? Negatur cum sententia veriore Sanch. et Viv. (contra Salm.), causa enim physica, quae voluntarie posita est, necessario operatur; unde propinato veneno, non amplius est in eius potestate efficere ne illud mortem inferat. Ideoque recte Suar. non excusat mandantem ab irregularitate, si casu mandati revocatio non pervenit ad mandatarium (7).

96. Quaeritur 2. an sit irregularis qui fuit primus ad vulnerandum lethaliter, si vulneratus postea sit occisus ab alio? Affirmant Fagn. Cov. et Ugol. argumentum sumentes ex *cap. Significasti*, ubi Papa respondit (6) n. 365. et 366. (7) n. 368.

non esse percussorem irregularem, si leviter percussit; secus vero, si lethaliter. Sed negant Laym. Bon. Avil. Coninch. Mol. et Escob. cum Henr. dum *cap. Significasti* non obstat nostro casui; nam ibi agebatur quod ambo percusserant, et nesciebatur cuius vulnere mors evenisset, ideoque respondit, si primus leviter percusserat non erat irregularis. Sed casus noster est quod licet primus lethaliter percussit, mors tamen certo illata fuit ab alio; unde in iure cum nulla adsit decisio, ideo potest excusari. Hoc nihilominus non currit, si sciretur quod secundus tantum mortem accelerasset, sed etiamsi iste non percussisset, ille utique mortuus esset: v. gr. si primus gravissime vulnerasset eum in capite, etc., tunc non posset ab irregularitate excusari (1).

97. Sunt etiam irregulares omnes mandantes et consilium dantes, *cap. Si quis viduam, Dist. 50. cap. Significasti, et cap. Sicut, de Homic.* Sed mandans et consilium dans non fiunt irregulares, si homicidium alia de causa patratum fuisset, Sanch., Viva (2). Quando autem dubitaretur an mandatum, aut consilium fuerit causa efficax homicidii, multi dd. ut Sanch. Salas, Nav. Salm., etc. non excusant; tum quia possidet mandatum, aut consilium, donec contrarium non probatur, tum ex *cap. Ad audientiam*, quod in dubio homicidii tutior pars sequenda est, ut, si postea dignoscatur homicida, evitetur indecentia, et scandalum; et ita de mandante aut consulente dici debet. Sed excusant Diana, Sporer, et Tamb. quia leges loquuntur de illis qui certe sunt homicidiae causa mandati aut consilii, non autem de illis de quibus dubitatur an sint causa illius, unde videtur quod haec secunda sententia non possit dici improbabilis (3).

98. Sed si consilium antequam executioni datum sit, revocatum esset,

licet Nav. et Bon. cum Azor. velint etiam incurri, quia licet illud sit revocatum, etiam influit; attamen Suar. (qui dicit esse commune) Silv. Filib. p. Nav. Avil. Salas eum excusant, quia ut excusetur consilium dans sufficit, ut sicut suo consilio concurrat moraliter in homicidium, ita, eo revocato, influxum moralem removet; et tunc homicidium potius imputatur malitiae executoris, quam consiliiarii; modo tamen revocatio sit homicidiae notificata antequam crimen patraretur; et pariter, modo consilio suo non insinuaverit motiva, aut modum illud exequendi, quia tunc probabilius incurritur; licet, hac ultima limitatione non obstante, improbabilem non censeo oppositam sententiam Suar., iuxta dicta *tr. 10. n. 48. (4)*.

99. Incurrunt etiam omnes cooperantes, ut homicidium celerius, audacius, aut securius fiat: ideoque irregulares sunt 1. qui excitant ad citius patrandum homicidium eum, qui iam paratus erat ad illud committendum, quia revera directe est causa cur homicidium pro illo tunc fiat (5). 2. Omnes qui ad homicidium se excitant, licet unus occidat. 3. Omnes qui praeliantur in bello iniusto, si ibi aliquis pereat, licet quis certo sciat se non vulnerasse, nec sclopetum explosisse. 4. Qui ministrat arma aut pecunias ad homicidium, aut bellum iniustum patrandum. 5. Accusatores, testes et iudices iniusti. 6. Qui verbis, aut sua assistentia homicidiae animum praebebat (6).

100. Quaeritur 1. an sit irregularis qui ratum habet homicidium patratum in sui gratiam? Negatur cum sententia communi et veriore Suar. Bon. Escob. Avil. et Salm. cum aliis, contra Nav. etc., quia in nulla lege reperitur talis irregularitas; verum est quod rati habitio aequivalet mandato quoad culpam, sed non expressa est in lege, prout expressa est excommunicatio in eos qui ratam habent clericorum percussionem (7).

(7) n. 375.

(1) l. 7. n. 369. (2) n. 370. (3) n. 371.
(4) n. 373. (5) n. 372. (6) n. 374.

101. Quaeritur 2. an sit irregularis, qui cum possit homicidium impedire, culpabiliter non impedit? Certum est quod si obligatio esse charitatis, etiamsi odio id negligat, non fit irregularis; ita communiter Suar. Bon., etc. Dubium restat, si teneretur ex iustitia, nimirum ex pacto aut officio, v. g. medici, qui ad id recipit stipendium; advocati qui tenetur defendere reum; custodis viarum, etc. Multi dd. ut Ronc. Hurt. Vasq. Turr. Diana, etc. negant hunc fieri irregularem, quia negative influit in homicidium; alii vero communius, ut Nav. Suar. Castr. Bon. Esc. cum aliis, et Salm. cum pluribus aliis affirmant; quia qui ex iustitia tenentur, et possunt defendere, videntur esse veri homicidae, si non physice, saltem moraliter. Hoc non obstante prima sententia etiam videtur probabilis, ex principio generali: quia ex sacris Canonibus non constat esse irregulares, nisi solos homicidas, mandantes, consiliatores, et qui positive concurrunt. Praeterea Tourn. et Escob. excusant patrem, si sua negligentia in cunis puer fuisset mortuus, deducentes ex c. *Quaesitum, de Poenit. et rem.* ubi declarantur irregulares dumtaxat patres qui scienter negligunt impedire puerorum suffocationem in cunis (1).

102. Quoad homicidium *casuale*, fit irregularis qui aliqua sua actione praevidet periculum mortis alterius, et culpabiliter negligit prospicere tali periculo; dd. communiter, et apparet ex Clem. *Si furiosus de homic.* Dictum est *culpabiliter*, quia cum haec irregularitas sit ex delicto, requiritur peccatum mortale, ut communiter Suar. Bonac. Tourn. Conc. etc. (2).

103. Qui vero daret operam rei licitae, adhibita sufficienti diligentia, ne accideret homicidium, non fieret irregularis, licet inde accidat mors; ita communiter dd. cum s. Thoma (3); et patet ex cap. Ioannes, c. *Dilectus*

(1) l. 7. n. 376. (2) n. 377.

(3) 2. 2. q. 64. a. 8. (4) l. 7. n. 383.

et c. *Ultimo de Homic.* Secus autem si sufficiens diligentia negligatur; cap. *Presbyterum*, et cap. *ad Audiendam, de Homic.* Dicitur sufficiens illa diligentia, quae adhiberi solet a quolibet prudente, iuxta facti qualitatem. Et advertendum quod negligentia debet esse culpabilis mortaliter, ut comm. dd. et probatur ex cap. *Quaesitum, de Poenit. et Rem.* et ex c. *fin. de Homic.* Vide dicta n. praec. 81. (4). Hinc infertur non esse irregularem 1. magistrum qui moderate verberat discipulum, et patrem qui verberat filium, si casu accidat mors; secus vero, si excederet graviter, cap. *Praesbyterum*, et cap. *fin. de Homic.* 2. Qui equitando equum ferocem casu puerum occidit, cap. *Dilectus 1. de Homic.* 3. Qui animal ferox caute custoditum tenet, si illud casu fugit, et aliquem necat; secus, si illud in via teneret, aut sua negligentia fugeret; Salm. cum aliis. 4. Qui tectum reficiens, postquam viam praetergredientes admonuerit, tabulas aut lapides proiceret; Salm. etc. 5. Qui bona fide infirmo aliquid cibi, vel potus praeberet, aut si ab uno ad alium lectum eum transferret, aut eum volveret, etc. et infirmus decederet; ita communiter omnes. 6. Si sacerdos iubet incisionem alicuius membri, iam a medico praescriptam, modo illam non faciat per seipsum, Cabass. Imo Conc. excusat clericum qui chirurgum coadiuvat ad membri incisionem. Et Nav. et Cov. (et Salm. putant probabile) dicunt non esse hunc irregularem, licet in animo habeat ut infirmus cito deficiat; quia licet peccatum mortale adsit, deest tamen actio externa graviter iniusta. Ego autem subiungo, modo adhibeatur diligentia ad vitandam mortem (5). 7. Medicus, si casu e vivis decedit infirmus ob pharmacum ei praestitum, c. *Ad aures, de Etat. et qual. Ord.* Et hoc procedit, etiamsi esset clericus vel monachus; modo 1.

(5) n. 382. v. 4. qui infirmo, et fusius 384. et l. 3. n. 398.

sit peritus, aut bona fide id faciat, praebeando aliquid infirmo in remedium, aut levamen. 2. Si est clericus modo medeatur sine incisione vel adustione, *c. sententiam Ne Cler. vel Monac.* et si, non obstante incisione, aut adustione, infirmus vi mali aut ob aliam causam obiret, eum ab irregularitate excusant Castr. et Salmant. cum aliis. Imo communiter dicunt Castr. Tourn. et Salmant. cum multis aliis, quod si nullus alius peritus adesset, poterit tunc clericus, vel monachus sine peccato et ab irregularitate immunis incisionem facere, et ignem applicare. Et etiamsi clericus esset beneficiatus, si incisionem aut adustionem sine necessitate adhiberet, non censetur irregularis iuxta sententiam veriore[m] Tourn. cum Pontas, Giball. Bon. et Mol. (contra Nav. et Panorm.), quia in *c. Sententiam* fit mentio de solis clericis in Sacris (1).

104. Si quis unquam daret operam rei illicitae, sed non periculosae mortis, adhibita sufficienti diligentia, non fit irregularis, licet alia via peccet, v. gr. si quis induceret alium ad furandum sine periculo, et iste mero casu occideretur, quia tunc non est causa homicidii, cum nec directe illud voluerit, nec indirecte illud praeviderit; ita communiter dd. contra Palud. et Gabrin. qui citant s. Thomam 2. 2. q. 64. a. 8., sed perperam, nam ibi Sanctus intelligit de eo qui aliquid homicidii periculosum facit, ut videre est ex respons. ad 1. et 2. Et Canon. *Cler. iacen.* et *c. Eos vero, D. 50.* intelliguntur de homicidio casuali, sed directe vel indirecte volito, ut deducitur ex *Clement. de Homicid.* (2).

105. Maius dubium restat, an fiat irregularis, qui dat operam rei illicitae, sed mortis periculosae, si mors evenit? Duae sunt opiniones probabiles. Prima affirmat, et hanc tuentur Suarez Navar. Mol. Conc. Avil. etc. inducti ex *cap. Tua nos, de homicidio*, ubi irregularis declaratur mo-

nachus peritus, qui incisit apostema cuiusdam mulieris, quae sua incuria obiit. Sed secunda sententia, quam docent Castrop. Tourn. Laym. Spor. Tamb. Elbel, Bonac. Salm. cum aliis pluribus, probabilius dicit, quod si opera esset ita periculosa, ut ex illa plerumque eveniat mors, (ut est accendere bombardam), tunc incurritur irregularitas; quia quantalibet diligentia adhibeatur ad mortem vitandam, non potest effici ut illa opera proxime periculosa, talis non sit. Idem currit de eo qui praeliatur in bello, aut inducit alium ut se periculo mortis temere exponat. Secus autem, si opera raro mortem inducit, et debita diligentia adhibeatur, quia tunc homicidium non est voluntarium, nec in se, nec in causa. Ad textum *Tua nos* respondetur, quod monachus irregularis declaratus fuit, quia incisione per *c. Sententiam* vetita usus fuit. Nec obstat *c. Continebatur, de Homic.* quod opponitur, ubi irregularis declaratus fuit quidam diaconus qui ferendo latentem falcem, et cum altero ludendo fuit causa, ut hic eum amplexans a falce feriretur, et mortem subiret; quia is diaconus habitus est irregularis in foro externo, cum iudicatum fuerit eum in debita diligentia defecisse; quare Suar. Bonac. dicunt, quod si iste illud periculum non animadvertisset, in conscientia non tenebatur ad se tenendum irregularem (3).

106. Non est irregularis qui occidit ut se defendat, quando est moderata defensio, *c. Significasti, § fin. de Homic.* et *c. Clement. si furiosus, eod. tit.* ubi dicitur: *Et idem* (nempe non incurri irregularitatem) *de illo censum, qui mortem aliter evitare non valens, suum occidit vel mutilat invasorem.* Et licet adversari videatur Trid. sess. 14. cap. 7. dum requirit dispensationem pro homicidio casuali, etiam pro defensione patratio; attamen dicitur cum Ronc. Salm. et

(1) l. 7. n. 385. (2) n. 386. (3) n. 387.

cum Decr. S. C. Concil. intelligi de eo qui excedit, ut exprimitur in cit. *Clement.* Praeterea Suar. Ronc. Less. Bonac. Filliuc. etc. excusant etiam qui occidit iniustum invasorem innocentis; dum irregularitas ex homicidio contrahitur ob peccatum mortale, ut deducitur ex *cap. Ex litteris, de Homic.* Probabiliter autem dicunt Ronc. Suar. Salm. etc. esse irregularem illum qui conviciis et percussionibus provocaret aliquem, praevidendo periculum invasionis, si postea ob defensionem occidit aggressorem: quia tunc iam ponit actionem proxime periculosam. Ita etiam si adulter praevidendo aggressionem, adit concubinae domum, ubi (postquam in se invasum est) ut se defendat occidit virum illius; aut si vir occideret uxorem, et adulter praevidisset hoc damnum (1).

107. Quaeritur 1. an sit irregularis qui occidit pro defendendis libertate, honore, pudicitia aut bonis temporalibus? Duae adsunt sententiae. Prima est affirmativa, quam tenent Laym. Tourn. Spor. Nav. Silv. Armil. Fag. etc. et probant ex *cap. Suscepimus*, in quo declaratus fuit irregularis quidam monachus qui occidit duos latrones; et etiam ob defectum lenitatis. Negat tamen sententia communior et probabilior, quam tuentur Suarez (qui vocat communem) Less. Castr. Filliuc. Bonac. Holzm. Elbel Ronc. Barbos. et Salmant. cum multis aliis. Et probatur ex *cap. Quia te, D. 50.* ubi quidam Episcopus captivus factus a Saracenis, ad suam libertatem tuendam occidit multos, et postea declaratus fuit immunis ab irregularitate ab Urbano II.; et Boverius ad annum 1571. n. 6. et Raynaud. asserunt quemdam Capuccinum nuncupatum p. Anselmum de Petramellara a Turcis captum, qui, se ut ipse liberaret, septem Turcas interfecerat, a s. Pio V. immunem ab irregularitate declaratum fuisse. Item ex *cap. Interfecisti*, ubi ab irregularitate eximitur qui occidit ad

defendendum se et sua, illud et significat *vel*, alias nemo posset defendere se solum, nisi etiam defenderet bona simul: et frustra Pontifex apposuisset illud *sua*, si dumtaxat ob vitae defensionem evitaretur irregularitas. Et clarius ex *cap. Dilecta, de sententiis excomm.* ubi Papa declaravit licere cuidam decano defendere bona sua a violentiis cuiusdam domini temporalis, et temporalibus viribus (nempe armis) et gladio spirituali; rationem adducens, legibus permissum esse *vim vi repellere et defensare*; unde observatur quod Papa censebat eadem ratione, qua quis potest defendere se ipsum, posse defendere etiam bona. Igitur sicut qui pro sui defensione occidit, non fit irregularis; ita nec pro tuendis bonis; modo non excedatur, et sint magni valoris (Vide *Tr. 8. n. 15*). Et etiam assistit ratio, dum talis irregularitas non esset ex delicto, quia sine peccato, ut probatum est in *Tr. 8. n. citat.* nec ex defectu, quia haec incurritur tantum a ministris publicis iustitiae, a militibus in pugna offensiva, et a clericis qui exercent medicinam cum incisione, et adustione, ut dictum est. Ad *cap. Suscepimus*, respondetur quod monachus excessit in defensione: nam postquam furtum de latronum manibus vindicavit, ille voluit eos victos ad Abbatem conducere, cum iam poterat eos dimittere, ubi bona iam nactus erat (2).

108. Quaeritur 2. an reputandum sit casuale homicidium commissum in rixa? Ita censetur a Diana et Salmantic. cum Machado, Henriq. Rodrig. etc., quia homicidium voluntarium proprie est illud quod ex proposito commissum est, et per insidias, ut loquitur Trid. *per industriam et insidias*, (*sess. 14. c. 7. de Reform.*): sed probabilius negant Suar. Navar. Holzm. Spor. Tamb. et Diana cum Hurtad.; nam Trid. post verba allata, subiungit: *Qui sua voluntate* (1) lib. 7. n. 388. (2) n. 389.

homicidium perpetraverit...nullo tempore ad sacros Ord. promoveri possit. Qui in rixa occidit, iam occidit sua voluntate, et ex proposito (licet commotus subita ira), et perpetrat homicidium quod facere intendit. Verba *per industriam et per insidias* explicat Glossa in c. 1. de Homic. (unde Trid. transcripsit verba in cit. cap. 7.) hoc modo: *Per industriam*, id est, non casu. Et idem Concilium seipsum declarat, dum post verba allata quae a cap. 1. de Homic. mutuata sunt, explicat eorum sensum, subiungens, *sua voluntate*, et *ex proposito*, ad differentiam casualis, de quo prosequitur sermo in secunda parte.

109. Incurritur irregularitas etiam per mutilationem, c. *Significasti*, de Homic. et Clem. *Furiosus*, eod. tit. Sed hic fit dubium, quid intelligatur sub nomine mutilationis membri? communissime, et probabilius dicunt Bon. Castrop. Conc. Habert. Tourn. Cabass. Nav. Av. et Salm. cum pluribus aliis, quod intelligitur illa pars corporis, quae proprium officium habet distinctum ab aliis, ut oculus ad videndum, manus ad operandum, pes ad ambulandum, lingua ad loquendum etc., ideoque caetera, quae inserviunt ad ornamentum, non reputantur membra, ut dentes, ungues, capilli, aures (nam sublatis cartilaginibus, etiam auditur), nasus digitus quicumque sit; Bonac. Castr. Tourn. et Salm. cum aliis pluribus. Et si in *can. Qui partem*, Dist. 55. declaratur irregularis quidam qui sibi digitum recidit, id factum fuit ad puniendam saevitiam in propria personam; Tourn. Bonac. Castr. et Salm. cum multis aliis, et constat ex ipsomet textu (1).

110. Quaeritur 1. an sit irregularis, qui alteri abscindit testiculos, aut aliam corporis partem? Negant Bonac. Aver. et Corneius, quia illi non sunt membra, sed partes membri; sed probabilius affirmant Ronc. Castr. et Salm. cum Diana, quia testiculi iam propriam operationem habent, nempe elaborare semen aptum

ad generandum (modo haec abscisio sit iniusta); secus vero si tantum unum abscindat, quia uterque ad eandem operationem concurrat. Esset irregularis qui abscinderet mulieri unam mamillam, quia officium unius est independens ab alterius. Idem docent Suar. et alii apud Vivam de eo qui abscinderet alteri medietatem manus; Tourn. tamen id negat, quia in cap. 2. de Cler. aegrot. qui duos digitos amisit, et medietatem manus, non dicitur mutilatus, sed debilitatus, et communiter dicunt, qui debile alteri redderet membrum, licet inhabilem suo muneri redderet, non fieret irregularis; Nav. Gibal. Suar. Av. Salmant. cum multis aliis, et Croix cum aliis; imo Castrop. Nav. et Covar. etiamsi membrum restaret mortuum; sed huic adversantur valde probabiliter Suar. Cabass. et Salm., quia tale membrum, licet materialiter non sit mutilatum, revera tamen est abscissum formaliter; dum non est amplius animatum; sicut contra probabiliter dicunt Salm. quod qui abscinderet huiusmodi membrum aridum, non fieret irregularis. Nec qui excaecaret aliquem, quin oculum foras obrueret, quia non esset mutilatio; Busemb. Diana et Megala. In his irregularitatibus ex mutilatione, quando est secreta potest dispensare Episcopus, cum tantum ei vetitum sit in homicidio voluntario; Suarez. Bonac. etc.

111. Quoad dispensationes super his irregularitatibus, vide *Tract. seq. de Privil. n. 51. et 105. (2).*

PUNCTUM V.

De irregularitate ex defectu

- 112. I. *Ex defectu animae.*
 - 113. *De lunaticis, et obsessis.*
 - 114. *De illiteratis.*
 - 115. *De neophytis.*
 - 116. II. *Ex defectu corporis, et 1. De caecis.*
 - 117. *II. De surdis.*
 - 118. *III. De mutis.*
 - 119. *IV. De claudis.*
- (1) l. 7. n. 365. et 415. (2) n. 380. et 381.

120. *V. De iis qui manu carent.*
 121. *VI. De febris laborantibus.*
 122. *De deformibus.*
 123. *De leprosis.*
 124. *De monstrosos.*
 125. *De eunuchis.*
 126. *ad 128. III. Ex defectu natalium.*
 129. *De expositis.*
 130. *IV. Ex defectu aetatis.*
 131. *V. Sacramenti, nempe bigamiae.*
 De bigamia vera.
 132. *De interpretativa.*
 133. *Qui ducit corruptam.*
 134. *Qui contrahit cum ea invalide.*
 135. *Si vir cognoscit uxorem adulteram.*
 136. *Qui contrahit duo matrimonia.*
 137. *Si vir accusat uxorem, et reddit debitum, etc.*
 138. *De similitudinaria.*
 139. *Quomodo tollitur irregularitas ex bigamia.*
 140. *VI. Ex infamia. VII. Ex defectu libertatis De servis.*
 141. *De coniugatis.*
 142. *An coniux possit ingredi religionem, alio relicto in saeculo.*
 143. *De curiae addictis, militibus, etc.*
 144. *VIII. Ex defectu lenitatis; circa bellum.*
 145. *et 146. Circa iudicium.*
 147. *De dispensationibus.*
 148. *De facultatibus sacrae Poenitentiariae.*

112. Prima est ex defectu animae, ex quo sunt irregulares omnes amentes, phrenetici, epileptici, siue lunatici, et obsessi. Quoad amentes (et idem de caeteris) distinguendum aut talis defectus suboritur post Ordinationem, et tunc, cessato defectu per diuturnum tempus plurimorum annorum, Ordinarii iudicio poterit ministrare in susceptis Ordinibus; Snar. Nav. Silv. s. Bonav. Bonac. et pluri alii: si adhuc non est ordinatus, non poterit amplius ordinari, si origo dependet a causa permanente, nempe ab organorum laesione, quia huiusmodi relabuntur, *c. Masitum* 2. d. 33. Secus si defectus ab aliqua accidentali causa proveniret, ut a febris, vulnere, aut ab aliqua transeunte passione; Suarez, Bonac. Ronce. etc. (1).

(1) lib. 7. n. 398. (2) n. 399.

113. Idem dicendum de lunaticis, et obsessis; si morbus praecessit Ordinationem, sunt perpetuo irregulares, *can. Communiter, Dist. 33.* Advertit Cabass. quod si talis morbus accidit in impubertate, et postea perfecte ab illo convaleuit in pubertate, possit ordinari, quia asserit Hippocrates, quod epilepsia saepe in pubertate perfecto curatur; sed si accideret in pubertate, praesertim post annum 25, desperatur quasi posse convalescere. Ex cit. *c. Communiter* habetur, quod si per annum sit liber sive a morbo, sive a daemone vexatione, iudicio Episcopi potest ad Ordinis suscepti administrationem admitti. Imo dicunt comm. dd. Suar. Nav. Laym. s. Antonin. etc., quod si talis morbus raro accidit (nempe semel in mense), nisi infirmus in terram cadat, nec spumet, adiuncto sibi sacerdote ieiuno, poterit privatim celebrare (2).

114. Illiterati qui sufficienti doctrina pro Ordinibus praediti non sunt. Pro *prima Tonsura* saltem legere et scribere sciant; Trid. *sess. 23. cap. 4. de reform.* Pro *Ordinibus minoribus*, sciant linguam latinam, *loc. cit. cap. 11.* Pro *subdiaconatu, et diaconatu*, ultra litterarum humaniorum peritiam, requiritur scientia eorum, quae sunt necessaria ad praefatorum Ordinum exercitium; *ib. cap. 13.* Pro *sacerdotio* requiritur scientia ad docendum populum ea quae sunt necessaria ad salutem, et ad Sacramentorum administrationem; *ibid. cap. 14.* Sed quoad Regulares vitae contemplativae addictos, sufficit eos grammaticam callere; secus irregularitas est de *iure divino*, adeo ut nec Papa possit in hoc dispensare (3). Vide in *Append. 3. n. 35. et 36. de Exam. Ordinand.*

115. Neophiti, illi nempe qui in adulta aetate recenter sunt baptizati. Sed si elapso aliquo tempore, Ordinarius eos sacris Ordinibus iudicat

(3) l. 6. n. 791. v. quær. 2. et 3. et l. 7. n. 401.

idoneos, possunt ordinari; *Suar. in 3. d. Thom. p. Disp. 43. Sect. 3. concl. 2. n. 6. et 7. Sanch. in Dec. l. 2. c. 28. n. 11. Bonac. apud The-saur. Decis. S. C. tract. 1. part. 97.* Sed putat Toletus, quod post 10. annos non sunt amplius irregulares (1).

116. *Secunda* est ex defectu corporis. Et haec duobus ex capitibus incurritur, aut quia ad exercitium Ordinis ineptus quis redditur; aut quia aliis notabilem indecentiam aut horrorem affert; ita dd. comm. cum s. Thoma (2). Hinc ex primo capite est irregularis caecus omnino, *cap. cult. d. 55.* Sed in hoc notanda sunt plura: 1. quod si quis iam sit sacerdos, et constet eum non posse errare, potest dispensari a Papa ad celebrandum, prout 23. augusti 1725. S. C. dispensavit cum quodam par-roco Florentino, ut celebraret cum assistentia sacerdotis (3). 2. Quod si quis caret visu oculi sinistri, est irregularis, ut docent dd. communis-sime. Nonnulli tamen excipiunt si dexter oculus sit aptus ad legendum Canonem, imodiciunt posse huic prospici incommodo aptando Missale iux-ta medium altaris; Laym. Dian. Croix et multi alii, et p. *Suar.* id vocat practice probabile. 3. Quod caecutiens est irregularis ad suscipiendos Ordines, sed ad susceptorum exer-citium potest cum eo dispensari, ut possit celebrare Missam de beatis-sima Virgine diebus festivis, et de-functorum in ferialibus (4). Lamber-tinus loco cit. dicit quod pro omnino caeco non dispensatur, ne ad primam quidem Tonsuram, ut habilis fiat ad-beneficium. 4. Quod visu debilis, si potest perspicillis uti, aut si oblique intuetur (vulgo Guercio) non est ir-regularis, dd. communiter.

117. 2. *Surdus* qui penitus non audit; ita communiter dd. ex *can. 7.* qui appellatur *Apostolorum*, ob in-decentiam quod non possit audire vocem ministri. Hanc indecentiam

tamen negant Henric. Praep. Gobat nam potest ex aliis signis percipere quid minister responderit, sed com-munissima est contraria; concedunt tamen Bonac. Tambur. Conc. Castr. Laym. Nav. et Salmant. cum aliis, quod si surditas sacerdoti supervenerit post sacerdotium, facilius toleratur defectus, sicut de caecutiente. *Surdaster* vero excusatur ab irregu-laritate (5).

118. 3. *Mutus*, sivo talis omnino sit, sive verbum proferre nequeat, quin aliquid omittat, Tourn. et Holz. et Salm.; addunt etiam si loqui ne-queat nisi cum magna difficultate. Et idem dicit Holz. de eo qui loque-lam valde praecipitem habet. Balbu-tientes aut dentibus carentes non sunt irregulares, modo risui, aut contem-ptui aliis non sint; Navar. Tamburin. Coninch. Sayr. Fill. Praepos. etc. (6).

119. 4. *Claudus*, aut qui tibiis caret, aut qui sine baculo non potest ad altare accedere, *can. Nullus Epi-scopus, 54. de Consecrat. d. 1.* Hoc explicatur a Glossa: *Si sine baculo non possit sustentari in altari*, et ita explicant reliqui aa. Caeterum non est irregularis, qui hoc non indiget, *can. Si quis 10. d. 55.* aut qui sit distortis tibiis, quia talis defectus veste talari abscondi potest; Tournely, Croix, Salmant., etc. Excipit Laym. modo non sit valde deformis. Qui atitur tibia lignea, et iam reperitur sacerdos, cum possit indecentia re-parari, Ordinarii iudicio bene potest celebrare; Tambur. Silv. Rosel. Ma-ior. et Gibal. (7).

120. 5. Qui caret manu, aut di-gitis omnibus, aut pollice tantum, *c. ultim. de corpor. vitiat.*; idem dicunt Busemb. Ren. Tambur. Filliuc. Bon. Suar., etc. si careret indice aut pol-licis parte non autem solis unguibus, *cap. Thomas eod. titul.*; aut si illi digiti sint adeo debiles, ut non pos-sint Hostiam elevare, vel eam fran-gere, cit. *c. Thomas.* Si autem ca-4. n. 5. et cit. n. 404. (5) l. 7. n. 405. (6) n. 406. (7) n. 407.

(1) l. 7. n. 402. (2) suppl. q. 39. a. 6. (3) l. 7. n. 404. (4) Lambert. notif.

reret indice, et iam esset ordinatus, potest adhibere digitos posteriores, aut in necessitate potest iis etiam ministrare Eucharistiam (1). Si vero tribus posterioribus digitis careret, etiam esset irregularis (secus si duobus); ita Anac. Holzm. Caiet. Nav. Tourn. et Pontas. Notat tamen Tourn. quod si quis careat indice, poterit dispensationem impetrare (2).

121. 6. Qui laborat febris continua (non autem quartana aut levi), aut gravi capitis dolore, adeo ut non possit celebrare sine periculo graviter errandi aut deficiendi, Bon. Sayr. Sot. Avil. Item paralyticus, cuius manus ita tremunt, ut adsit periculum effundendi calicem; Bus. Conc. Castr. etc. Qui patitur talem tussim, ut periculum adsit in communicando, et praesertim exspuendi sanguinem; Bon. Ugol. Maiol. etc. Abstemius qui in periculo esset vomitus; Tourn. et Conc.: et cum isto nec Papa dispensare potest (3).

122. Ex secundo capite, quod incurrat irregularitas ex vitio corporis, deformitatem, aut horrorem afferente, *cap. Presbyterum, de Cler. aegrot. et seq.* fiunt irregulares 1. illi qui carent aliquo membro, v. gr. naso, *c. Penult. de corp. vit.*, aut habent illud valde distortum, aut valde aduncum, aut valde elevatum; Tamb. Bonac. Viva, etc. Ille cui oculus obrutus est, *c. ult. d. 55.* Probabiliter tamendicunt Sylv. Tourn. Pont. Ronc. cum Tamb. etc. quod tollitur talis irregularitas, si possit oculo crystalino reparari. Ita pariter qui caret auriculis, nisi talis deformitas capillis, aut aliter tegatur; Bus. Diana, Bon. Salm. et Tourn. cum aliis (4).

123. 2. Leprosi, *cap. Tua nos, de Cleric. aegrot.* propter scandalum et abominationem populi; unde in privato celebrare possunt; Castr. Salm. Bon. cum aliis; ita etiam qui habet labia corrosa, vel ad instar leporis abscissa; Tamb. Tourn. et Viva. Ita

(1) l. 7. n. 408. (2) ibid. (3) n. 409. (4) n. 410. (5) n. 411. (6) n. 412.

pariter laborans morbo gallico foris apparente; Tourn. et Holzm., aut habens faciem valde maculatam; Lay. (5).

124. 3. Monstruosi, nempe qui gibbam habent valde enormem; Bus. Anac. Bon., etc. Pigmaei, sive nani, statura ita breves, ut ad risum moveant, praesertim si capite sint nimis grandis; Tamb. Ren. Tourn. etc., aut si non possent tantum brachia distendere, quantum opus esset ad altaris ministerium. Aetiopes qui apud nos risum afferrent, Tourn. etc. Hermaphroditi; licet dicant Tolet. Escob. cum Tourn. contra Conin., quod si hic defectus est occultus, et praevaleret sexus virilis, non inducit irregularitatem. Notandum caeteroquin quod si hi defectus superveniunt Ordinibus sacris, potest sacerdos exercere illos actus quos potest, v. g. si sacerdos est caecus, potest confessiones audire, etc. *cap. 7. de Cler. aegrot.* (6).

125. Eunuchus qui morbi causa abscissus est, aut in infantia, vel propter iniuriam alterius, aut a domino, non est irregularis. Sed irregularis est si se ipse abscindere fecit, aut etiam ab aliis ipso consentiente, licet zelo castitatis, *cap. Si quis a medicis, c. Si quis 4. d. 55.* et alia *cap. De Corp. vitiat.* (7). Putant probabile Palaus, Tamb. et Pelliz. contra Suar. Molin. et Sayr. quod si quis sibi abscinderet testiculos ad vocis conservationem, non fit irregularis, dicentes quod textus allati loquuntur de abscissione, aut sectione, quae intelligi potest, si abscindantur virilia omnino (8).

126. Tertia irregularitas provenit ex defectu natalium. Et ex hoc sunt irregulares omnes illegitimi, *cap. 1. et ultim. de Fil. Presb.*, licet sint occulti; communiter dd. (9). Possunt hi legitimari per subsequens matrimonium, modo non sint spurii; nempe nati tempore quo valide non poterat matrimonium contrahi, v. gr. quia tunc temporis matrimonio unus

(7) n. 416. (8) n. 418. (9) n. 420.

illorum cum alia ligatus erat, *cap. Tanta, qui filii, etc.* Sufficit tamen ad legitimandam prolem, et ad reddendam immunem a tali defectu natalium, quod matrimonium contrahi poterat tempore natiuitatis; ita probabiliter Sanch. Pont. Anacl. Bon. et Salm. cum multis aliis contra Suar. et Tourn. ex *cap. Tanta*, ubi dicitur: *Si vir vivente uxore aliam cognoverit, et ex ea prolem susceperit, nam to susceperit, respicit verius natiuitatem, quam conceptionem* (1). Et novissime Bened. XIV. hanc sententiam amplissima dissertatione in forma epistolae responsivae, incip. *Redditae Nobis* (2), ad Archiep. s. Domin. in insula Hispaniola illustravit, et sic de hoc casu §. 3. suum sensum aperit: *In qua controversia satis ardua cum inveniantur textus textibus contrarii, cum doctores doctoribus adversentur, si a Nobis iudicium interponendum foret, non aliter id a Nobis fieret, quam secundum sententiam, in tribunalibus, et curia illius regionis receptam, in qua esset pronuntiandum.* In §. 4. procedit ad aliud dubium, quod ita resolvit: *Sed... quum certum sit matrimonium inter illius parentes rite contractum, incertum vero tempus, quo filius conceptus, et in lucem editus fuit: filium hunc legitimum censeremus, cum iudex in dubio debeat in bonum, et commoda prolis propensus esse.* His positis, sic ego pro prima sententia argumentor. Igitur si in dubio iudex in bonum prolis iudicare debet, ubi talis casus nulla tribunalium sententia decisus reperitur, cum simus in dubio ob textum, et doctorum discrepantiam, potius proles iudicanda est legitima, quam illegitima, siquidem etiam in hoc casu certum est eam in matrimonii constantia editam fuisse, et incertum an debeat attendi tempus conceptionis, an vero ortus.

127. Hinc notandum 1. cum Salm. quod si filius naturalis ordinatus es-

(1) l. 7. n. 422. (2) Bullar. suo t. 1. in Ordine 213. in edit. Mechl. t. 3 p. 5.

set ante matrimonium parentum adulterorum, poterit rite ministrare, secuto eorum matrimonio, sine dispensatione. 2. Quod talis legitimatio fit per matrimonium ratum dumtaxat, cit. *c. Tanta*. 3. Quod filii nati ex matrimonio irrito ob impedimentum occultum, sed valido putato, saltem ex una parte coniugum, legitimi censentur; ita dd. communiter ex *c. Cum inter* 2. *Qui filii sint legitimi*, et *c. Ex tenore*, eod. tit. Secus autem si ambo parentes erant in mala fide, *c. Cum inhibitio*, §. *Si quis, de Cland. desp.* 4. Quod filii nati ex matrimonio contracto in gradu prohibito, omissis proclamationibus, nec accedente Episcopi dispensatione, licet contracto coram parochio, et testibus, censentur illegitimi, non obstante quod in bona fide, aut ex ignorantia illud contraxissent, *c. Cum inhibitio*, eod. tit. §. *Si quis* (3).

128. Filii legitimantur 1. per professionem religiosam, ut dictum est n. 85. 2. Per Pontificis dispensationem, qui solus potest cum illegitimis dispensare, et concedere legitimatorem, quoad omnes effectus; communiter dd. cum Sanch. Castr. Salm., etc. (4). Quid possint circa hoc Episcopi, et Praelati regulares, vide *tr. 20. de Priv. n. 51. et 105.*

129. Quaeritur an filii expositi (nempe nati ex parentibus ignotis) sint irregulares? Affirmant multi, prout Tourn. Fill. Bon. etc., quia vehementes adsunt coniecturae hos esse illegitimos, dum nunquam videntur parentes (quantumvis egestate laborent) eo esse animo crudeliori, ut velint propriam prolem exponere; inauditum enim hucusque est, quod praegnans mater partum suum in ecclesiam baptizandum non conferri curaverit, et quod post Baptismum, si observaretur deesse filium matri, iustitia de hoc non inquireret. Secunda sententia tamen probabilior est cum Cast. Pont. et Salm.; et Suar.

(3) lib. 7. n. 423. 424. et 425.

(4) n. 426. et 427.

vocat probabilem; nam ut aliquis sit irregularis, debet constare eum esse illegitimum, sed expositi sunt dubie tales, dum aliquando paupertate oppressi parentes filios exponunt. Et aa. citati asserunt Greg. XIV. anno 1591. in favorem cuiuslibet confraternitatis pro expositis erectae declarasse tales expositos non fore habendos illegitimos, donec tales non probarentur; Gibal. apud Tourn. (1).

150. *Quarta* ex defectu aetatis: sed de hoc loquemur in *App. 3. de exam. Ordinand. n. 43. et 44.*

151. *Quinta* ex defectu *Sacramenti*, aut significationis matrimonii, quod significat coniunctionem Christi unici sponsi cum Ecclesia unica sponsa, et contrahitur per *bigamiam*, in quantum, quia bigamus, qui carnem suam cum pluribus divisit uxoris, talem unionem non repraesentat. Et talis irregularitas constat ex toto tit. de *bigamia*. Definitur bigamia: *Est matrimonii multiplicatio*. Et est trifariam: vera, interpretativa et similitudinaria. 1. *Vera* est quando successive unus duxit plures uxores, et cum omnibus matrimonium consummavit, modo quo dictum est *Tr. 18. n. 68. c. Praecipimus, et c. Debitum de Bigam. (2).*

152. II. *Interpretativa* habetur cum quis contraxit et consummavit matrimonium cum vidua iam prius a primo viro cognita, et licet cum ista invalide contraxisset, ut habetur ex *c. A nobis, de Bigam.* aut cum corrupta ab aliis, *c. ultim. D. 51.* aut cum cognoscit propriam uxorem, postquam haec adulteravit, *c. Si cuius, et c. Si laicis, D. 39.*, aut si quis contraxisset et consummasset duo matrimonia, unum validum, invalidum alterum. De hac ultima specie textus non reperitur aliquis, sed adest commune dd. iudicium ex *cap. Nuper*, cum s. Th. (3). Super hac Bigamia tres occurrunt quaestiones.

(1) l. 7. n. 432. (2) n. 436. (3) suppl. q. 66. a. 2. (4) loc. cit. a. 3. ad 3.

(5) l. 7. n. 439. (6) in 2. part. 1. De-

153. Quaeritur 1. an sit irregularis qui bona fide contrahit cum corrupta? Affirmant communiter dd. cum s. Th. (4) (contra Sa Ledesma etc.) quia cum haec sit irregularitas ex defectu significationis Christi cum Ecclesia sua unica sponsa, bona fides non efficit, quin viri caro cum corrupta divisa sit, licet credat illam esse virginem (5).

154. Quaeritur 2. an fiat irregularis qui contrahit invalide cum corrupta ob aliquod impedimentum dirimens? *Prima* sententia est affirmativa, et hanc tenent Suarez (qui vocat communem) Tourn. Cov. Corn. ita etiam Fagnanus (6) cum Host. Ioanne Andrea Card. Brut. et omnibus caeteris (ut ipse dicit) de clerico non in *Sacris*, et cum Silv. et Nav. de laico. Et probatur ex *c. A nobis, de Bigam.*, ubi declaratus fuit irregularis subdiaconus qui contraxerat cum vidua, inter quos (dixit Innoc. III.) licet non fuerit vinculum maritale contractum (stante inhabilitate eorum), cum eo tamen tamquam cum marito viduae dispensare non licet, non propter *Sacramenti defectum*, sed propter affectum intentionis cum opere secuto. Ubi iam observatur quod talis subdiaconus non fuit declaratus irregularis, quia post contractum coniugium spirituale per Ordinem sacrum, contraxit coniugium carnale, sed quia se coniunxit cum vidua, quam ob causam habitus fuit tamquam maritus viduae propter affectum intentionis etc. *Secunda* sententia negat talem irregularitatem, et huius sunt Sanch. Nav. et Salm. cum quadam Decis. S. C. apud Farinacium, dicendo quod talis subdiaconus habitus fuit irregularis, quia contraxit duo matrimonia, unum spirituale, et alterum carnale, licet invalidum. Ad hanc rationem probatio primae sententiae pro responsione etiam valet (7). Contra irregularitas ab adversariis intellecta contrahitur cret. c. Nuper a nobis, de bigam. n. 13. et 44. (7) l. 7. n. 440.

a subdiacono, licet contraheretur cum virgine, ut dicemus n. 140. Ad decisionem S. G. respondemus, quod decisiones allatae a Farinacio fuerunt declaratae incertae a Gregor. XIV. ann. 1621 (1). Et notandum hic quod die 29. Aug. 1631. de mandato Urbani VIII. fuit declaratum a S. C. non esse praestandam fidem Decret. S. C. nisi illa authentice constarent, nempe cum subscriptione Cardinalis Praefecti (2).

135. Quaeritur 3. an sit irregularis qui uxorem adulteram cognovit, quando adulterium est occultum? Negant Henr. et alii apud Elbel: ex c. Si cuius, D. 34., ubi dicitur: *Si evidenter fuerit comprobatum uxorem adulterium commisisse*. Sed nos affirmamus cum communi apud Elb., et sic sentiunt Tourn. et Ronc. cum Suar. Ugol. et Filliuc. Et hoc currit etiamsi uxor vi oppressa fuisset. Ratio est eadem casus primi quaesiti; ideoque parum refert utrum vi oppressa sit, aut vir non sit culpae reus, dum semper revera adfuit divisio carnis; ita Fagn. (3) cum Ugol. Host. etc. dicens: *Non agitur hic de vitio ordinandi, sed de defectu Sacramenti, quem etiam ignorans potest pati*. Ad textum respondetur quod verba *si evidenter comprobatum, etc.* tantum probant, quod si vir non est certus de adulterio uxoris, non est censendus irregularis (4), licet maritus adulterii inscius esset, tamen in se est irregularis (5).

136. Ex hoc inferitur 1. quod idem dicendum est ob eandem rationem cum s. Thoma (6), Suarez Tourn. Conc. s. Antonin. et plurimis aliis communissime de eo qui contrahit duo matrimonia invalida (7), licet in bona fide, ut deducitur ex praefato c. *A nobis*, explicato num. 132. Fit 2. etiam irregularis qui fecte contrahit secundum matrimonium ad copulam extorquendam; ita Suar. Tourn.

(1) Ap. Croix l. 1. n. 219. (2) vide potestas t. 1. n. 219. (3) Fagn. in 2. part. 1. decretal. c. nuper a nobis de bi-

et Salmant. cum aliis contra Palaum qui innititur verbis *propter affectum intentionis*; sed nos dicimus quod haec verba non significant, quod ille subdiaconus vere cogitasset verum contrahere matrimonium, dum illum latere non poterat id effici non posse, sed quod affectum habebat in executionem illud ponere. Itaque idem est desiderare matrimonium impossibile in effectum ponere, ac fingere illud efficere, quod efficere non intendit (8).

137. Glossa in can. *Si cuius*, D. 34. proponit casum: Si vir adulterii accusaret uxorem, et lite pendente, quaesitus esset de debito coningali, an reddendo fieret irregularis? Respondetur quod dato quod vir non est certus de uxoris adulterio, cum certe teneatur reddere, tunc ille (ait Glossa) *potius dicitur cognosci ab uxore, quam cognoscere ipsam*, ideoque reddendo non fieret irregularis. Hac ratione ductus puto idem dicendum de viro qui bona fide contraxit cum corrupta ut in n. 133. et 134. si reddit et non petit: ac de eo qui reddit uxori occulte adulterae.

138. III. Bigamia *similitudinaria* contrahitur per matrimonium (licet nullum, et licet cum virgine) contractum post voti solemnem emissionem, sive religionis, sive Ordinis Sacri. Haec bigamia inducit irregularitatem, quoties matrimonium consummatum est, c. 13. *Quotquot*, et Can. 23. *Monacho*, 27. q. 1. ubi dicitur: *Si postea uxori fuerit sociatus, nunquam ecclesiastici gradus officium sortiatur*. Dicunt Hurtad. Abb. et Archid. quod haec irregularitas contrahitur tantum a monachis; sed communissime dd. docent incurrere etiam a clerico in Sacris, ex cap. 1. *Qui Cler. vel Mon.* ubi dicitur quod Episcopus possit dispensare cum diacono qui uxorem duxerat, ad ministrandum, etc.; et c. 2. *eod. tit.* ubi praecipitur Epigam, n. 5. (4) l. 1. n. 442. (5) n. 443. (6) suppl. q. 66. a. 2. (7) l. 1. n. 445. (8) n. 447.

scopo ne permittat subdiacono, qui matrimonio iungitur, ministrare. Sed putat Sanch. hanc irregularitatem esse potius ex delicto, quam ex bigamia. At tamen non esset irregularis qui Sacris non initiatus matrimonium cum moniali contraheret, quia leges loquuntur de eo qui matrimonio iungitur post proprium votum (1).

139. Haec irregularitas bigamiae non tollitur per Baptismum, *can. Si quis viduam*, D. 54.; ita commun. cum s. Thoma (2). Potest tamen dispensare Papa ex gravi causa; Sanch. Conc. Salm. cum aliis: et Tourn. cum communi affert Lucium III. iam dispensasse (3). Quid autem possint Episcopi, et Regulares, vide *seq. Tr. 20. de Privil. n. 51 et 105.*

140. *Sexta* oritur ex infamia. Sed de hac sat actum est n. 81. et 82. *Septima* ex defectu libertatis; hinc sunt irregulares 1. servi nempe mancipia donec libertate donentur. Sed si servus, sciente et non contradicente domino, ordinetur (licet prima Tonsura), eodem actu libertatem acquirit, *can. Si Servus*, et *can. Nulli*, D. 54.: potest tamen eum donare libertate, cum conditione, ut ei inserviat in iis quae clericali statui non repugnant, et deducitur ex *c. Nullus, de Serv. non ord.* Sed si, inscio domino ordinatus esset, remanet servus, modo non sit in Sacris, et modo ab Episcopo, aut a cooperantibus duplum non reddatur domino, sed si isti essent impotentes, servus, etiamsi diaconus, remanet servus, et si est sacerdos, tenetur inservire in iis quae statum decent, et celebrare pro domino: modo dominus id cognoscendo per annum non dissimulet (4).

141. II. *Uxorati*, si uxores non consentiant, et voto castitatis non se adstringunt, *cap. ult. de Temp. Ord. in 6. et Extrav. Antiq. de Voto*; et etiamsi matrimonium esset ratum dumtaxat; quia tantum permissum est infra duos menses ingredi religio-

nem *ead. Extrav.*: probabile tamen est, quod si ordinatus esset in Sacris, non teneretur ad ingrediendam religionem, cum hoc sit onus nimis grave; Sanch. Aver. Salm. Sanct. Antonin. etc. (5).

142. Quaeritur an maritus possit initiari Sacris, aut religionem ingredi cum uxoris licentia, si illa religionis statum non amplectitur? Alii aa. affirmant innixi *c. Coniugatus*, *de Conver. coniug.* ubi dicitur quod maritus ordinari non potest, nisi ab uxore continentiam profitente fuerit absolutus; igitur dicunt sufficere si uxor castitatem voveat; dum textus dicit continentiam (non iam religionem) profitente. Sed omnino negandum, cum id luculenter sit expressum in *cap. Cum sis*, *eod. tit.*, ubi dicitur: *Ignorare non debet SS. Patrum constitutioni esse contrarium, ut vir uxore sua, aut uxor, viro eius non assumente religionis habitum, debeat ad religionem transire.* Idem respondit Nicolaus Papa in *c. Scripsimus* 27. q. 2. de uxore regis Lotharii dicens: *Non hoc aliter fieri posse, nisi eandem vitam coniux eius ac Lotharius elegerit.* Et ad textum oppositum respondetur, quod verbum *profitente*, intelligendum est de professione solenni. Caeterum omnes conveniunt quod si uxor est iuvenis, non potest in saeculo remanere, si vir religionem ingreditur; contra si illa est aetate provecta, idem textus *Cum sis*, concedit quod possit remanere in saeculo, simplex votum castitatis emittendo.

143. III. *Curialistae* qui tenentur servire curiae sive iuramento, sive stipendio, prout sunt iudices, advocati etc. per illud tempus quo ea officia durant, *c. 1. 2. et 3. D. 15.* modo licentiam a Papa, aut a consuetudine non obtinuerint, ut possint ea munia exercere, prout sunt regii consilarii in causis civilibus; Laym. Castrop. Suar. Salm. cum aliis (6).

(1) l. 7. n. 448. 449. (2) suppl. q. 66. a. 4. (3) l. 7. n. 450. et seq.

(4) n. 455. (5) l. 6. n. 812.

(6) lib. 7. n. 456.

IV. Milites pro eo tempore quo iuramento adstricti sunt. Item thesaurarii, depositarii publici, et alii qui rempublicam administrant. Item excubiae regis, et caeteri omnes qui aliquo severitatis munere, aut turpi funguntur, aut ministrum egerunt in causa sanguinis (1).

144. Octava est ex defectu lenitatis, nempe ex licita mutilatione, vel occisione in bello offensivo licet iusto. Sed ad incurrendam hanc irregularitatem, oportet ut occisio manu propria sit facta; Busemb. Holzm. et Lambertinus, ex *cap. Dilectus*, et *cap. Significasti de Homic.* Dicunt Busemb. et Bonacin. quod qui in bello iusto hortaretur ad occidendum istum vel illum, fieret irregularis; sed probabiliter contradicunt Salm., quia textus loquitur de eo qui occidit, vel mutilat, non vero de eo qui hortatur. Sed si bellum est iustum, et non est offensivum, sed defensivum, occidens non fit irregularis, c. 2. de *Imm. eccl.* et *Clem. un. de Homic.* In bello autem iniusto sufficit, ut unus occidatur, ut omnes fiant irregulares; omnes dd. cum s. Thoma 2. 2. q. 64. a. 8. (2). Hic notandum clericum (modo fuerit in Sacris, aut beneficiatus, et etiam in conflictu bombas emiseric) esse irregularem, si militat, etiamsi iuret se ne unum quidem laesisse, ut apud Lambertin. legere est *Notif.* 101. n. 19.

145. Defecto lenitatis fiunt irregulares iudices, et omnes qui cooperantur in iudicio iusto ad mortem, vel mutilationem rei active, efficaciter et proxime, per actionem naturae sua ad id ordinatam; *Clem. Si furiosus, de Homic. cap. Cler.* et *cap. Sententiam, de Cler. vel Mon.* Dictum est *active*, id est qui sunt ex parte occidentium, non vero ex parte occisi, ut esset confessarius hortans reum ad ferendam mortem, etc. (3). Dicitur *efficaciter*, quia qui baiulat ligna, ut cremetur cadaver, non est

irregularis: nec qui assistit; et licet in dicto *cap. Sententiam* vetetur clericis huiusmodi supplicii adesse, tamen dicitur hic Canon vel esse abrogatus, vel non obligare sub gravi; Bonac. Salm. et Tourn. vocant communem. Imo Navar. et Avil. excusant minoristam ab omni culpa (4). Dicitur *proxime*, nam non est irregularis qui gladios cudit, aut vendit, aut qui hortatur ut puniantur rei, aut alius qui non ut minister necessarius, sed remote concurrat; unde valde probabiliter dicunt Suar. Reginald. Laym. Avil. Busemb. etc. non esse irregularem confessarium, qui diceret iudici talem reum esse morte dignum. Dicitur tandem *per actionem suam naturam ad mortem ordinatam*; hinc non est irregularis confessarius qui diceret carnifici: *Functus sum meo officio, te non impedio quominus tuum facias*; nec iudices ecclesiastici qui degradatum curiae saeculari tradunt, nec clericus accusator in causa criminali, modo protestetur se non intendere poenam sanguinis; Bon. Busemb. Tambur. etc. (5).

146. Contra sunt irregulares 1. iudex eiusque assessores, scribe sententiam scribens (non autem qui illam transcribit), et caeteri omnes, qui sententiam exequuntur (6). Secus qui sententiam alii committunt, c. *ultim. Ne Cler. etc.* nisi iubeant ut detur sententia mortis in tali causa, vel ut expediant talem causam mortis; *Castr. Salm.* cum aliis, 2. Testes voluntarii, qui ultro se offerunt, licet protestentur; ita communiter dd.; et idem dicendum de advocatis, et procuratoribus accusatoris, nisi coacti sint ad eum tuendum, *Salm.* cum iisdem. 3. Accusatores criminis capitalis vindictam petentes criminalem; et si iste erit clericus beneficiatus aut in Sacris, praeter irregularitatem, peccat mortaliter ex *cap. Sent.* ubi vetitum est clericis se in causam sanguinis ingerere. Non erit irregularis qui accusat reum solum-

(1) lib. 7. n. 456. (2) n. 459. et 460.

(3) n. 461. et 462. (4) n. 463.

(5) l. 7. n. 464. ad 468. (6) n. 461.

modo, ut sibi compensentur damna, semper adhibita protestatione se nolle poenam sanguinis, *c. Praelatis, de Homic.*; et hoc tam in causa propria, quam in causa cognatorum usque ad 4. gradum, aut domesticorum, aut propriae ecclesiae; Suar. Castr. Conc. Salm. cum Bon. et aliis. Et hoc valet etiamsi protestatio simulate fieret, Suar. Bonac. Castrop. et Salm. cum multis aliis; et etiamsi illam faciat post accusationem, sed ante sententiam, Bon. Sayr. Pelliz. et Sal. (1).

147. Dispensationes super irregularitatibus ex defectu omnes reservatae sunt Pontifici, quoad saeculares; quoad regulares vero, vide *Tr. 20. de Priv. n. 104. et 105.*

DE FACULTATIBUS SACRAE
POENITENTIARIAE

148. Non parum conferre iudicavi hic adnotare principales facultates sacrae Poenitentiariae, ad hoc ut confessarium non fugiat, pro quibus casibus possit ad illam recurri. Ben. XIV. 13. Aprilis 1744. per Bullam quae incipit *Pastor bonus*, (quae est 95. in suo Bullar. tom. 1. et in ed. Mech. tom. 2. pag. 209.) confirmavit plures facultates ab aliis Pontificibus concessas, et alias ipse adiecit sacrae Poenitentiariae. Itaque in praefata Bulla habetur posse sacram Poenitentiarium 1. absolvere a quibuscumque casibus et censuris, etiam Bullae Coenae, Regulares pro utroque foro; saeculares vero tam ecclesiasticos, quam laicos etiam in utroque foro a censuris publicis latis a iure; et etiam ab homine, si expirata sit iurisdictio iudicis, vel si lator censuras illas reservavit Sedi apostolicae, modo iudici et parti satisfecerint. Quod si pars iniuste refuset satisfactionem oblatam, potest Poenitentiarius convenientem satisfactionem arbitrari. II. Posse absolvere haereticos occultos, modo nullos actus extrinsecos fecerint, ex quibus potuerint alii dignoscere eos ut haereticos; item publicos haereticos, casu quo non est opus

complices denunciare. Posse etiam absolvere principes, administratores rerum publicarum, et Episcopos, ac alios Praelatos a casibus publicis Bullae Coenae. III. Posse dispensare in occultis irregularitatibus et inhabilitatibus, etiam ex homicidio voluntario, non tamen ut post homicidium possint promoveri ad Episcopatum. Item etiam ab inhabilitatibus, et irregularitatibus propter haeresim, modo fuerint penitus occultae. IV. Posse dispensare cum homicidis, et aliis, ut valeant profiteri in religione approbata, et fieri deinde etiam sacerdotes. V. Cum male promotis, ut omissos Ordines possint clam suscipere, non servatis interstitiis, et temporibus, non autem sacros una die. VI. Posse dispensare cum occultis simoniace ordinatis. VII. Posse convalidare titulos beneficiorum cum occulta inhabilitate obtentorum. VIII. Posse partem pretii simoniaci condonare ob delinquentis paupertatem. IX. Posse cum Gallis, Belgis, Polonis, et ulterioribus remittere fructus male perceptos, componere vero cum Italis, Hispanis etc. et cum pauperibus etiam remittere. X. Posse remittere partem de male ablatis, vel retentis, si dominus sit incertus, casus occultus et delinquens pauper, reliquum erogando in pauperes, vel pia opera in locis, si fieri potest, ubi illa ablata sunt. XI. Posse absolvere qui munera acceperint a Regularibus, modo non excedant decem scutos, vel etiam si excedant, facta prius restitutione, vel praestita obligatione satisfaciendi. XII. Cum puellis quae virgines non sunt posse dispensare, ut fruantur legato virginibus relicto, in casibus tamen occultis, et in foro conscientiae, vel cum virginibus, ut intrent monasterium mulierum Poenitentium. XIII. Posse relaxare iuramenta, quae non sunt in favorem alterius. XIV. Posse vota simplicia etiam castitatis dispensando commutare, aut implementum differre. XV. (1) lib. 7. n. 468. in fine.

Dispensare, commutando in alias preces, vel alia pia opera, super recitationem divini Officii. XVI. Dispensare in occultis cum Regularibus a quibusvis irregularitatibus, inhabilitatibus, et poenis; non autem in publico defectu natalium quoad Generalatum; in publicis vero nonnisi auditis Superioribus. XVII. Posse absolvere apostatas a censuris, cum reincidentia si non redeant intra praeinitum tempus, dilata dispensatione super irregularitate, si quam contraxerint usque ad actualem reditum. Posse etiam concedere, ut ipsi transeant ad alium ordinem. XVIII. Posse concedere transitum ad religionem laxiorem, modo ibi vigeat regularis observantia; non tamen ad ordinem s. Benedicti antiquioris observantiae; neque ad consimiles congregationes cuiuscumque ordinis. Idem quoad Moniales ultra montes. XIX. Posse absolvere, et dispensare super defectibus, et censuris, etiam ob clausurae violationem. XX. Item concedere confessarium Monialibus (*vide dicta*

de hoc lib. 6. n. 5-6.) XXI. Vacante Sede apostolica, habere facultatem in foro conscientiae etiam in casibus, in quibus vivente Pontifice non habebat; tamen cum reincidentia, si ad novum Pontificem petentes non se praesentent; hancque facultatem post Cardinalis Poenitentiarum ingressum in Conclavem transire ad signaturam. Alia quae pertinent ad matrimonii materiam, *vide l. 6. n. 1144*. Alia minus scitu necessaria observare potes in citata Bulla, *Pastor bonus*.

Demum hic nota, quod, cum litterae S. Poenitentiarum committuntur magistro theologiae, vel Decretorum doctori, possunt eas exequi confessarii Societatis Iesu designati a Generali, vel Provinciali de eius licentia, ut concessit Gregorius XIII. 3. Apr. 1582. Et idem possunt lectores iubilati ordinis Minorum, ex concessione Innocentii XI. 27. Nov. 1679. Ac ideo idem possunt omnes Regulares in privilegiis eorum communicantes; ita refert *Elbel tom. 3. Conf. 20. p. 506. num. 513*.

TRACTATUS XX.

DE PRIVILEGIIS

CAPUT I.

DE PRIVILEGIIS IN COMMUNI

1. *Differentia inter privilegium, dispensationem, et licentiam.*
 2. *Quando privilegium derogat iuri communi.*
 3. *Quando privilegiatus tenetur uti privilegio.*
 4. *Utrum extra Sacramentum censurae, etc.*
 5. *De clausulis, Ad instar etc., Quatenus sacris Canonibus non adversetur, etc., Suppletus defectus, etc.*
 6. 7. et 8. *De interpretatione privilegiorum.*
 9. 10. et 11. *De communicatione.*
 12. *De privilegiis Regularium revocationis, cum declarationibus s. Pii V.*
 13. *De rescriptis gratias, et iustitiae, utrum expirent morte Pontificis.*
 14. *Quot modis cesset privilegium.*
- Homo Apostolicus*

15. *Quomodo cesset per revocationem.*
16. *De revocatione expressa.*
17. *De tacita, et utrum sit intimanda, vel saltem publicanda revocatio.*

1. Privilegium definitur: *Lex privata, aliquod speciale concedens beneficium*. Privilegium differt a dispensatione quae eximit a lege, et ideo semper est odiosa, differt etiam a licentia quae conceditur tantum ad paucos actus. De privilegiis in particulari inferius proprio locodicemus: hic tantummodo adnotabimus quasdam regulas advertendas circa privilegia in communi.

2. Et 1. ut privilegium derogat iuri communi, non requiritur clausula derogatoria; praesumitur enim princeps iam scire leges communes. Excipitur tamen 1. Quando privile-

gium non posset suum effectum sortiri sine hac expressa derogatione. 2. Si in lege, cui derogatur, esset apposita clausula: *Non obstante quocumque privilegio*; hoc intelligitur, dummodo in privilegio non extet clausula, *Ex certa scientia*, vel *Ex plenitudine potestatis* (1). 3. Quando privilegium est contra aliquam consuetudinem, aut legem municipalem; his enim non derogatur, nisi de illis specialis mentio fiat (2).

3. 2. Privilegiatus non tenetur, regulariter loquendo, uti privilegio, *Reg. 61. Iur. in 6.* Sed excipiendum est 1. si non utendo, grave damnum proximo inferret: hoc tamen intellige si per se, non vero consequenter: e. c. si confessarius habeat privilegium absolventi a peccatis reservatis, post auditam confessionem tenetur eo uti (3). 2. Si privilegium cedat in bonum commune, quemadmodum est privilegium immunitatis, quo unusquisque tenetur uti ex *cap. Si diligenti, de Foro compet.* 3. Si privilegium tollat impedimentum ad observandum praeceptum; e. c. si infirmus habeat domi oratorium privatum, et facile potest audire Sacrum, tenetur privilegio uti (4). 4. Si privilegium non est personale, sed reale, additum loco, vel dignitati, vel statui, quemadmodum sunt privilegia concessa Episcopis et Regularibus (5).

4. 3. Qui habet privilegium pro foro poenitentiali, etc. absolventi a censuris et poenis ecclesiasticis, valde probabiliter potest eo uti etiam extra Sacramentum, etiamsi facultas concepta esset in terminis: *Sacerdoti confessario* (6).

(1) Salmant. tract. 18. c. 1. n. 42. et 43. cum aliis. (2) Suar. de leg. 1. 8. c. 14. n. 4. Castropal. t. 1. tract. 3. d. 4. p. 10. n. 9. et Salmant. loc. cit. c. 1. n. 8. cum Pelliz. Tamb., etc. (3) vide Salm. tr. 18. c. 1. n. 11. cum aliis. (4) Suar. l. 8. de leg. c. 23. n. 8. et c. 35. n. 5. et 6. Pal. p. 7. n. 3. Sanch. de Matr. l. 9. d. 6. n. 14. Salm. c. 1. n. 12. cum Silvest. Avila, etc. (5) vide Salm. c. 1. n. 17. et 18. (6) Suar. l. 8. de leg. c. 6. n. 15.

5. 4. Loquendo de clausulis: clausula *ad instar* importat tunc valere privilegium, quando aliud (ad cuius formam secundum concessum est) fuerit validum saltem a principio, quamvis postea revocatum fuerit, vel non acceptatum, ut advertit p. Mazzotta. Alias enim, si primum privilegium fuerit nullum, nullum quoque erit secundum, dummodo in secundo non exprimatur id quod conceditur (7). Hoc tamen currit (ut aiunt praefati auctores) quando dicitur: *Ad instar*, non vero si dicatur: *sicut concessum est*, etc., ut limitant Bonacina et Garcias apud Salmanticenses. Clausula, *Quatenus sacris Canonibus non adversetur*, intelligitur de iis tantummodo Canonibus, in quibus est expressum: *Non obstante quocumque privilegio* (8). Clausula, *Supplentes singulos defectus*, intelligitur tantum de defectibus earum rerum, quae requirantur solum de iure positivo, et qui sunt tantummodo accidentales, non vero de defectibus naturalibus, aut substantialibus, utpote esset, si supplicans foret excommunicatus, aut si supplicatio foret subreptitia, vel fraudulenta; aut si defectus esset circa causam, aut personam supplicantis (9). Aliae clausulae videri possunt apud Salmanticenses (10).

6. 5. Loquendo de interpretatione privilegiorum, plura adnotanda sunt. Notetur 1. omne privilegium interpretandum esse eo modo, quo privilegiato non sit neque inutile, neque onerosum (11). 2. Privilegia solum princeps, vel alii, quibus a principe foret commissum, authentice, vel iuridice possunt interpretari. Doctri- Castrop. d. 4. p. 2. §. 5. n. 6. et Salm. tr. 18. c. 1. n. 33. cum Silvest. Tamb., etc. contra alios qui probabiliter etiam negant. (7) Suar. l. 3. de leg. c. 15. n. 2. Castrop. d. 3. p. 2. §. 8. n. 1. Salm. c. 1. n. 39. cum Bonac. etc. et p. Mazz. t. 1. de Privil. p. 221. v. Scuto. (8) Salm. tract. 18. c. 1. n. 50. cum Nav. Suar. Garc., etc. (9) Salm. c. 1. n. 51. cum Barbosa, et Tamb. (10) c. 1. ex n. 40. (11) Salm. c. 1. n. 70. et 71.

naliter vero potest ea interpretari quicumque vir doctus, cuius resolutioni licite potest acquiesci, ut omnes affirmant; et quando in privilegio prohibetur quaecumque interpretatio, de sola authentica et iuridica est intelligendum (1); aut ad summam intelligi debet de interpretatione quae fit *ex professo*, ut dictum est de legibus (Tr. 2. n. 75.). 3. a Clemente IV., et ab aliis Pontificibus prohibentur Episcopi interpretari iuridice privilegia Regularium. Solum id ab Alexandro VI. et Paulo III. (quando apostolica Sedes consuli nequit) concessum est iurisperitis, caeterisque iudicibus in favorem Regularium. Idem concessum est Generalibus, visitatoribus, et etiam Provincialibus, et Praelatis immediatis, quoties ipsi peritos consulunt. Idem locum habet in interpretatione regularium constitutionum et consuetudinum. Eodem modo possunt iidem Praelati auferre vel limitare subditis usum privilegiorum (2).

7. Notandum 4. quod generaliter loquendo de privilegiis, omne privilegium large est interpretandum, ut habemus ex *cap. Olim 6. de Verb. sign.* ubi dicitur: *Cum beneficia principum interpretanda largissime etc.*; et ex *l. ult. ff. de Constit. princ.* Contra vero privilegia odiosa stricte sunt interpretanda, cuiusmodi sunt illa quae sunt derogatoria iuris communis, aut statutorum, et consuetudinum particularium, dummodo haec statuta non sint contra ius commune: aut dummodo privilegium non sit insertum *in corpore iuris*; ideoque a iunt Sanch. et Mazzotta (3), omnia privilegia realia late esse interpretanda; ob suam enim perpetuitatem habentur tanquam inserta in iure com-

muni. Insuper excipitur, si alias privilegium redderetur inutile, aut si in eo extaret clausula *Ex certa scientia* vel *Ex motu proprio*; vel si privilegium esset absolvendi, dispensandi, aut communicandi illud ad alios (4). Privilegia vero in praeiudicium aliorum, cuiusmodi essent ad obtinenda plura beneficia, aut ad conferenda beneficia vacantia, aut contra observantiam regularem, stricte sunt interpretanda, etiamsi concessa fuerint *ex motu proprio* (5).

8. Hoc vero intelligendum est de privilegiis concessis personis particularibus: sed ea quae sunt concessa alicui ordini, conventui, communitati, aut ad aliam piam causam, omnia sunt interpretanda non modo late, sed etiam latissime, etiamsi adversentur iuri communi, vel alicuius tertii, quemadmodum communissime affirmant dd. (6); privilegia enim communitatibus concessa praesumuntur omnia esse remuneratoria servitiorum praestitorum, et ideo omnia habentur tanquam favorabilia, *ex l. Sicut persona, ff. de Relig.* (7).

9. 6. Loquendo de communicatione privilegiorum adnotetur 1. quod religiones mendicantes communicant in totum inter se de privilegiis praeteritis et futuris; tum circa personas, tum circa loca, festivitates et indulgentias, prout habetur ex Bulla Sixti IV. Clementis VIII. et Leonis X. (8). Et hoc currit, quamvis religio, cui concessum est privilegium, vel non acceptaverit, vel eo usa non fuerit. Insuper quando ampliatur privilegium alicui religioni concessum, intelligitur ampliatur etiam quoad alias (9). Insuper hae religiones mendicantes communicant privilegiis caeterarum religionum, vel congregationum, vel collegiorum monastico-

(1) vide Salm. tr. 18. c. 1. n. 72. et 73. (2) vide Salm. tr. 18. c. 1. n. 74 75. et 76. (3) Sanch. de Matr. l. 8. d. 1. n. 4. et Mazzotta loc. cit. p. 223. c. 2. v. resp. (4) Salm. tr. 18. c. 1. n. 78. ad 80. (5) ib. n. 83. et 84. (6) Suar. de leg. l. 8. c. 27. n. 7. Castrop. d. 4. p. 10. n. 6.

Mazzotta loc. cit. et Salm. c. 1. n. 27. et 28. et iterum n. 85. et 86. cum Azor. Laym. Sylv. Bonac. Henriq. Coninch. Lezana, Barb. et alii. (7) vide Salm. c. 1. n. 25. ad 27. (8) ib. n. 88. et 89. (9) ib. n. 98. et 99.

rum, vel non monasticorum (1). Et hoc valet etiamsi in privilegio concessio alteri religioni, vel congregationi, adsit clausula quod non comunicetur; nam in aliis Bullis de communicatione dicitur, quod tollitur quodcumque impedimentum communicationis (2). Huiusmodi privilegiis perfruuntur tam conversi, ipsi enim vere Religiosi sunt (3), quam novitii, quemadmodum declaravit Clem. VIII. et est communis sententia (quicquid dicant quidam pauci) cum Suar. Sanch. Castr. etc. (4); fruuntur quoque Religiosi ad Episcopatus promoti, dummodo non agatur de rebus, quibus, Episcopi si utantur, aliquod religioni praeiudicium proveniret, ut esset habitatio in monasterio; datio suffragii, etc. (5). Tertiarii autem, et Tertiariae (vel beatae) subditae mendicantibus, et quae habitum religionis deferunt, et votum habent castitatis (quibusdam tantum rebus exceptis) eorum quoque privilegiis gaudent, sed quatenus sunt capaces. Confratres scapularis, et ciuguli (vocati *Cordonis*), etc. fruuntur tantum, et participant in omnibus indulgentiis et remissionibus peccatorum, sed non in alio (6).

10. Notandum 2. Moniales tam ordinum mendicantium, quam non mendicantium, gaudere privilegiis monachorum sui ordinis, et consequenter cuiuscumque alterius ordinis in omnibus, quorum sunt capaces (intellige de favorabilibus). Hoc valet etiamsi privilegium tantum de hominibus loqueretur, ut deducitur ex Bulla Leonis X. Atque ita e contrario fratres gaudent privilegiis Monia-

lium omnium ordinum; ex eo quia ipsi communicant (ut superius dictum est) privilegiis concessis cuicumque religioni, congregationi, aut monasterio (7). Sed redeundo ad Moniales, huiusmodi privilegiis gaudent etiam illae, quae Pontifici aut Episcopo subiiciuntur; atque ita, quando Religiosis conceditur privilegium ut absolvantur, vel dispensentur a suo Praelato, Moniales subiectae Episcopo possunt quidem ab eodem absolvi, et dispensari. Et hoc currit etiamsi in privilegio nominarentur tantum Moniales quae Regularibus subditae sunt (8).

11. Notandum 3. privilegia non communicari quando sunt odiosa, vel contraria propriis statutis, adeo ut praeiudicent bono, sive communi observantiae religionis (9). Notetur 4. privilegia alicui concessa non tantum personae particulari, sed ratione sui officii, seu dignitatis, vel tantum membro illius communis, intelliguntur concessa omnibus aliis eiusdem officii aut eiusdem communis. Et privilegia concessa subditis seu Praelatis inferioribus, etiam Praelatis superioribus concessa intelliguntur (10). Similiter privilegia concessa alicui conventui, aut ecclesiae, aut particularibus alicuius conventus, sed tantum membra illius, intelliguntur quoque concessa caeteris Religiosis tam illius ordinis, quam aliorum qui communicationem habent quando scilicet eadem, vel similis ratio militat (11). Sed hoc non est intelligendum de privilegiis quae conceduntur alicui congregationi ad tempus determinatum, vel per brevem particularia sunt concessa alicui monacho cum aliis (7) vide Salm. tr. 18. de priv. c. 1. n. 91. (8) Suar. de leg. 1. §. c. 10. n. 7. Bonac. disp. 1. q. 3. punct. 7. §. 2. n. 4. et Salm. tr. 18. cap. 1. n. 92. cum Castr. Lez. Pelliz. Bordonio, Boss. et aliis contra paucos. (9) Castrop. dist. 4. §. 9. n. 2. et Salm. cap. 1. n. 100. cum Pelliz. Lez. Portel. Tamb. Barb. (10) Salm. c. 1. n. 110 et 111. (11) Salmant. ib. cum Pelliz. Garcia, Quintan. Tamb. etc.

(1) ita communissime Salm. tr. 18. c. 1. n. 90. cum Rodr. Pelliz. Tambur. etc. (2) Salm. tr. 18. c. 1. n. 107. cum Rodr. Bassco, Merranda, Bon. Diana, Donato, etc. (3) vide Salm. tr. 15. de statu relig. c. 1. n. 33. (4) Suar. in 2. 2. s. Thom. t. 4. de relig. tr. 10. l. 9. c. 1. n. 18. et Salm. ib. c. 3. n. 85. cum Sanch. Castr. Lezana, Pelliz. et aliis. (5) vide Salm. dict. tr. 15. c. 5. n. 43. cum Suar. Lez. et Castrop. (6) Salm. tr. 18. c. 1. n. 94.

sterio ob specialem aliquam causam, vel quando agitur de rebus quae difficile solent concedi (1).

12. 7. Certum est, ut habetur ex prop. 36. damnata ab Alexand. VII. Religiosos non posse amplius uti privilegiis iam revocatis per Concilium Tridentinum. Verum, hoc non obstante, attendendae sunt quaedam Declarationes Concilii factae per S. Pium V. in sua Bulla: *Etsi mendicantium*. Hae sunt 1. quod saeculares possunt audire Sacrum et conciones in ecclesiis Regularium. 2. Quod Episcopus nequeat impertiri licentiam ingrediendi monasteria Monialium exemptarum. 3. Quod quarta funerum non intelligitur nisi de eo quod affertur (2). 4. Quod confessarii Monialium exemptarum, et concionatores regulares in propriis ecclesiis non examinentur ab Ordinario; verum quod attinet ad confessarios, hoc privilegium abrogatum est per varias apostolicas Constitutiones, et praesertim per Bullam *Apostolici ministerii*, emanatam ab Innoc. XIII. anno 1723. et confirmatam per Bened. XIII. die 23. sept. an. 1724. Ibi in §. 18: declaratur quod confessarii Monialium exemptarum debeant examinari, et approbari ab Episcopo diocesis, *remota quacumque contraria consuetudine etiam immemorabili*.

13. 8. Distinguendum est *rescriptum gratiae*, ut esset absolvendi, dispensandi etc. a *rescr. iustitiae*, ut exercendi iurisdictionem, appellandi, etc. In rescripto gratiae dicitur, *gratia facta* quando delegatus habetur tanquam merus necessarius executor: *Gratia facienda*, quando conceditur facultas dispensandi, et relinquitur arbitrio delegati. Rescriptum iustitiae expirat morte principis, dummodo res adhuc sit integra; et idem de rescripto gra-

tiae faciendae. Oppositum vero dicendum de rescripto gratiae factae, ut absolvendi, recipiendi ordines *extra tempora*, de oratorio privato, etc. (3). Privilegium concessum cum clausula, *Donec voluero*, probabiliter non expirat post mortem concedentis (4): vido quod dictum est Tr. 16. n. 82. Quod si in concessione exprimitur officium delegati, mortuo delegato, transit etiam ad successorem (5).

14. 9. Privilegium multis modis cessare potest, et 1. per decursum termini constituti. 2. Per cessationem causae finalis: intellige quando privilegium est concessum sub conditione dictae causae; sed quando concessum esset absolute; adest opinio valde probabilis, quod etiamsi cessaret causa finalis, non cesset tamen privilegium; neque cessat, quamvis semel privilegio usi fuerimus (6), iuxta id quod diximus de Dispensatione Tr. 2. punct. 2. cap. 6. n. 66. in fin. 3. Ob renuntiationem privilegiati; in quo notandum est quod particulares nequeunt renuntiare privilegiis communitatis; et ut valida sit renuntiatio, fieri debet in manu illius qui privilegium concessit, et ab eodem acceptari (7). 4. Per usum contrarium, vel per non usum; in dubio tamen praesumptio semper est pro usu. Sed in hoc advertendum est quod privilegia gratiosa, quae non sunt aliis gravamina, ut absolvendi, dispensandi, vel ieiunandi, et his similia, haec numquam amittuntur per non usum, et etiam per usum contrarium, quamvis temporis longissimi (8). Privilegia contra quae tertio sunt onerosa, ut non solvendi Decimas, et similia, haec praescribuntur per usum contrarium, et etiam per non usum privativum (non vero dum-

(1) Salm. c. 1. n. 118. cum Peyrin. Tamb. Merula, etc. (2) vide Salm. tr. 18. c. 1. n. 137. (3) Castr. d. 3. p. 16. §. 4. n. 11. Sanch. de Matr. l. 8. disp. 38. n. 43. Salm. tr. 18. c. 1. a n. 141. ad 146. cum Suar. (4) Salm. tr. 18. c.

1. n. 149. (5) ib. n. 150. (6) ib. c. 2. n. 3. et 4. (7) ib. n. 5. ad 8. (8) Suar. de leg. l. 8. c. 34. n. 17. Bonac. d. 1. q. 3. p. 8. §. 5. n. 4. Castr. tr. 3. d. 4. p. 18. n. 3. et p. 19. n. 1. et Salm. c. 2. n. 13. cum Laym. Pont. Lez. Garcia, etc.

taxat negativum) quod accidit, quando privilegiatus conscius iam sui privilegii, occasionibus oblatis, sponte uti recusavit. Hoc autem currit, dummodo in privilegio non sit clausula *utendi ad sui arbitrium*. (1). Insuper hoc intelligitur pro foro externo, nam in conscientia non amittit privilegium qui animum non habet renuntiandi (2). Potest cessare etiam privilegium per abusum sive in totum, sive in partem (3).

15. Cessat 5. privilegium ob revocationem principis. In hoc autem distinguere oportet privilegia gratuita a remunerativis, et ab onerosis; si privilegium est mere gratuitum, revocari potest valide etiam sine iusta causa quamvis hoc non excusatur saltem a culpa veniali, si scandalum absit (4). Si vero cum privilegio translatum fuisset dominium alicuius rei in privilegiatum, illud revocari nequit nec licite, nec valide, nisi ob causam, urgentissimam boni communis vel gravis delicti, vel ob illas causas, ob quas revocari potest quaelibet donatio (5). Sed si privilegium est remuneratorium, vel ob iustitiam, vel ob gratitudinem, semper requiritur iusta causa, ut valide revocetur. Et si insuper est onerosum, ut exempli causa concessum ob pretium acceptum, vel ob aliquod onus privilegiato impositum, tunc ut revocetur (ultra iustam causam) requiritur compensatio. Et hoc dicendum de privilegiis remuneratoriis ob iustitiam, ut dicunt communiter dd. (6).

16. Revocatio vero privilegiorum alia est *expressa*, alia vero *tacita*:

(1) Castr. p. 18. n. 4. Bonac. loc. cit. n. 3. et Salm. n. 14. cum Iaym. Garc. Lez. etc. (2) vide Salm. tr. 18. c. 2. n. 18. (3) ib. n. 17. (4) Pontius l. 8. de dispens. c. 19. n. 15. Castr. p. 21. §. 3. n. 3. et Salm. tr. 18. c. 2. n. 37. cum Suar. Sanch. Bon. etc. (5) Castr. p. 21. §. 2. n. 2. Bonac. d. 1. q. 3. p. 8. §. 3. n. 5. Suar. de leg. l. 8. c. 37. n. 7. et Salm. c. 2. n. 29. cum Pont. Garc. Lez. etc. (6) Suar. loco cit. n. 6. et 7. Pont. n. 13. et Salm. tr. 18. c. 2. n. 30. et

quoad *expressam* regulariter loquendo sufficit clausula generalis, *non obstantibus privilegiis*, etc. ut revocentur omnia privilegia in contrarium. Excipiuntur tamen 1. privilegia concessa per modum contractus, sive onerosa sint, sive remunerativa ob iustitiam (ut supra dictum est), in quibus mentio specialis fiat meritorum in particulari: 2. Privilegia quae clausulam habent: quod non intelligantur derogata, nisi mentio particularis fiat. 3. Privilegia Regularium, quae etiam specialem mentionem requirunt, qui sunt remunerativa, et videntur clausulam habere derogatoriam futurae revocationis, nisi eorum mentio specialis fiat, ut affirmant Rodr. Portel. et Miranda apud p. Mazzotta. 4. Privilegia inserta in *corpore iuris*, quia tunc sunt verae leges, et ut revocentur, requiritur clausula specialis, *non obstantibus legibus in contrarium*, etc. (7). Idem asserunt Bon. Sanch. Castr. et Salm. cum Molin. Pelliz., aliisque quamplurimis, (contra Pontium) de privilegiis concessis ab aliquo Concilio generali, quae non censentur revocata, nisi per clausulam *expressam, non obstante quacumque Constitutione, etiam a Concilio generali edita*, ut colligitur ex *cap. Ex parte*, et *cap. ult. de Capell. Mon.* (8). Opponit Pontius Ecclesiae praesentis, et quamdam Declarationem S. Pii V. Sed Castropalaus cum Garcia respondet gratis id asseri: tantum inquit, a Garcia referri quemdam motum proprium S. Pii, in quo dicitur, quod concessionem propria Pontificis manu signatae non egent aliqua Tri-

85. cum aliis. (7) Suar. l. 8. c. 38. n. 3. et c. 14. n. 8. Bonac. d. 1. q. 3. p. 8. §. 3. n. 11. Castr. tr. 3. d. 4. p. 21. §. 3. a. n. 2. Pont. l. 8. c. 19. n. 16. Mazzotti. t. 1. de Privil. q. 2. c. 1. p. 231. et Salm. c. 2. n. 39. et 40. (8) Bonac. disp. 1. q. 3. p. 8. §. 3. n. 13. v. Tertio Castr. §. 4. n. 6. Sanch. de Matr. l. 3. d. 26. post n. 6. v. sed haec et Salm. tr. 18. c. 2. n. 41. cum Pelliz. Bass. etc. contra Pontium l. 8. de dispens. c. 19. num. 19.

dentini revocatione, neque generali, neque speciali. Omnes vero praefatae limitationes intelliguntur locum habere si non constet de contraria mente derogantis, quemadmodum omnes praefati dd. communiter affirmant; unde si in lege revocatoria adsit clausula *ex certa scientia*, aut *ex motu proprio*, aut *de potestatis plenitudine*, tunc revocatur omne privilegium quantumcumque qualificatum, exceptis onerosis; aut quando revocatio praediudicaret iuri a tertio acquisito (1).

17. Quod attinet ad revocationem *tacitam*, privilegia ante concessa intelliguntur revocata per quamcumque legem universalem in contrarium, etiamsi in ea non adsit clausula revocatoria, quando ipsa lex, vel novum privilegium aliis concessum non posset effectum intentum sortiri, nisi revocatis privilegiis antea concessis; non praesumitur enim legislator velle condere legem inutilem, aut concedere privilegium elusorium, sive generale, sive particulare illud sit. Hoc tamen intelligendum est, quando privilegia prius concessa nota sunt principi, quemadmodum praesumitur de omnibus privilegiis insertis in *corpore iuris*. Quod contra non praesumitur de aliis quae existunt *extra ius*; unde horum specialis mentio est facienda (2). Affirmant aliqui, ut Sotus Henriquez et Quintanad. quibus adhaerent Salm. in quodam loco (3), quod privilegium remanet in suo vigore, quousque revocatio non intimetur civitati, vel religioni. Verum ipsimet Salm. postea in alio loco (4) se retractant, et merito, asserentes cum Laym. Suar. Portel. et Lezan. quod sufficit ad invalidandum privilegium (ut diximus loquendo de Legibus, *Tr. 2. a n. 5. ad 8.*); ut publicetur revocatio, et ut transeant duomenses

a publicatione, ita ut pervenire possit notitia ad privilegiatos, quamvis de facto non perveniat.

Actum est usque adhuc de privilegiis in communi, in sequentibus capitibus agetur de privilegiis in particulari Ecclesiasticorum, Episcoporum, et Religiosorum.

CAPUT II.

DE PRIVILEGIIS ECCLESIASTICORUM

18. *Quibus in rebus Ecclesiastici sint exempti a potestate laicali.*
19. *De privilegiis Canonis et fori quoad personas.*
20. *Quoad bona.*
21. *Quis gaudeat huiusmodi privilegiis.*
22. *De beneficiatis.*
23. *De tonsuratis.*
24. *De illis qui deposuerunt habitum.*
25. *ad 28. De immunitate piorum locorum.*

18. Ecclesiastici iure divino exempti sunt a potestate saeculari quoad materias spirituales, vel mere ecclesiasticas, ut sunt ordinationes, electiones Praelatorum, etc. ut constat ex *can. 3. Concilii romani*. Quoad personas vero, et loca Ecclesiasticorum, quaestio est utrum sint vel ne exempti iure divino? Multi negant, ut Lessius Caietanus Becanus et Salm. (5). Multi alii affirmant, ut Suarez Azorius Laym., etc. et probant ex pluribus textibus, et praesertim ex *cap. Quamquam de Gentibus in 6. et ex Trident. sess. 25. c. 20. de Ref.: Ecclesiae, et personarum ecclesiasticarum immunitatem, Dei ordinatione et canonicis sanctionibus esse constitutam*. Certum tamen est Ecclesiasticos tum iure canonico, tum civili non esse subiectos foro laicali (6). Caeterum tenentur in conscientia illis legibus civilibus, quae non repugnant eorum statui, non vi *coercitiva* ut dicitur, *sed directiva*, ut unifor-

(1) vide Salm. c. 1. n. 40. et 42.
 (2) Suar. de leg. 1. 8. c. 39. n. 2. Pont. de dispens. 1. 8. c. 19. n. 19. Castrop. d. 4. p. 21. §. 4. n. 10. Bon. d. 3. p. 8. §. 3. n. 14. Salm. tr. 18. c. 2. n. 43. et

44. cum aliis communiter. (3) Salm. tr. 10. de Cens. c. 2. n. 81. (4) tr. 18. de privil. c. 2. n. 45. (5) tr. 8. de Ord. c. 7. n. 6. (6) vide Iura ap. Less. de Iust. 1. 2. c. 33. dub. 3.

mentur communitati (1).

19. Ecclesiastici ergo gaudent 1. exemptione circa suas personas. Praeter privilegium Canonis, cuius vigore incurrunt excommunicationem qui iniuste illos percutiant (de quo actum est *Tr. 19. n. 48. et sequentibus*), gaudent clerici immunitate, ne puniantur a curia laicali, ut patet ex legibus a Becano relatis (2). Et quamvis ius civile eos eximat tantum in causis civilibus, et in criminalibus eas recognoscendi sibi ius reservaverit, nullatenus clericos condemnando nisi post degradationem; nihilominus ius canonicum totaliter eos exemit (3). Verum his non obstantibus, in aliquibus casibus potest potestas laicalis ad clericorum carcerationem procedere, ut si c. c. aliquem noctis tempore inveniret deferentem arma prohibita, vel sine veste clericali, vel inveniret in *fragranti* patrantem aliquod delictum, tunc enim potest ad eius carcerationem procedere, ut postea remittat curiae ecclesiasticae, quod si interdum illum invenerit, potest armis prohibitis spoliare. Potest etiam in quibusdam casibus illum castigare (sed non poena mortis), si ille rebellionem adversus principem moliretur, aut populum ad seditionem excitaret, et a proprio Episcopo de hoc non esset punitus. Insuper probabiliter potest supplicio afficere clericos notorie sodomitas; hi enim a Leone X. et S. Pio V. omni clericali privilegio spoliati sunt (4). Caeterum pro quocumque alio crimine clerici nequeunt puniri a curia saeculari c. *fin. de Vita et hon. Cler. et cap. In audientia 25. De Sent. excomm.*

20. 2. Gaudent Ecclesiastici exemptione a foro laicali quoad propria bona tam ecclesiastica, quam quocumque alio modo acquisita; unde

- (1) est commune cum Salm. tr. 8. c. 7. n. 16. (2) de Sacram. c. 26. q. 9. (3) vide Salm. tr. 8. c. 7. ex n. 24. (4) ib. a n. 27. ad 29. et a n. 18. ad 20. (5) ib. n. 35. et 55. (6) Salm. n. 54.

respectu illorum non tenentur solvere ullum vectigal, ut habetur ex *cap. Quia, et ex cap. cler. de Immunit. eccl. in 6. et ex l. Sancimus 22. c. de Sacros. Eccl. (5)*. Clerici vero negotiatores circa bona mere ecclesiastica negotiationi iam destinata, spoliantur omni exemptione c. *Quamquam 4. de Censib. in 6*. Quoad vero reliqua bona propria, privantur post tertiam monitionem (6). Insuper notandum hic est, quod in casu urgentis necessitatis, potest princeps extrahere e domibus, et vendere frumentum Ecclesiasticorum (7).

21. Ii qui gaudent praefatis exemptionibus tam quoad personas, quam quoad bona, sunt primo omnes Regulares cum suis novitiis et Tertiariis, et etiam beatae Franciscanae tertii ordinis, Carmelitanae etc., quae deferant habitum una cum voto castitatis; quemadmodum declaravit S. C. Insuper Equites s. Ioannis, s. Iacobi, Alcantarae et Calatravae, ut probant Bonac. Filliuc. et Diana (8). Insuper omnes clerici in *Sacris* constituti. De aliis vero in *minoribus*, vel simpliciter tonsuratis, ita loquitur Trident. *sess. 23. cap. 6. de ref. Fori privilegio non gaudeat, nisi beneficium ecclesiasticum habeat, aut clericalem habitum et tonsuram deferens, alicui Ecclesiae ex mandato Episcopi inserviat; vel in Seminario clericorum, aut in aliqua schola, vel Universitate de licentia Episcopi, quasi in via ad maiores Ordines suscipiendos versetur*. Atque hoc privilegio gaudent etiam clerici coniugati qui deferunt habitum et tonsuram, et Ecclesiae inserviant; verum in *cap. ult. de Temp. Ord. in 6*. prohibetur coniugatis tonsura, nisi velint religionem ingredi, vel in *Sacris* ordinari praevia uxoris licentia (9).

22. Igitur privilegio fori gaudent cum Less. Mol. etc. (7) Salm. tr. 8. c. 7. n. 17. cum Diana, Molf. (8) vide Salm. c. 7. a n. 56. ad 58. (9) vide nostrum opus morale l. 6. a 827. v. eodem.

1. beneficiati, etiamsi nulli Ecclesiae inserviant, neque deferant habitum et tonsuram, ut probabiliter inferitur ex Concilio, ut volunt Salmant. cum Filliuc. Diana et Rodriq. adversus Suar. Et etiamsi non percipiant fructus beneficii, neque possideant; sufficit enim quod solum titulum habeant, ut aiunt Garc. Fill. et Diana contra Salm. Sufficit etiam capellania, vel praestimonium, quae censentur tamquam vera beneficia: sed non sufficit pensio (1).

23. Gaudent 2. clerici in *minoribus*, et tonsurati, dummodo habitum simul et tonsuram deferant, iuxta id quod affirmat Concilium: *Clericalem habitum et tonsuram deferens*, et ut probabilius existimant multi dd. cum Castr. et Barb. contra Salm., qui interpretantur particulam *et* pro particula *vel*, ita ut sufficere dicant alterutrum (2), dummodo Ecclesiae similiter inserviant: sed quoad Ecclesiae servitium (dummodo spirituale sit, quia temporale non sufficit) satis est, ut alicui Ecclesiarum serviant, etiamsi haec destinata non sit ab Episcopo, ut declaravit S. C. apud Card. Lambertini (3).

24. Ut vero clerici in *minoribus* constituti foro priventur (nam aliud de Canonis privilegio dicendum) non requiritur trina monitio, quia haec requiritur tantum pro beneficiatis, et pro ordinatis in *Sacris*, ut deducitur ex *cap. Contingit de Sent. exc.*, vel pro minoristis qui negotiis saecularibus se addicunt, ut habetur ex *cap. Ex litteris de vit. et hon. cleric.* (4), sed sufficit quod habitum et tonsuram dimiserint, quemadmodum pluries declaravit S. C. et quemadmodum communiter affirmant dd. (5). Dummodo per longum tempus dimiserint, ut notant Salm. cum Bon.

(1) vide Salm. tr. 8. c. 7. n. 62. et 63. cum aliis. (2) vide nostrum opus l. 6 n. 827. (3) de Synodo l. 7. c. 69. n. 4. (4) vide opus nostrum l. 6. n. 827.

(5) apud card. Lambertini de Synodo l. 5. c. 11. ex n. 1. et apud Salm. tr.

Suarez Barbos. et aliis Quamvis vero praefati clerici nequeant allegare forum, potest nihilominus Episcopus eos a foro saeculari resumere iuxta declarationem S. C. ab hodierno Summo Pontifice approbatam (6). Illi vero clerici qui habitum resumunt, inre gaudent privilegio, dummodo id in fraudem non faciant: quae fraus tunc supponitur, cum aliquis in aliqua causa civili iam citatus fuisset ad forum laicale; aut pro causa criminali iam fuisset in carcerem coniectus; aut vero e carcere sub cautione egressus: ut aiunt Salm. cum Bonac. (adversus Gutierrez et Ceballos), et Cardinalis Lambertini cum pluribus Decretalibus S. C. (7). Magna vero quaestio est, utrum potestas laicalis possit cognoscere causas innocentium adversus Ecclesiasticos. Quidam theologi absolute affirmant; sed quidam alii magis communiter tantummodo admittunt, quando aut nullo modo, aut difficulter potest haberi recursus ad Superiores ecclesiasticos maiores (8).

25. Immunitas autem ecclesiastica locorum quoad asylum delinquentium, competit iure ecclesiastico et civili omnibus ecclesiis quamvis interdicto subiectis sive pollatis, et etiam dirutis (nisi omnino praesulis auctoritate fuerint profanatae), earumque capellis, sacristiis, caemeteriis, etiam ab ecclesia separatis, muris campanilibus, tectis, atriis, atriorum gradibus, cum quadraginta passibus ultra pro ecclesiis cathedralibus, et triginta pro aliis ecclesiis, (sed hoc intelligendum de illis quae sunt positae extra moenia urbis, vel loci), dummodo non intercedat via publica, aut aliqua saecularium domus: aliud vero est si domus sit alicuius clerici (9). Gaudent eadem immunitate hospitalia in quibus extat aliqua ca-

8. c. 7. n. 65. (6) vide Lamb. loco cit. (7) Salm. loco cit. n. 67. et card. Lamb. de Syn. c. 67. n. 1. (8) vide Salm. tr. 8. c. 7. n. 76. (9) vide Salm. tr. 18. c. 3. ex n. 86.

pella publica, oratoria ab Episcopis erecta, palatium episcopale, et domus regularium cum suis dormitoriis, claustris, hortis et porticibus ante ecclesias, vel monasteria (1).

26. Omnes vero delinquentes, dummodo sint christiani, licet haeretici, aut interdicti, aut in carcere inclusi, qui ruptis carceribus ad praedicta sacra loca confugerint, hac gaudent immunitate. Et in hoc reprobat quaelibet consuetudo in contrarium; *c. Noverint de Sent. excom. et Authent. de sacros. Eccles.* (2). Excipiuntur tamen in Bulla Gregorii XIV. latrones publici, depopulatores agrorum qui committunt homicidium per proditorium, vel per assassinium (sed regnans Summus Pontifex exceptit omnia homicidia pro tota ecclesia), vel in ipsa ecclesia, vel caemeterio; insuper haeretici, et rebelles contra eandem personam principis (5). Et in casibus clare exceptis potest iudex saecularis ex se extrahere ab ecclesia delinquentes iuxta communem praxim. In dubio autem iudicium exceptionis spectat ad Episcopum; ita Salm., et alii (4). Praeter delinquentes exceptos, omnes alii gaudent immunitate, quemadmodum gaudent debitores ad ecclesiam confugientes (5).

27. Quaestio est, utrum clerici et Religiosi gaudeant eadem immunitate respectu suorum praesulum: affirmant multi, ut Barb. Bordon. Guttier. quibus suffragatur quaedam declar. S. C. atque haec sententia est probabilissima, ut aiunt Salm. Nihilominus ipsi cum sententia communissima Suar. Castr. Laym. Bon. Sylvestri, aliorumque negant tam vigore Bullae Gregorii XIV, quae respectu praefatae immunitatis loquitur tantummodo de laicis: *Ut laicis ad ecclesiam confugientibus*, etc., quam vigore communis, et iam receptae consuetudinis; alias enim Religiosi semper in monasterio commorantes

(1) Salm. tr. 18. c. 3. a n. 84. ad 88. (2) ib. n. 89. (3) ib. n. 96. cum Suar. Castr. Pelliz. Guttier. etc. (4) vide Salm.

difficulter possent puniri. Sicuti vero possunt Superiores ecclesiastici (Episcopi et eorumdem Vicarii) extrahere proprios subditos ab ecclesia, ita quoque, si opus sit, possunt eandem extrahendi licentiam curiae saeculari concedere (6). Episcopus vero nequit extrahere suos clericos ab ecclesiis Regularium, non ratione immunitatis, sed quia illa sunt loca a sua iurisdictione exempta (7).

28. Extrahentes vero, aut illi qui tentaverunt extractionem incurrunt excommunicationem *ipso facto*, a qua nequeunt absolvi nisi a Pontifice, aut ab Episcopo; Decretum enim Clementis VIII. aufert facultatem tantum simplicibus confessariis, quamvis regularibus (8). Advertendum hic est quod Religiosi qui expellerent a suis ecclesiis aut monasteriis aliquem delinquentem ad evitandum aliquod incommodum seu periculum, hi non violant immunitatem, et rite id facere possunt (9).

CAPUT III.

DE PRIVILEGIIS EPISCOPORUM

29. *I. De facultate cap. Liceat. Utrum valeat Episcopus dispensare in irregularitate ex delicto, et ex defectu dubia.*
30. *Quibus in locis non est receptum Tridentinum, etc.*
31. *Qui veniat nomine Episcopi.*
32. *De peregrinis. Et utrum Episcopus absolvere possit a casibus papalibus extra confessionem.*
33. *Quomodo delictum intelligatur occultum.*
34. *Utrum Episcopus valeat hanc facultatem delegare.*
35. *Utrum a casibus ab aliis Episcopis reservatis, etc.*
36. *Si a casibus post Concilium, etc.*
37. *Utrum Episcopus possit absolvere confessarium absolutem complicem in peccato turpi.*
38. *Utrum Episcopi a casibus Bullae Coenae, etc.*
39. *Utrum valeant dispensare in irre-*

ex n. 96. (5) ib. n. 95. (6) Salm. tr. 18. c. 3. n. 120. (7) ib. n. 123. (8) ib. n. 117. (9) ib. n. 118

gularitate, quae per haeresim incurritur.

40. Utrum valeant absolvere impeditos.

41. Et utrum per alios.

42. Qui dicantur impediti.

43. De perpetuo impeditis.

44. Utrum hii teneantur per epistolam ec.

45. Utrum teneantur saltem recursum habere ad Episcopum? Quid si recurrere nequeant, etc. Quid si sint in mortis articulo.

46 47. et 48. II. De sex casibus episcopaliibus, et praesertim de absolute censurae propter percussione clericum.

49. III. De dispensatione cum illegitimis.

50. Cum bigamis.

51. IV. Circa irregularitates ob delictum occultum; et quid si homicidium sit omnino occultum.

52. De homicidio casuali.

53. V. Circa inhabilitates.

54. VI. De facultatibus Episcoporum circa matrimonia.

55. De dispensatione circa publicationes, votum castitatis, et impedimentum ad petendum, remissive. Circa impedimenta dirimentia dubia.

56. Circa dirimentia certa, si matrimonium sit contractum.

57. Si non sit contractum.

58. Utrum Episcopus possit hanc facultatem delegare.

59. VII. De dispensatione interstitiorum.

60. VIII. De dispensatione capellani, ut celebrare valeat in alia ecclesia.

61. IX. De celebratione post meridiem.

62. X. De oratoriis.

63. Quibus in locis possit celebrare Episcopus.

64. Utrum valeat dispensare ad celebrandum domi.

65. XI. De facultate Episcoporum, et Praelatorum circa electionem proprii confessarii.

66. XII. Circa clausuram Monialium.

67. De approbatione confessoriorum Monialium.

68. XIII. Utrum valeant commutare ultimas voluntates.

69. XIV. De compositione in restitutionibus incertis.

70. XV. De reductione Missarum.

71. Quoad iuramenta, et vota (remis-

sive ad tract. 5. n. 15. et 42.). De unione beneficiorum, novarum parochiarum erectione, etc.

29. Episcopi vigore Trident. sess. 24. de Ref. cap. 6. Liceat. sequentes habent facultates: Liceat Episcopis in irregularitatibus omnibus, et suspensionibus, ex delicto occulto provenientibus, excepta ea quae oritur ex homicidio voluntario, et exceptis aliis deductis ad forum contentiosum, dispensare; et in quibuscumque casibus occultis, etiam Sedi apostolicae reservatis, delinquentes quoscumque sibi subditos in dioecesi sua per se ipsos, aut Vicarium ad id specialiter deputandum; in foro conscientiae gratis absolvere, imposita poenitentia salutari. Idem et in haeresis crimine in eodem foro conscientiae eis tantum, non corum Vicariis, sit permissum. Quare Episcopi vigore dicti cap. Liceat, dispensare possunt in omnibus irregularitatibus et suspensionibus papalibus incursis ob delictum occultum, excepto homicidio voluntario, aliisque deductis ad forum contentiosum. Diximus ob delictum occultum; unde bene aiunt Bon. Castr. Salm. etc. quod non potest Episcopus vigore praedictae facultatis, dispensare in aliqua irregularitate occulta ex defectu (1), nisi esset dubia, ut probabiliter tenent Fagn. et Tourn. cum Gibert aliisque deducentes ex cap. Nuper de sent. excom. (2); iuxta ea quae diximus, Tr. 2. n. 57. Sed insuper absolvere possunt proprios subditos vel per se, vel per alium sacerdotem ad id specialiter deputatum, a casibus papalibus occultis, quinimmo iuxta Concilium poterant ante etiam ab haeresi absolvere (per se non per alios); sed vide dicenda n. 38.

30. Quoad hanc Concilii facultatem plura notatu digna consideranda sunt. Notandum 1. quod in iis locis in quibus Tridentinum non est receptum nequeunt Episcopi uti praeleg. c. 6. a. 2. et de disp. in irreg. part. 2. c. ult.

(1) lib. 7. n. 469. (2) Fagnan. in 2. part. 1. decretal. c. Veniens de Fil. presbyt. u. 7. et 8. Tournely cum aliis tr.

fata facultate *cap. Liceat*, ut notant comm. dd. (1) et merito: facultas enim Concilii non recipitur ab Episcopis, nisi per acceptationem illius: et valde incongruum esset ut Concilii gauderet privilegiis, qui onera subire recusaret.

31. Notandum 2. sub nomine Episcoporum communi sententia venire etiam Vicarios capitulares *Sede vacante*; non vero Vicarios Episcoporum ex generali eorum commissione vicarius; nam Vicarius bene potest quod potest Episcopus potestate ordinaria propria (ut dicitur n. 47.), non vero id quod potest Episcopus potestate delegata, quamvis ordinaria, utpote adnexa officio, ut dicitur n. 34. et 47. Praeterea quod in hac facultate requirit Concilium expresse delegationem specialem (2). Utrum vero veniant Abbates, et alii qui iurisdictionem episcopalem habent: negant Coninch. Barb. etc. cum p. Suar., qui affert etiam quamdam declarationem S. C.; affirmant vero communis Fagnan. Sanch. Castrop. Sayrus Avila Salmant. La Croix etc. dicentes, quod quando concessio facta est *in iure*, habet rationem legis quae extenditur ad omnes casus, in quibus currit eadem ratio: alias, aiunt, talium Praelatorum subditi ad quem recurrerent non haberent (3).

32. Notandum 3. nomine *subditorum* venire etiam peregrinos, qui ab Episcopo loci absolvi possunt ab omnibus casibus papalibus occultis, ut docent Suar. Sanch. Bonac. Navar. Barb. Trullench. Boss. aliique; quia etsi Tridentinum concedat Episcopis absolvere tantummodo *delinquentes sibi subditos*, nihilominus, aiunt praefati aa. quod exteri subiiciendo se fors sacramentali iam fiunt illorum subditi; et p. Suarez affert

etiam quamdam declarationem S. C. in qua dicitur peregrinus posse quidem absolvi a praefatis casibus occultis ab Episcopo loci, non vero a suo proprio; quia absolutio sacramentalis, de qua loquitur Concilium, requirit praesentiam (4). Et ideo in eadem declaratione dictum fuit quod Episcopi extra Sacramentum nequeunt a casibus iam dictis absolvere, contra id quod asserunt Salm. cum Bonac. aliisque: immo Fagnan. tradit (5), hoc idem declaratum etiam fuisse a Gregorio XIII. Hoc currit quoad absolutionem casuum: quoad vero dispensationem ab irregularitatibus et suspensionibus propter delictum occultum, idem Gregorius XIII. declaravit, non posse illam concedi ab Episcopis loci, nec etiam iis qui ibidem officium praetoris, vel medici exercendo commorarentur, ut refert Fagnan. loc. cit. Utrum vero proprius Episcopus valeat dispensare in irregularitate cum *subdito* absenti in aliena dioecesi? negant Avila aliique; sed communius et probabilius affirmant Bonac. Tourn. Suar. Barb. Sanch. Salm. etc., quia dispensatio potest etiam absentibus dari, et iurdictio voluntaria potest etiam extra proprium territorium exerceri. Neque obstant verba illa: *in dioecesi sua*, praefati *cap. Liceat*; quoniam aiunt Salm. et Tourn. illa sufficienter verificari, quando Episcopus dispensata sua dioecesi. Immo valde probabiliter dicunt Suarez Sanch. La-Croix et Holzm. cum Castr. et Pignat. praefata verba non referri ad primam partem dispensationis irregularitatis, sed tantummodo ad secundam (in qua sunt posita) de absolutione casuum: unde concludunt posse Episcopum dispensare, etiamsi ipse et subditus maneant extra propriam dioecesim (6).

33. Notandum 4. nomine *delicti*

disp. 40. n. 13. et seqq (3) vide opus nostrum l. 6. n. 593. v. eamdem, et l. 7. n. 79. (4) l. 6. n. 593. (5) in 2. part. primi Decretal. c. Dilctus de temp. Ord. n. 36. (6) l. 7. n. 81.

(1) Suar. in 3. d. Thom. part. de censur. dist. 41. sect. 2. n. 6. Sanch. Dec. l. 2. c. 11. n. 3. Salm. de poenit. tr. 6. c. 13. n. 3. cum Alter. Castr. t. 1. tr. 4. dist. 4. p. 3. §. 1. n. 2. cum Barbos. et Garc. (2) vide Sanch. de matrim. l. 2.

occulti non intelligendum illud quod potest in iudicio probari per duos testes, ut quidam volunt, ratione cuiusdam declarationis S. C. apud Fagnanum, in qua dicitur quod tutus non sit in conscientia qui in tali casu absolutus, vel dispensatus sit. Sed ut vult communior sententia nomine *delicti occulti* intelligendum quodcumque delictum quod aliquo modo possit celari, etiamsi in iudicio probari possit. Unde dicunt Azor. Sanch. Tourn. Bon. Castr. Salm. alique, tunc delictum non censi occulta, quando innuit maiori parti oppidi, vel viciniae, vel collegii; dummodo ibi decem saltem commorentur personae (1). Et Cardin. Lambertinus (2) cum Tiburio Nav. Siro, etc. (loquendo de impedimentis occultis matrimonii, ubi currit eadem regula) asserit haberi pro occulto impedimentum illud quod innuit septem vel octo in aliqua civitate, et sex in aliquo oppido. Et idem Fagnan. in 1. part. *tertii Decretal. cap. Vestra, de cohab. Cler.* etc. n. 118. testatur S. Poenitentiarium habere pro impedimento occulto illud quod quatuor, aut quinque tantum personis sit notum. Immo mihi constat S. Poenitentiarium dispensasse in quodam impedimento quod decem circiter personis innotuerat (3). Praeterquam quod (ut diximus *Tr. 18. n. 77.*) idem Fagnanus affirmat tunc delictum vel impedimentum non censi occultum, quamvis duobus testibus notum, quando in concessione absolvendi, aut dispensandi extat clausula; *dummodo sit omnino occultum.*

34. Dubitatur hic 1. utrum Episcopus possit generaliter delegare aliis sacerdotibus hanc Tridentini facultatem? Quoad dispensationem irregularitatum, sufficit (ut dicunt Suar. Barb. Sanchez, alique) quod Episcopus simpliciter aliis suam facultatem committat, sine ulla speciali deputatione, quoniam praefata dispensandi facultas vigore Concilii competit ho-

die Episcopis de potestate ordinaria, cum ea adnexa sit officio Episcopi, non vero industriae personae. Quantum autem ad absolutionem casuum, quidam affirmant requiri speciale deputationem pro quocumque casu particulari, attentis verbis Tridentini, *per se, aut Vicarium ad id specialiter deputandum.* Verum hoc non obstante, communissima sententia est et probabilior cum Suar. Sanch. Barb. Navar. Laym. La-Croix Salm., etc. posse Episcopum etiam generaliter delegare alicui sacerdoti hanc facultatem *cap. Liceat, dummodo expresse illam specificet; quoniam specificandam habetur ut facta specialis deputatione, quae recte quidem poterit inde generalis esse pro cunctis casibus occurrentibus; nam ut diximus, haec facultas hodie competit Episcopis de iure ordinario utpote adnexa dignitati episcopali* (4).

35. Dubitatur 2. utrum Episcopus absolvere possit, aut delegare vigore *cap. 6. Liceat, facultatem absolvendi etiam a casibus reservatis cum censuris ab aliis Episcopis, quando sunt occulti?* Bonac. et alii affirmant ob particulam *etiam* quae in eodem capite legitur: *In quibuscumque casibus occultis etiam Sedi apostolicae reservatis.* Unde aiunt, ne particula *Etiam* inutiliter videatur apposita, intelligendam esse concessam Episcopis facultatem absolvendi etiam censuras occultas ab aliis Episcopis sibi reservatas (5). Sed nos negamus ob duas declarationes S. C. Concil.: quarum una est 29. nov. 1712. altera 24. ianuar. 1711. apud *Thesaur. Resolut. S. C.* (tom. 1. pag. 392.). Praecipue vero vigore cuiusdam declarationis in simili casu per Benedictum XIV. emanatae die 2^o. augusti 1752. quae incipit: *Pias Christifidelium, in qua dicitur: Huiusmodi... absolvendi facultatem, et praeterquam in casibus Nobis, et Sedi apostolicae dumtaxat non vero Ordinariis locorum reser-*

(1) l. 6. n. 593. v. hic autem.

(2) notif. 87. n. 45. in fin.

(3) l. 6. n. 1111. (4) n. 594. dubit. 9.

(5) n. 594. dubit. 8.

vatis... *Et consequenter absolutiones contra praesentis declarationis nostrae tenorem, forsitan de praeterito impertitas, aut in posterum impertiendas, nemini suffragari potuisse, sive posse decernimus, et declaramus* (1).

36. Dubitatur 3. utrum facultas Tridentini intelligatur concessa Episcopis etiam pro casibus et irregularitatibus post Concilium reservatis? Garcia et Floronus apud Dianam negant, et inferunt ex quadam declaratione Gregor. XIII. in qua cum dubitatum fuisset utrum Episcopus posset absolvere Monialem frangentem clausuram ab excommunicatione (quando est occulta) a S. Pio V. reservata, Pontifex declaravit non posse. Attamen sententia communissima cum Sanch. Bonac. Suarez Bossio Dian. Vega, aliisque iure affirmat; in cap. enim *Liceat*, conceditur facultas indefinite: et secundum axioma generale; ubi *lex non distinguit, nec nos distinguere debemus*. Neque obstat laudata declaratio, quia in Bulla S. Pii extabat clausula, a qua, praeterquam a romano Pontifice, nisi in mortis articulo absolvi nequeat. Unde prorsus non dubitamus cum Diana, quod per illas Bullas in quibus extat aliqua clausula derogatoria, ut est illa *nisi in mortis articulo*, intelligitur ablata Episcopis facultas (2).

Sic alias scripseram; sed postea, re maturius perpensa, inveni id communius ab aliis non approbari. Quapropter hic expono ambas sententias, quae adsunt super hoc punctum.

Dubitatum fuit, an Episcopi possint absolvere ab excommunicationibus Papae reservatis occultis, si in Bulla reservationis adsit clausula, a qua, praeterquam a romano Pontifice, nisi in mortis articulo absolvi nequeant? Negat Fagnanus in 2. part. 1. *Decretal. cap. Dilectus* 15. de Temp. Ordin. n. 30. ad 34. quem sequuntur Mattheucci *Offic. Cur. cap. 11. n. 21. Santarell. de Haeresi cap. 5.*

(1) v. in opere de syn. l. 5. c. 5. n. 9.

dub. 1. n. 1. cum aliis. Hoc dicunt ex quodam Decreto S. Cong. approbato a Greg. XIII. stante Bulla S. Pii V. *Decori*, etc. ubi reservata fuit excommunicatio violatae clausurae per illicitum egressum Monialis, cum clausula praedicta, nisi in mortis articulo, etc. Affirmant vero Nav. tom. 3. lib. 5. de Sent. Exc. Consil. 43. Diana part. 7. tr. 2. de potest. Episcop. resol. 20. Sanchez in Decalog. lib. 6. c. 15. n. 76. Suarez de Cens. tom. 5. disp. 41. sect. 2. num. 8. et seq. Bonac. de Cens. disp. 1. quaest. 22. punct. 2. n. 2. ubi late de decreto Tridentini, et tract. de Clausura q. 1. punct. 5. n. 1. Thesaurus de poenis 2. p. praxis verb. Clausuram violans cap. 8. verb. Absolvere, Tamb. de Iure Abbatissar. disp. 19. q. 5. n. 1. Pelliz. de Monialibus c. 5. sect. 2. n. 28. Pignatelli tom. 10. consult. 100. n. 25. Monacell. part. 1. in Append. adnotat. ad Constit. 8. S. Pii V. n. 4. Felix Potestas tom. 1. part. 4. n. 3511. Roder. tom. 1. q. 24. art. 19. Toletus in Summa lib. 1. cap. 41. n. 7. Vincentius Candidus Magister sacri Palatii tom. 1. disquisit. 5. art. 28. Donatus prax. rer. Regul. tom. 4. tr. 4. q. 8. n. 9. Lezana verb. Clausura. n. 20. et plurimi alii, qui dicunt, quod si casus sit occultus, bene potest absolvere Episcopus, vel alius ab eo facultatem habens absolvendi, ex praefato cap. *Liceat* 6., tum quia de Decreto allato S. C. et Declaratione Greg. XIII. non constat authenticè; tum quia testantur auctores citati in praxi oppositum servari, cum revera Episcopi passim absolvant ab huiusmodi excommunicationibus occultis. Haec omnia notavi ex *Bibliotheca p. Ferraris T. V. verb. Moniales*, art. 3. n. 20.

37. Dubitatur 4. utrum Episcopus vigore c. *Liceat* possit absolvere ab excommunicatione papali quam per Bullam N. SS. P. Benedicti XIV. *Sacramentum*, incurrunt confessarii

(2) lib. 6. n. 594. Dubit. 7

absolventessuos complices in peccato turpi? Ex parte una videtur quod non possit, quia cum casus iste per se sit occultus, si Episcopi possent ab illo absolvere, evaderet inutilis Pontificis reservatio; et iam diximus n. 17. quod intelligitur tacite revocatum omne privilegium, quando aliter lex emanata post privilegii concessionem non posset suum effectum sortiri. Ex alia posset quis respondere quod salva Episcopis iam dicta facultate, memorata reservatio non remaneret prorsus inutilis, tum quia evenire potest quod casus aliquando publicus fiat; tum quia reservatio ista saltem Romae suum semper sortitur effectum, et in omnibus aliis locis, in quibus Trid. non est receptum, et in quibus (ut diximus n. 30.) nequeunt Episcopi hoc privilegio gaudere.

38. Dubitatur 5. utrum Episcopis vigore Bullae *Coenae* ablata fuerit praefata Tridentini facultas respectu haeresis occultae, et respectu aliorum casuum per ipsam reservatorum? Negant Nav. Coninc. alique, a quibus non dissentiant Milante Concin. et Salm., dicentes quod in Bulla non fuerit expresse revocata concessio Tridentini quemadmodum oportebat ex cap. *Nonnulli de Rescript.* Sed nos cum sententia communiori affirmamus, et ob plures S. C. Declarationes, tam vigore clausulae derogatoriae, nisi in mortis articulo, quae in Bulla iam legitur, ut diximus antecedenti n. 36. quam vigore alterius clausulae qua prohibetur ab illis absolvere; praetextu quorumvis indultorum per nos, ac cuiusvis Concilii decreta concessorum. Hac de re plures a Fagnano et Card. Lambertino (1) afferunt declarationes etiam S. Pii V. Et Greg. XIII. Insuper ab Alex. VII. damnata fuit proposit. 3. quae dicebat quod prior sententia

a S. C. fuerat *visa et tolerata*. Quae damnatio, ut recte dicunt Viva Holz. Elbel, et Praeaudatus Card. Lambertinus (2), certe reddit improbabilem contrariorum sententiam; nam cum Pontifex declaraverit nunquam illam fuisse toleratam, implicite quoque declaravit non esse tolerandam; unde Lambertinus concludit, quod non sine temeritatis nota quis ea hodie uti possit.

39. Advertendum tamen hic est, quod licet Episcopus in foro interno nequeat ab haeresi occulta absolvere, potest nihilominus tanquam delegatus apostolicus dispensare in irregularitate incursa ob dictam haeresim occultam, ut dicunt Salm. et Felix Potestas (3). Insuper bene potest Episcopus, ut delegatus apostolicus, absolvere haeticum etiam notorium quoad forum externum, facta prius abiuratione coram notario et testibus et postquam absolutus fuerit ab Episcopo delinquens, tunc poterit ipse absolvi a peccato haeresis a quolibet confessario; ita affirmant comm. dd (4).

40. Dubitatur 6. utrum Episcopus absolvere possit ab haeresi, et ab aliis casibus Bullae *Coenae*, impeditos ire Romam? Alii absolute negant; alii negant tantum in haeresi. Sed nos affirmamus communiter posse cum communi sententia theologorum et canonistarum, quam tenent Lug. Laym. Conc. Ronc. Castr. Milant. Salm. Coninc. Avil. Potestas Viva Pelliz., etc. quia stante impedimento, restituitur Episcopis potestas ordinaria, quam prius habebant super dictis casibus vigore c. 23., 29. et 58. de sent. excom., ubi quamvis sermo habeatur tantum de censura ex percussione clerici, tamen commun. dd. extendunt ad omnes alias censuras, et specialiter ex c. *Eos qui 22. eodem tit.*, ubi generaliter sermo habetur de omni censura *Canonis*, vel *hominis*, et dicitur, cum ad illum, a Saneh. Nav. Bannez. Gutti. Comit. Vi. vald. etc. ex Bulla, cum sicut Cl. VII. edita an. 1530.

(1) de synodo l. 7. c. 32. (2) ibid.

(3) L. 7. n. 76. (4) Ronc. tr. 4. q. 1. c. 6. q. 4. p. 81. cum Farinac. et Castr. de Fide tr. 4. d. 4. p. 3. §. 2. n. 1. et 2. tum

quo fuerant absolventi, nequeunt, propter impedimentum, habere recursum, ab alio absolvantur (1).

41. Et notandum hic 1. quod in tali casu impeditenti Episcopus non solum absolvere potest haeresim per seipsum, sed etiam per alios generaliter delegatos. Nec obstat Tridentinum in quo dicitur, quod *eis tantum non Vicariis sit permissum*, quia tunc Episcopus non absolvit in virtute Concilii, sed iuris communis, iuxta quod ex potestate ordinaria conceditur Episcopis absolvere, et delegare ut in aliis casibus (2).

42. Notetur 2. quod respectu eorum qui sunt impediti, veniunt senes, mulieres, infirmi, impuberes, pauperes, et illi qui aliquam habent inimicitiam, et omnes alii qui habent alias iustas excusationes, quibus ab itinere rationabiliter excusentur, ut habetur ex c. *De caetero*, de sent. excomm., et ex c. *Ea noscitur*, et c. *Quamvis*, eod. tit. In hoc autem advertitur, quod si impedimentum sit temporale, et est notabile (durans exempli causa sex, vel septem mensibus), tunc impediti possunt bene absolvi; sed ipsi, exceptis mulieribus et pueris, debent iuramentum praestare se praesentandi, cessante impedimento, Sedi apostolicae, saltem per procuratorem, ut ab illa directe absolvantur; et non se praesentantes reincident in eandem censuram, ut habetur ex cap. *Eos qui*, de sent. excomm. in 6. Et hoc currit, etiamsi emendati sint, et partibus offensis satisfecerint (3).

43. Si vero impedimentum sit perpetuum (id est duraturum per decem annos, vel saltem quinque, ut dicunt Ronc. Viva et Tamb.) absoluti remanent penitus liberi ab obligatione se praesentandi. Sed generaliter loquendo, impediti in perpetuum dicuntur 1. filii familias. 2. Religiosi, etiamsi incurrerint censuram ante ingressum. 3. Senes septuagenarii. 4.

(1) lib. 7. n. 84. (2) n. 90.

(3) n. 85. ad. 87.

Servi. 5. Pauperes. 6. Dammati in vita ad triremes vel carceres. 7. Infirmi morbo gravi et diuturno, ut quartana et simili. 8. Qui alere tenentur, vel ministrare bona familiae. 9. Omnes mulieres, etiamsi non Moniales (excepta excommunicatione quae incurritur a Monialibus ob fractionem clausurae, quamvis occultam, quae semper reservatur Papae ex declaratione Gregorii XIII. ut diximus n. 36.). 10. Impuberes, etiamsi peterent absolvi post pubertatem. 11. Qui convivunt in loco aliquo unde egredi nequeant, ut milites, seminaristae. Et tandem caeteri omnes qui nequeunt Romam ire sine gravi damno vel spirituali, vel temporali (4).

44. Notandum 3. quod taliter impediti secundum probabiliorem communemque sententiam Castr. Avilae Coninch. Milant. Ronc. Salm. Vivae Spor. Dic. aliorumque (contra Bon. et Potestatem), non tenentur recurrere Romam per procuratorem, aut per epistolam; quia stante impedimento (ut diximus n. 40.), restituitur Episcopis potestas ordinaria absolventi, quae ipsis per pontificiam reservationem fuerat ablata. Eo magis quia lex ad aliud non obligat, nisi ad recursum personalem: unde qui personaliter Romam ire impeditur, solvitur omni alia obligatione (5).

45. Notandum 4. quod quando poenitens nequit se Pontifici praesentare, tenetur necessario ad Episcopum habere recursum, ut absolvatur a censura papali, ut habetur ex cap. *De caetero* 1. et c. *Ea noscitur de sent. excomm.* (quid vero dicendum sit in mortis articulo, vide Tr. 16. n. 97.). Quando vero nec etiam se potest Episcopo praesentare (etiam extra mortis periculum) est valde probabile cum Soto Nav. Suar. Castr. Laym. Ronc. Salm. La-Croix etc. quod absolvi possit a quocumque simplici confessario (cum obligatione tamen se praesentandi Episc., cessante impedimento), ut deducitur ex textu

(4) n. 88. (5) n. 89.

in c. *Nuper*, eod. tit. (1). Et tunc dicimus, quod poenitens probabiliter, per se loquendo, ut dicunt Castr. Gers. Sot. s. Antonin. Lug. Salas etc. non tenetur confiteri peccata reservata, nisi quando in illis est recidivus, aut ratione illorum extet in occasione proxima, adeo ut necesse sit illam manifestare, ut confessarius recte iudicare valeat de sua dispositione. Vide quod diximus *Tr.* 15. n. 27. et 28. et *Tr.* 16. n. 133. in fine (2). Et quando poenitens est in mortis articulo, probabiliter etiam praesente Episcopo absolvi potest a casibus papalibus a quocumque confessario; in morte enim (ut diximus) cessat quaecumque reservatio. Vide quae diximus *Tr.* 16. n. 96. et 97. Dicimus a casibus papalibus; sed non a casibus reservatis cum censura ab Episcopo; quoniam confessarius etiam moribundo iniungere debet, quod se praesentet suo Superiori casu quo convalescat, ut accipiat ab eodem tam convenientem admonitionem, quam poenitentiam ob censuras reservatas, quamvis absolutas, iuxta communem sententiam; unde quo modo potest inde absolvere Superiore praesente? (3). Sed transeamus ad reliqua privilegia et facultates quibus gaudent Episcopi.

46. II. Extant in iure quaedam excommunicationes, quarum absolutio tantummodo Episcopis est reservata. Et sunt 1. contra percutientes clericum, vel monachum, vel aliam personam habentem privilegium Canonis. 2. Contra procurantes abortum foetus animati. 3. Contra eos qui absolvuntur in mortis articulo a censura Episcopo reservata, et postea recuperata sanitate non curant se eidem praesentare. 4. Contra fratres minores admittentes in suis ecclesiis ad divina officia fratres tertii Ordinis. 5. Contra communicantes in eodem delicto cum excommunicatis ab Episcopo. 6. Reservantur tandem o-

mnes excommunicationes quas Episcopus sibi reservat (4). Adnotanda autem hic sunt quaedam specialia circa absolutionem excommunicationis ob percussione clericum. Ante omnia distinguenda est percussio levis a gravi (seu mediocri) et ab enormi. Ad incurrendam excommunicationem semper requiritur peccatum mortale. Percussio *levis*, ut habemus ex *Extrav. Perlectis* quam per extensum refert Navarr. (5), est quando intercedit simplex percussio quae fit manu, pede, baculo, et his similibus. *Gravis* quando eruitur dens, quantitas notabilis capillorum, aut quando intervenit aliqua percussio relinquens maculam, aut contusionem in carne, aut quando adest effusio sanguinis pugnis, vel ungulis causata. *Enormis* vero est, quando mutilatur aliquod membrum, aut fit aliquod magnum vulnus; aut vulnus fiat instrumento aliquo; aut adsit magna effusio sanguinis, aut quando irrogatur magna quaedam iniuria. Unde saepe vulnus ex levi potest evadere grave, aut enorme, ratione, aut dignitatis personae offensae, aut scandali, ut si Religiosus clericum percuteret: aut ratione loci sacri, aut publici: aut ratione temporis, ut si e. c. dum fiunt sacrae aliquae functiones, aut tandem si iniuria ipsa per se sit enormis (6).

47. His positis, habetur ex *Extravag. Perlectis* supra cit. quod si excommunicatio incurritur ob percussione levem, potest absolvi ab Episcopo: immo etiam a suo Vicario; haec enim facultas competit Episcopo de iure ordinario, ut dicunt Sanchez Bonac. Molina alique; et iuxta regulam generalem (ut diximus num. 31.) quicquid potest Episcopus ex iurisdictione ordinaria, non vero delegata, idem potest Vicarius, qui cum Episcopo constituit unum idemque tribunal, ut probant Fagnanus Sanch. alique (7). Eadem excommunicatio probabiliter absolvi potest etiam ab

(1) l. 7. n. 92. (2) l. 6. n. 265. quaer. 2.

(3) l. 7. n. 92. (4) n. 213.

Homo Apostolicus

(5) Manual. c. 27. n. 92.

(6) l. 7. n. 277. et 278. (7) n. 279

iis qui habent iurisdictionem quasi episcopalem, quique veniunt sub nomine Episcopi, ut diximus num. 31. Quod si percussio fuerit publica, excommunicatio tantum a Pontifice, aut a suo legato potest absolvi (potest etiam haberi recursus ad S. Poenitentiarium, ut notavimus *Tr.* 19. n. 148. *ad* 1.), sed non ab Episcopo: excipe si fuerit occulta, aut si percutientes essent impuberes, aut mulieres, ut ex *c. Pueri* et *c. Mulieres de Sent. excomm.*, aut si impedirentur Romam ire, iuxta ea quae diximus n. 40. Collegialiter conviventes possunt absolvi ab Episcopo, si percussio fuerit gravis, non vero si fuerit enormis, ut ex *cap. Quoniam, de vita et hon. cler.* (1).

48. Notandum hic 1. quod in dubio utrum percussio fuerit levis, an gravis, iudicatur gravis, ut habemus ex memorata *Extravag. Perlectis*, in qua dicitur: *Potius in dubio esse percussione gravem, et ab ea non posse absolvere.* Notandum 2. quod iuxta sententiam communiorum et probabiliorum, si aliquis det venenum clerico, tunc incurrit censuram, quando venenum coepit nocere, quia tunc adest iam violentia. E contra priusquam noceat, non adest violentia effectiva, sed solum actio apta ad causandam violentiam; ita Bon. Viv. Dian. etc. (2).

49. III. Quoad irregularitates non occultas, Episcopus ex *c. 1. et c. 2. de Filiis Presbyter.* potest dispensare cum illegitimis tantum ad recipiendos Ordines minores, et beneficia simplicia, et canonicatus in collegiatis, ut etiam portiones non integras in ecclesiis cathedralibus, aut alia beneficia quibus sacer Ordo non est adnexus; sed non ad beneficia curata, ut ex *c. Is qui, eod. tit.* In hoc conveniunt omnes. Dubitatur autem 1. utrum Episcopus possit dispensare ad canonicatum in ecclesiis cathedralibus? Et quidem cum probabiliori sententia, et communiori Bossii Castropol. Barbos. Concinae Salmanti-

(1) l. 7. n. 279. (2) n. 280. (3) n. 428.

censium etc. (contra Pontas et Tourn. cum Gibert) dicimus non posse; quavis enim canonicatus in se sit simplex beneficium, tamen vigore Tridentini *sess. 24. c. 12.* est adnexus Ordini sacro; unde hodie de sua natura Ordinem sacrum requirit (3). Dubitatur 2. utrum Episcopus possit generaliter dispensare in huiusmodi irregularitatibus cum illegitimis occultis? Admittunt Diana Avila Barbosa etc. dicentes Tridentinum iam permittere Episcopis posse dispensare in irregularitatibus ex delicto occulto provenientibus. Sed nos negamus cum Suar. Laym. Bonac. Castrop. Tourn. aliisque: quin et ipse Diana quoad hoc se retractavit, ex eo quia huiusmodi irregularitas non oritur ex delicto, sed ex defectu; et etiamsi oriretur ex delicto, *c. Liceat* intelligitur de delicto proprio, non alieno (4). Dubitatur 3. utrum Episcopus valeat dispensare cum illegitimo occulto, saltem ad ministrandum in Ordinibus maioribus iam susceptis? Affirmant Laym. Castr. et Diana, non solum si ille susceperit Ordinem bona fide, sed etiam mala fide; et inferunt ex *cap. Nisi §. Personae, de Renunt.* ubi dicitur posse Episcopum dispensare cum illegitimo occulto qui culpabiliter est ordinatus. Verum omnino negandum est cum Suar. Fill. Salm. etc. ex rationibus supra allatis, quod Episcopus nequeat dispensare circa Ordines maiores. Neque obstat citatus textus, quia illud posse dispensare intelligitur omnino de Papa; ibi enim sermo est de quodam Episcopo hoc modo perperam ordinato (5).

50. Asserunt Navarrus Sanchez Concina aliique cum d. Thoma posse Episcopum dispensare etiam cum bigamo ad suscipiendos Ordines maiores et beneficia simplicia. Sed nos negamus cum Suarez Layman Castr. Tournely Barbosa Bonac. etc. vigore cuiusdam declarationis Sixti V. in qua Pontifex declaravit suspensum et 429. (4) n. 430. (5) n. 431.

quemdam Episcopum ex eo quia contulerat beneficium cuidam bigamo, addiditque Ordinatam incurrisse poenas, utpote perperam promotum (1). Si vero bigamia sit similitudinaria, quamvis ea sit publica, communissima est sententia cum Tolet. Suar. Castrop. Sanch. Salmantic. Tourn. aliisque compluribus, posse Episcopum dispensare etiam quoad suspensionem maiorum Ordinum, et probatur ex cap. 4. de Cler. Coniugat. et cap. 1. Qui Cler. vel Vov. Excipiendum vero communiter si clericus habuerit in uxorem viduam aliquam, aut aliam non virginem: aut si habuerit aliam uxorem ante Ordinationem (2).

51. IV. Ut diximus ab initio, potest Episcopus dispensare in irregularitatibus incursis ob delictum occultum; excepto homicidio voluntario. Circa hoc aiunt quidam doctores, quod his non obstantibus, si homicidium esset taliter occultum, ut nullo modo in iudicio probari posset, tunc posse Episcopum dispensare. Verum haec sententia iure fuit a Salm. reprobata, a Roncaglia etc., quia ex parte una Episcopi nihil possunt super irregularitatibus praeter id quod ipsis a Tridentino concessum est in eodem c. *Liceat*, in quo expresse excipitur homicidium voluntarium occultum. Quod vero nomine *occulti* intelligatur, ut volunt contrarii, id quod in iudicio probari potest, licet non adhuc probatum sit; id gratis omnino asseritur (3). Atque ita declaravit S. C. Concilii die 21. maii 1718. In ea enim cum propositum esset utrum Episcopus posset dispensare in quodam homicidio perpetrato a quodam puero, qui ludens cum alio puero, istum parvo gladiolo vulneraverat, et qui post quadraginta dies ex eodem vulnere mortuus est; ea scilicet ratione, quia delictum istud per decem et octo annorum spatium fuerat occultum; et quia erat

moraliter impossibile ut ad forum deduceretur, S. C. respondit: *Negative. In thesaur. Declarat. S. C. pag. 85.* Caeterum communis sententia est posse Episcopum dispensare, quando immineret periculum animae, aut alia causa gravissima, et difficile esset ad Pontificem habere recursum (4). Insuper communiter asserunt Suarez Castrop. Bonac. Salmanticenses alique, posse Episcopum dispensare in irregularitate per mutilationem occultam (5). Insuper est sententia communissima cum Nav. Sylv. Laym. Bar. etc. posse Episcopum dispensare in irregularitate ob homicidium casuale, non modo occultum, sed etiam notorium, ad suscipiendos Ordines minores, et beneficia simplicia; hoc enim antiquitus iam poterant Episcopi, ut plures dd. testantur; et Tridentinum exceptit tantummodo homicidium voluntarium, non casuale, quamvis publicum (6).

52. Homicidium vero casuale e. c. est, si aliquis volens simpliciter percutere, ob negligentiam occidat, aut si chirurgus ob negligentiam sit causa mortis, et his similia. Dubitatur inde utrum reputetur casuale homicidium commissum in rixa? Multi affirmant ut Diana Salmant. cum aliis; sed nos negamus cum sententia communiori Suarez Navarri Conc. Tamb. Spor. aliorumque cum eodem Diana qui se retractat; nam qui in rixa perpetrat homicidium, iam voluntarie occidit (7). Vide quae diximus Tr. 19. n. 108. Attamen est valde probabilis, et communissima sententia cum Suar. Laym. Nav. Tourn. Bon. et La-Croix (qui eam communem vocat) posse Episcopum dispensare cum eo qui occidit ob propriam defensionem, sed in defensione aliquantum excedit; nam huiusmodi homicidium nequit dici absolute voluntarium.

53. V. Quoad inhabilitates iniunctas a Pontificibus in poenam, dubitatur utrum Episcopus possit dispen-

(1) Apud Fagnan. in c. Quoniam de const. n. 32. (2) l. 7. n. 452. (3) n. 392.

(4) n. 391. (5) n. 381. (6) n. 393
(7) n. 394.

sare: talis v. g. est inhabilitas ad recipienda beneficia, imposita a Sixto V. in sua Bulla *Effraenatum*, procurantibus abortum, et inhabilitas ad celebrandum a Benedicto XIV. iniuncta confessariis sollicitantibus, in sua Bulla, *In generali Congregatione*. Negat Anacletus, et dubitat Roncaglia loquendo de abortu; verum Elbel et Spor. admittunt absolute ob regulam communiter receptam (ut dicunt) a Scoto s. Bonav. aliisque, quod dispensatio ab omnibus poenis impositis a iure communi, et Pontifici specialiter non reservatis, intelligitur concessa Episcopis, ut colligitur ex *cap. Nuper 27. de Sent. exc.* Vide quae diximus *Tr. 2. de Leg. n. 58. (1).*

54. VI. Circa materiam matrimonii Episcopus habet varias dispensandi facultates. Dispensare enim potest in publicationibus, sed de hoc iam dictum est *Tr. 18. (cum sermo fuit de matrimonio) n. 58.* Insuper dispensare potest in voto castitatis emissio a coniugibus; de quo iam satis ibidem *n. 54.* Videndum nunc superest utrum Episcopi habeant aliquam facultatem circa impedimenta dirimentia.

55. In impedimentis dirimentibus solum Pontifex potest dispensare. Quod si impedimentum esset dubium, communissima est sententia posse etiam Episcopum dispensare; ita dicunt Sa Merbes. Tourn. Diana Pichler etc.; et quamvis Sanch. in *Tr. de matrimonio (2)* id neget; tamen in Decalogo (3) videtur se retractasse; ibi enim ait tanquam ex regula generali: *Cum dispensationis reservatio sit odiosa, est restringenda ad casus certos; dubii enim non comprehenduntur sub reservatione*, ut asserit probasse antea *lib. 1. c. 10. n. 74. (4).*

56. E contrario quando impedimentum dirimens esset certum, et

(1) vide l. 1. app. 2. n. 53. et l. 6. n. 705. in fin. et l. 7. n. 353.

(2) Sanch. l. 8. d. 6. n. 18.

matrimonium iam fuisset contractum, est communis sententia posse Episcopum in eo dispensare quoties non facile possit haberi recursus ad Pontificem, et quoties immineret periculum scandalum, aut infamiae si coniuges separarentur, aut incontinentiae, si non separarentur: ita Sanch. Castr. Conc. Merbes. Tourn. Cabass. Nat. ab Alex. Bonac. Barb. Salmant. etc. contra quosdam paucos (5). Sed advertunt hic La-Croix et Felix Potestas, quod si dispensatio potest commode obtineri a S. Poenitentia, et coniuges essent in bona fide, tunc illa est expectanda, et interim sponsi sunt relinquendi in sua bona fide iuxta id quod diximus *Tr. 16. n. 113.* Insuper advertendum est cum Pontio Castr. Barb. Escob. Sanch. Salm. aliisque communiter, non posse Episcopum, si ambo coniuges mala fide contraxerint, tunc enim, si daretur locus huiusmodi dispensationi, daretur ansa celebrandi quotidie matrimonia nulla sub spe dispensationis. Praeterquam quod Tridentinum, *sess. 24. c. 5.* vult omnino privari quicumque scienter contrahit in gradu prohibito. Notandum tamen cum Sanch. Salm. Bann. Conc. Aversa etc. quod ad constituendam in hoc casu malam fidem, oportet ut contrahens non modo scienter factum commiserit, quod scilicet cum coniuncta contraxerit, sed insuper quod sciverit extitisse impedimentum; imo quod de eo veram notitiam habuerit. Concilium enim inquit: *Scienter praesumpserit.* Unde cum ignorantia crassa potest quidem dispensari. Deneganda est insuper dispensatio ei qui contraxit, sed ex malitia publicationes praetermisit, ut habetur ex eodem Concilio loco citato (6).

57. Si vero matrimonium non adhuc contractum sit, probabilissima quoque adest sententia, et est com-

(3) l. 4. c. 40. n. 26. (4) vide opus nostrum l. 6. n. 902 v. cacterum.

(5) n. 1123. (6) n. 1124.

munis quod possit tunc Episcopus dispensare in impedimento dirimenti, quando imminet periculum infamiae, et facilis non est recursus ad Pontificem; ita Suarez Pign. Pont. Conc. Cabass. Castrop. Salm. Bonac. Card. Sylvius La-Croix Viva etc. cum Bened. XIV. (1), contra rigidissimum Fagnan. qui id negat etiam in mortis articulo, et in necessitate legitimandi prolem: sed alii communiter aiunt tunc praesumi aut quod Pontifex deleget Episcopo suam dispensandi facultatem, vel quod in casu tantae necessitatis cesset dispensationis reservatio; et quod tunc Episcopus dispense ex potestate sua ordinaria (2). Immo asserit Pignatel. probatque (3) in tali casu cessare non modo reservationem, sed etiam legem impedimenti, utpote eam, quae iam perniciosa evaserit; cum certum omnino sit legem nocivam non obligare; ut docent omnes cum d. Thoma. Et ex hoc inferunt Roncagl. et Instructor nov. Conf. (ut iam diximus *Tract.* 16. n. 114.) quod adveniente casu quo sponsi iam ad ecclesiam pervenerint, et unus ex ipsis manifestaret confessario impedimentum occultum iam contractum tamquam peccatum, et sine scandalo, aut infamia matrimonium differri non posset, potest tunc confessarius declarare eo casu non obligare legem impedimenti, et posse licite contrahi. Verum ad maiorem cautelam consulunt, ut obtineatur inde dispensatio a S. Poenitentiaria (4). Sed advertendum est hoc currere, quando Episcopus esset absens; quando etenim fieri potest, necessario ad ipsum est recurrendum ut dispense, iuxta ea quae diximus n. 45. Dicunt autem Sambovius et Gibert, quod si contrahentes sint diversarum dioecesium, quisque sponsus debet a proprio Episcopo dispensari. Verum probabiliter id negat Honoratus Tourn. cum

aliis, quia sublato per Episcopum impedimento sui subditi, iam hoc ipso reddit habilem ad contrahendum cum alio impedito: quemadmodum qui habet facultatem dispensandi in aliquo gradu, eo ipso quod dispensat cum uno ex sponsis, dispensat etiam cum alio (5).

58. Quaeritur utrum Episcopus possit aliis delegare hanc facultatem dispensandi in impedimentis dirimentibus in supra narratis casibus? Quidam pauci negant; sed communiter affirmant Castropal. Bonac. Barbosa Silvest. Sanchez Pontius Coninchius Salmant. Escob. etc. Et potest eam delegare non modo in particulari, sed etiam generaliter pro omnibus casibus occurrentibus, ut aiunt Sanch. Castrop. Salmant. Bonac. Elbel Valentia Vasq. Salas Henriq. Coninch. Guttier. etc. Cum enim huiusmodi potestas non industriae personali, sed episcopali officio sit adnexa, ipsa iam reputatur ordinaria, et ideo recte potest delegari, ut notavimus n. 34. Et tanto magis idendum de omnibus aliis facultatibus quas habent Episcopi circa publicationes, et impedimenta impedientia. Advertendum tamen quod hanc facultatem dispensandi non habent Vicarii Episcoporum sine eiusdem speciali commissione; diximus enim n. 31. quod in generali commissione vicariatus non committitur facultas illa, quam habent Episcopi dispensandi in huiusmodi casibus, ob praesumptam Pontificis voluntatem (6).

59. VII. Episcopus dispensare potest in interstitiis a Tridentino praescriptis quoad Ordinationem clericorum. Et 1. quoad Ordines Minores, Concilium remittit prudentiae Episcopi huiusmodi dispensationem, dicens: *Minores Ordines... per temporum interstitia, nisi aliud Episcopo expedire magis videretur, conferantur, sess. 25. c. 11. de Reform.* Quare etiam inter Ordines minores (per se

(1) de Synodo l. 9. c. 2. n. 2.

(2) vide l. 6. n. 1122. et fusius eodem l. n. 613. (3) tom. 3. consult. 33. n. 6.

(4) l. 6. n. 613. (5) n. 1142.

(6) n. 613. et fusius n. 1125.

loquendo) debet aliquid temporis intercedere, scilicet vel ab una generali ordinatione ad aliam, ut quidam asserunt, vel ab uno die festo ad alium, ut quidam alii affirmant. Caeterum, ut dispensetur in huiusmodi interstitiis, quaevis sufficit causa, ut plurimi dd. docent. Inter primam vero Tonsuram et Ordines minores probabilius nullum requiritur intervallum, quia probabilius prima Tonsura non est Ordo. II. Quoad subdiaconatum, Concilium requirit annum intervalli a susceptis minoribus Ordinibus, sed subdit inde: *Nisi necessitas, aut ecclesiae utilitas, iudicio Episc. aliud exposcat, cit. c. 11.* To ecclesiae intelligendum de ecclesia in qua clericus est adscriptus; ut constat ex cap. 2. 3. A subdiaconatu ad diaconatum etiam annus requiritur, sed in hoc potest Episcopus ex quacumque rationabili causa dispensare, inquit enim Concilium: *Nisi aliud Episcopo videatur, sess. 23. c. 13.* IV. Tandem a diaconatu ad sacerdotium annus item requiritur, sed magis rigorose: exigit enim Concilium non modo ecclesiae utilitatem, sed etiam necessitatem, dicens: *Ad minus annum integrum, nisi ob ecclesiae utilitatem, ac necessitatem aliud Episcopo videretur, ib. c. 14. (1).*

60. VIII. Episcopus potest etiam dispensare ad celebrandum in alio altari, aut ecclesia non destinata a fundatore, quando adest aliqua iusta causa: e. c. si hoc ad eiusdem ecclesiae utilitatem redundaret; aut si capellanus morbo detineretur, aut studiis operam daret, vel aliis negotiis; aut si sine magna molestia ad ecclesiam destinatam se conferre nequirit, aut ex similibus aliis rationabilibus causis; ita communiter asserunt Castropal. Concina La-Croix Salmant. Barbosa Ronc. Passerinus Henriq. Tambur. Mazz. alique; tunc enim Episcopus (recte potest, iuxta ea quae dicemus n. 68.) fundatoris voluntatem interpretatur. Merito tamen ex-

(1) vide l. 6. n. 795. (2) n. 329.

capit La-Croix cum Pasqualigo, si fundator ecclesiam designasset et horam ob commodum speciale familiae, vel populi, vel ad cultum alicuius Sancti peculiarem; contra de Lugo et Tournely aiunt, quod si fundator nullum circa hoc finem habuerit, aut si finis iam cessaverit; sacerdos alibi celebrans non nisi venialiter peccat, imo excusatur ab omni culpa si celebret in altari privilegiato; quia tunc redundat in maius bonum eiusdem fundatoris (2).

61. IX. Potest insuper Episcopus dispensare iustis de causis tam secum, quam cum aliis ad celebrandum post meridiem, ut dicunt Lugo Wigandt Navarr. Castrop. Layman Salm. etc. (3).

62. X. Olim ex can. *Missarum 11. de Consecr. Dist. 1.* poterant etiam Episcopi celebrare vel per se, vel per alios sacerdotes in quocumque loco, etiam in privatis domibus. Sed postea a Tridentino, *sess. 22. in decr. de celebr. Miss. etc.* vetitum fuit Episcopis celebrandi licentiam imperiri in aliis locis, praeterquam in oratoriis ab eisdem benedictis, et ad sacros usus destinatis, quae censentur tanquam publica, unde ibidem potest quotidie celebrari. Huiusmodi oratoria debent habere ianuam ad viam publicam; sed hoc non est intelligendum de illis quae in Regularium domibus sunt erecta, aut alicuius communitalis, ut esset in seminariis, conservatoriis, hospitalibus vel in carceribus, quae non requirant ianuam secus viam; et rite potest in diebus solemnibus, quemadmodum S. C. declaravit. Idem dicendum de oratoriis quae habent Episcopi in suis domibus etiam campestribus extra proprias dioeceses (4).

63. Insuper Episcopi olim ex cap. ult. de privil. in 6. cum a suis dioecesibus essent absentes, poterant celebrare per se vel per alios in quacumque domo extra propriam habitationem, Sed Clemens XI. abstulit

(3) n. 344. in fin. (4) n. 352.

ipsis huiusmodi facultatem: verum Innocentius XIII. iterum illam restituit in sua Bulla *Apostolici ministerii*, sub die 3. maii 1723. in qua dixit quod prohibitio non erat intelligenda de domibus in quibus morarentur Episcopi occasione visitationis, vel itineris, ut nec etiam quando Episcopi in casibus a iure permissis absentes moram faciunt in aliena domo. Atque hoc confirmatum fuit per aliam Bullam Benedicti XIII. Sed cum hoc privilegium sit personale Episcopi, ideo advertit Tamburinus, alios sacerdotes, absentibus Episcopis, non posse in dictis domibus celebrare (1).

64. Dubitatur utrum Episcopus possit aliquando dispensare, ut celebretur Missa in domibus privatis? De iure ordinario nec est nec fuit unquam permissum celebrare, nisi in locis sacratissimis, iuxta *can. Sicut* 11. *Dist. 1. de Consecr.* Excipitur tamen primo casus necessitatis, ut in eodem textu habetur. Casus autem hi necessitatis sunt 1. Si ecclesiae sunt dirutae, ut dicitur in *c. Concedimus Dist. 1. de Cons.* 2. Si aliquis sacerdos diu peregrinetur per loca deserta, aut infidelium, ut ex *eod. c. Concedimus*. 3. Quando ecclesia populum non capit. 4. In castris, et in littore maris, si aliter plures carere deberent Sacro. Ita communiter dd. qui citantur a Card. Petra et a Salm. (2). Et hisce casibus quisque sacerdos celebrare potest in altari portatili extra ecclesiam. Advertit tamen Layman (3) cum Suarez et Soto, quod si Episcopus non adest, decet ab ipso licentiam impetrare. Insuper advertit Castr. (4) quod cum casus necessitatis est dubius, potest Episcopus dispensare, iuxta dicta *Tr. c. n. 57.*

Praeterea excipitur, cum Episcopus dispensat ad celebrandum extra ecclesiam in aliquo casu particulari

ex iusta causa: nam licet hodie Episcopi careant facultate impertiendi hanc licentiam eorum arbitrio, quam olim habebant; ut apparet ex *c. Missarum, Dist. 1. de Cons.* ubi permittitur celebrari in locis ab Episcopo consecratis, vel ubi ipse permiserit, et ex *c. Hic ego, ibid.* ubi: *In locis in quibus Episcopus proprius iusserit.* Et clarius expressum fuit *cap. in his 30. de Privil.* ubi Honorius III. decrevit fratres Franciscanos et Dominicanos vigore privilegii apostolici bene posse facere Sacrum in altari portatili sine licentia Episcopi loci, ratione adducta, quia alioquin inutile privilegium evasisset, cum sine ipso bene celebrare potuissent extra ecclesiam solo Ordinarii permissu. Cum autem (verba Pontificis) *nihil eis conferret memorata indulgentia, sine qua id, Praelatis annuentibus, liceret.* Unde merito asserit p. Suarez (5) cum Silvestro Soto et Navarro, olim Episcopos hac facultate pollere indulgendi, ut in privatis aedibus celebraretur permanenter et sine ulla necessitate: *Quia illa (ait Suarez) non erat dispensatio, sed usus propriae potestatis.* Licet, dico, haec facultas ablata est Episcopis a Tridentino, *sess. 22. in Decr. de observ. in cel. Miss.* ubi dictum fuit: *Neve patiantur (Episcopi) privatis in domibus, atque omnino extra ecclesiam, et ad divinum tantum cultum dedicata oratoria, ab eisdem Ordinariis designanda et visitanda, sanctum hoc Sacrificium a saecularibus aut Regularibus quibuscumque peragi.* Attamen communiter dd. consentiunt id intelligi quoad licentiam celebrandi permanentem *per modum habitus*, iuxta facultatem quam prius habebant; sed minime ipsis vetitum fuit hanc licentiam concedere ad tempus *per modum actus*, si iusta adsit causa; ita p. Suarez *loco cit. vers. secundo in fine*, ubi post casum ex-

(1) l. 6. n. 358. (2) Petra tom. 4. in Const. 2. Urb. V. n. 31. Salm. tr. 5. de Miss. Sac. c. 4. ex n. 50. et seqq. (3) Laym. l. 5. tr. 5. c. 5. n. 3.

(4) Cast. t. 22. de Sac. Miss. d. 1. p. 8. n. 5. (5) Suarez t. 3. in 3. d. Thom. part. disput. 81. sect. 3. vers. secundo.

ceptum necessitatis, sic ait: *Item, quia facultas haec est per modum dispensationis; Concilium autem ab Episcopo non abstulit potestatem rationabiliter dispensandi, quam habet in huiusmodi rebus, maxime cum revera sit moraliter necessaria.* Demum addit: *Tandem usus hoc confirmat, quia ita fit sine ullo scrupulo.* Idem dicit Bonacina (1): *Episcopus potest in casu aliquo, iusta concurrente causa dispensare ut Missa extra ecclesiam in loco honesto celebretur, ita Reginald. Beia, et Cenedo.* Deinde se remittit ad dicta alibi (2), ubi scripsit bene posse Episcopum dispensare in legibus canonicis quoad res quae frequenter eveniant, et dispensatione indigent; vel cum occurrit aliqua gravis necessitas, vel gravis utilitas, nec de facili Sedes apostolica adiri potest. Idque conforme est ad ea quae diximus Tr. 2. n. 58. Idem scribit Barbosa (3): *Concilium loquitur de communi modo celebrandi non vero abstulit Episcopis potestatem rationabiliter dispensandi, stante necessitate, vel iusta causa.* Idem scribit Escobar. (4): *Talis autem dispensatio cum rationabili causa non debet inter abusus recenseri; unde potest Episcopus hanc concedere facultatem (celebrandi extra locum sacrum) quando persona nobilis ratione senectutis vel infirmitatis nequit adire ecclesiam ut Missam audiat, et Eucharistiam recipiat.* Idem scribit Laym. (5): *Non videtur haec potestas ablata (Episcopis), occurrente casu necessitatis dispensandi aut semel, aut saepius, quatenus rationabilis causa suaserit; in loco honesto profanis usibus destinato, super altari sacrato Missam celebrare liceat.* Idem scribit Holzman (6): *Excipiens est praeterea casus, quo Epis-*

copus rationabili ex causa dispensat, ut in privatis aedibus, v. g. alicuius infirmi, super altari portatili celebrari possit. Idem scribunt alii plures, ut Salmanticenses Elbel et La-Croix (7) cum Coninch. Rodr. Pasq. Quarti Diana Marcant. Hurtado et Fagund. Itaque praefata sententia merito quidem communis dici potest. Et advertatur quod, cum a citatis dd. nominetur *necessitas* respectu ad dispensationem hanc, non sumitur pro necessitate celebrandi, talis enim necessitas non eget dispensatione, ut scripsimus supra in prima exceptione notata, sed intelligitur necessitas celebrandi, vel audiendi Missam extra ecclesiam, cum subsit iusta causa celebrandi.

Neque hic obstat Decretum Clementis XI. quod opponit p. Mazzotta, sicut nec etiam obstant Decreta Pauli V. et Urbani VIII. quibus praefata dispensatio vetatur Episcopis; quia illa intelliguntur, prout intelligitur Decretum Tridentini, ubi inquit Escobar. et Salm. n. 58. cum Philiberto Hurtado Navar. Quintanad. Diana Fagund. id est, de dispensatione per modum habitus, non iam per modum actus ad tempus pro aliquo casu particulari, existente iusta causa dispensandi. Et quoniam post Concilii Decretum non defuerunt aa. ut Soto et Emmanuel Sa, qui dixerunt non esse gravem culpam celebrare extra ecclesiam, si celebretur in loco honesto; imo Soto scripsit, ut refert p. Suarez (8), nullam in eo adesse culpam, semper ac Missa clam dicitur, ita ut omne scandalum absit; ideo censeo relatos Pontifices id prohibuisse Episcopis Decretis clarioribus et urgentioribus.

Deinde dubitatur, per quot vices haec dispensatio concedi possit. Salm.

(1) Bonac. de Euch. d. 4. q. ult. punct. 9. n. 11. (2) Bon. de leg. d. 1. q. 2. p. 1. n. 19. v. secundo et tertio. (3) Barbosa de Pot. Ep. Alleg. 23. n. 9. (4) Escob. t. 3. de Euch. c. 6. n. 85. (5) Laym l. 5. tr. 5. c. 5. n. 4. v. sec.

(6) Holzm. t. 2. de Euch. c. 2. n. 370. v. Excip. pract. (7) Salm. de Sacrif. Miss. tr. 5. c. 4. n. 56. Elbel. Th. Mor. eod. tit. p. 136. n. 233. Croix l. 6. p. 2. n. 263. (8) Suarez in 3. p. to. 3. dist. 81. sect. 3 in princ.

dicunt semel, vel bis; sed alii, ut Suarez Laym. Bon. Escob. Holzman. et Elbel cum Pasq., etc. indefinite loquuntur, et intelligunt posse dari, durante illa infirmitate, aut alia causa accidentali. Et non sine ratione indefinite loquuntur, cum prohibitio dispensandi intelligitur facta, ut supra ostensum est, tantum quoad dispensationes permanentes, non vero ad illas, quae impertiuntur ad tempus propter aliquam causam transuentem, et certum est prohibitiones tanquam odiosas stricte esse interpretandas. Accedit insuper quaedam declaratio, quam affert de hoc Gallemarte (1), ubi sic dictum fuit: *Permittit Pontifex Ordinarii arbitrio, necessitate personarum, et infirmitatis qualitate pensata, ut pro infirmorum commoditate etiam in privato oratorio, vel altari ad hoc deputato facultatem celebrandi concedat.* Idemque admittit Card. Petra (2) dicens, licere Episcopo licentiam concedere celebrandi domi alicuius insignis personae aegrotantis, ut Missam audiat, et Communionem fruatur. Accedit quod Honorius III. in cit. cap. in his 30. de privil. loquens de facultate celebrandi, dixit in hac re, *benignam potius interpretationem faciendam.* Atqui si huiusmodi licentia impertiri potest ab Episcopis pro saecularibus infirmis, ne Missa careant, ut supra dictum est; tanto magis concedi potest sacerdotibus, qui habent quamdam necessitatem saepe celebrandi, ut infertur ex Tridentino sess. 23. cap. 14. de Reform. ubi dicitur: *Curet Episcopus, ut ii saltem diebus dominicis, et festis solemnibus... missas celebrent.* Quapropter nescirem ipse a veniali culpa excusare sacerdotem, qui valens quotidie celebrare (praeter unum diem in hebdomada ob reverentiam) omitteret ex pigritia Sacrum facere; quandoquidem sacerdos non tantum celebrat pro se,

(1) Gallem. in Trid. sess. 22. Decr. de observ. etc. n. 6. (2) Card. Petr. t. 4. in Const. 2. Urbani II. n. 32.

sed etiam pro tota Ecclesia, cuius minister est constitutus, et pro toto populo christiano, pro quo in altari intercessor adest, ut declaravit Apostolus: *Omnis namque Pontifex ex hominibus assumptus, pro hominibus constituitur in iis quae sunt ad Deum, ut offerat dona, et Sacrificia pro peccatis.* Hebr. 5. 1. Hinc oritur, prout dicebam, quaedam necessitas, quam sacerdos habet celebrandi; ac propterea facilius Episcopi concedere possunt sacerdotibus in aedibus propriis licentiam celebrandi, durante eorum aegritudine.

65. 11. Satis sit quod super hoc puncto dictum est. Ad alia transeamus. In cap. fin. Ne pro dilatione de poen. et remis. legitur concessum Episcopis extra propriam dioecesim commorantibus, Praelatisque minoribus exemptis, quo nomine veniunt Abbates et Superiores locales, et etiam Praelati romanae Curiae, ut protonotarii, auditores Rotae, etc. (ut dicunt Suar. Lugo Diana, etc.) posse sibi eligere confessarium, sine aliqua Ordinarii illius licentia. Sed S. C. declaravit (quod confirmatum est a Greg. XIII. apud Fagnanum) hoc intelligendum esse quod valeant sibi eligere aliquem sacerdotem sibi subditum: vel aliquem non subditum, sed a proprio Ordinario approbatum, id est ab Ordinario domicilii eiusdem sacerdotis, ut explicat Lugo (3). Eodem privilegio gaudent Cardinales, sed non alibi nisi Romae, ut inquit Fagnanus: et valent eligere in confessarium quemlibet sacerdotem tam pro se, quam pro sua familia, quem possunt etiam extra Romam perducere; quod etiam Episcopi est concessum (4).

66. 12. Episcopi sunt delegati Sedis apostolicae ad tuendam clausuram monasteriorum Monialium etiam exemptarum, earumque quae Regularibus sunt subiectae, ut demonstrabimus n. 80. Ex hoc inferunt de A-

(3) videl. 6 n. 565 v. dubitatur hic 1.

(4) ibid. v. dubit. 2.

lex. Bautrins Glericatus Pelliz., etc. (contra Dianam et Pasq.) quod bene quidem possunt Episcopi reservare sibi casus circa clausuram, atque ita declaravit S. C. Concilii die 16. nov. 1720 Quod est intelligendum etiam respectu Iesuitarum, etc. quidquid dictum fuerit *Tr.* 19. n. 43. vide inferius n. 80.

67. Omnes confessarii Monialium etiam exemptarum, debent ab Episcopo approbati, ut praescripsit Greg. XV. in Bulla *Inscrutabili*, quam confirmavit in omnibus Clem. X. cum alia Bulla *Inscrutabili* 7. Benedictus XIII. et nuper Clem. XII. qui in omnibus Gregorii Bullam innovavit (de qua infra n. 80.) etiam quoad ea quae Bened. XIII. contra Gregorii Bullam concesserat (1). Et ideo ait Tamburinus etiam Moniales exemptas incurrere casus ab Episcopo reservatos; quia sicut ille in approbatione limitare potest tempus et personas, ita etiam casus. Sed alii communius et probabilius (Pelliz. Quintanad. et de Alexand.) id negant, quia Moniales exemptae sunt extra iurisdictionem Episcopi; et approbatio confessarii respicit tantum eiusdem idoneitatem: tanto magis, quia in Bulla Clem. X. *Superna*, dicitur Episcopus posse limitare tempus, locum, et personas; et nulla fit mentio casuum (2). Verum hoc non currit quoad clausuram, circa quam bene potest Episcopus tam casum, quam censuram sibi reservare, ut diximus *Tr.* 19. n. 43. et iuxta quae dicemus n. 80. Insuper advertendum est, quod per Bullam *Pastoralis* Bened. XIV. potest Episcopus assignare confessarium extraordinarium Monialibus exemptis, si illarum Praelatus regularis illum concedere recusaret (qui esse debet alterius Ordinis, vel secularis), et hoc non solum in morte, sed etiam in vita singulis annis (3).

68. 13. Plures dd. asserunt, ut An-

- (1) l. 6. n. 577. (2) n. 602. quaer. 6.
(3) n. 576. (4) vide plura de hoc l.

gelus Sylvester Armilla Tabiena, aliique cum Croix (qui illis adhaeret) posse Episcopum ex iusta causa commutare pias testatorum dispositiones, ex eo quia ipsi habent dispensandi potestatem in lege quae iubet impleri ultimas voluntates, quoties adsit iusta causa; idque confirmant ex Tridentino *sess.* 22. c. 6. Sed hoc negamus cum sententia probabiliori Molinae Layman Sanchez, etc., quia in *cap. Tua de Test.* et in *cap. 8.* eiusdem *sess.* 22. a Concilio iubentur Episcopi adamussim exequi ultimas voluntates. Neque obstat quod opponunt, et quod legitur in eodem *cap. 8.*, quia ibi tantummodo committitur Episcopis ut examinent causas utrum verae sint nec ne, quando ultimae voluntates a Sede apostolica commutantur. Tanto magis quia in Clem. *Quia contingit de Reliq. dom.* dicitur bona in aliquem usum applicanda, non posse in alio nisi a Sede apostolica applicari. Caeterum est valde probabile quod dicunt Laym. Bon. Salm. Coninch. et Trull., quod sive superveniat aliqua causa, sive testator ignoraverit aliquam causam, quam si cognovisset, aliter disposuisset; tunc Episcopus potest opus commutare, sed una cum haerede; quamvis, si haeres contradicat, asserant plures dd. posse id facere Episcopum illo contradicente (4).

69. 14. Dicunt insuper dd. ut Viva Diana Trullenchiuse Bussembaum, aliique, posse ab Episcopo fieri compositionem incertarum restitutionum (illarum scilicet quarum dominus est incertus) quae pauperibus sunt erogandae; quoniam (ut ipsi dicunt) huiusmodi compositio nulla lege Episcopis reservatur; et contra ipsa est iuxta praesumptam creditorum voluntatem. Sed magis rationabiliter contradicunt Lugo Molina Turrianus Corduba, et alii, quia talium bonorum administratio pertinet tantummodo ad Pontificem, vel ad Principem (5). Et

3. n. 931. quaer. 2. (5) n. 592. v. notat autem.

re quidem vera Pontifex Benedictus XIV. in Bulla *Pastor bonus* (23. aprilis 1744.) huiusmodi facultatem S. Poenitentiarie concedit (1). Vide *Tr.* 19. n. 148. ad 10.

70. 15. Affirmant quoque La-Croix Tamb. et Pasqual. posse ab Episcopo minui numerum Missarum a testatore relictarum, quoties ob elemosynae parvitatem, qui Missas celebraret, non inveniretur. Sed hic se opponit p. Concina, et quidem rationabiliter; nam Decretum S. C. emanatum iussu Urbani VIII. et confirmatum ab Innoc. XII., prohibet districte Episcopis reductionem moderationem, aut commutationem onerum Missarum impositarum in *limine foundationis*, et post Tridentinum, volens quoad hoc omnino ad Sedem apostolicam recursum haberi. Quia recte ibidem declaratum fuit, quod facultas concessa Episcopis, aliisque a Concilio, *sess.* 25. c. 4. *de Reform.* intelligenda est pro reductione Missarum relictarum ante Concilium. Caeterum ait Fagnan. cum Felino, quod si ab initio reditus erant sufficientes, et deinde taliter fuerint imminuti, ut nullo modo sufficiant, tunc non videri ablatam facultatem quam habent Episcopi de iure communi moderandi Missas iuxta c. *Non quidem de Testam.* (2).

71. Iam superius dictum est n. 53. posse probabiliter Episcopum dispensare in omnibus in quibus dispensatio non est specialiter Pontifici reservata. Quid vero possint Episcopi circa relaxationem iuramenti, et circa commutationem, aut dispensationem votorum, diximus *Tr.* 5. n. 19. 42. et *seq.* Notandum hic denique posse ab Episcopo, iuxta Trident. *sess.* 21. c. 7. uniri, aut transferri ad aliam ecclesiam beneficia simplicia iam ad tenuitatem redacta, aut fundata in aliqua ecclesia quae lapsu temporis iam corruerit adeo ut nequeat amplius reparari, vide Bar-

bosam (3). Insuper Episcopus potest unire seminarii beneficia simplicia etiam reservata, aut affecta, aut vacantia in curia Romana; Trid. *sess.* 23. c. 18. Insuper tempore visitationis potest Episcopus cogere parochianos ad necessaria parochia subministranda; Trident. *sess.* 21. c. 4. Potest etiam novas parochias erigere, et de matricis fructibus dotare si haec abundet, sed sine praeiudicio possessoris; Trid. *eod. loco.* Potest etiam duas parochias unire, si divisae nequeant singulae suum parochum sustentare; dummodo populus non adeo distet, ut non sufficiat unius parochi assistentia; *ibid.* c. 5.

CAPUT IV.

DE PRIVILEGIIS REGULARIUM.

PUNCTUM I.

De privilegiis spectantibus ad omnes Regulares in communi.

- 72. 73. 74. I. *De exemptione a iurisdictione Episcoporum.*
- 75. *Casus excepti, praecipue circa celebrationem Missarum.*
- 76. *Declaratio S. C.*
- 77. *Quibus casibus potest Episcopus obligare Regulares, etc.*
- 78. *Utrum Regulares teneantur praeceptis Episcoporum.*
- 79. *Utrum Episcopus possit eos visitare.*
- 80. *Utrum visitare clausuram Monasterium.*
- 81. *Utrum petere rationem Missarum relictarum, etc.*
- 82. et 83. *Quibus casibus possit criminaliter procedere, etc.*
- 84. ad 87. II. *De obligatione decimarum.*
- 88. III. *Circa fundationes.*
- 89. *De monasteriis Episcopo subiectis.*
- 90. IV. *De iudice conservatore.*
- 91. et 92. V. *De sepultura.*
- 93. et 94. *De portione canonica, etc.*

72. I. Regulares habent privilegium exemptionis a iurisdictione Episcoporum, nam Praelati regulares habent in suis ecclesiis et monasteriis iurisdictionem quasi episcopalem, tam quoad personas, quam loca, sicut probant Salmant. qui agunt fuv. dubit. 1. (3) Barb. de Potest. Episc. All. 66. ex n. 15.

(1) l. 7. n. 470. de facultat. s. poenitentiarie ad 10. (2) vide l. 6. n. 331.

sus de omnibus privilegiis praedictis in hoc puncto; sed nos solum adnotabimus hic res magis principales (1).

73. Itaque quoad praedictam exemptionem adnotandum primo, quod in dubio alicuius privilegii, decisio spectat ad summum Pontificem, quem admodum declaratum fuit a Clemente IV., et ab aliis Pontificibus (2). Adnotandum secundo quod huic privilegio exemptionis Regulares cedere non possunt, sicuti habetur ex *cap. Cum tempore de arbitris*, quia id redundaret in damnum religionis: quare nulla consuetudo in contrarium potest in hoc praevaleare (3).

74. Notandum tertio, hoc privilegio gaudere, non solum professos et conversos, sed etiam novitios, qui in favorabilibus veniunt sub nomine Religiosorum; et etiam Tertiarios et beatos, sicuti dictum est numero 8. Servi etiam Regularium qui actu famulantur, et resident intra claustra monasteriorum et vivunt sub obedientia, iuxta Tridentinum, *sess. 24. de Regul. et Monial. c. 11.*, eximuntur a iurisdictione Episcoporum, tam quoad censuras (iuxta Bullam Alexandri IV. apud Salmant.) quam etiam quoad Communionem paschalem (4). Notandum quarto quod apostatae et fugitivi possint capi ab Episcopis, sed solummodo ut consignentur suis Superioribus. Episcopus solum eos posset punire in casu quo eorum monasteria essent in longinquo posita, et ipsi moniti nollent regredi iuxta Trident. *sess. 6. c. 3. de Reform.* (5). Vide alia, quae de hac re dicuntur num. 82. et 83. Notandum quinto quod Saeculares in monasteriis existentes si ibi patrent aliquod delictum, non incurrunt poenas ab Episcopo impositas (6). Excipiatur, si contravenirent Ordinibus Episcopi circa Missarum celebrationem; sicuti dicitur in fine sequentis numeri.

(1) Salm. tr. 18. c. 3. n. 3. (2) ib. n. 6. (3) ib. n. 7. (4) ib. n. 8. et vide opus nostrum l. 6. n. 240. in fine, et l. 1. App. 2. de privil. n. 73. et seq. (5) Salm. eodem n. 8. (6) Salm. ibid. n. 9. et tract. 10. de

75. Sexto adnotantur e contrario multa hoc in loco, in quibus Regulares non eximuntur ab Episcoporum iurisdictione. Et primo sine Episcoporum licentia nequeunt Regulares aedificare monasteria iuxta Bullam Urbani VIII. die 28. Augusti 1624. Et animadvertatur quod in Bulla Gregorii XV. *Alias*, prohibetur Episcopis dare hanc licentiam, si in monasterio nequeant ali redditibus, aut eleemosynis saltem duodecim Religiosi; sed hoc non intelligitur quoad hospitia, ut dicunt Barbosa Peirinus et caeteri. Secundo Regulares non possunt in lucem libros edere sine Episcopi licentia, ut ex Tridentino, *sess. 4. Decr. de Edit. librorum* (7). 3. Episcopus potest cogere Religiosos ad restituendum novitiis, qui nolunt professionem emittere, totum id quod attulerunt in ingressu (8). 4. Dispositio facienda a novitio, nisi ante duos menses, quam profiteatur, fieri non potest (iuxta Trident., *sess. 25. de Regul. et Monial. c. 16.*) absque licentia Episcopi, aut Vicarii. 5. Episcopus habet potestatem cognoscendi simul cum Superiore Religiosi de causa nullitatis professionis (9). 6. Episcopus, aut alius ab eo deputatus, debet scrutari voluntatem virginum, quando ingradientur aut profitentur in monasteriis; ex Trident. *sess. 25. de Regul. et Monial. c. 17.* Sed id debet efficere intra quindecim dierum spatium, aliter non potest hac in re se amplius ingerere. 7. Episcopus potest prohibere, ne in monasteria Monialium, etiam exemptarum, suscipiatur ultra numerum earum quae possint inibi ali iuxta reddituum facultatem, sicuti statutum fuit in Bulla s. Pii V. (10). 8. Episcopus potest cogere Monachos, qui permanentes degunt extra monasteriorum claustra, propter debita ab ipsis contracta cum pauperibus per-

censur. c. 5. n. 113. cum Laym. Avila Peirin. Garzia, et aliis pluribus. (7) Salmant. tr. 18. c. 3. n. 10. 11. et 12. (8) vide Salmant. tr. 15. c. 3. n. 76. (9) ib. c. 5. n. 15. (10) Salm. tr. 18. c. 3. n. 14.

sonis, ut sunt papilli, viduae, etc. (1). 9. Episcopus potest adstringere Religiosos, ut processionibus intersint, iuxta Trid. sess. 25. cap. 13., dummodo eos vocet non per publicum Edictum, sed medio aliquo nuntio personaliter (2). 10. Episcopus habet iurisdictionem supra monasteria, in quibus non possunt alii (3). Religiosi, ut dicitur num. 88. ad 3. Denique excipiuntur Episcoporum ordinationes circa Missarum celebrationes: etenim quoad hoc statuit Tridentinum, sess. 22. de Observat. in Celebr. ut Episcopi se gerant velut delegatos apostolicos, dicens: *Ut non solum ea ipsa sed quaecumque alia huc pertinere visa fuerint, ipsi... ut delegati Sedis apostolicae prohibeant, mandent, etc.: atque ad ea inviolate servanda censuris ecclesiasticis, aliisque poenis... fidelem populum compellant: non obstantibus privilegiis, exemptionibus ac consuetudinibus quibuscumque.* Idem hic notandum quod adest resp. S. C. ad Episcop. Nebiens 7. Febr. 1632. (lib. 14. Decret. p. 561. a tergo), ubi generaliter loquendo dictum fuit: *In his in quibus a iure communi, a s. Concilio Trident. a Constit. apostolicis tributa est Episcopo iurisdicatio in Regulares, potest illos etiam per censuras ecclesiasticas compellere.* Et idem decum fuit die 4. Iunii 1672. (lib. 27. Decret. pag. 406.). Quare sicut bene advertit Benedictus XIV. (5) Episcopi quoad celebrandas Missas possunt adigere omnes, quamvis Regulares, ad observandum non solum ea, quae statuuntur a Concilio, sed etiam quae statuuntur a seipsis. Quare recte Eminentissimus Cardinalis Spinelli, cum esset Archiepiscopus Neapolis, die quinta Ianuarii 1743. praecepit sub poena suspensionis a Divinis, etiam Regularibus, ne admitterent ad celebrandum in suis ecclesiis aliquem sacerdotem advenam

sine licentia Ordinarii.

76. Adnotantur alia, quae declarata fuere a S. C. in Decreto die secundo Iulii 1520. Et 1. Regulares possunt recipere, quae a devotis offeruntur, sed non mendicando per ecclesiam. 2. Non possunt uti pallio aut pluviali per parochiam extra eorum ecclesias, aut earum recinctum: neque possunt facere processiones, dummodo non habeant pro se consuetudinem in contrarium, ut dicunt Rodriq. Bordon. et Villalobos (4). 3. Vocati ad funeralia debent ire ad ecclesiam, ubi manet clerus iam coactus; sed in hoc dicunt Salmantic. cum Lezana, esse consuetudinem in contrarium (5). 4. Non potest vetari Regularibus ne celebrent Missam in suis ecclesiis ante Missam parochialem, et ne pulsant campanas, uti declaravit s. Pius V. in Constit. *Etsi Mendicantium*, § 2. 5. Regulares nequeunt publicare matrimonia. 6. Possunt ipsi concionari in suis ecclesiis, tempore Adventus et Quadragesimae, quamvis in parochia sermocinetur (6).

77. In tribus casibus potest Episcopus cogere Regulares ad obediendum, etiam adhibitis censuris: 1. est ad restituendas res novitiis, ut dictum est, iuxta Tridentinum, sess. 25. c. 16.; 2. ad observandam clausuram, loquendo de Monialibus, Trid. ib. c. 5.; 3. ad observandum totum id, quod ab Episcopo statutum est quoad Missarum celebrationem, ut dictum est n. 75. Et circa id refert Bened. XIV. (7) duo Decret. S. C. Concilii, in quibus dictum fuit, quod Episcopi ut delegati apostolici possint etiam censuris cogere Religiosos, et procedere adversus eosdem, si admittant ad celebrandum in suis ecclesiis advenas sine Episcopi licentia, iuxta Tridentinum, sess. 22. *Decr. de Obs. in Cel.*, ubi praeceptum fuit, praesertim Episcopis: *Interdicant, ne cui vago, vel ignoto sacerdoti Missas celebrare li-*

(1) Salm. tr. 18. c. 3. n. 15.

(2) ibid. n. 16. et 17.

(3) De Synod. lib. 9. c. 15. n. 5.

(4) vide Salm. tr. 18. c. 3. n. 18 et 19.

(5) ibid. n. 19. (6) ibid.

(7) De Synod. l. 9. c. 15. n. 5.

ceat. An deinde in aliis casibus supracitatis possit Episcopus cogere censura Regulares: affirmant Barbosa Garcia et alii; sed communius negant Sanchez Lezana et Salmanticum aliis, propter multa privilegia papalia, quae hac de re afferunt; et addunt cum Barbosa, Diana, Lezana (contra alios) quod Episcopus ne denuntiare quidem potest Regulares excommunicatos, etiam ob publicum delictum (1).

78. Quaeritur primo utrum Regulares obligentur Decretis synodorum provincialium, aut dioecesanarum, aut aliis Episcopi praeceptis? Certum est Regulares non teneri interesse dictis synodis, dummodo non essent parochi, sicut habetur ex Trident., *sess.* 24. c. 2. et ex pluribus Decretis S. C. Deinde quoad quaesitum Vasq. Sanch. Becanus alique dicunt eos obligari ad eorum omnium observantiam, quae non praeiudicant observantiae regulari; sed non intelligitur quoad vim coactivam; ita ut contraveniendo non incurrant aliquam poenam, sed solummodo quoad vim directivam, id est, ut se conforment reipublicae, cuius sunt partes. Alii tamen, ut Suar. Lezana Salm. etc. id negant (dummodo hoc necessarium non sit ad evitandum scandalum, aut casus non esset, in quo Religiosus aliquis haberet aliquod munus dependens ab Episcopo, ut munus parochi, confessoris, concionatoris, etc.). Et id probant ex *cap. 1. de Privil. in 6.*, ubi dicitur Regulares eximi a praeceptis Episcoporum, exceptis casibus in iure expressis. Rationem deinde adversariorum dicunt valere, quando partes sunt homogeneae, non autem, cum sunt heterogeneae, ut sunt Religiosi, qui non perinde ac saeculares multa alia onera particularia habent. Caeterum in duobus ulla sine haesitatione ipsi obligantur ad obediendum, ut dicitur in Trident.

(1) Salmant. c. 3. §. 3. per totum.

(2) vide Salmant. tr. 18. c. 3. §. 4. per totum.

sess. 25. c. 12. 1. quoad observantiam interdicti positi ab Episcopo semper ac observatur ab Ecclesia matrice; 2. quoad observanda festa ab Episcopo statuta (2); praeter ordinationes circa Missarum celebrationem, ut dictum est superius n. 75. *circa finem.* Praeterea notetur Episcopum posse Regularibus interdicare auditum confessionum in propriis aedibus sive cellis, iuxta Decretum S. C. emanatum an. 1617. 15. Sept. et videri potest apud p. Ferraris (3). Potest etiam vetare omnibus confessariis audientiam confessionum mulierum, aut puellarum extra confessionarium sub poena suspensionis ab audiendis confessionibus ex Decreto s. Congr. 18. Decemb. 1693. apud eundem Ferraris (4).

79. Quaeritur secundo utrum Episcopi possint visitare personas et monasteria Regularium? Communiter loquendo, certum est ex c. Nulli 16. *quaest.* 1., et ex Tridentino, *sess.* 23. c. 8., exemptas esse a visitatione Episcopi, tam personas, quam monasteria et ecclesias Regularium (dummodo in illis degant duodecim Religiosi. Vide num. 88.). Et iuxta plures declarationes sacrae Congregationis etiam ecclesias parochiales Saecularium, quae subduntur Regularibus, et ubi parochus est Religiosus, qui, si delinqueret etiam circa suum officium, non potest ab Episcopo puniri. Sed hoc non obstante nunc praeter Bullam Gregor. XV. *Inscrutabili* a Bened. XIV. declaratum atque definitum est in Bulla *Cum nuper* edita 8. Nov. an. 1751. huiusmodi subiectos esse Episcopo in his quae vel ad ipsum spectant exercitium curae animarum, vel etiam ad eorum vitam et mores pertinent. Sed fusius idem Bened. XIV. de hac re agit in quadam Bulla peculiari *Firmandis*, edita die 6. Novemb. 1744. ubi plura statuit. 1. Quod parochi regulares omnimode subsunt iurisdictioni,

(3) Ferr. bibl. v. confessarius a. 4. n. 8.

(4) idem loc. cit. n. 10.

correctioni et visitationi Episcopi, in iis quae concernunt curam animarum et proprios mores. 2. Quoad visitationem localem, possunt visitari altare, in quo ss. Eucharistiae Sacramentum asservatur, sacrum tabernaculum, fons baptismalis, confessionale in quo residet parochus, pulpitum e quo parochus concionatur, sacrarium ad inspiciendam sacram suppellectilem, sepulcrum parochianorum, eorumque caemeterium, turris campanaria, si adsint ibi campanae parochiales, et omnia sacra vasa. 3. Quoad personalem, debet scrutari vitam ac mores curati, quatenus ea quae extra claustrum prodierint: item examinare an titulo legitimo eam curam exerceat, an resideat, an ad Synodum vocatus iverit, an conferentias casuum conscientiae habeat frequenter, an onera curae adimpleverit, an Missam pro populo applicaverit, an festis diebus concionatus fuerit, etc., an vacet confessionibus audiendis, an aegrotantibus assistentiam praestiterit, an pueros ante Confirmationem et Communionem instruxerit; an de matrimonii impedimentis inquisiverit, et an sponsi in rebus Fidei sint edocti, et an recte ordinatos habeat liberos parochiales. 4. Quod licet Superiores regulares non possint deputare aliquem ad curam sine Episcopi approbatione, possunt tamen eum remove illo inscio, et ita pariter Episcopus potest cura illum privare sine consensu Superioris, si id iusta causa expostulet, etc. Potest etiam visitare ecclesias adnexas, et subditas monasteriis, si earum administratio sit penes parochos saeculares, prout pluries declaravit s. Congreg. apud Bellarminum et Barbosa: excipe, si incorporatae essent monasteriis, aut nullius esset dioecesis. Possunt praeterea Episcopi visitare confraternitates Saecularium fundatas in monasteriis, sed dumtaxat quoad administrationem bonorum, non quoad altaria, ut ex Trid. sess. 25. c. 20. et ex pluribus De-

cretis sacrae Congregationis. Excipiuntur insuper illae quarum Praefectus est Religiosus ex privilegio Gregorii XIII., cui nulla contraria consuetudo potest obstare (1).

80. Quaeritur tertio utrum Episcopi possint visitare claustra monialium exemptarum? Negant Salmanticensenses cum Navarro Sanchez Bonac. Pelliz. etc. ex c. *Periculoso de statu Monach.* in 6., ubi cura claustrum Monialium exemptarum manifeste conceditur Superioribus regularibus. Neque obstat (ut aiunt) Tridentinum, sess. 25. cap. 5., ex quo contendunt patroni adversae sententiae, Episcopos esse delegatos apostolicos quoad claustrum Monialium exemptarum, cum ibi statuatur ut ipsi curent, ut restituatur aut conservetur claustrum in omnibus monasteriis sibi subiectis ordinaria, in aliis vero Sedis apostolicae auctoritate. Etenim respondent, quod pro illo in aliis, etc. non intelligantur monasteria Regularibus subiecta, sed subiecta immediate Pontifici, quod asserunt declaratum fuisse per Pium V. in sua Bulla *Circa Pastoralis*; eo magis quia Concilium in loco praedicto renovat, non revocat citatum textum *Periculoso*. His non obstantibus contraria sententia amplectenda est cum Barbos. Gavant. Lezan. etc., quia, licet non obstaret Tridentinum, nihilominus obstat e quidem Bulla Gregorii XV. *Inscrutabilis* anni 1622., in qua dictum fuit, 1. Ut Regulares nequeant destinare alium ad audiendas Monialium confessiones, praeter eum, qui fuerit approbatus ab Ordinario (et in hoc animadvertendum est quod praeterea statuit Bened. XIV. in Bulla *Pastoralis* die 5. Augusti 1748. confirmans Bullam, *Apostolici ministerii*, Benedicti XIII.; quod scilicet si regularis Superior negligeret assignare saltem semel in anno confessarium extraordinarium, aut saecularem, aut alterius Ordinis, quemadmodum Pontifex praecepit, possit illum assignare (1) Salm. tr. 18. c. 3. n. 31. ad 36,

diocesis Episcopus). 2. Statuit Gregorius XV., ut administratores monasteriorum dictarum Monialium debeant rationem reddere Episcopo administrationis bonorum. 3. Ut Episcopus valeat remove confessorium, aut alium administratorem monasterii, si Superior monitus illum non removeat. 4. Ut Episcopus praesidere possit electioni Abbatissae. Ac quinto specialiter fuit statutum, ut Episcopus possit corrigere et punire, veluti delegatus apostolicae Sedis, eos omnes qui aliquid admittunt adversus clausuram Monialium, etiam exemptarum. Placet hic adnotare verba Bullae: *Tam saeculares, quam Regulares nullius privilegii tueri se possint, quominus, si deliquerint circa personas intra septa degentes, aut circa clausuram Monialium, etiam Regularibus subiectarum, ab Episcopo tamquam ad hoc Sedis apostolicae delegato, puniri et corrigi valeant* (1). Et ibidem refert Barbosa Decretum quoddam sacrae Congregationis, ubi statuitur, quod nullimode possit impediri Episcopis, quin visitent monasteria exempta, et Regularibus subiecta quoad observantiam clausurae, et qui praesumit impedire, post tertiam monitionem incurrit excommunicationem ipso facto ex Clem. *Attendentes, de statu Mon.* (2). Praeterea hoc in loco adnotandum est, quod Clemens X., et Clemens XII. praeceperunt, ut observaretur Bulla Gregorii XV. *non obstante quacumque contraria consuetudine.*

81. Quaeritur 4. utrum Episcopi exigere queant a Regularibus rationem haereditatis relictæ cum onere Missarum, aut legatorum satisfaciendorum saecularibus? Videntur posse, ex eo quod eruitur ex Tridentino, *sess. 22. c. 8.*, ubi praebetur Episcopis potestas visitandi omnia legata pia, non obstante quocumque privilegio in contrarium. Et dicunt Sal-

(1) Vide Barbosam de potest. Episc. All. 102. n. 7. et Salm. tr. 18. c. 3. n. 37. ad 39.

manticenses, quod ex hoc recte sententia ista redderetur probabilis. Sed ipsi deinde id negant ob multa privilegia Regularibus concessa, praesertim per Pium V., in quibus declarantur exempta Religiosorum bona a quacumque Episcopi iurisdictione, non obstantibus quibuscumque Constitutionibus apostolicis et Conciliis (3).

82. Quaeritur 5. utrum Episcopus ia alia causa possit procedere criminaliter contra Regulares? Dictum est Regulares exemptos esse ab Episcoporum iurisdictione, praeterquam in casibus in iure expressis. Praeter id quod spectat ad Missarum celebrationem et clausuram Monialium, in duobus aliis casibus possunt ex Tridentino Episcopi contra eos procedere. 1. Si Regularis aliquis patraret delictum, degendo extra monasterium, Trid. *sess. 6. c. 5.* Sed hoc intelligitur eorum respectu, qui permanenter extra monasterium habitant, non vero quoad illum Religiosum, qui extra maneret causa confessionum excipiendarum, aut concionandi, aut alterius negotii ad tempus; aut incoheret pagum, aut locum alium dependentem a monasterio ob negotia religionis. Sed hic oritur dubitatio, utrum possit Episcopus punire illum delinquentem, qui habitaret alium locum ob longum tempus ex licentia sui Superioris? Alii affirmant, veluti Tambur. Barbosa Lezana etc. pluribus innixi declarationibus S. Congr. Alii quemadmodum Salmanticenses cum Sanchez Silvest. Peyrino Bordonio etc. negant ex c. *Ex Rescripto de iureiur.* ubi dicitur, quod qui manet extra monasterium ex licentia Superioris, indicetur in monasterio manere. Quare aiunt, quod tam Concilium, quam praedictæ declarationes vigere intelligantur in eos qui extra monasterium morantur sine licentia, aut in loco adeo remoto ab eorum Superiore, ut puniri non pos-

(2) vide de Alex. de Monial. c. 6. §. 4. q. 3.

(3) Salm. tr. 18. o. 3. n. 40. ad 42.

sint, nisi post longissimum tempus (1).

83. Secundus casus est, cum Religiosus, etiam degens in monasterio, extra illud delinqueret cum publico populi scandalo, et Superior eum non puniret. Trident. *sess.* 25. *cap.* 14. Et quia Superiores quidam transmittabant huiusmodi delinquentes extra dioecesim, ut immunes essent a poena, statuit Clemens VIII. anno 1596. in Bulla *Suscepti oneris*, ut in tali casu, instante Episcopo, Superior infra tempus ab Episcopo praescriptum revocare debeat delinquentem, et punire; alias possit eum castigare Episcopus loci, quo ipse transmissus est (2). Adnotant deinde Salmanticenses cum aliis 1. ut huiusmodi Concilii Decretum vigere debeat cum delictum est notorium etiam facti publicitate. 2. Ut non valeat adversus Superiores delinquentes, qui in odiosis non includuntur sub nomine Regularium, quemadmodum ait Concilium. 3. Ut Episcopus procedere non possit, nisi postquam pluries monuerit Superiorem, ut delinquentem puniret, et ille neglexerit. Si tamen Episcopus delinquentem in actuali delicto interciperet, potest illum capere (sicut dictum fuit), sed ut statim eum transmittat ad Superiorem; et quando crimen fuisset gravis scandalum, potest etiam eundem retinere in carcere, ut transmittat infra 25. saltem horarum spatium. Superior deinde praebere Episcopo debet sufficientia argumenta sequutae punitionis. Episcopus, licet capere possit summariam informationem, ut eam ad Superiorem transferat, non potest tamen iudicium efformare processum adversus reum: sed si forte efformasset, probabile est eo Superiorem uti posse ad procedendum in suum Religiosum, ut aiunt Salmanticenses cum aliis (3).

84. Secundo. Regulares privilegium habent exemptionis a contributione Decimarum. Arrepta occasione, op-

(1) Salm. tr. 18. c. 3. n. 40. ad 46.

(2) Salm. ibid. (3) ib. n. 50. et 51.

(4) ib. n. 52. et 54. (5) ib. n. 55.

Homo Apostolicus

portune hoc in loco adnotantur quaedam circa Decimas. Decimae dicuntur illa fructuum portio, aut industriarum personalium quae a fidelibus tribuenda est Ecclesiae ministris, pro eorum sustentatione. Revera Decimae debentur ex iure divino naturali; sed quoad quantitatem, id est decimam partem, sunt ex iure ecclesiastico, cum cessaverit ius antiquum divinum ut iudiciale. Hinc fit 1. Pontificem posse quemlibet eximere ex onere decimarum; Pontificem, inquam, non Episcopos: ipsi dumtaxat possunt ex Trident. *sess.* 21. c. 5. 6. et 7. applicare decimas unius loci ad alium, et unire ac separare beneficia (4). Inferitur 2. quod consuetudo rite potest aliquos eximere a solvendis Decimis, dummodo remaneat id quod sufficit ad congruam Ecclesiasticorum sustentationem; sed huiusmodi consuetudo praescriptionem quadraginta annorum non interruptorum habere debet, licet ab initio, nec titulus, nec bona fides interfuerint: ad praescriptionem deinde (accipiendo vocem prout sonat praescriptio, non ut consuetudo) necessaria sunt bona fides, et quadraginta anni cum titulo; sine autem titulo requiritur tempus immemorabile. Pro futuris Decimis fieri potest compositio: sed etiam solummodo a Pontifice non ab Episcopo, nisi fieret inter unam et aliam ecclesiam. Dictum est pro futuris, quia praeteritas remittere potest etiam ille, cui debentur (5).

85. Olim Decimae debebantur, ut dictum est, tam ex fructibus bonorum, quam ex personarum industria. Sed iuxta praesentem consuetudinem pene universalem solvuntur solum ex fructibus bonorum tam stabilium, quam mobilium, iuxta *cap.* *Non est, de Decim.* Et debentur ex fructibus integris non deductis expensis et oneribus contributionum, ut ait s. Thom. (6) et alii communiter ex c. *Cum non sit, de Decim.* (7).

(6) 2. 2. q. 87. a. 2. ad 4.

(7) Salm. tr. 18. c. 3. n. 58.

86. Decimae praeterea solvi debent ab omnibus fidelibus, etiam a principibus, sed non a pauperibus: isti tamen, nisi sint in extrema necessitate, sed solum in gravi, si pervenerint ad meliorem fortunam, tenentur solvere praeteritas Decimas, ut dicunt Suarez Layman Castr. et alii, cum Salm. (1). De iure autem communi tam clerici quam Religiosi, et etiam parochi tenentur solvere Decimas suorum bonorum patrimonialium, licet assignata fuissent ad titulum Ordinationis, non autem bonorum beneficiorum, ut docet d. Th. (2). Quoad eos vero, qui deficiunt a solvendis Decimis, haec statuit Trid. sess. 25. c. 12. de Reform. Qui vero eas (decimas) aut subtrahunt, aut impediunt, excommunicentur; nec ab hoc crimine, nisi plena restitutione secuta, absolvantur (3).

87. Sed quid sit de iure antiquo, hodie ex multis privilegiis pontificiis omnes regulares, etiam Moniales cuiuscumque Ordinis (et etiam Equites hierosolymitani) eximuntur a Decimis non solum personalibus, sed etiam stabilium, tam propriorum (etsi colantur a colonis), quam conductorum, aut emphyteutitorum (4). Si tamen transeunt ad Regulares bonis prius subiecta Decimis, tenentur ad illas, uti constat ex pluribus Decretis. Sacrae Congregationis Rotae apud Pignatelli (5).

88. Tertio. Olim Regularibus vetitum erat, ne nova aedificarent monasteria aut dereliquerent aedificata sine expressa licentia Summi Pontificis cap. 1. de Excess. Praelat. in 6. ex cap. un. de Bel. Dom. in 7. Tractu deinde temporis obtinuerunt diversa privilegia; sed haec omnia anno 1624. limitata fuere ab Urbano VIII. in Bulla Romanus Pontifex, ubi statutum fuit, non posse acceptari nova monasteria, nisi observata forma

Canonum Tridentini, et Bullae Clementis VIII. Quoniam ad institutam. Quare hodie ad fundandum novum monasterium tria requiruntur. 1. Licentia Episcopi. Utrum vero requiratur etiam licentia Pontificis alii affirmant, ut Barbosa Tamb. Pelliz. ex Declaratione S. C.; negant vero Salm. cum Lezana Suarez Rodriguez et aliis. 2. Ut adsit consensus eorum, quorum interest, et praesertim omnium monasteriorum existentium intra quatuor milliariorum spatium, aliter Episcopus concedere non potest dictam licentiam, nisi quando illi iniuste contradicerent (6). Carmelitae tamen privilegium habent, ut alii ordines fundare non possint, ubi ipsi habent monasterium infra spatium 560. ulnarum Florentinarum, et Minores infra spatium 1200. ulnarum, etc. Contra Minimi et Iesuitae privilegium habent fundandi in locis etiam non remotis intra spatium 560. ulnarum praedictarum. Et in omnibus his privilegiis conceditur communicatio. At praedicta privilegia circa ulnas iuxta consuetudinem non intelliguntur quoad monasteria quae fundantur in civitatibus (7). 3. Requiritur, ut novum monasterium possit commode redditibus, aut eleemosynis sustentare duodecim Religiosos; sufficit tamen, ut adsit intra breve tempus probabilis spes praedictae sufficientis sustentationis. Quod si monasterium (intelligitur de monasteriis fundatis post citatam Bullam Urbani VIII. emanatam anno 1624.) non valeret sustentare duodecim Religiosos, qui revera in illo non habitarent, statutum fuit per sacram Congr. pluribus Decretis, confirmatis a Greg. XV. et Urbano VIII. ut huiusmodi monasterium omnino subiectum esset Episcopo per haec verba: *Ordinarii loci visitationi, correctioni, atque omnimodae iurisdictioni talia monasteria erecta absque eo, quod 12.*

(1) Salm. tr. 18. c. 3. n. 59.

(2) loc. cit. a. 4. in corp. et ad r. ex c. si quis Laicus 16. q. 1.

(3) Salm. 1. 62. (4) ib. n. 72. ad 79.

(5) Pignat. t. 1. cons. 355. et t. 8. n. 9.

(6) Salm. tr. 18. c. 3. n. 124. ad 131.

(7) ib. n. 137. ad 140.

fratres in eis valeant habitare, et de facto habitent, subiecta esse intelligantur (1). Eadem conditiones requiruntur in fundandis Monialium monasteriis. Et advertendum hic quod ex Tridentino et S. C. prohibetur, ne fundentur Monialium monasteria extra habitatum (2).

89. Praedictae conditiones non requiruntur in fundandis hospitii Religiosorum, ut notant Peyrinus Tamb. etc., saltem (ut limitat Lezana) si ibi non recipiant Missas, et non habeant ecclesiam (3). Neque requiruntur in translationibus monasteriorum, quae possunt fundari (ut probant Salmanticensis cum Nav. Barbosa Peyrino Lezana etc.) sine consensu Pontificis, Episcopi, vel aliorum monasteriorum; dummodo translatio non afferat iis praeiudicium: etenim dicunt, quod iam antea habebant tale privilegium a pluribus Pontificibus concessum, et quod illud limitatum est tantum quoad novas fundationes, quales non vocantur translationes monasteriorum ex uno situ ad alium commodiorem eiusdem terrae (ut intelligitur), aut prope illam, derelinquendo antiquum monasterium. Et in tali casu Religiosi retinent omnia bona, et iura monasterii derelicti (4). Possunt praeterea Religiosi ex concessione Urbani VIII., et Innoc. VIII., quando deficerent redditus, et eleemosynae unius monasterii, illud unire et incorporare alteri (5). Insuper possunt ad libitum redire ad monasteria derelicta, dummodo redditus non afferret aliquod novum praeiudicium aliis monasteriis (6). Possunt insuper Generales religionum superiores ex concessione Sixti IV. et eiusdem Urbani VIII. suppressere monasteria miserrabilia, transferendo eorum bona ad maiora monasteria. Adnotetur hic, quod monasteria concessa ab universitatibus, cum derelinquantur, in manu Ordi-

narii derelinqui debeant; at si propriis redditibus, et eleemosynis aedificata fuerint, remanent in dominio Religiosorum, ut de iis possint libere disporre (7).

90. IV. Regulares habent privilegium eligendi iudicem conservatorem qui iudicet de omnibus illis casibus, in quibus Religiosi sunt rei, et etiam in quibus sunt actores; sed quando sunt actores, solum propter iniurias et manifestas violentias ipsis irrogatas (8).

91. V. Regulares habent privilegium admittendi eos omnes qui volunt sepeliri in eorum ecclesiis. Adnotamus hic praecipua quaedam circa sepulturam, de qua fusius tractant Salm. (9). Quicumque ad pubertatem pervenerit, sibi eligere valet sepulturam ubicumque, etiam Episcopi; nisi autem illam sibi eligant, sepeliri in cathedrali debeant (10). Religiosi tamen debent sepeliri in monasterio, etsi morentur extra illud, dummodo locus non esset nimis remotus. Novitii valent sibi eligere sepulturam extra monasterium; quod si non faciant, sepeliri debent in illo, licet obirent, dum alia in domo manerent ex licentia sui Superioris (11). Idem intelligitur quoad commensales, et familiares, qui actu serviunt, et resident in monasterio sub obedientia Superioris. Et hi valent recipere omnia Sacramenta a Religiosis, Baptismo excepto, et matrimonio (12). Gravissimas incurrunt poenas clerici et Religiosi inducentes alios ad promittendum iuramento, voto, aut fide data, se electuros sepulturam in propria ecclesia (13). Privandi sunt sepultura, qui moriuntur impenitentes, et publice constat non fuisse confessos in anno, nec communicasse paschali tempore, et ita etiam haeretici, excommunicati, qui sibi ex ira mortem intulerunt, si deinde poenitentiae indicia non praebuerint, uti

(1) Salm. tr. 18. c. 3. n. 129. et 130.

(2) ibid. n. 138. (3) ib. n. 132.

(4) ib. n. 133. ad 134. (5) ib. n. 150.

(6) n. 148. (7) ib. n. 147.

(8) ib. a. n. 152. ad 178. (9) ib. punct. 6.

(10) ib. n. 186. (11) n. 187.

(12) ib. n. 188. 214, et 215.

(13) ib. n. 191.

habetur in Rituali romano: *Peccatores publici cuiuscumque peccati, et qui moriuntur in flagranti crimine (ut ex cap. Fures, de furto)* nullo dato signo poenitentiae; etenim tunc praesumuntur et in peccato obiisse, ut dicunt communiter dd. cum Rituali, quidquid dicant Lezana et Saneius (1). Qui huiusmodi defunctos sepelit, lethaliter peccat; et qui sepelit haereticum, aut haereticorum factorem, aut publice excommunicatum, aut usurarium, etiam excommunicationem incurrit; et huiusmodi defuncti, si fieri possit, ex sepultura extrahendi sunt. Caeterum nemo sepultura privandus in quocumque casu sine sententia Episcopi, aut Superioris, si cadaver est Religiosi (2).

92. Sed ad rem nostram, ad Regulares videlicet, redeamus. Plura sunt notanda. 1. Quilibet clericus, aut Saecularis sibi eligere potest sepulturam in ecclesia Regularium. Et quando aliquis haberet sepulturam suorum Maiorum in illa, et non elegisset aliam ecclesiam, possunt Regulares illic eum sepelire (3). 2. Parochi qui in associatione ad ecclesiam Regularium plus exigunt, quam exigerent in sepeliendo defunctos in parochia, ut retraherent fideles ab eligenda alibi sibi sepultura, papalem excommunicationem incurrunt, ex Bulla Clementis VIII. apud Salmanticenses; et licet Bulla edita fuit pro Indiarum parochiis, tamen Lezana Peyrinus et Salmanticenses cum aliis intelligunt eam editam fuisse universaliter pro omnibus (4). 3. Cum sepeliendus est defunctus in Regularium ecclesia, debent ipsi vocare et attendere parochum; sed si ille renuit venire, aut nimis moratur, possunt ipsi extollere cadaver, et illud in suam ecclesiam asportare; ita communiter Barbosa Lezana Peyrinus et alii cum Salmanticensibus, ex pluribus Decretis S. C. (5). Officium supra cadaver

tum celebrandum est, non a parochio, aut canonicis, sed ab iisdem Regularibus. Nec parochus exercere potest illum actum in eorum ecclesia, nec cogere haeredes ad celebrandas Missas, aut earum partem in parochia, ex pluribus Decretis etiam S. C. Et idem observandum est etiam pro Monasteriis Monialium exemplarum (6). Adnotandum tamen, in Monialium ecclesiis sepeliri non posse laicos sine licentia S. C. dummodo aliquis non haberet in eo ius sepulturae (7).

93. Quaeritur utrum Regulares teneantur ad solvendam canonicam portionem Ordinario, aut parochio? Alia est portio canonica *episcopalis*, et est illa, quae debetur Episcopis pro omnibus donationibus *causa mortis*, et pro legatis ecclesiis relictis, aut locis piis eorum dioecesium; ut ex Clem. Dudum, de sepult. Haec portio quandoque fuit tertia, quandoque quarta pars; et Innocentius III. cap. *Requisitis de Testam.* statuit, ut quoad quantitatem attenderetur consuetudo (8). Alia est *parochialis*, quae proprie vocatur *quarta funeralis*, et est illa portio, quae parochio debetur ex funeralibus, legatis piis, et omnibus, quae perveniunt ad ecclesiam, in qua sepeliendum se defunctus staturat. Et ista etiam fuit diversa, sed quoad eandem etiam consuetudo attendenda est (9).

94. Sed quoad Regulares, eximuntur a solvenda portione episcopali eorum monasteria tam hominum quam foeminarum, ex *Extravaganti inter cunctas*, §. *Quibuscumque, de privilegiis*, et ex aliis privilegiis apud Salmanticenses (10). Quo vero ad *quartam funeralem*, ex iure communio olim Regulares tenebantur ad illam solvendam; sed hodie attentis eorum privilegiis, et Trident. sess. 25. c. 13. et Bulla Pii V. *Etsi Mendicantium*, anni 1567., tenentur ad illam

(6) ib. n. 212. et 213. (7) vide opus nostrum l. 4. n. 62. (8) Salm. tr. 18. c. 3. n. 216. (9) ib. n. 218. (10) n. 217.

(1) Salm. tr. 18. c. 3. n. 199.

(2) n. 202. et 204. (3) ib. n. 205.

(4) ib. n. 206. (5) ib. n. 208. et 209.

solvendam ea monasteria dumtaxat, quae ultra 40. annos, antequam Concilium confirmaretur, solebant solvere: ita probant Salmanticenses cum sententia communi, et pluribus Decretis S. C. ex multis privilegiis pontificiis, et praesertim Sixti IV., qui imposuit poenam excommunicationis et privationis beneficiorum parochis, qui vellent exigere praedictam *quartam* (1). Exciipiuntur tamen illa monasteria, quae solverent praefatam *quartam* ex contractu inito, aut ex consuetudine immemorabili (2).

PUNCTUM II. Deprivilegiis Regularium in particulari

95. 96. et 97. *I. De facultate absolvendi subditos a casibus et censuris.*
 98. *De reservatione casuum, etc.*
 99. *De facultatibus quoad Saeculares.*
 100. *Utrum Regulares possint absolvere a casibus Episcopis reservatis a iure, vel consuetudine.*
 101. *Utrum a casibus papalibus.*
 102. *Utrum in itinere, aut ex bulla Crucatae, etc.*
 103. *Utrum confessarii regulares possint denuo examinari ab Episcopo.*
 104. et 105. *II. Circa dispensationem in irregularitatibus.*
 106. *III. De dispensatione in praeceptis ecclesiasticis, etc.*
 107. *IV. Circa officium divinum.*
 108. *V. Circa dispensationem votorum, et iuramentorum.*
 109. *Circa votum castitatis coniugum, et sponsorum.*
 110. *VI. De privilegio Religiosorum, novitiorum, et famulorum confitendi cuicumque sacerdoti, etc.*
 111. *De Religiosis peregrinantibus.*
 112. *Utrum in iubilaeo, etc.*
 113. ad 116. *VII. Circa Ordinum receptionem.*
 117. ad 120. *Circa Ordinum collationem.*
 121. et 122. *Circa celebrationem Missarum.*
 123. *Circa Communionis ministracionem.*
 124. ad 128. *Circa concionandum.*

95. 1. Quoad facultatem, quam ha-

(1) Salm. tr. 18. c. 3. a n. 218. ad 228.

(2) ib. n. 229. ad 233. (3) ib. c. 4. n. 1

(4) ib. n. 2. (5) Salm. tr. 15. c. 3.

bent Superiores regulares circa absolutionem casuum reservatorum, et censurarum, oportet hic distinguere potestatem erga subditos ab illa, quam habent erga saeculares. Sub nomine *Superiorum regularium* veniunt non solum generales et provinciales, et eorum Vicarii subrogati in eorum locum, sed etiam omnes locales Superiores, ut Priores, Guardiani, rectores, et etiam eorum Vicarii, quando ipsi absunt, saltem per integrum diem. Ita communiter doctores (3) ex cap. *Abbatis, de privileg. in 6.* Omnes isti absolvere possunt suos subditos primo ab omnibus casibus et censuris non reservatis Pontifici, licet fulminatae essent *ab homine* per specialem sententiam, ut dicunt Salmanticenses cum Lezana Candido Pelliz. etc. ex privilegiis Pauli V., Sixti IV. et Eugenii IV. (4). Et id quod currit pro professis, valet et pro novitiis, ita ut iidem absolvi possint a Superioribus regularibus a casibus Episcopis reservatis incursis, non solum post ingressum, sed etiam ante, ut dicunt Salmantic. cum Bonac. Pelliz. etc. et p. Mazzotta cum Sanchez Tamb. etc. (5). Et idem dicunt Salmantic. et Mazzotta cum Peyrino et Tamb. (6) quoad illos qui proximi sunt, qui recipiantur, v. g. si manent in probatione in monasterio, ut assumant habitum, et id ex Bulla Clementis VII. relata a Candido Rodriq. et a Salmant. (7) in qua fuit concessum Provincialibus regularibus, et eorum Vicariis, aut aliis deputatis absolvere novitios Ordinis ab omnibus casibus reservatis (exceptis illis *Bullae Coenae*) incursis ante ingressum, et a censuris quae illis sunt annexae. His posset aliquis obicere Decretum Urbani VIII. allatum in opere nostro (8), in quo fuit statutum, quod per confirmationem privilegiorum obtentorum a Regula-

n. 87. et Mazzotta tom. 3. de Res. Cas. cap. 2. quaest. 5. (6) Salm. ibidem n. 88. et Mazzotta loco citato. (7) Salm. tr. 20. de Censur. c. 2. n. 80. (8) l. 7. n. 95.

ribus post Tridentinum non intelligebantur rursus concessa ipsis privilegia ipsis ablata tam a Concilio, quam a S. C. absolvendi a casibus reservatis Ordinario. Multipliciter respondent Salmanticenses huic oppositioni loco citato; sed eorum responsiones non suadent, ut diximus in opere (1). Responsio congruentior videtur esse ita, scilicet quod Decretum Urbani loquitur de Saecularibus, sicut etiam loquebatur propos. 12. damnata ab Alexandro VII.; sed non de novitiis, qui in favorabilibus communiter a dd. reputantur ut Religiosi; ita Sanchez Suar. Castrop. Lezana cum iisdem Salmant. (2), et aliis. Eo magis quia Clem. VIII. ita declaravit, et Diana (3) refert privilegium concessum Iesuitis (quod ex communicatione extenditur ad omnes religiones), quo possint communicare novitiis omnia privilegia Societatis. Excipiunt tamen Bonac. Pelliz. et Salmant. (4) casum, quo iam inceptum esset iudicium Episcopi contra novitium, antequam intraret; quia tunc (ut aiunt) posset Episcopus eum extrahere et punire. Quod dictum est de novitiis, idem dicit p. Mazzotta loco citato cum Peyrino de familiaribus monasteriorum: dummodo *inibi sint quasi de familia, et continui commensales*, ut dicitur in Bulla Superna Clementis X.

96. Possunt secundo Regulares absolvere suos subditos professos, et novitios etiam; sicut superius dictum est (5), ab omnibus casibus papalibus occultis eodem modo, quo Episcopi valent absolvere suos subditos ex cap. *Liceat*. Atque hoc ex privilegio Pii V. relato per extensum a Salmanticensibus, et p. Concina, confirmato a Benedicto XIII. in Bulla *Pretiosus* anno 1727., in qua fuit concessa Regularibus potestas absolvendi etiam a casibus *Bullae coenae*, excepto lapsu in haeresim, falsificatione lit-

terarum apostolicarum, et translatione rerum prohibitarum ad infideles. Ac obiter hic notandum, quod in dicta Bulla fuit etiam concessa Generali Dominicanorum potestas dispensandi ab irregularitate ob homicidium commissum a subditis, dummodo patratum non fuerit data opera, et secutum intra claustra monasterii (6). Sed postquam haec scripsi, invenio quod Clemens XII. in Bulla *Romanus*, edita die 30. maii 1732., revocavit omnes litteras et constitutiones cum omnibus privilegiis et facultatibus concessis a Benedicto XIII., omnia reducendo ad primaeum statum, ac si praefatae confirmationes nunquam emanatae fuissent. Insuper hic notandum quod facto dubio, an revocatio privilegii pro Regularibus absolvendi in haeresim lapsos indicta a Tridentino, intelligenda tantum esset respectu aliorum, non autem Religiosorum: S. C. decrevit intelligi respectu omnium, ut refert p. Ferraris (7).

97. Possunt tertio Regulares absolvere suos subditos ab excommunicatione ob percussionem etiam gravem, et enormem, et publicam, inflictam non solum Religiosis eiusdem Ordinis, sed etiam alterius, et etiam clericis saecularibus Castrop. Ronc. Salm. et Croix ex privilegiis Bonifacii IV. et Clementis VIII. Atque hic adnotandum, quod si percussio sit levis, aut occulta, Religiosus percussor (si velit) potest petere absolutionem etiam ab Episcopo, sed obtemperata sui Superioris licentia (8) Dictum est *subditos*, quia nequeunt absolvere Saeculares, cum hic casus limitatus sit Regularibus intra Italiam, et extra Romam a Clemente VIII. ut mox dicetur n. 99.

98. Adnotandum hic praeterea, Superiores regulares ex concessione Clementis VIII. posse, si ipsis expediens videtur, reservare undecum nostrum l. 6. n. 593. v. eandem in fine.

(6) ib. lib. 7. n. 101. (7) Ferrar. bibl. verb. Absolvere. (8) l. 7. n. 107.

(1) l. 7. n. 103. (2) Salm. tr. 15. c. 3. n. 85. (3) part. 3. tr. 2. Res. 73.

(4) Salm. l. c. n. 87. (5) vide opus

casus, sed non plures sine consensu Capituli generalis, aut saltem provincialis pro provincia. Casus ab ipsis reservabiles adnotati sunt *Tr.* 16. n. 130. Si autem Superior deneget licentiam, et utrum pro prima vice possint Religiosi absolvi a reservatis? vide ibidem n. 134.

99. Quoad vero Saeculares, olim Mendicantes gaudebant privilegio, quo poterant absolvere Saeculares ab omnibus casibus et censuris reservatis tam a Pontifice, quam ab Episcopis. Sed deinde Decreto Clementis VIII. anni 1602., confirmato a Paulo V. anno 1617., et Urbano VIII. anno 1627., limitata fuit praedicta potestas, et statutum fuit, ne Regulares existentes extra Romam, et intra Italiam, possint absolvere Saeculares nec a casibus *Bullae Coenae*, nec ab aliis sex sequentibus; Scilicet 1. A percussione clerici. 2. A duello. 3. A violatione immunitatis. 4. a violatione clausurae monasteriorum Monialium ob pravam finem. 5. A simonia confidentiali in beneficiis; et denique ab omnibus casibus, quos sibi reservant Episcopi. Itaque tam ex dicto Decreto Clementis VIII. quam etiam ex Bulla Gregorii XIII. *Cum a Sacra*, et praesertim ex propositione 12. damnata per Alexandrum VII. quae sic se habebat: *Mendicantes possunt absolvere a casibus Episcopis reservatis, non obtenta ad id Episcoporum facultate*; hodie non est in dubium revocandum (quidquid aliqui dicant) quin Saeculares absolvere non possint a casibus ab Episcopis reservatis (1). Ita neque possunt absolvere Saeculares a sex casibus Clementis, etsi occulti sint, contra p. Vivam; potestas enim, quam Regulares habent ex Bulla S. Pii V. relata n. 96., qua possunt absolvere casus occultos, quam habent Episcopi ex *cap. Liceat*, est solum respectu suorum Religiosorum, non autem Saecularium. Id tamen probabile iudicamus cum

(1) vide l. 6. n. 599. v. certum est, et

p. Viva Comitolo, et aliis, quibus adhaeret etiam p. Concina, scilicet quod Regulares possint absolvere a casibus, quos sibi in Synodo Episcopus reservavit, sed deinde non expressit illos in tabella, quia tunc praesumitur se voluisse concedere potestatem ab iis absolvendi omnibus confessariis, modo ab ipso approbatis (2).

100. Dubitatur 1. utrum Religiosi possint absolvere Saeculares a casibus non reservatis sibi ab Episcopis, sed in iure, aut ex consuetudine reservatis Episcopis, ut sunt abortus foetus animati, et alii adnotati n. 46. Negant Viva Bord. Cabassut. Milante et alii, eo quod (ut aiunt) in Decreto Pauli V. et Urbani VIII. prohibetur Regularibus absolvere laicos a casibus Episcopis reservatis: *A casibus eisdem Ordinariis reservatis* sunt verba Urbani. Nihilominus probabilius affirmant Conc. La-Croix Spor. Salmant. Lezana Sanch. cum multis aliis, quibus adhaeret etiam (se retractans) p. Viva in sua *Morali*. Ratio est, quia citata verba Decreti Urbani (et idem de Decreto Pauli V.) intelligenda sunt de casibus, quos Episcopi sibi met reservant: cum talia Decreta, ut diximus n. praec., sint confirmativa Decreti Clementis VIII. in quo fit mentio tantum casuum, qui sibi ab Episcopis reservantur; *Nec a casibus* (haec ait Clemens) quos Ordinarii reservarunt, aut in posterum reservabunt. Eo magis, quia ut ait p. Suarez, casus reservati Episcopis in iure debeant potius dici delegati Episcopis, quam reservati. Sed animadvertendum id non valere quoad percussione[m] cleric[i], nec quoad omnes alios casus, quos sibi Ordinarius reservaret; etenim quoad istos, sublata fuit omnis facultas Regularibus, ut dictum est n. praeced. (3).

101. Dubitatur 2. utrum Regulares absolvere valeant Saeculares a casibus papalibus? Negant pauci quidem, id est Viva cum Bordone et Florino, ex iisdem Decretis Pauli V. et Urbani. 1. n. 95. (2) n. 100. (3) n. 99.

bani VIII., quibus etiam vetitum fuit Regularibus absolvere a casibus reservatis Sedi apostolicae: at communissime et probabilius affirmant Bonacina Aversa Salmant. Pelliz., Rodriguez Potestas Peyrinus et ipse Viva in sua Morali (licet id affirmet solummodo quoad casus papales occultos) ex privilegio Pauli III. concessio anno 1545. Iesuitis, quo dictum fuit, quod possent absolvere Saeculares *ab omnibus peccatis etiam Sedi apostolicae reservatis, exceptis contentis in Bulla Coenae*. Nec obstant praedicta Decreta Pauli V. et Urbani VIII. quia illa (ut dictum est *n. anteced.*) intelliguntur de casibus Clementis VIII. (quos supradicti Pontifices confirmare voluerunt) in quo solum casus *Bullae Coenae* et sex alii excepti fuere. Animadvertendum autem est, hanc potestatem valere tantummodo quoad forum internum (1). Observetur praeterea, quod dictum est *n. 31.* de Abbatibus habentibus quasi episcopalem iurisdictionem.

102. Adnotandum hic, quod olim confessarii regulares ex concessione Gregorii XIII. et Eugenii IV., in itinere poterant excipere confessiones, non modo subditorum dioecesis, ubi approbati erant, sed caeterorum omnium. Et ex Bulla *Cruciatae*, cum approbarentur in uno loco, erant approbati pro omnibus (2). Innocentius autem X. deinde statuit, ne Regulares possent excipere confessiones alicubi sine loci Ordinarii licentia, etiamsi haberent privilegium *Cruciatae*, ut declaravit Innocentius XII. in Bulla *Cum sicut*, anno 1700 (3).

103. Animadvertendum praeterea est, quod olim ex *Clem. Dudum de sepult.* Regulares approbati absolute semel ab Ordinario, non poterant obligari, ut denuo examinarentur. Attamen s. Pius V. in *Extrav. Romani*

(1) lib. 7. n. 96. et 97. (2) ita apud Salm. tr. 18. c. 4. n. 71. et 72. (3) vide opus nostrum l. 6. n. 548. v. tertia et 549.

(4) Salm. tr. 18. c. 4. n. 119.

Pontificis, dixit, quod Episcopus successor *pro maiori quiete suae conscientiae* posset rursus illos examinare. Sed postea Gregorius XIII. in sua Bulla *In tanta negotiorum, etc.* (relata a Navar. in fine sui Manualis) ad tollendas lites exortas circa Regulares, revocavit omnes Declarationes s. Pii, et praesertim hanc concernentem approbationem confessoriorum regularium; revocavit, inquam, ad statum pristinum dispositionis Tridentini, quod *sess. 23. cap. 15.*, nihil aliud exegit quoad Regulares, nisi ut approbarentur ab Ordinario. Hinc inferunt multi dd., ut Aravius Dicastillus Villalobos Delbene, etc. apud Salm. (4) quod Regulares approbatos examine ab aliquo Episcopo non possit denuo examinare successor. Attamen contrarium tuerent Diana *p. 3. tr. 2. resp. 27.* et Lezana Boss. Bordone et multi alii ex Decreto S. C. (relato a Lezana et Diana), quo fuit declaratum quod, non obstante Bulla Greg. XIII., posset Episcopus successor examinare approbatos ab antecessore, et hanc hodiernam esse Episcoporum praxim testantur Diana et ipsi Salm. Sed probabiliter dicunt Salmant. (5) cum Villalobos, quod tam ex Constitutione s. Pii, quam ex declaratione S. C. possit Ordinarius successor iterum vocare ad examen aliquem, aut aliquos Regulares, quos notitiam habet non esse idoneos; sed non potest edicto generali suspendere omnes confessarios regulares, usquedum denuo examinentur. Caeterum animadvertendum est, quod revocando generaliter Ordinarius omnes licentias, non comprehendat Regulares, qui in odiosis non comprehenduntur nisi exprimantur (6). Animadvertatur insuper quod capitularis Vicarius *Sede vacante* non possit ad examen vocare Regulares ex privilegio iis concesso a Clemente IV. (7). Animadverten-

(5) ib. n. 120. (6) ibid. n. 115. cum communi. (7) ib. n. 116. et vide Dianam *p. 3. tr. 2. resp. 27.*

dum praeterea, supradicta valere pro approbationibus concessis absolute, non tamen pro concessis ad tempus, e. g. ad sex-menses, ut plerumque fit; cum certum sit ex Bulla Innocentii XIII. *Apostolici ministerii*, confirmata per Benedictum XIII. quod confessarii tam saeculares, quam regulares non valeant excipere confessiones extra locum, personas, et tempus praescriptum, quocumque privilegio non obstante. Vide *Tr.* 16. num. 75.

104. 2. De facultate Regularium dispensandi in irregularitatibus. Regulares valent ex privilegio s. Pii V. relato n. 96., confirmato a Iulio II, dispensare cum suis subditis in omnibus irregularitatibus occultis, in quibus possunt Ordinarii dispensare cum suis dioecesanis ex *cap. Liceat*, ut dictum est n. 29. Et idem possunt cum Saecularibus, ut aiunt Suarez Sanch. Pelliz. Sayrus Salmantic. Spor. Lezana etc. ex concessionibus Sixti IV., et praedicti Iulii II. (1).

105. Possunt praeterea Regulares dispensare cum subditis in quacumque irregularitate, aut ob delictum, aut ob defectum ex privilegio Martini V. (2). Itaque, ut ad particularia descendam, possunt Superiores dispensare cum subditis 1. In irregularitatibus ob homicidium non solum occultum, ut concessum fuit in Privilegio Martini V., sed etiam voluntarium notorium, ut dictum est n. 96, ex privilegio Benedicti XIII. dummodo data opera patratum non fuerit, et consummatum intra claustra. 2. Quoad defectum animae possunt dispensare cum Religioso ad suscipiendum sacerdotium, licet ipse passus esset permanentem dementiam, si deinde medicorum iudicio cessavit eius periculum (3). 3. Quoad defectum corporis, ut si alicui pes,

aut oculus deficeret, etiam sinister possunt dispensare, ut probant Salmant. (4) cum Bordone ex privilegio Sixti IV. Et in dubio possunt etiam declarare, defectum non obstare, ut possunt Ordinarii cum suis subditis (5). 4. Quoad defectum natalium, haec irregularitas per se cessat religionem profitendo quoad id, quod spectat ad Ordinum susceptionem, ut habetur ex *c. de Fill. Presbyt.*; nam quoad dignitates necessaria est dispensatio. Sed ex pluribus privilegiis (ut dictum est *Tr.* 19. n. 87.) possunt dispensare cum suis omnes Superiores regulares Generales, Provinciales et etiam Priores (6). Quod vero inquit Sotus professione cessare quamlibet irregularitatem, id communius negatur (7). 5. Possunt dispensare in bigamia etiam vera ex privilegio Martini V.; ita Castropal. Pelliz. Macad. Salm. etc. (8). 6 In irregularitate etiam publica ob defectum lenitatis (9). 7. Et ultimo possunt Regulares dispensare cum suis subditis in omnibus inhabilitatibus, et poenis contractis ratione delicti, ut privationis officii, beneficii, vocis, loci etc., etsi illae reservatae sint Pontifici, ut aiunt Suarez Sanchez Pelliz. et Salmantic. cum aliis ex privilegiis Sixti IV. Pii V. et Gregorii XIV. (10).

106. 3. Praelati regulares habent potestatem dispensandi cum suis subditis in praeceptis ecclesiasticis, ut possunt Episcopi cum suis dioecesanis, ut diximus *Tr.* 2. n. 57. Etenim ipsi habent quasi episcopalem iurisdictionem, ut communiter docent dd. ex Clem. *Ne Romani de elect.* (11). Et ideo possunt probabiliter dispensare in omni eo, quod non est specialiter Pontifici reservatum, ut dictum fuit *praed.* *Tr.* 2. n. 58.; et praesertim in dubio, utrum res di-

c. 4. n. 28. cum Bord. Peyr. Lez. Pell. etc. (7) vide Salm. tr. 10. c. 7. n. 58. (8) vide opus nost. l. 7. n. 355. et 453. (9) n. 469. (10) Salm. tr. 18. c. 4. n. 29. (11) ib. n. 31. cum Bonac. Pasq. etc.

(1) lib. 7. n. 355. (2) n. 355. et 396. (3) n. 400. in fine. (4) tr. 10. de Cens. c. 9. n. 75. (5) vide opus nostrum l. 7. n. 414. circa fin. (6) n. 354. et 426. vide etiam Salm. tr. 10. c. 9. n. 57. et tr. 18.

spensatione indigeat, ut diximus (1). Possunt etiam dispensare cum causa (sicuti semper supponitur) in legibus pontificiis, cum latae sunt pro aliqua provincia aut monasterio particulari, quia tunc praesumitur data huiusmodi facultas; aut cum talis est consuetudo, aut quando non potest facile recurri ad Superiorem: aut quando agitur de rebus parvi momenti quae non obligant ad lethale peccatum, aut quae frequenter accidunt, ut ieiunia, abstinencia a carnibus, festorum observantia, recitatio officii; dummodo non dispensetur per longum tempus, ut dicunt Salmant. cum Caiet. Soto etc. Et idem valet quoad regulas religionis (2). Ita dicunt etiam Azor. Castr. Salm. Trull. Macado, etc. posse Superiores dispensare ad operandum diebus festis tam cum Religiosis, quam servis domesticis, sed non cum extraneis, qui alioqui possunt operari pro monasterio, si monasterium sit pauper, ut aiunt Silvestr. Fagund. et Salm. cum Pasq. Leandro et aliis (3). Vide quoad istud id, quod dictum fuit *Tr. 6. n. 14.*

107. Quoad divinum officium notentur hic privilegia, quae habent Regulares. 1. Leo X. concessit Religiosis ut possent recitare Horas privatim omnino mentaliter (Sed p. Ferraris *Bibl. v. Offic. art. 3. n. 100. et 101.* citans Spor. ait hoc privilegium esse adulterinum), praeterea ut possint anticipare officia longiora, et reservare breviora pro diebus maioris occupationis. 2. Clemens VII. concessit omnibus Regularibus infirmis (intelligitur de illis infirmis qui per se non excusantur ab officio), et infirmariis posse satisfacere officio recitando 6. aut 7. psalmos (assignandos a Superiore), 7. *Pater* et duo *Credo*. Et Martinus V. concessit convalescentibus ut satisfacere possent dicendo illam officii portionem, quam iudicaverit eorum confessarius. 3. In-

(1) Salm. loc. cit. n. 33. (2) n. 34. et 35. (3) n. 37. (4) l. 6. n. 1076. v.

nocentius IV. concessit Monialibus s. Clarae (et ita intelligitur pro omnibus aliis communitatibus) satisfacere officio conversarum ob quamcumque rationabilem causam, v. g. si religiosa non sit bene instructa iuxta iudicium Abbatissae, aut confessarii, in officio choristarum: aut si sit scrupulosa, aut ob labores lassa, aut occupata in rebus utilibus, ut esset Religiosis esse applicatum ad excipien- das confessiones, praedicationi, aut studio ecclesiastico pro maiori diei parte. Etenim supponitur, quod privilegiis concessis Monialibus gaudeant etiam Religiosi *ad invicem*, ut dictum fuit n. 10. Animadvertunt insuper Salmantic. huiusmodi privilegio eos posse uti etiam sine licentia Superiorum: fuit enim concessum sine ista conditione. Animadvertunt praeterea, quod si Moniales omitterent laicarum officium, utentes huiusmodi privilegio, non peccarent lethaliter, quia tunc reputantur ut laicae, quae sub mortali non tenentur ad sui officii recitationem. Sed hoc non mihi placet, etenim huiusmodi privilegio Monialis non transit in qualitatem laicae, sed tantum officium eius choriatae transit et commutatur in illud laicae.

108. 5. Confessarii Mendicantium, et caeteri Regulares communicantes potestatem habent irritandi, remittendi et dispensandi iuramenta, ac vota. Sed hac de re dictum est *Tr. 5. n. 42. et seq.* Possunt insuper dispensare cum coniugibus quoad impedimentum ad petendum debitum propter incestum commissum cum consanguinea coniugis, ut communiter aiunt Sanch. Pontius Salmantic. alique contra Patrem Concinam ex multis privilegiis variorum Pontificum (4). Animadvertendum est autem hic, quod confessarius debet in hoc obtinere licentiam specialem, et saltem a Superiore inferiore sui monasterii (5).

109. Possunt praeterea confessarii insuper. (5) *ibid. v. an autem.*

Mendicantes dispensare cum coniugibus in voto castitatis elicto ante matrimonium, ad petendum debitum, sicuti etiam communiter dicunt Castrop. Pont. Sanch. Tourn. Wigandt Salm. etc. ex privilegio s. Pii V. Et etiam in voto elicto post matrimonium, uti rite existimant Sanch. Salmant. etc. (contra Pontium) ex aliis privilegiis, ex quibus possunt ipsi dispensare in omnibus votis, in quibus valent *de iure ordinario* dispensare Episcopi cum suis subditis (1). Id vero, quod magis ambigitur, est, utrum in casu necessitatis possint dispensare cum sponsis, ut possunt Episcopi in voto castitatis ad contrahendum matrimonium? Plerique affirmant, ut Anacletus Vidal Basseus Henriq. etc., quam sententiam probabilem iudicant Salm. et Elbel; sed communius negant Layman Barbosa Sanch. et Pont., dicentes, quod Regulares possunt dispensare solum in votis, in quibus valent dispensare Episcopi *de iure ordinario*, sed non extraordinario, ut in casu isto. Respondent autem adversarii in casu necessitatis Episcopos, etiam *de iure ordinario* dispensare, cum sit huiusmodi potestas annexa eorum officio et dignitati, ut dictum fuit n. 34. et 41. Unde non possumus habere ut improbabilem primam sententiam (2).

110. 6. Cum saecularibus conceditur facultas deligendi sibi confessorium, aut a Summo Pontifice, aut ab eorum Ordinario, semper supponitur, quod sit confessorius approbatus ab Episcopo; sed Regulares ex expressa, aut tacita sui Superioris licentia possunt confiteri cuicumque simplici sacerdoti: quod communiter existimatur cum Suar. Lugo Salmant. etc. (3). Quare omnes Superiores regulares possunt sibi eligere in confessorium quemlibet sacerdotem, ut etiam communiter dicunt dd. ex cap. ult. de Poenit. et Rem. Idem vero

quod pro Religiosis, valet et pro famulis commensalibus monasterii, uti habetur ex *Trid. sess. 25. c. 11.* ex quo possunt recipere a Religiosis Sacramenta Poenitentiae, Eucharistiae et Extremae Unctionis. Et idem valet quoad novitios, qui *in favorabilibus* sub Religiosorum nomine veniunt, ut omnes fatentur, et declaravit S. C. die 14. Augusti 1665. Quare ipsi possunt absolvi ab omnibus casibus ab Episcopo reservatis (4), ut dictum est n. 95. Sed id non valet pro Equitibus s. Iacobi, et similibus, ut dicunt Salmant. cum communi, nam huiusmodi viget consuetudo (5).

111. Adnotandum insuper, quod Religiosi peregrinantes, si habeant socium (dummodo sit idoneus) eiusdem Ordinis, illi confiteri debent. Si vero desit socius, aut alius eiusdem Ordinis sacerdos, tunc confiteri possunt cuilibet sacerdoti idoneo regulari, aut saeculari: quod commune est apud omnes. Sed quaeritur utrum talis sacerdos approbatus in illo loco esse debeat? Ita volunt pauci quidam, ut Wigandt Conc. etc.; sed communissime, et quidem recte negant Suar. Ronc. Castrop. Salmant. Elbel, alique. Et quia talis est consuetudo religionum, quae facit praesumere consensum Ordinariorum; et quia Innocentius VIII. absolute concessit Religiosis peregrinantibus, ut, cum non possent habere sui Ordinis Confessorium, *quemcumque alium presbyterum idoneum religiosum, vel saecularem eligere valeant* (6). Vide quae diximus Tr. 16. n. 88.

112. Dicunt insuper Lugo (7), et Salmant. (8) cum Navarro Soto Castrop. Peyrino Bossio etc. quod tempore generalis iubilaei possint Regulares, et etiam Moniales sine suorum Superiorum licentia confiteri Religiosis alterius Ordinis, licet haberent confessorium Ordinis, sibi assignatum, ex pluribus privilegiis, quae

(1) l. 6. n. 987. v. an autem, et n. 1128.

(2) ibid. circa fin. (3) Salm. tr. 18.

c. 4. n. 49. (4) ib. n. 57. (5) ib. n. 58.

(6) vide opus nost. l. 6. n. 575.

(7) d. 20. n. 86. (8) tr. 18. c. 4. n. 124.

referant Lugo Mendo etc. (1).

113. 7. Regulares, quoad Ordines, non recipiunt litteras dimissoriales ab Episcopis, sed ab eorum Superioribus; aliter graviter peccant, et incurrunt suspensionem. Attamen quoad recipiendos Ordines, primo s. Pius V. ipsis concessit privilegium recipiendi Ordines a quocumque Episcopo, sed hoc revocatum fuit per Gregorium XV. Quae abrogatio confirmata est a pluribus aliis Pontificibus, et nuper a Benedicto XIV. Bulla *Impositi Nobis etc.* 27. Febr. anno 1747, qua praeterea praecipitur ut, si loci Ordinarius Ordinationem tenet, ab ipso debeat examinari et ordinari Religiosus; quod si Episcopus absit, aut non habeat Ordinationem, potest ordinari ab alio Episcopo, sed tunc requiritur attestatio authentica vel Vicarii generalis, vel secretarii, aut Cancellarii ipsius Episcopi, qua constet aut vel ipsum abesse a dioecesi, vel Ordinationem habiturum non esse proximo legitimo tempore per leges ecclesiasticas statuto. Et praecipit idem Pontifex hoc expresse declarandum esse ut cognoscatur, quod non sufficit, ut dicatur Episcopus Ordinationem non habiturus, si accedant extra tempora; aliter easdem subit poenas, quas subeunt, qui sine dimissorialibus litteris ordinantur. Insuper vetatur Religioso, ne a libi data opera permaneat, ut eximat se ab examine Episcopi loci, ubi prius morabatur. Religiosi vero morantes in dioecesibus quae sunt nullius, ordinari debent ab Episcopo viciniore (2).

114. Quaeritur hic 1. a quo debeat ordinari novitii? Dicunt Suarez et Henriquez, ab Ordinario, aut originis, aut domicilii; sed Sanchez Castrop. Delbene et Fagnanus cum aliis existimant quod possint ordinari ab Ordinario loci, ubi est novitiatus. Recte dicunt La-Croix, et p. Mazz.

(1) vide opus nostrum l. 6. n. 536. v. hic addendum. (2) n. 768. et n. 788. notand. 8. (3) n. 765.

utramque sententiam esse probabilem, dummodo (quoad hanc secundam) novitius animum habeat, quantum in se est, perpetuo permanendi in illo monasterio, in quo est, et hac de re iuramentum praebeat, ut praecipitur in Bulla *Speculatores* (5).

115. Quaeritur secundo utrum Religiosi possint ordinari *extra tempora*? Negant Vasquez Lezana, etc.: etenim aiunt, quod etsi Gregorius XIII. id concesserit Iesuitis, attamen prohibuit communicationem. Sed hodie non amplius est in dubium revocandum, quin possint tam ex multis privilegiis concessis aliis religionibus, quam ex declaratione nuper facta per Benedictum XIII. in Concilio romano (*Tit. 5. cap. 2.*) in quo statutum fuit, quod talia privilegia *in suo robore persistant, nec eis derogatum fuisse constet* (4).

116. Quaeritur tertio utrum, cum ordinantur Regulares *extra tempora*, valeant ordinari quocumque die in quo fit officium duplex, etiamsi non sit festum de praecepto? Affirmant Fagundez Villalob. Diana, etc., et dicunt esse probabile Suar. aliique; quia Alexander VI., cum ageret de huiusmodi privilegio, dixit posse ordinari *diebus dominicis, sive festis duplicibus*, at non dixit de *praecepto*. Hanc opinionem reiicere non audeo; existimo tamen probabiliorem oppositam cum Lugo Morio et Escobar. quia Gregorius XII. agens de eodem privilegio declaravit, dicens, *diebus dominicis, et festis diebus*, et non dixit *duplicibus*: Dies festivus proprie accipitur ille, in quo vetantur opera: unde intelligitur de praecepto. Et revera usus obtinet quoad omnes eos, qui dispensatione ordinantur: *in tribus diebus festis*, pro quibus valet eadem regula (5).

117. Quo vero ad potestatem conferendi Ordines, olim Abbates regulares ex concessione ipsis facta in Synodo VII. (sicuti habetur in *can.*

(4) n. 797. dubit. 3.

(5) n. 797. dubit. 4.

Quoniam Dist. 166.) poterant ministrare Tonsuram, et Ordines minores, non solum suis subditis religiosos, sed omnibus aliis. Attamen per *Trid. sess. 23. c. 10.* huiusmodi potestas fuit ipsis limitata pro solis regularibus subditis. His tamen non obstantibus plerique dd. sustinuerunt, Abbates, saltem mitratos (ut existimant Salmanticenses, et adducunt plura S. G. Decreta), qui possunt pontificalia exercere, posse ordinare etiam saeculares suos subditos, et etiam alios, habentes dimissoriales litteras suorum Ordinariorum; nihilominus omnes istae opiniones locum amplius hodie non obtinent post Decretum S. C. approbatum ab Urbano VIII. die 17. ianuarii anno 1642., in quo, reiecta quacunque contraria sententia, prohibitum fuit Abbatibus, ne Ordines conferrent, vel litteras dimissoriales concederent aliis, quam solis subditis regularibus; iisque contrarium facientibus suspensio imposita fuit. Exciipiuntur tamen plerique descripti in Cancellaria rom., qui privilegium habent dimissoriales epistolas concedendi, ut Abbas Montis Cassinensis, Abbas Cavensis etc. (1).

118. Quaeritur hic 1. utrum Abbates habentes iurisdictionem pene episcopalem in aliquo territorio separato, possint ordinare suos subditos saeculares? Molfesius apud La-Croix (2) assertit declarationem affirmativam S. C.; sed Benedict. XIV. (3) refert alteram contrariam, et idem assertit decisum p. Zaccharia apud La Croix loco citato.

119. Quaeritur 2. utrum Abbates, qui possunt ordinare subditos professos, valeant et novitios? Negant Castrop. Barbosa Sayrus, etc.; communius autem et probabilius affirmant Suarez Layman Sanchez Escobar. et Salmant. cum aliis, quoniam in *favorabilibus* regulariter sub Regularium nomine veniunt etiam novitii (ut diximus n. 110.).

(1) l. 6. n. 763. (2) Cr. l. 6. p. 2. n. 2236.

(3) de Synod. l. 2. c. 11. n. 15.

120. Quaeritur 3. utrum Ordines collati ab huiusmodi Abbatibus, saecularibus, aut regularibus non subditis, sint validi? Negant Suarez La-Croix, etc.; sed affirmandum est cum Sanchez Salm. Tamb. Pelliz. etc., quia haec facultas (ut diximus) olim fuit concessa Abbatibus: et a Concilio deinde, et a Decreto Urbani vetitum illis fuit tantum facultatis exercitium: unde ipsi illicite, sed valide ordinant. Et quod ita se res habeat, apparet ex eodem Decreto Urbani, in quo ordinatis imponitur suspensio. Pro validis itaque habentur Ordines iis collati. Et ita decum pluries per S. C. assert Bened. XIV. (4).

121. VIII. Quoad celebrandam Missam, et ministrandam Eucharistiam, olim ex privilegiis Sixti IV., Alex. VI., et Urbani VIII. poterant celebrare in altari portatili, tam in suis domibus, quam in suis ruralibus domibus vulgo *Grancie*, etiam contradicente Episcopo. Sed Clemens XI. anno 1703. suo Decreto declaravit, quod omnia eorum privilegia celebrandi in altari portatili revocata sint per Tridentinum. Idemque declaravit Bened. XIV. in Bulla *Magno*, edita 2. iun. 1751. §. 29.; nec possum assentiri p. Mazzotta dicenti huiusmodi prohibitiones intelligi factas quoad domus privatas, sed non quoad proprias Religiosorum; nam in Decreto Clementis agitur de privilegio celebrandi in locis, in quibus degunt; loca autem, in quibus degunt, sunt domus propriae, non alienae. Inno-centius insuper XIII. anno 1723. in Bulla *Apostoliciministerii*, prohibuit, ne in *privatis Regularium cellis, seu cubiculis erigatur altare, remota quacumque in contrarium consuetudine* (5). Sciatur tamen, quod Greg. XII. concessit Provincialibus Iesuitarum facultatem deputandi publica oratoria in suis ecclesiis, in quibus omnes

(4) vide opus l. 6. n. 766. et de synod. l. 2. c. 11. n. 13.

(5) Salm. tr. 15. c. 7. n. 97

possint celebrare, etc. (1).

122. Ex privilegio Greg. XIII. possunt Regulares celebrare una hora ante auroram; quare valent celebrare Missam tribus horis ante solis ortum; ita Lugo Suarez Rodriq. Salm. etc. (2). Immo cum adest aliqua iusta causa, possunt celebrare immediate post duas horas post mediam noctem ex privilegiis Alexandri VI. et Clementis VIII. Et huiusmodi privilegia dicunt Lugo Rodriguez Diana Narbona et Salm. cum aliis non esse revocata per Tridentinum *sess. 22. de observand. et evitand. etc.* Moment tamen praedicti dd. id valere tantum pro ecclesiis propriis, in quibus tamen (subdunt) possunt huiusmodi privilegio uti etiam sacerdotes saeculares (3). Insuper Eugenius IV. concessit Regularibus licentiam celebrandi tribus horis post meridiem, iusta tamen ex causa; attamen Azorius Fag., alique dicunt, huiusmodi privilegium fuisse revocatum per S. Pium Bulla, *Amantissimus*, anno 1566. cuius rei Lezana affert Declarationem S. C. Sed his non obstantibus, dicunt Lugo (4) Salmanticenses cum Aversa Dicastillo Narbona Diana, etc. authentice non constare de dicta Declaratione, nec de revocatione S. Pii, qui loquutus fuit de Missis tantum, quae celebrantur *de sero, etiam forsan, circa solis occasum*; unde dicunt, vigere privilegium Eug. IV., et ut quis illo utatur, sufficere quamcumque mediocrem causam. ut convalescentiae, studii, et similia.

123. Quo vero ad ministrandam Eucharistiam Paulus III., alique Pontifices concesserunt Regularibus facultatem ministrandi in suis ecclesiis omnibus fidelibus. Excipitur tamen 1. Si Episcopus rationabiliter prohiberet alicui, ne Eucharistiam sumeret. Excipitur 2. Communio in mortis articulo, aut periculo, dummodo

non adsit extrema aut gravis necessitas, et parochus nequeat, aut nolit ministrare; Lugo Ronc. etc. (5). Excipitur tertio Communio paschalis, id est illa, qua praecepto satisficit, ut communiter aiunt Filliuc. Sa Busemb. etc. Videantur hac de re, quae dicta sunt *Tr. 12. n. 41.*

124. 9. Quoad facultatem concionandi, olim Regulares ex Clementina *Dudum de sepult.* poterant libere praedicare in suis ecclesiis, et in plateis, sed *Trid. sess. 5. c. 2. de Reform.* statuit, ne in alienis ecclesiis praedicare possent sine licentia Ordinarii, et in ecclesiis propriis sui Ordinis, antequam benedictionem petant ab Episcopo. Quare Religiosis, ut in suis concionentur ecclesiis, sufficit, ut petant benedictionem, etsi illa denegetur, ut dicunt Lez. Pelliz. Bord. et Salm. cum aliis, adducto Decreto S. C. (6). Sed huiusmodi benedictio, ut dicunt Salm. non requiritur, ut praedicent per plateas; nam Concilium loquitur solum de ecclesiis. Semper tamen debent Regulares habere approbationem suorum Superiorum, qui peccarent, si nullo eorum praehabito examine, iis praedicare permetterent (7). Possunt autem Superiores committere, etiam simplicibus clericis tonsuratis ut praedicent, ex privilegio Greg. XIII. Licet S. C. generaliter declaraverit, praedicationem posse committi cui-cumque tonsurato (8).

125. Quo vero ad ecclesias alienas, ut dictum est, Regulares ibi praedicare non possunt sine venia Ordinarii, nisi id esset pro duabus aut tribus vicibus, ut dicunt Nav. Barb. Diana Salm., alique; aut dummodo Ordinarius non maneret inibi, et Religiosus aliquis transeuntes ibi esset: quia tunc potest illi parochus licentiam concedere praedicandi, uti concessit Greg. XIII. (9). Quando tamen

(1) vide opus nostrum l. 6. n. 360. et ib. v. hanc. (2) apud Merat. p. 1. tit. 15. ad lit. Y. (3) Salm. tr. 15. c. 7. n. 94. (4) de Lugo de Euch. d. 20. n. 27. et

Salm. ib. n. 95. (5) vide opus nostrum l. 6. n. 239. et 240. (6) Salm. tr. 18. c. 4. n. 178. (7) ib. n. 176. et 177. (8) ib. n. 174. (9) ib. n. 184.

Ordinarius veniam concederet, Religiosus valet concionari in parochiis, etiam contradicente paroco, et quia Ordinarius est parochi Superior, et quia id fuit expresse concessum per Alex. IV. (1).

126. Quaeritur 1. utrum liceat Regularibus concionari, contradicente Episcopo? Quando sunt alienae ecclesiae, et Episcopus ab initio veniam denegat, proculdubio non licet. Sed si Episcopus iam concessisset licentiam, et deinde vellet eam revocare, aut si ecclesiae essent propriae, dicunt Peyr. Vega Pelliz. et Salm. cum Diana, etc. (2) posse praedicare. Sed huic obstat quod in Tridentino statuitur (*sess. 24. c. 4. de Reform.*): *Nullus autem Saecularis, sive Regularis, ... contradicente Episcopo, praedicare praesumat.* Obstat insuper Bulla Greg. XV. *Inscrutabili*, in qua statuitur, Episcopum, ut delegatum apostolicae Sedis, posse punire Religiosos, *qui in alienis ecclesiis suorum Ordinum non petita benedictione, aut ipso contradicente, praedicare praesumpserint.* Sed respondet Salm. quod tam praedicta Bulla, quam Concilium accipienda sint iuxta id, quod statuitur in Clementina *Dudum* supracitata, in qua prohibetur praedicare, quando praedicat Episcopus, aut quando solemniter coram ipso praedicatur. Et ita decisum referunt per S. C. Episcoporum et Regularium die 30. jan. 1629. apud Barb. (3). Cum ego tamen observassem Barbosam loc. cit., inveniri, quod S. C. declaratio fuerit solummodo quoad conciones in ecclesiis propriis Regularium. Unde quoad ecclesias alienas mihi non videtur probabilis supradicta responsio.

127. Quaeritur 2. utrum Episcopus valeat examinare Religiosos petentes veniam concionandi in ecclesiis non propriis? S. C. apud Barb. (4) die 12. januar. anno 1628. sta-

(1) Salm. tr. 18. c. 4. n. 189.

(2) ib. n. 181.

(3) in Trid. sess. 5. c. 2

tuit affirmative; sed negant Salm. (5) cum Pelliz. Bord. Diana Peyr., etc. ex Bulla Leonis X. *Superna*, in qua statutum fuit, ut nemo ad concionandum admitteretur, *nisi prius per Superiores suos respective examinatus*; et deinde declaratum fuit ibidem, quod Religiosus approbationem sui Superioris ostendere deberet. Respondent deinde Salm. cum Pelliz. et Granado supradictam contrariam S. C. Declarationem non amplius quam probabilem prae se ferre sententiam; unde non esse praefendam Bullae Leonis. At, inquam, saltem probabile est ex dicta Declaratione, quod Episcopus valeat examinare, et aliter negare possit licentiam. E contrario Bulla Leonis prohibet Episcopis, ne admittant Religiosum, non afferentem approbationem sui Superioris, sed non vetat illum examinare, si velit, et negare veniam, si ipse renuat examinari.

128. Animadvertendum tandem est, Ordinarium ex Concil. Lateranensi V. posse suspendere et punire concionatores regulares in tribus casibus in quibus immo ipsi *ipso facto* suspenduntur a concionando: 1. Si praedicent miranda, falsa, aut incerta. 2. Si praedicent prophetias non fundatas in sacra Scriptura, aut non approbatas a Sede apostolica. 3. Si praedicando detrahunt Episcopis, et suis Superioribus. Insuper ex Trid. *sess. 5. c. 2.* Episcopus potest suspendere et punire Regulares illos, qui praedicant propositiones haereticas, erroneas, aut scandalosas (6). Demum adnotandum quod Urbanus VIII. in Constit. *Alias felicitis rec.*, etc. data 11. april. 1635. (in extensum relata apud p. Ferrar. *Bibl. tom. 5. verb. Oracula, pag. 342. n. 9.*) revocavit omnia privilegia ab antecessoribus regularibus concessa *vivae vocis oraculo*, exceptis iis quae testificata fuerint per ministros quibus vi sui officii fides adhiberi solet.

(4) loc. cit. (5) Salm. tr. 18. c. 4 n. 186,

(6) Salm. ib. n. 188.

TRACTATUS XXI.

DE CHARITATE ET PRUDENTIA CONFESSARII

PUNCTUM UNICUM.

1. *De confessarii charitate in excipiendo poenitente.*
2. *In eo audiendo.*
3. *In eo corrigendo.*
4. *De prudentia in interrogando, admonendo, et disponendo.*
5. *Remedia generalia.*
6. *Remedia particularia.*

1. Quatuor sunt officia quae bonus confessarius exercere debet, patris nempe, medici, doctoris, et iudicis. Quod autem attinet ad doctoris et iudicis officium, sat de eo actum est in opere in omnibus tractatibus hucusque expositis. Restat nunc agendum de officio patris ad quod pertinet charitas, et de officio medici ad quod spectat prudentia. Confessarius, ut boni patris partes adimpleat, debet charitate esse plenus. Et primo charitatem adhibere debet in benigne excipiendo omnes sive pauperes, sive rudes, sive peccatores sint. Nonnulli tempus solummodo insumunt in audiendis confessionibus aliquorum devotorum, aut personarum spectabilium, quia, ut has a se repellant, non est eis tantus animus. Si tamen ad se aliquis miserabilis peccator accedat, aegre auditur, et conviciis oneratus arcetur; unde fit, ut ille miser qui postquam sibi maximam vim intulerit, ut ad sua peccata confitenda veniret, se tam aspere acceptum sentiens, odium in Poenitentiae Sacramentum concipiat, et desperans se posse invenire, qui sibi opituletur, et se absolvat a peccatis, in perditae vitae lubricum laxis habenis praeceps ruat, et in salutis desperationem incidat. Secus boni confessarii agunt; cum ad se huiusmodi peccatores confluunt, benigne hos accipiunt, et (quasi *victor capta praeda*) exultant, perpendentes sibi sortem contigisse,

animam de manibus daemonis eripere. Sciunt hoc Sacramentum proprie non pro iustis fuisse constitutum, sed pro peccatoribus; etenim veniales culpa, ut remittantur, non indigent sacramentali absolutione, cum multis aliis modis deleri possint; sciunt quoque Christum protestatum fuisse his verbis: *Non enim veni vocare iustos, sed peccatores. Marc. 2. 17.* Propterea confessarius charitatis viscera induens, quo magis animas peccatorum multitudine, et atrocitate coinquinatas reperiat, eo magis, ut Deo ipsas lucrifaciat, maiore charitate eas amplectitur, eisque animum praebet his aut similibus verbis: *Eia frater! bono animo esto, noli timere: peccata tua impavide confitere. Aperi omnia confidenter, nullius te pudeat. Nihil refert, si in omnes tuas conscientias sinus non introspexeris; sufficit si ad interrogata respondeas. Age Deo gratias, qui te hucusque ad poenitentiam expectavit. Nunc tibi mutanda est vita. Laetare, quia Deus certe omnia peccata, quantumvis ingentia, tibi remittit, si bonam habes voluntatem; ideoque te expectavit, ut tibi parceret. Igitur hilari animo dic omnia, nihil involucris tegas.*

2. Charitatem deinde longe maiorem ostendere debet in confessionem excipiendo. Caveat ne se impatientem, aut taedio affectum exhibeat; nec ostendat admiratione percelli de peccatis quae narrantur; modo poenitens non sit ita animo durus, aut petulans, ut plura et atrociora peccata sine ullo rubore, et sine ulla displicentia animique sensu exponeret; quia tunc opus habet pro viribus efficere, ut a poenitente quanta sit illorum deformitas, et magnitudo percipiatur; ideoque tunc acrior requiritur correctio, ut ipse a lethali lethargo expergefiat. Verum

quidem est, quod (ut diennt doctores) in actu confessionis abstinere debent confessarii a correctione facienda: ne forte exterriti poenitentes peccata reticeant; nihilominus hoc intelligitur regulariter loquendo: caeterum multoties expedit ad ulteriora non procedere, et statim poenitentem corripere, praecipue cum confitetur peccatum valde enorme, aut si ipse fuerit in aliquo vitio habitus, ut peccati gravitatem comprehendat. Advertat tamen, ne eum exasperet, nec perterreat. Quapropter, postquam eum, quantum opus fuerit, correxerit, statim ei animum faciat ad reliqua peccata confitenda, dicens: *Eia Frater! vis te ab hoc vitio resipiscere? Num ita est? Et quoniam hoc facere es paratus, esto animo hilari. Itaque enarra reliqua peccata, nihil reticens. Cave, quaeso, ne sis aliquod sacrilegium commissurus. Hoc enim esset maximum omnium peccatorum, quae hucusque commisisti. Igitur dic omnia animo forti, vince teipsum; confitere omnia sincere; Deus enim paratus est tibi parcere.*

3. Deinde in fine confessionis oportet, ut confessarius vehementiori ardore ac studio incumbat, ut poenitenti percipere faciat gravitatem et multitudinem eius peccatorum, ac miserum damnationis statum in quo reperitur; sed hoc semper maxima cum charitate fiat. Veram tamen congruentius est tunc verbis gravioribus uti, ut sic melius ad bonam mentis frugem redire possit; nihilominus efficere debet, ut poenitens intelligat hoc, quod ei dicitur, non ab animo irato, sed ex singulari amore et commiseratione erga suam animam procedere. Quod poterit hoc modo exprimi: *Fili mi! considerasne vitam damnati, quod duxisti? Percipisne malum, quod operatus es? Quid tibi mali fecit unquam Deus tuus, quem tu ita perditie contempsisti? Si Iesu Christo nullus fuisset tibi inimicior, potuisses cum illo te gerere pectus? Sed quaeso, animadverte*

Homo Apostolicus

*quis sit hic Iesus. Hic est ille qui cum esset Deus, nullius egens, factus est homo propter te; voluit mori in Cruce, ut te de inferno redimeret. Ah fili, si interim mortuus esses, si in hac nocte, quo iturus fuisses? ubi nunc esses? esses in aeterno igne inferni. Quid de te factum erit, si vitam hactenus ductam pergas in posterum vivere? Poteris sic salvari? Expergiscere, et vide, quod nisi mores in melius mutes, iam es damnatus. Quid boni ex tot peccatis tibi collegisti? Nonne consideras, quod duplicem infernum tibi paras, unum hic angoris et miseriae, alterum illic poenarum? Age fili, averte a malo, desine peccare, et te totum in Dei brachia, quae ad te suscipiendum sunt extensa, committe; sufficit quantum ei peccasti. Ego totis viribus, et toto corde te adjuvare volo; veni ad me semper ac tibi lubet, quoniam invenies patrem, qui te benigne suscipiet. En firmiter nunc statue te sanctum velle effici. Per te stat; Deus enim semper paratus est, et propterea tibi hoc tempus impertitus est, ut avertas a malo, et facias bonum. Oh quam bonum est amicum habere Deum! etc. (S. Franciscus Sales, ut Deo alliceret peccatores, potissimum curabat, ut ipsi cognoscerent pacem, quam fruuntur illi qui Deo adhaerent, et vitam infelicem, quam ducit qui a Deo alienus est). Postea adjuvabit eum ad doloris actus efformandum, et si dispositus est, eum absolvat, et remedia salutaria, quibus possit se a peccatis servare, suggerat, atque ei poenitentiam imponat (sed de his in num. sequenti agetur). Si autem fuerit absolutionis incapax, aut expediens videbitur differendam esse absolutionem, assignet ei diem in quo regredi debeat, dicendo ei sic: *Eia Frater! tali die te expecto, ne praetermittas ad me redire; animo forti magnoque sis, ut tibi dixi; commenda te quotidie beatae Virginis, et veni ad me. Si forte tunc invenies me aliorum confessiones excipientem, ac-**

cede, te enim ante alios audiam. Si alibi ero, fac ut me arceant, omnia deseram, ut tu confitearis. Et sic dulcibus verbis a se dimittat. Haec est via qua peccatores tales allici possunt, nempe cum eis agere quanta maxima fieri potest charitate: alioquin, si ipsi in confessarium incident, qui cum eis inclementer agat, a confessione horrebunt, confiteri negligent, et effraenate in perditionem ibunt.

4. Ad medici officium spectat prudentia, quae requirit, ut confessarius ad recte curandum poenitentem suum, prius cognoscat causas et originem omnium infirmitatum spiritualium, interrogando de habitu, de occasionibus peccandi, de loco, tempore, et personis cum quibus peccavit. Et ex his se dirigere debet ad debitas correctiones faciendas, quas nunquam omittere debet cum quibuscumque personis, licet quacumque illustri qualitate fulgeant, nec cum principibus, magistratibus, praelatis, parochis, aut sacerdotibus, cum ipsi se accusant de culpis gravibus, et sine nimio animi sensu: cum huiusmodi licet adhiberi debeant correctiones verbis lenioribus et discretioribus; maiori tamen animi fortitudine et calore fiat, cum ex istorum peccatis propter gravius damnum quod suo malo exemplo aliis afferri potest, perniciosior flagitiorum consequens esse soleat licentia. Propterea cum istis, si suo desunt officio, admonitio non omittenda est, licet in bona fide existant. Cum aliis vero, qui aliqua laborant inculpabili ignorantia, an adhibenda sit admonitio cum profutura non est, vide dicta *Tr.* 16. (cum de confessione locuti sumus ex *n.* 108). Deinde audita confessione debet confessarius procedere ad disponendum per actus doloris et propositi poenitentem ad absolutionem. Iterum hic advertendum quod diximus *Tr.* 16. *n.* 105. *in fine*, quod si poenitens esset indispositus, tenetur confessarius (quemadmodum dicunt Suarez

Laym. et alii) pro viribus officere, ut disponatur, nihil curans quod alii expectent, aut abeant. In eodem *Tr.* 16. *n.* 51. locuti fuimus de prudentia, quam adhibere debet confessarius iniungenda poenitentia pro viribus spiritualibus poenitentis, ne onere maiore, quam poenitentis vires patiuntur, illum gravet. Sed maxime confessario intendendum est, ut opportuniore applicentur remedia, quibus poenitens in Dei gratia conservari valeat.

5. Sermonem autem facturum de remediis, quae insinuari debent poenitentibus, dico, alia esse generalia, alia particularia pro aliquo vitio particulari. Generalia omnibus insinuanda, sunt 1. Amor erga Deum, cum ipse ad hunc solum finem nos creavit. Et curetur pariter, ut poenitens cognoscat pacem interiorum qua donantur, qui Dei amicitia fruuntur, et infernum quem ante tempus experiuntur qui alieni sunt a Deo; addita perniciem temporali, quam secum trahit peccatum. 2. Saepe se commendare beatae Virgini, Rosarium recitando; se commendare Angelo Custodi, et alicui Sancto peculiari protectori. 3. Frequentia Sacramentorum, et si unquam in aliquod peccatum mortale inciderit, statim se confiteri. 4. Veritatem aeternarum consideratio, et prae caeteris consideratio mortis; et patribusfamilias insinuanda est quotidiana mentalis oratio in communi cum familia, aut saltem Rosarium una cum filiis. 5. Dei praesentia, cum urget tentatio, dicendo. *Deus me videt*. . . 6. Quolibet vesperi conscientiam scrutari cum animi dolore et proposito. 7. Saecularibus, ut in aliqua congregatione se adscribant, et sacerdotibus oratio mentalis, et gratiarum actiones post Missam, et ut perlegant saltem aliquem libellum spirituales ante et post Missam.

6. Remedia autem particularia assignabuntur pro vitiorum diversitate, v. gr. illi qui aliquo odio tenetur, in-

sinnetur ut quotidie commendet Deo illum quem odit, recitando pro ipso Orationem dominicalem et Salutationem angelicam, et cum se turbare sentit memoria iniuriæ sibi illatæ, reminiscatur contumeliarum, quibus ipse Deum affecit. Illi qui in peccata turpia prolapsus est, ut otium vitet, malos socios et occasiones aufugiat; et illi qui habitum pravam per longum tempus contraxit in hoc vitio, ut non solum vitet proximas occasiones, sed etiam quasdam remotas, quæ sibi tam debili ad resistendum factæ erunt proximæ. Huic præcipue imponatur, ne unquam intermitat recitare ter Salutationem angelicam in honorem puritatis beatissimæ Virginis, mane et vesperi, repetendo semper coram eius imagine propositum non peccandi, et supplicationem, ut sibi perseverantiam impetret. Potissimum autem confessarius curet, ut frequenter hic communicet, cum

Eucharistia dicatur *Vinum germinans virgines*. Illi qui solitus fuit blasphemias proferre, insinuetur ut novies, vel quinque lingua signet crucem super terram, et ut quotidie saltem semel dicat Orationem dominicalem et Salutationem angelicam in honorem Sanctorum, in quos execratus fuit, et ut quolibet mane, dum e cubili surgit, renovet propositum patienter ferendi occasiones indignationis, et ter dicat beatæ Virgini quolibet mane: *Domina mea, dona patientiam*. Et id non solum inserviet, ut sanctissima Maria sibi opituletur, sed etiam, ut in occasionibus repariatur habitus factus diendi eadem verba. Aut assuescat dicendo, *maledictum sit peccatum meum, maledictus sit daemon, etc.* Alia remedia assignabit confessarius pro sua prudentia, inspectis circumstantiis occasionum, personarum, et munerum.

TRACTATUS ULTIMUS.

QUOMODO SE GERERE DEBEAT CONFESSARIUS CUM POENITENTIBUS DIVERSORUM GENERUM

CAPUT UNICUM

1. ad 7. Punct. I. De iis qui in occasione proxima versantur.
8. ad 15. Punct. II. De habituatis et recidivis.
16. et 17. De Ordinandis pravo habitu irretitis.
18. ad 30. Punct. III. De interrogationibus faciendis poenitentibus neglectæ conscientiae; et I. De interrogationibus faciendis rudibus iuxta ordinem præceptorum.
31. II. De interrogationibus faciendis poenitentibus diversorum statuum, et conditionum: et I. Sacerdotibus.
32. II. Monialibus.
33. III. Iudicibus. IV. Scribis. V. Medicis.
34. VI. Chirurgis et pharmacopolis. VII. Negotiantibus. VIII. Sartoribus.
35. IX. Proxenetis, et venditricibus.
36. X. Barbitonsoribus, et capillorum

fictitiorum (vulgo Perruche) artificibus; et hic fit sermo de iuvenibus qui mulieribus aptant caput.

37. ad 41. Punct. IV. De pueris et puellis.
42. et 43. Punct. V. De personis pietati addictis.
44. et 45. Punct. VI. De mutis et surdis.
46. et 47. Punct. VII. De moribundis.
48. et 49. Punct. VIII. De capite damnatis.
50. ad 53. Punct. IX. De a daemonibus vexatis.
54. et 55. Punct. X. De mulieribus.

PUNCTUM I.

Quomodo se gerere debeat confessarius cum iis qui sunt in proxima occasione peccandi.

1. Maxima confessarii cura debet esse se bene gerendi cum iis qui sunt in proxima occasione peccandi, aut in vitiis consuetudinarii sunt, aut

recidivi. Hi sunt duo magni scopuli in quos maior confessoriorum pars impetunt, et deficiunt. In capitulo sequenti sermonem faciemus de habituatis et recidivis; hic de occasionariis. Certum est quod si homines satagerent occasiones fugere, maior peccatorum pars evitaretur. Satan, remotis occasionibus, parum lucratur, sed cum homo ultro in occasionem proximam se immittit, ut plurimum et fere semper hostis victoriam canit. Occasio, praesertim in materia turpium delectationum, est quasi rete, quod ad peccatum trahit, et simul mentem obcoecat: ita ut homo peccet, quin videat quod agat. Sed deveniamus ad praxim. Occasio primo dividitur in voluntariam et necessariam. *Voluntaria* est illa, quae facile vitari potest. *Necessaria* quae amoveri nequit sine gravi damno, aut scandalo. Secundo dividitur in proximam et remotam. *Remota* est illa in qua homo raro peccat, vel illa quae ubique reperitur. *Proxima per se loquendo*, est illa in qua homines communiter ut plurimum deficiunt. *Proxima autem per accidens*, seu respectiva est ea quae licet respectu aliorum non sit proxima, tamen respectu alicuius proxima est, vel quia hic in tali occasione frequenter est lapsus, vel quia prudenter timeri potest ne labatur propter experientiam cognitam suae fragilitatis. Quidam a volunt, non esse occasionem proximam nisi eam, in qua homo fere semper, vel ut plurimum ceciderit; sed communior et verior sententia docet, occasionem proximam esse illam in qua frequenter quis peccavit (1). Verumtamen advertendum, quod sicut aliquando occasio quae respectu ad alios communiter est proxima, respectu vero ad aliquem valde pium et cautum potest esse remota (2): ita contra quaedam occasiones quae respectu ad alios communiter per se essent remotae, forte erunt proximae respectu ad aliquem qui propter ex-

(1) lib. 6. n. 452. (2) ibidem.

perimentum relapsuum, et propter pravam inclinationem in quoddam vitium (praesertim si est turpe) factus est valde debilis et facilis ad labendum; et tunc iste tenebitur ad removendas, non tantum occasiones proximas, sed etiam illas remotas, quae respectu sui proximae evadunt.

2. Caeteram est quidem in occasione proxima 1. ille qui retinet in propria domo aliquam foeminam cum qua saepe rem habuit. 2. Ille qui frequenter in ludo prorupit in blasphemias, aut fraudes. 3. Ille qui in aliqua caupona aut domo saepe se inebriaverit, aut ceciderit in rixas, vel actus, verba, aut cogitationes obscenas. Porro omnes isti absolvi nequeunt, nisi postquam occasionem abstulerint, aut saltem nisi auferre promittant, iuxta distinctionem quae fiet in numero subsequenti. Et ita pariter non potest absolvi qui aliquam domum adeundo, quamvis semel in anno, semper ibi peccavit; talis enim aditus iam ipsi proxima est occasio. Nec etiam absolvi possunt qui tametsi in occasione positi non labuntur, afferunt tamen aliis grave scandalum (3). Addunt aliqui dd. (4) negandam quoque absolutionem illi qui occasionem externam non removet, si cum occasione coniungitur habitus vitiosus, aut magna tentatio, seu vehemens passio, quamvis usque tunc in ea occasione nunquam peccaverit; nam facile deinde peccare poterit, si ab occasione se non amoverit. Hinc dicunt quod si unquam aliqua famula tentaretur ab hero, et ipsa se noverit facilem ad labendum, ab ea domo abscedere tenetur, si commode potest, alioquin temere praesumeret se securam habere.

3. Et hic caveant confessarii a permittendo sponsis domos sponzarum adire, et puellis earumque parentibus sponso in domum admittere, quia raro evenit quod tales sponsi non labantur, saltem in verba, aut cogitationes turpes in huiusmodi occa-

(3) n. 452. v. ex praemissis. (4) ibid.

sione, dum omnes aspectus et colloquia inter sponsores sunt incentiva ad peccandum, estque moraliter impossibile ipsos invicem conversari, et non sentire stimulos ad eos turpes actus qui tempore matrimonii deinde succedere debent. Generaliter autem loquendo de adolescentibus et puellis qui invicem se adamant, non sunt isti omnes indistincte de gravi culpa damnandi, sed ordinarie puto ipsos difficulter esse extra occasionem proximam lethaliter peccandi. Id nimium experientia patet, nam ex centum adolescentibus vix duo aut tres in ea occasione a mortalibus invenientur immunes; et si non in principio, saltem in progressu; tales enim adamantes prius conversantur invicem ob propensionem, deinde propensio fit passio, et passio, postquam radicem in corde fixerit, mentem obtenebrat, et eos in mille crimina ruere facit. Hinc Cardinalis Picus de Mirandola, Episcopus Albanensis, in sua dioecesi per Edictum suos admonuit confessarios, ne tales adamantes absolverent, si postquam ter ab aliis iam fuerint admoniti, ab huiusmodi amore sectando non abstinuissent, praesertim tempore nocturno, aut diu, aut clam, aut intra domos (cum facili periculo osculorum et tactuum), aut contra parentum praeceptum, aut cum altera pars prorumpit in verba obscena, aut cum scandalo (prout si in ecclesia), aut cum coniugatis, Claustralibus, aut clericis in Sacris. Et in hoc generaliter advertendum, quod ubi agitur de periculo peccati formalis, et praecise peccati turpis, confessarius quanto magis se rigorosum cum poenitente adhibebit, tanto magis eius saluti proderit. Et contra, tanto magis cum illo immanis erit, quanto magis benignus erit in permittendo, ut ille in occasione maneat, aut se immittat. S. Thomas de Villanova confessarios in hoc condescendentes vocat *impie pios*. Haec charitas est contra charitatem. Solent in his casibus poe-

nitentes conari, ut confessarii apprehendant, quod occasionem removendo magnum orietur scandalum. Fortis sit confessarius ad huiusmodi timores despiciendos: maius semper erit scandalum, videre quod poenitens nec etiam post confessionem occasionem auferat. Aut alii eius peccatum ignorant, et tunc nihil mali suspicabuntur: aut sciunt, et tunc poenitens famam potius recuperabit, quam amittet, removendo occasionem.

4. Plures dd. censent prima aut secunda vice bene absolvi posse, qui est in occasione proxima, licet voluntaria, etiam antequam occasio auferatur; modo firmum habeat propositum, et promittat illam statim remove. Sed hic oportet distinguere cum s. Carolo Borromaeo (in instructione confessariis ab eo tradita) occasiones quae *sunt in esse*, et occasiones quae *non sunt in esse*. *Occasio quae est in esse*, est exempli g. cum aliquis concubinam domi detinet, vel cum aliqua famula consentit quoties tentatur a domino et similia. *Occasio autem quae non est in esse*, est ex g. cum quis in ludo prorumpit in blasphemias, aut versando in cauponis prolabitur in rixas et ebrietates, aut accedendo ad convivia, incidit in verba et cogitationes turpes. His positis dicendum quod in occasionibus quae *non sunt in esse*, recte docet s. Carolus quod poenitenti firme promittenti ab eis abstinere, potest semel, bis, et etiam ter absolutio dari: quod si deinde ille occasionem non auferat, et eodem modo peccat, non potest absolvi, nisi prius occasionem removeat. In occasionibus autem quae *sunt in esse* cum eodem s. Carolo omnino neganda est absolutio, nisi occasio prorsus auferatur. Hancque sententiam ordinarie loquendo, omnino tenendam probavimus in libro (1). Ratio, quia talis poenitens est indispositus ad absolutionem, si petat eam antequam occasionem removeat: etenim eam recipiendo se immittit

(1) lib. 6. n. 454.

in proximum periculum frangendi propositum, et sic remanendi in eadem occasione. Clarius rationem hanc explicemus. Porro moraliter peccat qui est in occasione proxima voluntaria, et eam non tollit; cum autem opus tollendi occasionem sit maxime arduum, et non impleatur, nisi per magnam violentiam, hanc vim difficulter sibi infert qui iam est absolutus, dum ablato timore sine absolutione remanendi, de facili sibi suadebit quod tentationi resistet, quin occasionem auferat, et ita in ea manendo, certe quidem recidet: prout quotidie experimento probatur in pluribus poenitentibus, qui, capta absolutione ab aliquo confessario parum cauto, minime postea attendunt ad occasionem removendam, et statim deterius relabuntur. Hinc dicimus quod propter praedictum periculum frange di propositum, mortaliter peccat poenitens, qui ante remotionem occasionis absolutionem petit, et gravius peccat confessarius qui illum absolvit.

5. Diximus *ordinarie loquendo*, iam plures casus excipiuntur a dd. (1), in quibus poenitens absolvi potest, antequam occasionem removerit. Et excipitur 1. casus in quo poenitens talia afferret extraordinaria signa doloris, ut prudenter iudicari possit ipse non esse amplius in proximo periculo frangendi propositum de tollenda occasione; tunc enim signa illa indicant poenitentem donatum fuisse uberiori gratia, qua merito speratur quod in removenda occasione constans erit. Verumtamen, semper ac absolutio commode differri posset, tunc illam etiam ei differrem, usque dum cum effectu occasionem auferat. Excipitur 2. casus, in quo poenitens non possit redire, vel non nisi post multum tempus; tunc bene potest absolvi, si censetur bene dispositus per propositum statim removendi occasionem; quoniam eo casu periculum frangendi propositum, remotum

(1) lib. 6. n. 54. v. dixi.

reputatur, causa magni oneris quod poenitens deberet pati, abscedendo sine absolutione aut repetendi confessionem apud alium sacerdotem, aut diu manendi sine gratia Sacramenti. Quapropter, cum ille sit tunc in quadam morali necessitate recipiendi absolutionem, antequam occasionem tollat, habet ius ut statim absolvatur (2), dum enim hic non potest ante absolutionem occasionem auferre, censetur ac si esset in occasione necessaria. Sed hoc nec etiam admittendum, si poenitens iam ab alio confessario alias admonitus fuerit de occasione removenda, et non impleverit, quia tunc habetur ut recidivus, et ideo nequit absolvi, nisi afferret extraordinaria signa doloris, prout in sequenti puncto dicemus n. 12.

6. Hoc dicimus quoad occasionem proximam voluntariam; at si occasio est necessaria, aut *physice*, prout si quis detineretur in carcere, vel esset in periculo mortis, in quo non haberet tempus et modum eliciendi concubinam: vel *moraliter*, id est, si occasio non posset auferri sine scandalo, aut gravi damno vitae, famae, aut bonorum, ut communiter docent dd.; eo casu poenitens bene absolvi potest, quin occasionem auferat, quia tunc non tenetur eam remove, modo promittat exequi media necessaria ad efficiendum, ut occasio ex proxima evadat remota, prout sunt, praecise in occasione peccati turpis fugere familiaritatem complicitis, et etiam aspectum quantum fieri potest; frequentare Sacramenta, et saepe commendare se Deo, renovando quotidie (praesertim mane) ante imaginem Crucifixi propositum non amplius peccandi, et quantum est possibile vitandi occasionem. Ratio, quia occasio peccandi non est proprie peccatum in seipsa, neque inducit peccandi necessitatem; unde bene consistere potest cum occasione verus dolor et propositum non recidendi;

(2) ibid. v. excipiendus 2.

et licet quisque teneatur auferre proximum periculum peccandi, id intelligitur cum ipse sponte vult tale periculum: sed cum occasio est moraliter necessaria, tunc periculum per remedia opportuna remotum evadit; et Deus tunc non se retrahit ab assistendo sua gratia illi, qui vere delibavit ipsum non offendere. Nam non dicit Scriptura, quod peribit qui est in periculo, sed qui amat periculum; sed nequit dici amare periculum, qui illi invitus subiaceret; unde inquit d. Basilius: *Qui urgenti aliqua causa, et necessitate se periculo obicit, vel permittit se esse in illo; cum tamen alias nolle, non tam dicitur amare periculum, quam invitus subire; et ideo magis providebit Deus, ne ille pereat.*

7. Hinc dicunt dd. bene capaces absolutionis esse, qui nolunt relinquere aliquod officium, negotium, aut domum, in qua soliti fuerunt peccare eo quod deserere eam nequeunt sine gravi detrimento, semper ac verum habeant propositum se emendandi, et media implendi ad emendationem; tales sunt ex gr. chirurgi qui in medendis foeminis, aut parochi qui in excipiendis earum confessionibus, prolapsi sunt, si, his muneribus relictis, non possent iuxta suum statum vivere⁽¹⁾. Sed omnes conveniunt expedire in his et similibus casibus absolutionem differre, ut poenitens sit saltem diligentior in praescriptis remediis exequendis. Verum tamen ego censeo, confessarium non tantum posse, sed etiam teneri ad differendam absolutionem, semper ac commode differre potest, praesertim cum agitur de materia turpi; tenetur enim ipse tamquam medicus animarum opportuniorem applicare remedia; et puto remedium magis idoneum non inveniri pro eo qui manet in occasione proxima, quam differre ei

absolutionem, dum experientia nimis patet quod plures post absolutionem acceptam negligunt media praescripta exequi; et sic facile recidunt. E converso, cum alicui differatur absolutio, ille vigilantior erit ad media implenda, et ad obsistendum temptationibus, ob metum ne iterum sine absolutione dimittatur, cum ad confessarium redibit. Forte in hoc quis me nimium rigidum reputabit: sed ego semper sic me gessi in praxi, et sic pergam me gerere cum iis qui sunt in proxima occasione, quamvis necessaria, et quamvis extraordinaria signa doloris haberent, semper ac mihi non ostenderetur specialis necessitas eos statim absolvendi; et sic censeo multo magis prodesse poenitentium saluti. Utinam et omnes confessarii sic etiam se gererent, oh quot peccata evitarentur, et quot aliae salvarentur animae! Repeto quod supra dixi: Ubi agitur de liberando poenitente a peccato formali, uti debet confessarius opinionibus benignioribus, in quantum christiana prudentia concedit; sed ubi opinionones benignae periculum peccati formalis proximis reddunt, prout in hac materia occasionum proximarum accidit, dico omnino expedire, et quandoque oportere, quod confessarius sententiis rigidioribus utatur; tunc enim haec valde magis prosunt animarum saluti. Quod si autem quis, manendo in occasione necessaria, semper eodem modo relaberetur, etiam remediis adhibitis, et modica superesset spes emendationis, tunc dico omnino huic negandam absolutionem priusquam occasionem tollat⁽²⁾. Et hic reor instare Evangelii praeceptum: *Quod si oculus tuus scandalizat te, eice eum* (3). Excepto casu quo poenitens signa doloris ostenderet tam extraordinaria, ut posset concipi prudens spes emendationis (4).

(1) lib. 6. n. 455.

(2) n. 457.

(3) Marci 9. 46.

(4) l. 6 n. 457.

v. secus vero.

PUNCTUM II.

Quomodo se gerere debeat confessarius cum habituatis et recidivis.

8. Distinguendi sunt habituati a recidivis. *Habituati* sunt qui habitum contraxerunt in aliquo peccato, de quo non adhuc sunt confessi. Isti, ut dicunt dd. (1), bene absolvi possunt, prima vice qua confitentur de pravo habitu, vel si de eo confitentur postquam retractaverunt, dummodo dispositi sint per verum dolorem, et firmum propositum adhibendi media efficacia ad emendationem; verum si habitus esset valde radicans, potest etiam confessarius ei differre absolutionem, ad experiendum quomodo sit constans poenitens, in praxim deducendo media praescripta, utque ipse de suo vitio maiorem concipiat horrorem. Advertatur hic, quod quinque vices in mense iam possunt malum habitum constituere in aliquo vitio peccati externi, modo inter ipsas aliquod intervallum intercedat. Et in materia fornicationum, sodomiarum, et bestialitatum multo minor numerus habitum potest constituere: qui ex. gr. semel in mense fornicaretur per annum, bene hic habituatus dici potest.

9. *Recidivi* autem sunt qui post confessionem eodem, vel quasi eodem modo sunt relapsi absque emendatione; isti, ut communiter docetur (2), nequeunt absolvi, si sola signa ordinaria afferant, nempe si tantum confiteantur, asserendo se poenitere, et proponere, prout habetur ex propos. 60. damnata ab Innocentio XI. Nam habitus contractus, et relapsus praeteriti sine ulla emendatione magnam praestant suspicionem, quod dolor et propositum, quae poenitens asserit habere, nequaquam sint vera. Unde istis differenda est absolutio per aliquod tempus, usquedum appareat prudens signum emendationis. Et in hoc puncto lugenda est animarum

(1) lib. 6. n. 459. (2) ib. v. recidivis.
(3) ib. v. Dicunt vero.

ruina, cuius causa sunt tot mali confessarii, indistincte absolvendo tot recidivos, qui cum repperint confessarios qui semper tam facile eos absolvent, amittunt horrorem in peccando, et pergunt ad putrescendum in coeno vitiorum usque ad mortem. Quidam dd. (3) admittunt, recidivum solis signis ordinariis absolvi posse usque ad tertiam et quartam vicem; sed huic opinioni nunquam potui acquiescere, dum habituatus, qui post unam confessionem recidit sine emendatione, iam est verus recidivus, et fundatam praebet suspicionem suae indispositionis. Et notetur hic quod haec regula procedit, etiam respectu culparum venialium, quamvis enim communiter admittitur facilius absolvi posse eos qui prolabantur in peccata levia, eo quod occasiones eorum frequentiores sint; attamen, cum sit communis sententia (4) grave esse peccatum, et sacrilegium absolutionem recipere super levibus confessis sine vero dolore et proposito; nec sufficere dolere de multitudine, seu de numero excessivo talium culparum, quin dolor habeatur de aliqua in particulari, prout tenuimus Tr. 16. n. 23., contra quorundam opinionem; facile metuendum est huiusmodi confessiones sacrilegas esse, aut saltem invalidas. Hinc diligenter satagat confessarius ad non absolvendos indistincte tales poenitentes; tunc etenim, etiamsi illi sint in bona fide, ipse tamen non poterit a sacrilegio excusari, absolutionem impertiendo eis qui ad absolutionem non satis dispositi iudicari possunt. Propterea curet, si poenitentem sine peccato vult absolvere, aut eum disponere ad dolendum praesertim de aliqua levi culpa, a qua ille magis horreat; aut ei insinuare, ut confiteatur de aliquo peccato graviore vitae antea actae contra aliquod praeceptum (sufficit enim ut confiteatur in generali absque numero) ut habeat materiam certam super qua inniti possit absolutio; a

(4) Lib 6 n. 449. Sed dubitatur. 1

liquin etiam huic poenitenti per aliquod tempus differri oportet absolutio.

10. Dico *per aliquod tempus*, eo quod recidivis tam levium, quam gravium culparum non est necessariam differre absolutionem per annos, aut menses, ut nimis rigide vult Iuveninus (1); sed regulariter satis erit, si peccatum procedit ex fragilitate intrinseca, dilatio octo vel decem dierum, prout ait doctus auctor libri Romae editi, cui titulus, *Istruzione per li Novelli Confessori* (2); idemque dicit auctor libelli ubique in Italia accepti, cui titulus, *Istruz. per li Confessori di Terre e Villaggi* (3), ubi pro hac doctrina citat Ludovicum Habert (4). Adduntque esse excessivam et periculosam dilationem mensis, quia post tantum tempus difficilis redditur reditus huiusmodi poenitentium. Et huic iudicio favet Papa Benedictus XIV. in Bulla Apostolica Constitutio, edita 26. iulii 1749. §. 22. (5) ubi loquens de confessariis qui rite poenitentibus absolutionem differunt, sic deinde eos monet: *Illos quantocius ut revertantur invitent, ut ad sacramentale forum regressi, absolutionis beneficio donentur*. Nota verba, *quantocius et donentur*. Ad summum (dico) his differri potest absolutio per quindecim, aut viginti dies. Sed excipere oportet illos qui tempore praecepti paschalis confitentur; pro istis enim maioris temporis experientia requiritur, cum iusta suspicio haberi possit, quod hi abstineant a relapsu, potius ut censuram effugiant, quam ex vero proposito mutandi vitam. Oportet etiam excipere eos qui lapsi sunt in occasione proxima extrinseca: isti enim maiori egent experientia, cum occasio (ut dictum est in puncto praecedenti) sit fortius incentivum ad peccandum. Verum semper sufficiet

experientia mensis. Caveat tamen confessarius, ne dicat poenitenti, ut non redeat nisi post mensem, nam hic ob tantam dilationem nimis terribitur: potius imponat ei, ut redeat post octo, vel quindecim dies, et sic blando modo ipsum transferet ad recipiendam absolutionem in fine mensis.

11. Ad absolvendos igitur recidivos non sufficiunt ordinaria signa doloris et propositi, sed requiruntur extraordinaria: quae alias iuxta communem sententiam (6) certe sufficiunt ad absolutionem impertiendam; illud enim extraordinarium signum (modo solidum sit et fundatum) aufert indispositionis suspicionem, quae urget ratione relapsuum. Recte dixerunt Episcopi Belgii, in anno 1697. congregati, in quodam Decreto edito pro directione confessariorum suarum dioecesium, de hoc puncto loquentes: *Deum in conversione peccatoris, non tam considerare mensuram temporis, quam doloris* (7). Hinc prohibuerant, ne confessarii stabili lege exigere a poenitentibus adhuc recidivis experientiam notabilis temporis, antequam eos absolverent. Et iure merito, sola enim probatio temporis non est unicum signum mutatae voluntatis, dum voluntas peccatoris mutatur virtute divinae gratiae, quae tempus non requirit, sed aliquando illico operatur; quapropter mutatio voluntatis bene per alia signa cognosci valet, sine experientia temporis. Quinimo alia signa dispositionis actualis poenitentium, quandoque voluntatis mutationem manifestant multo melius, quam probatio temporis: nam talia signa directe dispositionem ostendunt, dum e converso experientia illam ostendit tantum indirecte; cum non raro accidat, quod aliquis diu abstinuerit a peccando, et adhuc sit etiam indispositus. Unde auctor libri citati (*Istruz. per li Nov. Confes.*) sic ait (8): *Se la ricaduta na-*

(1) vide l. 6. n. 463. (2) part. 1. c. 9. n. 225. (3) cap. 1. §. 4.

(4) In praxi poenit. tr. 4. p. 417.

(5) Bull. t. 3. Edit. Mechl. t. 7. p. 301.

(6) l. 6. n. 459. v. recidivus, in fine.

(7) ap. Croix l. 6. p. 2. n. 1823.

(8) p. 1. c. 15. n. 356.

sce dalla propria fragilità, senz'altra causa estrinseca voluntaria, è quasi temerità il dire, che ogni ricaduto sia indisposto. Et alibi (1) dicitur quod recidivus propter vim mali habitus absolvi debet, semper ac firmam ostendit voluntatem adhibendi media ad emendationem, sic subdendo: E giudichiamo che 'l fare altrimenti, sia troppo rigore, e che 'l Confessore facendolo s'allontanerebbe dallo Spirito della Chiesa e del Signore, e della natura del Sacramento, il quale non solamente è giudizio ma è medicina salutare.

12. Plura autem sunt haec signa, prout docent dd. (2). 1. Maior dolor manifestatus per lacrymas (modo sint verae compunctionis), aut per verba ex corde procedentia, quae aliquando certiora signa quam lacrymae esse possunt. 2. Minor numerus peccatorum; intellige cum poenitens fuerit in eisdem occasionibus et tentationibus peccandi; aut si poenitens post ultimam confessionem perseveraverit in gratia per notabile tempus, puta per 20. aut 25. dies, ipse qui prius pluries in hebdomada prolabi solebat: aut vero si relapsus fuerit post magnam resistantiam; aut etiam si, antequam ad confessionem accederet, diu se abstinerit a culpis mortalibus, in quas prolabi assuetus erat. 3. Diligentia adhibita pro emendatione, ut esset si poenitens diligenter occasionem vitaverit, media praescripta a confessario executioni mandaverit; aut si adhibuerit ieiunia, preces, elemosynas, etc. ad vitium extirpandum. 4. Si ipse petit a confessario remedia, aut nova media ad emendationem; item si promittit implere media quae tunc ei suggerit confessarius; maxime si nunquam monitus fuerit ad illa adhibenda; sed his promissionibus censeo non omnino fidendum, si alia signa desint; cum poenitentes, ut absolutionem carpant, facile promittunt, sed postea difficulter attendunt. 5. Spontanea confessio, nempe si poenitens accedit

non iam ad implendum praeceptum paschale, neque ex quodam usu prius confitendo in aliquibus temporibus, prout die Nativitatis Domini in festivitatibus Deiparae, et similibus: neque accedit impulsus a parentibus, a domino, aut magistro; sed venit omnino sponte, et vere inspiratus a divino lumine, ad solam finem, ut divinam gratiam recipiat Praesertim si ad se confitendum longum iter aggressus fuerit, abstinerit a lucro notabili, grave sustinerit incommodum, aut magnum conflictum internum vel externum superaverit. 6. Si venerit motus ab aliquo extraordinario impulsu, puta ob concionem auditam, aut mortem amici, obve metum alicuius imminentis flagelli, prout terraemotus, pestis, etc. 7. Si poenitens confiteatur peccata antea per verecundiam tacita. 8. Si poenitens, antequam accedat, restituerit rem, vel famam ablatam. 9. Si propter monitionem confessarii ostendit apprehendisse novam cognitionem et horrorem sui peccati, periculique suae damnationis. Alii alia signa addunt, prout si poenitens magnam libenter acceptat poenitentiam; si asserit poenituisse peccati statim ac illud patravit; si protestatur velle mori potius quam peccare. Sed haec signa nescio an sola satis esse possint; potius dicerem quod possent deservire ad alia adiuvanda signa, quae sola non sufficerent.

13. Denique semper ac aliquod adest signum, quo prudenter possit iudicari poenitens mutasse voluntatem, bene absolvi potest; quamvis enim confessarius, ut poenitentem absolvere possit, moraliter certus esse debet eius dispositionis, attamen advertendum quod in aliis Sacramentis, in quibus materia est physica, physica etiam debet esse certitudo; sed in hoc Sacramento Poenitentiae, cum materia sit moralis, prout sunt actus poenitentis, sufficit moralis certitudo, sive respectiva, ut probatum

(1) c. 9. n. 213. (2) l. 6. n. 460.

est (1): nim irum satis est quod confessarius prudentem habeat probabilitatem de dispositione poenitentis, sine aliqua prudenti suspitione in oppositum: alioquin difficulter unquam posset ullus peccator absolvi, nam omnia signa poenitentium aliud non fundant quam probabilitatem quamdam de ipsorum dispositione. Auctor (*dell'Istruz. per li Nov. Confess.*) sic loquitur: *Non ricercasi altro per amministrare la penitenza, che un giudizio prudente probabile della disposizione del penitente; onde se le circostanze non fondano un dubbio prudente, ch'egli non sia sufficientemente disposto, non deve il Confessore inquietare se stesso, nè il penitente, per averne l'evidenza che non è possibile* (2); vide *Tr. 16 n. 117. in fin.* Et hic notandum circa malum habitum, quod facilius absolvi possunt recidivi in blasphemiiis, quam in aliis peccatis odii, furti aut libidinis, quibus habitus fortius inhaeret, causa maioris concupiscentiae, sive inclinationis, quae in illis invenitur.

14. Dictum est, confessarium posse absolutionem impertiri consuetudinario, et recidivo, quando ille per signum extraordinarium dispositus appareat; sed non dicitur teneri, quia potest etiam absolutionem ei differre, si hoc censeat expedire, ut communiter dd. docent (3). Etenim, licet poenitens post confessionem suorum peccatorum ius habeat ad absolutionem, tamen, non habet ius ut statim absolvatur; nam confessarius tanquam medicus bene potest, imo quandoque tenetur absolutionem differre, cum iudicat tale remedium necessario prodesse saluti sui poenitentis. An autem expediat ordinarie uti hoc remedio, aut non sine consensu poenitentis? Certum est non expedire, quando dilatio afferre potest magis detrimentum, quam profectum; et idem dicunt dd. quando ob dila-

tionem poenitens subire deberet aliquam infamiae notam aut periculum (4). Extra autem hos casus quidam volunt melius esse, quod huiusmodi recidivis differatur absolutio. Alii tamen communius censent id raro expedire, et hoc etiam sentit celeberrimus nostrorum temporum Missionarius R. P. Leonardus de Portu Mauritio in suo docto sermone Romae edito, cui titulus, *Discorso Mistico e Morale*. Melius nihilominus dicendum, quod in hoc puncto nequit certa statui regula, sed confessarius iuxta occurrentes circumstantias gerere se debet: Deo se commendat, et secundum quod se sentit inspiratum, sic faciat. Ego ita censeo: si poenitens relapsus est ex fragilitate intrinseca, prout accidit in peccatis irae, odii, blasphemiarum, mollitierum, aut delectationum morosarum, dico cum sententia communissima doctorum (5) quod raro expedit differre absolutionem recidivo cum ille est dispositus: nam sperari debet magis gratiam Sacramenti, quam dilationem absolutionis illi prodesse posse.

15. Dico *ex fragilitate intrinseca*; aliter enim agendum cum eo qui relapsus est ob occasionem extrinsecam, quamvis necessariam; nam occasio vivaciorem excitat concupiscentiam, et complicitis praesentia vehementius sensus commovet, et intensiorem reddit affectum ad peccandum, quam faciat pravus habitus intrinsecus; et ideo poenitens in occasione extrinseca magnam sibi vim inferre debet, non tantum ad superandam tentationem, sed etiam ad se removendum a familiaritate et praesentia complicitis, ut periculum ex proximo reddatur remotum. Et tanto magis hoc procedit, si occasio est voluntaria, et omnino auferri debet; quia tunc recipiens absolutionem, antequam occasionem amoverit, remanet in magno periculo frangendi propositum factum de illa removenda,

(1) l. 6. n. 57. in fine et n. 461.

(2) p. 1. c. 15. n. 368. (3) l. 6. n. 462.

(4) n. 463. (5) ib. v. ut autem.

prout ostendimus in punct. praecedentibus. 4. E converso in consuetudinario ob causam intrinsecam remotius est periculum violandi propositum, dum ex una parte non adest obiectum extrinsecum quod tam violenter eum impellat ad peccandum: et ex altera illi non est voluntaria retentio mali habitus, prout est voluntarium non amovere occasionem cum possit; unde in tali necessitate Deus male habituato magis succurrit, et ideo plus quam a dilatione absolutionis, sperari potest emendatio a gratia Sacramenti, quae illum fortiores reddet, reddetque efficaciora media quae ipse adhibebit ad habitum extirpandum. Cur enim, recte dicunt Salm. (1), magis sperari debet quod peccatori gratia carenti prosit dilatio absolutionis, quam propositio amico Dei absolutio qua gratiam recipit? Et cardinalis Toletus (2), loquendo praecise de peccato pollutionis, censet ad tale vitium vitandum non esse remedium efficacius quam saepe se munire Sacramento Poenitentiae; subditque hoc Sacramentum maximum esse fraenum huiusmodi peccatum committentibus; et qui eo non utuntur, inquit, non sibi promittant emendationem nisi per miraculum: et in facto s. Philippus Neri (ut legitur in eius vita) (3) maxime hoc medio frequentis confessionis utebatur pro recidivis in tali vitio. Huic quoque confert id quod ait Rituale romanum, agendo de poenitentia: *In peccata facile recidentibus utilissimum fuerit consulere, ut saepe confiteantur, et si expediat, communicent.* Et dicendo *facile recidentibus*, certe intelligit loqui de eis qui nondum pravum habitum extirpavere. Aliqui auctores qui per solam rigoris viam videntur velle animas salvas facere, dicunt recidivos peiores fieri, cum ante emendationem absoluntur. Sed ipse scire vellem ab his magistris meis, an omnes recidivi, cum sine absolutione dimittuntur,

(1) de poen. c. 5. in fine

carentes gratia Sacramenti, evadant fortiores, et omnes emendantur? Quot ego miseros novi in exercitio Missionum, qui dimissi sine absolutione, vitiis et desperationi se abiecerunt, et per plurimos annos omiserunt confiteri! Caeterum repeto: quisque se dirigere debet, iuxta lumen quo donatur a Deo. Hoc certum est, quod in hac materia tam errant ii qui plus iusto sunt faciles, quam ii qui sunt difficiles ad absolvendum. Multi quidem propter nimiam facilitatem sunt causa quod tot animae perdantur (et negari non potest quod isti in maiori sint numero, et maius damnum afferant, dum istis in maiori numero accedunt peccatores habituali); sed alii ob nimium rigorem etiam magno sunt damno animarum salutis. Et nescio, an confessarius debeat tantum sibi scrupulum iniicere, quando absolvit indispositos, et non etiam quando dispositos sine absolutione dimittit. Concludo hic, et dico: Non nego quod aliquando bene procedere potest recidivo disposito dilatio absolutionis. Dico secundo: Semper proderit quod confessarius huiusmodi recidivos terreat, ostendatque ac si non posset eos absolvere. Dico tertio: Ordinarie loquendo, recidivis ex fragilitate intrinseca, et per signum extraordinarium iam dispositis, magis absolutionis beneficium proderit, quam dilatio. Utinam et confessarii recidivos absolventium solum, cum signa extraordinaria afferant! Id quod lugendum est, quod maior, ne dicam maxima, confessariorum pars universaliter recidivos absolvunt sine distinctione, sine signo extraordinario, sine admonitione, et sine aliquo saltem remedio praestito ad emendationem; et hinc vere procedit, non iam ab absolvendis dispositis, tot animarum universalis perniciēs.

16. Hoc tamen quod dictum est, communiter loquendo de habitualis et recidivis, non procedit iam circa

(2) Tol. c. 6. n. 2. (3) c. 6. n. 2.

initiaandos in sacris Ordinibus habituatatos in aliquo vitio (praesertim in peccato turpi); circa hos enim alia currit ratio. Laicus habitus ab- solvi potest, semper ac est dispositus ad suscipiendum Sacramentum Poenitentiae, sed ordinandus habituatatus, si vult ipse ad sacram ascendere Ordinem, non sufficit, quod sit dispositus ad Sacramentum Poenitentiae, sed oportet quod etiam dispositus sit ad recipiendum Sacramentum Ordinis, alioquin ad neutrum dispositus erit; cum enim sit indignus ascendendi ad altare qui vix egreditur e statu peccati, nec habet probitatem positivam, necessariam respectu ad sublimitatem status in quem immitti inhiat, ipse graviter peccat, si absque illa vult sacram Ordinem suscipere, etiamsi ponatur in statu gratiae. Quapropter tunc confessarius nequit eum absolvere, nisi promittat abstinere ab Ordine suscipiendo, ad quem ascendere non poterit, nisi post longi temporis, saltem plurium mensium, probationem. Id plene probatum est in dissertatione Operi inserta (1), cum communi sententia doctorum (2) ibi relatorum, qui docent quod ad sacram Ordinem suscipiendum non satis est bonitas communis, id est simplex immunitas a peccato mortali, sed requiritur bonitas specialis, virtute cuius initiaandus sit a pravis habitibus depuratus ut docuit d. Thomas (3); *Ordines sacri praeexigunt sanctitatem, unde pondus Ordinum imponendum parietibus iam per sanctitatem desiccatis, id est ab humore vitiorum.* Et ratio est, quia si ordinandus hanc non habet specialem sanctitatem, indignus est super plebem constitui, ad altissima altaris ministeria exercenda: *Sicut illi (loquitur idem s. Doctor) qui Ordinem suscipiunt, super plebem constituuntur gradu Ordinis, ita et superiores sint merito sanctitatis* (4). Et. alibi (5) expres-

(1) lib. 6. ex n. 63. (2) ib. n. 68. v. si igitur. (3) 2. 2. q. 189. a. 1. ad 3.

sus praefatam rationem confirmat, dicens: *Quia per sacram Ordinem deputatur ad dignissima ministeria, quibus ipsi Christo servitur in Sacramento altaris, ad quod requiritur maior sanctitas interior, quam requirit etiam religionis status.*

17. Veramtamen excipitur casus quo a Deo donaretur quis tam extraordinaria compunctione, quae ipsum liberaret ab antiqua fragilitate: nam ut ait idem Angelicas (6): *Quandoque tanta commotione convertit (Deus) cor hominis, ut subito perfecte consequatur sanitatem spirituales.* Raræ quidem sunt huiusmodi conversiones, et praesertim in ordinandis, licet aliquam petant domum religionis, ut spiritualia agant exercitia; isti enim ut plurimum non ultro, sed coacti accedunt; sed quando vere quis tantam reciperet gratiam a Deo (cuius admirabiles sunt misericordiae), quae ipsum taliter mutatum redderet, quod licet adhuc aliquod pravum motum sentiret, magnum tamen concepisset horrorem adversus peccatum, et simul notabiliter diminutum in se cognosceret ardorem concupiscentiae, ita ut a gratia munitus facile iam inciperet tentationibus obsistere; et insuper firme stauisset in posterum, non tantum vitare peccata et occasiones, sed etiam media opportuniora suscipere ad vivendum ut sacerdotem decet, et iam simul incoepisset ad suam conversionem confirmandam instantes preces effundere pro sua perseverantia, cum magna et tali in Deum fiducia, quae eum redderet moraliter securum de quadam magna mutatione vitae; eo casu bene posset confessarius eum absolvere, etsi ipse vellet statim post confessionem Ordinem sanctum suscipere. Attamen adhuc in huiusmodi casu quo poenitens magnam habuerit compunctionem, confessarius quantum potest adhibere se debet, ut illum inducat ad diffe-

(4) suppl. q. 35. a. 1. ad 3. (5) 2. 2. q. 184. a. 8. (6) 3. p. q. 86. a. 5. ad 1.

rendam susceptionem Ordinis, ad hoc ut melius a pravo habitu se purget, et melius concepta proposita exequatur. Imo ad hunc effectum, si ille nolit differre susceptionem, potest etiam confessarius tanquam medicus, ad maiorem eius profectum, differre ipsi absolutionem, ut initandus Ordinis susceptionem differat. Hoc tamen intelligendum, modo ex tali dilatione non subeat ille periculum alicuius infamiae, aut notae; tunc enim (prout notatum est n. 14.) poenitens habet ius, ut statim absolvatur. Caeterum confessarii debent esse difficiles, quantum fieri potest, in absolvendis huiusmodi ordinandis, qui postmodum ordinarie pessimi evadunt, et sic populis et Ecclesiae perniciem magnam afferunt (1). Hanc meam ratiocinationem integre commendatam reperio a Benedicto XIV. in celebri suo Opere de Synodo (Lib. 11. c. 2. et 3).

PUNCTUM III.

De nonnullis peculiaribus interrogationibus faciendis a confessariis parum meticulosae conscientiae poenitentibus.

1. De interrogationibus faciendis rudibus.

18. Iam dictum est Tr. 16. num. 102. quod licet debitum conscientiae examinandae sit proprium poenitentis, nihilominus cum confessarius motivum habet credendi poenitentem sufficienter non se examinasse, tenetur eum interrogare. Et loquendo de rudibus, ibi similiter dictum fuit n. 105. errorem esse eos dimittere, ut diligentius se examinent, sed teneri confessarium eos examinare, interrogando iuxta ordinem praeceptorum Decalogi, non autem de omnibus peccatis quae ipsi committere potuerint, sed tantum de magis usualibus, quae ab huiusmodi hominibus committi solent; praesertim si sunt vectuarii, rhedarii, milites, satellites, famuli, caupones, et

huiusmodi. Quoad 1. *praeceptum* interrogabit poenitentem 1. an circa Fidei res sit instructus, iuxta ea quae diximus Tr. 4. n. 3. Sed hic sapienter animadvertit celebrer ille et doctus Missionarius p. Leonardus a Portu Mauritio in suo *Discursu mystico et morali*, n. 26., teneri confessarium instruere poenitentes rudes in mysteriis Fidei, saltem in quatuor principalibus; quapropter sic subiungit: *Bonum non est consilium dimittere similes ignaros, ut ab aliis haec doceantur, quia nullus alius operabitur fructus, nisi ut sic ignari remaneant; ideoque expediens est breviter eos docere praedicta mysteria principalia, efficiendo pariter, ut secum efformet actus Fidei, Spei, Charitatis, et contritionis, obligando tamen eos, ut in posterum perfecte instrui se faciant circa caetera mysteria scitu necessaria de necessitate praecepti.* Et idem auctor loquens de personis urbanis salutis propriae negligentibus, quae sibi magno rubori et contumeliae habent se de iis interrogari, ait decere confessarium, ut ipsis sic dicat: *Eia eliciamus unus simul actus christianos, dic mecum. Deus meus, quia es veritas infallibilis, et quia sanctae Ecclesiae tu revelasti, credo quidquid sancta Ecclesia me docet credere; credo praecepit, te esse unum Deum, et tres Personas; credo Filium, cum Deus esset, se fecisse hominem, mortuum esse in cruce, resurrexisse, et ad coelos ascendisse; et illinc venturum esse omnes iudicaturum, ut boni paradisi gloria fruantur, et mali in aeterno igne cruciantur.* Notandum hic insuper Bened. XIV. in Const. 42. (de Doctr. Christi § 12. Vid. Bullarium tom. 1. Edit. Mechl. p. 225.) dicere, quod est neganda absolutio ei, qui neglexit culpabiliter addiscere scitu necessaria tum necessitate *medii*, cum *praecepti*. Sed quoad ea de praecepto dicit, absolvi posse poenitentem si ex animo promittit co-

(1) lib. 6. ex n. 69.

nari addiscere, nisce verbis: *Eo quandoque casu poenitens absolvi potest, quo se vincibilis huius ignorantiae reum agnoscit..... et promittit operam se impense daturum addiscere necessaria necessitate praecepti.* 2.

An superstitiones exercuerit, aut alios docuerit, et si in ipsis aliorum ministerio usus fuerit, quos ad suo peccato cooperandum induxit. Quocirca debet rudes admonere, superstitiones numquam esse licitas, quamvis ex charitate, aut in necessitate fiant. Quae autem actiones sint nec ne superstitiones, vide in Opere (1).

3. An unquam olim rubore suffectus in confessione aliquod peccatum reticuerit. Et hac interrogatione ut plurimum curet sciscitari rudes, et mulierculas, qui raro frequentant Sacramenta, dicendo eis: *Forsan aliquando vitae anteaetiae scrupulus temordet? cura nunc bene confiteri, dic omnia libenter, noli timere, omnem scrupulum ab anima tua deponere, etc.*

Hac interrogatione, aiebat quidam diligens Operarius, a se multas animas a confessionibus sacrilegis fuisse liberatas. Si autem reperiat iam huiusmodi sacrilegia fuisse patrata, ut de numero certus fiat, interroget quoties, intra hoc tempus a quo peccare cessavit, confessus sit et communicaverit? et si quotiescumque confitebatur, vel communicabat, ad sacrilegium advertebat? Contingit enim aliquibus interdum sacrilege confiteri, praecipue in pueritia, et postea horum oblivisci. Hi enim non tenentur ad repetendas confessiones oblivionis tempore factas. Item interroget, utrum sciebat se talibus confessionibus, et Communionibus etiam praeceptum paschale transgressos fuisse? Expediit autem ut haec interrogatio de sacrilegiis fiat in principio confessionis, ne si postea fiat, et reperiat iam commissum sacrilegium, tempus teratur inutiliter in repetenda confessione, quae forsitan nihil habet dissimile a praeteritis.

(1) lib. 3. cx n. 17.

Oportet autem operam dare, ut qui peccata reticuerunt, cognoscant quam maximum peccatum hoc sit, concubare nempe pedibus Sanguinem Iesu Christi. 4. Interroget, si poenitentiae satisfecerit? Et si omiserit, an hoc accidit propter oblivionem, aut quia noluit eam adimplere, aut quia distulit in posterum faciendam, aut ut sibi commutare faceret? et si in ea dilatione putabat peccare? 5. Circa scandala; si induxit alios ad peccandum, aut si ut peccatum exequeretur abusus fuerit ministerio aliorum? Si cooperatus sit peccatis alienis? Tabernarios interroget, si ministraverint vinum illis qui soliti fuerunt ebriari (2)? Mulieres interroget, si verbis parum honestis iocis saltibus, risu, aut si fixis oculis aliquem inspiciendo, tunica nimis elevata, aut pectore aperto provocaverint viros ad malas cogitationes? si munera ab illis ad malum finem data acceptaverint?

19. Circa 2. praeceptum. Interroget 1. an transgressus sit aliquod votum? 2. An cum mendacio iuraverit? Et an iuraverit per Sanctos, aut per aliquas res sacras, aut per animam, per conscientiam, aut per Fidem? 3. An blasphemaverit: et quid protulerit, an dixerit *Male habeat* (vulgo *Managgia*) sive *Atta, Potta*? Et in quem blasphemaverit, an in Sanctos, an in dies sanctos, an in res sanctas? Et si subiunxerit, *Si ego feci*? Item si blasphemaverit coram filiis, famulis etc. quia tunc accedit etiam peccatum scandali: vide circa blasphemiam quod dictum fuit *Tr. 5. n. 1. et seq.* Sed hic advertendum est cum *Instruct. Confess.* etc. non excusari blasphemos a peccato gravi, ex eo quia pravus habitus aut aliquis vehemens irae motus effecerint, ut ipsi non adverterent, aut non perciperent quod dicebant, quia hi prave habituati, licet cognitionem minus expeditam quam alii habeant; attamen semper habent cognitionem

(2) prax. confess. t. 8. c. 2. n. 21. et seq.

actualement sufficientem ad efficiendum ut actus sit deliberatus et mortalis. Cum enim parvi peccatum faciant, ideo in eorum animis non sentitur ille sensibilis stimulus, quem sentiret qui esset conscientiae non adeo depravatae; et hinc evenit quod in eorum memoria ne vestigium quidem relinquitur actualis cognitionis, quam habuerunt quidem de peccato; aut vestigium est adeo leve, ut interrogati libenter respondeant quod non animadvertenter. Sed confessarius cautus non debet eis fidem praestare; nec ab huiusmodi sciscitandum est, utrum nec ne animadvertenter, sed omnes pro veris blasphemis actualibus accipiendae sunt, semper ac illi sciebant esse tales (1).

20. Circa 3. *praeceptum*. Quoad obligationem audiendi Sacrum diebus festis, interroget poenitentem 1. si aliquoties Sacrum omiserit? et si adverterit ad omissionem? aut dubitaverit tempore quo Sacrum audire poterat; etenim multoties poenitens ad horam tardam Sacrum audire differens, licet casu reperit Sacrum, et illi interfuerit, nihilominus sine iusta causa in periculum illud omitendi se iniecit, et de hoc rudes non se accusant. 2. Interroget, an laboraverit die festo? et si ille affirmet, interrogetur 1. quantum temporis laboravit? et quodnam laboris genus exercuit? Nam secundum communio-rem sententiam doctores excusant a gravi laborantem duas horas; imo alii admittunt quid amplius, saltem si labor est de se levis, aut adest aliqua causa notabilior. Si autem poenitens confitetur laborasse aliquando plus, aliquando minus, interrogetur quoties laboravit iudicans laborare in materia gravi? sed opus est ut eum doceat laborare per longum tempus etiam occulte, et animi solatio, ac gratis, etiam esse peccatum. 3. Interrogetur, quare laboravit, an per regionis consuetudinem? an ob ne-

(1) vide prax. confess. t. 8. capit. 2. n. 27. et seq. et l. 3. n. 127. v. hic ad-

cessitatem? aut iussu patris, aut viri, aut domini?

21. Circa 4. *praeceptum*. Si confitentur filii, interrogetur 1. si oderint parentes? quia tunc duplex peccatum patnaverunt, contra charitatem nempe, et contra pietatem. 2. Si aliquid grave fecerint contra eorum praeceptum expressum, et in re iusta, sicuti esset ne e domo de nocte egrederentur, ne ludis damnosis luderent, ne cum malis sociis, aut cum personis diversi sexus, et similibus versarentur? Dixi in re iusta, quia circa status electionem filii non tenentur parentibus obedire. Imo parentes graviter peccarent, si sine iusta causa filios ad statum matrimonialem, aut ad statum ecclesiasticum, aut religiosum cogerent: aut modis iniustis retraherent eos a statu religioso, quem illi eligere velint. 3. Interroget, si reverentiam adversus parentes non adhibuerint, factis, aut imprecationibus, aut iniuriis gravibus coram irrogatis: ut esset eos appellando *ebrios, bestias, fatuos, latrones, veneficos, scelestos*: aut gestus eorum contumeliose exprimendo, aut aliis verbis proferendo, quibus gravem molestiam eis exhibuissent. Vocare autem eos *senes, ignaros, stupidos*, etc. non debet absolute condemnari de peccato mortali, nisi tunc cum illi graviter offenderentur. Notetur quod cum filii parentum debitam rationem non habuerint, tenentur laesum honorem eis restituere, veniam ab eis postulando, etiam coram iis, in quorum aspectu filii peccarunt. Nonnulli autem confessarii parum cauti in eo casu pro satisfactione imponunt filiis, ut cum domum pervenerint, pedes parentum deosculentur, et absolutos dimittant, sed illi postea hoc adimplere non curant, et novum peccatum admittunt. Satius est curare, ut ante absolutionem hanc veniam poscant, quin eis imponatur ut pedes, aut manus deosculentur; quia illi filii quibus hoc vertend.

faciendi consuetudo numquam fuit, difficillime hoc exequuntur. Si autem non possit commodè hic actus ab illis exigi, ut veniam postulent ante absolutionem, non imponatur hoc sub gravi obligatione, sed potius ut consilium insinuetur, dum certe prae-sumuntur, saltem ut plurimum, parentes remittere filiis hanc obligationem, ne filii iterum in Dei offensam incurrant.

22. Si contra confitentur parentes, interrogetur ab eis, 1. si negligentes fuerint in filiis educandis, non curando ut doctrinam christianam illi docerentur, ut Sacro interessent, Sacramenta frequentarent, pravos socios, et personas alterius sexus vitarent. Item eos interroget, si scandalo fuerunt illis, in eorum praesentia blasphemando, etc.? Si de excessibus eos non corripuerint, et praecipue si aliquid furati sint? Si permiserint, ut sponsi suarum filiarum domum accederent? Et potissimum si filios secum in eodem lecto retinuerint; aut permiserint pueros, et puellas simul dormire? Item si omiserint alimenta necessaria filiis ministrare? Si modis iniustus coegerint filios ad statum matrimonialem suscipiendum, vel ut Sacris initiarentur, aut aliquam religionem inviti ingrederentur; nam hoc agentes graviter peccant. Sed de hoc parentes plures nullum sibi scrupulum faciunt, et hinc filiis perniciēs, et Ecclesiae maximum detrimentum evenire solet. Interroget etiam dominos, si famulos suos corripuerint, cum blasphemabant, aut praecepto paschali non satisfaciebant, aut Sacro non intererant, aut inhoneste loquebantur, praecipue messis et vindemiae temporibus? Domini enim, cum possunt, tenentur impedire scandala, quae tunc committuntur. Interroget etiam viros, si familiae alimenta ministraverint? Uxores, si viros ad blasphemias provocaverint? et si eos debito matrimoniali defraudaverint? Plerumque de hoc interrogentur uxores, quia

Homo Apostolicus

multoties propter hoc solum damnantur, et in causa sunt cur etiam viri damnentur, qui cum observent sibi denegari quod debetur, ad mille scelera effraenati decidunt. Nihilominus in hac interrogatione verbis modestioribus, quantum fieri poterit, utetur, v. gr. *Et obedis tuo viro etiam in rebus ad matrimonium spectantibus? aut habes forsitan aliquem scrupulum, qui te mordet circa matrimonium?* sed haec interrogatio, ut plurimum, omittatur cum uxoribus quae vitam spiritualem profitentur.

23. Circa 5. *praeceptum*. Interroget poenitentem, si aliquod grave damnum proximo, mala ei precando, appetiverit, aut de illius damno se oblectaverit? Et hic notetur, quod si aliquis suo inimico diversa mala exoptaverit, ex. gr. mortem, infamiam, paupertatem, etc. tenetur omnia declarare, et sunt diversa peccata numero distincta, cum ea voluit efficaciter illi inferre; aut si speciatim et in particulari optavit, ut haec illi acciderent. Aliter autem, ut dicunt probabiliter multi dd., si optaverit mala illa sub uno genere mali, nempe ut media ad ruinam appetitam inimico. Et hic est confusio confessoriorum, in discernendo, an imprecationes, quae rudibus esse solent usuales, fuerint peccata mortalia, an venialia. In hoc oportet interrogare inprimis poenitentem an in illo actu desideraverit deliberate, ut illae succederent? Sed hoc non sufficit ad certum iudicium faciendum; qua de re opus est, ut postea interroget, imprecatusne fuerit in extraneos, an in propinquos, quia in hos (praecipue in filios, coniuges, aut parentes) raro animus pravius adest. Postremo oportet interrogare de causa, cur eas imprecationes protulerit; dum si causa gravis, aut fervens ira intercesserint, facile est tunc etiam pravius desiderium interfuisse. Caeterum non sufficit poenitenti ad excusandas imprecationes (prout advertit Caietanus) dicere quod tantum in illo actu, ut evenirent, cu-

piebat; quia hoc iam sufficit ut in illo actu commissa sit culpa gravis; unde confessarius tunc perquirat de numero, et iudicet de eis saltem ut coram Deo sunt; et quem recidivum in eo vitio repperit, non absolvat, nisi prius resipuerit, aut extraordinarium doloris signum dederit. Interroget 2. si in proximum intulerit iniurias graves, et an coram aliis: quia tunc tenetur coram ipsis restitui illi honorem ablatum, veniam ab eo petendo, aut aliis reverentiae signis; dummodo prudenter non praesumatur iniuriis affectus totum remisisse: aut quod ab illa publica satisfactione recuset, ne apud se rubor, et apud alios memoria iniuriae acceptae renovarentur: aut nisi timeretur, ne illo satisfactionis actu iterum odium excitaretur. Si autem iniuria illata fuisset secreta, etiam secreto tenetur veniam postulare, secundum veram sententiam: attamen advertendum est iniurias, quibus ad invicem se onerant rudes, licet in se essent graves, nihilominus non esse semper graves inter huius generis personas, ut cum se appellant latrones, veneficas, meretrices; quia ipsaemet non multi haec faciunt, nec qui eas audit, fidem praestat; excipe si nominarent res particulares, et complices. Interroget 3. si discordias excitasset, zizania disseminando, et referendo uni quae ab alio audivit. Insuper si confessarius noverit poenitentem aliqua iniuria fuisse affectum, interroget an requisitus ab offensore iniuriam remisit? Vide dicta *tr.* 4. n. 17. Advertendum hic quod dicit Tourn. (*tom.* 3. *pag.* 269.), nempe quod offensus recte potest velle iniuriae satisfactionem, si secus familia infamia notata remaneret. Item advertit s. Thomas (1) quod iuste potest postulare offensoris animadversionem, aut ad cohibendam eius petulantiam; aut ad consulendum communi tranquillitati. Si vero (ait Sanctus) intentio vindicantis feratur principaliter ad aliquod bonum per vo-

nam peccantis (puta ad emendationem, vel ad cohibitionem eius, et quietem aliorum, et ad iustitiae conservationem) potest esse vindicta licita. Sed circa punctum de conservanda iustitia (quod plerumque innuunt offensi) magna vigilantia utendum est confessario, quia in praxi, ut loco cit. diximus, faciliter in eo desiderio iustitiae latet propria vindicta. Demum circa hoc 5. praeceptum interrogentur rudes, an se inebriaverint usque ad rationis usus amissionem? Vide dicta *tr.* 8. n. 4.

24. Circa 6. et 9. praeceptum. 1. Interrogentur de cogitationibus; num desideraverint, aut morose delectati fuerint de rebus inhonestis; et an plene ad eas adverterint et consenserint? Deinde, num concupierint puellas, aut viduas, aut nuptas; et quid mali cum illis se facturos intenderint? In quo advertendum, quod rustici, communiter loquendo, existimant maius peccatum stuprum, quam simplicem fornicationem: e contrario nesciunt malitiam adulterii. Ideo cum iis qui huius vitii consuetudinem habent, non expedit eos monere de adulterii malitia, cum praevidetur monitio parum profutura, sed tantum effectura, ut poenitens duplici peccato peccet, si carnis concupiscentiis non resistet. De his autem cogitationibus, quibus assentiti sunt poenitentes, sumendus est numerus certus, si haberi potest; sin autem, exquiratur quoties in die, vel hebdomada, vel in mense cogitationibus consenserint. Sed si nec etiam id explicare possint, interrogentur, num concupierint singulas mulieres quae sibi occurrerunt, vel in mentem venerunt; aut num habitualiter turpiter de aliqua in particulari cogitarint, nunquam pravis consensibus resistendo? Et an semper illam concupierint, vel an tantum quando ipsam aspiciebant? Demum interrogentur etiam, num media apposuerint ad malas cogitationes exequendas? nam (ut diximus

(1) 2. 2. q. 108. a. 1.

tr. 3. n. 48. in fine) tunc illa media, etsi indifferentia, a malitia interna informantur, et ideo explicanda ut peccata externa, sive opera incepta.

25. 2. Circa verba obscœna interrogentur 1. Coram quibus, et quoties ita locuti sunt, ratione scandalizantur? an coram viris, aut foeminis, uxoratis, aut non? pueris, vel adultis? Facilius enim scandalizantur puellae, et pueri, quam adulti, praesertim, qui in hoc vitio sunt habituarii. 2. Quae dixerint verba? an v. gr. nominarint pudenda sexus a suo diversi? hoc enim difficulter excusatur a mortali, Num verba protulerint ex ira, vel ioco? nam ex ira difficilior aderit complacentia, et scandalum. Caveat confessarius ab absolvendis huiusmodi recidivis in colloquiis turpibus, quamvis dicant ea protulisse ex ioco, nisi prius emendentur, vel signum extraordinarium doloris afferant. 4. Num iactaverint se de aliquo peccato? tunc enim tria peccata frequenter concurrunt, scilicet magnum scandalum audientium, iactantia de malo commisso, et complacentia de peccato narrato: ideoque interrogandi sunt, de quo peccato in specie se iactarint. Interrogentur etiam, an delectati sint audire alios inhoneste loquentes, et an tunc adverterint ad correctionis praeceptum, putantes eam profuturam?

26. Circa opera interrogentur, cum qua rem habuerint? Num alias cum eadem peccarint? Ubi peccatum fuerit patratum (ad occasiones removendas)? Quoties peccatum consummatum, et quot actus interrupti adfuerint, seorsim a peccato? Num peccato multum ante consenserint? nam tunc actus interni interrumpuntur, iuxta dicta cit. *tr. 3. n. 58.* et tunc expedit formare iudicium, toties multiplicata fuisse peccata, quot morulae somni, distractiones, etc. adfuerint, prout sunt coram Deo, tantum interrogando de temporis duratione in peccato. Secus si malum propositum

fuerit conceptum per duos vel tres dies ante consummationem peccati, et intra illud tempus non fuerit retractatum, quia tunc sumitur pro uno numero peccatum, vide dicta *ibid.*

27. Se polluentes interrogentur etiam de tactibus impudicis separatis a pollutionibus, et moneantur eos esse mortalia. Item interrogentur, an concupierint, vel an delectati fuerint de copula cogitata cum aliqua, vel pluribus mulieribus, aut puellis; tunc enim tot peccata distincta committunt. Item adverte, quod si quis coiret inter crura aut brachia mulieris, praeter peccatum contra naturam, committeret fornicationem inchoatam, sive affectivam, ut dicunt communiter Fill. Tamb. Holz. Spor. etc.; unde hic duo patraret peccata diversae speciei, unum contra naturam in effectu, alterum fornicationis in affectu. Circa autem peccata coniugum respectu ad debitum maritali, ordinariè loquendo, confessarius non tenetur nec decet interrogare, nisi uxores, an illud reddiderint, modestiori modo quo possit, puta, *an fuerint obediētes viris in omnibus*; de aliis taceat, nisi interrogatus fuerit. Quae autem liceant, et quae vetantur inter coniuges circa idem debitum; vide quae fuse dicta sunt *tract. 18. ex n. 38.*

28. Circa 7. *praeceptum* interroget, si aliquid ab alio surripuerint? et a quo, et an ab uno, aut pluribus? et an semel, an pluries? an soli, an cum aliis? et an domini erant divites vel pauperes? ut dignosci possit, utrum materia fuerit gravis vel levis; vide *tr. 10. ex n. 22. ad 73.*

29. Circa 8. *praeceptum* 1. interrogetur poenitens, si aliquem infamaverit? et si id effecerit, falsum delictum ei imponendo, aut verum patefaciendo? et cum delictum est verum, utrum illud erat occultum, an publicum in aliquo loco, fama aut iudicis sententia? Item si erat occultum, an patefecerit illi cui erat ignotum? et coram quot illud narra-

verit? item an tanquam certum narraverit, an ut auditum ab aliis obtractatoribus? et an coram aliis? aut si saltem oblectatus sit in audiendis obtractationibus? insuper interroget, an aliquod malum infamiam inducens alicui exprobraverit coram ipso? quia tunc adest etiam contumelia, quae distinguitur a detractatione. Quomodo autem se gerere debeat confessarius circa famae et honoris compensationem, vide dicta *tr. 11. n. 3. 4. 18. et seq.* Circa hoc octavum praeceptum non est necesse, ut interrogetur poenitens, an temere iudicaverit? quia huiusmodi iudicia, quae communiter fiunt, difficulter pertingunt ad culpam gravem; dum plerumque non sunt iudicia, sed suspensiones; et cum fit aliquod iudicium, id evenit, aut quia habetur sufficiens fundamentum ad sic iudicandum, aut saltem creditur quod motivum sit sufficiens ad tale formandum iudicium. Imo aliquando oportet ab errore nonnullos rudes remove, qui sibi suspicium faciunt in suspicando ubi suspicari tenentur, ut malo, quod impedire possunt, occurrant: v. gr. nonnullae matres, cum filiae cum sponsis, aut etiam cum coniunctis clanculum, aut nimis familiariter versantur: ita etiam nonnulli viri cum uxores nimis familiariter utuntur cum aliis hominibus, hi aliquando confitentur se temere iudicasse, aut suspicatos fuisse. Confessarii admonitos hos faciant, ne deinceps sibi de hoc scrupulum faciant; imo dicant quod ipsi tenentur suspicari in talibus casibus de aliquo malo quod inde subsequi potest, ideoque tenentur remove occasiones, et tales familiaritates prohibere.

30. Circa praecepta Ecclesiae nihil aliud interrogare occurrit, nisi utrum ieiunaverint in quadragesima, et in vigiliis? si sunt qui supponuntur ad id teneri. Et an praefatis temporibus, aut diebus veneris et sabbati ritibus vetitis usi sint.

II. De interrogationibus adhibendis cum personis diversi status, aut conditionis, quae sunt conscientiae parum meticulosae.

31. Hic advertitur, quod circa obligationes proprii status, aut officii, non semper sufficit confessario poenitentem interrogare tantum, an suam obligationem impleverit. Cum poenitens videtur esse conscientiae parum meticulosae, aut confessarius aliunde habet rationabilem suspicionem quod ille suis obligationibus desit, tunc oportet ut ipsum interroget in particulari, saltem circa eius obligationes principales. Et 1. si est sacerdos qui ad confitendum accedit, interrogetur 1. an satisfecerit Horis canonicis, et oneribus Missarum, vel an has per multum tempus distulerit celebrare? 2. An negotiationem exercuerit? 3. An nimis festinanter missam absolvat? (circa quod observa quod dictum est *tr. 15. n. 84. 85. et 86.*). Si est beneficiatus, eum interroget de fructibus beneficii, quomodo eos insumpserit? Si est confessarius, praesertim interroget, an absolverit eos qui sunt in occasione proxima antequam illam removerint? aut recidivos sine signis extraordinariis. Si est parochus, de sui officii peculiaribus muneribus interrogetur, uti dictum est *tr. 7. ex n. 14.* Sed praesertim 1. an attendat ad debitas correptiones erga subditos? praecise erga eos qui aliquo tenentur odio, aut cum aliqua turpiter conversantur, aut domus sponsarum frequentant? 2. An invigilet, ut sui subditi absque exceptione personarum paschale impleverint praeceptum, ab eis schedulas, aut aliam certam notitiam, sine delectu personarum, exquirendo? 3. Quam dederit operam concionando diebus Dominicis, aut docendo doctrinam christianam, et ministrandis Sacramentis, praecipue moribundis? 4. Eum interroget an Ordinandis fidem de bonis moribus aut de Sacramentorum frequentia exhi-

buerit, quin de hoc certus factus sit. Denique si accederet Episcopus, qui sciretur neglectae esse conscientiae, confessarius omittere nequit eum interrogare de illius peculiaribus muneribus, de quibus locuti fuimus in eodem *tr. 7. ex n. 47*; et praecipue eum interroget, an debitam adhibeat diligentiam, ut se certum faciat de sufficienti scientia, et de positiva probitate Ordinandorum (prout diximus *tr. 7. ex n. 47. et 52.*), non acquiescendo solis fidibus parochorum, quae ut plurimum sunt falsae, aut suspectae de falsitate, quia ob humanos respectus solent illae exhiberi. Item si concedit facultatem confessiones excipiendi sacerdotibus, quorum doctrinam et morum probitatem plane exploratam non habeat? Secus ipsi damno potius, quam utilitati erunt. Item an exploret scandala quae in dioecesi adsunt? Item quomodo invigilet ad visitationem?

32. II. Si confitetur Monialis, interrogetur: 1. An aliquem defectum commiserit circa vota, praesertim paupertatis, accipiendo vel largiendo sine licentia? 2. An satisfecerit Horis canonicis? Opinio enim quod Moniales in privato non teneantur officium recitare, non est satis probabilis, ut ostendimus (1). 3. An erga aliquem mutuum nutrierit benevolentiam periculosam, puta si adfuerint saltem verba, aut litterae amatoriae? Et eo casu, si Monialis familiaritatem illam nolle relinquare, constans sit confessarius in neganda ei absolutione; in huiusmodi enim familiaritatibus, licet finis positive pravus absit, semper tamen periculum urget: saltem adest scandalum, et malum exemplum respectu aliarum. 4. An aliquo teneatur odio in suas sorores. 5. Si Monialis aliquod exercet officium, interroget de illo in particulari, puta *rotariae*, an afferat litteras aut nuntia de malo suspecta? *Portinariae*, an oscitanter ianuam reseratam te-

(1) lib. 4. n. 141. et 142. et prax. confess. c. 3. n. 54.

neat, cum periculo scandali Monialium, aut aliorum? *Abbatissae*, an debitam adhibeant diligentiam, cum viri in monasterium ingrediuntur, aut morantur? aut an novis abusibus conivellant? Advertendo quod licet particulares Moniales peccent leviter, levem regulam transgrediendo, Superiores tamen, quae non curant impedire cum possint observantiae relaxationem, peccant in re gravi.

33. III. Si accedit quis iudicis officio fungens, interrogetur 1. An fuerit personarum acceptor? 2. An causas expediverit? 3. An in iudicando conveniens studium praemiserit, omiserit, vel ex aliqua animi affectione motus erga alteram ex partibus sententias dixerit? IV. Si autem accedit tabellio, interrogetur 1. Quomodo se gerat in capiendis informationibus? 2. An intermiserit interrogationes suggestivas? 3. An testium depositiones diminuerit, vel auxerit? V. Si accedit medicus, interrogetur 1. An satis fuerit versatus in studio medicinae, et in praxi medendi? necnon an studium adhibeat (ut tenetur) in casibus difficilioribus qui occurrunt? 2. An alicui impertierit licentiam edendi carnes ob merum humanum respectum, sine iusta causa? 3. An aliquod periculosum remedium applicaverit infirmo, non adhuc de vita desperato. 4. An fuerit causa, ut remedia acciperentur ab aliquo pharmacopola suo amico, quem tamen noverit parum esse fidelem, vel peritum, aut ineptas vendere medicinas? 5. An attenderit ad curandos pauperes, si ad hoc stipendium exegit; vel sine stipendio, si pauperes fuerint in gravi necessitate? 6. An curaverit suos monere infirmos, ut tempore debito confiterentur, iuxta praecepta pontificia? De hoc puncto in pluribus Operis locis sermonem fecimus (2), ubi dictum est quod Innocentius III. medicis praecepit, ne alicuius infirmi curam susciperent, nisi prius ille con-

(2) lib. 3. n. 182. et melius l. 6. n. 664. et prax. confess. c. 3. n. 57.

fessus fuerit; et s. Pius V. confirmans tale praeceptum, insuper iussit, ut medicus post tertium diem relinquat infirmum, nisi sciat ipsum fuisse confes-
 ssum, item mandavit quod omnes medici, antequam gradum doctoratus assumant, dent iuramentum obser-
 vandi hoc praeceptum; idque man-
 datum est omnibus collegiis. Sed du-
 bium sit, quomodo huiusmodi prae-
 ceptum et iuramentum intelligantur.
 Plures dd. tenuerunt ea procedere, cum infirmitas est periculosa; vel sal-
 tem cum dubitatur, an sit periculosa;
 et in hoc sensu dixerunt Bullam s. Pii receptam fuisse. Sed communior
 sententia vult, quod praefatum prae-
 ceptum, quamvis non obliget in quo-
 cumque morbo levi, tamen non in-
 telligendum tantum urgere in mor-
 bis actualiter periculosis, sed etiam
 in illis qui prudenter iudicantur posse
 in posterum fieri periculosi. Et ratio
 est, quia Innocentius praecipit, ut
 medicus imponat infirmo confessio-
 nem, antequam eius curationis onus
 suscipiat, ad hoc, ne infirmus (sic
 loquitur Pontifex) de confessione mo-
 nitus in mortali morbo, de salute
 desperans facilius in mortis pericu-
 lum incurrat: igitur intendit effici,
 ut infirmus confiteatur antequam mor-
 bus fiat mortalis. Haec sententia mihi
 videtur vera. Hoc tamen non ob-
 stante, in contrarium est praxis me-
 dicorum, etiam timoratae conscien-
 tia, qui non solent monere infirmos
 ad confitendum, nisi cum infirmitas
 probabiliter iam periculosa effecta
 est. Neque in hoc putant peccare
 adversus iuramentum praestitum iux-
 ta Bullam s. Pii, innixi doctrinae
 plurium auctorum Nav. Laym. Vega
 Graf. Rodr. Ciera etc. (1) sententium
 quod praefatum iuramentum non ob-
 ligat, nisi pro illa parte, pro qua a
 consuetudine receptum est. Caeterum
 non dubitandum, quin mortaliter pec-
 cent saltem medici illi qui omittunt
 monere infirmos de confessione, cum
 infirmitas est iam periculosa. Oh!

(1) l. 6. n. 664. v. circa autem, et prax.

quam miserum est videre tot infir-
 mos (et praesertim eos qui spectatao
 sunt dignitatis) ad incitas mortis re-
 duci, ut rationes vitae Deo mox red-
 dendas parent, tempore quo sunt
 quasi exanimis, cum vix possint ver-
 ba tunc modulare, vix alios audire,
 vix statum concipere propriae con-
 scientiae, suorumque peccatorum do-
 lorem. Et totum hoc evenit culpa
 istorum medicorum, qui, ne displi-
 ceant infirmis, aut eorum propinquis,
 illos certiores non faciunt de peri-
 culo; imo eis blandiri pergunt usque-
 dum omnino ipsi de vita desperan-
 tur. Cum igitur accedit medicus ne-
 gligentis conscientiae, curet confes-
 sarius praecipue eum interrogare et
 monere, non obiter, sed cum calore,
 de hac obligatione intimandi confes-
 sionem infirmis, saltem quando ad-
 vertit morbum iam esse gravem, aut
 dubitat quod sit iam gravis, ut com-
 muniter dicunt dd. qui in hoc non
 discrepant. Dico cum calore, nam ex
 hoc puncto pendet salus spiritualis,
 non tantum medici poenitentis, sed
 omnium etiam infirmorum qui sub
 eius cura erunt.

34. VI. Si autem accedit pharma-
 copola, interrogetur 1. An praestite-
 rit remedia praegnantibus ad abor-
 tum procurandum? 2. An vendiderit
 unum pharmacum pro alio, et carius
 quam res valebat? Hic adde Gregor.
 XIII. in Const. 29. *Officii nostri* om-
 nem vetuisse societatem pharmaco-
 polas inter et medicos, aut chirurgos.

VII. Si accedit mercator, interro-
 getur 1. An deceperit in pondere et
 mensura? 2. An res vendiderit ultra
 pretium supremum, praesertim dando
 merces ad creditum, cum emptores
 essent securi, et nihil damni ipse
 esset passurus? An autem pretium
 augeri possit, vendendo ad creditum,
 eo quod tale est pretium currens in
 venditionibus ad creditum iuxta com-
 munem aestimationem? Et an res,
 quae venduntur minutatim, carius
 possint vendi? observa doctrinas ad-
 confess. c. 3. n. 57. circa med.

notatas in *Tr.* 10. n. 174. et 178. cum Less. Lugo Salm. etc.

VIII. Si accedit sartor, interrogetur 1. An in diebus festivis per notabile tempus laboraverit sine extraordinaria causa, ut vestes completeret, et dominis afferret? 2. An ieiunia impleverit ab Ecclesia praecepta? nam sartores ob sarcendi laborem minime a ieiuniis excusantur. 3. An si alii commiserint ei pannos emendos, ipse pretium maius exegerit, sub colore quod mercator ob peculiarem amicitiam pretio minori pannos ei dederit? Si revera pars illa pretii fuisset ipsi donata, tunc poterit eam exigere, modo moralem praemiserit diligentiam apud alios mercatores, aut certo sciat quod alii communiter mercem illam minori non vendunt pretio: hoc tamen debet esse omnino certum, alioquin nihil amplius potest exigere quam solvit, vide *Tr.* 10. n. 189. 4. An sibi retinuerit frustula, sive resegrmina vestium, quae iniuste retinet, nisi adsit consensus domino- rum, aut nisi illi aliquid iniuste detraherent ex pretio debito, adhuc infimo communitate aestimato? 5. An sibi occasio proxima peccandi esset ex accipiendis regulis bene formandi vestes mulierum per ipsarum corporum commensurationem (vulgo ut dicitur, *in pigliar la misura*), aut esset ex aptandis vestibus foeminis, quod nequit fieri nisi cum ipsarum mulierum attractione; idque esset sartori occasio proxima incidendi in pravas delectationes, aut desideria, prout non raro accidit improbae conscientiae viris?

35. IX. Si accedit aliqua venditrix sive proxeneta, (intellige de his quibus traduntur a dominis res ad vendendas licitantibus) interrogetur 1. An aliquid retinuerit pretii ab emptoribus exacti? Tenuimus enim quod venditrix nequit illud superans sibi retinere, etiamsi traderet domino pretium ab eo designatum; quia talis determinatio fit, ut res non vendatur minoris, non autem ut proxeneta il-

lud quod superest sibi retineat; idque procedit, etiamsi a Domino fuerit locus designatus, ubi res venderetur, et proxeneta, adhibita ibi debita diligentia, in alio loco multum distanti pluris deinde vendidisset: etenim tunc etiam dicimus, quod ipsa nequit omne superfluum retinere, sed tantum id quod ipsi spectare potest ob illum extraordinarium laborem, nam res semper domino fructificat. Excipitur 1. si proxeneta rem meliorem reddidit, et ideo pluris vendidisset quam res prius valebat. 2. Si proxeneta cum domino conven- rit, amplius ei non tradere, nisi pretium ab eo determinatum: et hoc sive expresse sive tacite, prout esset si dominus nullam pro eius labore stipendium assignasset. 3. Si quod superest esset parvi momenti, ita ut praesumeretur dominus condonare. 4. Si proxeneta, facta ordinaria diligentia, ipsa sibimet emeret rem pretio ab aliis oblato, et postea eam pluris venderet. Idem dicendum, si quis tibi commiserit aliquam rem emendam pretio designato, et tu minoris emisses; tunc enim nihil amplius exigere potes, nisi extraordinarium laborem adhibuisses ut impensae parceres, aut si rem tuo nomine emisses, periculum in te assumendo; hoc tamen intelligitur, si iam praemisisses moralem diligentiam, nec invenisses a quo rem minoris emere potuisses.

56. X. Si accedit barbitonsor, interrogetur an alios tondeat in diebus festivis, et ubi huiusmodi consuetudo non adsit? Dum contra id ei non est vetitum, ubi consuetudo iam introducta est: aut si ibi nequeant viri tonderi nisi in festis, eo quod in aliis diebus labori operam navare debent, ut se suosque sustentare possint. Praeterea interrogetur, an comam mulieribus componat iuxta improbum usum hoc tempore a Satan inventum. Ordinarie loquendo, puto id esse viris proximam occasionem peccandi lethali ter turpibus delecta-

tionibus, aut saltem desiderii; unde dico minime permittendum id alicui, qui in se contrariam non habuisset experientiam. Quod si unquam quis per notabile tempus expertus fuisset, in huiusmodi actione se immunem a peccato, hic revera damnari nequit de mortali; sed hoc non obstante, non omittat confessarius eum removere quantum potest ab huiusmodi officio, quod certe in se periculum continet. Hic discutiendum non agredior, an foeminae nec ne possint tuto conscientia viros accersere, ut sibi componant illi comas? Audio quod pluribus in locis ipsae hoc facit, et confitentur et communicant; videant ipsae, et ipsarum confessarii. Saltem confessarius eis imponat, ne alicuius viri iunioris opera utantur, ex cuius actionibus perciperunt secum malitiose illum se gerere. Caeterum censeo, quod mulieres purioris conscientiae non quidem virorum utantur opera, sed contentae erunt sibi a foeminis inserviri, a quibus coma, quo meliori potest modo, componatur.

PUNCTUM IV.

Quomodo cum pueris, adolescentibus et puellis.

37. Cum pueris adhibere debet omnem charitatem, et modos suaviores quantum fieri potest. Primo eos interrogare debet, an sciant res Fidei? et si nesciant, oportet eos patienter instruere pro tunc, si tempus adest, vel eos mittere ad alium, ut instruantur saltem circa necessaria ad salutem. Cum autem agat de confessione, in principio curare debet, ut pueri ex seipsis confiteantur peccata quorum memores sunt; et postea fieri illis poterunt sequentes interrogationes: 1. An tacerint aliquod peccatum ob verecundiam? 2. An blasphemaverint in Sanctos, aut dies sanctos? vel an iuraverint cum mendacio? 3. An omiserint in festis audire Missam, aut in audienda illa, sermones habuerint? Et an in festis laboraverint?

4. An parentibus fuerint inobedientes, aut irreverentiam irrogaverint eos subsannando, manus in eos extollendo, vel convicia aut imprecationes coram ipsis proferendo. Et hic advertendum quod dictum est n. 21. de modo imponendi pueris petitionem veniae a parentibus. 5. An aliquod turpe peccatum patnaverint? Sed in hac materia confessarius sit valde cautus in interrogando: incipiat interrogare de longe, et verbis generalibus: et prius, an dixerint mala verba? an iocati fuerint cum aliis pueris, aut puellis? Et si iocos illos clam exercuerint? Deinde interroget, an commiserint res turpes? Multoties, etiamsi pueri negent, prodest uti cum eis interrogationibus suggestivis, v. g.: *Et nunc dic mihi, quoties haec fecisti? Quinques, decies?* Interroget, cum quo dormiant, et si in lecto manibus iocati fuerint? Puellas interroget, si aliquem iuvenem amore fuerint prosecutae, et an adfuerint pravae cogitationes, verba, aut tactus? Et a responsis procedat ad posteriores interrogationes, sed caveat ab exquirendo a puellis, vel a pueris, an adfuerit seminis effusio: cum his enim melius est deesse in integritate materiali confessionis, quam esse causam, ut apprehendant quae nondum noverint, vel ponantur in curiositate addiscendi. Interroget etiam a pueris, an attulerint nuntia vel dona virorum mulieribus? Et puellis, an acceperint dona a personis suspectis, nempe coniugatis, Ecclesiasticis, aut Religiosis? 6. Interroget, an commiserint furtum, vel an damnum attulerint praediis alienis, bestiis, aut alio modo? 7. An alicui detraxerint? 8. Circa praecepta Ecclesiae interroget, an impleverint confessionem et Communionem paschalem? Et an carnes aut lacticinia comederint diebus vetitis?

38. Quod autem pertinet ad absolutionem his pueris impertiendam, magna requiritur attentio. Si constet quod ipsi sufficientem usum rationis

iam habeant, prout si distincte contententur, vel adaequate interrogationibus respondent, et appareat quod ipsi iam comprehendant cum peccato offendisse Deum, et meruisse infernum; tunc si satis videantur dispositi, absolvantur. At si in peccatis lethalibus sunt recidivi, ipsi tractandi sunt sicut adulti; unde si non praebeant extraordinaria signa doloris, absolutio eis differri debet. Si autem dubium sit, an puer perfectum usum rationis habeat, prout si ille in actu confessionis non maneret compositus, sed oculos in girum ageret, manibus iocaretur, impertinentia interponeret; tunc si est in periculo mortis, aut in obligatione implendi praeceptum paschale, absolvendus est sub conditione; et tanto magis si confessus fuerit aliquod dubium mortale; bene enim potest administrari Sacramentum sub conditione, quando iusta adest causa, ut esset haec liberandi hunc puerum a statu damnationis, si unquam in illum est lapsus. Idque agendum, etiamsi puer sit recidivus; dum ideo differri debet absolutio iis qui perfectam discretionem habent, quia spes est quod ex tali dilatione ipsi redeant dispositi; sed spes haec difficulter haberi potest a pueris qui perfecto usu rationis carent. Et probabiliter plures dd. dicunt quod pueri isti dubie dispositi absolvi possunt (saltem post duos vel tres menses) sub conditione, licet sola venialia afferrent, ne careant diu gratia sacramentali, et forte etiam sanctificante, si forte aliquam gravem culpam haberent ipsi occultam. Oportet autem curare, ut hi pueri eliciant actum doloris necessarium ad suscipiendam absolutionem, modo respectu ipsorum magis proprio, exempli gratia: *Amasne Deum qui est Dominus tuus tam magnus, et tam bonus, qui te creavit, pro te est mortuus, etc.?* Hunc Deum tu offendisti. Ipse tibi veniam dare vult, et tu spera quod propter Sanguinem Iesu Christi Filii sui tibi ignoscat. Sed oportet te poenitere.

Quid dicis? poenitet te nunc eum offendisse, etc. Istis iniuriis quas Deo irrogasti, scis quod infernum meruisti? displicet tibi quod ipsas commisisti? Deus meus, nunquam amplius volo te offendere, etc. Poenitentia autem his pueris iniungenda levis sit quantum fieri potest, et curandum quod illa ab ipsis quantocius impleatur, alioquin aut eam obliviscuntur, aut omittent. Curet etiam confessarius magnopere pueris insinuare devotionem erga Deiparam, utque recitent quotidie Rosarium, et ter Ave mane et sero, semper hanc precem adiungendo: *Mater mea, libera me a peccato mortali.*

39. Circa vero statum ab aliquo adolescente eligendum, non audeat confessarius illum ei determinare, sed tantum ex indiciis curet suadere statum illum ad quem prudenter iudicare potest ipsum a Deo vocari. Praesertim, loquendo de iis qui religionem ingredi volunt, ante omnia curet confessarius bene ponderare, in qualem religionem ingredi cupiant; nam si unquam Institutum illud relaxatum est, melius erit alicui (ordinarie loquendo) quod in saeculo remaneat; nam illi se aggregando ipse se geret sicut se gerant alii, et parum illud boni quod prius exequabatur de facili in tali religione negliget, ut misere pluribus accidit. Et praecipue magnum scrupulum sibi faciat confessarius, si ad insinuationem propinquorum suadeat iuveni illi, ut intret in aliquam huiusmodi inobservantium communitatem. Si tamen religio observantia floret, confessarius vocationem sui poenitentis bene probet, inquirendo ad illam habeatne poenitens impedimentum aliquod inhabilitatis, infirmiae valetudinis, inopiae parentum? et maxime expendat finem, an sit rectus, nempe magis se coniungendi Deo, aut lapsus emendandi anteactae vitae, aut saeculi pericula vitandi? Quod si principalis finis esset mundanus, vitam agendi commodiorem, aut se liberandi a pro-

pinquis durae conditionis, aut compiacendi parentibus, qui ad hoc eum impellunt, caveat ne permittat religionem ingredi; nam eo casu illa non est vera vocatio, sine qua huiusmodi ingressus malum habebit eventum. Si autem finis est bonus, et abest impedimentum, nec debet, nec potest confessarius, neque alius, ut docet d. Thomas, sine culpa gravi illi impedire, aut dissuadere vocationem; quamvis prudenter aget aliquando, si executionem illi differat ad melius experiendum, an resolutio sit firma et perseverans; praesertim si noverit adolescentem esse volubilem, aut si deliberatio illa facta fuerit tempore Missionis, vel exercitiorum spiritualium: dum in huiusmodi occasionibus quaedam concipiuntur proposita quae postmodum, primo fervore transacto, deficiunt.

40. Si aliquis adolescens vellet suscipere statum praesbyteri saecularis, non sit facilis confessarius ad annuendum, sine longa et probata experientia recti finis, et scientiae, vel sufficientis capacitatis. Sacerdotes quidem saeculares habent eandem, imo maiorem obligationem, quam Religiosi; et contra remanent in iisdem saeculi periculis; unde ut quis bonus evadat sacerdos in seculo (in quo raro, ne dicam rarissime, boni inveniuntur) oportet quod prius egerit vitam valde exemplarem, remotam a ludis, ab otio, a pravis sociis, et deditam orationi et Sacramentorum frequentiae (sed quis est hic, et laudabimus eum?); alioquin se ponet in statum quasi certae damnationis; praesertim si hoc faciat, ut obtemperet parentum fini, qui est res domestica augere. Iam autem dictum est supra n. 21. et 22. quam gravissimum sit peccatum, quod patrant parentes illi qui filios cogunt, ut statum ecclesiasticum aut religiosum inviti suscipiant. Quoad puellas vero quae virginitatem suam Iesu Christo consecrare cupiunt, non permittat eis castitatem perpetuo vovere, nisi co-

gnoscat eas bene fundatas in virtutibus, et edoctas in vitae spiritualis regulis, et praecipue in oratione exercitatas. Sub initio eis tantum permittere potest, ut castitatem voveant per aliquod definitum tempus, nimirum a solemnitate alicuius festi ad aliam alterius.

41. Demum quoad adolescentes illos qui volunt aut debent ducere uxorem (dico debent prout probatum est in libro, loquendo de iis qui essent incontinentes et nollent adhibere alia media opportuna ad se continendos) advertendum, quod sicut peccarent parentes, qui sine iusta causa eis honestum matrimonium impedirent, ita contra peccarent filii (et ideo confessarius tenetur illis hoc prohibere), qui vellent cum dedecore familiae matrimonium inire: aut quamvis coniugium non esset indecorum, vellent tamen illud contrahere, invitis parentibus, et cum eorum scandalo, quin ipsi filii iustam causam habeant ob quam excusentur; observa quomodo in libro id elucidatum est. Vide dicta *Tr.* 18. n. 16.

PUNCTUM V. Quomodo se gerere debeat cum personis devotis?

42. Personis devotioni deditis, quae frequenter accedunt ad communionem, ordinarie loquendo, insinuandum, ut saltem in qualibet hebdomada sacramentalem absolutionem suscipiant. Huiusmodi poenitentes, si tantum de imperfectionibus confitentur quae non pertinent ad culpas certe veniales, dicit Bonac., eos absolvi posse sub conditione; sed hoc non admittendum censeo, nisi per raro, et cum ipsi non possent materiam certam praeteritae vitae assignare, vel non sine magna molestia. Ceterum dico, quod si poenitens certam non exhibet materiam, non debet confessarius angere eam perquirendo, ut illum absolvat: et casu quo perquisisset, nec invenisset, non tenetur ei conditionatam absolutionem impertire. Hoc procedit.

cum poenitens confitetur (ut dixi) de defectibus, de quibus dubitatur, an pertingant ad venialia; at si de certis venialibus confitetur, sed usualibus, sive quotidianis, puta de impatientiis, intemperantiis, distractionibus in officio, in oratione, et similibus, ut absolutio illi praebere possit, spectandum est, an ipse aliquando sibi, quantum potuit, vim intulerit, ac passionem superaverit: quia tunc iudicari poterit eius culpas potius ex humana fragilitate processisse, quam ex defectu doloris aut propositi. E converso, si illo frequenter et sine resistentia in huiusmodi culpas relapsus sit, tunc cum eo agendum tanquam cum recidivo, iuxta dicta ex n. 9. huius tract.

43. Plura insuper hic notanda: Et 1. caveat confessarius, ne his suis poenitentibus spiritualibus, praesertim foeminis, prohibeat accedero ad alium confessarium; et cum adverteat accessisse, ostendat id sibi gratum fuisse; imo ipsis imponat, ut aliquando apud alios confiteantur; praeterquam si quis esset valde scrupulosus, de quo prudenter timeat, ne si ad alium accedat, qui eius conscientiam ignorat, notabiliter esset inquietandus. Caveat pariter confessarius, ne sollicitum se ostendat, se velle alicuius animae directionem suscipere. 2. Nunquam absque necessitate de aliorum confessariorum defectibus loquatur, sed potius sedulo quaerat eos ab aliquo errore commisso excusare. 3. Directionem non suscipiat alicuius qui vult directorem suum relinquere, nisi adsit urgens causa, ut docet s. Philippus Neri, s. Franciscus Salesius, s. Carolus Borromeus, et alii; ex hoc enim saepe dissipationes, perturbationes et quandoque etiam scandala oriuntur. Adverteatque, ad mutandum confessarium non satis esse, quod poenitens aliquam erga eum abominationem sentiat, vel quod videatur verbis ipsius fidem non amplius habere, ut enim ait s. Theresia, saepe haec est dæ-

monis tentatio. Unde s. Franciscus Salesius sic docet: *Confessarius non est variandus sine gravi ratione. Sed contra neque expedit in hoc esse invariabile, si legitimæ causae mutationis superveniant.* Caeterum dicit s. Theresia iustam esse posse causam mutandi confessarium defectum bonitatis; ita inquit: *Si confessarius proclivis alicui vanitati apparet, mutetur; cum ipse sit vanus, vanos alios efficit.* Propterea poterit esse iusta causa mutandi confessarium defectus doctrinae; de hoc tamen certam oportet habere praesumptionem. De caetero, ait s. Theresia, quod de dubiis bene potest poenitens alios doctos directores consulere, imo aliquando hoc omnino expedit. 4. Evitet confessarius partialem se ostendere cum aliquo poenitente. Quidam ad aliquam animi benevolentiam nimis adiciunt; cum illa omnem curam, tempus et laborem insumunt. Non negandum quod aliqua anima quandoque maiori indigebit assistentia, quam alia; sed alia est assistentia, alia est adhaesio, quae efficit, ut parior cura de aliis poenitentibus habeatur. Ideo expedit, quod confessarius personae illi indigentiori aliquem diem aut tempus particulare assignet, quin alii incommodum recipiant. Notandum 5. quod in excipiendis confessionibus harum personarum spiritualium confessarius cavere debet, ne nimis attollat vocem quamvis de peccatis non loquatur; quia ex hoc accidere potest, quod alii expavescant suas culpas confiteri, ob hunc timorem quod confessarius alta voce loquatur. 6. Non sit facilismittere devotis puellis, ut capillos praecidant, et aliquem induant habitum religiosum; sed curet, ut ipsae prius per multum tempus in vita spiritali, et in virtutibus fixius radices immiserint. Propter istam nimiam facilitatem confessariorum, quot puellae postea habitum dimitunt, et nuptias ineunt cum scandalo loci, et malo exemplo aliarum? 7. Neque his

puellis indulgeat confessarius, ut a viris doceantur legere, et tanto minus scribere. Quot puellae simplices, quia didicerunt legere, animae iacturam luxure! Haec si non est proxima peccati occasio, saltem est non parum periculosa. Si cupiunt talia addiscere, curent doceri ab aliqua alia muliere, aut ab aliquo fratre parvulo (adhuc cum cautela), alioquin eas non absolvat; nec etiam absolvat matres quae hoc permittunt. 8. Neque concedat foeminis juvenibus, ut vagent, ecclesias visitando, utque in ecclesia morentur, plus quam est necessarium, cum perturbatione parentum; sed eas moneat, ut attendant eis parere, labores domesticos amplectendo. Quomodo autem, et quantum confessarius cavere debeat a familiaritate suarum poenitentium, de hoc sermo fiet *puncto* 10. n. 54. De directione autem animarum spiritualium loquimur in *Append.* 1.

PUNCTUM VI. Quomodo debeat se gerere cum mutis et surdis.

44. Si mutus esset etiam surdus, ut ordinarie evenit, ad eius confessionem excipiendam oportet eum adducere in aliquem occultum locum, ad exigendum quoddam signum suorum peccatorum et doloris, meliori modo quo potest. Sed priusquam eum audiat, curet confessarius instrui ab eius familiaribus de ipsius vitiis, et de modo tenendo, ut eum percipiat et ab eo percipiat; et cum aliquod iam perceperit eius particulare peccatum, cum signo doloris, illum debet absolvere. Sed ego semper eum sub conditione absolverem, nisi quamdam moralem certitudinem haberem de sua dispositione.

45. Mutus si sciret scribere, iuxta nostram sententiam (1), ipse tenetur ad confitendum per scripturam: qui enim tenetur ad finem, tenetur etiam ad media ordinaria. Dico *ordinaria*, quia scriptum non esset muto ordinarium medium, si alioquin magnum ille deberet laborem subire ad suam

confessionem explendam, aut si manifestationis periculum esse posset. Loquendo autem de surdis, si unquam accederet ad confessionarium aliqua mulier sarda, aut surdastra, et confessarius in progressu confessionis; interrogans de circumstantiis peccati confessi, adverteret eam esse surdam, vide dicta *Tr.* 16. n. 155.

PUNCTUM VII. Quomodo se gerere debeat cum moribundis?

46. Confessarius in excipiendis moribundorum confessionibus non debet tam exacte procedere circa numerum et circumstantias; praesertim si iam accessisset sacerdos cum Viatico, aut si medicus instaret, ut cito Viaticum suscipiatur; tunc enim melius est ad dispositionem poenitentis, quam ad confessionis integritatem attendere. Sufficit tunc imponere infirmo, ut, cum convalesceret, confessionem repetat. Et satisfactio sit levissima, imponendo proportionatam pro tempore quo ille convalescet; vel satis erit ei iniungere ut redeat tempore sanitatis. Vulnerati, et puerperae, quae ordinarie nequeunt ab assistentibus deseri, sufficit ut se accusent generice de suis peccatis, et in particulari de aliqua culpa levi, cum proposito integre confitendi si convalescant. Advertat confessarius, quod si moribundus tenetur ad aliquam restitutionem, quam valeat tunc implere, ei imponere debet ut statim faciat: et non sufficit, quod de illa onus haereditibus relinquat, alias eum non absolvat.

47. Si autem infirmus notabilissimam subiturus esset perturbationem animi, in audiendo quod debeat Viaticum accipere, probabile est posse parochum Eucharistiam ei praebere, recitando solita verba: *Accipe, frater, Viaticum, etc.*, sed proferendo ordinaria verba Communionis: *Corpus Domini nostri Iesu Christi custodiat, etc.* Vide dicta *Tr.* 15., n. 50. Si deinde confessarius adverteret mori-

(1) vide tract. 16. n. 35.

bundum iam esse in statu, quo teneretur suscipere Extremam-Uctionem, et ille respueret, patefaciat ei magnos effectus huius Sacramenti, quod grandem praestat animae fortitudinem ad obsistendum in ultimo agone daemonum tentationibus; eam solvit a culpis venialibus, et etiam mortalibus, si occultae sint; et insuper sanitatem adhuc corporis confert, cum animae saluti expedit: sed hanc sanitatem non praebet, si moribundus eo devenit, ut nequeat amplius nisi per miraculum convalescere; quia Sacramentum per viam ordinariam tantum operatur, causas naturales coadiuvando. Si vero, hoc non obstante, infirmus non acquiesceret, et pergeret nolle ungi, valde probabiliter plures dd. docent eum lethaliter peccare, saltem adversus charitatem erga seipsum, cum ultro se privet tanto auxilio in tanta necessitate.

PUNCTUM VIII. Quomodo se gerere debeat cum capite damnatis.

48. Cum his maxima charitas et patientia adhibenda est. Prima vice qua confessarius reum visitat, incipiat ei significare, mortem illam donum esse Dei, qui vult eum salvum facere. Dicat quod nos omnes ex hoc mundo discessuri sumus, et de brevi, ut aeternitatem perveniamus, quae non habet finem. Hinc ipsi loquatur de felici beatorum vita, et de miseria damnatorum. Deinde hortetur eum ut gratias agat Deo qui usque ad illud tempus ipsum expectavit, nec permisit ut moreretur tempore quo erat in peccato. Demum inducat, ut mortem hilari animo acceptet, eam coniungendo eum morte quam Christus Dominus pro suo amore perpassus est. Eumque confortet dicendo, quod ipse mortem propter sua peccata acceptando, certe salvus est, et cum magno merito salvus, unde in coelo grandi remunerabitur praemio. Insinuet ei postea, ut confiteatur, et omnia peccata sua libere manifestet. Praecipue interroget, an odio adver-

sus aliquem teneatur? et an serve secum particulas consecratas, aut oleum sanctum, aut superstitionas scripturas? Interroget etiam, an aliquo inierit cum daemone pactum? postquam autem eum absolverit, curet ut ille pluries communicet; monendo etiam ut frequenter Deiparae se commendet, ut bonam ipsi mortem obtineat. Dum e carceribus reus ad patibulum pergit, dicat ei: *Eia fili mi. sequere Iesum Christum, qui ante te profectus est ad calvarium, ad subeundam pro te mortem tua longe amariorem.* Cum ad locum supplicii perventum sit, iterum eum reconciliet, et absolvat, moneatque ut aliquam indulgentiam lucretur, et deinde sic dicat: *Eia N. hilari esto animo, iam nunc manes in gratia Dei: iam patent tibi paradisi ianuae; ibi te expectant Iesus et Maria. Coniunge mortem tuam cum morte Iesu, qui pro tuo amore exanguis inter ludibria et cruciatus mortuus est. Amasne illum? dic mecum: Domine, super omnia te diligo; mori volo, ut tuam faciam voluntatem. Mortem pro meis peccatis accepto. Spero iam mihi te pepercisse, iterum te offendisse me poenitet. Cupio cito venire ad coelum, ad tuos pedes osculandos, ac ad te amandum in aeternum.* Cum vitta super oculos reo imponitur, et ipse scalam ascendit, ei dicat. *Fili mi, invoca Dei Matrem, ut tibi assistat. Offer mortem tuam pro culpis tuis. Protestare te nolle consentire ullae daemonis tentationi.* Postquam scalam ascenderit (dum sententia executioni demandanda est), dicat: *Ecce Iesus Christus qui expansis brachiis te expectat, ut amplectatur: Domine, te offendi, mihi displicet; nunc te amo toto corde, Deus animae meae. Tu me vocas, ecce venio. Maria Virgo, adiuva me. Domine, in manus tuas commendo spiritum meum. Iesus et Maria, Iesus, Maria, Ioseph.*

49. Si autem reus obstinate nollet confiteri, quid agendum? 1. Confessarius quaerat eum orationibus adiu-

vare, et curet, ut etiam ab aliis ille Deo commendetur, ac praecipue a communitatibus religiosis, ut Missis et precibus ipsum auxilientur. 2. Intimet damnato, quod sive ipse convertatur, sive non, sententia exequenda erit. 3. Interroget, an forte de sua salute desperet, eo quod animam daemoni tradiderit? Eo enim casu illi suadere studeat, quod huiusmodi pactum vim non habet; quia solus Deus est animae Dominus, et statim ac ipse pravam revocat voluntatem, Deus ipsi omnia peccata remittit. 4. Interroget, an aliquem odio insequatur, ex quo proveniat sua obstinatio? Insuper advertat confessarius, primis vicibus, quibus talem obstinatum alloquitur, ne importune cogat ut statim confiteatur, quoniam obstinator fiet. Melius erit sermonem secum facere de morte cui omnes tenemur, de misericordia Dei, de poenis inferni, et de paradisi gaudiis. Enarret ei exemplum alicuius peccatoris, qui mortuus est impenitens; aut nonnullius capite damnati, qui sanctam sortitus est mortem, prout illius, qui, cum innocens damnatus fuisset, cumque interrogaretur, qua de re suam non defendisset innocentiam? sic respondit: *Et cur? Ego tot annos Deum rogavi, ut mihi concederet mori morte opprobriosa, sicut Salvator meus obiit pro me; ego iam obtinui quod petebam, et nunc hac optata sorte me privare vellem?* Et ita hilariter ad patibulum perrexit. Dictis his, confessarius relinquat reum, ut secum ista animo revolvat; et postea iterum sciscitetur, an forte mutatus sit, eique dicat: *Fili mi, iam tua mors appropinquat, quid decernis? In tua potestate est infernum, aut coelum eligere. Animadvertite, quod si obstinate decedis, per totam aeternitatem te poenitebit, sed tanto malo nullum amplius remedium suppetet.* Cum adhuc ipsum videat durum, curet ut circumstantes orent pro eo, et praesertim litanias B. Virginis recitent;

et deinde ante eum genuflectat, rogetque, ne velit perire. Si ne proficiat quidem eum alloquendo, se vertat ad alloquendum Crucifixum. Deinde, si reus iam advenit ad supplicii locum, expostulet a populo, ut omnes genuflectentes pro illo obstinato preces effundant. Prodesse quoque poterit eum terrere dicendo: *Discede, maledicte, in infernum, quandoquidem vis te perdere. Sed scilo, quod tua poena acrior in inferno erit memoria huius temporis, quod Deus tibi largitur, et tu abuteris;* at postmodum dulcem resumat sermonem. Si unquam damnatus iam scalam ascenderit, et petat confiteri, flagitet iustitiae ministros ut permittant ei descendere, protestando quod tunc ipsi tenentur tempus illi concedere ut confiteatur. Hoc tamen currit pro eo qui nondum confessus est, nam si reus iam alias confessus fuerit, tunc confessarius moneat eum, ut actum contritionis eliciat, et inde sic interroget: *Eia, Fili mi nunc nonne intendis confiteri mihi omnia peccata tua, et praesertim illa quae mihi dixisti?* Et cum reus annuerit, levissimam ei satisfactionem imponat (v. g. ut invocet Iesum et Mariam) et absolvat.

PUNCTUM IX.

Quomodo se gerere debeat confessarius cum infestatis a Daemone.

50. Aliqui obsessi a malis spiritibus vexantur spectris horribilibus, aut corporalibus cruciatibus. Horum facilis est cura; insinuetur eis oratio, patientia, et super omnia divinae voluntati uniformitas. Confessarius non sit ita incredulus, ut iudicet omnes has invasiones, aut infestationes daemonum esse phantasias, aut corporales infirmitates; quia non negandum, veros obsessos etiam inter christianos reperiri; Ecclesia enim adversus invasiones istas tot instituit exorcismos, quorum exercitium testatur nobis Concilium Tridentinum semper in usu fuisse apud Ecclesiam

Praeterquam quod, si obsessi non existerent, inutiliter Ordo exorcistatus institutus fuisset, quo super energumenos et catechumenos potestas confertur (quod certe non potest supponi); et quidem hic Ordo est unus ex septem, qui semper in Ecclesia Dei fuerunt, ut idem concilium declaravit. Caeterum consilium est semper de talibus invasionibus suspicionem habere; non enim negandum, maiorem earum partem esse aut fisiones, aut imaginationes, aut infirmitates, praesertim in mulieribus.

51. Qui tamen magis solent confessoriorum mentem gravioribus difficultatibus implicare, sunt ii qui turpibus visionibus, motibus, ac etiam tactibus vexantur a daemone, qui non solum fomitem sensualem excitat, sed aliquando etiam cum eis carnale commercium sub forma viri aut mulieris habet, quapropter *succubus*, vel *incubus* appellatur. Quidam hos daemones incubos, vel succubos dari negarunt; sed communiter id affirmant auctores, ut Martinus Delrio in opere *Disquis. Magic.* P. Hieron. Menghi l. 2. c. 15. Cardinalis Petrucci *Ep. part. 2. lib. 2. opusc. 5. c. 15. n. 5.* et Sixtus Senensis l. 5. *Bibl. Sacr. Annot. 77. ex Cypr. s. Iust. Tertull. etc.* Et maxime hoc confirmat s. Augustinus l. 15. *de Civit. Dei*, c. 23. in initio ubi scribit: *Apparuisse hominibus Angelos in talibus corporibus, ut non solum videri, verum etiam tangi possent, verissima scriptura testatur, et multos (quos vulgo incubos vocant) improbos saepe cecitasse mulieribus, et earum appetiisse ac peregrisse concubitum.* Quosdam daemones hanc assidue immunditiam, et tentare, et efficere, plures talesque viri asseverant, ut hoc negare imprudentia videatur. Equidem possunt daemones ad hunc improbum usum defunctorum corpora assumere, vel de novo sibi assumere ex aëre, et aliis elementis ad carnis similitudinem, ac palpabilium et calidorum corporum humanorum species effin-

gere, et sic ea corpora ad coitum aptare. Imo tenet praefatus Delrio, citans d. Thomam d. Bonav. Scotum Abulens. aliosque plures, quod daemon potest etiam verum semen afferre aliunde acceptum, naturalemque eius emissionem imitari, et quod ex huiusmodi concubitu vera proles possit nasci, cum valeat daemon semen illud accipere, puta a viro in somno pollutionem patiente, et prolificum calorem conservando, illic in matricem infundere: quo casu proles illa non erit quidem filia daemonis, sed illius cuius est semen, ut ait d. Thomas apud citatum auctorem. An autem, inspectis legibus a divina providentia constitutis pro propagatione generis humani, haec aliquando evenisse, aut evenire posse credendum sit, sapientiorum iudicio remittimus. Hic autem sit dubium, an possit daemon, permittente Deo, absque hominis culpa manus illius admove ad se tactibus polluendum? Affirmat p. Gravina Dominicanus, et quidem probabiliter; si enim valet daemon corpus alicuius totum movere, ut narratur de Simone Mago, ope daemonis in aërem sublato; cur non poterit et manum? Praeterea, si daemon potest alicuius commovere linguam, ut invitus proferat obscena verba, aut blasphemias contra Deum, quidni manus, ut turpia patrentur? Idem sentit Cardin. Petrucci l. c. n. 8. ubi sic inquit: *Non semel comperit fuisse, quod daemon aliquam partem in humano corpore coeperit quodammodo possidere, puta oculos, linguam, vel etiam verenda. Hinc fit linguam obscenissima verba proferre, licet mens talia tunc non advertat. Hinc impetus et affectus quandoque se turpiter denudandi proveniunt. Hinc foediora, quae me describere pudet: sed maxime praedicta confirmantur a s. Thoma 1. 2. quaest. 80. art. 3. in corp. qui sic ait: Respondeo dicendum quod diabolus propria virtute, nisi refraenetur a Deo, potest aliquem inducere ex necessi-*

tate ad faciendum aliquem actum, qui de suo genere peccatum est, non autem potest inducere necessitatem peccandi; quod patet ex hoc, quod homo motivo ad peccandum non resistit; nisi per rationem, cuius usum totaliter impedire potest, movendo imaginationem et appetitum sensitivum, sicut in arreptitiis potest; sed tunc ratione sic illigata, ut quidquid homo agat, non imputatur ei ad peccatum; sed si ratio non sit totaliter ligata, ex ea parte quae est libera, potest resistere peccato, sicut supra dictum est. Unde manifestum est quod diabolus nullo modo potest necessitatem inducere homini ad peccandum. Iuxta igitur s. Thomam, bene potest daemon (permittente Deo) omnem libertatem ad resistendum homini auferre, sicut aufert obsessis, eumque inducere ad faciendum actum de se peccaminosum sine hominis peccato formali. Insuper iuvat hic adnotare id quod super hoc puncto sapienter scribit P. Scaramelli (1) dicens: *Id potest peragi sine peccato formali creaturae, si scilicet daemon eo tempore quo exterius operatur, interius usum rationis totaliter impediat, ut omnem demat libertatem ad resistendum: quod per d. Thomam fieri potest, ita vehementer movendo imaginationem et appetitum sensitivum, ut per tales perturbationes omne rationis lumen extinguatur. Hinc confessarius examinet poenitentem, an in his, quae patitur, advertat quemadmodum malitiam peccati, et an habeat aliquem stimulum retrahentem ab illa actione. Nam si dicat, durante illa tentatione, ita mentem sibi offundi, ut nihil cognoscat, nec ullum remorsum sentiat, tunc poterit censeri immunis a peccato. Secus si eo tempore in ipso effulgeat aliquod lumen rationis, ita ut ratio non sit totaliter ligata, et possit resistere. Praeterea advertit praefatus auctor, monetque confessarios, ut curent quod talia patientes semper subiiciant clavibus*

(1) P. Scaramel. Direct. Mystic. tr.

Sacramenti huiusmodi actus, quia ipsi vix credi possunt immunes saltem a peccato veniali vel propter advertentiam imperfectam, vel propter aliquam deficientiam resistantiae, quam adhibere debebant.

52. Si quis unquam advenit infestus ab hoste huiusmodi genere tentationis (dictae spiritus fornicationis, a quo s. Ecclesia nobis praecipue iniungit petere a Domino, ut nos liberet), debet confessarius multum satagere ad praemuniendum poenitentem in tam horrendo conflictu; nam ait doctus Cardinalis Petrucci, has animas in magno periculo versari, si remedia non adhibeant multum efficacia, et aliquando, si oportet, etiam extraordinaria: cum enim ad resistendum requiratur ingens subsidium ex parte Dei, et magna violentia ex parte patientis, difficulter ab huiusmodi pugnis victor egreditur, qui perseveranter non adiciet magnam mortificationem, et super omnia validam orationem, centies et millies se commendando, gemendo, et misericordiam petendo ad Crucifixi et Deiparae pedes, lugendo, exclamando, et misericordiam petendo. Alioquin si anima tepescit, et deficit in orando, aut se mortificando, dicit Petrucci, quod ipsa in magno erit periculo ruendi saltem indirecte in aliquam occultam illarum turpium delectationum complacentiam. Itaque, ut deveniamus ad remedia, si confessarius iudicare potest nullam omnino adesse culpam in hac tentatione ex parte poenitentis, ipsum ante omnia moneat haec adhibere: iugibus precibus sibi subveniat, frequenter invocando SS. nomina Iesu et Mariae: se diligenter avertat a sensuum voluptatibus: Communionem frequentet: protestetur saepe nolle consentire cuicumque tentationi, aut delectationi quam opera daemonis sentiret: saepe utatur signo crucis (illam ferendo quoque secum), et aqua benedicta; cum ipsa lectum et

5. cap. 11. n. 124.

cubiculum aspergendo: afferat etiam secum aliquam reliquiam Sanctorum, et Evangeliorum librum: secum pariter adhibeat exorcismos privatos, dicendo: *Spiritus nequam, in nomine Iesu Christi praecipio tibi, ut a me discedas, et ne me amplius vexes*: hortetur praeterea quod vexatus ille saepe humilietur, et in huiusmodi humilitatis actibus saepe se exercitet; cum Deus aliquando ad aliquam internam superbiam ab anima removendam huiusmodi tentationes permittat.

53. Si quis autem in his tentationibus misere cadit aut earum occasiones magis quaerit quam effugit, huius curatio est valde difficilis; nam huiusmodi peccatores, qui cum daemone commercium habent, difficillime ex corde convertuntur. Ex una parte enim erga hos daemon dominum quoddam acquirit super eorum voluntates, et ex altera ipsi remanent nimis debiles ad resistendum; indigerent extraordinaria gratia Dei, sed difficillime solet hanc Deus huiusmodi impiis concedere. Verumtamen confessarius, si quis eorum accesserit, non diffidat, sed curet cum ipso summam adhibere charitatem, confortetque dicendo, quod ubi non est voluntas, non est peccatum; hinc si ipse voluntate resistet, minime peccat. In his casibus ante omnia confessarius adversus daemone praemittat exorcismum, saltem privatum, qui certe licitus est hoc modo: *Ego ut Dei minister praecipio tibi, aut vobis, spiritus immundi, ut recedatis ab hac creatura Dei*. Deinde poenitentem interroget, an unquam hostem invocaverit, et cum eo aliquid inierit pactum? an aliquando Fidem negaverit, aut contra ipsam actum aliquem exercuerit? interroget, qua forma ipsi daemon appareat, an hominis, mulieris, aut belluae. Tunc enim, si cum illo coit, praeter peccatum contra castitatem et religionem, reus erit peccati fornicationis, aut sodomitiae, aut incestus (intellige affectivi), adulterii, aut sacrilegii. Item inter-

Homo Apostolicus

roget, quo loco et tempore hoc commercium habuerit? Ostendat ei postea huiusmodi criminis immanitatem, quaeratque eum inducere ad veram conversionem, et confessionem integram faciendam; isti enim perditii homines, etiamsi confiteantur, de facili peccata committunt. Eadem demum remedia supra adnotata illi praescribat, nempe quod saepe ad Deum, et B. Virginem recurrat: frequenter nomina Iesu et Mariae invocet: aquam lustralem, et crucis signum adhibeat; aliquam reliquiam et Evangelium secum ferat: saepe etiam privatum proferat exorcismum, prout dictum est supra. Differat deinde eum absolvere, sed hortetur ut saepe redeat, ut sic cognosci possit, quomodo se gerat in resistendo hostis invasionibus, et in remediis adhibendis; nec eum absolvat, nisi post longum experimentum: tales enim conversiones, ut diximus, raro sunt verae, et rarissime perseverantes.

PUNCTUM X.

Quomodo se gerere debeat confessarius in excipiendis confessionibus mulierum.

54. Summe cautus debet esse confessarius in excipiendis confessionibus mulierum. Et primo notandum quod in Decr. S. C. Episcoporum 24. Ian. 1610. dicitur: *Confessarii sine necessitate audire non debent mulierum confessiones post crepusculum vespertinum, et ante auroram*. Loquendo autem de prudentia confessarii, ipse regulariter in confessionario cum iunioribus sit potius rigidus quam suavis, nec permittat illas ante confessionarium accedere, ut sibi loquantur, et multo minus ut manus deosculentur. In actu confessionis non ostendat eas agnoscere; aliquae enim, quae religiosae haberi volunt, aliquando advertentes se nosci a confessario, non faciunt integram confessionem. Imprudentia quoque est conicere oculos in poenitentes, cum e confessionario recedunt, easque per aliquod tempus

intueri. Extra confessionarium nec etiam immoretur ad colloquendum cum ipsis in ecclesia, omnemque familiaritatem devitet. Abstineat etiam a recipiendis munusculis; et praecipue ad illarum domos nunquam accedat; uno excepto casu gravis infirmitatis, et tunc nonnisi vocatus accedat, et tunc magnam adhibeat diligentiam in audiendis illarum confessionibus: unde ianuam apertam relinquat, sedeat in loco ubi videri possit ab aliis, oculosque in faciem poenitentis nunquam defigat. Et hoc praesertim currit, si sint personae spirituales, cum quibus est periculum maioris adhaesionis. Dicebat Ven. p. Sertorius Caputus, diabolus, ad coniungendas inter se personas spirituales, ab initio uti praetextu virtutis, ut deinde affectus a virtute transeat ad personam: unde ait s. Augustinus apud s. Thomam (1): *Sermo brevis et rigidus cum his mulieribus est habendus, nec tamen quia sanctiores fuerint, ideo minus cavendae; quo enim sanctiores fuerint, eo magis alliciunt et sub praetextu blandi sermonis, immiscet se viscus impiissimae libidinis.* Et idem angelicus Doctor (loc. cit.) sic prius dixit: *Licet carnalis affectio sit omnibus periculosa et damnosa, eis tamen pernicioiosa est magis, maxime quando conversantur cum persona, quae spiritualis videtur: nam quamvis eorum principium videatur esse purum, frequens tamen familiaritas domesticum est periculum, delectabile detrimentum, et malum occultum bono colore depictum: quae quidem familiaritas quanto plus crescit, tanto plus infirmatur principale motivum, et utriusque puritas maculatur.* Et subiungit, quod tales personae hoc non statim advertunt: quoniam diabolus ab initio non emittit sagittas venenatas, sed illas tantummodo quae aliquantulum feriunt, et augent affectum. Sed brevi huiusmodi personae eo deveniunt, ut non amplius agant secum tamquam Angeli, quemadmodum coeperant,

sed tanquam carne vestiti: vicissim se intuentur, mentesque sibi feriant blandis allocutionibus, quae adhuc a prima devotione videntur procedere: hinc alter alterius praesentiam incipit appetere: *sicque* (concludit) *spiritualis devotio convertitur in carnalem.* Et quidem oh quot sacerdotes qui antea erant innocentes, ob similes adhaesiones quae spiritu coeperant, Deum simul, et spiritum perdididerunt!

55. Deinde confessarius non adeo mulierum confessionibus sit addictus, ut per hoc homines ad se venientes audire recuset. Oh qualis miseria est cernere tot confessarios qui impendunt bonam diei partem in audiendis religiosis aliquibus mulierculis, quas vulgo dicunt *bizocas*; et cum postea vident ad se accedere homines aut foeminas uxoratas, qui sunt pleni angustiiis, et molestiis, et qui aegre domos et negotia sua relinquere potuerunt, dimittunt eos dicendo: *Habeo aliud quod agam, ite ad alios*; unde fit, ut isti, non inveniuntur cui sua peccata confiteantur, vivant per tot menses et annos sine Sacramentis, et sine Deo. Hoc non est audire confessiones ut Deo placeamus, sed potius ut genio serviamus: quare nescio quale meritum apud Deum sint habituri confessarii illi qui hoc modo suum ministerium exercent. Scio ego, immo et contra aliorum opinionem, qui asserunt esse tempus frustra impensum, teneo esse opus valde Deo carum dirigere animas ad viam perfectionis; ideoque de hoc fusius loquar capite ultimo; sed assero quod probi confessarii qui tantum ut Deo placeant confessiones excipiunt (quemadmodum facere consueverunt s. Philippus Neri, s. Ioannes a Cruce, s. Petrus de Alcantara, aliique) quando cernunt aliquam animam indigentem, praeferrunt eam animabus devotis, quibus audiendis auxiliandisque, quando confessarius vult, tempus non deerit.

(1) s. Th. opusc. 64. tit. de peric. famil.

APPENDIX I.

QUOMODO SE GERERE DEBEAT CONFESSARIUS IN DIRIGENDIS ANIMABUS SPIRITUALIBUS

1. ad 5. §. I. De meditatione.
- 6 §. II. Circa orationem contemplationis
7. Et hic agitur de collectione (proprie vocata raccoglimento) naturali, si-
ve otio contemplativo.
8. ad 11. De ariditate supernaturali,
distinguendo sensibilem a substan-
tiali.
12. De contemplatione affirmativa et
negativa.
13. De collectione supernaturali.
14. De quiete.
15. De caligine.
16. De unione activa et passiva.
17. De desponsatione spirituali, in quam
ingrediuntur elevatio animae (di-
cta extasis, raptus, et volatus spi-
ritus).
18. De matrimonio spirituali.
19. et 20. De visionibus.
21. De locutionibus.
22. De revelationibus.
23. et 24. Directio circa omnia praefata
dona supernaturalia.
25. ad 27. §. III. Circa mortificationem.
28. ad 36. §. IV. Circa frequentiam Sa-
cramentorum, praesertim Commu-
nionis.
37. et 38. Methodus vitae perfectae pro
persona religiosa.

1. Quod olim dixit Dominus Iere-
miae: *Ecce constitui te super gentes
ut evellas, et dissipas, aedifices et
plantas*; idem nunc repetit singulis
confessariis, qui non solum debent
evellere vitia ex suis poenitentibus,
sed etiam debent in illis virtutes in-
serere. Unde expediens est addere
hic in fine caput hoc, quod poterit
inservire confessariis tyronibus ad di-
rigendas animas spirituales ad per-
fectionem. Non sunt quidem expel-
lendi peccatores, ut superius diximus,
sed contra opus est etiam multum
Deo acceptum spensas illi adornare,
animas scilicet spirituales excolere,
ut in totum se illi donent, tradant
que. Acceptor est eius oculis anima

sola perfecta, quam mille imperfe-
ctae. Unde cum videt confessarius
poenitentem vivere immunem a cul-
pis mortalibus omnem curam adhi-
bere debet, ut eum in viam perfe-
ctionis, et divini amoris introducat,
illi repraesentando meritum, quod
habet Deus ut ametur, et gratitudi-
nem quam debemus Iesu Christo qui
nos amavit usque ad moriendum pro
nobis; nec non periculum in quo ver-
santur omnes animae, quae vocatae
a Deo ad vitam perfectiorem, illi
resistunt. In tribus igitur praecipue
posita est directio confessarii quoad
animas spirituales, scilicet in medi-
tatione et contemplatione, in morti-
ficatione, et in frequentia Sacra-
mentorum, et de omnibus his sigil-
latim dicemus.

§. I. De Oratione meditationis.

2. Prudens ergo confessarius cum
cernit animam aliquam abhorrentem
peccata mortalia, et desiderantem
progredi in amore divino, ante om-
nia debet illam disponere ad ora-
tioni mentali vacandum, scilicet ad
meditationem veritatum aeternarum,
et bonitatis divinae. Et quamvis ne-
cessaria non sit ad aeternam salu-
tem consequendam, sicuti est ne-
cessaria petitiō; nihilominus videtur
valde necessaria animabus, ut in Dei
gratia perseverent. Cum reliquis pie-
tatis operibus potest peccatum con-
sistere; sed non possunt cohabitare
oratio, et peccatum. Anima aut re-
linquet orationem aut peccatum. Di-
cebat s. Theresia: *Anima quae in
oratione perseverat, quotquot illi pec-
cata opponat diabolus, tandem pro
certo habeo quod eam Dominus ad
salutis portum conducet*. Et ideo dia-
bolus nullum aliud exercitium tam
quaerit impedire, quam illud ora-

tionis, quoniam, inquit eadem Sancta: *Novit daemon quod certe amittet animam quae perseveranter incumbit orationi.* Praeterea solus amor est qui animam Deo iungit, et stringit, sed fornax in qua accenditur flamma divini amoris est oratio, seu meditatio: *In meditatione mea exardescet ignis.* Ps. 38. 4.

3. Incipiat ergo confessarius introducere animam in orationem. Ab initio non plus quam mediae horae spatium assignet, quod deinde, crescente spiritu, plus minusve augebit. Neque desistat ex eo quod poenitens difficultatem adducit, quod desit sibi tempus et locus ad se colligendum: immo imponat ei, ut saltem mane vel vespere quando in domo maior est quies, vel etiam in ipsis occupationibus (quando aliud non posset efficere) elevet identidem mentem ad Deum et meditetur veritates Fidei, ut sunt Novissima, quorum cogitatio, (et praecipue mortis) est utilior pro incipientibus. Meditetur quoque Christi Passionem, quae meditatio est omnibus fructuosa. Si vero poenitens non sit litterarum rudis, expediens est, ut utatur aliquo libro spirituali, quo magis habeat ingressum in orationem, quemadmodum facere solebat s. Theresia. Moneat quoque, ut seligat materiam illam, in qua anima maiorem experitur devotionem; et in iis locis in quibus anima se vehementius affici et commoveri sentit, moretur aliquantum, et relicta meditatione, totam se exerceat in actibus voluntatis; vel incumbat petitioni, aut faciendis propositis. Dico 1. se exerceat in *faciendis actibus* scilicet humilitatis, actionis gratiarum, Fidei, Spei, et praesertim in repetendis actibus contritionis, et charitatis erga Deum offerendo se illi totam, totamque suae sanctissimae voluntati resignando, et repetendo, plus quam alios, actum illum cui anima se magis sentit inclinatum. Dico 2. exerceat se in *petendo*; nam a petitione omne nostrum

bonum dependet; et s. Augustinus inquit Deum ordinarie nullam gratiam hominibus concedere, et praesertim gratiam perseverantiae, nisi per canalem petitionis. Dominus dixit: *Petite, et accipietis*; ergo, concludit s. Theresia, qui non petit, non accipit. Quapropter si volumus animam nostram salvare, necesse est semper orare, et ante omnia petere perseverantiam, et amorem erga Deum; et quidem nullum tempus opportunum est ad petendum, quam tempus orationis receptis. Qui non orat, difficulter petit, quia difficulter se actuat ad considerandas gratias, quibus eget, et necessitatem ipsam petendi; et ideo qui non facit orationem, difficulter in Dei gratia perseverat. Dico 3. in *statuendo*, ut oratio non remaneat infructuosa, et anima mandet executioni ea lumina, quae in oratione recepit. Unde, quemadmodum inquit s. Franciscus Salesius, nemo debet imponere finem orationi, nisi prius fecerit particularem aliquam determinationem, puta vitandi defectus quosdam magis usuales; aut exercendi virtutem aliquam in qua se nescit debiliorem. Videatur circa hoc quod dicitur in Appendice IV. versus finem, cum loquemur de instructione pro oratione mentali § 3.

4. Exigat igitur confessarius ab animabus istis rationem orationis, exquirendo ab illis quomodo in ea se gesserint, aut saltem si fecerint; et imponat illis, ut in confessione ante omnia alia se accusent de oratione omissa, quando eam intermiserint, quoniam relicta oratione anima salvari non poterit. *Anima quae omittit orationem* (dicebat s. Theresia) *tamquam a semetipsa se collocat in inferno sine opera daemonum.* Oh Deus, et quantam confessarii afferrent animabus utilitatem adhibendo hanc minimam diligentiam! Et oh quam Deo rationem sunt reddituri, nisi ita se gerant, quoniam ipsi tenentur procurare, quantum in se est,

spiritualem progressum suorum poenitentium! Oh quot animas possent ipsi ad viam perfectionis dirigere, easque a recidivis in peccata gravia liberare, si adhiberent hanc tenuem industriam dirigendi eas per viam orationis; et interrogandi postea saltem sub initiis vitae spiritualis utram eam fecerint, vel non! Quando anima aliqua se in oratione solidavit, difficillime plus Deum amittit; et ideo oratio mentalis insinuanda est non tantum timoratis, sed etiam peccatoribus, qui saepe ob defectum considerationis redeunt ad vomitum.

5. Super omnia confessarii adhibere debent diligentiam hanc, cum poenitentes patiuntur desolationem spiritus. Initio quo anima se tradit vitae spirituali, solet Deus illam allicere specialibus quibusdam luminibus, lacrymis et sensibilibus aliis consolationibus; sed elapso aliquo tempore solet intercidere hanc venam, ut probet earum fidelitatem, et ut eas ad maiorem perfectionem extollat, subtrahens eis sensibilem omnem dulcedinem cui facile anima adhaeret non sine impuritate quadam, et culpa ex amore suiipsius. Consolationes sensibiles (quin et attractiones supernaturales) sunt quidem Dei dona, sed non sunt ipse Deus; unde ipse, ut animas sibi dilectas avellat etiam a donis suis, ut Donatorem puriori amore diligere cogantur, efficit, ut non inveniant amplius in oratione pabulum consuetum, et solitam consolationem, sed taedia, ariditates, tormenta, et quandoque etiam tentationes. Invigilet ergo summopere confessarius ad confortandas animas istas, ne orationem omitant, et praescriptas Communiones. Revocet illis in memoriam verba illa s. Francisci Salesii, scilicet: *Plus valere coram Deo unciam unam orationis in medio desolationum, quam libras centum in medio consolationum.* Quoniam ille qui Deum diligit ob consolationes, plus Dei consolationes quam Deum ipsum diligit; sed qui

Deum amat, eique adhaeret sine consolationibus istis, hic verum ostendit amorem. Haec de meditatione sufficiunt; sed opportunum duco aliquam hic novis confessariis praebere notitiam contemplationis infusae, ac suorum graduum, nec non aliorum donorum supernaturalium una cum regulis praescriptis a spiritualis vitae magistris ad directionem animarum, quibus Deus huiusmodi gratias voluerit impertiri.

§. II. De oratione contemplationis, et diversis suis gradibus.

6. Quando anima aliqua a Deo contemplationis gratia donatur, oportet ut confessarius optime sciat modum quo eam dirigere debet, et ab omnibus illusionibus liberet; alias maximum illi afferet damnum, et quemadmodum ait. Ioannes a Cruce, magnam ipse Deo redditurus est rationem. Contemplationum multum differt a meditatione. In meditatione quaeritur Deus labore discursus, in contemplatione sine huiusmodi labore contemplatur Deus iam inventus. Insuper in meditatione anima operatur actibus suarum potentiarum, in contemplatione operatur Deus, et anima tantum patitur, et recipit in se dona quae a divina gratia sibi infunduntur absque eo quod aliquid operetur, quoniam ipsa lux, et divinus amor, quo tunc tota impletur, reddunt eam suaviter attentam ad contemplandam Dei sui bonitatem, qui tot illam cumulat donis.

7. Advertere etiam oportet, quod Deus, antequam concedat animabus donum contemplationis, solet eas introducere in orationem recollectionis, vulgo dictam *di Raccoglimento*, vel *otii contemplativi* (sic illam vocant mystici), quae non est adhuc contemplatio infusa, quoniam anima adhuc est in statu activo. Haec recollectio (loquar hic de naturali, quoniam de supernaturali et infusa inferius loquemur n. 13.) est quando intellectui opus non est cum labore

quasi extra animam exire ad considerandum mysterium aliquod, aut aeternam veritatem, sed avulsus a rebus externis, et collectus quasi intra animam ipsam, absque labore, immo cum magna suavitate attendit illi veritati, aut mysterio, quodcumque sit. *Otium contemplativum* est fere idem, nisi quod in collectione anima attendat alicui devotae cogitationi particulari; in otio vero cum generali quadam Dei notitia sentit se in seipsa collectam, et suaviter Deo attractam. In hac collectione, sive otio contemplativo, dicunt quidam mystici, quod etsi haec oratio sit naturalis, nihilominus anima cessare debet non solum a meditatione, sed etiam ab actibus voluntatis, scilicet amoris, oblationis, resignationis etc., et tantum manere debet in quadam amoris vigilantia, et attentione ad Deum, absque eo quod actum aliquem faciat. Verumtamen huiusmodi incantationibus ego prorsus acquiescere non valeo. Nulli dubium, quod quando anima collectam se cernit, non debet se applicare meditationi, quia iam invenit sine ullo labore quidquid ipsa postulabat; praeterquam quod ipsa ordinaria meditatio, ut ait p. Segneri in suo aureo opusculo de *Concordia inter laborem et quietem* (1), producit post aliquod tempus contemplationem quae dicitur *acquisita*, nempe illam quae unico intuitu cognoscit veritates, quas ante nonnisi longo discursu et labore cognoverat. Sed his non obstantibus, nescio cur anima cessare debeat a bonis actibus voluntatis; et quodnam tempus opportunius his faciendis actibus esse poterit, quam tempus quo anima se collectam sentit? Verum quidem est, quod s. Franciscus Salesius consilium dedit b. Ioannae de Chantal, ut in sua oratione, cum se Deo unitam sentiret, non repeteret novos actus, sed quare? quia scilicet beata iam pervenerat ad contemplationem passivam. Unde quando anima adhuc est in statu activo, non

est ratio cur actus non impediri debeant gratiae operationem. Idem s. Franciscus Salesius praefigebat animabus devotis a se directis determinatum quemdam numerum aspirationum amoris, faciendum intra certum temporis spatium. Quando anima pervenit ad statum passivum contemplationis, tunc anima etsi non mereatur, quia eo tempore non operatur, sed tantum *patitur*, nihilominus acquirit magnum quemdam vigorem ad operandum postea cum maiori perfectione. Sed quando anima adhuc est in statu activo, ut mereatur, operari debet, actus bonos faciendo; atque haec sunt opera, quibus anima meretur gratiam divinam. Unde recte concludit idem p. Segneri, quod quando Deus loquitur et operatur, oportet ut anima taceat, et cesset a suis operationibus, nihil aliud ponendo ex parte sua circa principium, quam attentionem quamdam amoris ad divinas operationes; sed quando Deus non loquitur, necesse est, ut anima se adiuvet eo modo quo potest ad coniungendum se Deo, scil. meditationibus (quando hae sunt necessariae), affectibus, precibus, et determinationibus, dummodo actus isti non eliciantur inviti: unde illi tantummodo sunt faciendi, quibus se anima sentit suaviter inclinatam.

8. Insuper advertendum est, quod Deus, antequam introducat animam in orationem contemplationis, solet eam purgare ponendo in ariditate supernaturali, quae appellatur *purgatio spiritualis*, ut eam purificet a suis imperfectionibus, quae illi impediunt contemplationem. Atque hic distinguendum est inter ariditatem *sensibilem*, quae pertinet ad sensum, et ariditatem *substantialem*, quae pertinet ad spiritum. Ariditas *sensibilis* (de *substantiali* loquemur num. sequenti) quando est naturalis fert secum quoddam tedium rerum spiritualium, et obscuritatem quamdam

(1) Segu. p. i. c. i. n. i.

leviorem, et minus durabilem; sed quando est supernaturalis, de qua hic agimus, ponit animam in quadam obscuritate profundiori, quae diutius durat, et quotidie maius accipit incrementum. Nihilominus anima in tali statu constituta, licet sentiat se magis a creaturis alienatam, et habeat cogitationem semper in Deum defixam una cum ingenti desiderio, et determinatione eum perfecte amandi, tamen sentit se reditum tamquam impotentem ad hoc exequendum ob suas imperfectiones, quarum causa videtur facta Deo odibilis; sed interea, hoc non obstante, non cessat se recte gerere in virtutibus. Haec molesta ariditas est quidam tractus gratiae, est lux quaedam supernaturalis, sed lux quae affert poenam et obscuritatem, quoniam volens se nudo spiritui communicare, et inveniens sensus, atque potentias animae suae non adhuc capaces, ex eo quia nondum prorsus a consolationibus sensibilibus sint disiunctae, et consequenter materialibus, quae plenae sunt formis, imaginibus et figuris; producit in anima huiusmodi tenebras tam molestas, sed valde utiles, quoniam per ipsas anima pervenit ad alienationem quamdam ab omnibus voluptatibus sensibilibus tam terrenis, quam spiritualibus; et insuper acquirit magnam suarum miseriarum cognitionem, atque impotentiae ad quodvis opus bonum perficiendum, et simul magnam erga Deum venerationem, qui illi repraesentatur venerabilis et terribilis. In hoc statu director debet animam confortare ad sperandas res magnas a Deo, qui ad hunc finem ita se gerit cum ea. Insinuet ei, ne conetur se exercere in meditatione, sed ut humiliet se, faciat actus oblationis, totamque se Deo committat, perfectissime resignata dispositionibus suae voluntatis, quae tota tendit ad bonum nostrum.

9. Post hanc purgationem sensus solet Dominus concedere donum con-

templationis, quae dicitur gaudii; scilicet recollectionis supernaturalis, quietis et unionis, de qua deinceps loquemur; sed ante unionem, et post recollectionem et quietem, solet Deus purgare animam ariditate spiritus, quae dicitur ariditas *substantialis*, qua Dominus vult, ut anima se totam in seipsa annihilaret. Ariditas sensus est subtractio devotionis sensibilis, sed ariditas spiritus est quaedam lux divina, qua Deus facit, ut anima suum nihilum agnoscat. Atque hic est, ubi anima se cernit in quadam terribiliori agonia; nam etsi tunc ipsa sit magis determinata ad se vincendum in omnibus, et magis attentata ad Deo placendum, nihilominus quo magis agnoscit suas imperfectiones, eo sibi videtur a Deo expulsa, atque derelicta, tanquam ingrata beneficiis acceptis, immo et ipsa spiritalia exercitia, quae peragit, ut sunt orationes, communiones, mortificationes eam magis contristant; nam cum ea omnia non sine magno taedio et poena perficiat, credit omnia digna suppliciis, et se Deo odibilior. Quin multoties animae istae videntur sibi summopere odisse Deum, quam ob causam Deus eas iam reproberit, tanquam sibi inimicas; et adhuc in vita faciat illis experiri damnatorum poenas, et divinam derelictionem. Et aliquando Deus permittit, ut huiusmodi desolationes committentur mille aliae tentationes, ut motus impuritatis, iracundiae, blasphemiae, incredulitatis, et praesertim desperationis: ita ut miserae in magna illa obscuritate et confusione non valentes discernere resistentiam voluntatis (quae revera tunc adhuc adest, sed ipsis est occulta, aut saltem dubia ratione praesentium tenebrarum), timeant iam consensisse, et ideo tanto magis existimant se derelictas a Deo.

10. Hic ergo confessarius, quando ei aliqua ex animabus istis occurrit, quae iam per perfectionem progreditur, et opiuatur se derelictam iu-

primis non terreatur videndo confusionem hanc, et audiendo tot expressiones timoris et desperationis: nec se ostendat timidum, aut ullo modo haesitantem, sed viriliter eam confortet ad nihil timendum: et eo tempore plusquam alias animet ad confidendum in Deo, recitans illi ea verba, quae Dominus dixit s. Theresiae, quod scilicet nemo Deum amittit absque eo quod cognoscat amittere. Dicat ei omnes illas suggestiones blasphemiarum, incredulitatis, impuritatis, et desperationis non esse consensus, sed poenas quae si cum resignatione tolerentur, animam magis magisque Deo coniungunt. Dicat, a Deo nunquam odio haberi animam, a qua amatur, et quae bonae est voluntatis. Addat, Deum ita se gerere cum animabus a se magis dilectis. *Ariditatibus, et tentationibus* (dicebat s. Theresia) *probat Deus suos amatores. Quamvis ariditas tota vita perduret, anima non omittat orationem, veniet tempus quo omnia ei persolventur.* O quam pulchram pro anima desolata sententiam! Hortetur ergo, ut forti animo sit, et viriliter expectet res magnas a Deo, dum eam per tutiorem viam deducit, scilicet per viam crucis, moneat etiam, ut primo humiliet se utpote dignam ita a Deo tractari ob anteactae vitae defectus: secundo, ut divinae voluntati se totam resignet, paratissimam se praebehendo ad ea omnia perferenda, immo et maiora pro omni tempore quo Deo placuerit; tertio proiciat se tanquam mortuam in brachia divinae misericordiae, et committat protectioni Mariae SS. quae Mater misericordiae et afflictorum consolatrix iure appellatur.

11. Ariditas sensus perdurat quousque, purificatis sensibus, anima apta ad contemplationem reddatur. Ariditas vero spiritus durat quousque reddatur capax divinae unionis; quamvis aliquando etiam post unionem permittat Dominus, ut anima iterum redeat ad hanc ariditatem, ea potis-

simum de causa, ne anima seipsam negligat, et ut identidem suum nihil agnoscat.

12. Completa ergo purgatione sensus, et ad finem perducta ariditate sensibili, ponit Deus animam in statu contemplationis. Contemplatio vel est affirmativa, vel negativa. *Affirmativa* est quando anima beneficio lucis divinae, sine ulla sua opera cernit aliquam veritatem aut creatam, ut esset infelicitas inferni, felicitas paradisi, etc., aut increatam, ut divinam misericordiam, amorem, potentiam, bonitatem. *Negativa* est quando dignoscit perfectiones divinas non in particulari, sed in genere cum confusa quadam notitia, sed quae ingerit conceptum longe maiorem magnitudinis divinae: et ita etiam in confuso agnoscit aliquam veritatem creatam, ut horribilitatem inferni, etc. Sed transeamus ad primos contemplationis gradus: hi sunt: recolectio interior spiritus, et quies: de unione loquemur postea.

13. Primus igitur gradus contemplationis est *recolectio supernaturalis*. De naturali iam diximus supra n. 7. quae tunc habetur, quando animae potentiae colliguntur ad considerandum Deum intra se; et dicitur *naturalis*, non quia anima ex se valeat illam operari; omnis enim actio virtutis, ut possit aeternum praemium promereri, indiget auxilio gratiae; unde generatim loquendo est etiam supernaturalis: sed *naturalis* dicitur, quia anima tunc est in statu activo, et beneficio gratiae ordinario operatur. Recolectio vero *supernaturalis* est illa, quam operatur Deus ministerio cuiusdam gratiae extraordinariae, et per quam Deus collocat animam in statu passivo: ita ut recolectio supernaturalis, seu infusa tunc proprie habeatur, quando collectio potentiarum non evenit opera ipsius animae, sed beneficio lucis quam Deus infundit, et per quam excitatur in anima magnus et sensibilis amor divinus. In hoc statu non est

cogenda anima ad suspendendum tranquillum eum discursum, quem forte ei lux ipsa suaviter insinaret: quemadmodum nec debet incumbere considerationi rerum particularium, aut determinationibus, quas valet efficere. Nec debet curiosius investigare quidnam sit interior ea spiritus relectio: sed sinat se dirigi a Deo ad considerandas res illas, illosque actus faciendos, ad quos se magis a Deo ferri cognoscit.

14. Secundus gradus est *quietis*. In recollectione vis amoris communicatur immediate sensibus externis; quos Deus ipse intra animam facit colligere. Sed in quiete amor communicatur immediate spiritui in ipso animae centro: et amor ipse est ardenter, qui deinde etiam ad sensus externos diffunditur: hoc vero non semper: unde multoties accidit quod anima habeat orationem quietis, sed sine ulla dulcedine sensibili. Dicit s. Theresia (1) quod in hac oratione non suspenduntur omnes potentiae: suspenditur quidem voluntas, et remanet tanquam ligata, quia tunc nulum aliud obiectum praeter Deum valet amare, qui eam sibi trahit: sed intellectus et memoria, aut phantasia quandoque remanent liberae, et huc illucque excurrunt. Unde dicit Sancta (2) animam de hoc non debere tristari: *Rideat (inquit) de sua cogitatione, illamque deserat veluti stultam, et maneat in sua quiete: et cum voluntas sit domina, ipsa cogitationem ad se reducet, absque ullo vestro labore*. Quod si anima velit se applicare ad colligendam cogitationem, nihil omnino aget, et suam quietem amittet. In hoc statu multo minus quam in recollectione anima debet se applicare ad faciendas determinationes, aut alios actus ex se ipsa emendicatos; eos tantummodo faciat, ad quos se sentit a Deo suaviter impelli.

15. Dicamus nunc aliqua de oratione purae contemplationis, scilicet

(1) in vita c. 14.

de contemplatione negativa superius enuntiata, quae est longe perfectior quam affirmativa. Haec contemplatio *negativa*, dicitur *clara caligo*, quia ob nimiam lucis abundantiam intellectus obscuratur: quemadmodum qui intuetur solem, radorum fulgore obcaecatus nihil cernit, sed tantum intelligit solem esse magnum quoddam lumen: sic Deus in ista caligine infundit animae lucem magnam, quae facit, ut illa intelligat non iam veritatem aliquam particularem, sed acquirat generalem quamdam et confusam notitiam suae incomprehensibilis bonitatis, unde anima incipit efformare altissimam de Deo ideam, licet confusam. Quando anima aliquantulum noscit aliquam ex divinis perfectionibus, etiam quidem conceptum suae bonitatis concipit, sed longe melior est conceptus quem format, quando cognoscit divinam perfectionem non posse comprehendi. Scribit Cardinalis Petruccius in doctissimis suis epistolis, hanc orationem propterea vocari orationem caliginis, quia in hac vita anima non est capax clare intelligendi Divinitatem, unde in hoc statu intelligit non intelligendo; sed intelligit longe melius omni alio modo intelligendi. Non intelligit, quia, cum Deus non sit res quae formet imaginem aut figuram, intellectus nequit de eo ideam efformare; et ideo nihil aliud intelligit, quam quod illum non valet intelligere, quapropter huiusmodi intelligentia vocatur ab Areopagita, *sublimis cognitio Dei per ignorantiam*. In hac oratione caliginis suspenduntur omnes interiores potentiae animi, et quandoque etiam sensus exteriores: ita ut anima aliquando ingreditur in *ebrietatem spirituales*, quae facit eam prorumpere in quaedam amoris deliria, ut cantus, clamores, fletus immodicos, saltus, et his similia, quemadmodum eveniebat S. Mariae Magdalенаe de Pazzis.

16. Post gradus istos facit Domini

(2) Cammin. di Perfez. p. 209.

nus animam ad unionem transire. Unicus animae scopus hic esse debet, unio scilicet cum Deo; sed ut anima perfectionem attingat, non est necessaria unio *passiva*; satis est illi pervenire ad unionem *activam*. Paucissimae, inquit s. Theresia, sunt animae illae, quae diriguntur a Deo per vias supernaturales: et nos in coelo permultas aspiciemus quae sine huiusmodi gratiis supernaturalibus erunt gloriosiores illis, quae gratias istas receperunt. Unio *activa* est perfecta uniformitas divinae voluntati, in qua certe consistit tota perfectio divini amoris: *Perfectio*, inquit s. Theresia (1), *non consistit in extasi; sed vera unio animae cum Deo est unio voluntatis cum divina voluntate*. Haec unio est necessaria, non vero unio *passiva*: et animae illae quae solam habent activam, inquit eadem Sancta (2), *feri poterit quod habeant meritum longe maius, quia maiorem patiuntur laborem, et Dominus dirigit eas ut fortes, et consolationes quas in hac vita non habent, servat, ut postea det eis in alia*. Cardinalis Petrucci inquit, quod absque contemplatione infusa recte quidem potest anima beneficio gratiae ordinariae pervenire ad annihilationem propriae voluntatis, et ad eam transformandam in Deum, nihil aliud volendo quam voluntatem Dei. Et quamvis sentiat passionum motus, tamen hi non impediunt illi praefatam transformationem; unde subdit quod, cum in hoc posita sit tota sanctitas, unusquisque nihil aliud debet desiderare et petere a Deo, quam ut dirigatur ab ipso, et in ipso suam efficiat voluntatem. s. Theresia tractando de unionem passiva, inquit (3): *quod anima posita in ea non videt, non sentit, neque advertit ita se habere; quoniam ex abundantia lucis et amoris efformatur illa beata caligo, in qua suspenduntur omnes poten-*

tiae animae; memoria enim non recordatur nisi Dei: voluntas coniungitur Deo tali amore, ut nequeat amare aliud obiectum, et intellectus tanta luce repletur, ut nullam rem aliam valeat cogitare, nec etiam gratiam quam actu tunc recipit: unde intelligit multum, sed nequit percipere quid intelligat. In summa, anima in hoc statu constituta habet claram et experimentalem cognitionem Dei praesentis qui in animae centro eam sibi coniungit. Haec unio, inquit s. Theresia (4), non multum perdurat, sed ad summum dimidium horam non excedit. In aliis contemplationibus, de quibus antea locuti sumus, Deus praebet se videndum tanquam proximum animae, hic vero tanquam praesentem; et anima experitur eum sibi coniunctum per suavem quemdam contactum. Unde, inquit Sancta (5), in aliis contemplationibus posse animam dubitare, utrum fuerit Deus, in hac vero non. Hoc tamen non obstante, debet eam confessarius monere non ideo evasisse impeccabilem, et propterea, quo magis se videt a Deo huiusmodi gratiis donatam, eo magis esse debet humilior, et ab omnibus alienata, unice diligendo crucem, et vivendo in totum divinis dispositionibus unificata, cum assiduo timore quod suae infidelitates ex eo tempore acerbius punientur, ob maiorem quam committentur ingratitude. Inquit s. Theresia (6) sibi cognitae plures animas, quae, cum antea ad hunc statum unionis ascendissent, postea in peccata mortalia praecipites ceciderunt.

17. Tres dantur species unionis, et sunt: unio *simplex*, unio *desponsationis*, et unio *consummata*, quae vocatur unio *matrimonii spiritualis*. Unio simplex est illa, de qua usque adhuc locuti sumus. Dicendum nunc est de unionem *desponsationis*. Hanc unionem solet ordinario praecedere

(1) Concetti dell'Amor di Dio Conc. 3.

(2) Avvisi per l'oraz. avv. 22.

(3) Mans. V. cap. 1.

(4) in vita c. 18. (5) Mans. V. c. 1.

(6) Mans. 5. et 6.

ariditas substantialis, quae est purgatio spiritus, de qua iam supra locuti sumus n. 8. In hac vero unione desponsationis tres sunt alii gradus diversi, scilicet *extasis*, *raptus*, et *elevationis spiritus*. In simplici unione suspenduntur potentiae, sed non sensus corporei, quamvis hirc remaneant valde infirmi ad operandum. In unione autem extasis amittitur quoque usus sensuum, ita ut persona non videat, non audiat, et non percipiat neque incisiones, neque adustiones. Raptus vero nihil aliud est quam impressio quaedam gratiae validior, qua Dominus non solum elevat animam ad unionem, sed etiam rapit illam motu quodam subitaneo et violento: ita ut aliquando eleveetur etiam corpus, et reddatur leve ad instar plumae. *Etc. alio spiritus* est, quando anima sentit se rapi quasi extra se, et extolli supra seipsam cum magna quadam violentia, unde anima ab initio magnum experitur timorem. In elevatione spiritus continetur tam extasis, quia intervenit amissio sensuum, quam raptus, id est motus violentus. Retulit mihi persona quaedam similibus gratis a Deo donata, quod in talibus elevationibus spiritus videbatur sibi tanquam si anima e corpore fuisset avulsa et elevata cum tanta velocitate, ac si conficeret decies centena millia milliaria in quovis temporis momento non sine magno terrore, quoniam ignorabat quo esset ascensura; sed cum postea subsedisset, tunc illustrabatur ad cognoscendum aliquod divinum arcanum. Sed hic oritur dubium: si in hac unione suspenduntur potentiae, et intellectus obscuratus a lucis abyssu nequit attendere rebus quas intelligit; qua unquam ratione potest ibi anima intelligere, et verba facere de illo divino arcano? Respondent mystici, quod quando Deus vult, ut anima intelligat aliquod secretum, aut immittere illi aliquam visionem intellectualem, vel imaginariam, minuit nonnihil lucem ita ut animo remaneat

neat habilis ad cognoscendum, et perpendendum quodcumque Deus voluerit.

18. Tandem perfectior unio quae dicitur *consummata*, et maior quam in hac vita possit Deus concedere animae viatrici, est illa quae dicitur *matrimonii spiritualis*, per quam anima transformatur in Deum, et fit unum quid cum Deo: eodem modo quo vas aquae infusum mari evadit unum cum aqua maris. Et advertendum hic est, quod in reliquis unionibus, ut loquuntur mystici, potentiae remanent suspensae; in hac vero minime suspenduntur; quoniam potentiae purificatae a sua sensibilitate, et materialitate, iam effectae sunt capaces divinae unionis; ita ut voluntas amet Deum suum placidissime, intellectus recte cognoscat, et attendat huic intimae divinae unioni, quae iam facta est in animae centro, quod accidit eodem modo ac si quis intueretur solem, et sine ulla offensione oculorum solis splendorem cognosceret. Insuper est advertendum, quod haec unio non est transitoria, ut duae priores, sed permanens; ita ut anima fruatur habitualiter divina praesentia iam sibi coniuncta, et fruatur in pace stabili: nam passiones nihil amplius eam perturbant: illas quidem anima cernit dum faciem suam ostendunt, sed non tristatur, nec ullam patitur molestiam ab illis, ad instar eius qui forte habitans super nubes, cerneret tempestates inferiores evenientes, et ipse non tangeretur ab illis.

19. Hic abs re non erit aliqua dicere de visionibus, locutionibus, et revelationibus ad discernendas falsas a veris. Visiones vel sunt *externae*, vel *imaginariae*, vel *intellectuales*. *Externae* sunt quae oculis cernuntur. *Imaginariae* quae spectantur in phantasia, seu imaginativa. *Intellectuales*, quae neque oculis, neque in phantasia videntur, sed a solo intellectu divina luce adiuto, quae species intelligibiles ingerit; atque haec visio-

num species, teste s. Theresia, tota est spiritualis; nullam enim in ea partem habent sensus neque externi, neque interni qui sunt imaginativa, et phantasia. Notandum quod neque oculis, neque phantasia potest anima cernere res sibi repraesentatas, nisi in apparentia corporea, etiamsi essent substantiae spirituales. Contra beneficio intellectus res cernuntur tanquam spirituales, etiamsi fuerint materiales; vel ut melius dicam, noscuntur, non videntur; sed noscuntur longe melius quam si oculis cernerentur.

20. Advertendum tamen hic est, quod visiones istas tam Deus, quam diabolus potest operari, quod est intelligendum etiam de intellectualibus, ut videtur innuere s. Ioan. a Cruce (1) contra id quod sentit Cardinalis Petrucci; quamvis multo facilius corporales, quae ut plurimum et praecipue in foeminis ab ipsa phantasia efformantur. Signa ad distinguendas veras a falsis sunt 1. Si veniant ex improvviso sine ulla praecedenti animae cogitatione. 2. Si ab initio afferant confusionem et terrorem, sed postea relinquant animam in pace. 3. Si sint raras, quia frequentes sunt valde suspectae. 4. Si parum durent, quoniam inquit s. Theresia (2), quando anima intuetur per longum tempus rem sibi repraesentatam, signum est quod sit potius actus phantasiae. Visio divina, ut plurimum, transit ad instar fulguris, sed remanet inde immobiliter menti infixi. 5. Vera visio relinquit animam in summa pace, et vivida cognitione miseriae suae, non sine ingenti desiderio perfectionis, ad differentiam visionum diabolicarum, quae parum remanent impressae, et relinquunt animam in quadam siccitate, perturbatione, motibus propriae aestimationis, et cum fame sensibili harum gratiarum. Verum cum omnibus signis superius memoratis, inquit s. Theresia (3), nullam certam haberi posse securitatem, quoniam multoties daemon scit simulare quie-

(1) Salita l. 2. c. 23. (2) Mans. 6. c. 9.

tem, cogitationes humilitatis, desideria perfectionis; quae omnia incertum est a quo procedant; quoniam saepe ipse daemon, ut ei fides praestetur, solet haec insinuare, ut tandem illum percipiat fructum, et deceptiones, quas intendit. Unde director, regulariter loquendo, non prohibeat animae enarrare sibi huiusmodi visiones, immo imponat illi ut manifestet quaecumque videt, sive vera ea sint, sive falsa, ut docet s. Theresia (4); sed e contrario nullam ostendat curiositatem sciendi huiusmodi visiones, neque de his minute animam interroget, nec praeveniat dicendo: *Num fuit sic? Vidistine hoc, vel illud?* quia tunc facile anima respondet affirmative aut ex sua malitia, aut simplicitate. Si aperte noverit huiusmodi visiones esse opus phantasiae, aut diabolicum, quia forte alienant animam ab obedientia, humilitate, aut ab alia virtute, tunc aperte ei hoc dicat. Si vero id confessarius non discernat, omnino non expedit indubitanter asserere visiones illas esse vel diabolicas, vel phantasias, quemadmodum solent quidam nimis increduli (ad differentiam aliorum, qui nimis creduli, omnes habent ut veras); sed dicat poenitenti, ut oret Deum quod non amplius ducatur per vias adeo periculosas, se protestando quod quamdiu vivet in terris velit Deum cognoscere solum per viam Fidei. Caeterum insinuet ut ex visionibus habitis vel falsis, vel veris illum percipiat fructum, qui magis est necessarius, et praecipue se recte cum Deo gerendi; ita enim agendo, quanquam visiones fuerint a daemone, daemon remanebit elusus.

21. Quod vero ad locutiones attinet, locutio esse potest *successiva, formalis, et substantialis*. *Successiva* est quando anima meditando aliquam veritatem Fidei, sentit sibi quasi responderi ab ipsomet suo spiritu, sed veluti ac esset persona extranea. Haec, quando bonos parit effectus, ut essent

(3) *ibid.* (4) Mans. 5. c. 9.

amoris, aut humilitatis extraordinariae, esse potest speciale Dei lumen: sed quando non videt augeri consuetum amorem, indicium est eam esse intelligentiam proprii intellectus. *Formalis* est quando anima audit aliqua verba formata, sed extra se; et potest haec percipi vel auribus, vel imaginativa, vel intellectu. Haec ut discernatur utrum sit divina, vel diabolica, videndae sunt res quas exprimit, aut faciendas imponit, et effectus quos relinquit. Praecipue, si est divina, imponiturque opera patientiae, propriae abiectionis, aut quodvis aliud opus spirituale, relinquit facilitatem quandam ad omnia toleranda, ad operandum, et se humiliandum. *Substantialis* est eadem ac formalis, et solum differt in effectu; quoniam formalis aut instruit, aut imponit; substantialis vero cito operatur id quod exprimit: ut e. c. si diceret: *Consolare*; *Noli timere*; *Dilige me*: anima tunc in eodem temporis puncto remanet consolatione repleta, intrepida, aut amoris igne succensa. Haec locutio caeteris omnibus est securior; prima enim est valde incerta: secunda, id est formalis, est multum suspecta, praesertim quando iubet res exequendas: unde director si observat ea quae iubentur esse christianae prudentiae opposita, debet ea omnino prohibere; si vero non sint prudentiae contraria, expedit ut earum suspendat executionem, quousque deveniat in maiorem securitatem, et multo magis si res sint extraordinariae.

22. Denique quod attinet ad *revelationes* rerum occultarum, aut futurarum, ut scilicet mysteriorum Fidei, status conscientiarum, praedestinationis animarum, mortis, promotionis ad aliquam dignitatem, et his similia; hae possunt tripliciter haberi, nempe per visiones, per locutiones, et per intelligentias nudarum veritatum. In huiusmodi revelationibus debet director magnam adhibere pru-

dentiam, nec sit nimis facilis ad credendum, praecipue ad exequendum quando agitur de certiorando aliquem ob notitiam in revelatione acceptam. Ante omnia iubeat animae, ne revelationem aliis indicet, et ipse cautissime semper procedat, immo utatur sapientiorum consilio, quoniam ut plurimum tales revelationes dubiae sunt et suspectae. Minus vero suspectae sunt intelligentiae simplicium veritatum circa mysteria, attributa divina, malitiam peccati, damnatorum infelicitatem, et his similia; hae quando sunt Fidei conformes, inquit s. Ioannes a Cruce (1), quod anima non debet illas expetere; sed si ipsi concedantur, humiliter sunt ab ea accipiendae, et non refutandae.

23. Oritur hic dubium: Utrum omnes istae species gratiarum et communicationum supernaturalium debeant reiici aut acceptari? Et distinguendum est, ut ait doctus quidam auctor (2) cum s. Ioanne a Cruce, et aliis: gratiae illae quae elongant a Fide, ex eo quia consistunt in quibusdam notitiis distinctis, ut sunt visiones, locutiones, et revelationes, has oportet omni conatu reiicere; sed illae ex opposito, quae sunt uniformes Fidei, ut sunt notitiae confusae et generales, et tactus divini qui uniunt animam Deo, non sunt reiiciendae, immo possunt humiliter expeti et desiderari, ut magis magisque Deo uniatur, et in suo sancto amore solidetur. Hoc nihilominus intelligitur pro illis animabus quae iam donantur similibus favoribus; quoniam pro aliis tutior via est desiderare et expetere tantummodo unionem activam, quae ut diximus, est unio voluntatis nostrae cum divina voluntate. Director igitur, quando ei occurrerit anima cum his communicationibus contemplationis, aut caliginis, aut unionis, non debet ei imponere ut eas reiiciat, sed ut humiliter et cum gratiarum actione recipiat. Semper vero utatur verbis quae animam non o-

(1) Salita l. II. c. 33. (2) F. Bern. de

Castelveteri Direct. Mist. l. 2. p. 2. c. 1.

miniae securam efficiant, sed relinquunt quemdam timorem, qui eam etsi non conturbet, detineat vero in humilitate, et ab omnibus alienatione. Gratias autem quarumdam noticiarum distinctarum quae habentur per viam visionum, et his similium, ut superius diximus, iubeat confessarius constantissime recusari, semper tamen in spiritu humilitatis (et sine ullo contemptu, ut expuendi in faciem, irridendi, etc. quod non licet, ut plures asserunt); et protestando coram Deo se velle ei in pura Fide servire. Caeterum, inquit s. Theresia, quod quotiescumque anima sentit se suaviter accendi ad amorem erga Deum, habere debet communicationem tanquam divinam, non ideo ut credat se aliis meliorem, sed ut animum faciat ad perfectius coram Deo ambulandum; ita enim agendo Deus efficiet ut daemon, etiamsi iste aliquam partem haberet, victus remaneat, et suis ipsis armis sibi damnicet.

24. Sed concludamus. Director ergo 1. imponat animae, ut superius diximus, ut fideliter enarret omnes communicationes quas habet in oratione, nullum tamen eas sciendi desiderium demonstret; nec unquam aliis manifestet gratias supernaturales suo poenitenti concessas; fiet enim ut illi eius precibus se commendent, eumque maximo superbiendi periculo exponant: vel si post hanc notitiam levissimum intueantur defectum multum scandalizabuntur, et in derisione habebunt. 2. Non ostendat huic animae talibus favoribus distinctae particulare aliquod signum aestimationis, et multo minus mittat alias poenitentes ad petendum consilium ab ea, vel ad exposcendum solatium, aut directionem; potius ostendat minoris eam facere, quam alias animas, quae ambulant per viam Fidei: quoniam animae his favoribus ornatæ, regulariter loquendo, semper, et multum sunt humiliandæ. 3. Si advertat animam servare humilitatem, atque

timorem in istis divinis communicationibus, oportet eam adiuvere, immo et securam facere, quoties expedire cognoverit. Inquit s. Theresia, quod anima nunquam movebitur ad magna pro Deo gerenda, nisi agnoverit magna accepisse a Deo. Et quidem eadem Sancta, quando a ss. Francisco Borgia, et Petro de Alcantara fuit facta securior, dona, quae ipsa acceperat, esse vere divina, ex eo tempore ad perfectionem non anaplas cucurrit, sed evolavit. Neque ex eo quod cernit director animam identidem in aliquem defectum incidere (quoties defectus non sunt plene deliberati, aut commissi cum adhaerentia et contemptu), reputare debet omnes huiusmodi communicationes pro mendaciis et illusionibus. Dominus tales gratias concedit non tantum animabus perfectis, sed aliquando etiam imperfectis, ea scilicet ratione, ut liberet eas a suis imperfectionibus et ad vitam perfectionem extollat. Unde quando dignoscitur quod per huiusmodi communicationes anima magis magisque se liberet a passionibus, et proficit in amore divino, atque in desiderio perfectionis, signum est quod illae sint bonae. De reliquo quando agitur de gratiis externis, ut sunt visiones, locutiones, et revelationes, regulariter loquendo, ut diximus, tutius est, ut director ostendat parvi eas facere, dicendo id quod ait s. Theresia (1) e coelo post obitum suum cuidam personae religiosae: *Ne fiant animae visionibus et revelationibus particularibus; ne collocent perfectionem in eis habendis: licet enim aliquae ex eis sint verae, plures nihilominus sunt falsae et mendaces: et difficile est invenire unam veritatem inter plura mendacia* (quare plures sunt visiones falsae quam verae); *et quo avidius expectentur, et in pretio habebuntur, eo magis persona aberrabit a fide et humilitate, quae est via tutior quam posuerit Deus.* Quare det ei consi-

(1) vita c. 15 et Man. VI. c. 9.

hum, ut oret Deum, ut veram concedat extasim, scilicet totalem a rebus terrenis, et a semetipsa alienationem, sine qua ad perfectionem nunquam valebit pervenire. Quod si unquam director advertet animam non esse bene fundatam in suae miseriae cognitione, et vellet pro certo tenere quod suae communicationes sint divinae, et turbaretur audiendo quod director nollet eas credere utiles, pessimum signum est: signum est quod illae sint daemonis ex effectibus qui observantur, scilicet adhaesionis superbiae; aut indicium est quod anima non bene ambulet, quoniam ipsa saltem dubitare deberet, quoties dubitat confessarius, et ideo in hoc casu omnibus modis est humilianda, et in timore detinenda quantum fieri potest; et tunc si nec etiam acquiescit, prius eam Communionem, et severius mortificet, quia tunc in magno versatur periculo, ne decipiatur a daemone. Denique director etsi iudicaret reddere animam certior, quod suae communicationes sint a Deo, tamen ei insinuet, ut in oratione semper prae oculis habeat (vel saltem in principio) punctum aliquod vitae, vel passionis Iesu Christi. Dicebat s. Theresia, animam, quae amittit directionem boni Iesu, nunquam perventuram ad perfectam cum Deo unionem. Animae incipientes meditantur homini passionem per modum discursus; contemplativae vero non utuntur discursu, sed proposito sibi mysterio aliquo, admirantur bonitatem, misericordiam, amorem divinum; et hinc Deus facit eas transire, quando ei placuerit, ad contemplationem suae Divinitatis.

§. III. De mortificatione.

25. Quoad mortificationem oportet advertere, quod quando animae vitam spiritualem incipiunt, ex eo quod solet tunc Dominus, ut diximus, eas allicere consolationibus sensibilibus, in primis illis fervoribus vellent se interficere disciplinis, ciliciis, ieiuniis

et similibus exercitiis afflictivis. Interea oportet ut director sit parcissimus in huiusmodi mortificationibus concedendis: nam alias, superveniente inde tempore ariditatis, ut ordinario solet accidere, facile anima destituta suo pristino fervore sensibili, amittet omnes suas mortificationes; et incipiens inde diffidere, relinquet etiam orationem, et vitam ipsam spiritualem, utpote res minus sibi accommodatas, et consequenter omittet omnia. Aliquando etiam accidit, ut haec animae incipientes ratione primi illius fervoris se dent in res immoderatas, et incidant in morbos corporales, et tunc ut reficiantur, omittunt omnia exercitia spiritualia non sine ingenti periculo amplius ea non resumendi. Ideo director curare debet, ut prius ipsae in vita spirituali solidentur, et postea consideratis circumstantiis sanitatis, occupationum, atque fervoris, concedat illis eas mortificationes externas, quas ipsis magis iudicaverit convenire secundum christianam prudentiam. Dico *secundum christianam prudentiam*; quoniam dantur aliqui directores adeo imprudentes, qui omnem animae progressum collocare videntur in onerando eam ieiuniis, ciliciis, disciplinis sanguineis, adustionibus, et his similibus. Alii vero omnes omnino mortificationes externas videntur reprobare tanquam inutiles spirituali progressui, totam perfectionem in interiori mortificatione collocando. Sed hi etiam errant ut primi, quoniam mortificationes corporales adjuvant internas, et sunt quodammodo necessariae (quando possunt exerceri) ad fraenandos sensus, et ideo legimus ab omnibus Sanctis plus minusve fuisse frequentatas. Verum quidem est, quod mortificatio interior passionum est a poenitentibus potissimum exigenda: ut ex. c. esset, non respondere iniuriis, non quaerere, neque manifestare aliis quae tendunt ad propriam aestimationem, cedere in contentionibus, aliorum voluntati conde-

scendere (sed sine damno spirituali); unde expedit aliquando alicui animae prohibere omnes mortificationes externas, quousque se sentiat liberam ab aliqua passione magis dominante, ut vanitatis, rancoris, cupiditatis rerum huius mundi, aestimationis propriae, aut propriae voluntatis. Sed absolute asserere, mortificationes externas nihil, aut parum prodesse, maximus error est. Dicebat s. Ioannes a Cruce, ei qui reprobat poenitentias, nullam praestandam esse fidem, etiamsi miracula perpetraret.

26. Ab initio ergo director ante omnia iniungat poenitenti, ut nihil unquam faciat contra, aut sine eius obedientia. Qui contra obedientiam poenitentias agunt, inquit s. Ioannes a Cruce, *Hi magis progrediuntur in vitiis quam in virtutibus*. Sit quoque, ut dixi, valde retinens in concedendis huiusmodi mortificationibus, quamvis id importunius efflagitent poenitentes; satis erit ab initio eis concedere aliquam tenuem, sed raram mortificationem, ut disciplinam, catenulam ferream, abstinentiam, potius ad ingerendum in eorum animis mortificationis desiderium, quam ad eos, ut convenit, mortificandos, et postea processu temporis poterit liberalius agere iuxta progressum quem anima faciet in virtutibus; quando enim illa erit in spiritu solidata, non poterit ei sine scrupulo opportunas mortificationes denegare. Caeterum, ordinarie loquendo, generalem hanc regulam sibi proponat, nunquam scilicet concedendi mortificationes externas, nisi prius requisitus, quia hae non multum prosunt, si absque magna appetentia recipiantur: et quoties concedit semper minus quam postulatur concedat, et potius, ut inquit Cassianus, excedat in denegando, quam in concedendo. Praecipue curet suadere mortificationem externam circa gulam, cuius quaedam animae spirituales non admodum sunt amantes: haec revera est omnium durissima, sed utilissima

spiritui, et saepe etiam corpori: dicebat s. Philippus Neri: *Qui non coercet gulam, nunquam perveniet ad perfectionem*. E contrario sit parcus in concedendis mortificationibus somni, quoniam hae facile tum corporis, tum spiritus saluti sunt noxae; sublato enim somno sufficienti, patitur caput, et languente capite, remanet persona inhabilis ad meditando, et ad caetera alia exercitia devotionis. Quamcumque vero mortificationem concesserit poenitenti, ut omnem auferat superbiendi occasionem, persuadeat illi hoc nihil prorsus esse respectu eius quod Sancti fecerunt, et respectu poenarum quas pro nobis perpessus est Iesus Christus. Dicebat s. Theresia: *Totum est immunditia quicquid agere possumus in comparatione unius sanguinis guttae, quam Dominus effudit pro nobis*. Meliores mortificationes, utiliores, et periculis minus obnoxiae sunt negativae, ad quas faciendas, regulariter loquendo, non est necessaria obedientia directoris, ut esset privare se visione, aut auditione rerum curiosarum; loqui parce; contentus esse cibis gustui minus acceptis, seu male conditis; non accedere ad ignem tempore hyemis; eligere pro se res viliores; exultare et laetari deficientibus quibusdam rebus etiam necessariis; quoniam in hoc consistit virtus paupertatis, ut ait s. Bernardus: *Virtus paupertatis non est paupertas, sed amor paupertatis*. Insuper non queri de incommodis temporum: de contemptu sui ipsius; de persecutionibus, molestiisque infirmitatibus corporis. Scalpro cruciatuum et dolorum perficiuntur lapides Hierusalem coelestis. Dicebat s. Theresia: *Credere quod Deus admitat in suam amicitiam gentem commoditatis amicam, dementia est. Animae, quae vere diligunt Deum, nesciunt quietem expetere*.

27. Hic oritur dubium: Evangelium in quodam loco ait: *Sic luceat lux vestra coram hominibus, ut vi-*

deant opera vestra bona, et glorificent Patrem vestrum, qui in coelis est. Matth. 5. 16.; in alio loco dicit: Te autem faciente eleemosynam, nesciat sinistra tua quid faciat dextera tua. Matth. 6. 3. Quaeritur ergo, utrum actus virtutis sint manifestandi aliis, vel occultandi? Et respondetur distinguendo: Opera communia ad virtutem christianam necessaria exerceri debent palam; ut esset frequentia Sacramentorum; oratio mentalis; visitatio Venerabilis; audire Missam genibus flexis, et cum interiori spiritus recollectione; deferre oculos modestos; silentium in ecclesia servare; dicere: *Volo sanctus evadere*; fugere garrulitatem, conversationes periculosas, curiositates, et his similia. Opera vero quae dicuntur supererogationis extraordinariae, et quae sapiant singularitatem, ut supra enarratae poenitentiae externae ciliciorum, flagellorum, orationis cum brachiis in crucem expansis; comestionis herbarum amariorum; suspiriorum; fletus tempore orationis, etc. occultari debent, quantum possibile est. Reliqua vero opera virtutis, ut ministrare infirmis; erogare eleemosynam pauperibus; humiliare se facienti iniurias, et similia: haec melius erit occultare quantum fieri potest. Sed si forte exerceri nequeant nisi publice, non debent praetermitti, dummodo fiant tantum intuitu placendi Deo.

§. IV. De frequentia Sacramentorum.

28. Tandem dicenda sunt aliqua de modo quo confessarius dirigere debet animas spirituales circa frequentiam Sacramentorum, scilicet confessionis et communionis. Quod spectat ad confessionem expedit ipsis insinuare, ut generaliter de suis peccatis confiteantur, si adhuc non fecerint; quia si forte iam fecerint, vel si anima esset scrupulis agitata, oportet omnino confessionem hanc prohibere. Quoad vero confessionem ordinariam, quaedam animae delicatioris conscientiae

consueverunt quotidie confiteri; sed generaliter loquendo, sufficiet personis spiritualibus praesertim scrupulosi confiteri semel aut ad summum bis in hebdomada. Sed quando aliqua ex istis gravaretur aliqua culpa levi, et non haberet opportunitatem confitendi, dicit p. Barisonius in suo tractatu de Communionem, innixus auctoritati s. Ambrosii, et complurium aliorum auctorum (quod etiam suadet s. Franciscus Salesius in quadam sua epistola), quod non ideo omittere debet Communionem; ad remissionem enim venialium docet sacrum Concilium Tridentinum esse quoque alia media, ut essent actus contritionis et amoris; unde melius tunc est ad purificandam animam a culpa illa, uti istis mediis quam privari Communionem propter absentiam confessarii. Et sapiens quidam director dicebat, quod aliquando longe fructuosius est pro quibusdam animabus timoratis disponere se ad Communionem actibus suis, quam cum ipsa confessione. Et multoties accidit quod tunc anima se disponat actibus ferventioribus contritionis, confidentiae et humilitatis.

29. Quoad vero Communionem, non loquimur hic de obligatione pastorum animarum non negandi Communionem cuicumque subdito qui non sit publice peccator, et quoties rationabiliter petat. Satis de hoc egimus in libro (1), in quo vidimus, Innocentium XI. quodam suo Decreto ordinasse usum Communionis frequentis totum remitti prudentiae confessariorum; unde sine evidenti causa, nescio quomodo parochi possint tuta conscientia denegare petentibus Communionem. Et notandum est quod in praefato Decreto prohibetur Episcopis praescribere in genere suis subditis dies ad faciendam Communionem; sed loquimur hic dumtaxat de modo quo confessarii debent se gerere in concedenda Communionem suis poenitentibus. In hoc

(1) Opus nost. moral. l. 6. n. 254.

quidam errant ob nimiam indulgentiam, alii ob nimium rigorem. Non est dubium quin error sit, ut advertit s. p. Benedictus XIV. in aureo suo libro de *Synodo*, concedere Communionem frequentem iis qui saepe in peccata gravia labuntur, nec solliciti sunt de agenda poenitentia, ac de sua emendatione; aut iis, qui accedunt ad Communionem cum affectu ad peccata venialia deliberata sine ullo desiderio se ab eis liberandi (1). Expediit quidem aliquando concedere Communionem aliquibus, qui essent in periculo labendi in peccata lethalia, ut vires recipiant ad resistendum: sed respectu earum personarum, quae non existunt in tali periculo, et contra committunt ordinarie peccata venialia deliberata, et nulla in eis emendatio, neque desiderium emendationis effulget, optimum erit non permittere eis Communionem plus quam semel in hebdomada; immo poterit expediens esse illis aliquando per integram hebdomadam Communionem interdiceret, ut maiorem concipiant horrorem in suos defectus, et maiorem erga Sacramentum hoc reverentiam. Tanto magis, quod sententia communior tenet, recipere Eucharistiam cum peccato levi actuali, aut cum affectu ad ipsum, novam esse culpam ratione irreverentiae, quae irrogatur Sacramento. Quidam asserunt Decretum s. Anacleti (2), in quo habetur: *Peracla consecratione omnes communicent, qui noluerint ecclesiasticis carere liminibus; sic enim et apostoli statuerunt, et s. Romana tenet Ecclesia*. Sed imprimis negatur a p. Suarez et aliis, quod unquam fuerit tale apostolorum praecceptum. Secundo Decretum istud, ut Glossa ibidem testatur, et Catechismus Romanus (3), non obligabat omnes fideles, sed tantum ministros assistentes altari. Et tandem posito quod Decretum obli-

garet omnes, certum est hodie in consuetudinem abiisse.

50. E contrario errant certe quidam alii directores, et multum se elongant a spiritu Ecclesiae, dum sine ullo respectu ad exigentiam aut progressum animarum, negant indiscriminatim Communionem frequentem, non alia ratione ducti, quam quia frequens est. Ipse Catechismus Romanus (4) explicans desiderium s. Concilii Tridentini, ut omnes Sacrificio Missae adstantes communicent, docet esse officium parochi sedulo hortari fideles ad Communionem non modo frequentem, sed etiam quotidianam, cum obligatione instruendi illos, quod sicut corpus, ita et anima eget quotidiano alimento. Praetermitto hic asserere sanctorum Patrum et magistrorum spiritus auctoritates omnino conformes, quoniam hae reperiuntur adnotatae in tot libris qui tractant de frequenti Communionem. Sufficiat scire ex Catechismo Romano loco supra citato, et ex Decreto Innocentii XI. relato in nostro libro (5), quod frequens Communionis usus, immo quotidianus fuit semper ab Ecclesia, et ab omnibus Patribus approbatus, qui, ut demonstrat doctus quidam auctor, quoties adverterunt frigescere usum Communionis quotidianae, omnem diligentiam adhibuerunt ad illam redintegrandum. Et in 3. Synodo Mediolanensi habita sub s. Carolo Borromaeo iniunctum fuit parochis exhortari fideles in concionibus ad hanc frequentiam Communionis; et insuper impositum fuit Episcopis provinciae, ut prohiberent concionari, et severius punirent eos qui oppositum disseminarent tanquam scandalorum satores, et totius Ecclesiae sensui contradicentes. Insuper in praefato Decreto Innocentii imponitur Episcopis, ut diligentissime caveant, ne alicui Communio denegetur, etiam quotidiana, et quaerant, ut par est, in suis sub-

(1) lib. 6 n. 270. et fusius in prax. confess. c. 9. §. 4. n. 149.

(2) Can. Peracla 2. dist. 2. de Cons.

(3) Cat. rom. de Sacr. Euch. p. 2. n. 65.

(4) ib. n. 64. (5) l. 6. n. 254.

ditis hanc alere devotionem. Faten-
tur ultro quidam spiritus rigidiores
licitam quidem esse Communionem
quotidianam, sed dicunt requiri ad
hoc debitam dispositionem; sed scire
ab ipsis desideramus quidnam in-
telligant hoc nomine *debitae dispo-*
sitionis? Si intelligunt dignam, ecquis
unquam deberet amplius ad Eucha-
ristiam accedere? Solus Iesus Chri-
stus digne Eucharistiam sumpsit, quia
solus Deus digne Deum potuit reci-
pere. Si vero convenientem dispo-
sitionem intelligunt, iam superius di-
ctum est, quod iis qui actualia ha-
bent peccata venialia, aut affectum ad
illa, sine desiderio emendationis, ae-
quum est frequentem Communionem
denegare. Sed si postea loquamur de
illis, qui sublato iam affectu etiam
ad venialia, et superata maiori parte
pravarum suarum inclinationum, ma-
gnam communicandi desiderium ha-
bent, inquit s. Franciscus Salesius (1)
quod hi praevis sui directoris consi-
lio, recte possunt communicare quoti-
die. Et s. Thomas (2) docet quod quan-
do anima aliqua experitur beneficio
Communione se crescere in amore
divino, nec imminui reverentiam in
Sacramentum, non debet abstinere a
Communione etiam quotidiana. En
ipsa s. Doctoris verba: *Si aliquis ex-*
perimentaliter cognosceret ex quoti-
diana sumptione fervorem amoris au-
geri, et reverentiam non minui, talis
deberet quotidie communicare.

31. Et quamvis aliquo die a Com-
munionem abstinere sit etiam virtus,
tamen inquit p. Granata in suo tra-
ctatu de Communionem, esse com-
munem doctorum opinionem, quod
melius sit accedere quotidie ad Com-
munionem ob amorem, quam ab-
stinere ob reverentiam. Et hoc con-
firmat idem s. Thomas, (3) dicens:
Et ideo utrumque pertinet ad re-
verentiam huius Sacramenti, et quod
quotidie sumatur et quod aliquando
abstineatur Amor tamen, et

(1) introd. alla vita divota c. 20. (2) s.
Th. 4. Sent. d. 12. q. 3. a. 1. ad sol q. 2.

spes, ad quae semper Scriptura nos
provocat, praeferuntur timori. Immo
recte ait p. Barisonius, quod ille,
qui ad Eucharistiam accedit cum
desiderio crescendo in amore divino,
etiam reverentiae actum exercet erga
Iesum Christum; immo hic facit ac-
tum positivum, quando ille qui ab-
stinet, facit tantummodo negativum.
Plures Sancti, qui magnam erga hoc
Sacramentum reverentiam habuerunt
non abstinuerunt a quotidiana Com-
munionem: ut consueverunt s. Gertru-
dis, s. Catharina Senensis, s. Thê-
resia, s. Ioanna de Chantal et alii.
Et asserentibus hodie non amplius
existere has sanctas Theresias, recte
reponit idem p. Barisonius, temerita-
tem hanc esse supponere quod ho-
die manus Domini sit abbreviata. Ven.
p. Magister de Avila non dubitat di-
cere, quod illi qui damnant eos, qui
saepius ad Eucharistiam accedunt,
daemonis officio funguntur.

32. Caeterum considerando relatas
doctrinas, videtur non posse direc-
tor sine scrupulo negare Communionem
frequentem, et etiam quotidiana-
nam (excipe ordinarie loquendo unum
diem in quavis hebdomada, ut
facere solent prudentes aliqui direc-
tores, et excipe tempus illud quo
privare velint poenitentes Commu-
nionem, ad probandam eorum obedi-
entiam, aut humilitatem, aut ob ali-
quam aliam iustam causam) quibus-
dam animabus eam desiderantibus,
ut proficiant in divino amore: sem-
per vero ac illa vivendo alienata ab af-
fectu cuiuscumque culpa venialis, in-
cumbit insuper multum orationi men-
tali, et conatur tendere ad perfectio-
nem, et amplius non labitur in pec-
cata, etiam venialia plene voluntaria.
Haec enim, ut ait s. Prosper, est per-
fectio quae potest in hac vita haberi,
attenta humana fragilitate. Et quando
confessarius utile esse cognoverit con-
cedere Communionem frequentem si-
milibus personis, inquit Innocentius
XI. in suo Decreto, nihil ob stare

(3) p. 3. q. 80. a. 10. ad 3

quod sint etiam negotiatores et coniugati. En eius verba: *Frequens (ad sanctiss. Eucharistiam) accessus confessoriarum iudicio est relinquendus, qui ex conscientiarum puritate, et frequentiae fructu, et ad pietatem processu laicis, negotiatoribus et coniugatis, quod prospiciunt eorum saluti profuturum, id illis praescribere debebunt.*

33. Et quamvis anima aliqua caderet aliquando in veniale peccatum voluntarium ob meram fragilitatem, sed cito postea doleat, emendationemque proponeret; si deinde Communionem desideraret ad robur accipiendum a Sacramento, ne cadat, et ad progrediendum in via perfectionis, quam de causa ei esset deneganda Communio? Damnata iam fuit ad Alex. VIII. propositio 22. Baii, quae dicebat: *Sacrilegi sunt iudicandi qui ius ad Communionem percipiendam praetendunt antequam de delictis suis poenitentiam egerint.* Et propos. 23. *Similiter arcendi sunt a sacra Communionem quibus nondum inest amor Dei purissimus, et omnis mixtionis expers.* Sacrum Concilium Tridentinum vocat hoc Sacramentum, *Antidotum quo liberamur a culpis quotidianis, et a peccatis mortalibus praeservamur.* Et quidem ad hunc finem praeservandi animam a recidivis, apostoli Communionem quotidianam primaevis Christianis concedebant, inter quos sine ullo dubio reperiebantur similiter imperfecti, et fortasse imperfectiores, ut arguitur ex epistolis ss. Pauli et Iacobi. s. ecclesia (in Postcommun. Dom. XXIII. post Pentecosten) orat, *ut quicquid in nostra mente vitiosum est, dono medicationis huius Sacramenti curetur.* Ergo communio fuit instituta etiam pro imperfectis, ut virtute huius cibi sanentur. Notandum insuper est id quod s. Franciscus Salesius in sua Philotea (1) in hoc proposito dicit: *Si quaerunt a te cur tam frequenter*

(1) vita devota c. 21. (2) l. 4. de Sacr. cap. 6. (3) l. 5. de Sacr. c. 4.

*communices, responde illis, quod duplex personarum genus debet saepius communicare, perfecti scilicet et imperfecti: perfecti, ut se in perfectione conservent; imperfecti, ut ad perfectionem valeant pervenire. Fortes, ne debiles fiant; debiles, ut fortes evadant; infirmi, ut curentur, benevolentes, ne infirmetur. Et quod ad te attinet utpote imperfectam, infirmam, ac debilem, egres frequenti Communione. Dic illis, quod ii, qui mundanis negotiis non sunt implicati, debent saepius communicare, quia habent opportunitatem; qui vero huiusmodi negotiis detinentur, quia egent Communione. Denique Sanctus concludit, dicens: *Accede saepius, o Philotea, ad Eucharistiam, immo quam saepissime consilio tui directoris, et crede mihi, quod lepores in nostris montibus albi evadunt non alia ratione, nisi quia non edunt nisi nivem; et tu comedendo puritatem in hoc Sacramento tota pura evades.* Item p. Granata in suo tractatu de Communionem ait: *Non debet homo recedere ab hoc Sacramento ob propriam indignitatem; pro pauperibus enim relictus est hic thesaurus, et pro infirmis haec medicina; itaque nemo (subdit) quantum imperfectum se noscat, debet se longe ab hoc remedio tenere, si vere curari desiderat.* Immo, ait idem auctor, quod quanto magis quis se debilem noscit, tanto magis ad hunc cibum fortium debet accedere. Quod valde consona! cum eo quod inquit s. Ambrosius (2): *Qui semper pecco, debeo semper habere medicinam.* Idem alibi (3): *Quotidie peccas, quotidie sume.**

34. Adde, quod s. Thomas docet (4), effectum Sacramenti, quantum ad augmentum gratiae, non impediri a peccatis venialibus, dummodo non committantur in ipsa Communionem; et quamvis haec impediant in parte, non tamen in toto effectum Sacramenti impediunt. Hanc sententiam communiter tenent Sotus Suarez Valentia

(4) S. Thom. 3. p. q. 79. a. 8.

Vasquez Coninkius, et plures alii apud Salm. (1) Insuper tenent plures graviores auctores (2), hoc Sacramentum ex opere operato remittere peccata venialia, de quibus anima actua-lem complacentiam non habeat; atque hoc concordat eum eo, quod ait Catechismus Romanus (3): *Remitti vero Eucharistia, et condonari leviora quae venialia dici solent, non est quod dubitari debeat: quidquid enim cupiditatis ardore anima amisit, totum id Eucharistia, eas minores culpas abstergendo, restituit.* Saltem, ut ait Angelicus (4) cum communi, excitatur per Communionem actus charitatis, quo inde peccata remittuntur: *Qui (actus charitatis) excitatur in hoc Sacramento, per quem peccata venialia solvuntur.*

35. Quod si postea dignoscatur, non obstante frequentia Communionis, animam nihil proficere in via perfectionis, neque se emendare a capis deliberatis, licet venialibus, ut si adhaereret etiam voluptatibus sensuum in videndo, audiendo, edendo, cum aliqua vanitate vestiendo, tunc certe consulto restringendus erit usus Communionis, etiam ut serio cogitare incipiat de sua emendatione, et suae spiritali perfectioni consulere. Caeterum advertendum est, quod licet iuxta s. Thomam (5), ut possit quis ad Communionem accedere, *requiratur, ut cum magna devotione accedat*: nihilominus non est necessarium ut illa sit summa, vel aperte sensibilis. Sufficit directori detegere in intimo voluntatis sui poenitentis quamdam alacritatem ad exequenda quaecumque Deo placuerint. Qui a Communionem abstinere, quia non sentiret in se magnum quemdam fervorem, inquit doctus Gerson, esset comparandus illi qui nimis frigescens nollet ad ignem accedere, quia nullum in se experitur calorem. Unde docet p. Granada, cum Caietano, personas pusillanimes, quae ob immoderatum ti-

morem suae indignitatis Communionem omittunt, magnum suo proprio progressui inferre praeiudicium. Neque ad proseguendas Communionem, inquit s. Laurentius Iustinianus, oportet, ut anima sentiat, aut aperte in se discernat augmentum fervoris, quoniam non raro hoc Sacramentum operatur, absque eo quod nos ipsi animadvertamus. Et s. Bonaventura inquit (6): *Licet tepide, tamen confidens de misericordia Dei fiducialiter accedas, quia qui se indignum reputat, cogitet quod tanto magis egeat medico, quanto senserit se aegrotum; neque ideo quaeris te iungere Christo, ut tu eum sanctifices, sed ut tu sanctificeris ab illo.* Et postea subdit: *Neque praetermittenda est sancta Communio, si quandoque non sentit homo specialem devotionem, cum se ad illam praeparare studeat, vel in ipsa perceptione, vel post forte minus devotum se sentit, quam vellet.* Ergo bene sentit Sanctus, quod etsi anima experiretur minorem devotionem post susceptam Eucharistiam, quam antea, nec etiam debet eam omittere. Quapropter, quemadmodum quando anima sentit se maximopere ad Communionem inclinatam, expedit identidem eam mortificare, Communionem differendo (praesertim si advertatur, quod per illam prohibitionem turbetur; huiusmodi enim contritatio est argumentum superbiae, quae eam vere reddit indignam); ita ex opposito quando sentit in se ariditatem, et taedium ad Eucharistiam suscipiendam, expedit tunc illam saepius ad Communionem impellere, ut a Sacramento vires acquirat.

36. O utinam! concludo, o utinam et in mundo plures animae huiusmodi invenirentur (quae a nonnullis ultra, quam convenit, rigiditati addictis, irreverentes, et temerariae vocantur), quae odio habentes etiam culpas leviores, expeterent comu-

(1) lib. 6. n. 270. quaer. 2. (2) n. 269. v. effectus 2. (3) de Euch. p. 2. n. 54.

(4) 3. p. q. 79. a. 4. (5) 3. p. q. 80. a. 10. (6) de profectu rel. c. 78.

nicare non modo frequenter, sed etiam quotidie, cum vero desiderio se emendandi, et in divino amore proficiendi: si enim hoc esset, longe plus in mundo Iesus Christus diligeretur. Bene experientia demonstrat omnibus his qui dirigendarum animarum munus exercent, ut et ego expertus sum, valde quidem proficere personas illas, quae recto cum desiderio ad Communionem accedunt; et Dominum mirum in modum eas ad suum amorem pertrahere, quamvis saepe hoc eis non manifestet pro maiori earumdem bono; quin et multoties eas relinquit in tenebris et desolatione, et sine ulla devotione sensibili. Animabus istis (ut docent s. Theresia, et s. Henricus Susonius) nullum efficacius est remedium, quam frequens Communio. Unde, ut concludamus, curet confessarius Communionem suadere, quoties verum desiderium demonstret, et quoties advertit animam in spiritu proficere beneficio Communionis. Curet etiam insinuare, ut post Communionem immoretur in gratiarum actione pro eo tempore quo potest. Paucissimi sunt directores qui sedulo id faciunt; scilicet inculcare suis poenitentibus, ut per aliquod notabile tempus post susceptam Eucharistiam gratias agant; et ratio est, quia paucissimi sunt sacerdotes qui post Missae Sacrificium cum Iesu Christo in gratiarum actione subsistant; et ideo pudet eos aliis insinuare quod ipsi non faciunt. Gratiarum actio ordinarie per integram horam durare deberet; fiat saltem per dimidiam, in qua anima in amando et petendo se exerceat. Inquit s. Theresia, quod post Communionem Iesus existit in anima tanquam in throno misericordiae, ut illi gratias elargiatur, dicens: *Quid vis, ut tibi faciam?* Et alibi: Post Communionem non amittamus tam praeclaram opportunitatem negotiandi. Non solet sua divina Maiestas male rependere hospitium, si bene in anima excipiat. Insinuet etiam, ut saepius spi-

ritualiter communicet: quae res valde a Tridentino Concilio commendatur. *Spiritualiter communicare* (inquit s. Theresia) *est valde utile. Nolite id praetermittere; hic enim experietur Dominus quantum eum ametis.*

§. V. *Methodus vitae pro aliqua Moniali quae exposceret dirigi per viam perfectionis.*

37. Ante omnia praemittere oportet, ea quae inferius exponam, intelligenda esse, quoties non obstat poenitenti aliquid impedimentum sanitatis, officii, aut obedientiae; quod etiam intelligendum est cum licentia patris spiritualis, et etiam Praesulis monasterii, pro eo quod spectat mortificationes externas quae aliorum oculis sunt expositae.

Et primum quoad orationem: 1. Tres saltem horas orationi mentali vacare, unam mane, aliam vespere, et aliam post Communionem. 2. Visitare SS. Sacramentum, et Mariam SS. per semihoram, vel saltem quadrantem. In his orationibus incumbat renovandis votis pluries in die, si iam emisit professionem, vel illis quibus forte se obligavit. 3. Recitare Rosarium saltem quinque decadam cum aliis orationibus vocalibus; sed hae non sint plus iusto, quia cum plures sunt, recitantur cum tenui fructu, caput aggravant, et inde orationem mentalem impediunt. 4. Uti saepissime orationibus iaculatoriis, ut. e. c. *Deus meus, et omnia, quam bonus es, Deus meus! Diligam te, Iesu amor meus, pro me crucifixum. Domine, quare non amaris ab amicis? Oh utinam et nunquam offensissem te! Volo, Domine, quaecumque tu vis. Quando te videbo, et amabo de facie ad faciem! Ecce me, fiat de me quodcumque vis.* Insinuet magnopere director huiusmodi iaculationes amoris, et anima magni eas faciat. 5. Orationi adiungere lectionem spiritualem per semihoram, legendo opera vel Rodriquez, vel Santiauræi, vel monita ad Religiosos, vel

alium librum qui tractet de virtutibus, vel legere vitas Sanctorum, quarum lectio est fortassis caeteris omnibus utilior.

Secundo accedere quotidie ad Communionem, uno excepto die in quavis hebdomada. Sed in Novenis Spiritus Sancti, Nativitatis Domini, et Mariae sanctissimae, et sanctorum Patronorum communicet quotidie, et quotidie saltem ter communicet spiritualiter.

Tertio quoad mortificationes: 1. Quotidie flagellationem incruentam per horae quadrantem circiter, et sanguineam bis, vel semel in mense adhibere. 2. Mane catenulam ferream usque ad prandium: post prandium vero aliquam parvam in brachio. Nunquam tamen catenam circa cincturam, neque cilicia equinis crinibus contexta, quoniam haec valde officiant sanitati. 3. Ieiunium in pane et aqua in die sabbati, et vigiliis septem festivitatum Mariae, si commode per valetudinem poterit, vel saltem unico tantum uti obsonio. In refectioe vespertina ordinarie non excedere octo uncias cibi, nisi adfuerit aliqua extraordinaria urgentia: abstinere a fructibus diebus Mercurii, Veneris, et in Novenis superius enuntiatis, in quibus potest etiam abstinere ab aliqua alia portione cibi consueti; et in edendo miscere cibis aliquam particulam herbae amarioris, sed nunquam cinerem. Extra mensam nihil comedere, quoniam melius est, comparative loquendo, quotidie praefatam abstinentiam exercere quam bis vel ter in hebdomada ieiunare. Somnus non extendatur ultra sex horas; semper vero ad quinque; quoniam excedens defectus somni nocet capiti, et impedit caetera exercitia spiritualia. 4. Servare silentium per tres horas diei, quod intelligi debet de non proferendis verbis non necessariis; parum autem loqui semper proderit.

Monita in genere pro perfectione

38. 1. Collocare omnem suam fiduciam in Deo, et omnino diffidere de se, et de suis bonis propositis. Mascula determinatio est se vincendi, et vim sibi in occasionibus inferendi. Ait s. Theresia: *Si defectus non procedit a nobis, ne timeamus quod Deus se absteineat ab impertiendo nobis auxilia ad nostram sanctificationem.*

2. Cavere a quocumque minimo defectu deliberato, sive apertis oculis admissio: *A peccato deliberato, (inquit eadem Sancta) quantumvis parvo, Deus vos liberet.* Subditque: *Daemon enim per opera minimarum rerum aliqua facit foramina, per quae res magnae ingrediuntur.*

3. Non tristari post admissos defectus, sed cito se humiliare, et ad Deum confugiendo cum brevi actu contritionis et proposito se in pace remittere; et ita semper se gerere, etiamsi centies in die quis caderet. Et in hoc monet s. Theresia, ne communicentur propriae tentationes animabus imperfectis, quia ita et sibi et aliis damnum affertur.

4. Alienare se ab omnibus propinquis, rebus, voluptatibus; aliter, inquit s. Theresia, *Anima non recedendo a voluptatibus mundanis, non post multum denuo recedet a via Dei.* Effugere familiaritatem personarum diversi sexus quantumcumque fuerint religiosae: saepe enim diabolus introducit cum illis quasdam affectionunculas non puras, eas obtrudendo pro spiritualibus. Videantur notata *Tr. ult. n. 54.* Oportet ante omnia renuntiare propriae aestimationi, et propriae voluntati, immo et rebus spiritualibus, ut orationi, communioni, et mortificationibus, quando haec obedientia non permittit. Uno verbo oportet expellere a corde omne quod non est Deus, et quod non est secundum maius Dei beneplacitum.

V. Laetari cum spiritu quoties se cernit contemni, irrideri, et omnium vilissimum reputari. O quam pulchre

orat anima illa quae vilipendia libenter amplectitur! praecipue in communitatibus in quibus haec virtus est omnium longe necessaria; consequenter oportet fovere affectionem specialem erga nostros inimicos et persecutores, illis inserviando, benefaciendo, honorando, saltem benedicendo, et commendando specialiter Deo, quemadmodum Sancti facere consueverunt.

VI. Alere ardentissimum desiderium amandi Deum, illique placendi. Ait s. Theresia: *Dominus adeo desiderii delectatur, ac si fuisset executioni demandata*. Sine hoc desiderio anima non progredietur in via perfectionis, nec Deus largietur illi gratias valde speciales. Eadem Sancta ait: *Ordinarie Deus non impertitur favores multum singulares, nisi iis qui diu desideraverunt eius amorem*. Et desiderio oportet semper coniungere determinationem faciendi, quantum possumus, ut Deo placeamus. Praefata Sancta inquit: *Diabolus potissimum timet magnanima corda*. Et alibi: *Nihil aliud a nobis exigit Dominus, quam validam determinationem, ut reliquum ipse inde perficiat*. Oportet quoque fovere affectum summum erga orationem, quae est for-nax in qua accenditur amor divinus. Omnes sancti, quoniam unice Deum diligebant, unice quoque dilexerunt orationem. Est etiam necessarium ut quis ardentem desideret paradisum: in coelo enim animae diligunt Deum cum omnibus viribus suis, quod consequi nemo potest in terra, et ideo vult Deus, ut ardentissime hoc regnum desideremus, quod Iesus Christus nobis acquisivit sanguine suo.

VII. Habere magnam uniformitatem divinae voluntati in omnibus rebus appetitui nostro contrariis, et se pluries in die Deo offerre. S. Theresia hoc quinquagies in die facere consueverat: *Non consistit progressus* (inquit Sancta) *in sibi procuranda maiore fruitione Dei, sed in adimplenda illius voluntate*. Et alibi: *Vera*

unio est unire nostram cum divina voluntate.

VIII. Praestare exactam obedientiam regulis, Superioribus, et patri spirituali. Dicebat V. P. Vincentius Carassa: *Obedientia est regina omnium virtutum; omnes enim virtutes obediunt obedientiae*. Et s. Theresia: *Deus ab anima, quae sibi proposuit illum amare, nihil aliud exigit, quam obedientiam*. Perfecta vero obedientia consistit in cito, fideliter, alacriter, et sine ullo iudicio obediendo, nullam exquirendo rationem, quoties res iussa non sit certe peccatum, ut inquit ss. Bernardus, Franciscus Salesius, Ignatius de Loyola, et omnes spiritualis vitae magistri; et in rebus dubiis eligere id quod praesumitur quod iussisset obedientia; et quando haec praesumptio non posset haberi, id eligere quod magis nostris inclinationibus adversatur. Hoc est illud *Vince teipsum* toties inculcatum a s. Francisco Xaverio, et s. Ignatio, qui solitus erat dicere longe plus proficere animam mortificationis amicam unico horae quadrante, quam alias non mortificatas per plurimas horas.

IX. Attendere semper divinae praesentiae. Inquit sancta Theresia: *Omne malum provenit ex eo quod non consideremus Deum praesentem*. Qui vere amat, nunquam obliviscitur obiecti amati. Ad conservandam vero memoriam huius divinae praesentiae, iuvat in praxi aliquod speciale signum gestare, vel intra cubiculum habere. Maxime vero oportet hanc praesentiam fovere, saepius in die repetendo actus amoris in Deum, et petendo divinum amorem. E. c. *Deus meus et omnia; diligam te ex toto corde meo; totum me tibi do; fac de me quod tibi placuerit; nihil aliud volo nisi te, et tuam voluntatem; da mihi amorem tuum, et dives sum satis, etc.* Advertendum tamen est quod actus isti faciendi sunt sine ulla vi, et nullam desiderando consolationem sensibilem; sed cum suavitate quadam, et voluntate

para unice Deo placendi. Asserebat s. Theresia : *Ne vereamur relinquere innumeratam a Deo vel unicam elevationem oculorum ad eius recordationem.*

X. Dirigere intentionem placendi Deo in quacumque actione quotidiana sive spiritali, sive corporali, dicendo: *Domine, hoc facio tantum ut placeam tibi.* Recta intentio appellatur alchimia spiritalis, quae omnes actiones, etiam viliores, aureas facit.

XI. Quotannis exercitia spiritalia peragere per octo, vel decem dies, alienando se, quantum fieri potest, ab omni conversatione, et officio quod distractiones afferat, ut solum cum Deo versetur. Similiter singulis mensibus aliquam diem ad se colligendum destinare. Devote celebrare Novenas Nativitatis Domini, Spiritus sancti, septem festivitatum Mariae, s. Iosephi, Angeli sui custodis, et

sancti tutelarum. In his Novenis poterit quotidie accedere ad Communionem, orando per horam, vel saltem dimidium plus consueto. Recitare aliquas alias orationes vocales, sed non multas; quoniam longe melius erit exercere determinatum quemdam numerum actuum amoris, vel similibus.

XII. Habere devotionem specialem erga s. Iosephum, Angelum suum custodem, Sanctum suum tutelarem, et praecipue erga s. Michaellem universalem cunctorum fidelium patronum: sed ante omnia erga beatissimam Virginem Mariam, quae ab Ecclesia nostra vita, et nostra spes appellatur: est enim moraliter impossibile, ut anima multum in perfectione proficiat, sine particulari, et tenera quadam devotione erga sanctissimam Dei Genitricem.

APPENDIX II.

DE ASSISTENTIA ERGA MORIBUNDOS

- §. I. *Monita ad Sacerdotem.*
- §. II. *Remedia adversus tentationes.*
- §. III. *Motiva, et affectus.*
- §. IV. *Animadversiones circa novissima Sacramenta.*
- §. V. *Monita circa agonem, et mortem.*
- §. VI. *Affectus qui suggeri possunt agonis et expirationis tempore.*
- §. VII. *Signa proximae mortis.*
- §. VIII. *et ult. Preces, actus christiani et benedictiones.*

Nullum charitatis opus adeo acceptum Deo extat, magisque ad animarum salutem conducens, quam in extremo vitae periculo positos ad sancte moriendum adinvare: nam tempore mortis (a quo uniuscuiusque aeterna vita pendet) inferni vires fortiores sunt, infirmorum vero debiliores. Deus, ut manifestaret quam gratam habet assistentiam moribundis praestitam, multoties s. Philippo Neri ostendit Angelos Religiosis infirmorum ministris verba suppediantes.

Nec id parochorum tantum munus est, ad quos animarum cura ex officio pertinet, sed omnium etiam sacerdotum. De parochis tamen Rituale Romanum praesertim loquens, ait praecipuam sui muneris partem esse aegrotantium curam habere; quapropter vult, ut ipsi statim ac aliquem ex suis parochianis aegrotare intelligunt, non expectent, ut infirmus parochum accersat, sed ipse parochus ultro eum invisere curet; idque non semel tantum, sed frequentius, si infirmum etiam spiritu aegrotare adverterit. Quod si legitime sit impeditus, id saltem praestandum provideat per alium sacerdotem, modo hic sit pius et prudens; quidam enim sacerdotes, hoc munus exercendo, magis quam utilitati, damno esse solent, tam infirmis, quam sibi et infirmorum domesticis, quorum profectum sacerdos assistens etiam

respicere debet. Monet insuper Rituale, quod si sacerdos forte deesset, id parochus praestandum curabit saltem per aliquem laicum pium et christiana charitate praeditum, qui sanctis verbis infirmo praesto sit.

§. I. Monita ad sacerdotem assistentem.

I. Sacerdos clam procuret a medico scire, an infirmitas sit mortalis. Dico *clam*, quia detestabilis usus medicorum est, aegrotos decipere, ne eos et propinquos contristant. pene ac si infirmis obligationem intimare confessionis (quam, cognito periculo, illis imponere debent), idem sit ac mortem denuntiare.

II. A coniunctis, amicis, necnon ab ipsomet aegroto, eius naturam, indolem et defectus perquirat: item quibus indulerit passionibus, et praesertim si ad aliquam honorum aut famae restitutionem teneatur: si odium aut pravam habuerit amicitiam, ut omnibus opportunum praeberere possit remedium. Caveat memorare infirmo personas odio habitas, aut impure dilectas, si ad hoc ex necessitate non obstringatur. Vulneratos, postquam quidquid ad remissionem pertinet provisum fuerit, ne interroget quis illos, qua de causa, vel quomodo laeserit; et si infirmus de hoc loquitur, sermonem ad aliud divertere curet. Et ita etiam, si necessitas non urgeat, nec de litibus, filiis, bonis, aliisque rebus impertinentibus ne verbum quidem faciat.

III. Post igitur quam morbum periculosum esse deprehenderit, inprimis non alloquatur infirmum de confessione, sed tantum eum de infirmitate, doloribus, et quomodo valeat, benigne interroget. Hortetur inde, ut se Dei voluntati conformet, utque suas cum Christo in cruce languenti poenas coniungat, necnon ut eas pro peccatorum satisfactione patienter ferat; et sic paulatim, qua par est prudentia, illum, tempus a quo confesus sit interrogando, ad confessionem

inducat. Moneat ut omnem suam spem in Deo ponat, qui potens est ipsum in pristinam, si velit, reducere sanitatem. At eodem tempore sensim efficiat, ut aegrotus suae infirmitatis periculum agnoscat. Praesertim advertat, ne ille omnino fidem praebeat medicis et propinquis, qui forte morbi gravitatem ei celabunt, ne ipsum moerore afficiant. Dicat, sapientis esso praevidere futura. Hortetur, quod, dum mens valet, confessionem suscipiat, quae corporis saluti (si animae expedierit) etiam proderit. Refert Beluacensis de quodam moribundo, quod statim ac ipse sua confessus fuit peccata, e strato incolumis surrexit. Pariter Cantipratensis enarrat, quod quidam eques, ubi multa non profuerunt medicamina, confessionis virtute statim convaluit.

Si tamen aegrotus dilationem quaerit, et periculum mortis, lethargi, vel delirii imminens non est, poterit ei indulgere. Curet tamen, ut ille determinet tempus, puta vespertinum, vel diem cratinum, confessioni explendae. Si tamen periculum imminens est, ipsum cum d. Augustino moneat, quod Deus non promisit peccatores expectare, sed tantum parcere eis si poeniteant: *Cratinum non promisit, fortasse dabit, fortasse non dabit*. Quod si adhuc infirmus nec etiam per haec monita ad confessionem adduci possit, sacerdos nunquam eum deserat, sed quandoque terroris, quandoque fiduciae argumentis curet ipsum expurgare, et provideat, ut tam privatae, quam publicae pro huius miseri salute preces ad Deum adhibeantur.

IV. Si morbus increbuerit, infirmum hortetur, ut de suis domesticis rebus opportune disponat; id enim expedit pro familiae pace, et eo magis, si opus sit, pro suae conscientiae levamine. In hoc tamen sacerdos sedulo caveat, ne ipse in aliquam luctri notam incidat. Si autem aegrotus fratres vel sorores indigentes habeat, moneat ipsum sub gravi obligatione

teneri illis bona relinquere, saltem, quod ad eorum necessitatem sublevandam sufficit. Haec tamen gravis obligatio non videtur urgere pro remotioribus propinquis. Observa quod dictum est in opere *lib. 3. n. 946*. Si vero aegrotus vult pro sua anima aliquid testari, ipsum moneat, ne onus illud haeredibus imponat: quia experientia docet, legatos pios pene nullos satisfieri; sed potius hortetur, ut aliquod corpus relinquat, aut pecuniae summam, ad Sacrificia, aut aliam piam operam persolvendam. Caveat sacerdos, ne consulat infirmis quidquid aliis praeiudicio esse potest, cum Christi ministros non deceat aliorum odium sibi commovere.

V. Cum rudibus, dum actus christianos eis suggerit, italico, imo vernaculo semper loquatur sermone. Cum litteratis contra comitioribus verbis, et aliquoties etiam latinis ex Scriptura excerptis, sed brevibus sententiis utatur. Monet tamen Rituale, ne sacerdos nimis loquendo, et crebris sententiis, ut aliqui solent, infirmo potius caput obtundat, quam adiuvet. Pater Recupitus e Societate Iesu de seipso refert, morti proximum quidquid ei dicebatur, non intellexisse, sed tantum quoddam molestum murmur; ita ut, ne magis caput laederent, coactus rogaverit, ut aliquam verbis moram interponerent.

VI. Praeter parvas Christi Domini crucifixi, beataeque Virginis imagines, quas iuxta infirmum apponi curaverit, si fieri potest, etiam ob oculos eius collocare faciat imagines Deiparae et Redemptoris maioris molis, ut sic aegrotus, quocumque se vertat, eas cernere possit et illis se commendare.

VII. Curae ei etiam sit, ut ab infirmi cubiculo periculosa obiecta removeantur, veluti arma, imagines parum honestae, et praesertim personae quae aliquo modo occasionem peccati praebere possunt; et istae non solum a cubiculo, sed a tota domo expelli debent. Et 1^{us} infirmus a-

goniae proximam videtur esse, sacerdos omnes ab eius cubiculo depellat, praeter unum aut duos tantum, qui ipsi dum oportet praesto sint. Caeterum, omnino prohibeat in aegroti cubile propinquos ingredi, ne alicui passioni causam praebeant.

§. II. Remedia adversus tentationes.

Praecipua contra tentationes remedia sunt Iesu ac Mariae SS. nomina saepius invocare, et crucis signaculo se munire. Pro aliquibus tamen specialibus daemonis insidiis quaedam hic adnotare expedit.

Et I. *Adversus fidei tentationes*. Ab hac terribili tentatione praesertim agitantur, qui cum perditam egerint vitam, sibi suoque iudicio nimis adhaeserunt; praecipue si viri eruditi fuerint. Hic sedulo advertendum, quod si daemon aliquod eis circa Fidem dubium aut subtilitatem suggerat, statim constanti animo tantum generatim respondeant: *Ego credo quod S. Mater Ecclesia credit, quae veritatem credit et confitetur*. Horteturque sacerdos infirmum, ut maximas Deo gratias agat, quod ipsum in Ecclesiae sinum ab incunabulis accipere dignatus sit; ideoque in ipsa Fide usque ad extremum vitae perseverare velle profiteatur. Praecipuus tamen modus, et utilior ad huiusmodi tentationes repellendas erit mentem alio divertere, aliosque varios elicere actus, nempe contritionis, spei, charitatis erga Deum, et similia. De quodam Doctore Bellarminus refert, quod hic, dum in morte cum daemone disserere de quodam Fidei articulo voluerit, deceptus succubuit, et mortuus est.

Si tentatio tamen pergit vexare, ostendat infirmo quod nostrae Fidei (per se sanctae et intemeratae, a pauperibus piscatoribus per totum orbem diffusae, tot miraculis, ac tot millium martyrum sanguine, qui vitam suam pro ipsa immolaverunt, confirmatae) argumenta luce clariora sunt, et manifeste illam veram esse patefaciant,

licet res, quas ipsa docet, nunc per speculum in aenigmate videamus; nam si mysteria, de quibus nos instruit, essent evidētia, ubi esset meritum Fidei? quae ideo Fides dicitur, quia res, quas docet, obscurae sunt et non apparentes. Hinc dictum fuit: *Beati qui non viderunt, et crediderunt.* Ioan. 20. 29.

2. Adversus tentationem desperationis. Haec est praecipua tentatio, qua infernus vehementius aegrotos impetit; unde illis de divina iustitia, damnatorum poenis loqui, eorumque patrata scelera exaggerare, sacerdos caveat; sed potius ipsis fiducia in misericordia Dei, Salvatoris passione, divinis promissis, et Dei Matris intercessione argumenta insinuentur.

Primum igitur nostrae spei motivum est divina misericordia, dam Deus vocatur, et vere est Pater misericordiarum (2. Cor. 1. 3.). Ipse occurrit etiam non quaerentibus se: *Invenerunt qui non quaesierunt me.* Isaiae 65. 1. Magis Deus cupit nos salvos facere, quam nos salutem optamus: quare ipse merito de illis queritur, quos etiam fugientes amplectari desiderat, ut ait d. Bernardus: *Amplecti quaerit, a quibus desertum esse se queritur.* Ipse est totus pronus ad ignoscendum: *Multus est ad ignoscendum.* Isaiae 55. 7. Protestatur se nolle mortem peccatoris: *Nolo mortem impii, sed ut convertatur...*, et vivat. Ezech. 33. 11. Inquit quod, cum peccator sua detestatur peccata, ipse eorum memoriam amittit: *Si autem impius egerit poenitentiam..., omnium iniquitatum eius non recordabor.* Ezech. 18. 21. et 22. Post haec divina testimonia, quis unquam de Dei misericordia diffidere poterit? Unus tantum poenitentiae actus ad innumerabilia peccata delenda sufficit. Publicanus vix ingemendo dixit: *propitius esto mihi peccatori*, et iustificatus est. Prodigus filius statim ac ad patris pedes stetit, pater eum amplexus est. David ut dixit, *peccavi Domino*, Natan ei res-

pondit: *Dominus quoque transtulit peccatum tuum.* 2. Reg. 12. 15.

Secundum motivum est passio Iesu Christi qui non ad aliud quam ad peccatorum salutem in terram descendisse protestatur: *Non enim veni vocare iustos, sed peccatores.* Matth. 9. 13. Profitetur etiam nullum a se abire pati: *Eum, qui venit ad me, non eiciam foras.* Ioan. 6. 37. Et apud Matth. 18. 12. inquit, quod ipse est bonus ille Pastor, qui dispersas oves quaerit, et si quam reperit, exultat, eam amplectitur, suisque humeris imponit: et videtur deinde hanc maiori diligere affectu, prout se gessit cum s. Maria Aegyptiaca, b. Angela a Fuligno, s. Margarita a Cortona, aliisque poenitentibus. Qui igitur rectam habet voluntatem, timere non debet damnari a Domino, qui, ne damnet nos, seipsam ad mortem crucis dammare non dubitavit.

Tertium motivum sunt divina promissa. Multis in locis Evangelii petentibus divina promittitur gratia: *Petite, et accipietis.* Ioan. 16. 24. *Amen, amen, dico vobis: si quid petieritis Patrem in nomine meo, dabit vobis.* Ioan. 16. 23. Et hic non solum de iustis, sed etiam de peccatoribus sermo fit, iuxta textum Matthaei: *Omnis enim, qui petit, accipit.* Matth. 7. 8. Satis igitur est gratias a Deo petere ad salutem, ut certe obtineantur. *Bonus est Dominus... animae quaerenti illum.* Thr. 3. 25. Quartum motivum est Sanctorum intercessio, et praesertim Deiparae, quam vult Deus, ut nos cum tota Ecclesia salutemus nostrum refugium, vitam, et spem nostram, ac dicamus: *Refugium peccatorum, ora pro nobis: Vita, spes nostra, salve.* Unde merito ipsa B. Virgo appellatur a Blosio, *spes desperantium*; et a s. Ephrem, *adiutrix destitutorum.* Eadem Dei Mater b. Birgittae revelavit, quod sicut aliqua mater videns filium inter enses suorum hostium versantem, animosa in tutelam suam illum suscipit; ita ipsa curat devotos suos tu-

tari, dum a daemonibus vexantur, eique se commendant. Insuper dixit, quod cum accedit apud eam peccator, ipsa non eius merita discutit; sed cum quali intentione veniat, attendit. Et Deus ipse b. Catharinae Senensi revelavit, Mariae suae filiae concessisse, quod quivis peccator ad eam recurrere nullo modo possit a daemone rapi.

3. Adversus tentationem *vanae gloriae* d. Bernardus ait, quod vana gloria est quaedam sagitta, quae leviter penetrat, sed non leviter vulnerat; praesertim si persona timoratae sit conscientiae. Si igitur sacerdos unquam adverteret moribundum nimis se reputare securum de sua salute, quia nimis suis operibus fidit; ei dicat quod peccata solummodo nostra sunt, omnia autem bona a Deo recipimus, ex illo: *Quid autem habes, quod non accepisti?* 1. Cor. 4. 7. Et cum certum sit, nullum suae salutis aeternae, divinaeque gratiae infallibilem certitudinem habere posse (*Nescit homo utrum amore, an odio dignus sit, Eccles. 9. 1.*); ideo quisque semper pavere debet, et cum metu et tremore salutem (suam) operari, ut ait apostolus, *Philipp. 2. 12.*

4. Adversus tentationem *impatientiae*. Si infirmus ex morbi cruciatibus impatientia afficitur, huic ostendatur, quanta martyres pro Christi nomine tormenta sint passi, vivi excoriati, adusti, trucidati; et praesertim ei ob oculos ponantur omnia quae innocens Iesus propter nostrum amorem est perpassus. Dicatur aegroto, quod infirmitatis dolores vitari nequeant; unde si ipse invitus eos patitur, male nunc, et in altera vita se habebit; si autem libenti animo pro Deo acceptat, non solum hic a morbi poena levabitur, sed ibi minus purgatorii tormenta luet, magisque postea in coelo remunerabitur: *Tristitia vestra vertetur in gaudium. Ioan. 16. 20.* Moneatur quod extremae vitae cruciatus nostram complent aeternam coronam, quoniam (ut s. Bo-

naventura dicit) poenas patienter tolerare, aliis cunctis operibus perfectius opus est, iuxta illud Iacobi: *Patientia autem opus perfectum habet, Iac. 1. 4.* Et ita Deus suos in hac vita amicos tractat, dum crux est nostrae praedestinationis securius signum. B. Clara per 28. annos doloribus vexata vitam duxit s. Liduvina per 38. annos semper infirmitatum pondus toleravit. Et divina Mater quodam die b. Birgittae aegrotanti sic dixit: *Scis quare tua infirmitas tam in longum abiit? abiit, quia te Filius meus et ego nimis diligimus.* Nos miseros viatores inter huius saeculi aerumnas apostolus valde consolatur dicendo: *Momentaneum et leve tribulationis nostrae... aeternum gloriae pondus operatur in nobis, 2. Cor. 4. 17.* Et alibi: *Non sunt condignae passionis huius temporis ad futuram gloriam, quae revelabitur in nobis. Rom. 8. 18.*

Et sic infirmo sedulo oportet suadere, ut Dei voluntati conformetur, non solum si dolores patitur, sed etiam si medici errant, aut assistentes ipsius curam negligunt. Hinc crebro moneat illum, ut a Deo patientiam exoptolet.

5. His qui aegre ferunt mori tam immature, ob oculos ponantur praesentis vitae miseriae, infirmitates, animi angores, nec non peccandi et damnationis pericula. Ideo sancti viri tam avide mortem exoptabant. S. Theresia aiebat: *Heu mihi quia in omni vitae meae momento Deum amittere possum!* unde quoties horologium sonabat, toties valde gratulabatur, eo quod iam hora huius periculi transacta esset. Martyres sancti hilares ad patibula procedebant, ut citius hoc periculum effugerent, et Deo fruerentur. Hinc dicitur in Apocalypsi (14. 13.): *Beati mortui qui in Domino moriuntur... ut requiescant a laboribus suis.* In hac lacrymarum valle viatores sumus: *Non enim habemus hic manentem civitatem. Hebr. 13. 14.* Unusquisque aut rex, aut Pont. mortem subire debet.

Hortetur infirmum, ut Deo gratias agat, quod non permiserit mori tempore quo erat in peccato; et quod tunc ipsum Sacramentis munitum discedere disponat. Dicat, saltem mortem libenti animo excipiendam esse, quia evadimus tot leves culpas, a quibus in hac vita immunes esse non possumus.

Dicat aegroto: *Frater mi, oportet ut te conformes voluntati Dei, qui omnia disponit propter nostrum bonum. Quis scit, an si amplius viveres, animam non perderes? Sed dicet infirmus: Ego vivere optarem, ad aliquam Deo de culpis meis satisfactionem praebendam, et aliquid boni ante mortem peragendum, dum usque adhuc nihil egi. Respondeat sacerdos: Fili, nulla poenitentia est Deo magis accepta, quam mortem in peccatorum expiationem libenter acceptare; nullusque actus perfectior est, quam mortem accipere ad voluntatem Dei exequendam.*

6. Adversus temptationem adhaesionis bonis, et propinquis. Eis quibus mori displicet, quia nimis adhaerent bonis, dicat confessarius, haec non esse vera bona, cum sint trans-euntia, et de brevi defectura; et si non deficiunt, potius animum augunt quam solantur.

Si autem affligitur infirmus propter uxorem, filios, aut nepotes dilectos, quos relinquit, blande sic hortetur: *Fili mi, statutum est omnibus mori, omnes te ordine sequuntur: nunc tuae saluti consule, et animam tuam salva, et sic pro ipsis in coelo orabis, unaque cum ipsis eris aliquando beatus in aeternum; sed nunc quid dulcius, quam proficisci ad manendum cum Iesu Christo, cum Regina coeli, et omnibus Sanctis!*

Si autem angitur, quia coniunctos suos relinquit inopes, ei dicat: *Audi, fili, si tu aeternam salutem assequeris, multo melius de coelo, quam de terra tuis opem ferre poteris. Sed ne dubites; quia Deus, qui volatilia pascit, non omittet eis providere. Si tu*

illos amas, Deus plus diligit.

7. Adversus temptationem odii et vindictae. Si quis propter aliquam acceptam offensam odio tenetur, 1. ipsi intimetur divinum praeceptum: *Diligite inimicos vestros. Matth. 5. 44. 2. Dicatur ei quod qui non dimittit, nec veniam sperare potest a Deo, qui dicit, Foris canes. Apoc. 22. 15. Canes (vindictum symbolum) repelluntur a coelo. E converso Deus veniam certam promittit illi peccatori qui veniam dat offensori suo, ex illo: Dimittite et dimittemini. Luc. 6. 37. Subdat, quod si inimicus iniuste laeserit ipsum, quanto iniustius ipse Deum? Quamobrem, si ipse petit a Deo ut sibi ignoscat, quanto magis proximo ipse ignoscere debet? Sicut et Dominus donavit vobis, ita et vos. Colos. 3. 13. Ultimo ostendat eidem, quam gratam rem Deo exhibet, qui iniurias dimittit. S. Ioannes Gualbertus, postquam fratricidae pepercit, ecclesiam ingrediens imaginemque Crucifixi salutans, vidit Redemptorem erga se caput inclinasse, ac si propter veniam datam ipsi gratias ageret. S. Iacobus ante mortem amplexatus est eum qui se accusavit. S. Stephanus oravit pro eis qui eum lapidabant. S. Aloysius Galliae rex apud se coenare fecit qui sibi mortem fuerat molitus. S. Ambrosius per multum tempus cuidam suo proditori alimenta subministravit. Et praecipue primum exemplum de hoc praestitit Dominus noster Iesus Christus, qui in cruce positus, pro persecutoribus et maledicentibus sibi valde Patrem exoravit.*

§. III. Varia motiva, et affectus aegrotis suggerendi.

1. Motiva fiducia. De his supra (in §. 2.) iam locuti sumus; illis possunt sequentes adungi ex Scriptura: *Nullus speravit in Domino, et confusus est. Eccli. 2. 11. Ipse est propitiatio pro peccatis nostris. I. Ioan. 2. 2. Iesus Christus ad hoc mortem subiit, ut nobis veniam criminum ob*

tingeret. Pro nobis omnibus tradidit illum, quomodo non etiam cum illo omnia nobis donavit? Rom. 8. 32. Quomodo igitur Deus remissionem nobis negabit, qui nobis proprium dedit Filium?

Affectus fiducia: Dominus illuminatio mea, et salus mea, quem timebo? Ps. 26. 1.

In manus tuas commendo spiritum meum, redemisti me, Domine Deus veritatis.

Te ergo, quaesumus, tuis famulis subveni, quos pretioso sanguine redemisti.

In te, Domine, speravi, non confundar in aeternum.

O bone Iesu, intra vulnera tua absconde me.

Vulnera tua, merita mea. S. Bernardus.

Iesu mi, non negabis mihi veniam, qui vitam et sanguinem mihi non negasti.

Passio Iesu, tu es spes mea. Merita Iesu, vos estis spes mea. Vulnera Iesu, vos estis spes mea. Mors Iesu, tu es spes mea.

Maria Mater mea, salva me, miserere mei.

Spes nostra, salve.

Sancta Maria, Mater Dei, ora pro me peccatore.

Sub tuum praesidium confugimus, sancta Dei Genitrix.

2. Motiva et affectus contritionis. Dicit s. Augustinus, quod quisque usque ad extremum vitae non debet omittere peccata sua deplorare.

Non intres in iudicium cum servo tuo. Ps. 142. 2. Iesu mi, et iudex meus, parce mihi, antequam venias ad me iudicandum.

Cor contritum et humiliatum, Deus, non despicies. Deus meus, oh si nunquam te offendissem!

Domine mi, non debebas sic tractari a me, sicut impie feci.

Pater, non sum dignus vocari filius tuus. Ego a te discessi, tuam despei gratiam; ultro te amisi: toto corde me poenitet; Deus meus, propter a-

morem et sanguinem Iesu Christi parce mihi.

Maledicta peccata mea quae Deo me privastis, ego vos detestor, abominor, et maledico.

Deus meus, quid mali mihi fecisti quod ipse tam offendi te? Propter Iesum Filium tuum miserere mei.

Nunquam, Domine, te offendam quoadusque vivam; sive parum, sive multum mihi supersit, volo te amare.

Offero tibi in satisfactionem contumeliarum, quas tibi irrogavi, mortem meam, et dolores, quos usque ad mortem perferam.

Domine, merito me punis; nimis te offendi. Sed quaeso, in hac, non in alia vita me castiga.

O Maria! impetra mihi dolorem culparum, mearum, remissionem et perseverantiam.

3. Motiva et affectus amoris: Deus meus, qui es bonitas infinita, super omnia te diligo. Amo te plus quam me; amo te ex toto corde. Deus meus, non sum dignus te amare, quia nimis te offendi, sed propter amorem Iesu fac me dignum.

Oh utinam et omnes te diligerent!

Iesu dulcissime, cupio pati et mori pro te, qui propter me pati et mori dignatus es.

Domine, castiga me uti vis, sed ne me prives te amare; Deus meus, salva me: salus mea est amare te.

Opto paradysum, ut in aeternum ex totis viribus meis te diligam.

Deus meus, ne me deicias in infernum, ut mereor: ibi tu odio mihi habendus esses, sed animus mihi non suppetit te odio habere. Et quid mali, Domine mi, fecisti mihi, ut tu odio mihi habendus esses? Fac ut te amem, et mitte me quo vis.

Volo pati, quantum tibi placet; volo mori, ut tibi placeam.

Devinci me tecum, Iesu mi, ne permittas me unquam separari a te.

Deus meus, fac ut sim totus tuus, antequam moriar.

Quando erit, ut dicere possim: Deus meus, non possum amplius amittere te?

Oh Deus meus! amare te vellem, quantum tu mereris.

O Maria! traheme totum ad Deum.

Mater mea, ego multum te diligo; volo venire ad coelum, ad te amandum in aeternum.

4. Motiva, et affectus conformitatis. Omne nostrum bonum et vita consistit in eo, ut conformemur Dei voluntati, iuxta illud: *Vita in voluntate eius.* Ps. 29. 6. Deus quidem vult quae nobis sunt meliori bono. S. Gertrudi cum Iesus apparuisset, mortem et vitam offerens, respondit ipsa: *Domine, quod tu vis, et ego volo.* Pariter s. Catharina Senensis, cum Iesus se illi praebuerit, offerens duplicem coronam, unam gemmarum, spinarum alteram, ut ipsa eligeret, ipsa respondit: *Ego eligo, quae tibi placet.*

Affectus. *Eia N. si Deus te vocat ad aliam vitam, contentus es? Es contentus. Dic igitur semper: Domine, ecce me, fac de me quod tibi placet. Semper fiat voluntas tua; volo tantum, quod tu vis. Volo pati, quantum tu vis. Volo mori, quando tu vis.*

In manus tuas commendo animam, et corpus meum, vitam et mortem.

Benedicam Dominum in omni tempore: aut me consolaberis, aut me crucies, Deus meus, ego te amo, et semper te amare volo.

Deus meus, cum morte Iesu mortem meam coniungo; et sic eam tibi offero.

O voluntas Dei! tu es amor meus.

O beneplacitum Dei mei! me tibi totum in holocaustum trado.

5. Motiva et affectus desiderii erga paradysum. Motiva. Refert Blosius plures revelationes, ex quibus habetur, quod in purgatorio illi, qui tepide coelum optavere, excruciantur peculiari poena, appellata a doctoribus mysticis poena desiderii, aut languoris. Praesens vita est poenarum carcer, in quo Deum videre non possumus: unde merito rogabat David: *Educ de custodia animam meam.* Ps. 141. 8.; et s. Augustinus clamabat:

Eia, Domine, moriar ut te videam. S. Hieronymus appellabat mortem, sororem suam, eique dicebat: *Aperi mihi, soror mea.* Et quidem recte, nam mors est illa quae paradisi ianuas nobis reserat. Et ideo pariter s. Carolus Borromeus, videns mortis effigiem cum falce in manu depictam, pictori praecepit, ut falcem deleteret, et eius vice clavem auream tanquam coeli clavem depingeret. Expedi igitur, ut sacerdos saepius alloquatur moribundos de coelestis patriae bonis, in mentem eis revocans quod apostolus ait: *Nec oculus vidit, nec auris audivit, nec in cor hominis ascendit quae praeparavit Deus diligentibus se.* 1. Cor. 2. 9.

Affectus. *Quando veniam, et apparebo ante faciem Dei? Ps. 41. 5. Quandonam erit, Deus meus, quod tuam infinitam pulchritudinem videbo, et facie ad faciem te diligam?*

In coelo semper te amabo, tu semper me amabis; invicem igitur in aeternum nos amabimus, Deus meus, amor meus, et omnia.

Iesu mi, quando osculabor vulnera quae pro me sustulisti?

O Maria! quandonam erit, ut me videam ad pedes illius Matris, quae tantum me amavit, et auxiliata est?

Eia ergo, advocata nostra, illos tuos misericordes oculos ad nos converte, et Iesum, benedictum fructum ventris tui, nobis post hoc exilium ostende.

6. Affectus, qui infirmo suggeri possunt dum Crucifixum deosculatur.

Dulcissime Iesu, ne respicias quid ego in te, sed quid tu pro me fecisti.

Recordare quod sim una ex ovibus tuis, pro qua mortuus es.

Libenter pro te, qui pro me passus es, Iesu mi, moriar.

Accepto, Iesu mi, consumi pro te, qui totus consumi voluisti pro me.

Domine, maiora tu pro me, quam ego pro te patiar: Tu innocens, ego peccator.

Deosculare, frater mi (dicat sacerdos infirmo), pedes illos, qui tam ad

te perditam ovem quaerendam et salvandam laboraverunt. Dic, quaeso: Amabilissime Redemptor, amplector pedes tuos, ut Magdalena amplexa fuit; fac ut audiam mihi pepercisse, ut illa audivit.

Deus meus, mihi propter amorem Iesu Christi parce, et fac ut bene moriar.

Pater aeternae, tu mihi Filium tuum tradidisti, me ego tibi trado.

Iesu mi, multum tibi ingratus fui, miserere mei. Multoties infernum merui; non in alia, sed in hac vita me puni.

Si me fugientem quaesivisti, me te quaerentem ne derelinquas.

Iesu dulcissime, ne permittas me separari a te.

Quis me separabit a charitate Christi? (Rom. 8. 35.).

Domine Iesu Christe, per illam amantissimam, quam sustinuit nobilissima anima tua, quando egressa est de benedicto corpore tuo, miserere animae meae peccatricis in egressu de corpore meo. Amen.

Iesu mi, tu propter amorem meum mortuus es; ego propter amorem tuum mori volo.

7. Affectus qui suggeri possunt sacerdotibus, et Religiosis infirmis.

In pace in idipsum dormiam, et requiescam.

Deus meus et omnia. O me beatum, si omnia amittam, ut acquiram te meum summum bonum!

In manus tuas, Domine, commendo spiritum meum.

Ne proicias me a facie tua.

Iesu dulcissime ne permittas me separari a te.

Amore amoris tui moriar, qui amore amoris mei dignatus es mori. Ita dicebat s. Franciscus.

Cor contritum et humiliatum Deus non despicies.

In te, Domine, speravi, non confundar in aeternum.

Diligam te, Domine, fortitudo mea.

Eia moriar, Domine, ut te videam.

Quid mihi est in coelo, et a te

Homo Apostolicus

quid volui super terram? Deus cordis mei, et pars mea Deus in aeternum.

Dominus illuminatio mea et salus mea, quem timebo?

Pater, peccavi, non sum dignus vocari filius tuus.

Averte faciem tuam a peccatis meis.

Tuus sum ego, salvum me fac.

Quando veniam, et apparebo ante faciem Dei?

Quis nos separabit a charitate Christi?

Amorem tui solum cum gratia tua mihi dones, et dives sum satis. S. Ignatius de Loyola.

Dilectus meus mihi, et ego illi.

Misericordias Domini in aeternum cantabo.

Sancta Maria, Mater Dei, ora pro nobis peccatoribus, etc.

Vita, dulcedo, spes nostra salve.

Refugium peccatorum, ora pro nobis Maria, mater gratiae, mater misericordiae, tu nos ab hoste protege, et in hora mortis suscipe.

O salus te invocantium! S. Bonav.

§. IV. Monita circa ultima Sacramenta, et modum quo utiliter recipi possunt.

I. Circa confessionem.

Iam supra in praxi monitum est (vide nostram Moralem lib. 6. n. 260. et 484. ad 2.) quod cum periculum mortis instat aut forsan Viaticum delatum est et longa esset confessio, tunc infirmus non tenetur omnia et singula peccata confiteri. Hic amplius animadvertenda sequentia, nimirum, 1. quisquis sacerdos in mortis non solum articulo, sed etiam periculo, (ut *Trid. sess. 14. c. 7. de Poenit. declaravit*) censuris et casibus reservatis obstrictos absolvere potest (lib. 6. n. 561.). Advertendum tamen est, quod circa censuras reservatas tenetur confessarius facultate carens infirmo imponere, ut elapso mortis periculo, se praesentet Superiori, secus in censuras reincident, n. 563. v.

Secus. 2. Simplex sacerdos absolvere non potest, praesente confessario approbato; secus tamen, si confessarius approbatus veniat iam incoepa confessione; secus etiam, si approbatus sit complex personae infirmæ in peccato turpi, ut decrevit ss. p. Benedictus XIV. (n. 553.

). 3. Moribundus sensibus destitutus recte potest absolvi, saltem sub conditione (quod securius est), dummodo constet infirmum absolutionem desiderasse, poenitentiae signum praebens, aut si confessionem quaesierit, n. 479; et id intelligitur, etiamsi moribundus in actu peccati sensus amiserit, n. 485. ex d. Augustini auctoritate, et ratione; quia ex una parte conditio Sacramenti irreverentiam removet, et ex alia semper in tali casu quemque velle suae salutis consulere iudicatur, et sensibile aliquod signum ostendere, licet morbi causa signum non bene intelligatur. 4. Si infirmus post tertium diem, licet de periculo monitus, nec tamen confiteri vellet, optimum erit si sacerdos medicum monefaciat, iuxta S. Pii V. Bullam, ut eum non amplius invisere eat. Si tamen infirmus in sua adhuc maneat pervicacia, tunc medico curam denuo suscipere licebit; vide l. 6. n. 664.

II. Circa Communionem.

Sequentia adnotantur monita. 1. Ut infirmo Viaticum ministrari possit, necesse non est ut omni vitae spe destitutus sit, sed sufficit mortis periculum; *lib. 6 n. 284.* 2. Si vomitus periculum adsit, Viaticum dari non potest, licet praemittatur experientia cum particula non consecrata, *ibid. n. 292. v. In dub.* 3. Pueris ratione pollentibus etiam rite Viaticum dari potest; necnon phreneticis, dummodo sancte vixisse constet, aut paulo ante confessi sint, et periculum irreverentiae non adsit; ideoque cum istis probabiliter licitum est experiri cum particula non consecrata. 4. Infirmis etiam in Parasceve, ut habe-

tur ex s. Rituum Congregationis Decreto, edito 19. febr. an. 1622. Viaticum ministrare non tantum licet, sed ad hoc parochi tenentur.

5. Communis sententia tenet, quod in eadem infirmitate aegroti non ieiuno pluries Viaticum dari potest, saltem si intersit sex vel octo dierum spatium; imo multi doctores minus temporis intervalli exigunt, vide *lib. 6. n. 284. et 285.* Si tamen aegrotus mane ex sua devotione communicavit, non potest ei ipsomet die Viaticum dari, nisi tamen mortis periculum ex aliquo superveniente morbo violento, nempe vulneris, veneni, et casus similis, advenerit. Secus si aegrotus in infirmitate iam constitutus mane communicavit; vide rationem in cit. n. 285. *Dub. 3.*

6. Si tamen infirmus tantum confessus sit, et malum increbescit, tunc sacerdos eum, ut quanto citius Viaticum accipiat, sedulo disponat, ut sana mente, et maiori fructu recipiat; ideoque desiderium recipiendi Viaticum in animum inducere curet, ut ita munitus daemonis viribus maiori nisu et gratia obstare possit, utque Iesu Redemptori nostro magis se uniat, qui eum invisere cupit (dicat) ut suas possit in se gratias effundere, et ad coelestem patriam brevi perducere; sin autem, ut si expedierit, etiam corporis salutem impetietur. S. Cyrillus Alexandrinus ait, quod sancta Eucharistia etiam morbos depellit, et aegrotos sanat. Et de suo met patre s. Gregorius Nazianzenus refert, quod statim ac Communionem accepit, convaleuit.

Sacerdos igitur sic infirmum alloquetur: *Frater mi, licet tua sanitas non sit desperata, in periculo tamen est, ideoque optimum est, ut quanto citius potes, Viaticum accipias; nam Christus in pristinam te restituet sanitatem, si hoc tuae aeternae salutis expedierit: si tamen mori debes, contra diabolum in tuum auxilium veniet, et tui itineris ad beatam patriam comes erit. Quid dicis? cupisne.*

Viaticum accipere? Quidem: Eia igitur praepara animam tuam ad amplectendum tuum Redemptorem, qui pro te mortuus est. Dic toto corde: Veni, Iesu mi, veni amor meus, omne bonum meum, veni, ad te anima mea desiderat. Quid mihi est in coelo, et a te quid volui super terram? Deus cordis mei, et pars mea in aeternum.

Sacerdotis autem, cum Viaticum pervenerit, sit cura ab infirmi cubiculo parentes, uxorem nempe, sorores, filios, etc., qui passioni ei esse possunt, depellere. Tunc ei subiungat: *S. Philippus Neri, cum in suo cubiculo ss. Sacramentum viderit, exclamavit: En amor meus, en amor meus! Dic etiam, frater, dic: En amor meus! En hic est Filius Dei, qui pro tua salute descendit de coelis, homo factus est, pro te in crucis mortem subire voluit, et nunc te invisere in ipso tuo cubiculo venit. Bono sis animo, iam tibi peccata condonavit. Culparum tuarum iam te poenituit, et adhuc poenitet. Sed nunc diligis Dominum Deum tuum ex toto corde tuo; itane est? Eia ergo dic: Amo te, Deus meus, super omnia, et quia diligo te, me poenitet peccasse: propter amorem tuum libenter morior; iam, si tibi placet, mori cupio, ut videam te, et in aeternum amem.*

Dicat inde: *Si igitur N. Iesum amas, parcis nunc amore sui omnibus, qui te in aliquo offenderunt, non est ita? Petisne etiam veniam, quibus iniurias, et offensas irrogasti? Eia igitur converte faciem tuam ad Iesum qui te amplecti cupit; dic toto corde: Domine, non sum dignus; sed licet indignum tanto munere fatearis, ad te tamen Dominus venire vult. Iterum igitur eum ardentem voca: veni, Domine, veni, amor meus, Deus meus, et omnia, veni; ad te sitit anima mea, et praeter te nihil aliud cupit.*

Communicato iam infirmo, ad gratiarum actionem illum adiuvet sacerdos: *Eia igitur, frater, age nunc Domino gratias, qui ad te venire, teque amplecti dignatus est. Sacra-*

mentum est, et oere dicitur, futurae gloriae pignus. Dominus tecum est, quid amplius times? exulta frater, Deus tibi dare vult paradisum; ideoque totum se tibi impertiri dignatus est: dic ergo: Domine mi, amor meus, te amplector, tibi gratias ago, te amo, et in aeternum te amare spem habeo: me poenitet te offendisse, et nunc quidquid mihi superest vitae, in tuum amorem impendere firmiter propono.

Iesu mi, vitam meam in holocaustum libenter offero, si tibi placet eam mihi auferre. Fiat semper voluntas tua. Sanctam perseverantiam, amorem tuum mihi tantum concedere precor, ita ut amando te animam efflem, ut veniam ad semper te amandum in coelo. Tu me non deseres, ego non deseram te, ergo Deus animae meae, in aeternum nōs ad invicem diligemus.

III. Circa Extremam-Uctionem.

Extrema-Uctio, uti est ultimum Sacramentum, ita ex d. Thoma est vitae spiritualis corona; ipsa homo munitus, ad coelestem patriam ingredi disponitur. Unde Sacramentum hoc, dum aegrotus mente pollet, ut ei magis prosit, opus est ut conferatur; quoniam, licet conferri non possit, nisi grave mortis periculum (saltem probabile) immineat (ut in nostra morali lib. 6. n. 714. Dub. 4.), tamen ad ultimum vitae discrimen prorsus differenda non est, (loc. cit. v. Advertent. 1.). Unde ait Catechismus Romanus part. 2. n. 18. graviter peccare parochos illos, qui conferunt Extremam-Uctionem, quando nulla adest spes vitae, et aegrotus iamiam privatur sensibus.

Aegroti sacerdos suadere studeat 1. quod Extrema-Uctio, si animae profutura erit, etiam ad corporis sanitatem confert, ut Tridentinum sess. 14. c. 2. de Extrema-Unc. : *Sanitatem corporis interdum, ubi salutis animae expedierit, consequitur.* Haec tamen sanitas non confertur, cum naturaliter impossibile sit iterum re-

stitui ad salutem. De quodam iam defuncto refert Ioannes Erolodus, hunc revelasse, quod si Extremam-Uncionem prius accepisset, statim e morbo convaluisset; sed quia distulerat, ideo vita defunctus erat, et ad purgatorii ignem centum annis damnatus. Secundo, Extrema-Uncio peccatorum reliquias remittet, et per consequens ipsa peccata mortalia occulta, ut docet d. Thomas, *lib. 6. n. 731. v. Commune*; ideoque instruat infirmus, ut dum quinque corporis sensus unguuntur, ipse de culpis per ipsos commissis doleat, et cum astantibus etiam respondeat, *amen*. Tertio particularia auxilia, quibus in illo extremo agone inferni vim, et impetum frangat, subministrabit. Quare multum probabile est gravi se obstringi scelere, qui hoc sacramentum accipere recusaret, ut supra diximus.

Aliqua hic de huius Sacramenti administratione scitu necessaria adnotare licebit. 1. Speculative tantum probabilis est opinio dicens, sufficere ministrare hoc Sacramentum cum una gutta olei, illam per partes non diffundendo; non tamen practice, quia haec vera unctio non esset, vide in *Morali lib. 6. n. 709. Dubit. 4.* 2. Uncio quinque sensuum, secundum communionem sententiam, est de necessitate Sacramenti; unde peccatis tantum tempore, aut alicuius imminentis mortis periculi, una tantum, et in uno sensu (consultius in capite) unctio adhiberi potest; sed semper sub conditione si valet, et cum unica forma dicendo: *Per istam sanctam unctionem, et suam piissimam misericordiam indulgeat tibi Deus quidquid deliquisti per sensus, nempe visum, auditum, gustum, odoratum, et tactum*. Si tamen aeger supervivat, unctiones etiam sub conditione reiterari debent in omnibus quinque sensibus, solitis orationibus. 3. Non est de necessitate Sacramenti geminam unctionem in geminis partibus adhiberi; immo unum tantum oculum, unam manum, etc. ungere, licite sufficit,

dum periculum infectionis, aut alia necessitas adest, ut si infirmus nequit verti ad aliud latus. Uctionum in mulieribus, et etiam in viris, *quando infirmus* (ut *Rituale monet*) *commode moveri non potest, relinquatur*. Uctionem tamen pedum non esse de necessitate Sacramenti, communis sententia tenet, sed quoad hoc Ecclesiarum consuetudo servanda est; *n. 710. v. Certum*. Nec etiam de necessitate Sacramenti est in unctione partium ordinem servare: gravi tamen culpa se obstringit, qui receptum ordinem non servat; *loc. cit. v. Nec etiam. 4.* Extrema-Uncio rite confertur pueris qui ratione pollent, licet non adhuc s. Communionis idonei sint; in dubio tamen de usu rationis, sub conditione administrari potest. Hoc tamen cum prorsus amentibus non procedit; *n. 719 et 720.* 5. Amentibus, phreneticis, delirantibus, qui dum rationis usum habuerunt, pii animi significationem dederint, et Extremam-Uncionem petierint, aut verisimiliter petiissent, aut contritionis signum dederint, remoto irreverentiae periculo, dari potest; et eo magis, si lucidum aliquod rationis intervallum habent. In dubio autem, an quis unquam rationis usum habuerit, conditionate dari potest. Idem de ebriis, si in mortis periculo sint, nisi tamen constet in mortali culpa fuisse, cum sensus ipsi amiserint; impenitentibus enim, et qui in manifesto peccato moriuntur, necnon excommunicatis penitus denegari debet, ut *Rituale Rom. monet*; vide *lib. 6. n. 752*. Mulieribus etiam, si ob partus dolores in mortis periculo sint, conferri potest. 6. Orationes praescriptae, extra formam, in casu necessitatis omitti possunt, quae postea dicuntur, si tempus suppetet, *n. 727*; et in tali casu Sacramentum dari potest, etiam sine luminibus, et ministro; *n. 728*. et etiam probabiliter sine superpelliceo et stola; *n. 726*. 7. Extrema-Uncio in eadem infirmitate iterari non potest, nisi infirmus

a priori probabiliter convaluerit, et in aliud simile vitae discrimen inciderit; ut docet Trident. sess. 14. c. 3. de *Extrema-Unct.* vide n. 715. 8. Cantus sit sacerdos in movendo aegroto, ut partes viciniores ungat; si tamen caute revolvat, et casu ille e vita decedat, irregularitatem non timeat incurrisse; quia in hoc casu irregularitas non potest incurri, nisi ob delictum, a quo qui charitatis causa aliquod inculpabiliter agit, immunis est. Denique recte parochus in sua domo oleum sanctum in nocte servare potest, dum probabile periculum praevidet, ut vocatus ad conferendam Unionem praesto non esset; lib. 6. n. 730.

§. V. *Monita circa agonem, et mortem.*

Cum infirmus ad agonem pervenit, solitis Ecclesiae armis, ad eum iuvandum quantum potest, sacerdos utatur. 1. Saepius infirmum aqua benedicta aspergat, praesertim si diabolicis tentationibus exagitur, dicendo: *Exurgat Deus et dissipentur inimici eius.* 2. Crucis signaculo eum muniat, et benedicat dicens: *Benedicat te Deus Pater, qui te creavit; benedicat te Filius, qui te redemit; benedicat te Spiritus sanctus, qui te sanctificavit.* 3. Salvatoris necnon Mariae aliquam imaginem saepius osculandam praebeat. 4. Curet, ut infirmus lucretur omnes indulgentias, quas potest, et praesertim accipiat benedictionem in articulo mortis Benedicti XIV. cum indulgentia plenaria, quam infra adnotabimus. 5. Idem suggerat aliquam sententiam doloris, conformitatis, spei in Domini passionem, ac B. Mariae intercessionem, necnon desiderii videndi Deum. Curet tamen sacerdos intervallum aliquod interponere, ut infirmus habeat, et ruminandi tempus, et quiescendi. 6. Studeat, ut saepissime SS. Iesu et Mariae nomina, saltem corde, si loqui non potest, invocet, ac multoties dicat orationem illam: *Ma-*

ria Mater gratiae, etc. 7. Agonis tempore faciat, ut circumstantes pluries B. Mariae Virginis Litanias pro aegroto dicant. Proderit etiam procurare, ut tunc pulsetur campana agonis, ad significandam omnibus instantem mortem expirantis aegroti, ut pro ipso orent; quod etiam sanis iuvare potest. Et hic generatim animadvertendum est, quod cum infirmus est sensibus destitutus, magis illi prosunt orationes, quam verba. 8. Cum tempus expirandi instat, sacerdos flebili voce et flexis genibus consuetas Ecclesiae orationes recitet: *Proficiscere, etc.* ut in fine Breviarii aut Ritualis habentur. 9. Dum manus, pedes, etc. infirmi tangit, ut an frigerit videat, caveat saltem ne saepius fiat, ne eum perturbet; et curet ne illum vertant illo agonis statu, nam id mortem accelerare posset. 10. Dum infirmus proximus est ad transitum, tradat ei candelam benedictam, ut teneat, et ita in Fide mori profiteatur. 11. Dum infirmus adhuc sensibus viget, absolutionem pluries ei conferre post brevem reconciliationem iuvabit, ut ita ille magis circa statum gratiae securus reddatur, si forsitan praeteritae confessiones invalidae fuissent, aut saltem gratiae augmentum recipiat, necnon purgatorii poenae ei minuantur. Et si forte infirmus tunc in lethale incidat peccatum, ne exerceat, sed monens, ut Iesu ac Mariae nomina invocet; si rursum tentatur, benigne ipsum confortet, procuret ut contritionis actum eliciat, et statim absolvat. Si tamen infirmus iam sensibus caret, et nullum doloris nec absolutionis desiderii signum ostendit, non expedit valde saepius intra eundem diem absolutionem ei impertiri; quia tunc, licet conditionate detur, tamen ut Sacramentum valeat administrari sub conditione, urgens et gravis causa requiritur; unde opus est, ut aliquod notabile temporis spatium intermediet. Verum in hoc sacerdos ex conscientia, quam noverit infirmi, se di-

rigere debet; nam si ille habitatus fuit in pravis cogitationibus, si aliquo vulnere moritur, aut aliqua odii vel impuri amoris passione est irretitus, si infirmitas est nimis acerba, et ipse non libenti animo suffert, tunc saepius absolutio dari potest; sin autem, sufficit ut trium aut quatuor horarum spatium intercedat: frequentius tamen, si iamiam moriturus est. Non abs re autem erit aegrotum, dum mente pollet, monere, ut si loqui non possit, signum aliquod determinatum det, dum absolutionem quaerit, aut dum sacerdos ipsi conferre vult, ex gr. oculos claudat vel reseret, manum elevet, caput inclinet, et similia.

Denique cum e vita iam migrasse videtur, caveat sacerdos, ne statim det suae mortis signum, nec ei statim oculos, aut os claudat, aut visum pannis cooperiat; quia si nondum mortuus esset, fieri posset, ut mors acceleretur. Cum autem certo scit animam iam ad aeternitatem migrasse, circumstantes, ut pro illo orent, moneat, et ipse flexis genibus dicat orationem, *Subvenite, etc.* ut in Rituali, vel in Breviario.

§. VI. *Affectus qui suggeri possunt agonis, et expirationis tempore.*

In te, Deus meus, infallibilis veritas, credo; in te, immensa misericordia, spero; te, infinita bonitas, amo.

In te, Domine, speravi, non confundar in aeternum.

Quid mihi est in coelo, et a te quid volui super terram? Deus cordis mei, et pars mea in aeternum.

Amore amoris tui moriar, qui amore amoris mei dignatus es mori.

In pace in idipsum dormiam, et requiescam.

Deus meus, ne permittas me separari a te. Nihil aliud quam te cupio. Bonitas infinita, te amo, te amo, te amo.

(Hic animadvertendum est, actus frequentiores, qui moribundis suggeri debent, esse amoris et doloris).

Iesu mi, qui mox me iudicaturus es, parce mihi, antequam iudices. Te amo, et quia te amo, me poenitet offendisse.

Iesu mi dulcissime, ne permittas me separari a te.

Sanguis Iesu, lava me. Passio Christi, salva me.

In manus tuas, Domine, commendo spiritum meum.

Moriar, Domine, ut te videam.

Maria Mater Dei, ora Iesum pro me.

Illos tuos misericordes oculos ad nos converte, et Iesum benedictum fructum ventris tui nobis post hoc exilium ostende.

O Maria, nunc tempus est auxiliandi servum tuum.

Mater mea, ne derelinquas me.

O paradise, o pulchra patria, o amoris patria, quando te videbo?

Deus meus, quandonam faciem ad faciem te amabo?

Quando, Iesu mi, te non amplius amittendi securus ero?

Deus meus, et omnia.

Contentus sum omnia amittere, ut acquiram te, Deus meus.

Deus meus, propter amorem Iesu miserere mei.

Mitte me, Domine, in purgatorii ignem, per quantum vis: noli tamen in infernum, ubi te amare non possum.

Te ergo, quaesumus, tuis famulis subveni, quos pretioso sanguine redemisti.

Aeternae Deus, spero, et cupio in aeternum te amare.

Amor meus crucifixus est. Iesus meus, amor meus, pro me mortuus est.

Deus in adiutorium meum intende. Domine, ad adiuvandam, etc.

Pater aeternae, propter amorem Iesu Christi da mihi gratiam tuam. Te amo, me poenitet.

Quomodo possum de tot tantisque beneficiis quae mihi fecisti, Deus meus, tibi rependere gratias? Spero in aeternum in coelo tibi gratias agere.

Maria, mater gratiae, mater misericordiae, etc.

Miserere mei, Deus, secundum magnam, etc.

Misericordias Domini in aeternum cantabo.

Dum iam aegrotus est proximus ad expirandum.

In manus tuas, Domine, commendo spiritum meum.

Iesu mi, tibi animam quam tuo sanguine redemisti commendo.

(Hic notandum, quod dum infirmus iam ad exhalandam animam vicinus est, actus suggeri debent sine pausa, et fortiori voce).

Domine Iesu Christe, suscipe spiritum meum. Deus meus, adiuva me; sine me venire ad amandum te in aeternum.

Iesu mi, amor meus, te amo, me poenitet. Oh si nunquam te offendissem!

O Maria, spes mea, adiuva me, ora pro me Iesum.

Iesu mi, propter passionem tuam salva me: te amo.

Maria, mater mea, in hac hora adiuva me. S. Ioseph, adiuva me. Archangele Michael, defende me. Angele custos, custodi me. S. N. (hic praecipue protectoris aegroti fit mentio) commenda me Iesu Christo. Sancti et Sanctae Dei, intercedite pro me.

Iesus, Iesus, Iesus.

Iesus et Maria, vobis cor et animam meam dono.

§. VII. Imminentis mortis signa.

Opus est, ut sacerdos, qui hoc charitatis opus exercet, imminentis mortis signa sciat, ut ita aegroti iam expiranti melius auxiliari possit. Praecipua et universalia sunt tria. 1. Pulsus deficiens, intermittens, et formicans. 2. Respiratio anxiosa. 3. Oculi excavati et vitreati, aut apertiores solito, vel nimis lucidi, vel qui respiciunt obiecta diverse quam aliis apparent; aut cum palpebra superior relaxatur, et inferiorem praetergreditur.

Sunt etiam proxima mortis signa nasus acuminatus, et in extremitate albescens, et si nares ad instar folliis sufflant; manus tremantes; ungues lividae, facies flavescens, livida et mutata, flatus male olens et frigidus; corpus immobile; sudor frontis et frigidus; calor in cordis parte nimius; festucas aut lanugines colligere; frigiditas in extremis omnibus partibus.

Signa tamen proximiora expirationis sunt respiratio intermittens aut languida; defectio pulsus; dentium contractio et stridor; distillatio in gula; lene quoddam suspirium, aut gemitus; lacryma per se fluens; oris, oculorum, et totius corporis torsio.

Advertatur 1. quod laborantes hydropisi, etica febris, vel vulnere, asthma, pleuritide, sanguinis fluxu, vomitu, angina, et reumatismo, interdum cum paucis nominatorum signorum, et cum pulsu valido, ac loquentes expirare solent. Advertatur 2. proximis mortis esse, qui pleuritide laborant, dum respirationis difficultas, anhelitus augmentum, et labia livida apparent. Vulnerati capite interdum subitaneo deliquio moriuntur. Hydropici, dum pulsus deficit, et anhelitus crescit, ac in ore spuma apparet. Qui febris intermittente laborant, mori solent in principio accessionis, dum convulsiones vehementes sunt. Advertatur 3. quod in aliquibus aegrotis flatus est adeo debilis, et cordis exagitatio, ut iam mortui videantur, et tamen non sunt. Signa certiora mortis sunt omnium partium frigiditas etiam in regione cordis, corporis gravitas, alicuius spiritus naribus admoti stimulum non sentire, speculum ore accessum flatu non maculari, et similia. Demum advertatur, quod interdum signa superius in primo loco adducta fallunt, et etiam sine illis repente moritur infirmus; ideoque dum aegrotus in agone manet, sacerdos oportet ne unquam illum deserat.

§. VIII. *Et ultimus. Preces, actus christiani, et benedictiones.*

Sacerdos domum aegroti ingrediens, dicat: †. *Pax huic domui.* ♫. *Et omnibus habitantibus in ea.*

Cubiculum aqua benedicta aspergat, dicens: *Asperges me hyssopo, et mundabor; lavabis me, et super nivem dealbabor.*

Deinde dicere potest orationes, quae in Rituali pro Extrema-Uctione exstant. Postea Redemptoris imaginem accipiat, dicens: *Ecce crucem Domini, fugite partes adversae.* Et aegroti osculandam praebat, dicens: *Deosculam pedes Iesu Christi, qui in hac cruce pro salute tua mortuus est.*

Deinde dicat: *In Deo N. N. igitur spem tuam iacta: sperare volumus Mariam a Deo salutem tibi intercedere velle: infirmitas tamen gravis est, voluntati Dei tuam conforma, ut de te faciat quod ipse vult. Eia igitur mecum recita christianos actus, ut cum istis ad mortem te disponere valeas, si pro bono animae tuae sic Deus determinavit; dic ergo mecum:*

Actus fidei. Deus meus, infallibilis veritas, quia tu, quod credere debeam, S. Ecclesiae revelasti, credo quod ad credendum mihi proponit Ecclesia. Credo te esse Deum meum, omnium Creatorem, qui per totam aeternitatem paradiso iustos remuneras, peccatores vero castigas inferno. Credo mysterium SS. Trinitatis id est Patrem, Filium, et Spiritum sanctum, tres Personas, sed unum Deum. Credo secundam Personam, id est Filium Dei, hominem factum in utero Mariae semper Virginis, et pro nobis peccatoribus mortuum esse. Inde resurrexit, et nunc sedet ad dexteram Patris, et inde venturus est iudicare vivos et mortuos. Credo septem sancta Sacramenta, et praecipue Baptismum, Poenitentiam, Eucharistiam, et Extremam-Uctionem. Credo omnes resurgere debere cum corporibus suis, et denique credo omne id, quod credit S. Ecclesia catholica ro-

mana, in qua sola credo esse veram Fidem.

Actus spei. Deus meus, confisus tuis promissis, quia tu fidelis, potens, et misericors es, propter merita Iesu Christi peccatorum meorum veniam spero, perseverantiam finalem, et gloriam paradisi.

Actus amoris et doloris. Deus meus, quia tu es bonitas infinita, infinito amore dignus, toto corde meo te diligo super omnia. Et omnium peccatorum meorum, quia tuam infinitam bonitatem offendi, tota anima mea me poenitet, et displicet. Potius mori quam peccare propono, cum gratia tua, quam ut nunc mihi des et semper, te precor. Et propono sancta Sacramenta recipere in vita, et in morte.

(Benedictus XIII. omnibus, qui semel in die hos elicit actus, septem annos indulgentiae largitus est; et si per mensem integrum fiant, confessis et communicatis, iuxta mentem Pontificis orantibus indulgentiam plenariam, etiam pro defunctorum animabus, concessit: et si in fine vitae quis faciat, indulgentiam in articulo mortis).

Benedictio in articulo mortis.

Pontifex regnans anno 1747. Episcopis facultatem concessit, et eorum delegatis, indulgentiam plenariam aegrotis petentibus impertiri, postquam Poenitentiae, Eucharistiae et Extremae-Uctionis Sacramenta acceperint, aut verosimiliter quaesissent, aut si signum aliquod doloris dederint, et postea sensus amiserint. Non vero excommunicatis, et impenitentibus; nec etiam illis, qui in evidenti peccato moriuntur. Modus quo datur benedictio est hic.

Sacerdos aegroti domum ingrediens dicat: *Pax huic domui, et omnibus habitantibus in ea.* Et aspergat aquam benedictam, dicens: *Asperges me hyssopo, et mundabor; lavabis me, et super nivem dealbabor.* Postea dicat: *Miserere mei Deus secundum magnam*

miseriordiam tuam. Gloria Patri, etc. Et nihil aliud dicens, repetat antiphonam, Asperges me, etc.

Si aegrotus confessionem petit, sacerdos benigne audiat; sin vero, contritionis actum ut aegrotus eliciat, studeat, confortetque eum ad paradisi gloriam sperandam: hortetur, ut totum se offerat Deo, et pro peccatorum suorum satisfactione id quod vult Deus, ipsamque mortem accipiet. Inde dicat:

†. *Adiutorium nostrum in nomine Domini.*

℟. *Qui fecit coelum et terram.*

Antiph. *Ne reminiscaris, Domine, delicta famuli tui (vel ancillae tuae), neque vindictam sumas de peccatis eius. Kyrie eleison. Christe eleison. Kyrie eleison. Pater noster, etc.*

†. *Et ne nos, etc.*

℟. *Sed libera, etc.*

†. *Salvum fac servum tuum (vel ancillam tuam) Domine.*

℟. *Deus meus sperantem in te.*

†. *Domine, exaudi, etc.*

℟. *Et clamor meus, etc.*

†. *Dominus vobiscum.*

℟. *Et cum spiritu tuo.*

OREMUS

Clementissime Deus, Pater misericordiarum, et Deus totius consolationis, qui neminem vis perire in te credentem atque sperantem, secundum multitudinem miserationum tuarum, respice propitius famulum tuum N. quem tibi vera fides et spes christiana commendat. Visita eum in salutari tuo, et per Unigeniti tui passionem et mortem omnium ei delictorum suorum remissionem et veniam clementer indulge, ut eius anima in hora exitus sui te iudicem propitiatum inveniat, et in sanguine eiusdem Filii tui ab omni macula abluta, transire ad vitam mereatur perpetuam. Per eundem, etc.

Tunc postquam clericus dixerit, Confiteor Deo, etc., Sacerdos dicat: Misereatur, etc. Indulgentiam, etc. Et deinde:

Dominus noster Iesus Christus Filius Dei vivi, qui B. Petro apostolo suo dedit potestatem ligandi atque solvendi, per suam piissimam misericordiam recipiat confessionem tuam et restituat tibi stolam primam quam in Baptismate recepisti; et ego facultate mihi ab apostolica Sede tributa indulgentiam plenariam, et remissionem omnium peccatorum tibi concedo. In nomine Patris, etc.

Per sacrosancta humanae reparationis mysteria remittat tibi omnipotens Deus omnes praesentis et futurae vitae poenas, paradisi portas aperiatur, et ad gaudia sempiterna perducatur. Amen.

Benedicat te omnipotens Deus, † Pater, et Filius, et Spiritus sanctus. Amen.

At si infirmus esset tam morti proximis, ut tempus non suppeteret supradictis precibus, sacerdos statim impertiatur ei praefatam benedictionem, Dominus noster Iesus Christus, etc.

Benedictio Scapularis S. Mariae de Monte Carmelo.

Sacerdos conversus ad habitum dicat:

†. *Ostende nobis, Domine, misericordiam tuam.*

℟. *Et salutare tuum da nobis.*

†. *Domine Deus virtutum, converte nos.*

℟. *Et ostende faciem tuam, et salvi erimus.*

†. *Domine, exaudi orationem meam.*

℟. *Et clamor meus ad te veniat.*

†. *Dominus vobiscum.*

℟. *Et cum spiritu tuo.*

OREMUS

Caput omnium fidelium Deus, et humani generis Salvator, hunc habitum, quem propter tuum tuaeque Genitricis Virginis Mariae de Monte Carmelo amorem, atque devotionem servus tuus est delaturus, dextera tua sanctifica †: et hoc, quod per illud mystice datur intelligi, tua semper custodia corpore et animo servetur et

ad remunerationem perpetuam cum Sanctis omnibus felicissime perducat. Qui vivis et regnas in saecula saeculorum. Amen.

Deinde aspergat aquam benedictam super habitum, et postea ipsum imponat personae recipienti, dicens:

Accipe, vir devote, hunc habitum benedictum, precans SS. Virginem, ut eius meritis illum perferas sine macula, et te ab omni adversitate defendat, atque ad vitam perducat aeternam. Amen.

Deinde dicat:

Ego ex potestate mihi tradita et concessa suscipio, ac recipio te ad participationem omnium orationum, disciplinarum, precum, suffragiorum, eleemosynarum, ieiuniorum, vigiliarum, Missarum, Horarum canonicarum, ac caeterorum bonorum spiritualium, quae passim die nocteque (cooperante misericordia Iesu Christi) a Religiosis peraguntur. In nomine Patris, et Filii, et Spiritus sancti. Amen.

Benedicat te Conditor coeli et terrae Deus omnipotens, qui te eligere dignatus est ad beatæ Virginis Mariæ de Monte Carmelo societatem et confraternitatem, quam precamur, ut in hora obitus tui conterat caput serpentis, qui tibi est adversarius, et tandem tamquam victor palmam et coronam sempiternam hæreditatis consequaris. Per Christum Dominum nostrum. Amen.

Aspergatur recipiens aqua benedicta.

Benedictio Scapularis S. Mariæ septem Dolorum.

†. Adiutorium nostrum, etc.
℟. Qui fecit coelum, etc.

OREMUS

Domine Iesu Christe, qui tegmen nostræ mortalitatis induere dignatus es, obsecramur immensam largitatis tuæ abundantiam, ut hoc genus ve-

stimentorum, quod sancti Patres ad innocentiae, humilitatisque indicium in memoriam septem Dolorum B. Virginis Mariæ nos ferre sanxerunt, ita benedicere digneris, ut qui illis fuerit indultus, corpore pariter, ac anima induat te Salvatorem nostrum. Qui vivis et regnas in saecula saeculorum. Amen.

Postea sacerdos, asperso Scapulare aqua benedicta, illud recipienti imponat, dicens:

Accipe, charissime frater, habitum B. Mariæ Virginis, singulare signum servorum suorum, in memoriam septem Dolorum, quos ipsa in vita et morte Unigeniti Filii sui sustinuit, ut ita indutus sub eius patrocinio perpetuo vivas.

Benedictio Dei omnipotentis †, Patris, et Filii, et Spiritus sancti descendat super te, et maneat semper. Passio Domini nostri Iesu Christi, et compassio beatæ Mariæ Virginis sit in corde et corpore nostro. Amen.

Benedictio Scapularis Conceptionis immaculatae Dei Matris.

†. Adiutorium nostrum in nomine Domini.

℟. Qui fecit coelum et terram.

†. Dominus vobiscum.

℟. Et cum spiritu tuo.

OREMUS

Domine Iesu Christe, qui tegmen nostræ mortalitatis induere dignatus es, tuæ largitatis clementiam humiliter imploramus, ut hoc genus vestimenti, quod in honorem et memoriam Conceptionis immaculatae beatæ Mariæ Virginis (necnon, ut illo indutus exoret) in hominum, pravorum morum reformationem institutum fuit, benedicere digneris, ut hic famulus tuus, qui eo indutus fuerit, eadem beata Maria Virgine intercedente, te quoque induere mereatur. Qui vivis et regnas, etc.

Postea sacerdos, asperso Scapulare aqua benedicta, imponat recipienti, dicens:

Accipe, frater, Scapulare beatæ Mariæ Virginis immaculatæ, ut, ea intercedente, vetere homine exutus, ab omni inquinamento mundatus, ipsum perferas sine macula, et ad vitam pervenias sempiternam. Amen.

Et ego ex facultate mihi tradita recipio te in participationem bonorum

spiritualium, quæ in nostra congregatione gratia Dei sunt, et quæ per sanctæ Sedis apostolicæ privilegium concessa sunt. In nomine Patris Φ , et Filii, et Spiritus sancti. Amen.

Si infirmus nunquam acceperit aliquod Scapulare, vel aliquod ex iis, de quibus supra sermonem fecimus, curet sacerdos qui facultatem habet, ut infirmus tunc recipiat, ut indulgentias lucretur

APPENDIX III.

EXAMEN ORDINANDORUM

AB EODEM AUCTORE BREVITER CONCINNATUM EX EADEM SUA THEOLOGIA MORALI
RES SCITU MAGIS NECESSARIAS CONTINENS

CAPŪT I.

DE SACRAMENTIS IN GENERE

1. Quid sit Sacramentum.
2. Quæ requirantur ad constituendum Sacramentum? An circumcisio etc.
3. Quæ sint Sacramentalia.
4. Distinguuntur Sacramenta.
5. Qu. I. Quæ requirantur ad essentialiam. De materia.
6. De forma; et de connexione materiae cum forma.
7. De mutatione substantiali, aut accidentali.
8. De Sacramento sub conditione. Si cum forma, aut materia dubia, vel mixta. Interruptio formæ.
9. De intentione ministri, et suscipientis.
10. Qu. II. De ministro.
11. An debeat esse in gratia.
12. Si sit laicus, aut ministret non solemniter; an sufficiat contritio.
13. Si absolvat in mortali; si ministret Eucharistiam: si celebret Missam.
14. Si subdiaconus, aut diaconus ministret solemniter.
15. Si ministret indigno.
16. Simulare administrationem Sacramenti.
17. Simulare susceptionem.
18. An minister debeat intendere quod facit Ecclesia.
19. Qu. III. Quid requiritur ad valide et licite Sacramenta suscipienda.
20. An liceat petere ab excommunicato, vel peccatore.

21. An dare pecuniam pro administr. Sacramenti.

22. et 23. Effectus Sacram., et I. de gratia.

24. II. De characterē.

1. Sacramentum, generaliter loquendo, significat mysterium, sive rem occultam; Sacramentum vero in Ecclesia christiana sic definitur: *Est sensibile signum invisibilis gratiæ ad populum Dei sanctificandum, a Christo institutum.* Dicitur *Signum sensibile* scilicet signum externum in materia sensibus subiecta. *Invisibilis gratiæ*, quia Sacramentum significat gratiam quam causat invisibiliter, scilicet ex opere operato, sive per se, modo suscipiens sit dispositus. *A Christo institutum*, quia iuxta sententiam probabiliorē, Christus etiam ut homo Sacramenta instituit ex potestate quæ dicitur *excellentiæ* (1).

2. Tria igitur ad Sacramentum constituendum requiruntur, 1. Signum externum, 2. Promissio gratiæ, 3. Institutio Christi, cum omnia Sacramenta ex Christi passione vim habeant.

Dubitatur an circumcisio fuerit olim verum Sacramentum, conferens gratiam ex opere operato? Affirmat (1) vidē opus morale I. 6. n. 1. 2. et 3.

Scetus; sed communiter id negant dd.; nam circumcisio operabatur sanctitatem tantum externam, non autem internam; commune tamen est quod fuerit verum Sacramentum (1).

3. Sacramentalia autem sunt quaedam actiones sacrae ab Ecclesia institutae, prout sunt aqua lustralis, benedictiones rerum, consecrationes, et similia. Haec non habent per se vim remittendi peccata, sed tantum impetrandi auxilia divina ad eliciendos actus bonos, quibus postea peccata remittuntur (2).

4. Multipliciter distinguuntur Sacramenta. *Primo*, alia sunt necessaria necessitate *medii*, ut sunt Baptismus pro omnibus, Poenitentia pro lapsis in mortale, et Ordo pro iis qui Sacramenta Eucharistiae et Poenitentiae ministrant: etiam Eucharistia (iuxta probabiliorum sententiam), saltem in voto implicito (3). Alia necessitate *praecepti*, ut sunt Confirmatio, iuxta probabilem sententiam, licet opposita Nav. Suar. Soti Laym. Roncagl. Wigandt ex d. Thoma (4), et aliorum etiam sit probabilis (5); et *Extrema-Unctio*, iuxta probabiliorum sententiam, omnino suadendam (6). *Secundo*, alia sunt Sacramenta *iterabilia*, ut Eucharistia, Poenitentia, Extrema-Unctio, matrimonium; alia sunt *initerabilia*, ut Baptismus, Confirmatio et Ordo, propter characterem quem indelebiter imprimunt. *Tertio*, alia sunt Sacramenta *mortuorum*, ut Baptismus et Poenitentia, quia primam conferunt gratiam, et supponunt animam mortuam, id est gratia carentem: alia *vivorum*, quae aliquando per accidens dant etiam primam gratiam, nimirum casu quo aliquis attritus, bona fide putans se contritum, illa suscipit, et docent probabiliter Lugo Suar. Con. Caietan. Croix Salm. Castrop. et alii plures ex d. Thoma contra alios, ex communi (7). *Quarto* alia sunt *for-*

mata, id est cum effectu gratiae; alia *informia*, scilicet sine collatione gratiae, quae est Sacramenti forma. An autem detur Sacramentum Poenitentiae validum et informe, id est sine gratia? Alii negant; sed communiter et verius alii affirmant. Casus esset nimirum si quis acciperet absolutionem ab aliquo mortali peccato cum attritione concepta tantum ex turpitudine supernaturali illius peccati, et cum oblivione inculpabili alterius peccati mortalis. (*Qui vult videre hanc quaestionem cum omnibus suis rationibus enucleatam, observet Tr. 16. n. 18.*)

5. Quaeritur 1. Quae requirantur ad essentiam Sacramenti? Tria requiruntur, materia, forma et intentio. *Materia* est res corporea et sensibilis, quae suscipienti applicatur, v. g. aqua, chrisma, oleum sanctum, etc. Et haec est materia *remota*, nam *proxima* est ipsa applicatio materiae, ut ablutio, unctio, etc.

6. *Forma* sunt verba prolata a ministro. Ut autem Sacramentum valeat, requiritur connexio, sive similitudo materiae et formae, scilicet ut materia applicetur antequam prolatio formae terminetur, vel postquam prolatio formae sit incepta. Sententia autem quod sufficiat applicare materiam immediate ante vel post prolationem formae, est tantum probabilis, non autem moraliter certa, uti requiritur, ubi agitur de valore Sacramenti, ex propos. 1. damn. ad Innoc. XI., ideoque non est practice probabilis. Excipiuntur tamen Sacramenta Poenitentiae et matrimonii, quae valent etiamsi interponatur aliqua mora inter materiam et formam (8).

7. Si mutetur substantialiter materia, nempe applicetur vinum pro aqua, vel mutetur forma, nempe si verba non habeant eundem sensum, puta dicendo, *Te aspergo*, pro *Te baptizo*, invalidum est Sacramentum.

(6) n. 733. v. quaeritur. (7) n. 6. et 83. (8) n. 9. et ib. v. in poenit.

(1) lib. 6. n. 4. (2) n. 90. ad 94.

(3) n. 192. (4) in 3. p. q. 72. a. 1. ad et a. 8. ad 4. (5) l. 6. n. 181.

Secus si mutatio est accidentalis, scilicet si aqua sit calida, aut decocta, aut si dicas: *Ego te baptizo in nomine Patris et filias etc.*, ut habetur ex c. *Retulerunt de Consecr. dist. 4. Vel in nomine patris omnipotentis etc.* Sic tamen mutans non excusaretur a peccato gravi (1).

8. In casu necessitatis, vel magnae utilitatis, bene possunt conferri sub conditione (saltem mente referta) Sacramenta, non solum characterem imprimentia, ut est certum ex c. 2. *de Bapt.*, sed etiam alia, si non possit haberi materia nisi dubia; ita Suarez Castrop. Habert. Bon. Roncagl. Salm. et alii communiter, contra lumen. et Antoine (2). An autem minister possit uti materia, aut forma dubia, si ad id cogatur metu mortis? probabiliter potest, nisi cogatur in contemptum religionis; ita Sanchez Coninch. Si in materia propria misceatur extranea in maiori, vel aequali parte, materia est inepta; secus si in minori; ita s. Thoma (3). Interruptio formae si est modica, non officit valori Sacramenti. Secus si talis sit, ut verba non constituent unum sensum (4). Non licet autem formam repetere, nisi adsit probabile dubium, quod forma invalide fuerit prolata (5). Alii dicunt aliquas Sacramentorum materias et formas fuisse a Christo in genere determinatas et relictas Ecclesiae, ut ipsa in particulari determinaret. Sed probabilius alii docent omnes fuisse a Christo determinatas in substantia. Unde si aliqua invenitur inter novam et priscam Ecclesiae consuetudinem differentia circa materias et formas, mutatio illa censetur tantum accidentalitatis (6). (*Vide hanc quaestionem ad trutinam revocatam Tr. 17. n. 15.*)

9. Demum ad essentiam Sacramenti requiritur intentio ministri, et quidem actualis, vel saltem virtua-

lis. Intentio actualis est ea, quae actu habetur; virtualis autem, quae permanet in virtute actionis, quam minister exequitur ex intentione actuali prius habita; ad differentiam intentionis habitualis, quae aliquando est habita, et non est retractata (7). Haec autem habitualis non sufficit in ministro, sed bene sufficit in suscipientibus Sacramenta; atque in necessitate, etiamsi ipsi sint dormientes, aut ebrii, aut ceciderint in amentiam postquam iam habuerint intentionem illa suscipiendi, ut communissime docent Lugo Castropal. Salm. et alii plures cum d. Thoma (8), et patet ex c. *Maiores*, §. *Verum, de Baptis.*, et etiam ex *Instruct. de Bapt.* data a Benedicto XIV. incipiente *Postremo mense* (in *Bull. tom. 2. num. 46. Edit. Mechl. tom. 5. p. 6.*). Imo quoad Extremam Unionem et etiam Confirmationem satis est pro suscipientibus adhuc interpretativa, id est ea quam suscipiens non habet tunc, nec unquam habuit, sed haberet si rem adverteret (9).

10. Quaeritur 2. quis sit minister Sacramentorum? Quoad Ordinem solus Episcopus est minister (10) et quoad confirmationem ipse est minister ordinarius, nam extraordinarii possunt esse etiam simplices sacerdotes (11). Aliorum autem Sacramentorum solus sacerdos est minister, excepto matrimonio (12), et etiam Baptismo in necessitate; in ea enim possunt etiam laici, et adhuc haeretici baptizare (13).

11. Ad valide autem ministranda Sacramenta, non est opus, ut minister sit in gratia, nam peccatores etiam valide ministrant. Non vero haeretici, nec excommunicati vitandi respectu ad Sacramentum Poenitentiae. Vide dicta *Tr. 16. n. 92.* Ad licite tamen ministrandum requiritur status gratiae; sed in extrema necessitate, si minister non posset tam cito con-

(1) l. 6. n. 11. (2) n. 28. et 29.

(3) 3. p. q. 74. a. 3. ad 3. (4) l. 6. n.

11. ad 3. (5) n. 224. v. adv. ndum.

(6) n. 12. (7) n. 15.

(8) in 4. dist. 6. q. 1. a. 2. et q. 3. ad 2.

(9) l. 6. n. 81. et 82. (10) n. 761.

(11) n. 170. (12) n. 897. (13) n. 113

literi, probabiliter a culpa excusatur si ministrat; ita Sot. Suar. Tolet. Caiet. Armil. Valent. Anacl. (1). Nunquam autem excusatur parochus, aut oeconomus: hi enim debent esse semper parati ad ministrandum. Celebrans autem in mortali quatuor mortalia committit, 1. quia indigne consecrat, 2. quia indigne sumit, 3. quia indigne ministrat, et 4. quia ministrat indigno, qui est ipso idem (2).

12. Queritur, an peccet graviter qui existens in mortali ministrat Sacramentum in necessitate, si ad illud non est ordinatus, ut laicus matrimonium contrahens, aut baptizans; vel si est ordinatus, sed ministrat non solemniter? Alii probabiliter negant, ut Conc. Tourn. Nat. Alex. et alii ex d. Thoma (3); sed probabilius affirmant Contin. Tour. La-Croix Antoine Lug. Pont. Vasq. Nav. etc., quia semper Sancta sancie tractanda sunt (4). Minister autem solemniter ministraturus Sacramenta, si est in mortali, sufficit, ut eliciat certum actum contritionis (5); celebraturus vero Missam, debet confessionem praemittere: excepto casu quo ex necessitate ex una parte deberet celebrare, et ex alia non adesset copia confessarii, sed tunc post celebrationem debet quamprimum confiteri, ut praecipit Trid. *Sess. 13. cap. 7. de Euch.* (6). Vido dicta *de Euch. Tr. 15. ex n. 22.*

13. Confessarius tantum audiens confessionem in mortali, probabilius est cum Lugo Spor. Salmant. Elbel. Croix et aliis, quod non peccet graviter, quia non conficit Sacramentum. Si vero absolvit plures poenitentes, etiam successive, in statu peccati mortalis, plura mortalia committit, quia plura Sacramenta distincta ministrat (7). Sacerdos item, aut diaconus ministrans Eucharistiam in mortali, mortaliter peccat, quia proxime

concurrit ad sanctificationem communicantium; ita tenendum cum pluribus, contra alios (8). Celebrans autem in mortali, si pluribus Eucharistiam ministrat, probabilius unum mortale committit, quia ministratio illa, et Communio est unica actio moralis, unicumque convivium (9).

14. Diaconi et subdiaconi, si ministrant in altari existentes in mortali, iuxta plures probabiliter peccant graviter; sed iuxta communio-rem sententiam, et satis probabilem id negatur; quia non conficiunt, nec ministrant Sacramentum, nec exercent functiones proxime ordinatas ad sanctificationem animarum (10). Conciator item qui praedicat in mortali, non peccat graviter, ut communis et probabilius docent Gonet Lugo Castrop. Bon. Vasq. Salm. Croix et alii (contra Merbes. Iuvenin. etc.); non enim exercet ordinem, sed officium annexum Ordini, quod per se non causat gratiam ut causant Sacramenta (11).

15. Peccat graviter minister, si dat Sacramentum indigno petenti occulte secus autem si ille sit peccator occultus, et publice petat (12). Notandum vero, quod Episcopus etiam ob occulta peccata potest denegare alicui collationem Ordinis, licet publice ille petat, ex Trid. *sess. 14. c. 1. de Reform.* ubi dicitur teneri clericum obedire Praelato vetanti susceptionem Ordinis propter occultum crimen. Nec tenetur tunc Episcopus causam manifestare, cur repellat Ordinandum, ut pluries declaravit S. C. Concilii (13). An autem confessarius possit absolvere Ordinandum recidivum in culpis gravibus, qui vult sacrum suscipere Ordinem sine praevia probatione, vide dicta *Tract. 7. ex n. 48. et Tr. ult. n. 16. et 17.*

16. Non licet ministro etiam ob metum mortis simulare administrationem Sacramenti, ex prop. 29. 50. quae. 6. (8) l. 6. n. 35. (9) ibid.

(10) n. 37. et 38. (11) n. 40. v. quae-ritur autem. (12) n. 43. ad 51. (13) n. 52.

(1) vide l. 6. n. 33. et Cabrin. Luc. Moral. p. 2. tr. 41. n. 56. (2) n. 35. v. hinc. (3) 3. p. q. 64. a. 6. ad 3. (4) l. 6. n. 32. (5) n. 34. (6) n. 255. (7) l. 5. n.

proscripta ab Innoc. XI. Tunc autem censetur minister simulare administrationem, cum proferit formam sine intentione, aut aliquid aliud pronuntiat, ad hoc, ut alii credant ipsum iam conferre Sacramentum; unde alias licite potest confessarius aliquam recitare orationem super poenitente indisposito, non iam, ut alii credant, absolutionem illi ministrari, sed tantum ad occultandam absolutionis negationem: tunc enim non simulat Sacramenti administrationem, sed tantum veritatem occultat (1). Praeterea ait Card. bene posse confessarium, cum poenitens minatur ei mortem si non absolvat, dicere, *Ego te non absolvo*, submisce pronuntiando verbum *non*, quia haec non est restrictio pure mentalis (ut obiicit Viva), dum confessarius non tenetur efficere, ut poenitens audiat verba absolutionis; et ideo non habet ille ius, ut confessarius omnia verba formae intelligibiliter proferat (2).

17. Sicut autem non licet ministro simulare Sacramenti administrationem, ita nec etiam alii Sacramenti susceptionem, ut dicunt Card. Croix et Gormaz. Hoc tamen non prohibet, quominus liceat alicui accedere ad confessionarium, ibique genuflectere ad aliquod negotium agendum. Praeterea aiunt communiter Sanch. Conc. Castrop. Carden. Viva Croix, alique plures, contra Milante, quod si aliquis sponsorum cogitur contrahere per iniustum metum, vel habens impedimentum dirimens, ad evitandum scandalum, tunc poterit ille, (saltem sine gravi culpa) simulare celebrationem matrimonii; tunc enim, deficiente consensu, deficit contractus, et deficiente contractu, nec etiam existit Sacramentum (3).

18. Minister invalide ministrat Sacramentum, si non intendat facere per actum externum quod facit Ecclesia, ritumque sacramentalem adhibere quem intendit Ecclesia, a Christo

institutum; et hoc etiamsi minister, non ioco (ut adhuc insipienter admitterebat Lutherus), sed serio ministret, ut probavimus *Tr. 14. n. 2.* et vide in Morali (4). Si vero id iam intendat, valide ministrat, etiamsi non habeat intentionem explicitam conferendi Sacramentum. Dico *non habeat intentionem explicitam*; nam si positive haberet intentionem non conferendi Sacramentum, tunc neque conferret, quia tunc revera nullam haberet intentionem faciendi quod facit Ecclesia (5). Sacerdos autem conficiens Sacramentalia, puta aquam benedictam, in mortali, non peccat graviter (6).

19. Quaeritur 3. quid requiritur, ut quis valide et licite Sacramenta suscipiat? Ut valide suscipiat requiritur 1. Ut sit baptizatus, nam alias non est capax aliorum Sacramentorum. 2. Excepto Sacramento Baptismi pro quo nulla requiritur intentio in pueris, et perpetuo amentibus, cum in eis suppleat intentio Ecclesiae; in aliis vero Sacramentis opus est ut suscipiens saltem habuerit prius intentionem (quae dicitur habitualis) suscipiendi Sacramentum, et eam non revocaverit, ut supra diximus n. 9. Hinc si quis ordinetur per vim, invalide ordinaretur; secus si per metum, quia metus non tollit voluntarium. Probabilissimum est, quod Sacramenta in periculo mortis licite conferri possunt tam ebriis, quam lapsis in amentiam, si prius intentionem habuerint illa suscipiendi; ita Lugo Castropal. Salm. Croix Cardin. Lambertinus, etc. ex d. Th. et cap. *Maiores*, § *Verum de Bapt.* (7). Sufficit etiam tempore mortis intentio interpretativa in suscipiente sensibus destituito quoad Sacramenta Extremae-Uctionis, ut habetur ex Rituali, et etiam Confirmationis et Eucharistiae, ut aiunt Lugo Coninc. Sporer Croix etc., non vero quoad Baptismum et Ordinem; et tanto minus quoad Poenitentiam, et matri-

(1) l. 6. n. 59. (2) ib. v. e converso.
(3) n. 60. (4) n. 20 ad 24 (5) ib. n. 22
(6) n. 40. (7) n. 81. v. utrum.

monium, in quibus omnino requiritur intentio actualis, aut saltem virtualis (1). Ut licite autem quis suscipiat Sacramenta, requiritur conveniens dispositio, nempe status gratiae, unde si quis est in mortali, debet saltem esse contritus cum proposito confitendi. Imo ad recipiendam Eucharistiam requiritur praevia confessio; nisi necessitas urgeat, et non adsit copia confessarii, quo casu debet sacerdos qui celebravit (ut diximus n. 12.) quamprimum confiteri, ex *Trid. sess. 13. c. 7. de Euch.* Necessitas autem erit 1. ob dandum Viaticum. 2. Ob vitandam infamiam aut scandalum. 3. Si ille est parochus et occurrat festum de praecepto. 4. Si celebrans post consecrationem recordetur mortalis culpa (2). Insuper advertendum quod suscipiens Sacramentum Poenitentiae sine dispositione, non solum illicite, sed etiam invalide suscipit, dum contritio poenitentis est etiam materia huius Sacramenti. Respectu vero ad alia Sacramenta, si quis indispositus ea suscipit, valide suscipit; ita ut recedente fictione, sive obice peccati, illa reviviscunt; id est gratiam conciliant ut docent plures ex d. Thoma (3).

20. Quaeritur IV. an liceat petere Sacramenta a ministro peccatore, vel excommunicato? Non licet a peccatore (quamvis sit parochus, quidquid aliqui dicant), nisi adsit iusta causa; sufficit autem gravis utilitas (4), ut communissime docent Suar. Sanch. Scot. Pal. Tol. Anacl. Holzm. Salm., etc. Hinc dicunt licite peti, 1. si urgeat praeceptum confessionis, aut Communionis, aut Missae, aut si occurrat indulgentia lucranda. 2. Si alias carere debeas iubilaeo. 3. Si maneres alias in mortali, etiam per horam, ut dicunt Suar. et Escob. 4. Si diu carere debeas fructu Communionis, aut confessionis, etc. Absolute

vero sine alia causa licet recipere Sacramentum ab excommunicato, si sit toleratus, quia absolute concessum est a Concilio Constantiensi fidelibus posse communicare cum toleratis (5). A vitando autem nec etiam in mortali licet suscipere Poenitentiam, quia (ut diximus n. 11.) vitandus etiam in extrema necessitate invalide eam ministrat.

21. Quaeritur V. an possit dari pecunia pro administratione Sacramenti, si minister nolit dare gratis? Videtur negare s. Thomas (6), dum tradit quod adultus neque in articulo mortis potest aliquid ministrare pro obtinendo Baptismo, dicens tunc ei sufficere ad salutem Baptismum flammis. Sed quaecumque sit intelligentia huius doctrinae angelici doctoris, communiter Bon. Salm. et Ronc. (7) cum Suar. Less. Sanch. Laym. Castr. et aliis affirmant posse dari pecuniam in extrema, et etiam in gravi necessitate Sacramenti. Ratio, quia ex una parte traditio pecuniae non est intrinsece mala, ipsa enim est cooperatio materialis, non formalis, cum non cooperetur pravae voluntati ministri, iuxta dicta *Tr. 4. n. 31. et 52.* ex alia ipse suscipiens non committit simoniam, cum non tradat pecuniam ad emendum Sacramentum, sed tantum ad redimendam vexationem ministri Sacramentum iniuste deegantis; et ideo dat temporale pro remere temporali: tantoque magis id currit, si suscipiens est fidelis, quia tunc habet ius ad Sacramentum, dum idem d. Thomas (8) docet, post ius quaesitum licere cuivis dare pecuniam ad tollendum iniustum impedimentum. Idque admittunt Suarez Filliuc. et Croix, non solum pro obtinendo Baptismo et Poenitentia, sed etiam Viatico; et Bonacina extendit etiam ad Extremam-Uctionem.

22. De effectu Sacramentorum. Duplex est Sacramentorum effectus, col-

(1) l. 6. n. 82. (2) n. 255. (3) n. 87.

(4) n. 89. (5) n. 88.

(6) 2. 2. q. 100. a. 2. ad 1.

(7) Bon. de Sim. d. 1. q. 4. §. 1. n. 2.

Salm. tr. 19. cod. tit. c. 2. n. 12. Ronc. cod. tit. p. 211. in Pracc. n. 3.

(8) 2. 2. q. 100. a. 2. ad 5.

latio gratiae, et impressio characteris. Primus ergo effectus est gratia: duplex autem gratia confertur in Sacramentis, gratia *sanctificans*, nempe quae reddit hominem amicum Dei; et gratia *sacramentalis*, quae est propria et peculiaris uniuscuiusque Sacramenti, ad causandum effectum proprium Sacramenti illius, nempe Baptismi, ad abluendum a culpis; Confirmationis, ad roborandum in Fide; Eucharistiae, ad reficiendam animam; Poenitentiae, ad delenda peccata; Extremae-Uctionis, ad vim conferendam adversus daemones tentationes, in extremo agone: Ordinis ad conferenda auxilia, ut ordinatus recte sua munia exerceat; et matrimonii, ut coniuges illius onera et obligationes bene sustineant et adimpleant.

23. Sacramenta in suscipiente disposito causant gratiam *ex opere operato*, id est ex se, non *ex opere operantis*, scilicet ex merito suscipientis. An autem causant physice, ita ut materia Sacramenti, nempe aqua, oleum, etc. licet sit causa tantum naturalis, eleveetur tamen a Deo ad causandam gratiam, uti docet divus Thomas? Vel tantum moraliter, ita ut, posito Sacramento, Deus per se conferat gratiam, ut vult Scotus? Utraque sententia est probabilis (1). Sacramenta autem mortuorum, ut Baptismus et Poenitentia, per se habent causare primam gratiam. Alia vero Sacramenta, quae sunt vivorum, tantum augmentum gratiae causant; sed aliquando in attritis, qui reputant se contritos, causant etiam primam gratiam, ut docet d. Thomas de Eucharistia et de Extrema-Uctione, et sequuntur Gonet Concina Ronc. Suar. Bon. Salm. etc. (2).

24. Alter effectus Sacramentorum est character. Character autem est quoddam *signaculum spirituale indelebile, impressum in anima suscipientis Sacramentum*. Illud imprimitur tantum in Baptismo, Confirmatione, et Ordine; et significat potestatem, sive dignitatem ex huiusmodi Sacra-

mentis susceptam: in Baptismo enim est signum *ovium Christi*, quo fideles efficiuntur idonei ad alia Sacramenta recipienda; in Confirmatione est signum *militum Christi*, quo vim accipiunt ad Fidem constanter profitendam; in Ordine est signum *minorum Christi*, quo potestatem acquirunt ad Sacramenta fidelibus ministranda. Imprimitur autem character etiam in Sacramento illicite suscepto, nec amittitur per peccatum. Notandum insuper, quod ex Baptismo et Confirmatione oritur alius effectus, nempe impedimentum cognationis spiritualis, quae dirimit matrimonium inter baptizantem et baptizatum, baptizatique patrem et matrem. Item inter susceptorem (sive patrum) et susceptum, susceptique patrem et matrem.

CAPUT II.

DE SACRAMENTO ORDINIS IN GENERE.

25. *Quid sit Ordo.*
26. *Quid ordinatio.*
27. *Quot sint Ordines et an episcopatus sit Ordo distinctus.*
28. *An singuli Ordines sint Sacramenta*
29. *Quaenam materia, et forma Ordinis; et de tactu physico, et simultaneo.*
30. *Quis minister.*
31. *Effectus.*
32. *Requisita, ut quis valide ordinetur.*
33. *Ut autem licite, requiritur, I. Confirmatio. II. Ut non sit infamis, etc. An protestatio Episcopi, etc. III. Animus clericandi IV. Ut ab Episcopo proprio, etc.*
34. *Quis sit Episcopus proprius. Regulares a quo, etc. remissive.*
35. *et 36. V. Scientia.*
37. *et 38. VI. Titulus; et quotuplex sit titulus.*
39. *De patrimonio facto.*
40. *VII. Ut Ordo inferior suscipiatur ante superiorem. VIII. Tempus debitum.*
41. *et 42. IX. Interstitia.*
43. *et 44. X. Locus XI. Aetas.*
45. *XII. Exercitium Ordinis suscepti. XIII. Vocatio divina.*
46. *Qui incurrant suspensionem, etc.*
25. Ordo est, iuxta d. Thomam,

(1) lib. 6. n. 7. (2) n. 6.

Homo Apostolicus

signaculum Ecclesiae, quo traditur ordinato potestas spiritualis. Est de fide Ordinem esse Sacramentum, ut patet ex Trid. sess. 23. can. 3. Nam in Ordine iam reperiuntur tria requisita ad Sacramentum, nempe signum externum, quod est impositio manuum: institutio Christi, prout habetur ex Luc. 22. 19. Hoc facite in meam commemorationem: et promissio gratiae, ut habetur ex apost. 2. Tim. 1. 6. Admoneo te, ut resuscites gratiam, quae in te est per impositionem manuum mearum.

26. Differt autem Ordo ab ordinatione. *Ordo* est ipsa potestas tradita: *ordinatio* vero est actio, qua Episcopus potestatem tradit. Unde presbyteratus est Sacramentum in fieri, scilicet in actu ordinationis, non autem in facto esse, scilicet cum quis iam ordinatus est.

27. Septem sunt Ordines, alii minores, alii maiores. Minores sunt quatuor, nempe *ostiarius, lectoratus, exorcistatus, et acolythatus*. Maiores sunt tres, nempe *subdiaconatus, diaconatus, et presbyteratus*. Praeter hos probabiliter plures dd. addunt Ordinem episcopatus, et ita quidem valde probabiliter et communis tenent Bellarm. Sanch. Habert Tourn. etc.; cum ipse rationabiliter distinguatur a presbyteratu propter distinctam potestatem, quae traditur Episcopo conferendi aliis potestatem consecrandi corpus Christi, et absolvendi fideles a peccatis (1).

28. Quaeritur 1. an singuli Ordines sint Sacramenta? Quod sacerdotium sit Sacramentum, est de Fide. Quod etiam diaconatus Sacramentum sit, est certum, sed non de Fide. Quod alii autem Ordines sint adhuc Sacramenta, satis probabile est ex d. Thoma, cum unicuique Ordini assignata videtur materia et forma. Omnes autem septem Ordines (iuxta hanc sententiam) unum tantum Sacramentum constituunt ex unitate finis, cum singuli sint ordinati ad unum Missae Sacrificium conficien-

dum; et omnes supponuntur instituti a Christo illis verbis: *Hoc facite in meam commemorationem*. In ordine enim sacerdotii alii vel continenter eminenter, ut sunt Ordines inferiores, vel consequenter respectu ad episcopatum. Verumtamen probabilius est alios ordines (praeter presbyteratum et diaconatum, ut diximus) non esse Sacramenta; quia deest in illis materia, nempe impositio manuum, quam (ut mox dicemus) probabilius est esse unicam materiam Ordinis, deestque etiam forma, quae exprimat productionem gratiae, dum in collatione praefatorum Ordinum non fit mentio gratiae, sed tantum potestatis quae traditur (2). De hac quaestione fusius dictum est Tr. 17. n. 14.

29. Quaeritur 2. Quenam est materia et forma Ordinis? Tres sunt sententiae: 1. tenet materiam Ordinis esse solam traditionem instrumentorum: sed haec non est satis probabilis. 2. Tenet materiam proximam esse duplicem integram, scilicet traditionem instrumentorum, qua traditur potestas super Corpus reale Iesu Christi ad sacrificandum, cum forma: *Accipe potestatem, etc.*, et impositionem manuum, qua traditur potestas super corpus mysticum ad peccata absolvenda, cum forma: *Accipe Spiritum sanctum, etc.* Materia autem remota (iuxta hanc sententiam) sunt manus Episcopi, et instrumenta quae ad tangendum ab eo traduntur. 3. Probabilior tenet materiam unice esse impositionem manuum formamque esse orationem quam profert Episcopus (Quomodo hoc probatur, vide quae dicta sunt in cit. Tr. 17. n. 16.). Attamen quia secunda sententia est etiam probabilis, nempe duplicem esse materiam Ordinis, scilicet impositionem manuum et traditionem instrumentorum, ipsa omnino in praxi sequenda est. Unde necessario requiritur in ordinatione tactus instrumentorum, et tactus quidem physicus, cum probabile etiam

(1) vide l. 6. n. 738. (2) n. 736. et 737.

sit **moralem non sufficere**; sufficit vero tangere cum sola manu, vel digito (1). Non oportet autem (diximus n. 6.) ut contactus fiat a principio prolationis formae usque ad finem; sed sufficit si fiat antequam forma terminetur, vel postquam illa sit incoepta. Forma autem sunt verba quae profert Episcopus ordinans, cum manus imponit, et instrumenta tradit, ut supra dictum est. Sedulo hic rursus notandum 1. quod in ordine sacro conferendo materia tradenda est ab eodem Episcopo, qui formam profert; secus in collatione Ordinum minorum; ita d. Thom. (2) et alii. Notandum 2. quod si conferantur Ordines ab uno Episcopo, alio tamen celebrante, ordinatio erit valida, sed illicita, ut declaravit Innoc. XIII. apud Benedict. XIV. (3).

30. Quaeritur 3. Quis sit minister Ordinis? Minister ordinarius huius Sacramenti est tantum Episcopus. Potest vero Pontifex simplici sacerdoti potestatem impertiri conferendi Ordines minores, prout eam habent Abbates mitrati, sed habent pro suis subditis tantum regularibus professis, vel novitiis, non autem pro saecularibus, ut hodiè certum est ex Decreto S. C. Concilii approbato ab Urbano VIII. Qui iussit illud *inviolabiliter observari, reprobata omni contraria opinione* (4); vide dicta in *Tr. 20. de Privil. n. 117.* Saeculares autem ab Abbatibus ordinati, si sint eis subditi, vel habeant dimissoriales litteras a propriis Ordinariis ad ipsos, illicite quidem ordinantur, et suspensionem incurrunt; sed valide ordinantur, ut declaravit S. C. Vide dicta eod. *Tr. 20. n. 120.*

31. Quaeritur 4. quinam sint effectus Ordinis? Sunt tres, 1. collatio gratiae *sanctificantis*, scilicet quae confertur in omni Sacramento, ut diximus n. 22., et gratiae *sacramentalis*, nempe specialis auxilii ad Ordinem bene exercendum.

(1) lib. 6. n. 739. (2) suppl. q. 38. a. 1. ad 2. (3) de Syn. l. 8. c. 11. n. 6. et 7. (4) lib. 6. n. 761. 763. et 764.

2. Collatio potestatis exercendi functiones Ordinis, qui suscipitur. 3. Impressio characteris indelebilis, ob quod nullius Ordinis collatio iterari potest.

32. Quaeritur 5. quae requirantur, ut quis valide et licite ordinetur? Ut valide ordinetur, requiritur, 1. ut sit viator. 2. Ut sit mas; foeminae enim non sunt capaces Sacramenti Ordinis. 3. Ut sit baptizatus. 4. Ut habeat intentionem saltem habitalem (iuxta n. 9.) suscipiendi Ordinem.

33. Ut autem licite ordinetur, requiritur, 1. ut sit *confirmatus*: sed hoc non sub praeepto gravi, ut vult communis sententia (5). Quoad obligationem vero cuiusque fidelis suscipiendi Confirmationem, vide dicta *Tract. 14. n. 47. in fin.* 2. Non sit neophytus, aut infamis, aut irregularis. Dubitatur hic, an aliquis irregularitate irretitus valide ordinetur, si Episcopus protestationem praemittat (ut consuetum est) nolle ordinare irregulares, excommunicatos, etc.? Respondeo, in dubio (quicquid alii dicant) omnino dicendum, quod ordinatio repetenda est; nisi constet Episcopum verba illa protulisse tantum ad terrorem, ac suam intentionem protestationi minime alligasse (6). 3. Requiritur *animus clericandi*, ut praescribitur in *Trid. sess. 25. cap. 4.*, scilicet ascendendi ad Ordines superiores. Hoc tamen intelligendum procedere, cum quis acceptat beneficium ad quod requiritur sacerdotium, vel alius Ordo sacer (7). 4. Requiritur, ut *quisque ordinetur a proprio Episcopo*, vel ab alio, sed cum litteris dimissorialibus Episcopi proprii, si hic est impeditus ex infirmitate, aut alia iusta causa. Capitulum vero Sede vacante hodie (quicquid fuerit antiquitus) nequit dare alicui dimissorias, nisi ille sit arcatus ad Ordinem suscipiendum ob aliquod beneficium requirens obsequium personale (8).

34. Proprius autem Episcopus di-

(5) n. 786. (6) n. 784. v. quaer. hic. (7) n. 785. (8) n. 788.

citur vel ratione originis, vel domicilii, vel beneficii, ac familiaritatis. Et 1. debent Ordines suscipi ab Episcopo *originis*, si ordinandus in eius dioecesi natus est, et parentes tempore nativitatis ibidem domicilium habuerint; nam si casu alicubi natus esset, et parentes alibi domicilium habuerint, tunc dicitur *oriundus*, et ordinari debet ab Episcopo loci, ubi parentes domicilium habent. 2. Ratione *domicilii* bene ordinatur, qui in aliquo loco habitationem suam constituit, cum animo ibi perpetuo manendi. Hic autem animus probatur vel per habitationem decennii, vel per aedificationem domus cum asportatione maioris partis bonorum, degendo ibi simul per aliquod notabile tempus, ut habetur in Bulla *Speculatores* (1). 3. Ratione *beneficii*, licet aliquis alibi natus fuerit, et domicilium habeat, bene potest ordinari ab Episcopo, in cuius dioecesi beneficium sufficiens ac congruam sustentationem possidet, obtentis tamen litteris testimonialibus ab Episcopo domicilii; a quo tamen potest examinari, si illuc reversurus est, ex Bulla *Apostolici min.* Sed hic advertendum, quod ut quis possit ordinari ab Episcopo beneficii, debet esse saltem tonsuratus, alias non est capax beneficii; et ideo neque habilis ad Ordines ab illo Episcopo suscipiendos. 4. Denique ratione *familiaritatis*, si quis per triennium in familia, vel servitio assiduo alicuius Episcopi permanserit, vivendo eiusdem Episcopi expensis, etiamsi non habitet in illius aedibus, potest ab illo ordinari: modo degat in loco ubi est Episcopus, vel prope; et modo Episcopus statim ei conferat verum beneficium; non enim sufficit, si assignet pensionem, aut patrimonium (2).

Regulares autem ordinandi sunt ab Episcopo loci ubi morantur de familia, si Episcopus ordinationem habeat temporibus statutis; alias a quo-

(1) lib. 6. n. 770. v. 5. ille.

(2) ibid. v. 6. ut.

cumque Episcopo ordinari possunt. Vide circa hoc dicta *Tr. 20. n. 113.*

35. V. Requiritur *scientia* Ordini suscipiendo conveniens. Concilium Tridentinum pro initiandis ad primam tonsuram tantum requirit, ut ipsi *edocti fuerint rudimenta Fidei, et sciant legere et scribere*, sess. 23. cap. 4. Pro initiandis ad Ordines minores, ut *linguam latinam intelligant*, loc. cit. c. 11. Pro initiandis ad subdiaconatum et diaconatum, ut *sint litteris, et iis, quae ad Ordinem exercendum pertinent, instructi*, cap. 13. Demum pro initiandis ad sacerdotium, ut *ipsi ad populum docendum ea quae scire omnibus necessarium est ad salutem, ac ad ministranda Sacramenta, diligenti examine praecedente, idonei comprobentur*; idem *Trid. cap. 14.* Notent ordinandi et ordinantes verba illa, ad ministranda Sacramenta; ideo enim dicunt dd. quod initiandi ad sacerdotium scire debent non solum quae pertinent ad Baptismum, Eucharistiam, etc., sed etiam ad Poenitentiam: nam licet presbyterandus non indigeat tanta scientia, qua indiget confessarius approbatus, debet tamen saltem scire universalia principia moralia, quibus solvere possit dubia communiter occurrentia in casu necessitatis, quo teneatur moribundi confessionem excipere; et specialiter omnino scire tenetur, quomodo se gerere debeat cum fidelibus morti proximis, nempe 1. Quando possunt eos absolvere, etiam in praesentia confessarii approbati? 2. Quando absolute, et quando conditionate? 3. An non solum in articulo, sed etiam in periculo mortis, et in quali periculo? 4. Quid debeat imponere infirmo, si habeat casus vel censuras reservatas? Vide quae infra breviter super hac obligatione dicentur n. 130. Caeterum bene potest Episcopus a suis maiorem scientiam, quam requirit Concilium, requirere (3).

36. Verum in Regularibus additis ad vitam contemplativam, vel

(3) n. 792. v. advertend. 2.

tantum ad chorum et altare, vel sacristiam, minor scientia requiritur, modo sciant praestare quae pertinent ad Ordinis exercitium; et ideo saltem in Grammatica debent esse edocti, alias erunt irregulares, etiam de iure divino, ita ut nec Papa posset cum eis dispensare. Haec tamen irregularitas, sublata causa ignorantiae, absque dispensatione de se aufertur (1).

37. 6. Requiritur *titulus sustentationis*, aliter Episcopus Ordinem, vel dimissorias tribuens, tenetur ipse ordinatum alere, usquedum ille titulum habeat; ita ex *cap. Cum secundum, de Praeb. et cap. Recipimus, de aetate et qualit. etc.* Id tamen intelligendum, nisi Episcopus inculpabiliter deceptus fuerit, vel nisi ordinatus iam aliunde habeat unde vivere possit (2).

38. Titulus autem sustentationis triplex esse potest, paupertatis, beneficii, et patrimonii. Titulo *paupertatis*, soli Regulares professi ordinari valent. Saeculares vero ordinari debent ad titulum *beneficii*, quod sit certum de praesenti, et sufficiens ad congruam sustentationem, iuxta taxam dioecesis, originis, vel beneficii, si beneficium requirit residentiam (3). Nota quod S. C. die 17. iulii 1723. remisit arbitrio Episcopi, si detrahenda sint, an non, onera Misarum ex beneficio, vel capellania (4). Ad titulum vero *patrimonii* tantum pro necessitate vel commoditate Ecclesiarum suarum possunt Episcopi ordinare saeculares, ut praescribit Trident. *sess. 21. cap. 2. de Ref.* Patrimonium autem constitui debet super re certa et stabili, ac de sua natura frugifera, pacifice possessa, et libera ab omni onere. Sufficit etiam census perpetuus, quamvis sit redimibilis (5).

39. Hic autem dubitatur 1. an incurrat suspensionem, qui ordinatur

(1) lib. 6. n. 791. quaer. 2. et 3.

(2) n. 813. (3) n. 815. et 816.

(4) n. 774. (5) n. 817.

cum patrimonio ficto? alii probabiliter negant: sed probabilius alii affirmant; idque certum est in dioecesi Neapolitana (6). Dubitatur 2. an iuxta praedictam probabiliorum sententiam incurrat etiam suspensionem qui ordinatur cum patrimonio vero donato, seu data antapoca, vel fide de reddendo illo donanti post ordinationem? Distinguo: si donans verum habuerit animum donandi, non incurrit; quia pactum illud de reddendo patrimonio tanquam nullum reiicitur, ut S. C. declaravit (dum S. C. insuper pluries declaravit quancumque alienationem patrimonii sine licentia Episcopi esse invalidam). Secus si donans haud habuerit intentionem donandi, quia tunc donatarius nullam rei dominium adeptus est (7).

40. 7. Requiritur, ut *Ordo inferior ante superiorem suscipiatur*, alias qui per saltum ordinatur, suspensionem ipso facto incurrit ab exercitio Ordinis suscepti, donec Episcopus dispense (8). 8. Ut ordo suscipiatur *tempore debito*. Ordines maiores possunt suscipi tantum in sabbatis quatuor temporum; sabbato ante dominicam Passionis et sabbato sancto. Minores vero possunt accipi in quolibet festo de praecepto, et etiam in feria sexta ante sabbatum generalis ordinationis, et feria quarta quatuor temporum, iuxta consuetudinem receptam. Attamen apud Ferrar. *Biblioth. tom. 5. verb. Ordo art. 2. n. 7.* assertur Decretum S. C. Concilii 13. apr. 1720. ubi dicitur: quoad Ordines minores, posse tolerari consuetudinem, si sit immemorabilis, quod ministrentur pridie die Veneris post prandium, sed expedire in hoc ut Episcopus se conformet Pontificali Romano. Qui autem ordinatur extra tempora, suspensionem ipso facto incurrit (9).

41. 9. Requiritur, ut Ordines suscipiantur per debita temporum *interstitia*. Et 1. inter Ordines minores

(6) n. 820. et 821. (7) n. 822. ad 824.

(8) n. 703. (9) n. 794.

requiritur aliquod intervallum: dicitur *aliquod*, quia illud minime determinatum est a Trid. in *sess.* 23. *cap.* 11. ubi etiam additur: *Nisi aliud Episcopo expedire magis videretur*. Potest tamen libere Episcopus primam tonsuram cum aliquo Ordine minore conferre. 2. Ut a minoribus ascendatur ad subdiaconatum, requiritur anni spatium: *Nisi necessitas, aut ecclesiae* (intelligitur cui ordinandus est adscriptus) *utilitas, iudicio Episcopi, aliud exposcat*: ut habetur in Trid. *loc. cit.* 3. Ut ascendatur a subdiaconatu ad diaconatum, requiritur etiam anni spatium, sed Episcopus in hoc ex quavis rationabili causa dispensare potest; nam in Trid. *cap.* 13. dicitur: *Nisi aliud Episcopo videatur*. 4. Denique, ut a diaconatu ascendatur ad sacerdotium, requiritur saltem anni intervallum: *Nisi ob ecclesiae utilitatem, ac necessitatem aliud Episcopo videretur*, ut in Trid. *cap.* 14. Nota hic, *utilitatem, ac necessitatem*, intellige necessitatem moralem, nempe utilitatem notabilem, et certam propriae ecclesiae.

42. Hinc autem notandum 1. quod suscipiens duos Ordines sacros eodem die. suspensionem ipso facto ab ultimo Ordine suscepto, et insuper irregularitatem incurrit (1). Qui vero eodem die susciperet quatuor Ordines minores una cum subdiaconatu, graviter quidem peccaret, sed non incurreret suspensionem (2) Notandum 2. quod si quis ordinatur non servatis interstitiis, sed diversis diebus, et legitimis temporibus, peccat etiam graviter, sed probabilius suspensionem neque incurrit (3). Notandum 3. quod Regulares ex suis pontificiis privilegiis bene possunt extra tempora ordinari cum licentia suorum Praelatorum, iuxta dicta in *Tr.* 20. de *Privil.* n. 115. et 116. Debet tamen ordinari in festo de prae-

(1) l. 6. n. 796. (2) n. 797. et ibid. dubit. 2. (3) n. 796. v. dubit. 2.
(4) 797. dubit. 4. (5) n. 798. v. adde.

cepto, ut probabilius dicendum (4). Notandum 4. quod si quis sacerdotium susciperet, omisso diaconatu, esset quidem valide ordinatus, sed non posset sacerdotio fungi, nisi prius diaconatum acciperet, ut habetur ex *cap. unico de Cleric. per salt.* Si quis autem episcopatum susciperet, non suscepto sacerdotio, invalide ordinaretur.

43. 10. Requiritur *locus* ordinationis, nempe ut ipsa fiat in ecclesia, et ut Episcopus resideat in propria dioecesi: nam si Episcopus in aliena ordinaret, ipse incurreret suspensionem a Pontificalibus, et ordinatus ab exercitio Ordinis suscepti (5). 11. Requiritur *aetas debita*, quae pro prima tonsura debet esse septem annorum, et Neapoli saltem decem. Ordines minores regulariter conferri possunt ab anno 7. ad 14., subdiaconatus anno 27., diaconatus anno 23., sacerdotium anno 25., in Trid. *sess.* 23. c. 12. Aetas computatur, non a die Baptismi, sed nativitatis. Sufficit autem ut annus sit incoeptas, prout communis usus habet. Pro beneficiis simplicibus accipiendis sufficit annus 14. ex Trid. *sess.* 23. *cap.* 6. sed si beneficium sit curatum, requiritur annus 25. ex Trid. *sess.* 24. *cap.* 12. Pro canonicatu annus 22. Trid. *sess.* 24. c. 12., quamvis in collegiatis sufficiat annus 14. Pro episcopatu demum requiritur annus 30. (6).

44. Notandum autem, quod si quis scienter ordinatur ante legitimam aetatem, ipso facto perpetuam incurrit suspensionem, a qua absolvi nequit nisi a Papa, vel ab Episcopo, si fuerit occulta, ex c. *Liceat*, Trid. *sess.* 24. c. 6. (7). Diximus scienter, nam Pius II. hanc suspensionem imposuit tantum eis qui ex temeritate sic ordinantur: unde ignorantia crassa illos probabiliter ab ea excusat, ita ut completa aetate bene poterunt Ordinem exercere (8). An autem qui ante aetatem suscipit sacerdotium, irregular-

(6) n. 799. (7) cit. n. 799.
(8) ib. v. sed hic dubit. 1.

ritatem incurrat? Alii affirmant, quia (ut dicunt) neo-presbyter concelebrando cum Episcopo, vere consecrat: et ideo iam exerceat Ordinem susceptum cum suspensione. Sed alii communius et valde probabiliter negant; quia aequum non videtur, ut quis eadem actione morali duplicem incurrat poenam, nempe suspensionem et irregularitatem; testaturque Suarez ex stylo Cancellariae huiusmodi ordinatos non censi irregulares. Et idem dicendum de diaconis et subdiaconis: nisi in eadem Missa ordinationis Ordinem iam susceptum exerceant, quia tunc irregularitatem non effugiunt, saltem si ultro ad ministrandum se offerant in Missa ordinationis (1).

45. 12. Ut initiandus ad Ordinem superiorem ascendere possit, requiritur ut exercuerit Ordinem prius susceptum; sed iuxta Salm. (2) hoc non est de praecepto gravi. 13. Ultimo requiritur vocatio divina, ex illo apostoli: *Nec quisquam sumit sibi honorem, sed qui vocatur a Deo tanquam Aaron.* Hebr. 5. 4. Signa autem divinae vocationis sunt, 1. Scientia conveniens. 2. Intentio recta vacandi Deo animarumque salutis. 3. Probitas vitae, quae maxime requiritur ad veram vocationem agnoscendam, ex illo Tridentini: *Sciant tamen Episcopi... debere ad hos Ordines assumi dignos dumtaxat, et quorum probata vita senectus sit,* sess. 23. cap. 12. utque docet d. Thomas (3) dicens: *Non sufficit bonitas qualiscumque, sed requiritur bonitas excellens, hanc rationem assignans: Ut sicut illi qui Ordinem suscipiunt, super plebem constituuntur, ita et superiores sint merito sanctitatis.* Hinc si quis absque his signis, et consequenter sine vocatione divina ascendit ad altare, nequit a gravi culpa excusari; tum ob gravem praesumptionem, qua non

vocatus in sacrum ministerium se intrudit, ut ait s. Anselmus: *Qui enim se ingerit, et propriam gloriam quaerit, gratiae Dei rapinam facit, et ideo non accipit benedictionem, sed maledictionem:* tum ob magnum periculum damnationis, cui se exponit ut sapienter loquitur Episcopus Abelly: *Qui sciens, nulla divinae vocationis habita ratione, se in sacerdotium intruderet, haud dubie seipsum in apertum salutis discrimen iniiceret.* Et tanto magis graviter peccant Episcopi, qui tales ad Ordines admittunt, transgrediendo praeceptum illud apostoli: *Manus cito nemini imposueris, neque communicaveris peccatis alienis.* 1. Tim. 5. 22. Quae verba exponens s. Leo Epistola 1. (alias 87.) ad Afric. 2. dixit: *Quid est communicare peccatis alienis, nisi talem effici ordinantem, qualis est ille qui non meruit ordinari?* Ideo in c. Nullus, dist. 24. universe Episcopis praecipitur: *Nullus ordinetur, nisi probatus fuerit.*

46. Refert hic autem una simul adnotare, quinam ex praedictis illegitime ordinatis suspensionem ipso facto incurrant. Incurrunt 1. qui ordinantur sine dimissoriis sui Ordinarii; vel sine eius litteris testimonialibus, cum ordinantur ab Episcopo beneficii. 2. Qui eodem die duos sacros Ordines suscipiunt. 3. Qui ordinantur extra tempora. 4. Qui ordinantur ab Episcopo manente in aliena dioecesi, sine licentia Episcopi loci. 5. Qui scienter ordinantur ante legitimam aetatem. 6. Qui ordinantur per saltum, omisso Ordine praecedenti. Adde ultimoloco, qui ordinatur per simoniam; hic enim manet ipso facto suspensus ab Ordine simoniace suscepto, et impeditur ab ascendendo ad superiores; id tamen non currit, si simonia ab alio sit commissa, ignorante ordinato (4).

(1) lib. 6. n. 799. dubit. 3.

(2) de Ord. c. 4. n. 74.

(3) suppl. q. 35. a. 1. ad 3.

(4) vide lib. 3. n. 109.

CAPUT III.

DE ORDINIBUS IN SPECIE

ART. I. De prima tonsura.

47. *Quid prima tonsura, et an sit Ordo?*
Si quis ordinatur sine tonsura.

48. *Privilegia tonsurati.*

49. et 50. *De obligatione deferendi habitum, et tonsuram.*

51. *Qui priventur privilegio fori et Canonis.*

47. Prima tonsura non est Ordo, sed praeparatio sive dispositio ad Ordines, cum nullum officium habeat circa ministerium altaris; ita communiter theologi cum d. Thoma (1). Et probatur ex Trident. *sess. 23. cap. 2. de Ordine*, ubi tonsurae sumptio praecipitur, sicque dicitur: *Ut, qui iam clericali tonsura insigniti essent, per minores ad maiores (Ordines) ascenderent.* Ergo tonsura inter Ordines minime numeratur (2). Clericus significat in sortem vocatus, scilicet ad cultum Deo praestandum. Tonduntur ei capilli in modum coronae, ad significandam regiam dignitatem eorum, qui in sortem Domini vocantur. Tradit autem Catechismus Romanus sanctum Petrum primam tonsuram instituisse. Ut quis possit tonsurari, requiritur 1. ut sit mas: 2. ut sit confirmatus: 3. ut sciat legere et scribere, ac saltem Grammaticam praeter rudimenta Fidei: 4. ut habeat animum Deo inserviendi. Qui ordinatur sine tonsura, graviter quidem peccat contra praeceptum Tridentini, sed valide ordinatur; verum manet suspensus usque ad beneplacitum Episcopi. Qui autem aliquem Ordinem iam susceperit sine prima tonsura, non tenetur eam postea recipere, quia per Ordinem susceptum iam fuit factus idoneus ad alios suscipiendos.

48. Effectus, et privilegia tonsurati haec sunt: 1. Tonsuratus transfertur ad statum clericalem, unde acquirit privilegium fori, quo eximitur a iurisdictione fori laicalis; modo

(1) suppl. q. 40. art. 2

deferat habitum et tonsuram, ac ali cui ecclesiae de mandato Episcopi inserviat, aut versetur in seminario, vel in aliqua schola de licentia Episcopi, ut habetur in Trid. *sess. 23, c. 6. de Reform.* 2. Acquirat etiam privilegium Canonis, ita ut percussiones ipsum iniuriose incurrant excommunicationem reservatam Papae, si percussio est gravis; Episcopo vero si levis. 3. Tonsuratus fit capax beneficii ecclesiastici, modo habeat 14. annos. 4. Fit capax etiam omnis iurisdictionis ecclesiasticae ad conferenda beneficia, ferendas censuras, et iudicandas causas spirituales.

49. Quaeritur hic, qualiter peccent, et quas incurrant poenas clerici habitum aut tonsuram non deferentes; et quando propter id privilegio fori et Canonis priventur? Clerici in minoribus, ut communiter dd. aiunt, non peccant graviter, si habitum et tonsuram non deferant; imo communius Sotus Nav. Arm. Castropal. Escob. Holzm., etc. ab omni culpa eos excusant, ex Bulla Sixti V. *Pastoralis*, an. 1588. 31. Ian. Nam ibi in tantum clerici declarantur teneri ad habitum deferendum, qui pensionem, aut alia bona ecclesiastica recipiunt, excedentia valorem annuum ducatorum 60. aureorum de Camera. Clerici autem beneficiati, aut in sacris constituti peccant quidem graviter si habitum dimittunt, ut communiter docent Sanch. Laym. Castrop. Bon. Salm. etc. (quicquid dicant Caiet. Escob. et Gob.) dum in Trid. *sess. 14. c. 6.* tales habitum non deferentes de temeritate arguuntur. Valde tamen probabiliter negant eos peccare omnes aa. praefati, si habitum dimittant ad breve tempus, aut ex causa iusta se occultandi, puta ad aliquod grave damnum vitandum. Id quoad culpam; quod autem ad poenas pertinet, in Concilio l. c. sic dicitur: *Si postquam ab Episcopo suo moniti fuerint, honestum habitum clericalem, illorum ordini et dignitati*

(2) vide lib. 6. n. 734.

congruentem, et iuxta ipsius Episcopi ordinationem et mandatum non detulerint, per suspensionem ab Ordinibus, ac officio et beneficio, ac fructibus, redditibus et proventibus ipsorum beneficiorum, nec non si semel correpti denuo in hoc deliquerint, etiam per privationem officiorum, et beneficiorum.... coerceri debeant. Ex quo patet has poenas esse tantum ferendae sententiae. Neque huic obstat Bulla Sixti V. *Cum sacrosancta*, edita die 9. Ian. 1588. ubi beneficiati non deferentes habitum ipso iure declarantur privati suis beneficiis, nam id dispositum fuit tantum pro Urbe Roma, et postquam mandatis sub certo termino ipsi non obdierint (1).

50. Id quod de habitu dicunt Sanchez Laym. Escob. et alii de tonsura, sive corona. Alii tamen, ut Castrop. Henriq. Renz., et Tamb. cum Marchino, clericum etiam in Sacris, aut beneficium tonsuram non deferentem non audent damnare de mortali, nisi eam ex contemptu omittat. Caeterum bene quidem ait La-Croix facilius excusandos eos qui tonsuram, quam qui habitum non deferunt; unde praefatus auctor nec sacerdotem tonsuram per 6. aut 8. hebdomadas non deferentem damnat de mortali (2).

51. Privantur autem beneficiati, sicut etiam ii qui in Sacris sunt constituti, habitum non deferentes, privilegio tam fori quam Canonis, si post tertiam monitionem illum non reassumunt, *ex cap. Contingit 45. de Sent. excomm.* (3). Simpliciter autem tonsurati, aut clerici tantum ad Ordines minores promoti sine beneficio, non peccant graviter, sed non gaudent privilegio fori, si actu habitum non deferant, nec ecclesiae inserviant, ut habetur in Trid. *sess. 25. c. 6. de Reform.* Gaudent vero semper ac habitum reassumunt, nisi hoc faciant in fraudem puta si fuerint in carcere iam coniecti pro criminali-

(1) l. 6. n. 825. (2) n. 826. (3) n. 827.

(4) ibid. (5) ibid.

bus vel iam citati in foro laicali pro civilibus (4). Aliter tamen dicunt dd. de privilegio Canonis (5). An autem peccet qui tonsuram suscipit ad accipiendum beneficium, sine animo permanendi in statu clericali? V. opus nostrum morale (6), ubi dicitur suscipiens peccare, sed probabiliter tantum venialiter.

Hic iuvat adnotare id quod statutum habetur anno 1741, in Concordato inter sanctam Sedem et Carolum III. regem regnorum Neapolis et Siciliarum, circa ordinationem promovendorum ad statum ecclesiasticum. 1. *Niuno potrà esser da ora innanzi promosso alla Prima Tonsura se non che a titolo di Beneficio o Capellania perpetua, le di cui rendite, detratti i pesi, ascendano almeno alla metà della tassa stabilita pel Patrimonio sagro nella Diocesi del Promovendo.* 2. *Giudicando qualche Vescovo veramente utile, o necessario alla Chiesa, conferir la Prima Tonsura a qualche Giovane, benchè non abbia verun Beneficio, potrà farlo, ma nel solo caso che abbia il medesimo una Pensione Ecclesiastica perpetua della rendita che ascenda almeno alla metà della tassa stabilita pel Patrimonio sacro nella sua Diocesi, o l'intero Patrimonio; il quale, per evitare qualunque frode o inganno, non potrà costituirsi da ora innanzi, che unicamente sopra beni stabili, o sopra annue rendite fisse; e dovrà regolarsi a tenore della tassa Sinodale di ciascuna Diocesi, purchè non sia esso Patrimonio nè in minor somma di ventiquattro ducati, nè in maggiore di quaranta.* 3. *Oltre al requisito del Beneficio, Capellania perpetua o Pensione Ecclesiastica perpetua, o dell'intero Patrimonio, a niuno potrà conferirsi la Prima Tonsura, il quale dopo aver terminati dieci anni di sua età, non sia andato a dimorar almeno per un triennio in qualche Seminario o Convitto Ecclesiastico, e dove ciò non possa farsi, non abbia almeno portato per tre ann*
(6) vide l. 4. c. 113. v. dixi 1

l'Abito Clericale con licenza del proprio Ordinario, ed in tutto il triennio, o almeno per la maggior parte delle Feste di precetto di ciascun dei tre anni non abbia servito a qualche Chiesa nella maniera che gli sarà dal proprio Vescovo prescritta; computando questo servizio colla dimora, che avrebbe dovuto fare in qualche Seminario o Convitto Ecclesiastico, ec. Ultimo loco dicitur: Chiunque sarà promosso alla Prima Tonsura, agli Ordini Minori, o agli Ordini sagri contro la forma prescritta nel presente regolamento, oltre alle pene di sopra accennate, rimarrà perpetuamente sospeso dall'esercizio dell'Ordine già conferitogli. E chi l'avrà così ordinato, o pure gli avrà a tal effetto concesse le Dimissorie, se sarà Vescovo, sarà sospeso per un anno dalla collazione degli Ordini e dall'esercizio de' Pontificali; e non essendo Vescovo, ma Prelato inferiore coll'uso dei Pontificali, sarà sospeso per sempre dall'esercizio de' medesimi; e non avendo l'uso di essi, come pure qualunque altra Persona costituita in dignità, per sempre sarà sospesa dall'esercizio dell'Ufficio e de' suoi Ordini.

ART. II. De Ordinibus minoribus.

52. Quot sint Ordines minores
 53. Sect. I. De ostiariatu. Materia tradenda est ab ipso ordinante; et ab eo Missa celebranda.
 54. Sect. II. De lectoratu.
 55. Sect. III. De exorcistatu.
 56. Sect. IV. De acolythatu.

52. Ordines minores quatuor sunt: Ostiariatus, lectoratus, exorcistatus et acolythatus. Dicuntur ipsi minores propter minora officia, quae ab ordinatis exercentur circa Missam, aut in ecclesia.

Sectio I. De ostiariatu.

53. Ostiariatus est Ordo, quo confertur potestas aperiendi, claudendi et custodiendi ecclesiam. Officium ostiarii (praeter dicta) est etiam pul-

sandi campanas, nec non admittendi dignos in ecclesia, et expellendi indignos, scilicet infideles, haereticos et excommunicatos. Materia remota ostiariatus sunt claves ecclesiae, proxima clavium traditio; forma sunt verba ordinantis, et dicentis: Sic age quasi redditurus rationes pro his rebus quae his clavibus recluduntur. Ita tradunt aa., qui tenent singulos septem Ordines esse Sacramenta. Claves debent esse propriae ecclesiae, nec possunt aliae substitui, debentque tangi ab ordinando. Hic autem denuo adverte id quod notatum est superius n. 29., nempe quod in Sacramento Ordinis materia omnino tradenda est ab ipso ordinante, alias Sacramentum invalide ministratur, et ab eodem debet Missa celebrari (1).

Sect. II. De lectoratu.

54. Lectoratus est Ordo, quo confertur potestas legendi Scripturas sacras in ecclesia. Materia remota est liber prophetiarum, et epistolarum; proxima illius traditio; forma sunt verba: Accipe et esto verbi Dei relator etc. Officium igitur lectoris est legendi sacras Scripturas (intellige extra Missam, nam in Missa officium est subdiaconi); ac etiam catechumenos instruendi. Si loco libri epistolarum sive lectionarii traderetur Biblia aut Breviarium, valida quidem, et etiam licita esset ordinatio; secus si alius liber.

Sect. III. De exorcistatu.

55. Exorcistatus est Ordo quo datur potestas expellendi daemones ab obsessis, ne eos impendant a Communionem. Materia remota est liber exorcismorum; proxima eius traditio; forma: Accipe, et habe potestatem imponendi manus super energumenos, etc. Exorcismus autem est formula quaedam ab ecclesia instituta ad daemones fugandos in nomine Iesu Christi: ut possit autem exorcista solemniter exorcizare, requiritur etiam (1) lib. 6. n. 744.

collatio iurisdictionis, siue licentia Episcopi. Id tamen non est ob ius commune, sed ob particulare praeceptum Episcoporum prohibentium exorcizare sine eorum licentia (1). Dictum est *solemniter*, cum quisque fidelis possit privatim imperare daemonibus, ne noceant, neque impediant fideles ab actionibus sacris (2).

Sect. IV. De acolythatu.

56. Acolythatus est Ordo, quo datur potestas ferendi urceolos ad altare, et candelabra luminasque in ipso accendendi. Materia remota sunt urceoli vacui; proxima eorum traditio; forma: *Accipe ceroferarium, etc.*, atque: *Accipe urceolos, etc.* Utraque materia est essentialis, sed nobilior sunt urceoli, quia vinum et aqua magis sunt ad Missam necessaria. Hae autem materiae sunt partiales, unam totalem constituentes. Character vero non in candelabri, sed in urceolorum traditione imprimitur, quia in ea principalior traditur potestas (3).

Art. III. De ordinibus maioribus.

Sectio I. De subdiaconatu.

57. Quid subdiaconatus, materia, forma et officium? Si sine manipulo, etc.
58. Requisita.
59. §. I. De voto castitatis; et an castitas sit ex voto? Si quis ignoret, etc. Si impuber, etc. Qui per metum ordinatur, etc.
60. §. II. De Horis canonicis. Propositiones damnatae.
61. Qui teneantur ad Horas? I. Clerici in Sacris. II. Religiosi professi. III. Beneficiati.
62. Cui facienda restitutio fructuum.
63. Si habeant alia onera.
64. An excommunicati, etc. Et qui sine attentione interna, etc.
65. Intra primos sex menses. Qui sine culpa omittit. An unum peccatum, etc.
66. Qui non percipit fructus, etc.
67. Si beneficium sit tenue.
68. An male expendens, etc. Canonicus non canens.

(1) lib. 6. n. 745. et 805.

(2) v. l. 3. n. 193. app. de adiur. ad 4.

69. Quae parva materia, etc. An proiciens Breviarium: In dubio an quid omisum.
70. Quae requirantur ad Horas recte dicendas? 1. Iuxta praescriptum. Si permutes officium.
71. Si alio pergis.
72. Si advertis errasse. De litanis, et officio defunctorum.
73. II. Pronuntiatio vocalis. Quid in choro.
74. III. Pronuntiatio integra. IV. Pronuntiatio continuata. V. Ordo Horarum. VI. Tempus.
75. Intentio, et attentio.
76. Causae excusantes a recitatione.
77. ad 80. §. III. De censuris in genere.
81. ad 83. §. IV. De censuris in specie, et I. De excommunicatione.
84. II. De suspensione.
85. III. De depositione, etc.
86. IV. De interdicto.
87. V. De irregularitate.
88. Irregularitates ex delicto.
89. Irreg. ex defectu.

57. Subdiaconatus est Ordo quo traditur potestas, per quam ordinatus potest deferre calicem ad altare ministrare diacono, et legere epistolam in Missa. Materia remota est duplex, nempe calix vacuus cum patena vacua, necnon liber epistolarum. Materia proxima est horum traditio. Calix autem probabiliter debet esse consecratus, ut plures dd. sentiunt: unde ipsorum sententia in praxi sequenda est (4). Sic etiam omnino requiritur traditio libri epistolarum (5). Forma autem sunt verba Episcopi: *Videte cuius ministerium vobis traditur, etc.* Et alia: *Accipe librum epistolarum, et habe potestatem legendi eas etc.* Duplici enim materiae duplex adhibetur forma partialis. Officium subdiaconi (ultra praedicta in altari) est deferre crucem, et lavare corporalia. Peccaret subdiaconus, si absque manipulo solemniter ministraret in Missa, nisi urgeret necessitas, ut dicit p. Suarez (6). An autem graviter peccet subdiaconus ministrans in mortali? Vide dicta supra n. 14.

(3) l. 6. n. 745. (4) n. 747. (5) n. 746.

(6) de cen. disp. 42. sect. 4. n. 17.

Clericus (vel etiam subdiaconus exercens officium subdiaconi sine manipulo, vel cum manipulo, sed non intendens ex officio actum illum exercere, non incurrit irregularitatem; quia tunc (ut ait Bonac.) exerceat tantum officium cantoris. Secus si cum manipulo intenderet exercere officium proprium subdiaconi (1). Adverte hic Decretum S. C. Rituum editum 6. Jul. 1698. *Deficiente subdiacono pro Missa solemnī, data necessitate potest permitti per Superiores, ut substituaturs constitutus in minoribus Ordinibus ad cantandam epistolam paratus absque manipulo.* Apud *Merratum* in indice Decretorum n. 531. Et adverte hoc Decretum esse posterius ad alia contraria, quae affert *Ferrar. Bibliot. verb. Missae Sacr. art. 12. n. 57. et 58.*

58. Ut quis ad subdiaconatum possit promoveri; requiritur 1. ut sit ordinatus in minoribus. 2. Aetas 21. annorum completorum. 3. Titulus sustentationis (de quo vide supra dicta n. 37. ad 39.). 4. Ut bene sciat quae pertinent ad suum munus. 5. Examen quod debet quidem rigorosius esse in subdiaconis, ut recte advertit *Homobonus* (Poenitentiarius in Ecclesia Bononien.) et signanter circa subdiaconi obligationes, nempe servandi castitatem, recitandi officium, habendi titulum sustentationis; necnon refert subdiaconos examinare circa censuras et irregularitates, quarum singulatim hic principaliora rudimenta mox infra breviter recensebimus.

§. I. De voto castitatis.

59. Subdiaconus ex praecepto s. Gregorii Papae in *cap. 2. Dist. 28.* tenetur votum castitatis emittere. Hinc obligatio castitatis in ordinatis in sacris verius est ex vi voti Ordinis annexi, quam praecepti Ecclesiae, ut satis colligitur ex *cap. Cum olim, de Cler. coniug.* Attamen si quis

(1) vide lib. 7. n. 359.

(2) vide l. 6. n. 809. dubit. 1. et 2.

Ordinem suscipiendo expresse nollet castitatem vovere, tunc iste saltem ex praecepto Ecclesiae ad castitatem teneretur. Hocque dicendum etiamsi nesciret banc obligationem, modo vellet vere Ordinem suscipere: et adhuc si inculpate nesciret, ut valde probabiliter plures doctores docent (2). Qui autem ordinaretur ante usum rationis, hic non teneretur ad castitatem. Qui vero ordinatur ante pubertatem, an ad castitatem teneatur? Adest duplex sententia, utraque probabilis (3). Qui ordinatur per metum extrinsecum iniuste incussum, et non habet animum suscipiendi Ordinem, non tenetur ad castitatem; et etiamsi animum haberet, probabilius nec teneretur, quia votum emissum ob metum probabilius est invalidum. Secus si metus fuerit iuste incussus, vel si ordinatus scienter suam Ordinationem ratificaret, nempe si ultro Ordinem exerceret (4).

§. II. De Horis canonicis.

60. Primo loco hic refert adnotare plures propositiones damnatas ab Alexandro VII, nimirum propos. 20. quae dicebat: *Restitutio fructuum non debetur ante sententiam.* Prop. 21. *Habens beneficium, si studio literarum vacet, satisfacit recitando per alium.* Prop. 33. *Restitutio fructuum suppletur per eleemosynas ante factas.* Prop. 34. *Satisfacit dicens officium paschale pro officio diei Palmarum.* Prop. 35. *Cum uno officio potest satisfieri obligationi duorum dierum.* Item Innoc. XI. damnavit prop. 54. *Qui nequit recitare Matutinum non tenetur ad alias horas.*

61. Quaeritur 1. quinquam teneantur ad Horas? Tenentur 1. omnes ordinati in Sacris, etiamsi sint excommunicati, suspensi et degradati. Ordinatus autem ad subdiaconatum in die Ordinationis tenetur ad Horam correspondentem horae qua ordinatur. Tenentur II. Religiosi professi utriusque sexus. Hoc habetur ex an-

(3) n. 810 (4) n. 811.

tique consuetudine obligantē sub gravi, ut tenet communis sententia contra aliquos. Nec valet dicere, quod non constat, an consuetudo recitandi officium sit introducta a Religiosis animo se graviter obligandi; nam respondetur, quod cum illa constanter et tamdiu cum magno incommodo ab omnibus Religiosis observata fuerit, praesumptio est pro parte affirmativa, pro qua autem parte stat praesumptio, pro ea stat etiam possessio, regula generalis est (1). Nullus autem Religiosus aut Monialis in particulari tenetur sub gravi Horas dicere in choro, ut communiter dicunt Suar. Salm. Conc., etc.; modo chorus non tollatur, ad quem requiruntur saltem quatuor expediti (2). Ad officium vero non tenentur Religiosi eiectionis: sed tenentur profugi (3). Tenentur III. beneficiati; alias fructus omnes beneficii restituere debent, ex Concil. Later. V. Sect. 9. §. *Statuimus*, ubi dictum fuit: *Statuimus, ut quilibet habens beneficium, si post sex menses, obtento beneficio, officium divinum non dixerit, fructus non faciat suos pro rata recitationis*. Et si talis post monitionem adhuc pergit omittere, potest etiam beneficio privari. Deinde sanctus Pius V. in *Constit.* 186. quae incipit *Ex proximo Lateranensi*, decrevit quod qui relinquit Matutinum, restituat dimidiam partem fructuum correspondentium illi diei: qui caeteras Horas aliam dimidiam; qui vero unam tantum ex parvis, sextam partem (4). Et idem dicendum, si quis per plures leves omissiones inter officium diei ad gravem materiam pertingit (5). Qui autem hodie supplere vellet officium heri omissum, minime liberatur a restitutione (6). Haecque restituito debetur ante omnem sententiam, quia conditio recitationis est absolute necessaria ad lucrandos fructus, cum sine ipsa nequeat benefi-

ciarius facere fructus suos, ut praefatam Concilium sancivit (7).

62. Restitutio autem tunc facienda est vel pauperibus (sufficit cuiuscunque loci), vel fabricae ecclesiae, vel domui beneficii, vel in augmentum agrorum ipsius. Potest etiam fieri in refectionem alterius indigentis ecclesiae, si propria non eget, vel si fabrica alienae ecclesiae redundaret in utilitatem pauperum. Potest etiam applicari in Missis pro defunctis; et potest beneficiatus adhuc applicare eam sibi ipsi, si vere pauper sit, modo non faciat in fraudem; Suar. Castrop. Navar. Tol. Less. etc. comm. (8). Si quis autem post omissionem dederit eleemosynas, immemor, vel forte ignorans obligationem restitutionis, probabiliter potest eas computare, ut dicunt Sanch. Suar. Lug. Laym. Salm. Croix (9).

63. Probabiliter dicunt etiam Sol. Less. Vasq. Bonac. Sanch. Salm. etc., quod si beneficiatus alia onera habet, quibus iam satisfecerit, non tenetur omnes fructus restituere. Secus tamen dicendum (quicquid dicant alii) de simplici beneficiato, qui nullum aliud onus haberet, nisi deferendi habitum (10).

64. An autem excommunicatus toleratus teneatur ante sententiam restituere fructus beneficii, si onera ipsius impleverit? Aliqui affirmant; sed probabilius et communius alii negant, prout pariter dictum est *Tr.* 19. n. 19. in *fine*, quia non tenetur reus nisi post sententiam subire poenam illam, quae actionem requirit; ex alia autem parte excommunicati tolerati valide iam Sacramenta ministrant, Horasque persolvunt; ita Laym. Tourn. Castrop. Salm. Bon. Coninch. et alii plures (11). Sic etiam probabiliter non tenetur ad restitutionem qui recitat sine attentione interna; cum opinio quod sufficiat ad satisfaciendum, si habeatur intentio

(1) vide l. 4. n. 142. (2) ib. n. 143.

(3) n. 142. dubit. 1. et 2.

(4) vide lib. 3. n. 663. (5) n. 668.

(6) n. 667. (7) n. 635. et l. 4. n. 145.

v. sed dices. (8) lib. 3. n. 672

(9) n. 700. quær. 2. v. limitant,

(10) n. 673. (11) n. 670

et attentio externa, non sit improbabilis, iuxta dicenda n. 75. (1).

65. Praeterea notandum, s. Pium in praefata Constitutione declarasse, quod beneficiati, si intra primos sex menses officium omittant, licet non teneantur ad restitutionem, tamen non excusantur a peccato mortali (2). Hinc omnino dicendum, quod beneficiati, etiamsi vellent pro eo tempore fructus restituere, omittendo officium, graviter peccant, cum ipsos ad officium quovis tempore Ecclesia ex motivo religionis obstrinxerit (3). Graviter igitur peccat qui intra sex menses (ut dictum est) officium omittit, sed non tenetur ad restitutionem, ut docent Lessius Vasquez Conc. Viv. et communior sententia (contra paucos). Ratio, quia, iuxta communem sententiam, restitutio fructuum non iam debetur de iure naturali: fructus enim non dantur pro mercede recitationis, sed pro sustentatione beneficiarii, cum onere tamen officii, imposito ab Ecclesia (ut diximus) ex motivo religionis, et ideo nulla ante Concil. Lateranense restitutio praecipiebatur. Concilium autem restitutionem praecipit tantum omittentibus post sex menses (4). Ob eandem rationem non tenetur ad restitutionem, qui omittit officii recitationem sine culpa, quia, licet (ut dictum est n. 61. in fin.) restitutio ante omnem sententiam facienda sit, tamen cum ipsa in poenam praecepta sit, omnino culpam requirit, ut recte dicunt Less. Sanchez Conc. Viva, et alii communius, contra paucos (5). Pariter ob eandem rationem subdiaconus beneficium habens, si officium omittit, unum tantum committit peccatum, cum ex uno motivo religionis ad illud teneatur (6).

66. Dubitatur 1. an teneatur ad officium beneficiarius, qui fructus non

percipit? Minime tenetur, si ipse non negligenter se gesserit in illis exigendis. Excipe, nisi ipse in poenam alicuius criminis sit fructibus iuste privatus; vel nisi certam spem habeat percipiendi illos sequentibus annis (7). Quid si super beneficio lis vertatur? Resp. si beneficiarius nondum acceperit illius possessionem, non tenetur ad officium, nisi per ipsum stet quin statim possessionem adipiscatur. Si vero iam acceperit, tenetur, easu quo spem certam habeat vincendi litem; secus si sit in dubio (8).

67. Dubitatur 2. an teneatur ad officium habens beneficium tenue? Alii affirmant; sed alii plures negant, ut Less. Sanch. Malder. Arag. Rodr. Molfes. Pelliz. et alii, quia tenue beneficium, ex c. *Is cui, de Praebend.* in 6. ut verum beneficium non habetur. Dicunt autem, illud esse tenue beneficium, quod non pertingit ad tertiam partem sustentationis (9).

68. Dubitatur 3. an beneficiarius male expendens fructus beneficii teneatur ad restitutionem? Plures graves dd. probabiliter negant, ut s. Antoninus Less. Cabass. Sanch. Salm. et alii cum s. Thoma (10), qui ait, praebendas haberi ut bona patrimonialia. Alii tamen probabilius, ut Laym. Bon. Navar. Petroc. Concina etc. affirmant, quia beneficiarii ex iustitia tenentur fructus superfluos pauperibus, vel locis piis erogare; nam saltem Ecclesia non concedit ipsis dominium fructuum, nisi limitatum ad superfluos erogandos in pauperes (11). Vide dicta Tr. 10. n. 7. Hic autem sedulo advertendum, quod Papa Benedictus XIV. in Brevis ad Cardinalem Delphinum Patriarcham Aquileiensem, emanato die 19. Ianuarii 1748., declaravit canonicos choro non *interessantes*, vel ibi non *canentes*, nedum distributiones quotidianas amittere; sed etiam ad re-

(1) l. 3. n. 669. et l. 4. n. 176.

(2) vide l. 3. n. 663. et 666.

(3) lib. 4. n. 145. quaer. 2.

(4) l. 3. n. 665. et 666. (5) cit. n. 665.

(6) l. 4. n. 145. quaer. 1.

(7) l. 3. n. 664.

(8) cit. n. 664. v. quid si.

(9) l. 3. n. 674. (10) 2. 2. q. 185. a. 7.

(11) lib. 3. n. 492.

stitutionem teneri fructuum suarum praebendarum (1).

69. Quaeritur 2. quanta sit obligatio officii? Certum est peccare graviter, qui omittit notabilem officii partem. Caeterum censetur parva materia omissio minoris partis, quam parvae Horae (2). Qui autem omnes septem Horas omittit, verius cum Less. Sanch. Concina Tournely, et communi, unum committit peccatum, quia omnes Horae integrum officium componunt (3). Qui officium proiiceret in mare, tot peccata committeret, quot omissiones dierum praevideret, quae singulae omissiones officii, ad quemlibet diem pertinentes, sunt singulae transgressiones, et hic, eas iam praevidendo, peccaret quidem in causa (4). An in dubio, utram aliquid ex officio sit vel ne omissum, sit repetendum? Repetendum quidem in dubio negativo, scilicet si nullum prudens motivum habeas, quod iam dixeris, secus si dubium positivum, nempe si probabiliter credas dixisse; ita communiter Navar. Sanch. Lugo Tourn. Castrop. Salm. Roncagl. (5).

70. Quaeritur 3. quae requirantur ad Horas bene recitandas? Requiritur 1. ut recitentur iuxta praescriptum *Breviarii Romani*. Unde improbabiliter censeo opinionem eorum qui dicunt non peccare mortaliter qui commutat officium in aliud notabiliter brevius (6). An autem sit mortale mutare in aequale, vel quasi? Adest hinc inde duplex plurimorum sententia. Aequius tamen videtur dicendum cum Sporer Ronc. Viva Laym. Elbel. esse mortale, si mutatio sit frequens; veniale si raro, puta ter vel quater in anno: et nullam, si id aliquando fiat cum causa, nempe itineris, studii, etc. Ratio quia licet officium recitandum sit iuxta formam individualement Breviarii, ut praecipit s. Pius V in Bulla *A nobis*, descripta

(1) l. 3. n. 675. dubit. 3. (2) l. 4. n. 147.

(3) n. 148. v. hic igitur. (4) n. 149.

(5) n. 150. (6) l. 4. n. 160. et 161. v. quaer. 3. (7) n. 161. v. secunda igitur.

in Breviario, dicende: *Neminem satisfacere nisi hac sola forma*; tamen probabile est Pontificem in hac forma praescribenda magis respexisse ad formam substantialem, quae est quantitas officii, quam ad accidentalem, nempe ad illius qualitatem: et ideo commutatio non videtur culpam venialem excedere. Id tamen frequenter facere esset mortalis culpa, quia (ut recte ait Laym.) esset perversio ordinis; et gravis quidem, si frequens esset (7).

71. His positus, probabile est 1. quod si alio pergis, potes recitare officium illius loci, nisi fueris Religiosus, quia teneris tunc recitare officium Breviarii tui ordinis; ita Laym. Holzm. Bonac. Castrop. et alii. 2. Quod capellani, et commensales Cardinalium et Episcoporum possunt se eis conformare in officio; Holzm. cum communi, ex Decreto S. C. Rituum, et Clem. *Dignum, de cel. Miss.* Et idem dicunt dd. de capellanis Monachialium, ut Croix Holzm. Gob. Stoz. etc., et de iis qui obeunt exercitia spiritualia apud Religiosos, Laym. et Gobat. 3. Quod possis recitare officium socii; quia ipsa associatio excusat, modo officium non sit notabiliter brevius, Viva Ronc. Henriq. Quintanad. et alii (8).

72. Si quis advertit errasse, postquam multum processit in officio indebito, potest vel proseguire, vel recitare reliquum de proprio; sed melius erit recitare de proprio; nisi vellet alia die non impedita officium dicere de Sancto illo; quod satis probabiliter admittunt plures dd. (9). Ex consuetudine autem introducta gravis est obligatio recitandi Litanias s. Marci, et Rogationum, ac officium defunctorum etiam in privato (10).

73. Requiritur 2. *pronuntiatio vocalis*. Hic dubitatur, an recitans debeat se audire? Alii affirmant: alii tamen non improbabilius negant, ut

et seqq. (8) ib. v. iuxta autem,

(9) n. 161. quaer. 5.

(10) n. 160. quaer. 1. et 2.

doctissimus Sylvius Tournel. Laym. Azor. Spor. Salmant. Trull. Rodr. et alii; quia in recitatione officii non iubetur auditio, sed pronuntiatio, ad quam non oportet elevare vocem, sed sufficit formare aliquem externum sonitum, qui semper adest, cum verba proferantur (1). Submisce recitans in choro bene satisfacit (2): sed non canonicus, qui tenetur canere, iuxta dicta n. 68. *in fin.* Recitanti autem in choro sufficit si audiat alteram partem in confuso, vel tantum unum ex ea. Quid si non satis percipis in materia notabili alteram partem, propter culpam chori, aut socii? Alii dicunt quod teneris repetere non auditum; alii plures negant, quia per ipsam societatem, et tuam applicationem moraliter iam communicas; ita non improbabilius Sa Maior Roncagl. Elbel. Salm. Pelliz. Trull. et alii (3). Surdus autem non satisfacit, quidquid alii dicant: secus vero dicendum de surdastro, si audiat saltem in confuso (4).

74. 3. *Pronuntiatio integra*, id est sine mutilatione, qua sensus verborum notabiliter varietur. Valet tamen officium, si aliqua saltem servetur significatio verborum (5). 4. *Pronuntiatio continuata*, scilicet sine interruptione in qualibet hora; quae autem interruptio inducit veniale, nisi aliqua excuset causa (6). Matutinum autem etiam sine causa potest a Laudibus separari; et sic pariter tres Nocturni, saltem per tres horas (7). Facta tamen interruptione, adhuc culpabili, probabilius non teneris horam repetere, cum quilibet psalmorum versus suam habeat significationem (8). 5. *Horarum Ordo*, scilicet ne invertatur. Inversio tamen non erit nisi venialis, etiamsi fiat frequenter; et etiam in choro, ut probabilius aient Caiet. Gavant. Laym. Sanch. Bonac. etc. (9). Celebrare autem Mis-

sam ante Matutinum probabilius et communius non est nisi veniale cum Less. Castr. Conc. Tourn. Sot. Tolet. Bellarm. Croix Salm. et aliis pluribus (10). 6. *Tempus praefixum*. Tempus Matutini incipit ab hora Vesperarum diei antecedentis usque ad meridiem subsequens (11). Idque probabiliter procedit etiam de officio defunctorum, extra tamen chorum (12). Et de hoc adest etiam Decretum S. C. Rituum apud p. Ferraris *Biblioth. tom. 4. verb. Litaniae, pag. 594. n. 17.* Non idem currit autem de Litanis (13). An autem satisfaciatur dicens Matutinum hora secunda post meridiem? Alii affirmant, uti Salm. cum Sanchez Trullench. etc., dicendo id hodie permitti ex consuetudine introducta; sed verius negandum cum Holzman. Croix et Concina; quia tunc nondum incoepit est hora Vesperarum, quae est media inter meridiem et occasum; dies enim ecclesiasticas non nisi ab hora Vesperarum incipit. Quod autem consuetudo undique iam introduxerit recitari Matutinum hora secunda post meridiem a maiori parte fidelium iuxta dicta de consuetudine Tr. 2. n. 79., hoc probandum esset; sed usquedum non probatur, possidet lex opposita (14). Tempus autem Horarum incipit a media nocte ad meridiem; Vesperarum et Completorii a meridie ad mediam noctem (15).

75. 7. *Intentio et attentio*. Requiritur intentio (scilicet recitandi) saltem virtualis; sufficit pro illa, si ab initio sumpseris Breviarium ad recitandum. Communissime autem, et probabilius, cum Suar. Castr. Less. Tournely Pontas Vasq. et Croix cum aliis, non requiritur intentio satisfaciendi obligationi: imo recitans implet, etiamsi positive intendat nolle implere, quia implens non potest non implere, cum satisfactio non pendeat

(1) l. 4. n. 163. (2) ib. v. an autem.
(3) ib. quaer. 2. (4) ib. quaer. 3.
(5) n. 165. (6) n. 166. (7) n. 167.
(8) n. 168. (9) n. 169. et seqq.

(10) vide l. 6. n. 347. v. quaer.
(11) lib. 4. n. 174. (12) ib. quaer. 1.
(13) ib. quaer. 3. (14) ib. quaer. 1.
(15) n. 173 v. tempus.

a sua, sed a voluntate legis, sive ecclesiae (1). Requiritur insuper *attentio*, saltem externa, scilicet ne apponatur actio incompatibilis cum attentione interna. An autem requiratur etiam interna? Alii affirmant requiri internam, quae fit vel ad Deum, vel ad sensum, vel saltem ad verba, nempe ut recte pronuntientur; quia alias, prout dicunt, non esset oratio. Alii vero plurimi negant, dicentes veram esse orationem, quae fit cum intentione orandi, et attentione externa; ita Lugo Palud. Coninch. Angl. Sylv. Croix et plures alii cum s. Antonino et d. Thoma (2). Ratio 1. quia si attentio interna esset de essentia orationis, ministrans Extremam-Uctionem sine attentione interna invalide ministraret, cum forma huius Sacramenti sit deprecatoria, *Indulgeat tibi Deus, etc.* ex illo s. Iacobi; *Orent super eum, ungentes, etc.* Ep. 5. 14. Sed id non potest dici, cum constet ex Florentino ad valorem Sacramentum tantum requiri et sufficere, nempe materiam, formam seu verba a ministro prolata, et intentionem ipsius faciendi quod facit Ecclesia. Ratio 2. quia si attentio interna de essentia orationis esset, etiam is qui cum involuntaria distractione Horas persolveret, nec etiam satisfaceret. Propter has rationes minime contemnendas, videtur haec secunda sententia non posse dici improbabilis. Caeterum conveniunt omnes quod, ut dicatur quis non implere, oportet ut non solum advertat distractionem, sed adhuc, ut plene advertat se distrahi ab officio; alias, licet voluntarie se distrahat, non tamen voluntarie se distrahit a recitatione. Scrupulosus autem propter distractiones nunquam tenetur repetere (3).

76. Quaeritur 4. quatenus causae excusent a recitatione officii? Excusatur 1. *infirmas* gravis, sive grave incommodum. Laborans autem tertiana

vel quartana tenetur recitare, et etiam anticipare, si commode potest. Non tenetur tamen anticipare Matutinum in die praecedenti; nullus enim obligatur suo privilegio uti. Si quis commode potest, tenetur dicere officium cum socio. In dubio an ob recitationem graviter laedaris, non teneris; secus in dubio an excuseris, nisi habeas probabilem rationem: sed melius est tunc ut te remittas medico, aut Superiori, vel saltem viro prudenti. Quando autem urget morbus, si nequis recitare totum, nec teneris ad partem, quia alias magna superesset tibi scrupulosa anxietas, an pergere possis, vel ne, in reliquis recitandis; ita valde probabiliter Suar. Nav. Sanch. Lugo Cardenas Roncaglia etc. (4). 2. *Impedimentum* iustum, puta si quis occupetur in officio charitatis, quod non posset omittere sine scandalo, aut notabili detrimento proprio, aut alieno, v. g. si nequiret deferre concionem sine nota, vel concessionibus aliorum in magno concursu (5). 3. *Cacitas* (6). 4. *Carentia* Brevariarii. Teneris tamen dicere quae mente retines, modo id, quod retines, pertingat ad quantitatem saltem parvae Horae. Et si cares officio proprio, teneris recitare ex communi. Item si absque magno incommodo potes socium adhibere, teneris. An autem beneficiarius teneatur etiam conducere socium ad Horas persolvendas, si nequit solus? Adest duplex sententia probabilis; sed affirmativa est communior et tutior: imo omnino sequenda, si ille velit fructus percipere; cum sola enim probabilitate opinionis oppositae nequit possessionem fructuum inchoare, ut recte aiunt Less. Soto Salm. Concina Tournely Bon. et alii communiter (7), iuxta dicta *Tr.* 10. n. 8. 5. Excusatur *dispensatio* Pontificis; et etiam proprii Episcopi (ad breve tamen tempus), si adsit causa: puta si dubitetur de morali impotentia (8).

(7) *ibid.* et 158. et vide lib. 3. n. 761. quaer. 2. (8) lib. 4. n. 159.

(1) l. 4. n. 176. (2) n. 177. v. tertia.

(3) *ib.* v. caeterum. (4) n. 154. et 155.

(5) n. 156. (6) n. 157.

§. III. De censuris in genere.

(In hoc paragrapho ponuntur tantum definitiones, divisiones, et principia, relictis quaestionibus, aliisque notitiis, quae habentur *Tr.* 19. ubi fuisse egimus de censuris).

77. Quaeritur 1. quid et quotuplex est censura? *Censura est poena spiritualis et medicinalis, per quam delinquenti et contumaci per ecclesiasticam potestatem auferitur usus quorundam spiritualium bonorum.*

78. Dividitur censura 1. in excommunicationem, suspensionem, et interdictum. 2. In eam quae est a iure, nempe quae fertur per legem generalem et permanentem, et eam quae est ab homine, quae scilicet fertur a Praelato per particularem sententiam. 3. In eam quae dicitur latae sententiae, quaeque incurritur ipso facto; et ferendae sententiae, quae non incurritur nisi post sententiam, prout sunt censurae latae verbis futuri temporis: vide in *cit. Tr.* 19. n. 2.

79. Quaeritur 2. quis potest ferre censuras? Possunt omnes Superiores ecclesiastici habentes iurisdictionem in foro externo, vel ordinariam, prout Pontifex, Concilia, Episcopi, et ipsorum Vicarii, item Vicarii capitulares et Capitula religionum, eorumque Praelati; vel delegatam, ut sunt ii, quibus ab habente ordinariam facultas committitur; vide *Tr.* 19. n. 3. Quaeritur 3. quid requiratur, ut quisquis possit ligari censuris? Requiritur 1. ut sit homo. 2. Ut sit baptizatus. 3. Ut sit rationis compos. 4. Ut sit persona determinata. 5. Ut sit subditus. Quoad peregrinos vero vide *ibid.* n. 6. Quaeritur 4. quid requiratur ad incurrendam gravem censuram, puta excommunicationem maiorem, vel suspensionem totalem, aut ad longum tempus? Requiritur 1. peccatum grave, et ut materia sit etiam per se gravis, aut saltem valde conducens ad finem intentum; at in dubio Superioris praeceptum certe ligat. 2. Actus externus. 3. Actus consum-

matus. 4. Contumacia, ita ut delinquens sciat crimen, non solum vetitum esse iure divino, sed etiam ecclesiastico. Vide autem illationes quae ex his inferuntur *cit. Tr.* 19. n. 7. Quaeritur 5. quis possit a censuris absolvere? A censura lata per sententiam particularem ordinarie est tantum potest absolvere, qui eam tulit, vel eius Superior, aut successor, aut delegatus. Ab illa autem quae lata est a iure, vel ab homine per sententiam generalem (modo non sit reservata) potest absolvere quivis confessorius; vide *ibid.* n. 11.

80. Hic autem notandum 1. quod Episcopi ex *cap. 6. Liceat sess. 24.* in *Trid.* possunt dispensare in omnibus irregularitatibus, et suspensionibus ex delicto occulto; exceptis iis quae oriuntur ex homicidio voluntario, et aliis deductis ad forum contentiosum. Item possunt absolvere a quibuscumque casibus occultis, etiam Sedi apostolicae reservatis, quoscumque sibi subditos in dioecesi sua per seipsos, aut Vicarium ad id specialiter deputandum. De hoc vide *Tr.* 20. n. 29. et *seq.* Hanc autem facultatem potest Episcopus etiam generaliter aliis delegare; *ibid.* n. 34. Notandum 2. quod praedicta facultas verius sublata est Episcopis respectu ad haeresim, et alios casus reservatos in *Bulla Coenae; ibid.* n. 38. Si tamen quis sit impeditus adire Romam, bene potest absolvi ab Episcopo: absolute quidem, si impedimentum est perpetuum: sub iuramento verc adeundi Romam, si est temporale, exceptis semper mulieribus et pueris; vide *ibid.* n. 40. ad 45. Insuper hic obiter notandum 3. quod excommunicatio papalis in violentes immunitatem ecclesiasticam, a qua absolven- da Clemens VIII. etiam Regularibus facultatem abstulit, prout diximus in *Tr.* 20. n. 99., illa tantum incurritur ab iis, qui violenter et iniuste extrahunt ab ecclesia confugientes ad eam; Clemens enim in suo Decreto nullam aliam excommunicationem Re-

gularibus vetavit absolvere respectu ad violantes immunitatem, quam illam quae declarata fuit a Gregorio XIV. qui in Bulla 7. declaravit violantes immunitatem, per extractionem confugientis ad ecclesiam, incurrere ipso facto eandem excommunicationem papalem, quae prius fulminata fuit in violantes libertatem ecclesiasticam a Paulo II. in *Extrav. Etsi Dominici, de Poenit. et Rem. et a Sixto IV. in alia Extrav. Etsi Dominici, eod. tit.* Qui Pontifices huiusmodi excommunicationem ita sibi reservarunt, ut in generali concessione absolvendi a casibus pontificiis, haec non comprehenderetur. Nec obstat textus in *cap. Cum pro tua Sent. exc.* ubi, cum aliquis in claustrum cuiusdam monasterii quemdam clericum verberasset, dicitur in textu illum duplicem incurrere excommunicationem, unam quia percussit clericum, alteram quia laesit immunitatem. Nam communiter notant dd. cum Fagnan. in cit. *cap. n. 10.* excommunicationem illam ob laesionem immunitatis impositam fuisse non a iure, sed ab ipso Episcopo: ita Abbas Cardinal. Ancharan. cum Innoc. qui verbo, *duplicem*, sic adnotavit: *Duplicem, id est ob iniunctionem manuum ipso iure, et violationem claustrum ab ipso (Episcopo) latam.* Hinc Fagnan. cum aliis in *cap. inter alia de Immun. eccl. n. 102.* ut certum habet nullam adesse excommunicationem latae sententiae Papae reseruatam contra percutientes, vel furantes in ecclesia.

§. IV. De censuris in specie.

Et I. De excommunicatione.

81. *Excommunicatio est censura, per quam privatur homo communione ecclesiastica.* Est duplex; minor, quae privat tantum usu passivo, seu receptione Sacramentorum; vide *Tr. 19. n. 27.*, et maior, quae privat etiam activo et omni communicatione, ut infra mox dicemus num. 83.

82. Excommunicatus potest esse

vel toleratus, vel vitandus. *Toleratus* est quem fideles non tenentur vitare, ex *Constit. Ad evitandum*, Concilii Constantiensis, nec etiam in Divinis ut probabilius aiunt dd. vide *Tr. cit. n. 15.* Et idem dicitur de suspensis et interdictis toleratis. *Vitandus* est, quem fideles tenentur vitare. Et dupliciter quis potest esse vitandus, vel quia est nominatim excommunicatus et denunciatus: vel quia est publicus percussor clerici, vel Monachi; ita tamen, ut factum nulla possit tergiversatione celari, nec aliquo suffragio excusari, ut dicitur in *can. Si quis suadente*, 17. qu. 4. Vide cit. *Tr. 19. n. 16.* Haec autem excommunicatio, si percussio est enormis, vel gravis, et publica, tantum a Papa absolvitur; nisi percussor sit mulier, aut impubes; hi enim possunt absolvi ab Episcopo, qui potest etiam absolvere a percussione levi adhuc publica: et adhuc a gravi, vel enormi, si sit occulta; vide *Tr. 20. n. 46. ad 48.*

83. Excommunicatus igitur excommunicatione maiori (esto sit toleratus) privatur 1. suffragiis Ecclesiae. 2. Beneficiis, ita ut collatio beneficii ipsifacta sit omnino nulla. 3. Suspensione et administratione Sacramentorum ac omni usu divinarum officiorum. 4. Omni communicatione spiritali et civili cum fidelibus. Ex alia parte peccant fideles, si communicant cum excommunicato vitando, sive in Divinis, nempe si cum eo Missam audiant, officium recitent, sive in civilibus, scilicet si illum alloquantur, cum eo habitent; societatem ineant, eum saluent, scribant ei; quae omnia comprehenduntur illo versu: *Os, orare, vale, communicio, mensa negatur.* Hi autem communicantes in tribus casibus peccant graviter. 1. Si communicent in Divinis. 2. Si in contemptum Ecclesiae. 3. Si in crimine criminoso, id est si communicant in eodem crimine (puta concubinato) ob quod ille est excommunicatus, et in hoc tertio casu incurrunt etiam excommunicationem

maiores; in aliis vero (regulariter loquendo) peccant tantum venialiter, et ligantur sola excommunicatione minori; a qua culpa et excommunicatione excusat necessitas, utilitas, lex coniugii, subiectio et ignorantia, quae alio versu continentur: *Utile, lex, humile, res ignorata, necesse*. Vide de his *Tr. 19. Punct. 2. a n. 23. ad 27. Dixi, regulariter loquendo*, nam esto sit probabile quaecumque communicationem civilem cum vitando esse tantum venialem, probabilius tamen est esse mortalem, si sit frequens, cum proposito frequenter cum eo communicandi; vide *ibid. n. 22.*

II. De suspensione.

• 84. *Suspensio est censura, qua clericus functiones aliquas ecclesiasticas exercere prohibetur*. Multipliciter autem dividitur suspensio. 1. Alia est a iure, alia ab homine. 2. Alia fertur ad certum tempus, quo elapso expirat: alia fertur absolute, quae manet donec per absolutionem auferatur. 3. Alia est ab officio, nempe Ordinis, vel iurisdictionis; alia a beneficio; et alia ab utroque, tam ab officio, quam a beneficio; vide quaestiones super hac censura *tr. 19. ex n. 64. ad 67.*

III. De depositione.

85. *Depositio est quae privat simpliciter omni usu officiorum et beneficiorum*. Depositiō autem alia est *realis*, quae dicitur etiam degradatio. Alia *verbalis*, quae absolute dicitur depositio. Prima fit cum solemnitate, et privat privilegio tam fori, quam Canonis absque spe restitutionis. Secunda vero fit sine solemnitate, et utroque privilegio retento; vide *tr. 19. n. 67.*

IV. De interdicto.

86. *Interdictum est censura ecclesiastica prohibens usum tam divinorum officiorum, quam aliquorum Sacramentorum, et etiam ecclesiasticae sepulturae usum, quatenus talis est.*

*Dicitur quatenus talis est, quia excommunicatio etiam privat eodem usu, sed quatenus est communicatio cum fidelibus; suspensio autem non impedit proprie usum, sed exercitium potestatis ecclesiasticae. Interdictum aliud est locale, quod immediate afficit locum; aliud personale immediate afficiens personas. Potest esse etiam mixtum, quod afficit immediate tam locum, quam incolas. Vide alia *tr. 19. n. 68.* Adest etiam *cessatio a Divinis*, quae definitur: *Prohibitio clericis facta, ut abstineant ab officiis divinis, et ab ecclesiastica sepultura*. Haec non est censura, nec imponitur per modum medicinae, sed tantum in signum moestitiae, ob aliquam gravissimam iniuriam Deo vel ecclesiae irrogatam. Ipsa imponi potest, a quibus imponuntur censurae.*

V. De irregularitate.

87. *Irregularitas est impedimentum canonicum, Ordinum sacrorum susceptionem, et susceptorum usum impediens*. Dictum est *impedimentum*, non censura; quia sic vult communior et probabilior sententia; vide *tr. 19. n. 73.* Notandum hic 1. quod irregularitas non incurritur, nisi in iure sit expressa, ex *cap. Is qui, de Sent. excom.* Unde in dubio non incurritur, nisi dubium sit circa homicidium factum; in dubio enim, an quis ad illud concurrerit vel ne, habetur ut irregularis; *ibid. n. 79. et 80.* Notandum 2. quod ad incurrendam irregularitatem ex delicto requiritur saltem scientia legis ecclesiasticae prohibentis. An autem etiam scientia poenae? Probabiliter adhuc affirmant Nav. Silvest. Sanch. Castrop. Ronc. etc. Vide *ibid. n. 83. et 84.* Irregularitas tollitur 1. per cessationem causae, si sit ex defectu aetatis, ignorantiae aut paupertatis, vel infamiae facti, quae tollitur etiam per mutationem loci, aut per emendationem; nam alias, si est iuris, scilicet per sententiam requiritur dispensatio. 2. Per Baptismum (si sit ex delicto).

3. Per dispensationem. 4. Per professionem religiosam; vide *ib.* num. 85. ad 87.

88. Irregularitas alia est ex delicto, alia ex defectu. Irregularitates ex delicto sunt sex: 1. ob Baptismum serio et scienter iteratum, et tunc fit irregularis tam baptizans, quam baptizatus; vide *tr.* 19. n. 88. 2. Ob violationem censurae, nempe si quis ea innodatus scienter exercet actum Ordinis solemniter; n. 89. 3. Ob peccatum, quo clericus scienter et serio actum Ordinis sacri, quem non habet, solemniter exercet; n. 90. 4. Ob aliquas furtivas susceptiones Ordinum, id est 1. si quis accipit Ordinem sine approbatione Episcopi, ex *cap. 1. de Eo, qui furt.*, etc. 2. Si absque dispensatione eiusdem suscipit eadem die plures Ordines, quorum unus est sacer, ex *cap. 2. et 3. eod. tit.* 3. Qui post matrimonium contractum ante consummationem accipit Ordinem sacrum, uxore renitente, ex *Extr. Antiquae de Voto.* Vide *cit. tr.* 19. n. 91. Diximus autem ob aliquas, nam aliae furtivae Ordinum susceptiones (enumeratae in hac *app. n. 46.*) inducunt tantum suspensionem (Papae quidem reservatam, si est publica), sed non irregularitatem. Et idem probabiliter dicendum de eo qui censura irretitus sacrum accipit Ordinem, scilicet quod non fiat irregularis, nisi in ipsa ordinatione Ordinem ultro exerceat, iuxta dicenda hic n. 91. 5. Ob enormia crimina, si sint publica et notoria facta, vel iure, habeantque a iure annexam infamiam, ut sunt adulterium, incestus, sodomia, periurium in iudicio, haeresis, simonia, rapina, lenocinium, exercitium usurarum, raptus mulierum, et similia. Haec tamen irregularitas, si est facti, tollitur per emendationem, si iuris per dispensationem; vide *tr.* 19. n. 92. 6. Ex iniusta mutilatione; et tanto magis ex homicidio voluntario ex *c. Si quis, 1. de Homic.*, et ex *Clement. unic. eod. tit.* Haecque irregularitas

extenditur etiam ad mandantes, consulentes, aut aliter concurrentes, ex *c. Si quis viduam, Dist. 50.* Vide alia super hoc puncto *tr.* 19. n. 94. et *seq.*

89. Irregularitates autem ex defectu sunt octo. 1. Ex defectu animae, ex quo irregulares sunt 1. amentes, phrenetici, et epileptici. 2. Illiterati, iuxta dicta huius append. n. 55. 3. Neophyti, seu recenter conversi. 2. Ex defectu corporis, nempe si quis habet vitium, quod vel impedit congruum exercitium Ordinis, vel notabilem affert indecentiam. Ex primo capite *impedimenti* sunt irregulares caeci, surdi, muti, carentes manu, aut digitis omnibus, aut pollice, vel indice. Ex secundo autem capite *deformitatis*, sunt irregulares leprosi, carentes nasu, et aliter monstruosi, puta habentes gibbam valde enormem; vide *tr.* 19. n. 116. ad 125. 3. Ex defectu natalium, ex quo sunt irregulares omnes illegitimi; qui tamen legitimantur, vel per subsequens matrimonium, vel per professionem religiosam, vel per dispensationem Pontificis; vide *ibid. n. 126. ad 129.* 4. Ex defectu *aetatis*, de quo vide dicta huius append. n. 43. et 44. 5. Ex defectu *Sacramenti*, nempe ex bigamia: dicitur *Sacramenti*, eo quod duas ducens uxores nequit apte significare unionem Christi cum Ecclesia, quae fuit unica eius sponsa. Bigamia autem triplex est, quae impedit a susceptione Ordinum, scilicet 1. *Vera*, quando quis cum duabus successive verum contraxit matrimonium. 2. *Interpretativa*, quando quis sola fictione iuris censetur duas habuisse uxores, de quo vide *cit. tr.* 19. n. 131. et *seq.* 3. *Similitudinaria*, quae contrahitur ex attentione matrimonii (quamvis invalidi) cum corrupta, vel cum virgine, post votum solemne emissum in religione, vel post susceptionem sacri Ordinis; vide *ibid. n. 138.* 6. Ex defectu *infamiae*; de qua vide dicta huius append. n. 88. ad 5., nam irregularitates ex de-

fectu et ex delicto ob infamiam in idem coincidunt. 7. Ex defectu *libertatis*: unde sunt irregulares 1. omnes servi, proprie dicti. 2. Coniugati. 3. Curiales obligati curiae propter iuramentum, aut stipendium. 4. Milites, saltem quamdiu iuramento tenentur: vide *tr.* 19. n. 140. ad 144. 8. Ex defectu *lenitatis*, scilicet ex licita mutilatione membri, quae fit a chirurgis cum incisione, vel a dustione, vel ex licito homicidio in bello iusto offensivo, aut in indicio per cooperationem activam, efficacem, proximam, et ad occisionem ordinatam; vide *ib.* n. 144. ad 147.

Sectio II. De diaconatu.

90. Quid diaconatus et quae ipsius materia et forma?

91. Officia diaconi. Censura ligatus, etc. de poenitentia imposita ab Episcopo, an implenda sub gravi.

90. Diaconatus est Ordo, quo confertur potestas immediate assistendi sacerdoti in Missa, porrigendo ei patenam cum hostia, et calicem cum vino: item legendi Evangelium, et praedicandi. Sententia nobis probabilior (iuxta dicta huius append. n. 29.) tenet unicam diaconatus materiam esse manuum Episcopi impositionem, unicamque formam esse verba Episcopi: *Accipe Spiritum sanctum ad robur, etc.* Sed quia altera sententia etiam est probabilis, ideo tenenda, nempe quod porrectio instrumentorum etiam sit materia integralis partialis; ac propterea dicendum quod materia diaconatus est duplex, scilicet impositio manus dexterae Episcopi, cum forma: *Accipe Spiritum sanctum, etc.*, et traditio libri Evangeliorum cum forma: *Accipe potestatem legendi Evangelium, etc.* Ambo autem sunt materiae et formae partiales unum Ordinem constituentes. Valeret etiam traditio Bibliorum, quia ibi iam continentur Evangelia. Sed dices: ab initio quomodo ordi-

(1) lib. 6. n. 748. (2) n. 237. quaer. 1. (3) n. 234. (4) n. 799. dub. 3. v. utrum.

nabantur diaconi, quando deerat liber Evangeliorum? Respondetur Christum Dominum reliquisse Ecclesiae potestatem determinandi in specie materias et formas Sacramentorum, quorum ipse non determinavit. Et iuxta hanc sententiam character imprimitur in ipsa libri traditione, ut dicit d. Thomas, sive in prolatione secundae formae (1), ita iuxta hanc sententiam; sed vide dicta *tr.* 17. n. 14. ad 16.

91. Officia diaconi (praeter dicta) sunt, 1. solemniter baptizare; sed non nisi de licentia parochi, et in gravi necessitate: alias diaconus, qui baptizat solemniter sine commissione, etiam in necessitate, irregularitatem incurrit. 2. Ministrare Eucharistiam; sed pariter id non licet, nisi fiat ex commissione parochi, et in necessitate gravi, nempe si populus sit communicaturus, et desit sacerdos (2); alias si ministrat sine commissione, etiam fit irregularis (3). Deferre pyxidem aut ostensorium cum Eucharistia. 4. Praedicare, et lavare corporalia in defectu subdiaconi. Diaconus autem censura ligatus irregularitatem incurrit, si ministrat, iuxta dicta n. 88. ad 2. Qui vero irretitus censura diaconatum suscipit, non fit irregularis, nisi in Missa ordinationis ultro Ordinem susceptum exerceat (4). Quaeritur an obliget poenitentia imposita diaconis et subdiaconis ab Episcopo recitandi Nocturnum diei currentis, et sacerdotibus tres Missas celebrandi? Alii affirmant; sed probabiliter alii (ut Soto, Valentia, Castr. Pelliz. Gobat. etc.) dicunt dicendas tantum de decentia, non autem de obligatione, saltem non gravi, cum de ea non constet (5).

Sectio III. De presbyteratu.

92. et 93. §. I. Quid presbyteratus? et quae materia et forma?

94. De defectibus supplendis.

95. §. II. De Sacrificio Missae. Quid Sacrificium, et quotuplex?

(5) n. 829.

96. *Quid Missa.*
 97. *I. Quae requirantur ad Missam? De materia Missae, et hic de pane.*
 98. *De vino.*
 99. *De praesentia materiae.*
 100. *De forma.*
 101. *Qu. II. Quomodo Christus sit praesens?*
 102. *III. Effectus Missae.*
 103. *Pro quibus offerri possit?*
 104. *Qu. IV. Quotuplex fructus?*
 105. *An Missa sit infiniti valoris?*
 106. *Qu. V. De stipendio licito.*
 107. *Dilatio Missae.*
 108. *Retentio partis eleemosynae.*
 109. *An parochus, etc.*
 110. *Applicatio.*
 111. *Qu. VI. Obligatio celebrandi.*
 112. *Qu. VII. An omnes Rubricae sint praeceptivae.*
 113. *Qu. VIII. Quando Missa possit dici? An ante Matutinum? et an in die Coenae Domini, et Sabbati sancti?*
 114. *Qu. IX. Ubi Missa dicenda.*
 115. *De pollutione ecclesiae.*
 116. *Qu. X. Quae requirantur ad celebrandum? I. Altare.*
 117. *II. Calix, et patena.*
 118. *III. Vestes.*
 119. *IV. Corporale.*
 120. *V. Palla.*
 121. *VI. Missale.*
 122. *VII. Crux cum Crucifixo.*
 123. *Neopresbyteri an consecrent, etc.*
 124. *An tres Missae iniunctae, etc.*
 125. *Missa dicenda alte, breviter, etc. (de celebrantibus nimia celeritate locuti sumus tract. 15. a n. 84.).*
 126. *De Missis votivis.*
 127. *Quando pluries in die, etc.*
 128. *Si dum celebratur, polluitur ecclesia, vel accedat excommunicatus*
 129. *§. III. De potestate sacerdotali. Sacerdos simplex tantum Eucharistiam potest conficere, et ministrare, et poenitentiam in necessitate.*
 130. *Scitu necessaria cuilibet sacerdote circa ministrandam poenitentiam in necessitate.*
 131. et 132. *§. IV. De munere docendi, et praedicandi.*
 §. I. *De ordine presbyteratus.*
 92. *Presbyteratus est Ordo, quo confertur potestas consecrandi Cor-*
 (1) vide l. 6. n. 749. (2) n. 750.

*pus et Sanguinem Iesu Christi, et absolvendi fideles a peccatis. Ordo autem sacerdotii institutus fuit a Christo in coena, cum dixit: Hoc facite in meam commemorationem. Et post resurrectionem, quando dixit: Quorum remiseritis peccata, remittuntur eis. Quatenam est materia presbyteratus? Iuxta nostram probabilior sententiam (ut diximus hic n. 29. et tr. 17. n. 16.) est unica, nempe secunda impositio manuum Episcopi una cum presbyteris. Sed probabilis est etiam sententia quod sit duplex, nempe traditio calicis cum vino, superposita patena cum hostia, cuius forma est: *Accipe potestatem offerendi Sacrificium, etc.* Et tertia impositio manuum, cuius forma: *Accipe Spiritum sanctum, quorum remiseris peccata, etc.* Et haec sententia, cum sit probabilis, omnino in praxi tenenda est (1); vide dicta tr. 17. n. 16.*

93. Hinc dicimus 1. quod in ordinatione sacerdotum una cum calice et patena, tradenda est utraque species, nempe panis et vini; aliter non daretur directa potestas ad integrum Sacrificium; et eodem tempore debet tradi, cum potestas sacerdotalis ad sacrificandum sit indivisibilis; ita probabilior sententia, quae omnino tenenda est (2). Item debet tradi ab eodem ordinante et celebrante, ut dictum est hic n. 53. in fin. Dicimus 2. quod non sufficit tangere tantum calicem, et non patenam, cum probabilis sit sententia utrumque esso tangendum (3). Dicimus 3. quod licet ex communi sententia valide ordinatus sit, qui tantum hostiam, et non patenam tetigit: quia hostia et vinum sunt materia substantialis; et calix ac patena tantum ob decentiam adhibentur; attamen consultum est, ut talis ordinatio repetatur, cum quatuor dd. de ea dubitent, et in Pontificali (ubi fit sermo de materia) dicitur: *Et cuppam calicis, et patenam simul tangant* (4): et idem videtur dicendum de eo qui tangit (3) n. 753. (4) n. 751.

tantum patenam, et calicem, et non hostiam (1).

94. Quaeritur, quando defectus suppleri debeant in ordinatione presbyteratus? Si defectus est circa *essentialia*, nempe circa materiam vel formam, omnino ordinatio repetenda est; et quidem tota, si defectus, sive eius dubium vertitur quoad traditionem primae potestatis super Corpus Christi reale; si vero quoad secundam circa corpus mysticum, tantum secunda repeti debet. Si autem defectus est circa *accidentalia*, tunc si est de re levi, puta si ordinatus non dixerit canonem, talis caeremonia (aut similis) non oportet repeti; si autem in re gravi, quia si defuerit unctio manuum, vel si Neopresbyter non protulerit verba consecrationis cum Episcopo, tunc defectus quamprimum supplendus est, et ab eodem Episcopo (si fieri potest); alias graviter peccaret ordinatus id negligendo, aut in Ordine ministrando (2). Quoniam autem tempore praefati defectus suppleri debeant? Respondetur quod si sint circa *accidentalia*, probabiliter quovis tempore suppleri possunt: si vero circa *essentialia*, idem dicunt Salmanticenses cum aliis: sed ex probabiliori et communiori sententia supplendi sunt temporibus statutis ordinationum, ut colligitur ex *c. Presbyter, de Sacr. non iter.*, nisi agatur de solo dubio validitatis ordinationis, ut probabiliter plures dd. opinantur (3).

§. II. De Sacrificio Missae.

95. Sacrificium (loquendo in genere) sic definitur: *Est oblatio rei sensibilis facta Deo per immolationem in signum eius supremi dominii*. Quadruplex autem potest esse Sacrificium: *latreuticum*, ad Deum colendum: *eucharisticum*, ad gratias agendas: *impetratorium*, ad beneficia impetranda: *propitiatorium*, ad veniam obtinendam.

(1) l. 6. n. 752. (2) n. 758. (3) n. 759.
(4) n. 305. (5) n. 306.

96. Missa vero definitur sic: *Est Corporis et Sanguinis Domini Iesu Christi consecratio et oblatio*. Et est verum Sacrificium, omnium aliorum rationem complectens; eademque est hostia, quae in cruce oblata fuit, *sola offerendi ratione diversa*, ut docet Trid. sess. 22. cap. 2. Essentiam Sacrificii alii dicunt consistere in *consecratione*, alii in *oblatione*, alii in *sumptione*, alii demum probabilius in *consecratione simul et sumptione*, ut Bellarm. Soto Bonac. Tournely (4). Ad essentiam autem Sacrificii probabilius requiritur consecratio utriusque speciei, nempe panis et vini, aliter non satis exprimeretur commemoratio Sacrificii cruenti Crucis (5).

97. Quaeritur 1. quae requirantur ad Missam perficiendam? Tria sunt necessaria: *intentio, materia et forma*. Requiritur *intentio* consecrandi, sive conficiendi Sacramentum, saltem virtualis, scilicet quae perseveret ex intentione actuali prius habita: quam certe habet qui paratur et accedit ad celebrandum, iuxta dicta hic n. 9. Plura nunc sunt notanda de materia et forma Missae. *Materia* est ipse Christus Dominus, realiter existens sub speciebus panis et vini. Panis consecrandus debet esse usualis et communis, ex farina triticea, et aqua naturali (saltem pro maiori parte) confectus, igneque coctus per modum panis, et non cum alia materia ex aequo vel quasi permixtus (ut ait d. Thomas), ac non corruptus, aut corruptioni proximus; alias non est materia apta. Ut autem sit materia licita, in Ecclesia Latina panis debet esse azymus, in Graeca fermentatus (6). Hic autem notandum 1. quod si Graecus transit per loca Latinorum (et sic Latinus per Graeciam), ubi non sit ecclesia, in qua ritus Graecus servetur, potest pro suo arbitrio in azymo et in fermentato celebrare; ita communiter dd. (7). Notandum 2. quod consecrare hostiam fractam, vel maculatam non

(6) n. 198. ad 205. (7) n. 203.

licet; sed non est mortale, nisi fractura vel macula esset valde enormis; ut dicunt Quarti Pasqual.; et La-Croix addit cum Gobat, quod si fractura deprehendatur post oblationem, talis hostia licite consecrabitur, secluso scandalo populi (1). Notandum 3. quod hostia debet esse figurae orbicularis, et maior pro sacerdote; si vero maior desit, ut dicunt Roncag. Quarti Elbel Gobat et Tamb., probabiliter potest sacerdos, etiam causa devotionis, consecrare minorem, modo (advertunt) absit populi scandalum; sed addunt quod hoc scandalum facile praecaveri potest, monendo populum de defectu hostiae maioris (2).

98. Vinum autem debet esse ex uvis expressum, cui ex gravi praecepto Ecclesiae modica aqua est in calice admiscenda (ad significandam unionem fidelium cum Christo), quae saltem non excedat tertiam vini partem; quamvis hanc opinionem aliqui dd. non admittant; nisi vinum sit generosum. Sufficit vero admiscere unam aquae guttam (3). Non est materia apta vinum ex agresta, nec acetum, nec vappa (id est vinum cuius vis evanuerit), nec lora (vulgo *Acquata*). Vinum autem cum alio liquore etsi modico mixtum, vel mustum de uvis tunc expressum, est quidem materia apta ad Sacramentum, sed graviter illicita, ut dicitur in Rubrica; ubi idem docetur de vino, quod *coeperit acescere, vel corrumpi, vel fuerit aliquantulum acre*. Dicunt tamen la-Croix Gobat. et Sporer (4), quod deficiente alio vino, licet uti vino tantum parum acescente: ait enim Card. Lambertinus (*Notif.* 77. n. 2.) quod praefata Rubrica deducta est ex doctrina s. Thomae 3. p. q. 74. a. 5. ad 2. qui docet non posse quidem Sacramentum confici de aceto, *posse tamen de vino acescenti, quod est in via ad corruptionem, licet peccet conficiens*. Unde Rubrica

(1) l. 6. n. 204. (2) n. 205. (3) n. 208. et 210. (4) n. 206. et 207. quæser. 1.

(5) cit. n. 207. quæser. 2. (6) ibid.

non videtur accipienda cum tanto rigore, ut comprehendat omnes etiam primos gradus acrimoniae, sed tantum illos qui tam proxime incipiunt constituere vinum aceseens, vulgo dictum: *vino colla punta, sive andato allo spunto*. Nec licet consecrare in vino congelato, nisi liquefiat dum consecratur (5). Quod autem vinum congelatum sit materia apta, nequit dubitari, dum dicitur in Rubrica (*de Defectu §. in hyeme*): *Si in hyeme Sanguis congelatur in calice, involvatur calix pannis calefactis, etc. donec liquefiat*. Ergo per congelationem non corrumpuntur species vini, alias desineret esse ibi Sanguis Christi (6). Quid si celebrans in sumptione adverteret vinum esse corruptum? Alii dicunt sufficere, ut sola fiat consecratio vini. Sed melius est iuxta Rubricam (nisi adsit scandalum) iterum vinum et novam hostiam consecrare, incipiendo a verbis: *Qui pridie, etc.* vide dicta *Tr.* 15. n. 54. Et in dubio an fuerit materia apta, etiam est repetenda consecratio vini sub conditione, ut verius aiunt Croix Pasqual. et Aversa (contra Tamb. et Spor.) quia possidet obligatio faciendi Sacramentum integrum (7).

99. Insuper ad validam consecrationem requiritur ut materia 1. sit sensibiliter (saltem moraliter) praesens; unde invalide consecratur materia tam valde modica, ut nequeat sensu percipi, aut valde remota, vel posita post tergum, aut parietem. Dicitur vero *saltem moraliter*, quia bene consecrat caecus, vel existens in tenebris, si aliunde certus sit moraliter de praesentia materiae (8). Requiritur 2. ut sit certa et determinata; saltem aliquo modo certo; tunc autem iam consecratur ex intentione virtuali; licet de ea sacerdos consecrando obliviscatur (9). Si autem ciborum tempore consecrationis remanserit extra altare, probabilius est ipsum rursus esse sub conditione con-

(7) n. 206. v. quoad. (8) n. 211. ad 213.

(9) n. 214. ad 215.

secrandum, ut docet Card. Lambertinus (1), tunc enim dubium est an sit facta consecratio (2). Quoad guttas autem vini separatas, sed intra calicem existentes, ait La-Groix (3), expedire, ut sacerdos intendat ea consecrare, ne quid sit in calice non consecratum. Sed melius mihi videtur, id intendere de guttis proximis fundo, non vero de remotis (4). Si afferantur hostiae parvae paulo post oblationem, licite consecrantur, mentaliter oblatione suppleta; Gavant. Tanner. Possev. Aversa etc. Id probabiliter fieri potest etiam post canonem incoeptum, ut aiunt Gobat. Quarti Burghab. Possev. Diana Tamb. et Card. Lambertin. (5) saltem si aliter plures Communionem carerent; aut etiam (censeo) si communicatus non posset expectare, vel si persona gravis aut nobilis Communionem petat, dum propter huiusmodi causas permittunt s. Anton. Silv. Bon. Sa Barb. March. Possev. Gob. Dicastil. etc. dari posse etiam partem Hostiae magnae, vel dividi Hostias minores in plures particulas (6).

100. Forma autem Eucharistiae sunt verba, quae proferantur in consecratione panis et vini. An autem in consecratione vini sola verba, *Hic est calix Sanguinis mei*, sint de essentia, vel etiam alia? Utraque sententia est probabilis; sed certe graviter peccat reliqua omittens (7). An vero ad consecrationem requirantur de necessitate Sacramenti verba praecedentia: *Qui pridie quam pateretur etc.*? Communis sententia negat, sed Scotus dubitat, eiusque sententiam Du-Pasquier et Continuator Tournely dicunt non carere omni probabilitate; atque ego dicere improbabilem non audeo (8). Forma autem Eucharistiae debet proferri *recitative et significative*, id est referendo verba Christi, et applicando illa ad materiam prae-

sentem, ut transmutetur ipsa in Corpus et Sanguinem Christi, ut aiunt Concina et Salm. cum d. Thoma (9). Si quis autem propter balbutiem diceret, *Hoc est corpus meum, vel copus meum, vel corpus meus, vel calis, vel sanguis*, valide consecrat, ut Suar. Lugo Croix, et alii communiter ex cap. *Retulerunt, de Cons. D. 4.* ubi baptismum collatum, *In nomine Patria, et Filia, etc.* validum declaratur: ratio est, quia voces ita sunt constitutae, ut si aliquando cum vitio proferantur, idem significant, modo alium sensum non ingerant (10). Hic autem advertendum sedulo id quod ait Rubrica (tit. 5. n. 2.): *Si celebrans non recordatur se dixisse quae in consecratione communiter dicuntur, non debet turbari* (scil. repetere). *Si vero valde probabiliter dubitat se aliquod essenziale omisisse, iteret formam, saltem sub tacita conditione.*

101. Quaeritur 2. quomodo Christus sit praesens in Eucharistia? Respondetur, Christum in Eucharistia non esse praesentem per *productionem, nec per adductionem* de coelo, sed per conversionem substantiae panis in substantiam Corporis Christi, cui conversioni convenienter aptatum est nomen *Transubstantiationis*. Christus autem sub panis et vini speciebus continetur sacramentaliter, et ineffabili modo, qui debet credi, sed intelligi non potest (*verbis exprimere vix possumus*, ait Trident. sess. 13. c. 1.); Salvator enim existit ibi sine extensione partium in ordine ad locum, et tamen est ibi totum Christi Corpus cum anima et Divinitate per concomitantiam: et unaquaeque pars Christi ibi extra aliam existit. Atque Christus est *totus et integer sub quavis ipsius species parte*, ut docet Trid. sess. 13. cap. 3. Id tamen intelligendum, *separatione facta*, ut exprimitur ibidem can. 3.; nam licet sens. 3. c. 18. n. 5. (6) vide opus nostrum l. 6. n. 217. v. 4. si parvae. (7) n. 223. (8) n. 222. (9) n. 220. in fin. (10) n. 224

(1) de Sacr. Miss. lib. 3. c. 18. n. 6.

(2) l. 6. n. 217. (3) lib. 6. p. 1. n. 449.

(4) vide opus nostrum l. 6. n. 215. v. quaer. (5) Lamb. de Sacr. Mis. l.

sentia universe affirmans sit communior, non desunt tamen qui oppositum tuentur. In Eucharistia autem, licet non sumatur persona Patris, nec Spiritus S. prout sumitur persona Verbi, quae est hypostatica humanitati unita, tamen sunt in Eucharistia etiam personae Patris et Spiritus sancti ob naturalem unionem, sive naturae divinae identitatem, quam habent cum Verbo.

102. Quaeritur 3. quinam sint in Missa offerentes, et quinam effectus Missae? Offerentes sunt tres: Christus qui est principalis offerens, Ecclesia, et sacerdos, qui offert ut minister tam Christi, quam Ecclesiae; ita Bellarm. (1). Effectus autem Missae sunt quatuor. 1. Est *remissio peccatorum*, non quidem immediate et per se, sed mediate per auxilium quod in Missa impetratur ad poenitentiam, qua venia deinde obtinetur: ita communiter Bell. Suar. et alii cum d. Thoma (2), qui ait Missam *delere peccata, in quantum gratiam contritionis impetrat*. Idque recte docent et communissime aa. cum eodem s. Doctore (*loc. cit. art. 2. ad 1.*) contra Canum et Valentiam, procedere tam de mortalium, quam venialium culparum remissione (3). 2. Est *remissio poenarum*; hae per Missam immediate remittuntur homini iusto, pro quo Missa offertur, communiter Gonet Suar. Concina Salm. alique cum d. Thoma (4) dicente quod hec Sacramentum, *in quantum est Sacrificium, habet vim satisfactivam*. 3. Est *incrementum gratiae*, non iam ex opere operato et immediate, ut sentiunt aliqui, sed mediate per auxilia quae obtinentur ex Missa ad bonos perficiendos actus, quibus gratia augetur, ut docent Castropal. Vasq. Suar. Lugo etc. communiter. 4. Est *impetratio bonorum* tam spiritualium, quam temporalium, quatenus animae prosunt (5).

(1) de Sac. Missae c. 4. (2) in 4. dist. 12. quaest. 2. art. 2. quaest. 2. ad 4.

(3) l. 6. n. 311. (4) 3. p. quaest. 79. a. 5.

103. Hic quaeritur: pro quibus personis possit offerri Missa? Potest pro quibuscumque fidelibus, infantibus, obsessis, et aliis, etsi existant in peccato. An autem pro excommunicatis? Si ipsi sunt vitandi, nequit sacerdos pro illis offerre Missam nomine Ecclesiae, sive ut minister Christi, *cap. 2. de Sent. excom.* Si vero sunt tolerati, probabilius est cum Sanch. Navar. Lugo etc. contra alios (6), posse sacerdotem pro his offerre Missam etiam nomine Ecclesiae; licet enim etiam tolerati sint exclusi a communicatione suffragiorum; tamen aliis datum est a Concilio Constantiensi (ut habetur in *Extrav. Martini V. Ad evitanda*) libere posse eum ipsis communicare adhuc in Divinis, prout dictum est *Tract. 19. de Censur. n. 15*. Sic pariter probabilius licet offerre Missam pro infidelibus, ut docent Bellarm. Laym. Suar. Salm. etc. contra Sotum, quia Christus pro omnibus se obtulit; idque certe licitum fuit in Lege veteri: *La-daei enim pro Gentibus sacrificare iam consueverunt (l. 1. Machab. c. 12. 11.)*. Pro defunctis autem in purgatorio existentibus certum est, et de Fide, ut docet Trident. *sess. 22. c. 22. et in can. 3.* quod licite et utiliter Missa offertur; idque ex infallibili promissione Christi, ut communius et verius (contra Canum, etc.) docent Azor. Suar. Nav. Salm. etc. quia, cum certum sit quod Missa utiliter pro defunctis offeratur, hoc non potest esse nisi ex promissione Christi (7).

104. Quaeritur IV. quatuorplex est fructus Missae? Respondetur; fructus Missae alius est *ex opere operato*, nempe ex merito Christi; alius *ex opere operantis*, scilicet ex merito sacerdotis. Item alius est *meritorius*, alius *satisfactorius*, alius *impetratorius*. Item alius *generalis*, qui obtingit omnibus fidelibus vivis et defunctis; alius *specialis*, sive *medius*, ob-

(5) l. 6. n. 311. v. 2. effectus.

(6) n. 309. (7) n. 310.

tingens assistentibus Missae, et ei cui applicatur; alius *specialissimus* obtingens soli celebranti, qui pro illo nequit ullum stipendium accipere, ex prop. 8. damnata ab Alexand. VII.

105. An Missa sit infiniti valoris, tam intensive, quam extensive? Plures dd. negant; plures vero alii probabilius affirmant, ut Gonet Habert Ioven. Petroc. Pignatelli, Tourn. Concina Holzm. Wigandt La-Croix Canus Salm., etc., ac pro his est etiam d. Thomas; quia Missa est idem, quam crucis Sacrificium, quod fuit infiniti valoris. Licet autem valor sit infinitus, effectus tamen Missae finitus est, ex finita capacitate hominum pro quibus offertur, quorum unusquisque percipit fructum iuxta suam capacitatem. Sed quia prima sententia est etiam probabilis, nequit sacerdos accipere duplex stipendium a duobus, applicando eis Missam ambobus, ut falso dicebat posse prop. 10. damnata ab eodem Alexandro VII. Nec potest eam danti eleemosynam applicare in generali cum aliis, nisi hoc faciat sub conditione si liceat (1).

106. Quaeritur V. quid de stipendio Missae? Stipendium accipere licet sacerdotibus, etiam opulentis, ut communiter docent Suarez Lugo Concina Tourn., cum Gers. et Thomasin. et aliis plurimis (contra Gennet. et alios paucos); quia *quisque operarius dignus est mercede sua* ex apostolo 1. Tim. 5. 18. (2).

107. Sacerdos peccat graviter, si differat Missam promissam sub stipendio ultra duos menses, ut dicunt Garcia, Philipp. Ripa et alii cum Lugo; item *Instructor Confess. Novell.* (3). ac Tourn. qui ait esse communem sententiam, *bene posse aliquem acceptare stipendia Missarum ad duos menses* (4). Item Concina, qui nil aliud dicit, nisi quod dilatio duorum mensium est gravis, ex Decreto S. C. Si vero Missa sit pro defunctis,

(1) l. 6. n. 312. (2) n. 317. qu. 1.
(3) part. 2. n. 406. (4) n. 317. qu. 2.

dilatio unius mensis erit gravis, ut dicunt Castrop. Escob. et Salm. (5). Imo si Missa dicenda sit pro instanti necessitate, puta imminenti mortis, vel alterius damni, tunc etiam dilatio hebdomadae potest esse mortalis. Vide Cabrinum (6). Recte hic autem advertit *Continuator Tourn.*, quod si quis multas daret Missas alicui communitati ad celebrandum, non praesumitur contentus esse quod Missae celebrentur cum tanta dilatione, prout si dedisset uni sacerdoti. Id vero non intelligendum, quod omnes illius communitatis sacerdotes occupare se debeant ad eas subsecutive dicendas, semper enim supponi debet communitas alias etiam habere obligationes; sed quod Missae distribuendae sunt maiori sacerdotum parti (aut saltem alicui eorum convenienti numero, si communitas est valde numerosa), et iuxta distributionem factam poterit deinde communitas satisfacere inter tempus illud, quod unicuique illius permittitur ad suam ratam satisfaciendam. Insuper hic obiter notandum, quod Innoc. XII. in Bulla *Nuper*. ann. 1667. iussit omnibus ecclesiarum rectoribus ut in loco patenti exponant tabellam onerum Missarum temporalium, et perpetuarum, ad hoc ne onerentur novis oneribus, quibus satisfacere non valeant ut debent (7).

108. Nulli licet dare aliis Missas ad celebrandum, retenta parte stipendii, sub poena ipso facto incurrendae suspensionis Papae reservatae, si est clericus, et excommunicationis, si laicus. ut habetur in Bulla *Quanta cura*, Benedicti XIV. edita 30. Iunii 1741. Et pars retenta tunc debet restitui, et probabilius sacerdoti celebranti potius, quam pauperibus. Excipe nisi pingue illud stipendium detur alicui ratione personae, vel beneficii, aut capellaniae (etiam amovibilis), vel legati perpetui, quia tunc potest persona huiusmodi partem ex-

(5) *ibid.* (6) Gabrin. c. 34. n. 216.

(7) vide *av. cit. instruct. p. 2. n. 409.*

cedentem retinere. Administratores autem ecclesiarum ex Decr. S. C. confirmato ab Innoc. XII. nil possunt retinere, nec etiam pro expensis in celebratione Missarum, nisi ecclesia alios non habeat redditus (1); vide haec et alia fusius dicta de stipendio Missae *Tr.* 15. ex n. 65.

109. Parochi ex Bulla, *Cum semper*, eiusdem Benedicti XIV. data 19. Aug. 1744. tenentur applicare Missam pro populo omnibus diebus festivis, etiamsi congruam non habeant sustentationem. Si vero pingues habeant redditus, non tenentur saepius Missas applicare, ut in eadem Bulla declaratur (2); vide dicta *Tr.* 7. n. 29. Hic autem obiter notandum, quod in eadem Bulla Pontifex decrevit, ut Missa conventualis, quae singulis diebus canitur a clero, pro benefactoribus applicetur, respiciendo benefactores in genere cuiuscumque ecclesiae, quavis consuetudine non obstante (3).

110. Applicatio debet fieri ante celebrationem, vel ante consecrationem. Verius autem (quidquid alii dicant) sufficit applicatio Missae habitualis, ut communiter docent Suarez Lugo Bonac. Tourn. Holzm. Conc. et alii plures (4). Si Missa nulli applicetur, fructus manet in thesauro Ecclesiae, applicatio autem sub conditione non impleta, valida est; si vero fiat primo qui offerret eleemosynam, non solum est illicita ex prohibitione Cl. VIII., sed etiam probabilius saepe erit invalida (5).

111. Quaeritur VI. an sacerdos teneatur aliquando celebrare in anno? Negant, praeciso scandalo, s. Bonav. Caiet. Lugo, et probabile putant Suarez Layman et Palaus. Alii tamen communis cum d. Thoma (quibus ego magis adhaereo) affirmant, cum verba Christi, *Hoc facite in meam commemorationem*, probabilius verum contineant praecceptum, ut satis de-

clarat Trid. sess. 22. cap. 1. dicendo. *Apostolis...., eorumque in sacerdotio successoribus, ut offerrent, praecepit per haec verba: Hoc facite etc.* Praefati autem dd. dicunt, sacerdotes teneri ad celebrandum, saltem ter vel quater in anno, in festis solemnioribus. Parochi vero debent Sacrum facere quolibet die festo, quo tenentur oves illud audire (6); vide dicta *Tract.* 7. num. 29.

112. Quaeritur 7. an Rubricae Missalis sint omnes praeceptivae, vel an aliquae sint directivae, sive de consilio? Diversae in hoc sunt sententiae. Nos sequimur sententiam Quarti Merati et Tourn. qui dicunt Rubricas de agendis intra Missam omnes esse praeceptivas, et obligare iuxta gravitatem materiae; nam in Bulla s. Pii sic dicitur: *Districte praecipientes, ut Missam iuxta ritum, modum et normam in Missali praescriptam decantent, ac legant.* Nota tò, *districte praecipientes* (7). Rubricas autem de agendis extra Missam, probabiliter dicunt plures dd. aliquas esse tantum directivas, prout manuum ablutio post Missam, et orationes ante vel post Missam (8). Insuper hic notandum Rubricas praescriptas in Caeremoniali Episcoporum ubique obligare, cum in tribus Bullis ibi positis dicitur: *Caeremoniale praedictum in omnibus ecclesiis servandum, praecipue in Cathedralibus et Collegiatis.*

113. Quaeritur 8. quando Missa dici possit? Sic dicitur in Rubrica: *Missa privata saltem post Matutinum et Laudes, quacumque hora ab aurora usque ad meridiem dici potest.* Communiter autem dicunt dd. licere Missam terminare in aurora, et illam incipere parum ante meridiem. Imo Benedictus XIII. et Clemens XII. declararunt posse in hoc tolerari latitudinem tertiae partis horae, tum ante auroram, tum post meridiem (9). Praeterea communis et probabilis dicunt Sylvius Castr. Bonac. Ronc.

(1) videl. 6. n. 321. et 322. (2) n. 325. qu. 2. (3) n. 326. (4) n. 335. qu. 1.

(5) n. 337. v. dicant. (6) n. 313.

(7) n. 399. (8) vide n. 409. et 410.

(9) n. 341. v. omnes.

Viva Salm. etc. quod celebrans non peccat mortaliter, nisi incipiat Missam integra hora ante auroram, vel hora post meridiem; alias tantum veniale committit, a quo excusat quaevis causa rationabilis; imo causa gravior, prout esset dandi Viaticum, aut solemnitate, itineris, vel funeris, omnino excusat, etiamsi dilatio sit per integram horam⁽¹⁾. Ministrare autem Communionem licitum est usque ad Vesperas exclusive: et etiam in Vesperis, si adsit aliqua specialis causa, modo non sit intempesta nocte, id est multo noctis tempore decurso⁽²⁾. Celebrare autem ante Matutinum, et Laudes, alii dicunt esse mortale, alii nullum peccatum; alii autem verius et communius, ut Suarez Sotus Silvester Tourn. Bellarmin. etc. (quibus assentit etiam Benedictus XIV. de Sacr. Missae l. 3. cap. 13. n. 4.) aiunt non esse mortale, quia talis gravis obligatio neque exprimitur in Rubrica, neque communiter est recepta ut gravis; sed non excusari sentiunt a veniali, cum in Rubrica iam inter defectus numeretur⁽³⁾. Missam autem conventualem dicere ante Matutinum et Laudes non excusatur a mortali, ut communiter docent dd. contra Sanchez⁽⁴⁾. Celebrare in die Coenae Domini, et Sabbati sancti (quidquid alii dicant) nullo modo licet nec etiam privatim, ut patet ex Decreto Clementis XI. quod refertur⁽⁵⁾, quodque confirmatum fuit ab Innoc. XIII. apud Merat. in *Indice Decretorum* num. 495. 501. 504. et 637.

114. Quaeritur IX. ubi liceat Missam celebrare? Respondetur: in oratoriis ab Episcopo benedictis, et designatis ad usus sacros, sive in seminariis, conservatoriis et hospitalibus, et etiam in domibus privatis (modo oratorium habeat ianuam in via publica; item in oratoriis Reli-

giosorum (*circa Regulares vide dicta Tr. 20. n. 121. et 122.*), necnon in erectis in palatiis Episcoporum, omnes possunt celebrare et quovis tempore, etiam in festis solemnibus, quia huiusmodi oratoria sunt verae ecclesiae. In oratoriis autem privatis, in quibus tantum ex privilegio pontificio celebrari potest, non licet Sacrum facere diebus in Indulto exceptis, scilicet Paschatis, Pent. Natal. Dom. Epiph. Annunt. Ascens. Assumpt. B. V. SS. Petr. et Paul. et omnium SS. Nec potest in eis celebrari, nisi intersit aliqua ex personis, quibus directe concessum est Indultum, ut declaravit Benedictus XIV. in Bulla, *Cum duo nobiles* (6). Nec possunt ibi plures celebrari Missae, si ibi dicitur (ut consuetum est): *una Missa quotidie celebretur*; declaravit enim Benedictus XIV. in Bulla, *Magno*, sub die 2. Iun. 1751. illud *una* idem esse ac *unica* (7). An autem in his privatis oratoriis possit ministrari Communio? Alii affirmant, alii communius negant; et Benedictus XIV. in *Ep. Encycl.* ad Episcopos Poloniae §. 23. sub eadem die 2. Iun. 1751. prohibuit dari Communionem in privatis oratoriis sine licentia Episcopi (8). Celebrare autem in mari nunquam licet, nisi ex licentia expressa Pontificis (9).

115. Celebrans in ecclesia polluta per notoriam effusionem sanguinis in notabili quantitate (nam in c. 10. de Cons. dicitur *sanguinis effusione*), vel seminis, aut per sepelitionem infidelis, haeretici, vel excommunicati, antequam reconcilietur ab Episcopo (vel a sacerdote ab Episcopo delegato, si ecclesia fuerit tantum benedicta), graviter peccat; sed nullam incurrit poenam, ut probabilius dicunt Suar. Laym. Lugo et alii cum Benedicto XIV. de Sacr. Missae (10). Sic etiam est mortale celebrare in ecclesia exsecrata, nempe si eodem

(1) lib. 6. n. 343. ad 346. (2) n. 252.

(3) n. 347. (4) n. 348. (5) n. 350.

(6) vide Bullar. Mech. t. 13. p. 220. et l. 3. n. 319. v. probabile.

(7) l. 6. n. 359. circa fin. (8) cit. n. 359. v. quacres. (9) n. 356.

(10) n. 361. ad 366.

tempore demoliti sint parietes pro maiori parte, vel crusta ablata (1). An autem liceat sacerdotibus celebrare in ecclesiis Regularium contra prohibitionem Episcopi? Vide dicta Tr. 20. n. 75. et 77.

116. Quæritur 10. quæ requirantur sub gravi præcepto ad rite Missam celebrandam? Requiritur 1. *altare*, sive *ara lapidea* ab Episcopo consecrata, cum sepulchro reliquiarum et sigillo, ubi omnino reponendæ sunt Hostia et particulae consecratae (2). Exsecratur autem altare, ita ut mortale erit in eo celebrare, si mensa consecrata removetur ab inferiori structura, vel si ara notabiliter frangitur, aut ab ea auferuntur reliquiae, aut sigillum, prout habetur in Decreto S. C. Rituum (3). In altari requirantur etiam tres mappae, nec sufficiunt duo, ut aliqui dicunt; sufficiunt tamen una separata et altera duplicata (4).

117. Requiritur 2. *calix et patena*, consecrata. Exsecratur autem calix, si notabiliter frangitur in cuppa, vel si in fundo perforetur; non vero si pereat eius inauratio, ut probabilius et communiter docent Lugo Suar Sylvest. Tourn. Laym. etc. Hinc probabilius est, calicem de novo inauratum non indigere nova consecratione; hoc tamen intelligitur, si calix tantum superficialiter inauretur, nam si ad ipsum inaurandum tota eius superficies eradatur, tunc probabilius est cum Suarez Sylvio et aliis calicem rursus fore consecrandum; exemplo ecclesiae, quæ (ut diximus n. 115. circa fin.) si eius crusta tota, vel in maiori parte pereat, vel auferatur, iterum consecranda est. Celebrare autem in calice nunquam deaurato, probabilius est esse illicitum, sed non nisi venialiter, ut dicunt Lugo et Tourn. Cum calix separatur a pede, amittit utique consecrationem, si cuppa est pedi fixa;

secus si pes est tornatilis, et de se separabilis (5). Communiter autem docent Laym. Gav. Tourn. Bon. Ronc. etc. pyxidem non esse consecrandam (6). Dubitatur vero an saltem sit benedicenda? Negant communius Suarez Sylv. Azor. Sot., etc., idque non videtur improbabile; sed probabilius affirmant Salm. Tourn. et alii cum Card. Lambertino (qui tamen omissionem non reputat plus quam venialem), quia hoc est conformius Rubricæ Missalis, in quo dicitur quod sacerdos hostias pro communione *locat ante calicem, aut in aliquo vase mundo benedicto*. Et idem dicendum de lunula ostensorii, ubi in expositionibus Hostia collocatur (7).

118. Requiritur 3. *vestes sacrae*, benedictæ ab Episcopo, vel ab alio habente facultatem a Pontifice. Graviter peccat qui celebrat sine alba, aut stola, aut manipulo, aut cum ipsis non benedictis (nisi gravis excuset necessitas): secus tamen plures dd. non improbabiler dicunt de celebrante sine cingulo, aut amicto (8). Quoad cingulum declaravit S. C. 21. ian. 1701. sacerdotem congruentius uti cingulo lineo, quam serico. Vestes autem exsecrantur, quando usum suum deperdunt, nempe si ab alba manica abscinditur: cingulum, si ita rumpitur ut neutra pars cingere possit: stola, si non possit humeros operire; vel si pars eius ita scinditur, ut deperdatur forma: nec sufficit eam resarcire, destructa enim forma desinunt partes esse sacrae (9). Color autem vestium probabilius est quod sit de præcepto, non tamen gravi (10).

119. Requiritur 4. *corporale benedictum* ex lino, vel cannabe (11). Exsecratur autem corporale, si ita frangitur, ut non possit amplius decenter continere calicem et patenam cum hostia (12). Cavendum est ne corporale sit valde immundum, in quo dicunt Suarez Laym. et Tamb. posse

(1) l. 6. n. 367. et 368. (2) n. 372. et 373. (3) n. 369. (4) n. 374. et 375. (5) n. 370. (6) n. 384. (7) n. 385

(8) n. 377. (9) n. 371.

(10) n. 378. dub. 5. (11) n. 386.

(12) n. 371

etiam graviter peccari; quamvis addat Tamb. ex eodem Suar. illud *valde immundum* difficulter evenire. Cacterum uti corporali, et aliis paramentis immundis, licet non valde, non excusatur a veniali, nisi alia haberi nequeant, ut Croix cum Suar. et Gobat. Imo ait Tourn., quod in necessitate, nempe si sacerdos aut alii deberent omittere Missam de praecepto, licitum est uti corporali etiam notabiliter immundo (1).

120. 5. *Palla* etiam debet esse benedicta et ex lino, vel cannabe, saltem ex parte interiori, ut ait Suar.; sed ex Decreto S. G. dictum fuit: *Non adhibenda est palla a parte superiori drappo serico cooperta*. Non autem improbabiler dicunt Sotus et alii, quod celebrare sine palla, non est mortale, cum ipsas sacras species non tangat immediate (2). Requiritur etiam *purificatorium*, quod probabilius non oportet ut sit benedictum (3).

121. Requiritur 6. *Missale Romanum* continens saltem integrum canonem. Dicunt autem communissime et probabiliter Suarez Vasq. Laiman Palaus Lugo Salm. Croix, etc. non peccare celebrantem sine Missali, si memoriter bene sciat dicenda, et ob praeteritam experientiam non sit ei periculum errandi. Uti vero Missali Regularium (scilicet celebrando iuxta eorum ritum) est mortale etiam in ipsorum ecclesiis (4). Requiritur 7 *minister* sub gravi obligatione, saltem usque ad oblationem, nisi urgeret necessitas dandi Viaticum, vel etiam ne omittatur Sacrum in die festo. Minister debet esse masculus, nam foeminae sub gravi culpa prohibentur immediate ministrare in altari. Dicunt tamen communiter Laym. Suar. Tourn. Molf. Homob., etc. non peccare graviter qui celebrat respondente muliere. Imo dicunt Palud. Wigandt Tourn. Lugo Laym., etc. bene permittere, quod foeminae quandoque respondeant a longe, maxime si sint

moniales, modo (ut diximus) non immediate in altari ministrent (5).

122. Requiritur 8. *crux cum Crucifixo*, etiamsi in altari expositum sit SS. Sacramentum, ut habetur ex Cae-remionali Episcoporum, et Decr. S. G. Utrum autem sit mortale celebrare sine cruce? Negant communiter Laym. Suar. Bonac. Tournely Concina Habert. Merati, etc. sed animadvertendum, quod Benedictus XIV. in Decreto directo ad omnes Episcopos sub die 16. iulii ann. 1746. incipiente *Accepimus* (vide in *Bullar. tom. 2. Decretum 17., et in edit. Mechl. t. 4. p. 263.*) sic ibi in fine vers. *Itaque*, praecipit: *Illud vobis praecipimus, ut nullo modo patiamini rem divinam fieri ad huiusmodi altaria, nisi Crucifixus inter candelabra ita promineat, ut sacerdos ac populus eundem Crucifixum facile et commode intueri possint, quod evenire nequit, si exigua solum crux minori tabulae depicta fidelibus exhibeatur*. Prius enim in eodem Decreto vers. *Equidem*, dixerat: *Illud permittere nullatenus possumus, quod Missae Sacrificium in his altaribus celebretur, quae careant imagine Crucifixi, vel ipsa incommode statuatur ante presbyterum celebrantem, vel ita tenuis et exigua sit, ut ipsius sacerdotis et populi assistentis oculos pene effugiat*. Hic etiam notandum ex Cae-remionali Episcoporum, quod si in altari adest statua Crucifixi, non oportet, ut alia crux apponatur. Idque confirmatur in praefato Decreto Benedicti, dum ibi dicitur ex sententia Pasqualigi, Quarti et Giribaldi, cui se conformavit S. C. Rituum in quodam Decreto (16. iun. 1663.) apud Meratum (*tom. 1. in indice n. 400.*) sufficere Crucifixum in maiori tabula altaris depictum, aut caelatum. Docet etiam Pignatellus (6) non esse opus ut crux, aut aliae sacrae imagines sint benedictae (7). Requiritur 9, *duplex candela accensa ex cera*; non

(1) l. 6. n. 371. (2) n. 388. (3) n. 389. (4) n. 390. (5) n. 391. et 392.

(6) Pignatell. t. 9. Consult. 186. n. 6. (7) l. 6. n. 393.

ex sebo, vel oleo, nisi celebrandum sit ex necessitate, non autem si ex devotione (1). Requiritur 10. et ultimo, *bursa, velum, pulvillus* (sive *legile*), et *manutergium*; at sine istis celebrare merito ait La-Croix, nullum esse peccatum (2). Celebrare capite cooperto per totam Missam est mortale, secus usque tantum ad eanem (5).

123. Notandum 1. quod Neo-Presbyteri consecrando cum Episcopo, vere celebrant, licet unam Sacrificium faciant; in quo autem primarius celebrans est Episcopus, et sacerdotes sunt etiam causae totales consecrationis, sed morales, quae unum effectum pariunt: ad differentiam causarum totalium physicarum, quae diversos causant effectus. Quisque autem ordinatus in sacerdotium debet tunc proferre verba consecrationis, cum intentione consecrandi, attamen sub conditione si conformentur sua eodem tempore cum verbis Episcopi, alias graviter peccaret (4).

124. Notandum 2. quod Episcopus Neo-Presbyteris tres iniungit Missas celebrandas, unam de Spiritu Sancto, aliam de B. Virgine, tertiam pro defunctis. An autem sit obligatio gravis has dicendi Missas? Affirmant Svar. Laym. Azor. etc.; sed negant Sotus Palaus Val. Pelliz. etc. Caeterum duo videntur certa, 1. quod hoc Episcopi praeceptum transgredientes saltem venialiter peccent; 2. huiusmodi praeceptum non obligare ad applicandas Missas pro Episcopo, cum id non exprimatur, tanto magis quia ipse subdit: *Et etiam pro me orate*. Nota autem, quod illae tres Missae dicendae sunt primis diebus, in quibus Missae votivae dici possunt (5).

125. Notandum 3. quod, ut communiter traditur, Missa celebranda est alte, breviter, clare, devote, et exacte. *Alte*, ita ut non dicantur submisso, quae alte sunt dicenda: sed ita proferantur, ut saltem a circum-

stantibus audiantur, prout dicit Rubrica; alioquin celebrans non excusatur a culpa, sed tantum veniali. Idem dicendum de eo qui alte recitat, quae submisso dici debent. Imo Gavantus et Quarti putant esse mortale (sed non satis id ratione probant) dicere alta voce ea quae submisso sunt dicenda, et consentit La-Croix quoad verba consecrationis, dicens peccare mortaliter qui illa proferret ita elate, ut audirentur ad decem passus, ubi magna esset populi pars; sed merito p. Concina hoc non audet approbare (6). *Breviter*, id est ut, ordinarie loquendo, non excedatur media hora, monente Rubrica, ut Missa non dicatur *nimis morose, ne audientes taedio afficiantur*. Subdit autem Rubrica, *Nec nimis festinanter*; hinc sapienter ait Card. Lambertinus (7) cum aliis communiter, Missam non debere esse longiorem dimidia hora, nec brevioris triente, id est tertia parte horae. Qualiter autem peccent qui celerius celebrant, vide dicta *Fr.* 15. n. 84 et seq. ubi diximus Missam (etiamsi sit defunctorum) persolventem infra quadrantem non excusari a culpa gravi. *Clare*, id est sine verborum mutilatione: quae si sit notabilis, et sensus per ea varietur, erit mortalis (8). *Devote*, id est sine distractione, quae si voluntaria sit in canone, et praesertim in consecratione et sumptione, erit mortalis, ut vult Tamburinus, licet aliqui contradicant. Si autem habeatur extra canonem, dicitur idem quod dictum est de Horis canonicis (vide *huius append.* n. 75.). *Exacte*, id est ne omittatur aliquid de iis quae dicenda sunt. Hic autem notandum, quod si omittantur partes ordinariae, nempe quae in Missa semper dicenda vel agenda sunt, erit mortale, si materia sit notabilis, prout esset omittere in canone quamlibet orationem, vel *Pater noster*, vel fractionem Hostiae cum illius mixtione in calice, vel purificationem patenae et calicis

(1) l. 6. n. 394. (2) n. 395. (3) n. 397. (4) n. 232. (5) n. 829. (6) n. 415 et 416.

post sumptionem, vel octo, aut decem verba canonis. Sic pariter erit mortale extra canonem omittere totum introitum, vel duas ex collectis principalibus, vel epistolam, Evangelium, offertorium, vel infusionem aquae in vinum consecrandum. Veniale tamen erit omittere tantum psalmum, *Judica Kyrie eleison*, unam ex collectis, unam vel alteram crucem super oblata, tunctionem pectoris, vel ablationem digitorum, et idem probabiliter dicunt de Lugo, et alii de Evangelio s. Ioannis (1). Sic quoque veniale tantum est omittere partes extraordinarias, uti sunt *Gloria, Credo, Sequentia, Tractus*, propriam praefationem, aut *communicantes*, et *Hanc igitur*, propria; ita communiter omnes, nisi tot partes omittantur, quae simul sumptae notabilem constituerent materiam, ut bene advertunt Concina et Wigandt, quicquid dicant Quarti et Pasqual. (2).

126. Notandum 4. prohiberi Missas votivas, vel de *Requiem* in Dominicis et festis duplicibus, atque in octavis privilegiatis; nisi graves urgeant causae, nempe si urgeat publica necessitas, si fiat expositio SS. Sacramenti per 40. horas, item in die obitus praesente cadavere, etc.: haec autem intelligenda tantum de Missa solemni (3). An autem in praedictis festis vetentur Missae votivae sub gravi culpa? Negant communiter Lugo Suar. Bonac. Escob. Salm. Ronc. et alii plures: recte vero limitant Escob. et Roncaglia, si tunc occurrat festum solemne, saltem propter grave populi scandalum. Imo in festis duplicibus Missae de *Requiem* districte prohibentur in Decreto S. C. approbato ab Alex. VII.; in pluribus autem casibus cantari possunt Missae defunctorum in duplicibus etiam maioribus scil. 1. In die obitus praesente cadavere; et hoc etiam in Dominica, vel in aliis solemnioribus, modo non

sint 1. classis. 2. Cum primum habitus fuerit notitia obitus alicuius. 3. In anniversario relicto a testatore. Item in die tertio, septimo, et trigésimo: si vero hi dies accedant in festo de praecepto, transferantur in diem sequentem, vel anticipentur sub eodem ritu. 4. In festo duplici min. si petatur anniversarium pro aliquo defuncto, potest cantari Missa. Ita ex pluribus Decr. S. C. Rit. (4). Exceptis autem festis duplicibus, aliisque ut supra, de Missis votivis sic loquitur Rubrica: *Missae votivae in Missis privatis dici possunt pro arbitrio sacerdotum*. Sed deinde statim advertit: *Id vero passim non fiat, nisi rationabili de causa, prout esset specialis devotio sacerdotis, vel petitio de votiva dantis eleemosynam*. Quapropter dicens votivam praeter has causas, vix excusabitur a veniali (5). Caeterum tenetur sacerdos Missas votivas celebrare, iuxta petitionem dantium eleemosynam, diebus quibus licite dici possunt. Hincque notandum cum d. Thoma (6), quod Missa de *Requiem* magis prodest defunctis propter orationes, quae in ea dicuntur.

127. Notandum 5. non licere pluries in die sacrificare, nisi in his casibus: 1. ad ministrandum Vialicum; 2. si die festo adveniant personae, quas non deceat Sacrum omittere, uti rex, aut princeps, aut episcopus: 3. si pastor habeat duas parochias dissitas, et aliter populus alter careret Missa in festo de praecepto (7). Advertit tamen Benedictus XIV. in Brevi, *Declarasti*, edito 16. martii an. 1746. (in Bullar. t. 2. et in edit. Mechl. t. 4. p. 32.) quod de hac re semper impetranda est facultas ab Episcopo, etiamsi necessitas intercedere videatur. Praeterea advertit, quod de casibus enuntiatis solus casus, cum parochiae sunt dissitae, in consuetudine est. Item advertendum olim licuisse parochio in die Dominica post Missam pro populo di-

(1) l. 6. n. 403. ad 406. (2) n. 409.

(3) n. 421. (4) ibid. (5) n. 419.

(6) suppl. q. 71. a. 9. ad 5.

(7) Cabr. c. 24 n. 416. et vide Busemb. apud l. G. n. 351. et 352.

cere alteram pro defuncto, praesente cadavere; sed idem Benedict. XIV. in Indulto *Quod expensis*, etc. dato 26. aug. 1748. in §. Nova, circa fin. (in Bullar. t. 2. et in edit. Mechl. t. 6. p. 241.), declaravit id hodie non amplius permitti, cum liceat parochio dicere Missam pro defuncto, et transferre Missam pro populo ad diem infra hebdomadam.

128. Notandum 6. quod si, dum celebratur, ecclesia polluitur, vel accedit excommunicatus vitandus, qui monitus nolit discedere, tunc sacerdos ante consecrationem Missam dimittere debet: postea vero pergat usque ad sumptionem, et statim discedat; vide dicta *Tr.* 19. n. 21. ad 2. Demum hic notandum, quod facta consecratione nunquam licet Missam interrompere, nisi tantum ad baptizandum, vel absolvendum hominem iamiam moriturum; ita dd. communiter (1).

§. III. De potestate sacerdotis

129. Simplex sacerdos ex potestate Ordinis suscepti tantum Eucharistiae Sacramentum conficere potest, et etiam ministrare, excepta Communionem paschali: nam ad illam requiritur potestas iurisdictionis. Hinc nequit sine licentia parochi baptizare, neque Extremam-Uctionem, aut Viaticum ministrare, nec matrimonio assistere; et sine licentia Episcopi expressa, aut saltem praesumpta de praesenti nequit extra casum necessitatis confessiones excipere, nec etiam venialium aut mortalium prius confessorum ex Decreto Innoc. XI. (vide dicta *Tr.* 16. n. 76.). Quia ut dicitur in Trid. ratio iudicii, quod exercetur in administratione Poenitentiae, exposcit, ut iurisdiclio non exerceatur nisi in subditos, qui per licentiam Episcopi sacerdoti subiiciuntur.

130. Diximus autem superius n. 35. quod initiandi ad presbyteratum debent habere scientiam eorum, saltem quae communiter scienda sunt ad excipiendam confessionem mori-

bundi. Quapropter refert hic adnotare pauca principaliora, et scitu magis necessaria. Notandum 1. quod sacerdos simplex nequit infirmum absolvi in praesentia confessarii approbati, exceptis sequentibus casibus: 1. Si approbatus nequeat vel nolit confessionem excipere. 2. si approbatus sit excommunicatus vel suspensus. 3. Si esset approbatus tantum in alia dioecesi. 4. Si infirmus ita horreret apud illum confiteri, ut esset in periculo occultandi peccata. 5. Si approbatus superveniat post inceptam confessionem apud simplicem sacerdotem. 6. Si approbatus sit complex infirmi in peccato turpi (iuxta dicta *Tr.* 16. n. 94. in fin. et 95.). Notandum 2. quod si moribundus absolutionem postulat, vel signa dat poenitentiae sacerdoti praesenti, absolute est absolvendus: si vero est sensibus destitutus, et adsit alter qui testatur ipsum postulasse confessarium vel signum ostendisse doloris, tunc alii dicunt etiam absolute absolvi posse; sed tutius cum aliis dicimus absolvendum sub conditione. Et sic absolvendum censemus cum pluribus, etiamsi moribundus nullum dederit signum; imo etiamsi fuerit destitutus in actu peccati (vide dicta *cit. tract.* 16. n. 36. ad 39.). Notandum 3. quod sacerdos simplex, deficiente approbato potest absolvi fideles a quibusvis peccatis et censuris, non solum in articulo, sed etiam in probabili periculo mortis. Censetur autem in periculo mortis esse, non tantum qui laborat morbo proxime periculoso mortis, sed etiam qui longam navigationem aggreditur, vel mulier quae est in difficili partu; item qui est in periculo incidendi in amentiam; insuper qui est captivus apud infideles, carens spe libertatis, et habendi confessarium approbatum. Notandum 4. quod infirmus qui absolvitur a censuris reservatis, monendus est, quod si convalescat, tenetur se praesentare Superiori, alias in easdem censuras (1) lib. 6. n. 354.

reincidat, secus vero si absolvitur tantum a peccatis reservatis sine censura. Ultimo notandum, quod quisque sacerdos, ut sit idoneus in necessitate ad excipiendas confessiones infirmorum, debet non ignorare saltem principia universalis scientiae moralis.

§. IV.

De munere docendi et praedicandi.

131. Cum autem sacerdotis etiam sit docere populos, et praedicare Evangelium, operae pretium est hic demum adnotare, quae docenda sint, et quomodo Evangelium explicandum. Quoad primum, docendum quatuor esse necessaria ad salutem, nempe Fidem, Spem, Charitatem, atque bona opera. Et 1. quoad Fidem, quia Deus veritas infallibilis revelavit Ecclesiae, tenemur explicite scire et credere Deum existere, et remuneratorem esse; ac Mysterium SS. Trinitatis, atque Incarnationis Filii Dei. Haec de necessitate medii. De necessitate autem praecepti quisque tenetur etiam scire et credere Orationem dominicalem, Salutationem angelicam, praecepta Decalogi, et Ecclesiae; item Sacramenta, praesertim ea quibus omnes indigent, nempe Baptismi, Eucharistiae, et Poenitentiae, et alia, saltem dum ea suscipiuntur. 2. Quoad Spem, quia Deus omnipotens, misericors et fidelis promisit propter merita Iesu Christi, tenemur sperare a Deo aeternam beatitudinem, et media ad eam consequendam, veniam nimirum peccatorum, et perseverantiam finalem. 3.

Quoad Charitatem, quia Deus est bonitas infinita, tenemur eum super omnia diligere; huic autem praecepto alterum adiicitur charitatis, scilicet diligendi proximum, sicut nos ipsos. 4. Ad salutem demum obtinendam, sunt etiam necessaria bona opera, servando mandata Dei, et Ecclesiae, quae in Decalogi et Ecclesiae praeceptis continentur.

132. Quod autem spectat ad secundum munus explicandi Evangelium, sive Scripturam, sciendum duos ipsam sensus habere, *litteralem*, et *mysticum*. Ille est *litteralis*, qui per ipsa verba significatur. *Mysticus*, qui non significatur per verba, sed per rem ipsis verbis significatam, v. gr. cum dicitur: *Si oculus tuus scandalizat te, abscinde eum*, etc. Hic non quidem praecipitur oculi abscissio, sed scandalum, sive occasionis. Sensus autem *mysticus* in tres alios subdividitur. In *allegoricum*, scilicet spectantem ad res credendas. 2. In *anagogicum*, spectantem ad bona speranda. 3. In *tropologicum*, spectantem ad mores. Regulariter verba Scripturae in litterali sensu accipi debent, nisi adsit absurdum, prout cum dicitur: *Petra autem erat Christus*, et similia. Saepe autem Scripturae textus utrumque sensum habent, litteralem simul et mysticum. Mystico saepe convenit, ut sacerdotes in concionibus utantur, praesertim si est tropologicus, sive moralis. Licet etiam uti aliquando sensu vocato *accommodatitio*, modo id pie et prudenter agatur.



APPENDIX IV.

DE NONNULLIS MONITIS NOTABILIORIBUS AD CONFESSARIOS ET PAROCHOS:

ADIECTA IN CALCE PRAXI ORATIONIS MENTALIS,

QUAM EDOCERE POSSUNT EOS QUI IN EA VERSATI NON SUNT.

§. I. *Monita ad confessarios.*

Ex his omnibus quae superius diximus adnotanda hic sunt aliqua principaliora, quae confessarius attendere debet in officio suo exercendo.

1. Primum omnium curet ex una parte, ut quam maximam adhibeat charitatem in excipiendis peccatoribus, et in excitandis eorum animis ad fiduciam in Dei misericordia collocandam: sed ex alia parte caveant ne ob humanum respectum praetermittant illos ea qua opus est fortitudine admonere, simulque ante eorum oculos proponere infelicissimum in quo reperiuntur, statum, media opportuna praescribendo, quibus ex malis habitibus, iam male vivendo comparatis, se liberare possint. Et praecipue sit inflexibilis in differenda absolutione, quoties oportebit. Hoc primum monitum forsitan, quinimo est quod maximum omnium habet momentum; quod si confessarius non exequatur, nec suam nec aliorum operabitur salutem.

2. Rudes et alios neglectae conscientiae non omittat interrogare, utrum sciant principalia Fidei mysteria, et caetera scitu necessaria ad salutem aeternam, ut dictum fuit *Tr. ult. n. 18*. Et insuper ne omittat eosdem interrogare de iis in quae frequentius labi solent, cum de illis se non accusant, iuxta dicta ex *cit. n. 18. ad 30*.

3. Cautissimus sit in interrogando de materia turpi, praesertim puellas et pueros, ne quod ignorant, isti ad discant, aut saltem ad curiositatem excitentur. Ex alia parte non omittat exquirere ab eis an in hac materia aliquid deliquerint, quod ru-

(1) D. Thomas in 4. d. 19. q. 2. in

bore celaverint. Et circa hoc non sibi satis habeat illos perfunctorie et in generali interrogare utrum in conscientia habeant aliquod peccatum ex rubore omissum; nam a quibusdam nimirum a rudibus, pecudum custodibus, puellis et iuenculis opus est semel atque iterum solerter expiscari aliquod peccatum quod reticent, argutias et circumlocutiones adhibendo. Hoc maxime efficiendum, ut eis animus praebeatur, et dicatur ne timeant, quia ipse absolvet eos ab omnibus peccatis; et quod si omnes conscientiae sinus aperient, deinde maximam pacem, et consolationem conscientiae assequuntur. Haec diligentia praesertim cum moribundis adhibeatur. Et non abs re erit si idem efficiatur cum puellis quae devotionem profitentur: quot ex istis reperiuntur sacrilegiis gravatae, ob aliquod peccatum quod reticuerunt? Sed potissimum astutis utendum cum pueris et puellis, qui spirituales non sunt. Prius interroget, utrum pravas cogitationes habuerint? si protulerint, aut audiverint verba obscena, et deinde, si inter se manibus iocaverint? et an id egerint clanculum? Quod si affirmaverint, signum erit illos lusus fuisse illicitos. En celebrem regulam quam tradit s. Thomas (1): *Frequenter quae prae confusione poenitens taceret, interrogatus revelat, etc.* Et deinde: *In interrogationibus faciendis attendendum, ut non fiat explicita interrogatio, nisi de illis quae omnibus manifesta sunt; de aliis autem ita debet a longinquo (nota) fieri interrogatio, ut si commisit, dicat; si non commisit, non addiscat.* Item Sanctus monet confessarium, ne in peccatis turpibus descendat nimis ad fin. Expos. text. v. et dicendum.

particulares circumstantias. Notandum illud *nimis*, quod significat regulariter loquendo non esse omittendas illas interrogationes, quae opus sunt ad cognoscendam substantiam peccati cum suis speciebus et numero. Praeterea hic iuvat animadvertere, quod si confessarius in excipiendis confessionibus sensuales tentationes pati solet, modo illis non assentiatur, et voluntarie eis causam non praebeat, nihil debet pavore concuti, nec propterea debet ab excipiendis confessionibus abstinere; nam hoc intendit daemon eum deturbando huiusmodi tentationibus, ipsum a bono, quod operatur, remove. Antequam confessionarium ingrediatur, protestetur se nullis suggestionibus velle assentiri, se commendet Mariae SS. et postea in confessionario mentem ad Deum eleve; et cum vehementius vexatur, se vertat versus aliquam imaginem devotam, et illi se commendet. Caeterum satis erit illi qui est timoratae conscientiae, invigilare ad non praestandum consensum illis suggestionibus, aut motibus sensualibus, quos patitur, ut iam dictum est *Tr. 3. n. 40. et seqq.*

4. Patres matresque familias interroget non modo in genere circa filiorum educationem, sed etiam in particulari, et maxime exquirat, utrum filios sicut oportet corrigant; an curent ut illi addiscant doctrinam christianam; ut consortium eorum qui pravo sunt exemplo, vel diversi sexus, vitent, et praesertim si puellae sunt, ne cum iuvenibus conversentur, et multo minus cum personis suspectis, scilicet cum uxoris, Religiosis, et Ecclesiasticis.

5. Etiam si valde frequens esset poenitentium concursus, non acceleret confessiones plus quam par est, ita ut ob audiendas plurium confessiones, deficiat, vel circa integritatem confessionis, vel circa debitam dispositionem, aut omittat illis necessaria monita suggerere.

6. Cum aliquis confitetur aliquod

grave peccatum, et praesertim si pluries illud iteraverit, non sufficiet exquirere tantummodo speciem et numerum; sed interroget amplius, utrum ante in illud cadere consueverit, et insuper exquirat de qualitate personae cum qua peccaverit? et quo loco? ut cognoscat utrum sit habitus, aut occasio quae sit auferenda. Et in hoc desunt non pauci confessarii, et inde tot animarum ruina emanat: omittendo enim confessarius huiusmodi interrogationes, nequit dignoscere utrum poenitens sit recidivus, et consequenter nequit illi remedia opportuna exhibere ad extirpandum habitum, vel occasionem. Observetur quod dictum est *Tr. ult. ex n. 2. ad 17.* ubi vidimus n. 9. quod poenitens recidivus non potest absolvi, nisi post emendationis experientiam, vel post exhibitum suae dispositionis extraordinarium aliquod signum. Et cum agitur de occasione proxima forti magnoque sit animo, postposita omni personarum acceptione, in differenda absolutione quousque poenitens occasionem removeat, quando actu existit, ut explicavimus n. 7.; at si occasio est necessaria, saltem quousque ex proxima fiat remota adhibendo media sibi praescripta; *ibid. n. 6.* Potissimum sit inflexibilis in dene ganda absolutione sponsis qui consuetudine invicem utuntur, sicut et parentibus qui id permittunt, neque credat illis asserentibus nihil inter se inesse mali: hoc enim est moraliter impossibile, ut docet experientia; vide *Tr. ult. n. 3.* ubi etiam sermo fit de iis, qui invicem se admanant.

7. Deneget absolutionem quoque illis, qui ad aliquem sacrum Ordinem promoveri cupiunt, dum adhuc aliquo vitioso habitu tenentur, nisi prius perspexerit illos positivam probitatem ad hunc gradum tantopere a sacris Canonibus requisitam adeptos fuisse, ut dictum est *ibid. n. 16. et 17.*

8. Caveat etiam ne a vocatione religiosa ob humanos respectus aliquem adolescentem dissuadeat; quod qui-

dem a peccato mortali excusari nequit, ut docet s. Thom. *Quodlib.* 3. c. 14. Quot imperiti confessarii sibi scrupulum non faciunt quod iuvenes, qui ad statum perfectiorem sunt vocati, a bono proposito avertant, nulla alia ducti ratione, nisi ut eorum propinquis obsequantur, asserendo filios morem parentibus gerere debere! Docent communiter dd. cum s. Thoma in status electione unumquemque sua frui libertate: et Deo potius vocanti, quam parentibus parendum esse. E contrario advertat confessarius non posse absolvi quosdam qui non vocati ad sacros Ordines ascendere velent, prout notatum est fusius *Append.* 3. n. 45.

9. In excipiendis sacerdotum confessionibus sit suavis atque urbanus; sed contra sit fortis in correctionibus debitis adhibendis, aut in deneganda absolutione, cum iudicii ratio sic exigit. Potissimum hac fortitudine agendum est cum sacerdotibus, qui in gravia peccata relapsi, quin se unquam emendaverint, ausi sunt tamen celebrare, aucupando absolutionem ab aliquo confessariorum qui hoc funguntur officio et laborant, ut damnentur. Hi sacerdotes pravis habitibus detenti palam solent in sacristia confiteri, ut absolutionem, quae eis deneganda esset, extorqueant sub praetextu scandali, quod eveniret (quemadmodum illi exponunt), si a celebrando desistere deberent. Sit constans confessarius cum huiusmodi sacrilegis in differenda absolutione, eos adstringat ad repetendas confessiones tamquam irritas, et ad confitendum de omnibus Sacrificiis celebratis: et interim ad abstinendum a celebratione, usquedum suae emendationis perspicua indicia praebeant. Quod si quis diceret ob scandalum a celebrando abstinere non posse, respondeat quod deesse non possunt iusti praetextus, si vellet desistere a celebrando; caeterum si ipse id facere renuit, dicat quod celebrare potest, si est certus se habere contritionem,

sed quod ipse pro tunc non potest eum absolvere, dum certus non est, ut oportet, de eius dispositione; imo iustum habet motivum credendi oppositum, cum observet tot relapsus sine emendatione. Et hoc modo agendo potest sperari, fore ut resipiscat, et salvetur ille miser sacerdos; secus ambo damnabuntur.

10. Generaliter autem loquendo, si accedat sacerdos conscientiae parum meticulosae, non omittat eum interrogare de tribus: 1. Si distulerit celebrationem Missarum per mensem, praesertim si sunt defunctorum (vide *App.* 3. n. 107.). Si festinanter celebravit, nam Missam persolvendo infra spatium horae quadrantis, etiamsi esset de defunctis, aut voti de B. Virgine, non excusaretur quidem a peccato mortali (vide *Tr.* 15. n. 84. ad 86.), quia in tali spatio non poterit notabiliter non defici in multis caeremoniis, aut saltem in gravitate, quam tanti Sacrificii veneratio exposcit. 3. Si satisfecit obligationi divini officii, praesertim si est beneficiatus. Non omittat autem ei suadere, ut se habilem reddat pro sua capacitate, ad animarum salutem promovendam. Et cum gravis adesset confessariorum penuria in sua regione, potest etiam eum obligare ad se idoneum reddendum ad tale officium, ut dictum est *Tr.* 16. n. 126. et 127. Cum calore etiam insinuet, ut ad Sacrificium se praeparet, et debitas post celebrationem agat gratias. Quoad orationem mentalem, sine qua difficulter erit bonus sacerdos; vide quod dicitur §. 3. circa principium.

11. Cum agitur de rei alterius restitutione, non absolvatur poenitens, nisi prius (cum potest) restituat; quia accepta absolutione difficulter id efficiet. Advertat tamen, quod multi excusantur a restitutione ob praescriptionem in bona fide. Super quo notandum 1. quod mobilia, cum intercedit titulus praesumptus, praescribuntur spatio trium annorum, et sta-

bilia decessu inter praesentes, et 20. inter absentes. 2. Probabile esse eam praescriptionem valere pro foro conscientiae, etiam ubi in foro externo non viget lex praescriptionis, quemadmodum est in nostro regno, ob difficultatem quae reperitur in probanda bona fide. Excipiuntur tamen illae praescriptiones quae expresse sunt prohibitae ab aliqua lege municipali, v. gr. in regno nostro reprobatum praescriptio haeredis, quando testator possedit mala fide. Vide doctrinas adnotatas *Tr.* 10. n. 10. ad 14.

12. Si poenitens aliqua affectus est iniuria, propter quam offensor in curia inquisitus existit, eum non absolvat (regulariter loquendo) nisi remissionem inimico faciat. Vide *Tr.* 4. n. 17.

13. Cum praevidet admonitionem non fore profuturam, ne intra quidem tempus aliquod, et poenitens existit in bona fide, confessarius eam omittere debet, vide *Tr.* 16. n. 108. et seqq., praecipue si agitur de aliquo matrimonio nulliter contracto; alias erit causa mille peccatorum, quae facile committit poenitens in mala fide constitutus, cum perseverat in proxima occasione peccandi, si faciliter separeari nequit ab existimata uxore. In eo casu quin poenitentem in mala fide constituat, potest ad S. Poenitentiariam pro dispensatione scribere, iuxta formulam adnotatam *Tract.* 18. num. 88. et poenitenti dicat, ut post tot dies iterum redeat ad confitendum. Sed si peccatum in commune damnum spirituale vergeret, non debet confessarius omittere poenitentem admonere, licet ille in bona fide existat, ut dictum fuit *Tr.* 16. n. 116. Excipitur praeterea obligatio denunciandi confessarios sollicitantes in materia turpi, quia confessarii munus est talem obligationem imponere, licet praevideat poenitentem non adimpleturum esse, ut dictum est *Tr.* 16. n. 178.

14. Iuvat hic animadvertere, quod licet confessarius non teneatur, nec

viri prudentis sit, ut ipse se immisceat in tales denuntiationes defendendas, nihilominus in aliquo raro casu potest teneri ad has partes suscipiendas, cum ageretur de consulendo damno communi religionis, aut communitatis. In eo casu potest ipse ab Episcopo expetere, ut sibi talem denuntiationem excipiendi facultatem impertiatur; et deinde eam sic excipiet (refert modum, qui tenendus est, cognoscere). Et notanda sunt sequentia. 1. Nomen sollicitantis. 2. Tempus quo illa accidit. 3. Locus nempe ecclesia, et confessionale ubi patrata est. 4. Circumstantiae personae sollicitantis, nempe aetas, statura, capilli, etc. Debet autem monere poenitentem, quod si illa innocentem accusaret sacerdotem de tali crimine subiaceret casui reservato Pontifici, ut habetur ex Bulla *Sacramentum* Bened. XIV. (1) iuxta dicta *Tract.* 16. n. 129. Item iureiurando eam adstringat, ne praefatam denuntiationem alicui communicet. Denique advertat, adnotanda tantum illa verba, et eas actiones sollicitantes, quae possunt manifestari Episcopo, quin manifestet culpam, si quam poenitens commisit.

15. Non sit difficilis ad excipiendas confessiones generales ab eo qui sic confiteri cupit, licet nulla adsit necessitas. Dicebat s. Carolus Borromaeus confessiones generales valde prodesse ad vitae novae perseverantem mutationem. Sed si magnus populi concursus fuerit, curet ad opportunius tempus eam differre: quod si nunquam ei vacabit tempus, quod occupationibus non praepediatur, ut accidit in Missionibus, curet saltem summam excipere illam confessionem generalem (modo non sit necessaria) tantummodo exquirendo species et tempus peccatorum habituatorum, quin immoretur ad exquirendum numerum et circumstantias particulares.

16. Non praetermittat disponere (1) Bullar. edit. Mechl. t. 1. p. 104 § 3.

quemlibet ad actum doloris, suggerendo ipsi motivatam attritionis quam contritionis, eo modo quo dictum est *Tr. 16. n. 117.* dum illi actus doloris, quos eliciunt rudes sine motivis parvi aut nihili valent. Cum vero confessarius recte praesumere potest poenitentem actum doloris, uti debet, elicuisse, tunc satis erit ante absolutionem ei dicere, ut renovet dolorem. Et praecipue advertat, quod si poenitens accedit indispositus, ille pro viribus conari debet ad eum disponendum pro absolutione; vide *ibid. n. 105. et Tr. 4. n. 3.*

17. Illos poenitentes, qui afferunt tantum peccata venialia, sed habitata, non absolvat, nisi perspectum habeat illos vere poenitere, et verum propositum habere, saltem de aliquo illorum: aut nisi exhibeant pro materia certa aliquid gravius peccatum antea vitae, ut notatum est *Tr. 16. n. 23.* Quot confessiones invalidae (quae in se sunt vera sacrilegia) quotidie committuntur ob confessariorum socordiam!

18. Imponat tantum illas poenitentias, quas iudicare potest a poenitente faciliter adimpletum iri, ut dictum est *Tr. 16. n. 51. et seq.*; sed curet ut illae sint medicinales, puta frequentia Sacramentorum, visitationes, se Deo commendare mane et vespere, legere aliquem librum spirituales, se ad aliquam congregationem adscribere, etc.

19. Personis spiritualibus, quae frequentant Sacramenta, insinuare non omittat orationis mentalis usum, rationem deinde exigendo de ea; saltem eas interrogando, an omiserint eam aliquando. Hac mediocri diligentia adhibita, quilibet confessarius poterit multas animas sanctificare. Nec sit difficilis ad Communionem frequentem concedendam, quoties cognoscit, aut prudenter iudicat poenitentem animae suae profectum consequitur. Vide *App. 1. ex n. 30.*

20. Scrupulosis maxime suadeat obedientiam, et illis semper affirmet

quod obediendo tuta via incedent, et non obediendo in periculum se perdendi coniciunt. Sit fortis et rigidus in efficiendo, ut sibi obediatur; sermonem cum eis semper adhibendo constantem, quia si ancipiti sermone cum eis loquitur, eos magis confundet. Exhibeat regulas generales ad dubia deponenda, pro cuiusque dispositione: v. gr. scrupulum facienti circa praeteritas confessiones sub obedientia praecipiat, ne confiteatur, nisi de peccatis a se certe pro mortalibus cognitis, et certe nunquam confessis. Et in hoc confessarius forti animo sit in eum non audiendo, nisi obediat; quia si aliquando cedit, et eum auscultat, poenitens semper animo erit turbatus: nonnulli confessarii animas in miserrimum statum reddunt, eas audiendo. Illi vero, qui timet quamlibet actionem suam esse peccatum, imponat ut scrupulum vincat, et libere operetur ubi certum peccatum non animadvertit; vide dicta *Tr. 1. ex n. 8.*

21. Circa opinionum delectum, cum agitur de removendo poenitente a peccati formalis periculo confessarius non raro sequi debet benigniores, quantum christiana prudentia suggerit. Cum vero aliqua opinio proximius reddit peccati formalis periculum, tunc omnino suadere debet rigidiorum: vide dicta *Tr. ult. n. 3. circa fin.* Dico suadere, quia quando opinio est vere probabilis, et poenitens vult eam sequi, non potest ei absolutionem denegare, ob certum ius quod ille acquisivit ex confessione peccatorum suorum iam facta, ut dictum est *Tr. 16. n. 119.*

22. In excipiendis mulierum confessionibus, et in tractando cum eisdem, austeritate maiore quam potest utatur, prout prudentia suadet, ideoque recuset munera, familiaritatem, et quicquid causa animi adhaesionis esse potest, vitet. Quoniam hoc negligendo confessarii quot animas in exitium induxerunt proprias et poenitentium, vide *Tr. ult. n. 54. 55.*

23. Sit humilis, et de sua doctrina non sibi blandiatur: quare persaepe Deo fundat preces, ut per Iesu Christi merita sibi lumen de coelo impertiatur, praesertim in dubiis casibus, *Invocavi et venit in me Spiritus Sapientiae. Sap. 7. 7.* Ideoque confessarius qui orationi non vacat, difficulter recte incedet, et in dubiis magis implicatis, aut maioris consequentiae non omittat consulere alios viros doctos et maioris experientiae. Potissimum id faciat in dirigenda aliqua anima elevata, cui Deus gratis supernaturalibus favet, cum ille in tali materia parum expertus est. Nonnulli, qui vix scientiae mysticae notitiam attigerunt, erubescunt alios consulere: non ita agunt veri humiles: hi non solum alios consulunt, et non paucos cum oportet, sed etiam zelotypia non afficiuntur in dimittendo huiusmodi animas, ut dirigantur a magistris se peritioribus, aut saltem ut eorum iudicium auscultent. Has autem animas confessarius non auscultet die festo; festis enim praebeat locum aliis magis indigentibus, praesertim iis, qui laboribus dant operam, et nuptis.

§. II. Monita ad parochos.

Lubet hic breviter adnotare nonnulla onera magis praecipua, quibus parochi tenentur circa curam suarum ovium.

1. Parochus tenetur ad eas instruendas in mysteriis Fidei, et rebus ad salutem necessariis, ut sunt 1. quatuor mysteria principalia, nempe quod sit *Unus Deus*, et quod sit omnipotens, sapientissimus Creator et Dominus totius, misericors et amabilis super omnia bona: praesertim, quod sit iustus remunerator bonorum et malorum; item docere debet mysterium SS. Trinitatis, Incarnationis, et mortis Iesu Christi. 2. Sacramenta necessaria, nempe Baptismum, Eucharistiam et Poenitentiam; reliqua saltem cum suscipienda sunt. 3. Ar-

ticulos symboli, et inter hos praesertim B. Mariae virginitatem, sessionem Iesu Christi ad dexteram Patris, nempe quod ille in coelo sit in aequali gloria cum Patre, resurrectionem corporum in iudicio finali quod fiet a Iesu Christo; unitatem Romanae Ecclesiae in qua solum habetur salus, et deinde paradisi et inferni aeternitatem. Quae omnia quilibet fidelis sub gravi praecepto scire tenetur. 4. Praecepta Decalogi et Ecclesiae. 5. *Pater noster*, et *Ave Maria*, et actus Fidei, Spei, Amoris et contritionis. Igitur quemadmodum graviter peccat, qui haec scire negligit et quidem non solum verborum textus, sed etiam in quantum ad sensum, ita etiam graviter peccat parochus, prout communiter dicunt dd. si per se, aut per alium idoneum (eo legitime impedito, ut ait Trid. sess. 5. cap. 2.) negligit ea docere saltem quoad substantiam suos subditos, aut pueros et adultos qui illa nesciunt. Hinc fit quod cum ipse observat parentes aut dominos non mittere filios aut famulos ad doctrinam, tenetur expedientia media capere cum Episcopo, qui, ut ait Tridentin. sess. 24. c. 4., potest parentes etiam per censuras ecclesiasticas ad id compellere. Parochi vigilantes apud se adnotatos habent pueros, ut videant qui desunt. Imo dicit Croix (*l. 2. n. 174. et lib. 3. part. 1. n. 767.*), quod si adsunt ignorantes qui ecclesiam adire nequeunt, quia domos vel greges custodire debent, cum isti sunt in gravi necessitate spiritali, debet parochus privatim eos perquirere, ut cum quantumque suo incommodo, sicut auctor loquitur, eos instruat. Saltem dicimus, quando hoc valde sibi erit difficile ob multitudinem huiusmodi ignorantium, curet saltem eos examinare et instruere tempore praeepti paschalis, aut cum accedunt ad petendas fides ut confirmantur, aut ut matrimonium contrahant. Expedit pariter ut parochus exploret magistros et magistras, ut possint oneros

et puellas doctrinam ac media in Dei timore vivendi docere.

2. Parochus per se ipsum tenetur Sacramenta ministrare, quoties inste subditi ab eo id petunt. Et si forte habet oeconomum, debet bene illius vitam et scientiam explorare; secus de perturbationibus, quae postea accidit, ipse Deo rationem redditurus est. Item tenetur assistere moribundis, si alius idoneus non reperitur. Et speciali attentione assistere debet peccatoribus habitatis moribundis; illi enim in gravi necessitate suae pecuniaris assistentiae existunt. Et circa Extremam-Uctionem, advertat quod dicit Catechismus Rom. (part. 2. n. 18.): *Gravissime peccant, qui illud tempus aegrotos ungendi observare solent: cum iam, omni salutis spe amissa, vita et sensibus carere incipiant.* Tenetur etiam parochus se certum facere utrum subditi sui praecepto paschali satisfecerint, Barbos. de Offic. Paroch. c. 2. n. 7. et Sogneri Paroch. Instr. c. 23. Et sit cautus ne schedulas Communionis committat cuilibet clerico.

3. Debet impedire quominus habitus clericalis conferatur illis juvenibus aut pueris, qui in suis moribus spiritus ecclesiastici indolem non prae se ferunt. Debet cum diligentia clericos suos instruere, qui habitum deferunt clericalem, ut ad statum ecclesiasticum progrediantur, secus illi sine disciplina educati, cum effraenati reperiantur, sive per fas, sive per nefas ad Ordines promovebuntur, et evadent scandalum loci. Omitto sermonem facere de gravi illa ratione quam Deo redditori sunt parochi illi, qui fides exhibent ordinandis, quos ipsi iam aut cognoscunt Ordinibus indignos esse, aut eas exhibent antequam sedula praecedente diligentia de illorum probitate exquisiverint.

4. Parochus tenetur exquirere de iis qui vivunt in peccato, ut corrigantur. Item de inimicitii et scandalis quae serpant, praesertim inter

sponsos, ut opportune illis occurrat, quantum potest. Dicit s. Thomas (2. 2. q. 15. a. 5.): *Qui habet specialem curam alterius, debet eum quaerere ad hoc, ut corrigat de peccato.* Cum vero aliquod scandalum ab aliquo potente (praesertim si est sacerdos) observat, cui ipse prospicere non potest, debet saltem rem ad Episcopum deferre, ut ipse consulat: et id quovis intuitu, aut timore negligere non debet; bonus pastor tenetur pro ovium suarum salute animam ponere.

5. Curet, ne sponzorum verba multo tempore ante matrimonium excipiat, quia iustis sponsalibus, totum illud tempus, quod inter nuptias interfluit, in peccato tam sponsi quam eorum parentes perseverabunt.

6. Cum in regione notabiles audiuntur perturbationes, quibus parochus consulere nequit, tenetur illi conari ut Missio advocetur, nisi alius reperitur expediens, quo illis prospiciatur. Et semper expediens erit interdictum confessarios externos arcescere pro animabus erubescitibus: praesertim si in suum oppidum non solet concionator quadragesimalis advenire. Ille autem parochus, qui Missiones respuit, non mediocrem suae probitatis suspicionem ingerit.

7. Parochus non solum debet malum avertere, sed etiam bonum promoveri, quemadmodum boni pastores efficiunt, qui non desistunt hortari ad Sacramentorum et Congregationum frequentiam, ad Visitationes SS. Sacramenti et divinae Matris, ad Novenas, ad Venerabile, cum Vaticum circumfertur, associandum.

8. Curet persaepe, ut populus singulari studio Mariae SS. devotionem prosequatur, insinuando quanta sit eius potentia et misericordia erga suos devotos. Idcirco insinuet ut recitent Rosarium in communi quotidie una cum familia, ut ieiunent sabbato, et celebrent Novenas septem festivitatum, quas ex altari annuntiabit populo quoties aliqua Novena accidit. Expediet propterea, ut sabbato ille con-

ciunculam faciat, narrando aliquod exemplum beatissimæ Virginis, et semel in anno celebrare aliquam Novenam solemauiorem cum sermone et expositione Venerabilis, et propterea uti poterit inter cæteros libræ, quem typis edidi, cui titulus: *Glorie di Maria*, ubi collectam reperiet materiam et exempla. Felix ille parochus qui suas oves ferventes tenet erga devotionem Mariæ! nam illæ, Virgine opitulante, recte vivant, et ipse advocatam in vitæ exitu potentem habebit. Vide dicta *Tr. 7. n. 43.*, ubi locuti fuimus de rebus quæ maioris sunt momenti, et quæ parochus prædicando debet potius populo suadere.

Potissimum insinuet usum petitionis; nempe ut sæpe se Deo commendent, ab eo præsertim sanctam perseverantiam postulando propter Iesu et Mariæ amorem; sæpius explicando, quod divinæ gratiæ, et præcipuè donum perseverantiæ, non obtinentur, nisi petantur, *Petite, et accipietis*. Et publicet sæpe illam magnam Iesu Christi promissionem, quod quicquid Patrem petierimus in eius nomine, Pater dabit nobis: *Amen amen dico vobis, si quid petieritis Patrem in nomine meo dabit vobis. Ioan. 16. 23.* Insinuet etiam instanter usum orationis mentalis, et curet faciendam in ecclesia una cum populo quolibet die, aut saltem quolibet die festo, docendo etiam modum, quo fieri potest domi. Ideoque hic subiungitur instructio sequens, ubi sermo fit de necessitate, et deinde de modo pratico orationis mentalis.

§. III. Brevis praxis orationis mentalis.

Antequam de praxi et modo orationis mentalis sermo fiat, iuvat de orationis mentalis necessitate cognoscenda aliquid dicere. Duo sunt huius necessitatis momenta. Primum est quod innuit s. August., nempe quod incedenti clausis oculis impossibile est viam et suæ salutis media in-

tueri. Veritates æternæ sunt supernaturalia negotia quæ oculis corporis conspici nequeunt, sed oculis mentis, cogitatione nimirum et consideratione, assequi possumus. Igitur qui orationi mentali non incumbit, non considerat, et consequenter suæ salutis æternæ negotium quanti intersit non videt, et viam quæ tenenda est ut illac eat, non prospicit. Id quidem fuit quod scripsit s. Bernardus ad Eugenium Papam: *Timeo tibi, Eugeni, ne multitudo negotiorum, intermissa oratione et consideratione, te ad cor durum perducatur, quod seipsum non exhorret, quia non sentit, (lib. 1. Consid. ad Eug. Pont.).* Ut quis suam æternam curet salutem, oportet ut sit ei cor flexibile seu docile, et paratum ad divinarum inspirationum impressiones recipiendas, et ad eas exequendas. Hoc expostulabat Salomon a Deo: *Dabis ergo servo tuo cor docile. 3. Reg. 3. 9.* Dicit s. Ioannes quod animæ illæ sunt Dei, quæ intendunt ad audiendas et exequendas divinas voces: *Et erunt omnes docibiles Dei. Omnis, qui audit a Patre et didicit, venit ad me. Ioan. 6. 45.* Cor nostrum in se durum est, quia totum pronum est ad carnis voluptates sequendas, et est spiritus legibus obstans. Illud autem flexibile redditur gratiæ influxibus, quæ per orationem illi infunditur: ibi anima ad divinam bonitatem et ad amorem Dei, qui erga eam est singularis, considerandum movetur, illa inflammatur, emollitur, et divinis vocationibus redditur obediens, quemadmodum experiebatur David, qui dicebat: *In meditatione mea exardescet ignis. Ps. 38. 4.* Aliter cor durum, obsistens, inobediens remanebit, et in die novissimo male habebit: *Cor durum habebit male in novissimo, et qui amat periculum in illo peribit. Eceli. 3. 27.* In sua duritie persistens, infortunium subit, quod ne cognoscet quidem se talem esse: cor enim quod non meditatur, ait s. Bernardus seipsum non exhorret, quia non

sentit. Nam defectus suos et impedimenta quae suae saluti obicit, non percipit. Et advertendum quod s. Bernardus scribebat ad Pontificem, qui quidem non omittebat orationem (si forte aliquando eam intermittebat) propter negotia mundana, sed propter negotia, quae omnia Ecclesiae, ac Dei gloriae momenta respiciebant. Opus est ut id praesertim animadvernant sacerdotes, qui maioribus oneribus cum premanur, maiori divinarum gratiarum praesidio indigent et consequenter oratione, ut robur assequantur quo illa sustinere possint: et non tantum illi qui orationem negligunt, ut in saecularibus negotiis incumbant, sed etiam illi qui ab ea abducuntur, ut opera spiritualia in proximi commoda promoveant, v. gr. ut confessiones audiant, concionentur, aut scribant.

Huic aridet quod scripsit s. Theresia (*Epist.* 8.) ad episcopum Uxamae, qui ceteroquin maximo zelo ovium suarum saluti, sed non multum orationi vacabat, dum interdum eam omittebat. Quare Sancta superno illustrata lumine particulari, aut etiam per revelationem cognito huiusmodi Praelati defectu, licet ipse esset suus confessarius, ut eum emendatum videret, sibi difficultas nulla fuit illum admonendi, eique ita scripsit, vertendo verba in latinum sermonem: *Cum referrem Domino nostro quas ipse contulit in te gratias, concedendo humilitatem, charitatem et zelum, petii ab eo, ut tibi omnium virtutum accessionem largiretur, nullam patefecit in te desiderari, nisi quod prae omnibus praecipuum est (et deficiente fundamento, opus ruit, et nutat). Desideratur igitur in te oratio et perseverantia in oratione cum constantia, disrumpendo unionis sustentaculum, nimirum Spiritus Sancti unctionem; ex cuius carentia oritur omnis siccitas, et disiunctio quam anima patitur. Et postea subiungit: Licet in nobis nullae videantur inesse imperfectiones, cum vero animae oculos*

Deus aperit, quemadmodum efficere solet in oratione, perspicue hae conspiciuntur imperfectiones. Et hoc profecto est quod declaravit Spiritus Sanctus, nempe quod ex meditationis deficientia mundus peccatoribus scattet, et infernus animabus quotidie repletur. Desolatione desolata est omnis terra quia nullus est qui recogitet corde. Ierem. 12. 11.

Alterum principale fundamentum, et maioris momenti pro necessitate orationis mentalis, est quod animae, quae non meditantur, non orant, et ita pereunt. Virtutes in illo, qui orationi non vacat, licet reperiantur, nihilominus nec stabiles nec perseverantes se praestabunt, quia perseverantia nisi petitionibus, et quidem perseverantibus, non obtinetur. Hinc fit quod qui non petit perseveranter, non perseverabit. Propterea s. Paulus discipulos suos, ut sine intermissione orarent, hortabatur: *Sine intermissione orate. 1. Thess. 5. 17.* et ipse Salvator dicebat nunquam ab oratione cessandum esse: *Oportet semper orare et non deficere. Luc. 18. 1.* Et hinc oritur quod meditatio sit moraliter necessaria animabus, ut in Dei gratia persistant. Dico moraliter necessaria, quia licet ex se loquendo sine meditatione possit quis in gratia acquisita perdurare, attamen cum non meditatur est moraliter impossibile, nempe difficillimum, ne in gravia peccata labatur; et ratio est illa quam paulo superius innuimus, quia ille qui orationi non vacat, in alia animi distractio, parum indigentias suas percipiet, parvi pericula sua faciet, parum curabit media suscipienda et exequenda, ut ab illis caveat, et parum denique orandi necessitatem, in qua reperitur, cognoscet; et ab orando desistet, et non orando utique peribit. Magnus ille Episcopus Palafox in adnotationibus ad praefatam epistolam s. Theresiae, quam ille vocat omnium maxime spirituales inter alias Sanctae (n. 10.) sic scribit: *Hinc discere debemus nos Praelati,*

non satis esse zelum, nec charitatem sine oratione, quia virtutes, quae oratione non fulciuntur, deficiunt, et nos peribimus. Ratio patens est: quomodo durare potest charitas, si Deus perseverantiam non praestabit? Quomodo nobis perseverantiam praestabit Dominus, si eam ab ipso non expostulamus? quomodo eam expostulabimus sine oratione? quomodo hoc miraculum (nempe perseverantiam oblinere sine oratione) fiet sublato aquaeductu coelestium influxuum in animas, nempe orationem? sublata oratione nulla cum Deo intercedit communicatio, ut virtutes conserventur, nec aliud medium, nec aliud remedium existit, ut a Deo bona consequamur.

Contra nos monitos facit Dominus, quod qui veritates aeternas, nempe mortem, iudicium, et duas aeternitates felicem, aut infelicem, quae nos manent, meditaverit, immunem a peccatis se servabit: *Memorare novissima tua, et in aeternum non peccabis. Eccli 7. 40.* Dicebat David quod aeternitatis meditatio eum in virtutum exercitium incitabat, et ad spiritum a defectibus purgandum: *Cogitavi dies antiquos, et annos aeternos in mente habui... et exercitabam et scopebam spiritum meum. Psal. 76. 6. 7.* Et dicebat quidam auctor, quod si interrogarentur damnati, cur vos in inferno reperimini? responderent maior eorum pars: nos in inferno reperimur, quia infernum non cogitavimus. Qui in spiritualibus exercitiis de veritatibus aeternis commonetur, impossibile est ut ad Deum non convertatur, si illas attente audit, et illas credit. Sanctus Vincentius de Paulo dicere solebat, quod si peccator Missionibus aut exercitiis spiritualibus ex animo adesset, et se non converteret, prodigio hoc simillimum erit, et tamen qui concionatur et loquitur in exercitiis, non est nisi homo, dum in oratione mentali est Deus ipse, qui animam alloquitur: *Ducam eam in solitudinem, et loquar ad cor eius.*

Osee 2. 14. Deus utique omni concionatore sapientius loquitur. Omnes Sancti facti sunt sancti per meditationem. Et experientia docemur, quod illi qui orationi insistent, cum difficultate in mortale peccatum decidunt, et si forte aliquando cadunt, orationi insistendo, statim resipiscunt, et ad Deum revertuntur. Oratio mentalis, et peccatum una simul cohacere non possunt. Dicebat quidam Dei servus, quod multi recitant Rosarium, officium Virginis, ieiunant, et in peccato perdurant. Sed qui prosequitur orationem, impossibile est, ut pergat in Dei inimicitia esse; aut orationem omittit, aut a peccato discedet. Sed si orationem non relinquet, non solum a peccato avertetur, sed etiam a creaturarum amore dissolvetur, et amorem suum Deo dabit: *In meditatione mea exardescet ignis Psal. 38. 4.* Oratio est fornax, ubi in divino amore animae accenduntur. Possibile non est ex animo divinam bonitatem, meritum quod Deus habet ut ametur, amorem quo nos dilexit et diligit, considerare, et animam erga Deum non incendi. Dicebat idem regalis Propheta Deum cogitando et opera magna charitatis suae erga homines meditando, quod totum se inflammatum sentiebat ad illi obsequendum, et suum spiritum deficere, cum incapax esset ad consolationes superabundantes recipiendas quibus tunc Dominus se ei communicabat: *Memor fui Dei, et delectatus sum, et exercitatus sum et defecit spiritus meus. Psal. 76. 4.* Sed ad praxim descendamus.

Loquendo de loco orationi magis accommodato, commodior est ecclesia: sed illi qui eo adire, aut ibi commorari non possunt, in quolibet loco, domi, villa, etiam deambulando, etiam laborando, mente ad Deum elevata, orationi vacare possunt: quot rusticolae, cum alio modo non possint, orationem laborando et in itinere faciunt? Qui Deum quaerit, ubique et omni tempore eum invenit.

Quoad tempus, tempus matutinum est melius. Non bene diei actiones procedent cum mane orationi vacuum non est. Oratio deberet utique bis in die, mane nempe et vespere, fieri, sed cum vespere non vacat tempus, fiat saltem mane. Dicebat V. P. D. Carolus Caraffa piorum operarium fundator, quod unus actus amoris cum fervore mane in oratione factus, potens erit ad animam per totum diem in fervore conservandam. Quantum ad tempus quo oratio durare debet, parochus aut confessorius pro sua prudentia se dirigat. Certum est quod, ut ad gradum aliquem perfectionis sublimem perveniat, non sufficit mediae horae spatium. Caeterum hoc tempus sat erit pro incipientibus, sed maxime eis insinuet ne orationem omittant ariditatis tempore. Vide dicta *Append.* 1. n. 5.

Denique veniamus ad modum docendi orationem. Illa tribus constat partibus, praeparatione, meditatione, et conclusione. In praeparatione tres continentur actus, Fidei, nempe de Dei praesentia, humilitatis, et petitionis ut illustretur anima. Dicendo ita: 1. Deus meus, credo te esse mihi praesentem, et de abyso meae vilitatis te adoro. 2. Domine mi, propter peccata mea nunc in inferno mihi esset morandum, me poenitet offendisse te, parce mihi propter tuam pietatem. 3. Pater aeternae, propter Iesum et Mariam praebe mihi lumen in hac oratione, ut ex illa animae meae profectum percipiam. Deinde dicatur *Ave* ad Mariam SS. ut hanc lucem sibi impetret, et *Gloria Patri* ad s. Iosephum, ad Angelum custodem, et ad sanctos advocatos. Hi actus fiant attente, sed breviter et statim ad meditationem procedatur.

Pro meditatione iuvat cum praesertim, si legere scit, aliquo libro uti, sistendo ubi animus motum se magis sentit. Dicit s. Franciscus Sales., quod in hoc faciendum est, ut apes faciunt, quae insident in flore donec mel ex-

hauriant, et deinde ad alium trans-eunt. Qui vero legerè nescit, meditetur Novissima, beneficia Dei, et maxime vitam et Passionem Iesu Christi: meditatio Passionis (dicebat s. Franciscus Sales.) debet esse nobis ordinaria. O quam perbellus liber est Passio Iesu pro animabus devotis! ibi melius quam in alio libro peccati malitia et Dei erga homines amor percipitur. Locuta fuit olim quaedam Redemptoris imago ad v. fr. Bernardum de Corlione, qui eum rogavit, utrum sibi placeret, ut ipse legere edisceret? Imago respondit: *Quid tibi cum legere? Quid tibi cum libris? Ego sum liber tuus, hic tibi sufficit.*

Hic advertendum est orationis mentalis profectum non solum nec tantum in meditatione consistere, quantum in affectus eliciendo, petendo, et deliberando; hi sunt tres fructus meditationis, prout innuimus *append.* 1. n. 3. Igitur postquam quis aliquam maximam aeternam meditatus erit, et postquam cor eius Deus allocutus fuerit, opus est, ut ipse Deum alloquatur per affectus, sive actus Fidei, gratiarum actionum, adorationis, humilitatis et potissimum amoris et contritionis, qui actus etiam amoris est. Amor est illud aureum vinculum quod animam cum Deo copulat. *Charitas est vinculum perfectionis.* Quilibet amoris actus est thesaurus qui de divina amicitia nos certos facit: *Infinitus enim est thesaurus hominibus: quo qui usi sunt, participes facti sunt amicitiae Dei. Sap. 7. 14. Ego diligentes me diligo. Prov. 8. 17. Qui autem diligit me, diligetur a Patre meo. Ioan. 14. 21. Charitas operit multitudinem peccatorum. 1. Petr. 4. 8.* Vide dicta in Opere Morali lib. 6. n. 442. Venerabilis soror Maria Crucifixa vidit magnam flammam in quam nonnullas paleas proiectas vidit statim incendi; ex hoc sibi cognitum factum est, per quemlibet amoris actum ab anima abstergi ac destrui omnes culpas commissas,

Praeterea docet s. Thomas quemlibet actum amoris efficere ut nos gloriae aeternae gradum unum adipiscamur: quilibet actus charitatis meretur vitam aeternam. Actus amoris autem sunt dicere: *Deus meus, te omnibus praepono. Ex toto corde te diligo. Aut se totum in voluntatem divinam committere, dicendo: Domine, fac me cognoscere quid de me tibi placeat, quoniam paratus sum ad omnia. Aut se sine ulla reservatione Deo offerre, dicendo: Ecce me, fac de me, et de meis omnibus quod tibi lubet.* Et praecipue hae oblationes sunt actus amoris qui Deo maxime sunt cordi; quapropter s. Theresia quinquagies quotidie se Deo offerebat. Actus perfectissimus amoris est gaudere et sibi complacere de infinita Dei felicitate. Cum vero anima cum Deo se sentiret coniunctam per supernaturalem sive infusam animi recollectionem (ut explicatum est *App. 1. n. 13.*), ei nihil elaborandum est in aliis actibus eliciendis, nisi illis ad quos suaviter a Deo se sentit attrahi: cum debeat dumtaxat tunc attentione amatoria ad id, quod Deus in ea operatur, attendere; nam secus posset divinae operationi impedimento esse. Notandum insuper, ut advertit s. Franciscus Salesius, quod si unquam ante meditationem per Spiritum sanctum aliquis bonus affectus inspiratur, tunc omittenda est consideratio, et affectibus locus cedendus est; dum consideratio non inservit, nisi ad affectus movendos, quare fine assecuto media omittenda sunt.

2. Iuvat maxime in oratione petitiones repetere, cum humilitate et fiducia a Deo lucem suam, peccatorum remissionem, perseverantiam, bonam mortem, paradisum, et prae caeteris donum sancti amoris sui exposulando. Hortabatur s. Franciscus Sales. inter caeteras gratias ad petendam cum fervore nimis vehementer gratiam divini amoris, quia (dicebat) obtento amore, omnes alias gratias consequimur. Summa haec

est, quod si ob spiritus desolationem in qua forte anima reperiretur, si aliud efficere non potest, sibi satis erit Davidis petitionem repetere: *Deus, in adiutorium meum intende. Domine, adiuva me. Succurre mihi, mihi praesto sis.* Dicebat V. P. Paulus Segneri experientia se doctum fuisse, nullam utilius pro animabus exstare exercitium in meditatione, quam iterum atque iterum petere. Et opus est petere nomine, sive meritis Iesu Christi, qui nobis perspicue promisit, ut supra dictum est: *Amen amen dico vobis, si quid petieritis Patrem in nomine meo, dabit vobis. Ioan. 16. 23.*

3. Necesse est, ut in oratione (saltem in fine illius) aliquod propositum sibi statuatur, non tantum in generali, ut esset omnem culpam deliberatam, etiam levem, aufugere, et se totum Deo tradere; sed etiam in particulari, v. g. cum maiori attentione ab aliquo defectu se custodire, in quem frequentius lapsus est; aut meliori modo quam prius aliquam virtutem exercere, v. g. patientius talis personae sufferre molestiam, obedire diligentius tali Superiori, aut tali regulae, vigilantius in tali et tali re se mortificare. Ab oratione ne discedamus, nisi aliquod particulare propositum deliberaverimus.

Denique orationis conclusio tribus fit actibus, 1. Gratiae Deo agantur de inspirationibus in meditatione habitis. 2. Proponatur ad amussim deliberationes factas observare. 3. Petatur ab aeterno Patre propter Iesum et Mariam auxilium, ut fidelis servetur. Et terminetur Deo commendando animas purgatorii, Ecclesiae Praelatos, peccatores, et omnes nostros coniunctos, amicos et benefactores, recitando *Pater* et *Ave*, quae sunt preces omnium utilissimae, quas a Iesu Christo et sancta Ecclesia nos edocti sumus.

Oportet autem, cum ab oratione discedimus, 1. ut dicit s. Franciscus Sales. ut colligamus florum manipulum, ut quotidie odoratu de eo ob-

lectemur, nempe unum aut alterum punctum in quo anima magis mota est ad hoc, ut in diei progressu illius recordemur.

2. Oportet curare ut statim deliberationes factas in occasionibus tam exiguis quam magnis, quae nobis occurrent, in praxim deducamus; v. g. deliberationem cum suavitate suffrendi aliquam personam, quae in nos ira commota est: aut nos mortificandi in visu, auditu, loquela etc.; et praesertim cum silentio quantum possibile est oportet affectuum habituum sensum servare; alias statim in actiones et sermocinationes inutiles nos distrahendo, statim evanescit illo devotionis fervor, qui in oratione conceptus est.

Prae caeteris denique director suos

poenitentes incessanter hortetur ne orationem omittant, nec minuant tempore ariditatis, et ne unquam turbentur, licet per multum aut longum tempus desolatione videantur premi, Quot aulici, ait s. Franciscus Sales, eunt principem veneraturi, et contenti sunt simpliciter ab eo videri? Nos ad orationem camus sine Deo obsequendi; si ipse velit nos alloqui, et suis consolationibus nobis favere, de tantis gratiis illi agamus gratias; sin minus, contenti simus coram divina praesentia adesse cum pace, eum adorando et nostras necessitates ei exponendo; et tunc si Dominus nos non alloquitur, certe nostra observantia et fidelitas ei grata erit, et pro nostra fiducia utique nostras preces exaudiet.

PROPOSITIONES DAMNATAE

AB ALEXANDRO PAPA VII.

Feria 5. die 24. septembris 1665.

In Congregatione generali s. Romanae et Universalis Inquisitionis coram SS. D. N. Alexandro PP. VII. mature discussis infrascriptis propositionibus:

1. Homo nullo unquam vitae suae tempore tenetur elicere actum Fidei, Spei et Charitatis, ex vi praeceptorum divinatorum ad eas virtutes pertinentium.

2. Vir equestris ad duellum provocatus potest illud acceptare, ne timiditatis notam apud alios incurrat.

3. Sententia asserens, Bullam Coenae solum prohibere absolutionem haeresis, et aliorum criminum, quando publica sunt, et id non derogare facultati Tridentini, in qua de occultis criminibus sermo est, anno 1629. 18. Iulii in Concistorio S. C. Eminentis. Cardinal. visa et tolerata est.

4. Praelati regulares possunt in *Homo Apostolicus*

foro conscientiae absolvere quoscumque saeculares ab haeresi occulta, et ab excommunicatione propter eam incurra.

5. Quamvis evidenter tibi constet Petrum esse haeticum, non teneris denunciare, si probare non possis.

6. Confessarius, qui in sacramentali confessione tribuit poenitenti chartam postea legendam, in qua ad venerem incitat, non censetur sollicitasse in confessione, ac proinde non est denunciandus.

7. Modus evadendi obligationem denunciandae sollicitationis est si sollicitatus confiteatur cum sollicitante, hic potest ipsum absolvere absque onere denunciandi.

8. Duplicatum stipendium potest sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem, idque post Decretum Urbani VIII.

9. Post Decretum Urbani potest sa-

cerdos cui Missae celebrandae traduntur per alium satisfacere, collato illi minori stipendio, alia parte stipendii sibi retenta.

10. Non est contra iustitiam pro pluribus Sacrificiis stipendium accipere, et Sacrificium unum offerre: neque etiam est contra fidelitatem, etiamsi promittam, promissione etiam iuramento firmata danti stipendium, quod pro nullo alio offeram.

11. Peccata in confessione omissa, seu oblita, ob instans periculum vitae, aut ob aliam causam, non tene-mur in sequenti confessione exprimere.

12. Mendicantes possunt absolvere a casibus Episcopis reservatis, non obtenta ad id Episcoporum facultate.

13. Satisfacit praecepto annuae confessionis, qui confitetur Regulari Episcopo praesentato, sed ab eo iniuste reprobato.

14. Qui facit confessionem voluntarie nullam, satisfacit praecepto Ecclesiae.

15. Poenitens propria auctoritate substituere sibi alium potest, qui loco ipsius poenitentiam adimpleat.

16. Qui beneficium curatum habent, possunt sibi eligere in confessorium simplicem sacerdotem, non approbatum ab Ordinario.

17. Est licitum Religioso, vel clerico calumniatorem gravia crimina de se, vel de sua religione spargere minantem occidere, quando alius modus defendendi non suppetit, uti suppetere non videtur, si calumniator sit paratus, vel ipsi Religioso, vel eius religioni publice et coram gravissimis viris praedicta impingere, nisi occidatur.

18. Licet interficere falsum accusatorem, falsos testes, ac etiam iudicem, a quo iniqua certo imminet sententia, si alia via non potest innocens damnum evitare.

19. Non peccat maritus occidens propria auctoritate uxorem in adulterio deprehensam.

20. Restitutio a Pio V. imposita

beneficiatis non recitantibus non debetur in conscientia ante sententiam declaratoriam iudicis, eo quod sit poena.

21. Habens capellaniam collativam, aut quodvis aliud beneficium ecclesiasticum, si studio litterarum vacet, satisfacit suae obligationi, si officium per alium recitet.

22. Non est contra iustitiam beneficia ecclesiastica non conferre gratis, quia collator conferens illa beneficia ecclesiastica, pecunia interveniente, non exigit illam pro collatione beneficii, sed veluti pro emolumento temporali, quod tibi conferre non tenebatur.

23. Frangens ieiunium Ecclesiae, ad quod tenetur non peccat mortaliter, nisi ex contemptu, vel inobedientia hoc faciat, puta quia non vult se subiicere praecepto.

24. Mollities, sodomia et bestialitas sunt peccata eiusdem speciei infimae, ideoque sufficit dicere in confessione se procurasse pollutionem.

25. Qui habuit copulam cum soluta, satisfacit confessionis praecepto, dicens: commisi cum soluta grave peccatum contra castitatem, non explicando copulam.

26. Quando litigantes habent pro se opiniones aequae probabiles, potest iudex pecuniam accipere pro ferenda sententia in favorem unius prae alio.

27. Si liber sit alicuius iunioris et moderni, debet opinio censi probabilis, dum non constet, reiectam esse a Sede apostolica tamquam improbabilem.

28. Populus non peccat etiamsi absque ulla causa non recipiat legem a principe promulgatam.

Quibus peractis, dum similium propositionum examini cura et studium impenditur, interea idem Sanctissimus, re mature considerata, statuit et decrevit, praedictas propositiones et unamquamque ipsarum, ut minimum tanquam scandalosas esse damnandas, et prohibendas, sicut ear

damnat, ac prohibet, ita ut quicumque illas aut coniunctim, aut divisim docuerit et defenderit, ediderit, aut de eis etiam disputative, publice aut privatim tractaverit, nisi forsitan impugnando, ipso facto incidat in excommunicationem, a qua non possit (praeterquam in articulo mortis) ab alio, quacumque etiam dignitate fulgente, nisi a pro tempore existente Romano Pontifice absolvi.

Insuper districte in virtute sanctae obedientiae, et sub interminatione divini iudicii prohibet omnibus Christi fidelibus cuiuscumque conditionis, dignitatis ac status, etiam speciali et specialissima nota dignis, ne praedictas opiniones, aut aliquam ipsarum ad praxim deducant.

Feria 5. die 18. Martii 1666.

Prop. 29. In die ieiunii, qui saepius modicum quid comedit, etsi notabilem quantitatem in fine comederit, non frangit ieiunium.

30. Omnes officiales, qui in republica corporaliter laborant, sunt excusati ab obligatione ieiunii, nec debent se certificare, an labor sit compatibilis cum ieiunio.

31. Excusantur absolute a praeepto ieiunii omnes illi, qui iter agunt equitando, utcumque iter agant, etiamsi iter necessarium non sit, et etiamsi iter unius dieiificent.

32. Non est evidens, quod consuetudo non comedendi ova et lacticia in quadragesima obliget.

33. Restitutio fructuum ob omissionem Horarum suppleri potest per quascumque eleemosynas, quas antea beneficiarius de fructibus sui beneficii fecerit.

34. In die Palmarum recitans officium paschale satisfacit praeepto.

35. Unico officio potest quis satisfacere duplici praeepto, pro die praesenti et crastino.

36. Regulares possunt in foro conscientiae uti privilegiis suis, quae sunt expresse revocata per Concilium Tridentinum.

37. Indulgentiae concessae Regularibus, et revocatae a Paulo V., hodie sunt revalidatae.

38. Mandatum Tridentini factum sacerdoti sacrificanti ex necessitate cum peccato mortali confitendi quamprimum, est consilium, non praeeptum.

39. Illa particula, *quamprimum*, intelligitur, cum sacerdos suo tempore confitebitur.

40. Est probabilis opinio, quae dicit, esse tantum veniale osculum habitum ob delectationem carnalem, et sensibilem, quae ex osculo oritur secluso periculo ulterioris consensus, et pollutionis.

41. Non est obligandus concubinari ad eiiciendam concubinam, si haec nimis utilis esset ad oblectamentum concubinarum (vulgo *regalo*), dum deficiente illa, nimis aegre ageret vitam, et aliae epulae taedio magno concubinarium afficerent; et alia famula nimis difficile inveniretur.

42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.

43. Annuum legatum pro anima relictum non durat plus quam per decem annos.

44. Quoad forum conscientiae, reo correcto, eiusque contumacia cessante, cessant censurae.

45. Libri prohibiti, donec expurgentur, possunt retineri, usquedum adhibita diligentia corrigantur.

PROPOSITIONES DAMNATAE A P. INNOCENTIO XI.

Feria 5. die 2. Martii 1679.

1. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc sententia probabili tantum utendum non est in collatione Bapt. Ordinissacerdotalis, aut episcop.

2. Probabiliter existimo iudicem posse iudicare iuxta opinionem etiam minus probabilem.

3. Generatim, dum probabilitate sive intrinseca, sive extrinseca, quantumvis tenui, modo a probabilitatis finibus non exeat, confisi aliquid agimus, semper prudenter agimus.

4. Ab infidelitate excusabitur infidelis non credens ductus opinione minus probabili.

5. An peccet mortaliter qui actum dilectionis Dei semel tantum in vita elicere, condemnare non audemus.

6. Probabile est ne singulis quidem rigore quinquennii per se obligare praeceptum charitatis erga Deum.

7. Tunc solum obligat, quando tenemur iustificari, et non habemus aliam viam, qua iustificari possumus.

8. Comedere, et bibere usque ad satietatem ob solam voluptatem, non est peccatum, modo non obsit valetudini, quia licite potest appetitus naturalis suis actibus frui.

9. Opus coniugii ob solam voluptatem exercitum, omni penitus caret culpa, ac defectu veniali.

10. Non tenemur proximum diligere actu interno et formali.

11. Praecepto proximum diligendi satisfacere possumus, per solos actus externos.

12. Vix in saecularibus invenies, etiam in regibus superfluum statui. Et ita vix aliquis tenetur ad eleemosynam, quando tenetur tantum ex superfluo statui.

13. Si cum debita moderatione fa-

cias, potes absque peccato mortali de vita alicuius tritari, et de illius morte naturali gaudere illam inefficaci affectu petere et desiderare, non quidem ex displicentia personae, sed ob aliquod temporale emolumentum.

14. Licitum est absoluto desiderio cupere mortem Patris, non quidem ut malum Patris, sed ut bonum cupientis, quia nimirum ei obventura est pinguis haereditas.

15. Licitum est filio gaudere de parricidio parentis a se in ebrietas perpetrato, propter ingentes divitias inde ex haereditate consecutas.

16. Fides non censetur cadere sub praeceptum speciale, et secundum se.

17. Satis est actum Fidei semel in vita elicere.

18. Si a potestate publica quis interrogetur, Fidem ingenue confiteri, ut Deo. et Fidei gloriosum consulo, tacere, ut peccaminosum per se non damno.

19. Voluntas non potest efficere, ut assensus Fidei in seipso sit magis firmus, quam mereatur pondus rationum ad assensum impellentium.

20. Hinc potest quis prudenter repudiare assensum, quem habebat supernaturalem.

21. Assensus Fidei supernaturalis, et utilis ad salutem stat cum notitia solum probabili revelationis, imo cum formidine qua quis formidet, ne non sit locutus Deus.

22. Non nisi Fides unius Dei necessaria videtur necessitate medii, non autem explicita Remuneratoris.

23. Fides late dicta ex testimonio creaturarum, similive motivo ad iustificationem sufficit.

24. Vocare Deum in testem mendacii levis, non est tanta irreverentia, propter quam velit, aut possit damnare hominem.

25. Cum causa licitum est iurare sine animo iurandi, siue res sit levis, siue gravis.

26. Si quis vel solus, vel coram aliis, sive interrogatus, sive propria sponte, sive recreationis causa, sive quocumque alio fine iuret, se non fecisse aliquid, quod revera fecit, intelligendo intra se aliquid aliud quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est periurus.

27. Causa iusta utendi his amphibologiis, est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens, et studiosa.

28. Qui mediante commendatione, vel munere ad Magistratum, vel Officium publicum promotus est, poterit cum restrictione mentali praestare iuramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

29. Urgens metus gravis est causa iusta Sacramentorum administrationem simulandi.

30. Fas est viro honorato occidere invasorem, qui nititur calumniam inferre, si aliter haec ignominia vitari nequit: idem quoque dicendum, si quis impingat alapam, vel fuste percutiat, et post impactam alapam, vel ictum fustis fugiat.

31. Regulariter occidere possum furem pro conservatione unius aurei.

32. Non solum licitum est defendere defensione occisiva, quae actu possidemus, sed etiam ad quae ius inchoatum habemus, et quae nos possessuros speramus.

33. Licitum est tam haeredi, quam legatario contra iniuste impediendam, ne vel haereditas adeatur, vel legata solvantur, se taliter defendere, sicut et ius habenti in Cathedram, vel praebendam contra earum possessionem iniuste impediendam.

34. Licet procurare abortum ante animationem foetus, ne puella deprehensa gravida occidatur, aut infametur.

35. Videtur probabile, omnem foetum, quandiu in utero est, carere anima rationali, et tunc primum incipere eandem habere, cum paritur, ac consequenter dicendum erit in nullo abortu homicidium committi.

36. Permissum est furari, non solum in extrema necessitate, sed etiam in gravi.

37. Famuli et Famulae domesticae possunt occulte heris suis subripere ad compensandam operam suam, quam maiorem iudicant salario, quod recipiunt.

38. Non tenetur quis sub poena peccati mortalis restituere quod ablatum est per pauca furta, quantumcumque sit magna summa totalis.

39. Qui alium movet, aut indacit ad inferendum grave damnum tertio, non tenetur ad restitutionem istius damni illati.

40. Contractus Mohatra licitus est, etiam respectu eiusdem Personae, et cum contractu retrovenditionis praevisio inito cum intentione lucri.

41. Cum numerata pecunia pretiosior sit numeranda, et nullus sit qui non maioris faciat pecuniam praesentem, quam futuram, potest Creditor aliquid ultra sortem a Mutuatario exigere, et eo titulo ab usura excusari.

42. Usura non est, dum ultra sortem aliquid exigitur, tanquam ex benevolentia, et gratitudine debitum, sed solum si exigatur tanquam ex iustitia debitum.

43. Quidni non nisi veniale sit detrahentis auctoritatem magnam sibi noxiam falso crimine elidere?

44. Probabile est non peccare mortaliter, qui imponit falsum crimen alicui, ut suam iustitiam, et honorem defendat. Et si hoc non sit probabile, vix ulla erit opinio probabilis in Theologia.

45. Dare temporale pro spirituali non est simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale, vel etiam quando temporale sit solum gratuita compensatio pro spirituali, aut e contra.

46. Et id quoque locum habet, etiamsi temporale sit principale motivum dandi spirituale, imo etiamsi sit finis ipsius rei spiritualis, sic ut illud pluris aestimetur, quam res spiritualis.

47. Cum dicit Concilium Tridentinum eos alienis peccatis communicantes mortaliter peccare, qui nisi quos digniores, et Ecclesiae magis utiles ipsi iudicaverint, ad Ecclesias promoveant, Concilium vel primo videtur per hoc *digniores*, non aliud significare velle, nisi dignitatem eligendorum sumpto comparativo pro positivo; vel secundo locutione minus propria ponit digniores, ut excludat indignos, non vero dignos; vel tandem loquitur tertio, quando fit concursus.

48. Tam clarum videtur, fornicationem secundum se nullam involvere malitiam, et solum esse malam, quia interdicta, ut contrarium omnino rationi dissonum videatur.

49. Mollities iure naturae prohibita non est. Unde si Deus eam non interdixisset, saepe esset bona, et aliquando obligatoria sub mortali.

50. Copula cum coniugata, consentiente marito, non est adulterium, adeoque sufficit in Confessione dicere, se esse fornicatum.

51. Famulus, qui submissis humeris scienter adiuvat Herum suum ascendere per fenestras ad stuprandam Virginem, et multoties eidem subservit, deferendo scalam, aperiendo iannam, aut quid simile cooperando, non peccat mortaliter, si id faciat metu notabilis detrimenti, puta ne a Domino male tractetur, ne torvis oculis aspiciatur, ne domo expellatur.

52. Praeceptum servandi festa non obligat sub mortali, seposito scandalo, si absit contemptus.

53. Satisfacit praecepto Ecclesiae de audiendo Sacro, qui duas eius partes, imo quatuor simul a diversis celebrantibus audit.

54. Qui non potest recitare Matu-

tium, et Laudes, potest autem reliquas Horas, ad nihil tenetur, quia maior pars trahit ad se minorem.

55. Praecepto Communionis annuae satisficit per sacrilegam Domini manducationem.

56. Frequens Confessio, et Communio, etiam in his qui gentiliter vivunt, est nota praedestinationis.

57. Probabile est, sufficere attritionem naturalem, modo honestam.

58. Non tenemur Confessario interroganti fateri peccati alicuius consuetudinem.

59. Licet Sacramentaliter absolvere dimidiate tantum, confessos, ratione magni concursus poenitentium, qualis v. g. potest contingere in die magnae alicuius Festivitatis, aut Indulgentiae.

60. Poenitenti habenti consuetudinem peccandi contra legem Dei, Naturae, aut Ecclesiae, etsi emendationis spes nulla appareat, nec est neganda, nec differenda Absolutio, dummodo ore proferat, se dolere, et proponere emendationem.

61. Potest aliquando absolvi, qui in proxima occasione peccandi versatur, quam potest, et non vult omittere, quin imo directe, et ex proposito quaerit, aut ei se ingerit.

62. Proxima occasio peccandi non est fugienda, quando causa aliqua utilis, aut honesta non fugiendi occurrit.

63. Licitum est quaerere directe occasionem proximam peccandi pro bono spirituali, vel temporali nostro, vel proximi.

64. Absolutionis capax est homo, quantumvis laboret ignorantia Mysteriorum Fidei, et etiamsi per negligentiam etiam culpabilem nesciat Mysterium Sanctissimae Trinitatis, et Incarnationis Domini nostri Iesu Christi.

65. Sufficit illa Mysteria semel credidisse.

PROPOSITIONES DAMNATAE

AB ALEXANDRO VIII.

Die 24. augusti 1690.

1. Bonitas obiectiva consistit in convenientia obiecti cum natura rationali: formalis vero in conformitate actus cum regula morum. Ad hoc sufficit ut actus moralis tendat in finem ultimum interpretative. *Hunc homo non tenetur amare, neque in principio, neque in decursu vitae suae mortalis.*

2. Peccatum philosophicum seu morale est actus humanus disconveniens naturae rationali et rectae rationi: theologicum vero et mortale est transgressio libera divinae legis. Philosophicum, quantumvis grave in illo, qui vel Deum ignorat, vel de Deo actu non cogitat, est grave peccatum, sed non est offensa Dei. neque peccatum mortale dissolvens amicitiam Dei, neque aeterna poena dignum.

Feria 5. die 7. decemb. 1690.

1. In statu naturae lapsae ad peccatum formale et demeritum sufficit illa libertas. qua voluntarium ac liberum fuit in causa sua, peccato originali, et libertate Adami peccantis.

2. Tametsi detur ignorantia invincibilis iuris naturae, haec in statu naturae lapsae operantem ex ipsa non excusat a peccato formali.

3. Non licet sequi opinionem vel inter probabiles probabilissimam.

4. Dedit semetipsum pro nobis oblationem Deo, non pro solis Electis, sed pro omnibus et solis Fidelibus.

5. Pagani, Iudaei, Haeretici, alique huius generis nullum omnino accipiunt a Iesu Christo influxum; adeoque hinc recte inferes, in illis esse voluntatem nudam et inermem, sine omni gratia sufficienti.

6. Gratia sufficiens statui nostro non tam utilis, quam perniciosa est,

sic ut proinde merito possimus petere: *A gratia sufficienti libera nos, Domine.*

7. Omnis humana actio deliberata est Dei dilectio vel mundi: si Dei, charitas Patris est; si mundi, concupiscentia carnis, hoc est, mala est.

8. Necesse est, infidelem in omni opere peccare.

9. Revera peccat, qui odio habet peccatum, mere ob eius turpitudinem et disconvenientiam cum natura rationali, sine ullo ad Deum offensum respectu.

10. Intentio, qua quis detestatur malum, et prosequitur bonum, mere ut coelestem obtineat gloriam, non est recta, nec Deo placens.

11. Omne, quod non est ex fide christiana supernaturali, quae per dilectionem operatur, peccatum est.

12. Quando in magnis peccatoribus deficit omnis amor, deficit etiam fides: et etiamsi videantur credere, non est fides divina, sed humana.

13. Quisquis etiam aeternae mercedis intuitu Deo famulatur, charitate si caruerit, vitio non caret, quoties intuitu licet beatitudinis operatur.

14. Timor gehennae non est supernaturalis.

15. Attritio, quae gehennae et poenarum metu concipitur, sine dilectione benevolentiae Dei propter se, non est bonus motus ac supernaturalis.

16. Ordinem praemittendi satisfactionem absolutioni induxit non politia aut institutio Ecclesiae, sed ipsa Christi lex et praescriptio, natura rei idipsum quodammodo dictante.

17. Per illam praxim mox absolventi ordo poenitentiae est inversus.

18. Consuetudo moderna quoad administrationem Sacramenti Poenitentiae, etiamsi eam plurimorum hominum sustentet auctoritas, et multi

temporis diuturnitas confirmet, nihilominus ab Ecclesia non habetur pro usu, sed abusu.

19. Homo debet agere tota vita poenitentiam pro peccato originali.

20. Confessiones apud Religiosos factae pleraeque vel sacrilegae sunt, vel invalidae.

21. Parochianus potest suspicari de Mendicantibus, qui eleemosynis communibus vivunt, de imponenda nimis levi et incongrua poenitentia seu satisfactione, ob quaestum seu lucrum subsidii temporalis.

22. Sacrilegi sunt iudicandi, qui ius ad Communionem percipiendam praetendunt, antequam condignam de delictis suis poenitentiam egerint.

23. Similiter arcendi sunt a sacra Communione, quibus nondum inest amor Dei purissimus, et omnis mixtionis expers.

24. Oblatio in templo, quae fiebat a B. Virgine Maria in die Purificationis suae per duos pullos columbarum, unum in holocaustum, et alterum pro peccatis, sufficienter testatur, quod indiguerit purificatione, et quod Filius, qui offerebatur, etiam macula Matris maculatus esset, secundum verba legis.

25. Dei Patris sedentis simulacrum nefas est Christiano in templo collocare.

26. Laus, quae deferitur Mariae ut Mariae, vana est.

27. Valuit aliquando Baptismus sub hac forma collatus: *In nomine Patris* etc. praetermissis illis: *Ego te baptizo* etc.

28. Valet Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit: *Non intendo facere, quod facit Ecclesia.*

29. Futilis et toties convulsa est assertio de Pontificis Romani supra Concilium Oecumenicum auctoritate, atque in fidei quaestionibus decernendis infallibilitate.

30. Ubi quis invenerit doctrinam in Augustino clare fundatam, illam absolute potest tenere, et docere, non respiciendo ad ullam Pontificis Bullam.

31. Bulla Urbani VIII. *In Eminentissimi*, est subreptitia.

Adverte: In hac Bulla Urbani VIII. edita anno 1641, confirmantur Constitutiones Pii V. et Gregorii XIII. quibus damnantur septuaginta novem Bani propositiones: in eadem iterum prohibetur liber Cornelii Iansenii, cui titulus: *Augustinus*. Hanc Bullam Baiani et Iansenistae dixerunt esse subreptitiam, tanquam editam a Pontifice veritatis ignaro; cum tamen Pontifex in ea asserat, *ex matura ac deligenti eiusdem libri, cui titulus, Augustinus, lectione compertum esse, in eodem libro multas Bani propositiones proscriptas contineri. Vix* in hanc propositionem.

HABITA FACULTATE

INDEX ALPHABETICUS

RERUM NOTABILIU

QUAE IN HOC VOLUMINE CONTINENTUR.

Prior numerus denotat *tractatum* aut *appendicem*, alter arabicus denotat numerum marginalem ipsiusmet *tractatus* aut *appendicis*.

A

ASSATES an habeant facultatem capit. *Liceat*.
XX. 31. Cuinam conferre possint Ordines 117.
ad 120.

ABBATISSA, an possit irritare aut dispensare vota.
V. 56. An possit donare et dare licentiam donandi.
XIII. 12. *ad dubit.* 8. De abbatisae electione.
22. An abbatisa possit colloqui cum omnibus.
XIX. 42.

ABLUTIO. An requiratur trina in Baptismo.
XIV. 13.

ABORTUS et **ABORTIVUS**. An liceat esse causam
abortus. VIII. 22. An praegnantem, quae sibi
abortum procurant, incurraut excomm. 23. An
in dubio animationis foetus. 24. An liceat me-
dicinam praestare matri. 25 et 26. An baptizandi
sint foetus abortivi. XIV. 20. An Episcopi et Re-
gulares possint absolvere saeculares a censura per
abortum incurra. VIII. 22.

ABROGARE. An decennio leges abrogentur, etiam
ecclesiasticae. II. 11.

ABSOLVERE, et **ABSOLUTIO**. An excommunicati te-
neantur curare ut absolvantur. II. 21. Non debet
absolvi qui prius non restituit. X. 105. De ver-
borum absol. necessitate. XVI. 8. An absol. con-
ditionata sit valida. 6. An danda morib. si dat
signa poenit. 35 ad 4. An si alius testetur illum
petiisse confess. 36. Si nullum dat signum. 37.
Si in actu peccati sensibus destituitur. 38. De
certitudine dispositionis ad absolvendum. 118.
Absolutus a reservato in bona fide a simplici
confessa. an valide. 139. An poenitentes possint
absolvi ante denuntiationem, etc. 176. Quis po-
test absolvere a censuris. XIX. 11. Si per sen-
tentiam generalem, etc. et an Episc. foris existens,
etc. 12. An requiratur praesentis censurati, de
absolutione conditionata et an absolvere liceat
extra confessionem. 13. Requisita pro absolutione
a censuris. 14. (Vide etiam Tr. XX. n. 4.). An
confessarius peccet absolvens in mortali. *App.* III.
15 Absolutio censurarum. 80. Sacerdos simplex
quando potest absolvere. 159.

ABSTINENTIA a carnibus. XII. 2. A lacticiniis.
3. et 4. A larido. 8. A piscibus. 6 et 7. A carne
suilla. 8. A sorbeto. 14. A chocolate. 18. Quae-
nam dicitur parvitas materiae in ieiunio et de
illo qui pluries in die comedit. 20 et 21.

ABUSUS. Non est faciendi restitutio si times-
tar abusus. X. 116 ad 3.

ACCEPTATIO legis. II. 9 et 10. De acceptatione
dispensationis. 48. Donationis. X. 150. Et si est
per nuntium aut epistolam. *ibid.*

ACCESSORIUM in voto. V. 24.

ACOLYTHATUS quid, potestas et officium. *Ap-
pend.* III. 86.

ACTUS. Debet stari pro validitate actus. I. 16.
An lex possit praecipere actus internos. II. 17.
An satisfieri possit pluribus praecceptis, pluribus
actibus, vel unico actu. 50 et 51. Actus homi-
nis, et actus humani. III. 2. Actus voluntarius
quotuplex. 3 ad 6. De actu libero 7 ad 11. Actus
a quo bonitatem, aut malitiam sumunt 19 et 20,
et IV. 26. An detur actus indifferens. III. 21.
De distinctione numerica actuum internorum. 57
ad 61, externorum. 62. et 63. An unico actu
plura peccata committi possint. 64. Si actus in-
ternus durat in effectu unum constituit pecc. 61.
Quomodo uniuntur actus externi. 62. Qui furatur
100 aureos in 100 vicibus, quot peccata com-
mittit. 63. Actus Fidei, Spei an aliquando obli-
gent. IV. 13. An in contritione requirantur.
XVI. 13. Actus christiani pro moribundis. *Ap-
pend.* II. § ultimo.

ADIUTATIO quid. V. 20.

ADMINISTRARE et **ADMINISTRATIO** Sacramentorum
lucris sine an liceat. IV. 48. Parochorum obliga-
tio erga administ. Sacram. VII. 24 ad 27. An
teneantur administrare tempore pestis. 23. Ad-
ministrat. Sacram. simulare an liceat. *Append.* III.
16.

ADMONITIO. An liceat admonere complicem de
poenitentis licentia. XVI. 152. An admonere poe-
nitentem sine eius licentia de errore in confes-
sione commisso. 124. An intra confessa. 156 *in
fine*. Vide *monitio*.

ADVENTITIA bona quaeque dicuntur. X. 4.

Advertentia ad dubium an ad aliter XVII. 111 An ad peccatum. III. 24 ad 39, et VIII. 8.

Advocatus. An clerici et monachi possint agere advocatos. XIII. 69. Quando advocatus tenetur defendere. *ibid.* Quas causas et quo salario, etc. 70. Si causa est iniusta, etc. 71. Pactio in litis progressu an liceat, et de quota litis *ibid.*

Adulator circa restitutionem. X. 51.

Adulterium et adulter. Si adulter occidit virum, ut se defendat, ad quid tenetur. VIII. 20. An, dissentiente viro, adulterium sit duplex pecc. IX. 16. Vir qui sodomitice, etc. *ibid.* Ad quid adultera tenetur; et an debeat se prodere, etc. X. 99. Ad quid adulter. 101. Ad quid in dubio an proles sit sua. 102. Ad quid si divites mittunt ad hospitalia. 103. An ob adulterium coniux tenetur se separare. XVIII. 93 et 94. De iure revocandi adulterum. 98, 96

Aequiparata quae sunt. II. 78 ad II.

Aequivoca et restrictio mentalis an licita. V. 18 et 16.

Aetas. Quenam requiritur circa matrim. XVIII. 66. Circa irregularitatem. XIX. 130. Circa Ordines. *Append.* III. 43 et 44.

Affectus suggerendi moribundis. *Append.* II. § III. Tempore agoniae. § VI.

Affinitas circa matrimonium. XVIII. 67. De impedimento affinitatis ad petendum. 68.

Aggressor, vide *Defensor*.

Agonia. Monita pro agonia. *Append.* II. § V. Affectus pro agonia. § VI.

Aleas ludus clericis an licitus. X. 219. An monachis. 220. Episcopia. 221.

Alienatio bonorum ecclesiasticorum quandomam liceat. XIII. 61. Solemnitates requisitae. 62.

Alimenta. An vir teneatur uxori. XVIII. 51.

Allicere. Donatio in simonia. IV. 41 et 44. Donatio, si finis donantis non habeat effectum, erit irrita, X. 132.

Altare. Si sacerdos non celebrat in altari privilegiato, an teneatur ad restitutionem. XV. 75. *in fine.* In privilegiato quando lucrifunt Indulgentiae. 83. Altare portatile circa Regulares. XX. 121. Altare requisitum ad celebrandum. *Append.* III. 116.

Amentes. An amentibus conferenda sit Confirmatio. XIV. 49. *in fine.* An Extrema-Unctio. XVII. 11. An sit obligatio reddendi debitum coniugale amentibus. XVIII. 49. An amentes sint irregulares. XIX. 114.

Amicus. An possit cedere tabulam. VIII. 1 ad 2.

Amor erga Deum. IV. 9 ad 13. Erga proximum. 14 et seqq. Erga parentes. VII. 1 et seqq. Amor praedominans an sit necessarius pro confessione. XVI. 14 et 13. An illi qui amorem faciunt absolvi possint. *Append.* IV. § I. n. VI.

Animadvertere. Episcopus circa clausuram, etc. XX. 80. Casus in quibus Episcopus punire potest Regulares. 82 et 83. In coenobiis ubi non morantur 12. religiosi, etc. 88.

Animalia. Societas animalium cum pacto ad caput salvum, an licita. X. 226. Quorum animalium caro in leuitio sit licita. XII. 2. Cuius sunt animalia in venatione capta. X. 71.

Animarum directio pro confessario circa

gratias supernaturales. *Append.* I. 23 et 24. *Animatio* foetus. VIII. 22.

Animus. Qui iurat sine animo iurandi quomodo peccet. V. 17. Quid si quis vovet sine animo se obligandi. 21 ad 25. Quid si quis contrahit sine animo. X. 122. Animus iniciandi intra annum requiritur ad benefic. XIII. 42. Quid si quis recipit animo dubio aut conditionato. 43. An qui illud acceptat animo postea deponendi, gravior peccet. 44. Animus clericandi requisitus. *App.* III. 33 ad III.

Annulus missus a sponso an inducat sponsalium obligationem. XVIII. 6.

Annus Iubilaei. Vide *Iubilaeum*.

Antichryses contractus, vulgo a *godere*, an licitus. X. 182.

Appendix de oratoriis privata. VI. post n. 33.

Applicare et applicatio. Pro quo curatus debet applicare Missas. XV. 72. Pro quo alii beneficiati, et monialium capellani, etc., et an pro aliis, aut abstinere, etc.; et si segrotant an teneantur celebrare per alium. Pro quo applicanda Missa conventualis. 73. Quid si Religiosus applicat Missam contra voluntatem Praelati. 79. An sufficiat applicatio habitualis. 80. An confusus aut conditionata. 81 et 82. In die defunctorum an sit obligatio applicandi Sacrificium pro defunctis in genere, et de altari privilegiato. 83. Applicatio Missae quoad parochum. *Append.* III. 109.

Approbatum et approbatus. De approbatione confessarii. XVI. 74 et 73. Quid si iniuste revocetur. 75. An simplex sacerdos possit absolvere a venialibus, etc. 76. An parochus sibi adscribere possit parochos alterius dioecesis. 77. An eiusdem dioec. 78. A quo Episcopo obtinenda sit approbatio. 79. De Regularium approbatione quoad se ipsos. 73. Quoad laicos. 80. Quisque confiteri potest approbatus. 86. An simplex sacerdos possit absolvere moribundum coram approbato. 93. Casus excepti. 94. Approbatio confessarii Monialium XX. 67.

Ariditas sensibilis. *Append.* I. 8. Ariditas substantialis, seu spiritus. 9.

Arrha in venditione. X. 166.

Artifices capillorum fictiorum, qui caput faciunt mulieribus. *Tract.* ult. 36.

Aspicere turpia, etc. quandomam est peccatum. IX. 8. In ecclesia aspectus turpes an sint sacrilegia. IV. 39. et IX. 22.

Assurationis contractus quid. X. 231.

Assistentia moribundis quae tenetur parochi. VII. 43 ad 2. Assistentia parochi in matrimonio peccatorum quale peccatum. XVIII. 29 ad 1. Si parochus repugnat ad 4. Si assistit in peccato ad 5. Si matrim. reconvallidatur ex dispensatione, ad 6. De assistentia testium et parochi. 70. 71 et 73. Assistentia moribundis. *Append.* II. Monita sacerdoti. § I. Remedia contra tentationes. § II. Motiva et affectus. § III. Animadversiones circa ultima Sacram. § IV. Monita pro agonia et morte. § V. Affectus pro agonia et expiatione. § VI. Signa mortis. § VII. Preces, actus christiani et benedictiones. § ult.

Astrologia naturalis et iudiciaria an sit licita. IV. 54.

Attentio. Qualls requiritur attentio in audiendo

Missa. VI. 23. Quid si quis dum audit *Missam* recitet officium, etc. 29. Vide alia verbo *Missa*. De attentione in Sacramentis. XIV. 1. An requiratur attentio interna ad Horas, etc. *Append.* III. 75. Beneficiatus recitans sine attentione an teneatur ad restitutionem. 64.

Attritio. An sufficiat attritio sine amore praedominante. XVI. 14. 15 et 16. An sufficiat ex timore poenarum temporalium. 17.

Auctoritas. An propria auctoritate possint solvi sponsalia. XVIII. 26. An fieri divortium. 93.

Audire. Quale peccatum est audire sermones obscenos, et turpes comœdias. IX. 10. Audire detractiones. XI. 17.

B

Barbitonsores. Petitiones ipsis faciendae. Tr. ult. 36.

Baptismus. Quotuplex est. XIV. 7. De materia remota. 8. De proxima. An possit incidere mater ut baptizetur proles. 9. An liceat baptizare prolem in utero, etc., et in quo membro. 10 ad 12. An requiratur trina ablutio. 13. Baptismi forma. 14. Minister. 15 et 16. De exteris qui baptizantur. 17. Dilatio Baptismi an sit peccatum. 18. De Baptismo domi. *Ibid.* et 30. De rebaptizantibus. 19. De Baptismo sub conditione. 23. An expositi sub condit. sint baptizandi. 24. De Baptismo colato a laicis. 25. Ab Haereticis. 26. De Baptismo dubio. 27. Dispositio ad recipiendum Baptism. 28. Caeemoniae Baptismi. 29. Ubinam conferendus. 30. In quantum ad patrimonium, vide *Patrimus*.

Benedictio Chrismatibus. XIV. 40. Matrimonii. XVIII. 53 ad II. Benedictiones in articulo mortis. *Append.* II. §. VIII. De Scapulari S. Mariae de Carmelo. *Ibid.* De Scapulari Mariae septem Dolorum. *Ibid.* De Scapulari

Mariae immaculatae. *Ibid.*

Beneficiati et beneficium. An beneficiatus habeat dominium fructuum. X. 7. An, qui recipit fructus a beneficiato, graviter peccet, et an teneatur pauperibus restituere. 8. Qualitates requisitae in beneficiato, et an debeat habere animum iniciandi intra annum. XIII. 42. Quid si quis recipit beneficium cum animo dubio aut conditionato. 43. Cum animo dimittendi benefic. 44. Obligationes beneficiatorum, et an possint vivere de fructibus. 45. Quibus debeant fructus distribuere. 46 ad 48. Diversitas beneficiorum. 51. An conferenda dignioribus. 53. An praesentandi digniores. 54. An valeat electio minus digni. 56. An elector restituere debeat, etc. 57. Si minus dignus concurrat an peccet. 58. Quandomam peccant examinatores. 59. An possint conferri plura beneficia uni personae. 40 et 41. Beneficiorum venditio an licita. IV. 46. Electio simoniaca in benefic. est nulla. 52. Et si adest praescriptio triennalis. *Ibid.* Privatio et inhabilitas ob simoniam. 53. An requiratur sententia. *ib.* et XIII. 53 circa *finem*. Quot modis amittuntur beneficia. *Ibid.* Pro quo beneficiatus debet applicare Missam. An possit abstinere; quid si aegrotat. XV. 73. De beneficiis respectu excommunicationum. XIX. 19. Respectu irregularium. 70 et 77. Beneficii circa

canonem et forum. XX. 22. Episcopus potest unire beneficia. 71. An teneantur ad restitut. fructuum si beneficiati non recitant, etc. *App.* III. 61. Quibus faciendae. 62. Quid si alia habent onera. 63. An excommunicati, etc., et qui sine attentione interna recitant teneantur ad restit. fructuum. 64. An qui intra primos sex menses officium omitunt, et qui sine culpa recitationem officii omitunt. 65. Qui non percipit fructus an teneatur ad officium. 66. Si beneficium sit tenue. 67. An male expendens fruct. benefic. et canonicus non canens teneatur ad restit. 68.

Benevolentia circa simoniam. IV. 44. Circa usuram. X. 143.

Bestialitas quid. IX. 27. An coitus cum daemone sit peccatum bestialitatis. 28.

Bigamiae circa irregularitatem. XIX. 138 ad 141. Circa Episcopi privilegium quoad bigamos. XX. 50. Circa Regularium privilegium. 108.

Blasphemia, quando dicitur. V. 1. An sit blasphemia maledicere regioni, creaturis, aut mundo, et dicere *atta*, *potta*. 2. An si quis maledicit fidei alicuius. 3. An maledicere mortuis. *Ibid.* ad 11. Blasphemia haereticis. 1. et XIII. 77.

Bona. An ad vitandum scandalum adsit obligatio relinquendi, omittendi, etc. IV. 23. Votum debet esse de bono meliori. V. 24. Bona filiorum castrensium et quasi. X. 2. Profectitia, et data in patrimonium. 3. Adventitia. 4. Bona uxorum. 5. Clericorum. 6. 7 et 8. Bona incerta cuinam restituenda. 67. Quis potest facere compositionem illorum. 68. De bonis inventis. 69. De thesauro. 70. Qui recepit a fure rem permixtam cum sua ad quid teneatur. 75. Quid si res crescit aut crevisset pretio. 78. Si peritura fuisset. 79. As res ablata possit restitui furi. 53. Quid si dominus eam evincit ab emptore. 66. Si est alienata. 107. An debeat praeservari res domino cum periculo suorum. 157. Cuinam si est duobus vendita. 190. Si res vendita perit, an perat emptori. 191. Cessio bonorum. 117 ad 6. Obligatio legandi bona coniunctis. 237. Alienatio bonorum ecclesiasticorum an licita. XIII. 61. Requisita ad eam. 62. Bona ecclesiasticorum gaudent exemptione a foro laicali. XX. 20. Etiam Regulares cum suis novitiis, etc. 21 ad 24.

Breviarium prociens quot peccata committit. *append.* III. 69

Bullae Benedicti XIV circa ieiunium. XII. 6. Circa negotiationem cleric. X. 192. In confessorium nomen complices exquirentem. XVI. 41. In confessorium complice in peccato turpi. 43. Circa Iubilaeum. 64. Bulla Nicolai V circa censum. X. 197. S. Pii. V. 198. Bullae Greg. XV in sollicitantes. XVI. 165. Bulla Coenae in haereticos. XIX. 53. In fautores. 54. De libris prohibitis. 55 ad 62. De aliis casibus Bullae 63. Bulla de Confirmationis potestate sacerdotibus delegata. XIV. 44. De Missa pro populo. XV. 72. De confessorio extraordinario. XVI. 39 ad IV. De approbatione confess. Monialium. *Ibid.* et XX. 67. De clausulis dispens. matrim. XVIII. 87. De mulieribus clausuram violentibus, etc. XIX. 47.

Cacemonias. Baptismi. XIV. 29 et 30. Confraternitas. 30 et 32.

Caligo clara in contemplatione quid. *App.* I. 15.

Calix, et patena requiruntur ad celebrandum. *Append.* III. 117.

Cambium, quod duplex est et quodnam est permissum. X. 203. Qui recipit monetam falsam an possit expendere. 204.

Canon. Privilegio Canonis quinam gaudeat. XX. 19 ad 24.

Canonica portio. Quis tenetur ad eam solvendam. XX. 93.

Canonicus. Rescissio illius. XIII. 80. Poena. 81. Causae excusantes. 82 ad 87. Poenitentiarum et theologus. 86. Examinatores, et visitatores, etc. 87. Canonici non canens an teneatur ad restit. praebend. *Append.* III. 63.

Capellanus potest sibi retinere partem stipendii. XV. 67. Pro quo applicare debet Missam. An possit abstinere, et quid si aegrotat. 73. An possit mutare ecclesiam vel altare. Et si est privilegiatum. Si celebret per alios an peccet. 75. An, deficientibus redditibus, possit capellanus ex seipso diminueret num. Missarum. 78. An capellani exercituum possint absolvere milites in stationibus. XVI. 85 in fine. An assistere matrim. militum. XVIII. 72 in fine. An capellanus sit liber in alia ecclesia celebrandi. XX. 60.

Capitale. Vide *Sors*.

Caput saluum. Contractus ad caput saluum an licitus. X. 226.

Carcer et *carcere detent.* An carcerati teneantur procurare, ut e vinculis liberentur, quo possint interesse Sacro. II. 21. et VI. 39 ad 2. An ut communent in Paschate. XII. 41. An reus possit infringere carcerem et custodem nummis corrumpere, et an alii possint ei auxilium praestare. XIII. 87.

Cardinales an possint sibi eligere confessarium. XVI. 88.

Caro. Quae carnes tempore ieiunii liceant. XII. 2. An dispensati ad carnes possint diebus ieiunii vesci piscibus. 6 et 7. An dispensati ad carnes sit vetita caro suina. 8. An qui sapius carnem edit, peccet, et de materiae parvitate. 20.

Casus. An prohibitus in collatione, etc. XII. 19.

Castitas. An votum castitatis solvat sponsalia. XVIII. 23. Episcopi et Regulares dispensant conjugibus in voto castitatis. 54 ad VI. An subdiaconi teneantur ad castitatem ex voto. *Append.* III. 89. An qui hanc obligationem ignoret, et qui ante pubertatem aut per metum ordinetur. *Ibid.*

Casus. Si poenitens est surdus. XVI. 153. Casus sollicit. 181 et 182. An Episcopus possit absolvere a casibus papalibus reserv. extra confessionem. XX. 52. An a casibus reservatis ab aliis Episcopis 53. An a casibus post Concilium, etc. 56. De complice in peccato turpi. 37. De casibus Bullae Coenae. 33. An praesente Episc. moribundus possit absolvi a casibus papalibus a quocunque confessa. 43. De sex casibus episcopalibus, et praeci-

pue de perturbatione clerici. 46 ad 48. A quibus casibus possunt Regulares subditos absolvere. 95 ad 97. A quibus casibus absolvere saeculares. 99. An a reservatis Episcopi a iure. 100. An a papalibus. 101. Vide etiam *Reservatio*.

Catalogus Decretorum S. C. circa Missam. XV. 88.

Causa. Causae excusantes a confitendo ante Communionem. XV. 24. An conditio det causam sponsalibus, etc. XVIII. 2. Causae pro obtinenda dispensatione matrim., etc. 84. Causae divortii. 91 ad 94. Quid si causa censurae est falsa aut dubia. XIX. 10. Causae communicandi cum excommunicato vitando. 22 ad 26. Causae excusantes a recitatione officii. *Append.* III. 76.

Celebrare et *celebratio.* Quid si quis inter celebrandum recordatur peccati aut censurae. XV. 25. Quomodo intelligitur *Id Quamprimum*. 30. Et an obliget qui post consecrationem recordatur pecc. etc. 31. An celebrantem sacrilege. 32. An sacerdos possit celebrare non ieiunus ad praebendum Viaticum. 31. Quid si sacerdos tibi partem stipendii remittit. 69. Qui celebrat festinanter an peccet. 84 ad 86. Inhabilitas sollicitantium ad celebrandum. XVI. 183. De dispensatione capellani ut celebrare valeat in alia ecclesia. XX. 60. De celebratione post meridiem. 61. De celebratione in oratoriis. 62. Ubi Episcopus potest celebrare. 63. An possit dispensare ad celebrandum in domo. 64. Circa modum celebrandi Missas Regulares sunt Episcopis subditi. 75. An Regulares possint admittere advenas ad celebrandum in suis ecclesiis. 77. De celebratione ante Missam parochialem. 76. (Vide etiam Decreta super hoc. XV. 88). Qui celebrat in mortali quot peccata committit. *Append.* III. 13. Obligatio sacerdotum celebrandi. 111. Quando liceat celebrare. 113. Ubi liceat. 114. Quid si ecclesia sit polluta. 115 et 123. Requisita ad celebrandum, scilicet altare, etc. 116 ad 122. De celebrat. neo-presbyt. 123. Et de tribus Missis eis iniunctis. 124. Missa celebranda alte, breviter, etc. 125. Missae votivae. 126. Quando pluries in die liceat celebrare. 127.

Censurae. An per verba *Te absolvo* possint absolvi censurae. XVI. 5. Quae censurae absolvi possunt in Iubilaeo. 71. An in necessitate clericus possit absolvere. 73. An simplex confessarius in mortis articulo coram Super. 96. An a censuris papalibus. 97. Ignorantes casus papales, et episcopales an excusentur a censuris. 129. An peregrinus incurrat censuras reservatas si peccat in alia dioecesi. 133. Censura quondam est sententiae latae aut ferendae. XIX. 2. Quis eam ferre potest. 3. Quid requiritur ut quis censura ligari possit. 4. An Episcopi, papes et communis. *Ibid.* An Episcopi extra dioecesim, et an in subditiis absentem possint ferre cens. 5. An possit censurari peregrinus. 6. Quale peccatum requiritur ut imponatur censura, et an mandantes et consulentes incurrant. 7. An incurrat ob ignorantiam aut metum, et an ob delicta praeterita. 8. De solemnitate ad censurarum promulg. requisita. 9. Quid si causa est falsa aut dubia. 10. De censuris circa Conceptionem B. Virginis. 31 et 32. An irregularitas sit censura. 73. An censurae extra confessionem possint absolvi. XX. 4. De ces-

Fura Episc. circa claustrum. 77. A quibus censuris possunt Regulares laicos absolvere, et an a sex casibus episcopalibus, a percussione clerici et ab abortu. 100. De censuris in genere. *Append.* III. 77 ad 80. De excommunicatione. 81 ad 83. De suspensione, etc. 84. De depositione, etc. 85. De interdicto. 86. (Sed de hoc vide quod fusius dictum est. XIX. 68 ad 70).

Certitudo dispositionis ad Communionem. XV. 34. Ad confessionem XVI. 118.

Cessare et cessatio. Cessatio a divinis quid. XIX. 71. (Et vide etiam *Append.* III. 86). Quot modis cessat privilegium XX. 14. Quomodo per revocationem. 18 ad 17.

Character in Sacramenta. *Append.* III. 24.

Charitas erga Deum. IV. 9 ad 15. Ordo charitatis. 14. An cum periculo peccandi teneamur ad charitatem; an Episcopi et parochi in necessitate gravi, etc., et an in tempore pestis sacerdotes, etc. *Ibid.* (Et vide etiam. XVI. 125). Charitas erga inimicos. 16. De eorum salutatione. *Ibid.* De remissione iniuriarum. 17. Eleemossyna. 18 et 19. Correctione fraterna. 20 et seq. An charitas excuset a laborando tempore festi. VI. 16 et 17. De pacto in mutuo propter charitatem debito. X. 161. Charitas confessorii in excipiendo poenitentes. XXI. 1. In audiendo. 2. In admonendo. 3. In postulando et disponendo. 4.

Charta. Chartarum ludus an clericis licitus. X. 219. An monachis. 220. Episcopis. 221. An deglutire chartam frangat ieiunium. XV. 42 et 43. An qui legit chartam confessionis teneatur ad sigillum. XVI. 181. An confessorius possit praebere schedulam confessionem, etc. 162. De charta sollicitationis in confessione. 166.

Chirurgi. Petitiones ipsis faciendae. *tr.* ult. 33 ad V.

Chocolate. An tempore ieiunii liceat. XII. 18.

Chorus. Canonici non canens in choro an teneatur ad restituti. praebend. *Append.* III. 63. De pronuntiatione in choro. 73. Ordo Horarum in choro. 74. ad 8.

Chrisma est materia remota Confirmationis. XIV. 39. An debeat esse benedictum et a quo. 40.

Christiani quoad re-emptionem a captivitate. X. 16.

Christus. Quomodo sit praesens in Euchar. *Append.* III. 101.

Chirographum quoad emptionem. X. 179.

Cibus. An frangat ieiunium qui deglutit reliquias cibi in ore relictas. XV. 36. Si cibus non est digestus an impedit Communionem. 44.

Circumcisio an fuerit Sacramentum. *App.* III. 2.

Circumstantiae aggrv. an in confessione confitendae. XVI. 29. Impertinentes circa sigillum. 183 ad V.

Clandestinum. An matrim. clandestinum celebratum coram parochio repugnante sit validum. XVIII. 29 ad 4. De matrim. clandest. defectu proclamationum. 85. Defectu assistentiae parochi, etc. 70 et 71.

Claudus quando est irregul. XIX. 119.

Claustrum. Potestas Episcopi circa claustra. XX. 66 et 80.

Clausulae in Bulla Greg. XV. contra sollicitantes. XVI. 168 et seq. Clausulae Sacrae Poeni-

tent. in dispens. matr. XVIII. 87. Clausulae in privilegiis adiectae. XX. 8.

Clausura monialium. XIX. 33 ad 39. De collocatione cum monialibus. 40 ad 45. De clausura Religiosorum. 47. Vide etiam *Monialis*.

Clericus. Venatio clericis vetita. X. 72. An negotiatio per alios, vel propter alienam utilitatem illis sit licita. 194. An possint emere pecora, ut in propriis pascuis agnata vendant. 193. An possint emere ut vendant maiori pretio; et an lanas ut vendant pannum, et quid si sunt in necessitate. 194. An possint agere tutores aut factores. 195. An possint ludere lusibus sortis, etc. an assistere. 219 et 221. An exercere artes et officia. XIII. 60. An agere advocatos. 69. An accusare. 74. Clerici percussores quoniam vitandi. XIX. 16 et 48. An clerici per legem divinam sint immunes a potestate seculari. XX. 18. An gaudeant privilegiis Canonis et fori. 19. De bonis illorum. 20. De beneficiis. 22. Tonsuratis. 23. De illis qui habitum relinquunt. 24. Immunitas piorum locorum. 25 ad 28. Clerici coniugati an gaudeant privilegiis. 21. Percussores clericum quando incurrant excom. XIX. 43. An qui dat venenum clerico incurrat censuram. XX. 48.

Cognatio spiritualis quomodo contrahitur. XIV. 33. De impedimento cognationis in matrim. XVIII. 62 ad IV.

Cohabitatio. An teneantur coniuges cohabitare. XVIII. 81.

Collatiuncula serotina an liceat tempore ieiunii. XII. 16 ad 19.

Commodatum quid. X. 153.

Commoditas sortis in societate. X. 224.

Communicatio cum excommunicatis an licita. XIX. 15. An in forensibus. 20 ad VI. An in civilibus; et in quibus. 21. Quoniam est peccatum mort. 22. Causae excusantes 23 ad 26. Communicatio privilegiorum inter Regulares. XX. 9.

Communio et **communicare.** Qui de ieiunio dubitat ad quid tenetur. I. 19. De Communione paschali. XII. 39. An qui eam negligit teneatur ad *quamprimum* et eam praevinire, etc. 40. Quomodo in carcere detenti et excommunicati teneantur ad illam. 41. An debeat in parochia fieri. *Ibid.* Quisnam eximatur. 42. Quando et qua actate pueri communicare debent. 43. Quando amentes. 44. Quibus peccatoribus Communio deneganda. XIV. 5 et XV. 15. Qui communicant cum veniali actuali an peccet venialiter. XV. 7. Obligatio parochorum quoad Euchar. servand., et Comm. praebendam; et an omnes sacerdotes et Regulares possint eam praebere. 8. An diaconi. 9. An sacerdotes possint ex devotione communicare ex seipsis. 11. An digitis posterioribus liceat Comm. praebere. 13. An in utraque specie; an in Hostia maiore, etc., an pueris et amentibus. 14. An capite damnatis. 15. An in Missa defunctorum. 16. In qua hora et die potest dari Commun. 17. Confessio praemittenda Commun. 22. Qui post confessionem recordatur peccati an possit communicare. 23. Quenam necessitas excuset. 24. Quid si inter celebrandum recordetur peccati. 25. Si deret confessorius, et quomodo hoc intelligendum. 26. Si peccatum est reservatum. 27. Si peccato annexa est excommunicatio. 29. *Quam-*

primum quomodo intelligendum. 50. An obliget post consecrationem. 51. An eos qui sacrilege celebrant. 52. An laicos. 53. Qui dubitat de peccato, an possit communicare. 54. Qui post Commun. expulit an culpa vacet. 45. An pollutio impediat Commun. 56. An copula coniugal. 57. An lepra, aut menstruum, vel immodestia pectoris; et de sacerdote communicante extra Missam. 58. Decretum circa administrat. Commun. in Missa def. 88. ad X. An Religiosi debeant communicare singulis mensibus. XVI. 2. Quando Communio a Regularibus dari potest. XX. 123. De Commun. frequentia. *Append. I.* 29. Qui ministrat Commun. in mortali, an mortaliter peccet. *App. III.* 13. Vide etiam *Eucharistiam* et *Prædicium*.

Communitas an possit censurari. XIX. 4.

Commutare et **commutatio**. Commutatio voti an fieri possit auctoritate Ecclesiae. V. 58 An commutatio poenit. XVI. 61 Operum Iubili. et. 63 An Episcopus possit commutare ultimas voluntates. XX. 68. An liceat commutare offic. m. *Append. III.* 70.

Complex an possit et debeat manifestari in confess. XVI. 40. Si confessarius exqui v nomen complicitis qualem poenam incurrit. 44 De confessione complicitis in peccato turpi. 13. An de peccatis complicitis adsit sigillum. 152 An possit admoneri de licentia poenit. *ibid.* A., Episc. possit absolvere confess. absolventem complicem in pecc. turpi. XX. 57.

Compositio restitutionum an possit fieri ab Episcopo. XX. 69.

Conceptio. De censuris circa questionem Conceptionis B. Virginis XIX. 51 et 74

Concilia an sint subter Papam *¶ I.* 5

Concupiscentia. Quando importat peccatum. III. 18.

Conditio. An liceat conferre Sacram. sub conditione. XIV. 3. (Et vide etiam *Append. III.* 8). Quid requiritur ut Baptismus sub condit. conferre liceat. 23. An valeat applicatio conditionata. XV. 82. An absolutio conditionata. XVI. 6. An moribundis danda si dederunt signa poenit. 36. An si nulla. 37. An possit dari absolutio conditionata peccatori, qui sensibus destituitur in actu peccati. 38. Poenitentia condition. an liceat. 52. Legatum sub conditione si nubit aut si non nubit, an debeatur. XVIII. 12. De consensu conditionato in matrim. 33 et 34. Conditio servorum circa matrim. 62. De absolutione conditionata a censuris. XIX. 13.

Conductor. Vide *locatio*.

Confessarius et **confessor**. Quomodo se gerere debeat cum scrupulosis. I. 8 ad 11. Cum iis qui de confessionibus timent. 10. An liceat exquirere nomen complicitis. XVI. 41. Si absolvit complicem in peccato turpi an incurrat excomm. 95. De confessariis Monialium. 89. Confess. simplex an possit absolvere a reservatis coram superiore. 96. An a papalibus. 97. Munia confessariorum. 99. Tenetur examinare poenitentem. 102. Et quomodo. 103. Debet cum instruere et dispendere. 105. Admonere. 106 et 107. Quid si admonitio non est profutura. 108 ad 112. Quando confess. debet absolvere. 117. De certitudine dispos. 118. Si poe-

nitens habet pro se opin. probab. ad quid tenetur confess. 118 et 119. Si taret aut negat peccatum. 120. De reparandis erroribus. 121 ad 124. Obligatio audiendi confessionem. 125. An confess. possit admonere intra confessionem. 136 in fine. An uti notitia ad gubernationem cum gravamine poenit. 139. An ad cavenda sibi damna. 161. An possit præbere schedulam confessionis. 162. Si poenitens minatur, an confessar. possit eum vitare. 163. Opinio probab. circa sigillum cum gravamine, etc. 164. An Episcopi possint sibi eligere confess. XVI. 85. An consultus de confessione ex licentia poenit. teneatur ad sigillum. 148. Si redit poenitens malae conscientiae, an possit confessarius se excusare ab eo audiendo. 160. An possit absolvere a censuris extra confessionem. XIX. 13 in fine. Omnis confessarius potest absolvere ab haeresi absolutum ab Episcopo in foro externo. XX. 39. Facultas Praelatorum in eligendo confess. 63. Confessarii Monialium debent apprehendi ab Episc. 67. Potest assignare confessar. extraordinarium, et ordinarium amovere. 80. Obligatio confess. interrogandi et disponendi poenit. XXI. 4. Remedia generalia et particularia poenitentibus. 5 et 6. Quomodo confessar. se gerere debet cum occasione. *Tract. ult.* 1 ad 7. Cum habituatis, et recidivis. 8 ad 15. Cum ordinibus pravo habitu irretitis. 16 et 17. Petitiones ignavis faciendae. 18 ad 31. Personis diversorum statuum et conditionum. 31 ad 33. Invenibus qui caput mulieribus ornant. 36. Quomodo se gerere debet confess. cum pueris et puellis. 37 ad 41. Cum personis piis. 42 et 43. Cum elinguis et captis auribus. 44 et 45. Cum moribundis. 46 et 47. Cum damnatis. 48 et 49. Cum vexatis daemone. 50 ad 53. Cum mulieribus. 54 et 55. Circa gratias supernaturales. *Ap. I.* 25 et 34. Circa libidinum refrænetationes. 25 ad 27. Circa confessionis assiduitatem et Commun. 28 ad 36. Quomodo debet dirigere Religiosam in via perfect. 37 et 38. Monita notabilia ad confess. *Ap. IV.* 31.

Confessio. An qui intra Missam constituitur satisfaciatur. VI. 31. An qui confiteatur possit omitti Sacram. 43. An confessio præmittenda Commun. XV. 22 ad 34. Vide *Communio*. An possit dari confessio valida et informis. XVI. 18. Confess. debet esse vocalis. 27. Secreta. *ibid.* Vers. et an qui mentitur in confessione, peccet. 28. Debet esse integra. 29. An adsit obligatio confitendi peccata dubia. 50 ad 52. An dubie confessi. 53. Quid si postea fiant certa, etc. 34. Excusat a confess. impotentia physica, et an per interpretem confitendum. 35. De moribundo qui dedit signa per testes. 36 ad 38. An impotentia moralis excuset a confess. 39. An manifestandus sit complex. etc. 40. An nomen complicitis possit inquiri. 41. De reconvallidat. confessionis. 44 ad 46. In dubio valoris an repetenda confess. 46. Necessitas confessionis in iubilaeo. 64 ad 1. An sacerdos simplex debeat se habilem reddere pro excipienda confess. 126 et 127. Qui legit chartam confess. an teneatur ad sigillum. 131. De schedula confessionis. 162. An liceat admonitio intra confess. 156 in fine. An uti possit confessionis notitia ad gubernationem, etc. 159. An uti sibi creant ab aliquo damno. 161. An Episcopus possit ab-

solvere extra confessionem a caibus papal. ex virtute. Cap. *Licet*. XX. 32. Cuiam Regulares, tyrones et servi possunt sua peccata patefacere. 110. Cuiam religiosi exteri. 111. De confessione quam medicus imponere debet. *Tract. ult.* 53 ad VI De permutando confessorio. 43. Confessio circa spirituales personas. *App.* I. 28.

Confidentia. Qui peccat in confidentiam inibi- lēi an possit absolvi a reservatis. XVI. 69. An qui in confidentiam licentiae. 144.

Confirmatio. De materia remota Confirm. XIV. 39. De materia proxima et an extensio manuum sit materia. 41. An manu dextra aut instrumento debeat ungere Episc. 42. De forma confirm. 43. De ministro, et an possit esse simplex sacerdos. 44. Quid si chrismandus sit exterius. 45. De obligatione conferendi Confirm. 46. De obligatione eam suscipiendi. 47. An qui suscipit Ordines debeat esse confirmatus. 48. Et vide *App.* III. 33 ad 1. An amentibus et infantibus liceat conferre Confirm. 49. De caeremoniis Confirm. 50. De patrinis. 51. De aliis caeremoniis. 52. De effectibus. 53.

Congregatio. De congregatione puellarum. VII. 53. *circa med.* Ecclesiasticorum. 57.

Coniuges. Donationes inter coniuges quando- nam valeant. X. 129. An coniux peccet si se re- trahat a seminatione. XVIII. 40. An licet copia coniugalis tempore praegnationis. An impeditus ob votum vel incestum. 41. An liceant coniugibus tactus et delectationes. 42. Quando teneatur pe- tere. 43. Quid si coniux cohibeat seminationem. 50. An separandus ab adultero. 95 et 94. An possit eum revocare. 96. An fieri Religiosus, facto di- vortio. 97. An coniux possit ingredi religionem, alio relicto in saeculo. XIX. 142.

Connexa, quanam intelligantur. II. 73 ad III. *Conscientia*, est prima regula nostrarum opera- tionum. I. 1. Quandonam est vincibilis. 4. Perplexa. 7. Scrupulosa. 8. Dubia. 12. Probabilis. 21.

Consecratio. An liceat consecratio in alterutra specie. XV. 3 et 4. Qui post consecrationem re- cordatur peccati ad quid tenetur. 31.

Consensus, circa scrupulosos. I. 9. Ad peccatum mortale. III. 40 ad 43. Consensus corruptae quid faciat in ordine ad pecc. et restit. IX. 14 et X. 91. Consensus creditoris excusat a restitutione. 116 ad 2. Consensus praesumptus Episcopi pro confess. XVI. 83. Sponsalium solutio ob mutuum consensum. Quid de impuberibus. XVIII. 14. Di- vortium ex consensu. 91 ad III. Consensus in matrim. per signa an valet. 31. An per procura- torem, aut epistolam. 32. Consensus conditionat- 33 et 34. Qui fecte contraxit matr. an teneatur ad revalidandum. 79 et 80. Quomodo exigendus sit consensus. 82.

Conservator. Regulares habent privil. iudicem conservatorem eligendi. XX. 90.

Consilium et consultor. An liceat dare con- silium ad minus malum, etc. IV. 50 et X. 47. An qui damni consilium dedit teneatur ad restit. X. 44 ad 49. An in dubio si consilium fuit necne causa Iamni. 43. An qui revocat consilium. 48. An teneatur ad sigillum qui est requisitus de consilio a confess. ex poenit. licentia. XVI. 149. An consultus ab ipso poenitente. 150. Consilium circa censurarum incursionem. XIX. 7.

Consuetudo. Conditiones ad consuetudines re- quisitae. II. 79. De desuetudine. 80. Si reproba- tur quaecumque consuet. 81. An leges generales derogent, etc. 83 *in fine*.

Consummatio an liceat matrimonii in feriis, et an sine benedictione. XVIII. 53 ad II.

Contemplatio et sui gradus. *App.* I. 6 et seq. Contemplatio affirmativa et negativa. 12.

Contemptus formalis quid sit. II. 14 *in fine* et III. 68.

Contenta quanam intelligantur. II. 73 ad IV.

Contrahere et contractus. An in contractibus requiratur culpa theologica ad restituendum. X. 38 et 39. Quid si quis contrahit sine animo contrahendi aut se obligandi. 122. De contracti- bus tarpibus. 123. Quando dolus vel error irritet contractus. 124. Quando metus. 125. De contractu sine solemnitatibus. 126. De tribus contractibus. 227.

Contritio in quo consistat. XVI. 8. Ex quo motivo elicienda. 9. Quo tempore est necessaria. 10. An in morte. 11. An sufficiat contritio generalis peccatorum. 12. An sufficiat ministranti in mortali. *App.* III. 12.

Contumelia quid sit, et de honoris restituti- one. XI. 3. Causae excusantes. 4.

Conventionalis poena an debeat ante sen- tentiam. II. 27. An in mutuo. X. 156 et 157.

Conventualis Missa pro quibus applicanda. VII. 29. *in fine v. Notandum*.

Conventus regular. exempti. II. 39. De conventu ubi non possunt sustentari 12 religiosi. XX. 88 *in fine*. De stabilendis, relinquendis aut trans- ferendis coenobiis. 88 et 89.

Conviventes collegialiter possunt absolvi ab Episc. ob percussionem clerici. XX. 47 *in fine*.

Cooperans, cooperator et cooperatio. Coope- ratio formalis et materialis. IV. 51. Quando est licita. 52. Cooperantes in duello quas poenas in- currunt. VIII. 23. In furto ad quid tenentur. X. 42 et seqq. Si plures domum incendunt an omnes teneantur restituere in solidum. 53. An excusetur a peccato et restit. qui timore gravis damni cooperaretur in alterius dampnum. 56 et 57. Quis inter cooperantes prius tenetur restituere, et quid si uni remissa est pars. 60. Ad quid tenentur cooperantes usurario. 163 et 164.

Copula coniugalis an impediatur a Communione. XV. 57.

Corporale ad celebrandum an debeat esse be- nedictum, etc. *App.* III. 119.

Correctio et corrumpere. Adest obligatio corri- piendi etiam ignorantes. IV. 20. Quis ex usurar a correctione. 21. An pastores cum periculo vitae teneantur ad correct. 22 et VII. 30 ad 32. An concionatores. IV. 22 *in fine*. An Praelati regu- lares. *Ibid.* et XIII. 2 *in fine*. An in denuntiati- one praemitti debeat correctio; et an religiosus deumtari possit sine correctione. 74 *v. Notand.* 4.

Correlativa quanam dicantur. II. 73.

Creaturas. Illis maledicere an sit blasphemia. V. 2.

Creditor. An debeant praeferrī cre- ditores onero- si. X. 108. Si omnes sint onerosi. 109. Quanam debita prius satisfacienda, an quae ex delicto, an ex contractibus. 110. An praeferrēdi creditores

certi. 111. An hypotecarii anteriores, et an personales. 112. Si remittit uni partem ad quid teneantur alii. 60. Si homicida intendit creditoris damnum, ad quid teneatur. 87. Si creditor exigit integrum debitum, etc. 114. Qui restituit creditori creditoris, excusatur a restit. 116 ad 1. Consensus creditoris. *Ibid.* ad 2. Quid si creditor in necessitate existit. 118 et 119. Debitor donans creditori immemor sui debiti. 120.

Crescere. Cui res iniuste retenta crescit aut decrescit. X. 78.

Crimen. Vide *Delictum*.

Crux. Requiritur crux cum Crdifice ad celeb. *App.* III. 123.

Culpas. An legislator possit obligare sub levi cum materia est gravis. II. 14. An culpa theologica obliget ad restitutionem. X. 58. An iuridica. 59. An venialis. 40. An in contractibus sufficiat iuridica. 41.

Curatela et curator. X. 234.

Curialistas sunt irregulares. XIX. 143.

Custodes an excusentur a Missa. VI. 39. Si non denuntiant ad quid tenentur. XIII. 73. An liceat res corrumpere custodem. 87.

D

Daemonem adlurare. V. 20. Concubitus cum daemone ad quale pecc. reducitur. IX. 28.

Damnati capitis an debeant communicare. XV. 15 in *fine*. Quomodo confessorius cum ipsis se gerere debet, et si sunt pertinaces. *Tr.* ult. 48 et 49.

Dammum. An lex cum gravi damno obliget. II. 18. Delectari de damno ob bonum finem an liceat. III. 53. An concionatores teneantur cum proprio damno ad correct. public. IV. 22. Qui minus damnum consult an teneatur ad restit. X. 47. An qui ad vitandum proprium. 56 et 87. Qui vult intendere damnum propinquo vel creditorum ad quid tenetur. 87. Qui differt restitutionem. 104. Si damnum est multo maius, an sur teneatur ad restitut. 63 et 117 ad 3. Damnum emergens in mutuo, est titulus aliquid recipiendi ultra sortem. 147 et 152. In venditione ad quem spectat. 109. An damnum excuset ab integritate confessionis. XVI. 39. An in iubilaco, si non satisfecit, etc. 70. An liceat monito damni communis. 110. An sibi cavere ex notitia confess. 161.

Debitor et debitum. Si debitum est dubium ad quid teneatur possessor bonae vel malae fidei. I. 20. An debitor possit praeferre quemcumque mavult creditorem. X. 113. Si est in necessitate, et ipse delictor. 118 et 119. Donatio aere alieno gravati an valida. 128. An aere alieno gravatus possit ingredi religionem. XIII. 27.

Deceptio. Si corrupta cognoscit deceptionem, ad quid teneatur deflorator. X. 94. Deceptio in emptione si est ultra vel infra dimidium. 172 ad 3.

Dectmas quomodo et a quibus debeantur. XX. 84 ad 86.

Declinationes quatuor Rotarum circa alimenta. VII. 4. Circa praescriptionem. X. 12.

Declarationes S. C. habent ne vim obligandi.

II. 34. Declarationes pure tales et non pure tales quid. 73 et 74. Declarationes S. C. circa exemptionem Regularium ab Episcopis XX. 76.

Decretum S. C. II. 34. Rotae rom. 33. An Decreta S. C. Rit. inducant oblig. XV. 87. Catalogus Decret. 83. Decret. S. C. si de ipsis non constat authenticis, non est danda fides. XIX. 134 in *fine*.

Defectus. Vide *Familia*.

Defectus naturales an sub sigillo cadant. XVI. 184. Quomodo tollitur irregularitas ex defectu. XIX. 87. De irregularitate ex defectu animae. 112. (Vide etiam *App.* III. 69. Defectus supplendi in presbyteratu. *ib.* 94).

Defendere et defensio. An ob vitae defensionem liceat aliquem interficere. VIII. 11. Honoris. 14. Bonorum. 13. Pudicitiae aut ad defendendam vitam proximi. 16 17 18. An liceat aliquando aggressorem vitae occidendo praevenerre. 19. An liceat adultero, ut defendat suam vitam, occidere virum qui in se invadit. 20. Qui excedit in defendendo an restituere, etc. X. 89. Detrahere ob sui defensionem an licitum. XI. 10.

Deformis quando est irregularis. XIX. 122.

Defunctorum dies, pro quibus Missa applicari possit. XV. 83. An liceat Communio in Missa defunctorum. 83. *decr.* X.

Degradatio an sit censura. XIX. 67.

Delectatio. An sit explicanda species in delectatione morosa. III. 48. Delectatio de opere malo, et de cogitatione mala, quatenus differentia. 49. Delectatio de malo sub conditione si esset licitum an sit pecc. 50. De sponsis et de coniugibus. 81. An delectatio morosa permittatur coniugibus. XVIII. 42. An liceat delectatio de causa mala ob effectum bonum. III. 52. An de damno proximi ob bonum finem. 53. An de rebus solum a lege positiva vetitis. 54. An de parvitas materiae in delectatione sensibili. IX. 1 et 2.

Delegare et delegatus. Quis delegare potest. II. 61. (Vide etiam XX. 34). Quid si delegatus moritur; et quomodo interpretari, etc. II. 61. (Et XVI. 82). Quis subdelegare potest. II. 63. (Et XVI. 82). Quid si adest claus. *donec dispensetur*. 62. De iurisdictione delegata. XVI. 81. An Episcopus possit facultatem delegare *cap. Licet*; et an pro quocumque casu particulari, etc. XX. 34. An pro casibus ab aliis Episc. reserv. 35. Et an facultatem absolventi impeditur ire Romam. 40 et 41; et dispensandi in impedimentis matrim. 88.

Delictum. An possit propalari ob sui defensionem. XI. 10. An ob consilium aut solamen; et an uni vel alteri viro probro. 11. An sit gravis culpa si delictum est publicum in uno loco, illud manifestare alibi. 12; et an si uno tempore, etc. 13. An delictum connexum. 14. An peccet graviter qui narrat delictum uti ab aliis auditum. 15. An peccet reus qui sibi falsum delictum imponit. XIII. 84. An possit illud accusatori imponere ut causam suam tueatur. 85. Ob quod solvuntur sponsalia. XVIII. 18. An per fornicationem. *Ibid.* Impedimentum criminis pro matrim. 63. Crimen quando est causa divortii. 91 ad 1. An ob delicta praeterita possit quis censurari. XIX. 8. Quid requiritur ad incurrendam irregularitatem ex delicto. 81. Si delictum est omnino occultum 82.

(Et XI. 33). Quomodo tollitur ~~hæc~~ irregularitas ex delicto. XIX. 83. De irregularitate ex delicto. 88 ad 93. (Et App. III. 83).

Denuntiatio quot modis fit. XIII. 73. An castos gabellarum teneatur ad denuntiat. *Ibid.* An præmittenda correctio; et an Religiosus possit facere denuntiat. 74. De monitoriis. 75. De denuntiandis hæreticis. 76. Blasphemiis. 77. Superstitionibus. 78. Denuntiatio impedimentorum Matrim. XVIII. 56. Vide *Sollicitatio*.

Depositio quid. XIX. 67; et App. III. 83.

Depositum quid. X. 136. Quando restitui non debet. 138.

Desiderium et **desiderare**. Desiderium sino operibus an sit pecc. I. 6. Quomodo peccet qui desiderat diversa mala. III. 63.

Desuetudo. Conditiones et tempus. II. 80. Pro legibus ecclesiasticis. 11 et *seqq.* Quid si reprobat quaecumque consuet. 81.

Determinatio et **determinatum**. Quid si peccator est determinatus, etc. IV. 26. An qui consiliator dat furi iam determinato, teneatur ad restit. X. 46. Determinatio pretii, et rei requiritur ad validum vendit. contractum. 165.

Detractio quando est peccaminosa. XI. 7. An peccet qui detrahit famæ alicuius ordinis religiosi aut monasterii illos nominando. 16. An qui inducit et audit detract. 17. An fama pecunia recompensari possit. X. 83 et XI. 20 et 21.

Diaconatus et **diaconus**. An diaconus possit baptizare. XIV. 15. An Communionem ministrare. XV. 9. Materia et forma diaconatus. App. III. 90. Officia diaconi. 91. Quid dum est censura ligatus, et de poenitentia ei ab Episc. imposita. 16. Quid si diaconus ministret in mortali. 14.

Diffamatio. Vide *Detractio*.

Differre. Vide *Dilatatio*.

Digitus. An posterioribus digitis possit præberi Communio. XV. 13.

Dignus. An dignioribus beneficia simplicia sint conferenda. XIII. 33. An patroni teneantur digniorem præsentare. 34. An ad prælaturas. 35. An valeat electio minus digni. 36. Si minus dignus concurrat an peccet. 38.

Dilatatio voti quanta requiritur ad peccandum. V. 33. In restituendo mutuo. X. 159. An ob dilationem aut anticipat. solutionis, pretium possit augeri aut diminui. 178. An dilatio Baptismi sit peccatum. XIV. 18. An poenitentia XVI. 87. An Missæ celebrandæ. Append. III. 107.

Dioecesis. An parochus possit sibi adscribere parochum alterius dioecesis. XVI. 77. An eiusdem dioec. 78. Qui Episcopus approbare debeat. 79. Regulares approbati in una dioecesi, an possint in alia confessiones audire. 80. An Episcopi extra dioecesim possint ferre censuras; et quid si subditus sit extra. XIX. 8.

Dissessio. An solvantur sponsalia ob dissensionem, etc. XVIII. 20.

Disparitas an solvat sponsalia. XVIII. 16. An accessio hæreditatis, vel melior occasio, etc. 19 *circa fin.* Disparitas cultus an dirimat matrim. 64 ad VI.

Dispensare et **dispensatio**. An Episc. loci possit dispensare cum peregrinis in votis etc. II. 42. De dispensatione sine causa; et an qui ea utitur peccet. 46. Supplicatio subreptitia an valida. 47.

An possit peti a tertio. 48. Quandonam quis potest uti dispensatione tacta. 49. Quandonam Superior tenetur ad dispensandum. 52. Dispensatio cum mala fide, aut sine causa an valeat. 53 et V. 40. An ex timore. II. 54. In quo potest dispensare Papa. 55 et 56. (Et XVIII. 33). In quo Episcopus et Vicarius. II. 57 et 58. In quo parochi. 59. An cum seipso. 64. Quomodo cessat dispensatio. 63 ad 68. Circa simoniam quid faciat. IV. 53 *in fine*. An votum non petendi dispensationem valeat. V. 26. Ad dispens. votorum quænam requiruntur. 39 ad 44. De votis reservatis. 45 ad 49. An remaneat reservata secundâ materia. 48. An in observantia dierum Dominicarum possit dispensari. VI. 1. An ad laborandum die festivo. 14. Ad celebrandum domi. 38. Si propinqui copulentur post dispensat., an committant incestum. IX. 19. An qui habet votum castitatis et violat teneatur impetrare dispensat. X. 97. Qui est propinquus, etc. 98. Dispensatio in ieiunio. XII. 22. Dispensati ad carnes an piscibus vesci possint. 6 et 7. An carne suina. 8. An dispensati ad carnes teneantur ad unicam comestionem. 9. In collatiuncula quænam quantitas et qualitas permittitur. 16 ad 19. De sponsal. sub conditione *si Papa dispenset*. XVIII. 6. Superveniente impedimento sponsalibus, an teneantur petere dispensationem. 15. Quando reconvalidetur matrim. 29 ad 6. An ablatio impedimento, nullitas patet fieri debeat parti ignorant. 81. quomodo exquirendus sit consensus. 82. An Papa possit dispens. in matrim. rato. 90 *circa fin.* Causæ iustæ dispens., an explicanda omnia impedimenta. 84. An incestus, etc. 85. An gradus. 86. Clausulæ S. Poenit. 87. Formulæ supplicationum. 88. Formulæ exequendi dispens. 89. Dispensatio super irregularit. XIX. 86. In *radice Matrimonii*. XVIII. 84. An Episcopus valeat dispensare in irregularitate ex defectu. XX. 29. Ex delicto occulto. *Ibid.* Et quando dicitur occultum. 33. Si homicidium est omnino occultum. 31. Si est fortuitum. 32. An Episc. possit delegare dispensationem. 34. An dispensare in irreg. ex hæresi. 39. An cum impeditis ire Romam. 40. Cum illegitimis. 49. Cum bigamis. 50. Dispensatio circa publicationes. 54. (Vide etiam XVIII. 58). Circa castitatis votum et impeditos ad petendum. XX. 54. Dispensatio circa impedimenta dirimentia dubia. 55. Dirimentia certa. 56 et 57. An Episc. possit delegare talem facultatem. 58. An possit dispensare circa interstitia. 59. An ad celebrandum 60. 61 et 64. An Regulares possint dispensare in irregularitate. 104 et 105. An in præceptis ecclesiasticis. 106. In officio 107. An in votis, et iurandis. 108 et 109.

Disponere et **dispositio**. Quænam dispositio requiritur ad recipiendum baptismum. XIV. 28. Ad Communionem si dubitatur de pecc. XV. 34. Certitudo moralis pro confessione. XVI. 117. Confessarius tenetur disponere poenitentem. 105. (Et XXI. 4). Quid si poenitens habet probabilem opinionem pro se. 118. Si negat aut tacet aliquod peccatum. 120. Dispositio ad Extremam-unctionem. XVII. 9. An absolutio possit prolongari disposita. *Tract. ult. 14.*

Disiunctio quomodo vetetur. IX. 30.

Distinctio specifica peccatorum. III. 55 et 56. Numerica. 57 et seq.

Distractio. Vide *Attentio*.

Diversi et diversitas. De diversitate obiectorum totalium. III. 64 et 65. Qui optat diversa mala quomodo peccet. 65. Furtum diversis factum qualem restit. importat. X. 28. Qualem si a diversis eodem tempore. 50. Qualem si plures domum incendunt. 55.

Dives an possit recipere stipendium pro Missa. XV. 59.

Divortium quoad vinculum. XVIII. 90. Quoad torum. 91. Ob delictum. *Ibid.* ad I. Ob morbum. *Ibid.* ad II. Ex consensu. *Ibid.* ad III. Ob timorem. 92 ad IV. Ob adulterium. ad V. et 93 et 94. De iure revocandi adulterum. 95 et 96. An propria auctoritate. 96. Facto divortio quis coniugum potest ingredi religionem. 97.

Dolor. An sufficiat dolor generalis peccatorum. XVI. 12. An debeat praecedere confessionem. 19. Quantum temporis duret. 20. Qui statim se reconciliat, an novum dolorem elicere debeat. 22. De dolore peccatorum venialium. 23. Vide etiam *Contritio* et *Attritio*.

Dolus. Contractus dolo initus an valeat. X. 124. *Domicilium* quando contrahitur, et quando quasi domicilium. II. 40.

Dominium directum et utile. X. I. De fructibus benefic. 7. Quot modis eorum dominium acquiritur. 9. Praescriptio quoad dominium. 10 ad 13. Dominium rei emptae quando transfertur. 107 et 167. Quando rei donatae. 132.

Dominus. Quomodo peccet dominus si laborare facit decem servos per mediam horam in festo. VI. 26. Obligatio dominorum praesertim circa salarium. VII. 7. Si dominus longe abest, cuius sumptibus res restituenda. X. 65. Si evincit rem. 66. Si est incertus. 67. Si res aequae perisset apud dominum. 79. An servus possit recipere stipendium a domino aere alieno gravato. 115. Quando res domini praeservari debeat. 137. Sors in societate tota est domini. 223. Solus valor commoditatis attendendus, etc. 224.

Donare, donatio et donum. Quis non potest donare. X. 128 an possit aere alieno gravatus. *Ibid.* An valeat donatio inter coniuges et inter patrem. 129. Ante acceptat. nullam parit obligationem. 150. An si per nuncium aut litteras. *Ibid.* Si ad causas pias. 151. Revocatio donationis. 155. Si est inofficiosa. *Ibid.* De donatione causa mortis. 154. An pupilli et minores possint donare. 254. Dona Religiosi an valida et licita. XIII. 8 et 9. An abbatissae possint donare et dare licentias. 12. An liceat iudici recipere dona. 66.

Dubitare et dubium. Dubium negativum et positivum quid. I. 12. Speculativum. 15. Practicum. *Ibid.* An cum speculativo operari quis possit. 14. Si Superior praecipit rem dubiam an ei obediendum. 18 et XIII. 17 ad 5. Dubium circa Communionem ad quid obliget. I. 19. Ad quid dubium satisfactionis aut debiti. 20. De regula Canonum: *In dubiis tutor pars*, etc. 69. Dubia circa leges quid faciant quoad eorum obligationem. II. 22 et 23. In dubio an requiratur di-

spensatio. 51. In dubio utrum effectus sit superstitiosus pro quo standum. IV. 37. Pro quo in dub. an sit votum vel propositum. V. 21 in *fine*. An pueri in dubio usus rationis teneatur ad leges. II. 37. In dubio iuris non potest incipi possessio. X. 8 et 144. In dubio an consilium fuerit causa damni, ad quid teneatur. 45. Quid in dubio an proles sit viri aut alterius adulteri. 102. An liceat conferre Sacramentum dubium in necessitate. XIV. 5. Baptismus dubius an repetendus sub condit. 27. Qui dubitat de peccato an possit communicare. XV. 34. An in dubio ieiunii, etc., quid si horologia sunt discordantia. 35. Peccatum dubium circa confess. XVI. 30 ad 32. De peccatis dubie confessis. 35. Si postea fiat certa ad quid tenetur poenit. 34. In dubio nullitatis confessionum quid. 46. An peccet qui absolvit cum iurisdictione dubia. 34. In dubio an correctio sit profutura quid faciendum a confess. 116. Peccatum dubie reservatum an simplex sac. possit absolvere. 142. De sollicitatione dubia. 180. An possit contrahi matrim. cum impedimento dubio. XVIII. 35 ad II. Et an tunc liceat petere vel reddere. 36. Quid si matrim. sit contract. cum dubio. 37. Irregularis dubius. XII. 79. Homicida dubius. 80. Irregularitas dubia ex defectu. XX. 29. De clerici percussione dubie gravi. 48. In dubio an quid omissum sit in officio, an repetendum. *Append.* III. 69.

Duellum. Propositiones damnatae a Bened. XIV. VIII. 27. Quando est licitum; et poenae duelli. 23.

E

Ebrietas an sit culpa gravis VIII. 4. An liceat ob remedium. 5. An ad evitandam mortem. 6. An inducere alios. 7. Quisnam censendus ebrius, et quae mala ei imputentur. 8. Si ebrius peti debetum coniugale an sit obligatio reddendi. XVIII. 49.

Ecclesia. Quando dicatur polluta. IV. 59. (Et vide etiam *Append.* III. 115 et 128). An possit praecipere actus internos. II. 17. An dispensare in votis in favorem alicuius ecclesiae. V. 41. An in Dominicae observantia. VI. 1. An Baptismus debeat in Ecclesia conferri. XIV. 48 et 50. An Confirmatio. 50 ad 5. An liceat in Ecclesia Regula contra prohibitionem Episc. admittere advenas ad celebrandum. XX. 75 in *fine* et 77. Qui violantes immunitatem Ecclesiae incurant excomm. papalem. *Append.* III. 80 in *fine*. An minister debeat intendere quod facit Ecclesia. 18.

Ecclesiasticus. Vide *Clericus*.

Effectus. In dubio an effectus sit superstitiosus, quid tenendum. IV. 37. De pulvere sympathico. *Ibid.* An liceat delectari de opere malo ob effectum bonum. III. 52. Effectus Confirmationis. XIV. 55. Eucharistiae. XV. 5. Extreme-unctionis. XVII. 1. Excommunicationis maioris. XII. 17 et seq. Irregularitatis. 75 ad 77. Effectus Sacramentorum. *Append.* III. 22. Ordinum. 31. Missae. 102.

Elector, electio et eligere. Electioni in voto disiunctivo quando standum. V. 51. Electio abbatissae qualis. XIII. 22. An electio minus digni sit valida. 36. An talis elector teneatur ad resi-

tutionem. 37. Eligere Confessar. quis potest. XVI. 83. Facultas Praelatorum in eligendo confessor. XX. 65. Electio status. *Tractat.* ult. 39 et 40.

Electuaria in ieiunio quanam dicantur. XII. 11.

Eleemosyna. Quando quis ad eam teneatur. IV. 13 et 19. Qui colligit eleemosynas inter Missam an satisfaciatur obligat. VI. 32. Eleemosynam ad quam tenetur parochus. VII. 45 ad 3. Ad quam Episcopus. 64. Eleemosyna circa Iubilaeum quanta esse debeat. XVI. 63. Circa Missam, vide *Stipendium*.

Emtio et emtor. Qui emit a fure ad quid tenetur in ordine ad restitut. X. 53. Qui emit in dubio. 80. Si non est data fides de pretio. 107. Emtio conditionata. 163. Ad quem spectet periculum et fructus. 169. Si aere alieno. 171. De chirographis. 179. Pactum de reemendo, an sit licitum. 181. An census redimibilis. 200. Vide *Vendere*.

Emphyteusis quid sit. X. 211.

Ensalini an liceant. IV. 34 ad 3.

Epikcia quid et quando liceat. II. 77.

Episcopatus et *Episcopus*. Episcopus potest ferre leges, et a quo facultatem habeat et in quibus. II. 33 ad 4. An possit absolvere peregrinos a voto. 42. In quibus dispenset. 57 et 58. An teneatur ad correct. cum periculo vitae. IV. 22. An possit dispensare super inhabilitate ob benefic. simoniaco, etc. 53 ad *Notand.* 3. An instituere festa. VI. 3. Praedicare. 4. Dispensare in festo. 14. De residentia Episc. VII. 62. Ubi residere debeat. 13. Causae excusantes. 19. De muneribus Episc. circa Ordinandos. 47 ad 82. Seminarium. 53. Quoad celeb. Missae invigilare. 53. Visitatione. 59. Cura monialium. 61. Tenetur ad eleemosynas. 64. Debet celebrare. 65. Quid si ludit aut assistit. X. 221. An possit mutare ultimas voluntates. 236. (Et vide XX. 63.) An Episcopus religiosus teneatur ad vota et regulas. XIII. 4. An possit fieri religiosus. 23. Episcopus debet benedicere chrisma. XIV. 40. An requiratur extensio manuum in Confirmatione, etc. 41. An manu dextra, aut instrumento, etc. 42. Episcopus est minister Confirm. 44. An possit confirmare externos. 45. Obligatio Episcopi confirmandi. 45. Episcopus potest prohibere stipendium minus non autem maius. XV. 62. An possit reducere Missas. 76. An eas diminuire. 77. Approbatio Episc. ad confess. XVI. 74. An peccet si iniuste eam revocet, et an successor possit revocare ad examen. 75. Quisnam Episcopus potest approbare. 79. An Episcopus possit sibi eligere confessor. 83. An confess. simplex coram Episcopo possit absolvere, etc. 96. An possit absolvere a papalibus. 97. An confess. possit absolvere moribund. cum ille facultatem ab Episc. per litteras possit impetrare. 98. An Episcopus possit dispensare cum coniugiis circa votum castitatis. XVIII. 54 ad VI. An in proclamationibus. 53. An possit censurari. XIX. 4. An absolvere a censuris extra dioecesim existens. 12. An Episcopatus sit ordo distinctus. *Append.* III. 27. Circa protestationem Episcopi nolle ordinare irregulares, etc. 53 ad II. Quisque debet ordinari a proprio Episc. *Ibid.* ad IV. Quis sit proprius; et a quo regulares, etc. 34. *Materia Ordinis* tradenda est ab ordinante,

et ab eodem Missa dicenda. 29 *in fin.* De poenitentia imposita diaconibus. 91. Episcopus an possit dare licentiam ingred. monasteria exempta. XX. 12. Facultas cap. *Liceat* circa irregulares. 29. Qui veniat sub nomine Episcopi. 31. An Episcopus possit absolvere peregrinos a casibus, et irregularitatibus, etc. et an extra confessionem. 32. An delegare, etc. 34. An absolvere a casibus aliorum Episc. 35. An a casibus post Concilium. 36. An complice in peccato turpi. 37. An a casibus Bullae Coenae. 38. An ab irregularitate propter haeresim, et an in foro externo ab haeresi, etc. 39. An impeditos ire Romam, etc. 40 ad 45. Et an per alios. 41. De sex casibus episc. et praecipue de percussione clerici. 46 ad 48. Circa irregularitates. 49 ad 52. Circa inhabilitates. 53. Circa matrimonia. 54 ad 58. Circa interstitia. 59. Circa celebrationem Missarum. 60 ad 64. Circa electionem confessorii. 63. Circa clausuram monialium. 66 et 67. De approbatione confess. monialium, et an moniales incurrant reservationem. *cod. n.* 67. An Episcopus possit visitare et punire Regulares, et quid circa clausuram. 80. Circa compositionem. 69. Circa reductionem Missarum. 70. Circa unionem beneficiorum et erectionem parochiarum. 71. Circa Missas Regularium. 75 et 77. An Episcopus possit concedere extraordinarium confess. exemptis, et remove ordinarium. 80. An possit rationem petere Missarum et legatorum, etc. 81. An procedere contra Regulares. 82 et 83. Quid si in monasterio morantur minus quam 12 religiosi. 83. Ubi sepeliendi Episc. 91. An possint iterum examinare Regulares. 103. De licentia Episcopi, qua indigent Regulares ad concionandum. 124 ad 126. An Episcopus possit examinare praedicatores Regul. 127. An interdiciere eis praedicationem. 128.

Epistola. An impedit teneantur per epistolam petere facultatem, etc. XX. 44.

Errare. Quid si quis advertit errasse in officio. *App.* III. 72.

Error. Votum ex errore emissum an sit validum. V. 23. An contractus. X. 124. Quid agendum si advertatur vini error in Missa. XV. 54. Confessiones repetendae, cum constet de errore. XVI. 46. Error communis circa confessionem. 90. Quomodo confessorius debeat reparare errores. 121 et 122. Error circa sponsalia. XVIII. 1 *in fin.* Circa matrim. 61.

Eucharistia. Essentia, ratio specifica, et unitas. XV. 1. An sit necessaria necessitate medi. 2. An consecratio in unica specie sit illicita et invalida. 3. Casus excepti. 4. Effectus Eucharistiae, dum durat species, augeatur gratia. 6. Conservatio, et obligatio eam dispensandi. 8. Expositio. 33. Decr. XXII et XXIII. Vide *Communio*, et *Vaticum*. *Eunuchus* quando est irregularis. XIX. 125.

Examen. Non est necessarium pro approbatione confess. XVI. 74. Successor Episcopi potest revocare ad examen. 75. Confessor, tenetur poenitentem examinare. 102. Et quis ei modus tenendus in illo examine. 103. An Episcopus possit Regulares ad examen revocare. XIX. 103. De examine rudium et aliorum. *Tractat.* ult. cx n. 13.

Examinatores an debeant digniores praeferre. XIII. 39.

Exerere an sit opus serv. VI. 9.

Excommunicati et excommunicatio. An excommunicati debeant sibi procurare absolutionem, etc. II. 21 et VI. 39. An teneatur ad Missam, etc. *Ibid.* An excomm. incurrant praegnantae quae sibi abortum procurant. VIII. 23. An duellantes. 28. An qui occidit unum clericum pro alio. X. 85. Innotata. excomm. reservata si communicare debet quid faciendum. XV. 29. Excommunicatus vitandus an possit absolvere moribundos XVI. 92. Excomm. in non denuntiantes sollicitantem. 177. Effectus excommunicationis maioris XIX. 17. Privat benef. dign. et pens. 19. Effect. excomm. minoris. 27. Excomm. non reservatae ex n. 28. Excomm. reserv. 30. De excomm. reservatis Papae in *Bulla Coenae* ex n. 53. In haereticos et eorum fautores. 83 et 84. Circa libros haereticorum. 85 ad 89. Circa libros prohibitos in indice. 61 et 62. Alii casus excomm. in *Bulla Coenae*. 63. An liceat petere Sacramentum ab excommunicato. *Append.* III. 20. An beneficiatus excommunicatus teneatur ad restitut. fructus beneficii. 64. Quinam violantes immunitatem ecclesiae incurrant excomm. papalem. 80. Plura de excommunicatione. 81 ad 85. Diaconus excommunicatus, etc. 91. An pro excommunicato possit offerri Missa. 103.

Exemptio Ecclesiasticorum per legem divinam a potestate saeculari quoad materias spirituales, etc. XX. 18. A foro laicali circa personas 19. Circa bona. 20. Quinam gaudeant huiusmodi privilegii. 21. An beneficiati. 22. Tonsurati. 23. Qui habitum reliquit. 24. Exemptio locorum. 25 ad 28. Regulares immunes a foro laicali. 21. A iurisdictione Episcoporum. 72 ad 74. Casus excepti praecipue circa Missas. 75 et 76. Exemptio Regul. a Decimis. 84 ad 87. Vide *Immunitas*.

Exercitium Ordinis suscepti requisitum, etc. *App.* III. 43 ad XII.

Exhaereditare an liceat filios. X. 258.

Exorcismi. A quo fieri possint. V. 20.

Exorcistatus quid? potestas et officium. *App.* III. 53.

Expellere. Religiosi expulsi ad quid remanent obstricti. XIII. 4. Causae expuls. *Ibid.*

Expensae utiles factae a fure an restituendae a domino. X. 78. An Religiosus habens licentiam a Superiore quid expendendi, peccet si id impendat in usus vanos. XIII. 45.

Expositi circa Baptismum. XIV. 24. An sint irregulares. XIX. 129.

Expositio Eucharistiae quando liceat. XV. 83. Decret. XXII. Quando statuatur, reliquiae. *Ibid.* Decr. XXIII.

Expuere post Communionem an culpa vacet. XV. 43.

Extasis in contemplatione quid. *App.* I. 17.

Extensio manuum circa Confirmationem an sit de essentia. XIV. 41.

Extrahens confugientem ad ecclesiam an incurrat excomm. *App.* III. 80

Extrema-Unctio. Essentia et effectus. XVII. 1. Materia remota. 2. Proxima. 3. An unctio omnium sensuum sit necessaria. 4. Forma Extrem.-Unct. 5. Minister. 6. Subiectum, et quando debet et potest dari Extrem.-Unct. 7. Quando potest

repeti. 8. De dispositione. 9. An caetera poeant. 10. Amentibus, impenitentibus. etc. 11. An adsit gravis obligatio eam suscipiendi. 12. De administratione. 13.

F

Factor. An huius officium liceat clerico. X. 195. *Factum* non praesumitur nisi probetur, sed praesumitur de iure esse probandum. I. 16.

Facultas. Iniuste negata a Superiore circa reservata, an inferior possit absolvere, et quid si denegetur a Praelato regulari. XVI. 134. *Facultates* S. Poenitent. XIX. 143. Vide *Episcopatus*, *Episcopus* et *Delegare*.

Fama. Restitutio famae et modus. XI. 18. Causae excusantes. 19. Fama impedimenti an sufficiat ad impediendas nuptias. XVIII. 57.

Familia. Si matrimonium est cum dedecore familiae, an standum eius promissioni. X. 95 ad IV.

Famulus. Si ei imponitur labor die festo, quomodo peccet. VI. 26. An satisfaciatur audiendo Sacrum in oratorio priv., et quando. *Vide pag.*

130. Clausula X. Servi coacti ad omittendum Sacrum, quando excusantur. 40. Circa salarium famuli obligatio dominorum. VII. 7. Famulorum obligatio si permittunt furti, si discedunt contra pactum. 8. Sibi compensare quando ipsis liceat. 10 et 11. De furtis famulorum. X. 34. An illis liceat recipere stipendium a domino aere alieno gravato. 115. Famuli monasteriorum circa Communionem paschalem, ubinam obligentur. XII. 42 ad 3.

Fatuus. Vide *Ament.*

Febriticans quando est irregularis. XIX. 121.

Femina. Vide *Mulier*.

Festum. An sit praeceptum divinum obligatio festi. VI. 1. An ad eius impletionem requiratur cultus internus. 2. An Episcopus possit instituere festa. 3.

Feudum quid sit. X. 212.

Fideltusio quid sit. X. 232.

Fides. Quid sit et quodnam eius obiectum. IV. 1 et 2. Mysteria et veritates sciendi et credenda. 3. Actus Fidei an obligent et quando. 13. Qui maledicit Fidei quomodo peccet. V. 3. De probabilitate in rebus Fidei. I. 22. Si Superior dispenset in mala fide an valide. II. 53. Qui non residet in bona fide, an teneatur ad restitut. VII. 16. De possessore bonae fidei. X. 73. Mala fidei. 77. Qui bona fide est absolutus a reservatis an valide. XVI. 139.

Filius. Si negotiatur pecunia paterna an possit accipere partem lucris suo labori et industriae correspondentem. X. 3 et 228. De furtis filiorum. 32. Si homicida obtinuit remissionem patris, an teneatur restituere filiis. 86. An adultera debeat patefacere filio, etc. 99. Et an filius teneatur ei credere. 100. De mutuo dato filiisfamilias. 141. De eorum ludis. 215. An possint exhaereditari. 258. An fieri Religiosi, parentibus in necessitate relicti. XIII. 25. Quid si sunt professi. *Ibid.* Si pater dissentiat. 24. An parentes possint relinquere filios; et an fratres,

etc. *Ibid.* An filii infidelium possint baptizari invit. parent. XIV. 20 et 21. An vendere filios suos infidelibus non baptizatos. 22. Quid si pater promittit sponsalia pro filio. XVIII. 5. Si filius contrahit sponsalia sine patris consensu. 10.

Finis. An votum malo fine emissum sit validum. V. 25. An, cessante fine legis, cesset lex. II. 69. An pro libris prohibitis. 70. An donatio, si non adhibetur finis, sit irrita. X. 132. Fines essentielles et insti ad matrim., etc. XVIII. 30.

Fiscus. An teneatur ad restitut. qui impedit fiscum ne interceptum capiat. X. 62.

Foetus. Variæ opiniones circa tempus quo foetus animetur. VIII. 22 in fin. An liceat matri sumere medicinam cum proliis periculo, etc. 23 et 26. An foetus abortivi baptizandi sint. XIV. 20.

Forensis. Opera forensia sunt in festis prohibita. VI. 12.

Forma. Baptismi. XIV. 14. Confirm. 43. Extrem-unctionis. XVII. 5. Matrim. XVIII. 23. An materiae et formae in specie sint a Christo Domino determinatae. XVII. 15. (Et App. III. 8). Forma connexa cum materia. App. III. 6. Mutatio formae an valida et licita. 7. Forma Ordinis. 29. (Et XVII. 15). Forma subdiaconatus. App. III. 57. Diaconatus. 90. Presbyteratus. 92 et 95. (Et fustus. XVII. 16). Forma Eucharist. App. III. 100.

Formulae supplicationum ad S. Poenit. XVIII. 88. Formula executionis dispensationis. 39. Formula contritionis. XVI. 117.

Fornicatio sponsorum an sit diversae speciei. IX. 13. An per fornicationem solvantur sponsalia. XVIII. 13. An fornicatio sponsorum sit duplex peccatum. *Ibid.*

Forum. Privilegium fori circa personas ecclesiasticas. XX. 19. Circa bona 20. Quinam gaudeat. 21 ad 24. Episcopus in foro externo potest ab haeresi absolvere. 39.

Fragilitas in recidivis intrinseca, etc. Tr. ult. 15.

Fragmenta Hostiae, quid si remanent. XV. 18.

Frater. Obligatio fratrum. VII. 6. De societate inter fratres. X. 229. Si fratres remanent in extrema necessitate, an possint ingredi relig. XIII. 24 in fin.

Frans gabellarum ad quid obliget. X. 81. Ad quid in ludo. 216. Secretum fraude cognitum an liceat patefacere. XI. 8.

Frequentia. De frequentia Sacramentorum. App. I. 28 ad 36.

Fructus. Parochus non residens sine licentia, sed ex iusta causa, an teneatur ad restitut. VII. 21. An debeat omnes restituere. 22. Fructus superflui benefic., si male impendantur, an restituendi. X. 7. (Vide etiam App. III. 63). An qui eos recepit teneatur restituere. 8. Qui fructus debent restitui domino. 74. Fructus rei emptae cui, etc. 169 et 170. Beneficiatus potest vivere, de fructibus, etc. XIII. 45. Cui debent erogari superflui. 46 ad 48. An pensionarii pariter debeant erogare. 49. An canonici non residentes. 51. Beneficiatus non percipiens fructus, an teneatur ad officium. App. III. 66. Fructus Missae quotuplex. 104.

Fundationes novorum coenobiorum. XX. 83. Hospitiorum. 89.

Furtum in ecclesia an sit sacrilegium. IV. 39. An furtum reliquiarum. *Ibid.* et X. 27. Si servus permittit furtum an et quando teneatur ad restitut. VII. 8. Quanam quantitas constituit materiam gravem. X. 22. Quanam in furto fructuum. 23 et 24. Lignorum. 25. De furtis minutis, et factis a tabernariis. 23 et 29. De furtis minutis factis eodem tempore a multis. 30. De materia parva post furtum grave. 31.

G

Gabellae. Qui defraudat gabellas, an teneatur ad restitutionem. X. 81. An qui impedit fiscum ab interceptis. 62. An custos si non denuntiat. XIII. 73.

Genitores. Vide *Parentes*.

Gradius circa Matrim., quomodo numerandi. XVIII. 62 in fin. An in supplicat. c. beant omnes explicari. 86.

Gratia. Si ministrans Sacramentum non sit in gratia, an peccet. App. III. 11 ad 13. An si sit laicus, vel non ministret solemniter, et a sufficiat contritio. 12. An diaconus, ministra us in mortali, peccet. 14. Gratia sanctificationis et sacramentalis. 22 et 23.

Gratuitum. Debita gratuita debent postposito. X. 103. Dona in simonia an liceant. IV. 44. A in mutuo retineri possint. X. 144.

Gravamen. An in gravamen poenit. liceat uti notitia confess. XVI. 139. An opinione probab. 164.

Gubernatio. An ad externam gubernationem liceat uti notitia confessionis. XVI. 159.

H

Habilis. An sacerdos simplex teneatur se habilem reddere pro excipiendis confessionibus, etc. XVI. 126 et 127.

Habitualis intentio in Sacram. confic., an sufficiat. XIV. 1 et 2. An in applicatione Missae. XV. 80.

Habituali. An possint absolvi. Tr. ult. 8. Et an absolutio possit differri cum dispositis. 14.

Habitus clericalis an requiratur pro gaudendis privilegiis. XX. 23 et 24. An clerici coniugati qui eum deferunt, gaudeant privil. 21 et App. III. 49 ad 51.

Haereditas superveniens an solvat spons. XVIII. 19 circa fin.

Haeres. Quid homicida haeredibus restituere debet. X. 87. Quid si intendatur eorum damnum. *Ibid.* Quid tertio cui homic. imputatur. 88. An haeres possit acceptare donationes, si donatarius, etc. 151. Obligatio haereditis usurarii. 162.

Haeresis et *Haereticus.* Ad haeresim requiritur error intellectus et pertinacia. IV. 5. De denuntiatione haereticorum. XIII. 76. An baptizati ab haeretico sint rebaptizandi. XIV. 26. Excommunicationes in haereticos et fautores. XIX. 55. De eorum libris, etc. 55 ad 62. An Episcopus possit absolvere haeresim ex virt. cap. *Liceat*. XX. 38. An possit dispensare in irregularitate pro ha-

resim. 59. An possit absolvere ab haecreal in fore extero, etc. *Ibid.*

Hasta. De venditione sub hasta. X. 175 et seqq.

Homicida et Homicidium. Quid restituere debet homicida. X. 82. Quid qui occidit anum pro alio. 84. Et an incurrat excomm. et irregul. 85. Qui obtinuit remissionem a patre, an teneatur restituere filiis. 86. Quid qui intendit damnum aliorum. 87. Quid si homicidium imputatur aliis. 88. Quid si excedit in sui defensione. 89. Homicidium quoad irregularitatem; et an dubius de homicidio debeat censi irregularis. XIX. 80. Ob quod homicidium incurritur irregul. 81. 82. Quando homicidium omnino est occultum, an Episc. possit dispensare. XX. 51. Quando est casuale. 52. An Regulares propter homicidium dispensare possint in irregul. 105.

Honor. Vide *Contumelia*.

Hora et Horae canonicae. In qua diei hora potest dari Communio. XV. 17. Qui teneantur ad Horas can. App. III. 61. An excommunicati, etc.; et an qui recitat sine attentione interna teneatur ad restitut. 64. Quot peccata committit qui omittit officium. 65. Canonici non canens an teneatur ad restitut. fruct. praeb. 63 in fine. Quatenam dicatur parvitas materiae; quot peccata committit qui Breviarium proleat in mare, et an repetendum in dubio utrum aliquid ex officio omisum. 69. Requisita ad bene recitandum. 70 ad 75. An sit mortale mutare in aequale vel quasi. 70. An si quis alio pergat, debeat recitare officium illius loci. 71. Quid si quis advertit errasse. 72. An sit obligatio recitandi litanias et officium defunctorum. *Ibid.* Requiritur pronuntiatio vocalis. 73. Integra. 74. Continuata. *Ibid.* IV. Ordo Horarum et tempus. *Ibid.* V et VI. Requiritur intentio et attentio. 75. Quatenam causae excusant a recitatione. 76.

Hospitale. An adulteri teneantur ad restitut. expens., si mittant proles ad hospitale. X. 105.

Hospitia quomodo possunt erigi, etc. XX. 89.

Hostia. An possit dari Communio in Hostia magna. XV. 14. Quid si supersint fragmenta. 18.

Hypotheca. Creditor hypothecarius an caeteris praefereendus. X. 112. Quid sit hypotheca. 233.

I

Idioma. An ignarus idiomatis teneatur ad integritatem confess., et an teneatur uti interprete. XVI. 35.

Ignorantia. An detur ignorantia praeceptorum naturalium. I. 5 et II. 43. Quae ignorantia dicenda vincibilis. I. 4 et II. 43. Quotuplex est ignorantia. III. 15. An corrigendus ignorantia laborans. IV. 20. An ignorantia excuset a censuris. XIX. 8. Ignorantes non excusantur a casu, bene quidem a censura. XVI. 129. An ignorant detegenda sit nullitas matrim. XVIII. 81. Quomodo exquirendus est consensus ab ignorante. 82. Ignorantia legis, et poenae circa irregularitatem. XIX. 85 et 84.

Illegitimus an sit irregularis. XIX. 126 ad 128. Quomodo legitimentur illegitimi, et an sufficiat ut tempore partus poterat contrahi matrim. 126.

De dispensatione Episcop. XX. 49. De facultate Regularium. 104 et 105.

Immunitas locorum piorum. XX. 25 ad 28. Laedentes immunitatem incurrunt excomm. tantum, cum extrahant ab ecclesia. App. III. 60 in med.

Impedimentum et impedire. An teneamur removere impedimentum obstands legis executioni. II. 20. Apponere impedimentum legi quando sit licitum. *Ibid.* Excommunicati et incarcerati an teneantur removere, etc. 21. Impedimenta matrim. in dubio ad quid obligent. 54. Qui impedit impedire volentem, an teneatur ad restitut. X. 53. An qui impedit aliquem a consecutione iusti boni. 61. An qui malis artibus impedit fscum, etc. 62. An qui odio, sed sine malis artibus impedit proximam a consecutione alicuius boni. 63. An impedimentum solvat sponsalia. XVIII. 15. An debeat tunc impetrari dispensat. *Ibid.* An liceat contrahere cum dubio impedimento. 35. An petere et reddere debitum. 36. Quid si nuptiae sint initae cum dubio imp. 37. De impedim. petendi ob incestum. 41. De impedim. impediuntibus. 52 et seq. An liceat consummare matrim. in feriis et nuptias bened. 55 ad II. De voto castitatis. 54. De denuntiandis impedimentis. 56. An sufficiat fama impedim.; an sponsi interrogandi de imped., et quid si parochus cognovit. 57. An possit dispensare Episc. 58. An vicarius aut parochus. 59. De impedim. dirimentibus. 60. Error. 61. Conditio, votum et cognatio. 62. Delictum. 63. Disparitas cultus, vis et metus. 64. Ordo, ligamen et publica honestas. 65. Aetas. 66. Affinitas. 67. Impedim. ad petendum. 68. Quis potest dispensare. 69. De clandestinitate, assistentia testium, et assist. parochi. 70. et 71. De exteris. 72. De impotentia. 74 et 75. De raptu. 76. Quandomam impedim. dicitur occultum. 77. Quid si parochus et testes erant conscii de impedim. 78. An in supplicatione debeant exprimi omnia impedim. 84. An omnes circumstantiae praecipuae incestus. 85. Et an omnes gradus. 86. An qui non impedit percussionem clerici incurrat excomm. XIX. 49 in med. Dispensatio in impedim. dubiis. XX. 85. Circa certa. 86 et 87. An Episc. possit delegare talem dispensat. 88.

Impediti. Quomodo et quando possunt ab Episc. absolvi. XX. 40. An per alios. 41. Quinam dicitur impeditus. 42. Quinam impeditus perpetuus. 43. An impediti per epistolam teneantur recurrere Romam. 44. An saltem ad Episc. recurrere; et quid si non possunt, aut sunt in mortis articulo. 45.

Impoenitentes sepultura privandi. XX. 91.

Impositio manus in Confirmatione, an sit de essentia. XIV. 41. An in Ordine. XVII. 16.

Impotentia excusat a praecepto. II. 43. An in ieiunio. XII. 23 et 24. An excusentur senes. 25. An impotentia physica excuset ab integritate materiali in confess. XVI. 33. An moribundi. 36 ad 38. An impotentia moralis. 39. De impotentia circa matrim. XVIII. 74.

Impuberes. An sponsalia inter impuberes valeant. XVIII. 7. An solvantur ex consensu. 14. An impuberes qui clericum percussant incurrant excomm. papalem. XX. 47.

Incestus. An distinguatur specie inter consanguineos et affines. IX. 17. An inter gradus in affinis. *Ibid.* An inter gradus consanguineorum. 18. An, obtenant dispensatione, committatur incestus, etc. 19. An coniux ob incestum impediatur a petendo, et quid si petat. XVIII. 41. De hoc impedim. petendi 49. An explicandus incestus in supp. pro dispensat. 85.

Incommodum. An lex cum gravi incommodo obliget. II. 48. Quale incommodum excusat a Sacro. VI. 41.

Indifferentia ad peccandum, vel merendum. III. 10. Indifferentia iudicii. 11. An detur actus indifferens. 24.

Indignus. An peccet qui ministrat Sacrament. indigno. *App.* III. 15.

Indulgentia quid sit. XVI. 62. An plenaria possit particulariter lucrari. 63.

Infamatio. Vide *Detractio*.

Infamia circa irregularitatem. XIX. 140.

Infamis an possit ordinari. *App.* III. 33. ad II. Facultas dispensandi Regularium. XX. 104 et 105.

Infantes expositi an baptizandi sub conditione. XIV. 24. An Confirmatio possit dari infantibus. 49. Expositi an sint irregulares. XIX. 429.

Infectio. An periculum infect. excuset ab integritate confessionis. XVI. 39.

Inferior quando potest absolvere a reservatis. XVI. 153.

Infestati. Quomodo se gerere debet confessarius cum infestatis a demone. *Tr. ult.* 50 ad 52.

Infidelis et infidelitas. Infidelitas quotuplex. IV. 4. Opera servilia imponere infidelibus diebus Dom., an licitum. VI. 4. *in fine.* An filii infidelium possint baptizari invit. parent. XIV. 20 et 21. An vendi suis parentibus non baptizati. 22.

Infirmus. Si capellanus est infirmus, an teneatur celebrare per alium. XV. 75. An, dum infirmo defertur Viaticum, si diagnosetur confessiones praeteritis fuisse nullas, teneatur ad integritatem confess. XVI. 39. Quandoque medicus debet ipsis imponere confessionem. *Tr. ult.* 33 ad V.

Infirmus quando excusat a Sacro. VI. 39. An servo infirmo debeatur salarium. X. 240. Infirmus canonici excusat a chori assistentia. XIII. 52. Infirmus quando est causa divortii. XVIII. 91 ad II.

Inhabilitas. Poenae inhabilitantes. II. 25. Inhabilitas propter simoniam ad beneficia. IV. 84 et 82 et XIII. 53. An in ea Episcopus possit dispensare. IV. 53 *in fin.*, et XX. 53.

Inimicus. Qui optat diversa mala inimico, quot peccata committit. III. 65. Signa communia exhibenda inimico. IV. 16. De remissione iniuriae. 17.

Innocens. An liceat eum occidere. VIII. 24.

Inofficiosa donatio revocari potest. X. 135.

Instruere. Confess. tenetur instruere poenitentem. XVI. 105.

Integritas materialis confess. XVI. 29. Circumstantiae aggravantes. *Ibid.* De integritate formali, etc. Ab integritate materiali excusat impotentia physica mutos, surdos, ignorantes idioma et infirmos. 35. An excus. moribundos. 36 et 37. Impot. moralis quando excusat ab integrit. confess. 39.

Intentio. Qualis requiritur pro lege, voto, aut poenitentia. II. 29. Pro consuetudine. 79. Pro consuetudine. 80. Pro missa. VI. 27. De intentione ministri et susipientis in Sacram. *App.* II. 9. An requiritur intentio in ministro facienti quod facit Ecclesia. 13. Quanam in recitatione officii. 75.

Interceptum. An qui impedit fiscum, etc. teneatur ad restit. X. 62.

Intercessor circa simoniam. IV. 41.

Interdictum quid. *App.* III. 86 et fusius XIX. 68 ad 70.

Interpres. An illi qui ignorant linguam patriam teneantur confiteri per interpretem. XVI. 35.

Interpretatio. Quot modis et a quibus fieri potest. II. 72. An indigeat promulgatione ut obliget. 75. De doctrinali; et si illa prohibet, etc. 75. Regulae pro interpretatione requisitae. 76. Quando lex extendi debeat de casu ad casum. 78. Interpretatio privilegiorum. XX. 6 ad 8.

Interruptio formae an officiat valori Sacram. *App.* III. 8.

Interstitia an requirantur ad suscipiendum Ordines. *App.* III. 41 et 42. De dispensatione Episcopi in interstitiis. XX. 59.

Intimatio revocationis privilegiorum. XX. 17.

Invincibilis. Vide *Ignorantia*.

Irregularitas. An incurritur ab eo qui occidit unum pro alio. X. 85. An irregularitas sit censura. XIX. 72 et 73. Effectus irregul. praesertim circa benef. 75 ad 77. Irregul. debet esse expressa. 78. Irregularis dubius. 79. An homicida dubius sit irregul. 80. Quid requiritur ad incurrend. irregularitatem. 81. Si delictum est occultum. 82. An requiritur scientia legis. 83. An scientia irregul. 84. Quomodo tollatur irregularitas in genere. 85. Quomodo ex defectu. 87. De dispensatione irregul. 86. De irregul. ex delicto. 88 ad 111. Ex defectu. 112 ad 146. (Et *App.* III. 87 et seqq.). An Episc. dispenset in irregul. ex delicto. XX. 20. Ex defectu, si sit dubia. *Ibid.* An cum exteris. 32. An in irregul. per haeresim incurra. 59. Facultas Regul. circa dispensationem 104 et 105.

Irritare. Quis potest irritare iuramentum. V. 19 et 36. An vota subditorum sint ex se irrita. 37.

Iter. An Regulares possint in itinere excipere confessiones. XX. 102.



Jejunium. Qui pluries carne vescitur, aut alio cibo, quomodo peccat, et an adhuc teneatur ad jejunium. XII. 20. De parva materia. *Ibid.* De hora refectionis. 24. Causae excusantes a jejun. et de dispensatione. 22. Impotentia. 23 et 24. Senes. 25. Labor. 26 ad 53. Pietas. 34. Qui communicare vult et dubitat an sit jejunus, ad quid tenetur I. 49. De jejunio naturali, qui dubitat an sit jejunus, possitne communicare; et si duo horologia sint dissonantia an liceat sequi ultimum; et an frangat jejunium quod ab extra sumit. XV. 35. An reliquiae ciborum. 36. Aquae, aut sacchari. 37. Tabacum nare sumptus. 38. Fumo. 39. An tabacum aut aromata dentibus attrita. 40. An

si nare caro aqua in stomachum transmittatur. 41. An capilli, charta, lapilli, etc. 42 et 43. An non jeunus possit celebrare ad vitandum scandalum. 53. Ad perficiendum Sacrificium si vinum est dubium. 84. An ad vitandam mortem. 33. Vide *Abstinentia*.

Jubilaeum. Dubia declarata a Bened. XIV circa illud. XVI. 64. An in una hebdomada opera omnia debeant adimpleri, et de oratione, elemosinis et Comm. 65. An in jubileo per confess. nullam auferantur reservata. 66. Si absolutus non adimplet opera an peccet. 67. Quid si quis obliviscitur reservati in jubil. 68. Qui in jubilaee conditum peccat, an possit absolvi a reserv. 69. De satisfactione partis. 70. A quibus casibus et censuris potest absolvi in jubil. 71. Jubilaeum anni sancti. 72.

Judex quando potest damnare, aut inquirere, aut poenam diminuire, et au scientia privata, etc. XIII. 63 et 64. An cum opinione minus probabili. I. 24 et XIII. 65. An dividere cum commissario, etc. et au recipere dona. 66. An possit retinere pretium iniustae sententiae. 67. An requiratur sententia judicis ad solvenda sponsalia. XVIII. 26. An ad divortium, etc. 96. 97.

Judicium speculativum et practicum. I. 13 et 14. Judicium requisitum in iurejurando. V. 14. Judicium temerarium quondam est peccatum. XI. 1 et 2. Judicium faciendum de peccatis a confessario. XVI. 104.

Juramentum. Quando dicitur tale. V. 12. Quotuplex est. 13. Qui jurat sine animo jurandi, etc. quomodo peccat. 17. De juramento execratorio. 15. Conditiones juramenti liciti. 14. De aequivoco et restrictione mentali. 15 et 16. Juramentum promissorium quomodo obligat. 18. Qui promittit secretum, an cum periculo vitae teneatur ad illud. *Ibid. in fine*. Quomodo tollitur obligatio juramenti; et de juramento perseverantiae. 19. De adjuratione. 20. Juramentum in ludo de non repetendo soluto, quomodo obligat. X. 218.

Jurisdiclio. Quia habet ordinariam et quoniam delegatam. XVI. 81. De delegata. 82. De consensu praesumpto Episcopi. 83. Qui absolvit cum jurisdictione dubia, an peccet. 84. Quis potest sibi eligere confess. 85. Cuiusnam confiteri possunt peregrini. 87. Cui religiosi. 88. Cui moniales. 89. De titulo colorato et errore communi. 90. De jurisdictione probabili. 91. An excommunicati, etc. possint absolvere moribund. 92. An sacerdotes simplices coram approbatis. 93. Casus excepti. 94. De complice in peccato turpi. 95. An confess. simplex possit absolvere coram Superiore. 96. An a papalibus. 97. An moribundus teneatur per litteras facultatem petere a Superiore. 98. Reservatio est restrictio jurisdictionis. 128 et 129. Excommunicatio privat jurisdictione. XIX. 20 ad VII.

Jus in re, et jus ad rem, quatenam dicuntur. X. 1. Jus mendicanti an possit elocari. 208. De jure patronatus. XIII. 32.

Justitia quomodo dividitur. X. 1. Sola commutativa obligat ad restitutionem. 56. An sit licitum aliquid exigere in mutuo, ex justitia debitum. 161.

L

Labor et laborare. In festo quis dispensare potest. VI. 14. An excuset consuetudo. 15. An ob pietatem aut charitatem, etc. 16 et 17. An ob necessitatem. 18 ad 21. An propter magnam lucrum. 22. An ad evitandum otium. 25. An ob utilitatem. 24. An detur parvitas materiae, et quatenam dicatur. 25. Qui imponit opus decem servis quomodo peccat. 26. Quando labor excusat a ieiunio. XII. 26 et 27. An itinerantes excusentur. 28 ad 30. An artifices opulenti. 31. Robusti. 32. An qui gratis sumit laborem. 33. Vide *Opera*.

Lactinctia. An ventur in ieiunio. XII. 5 et 4.

Laici quoad ludos prohibitos. X. 217. An baptizati a laicis sint rebaptizandi. XIV. 23. An laici qui communicant sine confessione teneantur ad praeceptum *quamprimum*. XV. 33. An laicus peccet si ministret Sacram. *App.* III. 12.

Lapsi. An frangat ieiunium naturale. XV. 42 et 43.

Laridum an diebus ieiunii permittatur dispensatis ad lactinctia. XII. 3.

Legatum virginibus relictum an debeatur corruptae. X. 236. Legatum relictum puellae sub conditione si nubet, aut si non nubet, quando ei debetur. XVIII. 12. De legato relicto virginibus, aut poenitentibus, et de dispensat. S. Poenitent. XIX. 148. An Episcopus possit a Regularibus rationem quaerere de legatis Misarum. XX. 84.

Legislator an teneatur ad leges. II. 38.

Legitima. An patrifam. liceat emittere vota realia si laedit legitimum filiorum. V. 29 ad III. De legitima debita filiis. VII. 4.

Lenitas quoad irregul. XIX. 144 et 145.

Lex. An dubia obligat. I. 15 et 33. An obliget in dubio an sit abrogata. 15 *in fine*. In dubio an sit acceptata. 16 et II. 23. Conditiones legis. II. 3. Promulgatio. 4. An leges civiles et pontificiae indigeant promulgatione ut obligent. 6. An requirantur duo menses, etc. 8. An requiratur acceptatio. 9 et 10. Si per decem annos non fuerit acceptata, etc. 11. Si maior pars, etc. 12. Si lex est difficilis. 13. Materia gravis obligans sub culpa levi. 14. Contemptus formalis. *Ibid.* Indicia gravis obligationis. 15. Leges mixtae ad quid obligant. 16. An lex possit praecipere actus internos. 17. An obligare cum gravi damno aut incommodo. 18. An obligatio naturalis possit tolli per legem. 19. An teneamur auferre impedim. legis. 20 et 21. Quid faciant dubia circa legem. 22 et 23. Leges poenales ad quid obligant. 24. Ad quid privativae. 25. Ad quid fundatae in falsa praesumptione. 26. An charitas requiratur ad satisf. praecepti. 28. An intentio. 29. An per plura praecepta pluribus actibus; aut uno pluribus praeceptis satisfieri possit. 30 et 31. An leges civiles obligent, et quis leges condere possit. 33. An S. Congreg. 34. An Rotae. 35. An pueri teneantur legibus. 37. An peregrini. 39 ad 41. Dispensationes votorum. 42. An excuset ignorantia. 43. Timor. 44. An impotentia. 45. Si cessat finis an cesset lex. 69 et 70. An per legem generalem cessent leges particulares. 71. De interpretatione. 72. Epikela. 77. An de casu ad casum extendi lex possit. 78. An de ir-

regularit. non sit expressa in lege XIX. 78. Scientia legis circa irregul. 83. Leges eccles. circa impedim. ad pētendum XVIII. 68.

Libellus. Contractus libellaticus quid X. 213.

Liber. Prohibitio librorum an cesset cessante periculo. II. 70. Qui retinet aut legit libros haeret. an incurrat excomm. XIX. 33. ad 39. An qui audit legere. 39. An qui legit manuscripta haeretica. 16. Libri proscripsi in indice. 64. An incurrat excomm. qui eos retinet. 62.

Libertas hominis. III. 2. Quot species dantur. 7 ad 9. Libertas indifferentiae. 10. Indicii. 11. Laedentes libertatem ecclesiast., extrahendo confugientes ad ecclesiam incurrunt excomm. papalem. *App.* III. 80 *in medio*.

Licentia. An requiratur licentia Episc. pro absentia parochi. VII. 17. An requiratur licentia arotensis vel scripta. 20. Praesumpta circa paupertatem. XIII. 11. Quid si iniuste negetur. 12. Si data ab abbatisa circa donationes. *Ibid.* Licentia ad usus vanos. 13. Ad ludos. 14. Licentia negata a Superiore et concessa ab inferiore an valeat. 20. An confess. sine licentia possit admonere poenit. XVI. 124. Qui peccat in licentiae confidentiam an possit absolvi a reservatis. 144. An licentia extendatur ad pecc. posteriora. 143. An, si confess. alium consulat de poenit. licentia, teneatur ad sigill. 149. An possit admoneri complexu de licentia poenit. 152. De licentia ingrediendi monast. monial. XIX. 34 ad 39. Ad colloquendum cum monial. 40 ad 43. An Regulares possint praedicare sine licentia Episcopi. XX. 124 ad 126.

Ligna. Fortum lignorum quandonam est peccatum. X. 25.

Lingua. Vide *Idioma*.

Litaniae an recitandae de oblig. in offic. *App.* III. 72. e

Littera. Donatio per litteras quousque revocari potest. X. 130. Resignare aut legere litteras alicuius an licitum. XI. 8. Cui permissum. 6. An moribundus teneatur per litteras facultatem impetrare. XVI. 93. An poenit. teneatur per litteras denuntiari. 176.

Loca et locus. Loca exempta quatenam dicuntur. II. 39. Quatenam sacra. IV. 39 *in fin.* Unde Missa audiri potest. VI. 33. Si delictum est publicum in uno loco, an liceat revelare in alio. XI. 12. Quinam locus requiritur ad ordinat. *Ap.* III. 43 ad X. Ubi Missa dicenda. 114. Quid si ecclesia polluat. 115 et 123.

Locatio quid. X. 203. Successor conductoris quid potest. 206. In casu sterilitatis quando debetur remissio. 207. Ius mendicandi an possit elocari. 208 *in fin.* Tabellarii circa mercedem. 209.

Locutiones spirituales quid. *App.* I. 21.

Lucrum. Opera liberalia ob lucrum die festivo an liceant. VI. 8 et 9. An ob magnum lucrum liceat laborare. 22. An omittere Sacrum. 43. Mutuum spe lucri an liceat. X. 143. Lucrum gratis datum in mutuo an possit retineri. 144. An si datum timore. 145. De lucro cessante. 148 ad 152.

Ludus. Votum non ludendi quomodo obliget. V. 30. Religiosi qui ludunt quando peccant. X. 215. De fraudibus in ludis. 216. Ludi prohibiti iacis, et an victor possit sibi retinere. 217. An qui perdit teneatur solvere. 218. De ludis prohibi-

bitis clericis. 219. Religiosis. 220. Episc. 221. De licentia data religiosis de ludendo. XIII. 14. *Lunatici* an sint irregulares. XIX. 143.

M

Maledictio creaturis an sit blasphemia. V. 2. An maledictio mortuis. 3 ad 11. Vivis. V. 8.

Malum. Qui optat diversa mala inimico quod peccata committit. III. 63. Qui suadet minus malum ut maius evitetur, an peccet. IV. 30.

Mandans, circa restitutionem. X. 42 et 43. An mandans incurrat censuram. XIX. 7. An clerici percuss. 49. Quandonam sit irregularis. 97 et 98.

Manducare. Si quis frangit ieiunium pluries manducando, an illud explicandum. XII. 20.

Vide *Abstinencia*.

Manus. De extensione manuum in Confirm. XIV. 41. An manu dextra aut instrumento ungi, etc. 42. De impositione manuum circa Ordinem. XVII. 16.

Manuscripta an sint propria religiosi. XIII. 5. An manuscripta haereticorum possint legi. XIX. 89.

Maritus. Quae vota uxoris irritare potest. V. 36. Obligatio viri. VII. 12. Si adulter occidit maritum, an incurrat irregularitatem. VIII. 20.

Martyrium, an liceat se illi exponere. XIV. 7. *in fin.*

Mater. An possit sumere medicinam cum periculo prolis, etc. VIII. 23 et 26. An debeat incidere ad baptizandum prolem. XIV. 9.

Materia gravis obligans sub culpa levi. II. 14. De mutatione materiae in iuramento. V. 49. In voto. 53. An remaneat reservata materia commutata. 43. Quatenam dicitur materia gravis in furto. X. 22. Materia Baptismi. XIV. 8 et 9. Materia remota Confirm. 39 et 40. Proxima, et an extensio manuum Episcopi, etc. 41. Materia proxima et remota Poenit. XVI. 1. An peccata confessi sint materia sufficiens, etc. 3. Materia remota Extrem.-Unct. XVII. 2. An materiae, et formae in specie a Iesu Christo sint omnes determinatae. 15. Materia matrim. XVIII. 23. Materia Sacramentorum. *App.* III. 5. Simultas materiae cum forma. 6. Mutatio materiae. 7. Materia dubia, aut mixta. 8. Materia Ordinis. 29. (Vide etiam XVII. 16). Materia parva in recitatione officii. *Ap.* III. 69. Materia ordinis sacri cum eodem ordinante debet tradi. 29 *in fin.* Materia subdiaconatus. 57. Diaconatus. 90. Presbyteratus. 92. (Et fusius XVII. 16.). Materia Missae, nempe panis. 97. Vinum. 98. De praesentia materiae in Missa. 99. Materia Euchar. 97 ad 101.

Matrimonium. An per usum matrim. polluat. ecclesia. IV. 39. Promissio ficta matrim. cum defloratione ad quid obliget. X. 93. Ad quid si deflorata recusat matrim. 96. An parochus possit assistere matrim. public. peccatorum. XIV. 6. In matrimonio nullo, an confess. admonere debeat poenit. XVI. 115. An si sponsi iam parati sunt, etc. 114. An in dubio potius matrim. favendum sit an libertati. XVIII. 6. Quid si quis contrahit postquam sponsalia, etc. 13. Materia, forma et minister matrim. 23. Illationes. 29. Si parochus assistat peccatoribus, quomodo peccat; et quot committunt sacrilegia sponsi qui in mortali contrahunt. *Ibid.* An liceat simulare celebrationem nupt. *Ibid.* ad 2. An per procuratorem. *Ibid.* ad 3.

De clandestinis matrim. *Ibid.* ad 4. Si parochus assistit in peccato, et si omittit, *Ego vos coniungo*, etc. an peccet. *Ibid.* ad 5. An in convalidatione requiratur praesentia parochi. *Ibid.* ad 6. Fines matrim. 30. Consensus per signa an valeat. 31. An matrim. per procuratores, aut litteras. 32. Consensus conditionatus an sufficiat. 33. Adimplenda conditio an novo opus sit consensu. 34. An liceat contrahere in dubio, etc. 35. Dispensationes circa publicationes, votum castitatis et impedimentum ad petendum, etc. XX. 54. *remissive*. Circa impedim. dirimentia dubia. 55. Dirimentia certa. 56 et 57. Matrimonium spirituale circa contemplationem. *Ap. I.* 18. De usu matr. Vide *Usus*.

Matutinum quā hora dicend. *Ap. III.* 74 ad VI. Qua Matutinum defunctorum. *Ibid.* An Missa dicenda ante Matutinum. *Ibid.* ad V.

Medicus tenetur adhibere remedia tutiora. I. 23. An possit praebere medicinam praegnantibus. VIII. 28 et 26. Obligatio medici imponendi confess.; et de interrogationibus medicis faciendis. *Tr. ult.* 33 ad V.

Meditatio. Necessitas, et modus meditationis. *App. I.* 2 ad 5. et *App. IV.* § III.

Medium, et *mediator*. Media extraordinaria non sunt adhibenda pro conservanda vita. VIII. 2. An quis per duas medias Missas satisfaciatur. VI. 34. Mediator si non restituit, ad quid tenetur poenitens. X. 106.

Membrum. In quo debet dari Baptismus. XIV. 11 et 12.

Mendicantes. Vide *Regularis*.

Menstruum an impediatur a Communionem. XV. 58. An ab usu matrim. XVIII. 53 in *fine*.

Mentalis. Restrictio mentalis an liceat. V. 15. Simonia mentalis. XIII. 53 circa *med.*

Mentiri in confessione an sit sacril. XVI. 23.

Meres ultroneae quantum decrecent. X. 174.

Meretrices an possint permitti. IX. 12.

Metus. An sponsalia per metum sint valida. XVIII. 3. An censura. XIX. 3 in *fine*. An metus excuset a censura. 8. Vide *Timor*.

Miles. An debeat persistere in periculo. VIII. 1. An possit bellare in dubio an bellum sit iustum. 31.

Minae. Si poenitens minatur mortem, an confess. possit eum vitare. XVI. 163.

Minister et ministrare. Minister Baptismi quia. XIV. 15 et 16. Confirmationis. 44. Extremae. Unct. XVII. 6. Matrim. XVIII. 28. Intentio ministri. *Ap. III.* 9. Minister uniuscuiusque Sacram. quis. 10. An debeat esse in gratia. 11. Si sit laicus, vel ministret non solemniter, an sufficiat contritio. 12. An sacerdos, si in mortali absolvat, Comm. ministret, aut celebret, peccet. 13. An subdiaconus. 14. Quid si ministret indigno. 15. An qui simulat administrat. Sacram. peccet. 16. An debeat intendere quod facit Ecclesia. 18. An liceat petere Sacramenta a ministro excomm., aut peccatore. 20. An dare pecuniam ministro, etc. 21. Quis sit minister Ordinis. 30.

Minores si accipiunt mutuum, an possit repeti. X. 140. An possint obligari et donare. 234.

Missae. Qualis intentio requiritur ad audiend. Missam. VI. 27. Qualis attentio. 28. Qui recitat officium an satisfaciatur Missae. 29. Qui celebrat. 30.

Qui constitatur. 31. Qui dormitat aut coigit elemosynas. 32. Quatenus omissa dicatur parva materia. 33. Unde potest audiri. 35. Oratoria, et ubi Episcopus celebrare, etc. 36 et 37. Quot Missae celebrari possunt in oratorio priv. *post n.* 38 in *app. Claus. V.* An Episcopus possit dispensare ut domi, etc. 38. Excusatur a Missa impotentia. 39 et 40. (De infirmo habente oratorium, vide XX. 5). An excuset incommodum. 41. Usus. 42. An scandalum aut lucrum, aut confessio, etc. 43. Obligatio parochi circa Miss. VII. 29. Missa conventualis, qualis et cui applicanda. *Ibid.* in *fine*. Episcopo invigilandum est super Missis, etc. 53. De Missa Episcopi. 63. Si confessarius fari imponit Missas, et dominus esset certus, an fur teneatur adhuc ad restitut. X. 106. An Communio in Missa defuncti sit licita. XV. 16. Stipendium Missae. 59 ad 73. (Et *App. III.* 106). Praescriptio circa Missas. XV. 74. Reductio Miss. cuiusnam licita. 76. Si reditus deficient, etc. 77. De Missis gregorianis. 78 in *fin.* An peccet sacerdos qui Missam infra horae quadrantem persolvit. 84 ad 86. Catalogus Decretorum. 88. Regulares non possunt contra Episcopum prohibitionem admittere advenas ad celebrandum in suis ecclesiis. XX. 75. An sint obligati ipsi rationem reddere de legatis Missarum. 81. Quid si defunctus sepelitur in ecclesia Regul. etc. 92. Missa ordinationis dicenda ab ipso ordinante. *Ap. III.* 29 in *fin.* Missa quid sit. 96. Requisita ad Missam circa materiam. 97 ad 99. Forma. 100. Effectus. 102. Pro quibus offerri potest. 103. Fructus. 104. Valor. 105. An dilatio Missae sit peccatum. 107. An retentio partis elemosynae. 108. De applicat. Missae. 110. Obligatio sacerdotum celebrandi. 111. Rubricae. 112. Tempus quando Missa dici potest, an ante matutinum, an in die Coenae Domini et Sabbati sancti. 113. Locus ad celebrandum. 114. Requisita, nempe altare. 116. Calix et patena. 117. Vestes. 118. Corporale. 119. Palla. 120. Missale. 121. Crux cum Crucifixo. 122. Tres Missae iniunctae Neopresbyteris. 124. Missa dicenda alte, breviter, etc. 125. Missae votivae. 126. An pluries in die liceat sacrificare. 127. Si ecclesia violetur an liceat celebrare. 115 et 128.

Missale. An omnes rubricae Missalis sint praecipuae. *Ap. III.* 112. Missale requisitum ad Miss. 121.

Mixtio. Mixtione acquiritur dominium. X. 9 ad 6. Qui recipit a fure rem mixtam cum re illius ad quid tenetur 75.

Mohatra contractus an licitus. X. 182.

Monachus. Percussio monachi quando absolvi potest ab Episc. XX. 46 ad 48.

Monasterium. Si pater cogit filias ingredi monasterium an peccet. VII. 5. De famulis monasteriorum circa Commun. paschalem. XII. 42. An laedatur sigillum si nominaretur monasterium, etc. XVI. 157. Qui cogit mulieres ad ingredendum monasterium an sit excomm. XIX. 29. Vide *Clastrum*.

Moneta falsa non potest expendi. X. 204.

Monialis. Cura Episcopi circa monast. monial. VII. 61. Cui obedire debent. XIII. 21. De electione abbatissae monial. 22. Monialibus etiam vetitum est esse commatres. XIV. 37. De confessariis monial. XVI. 89. An confess., ut monast. ingrediantur

debeat habere licentiam. XIX. 37. An medicus. 38 et 39. De colloctione cum monial. 40 ad 45. Si monialis frangit clausuram, an incurrat excomm. 46. Facultas Episcopi circa clausuram monial. XX. 66. De approbatione ipsius confess. 67. Moniales exemptas a decimis. 87. De tumulto in ecclesiis monial. 92 *in fine*. Interrogationes faciendae monial. in confessione. *Tr. ult. 32.*

Monita. Vide *Animadvertere*.

Monitio facienda poenitentibus. XVI. 106 et 107. Quid si non est profutura. 108 ad 112. Si matrim. est nullum an confessarius debeat admonere poenit. 113. An si sponsi in ecclesia iam sint. 114. Monitio circa restitutionem, et quid si speratur postea profutura. 115. Quid si poenitens interrogat, et si adest damnum commune. 116. In dubio an profutura. *Ibid.* Monitio facienda poenitenti sollicit. 178.

Monitorium quid. XIII. 75.

Monopolium quando est licitum. X. 183 et 184.

Monstruosi sunt irregulares. XIX. 124.

Montes pietatis an sint liciti. X. 153.

Moribundus si dat signa poenit. an possit absolvi. XVI. 36. An si alii testantur. *Ibid.* Si nullum dat signum. 37. Si in actu peccati sensibus destituitur. 38. An possit absolvi a vitando. 92. An moribundus teneatur sub gravi suscipere Extrem.-Unct. XVII. 12. An teneatur per litteras in censuris papal. facultatem petere a Superiore. XVI. 98. An praesente Episc. possit absolvi a casibus papal. a quocumque confess. XX. 48. Quomodo confessarius debet se gerere cum moribundis. *Tr. ult. 46 et 47. et App. II. § IV.*

Mors. Vide *Necessitas* et *Periculum*.

Mortale quot modis fit veniale. III. 67. Et quot veniale fit mortale. 68. Qui se exponit periculo probabili mortalis, quomodo peccat. 69. Qui peracta confess. recordatur mortalis, an possit communicare. XV. 23. An qui dubitat. 54. Quid si adest scandalum, etc. 24.

Mortificatio. An liceat vitam sibi brevire poenitentis, etc. VIII. 2. Mortificationes afflictivae. *App. I. 23 ad 27.*

Mortui. Vide *Defuncti*.

Mulier ostendens ubera quomodo peccat. IV. 29. Quomodo se permittens tangi. IX. 8. Aut violari. 7. An tunc teneatur clamare. 6. Quomodo peccat qui mulierem in monasterio vi ponit. VII. 5. An mulier, si percuit clericum, incurrat excomm. papal. XX. 47. De interrogationibus faciendis iuvenibus qui caput mulieribus ornant. *Tract. ult. 36.* Quomodo confessarius se gerere debeat cum mulieribus. 54 et 55. Vido etiam *Uxor*.

Mundus. Qui maledicit mundo an peccet. V. 2.

Mutare et *mutatio*. An sponsalia possint dissolvi ob mutationem notabilem, etc. an ob haereditatem, aut meliorem occasionem. XVIII. 19. An liceat mutare confessarium. *Tr. ult. 43.* Mutatio substantialis et accidentalis in Sacram. *Ap. III. 7.* Vide *Permutare Materiam*, et *Testator*.

Mutilare et *mutilatio*. An liceat pro conservanda vita. VIII. 3. An sibi virilia abscindi. *Ibid.* Incurrit irregularitas per mutilationem. XIX. 109 et 110. Quid intelligitur sub nomine mutilationis membri. 109.

Mutui. An excusetur ab integritate materialis confess. XVI. 35. Quando est irregul. XIX. 113.

Quomodo confess. se gerere debet cum mutis et surdis. *Tract. ult. 44 et 45.*

Mutuum. Quando debet restitui. X. 139. An minoribus mutuo datum. 140. Filiisfamilias. 141. Sub spe lucri. 143. Timore. 145. An liceat in mutuo aliquid exigere ob pactum ad longum tempus. 146. An ob damnum emergens et lucrum cessans. 147 et 148. Requiritur admonitio. 149. Ut lucrum non excedat spem. 150. Ut mutuum sit causa damni. 151. De periculo in mutuo. 153 et 154. De poena conventionali. 156 et 157. Animo benevolenti. 158. De pactis obligat. 159 ad 161.

Mutui. An requiratur promissio mutui in sponsalibus. XVIII. 4. An in mutua debeat esse externata signis; et quid si pater promittit nomine filii. 5. Mutuo consensu solvantur sponsalia, quid de impuberibus. 14.

Mysteria. De necessitate medii et praecepti credendis. IV. 3.

N

Nares. Tabacus per nares sumptus, an frangat ieiunium. XV. 38. An aqua per nares, etc. 41.

Natalia circa irregularitatem. XIX. 126 ad 128. Quis in ea dispensare potest, et an Regulares. 87. (Vide etiam XX. 104 et 105).

Necessitas. Quenam sit extrema; et quid si nobilis, etc. X. 15. An fur, si in extrema necessitate consumit furtum, teneatur ad restitut. 19. An dives non succurrendo pauperi. 20. An teneatur succurrere proximo in extrema necessitate cum probabili periculo peccandi. IV. 14. An pastores in gravi necessitate, etc. *Ibid.* et VII. 28. De necessitate extrema, gravi et communi. IV. 18 et 19. Correctio an obliget cum periculo vitae. 22. Necessitas excusat a festo. VI. 18 et 21. Quando a restitutione. X. 118 et 119. An relig. ingrediendi causa, liceat relinquere parentes in necessitate. XIII. 25. An filios aut fratres. 24. An liceat conferre Sacramentum dubium in necessitate. XIV. 3. Quid si Baptismus est dubius. 27. An Euchar. sit de necessitate medii. XV. 2. Necessitas quando excusat a confess. ante Communionem. 24. Quid si tunc deest copia confess. 26. Ab integritate confess. excusat necessitas praefili, naufragii, etc. XVI. 39. Sacerdos simplex potest in necessitate absolvere. *Ap. III. 130 ad Not. III.* Necessitas moralis orationis mentalis. *Ap. I. 2 ad 5. et Ap. IV. § III.*

Negotiatio. Cui vetita; et an clericus possit negotiari per alios, aut alius. X. 192. An, ut in propriis pascuis, etc. 193 et 194. Filius qui negotiatur pecunia paterna, etc. X. 3 et 228.

Nocturnum impositum ab Episc. etc. *Ap. III. 91.*

Notitia. Qui in gravamen poenit. utitur notitia confess. ad externam gubernationem, an frangat sigillum. XVI. 159. An propter notitiam confess. possit confessarius sibi cavere a damno 161.

Nullitas. Causae nullitatis professionis, etc. XIII. 3. De reconvall. confess. nullarum. XVI. 44 ad 46. An in matrim. nullo debeat confess. admonere coniuges. 113. An sponsus qui se parat ad contrahendum. 114. An auferatur reservatio per confess. nullam Superiori factam. 141 ad 143. An subdito impedim. debeat patefieri nullitas ignoranti. XVIII. 81. Quomodo exigendus consensus. 82.

Numerica distinctio peccatorum. III. 87 et seq.
Nundinae an prohibita die festivo. VI. 15.
Nuntius. De donatione per nuntium. X. 150.

I

Obedientia. Votam obedientiae quando obligat. XIII. 16. Si capitulum regulas reformat, etc.; et an inobedientia sit duplex peccatum. 17. An obediendum in dubio an res praecepta sit licita. I. 48 et II. 25. et XIII. 17. An subditus teneatur ad obedientiam, si Praelatus ei imponit ut revelet secretum sibi commissum. XIII. 48. Si Praelatus inferiori det licentiam, etc. 20. De obedientia monialium. 21. Circa electionem abbatissae. 22.

Obiectum Fidei quid sit. IV. 2. Spei. 7. Charitatis. 9. Obiectum peccati cadit sub sigillo. XVI. 185.

Obligare et obligatio. Signa ut cognoscatur quando graviter lex obliget. II. 15. An lex possit auferre naturalem obligationem. 19. Obligatio voti levis in materia gravi. V. 29. Obligatio filiorum. VII. 1 ad 3. Parentum. 4 et 5. Fratrum. 6. Dominorum. 7. Famulorum. 8. Viri. 12. Qui contrahit sine animo se obligandi, an remaneat obligatus. X. 122. Qui iurat sine animo se obligandi an remaneat obligatus. V. 17. An lex auferat obligationem naturalem in contract. sine solemn. X. 126. De promissione. 127. De donatione non acceptata. 130. De mutuo minoribus concessio. 140. Obligatio usurarium et heredum. 162. De cooperantibus ad usuram. 163 et 164. Obligatio legandi bona coniunctis. 237. Obligatio secreti. XI. 9. Obligationes beneficiati. XIII. 45. Patrini Baptismi. XIV. 51. Obligatio conferendi Confirm. 46. Eam suscipiendi. 47. Qui suscipit Ordines an debeat esse confirm. 48. Obligatio iniungendi poenitentiam. XVI. 47. Et eam iniungendi saltem sub levi. 48. Eam acceptandi. 55. Exequendi. 56. Qui eam differt quando peccet. 57. Qui illius obliviscitur ad quid tenetur. 59. Qui eam implet in mortali. 60. Quis possit eam mutare. 61. Oblig. excipiendi confess., et an cum periculo, etc. 125. Excipiendi Extr.-Unct. XVII. 12. Sponsalia sine animo, etc. an obligent. XVIII. 4. Obligatio adimplendi sponsalia. 8. De oblig. illius qui promittit duabus mulieribus. 9. Quid si filius sine consensu patris, etc. 10. Obligatio confessorii interrogandi, admonendi, et disponendi poenit. XXI. 2 ad 4. Oblig. deferendi habitum et tonsuram. App. III. 49 et 50. Celebrandi intra ann. 111.

Observantia. Vana observantia quid. IV. 36. In dubio an effectus sit naturalis, quid praesumendum. 37. An liceat usus pulveris sympathici. *Ibid.* **Obstetrices** debent examinari a paracho. VII. 45. **Occasio.** Licet patri non auferre occasionem filii furandi, etc. IV. 30. Sollicitatio occasione confessionis denunt. XVI. 167 et 168. De occasione proxima voluntaria. *Tract. ult.* 1 et 2. De occasione sponsorum, etc. et illorum qui amorem faciunt. 3. De occasionibus quae sunt in esse, et de iis quae non sunt in esse, et quando dari debet absolutio. 4 et 5. De occasione necessaria. 6 et 7.

Occidere se indirecte an liceat. VIII. 1 et 2. Tabulam cadere, incendum navis, etc. *Ibid.* Reo non fugere, mortificationes, media extraordinaria, aut subire manus chirurgi. 2. An liceat ob vitae defensionem iniustum aggress. interficere. 11. Constatutur super hoc puncto opinio cuiusdam neo-terici. 12. De occisione tyrannorum, et an unquam liceat. 13. De honoris invasione. 14. Bono-

rum. 15. Pudicitiae. 16. Proximi. 17 et 18. An liceat praevenire. 19. An adultero occidere virum. 20. Innocentem. 21. De abortu. 22. An praegnantes quae sibi abortum procurant, incurrant excomm. 23. An in dubio foetus animat. 24. An liceat matri sumere, praebere medicinam, etc. 25 et 26. Vide *Homicida*.

Occultum. Quando impedimentum dicendum est occultum. XVIII. 77. Quid si est notum paracho, et testibus. 78. Delictum occultum circa irregularitatem. XIX. 82. Quando dicitur delictum esse occultum. XX. 53. Quid si homicidium est penitus occultum. 51. Si casuale. 52.

Odium. Qui optat diversa mala quomodo peccat. III. 65. Qui odio impedit aliquem ab aliquo bono. X. 63.

Offensa. An ob offensam illatam vitae aut famae teneatur offensor pecunia compensare. X. 83.

Officium. A quo debet recitari officium in sepeliendo, etc., in ecclesiis Regularium. XX. 92. Dispensatio Regularium in officio. 107. Officium ostiarii. App. III. 83. Lectoris. 84. Exorcist. 85. Acolythi. 86. Officium defunctorum, an sit obligatio recitand. 72. Officium diaconi. 91. Vide *Hora* et *Horae canonicae*.

Omissio. Ad omissionem requiritur actus positivus; et quando imputetur. III. 45. Qui omittit correctionem ob timorem, quomodo peccat. IV. 21.

Opera et Opus. Qui putat tantum opera esse peccata, an peccet desiderando. I. 6. Opus servile quodnam dicatur. VI. 7. An infidelibus liceat imponere opus servile die festo. 1 in fine. An liceant opera liberalia ob lucrum. 8. An exarare. 9. Pingere. 10. Ire venatum, etc. 11. An opera forensia. 12. Nundinae, et contractus. 13. Vide *Labor*.

Opinio. Quam opinionem medicus sequi teneatur. I. 25. Iudex. 24 et XIII. 65. Quam minister in conferendis Sacram. I. 25. Quam in necessitate. 26. In matrim. et poenit. 27. Quam, si ratio convincit. 28. Quae opiniones eligendae sint. 29 et seqq. Quanam in bello. VIII. 29. Cum opinione probabili non potest incipi possessio. X. 8 et 144. An liceat uti probabili opinione circa sigillum, etc. XVI. 164. Vide *Probabile*.

Oratio. De oratione ad lucrandum iubilaeum. XVI. 65. Oratio mentalis, necessitas et modus. App. I. 2 ad 3. et App. IV. § III.

Oratoria. De oratoriis. VI. 36 et 37, (et fusius post n. 38 in app. de oratoriis privatis). Ubi potest Episcopus celebrare. 37 in fine. (Et XX. 62 et 63). An Episcopus possit dispensare ad celebrandum domi. XX. 64.

Ordinandi debent probari. VII. 48. De probitate positiva requisita. 50 et 51. De scientia. 52. De ordinandis pravo habitu irretitis. *Tr. ult.* 16 et 17.

Ordinans. Materia debet tradi ab Ordinaute, et ipse debet celebrare. App. III. 29 in fine.

Ordinaris. Quisnam habet iurisdictionem ordinariam, et an possit eam delegare. XVI. 81. (Et XX. 34 et 53).

Ordo bonorum circa charitatem. IV. 14. Personarum. 15. Qui detrahit alicui ordini, aut personae illius, quomodo peccat. XI. 16. Qui non habet animum suscipiendi Ordinem intra annum, etc. XIII. 42. Qui habet animum dubium aut conditionatum, an graviter peccet, aut teneatur ad restitutionem. 43. De Regularibus circa Ordines recipiendos, etc. XX. 113. De tyrannis. 114. An

possint ordinari extra tempora. 118. An in die festo de precepto. 116. An possint dari Ordines a regularibus. 117. An saecularibus subditis, et non subditis. *Ibid.* et 120. An tyronibus. 119. Quid sit Ordo. *Ap.* III. 25. Quot sint, et an episcopatus, etc. 27. An singuli Ordines sint Sacramenta. 28. (Vide fusiús de hoc XVII. 14.) Materia et forma Ordinis; an tactus phyliscus, et simultaneus, etc. *Ap.* III. 29. Minister. 30. Effectus. 31. Ordo suscipiendus a proprio Episcopo. 33 ad IV. et quis sit proprius, et a quo Regulares, etc. 34. Quid si quis per saltum ordinetur. 40 ad VII. Requisita ut quis ordinetur. 32 ad 46. Ordo Horarum. 74 ad V.

Ostiarium quid, potestas, et officium. *Ap.* III. 53. *Otium* contemplativum quid. *Ap.* I. 7.

P

Pactum non repetendi sortem intra longum tempus an licitum. X. 146. De poena conventionali. 156 et 157. De pactis obligatoriis in mutuo. 159. De restituendo in eadem quantitate. 160. De reddendo id quod debetur ex iustitia aut charitate. 161. De exigendis fructibus usque ad solutionem. 170. De retrovendendo. 180. De reemendo. 181. De contract. *Mohatra* et *Antichrisco*, vulgo a *godere*. 182. De monopolio. 183 et 184. De pacto ad caput saluum; et de supplendo animalia mortua. 226. Pactum de salario in progressu litis, et de quota litis, an sit licitum. XIII. 71. An pacta de stipendio Missae. XV. 64. De non appellando a sententia lata pro matrim. nullit. XVIII. 11 *in fin.* *Palla* requisita ad celebrandum. *App.* III. 120. *Palpo* quis dicitur. X. 81.

Papa et *Papal*. Definitiones Papae sunt infallibiles. II. 35. Ipse est supra Concilia. *Ibid.* In quo dispensare potest. 83 et 86. (Et XVIII. 83). An possit dispensare in votis solemnibus. V. 80. An mutare ultimas voluntates. X. 236. An possit dispensare cum ordinatis ad matrim. etc. XVIII. 65. An in matrim. rato. 90 circa *fin.* An confessorius simplex possit absolvere a papalibus coram Superiore. XVI. 97. Differentia inter casus papales et episcopales, et ibi de accusatione falsa sollicit., et de recept. donorum a religiosis. 129.

Paraphernalia bona quae dicuntur. X. 6.

Parentes. Amor parentibus debitus. VII. 1. Obligatio parentum circa alimenta, legitimas et dotas; Dec. quatuor Rotar. 4. Si impediunt filios, ne vocationem sequantur, aut eos cogunt ingredi monast., quomodo peccant. 5. An filius possit relinquere parentes pauperes. XIII. 23. An dissidentibus parentibus possit fieri religiosus. 24. An parentes possint relinquere filios. *Ibid.* Si parentes infideles repugnant in baptismo filiorum, an liceat eos baptizare. XIV. 21. An liceat vendere illis filios non iam baptizatos. 22. Si parentes baptizant, an contrahant impedim. petendi debitum. 34. Si filius, patre dissidente, init sponsalia, an possint dissolvi. XVIII. 17. Vide etiam *Pater*.

Parochus. In quo dispensare potest. II. 89 et VI. 14. Onera Parochi et praesertim de residentia. VII. 14 et *seqq.* An teneatur ad correctionem cum periculo vitae, et inquirere crimina subdit. IV. 22. An ad concionem. VI. 8 et VII. 35 et 36. De iis de quibus concionandum. 37 ad 44. An parochus possit fieri religiosus. XIII. 29. Ad quid teneatur parochus circa paternos Bapt. XIV. 33.

Circa conservationem et dispensationem Euchar. XV. 8. Pro quo celebrare debeat. 72. An possit sibi adscribere parochos alterius dioecesis ad audientias confess. in sua ecclesia. XVI. 77. An ipsiusmet dioec. 78. An peccet parochus si assistit matrim. peccatorum. XVIII. 29 ad 1. An si repugnat, etc. *Ibid.* ad 4. Si existit in peccato, et si omittit *Ego vos coniungo*, etc. ad 8. Si matrim. cenvallidatur, etc. ad 6. Si parochus est conscius impedim., an teneatur impedire matrim. 87. An possit dispensare in denunt., aut declarare, etc. 89. An requiratur parochi assistentia in matrim. 70 et 71. Vide *Residentia*, *Sacramentum* et *Missae*. *Pars*. An peccet qui sibi retinet partem stipendii Missae. XV. 68 ad 71.

Parsimonia bona quae nam sunt. X. 6.

Participans in furto ad quid tenetur. X. 84. Si multi inducunt domum ad quid singuli. 85.

Pater. Si pater promittit sponsalia pro filio an sint valida. XVIII. 8.

Patria. Vide *Peregrinus*.

Patrinus quis sit in Bapt. et eius officium. XIV. 31 et *seq.* In confirmatione. 51. An possint esse plures et non confirmati. *Ibid.* Et an non confirmatus contrahat cognationem. *Ibid.* An Religiosi possint esse patrin. *Ibid.* An parentes baptizantes aut suscipientes de Baptismo filios contrahant impedimentum petendi debitum. 34.

Pauper. Quibus pauperibus restituendi sunt fructus pastoris non residentis. VII. 23. An pauper teneatur petere, etc. X. 17. An possit accipere rem magni valoris. 18. An simulans pauper. teneatur restit. 78 *in fin.* Ius mendicandi an possit elocari. 208. Quibus pauperibus superflui fructus benefic. erogandi. XIII. 47 et 48. Vide *Necessitas*.

Paupertas. An manuscripta sint propria Religiosi. XIII. 5. De peculio. 6. Quando peccatur contra votum paupertatis. 7. De donorum prohibitione. 8 et 9. De materia gravi et restitutione. 10. De licentia praesumpta. 11. Iniuncta negata. 12. Ad usus vanos. 13. Ad ludos. 14.

Peccare et *peccatum*. De differentia pecc. III. 22. Veniale etiam laedit legem divinam. 23. De advertentia. 24 ad 39. De consensu. 40 ad 43. Peccatum philosophicum quale dicitur, et an sit mortale. 46. De desiderio. 47. De delectatione morosa. *Ibid.* usque ad 54. De distinctione specifica. 55 et 56. Numerica. 57 ad 63. De obiectis totalibus. 64 et 65. Effectus mortalis et venialis. 66. Quot modis mortale fit veniale. 67. Et contra veniale mortale. 68. Qui se exponit probab. peric. mort. an peccet. 69. Votum committendi venialia, an sit irritum. V. 23. De peccatis in causa. VIII. 8. An peccatum confessum sit materia suffic. ad recipiendam absolut. XVI. 3. An distinguenda sint confessa a non confessis. 4. Dolor generalis an sufficiat. 12. Dolor de venialibus quomodo eliciendus. 30. Peccatum dubium, an adsit obligatio confitendi. 20 ad 32. De peccatis dubio confess. 33. Quid si postea fiant certa. 34. De complice in peccato turpi. 93. An poenitens existens in mortali possit poenitent. satisf. cere. 60. Qui peccat in confident. Iubilai, an possit absolvi. 69. De iudicio peccati. 104. Quid si poenit. negat aut tacet peccatum. 120. An possint reservari venialia, aut interna, aut non consummata. 132. An cadant sub sigillo peccata complicita, et an possit admoneri compl. cum licentia poenit. 152. Cir-

constantiae peccatorum circa sigillum. 153 ad V. Qui manifestaret peccata alicuius oppidi, an frangat sigillum. 153. Si coniux petit cum peccato mortali, an teneatur alter reddere. XVIII. 46. An si velit seminare extra vas. 47. Si petat cum veniali. 48. An ad incurrendam censuram requiratur peccat. grave. XIX. 7. Vide *Delictum*.

Peccator. Si Sacramentum petat an denegandum. XIV. 4. et XV. 15. An Communio. XIV. 5. Si sponsi in peccato existant, an parochus possit assistere matrim. 6.

Peculium Religiosorum quid. XIII. 6

Pensio et pensionarius. An pensionarius teneatur ad erogandum superfluum. XIII. 49. De pensione. 59. Pensio quoad excommunicatos. XIX. 19. **Percussio et percussor.** Percussor clerici quando est vitandus. XIX. 16. Quando incurrit excomm. 48 ad 52. Qualis percussio clerici sit levis, gravis, aut enormis. XX. 46. De absolutione ab ea. 47. In dubio an sit gravis, levis, etc. qualis indicanda. 48.

Peregrinus. An teneatur legibus in communi. II. 39. An loci domicilii, seu quasi. 40. An loci ubi per breve tempus moratur. 41. A Commun. paschali in propria parochia eximitur. XII. 42. Cui confiteri potest. XVI. 87. Cui Religiosi peregrini. 38. An peregrinus possit censurari. XIX. 6. De peregrinis. Quando casus est reservatus extra, et quando dumtaxat in patria. XVI. 155. Quomodo intelligitur *tò in fraudem reserv.* 156. An qui peccat in patria possit absolvi extra illam ab habente facult. 157. An possit absolvi in patria qui peccat extra, et an peccans in patria possit absolvi a censuris extra illam, et an peccans extra incurrat censur. ibi reserv. 158. Peregrinus si loquitur cum monialibus, an incurrat excomm. XIX. 44. An peregrinus virt. cap. *Licet* possit absolvi a casibus et irregul. XX. 32.

Perfectio. Ad quam Religiosi tenentur. XIII. 2. Regula et monitum pro perfect. *Ap. I.* 37 et 38.

Periculum. Qui se exponit probabili mortalibus an peccet. III. 69. An cum tali in necessitate extrema proximi, ei succurrendum. IV. 14. An corripere cum periculo vitae. 22. An tali se exponere ad conservandam castitatem. VIII. 4 in fine. De titulo periculi in mutuo. X. 155 et 154. Periculum ad quem spectat in emptione. 169. Ad quem si res idem periculum incursura fuisset apud dominum. 79. An liceat celebrare non ieiunus ad vitandam iniuriam Sacramenti. XV. 52. An ad vitandam mortem. 85. An adsit obligatio excipiendi confess. cum periculo, etc. XVI. 125. An liceat usus matrim. cum periculo sanitatis. XVIII. 38. An sit obligatio reddendi debitum. 49.

Perire. Si res in manu domini etiam periisset, quid restituend. X. 79 in fine. Cui perit res vendita. 191. An pereunte fundo pereat census. 201.

Permittere mortem propriam an liceat. VIII. 1 et 2. Mulier permittens se tangi an peccet. IX. 8. An potius teneatur mortem pati quam sui violat. 7.

Permutare res sacras an sit licitum. IV. 47. Qui permutat Missas, an possit retinere stipendium. XV. 71. An capellanus possit permutare ecclesiam aut altare, etc.; et quid si est privilegiatum. 75. Quinam potest mutare poenitentiam. XVI. 61.

Perseverantia. Iuramentum perseverantiae in congreg. a quo relaxandum. V. 19.

Personale, vota personalia possunt permutari in realia, et contra. V. 38. Credita personalia anteriora an praeferenda. X. 112. An liceat census personalis. 199.

Personae quae gaudent privil. canonis, et fori. XX. 21 ad 24. Quomodo confessorius se gerere debet cum personis piis. *Tract. ult.* 42 et 45.

Pestis. Sacerdotum obligatio tempore pestis. IV. 14. Parochorum. VII. 28.

Pharmacopolas interrogandi, etc. *Tract. ult.* 54 ad VI.

Pietas. Quando excusat a laborando in die festo. VI. 46. De montibus pietatis. X. 155. Quando pietas excusat a ieiunio. XII. 34.

Pignus quid. X. 233

Pingere an sit opus servile. VI. 10.

Pluralitas beneficiorum quo iure vetita. XIII. 40 et 41.

Pluviali an uti possint Regulares extra proprias ecclesias. XX. 76.

Poenae. In lege si adsit poena et praeceptum, an obliget ad culpam. II. 46. De poenis inhabitantibus, ac privativis. 24 et 25. In duellantes. VIII. 23. In sodomitas. IX. 26. De poena conventionali. X. 156 et 157. In transgressores paschalis praecepti. XII. 38. An iudex possit poenam diminuire. XIII. 64 ad *Notand.* 2. Quando poena est magna an reus teneatur suum delictum fateri. 85. Poenae temporales circa attritionem. XVI. 17. Poena apposita in sponsalibus. XVIII. 41. Quodnam irreg. habet rationem poenae. XIX. 84.

Poenale. Leges poenales ad quid obligant. II. 24. Votum poenale an sit reservatum. V. 49.

Poenitens. An praesentia poenitentis sit necessaria. XVI. 5. Ad quid tenetur confessorius si poenitens eum interrogat. 116. Si tenet opinionem probabil. 118. Si negat aut tacet aliquod pecc. 120. An absolutus ab inferiore a reservatis, urgente aliqua causa, postea debeat se praesentare Super. 135. An teneatur ad sigillum qui est requisitus de consilio a confess. ex poenit. licentis. 149. An consultus ab ipso poenit. 150. An cum licentia poenitentis possit admonere complicem. 152. Quid si poenitens est surdus. 155. Quomodo debet esse licentia poenitentis, et an intra confessionem liceat eum admonere. 156. An frangat sigillum qui utitur notitia confess. in gravamen poenit. 159. Si redit poenitens malae conscient. an audiendus. 160. An confess. possit vitare poenitentem qui ei minatur mortem. 163. An poenitens debeat se Episcopo offerre, quando nequit se Pontifici praesentare, ut etc. XX. 45.

Poenitentia imposita diaconibus ab Episc. *App. III.* 91. Vide *Satisfacere*.

Poenitentiaria. Clausulae S. Poenit. in dispens. Matrim. XVIII. 87. Formula in suppl. 88. Executionis. 89. Facultates S. Poenit. XIX. 148.

Pollutio. De pollutione tangendo puerum aut mulierem. IX. 25. An semen corruptum liceat expellere. 51. An teneamur eam de se evenientem impedire. 52. An vitare causas. 53. Quae actiones liceant. 54. De pollutione nocturna. III. 52. An pollutio impediatur a Communione. XV. 56. *Pollutio* Ecclesiae. *App. III.* 115 et 123.

Pontifex. Vide *Papa*

Possessio et Possessor. Quando possessio stat pro lege aut libertate. I. 14. Possessor in dubio ad quid teneatur. 20. Ad quid possessor bonae fidei. X. 73. Quos fructus restituere. 74. Qui putat damnum minus quam est in se. 76. Ad quid possessor malae fidei. 77. Vide *Praescriptio*. Cum opinione probabili nemini licet suscipere possessionem. X. 8 et 144.

Potestas. An qui habet ordinariam potestatem possit eam delegare. II. 61. (Vide etiam XX. 34 et 38). Quenam dicitur ordinaria. II. 61. An expioret morte delegantis. *Ibid.* Quomodo interpretanda delegata. *Ibid.*

Potus in ieiunio quiaam permittuntur. XII. 12. An vinum et birra. 13. Sorbetto. 14. Chocolate. 15.

Practicum dubium quid. I. 13. Iudicium. 14.

Prandium, an possit ducere in ieiunio. XII. 10.

Praeceptum. An detur ignorantia invincibilis. I. 3. Praeceptum dubium ad quid obligat. 13 et 16. Si adest praecceptum et poena. II. 16. An pluribus praecceptis possit pluribus actibus, aut uno pluribus satisfieri. 50 et 31. Si plura praeccepta super eadem materia, etc. 32. An praecceptum festi sit divinum. VI. 4. Confessionis. XII. 36. Communione. 39 et 40. Praeceptum providendi secretum, an et quando obliget. XIII. 13. An Regulares teneantur ad praeccepta Synodi et Episcopi. XX. 73. An subdiaconi teneantur ad castitatem ex praeccepto vel ex voto. *App.* III. 59.

Praedicare et Praedicator. Praedicatio de peccatis publicis an obliget. IV. 22. De obligatione audiendi concionem. VI. 4. Obligatio Episcoporum et parochorum concionandi. *Ibid.* et 5 et VII. 35 et 36. Quae praedicanda sunt a parochis. 37 ad 44. Ubi praedicare possunt Regulares et de licentia Episcopi XX. 124 ad 128. De munere sacerdotum praedicandi, et de scitu necessariis ad praedicandum. *Ap.* III. 131 et 132.

Praegrans, an excomm. incurrat in abortu. VIII. 23.

Praelatus. Praelati possunt sibi eligere confess. et quomodo. XX. 65. Vide *Episcopatus Superior*.

Praelaturae. An debeantur dignioribus. XIII. 33.

Praescriptio triennalis. IV. 82. De praescriptione dominii et eius condit. X. 10 ad 13. De consuetudine et eius condit. 11. 79. De consuetudine et eius condit. 80. De praescriptione salarii. VII. 9. Misarum. XV. 74. Decimarum. X. 84.

Praesentare digniores an patroni teneantur. XIII. 34. Poenitens absol. ab inferiori debet postea, cessante impedimento, se praesentare Superiori. XVI. 133.

Praesentia poenitentis necessaria ad absolut. XVI. 8. Item censurati. XIX. 13.

Praesumptio. Factum non praesumitur. I. 16. De lege fundata in falsa praesumptione. II. 26.

Praetextus. De sollicitatione praetextu confessionis. XVI. 169.

Precarium quid sit. X. 133.

Preces, et benedictiones circa moribund. *App.* II. § ult.

Presbyteratus. Eius materia et forma. *Ap.* III. 92 et 93. De defectibus suppensis in eius ordinat. 94.

Pretium. Si emptor dat fidem pretii, cuius est rei dominium. X. 107. Requiritur determinatio pretii. 163. Quid si non dat fidem pretii. 169. De pacto exigendi fructus usque ad solutum. 170.

De eo qui emit aere alieno. 171. De pretio iusto. 172 ad 174. Sub hasta. 175 ad 177. De dilatione aut anticipatione solutionis. 178. Si pretium brevi augendum. 188. An liceat clerico, ut minoris emat, carius vendere. 194. Pretium sententiae iniustae, an restituendum. XIII. 67.

Principale si non possibile in voto, non est adimplendum accessorium. V. 24.

Privare et privatio. Privatio privilegiorum per revocationem. XX. 13. Qui habitum dereliquit privatur privil. fori. 24. Qui sepultura privati debeat. 91.

Privilegium et Privilegiatus. Quando privilegium derogat iuri communi. XX. 2. Quando privilegiatus uti debeat privilegio. 3. De clausula privilegiorum. 5. Interpretatione. 6 ad 8. Communicatione. 9 ad 11. An cesset privilegium cum morte Pontificis. 13. De revocatione privilegiorum. 15 et 16. De revocatione tacita, et an requiratur intimatio, aut publicatio. 17. Privilegium canonis, et fori, quoad personas. 19. Quoad bona. 20. Quoad loca. 25 ad 28. Vide *Altare et Exemptio*.

Probabile et Probabilitas. De probabili cum damno alterius. I. 21 et 23. De probabili in rebus Fidei. 22. Medicinae. 23. An iudex possit indicare cum opinione probabili. XIII. 65. Distinctio probabilis. I. 29 ad 33. De probabili peccandi periculo. III. 69. Votum probabiliter adimpletum ad quid obligat. I. 17. An cum iurisdictione probabilis liceat absolvere. XVI. 91. Quid si poenit. tenet opinionem prob. 168. An liceat uti ea in gravamen poenit. etc. 164. Vide *Opinio*.

Proclamationes circa matrim. XVIII. 53. Potest dispensare Episc. et qua de causa. 53. An vicarius vel parochus. 59.

Procuratio. Matrim. per procurat. an validum. XVIII. 32. Qui contrahit per procurat. an debeat esse in gratia. 29 ad 3.

Procurator litium, quas causas potest defendere. XIII. 72.

Professio. Conditiones et causae nullitatis professionis. XIII. 3. An professus ob parentum paupertatem teneatur egredi. 23. An professio religiosa solvat sponsalia. XVIII. 22.

Proles. An ad baptizandum prolem possit in cidi mater. XIV. 9. An baptizari possit in utero, et in quo membro, etc. 10 ad 12. Usus Matrim. cum damno prolis, an liceat. XVIII. 49.

Promissio iurata tertio, a quonam potest relaxari. V. 19. Si est firmata voto. 41. Ficta cum violatione ad quid obligat. X. 93. Ad quid simplex promissio. 127. Qui promittit Missam pro tenui stipendio, an peccet graviter si eam omitat. XV. 63. An requiratur promissio mutua in sponsal. XVIII. 4. An debeat esse externa; quid si pater promittit pro filio. 5. Quid si unus promittit duobus mulieribus. 9.

Promulgatio legis an requiratur ut obliget. II. 4. An in legibus civilibus. 5. In pontificiis. 6. In decretis SS. Congregationum. 34. In declaratione non pure tali. 75 et 74.

Pronuntiatio quoad officium requiritur vocalis, praesertim in choro. *Ap.* III. 73 ad II. Integra. 74 ad III. Continuata. *Ibid.* ad IV.

Propositiones damnatae circa duellum. VIII. 27.

Propositum peccandi quandiu duret. III. 60. Si

durat in effectu quod pecc. constituit 61. An valeat propositum alicuius qui credit se relapsurum. XVI. 24. Debet esse universale. 25. Efficax. 26. An debeatur esse explicitum. *ibid.*

Proprius Episcopus debet ordinare. *Ap.* III. 53 ad IV. Quis sit proprius. 54 a quo Regulares ordinandi. *ib.* in *fine*.

Protestatio Episcopi in ordinando etc. *App.* III. 33 ad II.

Proxena ad quid teneatur. X. 189.

Proximus. Qui impedit prox. a iusti boni consecutione ad quid tenetur. X. 61. Si odio. 63. Prodere peccatum proximi uni vel alteri an liceat XI. 44.

Publicatio revocationis privilegii. XX. 17. Dispensatio publicationum Matrim. 84. *remissive* ad XVIII. 88.

Publicum delictum in uno loco an liceat manifestare alibi. XI. 42. An publicum uno tempore, etc. 45. De poenitentia publica. XVI. 83. Publica honestas. XVIII. 68 ad X. Vide *Occultum*.

Puella an possit expellere semen, etc. XVIII. 80. Quomodo confessarii debeant se gerere cum puellis circa confessa., electionem status, et votum castitatis. *Tr.* ult. 37 ad 41. Et *App.* IV. § II. ad III. Vide *Virgo*.

Puer. Si ad usum rationis pervenerit, an statim teneatur legibus. II. 37. Quando teneatur ad Communionem. XII. 45. An liceat pueris Communionem praebere. XV. 14. An eis dare Extremum. XVII. 10. Pueri si ante septennium sponsalia, etc. XVIII. 1. De sponsal. impuberum. 7. An puer qui clericum percussit, incurrat excomm. papalem. XX. 47. Interrogationes faciendae pueris. *Tr.* ult. 37. An absol. ipsis danda. 38.

Pupillus. An possit se obligare, aut donare. X. 93.



Qualitas. Error circa qualitatem, an invalidet contractum. X. 124.

Quantitas. Pactum in mutuo restituendi eandem quantitatem an sit licitum. X. 160.

Quarta funeral. in sepultura quid et cuius debetur. XX. 93. An Regularibus. 94.

Quies in contemplatione quid. *App.* I. 14.



Radix distinctionis specificae. III. 58 et 86. Numericae. 87. Radices restitutionis. X. 37.

Raptus quid sit. IX. 15. Raptus circa matrim. XVIII. 76. Raptus in contemplatione. *App.* I. 17.

Ratum et *Ratihabito*. Matrimonium ratum, quomodo intelligendum. XVIII. 28. An Papa possit dispensare in matrim. rato. 90 in *fine*. Ratihabens percussorem clericum an incurrat excomm. XIX. 49. An qui homicidium, irregularitatem, etc. 100. *Rebaptizantes*, de illorum poena. XIV. 19.

Recedere. Qui recedit a sponsalibus et de poena in recedentes. XVIII. 11.

Receptor circa restitutionem ad quid teneatur. X. 52.

Recidivi quando absolvi possint. *Tract.* ult. 8. ad 15. Signa extraordinaria. 12.

Recollectio naturalis, an sit otium contemplativum. *App.* I. 7. Recollectio supernaturalis. 13.

Revalidatione confessa. XVI. 44 et seq. Matri-

monii. XVIII. 77 ad 82. An regularis assistentia parochi. 29 ad 6.

Redemptio. Christianorum, an divites teneantur, etc. X. 16.

Reditus, si deficient an possit capellanus diminueri Missas. XV. 78. An Episcopus. 77.

Reductio Missarum. XV. 76. Si reditus deficient, etc. 77 et 78. (Et vide XX. 70).

Regula proxima et remota operandi. I. 1. Regulae pro scrupulis. 8 ad 11. Regula: *In dubiis pars tutior*, etc. 69. Regulae interpretandi leg. II. 76. Regula pro perfectione. *App.* I. 37 et 38.

Regularis. An ecclesia et conventus Regularium sint exempta. II. 59. An Episcopus possit prohibere celebrationem in iis, etc. (Vide XX. 121 et 122). In quo Praelati regulares dispensare possunt. II. 60. Quid si admittant pro pecunia, etc. IV. 45. Quisque religiosus tenetur tendere ad perfectionem. XIII. 2. De Episcopis religiosis. 4. De fugitivis et electis. *Ibid.* Si noctu exeunt quomodo peccent. 15. Qui relinquit patrem in necessitate, etc.; et si est professus an teneatur egredi. 23. An, patre dissentiente, ingrediendo peccet. 24. Si relinquit filios aut fratres, etc. 16. Qui avertit filios, etc. 25. Qui negligit vocationem. 26. Aere alieno gravati, an possint ingredi. 27. An Episcopus fieri religiosus. 28. An parochus. 29. An liceat denunciare praetermissa correctione. 74 ad *Notand.* 4. Si ludit an peccet Religiosus. X. 215. De ludis prohibitis Religiosis. 220. De venatione eis prohibita. 72. Regularibus vetitum est esse patrones. XIV. 37. An possint dispens. Euch. XV. 8 in *fine*. (An tempore pasch. Vide XII. 41 et 42). An Regularis possit applicare Missam contra voluntatem Super. XV. 79.

An Regulares teneantur ad confitendum quolibet mense. XVI. 2. Approbatio quoad seipos. 75. Quoad laicos. 80. Regulares peregrinantes cuiusnam confiteri possunt. 88. De Praelato Regul. quoad casus reservat. 130. An possint dispensare cum coniugibus in voto castitatis. XVIII. 84 in *fine*. De collocut. cum monial. XIX. 40 ad 43. An Praelati regul. possint ingredi monast. monialium. 53 ad 59. De clausura Regularium. 47. Declarationes S. Pii V praecipue de praedicando in ecclesiis propriis. XX. 12. Exempti sunt a foro laicali, cum suis novitiis et tertiariis, etc. 21. Exemptio Regul. a iurisdictione Episcopi. 72 ad 74 et 78. An celebrare possint contra prohibitionem Episc. 75 et 77. Regul. sunt exempti a visitatione Episc. 78. Praeterquam si ibi non stant 12 religiosi. 88. Episcopus potest rationem quaerere de legatis, etc. 81. Quando Episcopus potest punire Regulares. 82 et 83. Regul. habent privil. iudicem conservatorem eligendi. 90. Possunt recipere ad sepulturam. 92. An solvere debeant portionem episcopalem, et quartam funeral. 93 et 94. Possunt absolvere subditos a casibus et censuris. 95 ad 97. Reservare casus. 98. An absolvere saeculares. 99. An a casibus reservatis Episc. a iure, etc. 100. An a papalibus. 101. An rursus possint examinari, etc. 103. An dispensare in irregularitatibus. 104 et 105. An in praeccept. eccl. 106. Quenam privil. habeant quoad div. officium. 107. An a votis et iureiurando. 108 et 109. Cuiusnam confiteri debent. 110. Cuiusnam in itinere. 111. Tempore generalis iubilaei. 112. Circa Ordines

recipiendos. 113. (Et vide etiam *Ap. III. 34*). Cuiam possint conferre. 117 ad 120. Regularium privilegia circa celebrationem Missarum. 121 et 122. Circa Communione dandam. 123. Circa praedicandum. 124 ad 128.

Relaxatio iuramenti a quonam potest fieri. V. 19.

Religio. De virtutibus et vitiis oppositis. IV. 33. Qui vovit religionem ad quid tenetur. V. 34. An per ingressum in religionem, etc. solvantur sponsalia. XVIII. 22. An cum sponsalia sint iurata, teneatur sponsus, antequam religionem ingrediat, matrim. contrahere. 25.

Religiosus. An coniux possit fieri religiosus facto divortio. XVIII. 97. An altero in saeculo remanente. XIX. 142. Regul. pro relig. *Ap. I. 37* et 58. Circa statum relig. eligend. quid consensu. consensu potest. *Tr. ult. 59*. An omnes Religiosi teneantur ad Horas. *App. III. 61* ad II. Vide *Regularis*.

Reliquias. De furto reliquiarum. IV. 39 in fine, et X. 27. An reliquias ciborum frangat ieiunium. XV. 36. An aquae, aut sacchari. 37. An tabaci. 40.

Remedia adversus tentationes, etc. III. 43. Remedia generalia et particularia poenitentibus. XXI. 8 et 6. Remedia contra tentationes moribundorum. *App. II. § II*.

Remissio iniuriae offensori an debeatur. IV. 17. Si tertius remittit promissionem iuratum, ad quid tenetur promittens. V. 19. Si pater occisus remittit, ad quid interfectores tenetur filiis. X. 86. Si violata remittit ad quid tenetur stuprator. 93 ad III. Si creditor uni partem eius, ad quid caeteri tenentur. 60 ad *Notand. 2*.

Renuntiatio. Per renuntiationem cessat dispensatio. II. 68. De renuntiatione beneficiorum. XIII. 58.

Repetere. Quando possit repeti Baptism. XIV. 25. Quando Viaticum. XV. 46 et 47. Quando confessio. XVI. 45 et 46. Extrema-Unctio. XVII. 8.

Requisita ad absolvendum a censuris. XIX. 14. Requisita ad essentiam Sacram. *Ap. III. 2*. Ad suscipienda Sacram. 19. Ut quis ordinetur valide. 32. Ut licite. 33. Requisita ad recitandum officium, 70 et 73. Ad Missam circa materiam, etc. 97 ad 100. Ad celebrandum, nempe altare, etc. 116 ad 122. Ad recte celebrandum. 116. Missa celebranda est alte, breviter, etc. 128.

Rescripta an cessent cum morte Pontificis. XX. 15.

Reservata et Reservatio. De votis reservatis. V. 45 et 46. An iuramentum castitatis et religionis sit reservatum. 47. An secunda materia remaneat reservata. 48. De voto poenali an conditionato. 49. Quid si communicaturus habet reservata. XV. 27. An qui simplici confessorio constitutus teneatur explicare tam reservata quam non reservata. 28. Quid si communicaturus habet excomm. reservatam et non esset a quo possit absolvi. 29. An per confess. nullam auferatur in iubilaeo reservat. XVI. 66. Qui obliviscitur reservati in iubilaeo, an possit a quocumque confess. absolvi. 68. A quibus casibus in iubilaeo. 71. An in morte confess. simplex possit absolvere a reservat. 96 et 97. An reservatio sit restrictio. 128. An ignorantes excusentur, etc. 129. Quisnam reservare potest casus regular. 130. Reservatio iniusta; et an Superior absolvendo possit ad alium remittere pro non reservata. 131. An peccata venialia

vel interna possint reservari. 132. Quando inferior potest absolvere a reservatis, et an poenitens debeat se praesentare, etc. 133. De peregrinis. 135 ad 139. Qui obliviscitur reservati, an possit postea de illo a quovis absolvi. 140. An si confess. est nulla auferatur reservatio. 141. De reservatis dubiis, an possint absolvi a simplici sacerdote. 142 et 143. An qui in confidentiam licentiae peccavit, possit absolvi a reservatis. 144. An licentia extendatur ad pecc. post illam commissam. 145. An Episcopus possit absolvere a casibus reservatis ab aliis Episcopis. XX. 35. An moribundus in Episcopi praesentia absolvi possit, etc. 45. Vide *Causa*.

Residentia. Parochi tenentur ad residentiam. VII. 14. Residentia inutilis ad quid obligat. 15. Ad quid si in bona fide, etc. 16. Causae excusantes. 19 ad 21. Vide *Parochus* et *Licentia*. De residentia Episcopi. 62. Ubi Episcopo et Cardin. residendum. 18. De residentia canonicorum. XIII. 50. Poenae non residentium. 51. Causae excusantes. 52 ad 57.

Resistentia tentationibus. III. 43. De causa non resistendi positive. 44.

Resolutio. Vide *Decretum*.

Restitutio. Radices restitutionis. X. 37. Ex qua iustitia oritur restit. obligatio. 38. An ex culpa theologica. 53. An ex culpa veniali. 40. De culpa in contractibus. 41. Ad quid tenentur mandantes. 42 et 43. Consilium dantes. 44 ad 49. Praebentes suffragium. 50. Palpantes. 51. Recipientes. 52. Participantes. 54. De causis negativis. 59. Qui impedit proximum a iusti boni consecut. ad quid tenetur. 61. Qui fiscum, etc. 62. Qui odio, sed sine malis artibus, etc. 63. Si dominus longe abest, cuiam et cuius sumptibus res restituenda. 64 et 65. Si evincitur res a domino ad quid teneris. 66. Si est incertus. 67. De dilatione in restitut. 104. An debeat absolvi qui prius non restituit. 105. Si mediator non restituit, aut confessarius Missas celebrandas iusserit, an poenitens teneatur iterum ad solvendum. 106. Causae excusantes ex parte creditoris. 116. Debitoris. 117. Excusat necessitas. 118. Quid si creditor etiam esset in necessitate. 119. An teneatur cum damno maiore. 65 et 117 ad 3. Depositarius in quibus casibus tenetur restituere. 58. De restitutione honoris. XI. 3. Causae excusantes. 4. De restitutione famae. 18. Causae excusantes. 19. De restitutione Religiosi. XIII. 10. An elector minus digni teneatur ad restitut. 37. Restitutio fructuum non residentis, quantum et cuiam facienda. VII. 22 et 23. De poenis canonicorum non resid. XIII. 51. An dives non succurrendo pauperi teneatur ad restitut. X. 20. Si movitio restitutionis non est profutura, an omittenda. XVI. 118. Quid si confess. erravit circa imposit. restitut. 122 ad 124. Compositio restitutionum an fieri possit ab Episcopo. XX. 69. Restitutio fructuum beneficii, vide *Beneficium*.

Restrictio mentalis quando fit, et an liceat. V. 15. 46.

Retentio partis stipendii an permittatur. XV. 65. Quid si celebrans remittit, etc. 69. Vide etiam *App. III. 106*.

Revelationes quales sint verae, quales falsae. *App. I. 22*.

Revocare et Revocatio. Per revocationem cessat dispensatio. II. 67. Quando revocari potest donatio. X. 133. De donatione causa mortis. 134. De revocatione privilegiorum. XX. 15. De expressa. 16. De tacita. 17. Et an requiratur intimatio vel publicatio. *Ibid.*

Rens. Quando tenetur ad suum delictum confitendum. XIII. 82. An cum poena est magna. 83. An peccet si imponit sibi falsum delictum. 84. An si aliis. 85. An possit resistere, et an fugere. 86 et VIII. 2. An infringere carceres, corrumpere custodem, et an aliis in hoc ei auxilium praebere, etc. XIII. 87.

Rubricae Missalis an sint praecept. *Ap.* III. 142. **Rudes,** si invalide confessi sint an teneantur repetere conf. XVI. 45 et 46. Obligatio interrogandi rudes, et praecipue quales interrogationes faciendae. *Tr. ult.* 18 ad 30.

S

Sacerdos an possit benedicere chrisma. XIV. 40. An confirmare, etc. 44. An dispensare Communionem. XV. 8. An communicare ex seipso. 11. Quid si communicat modo laicorum. 58. An sacerdotes etiam divites possint accipere stipendium pro Missis. 59 ad 72. Quid si sacerdos retinet partem: si dat ad celebrandas Missas aliis minori probitate. 63. An simplex sacerdos possit absolvere a veniali. XVI. 76. An sacerdotes teneantur se reddere habiles ad confess., etc. 123 et 127. Sacerdotes celebrare non possunt contra prohibitionem Episcopi, etiam in ecclesiis Regularium. XX. 73 et 77. An Regulares, novitii, et servi, possint confiteri cunctumque sacerdoti. 110. De interrogationibus adhibendis cum sacerdotibus, et si sint confessarii. *Tr. ult.* 51. Si sacerdos celebrat in mortali, quot peccata committit. *Ap.* III. 135. An tenetur aliquando in anno celebrare. 141. Scitu necessaria ad absolvendum in necessitate. 150. Munus docendi et praedicandi. 151 et 152. Consilia sacerdotibus assistantibus morib. *App.* II. § 1. Obligatio sacerdotum faciendi orationem mentalem. *App.* IV. § III.

Sacramentalia quid sint. *App.* III. 5.

Sacramentum. Administrare Sacramenta ob lucrum an liceat. IV. 45. Obligatio parochi quoad administrationem Sacrament. VII. 24 ad 27. An tempore pestis. 28. De attentione et intentione in faciendi. Sacram. XIV. 1. Intentio ministri. 2. De administratione Sacram. sub conditione. 3. An denegandum peccatoribus. 4. An possit dari Sacram. validum et inform. XVI. 18. An omnes septem Ordines sint Sacram. XVII. 14. An materiae et formae fuerint a Iesu Christo in specie determinatae. 15. (Et *Ap.* III. 8). Excomm. maior privat ab usu passivo Sacram. XIX. 17. Ab activo. 18 ad III. Excomm. minor privat a passivo: an etiam ab activo. 27. Sacramentum quidsit. *Ap.* III. 1. Requisita ad constituendum Sacram. 2. Quotuplicia sint Sacram. 4. Quae requirantur ad essentiam Sacram. 5. An materia dubia et mixta, de conditione, etc. 6. Intentio ministri et suscipientis. 9. Plura de ministro. 10 ad 13. Vide *Minister*. Qui ministrat Sacram. indigno an peccet. 15. An simulans administrationem Sacram. 16. An simulans susceptionem. 17. An Minister debeat intendere quod facit Ecclesia. 18. Conditiones

susceptionem. 19. An liceat petere Sacram. ab excomm. vel peccatore. 20. An dare pecuniam ministro pro administrat. Sacram. 21. Effectus Sacram. nempe gratia. 22 et 23. Character. 24. De Sacramentorum frequentia. *App.* I. § IV.

Sacrificium. An non ieiunus teneatur perficere sacrificium, etc. XV. 54 ad II et III. Sacrificium quidsit et quotuplex. *Ap.* III. 95. Quid Missa. 96. Vide *Missa*.

Sacrilegium. Quotuplex est. IV. 59. An Ecclesia polluat ob occultam effusionem seminis, et per usum matrimonii; et an tactus, aspectus, et sermones, etc. *Ibid.* et IX. 21 et 22. An furtum rei eccl. commodatae, etc. sit sacrilegium. IV. 59. An furtum reliquiarum. *Ibid.* Sacerdos religiosus fornicans, an et quot sacrilegia committit. IX. 20. Quot inducens. *Ibid.* In quo loco dicitur sacrileg. committi. 21. Sacrileg. circa rem quomodo committitur. 23. De aspectu turpi circa personam sacram. 8.

Sacrilegus. Sacrilege celebrans an teneatur ad praeceptum *quamprimum*. XV. 32.

Salarium servis debitum. VII. 7. De praescriptione salarii. 9. De salario advocati. XIII. 70 et 71. Procuratori 72.

Saltus. Si quis ordinetur per saltum an incurrat suspensionem. *App.* III. 40 ad VII et 46.

Salutare inimicum ut liberes eum a peccato an sit oblig. IV. 16.

Sanitas. Vide *Periculum*.

Sartores. Interrogationes sartoribus faciendae. *Tr. ult.* 54 ad VIII.

Satisfacere et Satisfactio. De intentione satisfaciendi legi, votis, aut poenitentiae. II. 29. Qui satisfacit oblitus voti, aut habet probabilitatem quod satisfecit an teneatur ad aliud. V. 34. Obligatio imponendi satisfactionem. XVI. 47. An possit dari post absol. *Ibid.* An sub levi. 48. An satisfactio possit minui si poenit. est infirmus corpore. 49. Spiritu. 50 et 51. Quae species poenit. imponendae. 52 ad 54. Obligatio acceptandi. 55. Exequendi. 56. Qui differt satisfact. an peccet. 57. Intentio adimpl. an requiratur. 58. Quid si quis obliviscitur. 59. Quid si quis implet in peccato. 60. Quis mutare potest poenit. 61. An cadat sub sigillo. 153 ad IV.

Scandalum. Quotuplex datur. IV. 23 et 24. Quot peccata committit qui inducit proximum ad peccandum. 25. Quid si proximus iam est paratus. 26. An explicandum quisnam primus fuerit ad tentandum. *Ibid.* An liceat mutuum petere ab usurario, aut Sacramentum a peccatore. 27. Qui est scandalum pluribus, quot peccata committit. III. 64. An ut evitemus scandalum, bona temporalia, aut spiritualia omittenda. IV. 28. Mulier ubera ostendens an peccet peccato scandalum. 29. An liceat suadere minus malum. 30. An patri non suferre occasionem, etc. *Ibid.* De cooperatione materiali et formali. 34 et seq. Scandalum circa Communionem, omisa confess. XV. 24 et seq. An non ieiunus possit celebrare si timetur scandalum. 53.

Scientia. An index privata scientia possit indicare. XIII. 64. Scientia requisita in confessione. XVI. 99 et 100. Pro Ordinibus. XIX. 114. De scientia legis, et poenae requisita circa impedi. ad petendum. XVIII. 68. Circa irreg. XII.

83 et 84. De scientia requisita in ordinandis. *Ap. II.* 33 et 36. Ad absolvendum in necessitate. 130. Ad praedicandum. 131 et 132.

Scriba. Quando peccant scribae. XIII. 68. Interrogationes illis faciendae. *Tr. ult.* 53 ad IV.

Scriptum. Confessio in scripto an liceat. XVI. 27.

Scrupulus et Scrupulosus. Regulae pro scrupulis. 1. 8 et 9. Circa confess. praeteritas. 10. Circa timorem peccandi. 11. An scrupulosus excusetur ab integritate confess. XVI. 39. An scrupuli cadant sub sigillo. 153 ad VII.

Saeculares. A quibus casibus possint a Regularibus absolvi. XX. 99 ad 102.

Secretum cognitum fraude, an liceat patefacere. XI. 8. De obligatione secreti. 9. An liceat reserare litteras. 5 et 6. Praeceptum revelandi secretum quandomam obliget. XIII. 18.

Seminare. An coniux, si se retrahat a semina, peccet graviter. XVIII. 40. Quid si vir seminat extra vas. 47. Quid si coniux cohabeat semina; et si senex extra vas semen effundat. 50.

Seminarium. Eius utilitas et regulae. VII. 55.

Senex. Quando excusatur a ieiunio. XII. 25.

Sensus. An unctio omnium sensuum sit de necessitate Sacram. XVII. 4. An amentibus, ebriis, etc. praebenda. 14. De absolute moribundi sensibus destituti. XVI. 56 et seq.

Sententia in poenis spiritualibus, inhabilitantibus, aut privativis, an requiratur. II. 24 et 25. An in poenis fundatis in falsa praesumptione. 26. An in conventionalibus. 27. An in poenis privativis et inhabilitantibus ob benef. simoniae obtenta. IV. 82 et 83 et XIII. 53. Pretium sententiae iniustae an restit. 67. Quando censura dicitur latae, quae *ferendae sententiae*. XIX. 2. De absolute a censuris per sententiam generalem. 12.

Sepultura circa excommunicatos. XIX. 20 ad VIII. Ubi debeant sepeliri saeculares; ubi Episcopi; ubi Regulares, et tirones. XX. 91. Quis sepultura privari debeat. *Ibid.* Unusquisque potest sepeliri in ecclesiis Regularium. 92. An parochus tunc possit exigere, etc. et de officio super cadavere. *Ibid.* An in ecclesiis Monialium. *Ibid.* in fine. De portione canonica, et de quarta funerali. 95 et 94.

Servus. Servi circa matrim. XVIII. 62 ad II. Cuinam servi Regularium possunt conlitteri. XX. 110. Vide *Famulus*.

Sexus. Cuius esse debent patrini. XIV. 53.

Sigillum sacramentale quomodo obligat. XVI. 147. Consultus a confess. an teneatur ad sigillum. 149. An qui a poenitente. 150. An qui legit chartam confess. 151. An peccata compl. cadant sub sigillo. 152. An cum licentia possit inoneri complex. *Ibid.* Ac obiectum peccati cadat sub sigil. 153 ad III. An poenitentia. *Ibid.* ad IV. An circumstantiae impertinetes. *Ibid.* ad V. An virtutes et scrupuli. *Ibid.* ad VI et VII. An defectus naturales. 154. Casus de poenit. surdo. 155. Quid si quis aliquid diceret *sub sigillo conf.* etc. 156 ad II. An conf. frangat sigillum si manifestat aliquid ex licentia poenit. *Ibid.* ad VIII. An qui dicit *se in tali monasterio* audisse peccatum grave cuiusdam religiosi. 157. Aut in oppido etc. 158. An frangat sigillum qui utitur notitia confess. ad externam gubernationem in gravamen

poen. 159. An confess. possit se cavere a damno cum periculo revelationis sigilli. 161. Schemata de confess. an cadat sub sigillo. 162. Quid si poenit. minatur, etc. 163. An liceat uti opin. prob. cum fractione sigilli. 164.

Signum. Signa ad dignoscendum quando lex graviter obligat. II. 15. Si moribund. dat signa poenit. an absolvi possit. XVI. 55. An si alii testantur. 56. An si nullum dat signum. 57. An sponsalia per signa sicut valida. XVIII. 5. Consensus in matrim. per signa an sufficiat. 51. An qui in occasione prox. stat. et habeat signa extraordinaria, absolvi possit. *Tr. ult.* 8. Signa extraordinaria requiruntur in recidivis. 14. Signa proximae mortis. *App. II.* § VII.

Simonia quid. IV. 40. Mentalis, conventionalis, realis, et confidentialis. *Ibid.* et XIII. 58. Munus a manu, etc. IV. 41. Simonia iuris divini et humani quatenus dicitur. 42. Qualis est simonia admissio in religionem pro temporali. 43. An sit simonia dare temporale ob finem principalem, etc. vel ob benevolentiam. 44. An ob administrationem Sacramentorum; et an principaliter ob lucrum, etc. 45. Vendere beneficia. 46. Permutare res sacras. 47. An sit simonia dare aliquid ut alter omitat rem spirituale. 48. Ut liberetur a vexatione. 49. De poenis simoniae. 50 ad 53. Ob simoniam realem in benef. electiones sunt nullae, etc. etiamsi a tertio, etc. 52. De privatione beneficii et inhabilitate ob simoniam. XIII. 58. An debeat esse completa ex utraque parte. *Ibid.* Restitutio pretii et fructuum cui restituenda. IV. 55. Quis potest absolvere ab excommunicatione et dispensare super inhabilitate, etc. *Ibid.* Sed ad privationem et inhabilitatem requiritur sententia. 52 et XIII. 58.

Simulare et Simulatio. De simulatione confess. circa sollicit. XVI. 170. An parochus possit simulare celebrat. matrim. XVIII. 29 ad IV. Simulare administrationem Sacramenti an liceat. *Ap. III.* 10. An susceptionem. 17.

Simultas et Simultaneus. An requiratur simultas materiae cum forma in Sacram. *Ap. III.* G. An tactus simultaneus in Ordine, etc. 29.

Societas. Conditiones societatis. X. 222. An capitale prius deducendum domino. 225. De divisione lucris et damni sortis. 224. De pacto ad caput saluum, et ad supplenda pecora. 226. Contractus trium contractuum an liceat. 227. De societate inter fratres. 229. Quot modis finitur societas. 230.

Solomia. Si maritus sodomitice coeat cum propria uxore, quale peccatum committit. IX. 16 et 23. In quo consistat. 24. An explicandum quis fuerit agens, etc. *Ibid.* Poenae sodomitarum. 26.

Solemnitates. Solemnitates requisitae ad alienanda bona ecclesiastica. XIII. 62. Contractus sine solemnitate an liget in conscientia. X. 126. Solemnitates pro censuris promulgand. requisitae. XIX. 9.

Sollicitatio in actu confessionis. XVI. 166. Sive ante sive post immediate, etc. 167. De sollicitatione occasione confess. 168. Praetextu confess. 169. In confessionario, etc. et an requir. simulat. 170. Quid si poenitens sollicitat. 175. Si confessarius divertat ad tactus. 174. An debeat denunciari confess. sollicitatus iam emendatus. 175. An

poenitentes absolvi possint ante denuntiatio, et an teneantur per litteras, etc. et si repugnent, etc. 176. An qui aliquem innocentem accusat de sollicitatione, incurrat reservationem. 177. Quid si monito denuntiationis non sit profutura. 178. Denuntiatio etiam ab aliis quam a sollicitatis faciendi. 179. De sollicitatione dubia. 180. Casus particulares. 181 et 182. Confessarii sollicitantes sunt inhabiles ad celebrandum. 183. Quid si poenitens accusat falso. 129.

Somnia. An iis praestanda sit fides. IV. 34.

Sorbetum. An frangat ieiunium. XII. 14.

Soror. Vide *Frater*.

Sors divinatoria an licita. IV. 34. An virga divinatoria. 35. In societate sors et eius damnum spectat ad domum. X. 223. Commoditas sortis, etc. 224.

Sortilegium quid sit. IV. 34.

Species. An in delectatione morosa explicanda species. III. 48. Consecr. in alterutra specie an liceat. XV. 3 et 4. An dum durant species augatur gratia. 6.

Specifica peccatorum distinctio a quibus radicibus desumenda. III. 53 et 56.

Speculativum dubium. I. 13 et 14. Practicum. *Ib*.

Spes quid sit. IV. 6. Obiectum spei. 7. Vitia ei opposita. 8. Actus spei. 13. De mutuo sub spe lucris. X. 143.

Sponsalia puerorum an valeant. XVIII. 1. An qui sine animo contrahendi promittit, etc. et qui dolo aut errore, etc. *Ib*. An valeant si conditio dedit causam contractui. 2. Si metus. 3. Promissio mutua an requiratur. 4. An externata, et si pater pro filio promittit sponsalia. 5. An in dubio favendum libertati, et qui promittit se non ducturum aliam. De annulo, etc. et an sub conditione si *Papa dispensat*. 6. An valeant sponsalia inter impuberes. 7. Dissolvuntur sponsalia. I. Nuptiis; et an nocens remaneat solutus. 13. II. Consensu mutuo. An impuberes, etc. 14. III. Impedimento. An dispensatio, etc. 15. An disparitas dirimat sponsalia. 16. An dissensus parentum. 17. IV. Delicto. An propter fornicationem. 18. V. Mutatione. 19. VI. Discussu. 20. VII. Terminu. 21. VIII. Professione et Ordine. 22 ad 24. An votum castitatis, etc. 25. An requiratur iudicis auctoritas. 26. Quenam probatio. 27.

Sponsalium spirituale in contemplatione quid. *App*. I. 17.

Sponsi. Quid si quis contrahit cum peccatore. XIV. 6. Si sunt parati ad contrahendum. XVI. 114. Tactus inter sponsores an liciti. XVIII. 7. Quid si contrahunt in peccato. 29 ad 2. An liceat simulare celebrat. nuptiarum. *Ib*. An sponsi de impedim. interrogati, teneantur fateri. 37. An liceat sponsis pergere domos sponsarum. *Tr*. ult. 3.

Sponsio. Quid et an sit licita. X. 214.

Spiritus. Vide *Filius*.

Statuae in expositione SS. Sacramenti an liceant adhiberi. XV. 88. Decr. XXIII.

Status. Electio status. *Tract*. ult. 39 et 41. Vocatio ad statum ecclesiasticum. 40. An sit peccatum aliquem revocare a vocatione relig. *Ap*. IV. § I ad VIII.

Sterilitas. In locatione damnum sterilitatis ad quem spectet. X. 207.

Stipendium Missae an sacerdot. divites possint

recipere. XV. 39. An plura stipendia pro una Missa. 60. Stipendium iustum quodam est. 61. An possit exigi maius taxa et quis potest prohibere minus. 62. An peccet graviter qui omittit unam Missam pro parvo stipendio. 63. Conventio stipendii. 64. Quid si quis sibi retinet partem, etc. aut celebrare faciat per alios minus probos. 65. Si speciali intuitu, etc. 66. An capellani possint sibi retinere partem stipendii. 67. An administratores ecclesiae. 68. Quid si celebrans remittit stipendii partem, et quid si executor test. 69. An qui colligit eleemosynas pro Missis possit aliquid retinere ob laborem. 70. Permutatio Missarum an liceat. 71. Vide *App*. III. 106 et 108.

Stola. Si sacerdos communicat extra Missam an debeat habere ad collum stolam. XV. 88.

Stuprator. An stuprum, virgine consentiente, sit speciale peccatum. IX. 14. An tunc restitutio parentibus faciendi. X. 91. Ad quid tenetur si cum promissione facta, etc. 93. Limitationes circa praefatam sententiam. 94 ad 96. Ad quid si stuprator habet votum castitatis. 97. Si est coanguineus, etc. 98. Ad quid tenetur qui vi et iniuria, etc. 92.

Subdelegare quis possit. II. 63. Vide etiam XVI. 82 et XX. 34 et 58.

Subdiaconus et *Subdiaconatus*. An subdiaconus, si ministrat in mortali, peccet graviter. *Ap*. III. 14. Materia, forma et officium subdiaconatus. 87. An subdiaconus, ministrans sine manipulo, peccet. *Ibid*. Requisita ad subdiaconatum. 88.

Subditus. Si Superior praecipit aliquid dubium, de peccato an teneatur obedire. I. 18 et XIII. 17. An vota subditi sint ex se irrita. V. 37. Quid requiritur ut subditus censetur. XII. 4.

Successor. De successione locatoris. X. 206.

Supplagium quoad restitutionem ad quid obliget. X. 50.

Superior si praecipit aliquid dubium, quomodo obligat. I. 18. Si praecceptum avertit damnum, aut est difficile. *Ibid*. et XIII. 117. Obligatio Superioris dispensandi. II. 52. Qui dispensat mala fide, aut sine causa, an valide. 53. Superiores regulares in quo dispensare possunt. 60. Quid si non corrigunt. XIII. 2 circa fin. Licentia praesumpta, an sufficiat ad non laedendam pauperem. 11. Quomodo peccant si iniuste negetur. 12. Ad usus vanos. 13. Praecceptum prodendi secretum an obliget. 18. An Superior pro non reservatis possit remittere poenitentem ad inferiorem. XVI. 131. Quid si quis obliviscitur reservati apud Super. 140. An auctoratur reservatio per confessionem invalidam Superiori factam. 141.

Superstitio quid, et quot modis committitur. IV. 34. De virga divinatoria. 55. Vana observantia. 56. Pulvere sympathico. 57. An superstitiones denunciandae sint. XIII. 78.

Supplicatio quando est subreptitia. II. 47.

Supplere. Pactum supplendi pecora in contracta societatis an licitum. X. 226.

Surdus circa confessionem. XVI. 53. Casus poenit. surdi. Quandoque surdus est irregularis. XII. 117. Quomodo se gerere debeat confessorius cum surdis, et mutis. *Tr*. ult. 44 et 45.

Suscipio et *Suscipere*. Intentio et alia requisita ad suscipiendum Sacram. *App*. III. 9. Vide *Sacramentum*

Suspensio quid. *XII. 64* ad *66*. Quando incurritur ab ordinatis. *Ap. III. 46*. Plura de suspens. *84*.
Suspicio temeraria quando est peccat. *XI. 1* et *2*.
Synderesis quid sit. *I. 2*.

T

Tabacus per nares sumptus an laedit ieiunium. *XV. 38*. An fumus tabaci. *39*. An dentibus attrit. *40*.

Tabella Missarum assignanda in sacristia. *XV. 68*.
Tabellarius missus eodem a duobus, an a singulis liceat accipere mercedem. *X. 209*.

Tabula an possit cedi in naufragio. *VIII. 1*.

Tacta revocatio privilegiorum. *XX. 17*.

Tactus quinam sint mortales. *IX. 3*. An tactus in ecclesia sint sacrilegia. *IV. 39* et *IX. 22*. Mulier permittens se tangi quomodo peccat. *IX. 8*. Pollutio tangendo puerum aut mulierem qualem peccati speciem habet. *25*. Qualem tactus inter propinquos. *Ibid. in fin.* Soli tactus cum promissione facta matrimonii ad quid obligent. *X. 93* ad *V*. Si confessorius sollicitatus divertat ad tactus an denuntiandus. *XVI. 174*. An liceant inter sponsos. *XVIII. 7*. An inter coniuges, et cum seipsis. *42*. Tactus physicus et simultaneous requiritur ad Ordinem. *App. III. 29*.

Taxa stipendii Missae. *XV. 62* et *61*.

Tempus. Quantum requiritur ad praescribendam consuetudinem. *II. 79*. Ad derogandum legi. *80*. Etiam ecclesiasticae. *11*. Tempus ordinationis. *App. III. 40* ad *VIII*. Interdicta. *41* et *42*. Tempus recitandi officium. *74* ad *VI*.

Tentatio Dei formalis et interpretativa quando committitur. *IV. 38*. Remedia adversus tentationes turpes. *III. 45*. Si est causa non resistendi positive, non datur obligatio. *44*. Remedia pro moribundis contra tentationes. *App. II. § II*.

Tenuis. Beneficium tenuis an obliget ad Horas. *App. III. 67*.

Terminus. An sponsalia solvantur elapso termino. *XVIII. 21*.

Tertiarii an exempti sint a potest. laic. *XX. 21*.

Tertius. Iuramentum in favorem tertii a quoniam relaxari potest. *V. 19*. De voto in favorem tertii. *41*.

Testamenta. *X. 233*. Si constat de voluntate testatoris, etc. et si adsit unus solus testis. *Ibid.*

Testator. An ultimae voluntatis testatoris possint mutari a Papa, aut ab Episcopo. *X. 256*. Lona sunt leganda consanguineis pauperibus. *257*.

Testis. Quando testis teneatur ad deponendum. *XIII. 79*. Si omittit dicere veritatem an et quomodo peccet. *80*. Si occultat. *81*. Si testis testator moribundum dedisse signa poenit., an possit absolvi. *XVI. 36*. De assistentia testium in matrim.

XVIII. 70. Quid si testis sciebat impediri. *78*.

Thesaurus inventus ad quem pertinet. *X. 70*.

Timor sive metus quotuplex est. *III. 16* ad *18*. An excuset timor a praeceptis et a quibus. *II. 41*. Dispensatio data ob timorem an valida. *54*. Qui timore omittit correctionem quomodo peccat. *IV. 21*. Votum ex timore iniuste incusso est nullum. *V. 23*. Qui timet relapsum iri an valeat propositum. *XVI. 24*. Quandonam timor est causa divortii. *XVIII. 92*. Vide *Metus*.

Titulus. De colorato cum errore communi circa confess. *XVI. 90* Titulus requisitus ad Ordinem,

et quotuplex sit. *Ap. III. 37* et *38*. An incurrat sponsa, qui ordinatur cum patrimonio facto. *39*.

Tonsura, et *Tonsurati*. Prima tonsura quid sit, quid requiritur ad eam suscipiendam, et an qui ordinatur sine tonsura peccet grav. *Ap. III. 47*. Obligatio deferendi tonsuram, et habitum. *49* et *50*. Tonsurati quando gaudent privilegiis canonicis et fori. *XX. 25* et *24*. Et *App. III. 48* et *51*.

Translatio in donatione requiritur ut dominium acquiratur. *X. 152*. Et in emptione. *167*. Translatio instrumentorum in Ordine. *XVII. 16*.

Tridentinum. Facultas cap. *Licet*. *XX. 29*. Ubi Trid. non est acceptum, an liceat uti praefata facult. *30*. An pro casibus post Concil. etc. *36*.

Triplex contractus, quomodo pericitur et an liceat. *X. 227*.

Tutela et *Tutor* ad quid obligatur. *X. 254*. An clericus possit tutorem agere. *193*.

V

Vagi possunt contrahere matrim. coram quocumque parochio. *XVIII. 72*.

Valor. Standum est pro valore actus. *I. 16*. Valor Missae. *App. III. 103*.

Vana observantia, Vide *Observantia*.

Vendere die festivo an sit peccat. *VI. 13*. Ad quem spectat periculum et fructus in venditione. *X. 169*. Res aliena si venditur, an valide et ad quem spectat dominium pecuniae. *171*. Merces ultroneae quantum decrescunt. *174*. Quando potest vendi carius. *Ibid.* De venditione sub hasta. *175* ad *177*. An possit carius vendi ob dilationem solutionis. *178*. De chirographis. *179*. Pactum de retrovendendo, an sit licitum. *180*. De vitio rei. *183* ad *187*. De venditricibus. *189*. Rei duobus venditae a quoniam acquiritur dominium. *190*. Cuinam res vendita perit. *191*.

Venditrices. Interrogationes ipsis faciendae. *Tract. ult. 53*.

Venenum. Qui dat venenum clerico, quando excommunicationem incurrat. *XX. 48*.

Veniale an laedit legem. *III. 23*. Quot modis mortale sit veniale. *67*. Veniale mortale. *68*. Votum de committendo veniale est illicitum. *V. 25*. An veniale obliget ad restituendum. *X. 40*. Quomodo eliciendus dolor de venialibus. *XVI. 25*.

Vera. Confessio debet esse vera sine mendacio. *XVI. 28*.

Verba obscena. Quandonam sint mortalia. *IX. 9*. Qui ea audit an peccet. *10*. An in ecclesia habita, sint sacrilegia. *IV. 59* et *IX. 22*.

Veritas. Requiritur in iuramento, ut sit licitum. *V. 14*. Testis si praeterit ut celat veritatem, an teneatur ad restit. *XIII. 80* et *81*.

Vestes requisitae ad celebrandum. *Ap. III. 118*.

Vexatio. An sit simonia dare ad redimendam vexationem. *IV. 49*.

Viatium. An possit dari a laicis, aut sibiipsis, etc. *XV. 10*. Quomodo dandum est. *12*. Obligatio suscipiendi Viatium et quando. *19*. Quid si infirmus vexatur vomitu. *20*. Si tussit. *21*. De ieiunio erga Viatium, et quando repeti potest. *46* et *47*. An qui paucis ante diebus communicaverit, superveniente mortis articulo, teneatur sumere Viatium. *48*. An qui eodem mane. *49*. An omitti possint illa verba: *Accipe Viatium*, etc. *50*. An ad dandum Viatium sit excusata a confes-

usus, etc. 24. Quid cum iam pervenit Viat. per-
cipiatur confess. fuisse nullas. XVIII. Quando potest
dari et replicari Viaticum. *App.* II. § IV ad 11.

Vicarius an possit dispensare. II. 57. An vica-
rius Episc. habeat iurisdictionem ordin. et an
possit eam delegare. XVI. 81. An possit dispens.
in proclamat. matrim. XVIII. 59. Vicarii capitula-
res veniunt sub nomine Episcop., sed non vica-
rii Episcopi. XX. 31. Vicario competit facultas,
quam habet Episcopus de iure ordinario, et ideo
potest absolvere percussionem clerici. 47.

Vincere. Qui vincit in ludo prohibito an te-
neatur ad restitut. X. 217. Ad vincendos scrupulos,
quae remedia adhibenda. I. 8 ad 11.

Vincibilis. Vide *Ignorantia*.

Vinum an liceat in ieiunio. XII. 13. Quid agen-
dum cum apprehenditur error vini in Missa, etc.
et quid in dubio, etc. XV. 54. Vinum requisitum
ad Missam. *App.* III. 93.

Violantes immunitatem quando incurrunt ex-
comm. papalem. *App.* III. 30 *in fin.*

Vir. Vide *Maritus*.

Virga divinatoria quid. IV. 35.

Virgo, an ob honestatem conservandam possit
se exponere periculo vitae. VIII. 1 *in fin.*
An subire manus chirurgi. 2 *in fin.* An sit spe-
ciale peccatum violare virginem consentientem.
IX. 14. An tunc adsit oblig. restitut. pro deformat.
X. 91. Quid si violata potuit deceptionem ani-
madvertere. 94. Si remittit, si tantum tactus
adhibeantur. 93. Si fuerit prius corrupta; si re-
spuat nuptias. 96. Vide *Legatum*.

Virtutes poen. an cadant sub sigillo. XVI. 153.

Visiones quot sunt et quomodo veras a falsis
distinguere possumus. *App.* I. 19 et 20.

Visitare. Episcopus non potest visitare Regu-
lares, et eorum ecclesias. XX. 79. Quas parochias
visitare potest. *Ibid.* An possit visitare clausuram
Monialium. 80.

Vitandus an possit absolvere moribund. XVI.
92. Quinam dicatur vitandus. XIX. 15. Percussor-
es clericor. an vitandi. 16.

Vitium rei quodnam sit manifestandum. X. 135.

Vocalis. Confessio debet esse vocalis. XVI. 27.

Vocatio. Qui impeditur aut cogit puellam
monast. ingredi an peccet. VII. 8 et XIII. 25. An
qui negligit vocationem. XIII. 26. Quomodo vo-
catio ad statum religiosum, aut ecclesiasticum
debeat examinari. *Tract. ult.* 39 ad 41. Vocatio
requisita ad Ordines. *Ap.* III. 45 ad XIII. An qui a
vocatione distrahit peccet mort. *App.* IV. § I ad VIII.

Volatus spiritus in contemplatione. *quid.* *Ap.* I. 17.

Voluntarium quid. III. 5 ad 6.

Voluntates ultimae. Vide *Testamentum*.

Votiva. De Missis votivis. *App.* III. 126.

Votum dubium, aut dubie adimpletum an adhuc
obliget. I. 17. De intentione satisfaciendi. II. 29.
Dispensatio cum peregrinis. 42. De animo se
obligandi, et quid in dubio praesumendum. V. 21.
In dubio usus rationis, an obliget votum. 22. Quid
si ex timore, vel errore fuerit emisum. 25. De
materia possibili, et meliori. 24. Ob malum fi-
nem an votum sit irritum. 25. Quid de voto pec-
candi venialiter. *Ibid.* Non petendi dispensatio-

nem. 26. De nubendo. 27. De non amplius vo-
vendo. 28. De obligatione levi in materia gravi,
et an materia levis possit obligare sub gravi; an
haeres teneatur omnibus votis sui testatoris; et
an liceat patri emittere vota per quae laedetur
legitima filiorum, et multa alia notata digna. 29.
De votis conditionatis. 30. Disiunctivis. 31. Oblitus
voti, et qui probabiliter satisfecit an teneatur
iterum ad votum. *Ib.* De dilatione voti, et quanta
dilatio requiritur ad peccandum lethaliter. 32 et
33. De voto religionis. 34. De mutatione mate-
riae voti. 35. De irratione. 36 et 37. Commu-
tatione. 38. Dispensatione. 39. De dispensatione
in bona, vel mala fide. 40. Quid si fuerit emis-
sum in favorem tertii. 41. Quid dispensatio potest
in votis. 42. Quis delegare. 43. De votis reserva-
tis. 45 et 46. De iureiurando, si est reservatum.
47. An reservata remaneat posterior materia. 48.
An votum poenale, aut conditionatum sit reser-
vatum. 49. An Papa possit dispensare in votis
solemnibus. 50. Qui voto castitatis ligatus, cor-
ripit virginem cum promissione matrim. ad quid
tenetur. X. 97. De voto paupertatis. XIII. 8 ad 14.
Castitatis. 15. Obedientiae. 16 ad 20. De obe-
dientia Monialium. 21. An votum castitatis, aut
suscipiendi Ordines solvat sponsalia. XVIII. 25.
Quid si coniux impeditur ob votum ab usu ma-
trim. 41. An Episcopi et Regulares dispensare
possint in voto castitatis. 54 ad VI. De voto so-
lemni dirim. matr. 62 ad III. An Papa in eo
dispenset. 63. Facultas Regularium circa vota et
iuramenta. XX. 108. Circa votum castit. cum con-
iugibus et sponsis. 109.

U

Usura in mutuo quid et an licita. X. 442. Lu-
crum datum gratis an possit retineri. 444. De
titulis damni et lucri cessantis. 448 ad 452. De
periculo. 453 et 454. De montibus pietatis. 455.
Titulus poenae conventio. 456 et 457. De pactis
obligatoriis. 459 ad 461. Obligatio usurariorum,
et haeredum. 462. De cooperantibus ad usuram.
463 et 464.

Usus matrim. An liceat contrahere cum dubio
impedim. XVIII. 35. An petere aut reddere cum
dubio. 56. An si nuptiae contractae sint cum
dubio. 57. An cum periculo sanitas. 58. An ob
voluptatem, aut mente adultera, aut modo in-
debito. 59. Si coniux se retrahat an peccet. 40.
Quid si loco aut tempore indebito; si tempore
praegnationis, etc. et si votum aut incestus, etc.
41. An tactus, et delectationes morosae permit-
tantur coniug. 42. Quando coniux tenetur petere.
43. Si negat semel an peccet. 44. An ne plures
filii, etc. 45. Quid si vir seminat extra vas. 47.
Si amens aut ebrius petat. De impedim. ob in-
cestum. Si cum damno sanitatis aut proliis. 49.

Uterus. An possit baptiz. puer in utero. XIV. 10.
Uxor an possit irritare vota viri. V. 56 *in fine*.
Obligatio uxoris praesertim sequendi virum.
VII. 13. De bonis uxoris. X. 8. Si vir dilapidet.
14. De furtis uxorum. 33. De alimentis eis de-
bitis. XVIII. 51. Si uxor post coitum surgit, aut
mingit, an peccet. 50.

SANCTISSIMI DOMINI NOSTRI

P I I

DIVINA PROVIDENTIA

P A P A E I X .

CONSTITUTIO

QUA

**ECCLÉSIASTICAE CENSURAE LATAE SENTENTIAE
LIMITANTUR**

PIUS EPISCOPUS

SERVUS SERVORUM DEI

AD PERPETUAM REI MEMORIAM



Apostolicae Sedis moderationi convenit, quae salubriter veterum canonum auctoritate constituta sunt, sic retinere, ut, si temporum rerumque mutatio quidpiam esse temperandum prudenti dispensatione suadeat, Eadem Apostolica Sedes congruum supremae suae potestatis remedium ac providentiam impendat. Quamobrem cum animo Nostro iampridem revolveremus, ecclesiasticas censuras, quae per modum latae sententiae, ipsoque facto incumbendae ad incolumitatem ac disciplinam ipsius Ecclesiae tutandam, effrenemque improborum licentiam coercendam et emendandam sancte per singulas aetates indictae ac promulgatae sunt, magnum ad numerum sensim excrevisse; quasdam etiam, temporibus moribusque mutatis, a fine atque causis, ob quas impositae fuerant, vel a pristina utilitate, atque opportunitate excidisse; eamque ob rem non infrequentes oriri sive in iis, quibus animarum cura commissa est, sive in ipsis fidelibus dubietates, anxietates, angoresque conscientiae; Nos eiusmodi incommodis occurrere volentes, plenam earumdem recensionem fieri, Nobisque proponi iussimus, ut diligenti adhibita consideratione, statueremus, quasnam ex illis servare ac retinere oporteret, quas vero moderari, aut abrogare congrueret. Ea igitur recensione peracta, ac Venerabilibus Fratribus Nostris S. R. E. Cardinalibus in negotiis Fidei Generalibus Inquisitoribus per universam Christianam Rempublicam deputatis in consilium adscitis, reque diu ac mature perpensa, motu proprio, certa scientia, matura deliberatione Nostra, deque Apostolicae Nostrae potestatis plenitudine, hac perpetuo valitura Constitutione decernimus, ut ex quibuscumque censuris sive excommunicationis, sive suspensionis, sive interdicti, quae per modum latae sententiae, ipsoque facto incumbendae hactenus impositae

sunt, nonnisi illae, quas in hac ipsa Constitutione inserimus, eoque modo, quo inserimus, robur exinde habeant; simul declarantes, easdem non modo ex veterum canonum auctoritate, quatenus cum hac Nostra Constitutione conveniunt, verum etiam ex hac ipsa Constitutione Nostra, non secus ac si primum editae ab ea fuerint, vim suam prorsus accipere debere.

*Excommunicationes latae sententiae speciali modo
Romano Pontifici reservatae.*

Itaque excommunicationi latae sententiae speciali modo Romano Pontifici reservatae subiacere declaramus:

1.

Omnes a christiana fide apostatas, et omnes ac singulos haereticos, quocumque nomine censeantur, et cuiuscumque sectae existant, eisque credentes, eorumque receptores, fautores, ac generaliter quoslibet illorum defensores.

2.

Omnes et singulos scienter legentes sine auctoritate Sedis Apostolicae libros eorumdem apostatarum et haereticorum haeresim propugnantes, nec non libros cuiusvis auctoris per Apostolicas litteras nominatim prohibitos, eosdemque libros retinentes, imprimentes et quomodolibet defendentes.

3.

Schismaticos et eos qui a Romani Pontificis pro tempore existentis obedientia pertinaciter se subtrahunt, vel recedunt.

4.

Omnes et singulos, cuiuscumque status, gradus seu conditionis fuerint, ab ordinationibus seu mandatis Romanorum Pontificum pro tempore existentium ad universale futurum Concilium appellantes, nec non eos, quorum auxilio, consilio vel favore appellatum fuerit.

5.

Omnes interficientes, mutilantes, percutientes, capientes, carcerantes, detinentes, vel hostiliter insequentes S. R. E. Cardinales, Patriarchas, Archiepiscopos, Episcopos, Sedisque Apostolicae Legatos, vel Nuncios, aut eos a suis Dioecesibus, Territoriis, Terris, seu Dominis ejicientes, nec non ea mandantes, vel rata habentes, seu praestantes in eis auxilium, consilium vel favorem.

6.

Impedientes directe vel indirecte exercitium iurisdictionis ecclesiasticae sive interni sive externi fori, et ad hoc recurrentes ad forum saeculare, eiusque mandata procurantes, edentes, aut auxilium, consilium vel favorem praestantes.

7.

Cogentes sive directe, sive indirecte iudices laicos ad trahendum ad suum tribunal personas ecclesiasticas praeter canonicas dispositiones: item edentes leges vel decreta contra libertatem aut iura Ecclesiae.

8.

Recurrentes ad laicam potestatem ad impediendas litteras vel acta quaelibet a Sede Apostolica, vel ab eiusdem Legatis aut Delegatis quibuscumque profecta, eorumque promulgationem vel executionem directe vel indirecte prohibentes, aut eorum causa sive ipsas partes, sive alios laedentes, vel perterrefacientes.

9.

Omnes falsarios litterarum Apostolicarum, etiam in forma Brevis ac supplicationum gratiam vel iustitiam concernentium, per Romanum Pontificem, vel S. R. E. Vice-Cancellarios seu Gerentes vices eorum aut de mandato Eiusdem Romani Pontificis signatarum: nec non falso publicantes Litteras Apostolicas, etiam in forma Brevis, et etiam falso signantes supplicationes huiusmodi sub nomine Romani Pontificis, seu Vice-Cancellarii aut Gerentis vices praedictorum.

10.

Absolventes complicem in peccato turpi etiam in mortis articulo, si alius Sacerdos, licet non adprobatus ad confessiones, sine gravi aliqua exoritura infamia et scandalo, possit excipere morientis confessionem.

11.

Usurpantes aut sequestrantes iurisdictionem, bona, redditus ad personas ecclesiasticas ratione suarum Ecclesiarum aut beneficiorum pertinentes.

12.

Invadentes, destruentes, detinentes per se vel per alios Civitates, Terras, loca aut iura ad Ecclesiam Romanam pertinentia; vel usurpantes, perturbantes, retinentes supremam iurisdictionem in eis; nec non ad singula praedicta auxilium, consilium, favorem praebentes.

A quibus omnibus excommunicationibus huc usque recensitis absolutionem Romano Pontifici pro tempore speciali modo reservatam esse

et reservari; et pro ea generalem concessionem absolvendi a casibus et censuris, sive excommunicationibus Romano Pontifici reservatis nullo pacto sufficere declaramus, revocatis insuper earumdem respectu quibuscumque indultis concessis sub quavis forma et quibuscvis personis etiam Regularibus cuiuscumque Ordinis, Congregationis, Societatis et Instituti, etiam speciali mentione dignis et in quavis dignitate constitutis. Absolvere autem praesumentes sine debita facultate, etiam quovis praetextu, excommunicationis vinculo Romano Pontifici reservatae innodatos se sciant, dummodo non agatur de mortis articulo, in quo tamen firma sit, quoad absolutos, obligatio standi mandatis Ecclesiae, si convaluerint.

Excommunicationes latae sententiae Romano Pontifici reservatae.

Excommunicationi latae sententiae Romano Pontifici reservatae subiacere declaramus:

1.

Docentes vel defendentes sive publice, sive privatim propositiones ab Apostolica Sede damnatas sub excommunicationis poena latae sententiae; item docentes vel defendentes tanquam licitam praxim inquirendi a poenitente nomen complices, prout damnata est a Benedicto XIV in Const. *Suprema* 7 Iulii 1745, *Ubi primum* 2 Iunii 1746, *Ad eradicandum* 28 Septembris 1746.

2.

Violentas manus, suadente diabolo, iniicientes in Clericos, vel utriusque sexus Monachos, exceptis quoad reservationem casibus et personis, de quibus iure vel privilegio permittitur, ut Episcopus aut alius absolvat.

3.

Duellum perpetrantes, aut simpliciter ad illud provocantes, vel ipsum acceptantes, et quoslibet complices, vel qualemcumque operam aut favorem praebentes, nec non de industria spectantes, illudque permittentes, vel quantum in illis est, non prohibentes, cuiuscumque dignitatis sint, etiam regalis vel imperialis.

4.

Nomen dantes sectae *Massonicae*, aut *Carbonariae*, aut aliis eiusdem generis sectis quae contra Ecclesiam vel legitimas potestates seu palam, seu clandestine machinantur, nec non iisdem sectis favorem qualemcumque praestantes; earumve occultos coriphaeos ac duces non denunciantes, donec noti denunciaverint.

5.

Immunitatem asyli ecclesiastici violare iubentes, aut ausu temerario violantes.

6.

Violantes clausuram Monialium, cuiuscumque generis aut conditionis, sexus vel aetatis fuerint, in earum monasteria absque legitima licentia ingrediendo; pariterque eos introducentes vel admittentes, itemque Moniales ab illa exeuntes extra casus ac formam a S. Pio V in Constit. *Decori* praescriptam.

7.

Mulieres violantes Regularium virorum clausuram, et Superiores aliosve eas admittentes.

8.

Reos simoniae realis in beneficiis quibuscumque, eorumque complices.

9.

Reos simoniae confidentialis in beneficiis quibuslibet cuiuscumque sint dignitatis.

10.

Reos simoniae realis ob ingressum in Religionem.

11.

Omnes qui quaestum facientes ex indulgentiis aliisque gratiis spiritalibus, excommunicationis censura plectuntur Constitutione S. Pii V *Quam plenum* 2 Ianuarii 1569.

12.

Colligentes eleemosynas maioris pretii pro missis, et ex iis lucrum captantes, faciendo eas celebrari in locis ubi Missarum stipendia minoris pretii esse solent.

13.

Omnes qui excommunicatione mulcantur in Constitutionibus S. Pii V *Admonet nos* quarto Kalendas Aprilis 1567, Innocentii IX *Quae ab hac Sede* pridie nonas Novembris 1591, Clementis VIII *Ad Romani Pontificis curam* 26 Iunii 1592, et Alexandri VII *Inter ceteras* nono Kalendas Novembris 1660, alienationem et infeudationem Civitatum et Locorum S. R. E. respicientibus.

14.

Religiosos praesumentes clericis aut laicis extra casum necessitatis Sacramentum extremae Unctionis aut Eucharistiae per viaticum ministrare absque Parochi licentia.

15.

Extrahentes absque legitima venia reliquias ex Sacris Coemeteriis sive Catacumbis Urbis Romae eiusque territorii, eisque auxilium vel favorem praebentes.

16.

Communicantes cum excommunicato nominatim a Papa in crimine criminoso, ei scilicet impendendo auxilium vel favorem.

17.

Clericos scienter et sponte communicantes in divinis cum personis a Romano Pontifice nominatim excommunicatis et ipsos in officiis recipientes.

*Excommunicationes latae Sententiae Episcopis
sive Ordinariis reservatae.*

Excommunicationi latae Sententiae Episcopis sive Ordinariis reservatae subiacere declaramus:

1.

Clericos in Sacris constitutos vel Regulares aut Moniales post votum solemne castitatis matrimonium contrahere praesumentes; nec non omnes cum aliqua ex praedictis personis matrimonium contrahere praesumentes.

2.

Procurantes abortum, effectu sequuto.

3.

Litteris apostolicis falsis scienter utentes, vel crimini ea in re cooperantes.

Excommunicationes latae sententiae nemini reservatae.

Excommunicationi latae sententiae nemini reservatae subiacere declaramus:

1.

Mandantes seu cogentes tradi Ecclesiasticae sepulturae haereticos, notorios aut nominatim excommunicatos vel interdictos.

2.

Laedentes aut perterrefacientes Inquisitores, denuntiantes, testes, aliosve ministros S. Officii; eiusve Sacri Tribunalis scripturas diripientes, aut comburentes; vel praedictis quibuslibet auxilium, consilium, favorem praestantes.

3.

Alienantes et recipere praesumentes bona ecclesiastica absque Beneplacito Apostolico, ad formam Extravagantis *Ambitosae* De Reb. Eccl. non alienandis.

4.

Negligentes sive culpabiliter omittentes denunciare infra mensem Confessarios sive Sacerdotes a quibus sollicitati fuerint ad turpia in quibusbet casibus expressis a Praedecess. Nostris Gregorio XV Constit. *Universi* 20 Augusti 1622, et Benedicto XIV Constit. *Sacramentum Poenitentiae* 1 Iunii 1741.

Praeter hos hactenus recensitos, eos quoque quos Sacrosanctum Concilium Tridentinum, sive reservata Summo Pontifici aut Ordinariis absolutione, sive absque ulla reservatione excommunicavit, Nos pariter ita excommunicatos esse declaramus; excepta anathematis poena in Decreto Sess. IV *De editione et usu Sacrorum Librorum* constituta, cui illos tantum subiacere volumus, qui libros de rebus Sacris tractantes sine Ordinarii approbatione imprimunt, aut imprimi faciunt.

Suspensiones latae Sententiae Summo Pontifici reservatae.

1.

Suspensionem ipso facto incurrunt a suorum Beneficiorum perceptione ad beneplacitum S. Sedis Capitula et Conventus Ecclesiarum et Monasteriorum aliique omnes, qui ad illarum seu illorum regimen et administrationem recipiunt Episcopos aliosve Praelatos de praedictis Ecclesiis seu Monasteriis apud eandem S. Sedem quovis modo provisos, antequam ipsi exhibuerint Litteras apostolicas de sua promotione.

2.

Suspensionem per triennium a collatione Ordinum ipso iure incurrunt aliquem Ordinantes absque titulo beneficii, vel patrimonii cum pacto ut ordinatus non petat ab ipsis alimenta.

3.

Suspensionem per annum ab ordinum administratione ipso iure incurrunt Ordinantes alienum subditum, etiam sub praetextu beneficii statim conferendi, aut iam collati, sed minime sufficientis, absque eius Episcopi litteris dimissorialibus, vel etiam subditum proprium, qui alibi tanto tempore moratus sit, ut canonicum impedimentum contrahere ibi potuerit, absque Ordinarii eius loci litteris testimonialibus,

4.

Suspensionem per annum a collatione ordinum ipso iure incurrit, qui excepto casu legitimi privilegii, ordinem Sacrum contulerit absque titulo beneficii vel patrimonii clerico in aliqua Congregatione viventi, in qua sollemnis professio non emittitur, vel etiam religioso nondum professo.

5.

Suspensionem perpetuam ab exercitio ordinum ipso iure incurrunt Religiosi eiecti, extra Religionem degentes.

6.

Suspensionem ab Ordine suscepto ipso iure incurrunt, qui eundem ordinem recipere praesumpserunt ab excommunicato vel suspenso, vel interdicto nominatim denunciatis, aut ab haeretico vel schismatico notorio: eum vero qui bona fide a quopiam eorum est ordinatus, exercitium non habere ordinis sic suscepti, donec dispensetur, declaramus.

7.

Clerici saeculares exteri ultra quatuor menses in Urbe commorantes ordinati ab alio quam ab ipso suo Ordinario absque licentia Card. Urbis Vicarii, vel absque praevio examine coram eodem peracto, vel etiam a proprio Ordinario posteaquam in praedicto examine reiecti fuerint; nec non clerici pertinentes ad aliquem e sex Episcopatibus suburbicariis, si ordinentur extra suam dioecesim, dimissorialibus sui Ordinarii ad alium directis quam ad Card. Urbis Vicarium; vel non praemissis, ante Ordinem Sacrum suscipiendum, exercitiis spiritualibus per decem dies in domo urbana Sacerdotum a Missione nuncupatorum, suspensionem ab ordinibus sic susceptis ad beneplacitum S. Sedis ipso iure incurrunt, Episcopi vero ordinantes ab usu Pontificalium per annum.

Interdicta latae Sententiae reservata.

1.

Interdictum Romano Pontifici speciali modo reservatum ipso iure incurrunt Universitates, Collegia et Capitula, quocumque nomine nuncupentur, ab ordinationibus seu mandatis eiusdem Romani Pontificis pro tempore existentis ad universale futurum Concilium appellantis.

2.

Scienter celebrantes vel celebrari facientes divina in locis ab Ordinario, vel delegato Iudice, vel a iure interdictis, aut nominatim excommunicatos ad divina officia, seu ecclesiastica sacramenta, vel

ecclesiasticam sepulturam admittentes, interdictum ab ingressu Ecclesiae ipso iure incurrunt, donec ad arbitrium eius cuius sententiam contempserunt, competenter satisfecerint.

Denique quoscumque alios Sacrosanctum Concilium Tridentinum suspensos aut interdictos ipso iure esse decrevit, Nos pari modo suspensioni vel interdicto eosdem obnoxios esse volumus et declaramus.

Quae vero censurae sive excommunicationis, sive suspensionis, sive interdicti Nostris, aut Praedecessorum Nostrorum Constitutionibus, aut sacris canonibus praeter eas, quas recensuimus, latae sunt, atque hactenus in suo vigore perstiterunt sive pro R. Pontificis electione, sive pro interno regimine quorumcumque Ordinum et Institutorum Regularium, nec non quorumcumque Collegiorum, Congregationum, coetuum locorumque piorum cuiuscumque nominis aut generis sint, eas omnes firmas esse, et in suo robore permanere volumus et declaramus.

Ceterum decernimus, in novis quibuscumque concessionibus ac privilegiis, quae ab Apostolica Sede concedi cuivis contigerit, nullo modo ac ratione intelligi unquam debere, aut posse comprehendere facultatem absolvendi a casibus, et censuris quibilibet Romano Pontifici reservatis, nisi de iis formalis, explicita, ac individua mentio facta fuerit: quae vero privilegia aut facultates, sive a Praedecessoribus Nostris, sive etiam a Nobis cuilibet Coetui, Ordini, Congregationi, Societati et instituto, etiam regulari cuiusvis speciei, etsi titulo peculiari praedito, atque etiam speciali mentione digno a quovis unquam tempore huc usque concessae fuerint, ea omnia, easque omnes Nostra hac Constitutione revocatas, suppressas, et abolitas esse volumus, prout reapse revocamus, supprimimus, et abolemus, minime refragantibus aut obstantibus privilegiis quibuscumque, etiam specialibus, comprehensis, vel non in corpore iuris, aut Apostolicis Constitutionibus, et quavis confirmatione Apostolica, vel immemorabili etiam consuetudine, aut alia quacumque firmitate roboratis, quibilibet etiam formis ac tenoribus, et cum quibusvis derogatoriis derogatoriis, aliisque efficacioribus et insolitis clausulis, quibus omnibus, quatenus opus sit derogare intendimus et derogamus.

Firmam tamen esse volumus absolvendi facultatem a Tridentina Synodo Episcopis concessam *Sess. XXIV cap. VI de reform.* in quibuscumque censuris Apostolicae Sedi hac Nostra Constitutione reservatis, iis tantum exceptis, quas Eidem Apostolicae Sedi speciali modo reservatas declaravimus.

Decernentes has Litteras, atque omnia et singula, quae in eis constituta ac decreta sunt, omnesque et singulas, quae in eisdem factae

sunt ex anterioribus Constitutionibus Praedecessorum nostrorum, atque etiam Nostris, aut ex aliis sacris Canonibus quibuscumque, etiam Conciliorum Generalium, et ipsius Tridentini mutationes, derogationes, suppressiones atque abrogationes ratas et firmas, ac respective rata atque firma esse et fore, suosque plenarios et integros effectus obtinere debere ac reapse obtinere; sicque et non aliter in praemissis per quoscumque Iudices Ordinarios, et Delegatos, etiam Causarum Palatii Apostolici Auditores, ac S. R. E. Cardinales etiam de Lātere Legatos, ac Apostolicae Sedis Nuntios, ac quosvis alios quacumque praeminentia ac potestate fungentes, et functuros, sublata eis, et eorum cuilibet quavis aliter iudicandi et interpretandi facultate, et auctoritate, iudicari, ac definiri debere; et irritum atque inane esse ac fore quidquid super his a quoquam quavis auctoritate, etiam praetextu cuiuslibet privilegii, aut consuetudinis inductae vel inducendae, quam abusum esse declaramus, scienter vel ignoranter contigerit attentari.

Non obstantibus praemissis, aliisque quibuscumque ordinationibus, constitutionibus, privilegiis, etiam speciali et individua mentione dignis, nec non consuetudinibus quibuscumque, etiam immemorabilibus, ceterisque contrariis quibuscumque.

Nulli ergo omnino hominum liceat hanc paginam Nostrae Constitutionis, Ordinationis, limitationis, suppressionis, derogationis, voluntatis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei et Beatorum Petri et Pauli Apostolorum eius, se noverit incursurum.

Datum Romae apud S. Petrum anno Incarnationis Dominicae Millesimo Octingentesimo Sexagesimo Nono, Quarto Idus octobris, Pontificatus nostri anno vigesimo quarto.

MARIUS CARD. MATTEI Pro-Datarius — **N. CARD. PARACCIANI CLARELLI**

Visa de Curia
DOMINICUS BRUTI

Loco † Plumbi

I. CUGNONI

V. Imprimatur; concordat enim cum editione Romana approbata.
Taurini, 28 iunii 1870.

IOSEPH ZAPPATA Vic. Gen.

INDEX

TOTIUS OPERIS

Introductio	1	P. 5. de cooperatione materiali	81
TRACT. I. DE CONSCIENTIA		Cap. III. de religione, et vitiis ei oppositis.	83
Cap. I. De conscientia recta, erronea, perplexa, et scrupulosa.	2	P. 1. de superstitione.	ib.
Cap. II. de conscientia dubia.	6	P. 2. de irreligiositate.	85
Cap. III. de conscientia probabili.	8	TRACT. V. DE SECUNDO PRAECEPTO DECALOGI	
TRACT. II. DE LEGIBUS		Cap. I. de blasphemia.	90
Cap. I. de natura legis.	32	Cap. II. de iuramento.	107
Cap. II. de obligatione quam inducit lex.	37	Cap. III. de voto.	110
Cap. III. de iis qui possunt leges ferre.	42	TRACT. VI. DE TERTIO PRAECEPTO DECALOGI	
Cap. IV. de iis qui tenentur legibus	44	Cap. I. de obligatione tertii praecepti memento etc.	118
Cap. V. Quae causae excusent a praecepti transgressionem.	45	Cap. II. de abstinentia ab operibus servilibus.	120
Cap. VI. de dispensatione.	46	P. 1. de operibus prohibitis in die festo.	ib.
Punct. 1. de iis qui possunt dispensare.	48	P. 2. de casibus quibus permittuntur opera servilia die festo	121
P. II. quot modis potest cessare dispensatio.	50	Cap. III. de obligatione audiendi sacrum	124
Cap. VII. de legis cessatione, interpretatione, et epikeia.	51	P. 1. Quomodo huic obligationi satisfaciendum est.	ib.
Cap. VIII. de consuetudine.	54	Appendix de oratoriis privatis.	128
TRACT. III. DE ACTIBUS HUMANIS, ET PECCATIS		P. 2. Quae excusant ab auditione Sacri.	130
Cap. I. de actibus humanis.	56	TRACT. VII. DE QUARTO PRAECEPTO DECALOGI	
Cap. II. de peccatis.	59	Cap. I. de filiorum obligatione	132
P. 1. de peccatis in genere	ibid.	Cap. II. ad quid tenentur parentes et fratres.	133
P. 2. de peccatis in particulari, de desiderio, complacentia, et delectatione morosa.	67	Cap. III. ad quid tenentur domini servi et coniuges.	134
P. 3. de peccatorum distinctione. 1. Quoad speciem, 2. quoad numerum.	70	Cap. IV. ad quid tenentur pastores animarum	137
P. 4. de peccato mortali et veniali	73	P. 1. de paroch. obligationibus	ib.
TRACT. IV. DE PRIMO PRAECEPTO DECALOGI		P. 2. de Episcopi muneribus.	149
Cap. I. de virtutibus theologalibus	75	TRACT. VIII. DE QUINTO PRAECEPTO DECALOGI	
Cap. II. de charitate erga proximum	78	Cap. I. de occisione sui ipsius.	159
P. 1. de dilectione inimicorum	79	Cap. II. de occisione proximi.	162
P. 2. de eleemosyna.	ib.		
P. 3. de fraterna correctione	80		
P. 4. de scandalo.	81		

Cap. III. <i>de duello et bello.</i>	175
P. 1. <i>de duello.</i>	ib.
P. 2. <i>de bello.</i>	176

TRACT. IX. DE SEXTO PRAECEPTO
DECALOGI

P. 1. <i>de tactibus, aspectibus, et verbis turpibus.</i>	178
P. 2. <i>de actibus turpibus consummatis naturalibus.</i>	180
P. 3. <i>de actibus turpibus consummatis contra naturam.</i>	183

TRACT. X. DE SEPTIMO PRAECEPTO
DECALOGI

Cap. I. <i>de iustitia iure et dominio</i>	186
Cap. II. <i>de furto.</i>	192
P. 1. <i>de essentia furti.</i>	ib.
P. 2. <i>de quantitate furti ut sit materia gravis.</i>	194
Cap. III. <i>de restitutione.</i>	198
P. 1. <i>unde oritur restitutio, et ob quam culpam illa debetur.</i>	ib.
P. 2. <i>de iis qui restituere tenentur.</i>	200
P. 3. <i>cui facienda est restitutio.</i>	206
P. 4. <i>quid restituendum est a possessore bonae fidei, et quid a possessore malae fidei.</i>	209
P. 5. <i>quid restituendum pro homicidio.</i>	212
P. 6. <i>quid restituendum ob stuprum.</i>	214
P. 7. <i>quid restitui debet ob adulterium.</i>	217
P. 8. <i>de tempore et modo restitutionis.</i>	219
P. 9. <i>de ordine personarum quibus restitutio prius facienda est.</i>	220
P. 10. <i>quae causae excusant a restitutione.</i>	222
Cap. IV. <i>de contractibus.</i>	225
P. 1. <i>de contractu in genere.</i>	ib.
P. 2. <i>de promissione et donatione</i>	227
P. 3. <i>de commodato precario et deposito.</i>	229
P. 4. <i>de mutuo et usura.</i>	ib.
P. 5. <i>de emptione et venditione.</i>	235
P. 6. <i>de negotiatione.</i>	240
P. 7. <i>de censu.</i>	241
P. 8. <i>de cambio, locatione, emphyteusi, feudo et libello.</i>	243
P. 9. <i>de sponsione et ludo.</i>	244
P. 10. <i>de societate.</i>	247
P. 11. <i>de assecuratione, fideiussione, pignore, hypotheca, tutela, et testamentis.</i>	249

TRACT. XI. DE OCTAVO PRAECEPTO
DECALOGI

Cap. unic. <i>de iudicio temerario, contumelia et detractione.</i>	251
P. 1. <i>de iudicio temerario.</i>	ib.
P. 2. <i>de contumelia.</i>	ib.
P. 3. <i>de detractione.</i>	252

TRACT. XII. DE PRAECEPTIS ECCLESIAE

Cap. 1. <i>de ieiunio ecclesiastico.</i>	257
P. 1. <i>de ieiunii obligatione.</i>	ib.
P. 2. <i>de causis excusantibus a ieiunio.</i>	266
Cap. II. <i>de praecepto confessionis et communionis annuae.</i>	271

TRACTATUS XIII.

DE PRAECEPTIS PARTICULARIBUS CERTO
HOMINUM STATUI PROPRIIS

Cap. I. <i>de statu religioso.</i>	275
P. 1. <i>de obligatione professionis religiosae.</i>	ib.
P. 2. <i>de votorum obligatione.</i>	277
P. 3. <i>Cuiusmodi ingredi religionem vetitum est.</i>	284
Cap. II. <i>de statu clericali.</i>	287
P. 1. <i>Cuiusmodi conferri possint et debeant beneficia.</i>	ib.
P. 2. <i>de qualitate et obligatione beneficiatorum, et quot modis beneficia amittuntur.</i>	293
Cap. III. <i>de statu, et officiis nonnullorum saecularium.</i>	301
P. 1. <i>de iudicibus et scribis.</i>	ib.
P. 2. <i>de advocatis, et procuratoribus.</i>	303
P. 3. <i>de accusatoribus, testibus et reo.</i>	305

TRACT. XIV. DE SACRAMENTIS IN GENERE
ET PRAESERTIM DE BAPTISMO
ET CONFIRMATIONE

Cap. I. <i>de sacramentis in genere.</i>	311
Cap. II. <i>de sacramento baptismi</i>	314
P. 1. <i>de materia, forma et ministro baptismi.</i>	ibid.
P. 2. <i>de iis qui baptizare possunt</i>	319
P. 3. <i>de patrinis et eorum munere</i>	322
Cap. III. <i>de confirmatione.</i>	325

TRACTATUS XV.

DE SACRAMENTO EUCHARISTIAE

Cap. I. <i>de essentia eucharistiae.</i>	331
Cap. II. <i>de administ. eucharistiae.</i>	334

Cap. III. de perceptione eucharist.	339
P. 1. de obligatione sumendi eucharistiam.	ib.
P. 2. de animae dispositione.	ib.
P. 3. de dispositione corporis.	345
Cap. IV. de sacrificio missae.	353

TRACTATUS XVI.

DE POENITENTIAE SACRAMENTO

Cap. I. de materia et forma.	369
Cap. II. de contritione et proposito.	372
P. 1. de contritione.	ib.
P. 2. de proposito.	379
Cap. III. de confessione.	381
P. 1. de conditionibus confess.	ib.
P. 2. quandonam confessio sit invalida, et quomodo revalidanda est.	389
Cap. IV. de satisfactione, sive de poenitentia.	391
P. 1. de impositione poenitentiae.	ib.
P. 2. de acceptatione et satisfactione poenitentiae.	396
P. 3. de satisfact. per indulgent.	399
Cap. V. de ministro sacramenti poenitentiae.	403
P. 1. de approbatione confessarii.	404
P. 2. de iurisdictione confessarii.	406
Cap. VI. de officio et aliis muneribus confessarii.	415
Cap. VII. de casuum reservatione.	432
Cap. VIII. de sigillo confessionis.	439
Cap. IX. de sollicitatione in confes.	449
P. 1. expenduntur clausulae appositae in bulla Gregorii.	450
P. 2. qui denuntiari debent.	452
P. 3. quis tenetur ad denuntian.	454
P. 4. de sollicitationibus dubiis.	456

TRACT. XVII. DE SACRAMENTIS EXTREMAE-UNCTIONIS ET ORDINIS

Cap. I. de extrema-unctione.	458
Cap. II. de sacramento ordinis.	465

TRACTATUS XVIII.

DE SACRAMENTO MATRIMONII

Cap. I. de sponsalibus.	468
P. 1. de natura sponsaliorum.	ib.
P. 2. de sponsaliorum obligatione.	472
P. 3. de sponsaliorum dissolutione.	474
Cap. II. de matrimonio.	480
P. 1. de materia, forma et ministro matrimonii.	ibid.
P. 2. de usu licito matrimonii.	485
P. 3. de usu praecepto matrimonii.	489

P. 4. de impedimentis impedientibus.	492
P. 5. de impedimentis dirimentibus.	496
P. 6. de matrimonii irriti revalidatione.	507
P. 7. de dispensatione super impedimentis matrimonii.	511
Cap. III. de divortio.	514

TRACTATUS XIX.

DE CENSURIS ET IRREGULARITATIBUS

Cap. I. de censuris in genere.	519
P. 1. de censurarum emanatione.	ib.
P. 2. de absolutione a censuris.	524
Cap. II. de censuris in specie.	526
P. 1. de excommunicatione maiori.	ib.
P. 2. de excommunicatione minori, et eius effectibus.	530
P. 3. de excommunicationibus non reservatis.	535
P. 4. de suspensione, degradatione sive depositione, de interdicto, et cessatione a divinis.	553
Cap. III. de irregularitate.	556
P. 1. quid et quotuplex sit irregularitas.	ib.
P. 2. effectus irregularitatis.	557
P. 3. quomodo incurritur irregularitas.	ib.
P. 4. quaenam sint irregularitates ex delicto.	561
P. 5. de irregularitate ex defectu.	567

TRACT. XX. DE PRIVILEGIIS

Cap. I. de privilegiis in communi.	577
Cap. II. de privilegiis ecclesiast.	583
Cap. III. de privilegiis episcoporum.	586
Cap. IV. de privilegiis regularium.	603
P. 1. de privilegiis spectantibus ad omnes regulares in communi.	ib.
P. 2. de privilegiis regularium in particulari.	613

TRACT. XXI. DE CHARITATE, ET PRUDENTIA CONFESSARII

Punctum unicum.	624
-----------------	-----

TRACT. ULT. QUOMODO SE GERERE DEBEAT CONFESSARIUS CUM POENITENTIBUS DIVERSORUM GENERUM

Caput unicum.	627
P. 1. quomodo se gerere debeat confessarius cum iis qui sunt in proxima occasione peccandi.	ib.

- P. 2. quomodo se gerere debeat confessarius cum habituat, et recidivis.** 632
- P. 3. de nonnullis interrog. faciendis a confess. parum meticulousae conscientiae poenitentibus.** 638
- P. 4. quomodo cum pueris, adolescentibus, et puellis.** 648
- P. 5. quomodo se gerere debeat cum personis devotis.** 650
- P. 6. quomodo debeat se gerere confessarius cum mutis et surdis** 652
- P. 7. quomodo se gerere debeat cum moribundis.** ib.
- P. 8. quomodo se gerere debeat cum capite damnatis.** 653
- P. 9. quomodo se gerere debeat confessarius cum infestatis a daemone.** 654
- P. 10. quomodo se gerere debeat confess. in excipiendis confessionibus mulierum.** 657

APPENDIX I. QUOMODO SE GERERE DEBEAT CONFESSARIUS IN DIRIGENDIS ANIMABUS SPIRITUALIBUS

- §. 1. de oratione meditationis** 659
- §. 2. de oratione contemplationis, et diversis suis gradibus.** 661
- §. 3. de mortificatione.** 671
- §. 4. de frequentia sacrament.** 673
- §. 5. methodus vitae pro aliqua monialiquae exposceret dirigi per viam perfectionis.** 678

APPENDIX II.

DE ASSISTENTIA ERGA MORIBUNDOS

- §. 1. monita ad sacerdotem assistentem.** 682
- §. 2. remedia adversus tentationes.** 683
- §. 3. varia motiva, et affectus aegrotis suggerendi.** 686

- §. 4. monita circa ultima sacramenta, et modum quo utiliter recipi possunt.** 689
- §. 5. monita circa agonem, et mortem.** 693
- §. 6. affectus qui suggeri possunt agonis, et expirationis tempore** 694
- §. 7. imminentes mortis signa** 695
- §. 8. et ultimus. Preces, actus christiani, et benedictiones.** 696

APPENDIX III. EXAMEN ORDINANDORUM

- Cap. I. de sacramentis in genere** 699
- Cap. II. de sacramento ordinis in genere.** 705
- Cap. III. de ordinibus in specie.** 712
- Art. 1. de prima tonsura.** ib.
- Art. 2. de ordinibus minoribus.** 714
- Sectio 1. de ostiariatu.** ib.
- Sect. 2. de lectoratu.** ib.
- Sect. 3. de exorcistatu.** ib.
- Sect. 4. de acolythatu.** 715
- Art. 3. de ordinibus maioribus.** ib.
- Sect. 1. de subdiaconatu.** ib.
- §. 1. de voto castitatis.** 716
- §. 2. de horis canonicis.** ib.
- §. 3. de censuris in genere.** 722
- §. 4. de censuris in specie.** 723
- Sectio 2. de diaconatu.** 726
- Sectio 3. de presbyteratu.** ib.
- §. 1. de ordine presbyteratus.** 727
- §. 2. de sacrificio missae.** 728
- §. 3. de potestate sacerdotis.** 739
- §. 4. de munere docendi et praedicandi.** 740

APPENDIX IV. DE NONNULLIS MONITIS NOTABILIORIBUS AD CONFESSARIOS ET PAROCHOS: ADIECTA PRAXI ORATIONIS MENTALIS

- §. 1. monita ad confessarios.** 741
- §. 2. monita ad parochos.** 746
- §. 3. brevis praxis orationis mentalis.** 748

PROPOSITIONES DAMNATAE

- Ab Alexandro Papa VII.** 753
- A SS. Papa Innocentio XI.** 756
- Ab Alexandro VIII.** 759

APPENDIX V.

Sanctissimi Domini Nostri Pii divina Providentia Papae IX Constitutio qua ecclesiasticae censurae latae sententiae limitantur . . . pag. 794

141 - F. 6





